




1
y
26.

119
9229 bis

J²/673.

104632

Drijat.



104
CANTONICARUM

ALMA MATER

UNIVERSITY OF

ALMA MATER

UNIVERSITY OF

ALMA MATER

UNIVERSITY OF

ALMA MATER



ALMA MATER

UNIVERSITY OF

ALMA MATER

UNIVERSITY OF

PRÆNOTIONUM CANONICARUM.

LIBRI QUINQUE:

QUIBUS SACRI JURIS,
Atque universi Studii Ecclesiastici Principia,
& Adminicula enucleantur.

Exarabat JOANNES DOUIAT Antecessorum Parisiensium, ac Regionum
Professorum Primicerius, eoque nomine Comes.

EDITIO SECUNDA.



PARISIIS,

Apud ANTONIUM DEZALLIER, viâ San-Jacobæ, sub Signo
Coronæ Auræ.

M. DC. XCVII.

CUM PRIVILEGIO SACRÆ REGIÆ MAJESTATIS.

Bibliothèque de la Ville de Paris

De la Bibliothèque de la Ville de Paris

THE UNIVERSITY OF

CHICAGO

LIBRARY

OF THE

UNIVERSITY OF CHICAGO

OF THE

UNIVERSITY OF CHICAGO

OF THE

UNIVERSITY OF CHICAGO

OF THE

UNIVERSITY OF CHICAGO

CHICAGO



ILLUSTRISSIMIS ET REVERENDISSIMIS
**ARCHIEPISCOPIS,
 EPISCOPIS,**

COETERISQUE ADMODUM VENERANDIS
ECCLESIAE GALLICAE PRÆLATIS.



JOANNES DOUJAT Antecessor, Salutem.

Epistola de
 adornandis
 Præparato-
 riis Sacri Stu-
 dii adjumen-
 tis.



ILLUSTRISSIMI DOMINI,

Cum ad illustranda Ecclesiastica, & præsertim Canonica studia, docti viri complures, hoc & superiore seculo, per insuetum prioribus iter ingressi, multum industria, maximo cum fructu, attulerint: animadvertere licet, quorum ea in re lucubrationes majori apud eruditos in pretio sunt, & præ aliis expetuntur; eos magna ex parte Academicarum Gallia Principum duarum, Parisiensis, ac Tolosana, vel Antecessores, vel certe post assiduum ac diuturnum juris studium, Doctores fuisse. Eminent inter priores Ioannes Quintinus, Antonius Contius, Iacobus Cujacius, Petrus Gregorius, Ioannes Dartis, Ioannes Corasius, Franciscus

*1. A Parisien-
 sibus & Tolosa-
 nis Doctores
 præsertim illu-
 strari ceptum fuit
 Canonicum.*

EPISTOLA

Florens, Ioannes Darvezanus, Guilielmus Maranus, Ioannes à Costa, Antonius Dadinus Altaferra: inter hos verò, dignitatibus sacris, aut civilibus, ob probitatis simul, ac doctrina singularis ornamenta, decorati, vel novum potius iis decus addentes, Illustrissimi viri Ioannes Stephanus Durantius Primus Tolosani Senatus Praeses, Petrus de Marca Archiepiscopus primum Tolosanus ac tandem Parisiensis, Franciscus Bosquetus Montis-Pessulani Episcopus, cumque his Innocentius Cironius, Ecclesia & Academia Tolosana Cancellarius; quos nominasse pro elogio sit.

2. Morum ego exemplo, de iuvando sacro studio cogitavi.

II. Ego qui studiorum meorum primordia Tolosana, fructum nunc omnem Parisiensi studiorum Universitati debeam, ex quo Iuris in hae publice profitendi mihi provincia obigit, totantisque Viris, quibuscum, sive usriusque, sive alterius Academiae communionem conjunctus essem, vestigiis, pro tenuitate mea, inhaerere constitui. Atque, ut quam natus eram spartam, ornarem: ad hac sacra Symbolam mihi quoque meam conferendam; uberrimisque tot juris nostri herorum mestrbus, non inutilia, ut spero, spicilegia quadam adjicienda putavi.

3. Tum emendando Juris Canonici contextu.

III. Primum enim videbam in ipso Canonici Juris Contextu, quantumvis sanctissimi, eruditissimique ex Antecessore Pontificis Gregorii XII. curâ emendato, adhuc à peritis deprehendi, quas secundas curas requirerent: in ejusdem systematis Canonici Glossis, ut vocant, hallucinantium commentatorum veterum errores, haud sanè paucos occurrere; quos paulo exactius indicari è studio foret.

4. Tum edendo Codice praeceptorum Conciliorum.

IV. Noveram praterà esse qui vastum illum Canonum Factorum, per tot Conciliorum, & Pontificiarum Epistolarum volumina, latè sparsum apparatus, (ubi eadem scita, ut magno ad instaurandam identidem disciplinam usu, ita exigua ad doctrinam fructum accessione, centies iterata leguntur;) nec omnibus clericis comparatu facilem, & quotidiano usus minùs accommodatum, ad justam brevisatcm ita contrahi putarent oportere, ut cum omni ab universa Ecclesia jam olim recepto jure, quae unaquaque sibi natio, aut Ecclesia specialiter constituit, aut recepit, communia, inquam, propriaque Decreta, in unum aut alterum volumen, cum non mediocri ad sincera Canonum scientia, puraque disciplina notitiam anhelantium commodo, redigerentur.

5. Concinnandis denique necessariis generatim promptuariis.

V. Deinde non leves in unoquoque propè juris ejusdem capite difficultates occurrere, quarum asperitate ab hoc studio multi deterrentur: eas unâ semel operâ, vel tolli vel ex parte.

AD CLERI GALLICANI ANTISTITES.

minus, valde conducere. Quod quidem accuratis in singulis Canones, seu Capitula, commentariis perfici posse nemo inficiabitur. Verum cum longior in his, tum scriptoris, tum lectoris opera requiratur; ex hoc præterea commentandi genere duplex videtur incommodum oriri: tum quod iisdem difficultatibus sæpius occurrentibus, monita eadem sæpius intulcanda necessarii sunt, atque ad nauseam repetenda: tum quod que nobis cum Theologis, Iuris Civilis consulis, humaniorum etiam literarum studiosis communia sapenumero sunt, cunctisque usui esse possunt; ea si ad suorum quaque Canonum tantum interpretationem conferantur, nostri dumtaxat juris studiosis patebunt. His autem incommodis remedium adhiberi posse, compositis ex arte didactica Isagogicis aliquot, & phylologicis, historicisque quasi promptuariis, quibus generalia præcepta certo digesta ordine comprehenderentur.

His animadversis, ad ea ego singula sic animum adieci, ut eorum operum quadam parata jam, aut affecta habeam: cætera, Deo annuente, paucos intra annos, magna ex parte, saltem pro capiti meo, absolvi à me posse non dissidam.

VI. Etenim Juris Pontificii nova EDITIONEM, superioribus emendatiorem utilioreque, speraveram brevi adornari posse, si Notis illustrium virorum, sive ad marginem complurium editionum, sive scorsim vulgatis, adderentur ab eruditissimis, Illustrissimi D. Bosqueti Episcopi Montis, Pessulani Annotationes: hisque præterea, opera & labore nostro accederet, tum ipsius contextus emendatio, cum singulorum canonum Chronologia, & Geographia; tum manifestorum glossa menderum suis locis annotatio, aliæque mihi comparata longâ meditatione adminicula.*

VII. Ad nostri deinde Cleri usum, ex pluribus Codicibus Canonum veteribus, quos multis sæculis usu receptos, & quorum decretis viguisse in Gallia Ecclesiasticam disciplinam demonstrari, aut certe conjici possit, adjectis, quæ recentior usus invexit, designatum, ac propè coagmentatum habeo CODICEM CANONUM ECCLESIAE GALLICANÆ: qui haud nimis magna molis futurus, cuncta nihilominus, tam ad fori Episcopalis, ac sæpe etiam Civilis, controversias dirimendas, quam ad sacram omnem potestatem administrandam necessaria contineret. Cuius operis leve à me jam datum est Specimen, in posteriorum temporum constitutionibus, quarum maximus nunc in Gallia usus.

VIII. Iam verò difficultatum, quæ in singulis Iuris Canonici, atque Historia Ecclesiastica, (cum eo haud dubiè coniungenda) en-

6. Hinc Nova
Juris Canonici
Editio.

* Ea Editio, quam ego ante complures annos agitabam animo, & quæ ob lucubrationum illustri-
mo Piziolis Montis
Pessulani expectatio-
nem diu in pendenti
fuerat, postquam ita
subtrahere, aut quon-
que modo dehcem-
bus, ea est adimpla-
spes, à aliunde nunc
magna ex parte con-
fecta est illustri-
D. C. Ludov. Pelleri
benemerite, superdu-
tati è domo libe-
bliothecæ peno, erit
mis Institutionum
Prætorum Pothæorum
Notis. Quæ de re in
fine huius operis sua
differunt.

7. Consciendus
Codex Canonum
Ecclesiæ Galli-
cane.

8. Ad perci-
pienda, solven-
daque diffi-
cultates con-
cordandi
generales appa-
ratur.

pitibus, siue articulis, studiosos remorantur, maxima pars ex qua-
druplici ferme ignorantis genere manare mihi visa est. Nam
aut Historia latet Canonum ipsorum, operumve ex quibus de-
promptum est unumquodque decretum: vel res eas de quibus in
singulis Canonibus agitur, nescimus, quod ignotis saepe voca-
bulis exprimantur: vel Locorum, in quibus res quaque gesta,
sancitave sunt; aut denique Temporum, & Personarum, qua
hic ibi memorantur, certam notitiam non habemus. Hos tene-
brarum, ut ita dicam, fontes, siue potius abyssos, qui recluserit,
vel exhausserit, is, ni fallor, sani cujusque iudicio, de re Eccle-
siastica non omnino malè meritis fuerit. Ex his enim non raro
decisionis tota ratio pendet, & ad concilianda, qua inter se pu-
gnare videntur, via patet certissima: nec alia magis de causa,
quam ex harum rerum imperitia, in causis plerumque perspicuis
cæcutientes superiorum temporum interpretes, à scopo toties aber-
raverunt; mentemque Pontificiorum Decretorum parum assequuti,
in alia omnia detorsere.

His quatuor difficultatum generibus, qua negotium titoni-
bus faecessunt, totidem operibus, qua totius Ecclesiastica literatura
penus quadam, & Apparatum instar sint, posse idoneam lucem,
& generalem quandam explanationem afferri existimavi.

9. Huc spectans
hæ nostra Præno-
tiones Canonica.

IX. Aggressus itaque (quod maxime urgere arbitratum sum)
difficultates, ex ignorata Canonis cujusque historia manantes, re-
secare: hos PRÆNOTIONUM CANONICARUM libros quinque
exaravi, quibus Iuris Sacri Principia discutiuntur: atque im-
primis ejus quatuor velus Promptuaria sigillatim expenduntur, brevi
enarratione historica librorum sacre Scriptura, Conciliorum Gene-
ralium, & localium, quorum receptus est usus; Pontificiarum San-
ctionum; Tractatum à Patribus Græcis, & Latinis conscripto-
rum, quorum sententia ab universa Ecclesia probata, vim Iuris
obtinent. Addita est enumeratio Commentariorum, qua horum
quinque Seculorum Iurisperiti, de Iure Canonico ediderunt,
una cum necessario de cujusque operis, scriptorisve autoritate,
iudicio: & aliis, qua cuncta Theologia, perinde ac Canonum
cupidis perutilia procul dubio erunt.

10. Addi po-
tuit Glossarium
Ecclesiasticum.

X. Sequitur, quod VOCUM CANONICÆ ARTIS peculia-
rium, aliarumque autoribus Ecclesiasticis usurpatarum, cogni-
tionem impertiatur, GLOSSARIUM ECCLESIASTICUM: quo sci-
licet ex principum Glossographorum, & Criticorum, aliorumque
optimorum autorum, atque imprimis Clarissimi eruditissimi que

AD CLERI GALRICANI ANTISTITES.

Viri Caroli Cangei, auctoritate, nostraque sententiâ, explicantur vocabula qua in Latinis, Græcisque Conciliis, Patrum operibus, Pontificum Romanorum Constitutionibus, sacræ Historiæ occurrunt, classis auctoribus vel incognita, vel certè non eodem sensu accepta; siue ea rituum, ordinum, dignitatum, vasorum, ornamentorum, aliarumque rerum Ecclesiasticarum propria sint: siue ex mediæ barbaricè hausta, & à sequioris ætatis scriptoribus usurpata, quæ res quasque notis apud suos appellationibus designantur, ut ignorantia, tum occasionem, tum prætextum cunctis adimerent.

XI. Loca deinde explanabis GEOGRAPHIA ECCLESIASTICA; qua Provinciæ, ac Civitatum, seu Episcopatum veterum, & recentiorum; Abbatiarum quoque, illustrium præsertim, & antiquiorum; Locorumque aliorum Nomenclaturam continebit; ad mentem, & ex auctoritate non lætissimum modò Geographorum, tum præcorum, tum recentiorum; sed & variorum omnis generis auctorum: quo quidem opere cum sacra, tum profana, mediis præsertim ævis, & Francorum maximè, Historia illustrabitur. Eo quidem in argumento complures, fateor, viri eruditi jam antea desudarunt; atque imprimis, (præter eos qui Geographica in universum attigerunt) Aubertus Miræus Canonicus Antuerpiensis, Carolus Vialar Episcopus Abrincensis, à S. Paulo dictus, Philip. Labbe & Lucas Holstenius Hamburgensis, Vaticana Bibliotheca præfatus. Verumtamen qualemcumque meam in hoc genere operam non improbatum iri, sed opus ipsum, si absolvit à me indulserit propitium numen, brevitate suâ, ordinisq; facilitate, ac locupletis, nec omnino penitendâ accessione, multis usui fore confido. Ejus ego aliquod Specimen jamdiu edidi, exiguum quidem illud, sed ex quo totum opus æstimari facile possit.

II. Geographia
isem Ecclesiasti-

XII. Denique ad PERSONARUM notitiam apprimè conducet, HISTORIA EPISCOPALIS, ET MONASTICA ABREVIATA; quâ fidei Christiana, & Religiosorum Ordinum, per provincias, ac diversa loca, cum origine, progressus breviter aperietur: subiecto indice tam Præsulum, atque Abbatum, quam Principum, aliorumque utriusque status hominum, quorum in Iure nostro, aut Historia Ecclesiastica mentio fit. Hoc quadruplici Apparatu muniti Sacrorum Canonum studiosi, non mediocriter brevi fructus, opinor, studiorum suorum percipere poterunt; ac proferre. At postremum hocce inceptum, quod longioris est indaginis, Viro Cl. Sammarthano Francia Historiographo, Patris Pa-

12. Atque Hi-
storia Ecclesiasti-
ca specialis Episcoporum.

EPISTOLA AD CLERI GALLIC. ANTIST.

truique vestigiis praeclare insistenti, aliisve, si qui eum imitari valuerint, perscrutandum relinquo. Cetera quantum atas provec-
feret, iam editis, Deo annuente conabor brevi adiacere. Interim
cuiusque generis autores suggeret Prænotiorum nostrarum Li-
ber V.

§1. Horum Cu-
ra Clero Gallico
digna.


§ Cap. quanto, §
§. de Magistris,
in p. dec.

XIII. Harum qualescumque meditationum reddendam vobis
rationem putavi, ILLUSTRISSIMI DOMINI, quod cum
huiusmodi doctrina Ecclesiasticos homines maxime decet,
ejus cura specialius; & præcipuo quodam jure ad Gallicanam
Ecclesiam spectare videtur: utpote quæ, ut suo jam tempore niebat
Alexander III. Pontifex Maximus, Majorum personarum
scientiæ & honestate præfulgeat; quæque in optimis quibusque
institutiis, ad fovendam præsertim literarum studia pertinentibus,
veluti in constituendis tuendisque Scholis; in assignandis Theo-
logiæ, & Grammaticæ Magistro proventus præbendarum; in
Sacerdotiis, beneficiisve Ecclesiasticis penes eos qui eruditionis sua
specimine in Academiis edidit, lauream meruissent, certo iure
collocandis; similibusque aliis, Ecclesiæ semper universæ præve-
rit. Vos itaque, Illustrissimi Domini, conatus hosce nostros
jamdud conceptos, verum intervenientibus aliis justis necessariis-
que occupationibus ultra modum dilatos, ac præsertim has Præ-
notiones, pro humanitate vestra, æqui bonique, ut spero, consuletis.
Valete.

Dat Lutetiz Parisiorum III. Idus
Novembres, anno Christi.
M. D. C. LXXV.

PRÆFATIO

P R A E F A T I O A D L E C T O R E M .

I.  E C Terræ semina committunt agricolæ, nisi ejus gremio antè molli-
to sulcis atque subactis; nec Pictores
tabulis suis vivos & mansuros co-
lores imponunt, nisi prævio quodam
pigmento priùs imbutis, quo velut solo universa
pictura sustineatur: nec Ars omninò ulla reperitur,
cujus opera vel minimùm duratura diligenti præ-
paratione non indigeant. Sic sua judicium, sua iti-
neribus præparatoria sunt; aut omnibus, ut veriùs
dicam, humanis actionibus, quarum nulla statim &
sine cura perfici potest.

1. In opere
quovis prepara-
tione opus.

II. Hoc autem, cum in reliquis rebus, tum maxi-
mè in Scientiis adipiscendis evidens est; quæ cum
nobis naturâ non insint, non sine magna cultura,
nec nisi gradatim proveniunt: ideoque *Præcognitis*
quæque suis, non secùs ac fundamentis nituntur.
Ut enim Aristoteles rectè observat, atque inductio-
ne comprobatur, *Doctrina omnis, omnisque disciplina,*
quæ intelligentiæ & meditatione constat, ex antecedente
fit cognitione. Est sanè prior cognitio ad poste-
riorem velut gradus, donec ad culmen (si quod
modò in humanis, ac præsertim in disciplinis cul-
men est) perveniatur.

2. Præsertim
in Disciplinis.

a In princip.
analyticor. poster.

III. Cum ergo Ars nulla difficultatibus suis ca-
reat, danda est opera, ut ad superandos eam, ut
ita dicam, labyrinthos, aliqua eis recti itineris certò
cognoscendi, atque instituendi adjumenta, instar

3. Ideo Præco-
gnita earum tra-
denda.

P R Æ F A T I O

Ariadnæi staminis futura , comparentur. Itaque sicut in ædificiis fundamentum , sine quo nec parietes , nec conclavia stare , nec tecta possunt : ita in Arte quavis pars præcipua est cognitio Principiorum , quæ & ipsa idcirco fundamenta dicuntur. Duo autem sunt Principiorum genera : alterum Dogmata & Regulas cujusque disciplinæ , sive Axiomata certum in ordinem redacta complectitur : alterum in Præcognitis consistit , id est in Notionibus Causarum ipsius Artis. Hoc posterius in Jure Pontificio nondum quisquam plenè ac perfectè tractavit.

I V. Nec me latet simile quid utraque in Juris prudentia , à nonnullis tentatum fuisse. Et quidem post alios , nostrâ & superiori ætate in Jure Ecclesiastico Boëtius præsertim Epo^b , Antonius Augustinus Societatis Jesu^c , ac denique Franciscus Florens , Parisiensis simul & Aurelianensis Academiæ decus , amicus quondam noster atque in antecessorio munere decessor^d , egregium ejus instituti specimen ediderunt. Sed ut ad illustrandum hocce Jus , præclara multa , non sine summa sua laude hii viri eximii contulerint , quæ & aliquâ jam rerum sacrarum cognitione imbutis sufficiant : satis uberem nobis adhuc messem reliquerunt ; suoque exemplo alios potiùs adhortari ad plenius quid profecendum , & in hoc stadio post se currentibus lampadem tradidisse videri possint , quàm absoluto numeris omnibus opere , incipientium desideria prorsus explevisse.

V. His ego Causis jamdiu adductus , in animum induxi ut Juris Canonici Fundamenta , generaliaque Principia ad examen revocanda , ejusque tiro-

4. Id tentarunt in Jure Canonico viri docti : sed minus plenè.

b Libris trib. de Jure Sacro.

c In Censura de quâ uslam veteribus Canonum Collectionibus.

d In Canonicis dissertationibus , & in limine tractatum ad 9. primos Decretal. Tit.

5. Hæc suscipiendi hujus operis Causa : & quis nobis in eo jocos proposuit.

AD LECTOREM.

nibus, paulò accuratiùs præmonstrandum ad ejus penetralia iter susceperem. Neque enim doctis scribere, nec difficili arduarum quæstionum tractatione, gloriam hîc aucupari animus fuit, (quæ tenuis admodum ex eo sperari posset, quod laboris magis sit, quàm aut exquisitæ eruditionis, aut eximie alicujus solertiæ.) Juniorum profectui consultum ivi; & nondum gnaris, sacrorum studiorum viam aperire, aut lævigare decrevi. In id quippe maxime incumbendum Professoribus semper censui, quod auditoribus quàm utilissimum noverint: nihil autem visum mihi utilius, quàm ut quod me ipsum, cum ad disciplinas hujusmodi animum appellerem, juvisset promptum paratumque habere, id ipse aliis pararem: collectis nempe ac digestis iis quorum cognitio in toto artis decursu necessaria est. Certè quæ nullo duce, nullo ordine, sed proût usus fert, magno & cæco, ut ita dicam labore pervolutandis voluminibus ignotis, per mille errorum ambages sæpe numero frustra quærantur; nec nisi per diuturni temporis jacturam sigillatim percipi solem: quis non maxime commodum esse videt, ea ex sexcentis diversi generis Autoribus sedulò conquisita, collecta, & certo ordine ac methodo digesta paucos intra menses perdiscere, & in promptu habere, quò identidem recurrere liceat, si quid eorum quæ quis didicerat, exciderit. Non minùs profectò de studiosis merentur similium autores operum, quàm de viatoribus, quibus per vasta sylvarum agendum iter est, ii quorum operâ locorum, vel opacus horror excisis densiorum arborum ramis, in apertam vertitur lucem; vel sublatis senticetis, ac salebris, asperitas lævigatur; vel complanatis

P R Æ F A T I O

tumulis, rupibusque, pervia ex inviis fiunt; per quos denique additis ad trivium Mercuriis, quæ trames quisque ducat, indicatur.

6. *Qua in hoc opere contineantur.*

VI. Ut autem perspicuum cuique statim fiat, quid *Prænotionum* titulo in hoc volumine intelligamus, percurrenda paucis tota ejus materia est. In eo itaque historicæ & criticæ, brevitate solidâ, referuntur sequentia, & pleraque discutiuntur.

1°. *Omniū utriusque fœderis Librorum*, ordo, Nomina, autores, tempora, rerum summa, autoritas; & variæ sacri operis Versiones atque Editiones. 2°. *Conciliorum*, tum Generalium, tum Particularium, ex quibus à Collectoribus desumpti sunt Canones, Anni, Causæ, numerus Episcoporum & Canonum, atque autoritas. 3°. *Pontificiorum* Decretorum ac Decretalium, (quarum dubiæ sigillatim discutiuntur) fides ac vis. 4°. *Sanctorum Patrum* Græcorum, Latinorumque Opera, unde à Collectoribus Canonum decerptæ sunt sententiæ, & singulorum veritas aut falsitas expensa. 5°. Volumina *Juris Romani* & *Francici*, aliaque opera indicata, quibus usi sunt Collectores. 6°. *Collectiones* cujusvis generis *Canonum*, Græcæ & Latinæ, veteres ac recentiores, editæ, non editæ, exactiùs & fusiùs quàm hæctenus factum sit, exanimatæ. 7°. Commentatores & clari *Interpretes* Canonum, tum Græci, tum Latini, & cujusque opera. 8°. *Historiæ, Chronologiæ, & Geographiæ Ecclesiasticæ* Autores Græci ac Latini. Ultimo *Juris Canonici Finis & Usus*, præter alia, quæ pleniùs ostendet sequens Librorum & Capitulorum Index. Ordinis rationem in clarum Diagramma contractam, proxima dabit Tabella.

In Appendice, tum alia, tum *Provinciarum Eccle-*

AD LECTOREM.

fiasticarum Notitiâ relata ad tempus Gregorii Magni. Patriarcharum Orientis Series. Monasticorum ac Regularium *Ordinum* & Congregationum Origo.

VII. Ex his omnibus rei cujusque initium & progressum, omnemque totius Juris Canonici rationem atque concentum eximium perspicienti cuique, maxima lux toto disciplinæ decursu oritur; & studentium tempori (cujus solius laudanda est parsimonia) mirum in modum consulatur: tum multis aliis de causis, tum cò imprimis, quòd quæ de eodem, exempli causâ, Concilio, Pontifice, sive Autore alio Canonis cujusque, repetenda toties essent, quoties inter explicandam hanc vel illam juris Partem in Canonem, Epistolam, sententiamve alicujus è Patribus incideremus, aut eorum quomodocumque mentio fieret, ea omnia semel ac certo ordine absoluta erunt.

Cæterum si quid fortè imprudenti mihi alicubi exciderit, quod aut Catholicæ fidei, aut debito S. Apostolicæ Romanæ Sedis honori, aliquatenus adversari vel certis ac receptis Ecclesiæ Regnive Gallici Juribus detrahere videatur; id ego nec dictum, nec scriptum volo.

7. *Quis ejusdem operis fructus.*

PRÆNOTIONUM CANONICARUM
DELINEATIO.

<p>I. De ejus NATURA, cuius consideratio Rerum complectitur,</p> <p>2. Debeat, sive: Nominis, i. Rerum, Rei ipsius,</p> <p>3. Diffinitur a, aliisque Proprietatibus,</p> <p>4. Dividitur, & subdividitur.</p>	<p>De quibus Lib. I. Parte I.</p>	<p>1. SCRIPTURA SACRA.</p> <p>1. CONCILIA, quae sunt pariter.</p> <p>2. DECRETA PONTIFICUM. Quorum alii</p> <p>4. SENTENTIAE PATRUM, & Ecclesiasticorum Auditorum quorum alii</p>	<p>Universales, sive Oecumenica, eaq; vel Locales, quorum alia</p> <p>Ancientiores, quorundam Decreta referantur vel Posteriora quorundam Decretales existunt vel</p> <p>Prisci, qui quatuor primis & huiusmodi saeculis vixerunt Medii & Re-</p> <p>Apud Graecos seu Orientales, in quae sunt Collectiones variae, Synopses, Nomocanones, &c.</p> <p>Apud Latinos sive Occidentales, quod spectant Codices Canonici, Versiones plures, Breves sive Epitomes, &c.</p> <p>Communibus & receptis apud omnes, constant Decreta, Canonibus, Sacris, Clementinis, Extraneis, &c.</p>	<p>De quibus Lib. I. Parte I.</p> <p>De quibus Lib. II.</p>
<p>JURIS CANONICI PRO THEORIA, sive Practicorum Traditionis, Trium sunt Capita;</p> <p>II. De ejus PRINCIPIS, quorum alia sunt,</p>	<p>Rei, sive ut auctori Effusa, quam & sibi utantur tanquam Causa. Haec sunt vel</p> <p>Internae, nempe</p> <p>FORMA seu Dispositio Preceptorum, quae est aut</p> <p>Extraneum</p>	<p>VETUS, eaq; Duplex, alia</p> <p>HODIERNA, haecque vel</p> <p>EFFICIENTIA, quod spectant</p> <p>1. Auctores ipsius Juris Canonici, s. Interpretes, 1. Auctores ejus sive. 4. Alia administrativa.</p> <p>FINIS, Proximus, Ultimatus.</p>	<p>Præcipue, qui quatuor primis & huiusmodi saeculis vixerunt Medii & Re-</p> <p>Apud Graecos seu Orientales, in quae sunt Collectiones variae, Synopses, Nomocanones, &c.</p> <p>Apud Latinos sive Occidentales, quod spectant Codices Canonici, Versiones plures, Breves sive Epitomes, &c.</p> <p>Communibus & receptis apud omnes, constant Decreta, Canonibus, Sacris, Clementinis, Extraneis, &c.</p> <p>Præcipue, qui quatuor primis & huiusmodi saeculis vixerunt Medii & Re-</p> <p>Libertatem E. G. Pragmaticis Sanctionibus, Concordatis Constitutionibus Regis, &c.</p>	<p>De quibus Lib. I. Parte I.</p> <p>De quibus Lib. II.</p> <p>De quibus Lib. I. Parte I.</p>
<p>III. De METHODO, seu Arte ejus,</p>	<p>Cognitio, quae sunt pariter</p> <p>Simplex ut</p> <p>Composita, ut</p> <p>Discendi, ac Docendi in Usum deducendi</p>	<p>Abbreviationes, Voces Technicae,</p> <p>Generalia Axiomata,</p>	<p>Quae omnia transducuntur</p>	<p>De quibus Lib. I. Parte I.</p>

PRÆNOTIONUM
CANONICARUM
SERIES.

SIVE LIBRORUM ET CAPITUM INDEX.

LIBER PRIMUS.

CAPUT I. D e Iuris Canonici Nominibus ac Definitione.	pagina	3
CAP. II. De Iuris Canonici subjecta Materia, & in quo ab affini- bus scientiis, Iure Civili, Theologia, Morum Philosophia Differat.		9
CAP. III. De Iuris Canonici Præstantia, atque ad ceteras prin- cipes disciplinas Utilitate.		11
CAP. IV. De Iuris Canonici Divisionibus, ac de Lege Divina & humana, atque utrinque necessitate.		17
CAP. V. De Origine Iuris Canonici.		25
CAP. VI. De primo Iuris Canonici Fonte, nimirum SACRA SCRIPTURA in genere, deque ejus Nominibus.		28
CAP. VII. De divinarum Scripturarum Autoritate, ac Difficul- tatis in genere.		32
CAP. VIII. De Libris Canonici & Apocryphis.		36
CAP. IX. De Partibus Sacra Scriptura, ac Libris ejus in Classes divisis.		42
CAP. X. De Pentateucho, sive Quinque Legis libris.		47
CAP. XI. De Historicis veteris Testamenti Libris.		49
CAP. XII. De Prophetiis veteris Testamenti Libris, ac primum de Psalterio, & Poësi Hebræica.		58
CAP. XIII. De reliquis Libris Prophetiis.		65
CAP. XIV. De Libris Sapientialibus seu Moralibus Veteris Fœderis.		74
CAP. XV. De Libris Novi Fœderis Legalibus, sive Evan- gelicis.		77

Index Librorum & Caputum.

<u>CAP. XVI. De Historico novi Testamenti Libro, Actibus nempe</u> <u>Apostolorum.</u>	<u>83</u>
CAP. XVII. De Moralibus Libris Novi fœderis, sive Pauli, aliorumque Apostolorum Epistolis.	84
<u>CAP. XVIII. De Prophetico novi Fœderis Libro, Apocalypsi.</u>	<u>91</u>
<u>CAP. XIX. De Textu Hebraico Veteris Testamenti.</u>	<u>92</u>
<u>CAP. XX. De Græcis Translationibus in genere.</u>	<u>96</u>
<u>CAP. XXI. De Septuaginta Interpretum Versione.</u>	<u>98</u>
<u>CAP. XXII. De Novi Testamenti Græco Textu, deque Scriptura</u> <u>Latinis Editionibus in unversum.</u>	<u>104</u>
CAP. XXIII. De Vulgata Editione speciatim, ejusque Auto- ritate.	105
CAP. XXIV. De recentiorum Versionibus.	107
CAP. XXV. De variis Veteris Testamenti Versionibus, & Para- phrasibus Chaldaicis, Syriacis, Arabicis.	109
CAP. XXVI. De Sacra Scriptura variis Sensibus, ejusque In- terpretanda regulis:	112
<u>CAP. XXVII. De Librorum Canonicorum Divisionibus in</u> <u>Capita & Versus, aliasve Sectiones apud Hebræos, Græcos,</u> <u>& Latinos.</u>	<u>119</u>
<u>CAP. XXVIII. De præcipuis sacra Scriptura Interpretibus.</u>	<u>129</u>

LIBER SECUNDUS.

CAPUT I. D E CONCILIIS in genere.	137
CAP. II. De Jurisdictione Ecclesiastica.	145
CAP. III. De Primis quatuor Conciliis Oecumenicis, & pri- mum de Nicæno I.	157
CAP. IV. De tribus sequentibus Conciliis generalibus Constan- tinopolitano I. Ephesino I. Chalcedonensi.	167
CAP. V. De sequentibus quatuor generalibus Synodis in Oriente habitis, Constantinopolitanis II. & III. Nicæna II. & Constantinopolitana IV.	176
CAP. VI. Sequentia Concilia Universalia septem in Occidente habita, Lateranensis nimirum quatuor, Lugdunensis duo, & Viennense.	181
CAP. VII. De reliquis Conciliis generalibus, Pisano, Constan- tientiensi, Basileensi, Florentino, Lateranensi V. Tridentino. pagina.	187
CAP. VIII.	

Index Librorum & Capitum.

CAP. VIII. Concilia quasi universalia, Areltense, Sardien- tense, &c.	191
CAP. IX. Pseudo-synodi generales.	195
CAP. X. Concilia localia Graecae in Codicem Ecclesiae universae re- lata.	198
CAP. XI. Concilia Africana vetera.	201
CAP. XII. Concilia Gallica vetera sub Imperatoribus Romanis, & Francorum primae stirpis Regibus.	204
CAP. XIII. Concilia Hispanica vetera sub Romanis & Visigo- this.	211
CAP. XIV. Concilia Italica praeceptorum temporum, ante Carolum scilicet Magnum.	215
CAP. XV. Concilia Italica medii aevi ab initio saeculi VIII. ad dimidium saeculum XII.	212
CAP. XVI. Concilia particularia Gallica medii aevi, à saeculo VIII. ad XII.	218
CAP. XVII. Concilia Localia Germanica à saeculo VIII. ad XII.	230
CAP. XVIII. Anglicana & Hibernica quadam praecipua ante XII. saeculum Concilia.	233
CAP. XIX. Concilia particularia posteriorum temporum; quae in Collectionibus Decretalium memorantur praeter superiora.	235
CAP. XX. De praecipuis Conciliorum Editionibus seu generalibus Collectionibus.	236
CAP. XXI. De PONTIFICUM ROMANORUM CONSTITU- TIONIBUS in genere.	239
CAP. XXII. De Romanorum Pontificum ante Siricium Episto- lis in genere.	243
CAP. XXIII. De S. Petro ejusque proximis duobus successori- bus.	250
CAP. XXIV. De Clemente Romano, Pontifice IV. ejusque Epistolis, tum dubiis, tum veris.	252
CAP. XXV. De Anacleto, & sequentibus secundi saeculi Ponti- ficibus, eorumque Epistolis.	255
CAP. XXVI. De Saeculi tertii Romanis Episcopis, eorumque Decretalibus.	261
CAP. XXVII. De summis Pontificibus qui Ecclesiam saeculo IV. rexerunt, & eorum Decretalibus.	267
CAP. XXVIII. De Pontificibus quorum Decreta Codici Cano- nicum Ecclesiae Romanae inserta sunt, & primo de Siricio &	

Index Librorum & Capitum.

<i>Anastasio.</i>	274
<u>CAP. XXIX. De saculi V. Pontificibus, & Epistolis in Canonum Codicem relatis.</u>	279
<u>CAP. XXX. De prioribus saculi VI. Pontificibus, & Decretalibus in Codicem Canonum relatis.</u>	282
<u>CAP. XXXI. De aliis saculi VI. Pontificibus, & eorum a pud Isidorum Epistolis.</u>	283
<u>CAP. XXXII. De S. Gregorio Magno, ejusque Epistolis.</u>	288
<u>CAP. XXXIII. De saculi VII. Pontificibus, quorum ex Epistolis sententia à Collectoribus in Corpus Decretorum translata sunt.</u>	290
<u>CAP. XXXIV. De saculi VIII. Pontificibus, quorum Epistola pauca Codici Canonum illata, alia à priscis Collectoribus, ipsoque Gratiano sunt excerpta.</u>	293
<u>CAP. XXXV. De Pontificibus saculi IX. quorum Decretis usus est Gratianus.</u>	295
<u>CAP. XXXVI. De saculi X. Pontificibus, quorum mentio apud veteres Canonum Collectores.</u>	298
<u>CAP. XXXVII. De Pontificibus saculi XI. quorum Decretis retulit Gratianus.</u>	299
<u>CAP. XXXVIII. De saculi XII. Pontificibus, quorum Decretis apud Gratianum, aut etiam apud Gregorium IX. collecta extant.</u>	301
<u>CAP. XXXIX. De Pontificibus ejusdem saculi, ex quorum præcipue scriptis constata est Collectio Decretalium Gregoriana.</u>	302
<u>CAP. XL. De seculi XIII. Pontificibus.</u>	304
<u>CAP. XLI. De Pontificibus ejusdem saculi XIII. ex quorum maxime Decretalibus composuit Liber VI. Bonifacii VIII. mandato.</u>	306
<u>CAP. XLII. De Pontificibus saculi XIV. Clementinarum aut Extravagantium Autoribus.</u>	308
<u>CAP. XLIII. De Pontificibus seculi XV. quorum Extravagantes Corpori Iuris Canonici adjecta.</u>	310
<u>CAP. XLIV. Syllabus summorum Pontificum qui post omnes Iuris Canonici Collectiones à seculo XV. exeunte sederunt ad Innocentium XI.</u>	ibid.
<u>CAP. XLV. De SANCTORUM PATRUM SCRIPTIS, eorumque autoritate.</u>	311
<u>CAP. XLVI. Examen Scriptorum Ecclesiasticorum primi à</u>	

Index Librorum & Capitum]

<i>Christo nato saculi.</i>	313
CAP. XLVII. De Gracis Secundi saculi Patribus.	317
CAP. XLVIII. De Latinis Tertii saculi autoribus Ecclesiasticis.	322
CAP. XLIX. De Patribus & Scriptoribus Ecclesiasticis Gracis ejusdem Tertii saculi.	324
CAP. L. De Gracis saculi Quarti Patribus & Scriptoribus Ecclesiasticis.	329
CAP. LI. De Latinis saculi IV. Patribus atque Autoribus ad res Ecclesiasticas pertinentibus.	339
CAP. LII. De Scriptoribus Gracis Ecclesiasticis qui saculo V. floruerunt.	343
CAP. LIII. De Latinis ejusdem saculi V. Autoribus Ecclesiasticis.	350
CAP. LIV. De sacris Scriptoribus Latinis saculi VI.	365
CAP. LV. De Gracis Autoribus saculi VI.	367
CAP. LVI. De Gracis Scriptoribus saculi VII.	367
CAP. LVII. De Patribus Latinis septimi saculi.	368
CAP. LVIII. Ecclesiastici Scriptores Latini, qui VIII. saculo floruerunt.	369
CAP. LIX. Graci Scriptores ejusdem VIII. saculi.	371
CAP. LX. Saculi Noni Scriptores Ecclesiastici Latini.	372
CAP. LXI. De Gracis ejusdem saculi IX. Scriptoribus.	376
CAP. LXII. De Latinis Autoribus saculi X.	Ibid.
CAP. LXIII. De Gracis saculi X. Scriptoribus.	377
CAP. LXIV. Latini Scriptores Ecclesiastici, qui saculo XI. floruerunt.	378
CAP. LXV. Auctores Graci ejusdem saculi XI.	381
CAP. LXVI. De saculi XII. Scriptoribus Ecclesiasticis.	Ibid.
CAP. LXVII. De Latinis saculi XIII. Scriptoribus Ecclesiasticis.	383
CAP. LXVIII. De Libris Juris Civilis, Constitutionibus, aliisque operibus quibus usi sunt Canonum Collectores.	384
CAP. LXIX. De Libro Diurno & Ordine Romano.	386

LIBER TERTIUS.

CAPUT I. D E Collectionibus Canonum in genere.	390
CAP. II. D E Canonibus qui dicuntur Apostolorum.	391

Index Librorum & Capitum.

- CAP. III. De Antiqua Canonum COLLECTIONE GRÆCA secundum seriem Conciliorum, qua Prima vulgò habetur. 396
- CAP. IV. De veteri altera Græca Collectione post Chalcedonense Concilium edita. 403
- CAP. V. De alia Collectione Theodorici à quibusdam adscripta. 404
- CAP. VI. De Collectione à Trullana Synodo probata. 409
- CAP. VII. De Conciliorum & Patrum Canonibus hac Collectione additis ad Superiores. 410
- CAP. VIII. De Ultima Græcorum Collectione per Concilia. 414
- CAP. IX. De Collectione Ioannis Antiocheni cognomento Scholastici, per capita Materialium. 418
- CAP. X. De Ebasii Nova Canonè. 422
- CAP. XI. De Nomo-Canonibus aliis, Synopsis Canonum, & Abbrevialis Collectionibus, Simeonis Logotheta, Alexii, Aristini, Arscuti, Harmeropuli, Pselli, Anonymi. 425
- CAP. XII. De Decretis Synodalibus, & Responsis Patriarcharum, aliorumque Græcorum Antistitum. 431
- CAP. XIII. De LATINIS Canonum COLLECTIONIBUS in universum. 433
- CAP. XIV. De Veteri Prætorum Canonum Collectione per seriem Conciliorum. 435
- CAP. XV. De Collectione Dionysii Exigui, qua vulgò Codex Canonum Vetus Ecclesia Romana vocatur. 444
- CAP. XVI. De Ferrandi Recensione Canonum. 448
- CAP. XVII. De Martini Bracarensis Collectione Orientalium Canonum. 450
- CAP. XVIII. De Cresconii Breviario Canonico & Collectione Canonum. 451
- CAP. XIX. De III. ampliori Canonum expansorum Latina Collectione iuxta ordinem Conciliorum, qua Isidoro Hispalensi adscriptum. 453
- CAP. XX. De IV. integrorum Canonum Latina Collectione, secundum tempora Conciliarum ac Decretalium sub titulo Isidori Mercatoris. 459
- CAP. XXI. De Hadriani I. Capitulis Angilramno Metensi traditis, & de Codice Canonum per eundem Pontificem oblato Carolo Magno. 465
- CAP. XXII. De antiquis Anonymi & Regionis collectionibus secundum ordinem Materialium. 467

Index Librorum & Capitum.

CAP. XXIII.	De Burchardi Vormatiensis Decreto.	470
CAP. XXIV.	De Casaraugustana & Tarraconensi Collectio- ne.	474
CAP. XXV.	De Collectione Anselmo Lucensi adscripta, & de Hildeberto Cenomanensi.	475
CAP. XXVI.	De Collectione Deus-dedis Cardinalis.	479
CAP. XXVII.	De Ivonis Carnotensis Decreto.	480
CAP. XXVIII.	De Pannormia.	483
CAP. XXIX.	De Gregorii Polycarpo.	491
CAP. XXX.	De Algero, & Halitgaro.	492
CAP. XXXI.	De Collectione Hibernica.	494
CAP. XXXII.	De Penitentialibus seu Libris Canonum Peni- tentialium.	498
CAP. XXXIII.	De Capitularibus Regum atque Imperatorum Francorum.	504
CAP. XXXIV.	De Capitulis seu Constitutionibus Episcop.	507

LIBER QUARTUS.

CAPUT I.	Q <u>U</u> ot & qua sint partes I uris Canonici hodierni. pagina.	510
CAP. II.	De G RATIANO Autore Decreti.	512
CAP. III.	De vero titulo Decreti, deque ejus condendi causis & tempore.	514
CAP. IV.	De Autoribus, quorum centones in opus suum con- sulit Gratianus.	517
CAP. V.	De Partibus Decreti Gratiani.	519
CAP. VI.	De Ordine Prima partis.	519
CAP. VII.	De ordine Secunda partis Decreti.	522
CAP. VIII.	De ordine Tertia partis Decreti.	529
CAP. IX.	De Distinctionum & Questionum numero ac Divi- sione.	530
CAP. X.	Ratio Allegandi Capita, seu Loca Decreti.	533
CAP. XI.	Quibus de Causis Gratianus ceteris Collectoribus potior habentur.	534
CAP. XII.	De Mendis & Navis Gratiani	537
CAP. XIII.	De Emendatione Gratiani.	544
CAP. XIV.	De Autoritate Decreti.	547
CAP. XV.	De Nomine Palca, saepe Decreti Capitibus adscri- bi	547

Index Librorum & Capitum.

CAP. XVI.	<i>De Priscis Decretalium Compilationibus ante Gregorium IX.</i>	548 550
CAP. XVII.	<i>De Autore, tempore & ratione Decretalium Gregorii IX. deque Decretalium Nomine.</i>	554
CAP. XVIII.	<i>De Fontibus Decretalium, siue de Autoribus ex quibus ea sunt desumpta</i>	556
CAP. XIX.	<i>Index & Nexus Titulorum, quibus Decretalium quinque Libri constant.</i>	557
CAP. XX.	<i>De Rubricis Decretalium & Allegandiscarum locis.</i>	572
CAP. XXI.	<i>De Sexto Decretalium.</i>	573
CAP. XXII.	<i>De Clementinis.</i>	575
CAP. XXIII.	<i>De Extravagantibus Ioannis XXII. & Communibus.</i>	576
CAP. XXIV.	<i>De Autoritate Decretalium Gregorianarum, Sexti & Reliquarum Collectionum.</i>	578
CAP. XXV.	<i>De Bullis, seu posterioribus Extravagantibus & Bullario.</i>	581
CAP. XXVI.	<i>De Nova Extravagantium Compilatione facienda.</i>	584
CAP. XXVII.	<i>De Origine ac progressu Iuris Ecclesiastici Gallicani, Pragmatica Sanctione, Concordatis, &c.</i>	586

LIBER QUINTUS,

CAPUT I.	<i>Interpretum Iuris Canonici Divisio in varias Classes.</i>	pag. 590
CAP. II.	<i>Quid Glossa, & de Iuris Canonici Glossis in genere.</i>	591
CAP. III.	<i>De Autoribus Glossarum Decreti.</i>	593
CAP. IV.	<i>De Glossatoribus Decretalium.</i>	596
CAP. V.	<i>De Reliquis Interpretibus Iuris Canonici, qui Seculo XIII. scripserunt.</i>	598
CAP. VI.	<i>De Interpretibus Seculi XIV.</i>	602
CAP. VII.	<i>De iis qui Seculo XV. Ius Canonicum scriptis illustrarunt.</i>	608
CAP. VIII.	<i>Seculi XVI. Interpretes & Doctores.</i>	617
CAP. IX.	<i>Currentis Seculi XVII. Interpretes Canonum &</i>	

Index Librorum & Capitulorum.

<i>Doctores praecipui recensentur.</i>		<u>639</u>
CAP. X.	<i>Recensentur Scriptores praecipui, qui Auctores Ecclesiasticorum & Iuris Canonici Doctores Res atque opera memorant.</i>	<u>660</u>
CAP. XI.	<i>De Praecipuis Ecclesiastica <u>Historia</u> generalis Antiquis.</i>	<u>661</u>
CAP. XII.	<i>De iis qui Res Pontificum Romanorum & Episcoporum cujusque Nationis scripsere.</i>	<u>667</u>
CAP. XIII.	<i>De Historia Monastica Scriptis.</i>	<u>670</u>
CAP. XIV.	<i>De Martyrum, aliorumque Sanctorum Historia.</i>	<u>673</u>
CAP. XV.	<i>De aliis Sacri studii Adminiculis.</i>	<u>676</u>
CAP. XVI.	<i>De Auctoribus Geographia Ecclesiastica.</i>	<u>679</u>
CAP. XVII.	<i>De Chronologia Ecclesiastica.</i>	<u>682</u>
CAP. XVIII.	<i>Abbreviationes <u>Utriusque</u> Iuris, & Allegandi Iuris Canonici ratio.</i>	<u>692</u>
CAP. XIX.	<i>Explicantur quaedam Voces Technicae, & <u>Formulae</u> maxime usitatae.</i>	<u>697</u>
CAP. XX.	<i>Indicantur aliquot Axiomata, eorumque Collectiones.</i>	<u>701</u>
CAP. XXI.	<i>De Methodo Discendi Docendique Iuris Canonici.</i>	<u>703</u>
CAP. XXII.	<i>De Iuris Canonici Fine.</i>	<u>712</u>
CAP. XXIII.	<i>De Usu Iuris Canonici, & praecipuis ejus Editionibus.</i>	<u>719</u>
<i>ADDENDA aut corrigenda.</i>		<u>726</u>
<i>Index Alphabeticus <u>INTERPRETUM</u> Iuris Canonici.</i>		<u>729</u>

APPENDICIS CAPITA.

1.	<i>Notitia Provinciarum Ecclesiasticarum tempore S. Greg. Papa</i>	<i>pag. 15</i>
2.	<i>Index Alphabeticus Conciliorum.</i>	<i>pag. 20</i>
3.	<i>Index Alphabeticus Romanorum Pontificum.</i>	<i>pag. 34</i>
4.	<i>Catalogus Episcoporum Byzantii & Patriarcharum Constantinopolitanos.</i>	<i>pag. 46</i>
5.	<i>Catalogus Patriarcharum Alexandrinorum.</i>	<i>pag. 57</i>
6.	<i>Index Chronologicus Patriarcharum Antiochenorum.</i>	<i>pag. 61</i>
7.	<i>Index Chronologicus Patriarcharum Hierosolymitanorum.</i>	<i>pag. 67</i>
8.	<i>Index Alphabeticus Auctorum Ecclesiasticorum.</i>	<i>pag. 73</i>
9.	<i>Ordinum Regularium Index Chronologicus.</i>	<i>pag. 81</i>

AD LECTOREM.

Juris iter praeceptis : anfractus haec tamen omnes

PRÆNOTIONES explicant :

Ecce patent aditus cuncti , Tanto Duce tota

Juris patet prudentia.

Hinc age qui Studii sacri penetralia queris :

Prostant suo cuncta ordine.

CANUZAC J. U. P.

SUMMA PRIVILEGII.

REGIS CHRISTIANISSIMI Privilegio cautum est, ne quis PRÆNOTIONES CANONICAS, quibus universi Studii Ecclesiastici Principia atque adminicula continentur, Prænotiones Juris Civilis, & opuscula Juridica, à Joanne DOUJAT, Antecessorum Parisiensium & Regionum Professorum Primicerio Regioque Historiographo concinnata, quovis charactere, aut formâ, vel Latine, vel alio idiomate, excudere, aut alibi excusa vendere, aliove quolibet modo distrahere possit, intra decem annos, computandos à die absolutæ primæ cujusque operis editionis, præter eos quibus idem Joannes Doujat id nominatim permiserit: propositâ penâ publicationis, seu confiscationis Librorum, & multæ mille & quingentarum Librarum Turonensium; aliarumque contra ejusmodi fraudatores in diplomate ejusdem Christianissimæ Majestatis comprehensarum; dato apud Sanctum Germanum, die nonâ Januarii, anno salutis 1680. subsignato, JUNQUIERES: quod rescriptum in Registra communia Bibliopolarum Parisiensium &c. relatum est 13. Martii anno eod. testificante. C. ANGOT, Syndico.

Idem JOANNES DOUJAT hanc Prænotationum Juris Canonici Editionem Joanni Baptistæ Coignard Bibliopola Parisiensi & Sacra Regia Majestatis Typographo, perscriptis inter eos Conditionibus, permisit.

PRÆNOTIONUM



PRÆNOTIONUM
CANONICARUM,

QUIBUS SACRI JURIS
AC TOTIUS ECCLESIASTICI STUDII

PRINCIPIA ET ADMINICULA EXPLICANTUR,

LIBER PRIMUS.



X ordinis in Præfatione delineati ratione, duæ hujus libri partes erunt, ad quas poterunt, quæ in eo tractabuntur, omnia revocari. In Priore agetur *de Juris Canonici natura*; quod pertinent ejus Etymologia, Definitio, Proprietates, Divisiones atque ab affinibus scientiis Differentiæ. Deinde, cum generales quatuor sint quasi Fontes, ex quibus præcipuè manant specialia Juris hujus effata atque præcepta: in Posteriori hujusce libri parte primum illorum genus tractabitur, Sacri nimirum Codices, seu *Scriptura Canonica*. Quæ

verò ad Concilia , tum universalia , tum localia seu particularia ; ad Pontificias Constitutiones ; ad dicta & Sententias Patrum , cæterorúmque Auctorum Ecclesiasticorum pertinent, & quæ alia ex Jure Civili Romanorum , atque ex Jure Francico veteri acceſſerunt ; ea in proximum rejecimus librum. Conſuetudines autem , & Traditiones , cùm per ſe ſcriptis mandata non ſint , ex iisdem illis fontibus nunc ſerè nobis ſunt hauriendæ.



CAPUT PRIMUM.

De Juris Canonici Nominibus ac Definitione.

I. **J**US Sacrum, quod ex divinis oraculis, atque Apostolorum præceptis, institutis, ac traditionibus derivatum, legibus, decretis & responsis per eorum successores editis constitutum est; variis nominibus designatur. Modò enim *Canonicum*, modò *Ecclesiasticum*, aut *Pontificium* nuncupatur. Sunt & qui *Theologiam Canonica*m, vel *Practicam* vocent; quarum appellationum originem causasque non absurdum fuerit paucis inquirere.

II. Et *Juris* quidem vocabulum, cum pluribus modis sumatur apud Jurisconsultos^a, accipitur hoc loco pro Arte æqui & boni. Jus enim est dictum, quia justum est, ut docet Isidorus Hispalensis Episcopus^b.

III. At *Canonicum* procul dubio appellatur à voce Græca; *Κανὼν*, quæ *Regulam* significat: & proprie quidem de Regula dicitur, quam in operibus suis, ad lineas recte ducendas, aut explorandas, adhibent artifices: translata ad præcepta morum ac disciplinarum porrigitur.

IV. Hoc autem Græcum nomen nonnulli apud V. Cl. P. Gassendum amicum & collegam quondam nostrum, eruditionis nomine omnibus notum^c, ab Hebræo קָנַח *caneh* deducunt; quod deflectum à radice קָנַח *cannah* (id est *acquisivisti*, ac *possedit*) *Cannam* seu calamum sonat; sumiturque pro *mensuriâ arundine*; ut & vox, *Cane* apud Occitanos, & Provinciales. Et verò quæ acquirimus, quæque possidemus, sive mobilia sint, ut panni, telæ &c. sive immobilia, ut agri, eorum quantitatem, hujusmodi fere mensuriis instrumentis investigamus, atque cognoscimus. Accipitur etiam Hebræicum illud nomen pro osse cubiti, sive lacerto; non secus ac *ulna*, *cubitus*, *pes*; plerasque apud gentes, tam pro parte corporis, quàm pro certa mensura dicuntur; qua ratione Græci quoque, *αὐτὸ πῆχυν* id est *eadem cubito*, proverbiali quadam loquendi figurâ, usurpant pro eo quod est eadem mensurâ metiri. Sic etiam & Græcis, *Κανὼν* & קָנַח *caneh* Hebræis virgulam, seu examen ac stylum trutinæ significant:

1. *Varia juris Canonici nomina.*

2. *Primum jus, id est bonum & æquum, aut ars æqui & boni.*

^a L. 1. penult. So. ult. Dig. de just. & jure.

^b Lib. 5. etymol. cap. 3.

3. *Canonicum à Canone, seu regulâ.*

4. *Canonis nomen forte ab Hebræico kaneh.*

^c Tom. 1. Commentar. ad lib. 10. Diogen. Laert. doct. Epicuri.

& apud Homerum *Κανὼν* ad dextrinam traductus, pro radio usurpatur, quo fila diriguntur, & subtemen stamini inseritur.

5. *Varie sumitur in artibus & scientiis.*

d In præfat. sui Synagmatis.

V. *Canonum* igitur titulo, ut observavit Matthæus Blastares Græcus Monachus^d, Prisci Ecclesiæ Partes suas nominarunt constitutiones, figuratâ dictione usi, & metaphorâ petitiâ à ligneo illo instrumento, quo in lignis aut lapidibus dirigendis uti consueverunt, qui mechanicas artes tractant. Atque hæc Canonis appellatio, eodem teste, ab aliis quoque est usurpata, Philosophis nimirum, atque imprimis Dialecticis; Medicis deinde, Grammaticis, iisque, qui harmonias cantuum composuere; & ab iis, qui leges civiles ordinarunt. Hæc ut plenius intelligantur, haud extra rem fuerit, ejus vocis varias significationes percurrere.

6. *Pro communibus præceptis.*

e Lib. 34. cap. 8. histor. natur.

f Advers. Colot.

g Lib. 1. de fin.

VI. Enimverò generali acceptione, in usu est vox *Canon* pro normâ sive præcepto, ad quod opus quodque exigitur, tum in liberalibus, tum in mechanicis artibus. Inde Musicæ pars ea, quæ vocis longitudo ac latitudines metitur, *Canonis* denominationem accepit: inde & Polycleti opus, à quo velut à lege quadam statuariæ artis, lineamenta, & membrorum proportionem petebantur, *Canon* dictus est ex Plinio^e & Galeno. Epicurus quoque, post Democritum (ut creditur) *Canonem* appellavit librum illum, quo veritatis criteria, seu judicandi de rebus instrumenta exposuerat, atque examinaverat: quod opus à Colote ipsius cultore apud Plutarchum^f *Διοπτρίς* cognominatum est: à Cicero-
ne^g autem quasi delapsa de cælo *Regula* dicitur: ac propterea hæc Epicuræ Philosophiæ pars *Canonica* est nuncupata. Præterea eo nomine designantur in Chronologicis, columnæ, quibus temporum, ac rerum gestarum series distinguitur.

7. *In rebus moralibus, pro Jure ac Lege.*

h Lib. 5. Ethicor. cap. 14.

i Laudato in l. 2. Dig. de legib.

8. *In Sacris.*

VII. In Moribus, deinde *Canonis* nomine significatur tam id quod à natura præscribitur, Euripidi *Κανὼν τῷ θεῷ*, quàm jus humanum, cujus specialia diversas apud nationes Decreta, *μολὸν Κανόνι* comparantur ab Aristotele^h, Plumbeæ nimirum regulæ, quæ in sua ædificatione usi Lesbii feruntur, eamque ad lapidum quibus applicabatur figuram inflexisse. Hinc Chrysippoⁱ lex in genere *Κανὼν* dicebatur *δυσὸν & ἀδύκον*.

VIII. Quin & in Sacris eodem nomine *Canonis* utimur ad de-

signandum arcanam partem Missæ, precesque secretas; quòd in ea parte sit legitima & regularis Sacramentorum (id est consecrationis) confectio, ut notat Valfridus Strabo^k. Producta est etiam ea vox ad Catalogos sive indices, tum librorum Sacrorum, qui ex eo Canonici nuncupantur; tum Divorum, sive Sanctorum hominum, quorum in numerum qui referuntur, idcirco dicuntur *κανονικοί*. Matricula quoque hoc est syllabus clericorum, aliorumque, qui necessaria vitæ subsidia ab unaquaque Ecclesiâ accipiebant, in antiquissimis Conciliis *Canon* appellatur.

IX. Remotiore denique metaphorâ ad quamlibet ordinariam specierum, aut pecuniæ collationem, *Canon*, etiam latine loquentibus porrigitur; sive quòd ad catalogum census, sive quòd tanquàm ex certa Regula & præscripta formâ præstari soleat. Et Primò quidem eo sensu accipitur *Canon* pro consuetâ pensitatione seu illatione annuâ, annonæ, auri, aliorumve subsidiorum, quæ Principi præstantur; quas & *Canonicas necessitates* vocabant^l. Atque hæc Canonis acceptio ex compluribus Juris Civilis locis, confirmari potest^m, in quibus *Canonium* pro solenni, atque ordinario dici constat, cum extraordinario opponatur. Quamobrem rectè Asconius Pædianusⁿ, cum tria faciat tributorum seu collationum genera, *Canonem* distinguit ab oblatione, atque indictione, extraordinariis nimirum functionibus. Ab hac Canonis significatione *Canonicarii* derivantur, annuorum publicorum exactores; qui & seriniarii dicti, quòd è serinio Canonum in provincias ad fiscales titulos exigendos mitterentur. Eorum meminere Justinianus Imperator^o & Cassiodorus P.

Accipitur secundò *Canon*, eodem fermè sensu, pro Emphyteumate, id est annua pensione, quam fundi Domino præstare debet Emphyteuta: eòque referri videtur Canon glæbæ, apud Sidonium Apollinarem q.

Tertiò usurpatur *Canon* pro certo numero frumenti, sive annonâ, plebi, aut etiam militibus, erogari, ac viritim distribui solita, ut videre est in Codice Justiniani^r, itemque apud Spartianum^s & Lampridium^t. Atque hinc fortasse factum est, ut clerici, qui proventus Ecclesiasticos pro ratâ participandi jus habent, *Canonici* cognominati sint; à Canone scilicet illo, sive pensione, ac stipendio cuique debito, non minùs quàm à regulari vitâ, aut à catalogo seu matricu-

^k De reb. Eccle. fast. cap. 22.

^g In tributis & præstationibus.

^l L. 2. Cod. de priv. domus Aug. m Ut ex l. 1. Cod. de indiction.

ⁿ In Vestinas.

^o Nov. 128. cap. 16.
^p Lib. 10. Epist. 13.

^q Lib. 6. Ep. 10.

^r Lib. 11. sub titulis de Can. frument. urbis Romæ, de frument. urbis Constantinopol. de annonis civil.
^s In Severo.
^t In Heliogabalo.

la Ecclesiæ cui sunt inscripti. Id certè vel ipsum *Præbendæ* nomen suaserit, eorum muneri in jure nostro attributum; ab eâ nempe portione, quæ ipsis præberi consuevit. Nam & *præbendum* Ulpianus Jurisconsultus^u; & multitudinis numero *Præbendæ*, pro Canone atque annona, quæ militibus dispensari consueverat, Livius, Gellius aliique dixerunt, laudati ab Alciato^z.

^u l. inviti 19.
Dig. de testib.

^x Lib. 2. parerg.
cap. 33.

^{10.} In Jure, pro
Cõstitutionibus
Ecclesiasticis.

^y In sum. &
can. 2. dist. 3.

^z 2. ad Cor. cap.
10. & ad Galat.
cap. 6.

^a cap. 3. 6. 16.

X. Jus itaque CANONICUM rectè dicitur à Canonibus, quo nomine donatæ sunt per antonomasiam Ecclesiasticæ Constitutiones; vel quod regant, & normam rectè vivendi præbeant: vel quod regulæ instar distortum pravumque corrigant, ut censent Isidorus, & Gratianus noster⁷. Atque hæc Canonis significatio non recens in Ecclesia, sed ab ipsis Apostolorum temporibus recepta videri potest: utpote quâ non semel D. Paulus utatur^z, ac præsertim in Epistolâ ad Philippenfes^a: nam hæc verba τῷ αὐτῷ ποιῶντι κανόνι, quæ Latine vulgò redduntur, *in eadem permaneamus Regulæ*, continent adhortationem Apostoli ad Ecclesiam Philipporum, ut eisdem cum reliquis Ecclesiis Canones observet, utque infidei ac morum regulis cum aliis conveniat.

^{11.} Hoc Jus di-
citur Ecclesiasti-
cum.

XI. ECCLESIASTICUM præterea dicitur hoc Jus nostrum, ab Ecclesiasticis, tum rebus de quibus tractat, tum personis, quæ eo potissimum utuntur, ac reguntur. Ecclesiasticæ autem res & personæ vocantur ex speciatim, quæ divino cultui sunt dicatæ.

^{12.} Ecclesia un-
de dicta.

XII. Nomen quidem Εκκλησία deductum à verbo Græco ἐκκλησιῶν sive ἐκκλησιάζω, quod evocare significat seu evocari, apud Athenienses dicebatur de cœtu civium, qui erant in urbe, sive concione (quæ Romanis Comitiorum nomine nuncupabatur.)

^{13.} Quomodo
sumatur apud
Christianos.

XIII. Apud Christianos deinde pro tota Fidelium, non modò in unaquaque civitate, sed per universum orbem degentium, multitudine accipi id vocabulum cœpit. Jamdiù tamen invaluit, ut strictius sumptum, cuilibet ædi sacræ, in quâ Christiani sacrorum causâ convenire solent, clericisque in eâ ministrantibus, tribuatur: ut infinita utriusque Juris & Ecclesiasticorum auctorum loca evidenter ostendunt.

^{14.} In Sacrum
ovæ appellatur.

XIV. Ad sacros hosce ministros resque ad eos, vel ad loca sacra pertinentes, cum specialius pertineat Jus canonicum, nihil mirum si S A C R A etiam JURIS titulum plerumque sortiatur.

XV. PONTIFICIUM quoque jus appellatur, ab Antistitibus sacrorum seu Pontificibus, quos autores agnoscit, & quorum potestate Jus hoc omne nititur: Romanorum præsertim, utpote quorum studio, & autoritate in unum corpus, atque in artem sit redactum. Pontificum autem nomen pro sacro Magistratu apud Romanos ab ipsis urbis incunabulis usurpatum, à Christianis quoque eodem sensu receptum est. Putatur autem vel à *Ponte* faciendo derivatum ex Varronis sententiâ; vel, ut existimat Scævola J. C. à *Posse* & *facere*. Et primò quidem certum est Pontificibus, inter cætera, Pontium curam incubuisse, qui diu Romæ lignei fuerunt. Pons sublicius imprimis, Anco Martio Rege ab ipsis factus, ac deinde sæpe numero restitutus legitur: quodd cum nullo ære aut ferro compactus esset, sæpius collaberetur. Cur autem ejus instaurandi munus ad Pontifices pertineret, id erat causæ, quod sacer crederetur, atque idcirco non nisi cæsâ victimâ & peracto sacrificio refici posset. Altera nominis ratio, aut derivari potest, à potestate sacrificandi (nam faciendo verbum Latinis, ut Hebræis, idem est ac sacra facere:) aut quodd Pontifex Maximus omnia quodammodo facere posset, ut qui & religionibus Deorum, & summæ reip. præesset, teste Cicerone^b: quæ causa fuit cur Augustus, cumque insecuti Principes, tuendo imperio suo, Tribunitiæ potestati, & Censuræ, Pontificatum maximum senserint adjungendum.

XVI. Denique Canonum Doctrinam THEOLOGIA PRÆTICÆ nomine non absurde indigitant Alvarus Pelagius Theologix & Canonum Magister^c, Melchior Canus^d & Cosmas Guimerius Præses Parisiensis^e, alique: THEOLOGIAM RECTRICEM nuncupat Boëtius Epus^f, quodd circa gubernationem regimenque Christianorum versetur; & quæ ad fidem, ac Dei ipsius, rerumque divinarum cognitionem spectant, ea, quatenus ad salutem necessaria sunt, complectatur, quemadmodum suo loco demonstrabitur.

XVII. Ex his patet Jus Canonicum definiri breviter posse, *Systema legum Sacrarum*. Quodd si quis accuratorem definitionem requirat, dici poterit: *Jus positivum, quodd ex scripturis divinis, atque ex regulis præscorum Patrum, de rebus ad Dei cultum ac religionem pertinentibus, à Pontificibus Ecclesiæ Catholica traditum, constitutum, vel approbatum fuit, ad re-*

15. Dicitur &
Im Pontificum.

b In princip.
orat. pro domo
sua.

16. Im Canoni-
cum Theologia
Practica seu
Relix.

c Lib 2. de statu
& planctu Eccles.
art. 20.

d Lib 8. de locis
Theol. cap. 6.

e Ad Pragmat.
Sæc. tit. de collat.

f De Jure facto
lib. 1. cap. 20.
num. 120.

17. Definitio
Juris Canonici.

etiam fidei, & morum inter Christianos constitutionem.

In hac definitione seu descriptione, (ut eam paucis ad Scholæ Dialecticæ normam exigamus) generis loco est *Jus Positivum*, qua in parte cum Civili Jure videtur convenire Canonicum. Licet enim Jure divino Ecclesiasticæ regulæ ex parte nitantur, & plerumque Positivi Juris appellatione intelligatur, quod positum est ab hominibus: aliud tamen est, ut observat Dominicus Soto g, Deum ipsum per se aliquid instituere; aliud verò hominem divinitus afflatum: deinde ea ipsa, quæ Juris divini propriè sunt, Ecclesiæ traditione ac judicio Canonica declarata sunt, atque ab apocryphis & supposititiis distincta. Denique cum divinæ legis auctoritate suffulti Pontifices multa præter eam legem sanxerint, certe à majori parte *Positivum* dici Jus Canonicum potest.

Hujus definitionis reliqua ad hanc scientiam à reliquis distinguendam spectant, & causas Juris Canonici, ac subiectum circa quod versatur, complectuntur. Materiam quidem præcipuam ex quâ constat, præter sacros codices, exhibent *Regula Patrum*, quæ ad Canones Conciliorum, Decreta Pontificum, Sententias Ecclesiæ Doctorum fere referuntur. Autores primarii Pontifices fuere. Forma deinde in traditione, constitutione, approbatione consistit. Quædam enim sunt in hoc Jure à Pontificibus tradita seu recepta ex veteri quadam traditione, ut scripturæ canonicæ, opuscula Patrum^h. Quædam constituta sunt à summis Pontificibus, sive in synodis unâ cum aliis Episcopis, ut Canones Conciliorum; & prisca Pontificum Decreta: sive extra Concilia, ut Decreta ipsorum posteriora, & Epistolæ Decretales: quædam comprobata, confirmataque, ut Concilia pleraque, & compilationes, tum Decreti, sive ab Eugenio III. sive à Gregorio XIII. tacite probati; tum Decretalium à Gregorio IX. Sexti à Bonifacio VIII. Clementinarum à Joanne XXII. De subiecto, rebus scilicet Ecclesiasticis, dicemus capite proximo: Finem, qui ad fidem ac mores præsertim Ecclesiæ recte instituendos pertinet, libro 5. explicabimus.

g In 4. sentent.
dist. 2. quest. 2.
art. 1.

h Can. *Sancita*
Romana. 3. dist.
75. Can. in Cano-
nicis, 6. dist. 19.
Can. *Sunt quidam*.
6. xxv. quest. 1.

CAPUT II.

De Juris Canonici Subjecta Materia, & in quo ab
affinibus scientiis, Jure Civili, Theologia,
Morum Philosophia differat.

I. **J**US omne, ut Civile, ita & Canonicum, versari circa Personas, Res, atque Actiones sive Judicia, nemo est qui nesciat. Inde ad hæc tria summa capita suam Juris Pontificii veteris Epitomen Antonius Augustinus, suaque alii opera revocarunt. Sed quoniam generali Rerum nomine reliqua continentur, dici potest cum Joanne de Imola^a: Subjectum circa quod versatur Jus Canonicum, nihil esse aliud quam *res Ecclesiasticas* quatenus sub disceptationem cadunt. Nam & Personæ Ecclesiasticæ, earumque officia & dignitates, non aliter hic spectantur, quam prout res sacras tractant, ac divino cultui mancipatæ sunt; & ipsa judicia ad res Ecclesiasticas acquirendas, conservandas, aut alienandas maximè referuntur.

1. *Juris Canonici Subjecta Materia Res Ecclesiastica, prout in disceptatione cadunt.*

^a In præmio Decretal.

II. Ex his sequitur Juris Canonici magnam esse cum Theologia, Jure Civili, ac Morali Philosophia affinitatem.

2. *Affinitas cum aliis disciplinis, Jure Civili, Theologia, & Ethica.*

Et primò quidem cum tribus illis scientiis id habet commune Jus Canonicum, quòd hominum Mores componit. In eo præterea cum Jure Civili convenit; quòd utrumque Leges continet, quibus dirimuntur controversiæ, poenæque irrogantur. Cum Theologia verò, quòd utrâque hac disciplinâ fides Christiana & sacra instituta ad religionem spectantia diriguntur: ita ut his quatuor velut columnis nitij & stare dici possit omnis humana felicitas.

3. *Utilitas.*

III. Ea verò est inter hæc præclaras disciplinas necessitudo, & quasi sororium vinculum, ut ad sui perfectionem, unaquæque alterius ope indigeat.

Ethicæ Philosophiæ principiis, & generalibus per eam ex recta ratione deductis notionum seminibus, cæteræ utuntur: unde quod Civili Jurisprudentiæ attribuit Ulpianus Jurisconsultus^b, ut vera non affectata Philosophia habenda sit, id potiori ratione Pontificiæ convenit, utpotè quæ naturalem

^b Leg. 1. §. 1. Dig. de just. & jure.

rationem divinis luminibus perficiat, atque hominum animos, derivatis ex ipso omnis sapientiæ fonte præceptis, informet.

Cum Theologia Jus Canonicum coherere, ejusque auxilio sæpenumerò uti, evidentius est, quàm ut argumentis confirmandum sit. Etenim Jus hoc nostrum nihil reverà est aliud, quàm ad vitæ usum aptata, atque in ipsis rerum argumentis posita Theologia, ut jam antea dictum est; & ex iis quæ affert Joannes de Turrecremata Cardinalis^d luculenter colligi potest.

Jus deinde utrumque sic inter se connexum est, ut alterum sine altero mancum omnino videatur, nec temporum nostrorum usui satis accommodatum: sed profanum à sacro in multis corrigendum; hoc ab illo in multis adjuvandum. Hinc fit, ut quemadmodum quæ speciali cuique Consuetudini defunt, ea ex Jure communi suppleri solent: ita si quid in Jure Canonico desideretur, id ex Civili petendum sit; & vice versà si quapiam in re Jus Civile deficiat, vel minus religioni consentaneum sit, recurri oporteat ad Canonicum: non rarò etiam alterum ab altero in ambiguis interpretationem accipiat. Quæ regula ab Interpretibus recepta, nititur imprimis autoritate Lucii III. Pontificis^e: atque huic ejus definitioni aliorum quoque Pontificum autoritas quàmplurimis locis suffragatur, in quibus ii decisiones suas, etiam inter Clericos, deque rebus Ecclesiasticis, ex Juris Civilis placitis mutantur, aut roborant^f. Imò non pauca ex Codice Theodosiano, ex Jure Justiniano, ipsisque adeo priscorum Jurisprudentum operibus, ut & ex Capitularibus Regum Francorum in corpus Juris Canonici translata sunt^g. Idque evidentius cuivis apparebit Juris Pontificii Glossas atque Interpretes legenti, quorum omnis ratiocinatio, legum (quas passim firmandis rationibus suis adducunt) non minùs quàm Canonum ipsorum regulis innicitur. Denique ad demonstrandam Theologicarum ac Civilium materiarum cum Canonicis cognationem sufficere videtur, quòd ut verus Auctor, institutà Legis divinæ cum Romanis legibus Collatione, utriusque legislationis miram consensionem jam olim ostenderit: ita & insignis superiore sæculo Theologus, Angelus Clavassius Summæ suæ, quâ conscientiæ, quos vocant casus, tradidit, Rubricas utriusque Juris, tamquam præci-

^a Cap. 7. §. 16.

^d In proem. Comment. in Decretum Grat.

^e Cap. 3. Ext. de novi oper. nunciat.

^f Cap. Innotuit. in fin. & de arbit. cap. Si diligenti. de foro compet. & alibi passim.
^g Can. Propter superfluitatem. 22. & seqq. 21. quæst. 6. Can. Imperiali. 13. & seqq. xxv. q. 2. Cap. Continuum. 5. Can. Quicumque 35. & seqq. xj. quæst. 1.

pua Decisionum suarum promptuaria, præfixit: Et Pontificiæ scientiæ cum aliis optimè convenire probavit ante aliquot annos Lælius Mancinus in Patavino studio Primarius Antecessor, integro volumine eam in rem scripto, quod *ἑλληων*, sive *Collationum*, aliàs de *Triplici Jure* indigtitavit. Sed quantacunque sit harum artium affinitas, quia tamen non eadem omnes viâ incedunt, à reliquis Jus Canonicum discrepet necesse est: cum diversam ab illis constituat disciplinam.

IV. Differt igitur à Morum quidem Philosophia Jus Canonicum, tam quòd divinâ potius autoritate, quàm humanâ ratione regitur & fulcitur, (quemadmodum ostendetur, ubi de ipsius origine sermo erit:) tum quòd cuncta ad religionem referat; ac denique quòd ad singularia magis descendat.

A Theologia discrepat, quòd ea rationes Philosophicas sacris præceptis admisceat, magisque in speculatione versetur: Jus nostrum Regulis Ecclesiasticis omnino adhærens, rebus agendis & praxi maximè insistat.

Distat denique à Civili Jure Pontificium, tum materiâ, quòd hoc sacras præcipuè res & spirituales; illud Civiles ac fluxas, sive temporales tractet: tum autoritatis discrimine, quæ in illo politica est & merè humana, in hoc autem multum habet ex divino, inspectâ præsertim origine. Sancto quippe à Spiritu manat legislatio omnis Ecclesiastica, cum ejus afflatu & gratiâ sancti Canones ediri sint^h, ut libro sequenti demonstrabitur, ubi de Conciliis agendum erit. Atque hoc utriusque Juris, potestatisque civilis ab Ecclesiastica discrimen indicatur à Gratianoⁱ: cum ait *duas esse personas quibus mundus iste regitur, videlicet Regalem & Sacerdotalem: & sicut Reges præsumunt in causis sæculi, ita Sacerdotes in causis Dei. Regum esse corporalem irrogare pœnam, sacerdotum spirituale inferre vindictam: sicut enim* (ut post subjungit ex D. Paulo^k) *non sine causa iudex gladium portat, ita non sine causa claves Ecclesiæ Sacerdotes accipiunt, ille portat gladium ad vindictam malefactorum, laudem verò bonorum: isti habent claves ad exclusionem excommunicandorum, & reconciliationem penitentium. Quæ desumpta videntur ex pluribus Canonibus distinctionis*^l 96. Atque hæc ferè sunt generales utriusque Juris differentiæ: specialia quantum ad Regulas & quæstio-

4. *Differentia Juris Canonici à Morali.*

^h Can. Violatorem. xxv. quæst. 1.
Et Can. Igitur ord. causâ. q. 2.

ⁱ §. Sed notandum est. post Can. Nos si incomptem-
ter. 41. xj. quæst. 7. & §. seqq.

^k Ad Rom. 13.
& D. Petri Ep. 1.
cap. 2.

^l Can. Duorum.
Et Can. Si impo-
ratur.

num decisiones, Canonum Legumque Civilium discrimina, post Bartolum^m, Henricus præsertim Canisius singulari opusculo collegit.

^m In tract. dis-
sentientiarum seu
contrarietatum in-
ter Jus Civile &
Canonicum.

CAPUT III.

*De Juris Canonici Præstantia, arque ad cæteras principes
disciplinas utilitate, deque Clavibus Ecclesiæ.*

1. *Præstantia
Juris Canonici.*

^a Lib. 1. de Ju-
re sacro. num. 1.
& seqq.

^b Ad 2. 2. quest.
79. in introduc-
tio.

^c Cap. 2.

I. HARUM trium principum disciplinarum quarum cæteris præstet, mihi non assumo ut definiam, ne nimium professioni ac materię à me susceptę aut blandiri videar, aut detrahere. Boëtius Epo^a divinam legem & Sacram sapientiam splendidiorē facetur Jurisprudentiā Canonicā; sed hanc Ecclesiasticam legislationem Civili augustiorem affirmare non dubitat; idque vel solo nomine Divinarum & secularium legum evinci putat: quę sententia confirmari posse videtur ex utriusque Juris ac Theologię officio, de quibus disserit Medina^b. *Jus*, inquit, *Cæsareum componit pacem in exteriori Republica: Jus Pontificium in Republica Christiana & Ecclesiastica: Jus Theologicum docet bene & feliciter vivere in ordine ad Rempublicam Cælestem* (quod tamen cur Canonicę Theologię deneget, haud satis videre me fateor.) Addit Epo ante laudatus^c, *Leges Ecclesiasticas Civilibus, vel in eo præcellere, quod cum illę ad normam præscriptumque divinę legis explorentur; quemadmodum hæc ubique eadem, ita & Ecclesiastici Juris Regulę, quantum ad generalia præcepta, per universum orbem Christianum uniusmodi, seu uniformes sint: cum Civiles per singula ferē territoria, aut saltem per regna & provincias singulas, varię sint, pro eorum arbitrio, qui in unaquaque regione dominiati sunt.* Ejus rei hæc ratio adduci potest, quod solā naturali naturalem ipsa quoque ratione & humano judicio politicę Constitutiones nitantur: Ecclesiasticę verò, licet eandem sequantur rationem; tamen Spiritus sancti ductu coaptantur divinę legi, ex qua omnia hujus scientię præcepta elici ac derivari non ambigitur.

Ecclesiasticę certē potestatis supra Civilem Præstantia va-

riis juris nostri, non Canonici tantum^d, sed & Cæsarei locis prædicatur. Eam in rem sufficere posset quod Justinianus constituit *sanctos Ecclesiasticos Canones, qui à sanctis quatuor Conciliis expositi & confirmati sunt* (id est univèrsum Codicem Canonum qualis ejus tempore extabat) non modò *vicem legum obtinere*: quod antea quoque sancitum ab eo fuerat^e; verum & *eorum decreta perinde ac sacras Scripturas suscipi*. Addere tamen libet, quod idem Imperator de sacris Canonibus agens subjungit, *quos etiam nostra sequi non dedignantur leges* &c. Et quod alibi ait, *plus studii adhibendum sibi esse circa sacrorum Canonum & divinarum Legum custodiam, quàm circa leges Civiles* ^h.

II. Ex antè dictis facillè colligitur quæ sit hujus Juris Utilitas, aut quæ potiùs ejus ad perfectam cæterarum affinium scientiarum notitiam necessitas.

Et primò quidem Ethicæ præcepta, nisi ad hujus Theologicæque Doctrinæ examen perpendantur, eorumque ope quodammodò laxigentur, vera vitia sæpe pro virtutibus obrudunt, insipientiam meram divinæ Doctrinæ inimicam pro sapientia venditant; idque ex eo intelligi potest, quod Christianis & Catholicis institutis opponi Moralia consuevere.

Christianos deinde omnes Jurisconsultos Canonum peritiâ omnino indigere vel inde patet, quòd in iis quæ ad vitam æternam, atque ad ejus (ut ita dicam) vehicula pertinent, Ecclesiasticas Regulas necessariò sequi oportet, quæ Juri Romano Civilibusque aliis Legibus non paucis in articulis adversantur, eaque non rarò corrigunt. Per Leges certè viduis nuptiæ intra luctus tempora prohibentur sub infamiæ periculo; at per Canones qui fragilitatis, & vitandi peccati præcipuum rationem habent, permittuntur. Illæ in rei alienæ possessore bonam fidem, initio dumtaxat; hi per totum assignati præscriptionibus temporis circulum exigunt^k. Concubinitus Jure Civili non improbat: idem rejicitur Jure Canonico. Patres & maritos quibus adversus adulteras in flagitio deprehenfas ultorem gladium, illis absolute, his aliquando porrigunt Imperatoris; exaimant Pontificiæ sanctiones; & parem esse volunt, ex naturali ratione, atque Apostolica doctrina, utriusque conjugis causam^l. Eadem Usuras quoque damnant, & gravissimis pœnis

^d Can. Cùm ad verum. Can. Duo sunt. Can. Si Imperator. dist. 96.

Vide Panorm. in cap. 1. de Constit. Cap. Omnis. & cap. Solita benignitatis. 2. de auctoritat. & obed. e Nov. 31. 9. Sen. cap. 1.

^e L. Sacris. 45. Cod. de Episc. & Cler.

^g Nov. 83. cap. 7.

^h Nov. 117. in præf. v. & leg. 13.

Cod. de sacros. Eccles. & l. 42.

ⁱ Cod. de Episc. & Cler.

2. Juris Canonici ad emendandam Ethicam, Jus Civile, & Theologiam, necessitas.

^j Cap. pen. & ult. ext. de secund. nupt.

^k Cap. 5. & cap. ult. 2. de præscript.

^l Can. 19. 201. & ult. xxxij. quæst. 5. & x. quæst. 6. cap. pen. & ult. ext. de adul.

m Toto tit. ext.
de ulur.

n Cap. 8. de con-
sanguin.

o To. tit. de
divort. ext.

p Lib. 1. de Jure
sacro cap. 1. num.
53. ac seqq. Et
cap. 1. num. 107.
& seqq.

q In præfat.
Jur. Can. per
aphorismos ex-
plicati.

r Lib. 8. de locis
Theol. cap. 6.

coërcent Principum constitutionibus permissas^m; atque intra proximos tantum cognationis atque affinitatis gradus coërcita ab his conjugia, justis de causis, longius à communi contrahentium origine remouentⁿ. Ex tamen in his apud nos præpollent. Divortia, per leges propemodum arbitraria; ad tori ex legitimis causis separationem redegerunt Ecclesiastica Regulæ^o; quæ & in aliis capitibus propè innumeris differunt: de quibus consulendi inter cæteros prædicti Epo P, & Canisius, aliique. Quàm necessaria denique sit omnibus hodie causas sive dicentibus, sive judicantibus, Canonici æque ac Civiles, & Patrii juris, peritia, manifestum reddunt quotidianæ, ac sæpe maximi momenti lites de Beneficiis, & Jure Patronatus Ecclesiastici, de Decimis, de Regularium & Clericorum validis aut invalidis Votis, de Electionibus, de Matrimonis, aliisque rebus lites: ut egregiè disserit Arnoldus Corvinus Batavus Jurisconsultus q. Præterea universus Judiciorum ordo, quem hodie utroque in foro receptum videmus, ex Secundo Decretalium libro haud dubiè est ad-discendus.

Ad Theologiam verò quod attinet, ut ejus cognitionem ad Canonum perfectam noticiam apprimè conducere ultro concedimus; ita inficiari nemo potest, in multis eam sine Canonum ope cæcutire. Ejusmodi sunt quæ ad ritus Sacramentorum & reliqua sacra munia, quæ ad Ecclesiasticorum officiorum & beneficiorum administrationem, ac præsertim quæ ad Ecclesiasticæ jurisdictionis usum spectant: imò & ea quæ ad solvendas quæstiones quasvis de Moribus, & dubitationes de variis hominum actionibus motas pertinent. Quapropter Melchior Canus^r Theologum sic informat, ut velit Juris Pontificii imprimis peritum esse, tum aliis de causis, tum quòd ex Pontificum Decretis Theologi dogmata sua, sive in rebus fidei, sive in rebus morum collegerint; Pontificum autem decreta ex libris utriusque Testamenti manarint; nec modò maximam cum illis habeant affinitatem, sed & ad eorum explicationem momenti sint haud exigui; tum etiam quòd Canonica sit facultatis per Ecclesiasticas leges dirigere animas in æternam salutem: tum denique quòd vel in solo Decretalium volumine permulti casus & articuli contineantur adeo utiles & necessarij, tam in foro pœnitentiæ, quàm in disponendis Ecclesiæ rebus,

ut absque illorum cognitione nonnisi periculosè tractari possint, qui vocantur *Conscientia casus*. Id palàm profitentur doctissimi quique ejusmodi Casuum post Raymundum Pegnafortium, & D. Thomam tractatores, Silvester, Navarrus, Henriquez, Laymannus, ut qui omnia ferè definitionum suarum argumenta, ex Juris nostri officina, velut ex suo & vero armentario, depromant.

III. Certè cum duplex vulgò, aliquibus etiam triplex, Clavium genus distinguatur, in quibus Pontificia potestas est posita; quarum prima Ordinis dicitur, altera Jurisdictionis, tertia Scientiæ: harum omnium rerum directionem ex parte aliqua sibi vindicat Jus Canonicum. Et primum quidem genus, quod circa Sacramenta administranda potissimum versatur, id eatenus dumtaxat ad Theologicam Facultatem videtur spectare, quatenus eorum indaganda natura & vis est: quatenus autem exhibendorum ratio tradenda est ac præscribenda, Juris est haud dubiè Pontificii: quæ de re Joannes Andreas¹, & reliqui Doctores².

Clavis deinde *Jurisdictionis* tota videtur esse Juris Canonici, quantum ad forum, quod vocant *Fori*, id est exterius; si modò ipsam potestatis hujus institutionem demas, quæ solius est Christi, Legisque divinæ. Quin & quod attinet ad jurisdictionem Conscientiæ, sive forum *Poli* & interius, id etiam ad Jus Pontificium pertinet, sic tamen ut Theologia quoque ad eam partem explanandam non parum conferat: sed praxis, decisiò, ususque, & poenitentiae imponendæ modus, Jurisconsultorum nostrorum est. Ejus quippe rei principia & regulæ non aliunde certius tutiusque, quam ex Canonibus peti possunt: ut iis omnibus est perspectum, qui Theologos, non minùs quam Canonum Doctores ante laudatos, ceterosque peccatorum, ad usum fori poenitentialis, disquisitores ac discussores, qui vulgò Casuistæ vocantur, vel à limine salutarunt.

At tertium Clavis genus, *Scientia* scilicet, si de sacre Scripturæ interpretatione intelligatur, ea magis propria videtur esse Theologorum: sed si cum Magistro Sententiarum³, sumatur pro totius Scientiæ Prælati accomodatæ peritia, spectabit procul dubio ad Canonum quoque Consultos. Nam in Poenitentiae tribunali, tum exteriori, tum etiam interiori, sive solennem indicturis Poenitentiam, sive

3. De Clavibus.

¹ Ad cap. 1. de Summa Trinit.

² Ad cap. Post translationem. §. Cum ergo. de renunt. & alibi.

³ Lib. 4. sent. dist. 19. in princ.

privatim Confessionem fidelium auditoris, tremendumque iudicis in utroque genere acturis officium, tam Ecclesiasticæ, quàm Divinæ Legis necessariam prorsus esse cognitionem, ex supra dictis evincitur. * Eâ certè notitiâ destituti, nec peccata pœnitentium satis discernere ac distinguere poterunt, nec in absolutionis ferenda sententia salutare pœnitentias injungere. Quapropter, optimâ ratione jubentur 7 Sacris initiati sic Canonum studio incumbere, ut eos apprimè cal-
 leant: atque olim in ordinatione, Liber Canonum ideirco ab Episcopis tradi legive ordinari solebat, Concilii Carthaginensis Decreto 2: eademque de causâ præciunt Toletani IV. Concilii 2 Patres, ut *Sciatis Sacerdotes Scripturas Sanctas & Canones*. Nec verò sine causâ Melchior Canus non alienum à vera conjectura existimat, Christum Dominum speciali quadam gratia Juris Pontificii Professoribus adesse in Legum Ecclesiasticarum vera interpretatione. Cujus sententiæ hanc subjicit rationem, quòd Deus, qui in necessariis non deficit, non in Theologos solum, sed & in Sacri Juris Doctores spiritum veritatis effundere debeat. Quin etiam quæ Theologiæ Polemicæ adscribi solent, ad Canonicam Disciplinam trahere non dubitat Antonius Demochares Monchiacenus Theologus Parisiensis^b. Neque enim aliud vult, cum in editione Juris Canonici, cujus curam susceperat, id præsertim agit, ut ex prisceis Canonibus jure nostro comprehensis, confutati posse ostendat novos in fidei articulis errores ab Hæreticis introductos.

IV. Quærent nonnulli ad utros potius recurrendum sit, ad Theologiæ, an ad juris Canonici peritos, quoribus de materia Pontificiæ Jurisdictionis aut administrationis agitur, quæ ex sacris maximè Literis pendeat, quales sunt Hæresis, Usura, Simonia, Matrimonium, Divortium, Jurjurandum, Perjurium, Vorum, Indulgentiæ, Decimæ, & alia ejus generis. Eam quæstionem tractarunt inter Juris Canonici Doctores Petrus Ancaranus^c, Petrus Ravennas^d, & Nicolaus Everardus^e; ex Theologis verò Melchior Canus antea laudatus^f; & Conradus Summenhartius^g; atque alii, quos suæ quemque professioni suffragari non est mirum. Sed optimè hanc litem componer, qui cum jam nominato Boëtio Epone, hæc duas præstantissimas utilissimasque disciplinas assiduo studio conjunxerit, ut paulò antè indicata plu-
 timorum

* Cap. *Inter ca-
 sira*. in fin. de of-
 fic. Jud. ord.

2 Can 4 dist 38.

2 Can. 7. ead.
 dist. 38.

2 Can. 1. ibid.

^b In præfat. De-
 creto Gratiani
 præfixa.

4. *Utri præse-
 rendi in deci-
 dendis rebus Ju-
 risdictionis à di-
 vina lege ma-
 nantibus, Ca-
 nonista, an
 Theologi.*

^c In disputat. cu-
 jus initium, *anti-
 quus & modernis
 temporibus.*

^d In compendio
 utriusque Juris,
 est dicta notabilia
 §. hoc in loco.

^e In locis Dia-
 lect. loco ab auto-
 ritate num. 7.

^f Lib. 8. cap. 7.

^g De contractib.
 quærit. 49.

rimorum Canonum decreta sanxerunt. Agnosco itaque libenter non omnibus planè numeris absolutum fore Juris nostri Doctorem, qui Sacrarum Literarum rudis penitus fuerit; nec minùs affirmare audeo Theologos inter vix quemquam magni nominis extitutum, qui sacros Canones, Sacrarum Literarum certissimos multis in locis interpretes, ignoraverit. Certè in Ecclesiasticis Præfecturis ac dignitatibus, atque officiis obtinendis, Juris Canonici Doctores, cæterique gradu aliquo academico ejus peritiæ nomine donati, tum ex Pragmaticæ Sanctionis^b, & Concordatorum nostrorumⁱ, tum ex Concilii Tridentini placitis^k, deteriori loco non habentur, quàm Theologi, sed pari omnino passu ambulant. Quin & Canonum periti, in iis dignitatibus quibus annexa jurisdictio est, anteponi aliis videntur^l. Nimirum hæc utraque scientia Ecclesiæ æquè necessaria est; cum verè Sorores sint, ut ait Ep^m, si earum finis consideretur: vel potiùs mater & filia, si spectetur origo. Adde quæ hæc de re differit P. Gregorius Tolosanusⁿ.

^h §. Videlicet de Collat.

ⁱ §. Præterea eod. tit.

^k Sess. 23. cap. 18 de reform. y.

^l Quod si iudicio.

^m Sess. 24. cap. 16. de reformat.

ⁿ Lib. 1. de Jure sacro, cap. 2.

ⁿ Lib. 1. de Utiis, cap. 4.

CAPUT IV.

De Juris Canonici Divisionibus, ac de Lege Divina & humana, atque utriusque necessitate.

I. **E**X Superioribus variæ oriuntur Juris Pontificii Divisiones: quarum duæ imprimis observandæ. Prima ex origine petitur, in Divinum & Humanum^a: altera ex constituendi modo, in Jus Scriptum & non scriptum, sive Mores^b. His addenda tertia ex autoritate, & locis ubi viget, in Commune, quod scilicet in corpus Juris relatum, apud omnes ferè nationes Christianas valet; & Proprium ac singulare, seu statutorum, quod extra Corpus Juris habetur^c. Quartam præterea Divisionem, quæ in Jure nostro indicatur^d, in jus Græcum seu Orientale, ac Latinum sive Occidentale, Lib. 3. exequemur.

II. Quæ ad Jus Scriptum pertinent, ea desumpta sunt partim ex Jure Divino, partim ex Constitutionibus humanis seu Canonibus. Hæ quippe voces latiori significatione pro omni Jure Positivo Humano usurpantur^e: quamquàm specialioris distinctionis causâ, nomine quidem

C

1 Juris Canonici divisio præma in scriptum & non scriptum.

^a Io Iun m. & Can. Omnes Leges dist. 1. & Cap. 1. dist. 1.

^b Can. Jus generale, dist. 1.

^c Cap. Cum dilectus, de constit.

^d Cap. 11. de Temporib. ordination.

2. Jus scriptum adhuc dividitur in Divinum & Humanum.

^e In principe. & §. Perro, post Can. 1. dist. 1.

proprie statuta Conciliorum; nomine *Constitutionum* intelliguntur decreta Pontificum, aliorumque Episcoporum aut etiam Collegiorum.

3. *Jus Divi-*
num quid.
f Dist. 1. in
summ.

g Cap. *Qualiter*
et quando 24. &
de accusat.

h Can. *quis ne-*
sciat, dist. 9.

4. *In quo dif-*
ferat à naturali

III. *JUS DIVINUM* latè sumpto vocabulo appellamus quod in Lege continetur & Evangelio^f, id est veteris & Novi Testamenti Legislationem universam: utriusque enim præceptis *Jus Canonicum* non modò passim est respersum, sed etiam ex iis potissimum profluxit g. Atque hoc *Jus* omnibus aliis anteponitur scriptis^h.

IV. *Jus* istud à quibusdam, ab ipso imprimis Gratiano, cum *Naturali*; ab aliis cum *Æterna Lege* confundi videtur. Verùm, si accuratè res perpendatur, non exiguum inter hæc constituendum est discrimen. Cùm enim in *Lege Divina* triplicis generis præcepta tractentur, *Moralia*, *Cærimonialia* seu *Mystica*, & *Judicialia*: *Moralia*, quæ *Decalogo* ferè continentur, à *Jure Naturali* humano vix recedunt. *Legalia*, sive ad mysteria & ritus, sive ad judicia referantur, *Juris Naturalis* nomine comprehendi minimè possunt.

5. *Lex Æter-*
na quid.

V. *Æterna* verò *Lex* nihil est aliud, quàm summa ratio in solo Deo perfectè existens, & participatione quadam mentibus hominum omnium, modò sani judicii sint, indita; ex qua Legum tum *naturalium*, tum *humanarum* & *civilium* omne genus manavit, ut luculenter ostendit post *Platonem*ⁱ, *Cicero*^k, longèque enucleatius ac distinctius *D. Thomas*^l.

i In *Epinomide*,
& alibi.

k Lib. 1 de legib.

l 1. 2. *Quæst.*
Præsertim 93.

Sed *Lex Divina* propriè sumpta ea dicitur, quæ finem hominis naturalem excedens, & supernaturalem, vitam nempe æternam proponens, ab ipso Deo revelata est; quam Doctores nonnulli *Legem Divinam Positivam* nominant. Hæc constat utriusque *Fœderis*, veteris & novi præceptis; quæ tamen non eundem omnia vigorem nunc habent. Novi quidem Testamenti præcepta (præcepta dico, non consilia) divino *Jure* cuncta servanda necessariò sunt. Sed *Mosæicæ Legis* iis tantùm præceptis adstringimur, quæ ad generalem morum informationem spectabant. Hæc, uti jam dictum est, ad *Decalogum* ferè referri possunt. Quin hæc quoque, non tam quatenus præcepta sunt *Legis Mosæicæ*, quàm vi *Legis naturæ* in animis hominum insitæ, quæ idcirco, ex *Justiniano* quoque, immutabilis est^m, hodie obligant ex communi sententia, quam inter alios *Juriconsultos* probat

m § pen. Inst. de
Jure Nat. Gent. &
Civili.

Didacus Covarruvias ; inter Theologos Gregorius de Valentiaⁿ. Judicialia verò, quæ ad Jus dicendum, Judicialia, que recte administranda pertinebant, & Cærimonialia ad Divinum cultum rite exhibendum spectantia, per Christi mortem sublata sunt, ut probant D. Augustinus^o, & D. Hietonymus^p. Quamquàm, quod attinet ad hæc Legalia præcepta, ita distingui solet, ut superficie tantum tenus mutata sint; at secundum moralem intellectum, nullam acceperint mutationem, ut contendit Gratianus^q. Unde veteris Legis ea præcepta quæ Decretalium Libris à summis Pontificibus inserta sunt^r, non ut Divinæ Legis placita custodiri à nobis debent, sed quatenus humani Juris sunt, Pontificiis Constitutionibus recepta, & renovata: quâ ratione aliorum quoque observatio præcipi posset. Cum igitur hujusmodi etiam præcepta, Divini juris, seu Divinæ Legis Constitutiones alicubi appellantur in Decretalibus^t: id de Divina lege veteris Testamenti est intelligendum, quâ reverà tenebantur ante Christum Judæi; sed cujus vinculum ex D. Thomæ^u, inchoato humanæ Redemptionis mystetio, solvi cœpit adveniente Christo; passione verò ejusdem finem omnino accepit, Redemptionis scilicet consummato mysterio. Quod autem Legalia nonnulla post mortem Christi observata leguntur^v id ideo factum dicitur, ut mortua synagoga cum honore sepeliretur; quæ sunt verba D. Thomæ^x; idque non alia ratione quàm quâ videmus mortuorum corpora non statim sepulturæ tradi, sed aliquandiu oculis exponi superstitem, atque servari.

VI. Cur autem præter humanas Leges Divina quoque necessaria fuerit, causæ ab eodem D. Thoma quatuor assignantur^y. Prima, ut homo erigeretur ad supernaturalem æternæ beatitudinis finem. Secunda, ut in actibus dubiis, certò & sine errore dirigeretur. Tertia, ut interioresejus mores atque actus pravi cohiberentur. Quarta denique, ut nihil quidquam quod malum sit, impunitum remaneret. Horum verò nihil leges humanæ, propter hominum infirmitatem atque ignorantiam præstare possunt. Eoque S. Doctor refert illud Psal. 118. *Lex Domini immaculata, convertens animas; testimonium Domini fidele, sapientiam præstans parvulis.* Quibus verbis indicatur, ex ejus sententia, singulorum peccatorum, etiam minimorum correctio; internorum actuum,

¶ In 1. 2. disp. 7. quæst. 7.

o Epist. 19.

p Epist. 11.

q §. fin. dist. 2.

r Cap. 2. de adult. Cap. 1. de furtis. &c. 1.

t Cap. Literis 2. de restit. spoliat. & cap. 12. 3. Cap. in aliquibus in fin. 2. de decim.

u 1. 2. quæst. 103. art. 4. & quæst. 104. art. 3. in Act. cap. 15.

v 16. & 27. item ad Galat. cap. 5.

x Dicto art. 4.

6. Necessitas
Divina Legis.
y 1. 2. Quæst. 92. art. 4.

motuumque animi compositio; & promissio vitæ cælestis, in qua investiganda consistit vera sapientia.

7. *In quo differat Nova Lex à Vetere.*

2. Ead. quest. art. 5.

VII. Lex verò Nova perfectione magis quàm alià re quapiam à Veteri distinguitur; atque, ut idem D. Thomas loquitur^a, tanquàm vir à seipso puero. Estque notatu dignum, quod observant Legem Mosàicam populo Dei, Hebræis nimirum, datam esse à Deo Patre per Angelos; Legem Evangelicam, Dei quoque populo, nimirum Ecclesiæ Christianæ, à Deo Filio traditam proprio Domini Christi ore, qui Deus verus & homo est; Legem denique Ecclesiasticam, pro re nata, Pontificum ore, quibus licet meritis hominibus, pascendum gregem suum Christus commisit, eidem Christiano populo quotidie dari à Spiritu sancto; ejus ad Ecclesiæ Catholicæ regimen divinus nunquàm deerit afflatus.

8. *Decalogi secunda pars quatenus Juris humani.*

^a Lib. de Decal.

^b Exod. cap 31.

VIII. Philo quidem Judæus^a non dubitat secundam Decalogi tabulam ad Jus humanum revocare, quodd ad charitatem erga homines pertineat^b; quemadmodum Prior tabula ad charitatem erga Deum. Sed quamvis, si quis subjectum ejus tabulæ spectes, vera ejus sententia sit: attamen inspecto autore atque origine, (quâ præsertim ratione Jus Divinum ab humano secernitur) Decalogus universus divini Juris est, utpotè Dei digito exaratus; vel potius in omnium hominum animis maxima saltem ex parte insculptus.

9. *Jus Humanum, seu Constitutionum, quarum aliæ Civiles, aliæ Ecclesiasticæ.*

^c Dist. 3. in sum.

^d Can. 1. in fin. & duob. seqq. ibid.

IX. HUMANUM Jus, sive Jus *Constitutionum*, quod & propriè Positivum dicitur, tanquàm ab hominibus positum atque institutum, complexitur Leges omnes scriptas^c. Constitutiones autem aliæ sunt Civiles, aliæ Ecclesiasticæ. Civiles sunt, quas Principes populis, aut ipsi sibi populi posuerunt: quæ, si Evangelicis Canoniciisque institutis non adversentur, omni reverentiâ dignæ sunt^d; si contrariæ sint Pontificiis Constitutionibus, modò ad animarum interitum non vergant, in suo foro servantur.

10. *Constitutiones Ecclesiasticæ sunt Triplicis generis.*

^e §. Porro, pect Canonem 2. ead. dist.

X. Constitutiones autem Ecclesiasticæ, de quibus hîc præcipuè agimus, sunt in triplici differentia, ut suprâ à nobis indicatum est. Vel enim sunt statuta Conciliorum, sive Generalium, sive Localium (quo nomine comprehenduntur tam Provincialia, quàm Nationalia) vel decreta Pontificum; vel dicta Sanctorum^e.

XI. Sed quæri potest constitutâ Lege Divinâ, quæ ad æternam salutem sufficeret, quid attinuerit Canonicam præterea, sive Ecclesiasticam Legem constitui? Ejus rei hæc ratio redditur, quod cum nulla civilis societas sine congruis statui suo Legibus stare possit, necessarium visum est disciplinæ, vitæque, tum communis, tum etiam privatæ, regulas accuratiùs clariùsque præscribi: quæ sanè ad faciliorem divinæ ipsius Legis observationem plurimùm conducunt; uti præter cæteros probat Alphonsus de Castro^f. Atque huc referri possunt divinæ sapientiæ verba apud Salomonem 8. *Conserve, fili mi, præcepta Patris tui: & ne dimittas Legem matris tuæ.* Matris nomine quis dubitet Ecclesiam esse intelligendam, per quam Christo generati sumus? Et verò quemadmodum, præter legem Naturalem, Civilibus quoque opus fuit in Republica: pari quoque ratione præter Divinam Legem, opus habet Ecclesia propriis Legibus & Constitutionibus, quibus ejus corpus in exteriori disciplina regatur. Etenim sicut Leges Civiles ex naturali ratione; ita Ecclesiasticæ Leges ex Lege Divina profluunt^h, suntque velut conclusiones quædam ex illa deductæ, ad ea moderanda, quæ Christus Dominus judicio eorum qui præfuturi erant, pro rerum, personarum, temporum, locorum varietate, definienda reliquit.

XII. Jus non Scriptum constat Traditionibus & Consuetudine: ad quam referri potest Romanæ Curix Stylus, & quam nonnulli Conniventiam vocant.

XIII. *Traditionibus* accensentur quæcumque solâ voce ab Apostolis eorumque primis successoribus prodita, ad nos, velut per manus transmissa pervenerunt; licet ex parte scriptis quoque à posteris sint comprehensa. Hujusmodi sunt in sacrosancto Missæ sacrificio, aquæ cum vino permixtio; Inunctio eorum qui baptizantur, institutum frontem signo Crucis muniendi; Imaginum usus, aliaque quàm plurima, quæ autoribus D. Basilio, & D. Augustino non minoris sunt autoritatis & ponderis, quàm si ab initio scriptis mandata essentⁱ. Atque huc pertinet illud Pauli^k. *Itaque fratres sinite & tenete Traditiones, quas didicistis, sive per sermonem, sive per epistolam nostram.* Valeat & in hac re Tertuliani sententia, vel potiùs testimonium; qui ubi inter cætera^l, Baptismatis & Eucharistiæ sumendæ ritûs, Oblationes

11. *Cnr necessaria fuerit Lex Canonica.*

^f Adversus hæreses, Lib. 6. de Hæresi 9.

^g Proverb. 6.

^h Cap. qualiter & quando 14. c. de accusat.

12. *Jus non scriptum quodplex.*

13. *Traditiones.*

ⁱ Can. 5. dist. xj. Can. illa 12. dist. 12. x. 2. Ad Thesalon. cap. 2.

^l De corona Milit. cap. 3.

in Cap. 4.

in Hist. Eccles.
lib. 5. cap. 20.

in Lib. 1. adver-
sus hæreses, cap. 2.

p. Actio. ult.
q. Sess. 5.

in Sess. 4. in pr.
14. Consuetu-
do quid, ejusque
auctoritas.

in Can. 5. dist. 2.
Can. 6. dist. x. Can.
7. dist. 32. l. 32. &
33. Dig. de Legib.
1. Cap. 8. ext. de
consuet. l. 37. Dig.
eod. tit.

in Cap. ult. de
consuet. ext. & in
6. & de l. 37. in
fin.

in Cap. 3. de con-
suet. in 6.

in Can. conse-
quens, 2. dist. xj.

in Glof. in cap.
ult. de Consuet.
in 6. & in cap. ut
lingantes de offic.
ordinar.

in Can. 3. & seqq.
dist. 8. Can. 3. 8 &
11. dist. 31. cap. 7.
& ult. ext. de
Consuet.

pro Defunctis, & Crucis crebro usurpata in fronte signacula commemoravit, hæc subjungit ^m: *Harum, & aliarum ejusmodi disciplinarum si legem exposules Scripturarum; nullam invenies. Traditio tibi prætenditur auctrix, Consuetudo confirmatrix, & Fides observatrix.* Eodem etiam spectat illud B. Irenæi martyris ad Florinum hæreticum apud Eusebium ⁿ, ταῦτα & δόγματα, ὅτι παρὰ ἡμῶν προεβόησι, ὅτι & τοῖς ἀποστόλοις συμφοιτίσασιν, ἢ παρὰ τῶν σοι. *Hæc dogmata, hi qui ante nos vixere presbyteri, sive seniores, qui etiam Apostolorum discipuli extiterant, nequaquam tibi tradiderunt.* Quod sanctissimi & antiquissimi præsulis testimonium ad confutandam vanitatem cæterorum hæreticorum Traditiones respuentium, non exiguum habet momentum. Nec minoris est ponderis, quod idem Lugdunensis Antistes ^o hæreticos provocat Ecclesiæ nomine ad eam Traditionem quæ est ab Apostolis, & per successiones quoque Seniorum in Ecclesiis custoditur. Quamobrem & Nicæna Il^a, & Florentina ^q, universales synodi Traditionum Ecclesiasticarum impugnatores anathemate haud immerito damnarunt. Tridentina quoque superiorum vestigiis inhærens, *omnem veritatem & morum disciplinam contineri affirmat in Libris Scriptis, & sine scripto Traditionibus, quæ ipsius Christi ore ab Apostolis acceptæ, aut ab ipsis Apostolis Spiritu Sancto dictante, quasi per manus Tradita, ad nos usque pervenerunt.*

XIV. *Consuetudo* est jus quoddam Moribus institutum, quod pro lege suscipitur, cum deficit Lex^f. Ea optima est Legum interpret^t: adeo ut non modo Lege deficiente valeat; sed si legitime Præscripta sit, in iis, in quibus non vertitur salutis periculum, juri etiam Scripto deroger^r. Specialis certè Consuetudo canonicè præscripta generali constitutioni præstat, nisi Consuetudinis ejus in constitutione posteriori nominatim mentio fiat^r. Ita enim intelligendus est, opinor, Nicolaus I. Pontifex, hac de re scribens ad Michælem Græcorum Imperatorem^r. Præscripta verò censetur spatio quadraginta annorum². Quæ ita intelligi debent, si Consuetudo rationi sit consentanea; nec Juri divino aut naturali, seu bonis moribus, aut receptis apud omnes Canonibus plane contraria sit; quo casu Corruptela potius & abusus, ac vetustas erroris, quàm consuetudo dicenda videtur². Hujus rei exempla non pauca in toto Jure habentur.

XV. Est autem Consuetudo vel Generalissima, quæ in universo orbe Christiano viget, & hæc pro Apostolica ferme Tradirione est habenda^b; vel Generalis, quam aliqua natio, aut provincia servat^c: vel specialis seu Localis, quæ in aliqua certa Civitate, aut Collegio valet^d.

Consuetudo Particularis, ratione subnixæ & probata, in loco ubi recepta est generalem vincit, ut antea indicavimus^e; idque propter diversam populorum ac locorum naturam, quæ sæpe diversa exigit instituta^f. Etenim ob varium provinciarum ingenium, ac morum in quibusque gentibus varietatem, non eadem ubique conveniunt, sed ut loquitur Plutarchus in Themistocle ἀλλὰ ὁ ἀλλοις ἡγά. Cujus rei exempla habentur apud Theophilum^g, Polybium & alios.

Tria itaque sunt quibus fermè Catholica Ecclesia gubernatur: autoritas scripturarum, aut traditio universalis, aut propria & particularis institutio. Sed autoritate Scripturarum, & universali Traditione majorum tota constringitur: privatis verò constitutionibus & Propriis informationibus, unaquæque, pro locorum varietate, & prout cuique visum est, substituitur ratiocinatur D. Augustinus in epist. ad Januar.

XVI. *Stylus Curie Romanæ* nihil est aliud quàm formula, quæ Aula Romanæ Officiales, sive agentes, Scribæ ac Scriuarii in scriptis, vel aliis negotiis expediendis utuntur^h. Ea dici potest Consuetudo quædam, quæ respicit ordinem ac formam loquendi, scribendi vel procedendi: in quo differt à Consuetudine generaliter sumpta, quæ absolutè Decisiones causarum spectatⁱ. Hic Stylus, ubi Jus contrarium nullum est, potest in decisionibus allegari, cum pro lege habeatur^k: & jure quoque Civili ejusmodi usus, ac styli ratio habetur^l; & si quid contrà fiat, improbari solet^l.

XVII. Quæ verò ratione Consuetudo atque usus probatus, eadem quoque ratione *Conniventia* ipsa (ut vocant) Juris vicem obtinet^m; est enim tacitus quidam consensus eorum, qui quod vetare possent tolerare malunt.

XVIII. Hanc Juris Divisionem paulò aliter institutæ videtur in Decreto suo Gratianusⁿ, illud distribuens in Jus *Naturale*, quod vetustius & immutabile esse affirmat; & *Mores* seu Consuetudinem. Verùm Juris naturalis nomine Leges omnes divinas intelligit, jusque illud quod Mosaïca Lege atque Evangelio continetur. Quod ex parte verum

15. *Divisio Consuetudinis.*

^b Cap. 5. ext. de consang. & affin. Cap. 49. de sent. excom. & c.

^c Can. Catholica 8. dist. 11.

^d Cap. cum Ecclesia 31. de elec.

^e Vid. Cap. 19. de jurejur.

^f §. t. Inl. de Jur. nat. & cap. 1. de Consuet. in 6.

^g Instit. §. t. de Jure natur. & c.

16. *Stylus Curie Romanæ.*

^h V. can. 8. dist. 11.

ⁱ Vid. cap. quàm gravi 6. ext. de crim. falsi.

^k Cap. literas 2. ext. de jur. calum. Panorm. & alij ad cap. ex Literis de Constit.

^l L. 6. Cod. de divers. rescript.

17. *Conniventia.*

^m Cap. 18. in fin. ext. de præb.

18. *Explicatur Juris Divisio à Gratiano adducta.*

ⁿ In sum. & Can. omnes dist. 1. atque in sum. dist. 50.

est, quatenus nempe Decalogus & alia utriusque Legis præcepta rectæ rationi sic consentanea sunt, ut omnibus naturali lumine pateant : ex parte falsum, quandoquidem non omnia quæcunque in Lege aut Evangelio continentur, ad Jus naturale referuntur, ut & ipse Gratianus agnoscit. Quod autem *Morum* nomine instituta quævis & omnes Consuetudines complectitur : & Consuetudinem facit partim *Scriptam*, quæ propriè Lex est seu constitutio; partim non scriptam, quæ Consuetudo strictè appellatur : impropriè loquitur. Non malè deinde Constitutionem Scriptam^o dividit in Civilem vel Jus forense, & Ecclesiasticam seu Canonem : Canonem verò alios facit Decreta Pontificum, alios statuta Conciliorum^q. Quæ omnia cum divisione à nobis allata conciliari nullo negotio possunt : si dicamus aliter ab eo sumi Consuetudinis nomen, quàm vulgò accipitur ; & ad omnia Juris humani genera porrigi. Et verò, si benè calculum ponamus, facillè apparebit Jura omnia ex hominum usu originem ac vim habere. Nam & ante descriptas populis leges, certis civitas quæque aut natio institutis regebatur, ita exigente societatis cujusvis natura : & Leges ipsæ ac scriptæ constitutiones, etsi ab imperantibus earum conditoribus accipiant auctoritatem ; frustra nihilominus promulgentur, nisi, ut ad subiectorum utilitatem accommodandæ sunt^q, ita eorum moribus receptæ, plenum robur nanciscantur.

XIX. Ex supradictis Tertia oritur Juris Divisio in Commune & Singulare seu speciale. *Jus Commune* dicitur quod in corpus Juris Canonici est relatum^r. De hoc etenim hic agimus. Corpus autem Juris, ut fusiùs lib. 4. differemus, continet Decretum Gratiani, *Quinque Libros* Decretalium Gregorii I X. Sextum Decretalium, Clementinas, & Extravagantes tam Joannis XXII. quàm Communes, *Jus Singulare*, strictè quidem loquendo, ea complectitur quæ nationi, provinciæ, Ecclesiæ, collegio cuique propria sunt, ideoque jus Proprium & jus quoque Statutorum generali appellatione dicitur : at latiori significatione ad alia quoque extendi potest, quæ licet recepti Juris corpore non comprehendantur, vim tamen Legum certis in rebus obtinent. Hujusmodi sunt Regulæ Cancellariæ Apostolicæ, ac Bullæ seu Decretales, quæ extra Juris corpus habentur, secundum quas in locis, ubi promulgatæ sunt, pronuntiare judices

^o §. His itaque post Can. non est peccatum, dist. 6.
^q §. Chimique, post Can. Consuetudo dist. 1.

^q In princ. seu sum. dist. 3.

19. Divisio Juris in Commune & Singulare.

^r §. Porro post Can. regula dist. 3.
^f Can. 1. & §. leges post Can. 3. dist. 4.

^s Cap. 9. de fide instrum. junctâ parte decia.

lices debent. Huc etiam referri possunt in Gallia Concordata à Francisco I. Rege Francorum cum Leone X. summo Pontifice inita, & Pragmatica Sanctio Caroli VII. quâ illius Juri Concordata non derogant: itemque in Germania Concordata Germanica: præterea variis in regionibus locisque, Ecclesiarum Statuta & Consuetudines speciales.

CAPUT V.

De Origine Juris Canonici.

I. **O**Rigo Juris Canonici, si Autoritatem inspiciamus, petenda est non tam ex Judæorum usu, apud quos ad Christi usque tempora de rebus religionis Pontifices cognoscebant^a, quàm ex facultate Apostolis à Christo concessâ, atque ex usu Ecclesiæ universæ ab Apostolorum temporibus ad nostram usque ætatem transmissio. Hanc quippe potestatem ipsi Apostoli exercuerunt, ut videre est toto Actuum libro^b; ubi primo omnium Concilio Hierosolymis celebrato de Circumcisionis necessitate tollenda, sic pronunciarunt. *Visum est Spiritui sancto & nobis nihil ultra imponere vobis oneris* &c. Idque significarunt epistolâ ad fratres, qui Antiochiæ & in reliqua Syria Ciliciaque conversi ad fidem erant, nomine Apostolorum & seniorum sive Presbyterorum scriptâ. Per illam, sibi collectis in unum placuisse indicarunt, ut ad eos Judam & Silam mitterent, qui gesta in Concilio illo referrent. Ab eo tempore haberi Concilia cœperunt, quoties opus fuit, ut fusiùs infrâ memorabitur, Lib. 2.

Quod si Materiam, quâ constat Jus Canonicum, spectemus: ab utraque Lege Divina, Mosis & Christi, illud derivari manifestum est: ex Concilio Lateranensi IV. sub Innocentio III. habito. Ejus sunt hæc verba notatu digna: *Qualiter & quando debeat Prælati procedere ad inquirendum & puniendum subditorum excessus, ex autoritatibus veteris & novi Testamenti colligitur, ex quibus postea processerunt Canonice sanctiones*: inspectâ scilicet materiâ atque initio, ut clariùs demonstrant ea quæ ibi sequuntur. Et vidè Leges omnes Ecclesiasticæ ad normam Divinæ, seu revelatæ Legis exploran-

1. *Origo Juris Canonici, autoritate inspectâ.*

^a Deuteron. 17. Actuum 23.

^b Præsertim cap. 15.

^c Cap. qualiter & quando, ex de accusat. in parte decisa.

tur, ex cuius præceptis, tanquam ex suis fontibus ac principiis deducuntur earum definitiones sive decisiones.

2. *Ius Canonicum Legis Divina nomine aliquando significatur,*

d Can. *Suscipitis*, dist. 20.

e Can. 1. xij. quæst. 7.

f Cap. *Cum de divoris* 2. de priv. in 6.

g Can. 1. dist. 20.

h Matth. 10. Luc. 10.

3. *Ius Canonicum rectè Humanum dicitur.*

i 1. 2. quæst. 93. art. 3. & c.

4. *Ius Canonicum ortum ex Christi & Apostolorum præceptis,*

k Ioann. cap. 14.

II. Quapropter non immeritò Lex Ecclesiastica sæpenu-
merò Divinæ Legis titulo decoratur : & D. Gregorius Na-
zianzenus^d, ac D. Augustinus^e non Evangelium tantum,
sed & Pontificium Jus videntur Divini juris nomine in-
telligere: Innocentius sanè IV. ^f, postquam dixit velle se
in Urbe Româ vigere studium *Divini & Humani Iuris*,
explicationis causâ subjungit, *Canonici videlicet & Civi-*
lis. Nicolaus denique Pontifex^g, alique Jus Ecclesiasti-
cum sæpe vocant Legem Dei ; duabus nempe de causis
anteà indicatis ; partim quòd afflante Spiritu sancto consti-
tum sit, deriveturque ex principiis Evangelicis ; partim
quòd ipsius Christi ore Sacrarum Legum condendarum
potestatem Petrus ac reliqui Apostoli^h ipsorumque suc-
cessores acceperint.

III. Non diffitemur tamen Jus Canonicum ex parte
quoque *Humanum* esse, quandoquidem ab hominibus re-
vera est conditum ; quamvis auctoritatem à Deo habenti-
bus. Nam D. Thomasⁱ, atque alii Scholastici, nomine Di-
vini Juris illud duntaxat intelligunt, quod à Deo rectè &
immediatè, seu certè per Angelos Dei jussu & nomine
loquutos, revelatum, & constitutum est ; nec ullius ho-
minis ore primùm promulgatum traditumve propriâ au-
toritate : unde fit ut & in ipsis novi Testamenti Libris
quædam reperiantur, quæ eo sensu humani Juris non di-
vini dicuntur : quæcunque nimirum per Apostolos sunt
decreta.

IV. Ut igitur quæ ad Juris Ecclesiastici Originem per-
tinent, brevi quasi anacephalaxosi in pauca contrahamus :
cùm Christus novam Legem instituerit ; nec tamen eo
tempore quo inter homines versatus est, singula quæ
ad Ecclesiæ *politicæ* necessaria erant statuere potuerit,
(quòd tum Neophyti in fide cuncta quæ tradenda erant
portare non possent) abiturus ad Patrem, curam potesta-
temque regendæ Ecclesiæ Apostolis commisit, quibus,
ut & eorum successoribus, ducem invisibilem se in per-
petuum fore promisit dato Spiritu sancto^k, sicque post
ejus ad cælos digressum, Ecclesia, universus nempe fide-
lium cæterus, juxta ejus mandata, ductu Spiritus sancti

regi cœpit, præside D. Petro¹. Ab his simul congregatis conditæ jam tum Leges sacræ: quæ vera fuere hujus nostri Juris incunabula. Sed præter eas Constitutiones, quæ in sacris Codicibus extant, supersunt etiam qui scripti non multò post ea tempora dicuntur Canones Apostolorum, & quæ vocantur Apostolicæ Constitutiones, de quibus infra.

V. Traditiones autem Apostolorum non omnes sanè scriptis mandatæ fuerunt; sed per manus ab iis ad nos ductæ quamplurimæ: nec minùs tamen observandæ, ut patet ex D. Pauli locis suprâ laudatis^m: quemadmodum ipsius Christi Leges & dogmata non omnia scripta sunt à sanctis ejus historicis quatuor, ut docet D. Joannesⁿ; sed quædam sine scripto, & solo Ecclesiæ usu fuere recepta.

VI. Post Apostolos, eodem sancto Spiritu dictante, subrogati in eorum locum Episcopi, varias Leges pro variis Ecclesiæ necessitatibus ac rerum occasionibus promulgarunt. Et iis quidem definiendis quæ ad universæ Ecclesiæ fidem ac regimen pertinere videbantur, Oecumenica ex toto orbe Christiano coacta: rebus autem causis que Provinciarum constituendis aut disceptandis, Provincialium Episcoporum Concilia sunt introducta.

Sed quoniam non semper obvium fuit Concilia congregare; quæque coibant non semper ritè congregata celebratave videbantur: idè consultâ plerumque Romani Pontifices suas partes in rebus Ecclesiæ tractandis ac decernendis suo Jure interposuerunt: eorumque decreta, alia ab universâ Ecclesia, alia in Occidente recepta; ut & Patriarcharum, aliorumque in Oriente, & cæterorum Præfulum in Provinciis atque Episcopatibus suis, valuerunt. Proprias præterea Regulas singuli Ordines Monastici cætusque Regulares sibi posuere.

Denique quia singulis seculis eminentes pietate ac scientiâ Viri, iique maximam partem Antistites, Patresque Christianæ plebis spirituales, de rebus fidei ac morum eruditè, sancto quoque ipsi Spiritu, ut par est credere, afflati, scripserunt; eorum quoque sententias amplexa ut plurimum Ecclesia est.

VII. Ex his igitur quatuor fontibus promanat universum Jus Canonicum; Scripturâ sacrâ, Conciliis, Decretis Pon-

¹ Act. cap. 5.
& 6.

⁵ Ex Traditionibus etiam Apostolicis constat.

^m Ad Thessalon. cap. 2. & c.
ⁿ Evang. cap. ult.

⁶ Progressus Juris Canonici ex Statutis Conciliorum Decretis Pontificum, ac scriptis Patrum.

⁷ Quatuor præcipui fontes Juris Canonici.

tificum, & sententiis Patrum. His Juris Civilis Romani Francique, si paucas addideris constitutiones, vix quicquam supererit quod ad cognoscendam Juris nostri Originem ac Materiam desideretur. De his omnibus nunc sigillatim nobis agendum, & primo loco de sacris utriusque Fœderis Codicibus.

CAPUT VI.

De Primo Juris Canonici Fonte, nimirum Sacra Scripturâ in genere, deque ejus nominibus.

1. Innumera
Scriptura loca
inpersa Corpo-
ri Juris Canonici.

I. **L**icet, Caputum titulis sive inscriptionibus spectatis, haud sanè multa sint Sacrarum Literarum testimonia in Canonici Juris Corpus relata: Si tamen pendantur sacri textûs loca, tum Conciliorum, Decretorum Pontificiorum ac Patrum articulis, tum ipsius Gratiani contextui inserta, ea innumera reperiemus: adeo ut Scripturæ pars nulla, vix ullum sit caput, ex quo non plures sententiæ in Juris nostri Libris habeantur, ac sæpe numero explicentur. Quapropter Boëtius Epo^a peculiarem eorum Indicem, tum Decreto Gratiani, tum Decretalibus, præfigi optabat, ut ex eo liqueret, quomodo passim totam Scripturam interpretetur ipsamet Mater Ecclesia. Quod ille optabat, jam præstiterat aliquatenus Joannes Abbas Nivicellensis. His de causis operæ pretium me facturum putavi, si de omnibus Sacris codicibus ita disseverero, ut de quorum Autore, Tempore, Autoritate inter omnes Christianos constat, semperque constitit, ea breviter attingere contentus, iis de quibus aliqua subest dubitatio, paulò accuratiori tractatione, suum asseram robur.

2. Scriptura
Sacra Nomina.

II. Scriptura Sacra, quæ & absolute *Scriptura*, & Hebraeis eodém sensu *קְרָא מִכְרָא* *Micra*, dicitur, quod maxime digna, cæterisque omnibus Libris dignior sit, quæ scriptis mandetur. Aliis prætereà nominibus appellari solet: Modò enim *Biblia* Sacra, modò *Testamentum*, aliquando *Verbum Dei*, aliisque vocabulis designatur.

III. BIBLIA SACRA plurali numero vocantur, tanquam volumina sacram Doctrinam continentia. Est enim Græce βιβλίον, volumen, seu Liber, à voce βύβλος quæ Papyrus^a significat arborem, sive etiam Codicem, hoc est Tilie alteriusve arboris internum corticem, qui in tenuissimas longasque phylas seu membranas ductus, chartæ usum veteribus præbebat. Quâ igitur ratione Codex dictus est, per excellentiam, Liber Imperialium Constitutionum, eadem ac multò potiori ratione, Biblia nullo addito vocantur Divinæ Legis volumina: quòd scilicet omnes alios Libros dignitate & utilitate facili superent.

IV. Dicitur TESTAMENTUM, fortè, non tam acceptione illâ usitatissima, quâ Testamentum definitur à Jurisconsultis mentis nostræ iusta sententia de eo quod quis post mortem suam fieri velit^b; quàm pro Fœdere ac pacto, seu pro instrumento & contestatione fœderis, quod inter Deum & homines initum est: quo sensu à D. Paulo sumi, contra vulgarem opinionem singulari dissertatione ostendit amicus quondam noster Philippus Codurcus Nemaufensis. Negat enim Hebræicum בְּרִית, Berith, Græcum Διαθήκη, (quibus vocibus Scriptura Sacra designatur) ullibi in sacris paginis pro Testamento accipi, significatione illâ in jure Romano usurpatâ: cum nec ullus Hebræis Testamentorum hujusmodi usus fuerit, sed vel cognationis jure, vel donatione inter vivos, bona in proximos aut amicos, apud eos transferrentur. Quæ sententia confirmari imprimis videtur ex eo quòd habetur in Exodo^c, de volumine & sanguine Fœderis; quæ vox iisdem nominibus in Græco & Hebræo ibi exprimitur; licet aliis locis in vulgata editione vocabulo Testamenti ea nomina explicentur; ipsum etiam Hebræicum בְּרִית, Berith, quod propriè Fœdus sive Pactum significat. Deducitur nempe à radice בָּרַח, Bara, quæ accipitur tam pro eo quod est eligere, quàm pro eo quod est cadere, seu mactare. Eliguntur autem tum personæ, inter quas, tum leges & conditiones quibus fœdus initur: & in pangendis fœderibus cædi victimæ solebant apud plerasque nationes; ut apparet ex eodem Exodi loco; atque ex Genesi^d, ubi agitur de Abrahami fœdere cum Deo. Hinc & fœdus ferire, & fœdus icere Romani quoque dixerunt; quia

3. Biblia.

^a Suidas, Eustath.

4. Testamentum.

^b In L. 1 Dig. qui test. fac. poss.

^c Cap. 24.

^d Cap. 22.

porcâ à fecialibus silice percussâ, cæsâque, fœdera contrahebant: quem ritum tangit Suëtonius^e, describit Livius^f, ac Virgilius^g.

Post iidem inter se, posito certamine, Reges

Armati, Jovis ante aras, pateraſque tenentes,

Stabans, & casâ jungebant Fœdera porcâ.

Hic itaque valebit aliquatenus Testamenti Etymon à Servio Sulpicio Jurisconsulto adductum: quum vult Testamentum dictum esse à testatione mentis, si generaliori ejus vocabuli acceptione, pro solenni voluntatis & mutui consensus contestatione sumatur.

Verum quod attinet ad Græcum nomen Διαθήκη, id sæpe à Rabbiniſ pro vero morientis testamento usurpari non est quod ambigatur. Ita certè interpretantur R. David Cohen de Lata & Buxtorſius in suo Lexico. Eaque nominis hujus usurpatio ex multis Talmudicorum locis colligi facile potest. Suggestit tamen mihi vir Cl. Joannes Capellanus è Collegio Sorbonæ Theologus, & Sacræ Linguae laudatissimâ professione Collega noster, auctoritatem R. Davidis Kimchi, qui ad illud Samuëlis (sive Regum 2^o h.) & *præcepis domui suæ*, notat, morem esse hominum, ut morti proximi liberis aut domesticis suis præcipiant, quid post mortem suam de rebus domus & hereditatis suæ fieri debeat: & secundum hæc in Mischna memorari Mosem testamentum fecisse. Sed, ut inde evinci fateor suprema morientium mandata, & mortis causâ donationes Judæis haud incognitas fuisse: ita, nisi aliud quid profetatur, non satis certò, meâ quidem sententiâ, conficitur, eis usu tritum fuisse illud Testamentorum genus, quo hereditas aut inter libetos proximove cognatos, pro arbitrio testatoris dividitur inæquali partium rerumve assignationes; aut in extraneos etiam transcribitur. Etenim, præterquam quod Kimchium interpretari licet de moribus plurimarum gentium, inter quas degabant deguntque adhuc Judæi: nomen præterea Διαθήκη non pro Testamento tantum apud ipsos quoque accipitur, sed etiam modò pro donatione, ut cum dicunt *דיאטיקי משה* *Diatiki Moſhena*, quod sonat dispositionem Donationis; modò pro Mandato sive, quemadmodum Glossa Talmudica explicat, pro *Literis Præceptionis*. Quid vetat igitur quominus *Diatiki* Moſis ad

^e In Claud.

cap. 25.

^f Lib 1. cap. 14.

^g Æneid. 8. 7.

639.

^h Cap. 17. 7. 13.

postrema ejus Mandata pertineat: & quæcunque in eam rem adducuntur, de alia disponendarum rerum forma accipiatur, quàm de Testamentaria: neque ex his confici omnino videtur dici Hebraicum, כְּרִיב *Berith*, de Testamento propriè accepto.

Communis tamen sententia, eorum nempe qui utrumque Fœdus, Mosaicum scilicet atque Evangelicum, nomine *Testamenti* propriè dicto censeri contendunt, ex D. Paulo valide confirmari videtur. Etenim in Epistola ad Hebræos ⁱ, ubi de utroque fœdere loquitur, veteris cum novo comparatione instituta, subjungit. *Vbi enim Testamentum est, mors necesse est intercedat testatoris. Testamentum enim in mortuis confirmatum est: alioquin nondum vales dum vivis qui testatus est.* Ex quibus apparet sensisse Apostolum fœdus tum Christi, tum Moſis, verum fuisse Testamentum Dei, illud ex persona Christi venturi, hoc in persona ejusdem præsentis & pro nobis immolati. His Apostoli dictis lucem affert Lactantius Firmianus ^k. Idcirco Moſes, inquit, & iidem ipsi Prophetae, Legem, quæ Judæis data erat, Testamentum vocant; quia nisi testator mortuus fuerit, nec confirmari testamentum potest, nec sciri quid in eo scriptum sit: quia clausum, & obſignatum est. Itaque viſi Christus mortem suscepisset; aperiri Testamentum, id est, revelari, & intelligi mysterium Dei non potuisset. Verùm Scriptura omnis in duo Testamenta divisa est. Illud, quod adventum Domini passionemque antecessit, id est, Lex & Propheta, Vetus dicitur. Ea verò quæ post resurrectionem ejus scripta sunt, Novum Testamentum nominatur. Judæi Veteri utuntur, nos Novo: sed tamen diversa non sunt; quia Novum Veteris adimpletio est, & in utroque idem Testator est Christus; qui pro nobis morte suscepta, nos heredes regni æterni fecit, abdicato, & exheredato populo Iudeorum; sicut Hieremias propheta testatur, cum loquitur talia: Ecce dies veniunt dicit Dominus, & consummabo domui Israël, & domui Juda Testamentum Novum; non secundum Testamentum, quod disposui patribus eorum, in die, quâ apprehendi manum eorum, ut educerem illos de terra Ægypti; quia ipsi non perseveraverunt in testamento meo, & ego neglexi eos, dicit Dominus, & quæ apud eum sequuntur.

VI. Quidam Theologiam Positivam nominant Sacram Scripturam, quia doctrinam de Deo, rebusque divinis continet, & apertioribus verbis ponit: ad Scholasticæ nempe discrimen,

ⁱ Cap. 9. v. 16.
& 17.

^k Divin. inst.
lib. 4. cap. 20.

⁶ Theologia
Positiva.

quæ obscuriores è Scripturis sententias per ratiocinationes philosophicas exponere ac dilucidare conatur.

I Cap. 1. Epist.
Can.

in 1. ad Timo-
th. cap. 1.
» Cap. 2.

Verbum autem Dei appellatur, quodd à Deo instillata atque infusa hominibus fuerit Doctrina omnis quæ in hisce Libris continetur. Deum sanè Sacræ Scripturæ autorem esse, non Concilia modò, & Patres uno ore, sed ipsi quoque Apostolitestantur. Sic D. Petrus^h; *non enim*, inquit, *voluntate humanâ allata est aliquando prophetia; sed Spiritu sancto inspirati locuti sunt sancti Dei homines.* Ei concinit Gentium Apostolusⁱ; *omnis scriptura divinitus inspirata &c.* Eò etiam referendum est quod apud Lucam^l Zacharias ait: *Sicut locutus est per os sanctorum, qui à saculo sunt, prophetarum ejus.* Idque ex eo patet, quod prophetæ omnes idem variciniis suis inferunt *hæc dicit Dominus*; hæc tanquam solenni clausulâ Missionem seu legationem suam contestati.

CAPUT VII.

De Divinarum Scripturarum Autoritate ac Difficultatibus in genere.

1. *Cur & quo sensu Divine dicantur scriptura.*

I. **P**ropheticoꝝ atque Apostolicorū librorū præstānriam, vel ipse Divinarū Scripturarū tirulus probat, eis ab omnibꝫ attributis Christianis: idque non immeritò. Eorū quippe Scriptores divinus Spiritus ad scribendum movebat, non eo pacto quo Atreptitii sive Enegeti ab imundis spiribus impelluntur; in qua sententia fuere Montanistæ Hæretici, à D. Hieronymo & Epiphānio confutati. Hoc enim vatum fuit Ethnicorū, & Pytho- nissarū: qualis Pythias sacerdos Apollinis Delphici plurimos apud autores memoratur, & qualis apud Poëtam VI. Æneid. Sibylla describitur.

Cui talia fanti

*Ante fores, subito non vultus, non color unus;
Non compta mansere coma; sed pectus anhelum,
Et rabie fera corda tument, majorque videri,
Nec mortale sonans, assilata est numine quando,
Iam propiore Dei.*

Sed

Sed à sancto Spiritu Prophetæ atque Apostoli incitabantur, incolumi semper liberi arbitrii usu. Neque enim divinæ præsentis convenit, ut quem sapientiâ impleat, cum redigat ad furorem; & rationis usum auferat autor rationis. Impellebat eos divinus Spiritus ad ea scribenda, vel quæ ipsi nondum satis nossent, vel quæ speciali revelatione intelligerent. Idque ita ut eis non modò res ipsas, sed & voces quasi dictaret, ut nonnulli censent: aut saltem exprimendi rationem interius suggereret, ne in aliquo errarent, ut autores sunt præ reliquis D. Augustinus & Gregorius magnus. Illius quidem hæc sunt verba^m: *Si in aliquo Sacro libro vel minima falsitas reperiretur, totius libri certitudo periret: & nisi scriptor sacer peculiari Spiritus sancti assistentiâ dirigeretur, etiam in iis quæ vidit & novit, faciliè per oblivionem aut affectum non purum, in aliquam falsitatem incideret, ut fit subinde apud historiographos.* Hic veròⁿ de libro Job sic loquitur: *Quis hac scripseris valde supervacue queritur, cum tamen autor libri Spiritus Sanctus fideliter credatur. Ipse igitur hac scripsit qui hac scribenda dictavit: ipse scripsit qui & illius operis inspirator existit. Si magni cujusdam viri susceptis epistolis, legeremus verba, eaque quo calamo fuissent scripta quereremus: ridiculum profectò esset, si non epistolarum & autorem scire & sensum cognoscere; sed quali calamo earum verba impressa fuerint, indagare studeremus. Cum igitur rem cognoscimus, ejusque rei Spiritum sanctum autorem tenemus; qui scriptorem querimus, nihil aliud agimus, nisi legentes literas de calamo perscrutamur.*

II. Advertendum tamen est cum D. Hieronymo, Dei Spiritum ad cujusque scriptoris ingenium se accommodasse. Unde Isaias in aulis versatus, elegantiori Stylo usus est; Amos rusticus, subrusticum quoque dicendi genus est secutus; & ita ceteri. Quapropter Dominus per Oseam^o: *Locusus sum, inquit, super prophetas, & ego visionem multiplicavi, & in manu Prophetarum assimilatus sum.* Maneat igitur quod D. Augustinus ait: *de illa civitate unde peregrinamur, venerunt hæc litera: ipse sunt Scripturae que nos hortantur ut bene vivamus.* Hinc & 9 Joannes Baptista suam legationem confirmat Isaiæ verbis. *Ego Vox clamantis in deserto, dirigite viam Domini, sicut dixit Isaias propheta: Et Christus ipse prophetæ quoque testimonio utitur, ut mis-*

^m In epist. 8 ad Hieronym.

ⁿ In præmio Moralium.

2. Deus Prophetæ cuique styli summi permittit.

^o 11. cap.

^p In Isaiæ 9. con-
tione 1.

^q Jean. ap. 1.

sionem ac potestatem suam testetur atque confirmet: *Spiritus Domini super me et quod unxerit me &c.*

3. *Autoritas
Scripturarum su-
pra ceteros om-
nes Libros.*

7 In lib. de Præ-
parat. & Demon-
strat. Evang.

8 De civit. Dei
& alibi.

9 In triumpho
Crucis.

10 Tom. 1. Con-
trovers.

III. Sacræ Scripturæ Autoritatem, & venerationem ipsi exhibendam, rationibus quoque humanis stabilierunt Eusebius Cæsariensis¹, Augustinus², aliique Patres, qui pro Christiana fide ac religione scripserunt; quibus accessere, tum D. Thomas præclaro contra Gentes opere, tum posterioribus seculis Hieronymus Savonarola, Ludovicus Vives, Bellarminus³ aliique. Quin & nonnulli heterodoxorum nostri temporis, ipseque etiam impius Socinus, cætera omnino damnandus autor. Et vetò, præterquam quod nullum extat opus Pentateucho Moïsi antiquius, vixque ulla est homine digna cognitio cujus non saltem semina in Libris utriusque Testamenti contineantur: veritas Vaticiniorum, Autorum qui eos libros variis locis, temporibus, linguis ediderunt, summa Concordia, & velut conspiratio; Miracula denique non pauca ad confirmandam ipsorum Doctrinam à Deo patrata, Divinam eorum originem abundè testantur. Itaque nullus omnino libet est, cui probabilis, seclusà etiam revelatione, fides adhibenda videatur.

4. *Hinc pe-
tenda Fidei re-
gula.*

x Sess. 4.

IV. Ex his statuendum nobis est Propheticos & Apostolicos Libros, juxta mentem Ecclesiæ Catholicæ intellectos, verum esse *Verbum Dei*, & stabilem *fidei Regulam*, ut tum in Concilio Carthaginensi³, tum in Tridentino⁴ decisum est. Atque hanc Regulam cæteris omnibus anteferebam esse D. Augustinus ostendit⁵.

7 Can. quis nosciat, & aliorum, dist. 9.

8. *Scriptura ex
mente Ecclesiæ
Catholicæ intel-
ligenda.*

2 Epist. 44.

9 In præfat.
comment. supra
epist. ad Ephes. &
in epist. ad Pau-
lin. &c. epist. 3.
10 Epist. 3. ad
Volus.

11 Hom. 40. in
Joan. & hom. 18.
ad cap. 3. ep. 1.
ad Timo. h.

V. Quod dixi *juxta mentem Ecclesiæ Catholicæ* Libros sacri Fœderis exponi debere: id eâ de causâ est adjunctum, secundum ejusdem Tridentinæ Synodi decretum: quod licet adeo vera sint ac certa quæcunque Scripturâ Sacrâ continentur, ut de constanti eorum veritate ne hæretici quidem dubitent; non tamen cujuscvis sit (quidquid ipsorum nonnulli velint) verum ejus sensum per se percipere. Quapropter non adeò facilè omnibus permittenda ejus interpretatio: *mare enim est ex D. Ambrosio² habens in se sensus profundos, altitudinem Prophetiarum anigmatum*: Id à Divo Hieronymo confirmatur³; itemque à D. Augustino⁴, atque à D. Joanne Chrysostomo⁵ qui vetat nos temerarios esse in scrutanda profunditate Scripturatum, cum

in iis multa lateant difficilia. Idque ita esse quis neget, cum D. ipse Petrus^d quædam fateatur esse *intellectu difficilia* in Epistolis B. Pauli, quæ indocti & instabiles depravent.

VI. Scripturæ autem Obscuritas variis ex causis proficiscitur, quas recensent Clemens Alexandrinus^e, D. Hieronymus^f, Irenæus^g, & alii. Præcipuæ causæ sunt, sublimitas rerum de quibus agitur, veluti Trinitatis, Incarnationis, Prædestinationis, Sacramentorum, & similium, quæ humanum captum superant: deinde Vaticinatio de rebus futuris atque incognitis, eaque metro sæpe comprehensâ: tum Repugnantia, quæ primâ fronte apparet inter diversa loca, veluti inter illud Exodi 20. *Ego Deus zelotes visitans peccata patrum in filios in tertiam & quartam generationem.* Et illud Ezech. 18. *filius non portabit iniquitatem patris*, aliaque non pauca. Præterea quod multa sint in ea metaphorica & ambigua, ex quibus variæ oriuntur interpretationes. *In sacris Scripturis*, ait Tertullianus^h, *pleraque figuratè portenduntur, & per anigmata & allegorias & Parabolas, aliter intelligenda quàm scripta sunt.* Quinetiam, ut docet D. Hieronymusⁱ, *sapius in Sacris Litteris, præsertim Prophetis, dum aliud agitur, repenti ad alios persona mutatur.* His addendus denique Hebraici Græcique textûs idiotismus, à Latina loquendi forma in multis discrepans; unde versionum instituendarum & percipiendarum difficultas oritur non mediocris.

Plura de Nominibus & Autoritate Sacrorum Codicum habes apud Sixtum Senensem, Possevinum, Justinianum^k, & Melch. Canum^l ex recentioribus, præter antè laudaros.

Sequitur nunc ut toto Veteris ac Novi Testamenti corpore in suas partes diviso, singulos utriusque libros percurramus. Sed advertendum non statim omnes ubique Ecclesias in eundem Librorum Sacrorum numerum consensisse; & eamvis plerique Sacratum Scripturarum Libri semper in Ecclesia recepti fuerint, de quibusdam tamen alibi probatis atque inter divina relatis, alibi aliquandiu fuisse dubitarum. Quinetiam nonnullos, re accuratiùs perpensâ, tandem communi consensu rejectos fuisse. Atque hinc orta est Canonicorum ab Apocryphis distinctio. Idcirco de utroque genere priùs dicendum videtur.

^d Ep. 2. cap 3.

^e 6. *Obscura in Scripturis non pauca & cur.*
^f Stromat. 6.
^g Prolo. in Prophet.
^h Lib. 1. adversus hæres.

^h Lib. 3. ad Marcion.

ⁱ In Nahum cap. 2.

^k Lib. de Sacri. Script. part. 1. c. 2.

^l Lib. 2. de locis Theolog.

CAPUT VIII.

De Libris Canonicis & Apocryphis.

1. *Libri Canonici, qui.*

^a L. un. cod. Theod. de res-
pons. prud.

2. *Qui Libri Apocryphi, & unde dicti.*

^b Lib. 3. hist.
cap. 31.

3. *Apocryphorum plures species.*

I. **C**ANONICI Libri sunt in Canonem & Syllabum Sacrorum codicum communi Ecclesiæ judicio relati. *Authentici* vocantur, vel (ut medio ævo loquebantur) *Autorabiles*, quia Deo Autore per Prophetas, Apostolos, aliosque sanctitate insignes viros, ejus spiritu impulsos conscripti, publicæ in Ecclesia *lectionis Autoritatem* meruerunt, ut eam loquendi formam in re sacra usurpemus, quæ usus est Theodosius junior, cum selectorum Jurisconsultorum scriptis jus attribueret ut in foro, ad lites ambiguas decidendas laudari ac legi possent^a. Et verò *αὐθάρια* Græcè idem est ac Latine auctoritas.

II. *Apocryphi* generaliter appellantur (quasi absconditos dixeris,) qui vel nullius, vel dubiæ saltem auctoritatis, publicè non leguntur. Nomen deducitur à verbo Græco *ἀποκρύπτω*, quod significat occulto, abdo, recondo. Cæterùm Eusebius^b *ἀποκρύφα* distinguit ab *Adulterinis*; quòd illa à quibusdam admittantur, spuria ab omnibus repudientur: quamquam ad hæc quoque porrigitur nonnumquam nomen Apocryphorum, veluti ad hæreticorum dampnata opera. Sed propriè Apocrypha censentur, quæ palàm in Ecclesia non leguntur.

III. Horum autem plura genera nonnulli distinguunt. Aliorum & Scriptor & veritas ignorantur, veluti *Libri de infantia Salvatoris*: aliorum non Autor, sed veritas in dubium revocatur, sive ob suspectam Autoris fidem, sive ob falsa veris extrinsecus admixta; ut in *Libris Constitutionum Apostolicarum*, quæ Clementi Romano adscribuntur. Quorundam & Autor nominatur, & veritas habetur minùs incerta, adeo ut à nonnullis inter Canonicos aliquando numerati fuerint; sed tamen in eorum censum vulgò non sunt admissi. In exemplum adducitur *liber Enoch*. Quarta species est eorum Librorum, quorum certus scriptor, aut certa Autoritas initio non omnibus liquidò perspecta fuit: verùm quamvis multi aliàs dubitaverint an inter Divinos censendi essent, Ecclesia tamen illos in eorum numerum retulit: quales in veteri Testamento *Macchabæorum duo*, & *Sapientia*, in novo Apo-

calypsis : quos nunc præfraçtâ pertinaciâ hæretici ex Librorum Canonicorum albo expungunt. Reverà enim hi nonnisi improprie admodum, imò nullatenus Apocryphi dici possunt ; sed aliàs Dubii, Græcis *Ἀποκρυφαί*, quibus nempe aliqui contradicebant, ut notat vir eruditus, nobis dum viveret amicus, Henricus Valesius, ad Eusebii lib. 6. hist. cap. 14.

IV. Hinc fit ut Canonicorum duæ classes constituentur : alii Primi Ordinis sunt, de quorum fide & autoritate nulla unquam controversia extitit : sed ab ipsis Ecclesiæ incunabulis, communi orthodoxorum suffragio, pro Sacris ac Divinis recepti fuerunt, ut *Quinque libri Moysi* in veteri, & *Quatuor Evangelia* in novo Testamento, &c.

V. Canonici autem Secundi Ordinis dicuntur, qui non statim ab omnibus, etiam Catholicis, inter Canonicos habiti sunt ; sed progressu temporis, melius exploratâ veritate, inter irrefragabilis Autoritatis Scripturas, certo Ecclesiæ judicio sunt relati. Ejusmodi sunt inter veteris fœderis volumina, libri *Esther*, & *Judith*, liber *Tobia*, liber *Sapientia* itemque *Macchabæorum* libri : in voluminibus autem novi fœderis *Epistola* S. Pauli *ad Hebræos*, & quædam aliorum Apostolorum quæ Catholicæ vocantur, ac S. Joannis *Apocalypsis*, & præterea pauca singularia quorundam Librorum loca.

Canonicos Secundi Ordinis libros, nulli priscorum Ecclesiæ patrum Apocryphis annumerarunt ; sed Dubiis, quod ambigerent an à scriptoribus, quorum nomen præferebant, aut an à divino spiritu afflatis compositi essent : eos nihilominus Catechumenis legi permittebant, quasi Canonice lectionis nondum capacibus, quemadmodum Athanasius ^c testatur. Deinde tamen omnibus fidelibus publicè in Ecclesia recitari concesserunt, uti scribit Rufinus ^d, sed ad docendum magis instruendumque populum, quàm ad confirmanda fidei dogmata. His porro ex hac publica lectione in Ecclesia, inditum *Ecclesiasticorum* nomen.

VI. Cur de illorum Autoritate dubitatum sit, tres præsertim generales causæ afferuntur, quarum duæ sola veteris testamenti volumina respiciunt ; tertia utriusque fœderis codicibus objicitur. Prima est quòd libri illi, vel librorum particulae, Hebræico sermone scriptæ non sint, quemadmodum reliquæ veteris Fœderis partes ; sed Chaldaïco vel Græco : Altera, quòd ea non sint à Judæis in catalogum Di-

4. Libri Canonici primi Ordinis.

5 Canonici secundi Ordinis, qui & Ecclesiastici.

^c In Synopsi.

^d In Symbolo.

6. Cur aliquando dubia fuerit horum librorum Autoritas.

vinarum Scripturarum relata. Tertia quòd à Priscis aliquibus Græcæ præsertim Ecclesiæ Patribus in Librorum Sacrorum numerum recepti non fuisse videantur, nec in syllabo divinarum Scripturarum à plerisque priscorum Patrum Græcorum recenseantur.

6. *Hi quoque
verè Canonici.*

VH. Verùm primæ objectioni facilè occurritur, si dicamus Libros illos, partim tempore Babylonicæ captivitatis compositos fuisse linguâ Chaldaicâ, quæ Judæorum ceperat esse vulgaris: partim, Hebræicè quidem conscriptos primùm fuisse, sed deinde in Græcum sermonem transfusos, ac tractu temporis contigisse, ut Judæis inter Græcas nationes dispersis, Autographa in hominum manibus esse desierint, Versiones manserint eorum loco. Circa secundum, quamvis à synagogâ, numero litterarum Hebræicarum strictius inhzrente, inter Canonicos recepti non essent aliqui eorum librorum quos pro Canonicis amplectimur, eosdem tamen nec Judæis improbatos fuisse; & Ecclesiæ sufficere, quòd ab Apostolis, aut ab Apostolorum discipulis testimonium habeant Divinorum Librorum. Judæi certè duo habuere Hagiographorum genera, teste Epiphani^o: alia intra, alia extra Arcam servari solita. Prioris generis Hagiographa Canonicis procul dubio accensebantur, dicebanturque eo nomine ut constitueretur aliquod inter illos libros, interque Historicos & Propheticos discrimen, clarioris Scripturarum distinctionis causâ: deque his agit D. Hieronymus in prologo Galatæo. At verò, qui extra arcam erant, de quibus idem Hieronymus loquitur in Tobie ac Judith præfatione, etsi à Canonicis aliquatenus distinguerentur, magno tamen apud Judæos in pretio erant, ut qui servarentur, & sic pro libris sacris omnino haberentur: quod & ipsum Hagiographorum Græcum nomen demonstrat. Ad Tertium, quòd nonnulli vetustiorum Patrum Græcorum vetus Testamentum ex sola Septuaginta interpretum editione æstimantium, de quorundam voluminum autoritate dubitarunt; dicendum est id veritati nihil detrudere. Etenim nec unquam tota Ecclesia eos revocavit in dubium, ut è numero Canonicorum eraderet; prout suo loco fusiùs prosequemur, ubi dicendum erit de singulis utriusque Testamenti Libris, de quibus nunc inter Catholicos & Sæctarios controversia est. Tandem quinto sæculo eò decursum est, ut omnes & Patres, & Synodi, opera quæ hodiè Canonica in Ecclesia Catholica habentur, cuncta proba-

^a Lib. de Ponticib. & Mensur.

verint, atque in sanctarum Scripturarum Canonem ea omnia retulerint. Eorum sanè numerus certò definitus est à totius Africanæ Diœceseos Antistitibus, inque his à Divo Augustino, in plenaria Synodo, quæ anno Christi 397. habita est. ^f Simili ratione paulò post Innocentius I. Summus Pontifex Librorum Sacrorum numerum contexuit g, circa annum scilicet 405. Nec aliter recensuit Gelasius Pontifex cum LXX. Episcopis in Synodo Romana anni 494. Eundem quoque Catalogum deinde reperierunt, atque auctoritate sua firmanunt Concilia universalia duo, Florentinum in Armenorum instructione, ac Tridentinum, sess. 4. Quibus sic constanter ante sæcula tredecim definitis, & ubique in Ecclesia receptis repugnare, nonnisi hæreticorum est, Ecclesiæ traditam à Christo potestatem per contumaciam negantium; cum Catholicis post Augustinum ne ullis quidem Scripturis fidem habiruri sint, nisi Ecclesiæ accederet autoritas.

VIII. Sed hæc de Canonicis Secundi Ordinis voluminibus accipienda sunt. Nam quidam sunt Libri, quos Tertii Ordinis vocant, qui sanè eodem numero haberi non debent. Eo quippe nomine comprehenduntur Apocryphi non improbat. Eos autem præter Gelasium, memorant Athanasius ⁱ, Eusebius ^k, Innocentius Pontifex supra laudatus, sed ex his pauca nunc extant, *Oratio Manassæ Regis, Libri Esdra Tertius & Quartus, Tertius quoque & Quartus Machabeorum, Psalmus 151. Appendix libri Iob, & Liber Hermæ*, qui *Pastor* dicitur.

Ex his constat primis seculis diverso Canone usas fuisse Ecclesias; & Scripturas Sacras vel quæ pro sacris habitæ sunt, variè in Classes fuisse divisas. Harum Divisionum duæ præcipuæ fuere. 1^a In duas tantùm Classes, in *Canonicas* nempe, à Spiritu sancto dictatas, & *Apocryphas* quarum auctores soli homines: 2^a. In tres, nimirum in *Canonicas*, quas *γινώσκω* & *ὁμολογῶμεν* Græci vocant, ab omnibus receptas, in *Apocryphas*, propriè dictas, quæ Adulterinæ, ac repudiandæ sunt; & in *Dubias*, quæ mediæ sunt inter Genuinas; & Nothas. Cujusque generis plures sunt gradus, de quibus D. Augustinus, & Isidorus. Vide imprimis Joannem Bapt. Corelerium. ^m

Hæc ut clariùs elucescant, operæ pretium facturus mihi videor, si collatis veterum aliquot Græcorum & Latino-rum Catalogis, Canonicorum Librorum à Dubiis aut Apocryphis distinguendorum progressum ob oculos ponam.

^f Conc. Carthag. 3. Can. 47.

^g Epist. 3 ad Eusebium To-
losanum.

8. De Libris
Sacris tertii Or-
dinis.

ⁱ In Synopsi.
^k Lib. 3. Hist.
cap. 25.

^l De Doctr.
Christi.

^m In notis ad
Barnabam.

SYLLABUS LIBRORUM CANONICORUM VETERIS TESTAMENTI,

Secundum Veteres Græcos.

Secundum Latinos.

Ex Concilio Laodicensi, anno 314.
Can. 59. alias 60.

Ex S. Athanasio, in Synopsi anno 375.

Ex Canone Apostolorum lxxxv.

Ex Concilio Carthaginensi 1. an. 397. Can. 47.

Ex Innocentio I. Decreto 27. anno 405.

Ex Concilio Tridentino, sess. 4. an. 1546.

1. Genesis.
2. Exodus.
3. Leviticum.
4. Numeri.
5. Deuteronomium.
6. Iesus Nave.
7. Iudices.
8. Ruth.
9. Esther.
10. Regnorum Primus & Secundus.
11. Tertius & Quartus.
12. Paralipomenon Primus & Secundus.
13. Esdræ Primus & Secundus.
14. Liber Psalmorum numero 150.
15. Psalterium Salomonis.
16. Ecclesiastes.
17. Canticum Canticorum.
18. Job.
19. Duodecim Prophetæ.
20. Esaias.
21. Jeremias & Baruch. Lamentationes & Epistolæ.
22. Ieremias.
23. Daniel.

- Libri Canonici.*
1. Genesis.
 2. Exodus.
 3. Leviticus.
 4. Numeri.
 5. Deuteronomi.
 6. Iesu Nave.
 7. Iudices.
 8. Ruth.
 9. Esther.
 10. Regum Primus & Secundus.
 11. Tertius & Quartus.
 12. Paralipomenon Primus & Secundus.
 13. Esdræ prior & posterior.
 14. Psalterium Davidicum habens Psalmos 151.
 15. Psalterium Salomonis.
 16. Ecclesiastes eisdem.
 17. Canticum Canticorum eisdem.
 18. Job.
 19. Duodecim Prophetæ.
 20. Esaias.
 21. Hieremias & Baruch.
 22. Ezechiel.
 23. Daniel.

- Libri Mesti quinque.*
1. Genesis.
 2. Exodus.
 3. Leviticus.
 4. Numeri.
 5. Deuteronomium.
 6. Iesu filii Nave unus.
 7. Iudicum.
 8. Ruth.
 9. Esther.
 10. Regum quatuor.
 11. Paralipomenon duo.
 12. Esdræ duo.
 13. Psalterium Davidicum.
 14. Salomonis tres Proverbia.
 15. Ecclesiastes.
 16. Cantica Canticorum.
 17. Job.
 18. Prophetarum duodecim.
 19. Esaias unus.
 20. Jeremias.
 21. Ezechielis unus.
 22. Danielis unus.
 23. Machabæorum tres.
 24. Judith.
 25. Tobias.

- Libri Canonici.*
1. Genesis.
 2. Exodus.
 3. Leviticus.
 4. Numeri.
 5. Deuteronomi.
 6. Iesu Nave.
 7. Iudicum.
 8. Ruth.
 9. Esther.
 10. Regum libri quatuor.
 11. Paralipomenon libri duo.
 12. Esdræ libri duo.
 13. Psalterium Davidicum.
 14. Salomonis libri quinque.
 15. Job.
 16. Libri duodecim Prophetarum.
 17. Esaias.
 18. Hieremias.
 19. Ezechiel.
 20. Daniel.
 21. Machabæorum libri duo.
 22. Judith.
 23. Tobias.

- Libri Canonici.*
1. Genesis.
 2. Exodus.
 3. Leviticus.
 4. Numeri.
 5. Deuteronomi.
 6. Iesu Nave.
 7. Iudicum.
 8. Ruth.
 9. Esther.
 10. Regum libri quatuor.
 11. Paralipomenon duo.
 12. Esdræ duo.
 13. Psalterium.
 14. Salomonis libri quinque.
 15. Job liber unus.
 16. Prophetarum libri sedecim.
 17. Esaias.
 18. Hieremias.
 19. Ezechiel.
 20. Daniel.
 21. Machabæorum duo Primus & Secundus.
 22. Sapiencia.
 23. Ecclesiasticus.
 24. Judith.
 25. Tobias.

- Libri Canonici.*
1. Genesis.
 2. Exodus.
 3. Leviticus.
 4. Numeri.
 5. Deuteronomi.
 6. Iesu Nave.
 7. Iudicum.
 8. Ruth.
 9. Esther.
 10. Regum quatuor.
 11. Paralipomenon duo.
 12. Esdræ Primus & Secundus.
 13. Psalterium Davidicum 150. Psalmorum.
 14. Parabola.
 15. Ecclesiastes.
 16. Canticum Canticorum.
 17. Job.
 18. Duodecim Prophetæ minores.
 19. Esaias.
 20. Amos.
 21. Michæas.
 22. Joel.
 23. Abdias.
 24. Jonas.
 25. Nahum.
 26. Habacuc.
 27. Sophonias.
 28. Aggeus.
 29. Zacharias.
 30. Malachias.
 31. Jeremias cum Baruch.
 32. Ezechiel.
 33. Daniel.
 34. Machabæorum duo Primus & Secundus.
 35. Sapiencia.
 36. Ecclesiasticus.
 37. Judith.
 38. Tobias.

Libri non Canonici (id est tunc adhuc dubii apud Egyptios.)

24. Sapiencia Iesu filii Sirach.
25. Judith.
26. Tobit seu Tobias.

Libri non Canonici.

24. Sapiencia Iesu filii Sirach.
25. Judith.
26. Tobit seu Tobias.

Libri non Canonici.

24. Sapiencia Iesu filii Sirach.
25. Judith.
26. Tobit unus.

Libri non Canonici.

24. Sapiencia.
25. Ecclesiasticus.
26. Judith.
27. Tobias.

Libri non Canonici.

24. Sapiencia.
25. Ecclesiasticus.
26. Judith.
27. Tobias.

SYLLABUS LIBRORUM CANONICORUM NOVI TESTAMENTI.

Secundum Veteres Græcos.

Secundum Latinos.

Ex Concilio Laodicensi, anno 314. Can. 59. alias 60.	Ex S. Athanasio, in Synopsi anno 375.	Ex Canone Apostolorum lxxxv.	Ex Concilio Carthaginensi 3. an. 397. Can. 47.	Ex Innocentio I. Decreto 27. anno 405.	Ex Concilio Tridentino, sess. 4. an. 1546.
	<i>Libri Canonici.</i>				
1. Evangelii Quatuor, secundum Mattheum.	1. Secundum Mattheum.	1. Evangelia quatuor Matthei.	1. Evangeliorum libri quatuor.	1. Evangeliorum libri quatuor.	1. Quatuor Evangelia secundum Mattheum.
2. Secundum Marcum.	2. Secundum Marcum.	2. Marci.	2.	2.	2. Secundum Marcum.
3. Secundum Lucam.	3. Secundum Lucam.	3. Lucæ.	3.	3.	3. Secundum Lucam.
4. Secundum Joannem.	4. Secundum Joannem.	4. Joannis.	4.	4.	4. Secundum Joannem.
5. Actus Apostolorum.	5. Acta Apostolorum.	14. Jacobi una.	5. Actuum Apostolorum liber unus.	10. Actus Apostolorum.	5. Actus Apostolorum.
6. Catholice Epistolæ septem: Jacobi una.	6. Catholice Epistolæ Apostolorum: Jacobi una.	19. Petri dux prior & posterior.	16. Jacobi una.	15. Epistola Jacobi.	25. Jacobi Apostoli una.
7. Petri dux.	7. Petri dux prior & posterior.	19. Petri Epistolæ dux.	18. Petri Epistolæ dux.	23. Epistolæ Petri dux.	20. Petri Apostoli dux.
8.	8.	16.	21.	21.	21.
9. Joannis tres.	9. Joannis tres.	21. Joannis tres.	22. Joannis Apostoli tres.	19. Epistolæ Joannis tres.	12. Joannis Apostoli tres.
10.	10.	21.	23.	20.	23.
11.	11.	21.	24.	21.	24.
12. Judæ una.	12. Judæ una.	9. Judæ una.	25. Judæ Apostoli una.	14. Epistola Judæ.	16. Judæ Apostoli una.
13. Epistolæ Pauli xiv. ad Romanos una.	13. Pauli Apostoli Epistolæ xiv. ad Romanos una.	5. Pauli Epistolæ quatuordecim.	6. Pauli Epistolæ quatuordecim.	5. Apostoli Pauli Epistolæ xiv.	6. Quatuordecim Epistolæ Pauli Apostolicæ ad Romanos.
14. Ad Corinthios dux.	14. Ad Corinthios dux, prior & posterior.	6.	7.	6.	7. Ad Corinthios dux.
15.	15.	7.	8.	7.	8.
16. Ad Galatas una.	16. Ad Galatas una.	8.	9.	8.	9. Ad Galatas.
17. Ad Ephesios una.	17. Ad Ephesios una.	9.	10.	9.	10. Ad Ephesios.
18. Ad Philippenses una.	18. Ad Philippenses una.	10.	11.	10.	11. Ad Philippenses.
19. Ad Colossenses una.	19. Ad Colossenses una.	11.	12.	11.	12. Ad Colossenses.
20. Ad Thesalonicensis dux.	20. Ad Thesalonicensis dux.	12.	13.	12.	13. Ad Thesalonicensis dux.
21.	21. Ad Thesalonicensis secunda.	13.	14.	13.	14. Thesalonicensis.
22. Ad Hebræos una.	22. Ad Hebræos una.	14.	15. Ejusdem ad Hebræos una.	14.	15. Ad Hebræos.
23. Ad Timotheum dux.	23. Ad Timotheum prior.	15.	16.	15.	16. Ad Timotheum dux.
24.	24. Ad Timotheum posterior.	16.	17.	16.	17. Ad Timotheum.
25. Ad Titum una.	25. Ad Titum una.	17.	18.	17.	18. Ad Titum.
26. Ad Philemonem una.	26. Ad Philemonem una.	18.	19.	18.	19. Ad Philemonem.
	<i>Inter Libros Canonicos à quibusdam recepti.</i>				
	18. Apocalypsis Joannis Theologi.	10. Clementis Epistolæ dux.	11. Apocalypsis Joannis Eber unus.	16. Apocalypsis Joannis.	17. Apocalypsis Joannis Apostoli.

CAPUT IX.

*De Partibus Sacra Scriptura, ac Libris ejus in
classes divisus.*

1. *Testamen-
tum duplex.*

I. **S**criptura sacra, ut cunctis est notum, in duas primùm partes distinguitur, *Vetus* ac *Novum Testamentum*. Priore ii continentur libri, qui ad Mosaicam Legem & Synagogam spectant: Posteriore, qui ad Legem Christi Domini seu Evangelium, atque ad Ecclesiam pertinent. *Legis* porro nomine, licet propriè Quinque Libri Mosis intelligantur; ea tamen appellatio ad universos porrigitur Veteris Testamenti Libros. Sic etiam *Evangelii* nomen, quod strictè de Quatuor Evangelistarum libris dicitur, latiori tamen significatione totum complectitur Novi Testamenti corpus: uti ex Gratiano ^a colligi potest.

^a In sum. dist. 1.
2. *Veteris Te-
stamenti divi-
siones varia jux-
ta Hebræos.*

II. Veteris Testamenti maximè recepta apud Hebræos Divisio est in Libros duos & viginti, juxta numerum Literarum Hebræici Alphabeti: nimirum 1. Genesim. 2. Exodum. 3. Leviticum. 4. Numeros. 5. Deuteronomium. 6. Josuè. 7. Judicum & Ruth. 8. Samuël. (id est apud nos Regum Primum & Secundum) 9. Regum (quo nomine eos Regum Libros, intelligunt qui nobis sunt Tertius & Quartus) 10. Isaiam. 11. Hieremiam. 12. Ezechielem. 13. Duodecim Prophetas minores. 14. Librum Psalmorum. 15. Proverbia. 16. Job. 17. Danielelem. 18. Esdram. 19. Paralipomena. 20. Esther 21. Ecclesiasten. 22. Canticum Canticorum. Aliquando in x x i v. dividunt; Libro Ruth à Libro Judicum, & Lamentationibus seu Threnis ab Hieremix prophetia sejunctis. Aliàs x x v i r. volumina numerant; non adjectis, sed adhuc separatis Libris quatuor: Samuëlis volumine in duo; Regum item posteriorum historiâ in duas partes divisâ. Paralipomenon quoque opere in duos Libros distributo; Esdræ denique distinctis duobus Libris sub diversis titulis Esdræ, & Nehemiæ.

3. *Divisio alia
ex D. Hierony-
mo, &c.*
^b Præfat. in lib.
Reg.
^c Contra Ap-
pion.
^d Lib. 6. Erymol.

III. D. Hieronymus ^b, cum Josepho ^c, & post utrumque Isidorus Hispalensis ^d primam illam agnoscunt veteris Testamenti,

ex Hebræorum mente, Divisionem in duos & viginti Libros Canonicos: Hos autem Libros viginti duos D. Hieronymus^e in tres dividit classes, in Legem nempe, Libros Propheticos, & Hagiographa. *Legis* nomine comprehendit quinque Moysis Libros: *Propheticos* numerat octo, Josuë, Judicum (ad-juncto Libro Ruth) Samuël, Regum; tres majores Prophe-tas Isaiam, Hieremiam, & Ezechielem; ac Librum duode-cim Prophetarum minorum, qui in unum volumen confe-runtur. *Hagiographa*, sive sancta scripta, recenset novem, Job, Psalterium, Proverbia, Ecclesiasten, Canticum Can-ticorum, Danielelem (qui non totus extat Hebræicè) Paralipomenon seu Chronicorum; Esdræ cum Nehemiæ; & Esther. Notat idem sanctus Doctor aliquos fuisse, qui Li-brum Ruth, & Librum Lamentationum à reliquis distin-ctos inter Hagiographa reponerent: ex quorum calculo effi-ciuntur xxi v. Libri, apud Hebræos pro Canonicis pro-bati: unde fit ut illis Scriptura sacra dicatur עשרים וארבע, *Efrim verba*, seu *Viginti quatuor*. Cæterum *Tobiam* & *In-dith*, quamvis Hebræicè extare asseveret B. Hieronymus: à Judæis nihilominus inter Canonicos non numerari facetur. Observat præterea, quemadmodum quinque sunt duplices apud Hebræos literæ, quæ scilicet aliter in principio ac medio dictionis, aliter in fine scribuntur; ita horum Libro-rum quinque duplices esse, ex eorum sententia, qui cum Al-phabeti Hebræici Literis sacrorum Librorum numerum æquant; Samuël nimirum, Regum, Parapoli-menon, Esdræ, & Hieremiæ. Sunt autem apud Hebræos literæ duplices hæ.

	Initiales.	Finales.
Caph	כ	ך
Mem	מ	ם
Nun	נ	ן
Pe	פ	ף
Tfade	ט	ת

Eo exemplo Arabibus quoque Literæ quædam aliter in prin-cipio dictionum, aliter in medio, aliter in fine delineantur.

IV. Quod autem Prophetici Libris, ut & Hagiographis Historicorum nonnullos accenset Hieronymus: id mirum nemini videri debet, cum Sacra omnia volumina divino impulsu conscripta, Prophetas autores habuisse dici pos-sint. Hinc familiaris fuit apud Judæos veteris Testamenti

^e In prol. Ga-lea. & alibi.

⁴ *Alia divi-sio iuxta veteres Indæos.*

Divisio in *Legem & Prophetas*, Christo quoque ipsi usurpata: ita ut ad hæc duo summa capita cunctæ ipsius partes referri solerent. Sic apud Matthæum: *Hæc est enim Lex & propheta:* & B, *ex his duobus universa Lex pendet, & Propheta;* Item apud Lucam^h, *Lex & Propheta usque ad Ioannem.*

f Cap. 7. & 11.
g Cap. 10.
h Cap. 16.

5. *Juxta recentiores Judæos.*

V. Recentiores Judæi suum *קדשם ואברהם Hefsim wear-ban*, seu Viginti quatuor Libros Testamenti Veteris, in quatuor partiuntur Ordines, in *תורה Torah*, sive *חמשה חסדי תורה Chamischa Chomsche Torah*, id est, *quinque quinterniones*, id est quinque Partes *Legis*, in Prophetas priores quatuor, *נביאים ראשונים Neviim Rishonim*, Josué nempe, Judicum, Samuel, Regum; Prophetas posteriores *נביאים אחרונים Neviim Acharonim*, quatuor Libris distinctos, nempe Isaiam, Hieremiam, Ezechielem, & duodecim Prophetas minores, qui ipsis *תרי אשר There asser*, id est duodecim: deinde Scripturas undecim Libris comprehensas sub generali appellatione *כתבים Ketavim*; Psalterium, Proverbia, Job, Danielelem, Esdram, Paralipomena, Ruth, Esther, Ecclesiasten, Cantica Canticorum, Lamentationes.

6. *Juxta S. Greg. Nazianzenum.*

VI. Gregorius Theologus, cui à paterno Nazianzi Episcopatu cognomen, Librorum Canonicorum Ordines tres constituit, quorum nomina versibus Græcis inclusit. Primus ordo complectitur *Historicos* duodecim, Genesim, Exodum, Leviticum, Numeros, Deuteronomium, Josué, Judicum, Ruth, Regum, (duabus partibus distinctum,) Paralipomena, & Esdram. Secundus ordo quinque *Poëticos*, seu carmine conscriptos continet; Job, David, Proverbia, Ecclesiasten, & Cantica. Tertius demum ordo totidem habet *Propheticos*, Librum scilicet *xxii. Prophetarum*, Isaiam, Hieremiam, Ezechielem, ac Danielelem.

7. *Juxta S. Augustinum.*
i Lib. 2. de doctrina Christiana.

VII. S. Augustinusⁱ dividit in *Historicos xxxii. & Propheticos* totidem. Prioris generis sunt quinque Libri *Mosis, Josué, Judicum, Ruth, Regum* quatuor, *Paralipomenon* duo. *Job, Tobias, Esther, Judith, Esdra* duo, *Machabæorum* duo. *Prophetici* autem *David, Proverbia, Ecclesiastes, Canticum, Sapientia, Ecclesiasticus, Isaias; Hieremias cum Threnis; Ezechiel, Daniel, Osea*, & reliqui duodecim.

8. *Juxta Scholasticos.*

VIII. Sed veteris Testamenti Canon, seu Librorum ab Ecclesia Catholica receptorum Ordo à recentioribus Latinis Scholasticis præsertim, in Classes distinguitur quatuor.

Prima continet libros Legis, sive *Legales*: altera *Historicos* seu historiales: *Propheticos* tertia: quarta denique *Paræneticos* vel *Sapientiales* sive *Morales*.

LEGALES sive *Lex* propriè dicta, & volumen Legis, Hebræicè, ut diximus, *ῥατורה* *Torah*, Græcè *νόμος* vocatur, quasi dicas *Quinque* libros: quoniam *Quinque* libris constat, quibus *lex* *Mosis* universa continetur, *Genesi*, *Exodo*, *Levítico*, libro *Numerorum*, *Deuteronomio*; quorum nominum rationem indicabimus capite proximè sequenti.

HISTORICI numero sunt septemdecim, sub undecim titulis; videlicet liber *Iosué*, seu *Iesu Nave*, *Iudicum*, *Ruth*, *Regum* quatuor, quorum duo Priores *Samuëlis* quoque appellantur: *Paralipomenon* duo, Primus & Secundus; *Esdra* quobus duo, quorum Secundus dicitur etiam, *Nehemias*, *Tobias*, *Iudith*, *Esther*, *Iob*, & duo *Macchabæorum*.

PROPHETICI octodecim erunt, si *Baruch* à *Hieremia* jungatur, (cum quo ab aliquibus coniungitur) Hi sunt *Psalterium* *Davidis*, *Prophetiæ* *Isaia*, *Hieremia*, *Ezechielis*, *Danielis*; qui quatuor *Prophetæ* *Majores* apud nos vocantur; deinde *Oseas*, & reliqui undecim, qui *Minores* *Prophetæ* dicuntur, & *Baruch*.

SAPIENTIALES, qui ad *Morum* doctrinam referuntur, non nisi quinque sunt, *Proverbia* nempe, seu *Parabolæ* *Salomonis*, *Ecclesiastes* ejusdem, *Canticum* *Canticorum* etiam ejusdem, tum *Sapientia*, & *Ecclesiasticus*.

IX. NOVI autem TESTAMENTI Libros *S. Augustinus* enumerat octo, *Evangeliorum* *Matthæi*, *Marci*, *Luca*, & *Ioannis* libros quatuor; *Epistolarum*, quatuordecim *Pauli* librum unum; *Apostolicorum* *Actuum* librum unum; *Catholicarum* *Epistolarum*, hoc est, *duarum* *Petri*, trium *Ioannis*, *Iacobi* unius, & *Iudæ* unius librum unum: *Apocalypsis* *Ioannis* *Evangelistæ* librum unum.

9. Novi Testamenti Partes, juxta S. August.

X. Eosdem quoque versibus incluserat, post *Amphilochium*, *Gregorius Nazianzenus*: præter *Apocalypsin*, quam plerique *Græcorum* adhuc in dubium revocabant, quemadmodum *Latinorum* plerique *Epistolam* ad *Hebræos*.

10. Ex S. Gregorio Nazianzeno.

XI. Apud recentiores recepta est *Novi* æquè ac *Veteris* fœderis divisio in *Sacrorum* *Librorum* ordines quatuor: LEGALES libri, quatuor censentur *Evangelia*: *Historici* unus, *Acta* scilicet *Apostolorum*; *Sapientiales* viginti & unus,

11. Secundum Scholasticos.

omnes nempe Apostolorum Epistolæ: *Propheticus* unus, videlicet Joannis Apostoli Apocalypsis.

12. *Numerantur Libri Canonici utriusque Testamenti.*

1. Can. 47.

1. Decretorum suorum cap. 27.

m Lib. de Doctr. Christ.

XII. Libris sex & viginti Veteris, ac totidem novi Testamenti, quos Laodicensæ Synodi Patres, & alii plerique antiquiorum Græcorum inter Canonicos admittebant, alios Septem adjiciunt ex mente Ecclesiæ Latinæ jam ante laudati Patres Concilii Carthaginensis 3. anno 397. habiti ^k & Innocentius I. ^l sub finem Epistolæ ad Exuperium Tolosanum Episcopum; quos sequitur Augustinus ^m, & Gelasius Pontifex in Concilio Romano LXX. Episcoporum. Hi sunt, quod attinet ad TESTAMENTUM VETUS, libri sub Salomonis nomine duo, *Sapientia & Ecclesiasticus*: ac præterea *Tobias, Iudith, & duo Maccabeorum*. Quod ad NOVUM TESTAMENTUM spectat, *Apocalypsis* Joannis: inde consurgunt veteris Testamenti volumina tria & triginta. Novi autem Fœderis Libri septem supra viginti: & sic fiunt omnino libri Canonici utriusque Scripturæ sexaginta, qui enumerantur in Concilio Tridentino ⁿ, atque à nobis sigillatim recensentur additis cujusque nominibus, Autore, tempore, & argumento.

n Sess. 4.

13. *Horum omnium certa omnino auctoritas.*

XII. Ad hæc omnia enucleanda non parum conferent Sacrorum Librorum indices columnis distincti, quos ad calcem superioris capitis adjeci. Si quis enim eos inter se comparet: in diverso eorum ordine, suis in unaquaque columna numeris indicato, eadem volumina reperiet. In diversis quoque Testamenti utriusque Scripturatum divisionibus eadem nomina sæpius, vel cum tædio referenda fuerunt, ut evidenter appareret, eorum Librorum qui nunc ab Ecclesia Romana pro Canonicis habentur, concordi Lutorum præsertim Conciliorum atque Pontificum consensu, perpetuam fuisse auctoritatem, atque ita ab Occidentalibus populis omnibus absolute recipiendam, ut qui ab Ecclesia Romana ^o fidem cuncti acceperint.

o Innoc. I. Can...
quis nesciat 11.
dist. 11.

14. *Quæ in his Chronologiâ usuri sumus.*

XIV. Cæterum in designandis cujusque Libri & rerum in eo comprehensarum temporibus, inter varias Chronologorum sententias, non meam sequar, cujus sæpius reddenda ratio esset, sed eam quæ communis ferè videri potest recentioribus Annalium Sacrorum Scriptioribus, *Torniello, Saliano*, eorumque abbreviatori *Spondano*.

CAPUT X.

De Pentateucho, seu quinque Legis libris.

Primum inter Divinas Scripturas locum obtinet *Pentateuchus*, quinque Legis volumina complectens, quæ scripsit divinus Hebræorum Legislator Moyses, Amrami filius, nepos Caathi, Levi Patriarchæ pronepos. Is in Ægypto natus anno mundi, ex Spondani, aliorumque rationibus 2464. ex aliorum sententiâ octoginta ferme annis prius. Anno ætatis LXXX. Dei jussu regimen ac principatum populi sui suscepit; eoque ab Ægyptiacâ servitute liberato, obiit annos natus cxx. Hic doctissimus & antiquissimus est Autorum omnium, quorum ad nos monumenta pervenerunt: nec solum in omni sapientiâ Ægyptiorum versatus, ut D. Stephanus aiebat^a, sed in omni omnino, quantam quidem humani ingenii vires in hac vitâ mortali capere possunt, Scripsit Historiam Hebræorum, in quâ omnium ferè gentium originem refert, eamque ab orbe condito ad mortem ferè suam perduxit. Ejus vitæ seriem scripsere Philo ex Judæis, ex Christianis Gregorius Nyssenus. Quinque Libri Legis ab eo compositi apud Græcos & Latinos, ab argumento præcipuo de quo in cujusque potissimum initio agitur, denominationem acceperunt: Hebræi unumquemque patrio more à primis vocibus appellant.

II. Primus Legis ac veteris Testamenti Liber, *Genesis* est, Hebræis dictus *בְּרֵאשִׁית* *Bereschith*, hoc est *in Principio*: Septuaginta Interpretibus *Γένεσις*, id est *Generatio*, quod rerum omnium natales, ac generis præsertim humani originem & propagationem, primorum hominum genealogiam ac res gestas contineat. In his eminent primi Parentis lapsus; Diluvium; Dei cum Abrahamo ejusque posteris fœdus, seu fidelis populi, cui danda lex erat, electio; Migratio denique Jacobi cum filiis in Ægyptum. Complectitur autem Historiam annorum, si Spondanum sequamur 2400. si Petavium, aliofque 2308. à mundo scilicet condito ad Josephi Patriarchæ obitum. Tertullianus à primo Dei cum hominibus fœdere, *Originale Testamentum nominavit*.

^a 1. *Pentateuchû*
autor *Moyse*.

^a 2. *Act. 7.*

^a 2. *Pentateuchû*
Liber primus
Genesis.

3. *Exodus Pentateuchi Liber*
2.

III. Sequitur Liber EXODI Hebræis dictus שמח ואלה *vehelle schemosh*, id est, *hæc sunt nomina*; Græcis Ἔξοδος, id est *Exitus*, quod in eo Israëlitarum Egressio ex Ægypto, atque ex servitute Pharaonis liberatio describatur. Continet gesta annorum 156. à mortē Joseph ad Fœderis Tabernaculum in deserto erectum: memoratque plagas Ægyptiis divinitus inflicta; Decalogi traditionem, seu promulgationem Legis divinæ, cum mysticis Præceptis.

4. *Leviticus 3. Liber Pentateuchi*
chi.

IV. Tertium volumen Hebræi ואלה *vaalikra* nominant, id est, & *vocavit*: Græci Λευιτικός, Latini accepto ab eis vocabulo LEVITICUM, quod præcepta potissimum completatur ad divinum cultum spectantia, quæ *Cærimonialis* dicuntur. & quod Levitarum ac Sacerdotum officia, & sacrorum Ritus præscribat, quorum cura omnis atque administratio Leviticæ Tribui jure singulari attributa erat. Unius tantum mensis res narrat, ab erecto Tabernaculo ad censum usque Israëlitarum.

5. *Numeri Lib.*
4. *Pentateuchi*,

V. Quartus Liber, Hebræis vocatur ואלה *vaiedabber*, id est, & *locutus est*: Græcis Ἀριθμοί, nostris eodem sensu NUMERI, quod contineat Populi Israëlitici Censum & Enumerationem, tam eorum qui prophanæ, quàm qui sacræ militiæ addicti erant; imò totius multitudinis per Tribus & familias digestæ: itemque Mansionum, seu stationum in deserto. Continet præterea hic Liber Præcepta plurima, maximè quæ ad mutua Israëlitarum inter se officia pertinebant. Narrationem autem Historicam habet annorum xxviii. mensium ix. & xx. dierum, à prima die secundi mensis anni ab exitu secundi, ad mansionem in campesribus Moab.

6. *Deuteronomium, Pentateuchi Lib. 5.*

VI. Quintus denique Liber vocatur Hebræicè ואלה *helleh haddebarim*, hoc est, *hæc sunt verba*: Græcè Δευτερονόμιον, unde Latini DEUTERONOMIUM fecère, quasi Secundam, vel repetitam Legem dixerit: quæ licet judicialia imprimis præcepta completatur, habet tamen reverà totius Legis enarrationem, ac ferè repetitionem; quâ superiori- bus Libris omiſſa ſupplentur, obscura verò dilucidantur. Memorat gesta mensium dumtaxat duorum supremi anni Moſis in campesribus Moab. Libri hujus versus octo ultimi qui sunt de morte Moſis, ab his verbis, & *mortuus est Moſes*, à Joſue conſcripti creduntur; idque tradit Talmud^a. Licet alii apud Bellarminum^b ab Eſdra, aliove Prophetâ additos ſuſpicentur.

^a In Bababatra cap. 1.

^b Deſcriptor. Eccleſiaſt.

Legem

Legem Moſis, atque adeò univerſum veteris Teſtamenti opus, priſcorum Hæreticorum nonnulli tanquam à malo Deo dictatum reſpuerunt: verùm eorum deliria reſellunt Irenæus^c, Epiphanius^d, aliique.

^c Lib. 1. cap. 10.
& ſeqq.

^d Hæreſ. 33. &
63.

CAPUT XI.

De Historicis veteris Teſtamenti Libris.

IBER JOSUE, Hebræicè יהושע *Iehofchiah*, Græcè Ἰησοῦς *Nauſ*, à Joſuè ſeu Jeſu filio Nun, ſive Nave, nomen accepit, cujus ſtupenda prorsus geſta continet: Fuit is in Hebræorum Principatu ſucceſſor Moſis, quo defuncto Judæicum populum *Judicis* titulo rexit annis x xv i. obiitque anno ætatis xc. ut libri hujus cap. ult. habetur, hoc eſt anno ab orbe cõdito (ex Spondani ſententiâ) 2593. qui Uſſerio eſt 2591. etſi Petavius ad 2490. referat. Deſcribitur in eo Iſraëlitarum per medium & ſiccatum Jordanem tranſitus, ingreſſus in Chananæam, ipſorum parentibus à Deo promiſſam: Hierichuntis, edito poſt circumlatam ſeptem diebus arcem tubarum clangore, & clamore militum, expugnatio; pluriumque in Palæſtina regnorum everſio; Victoria de Gabaonitis, immoto ad Joſuè juſſum ſole, reportata; ac debellatis uno & triginta Regibus, Diviſio Terræ ſanctæ inter Iſraëliticas Tribus, fœdusque cum Deo renovatum. De Libri hujus auctore non ſatis conſtat. Nonnulli à Joſuè ipſo conſcriptum cenſent, poſt Iſidorum Hiſpalenſem^a, Petrum Comeſtorem, & alios: idque confirmari videtur his extremi capitis verbis, quæ de ipſo ſunt: *Scriptis quoque omnia verba hæc in volumine Legis Domini*: quæ licet referri poſſint ad verba fœderis cum Deo renovati, cujus ibi fit mentio; tamen inſpectâ Hebræicâ loquendi formâ, de rebus quoque omnibus in hoc libro memoratis facilè intelligi poſſunt. Theodoretus^b ab auctore anonymo Libri Juſtorum ſcriptum hunc Joſuè Librum exiſtimat; argumento petito ex eo quod capite x. dicitur Joſuè geſta deſcripta eſſe in Libro Juſtorum. Sed argumentum illud haud ſatis probabile videtur, cum in Libro illo Juſtorum ſcriptum dicatur miraculum duntaxat ſtantis jubente Joſuè ſolis: & præterea ejusdem hominis

1. *Liber Joſue.*

^a Lib. 61 Orig.
cap. 2.

^b Lib. de quaſt.
in Joſuè.

vitam scriptis mandari à pluribus nihil vetet. Alii non multò certiori ratione, non pauca in eo ab Esdra adjecta putant. Ad Finem verò quod attinet, dubium non est quin alium ab Josuè habeat autorem, cum in eo mors ipsius narretur: hanc verò appendicem à Samuële adjectam communis fert opinio.

2. *Indices.*

II. JUDICUM Liber, qui Hebræicè dicitur *דְּבוֹרָה שִׁיפְתִּים* *Scio-phetim*, (si quis Italoꝝ more scribat: Galli & Germani *Scho-phetim* scriberent) Græcè *Κεῖρω*, eodem sensu. Gesta continet *Judicum* numero xviii. qui à Deo constituti & diversis è Tribubus delecti, ab excessu Josuè ad Heli principatum, apud Israëlitas rerum potiti sunt, ministeriumque potius quàm summum Imperium, sive quantum ad militaria, sive quantum ad res politicas exercuere, ut colligitur ex responso Gedeonis ad populum, quod habetur *cap. 8.* Hi fuere *Othoniel*, sive *Athniel* Calebi gener; *Ahod* quem alii *Ehud*, alii *Aiod* pronunciant; *Samgar*; *Barach*, cum *Debora*; *Gedeon*, qui & *Jerobaal*; *Abimelech*, *Thola*, *Iair*, *Jephthe*; *Abesan*, sive *Ebzan*; *Abialon*, qui aliis *Elon*; *Abdon* & *Samson*: quo temporis intervallo Israëlitarum peccantes in Deum, atque ab ejus cultu ad idololatriam desciscentes, sæpius vicinis gentibus, Mesopotamensis nempe, Moabitibus, Chananais, Madianitis, Ammonitis, & Philistæis in servitutem traditi & quasi addicti; resipiscentes autem, ab eâ subinde liberati fuerunt. Comprehenduntur hoc volumine res trecentoꝝ ferme annorum, ab anno mundi 2594. ad 2900. ex Spondano: alii multo plures annos computant, ut Petavius, quia tempora servitutum separant à *Judicum* ipsorum temporibus, quæ alii conjungunt. Hujus Libri, ut & *Ruth*, & primi Regum maxima ex parte, autorem tradit Isidorus^e Samuëlem; quod postremum palàm traditur in sacris Codicibus^d, atque in hac sententia est alicubi Abulensis^e: quamquam non desint qui Ezechiam, aut Efram *Judicum* Libri autores malint. Theodoretus^f certè apud Sixtum Senensem, eum longè post Samuëlis tempora collectum esse existimat ex antiquo illo libro Justorum, cujus in hoc ipso volumine mentio fit.

III. Libro *RUTh*, Hebræicè *רֹוּת*, Græcè *ῥούθ*, qui apud Hebræos primum inter Hagiographa obtinet locum, Moabitidis honestæ mulieris, cui hoc nomen *Ruth*, ab idolo-

^e Lib. Orig. 6. cap. 12.

^d Paralip. lib. I. cap. ult.

^e In Josuè, 15. post 4. q.

^f Lib. 1. Biblioth. sanctæ.

latia ad verum Dei cultum conversio, nuptiarumque cum Booz affine suo memorantur. Hæc autem Judicum tempore contigerunt, ut constat ex Libri ipsius initio. Abesan tunc præfuisse populo ex eo conjici potest, quod hunc Judæi Booz quoque nominant. Vixit autem Judex ille circa mundi annum 2855. ex Spondano.

IV. Libri R E G U M apud nos quatuor sunt; quorum duo priores Hebræis שמות *Scemuel*, id est *Samuëlis*; posteriores מלכים *Melachim*, id est *Regum*, indigitantur: à Græcis verò dicuntur Libri βασιλειῶν, hoc est *Regnorum*: Utrosque Hebræi Prophetis accensent. Horum Primi pars prior, quæ gesta sub Heli, Samuële, Saule, ac Davide complectitur ad caput usque xxv. à Samuële ipso Propheta scripta creditur ex Isidoro & Talmude: reliqua Davidis, quæ Libri ejusdem fine, totoque secundo Libro continentur, scripsere, ut iidem tradunt, Gad videns, & Nathan Propheta. Idque confirmari viderur ex Paralipomenon libro i. ^b. Sic enim ibi scribitur, *Gesta David priora & novissima scripta sunt in Libro Samuël videntis, in Libro Nathan Propheta, & in volumine Gad videntis.* Duo autem posteriores Libri REGUM ab Ahia Silonite, & Addo scripti videntur, quantum ad priorem partem, quæ res Salomonis complectitur, ad caput xi. ut colligi potest ex Paralipomenon libro 2ⁱ. Reliqua à Sacerdotibus, ac Prophetis illorum temporum. Procopius Gazæus ab Hieremia conscripta putat; quod in Talmude quoque traditur: alij ab Esdra. Et fortè probabiliter dicamus posteriores hos libros per compendium collectos esse, partim ex Nathan, aliorumque prædictorum scriptis, partim ex Libris dierum sive Annalibus Regum Judæ.

Priores comprehendunt historiam centum viginti & quatuor annorum, ab initio Heli ad Salomonis primordia & Templum conditum, id est ab anno mundi 2900. ad annum 3024. Posteriores, *Regum*, cum Judæ, tum Israël facta continent per annos 422. à Templo condito ad captivitatem Babylonicam, sive ab anno 3024. ad 3446. Nihil autem refert Hebræorum, Latinorumque more, Regum Libros dixeris, an cum Græcis Libros Regnorum: nam & Regum facta in iis memorantur; & non unius, sed duorum Regnorum Judæ scilicet, atque Israël, sive Samariæ; quæ ex decem Tribuum à Judæ ac Benjamin Tribubus secessione exorta

4. *Regum Libri.*

g Loco suprà citato.

b Cap. ult.

i Cap. 9.

sunt, per Roboam sive imperitiam, sive sævitiam & Jero-boami perduellionem.

Apud Judæos post *Sauilem*, *Davidem* ac *Salomonem* Templi conditorem, regnarunt *HIEROSOLYMIS* viginti Reges annis 386. *Roboam* nempe, *Abiam*, *Asa*, *Iosaphat*, *Ioram*, *Ochozias*, *Athalia* vidua Jorami, *Ioas*, *Amasias*, *Azarias* qui & *Ozias*, *Ioathan* vel *Jorham*; *Achas*, *Ezechias*, *Manasses*, *Ammon*, *Iosias*, *Ioachas*, *Ioiakim* sive *Eliacim*, *Techonias* qui & *Joachin*; *Sedechias*. Hic direpto incensoque Templo, ac vastatâ civitatē à Nabuchodonosor Rege Babylonis, excæcatus, & Babylonem captivus cum suis est abductus. Apud *ISRAELITAS* novemdecim Reges per annos circiter 254. regnarunt, *Ieroboam*, *Nadab*, *Baasa*, *Ela*, *Zamri*, *Amri*, *Achab*, *Ochozias*, *Ioram*, *Iehu*, *Ioachas*, *Ioas*, *Hieroboam* eo nomine secundus, *Zacharias*, *Sellum*, *Manahem*, *Phaceia*, sive *Pecaia*, *Phacee* qui aliis *Pecah*, *Osee*, sive *Hoseas*; qui temporibus *Ezechia* regnavit, & cum *Israëlitis*, sive decem Tribubus in *Assyriam* translatus est, captâ à *Salmanasare* *Assyriorum* Rege *Samaria*. Illi desierunt anno mundi 3446. ante Christum natum circiter 605. Hi circa annum mundi 3314. ante Christum fermè 737.

5. *Paralipome-*
non.

V. *PARALIPOMENON* Libri duo Græcè Παράλειποναι, sive *Prætermissorum*, Hebræis דברי הימים *Divre haiaim*, id est, *verba dierum*, aliàs Libri *Chronicorum*. Multa quæ in *Pentateucho*, vel in Libris *Josué*, *Judicum* & *Regum*, aut omiſſa, aut non satis explicata fuerant, summam enarrant. Annorum numerum ferè 3520. ab *Adamo* ad *Cyrum* *Persarum* Regem complectuntur. Eorum Autor aliis *Esdra*s putatur, alijs probabilius *Hieremias*. *Glossa* *Talmudis* * tradit *Esdram* scripsisse, præter librum suum, etiam *Genealogias* Libri *Chronicorum* usque ad locum ubi suam ipsius *Genealogiam* describit; primi scilicet *Paralipomenon* cap. 9. versu 11. vel secundum alios, usque ad libri 2. cap. 21. ejusque versum 2. à *Nehemia* *Chachanix* filio librum eum absolutum.

* Ad cap. 1. *Dababatra*.

6. *Esdra*.

V I. *ESDRÆ*, qui Hebræicè עזרא *Ezra*, Græcè Εσδρας, duo sunt Libri, Hebræicis literis & Chaldaïco sermone scripti. Prior habet autorem *Esdram* *Jaraix* filium ex *Aaronis* stirpe Sacerdotem magnum, ac sacræ Scripturæ Instauratorem. Hic sub *Artaxerxe* Rege *Persarum* vixit, vel, ut vult *glossa* *Talmudis*, sub *Dario* secundo, qui post *Assuerum* regnavit.

Continet Liber Primus res gestas Israëlitarum in reditu à Babylonia, priusquam ad Templi ac murorum Hierosolymitanorum instaurationem Nehemias mitteretur, maximè reductionem populi sub Jesu filio Josedeck; & divinæ Legis novam velut promulgationem circa annum mundi 3610. ante Christum natum 440. aut circiter. *Secundum* Esdræ librum censent quidam ab eodem conscriptum: quanquam à Nehemia compositum vulgaris ac probabilior sententia sit: unde & Nehemiæ liber sæpenumero dicitur. Hic narrationem continet instaurationum murorum per Nehemiam filium Helchiæ Sacerdotem, qui Pincerna fuit Artaxerxis; & ab eodem Dux constitutus, atque Hierosolymam eâ de causâ missus, ut ei operi præesset.

Adjunguntur his *Esdræ* Libri *Tertius* & *Quartus*, qui tamen, cum in Canonem ab Ecclesiâ Catholicâ recepti non sint, sed inter apocryphos habeantur; in finem Bibliorum rejici solent. Dissident tamen hæc in parte Græci à Latinis: Nam qui à nobis *Tertius* Esdræ Liber inscribitur, eum illi in Canone receptum primum in ordine Librorum Esdræ collocant, quòd quæ in eo narrantur, ea ordine temporum priora sunt iis quæ in Primo à Latinis recepto habentur: qui verò apud nos Primus & Secundus Esdræ sunt, ab illis uterque in unum Esdræ Secundum volumen conjiciuntur.

VII. TOBIAS, Hebraicè טוביה *Tobiah*, id est *bonus Deus*, vel *bonus Dei*, Græcè Θεός dicitur, Liber quem *Tobias* vir justus de vita sua conscripsit circa annum mundi 3330. cum apud Niniven ageret, quò à Salmanasare Assyriorum Rege abductus in captivitatem fuerat, anno Osæ Regis Israël 9. Ezechia Regis Juda 6. Scriptus est Chaldaicè sive Syriacè, quâ linguâ uti cœperunt Israëlita postquam per eas gentes dispersi sunt: ut docet Rabbi Azarias, & Joannes Benedictus, cum Sixto Senensi. Idque patet ex cap. 12. v. 21. ejusdem Libri. Ultimum caput addidisse creditur Tobias filius; nisi quòd finem, ubi de filii morte agitur, ab alio adjectum fuisse necesse est. Compositus videtur post mortem Sennacherib, quo tempore regnabat apud Judæos Manasses, vel certè apud Babylonios captivus erat. Maximis abundat hic liber vitæ moralis exemplis, ac monitis: cumque se ex Chaldaico in Latinum sermonem unius diei labore transulisse testatur Hieronymus¹. Cum sequentibus duobus inter

7. Tobias.

¹ Præfat. in hunc librum.

m Can. 45.
 n Ep. ad Exup.
 Tolof. Episc.
 o In Decret.
 Conc. Rom. de
 Lib. facris ab Eccl.
 p In lib. de E-
 Jeemofyna.
 q In lib. de To-
 bia.
 r 2. de Doctr.
 Christ. cap. 8.
 s Lib. Etymol. 6.
 cap. 1.
 t Lib. 1. Divin.
 leq.

u Sess. 4.

B. *Judith*,

x Lib. 1. con-
 tra Apionem.

y Diq. Etymol.
 lib. 6.
 z Epist. 3.

9. *Esther*.

a Lib. 1. antiq.
 cap. 6.
 b Lib. de sac.
 Hist.
 c In Chron.
 d Lib. 6. Origin.
 s. 2.

Hagiographa secundi ordinis habetur, quæ non à Spiritu sancto per Prophetas; sed à filia vocis, ut loquuntur, profectæ censent; id est à viris piis, divinâ quidem inspiratione, sed citrà Prophetiæ donum scripta. Inter Sacros & Canonicos Libros ab Ecclesiâ Catholicâ semper habitum Tobię hunc Librum pater ex Concilio Carthaginensi 3.^m & Innocentio I. n & ex Gelasio primo Pontifice o, præterea ex Cypriano p, Ambrosio q, Augustino r, Isidoro Hispalensi s, Cassiodoro t, & Conciliis Florentino ac Tridentino u; frustra itaque eum è numero Canonicorum Lutherani, & Calvinistæ expungunt.

VIII. Liber JUDITH, Hebræicè יודית, Græcè Ἰουδίτ, dicitur ab Hebræâ hujus nominis muliere, quæ populum Israëliticum Bethuliæ oppido inclusum, ab Assyriorum oppugnatione, Holoferne cæso, liberavit. Ejus autor, si fidem habemus Josepho x, fuit Eliachim qui alias Joachim, Sacerdos magnus Hebræorum, medio inter duas captivitates Assyriacam & Babylonicam tempore, regnante apud Judæos Manasse; apud Assyrios Merodach Baladani filio, circâ mundi annum 3323. Eliachim illius mentio fit libri ejusdem cap. 4. versu 15. quanquam id opus Jesu, qui pater Eliachim fuit, tribuat Rabbi Azarias suprâ laudatus. Sanctus autem Isidorus y incertum putat ejus autorem. Chaldaïco sermone primum scriptus hic Liber fuit, autore Hieronymo z: licet Hebræi atque Hæretici hodierni illum rejiciant è Canone; à Concilio tamen Nicæno primo Oecumenico relatus est in numerum sacrorum Codicum, eodem Hieronymo teste; itemque à Conciliis & Pontificibus laudatis §. superiore.

IX. ESTHER, Hebræicè עֶשְׁתֵּר, Græcè Ἑσθήρ, Liber est continens narrationem servati, per nobilissimam hoc nomine sceminam, Judaïci populi, exitio jam damnati ab Assuero, insidijs Aman Macedonis; de quo sumptum deinde supplicium est ab eodem Assuero. In hujus conjugio Esther vixit circa annum mundi 3650. siquidem Assuerus ille idem fuit cum Artaxerxe priore, ut vulgò creditur ex Josepho a, Severo Sulpitio b, Nicephoro Constantinopolitano c. Alii Artaxerxis patrem Xerxem interpretantur, qui & Oxyares dictus, vocabulo non abludente à nomine Assueri. Libri hujus autorem Isidorus d, ex Philone Alexandrino, Joachim

putat, filium Jesu, summum Hebræorum Pontificem. Bellarminus^e Mardochæum Estheris ipsius patrum: alii ex Talmude, compositum hunc librum existimant à viris Synagogæ magnæ. Septem ejus postrema capita in Hebræo textu desiderantur: unde adulterina ea colligit D. Hieronymus^f, cumque sequuti alii non pauci Scriptores sacri: imò totum Librum extra Canonem censuerunt Asiani apud Eusebium^g, Athanasius^h, Gregorius Nazianzenusⁱ. Verùm reliqui omnes Ecclesiæ Patres Græci & Latini totum librum, qualis in Ecclesiâ Latinâ legitur, sacrum & canonicum esse fateantur post Concilium Laodicenum^k, itemque Carthaginense^l, quibus tandem adjungi debet Tridentinum^m.

Septem verò illa capita quæ vulgata editio, Latina in finem, alieno fortè loco, rejicit, probabile est aliquando in Hebræo extitisse & casu excidisse. Etenim Josephus idemⁿ ostendit hunc Librum in Canone Hebræorum fuisse, duasque Epistolas Assueri & orationem Mardochæi historię suæ inseruit, quæ in his capitibus extant, etsi apud Hebræos hodie non habeantur: & tamen idem Auror^o testatur se ex Hebræo narrationes suas nullo adjecto depromere. Aut cetèrè fieri potest ut Hebræicè primùm per compendium scripta hæc historia, deinde copiosius Græco sermone enarrata fuerit à Hysimacho sub Ptolemæo Epiphano Alexandrino Rege, quemadmodum indicatur hujus Libri capite 12. Quæ translatio Latinè versa ad nos pervenerit, cum prior Hebræicè hodie non supersit. His aliisque argumentis omnia quæ contra hujus Libri autoritatem obijciuntur diluit Bellarminus^p.

X. Liber Jo^b, Hebræicè *איוב* *Iob*, id est, *ululans*, Septuaginta *Ιωβ* dicitur: gesta continet viri justi ejus nominis, qui natus creditur Bostræ in Idumæâ, & habitasse in terra Hus, quæ pars fuit Arabiæ. Eum cum Jobab abnepote Esau, cujus mentio fit Geneleos cap. 37. plerique confundunt, maxime quod in appendice ad finem Libri hujus adjectâ in editione Septuaginta, dicatur Job fuisse de filiis Esau, & quintus ab Abrahamo. Sed hæc appendix textui Septuaginta addita videtur. Et S. Hieronymus^q ex sententiâ Hebræorum putat à Nachor Abrahæ fratre oriundum Job, ac tertium ab eo. Diversum à Jobab fuisse conjicitur ex nominis utriusque, si Hebræicè scribantur, diversitate, atque ex ætate Jobi, qui ad 248. annum pervenit ex Lüdoro^r, quanta ætas

^e De Script. Ecclesi.

^f In Pref. hujus Lib.

^g Lib. 4. Hist. c. 26.

^h In Synopsi.
ⁱ In Carn. de genuinis script.

^k Can. 49.

^l Can. 47.

^m Sess. 4.

ⁿ Lib. 12. antiq. c. 6 & 1. contra Appion. lib. 6.

^o Lib. 10. antiq. c. 12.

^p Lib. 1. de Veter. Dei cap. 7.

10. *Iob*.

^q In quæst. Hebræicis.

^r In lib. de vitâ & morte Patrium.

nulli tribuitur qui tempore Moſis, aut ſequentibus annis vixerit, Unde inferunt eum diù ante Moſem vixiſſe. Autorem Libri Iſidorus ^r ſcribit fuiſſe Moſem, aut ipſum Job, vel certè aliquem Prophetarum. Bellarminus de Scriptori- bus Eccleſiaſticis priores ſententias conciliat, ità ut velit à Job ærumnarum ſuarum hiſtoriam Arabicè (aut ut alii vo- lunt Syriacè) ſcriptam eſſe; ex eo verò commentario li- brum, qualem habemus, à Moſe compoſitum. Gloſſa Tal- mudica geminas eà de re adducit Hebræorum ſententias: Prima fert Job tempore Moſis vixiſſe, qui & hunc librum conſcripſerit; altera eum vixiſſe eodem tempore quo Regi- na Saba, unde quidam Salomoni hoc opus tribuerunt, ductà conjecturà ex eo quod quædam ejus verba laudantur ſub nomine Salomonis à Gregorio Nazianzeno ^r; quamvis facilè fuerit virum ſanctum hac in re memorià labi, & alicui Sa- lomonis libro adſcribere, quod in hoc volumine legiſſet. Philippi Codurcus, qui ante aliquot annos erudicum in illud opus commentarium edidit, Iſaiæ eſſe putat, duplici imprimis argumento, tum quòd in Hebraico textu libri hu- jus initium ejus ferè Prophetæ nomen habeat: tum quòd multæ in eo voces, & loquendi figuræ occurrant Iſaiæ pec- ciliates, & quas nullo in alio ſacri textus volumine inve- nire eſt. Narrantur in eo Libro quæ ipſi B. Job contigerunt; in quibus inter miras ipſius virtutes, ſumma præſertim pa- tientia elucet. Refertur diſputatio etiam diſertiſſima, quam vir ille ſanctus cum amicis ſuis inſtituit; in quâ non pauca de Eccleſiæ myſteriis, diaboli viribus, improborum in hac vita felicitate, proborum calamitatibus, partim indicantur, partim explicantur, aliaque habentur eximia de morum & naturæ rebus. Magnam libri partem à cap. 3. verſu 3. ad cap. 32. verſu 6. teſtatur D. Hieronymus verſibus ſcriptam. Græci totum volumen dividunt in capita 32. Latini in 42.

¹¹ *Libri Ma-
chabæorum.*

XI. Libri MACHABÆORUM, Hebræis חשמונאי *Chafmonai*, ſive *Haſamoni*, Græcis Μακκαβαῖος: ſic inferibuntur à Ju- da præſertim Hebræorum Duce, qui Machabæus eſt cognom- inatus, ex quatuor literis Hebraicis, quas ſuis vexillis, teſſeris-ve militariſibus inferibere ſolitus erat, מַכַּבִּי, quæ vocem *Machabi* formant, ſuntque initiales totidem vocabulorum quibus conſtat hæc ſententia ¹² מי כמותך בלחם ייח, *mi Cha- mocha Baclim Iehovab*, id eſt, *quis ſimilis tui in fortibus Domine*; quæ

^f Lib. 6. Orig.
cap. 2.

^g Oration. ad
Julianum exact.
tribus.

¹² Ex cap. 15.
Exodi.

quæ vox velut symbolum quoddam, ab eo ad ejus fratres, cum Machabæorum appellatione, manavit. Ejus famillæ præclara adversus Seleucidæ Syriæ Reges, qui & Syro-Macedones dicti, pro tuenda religione facinoræ; Regnumque Judaicum propriâ ipsis virtute partum, in his Libris memorantur. Horum autem Librorum duo tantum in Ecclesiâ Catholicâ pro Canonicis sunt tecepti. *Tertius* Græcus, ab Eusebio citatus ⁷ invenitur: Latine vetus habetur à Flaminio Nobilio ². *Quartus*, extat Græcè Lugduni in Sancti Pagnini Bibliothecâ, ubi à se visum asserit Sixtus Senensis. Verum hi duo posteriores inter apocryphos haud dubiè sunt habendi, cum à nullo Concilio sint recepti. Eorum verò qui inter Canonicos habentur, prius continet tres gestas *Mathatiae*, actum ejus filiorum, *Judæ*, *Ionathæ*, *Simonis*, contra Antiochi Magni filium, Seleuci ⁴. Philopatoris fratrem, Antiochum Epiphanem, aliosque Reges Syriæ Græcos; ab anno circiter 386. ab orbe condito ad annum 399. Posterior eandem Historiam paulò altius repetit ab anno scilicet 388. narratque insigne martyrium Eleazari, & septem puerorum Machabæorum, unâ cum matre variis suppliciis peremptorum, regnante Epiphane. Collectorem hujus Libri Honorius Augustodunensis tradit Philonem: Bellarminus Joannem Hircanum fuisse conjicit, Simonis filium, qui tebus omnibus interfuit, ac post Patrem summo Sacerdotio functus est. Secundus ex quinque Libris Jasonis Cyrenæi de rebus Judæ & fratrum ejus fusiùs editis excerptus innuitur capite ². ipsius libri, num. 24. Continent hi duo Libri res Judaicas, annorum ferè 52. ab anno mundi 3868. ante Christum 184. ad annum ab orbe condito 399. ante Christum circiter 133. Ambos agnoverunt tam Græci quàm Latini, in quibus Cyprianus ^a, Ambrosius ^b, Augustinus ^c, S. item Leo ^d, ac cæteri Latini præsertim Patres, semperque pro Canonicis, quicquid hodierni Hæretici contra conentur, eos agnovit Ecclesiâ, ut perspicuum est ex Conciliis antè laudatis, 3. Carthaginensi & Tridentino, ex Epistolâ Innocentii I. ad Exuperium, ex Decreto Gelasii Pontificis de Scriptoribus sacris. Rabbi Azarias ^e ante Josephum autotem retum Judaicarum scriptos fuisse tradidit, cumque inde multa haussisse.

⁷ In Chronico.

² In editione Rom.

^a De exhort. Martyr. cap. 11. lib. 1. epist. 3. ad Cornel.

^b Lib. 1. de Jacob. & vita Bear. cap. 11. & 12.

^c Lib. 2. contra Epist. Gaudentii c. 23 & lib. 18. de Civ. Dei c. 36.

^d In serm. de iisd Machabæis.

^e Lib. Imre Binah.

CAPUT XII.

De Prophetici veteris Testamenti Libris, ac primùm de Psalterio, & Poësi Hebraicâ.

1. *Libri Psal-
morum nomina.*

PSALMORUM Liber inter Propheticos primo loco numeratur, Hebræi סֵפֶר תְּהִלִּים *sepher Tehillim*, id est, *Librum Hymnorum*, sive *Laudum*: Græci Ψαλμῶν, & post eos Latini *Psalterium* vocant, à verbo *psallo*, quod utroque sermone idem est ac canere, cytharâ imprimis, aliove musico instrumento: unde *Psalterii* nomen instrumento ipsi inditum est, quo David frequenter in concinendis Psalmis usus fertur. Fuit autem illud instrumentum chordis decem instructum, ut patet ex Psalmo 32. sonumque edebat à superiore parte, in quo à cytharâ lyraque distabat.

2. *Autor.*

a In Synopsi.
b Prologo in
Psalms.

c In epist. ad
Sephronium &
ad Cyprianum.

d Suis in hunc
lib. præfationib.

e Lib. 6. de Civ.
Dei c. 14.

f Præfat. Com-
ment. suor. in
hunc lib.

g Lucæ 10.

h Libri Baba-
batra c. 1.

II. De Psalmorum autore duplex est sententia: alii quidem, ut S. Athanasius^a, S. Hilarius^b, S. Hieronymus^c, volunt non ab uno Davide, sed à pluribus Autoribus scriptos, ab iis nempe qui in cujusque Psalmi epigraphe nominantur; & Davidis quidem esse eos, qui Davidi tribuuntur, cæteros Moïsi, Salomonis, Asaph, filiorum Core, cæterorumque quorum nomina præferunt. Alii, in quibus Chrysostomus, Theodoretus, Cassiodorus^d, arque Augustinus^e existimant totum Librum centum quinquaginta Psalmorum à Davide solo compositum esse; quorum sententiam probabiliorem putat Bellarminus^f. Id confirmari videtur 2. Paralipomenon cap. 5. ubi dicitur *Cantores ordinatos fuisse, ut canerent Psalmos quos fecit David*; itemque ex eo quòd Christus Librum Psalmorum ei tribuere absolute videtur g, & ipse David dixit in *Libro Psalmorum*; ac denique ex eo quòd satis constet Asaph, Idithun, Echan, Core, & alios, quorum nominibus Psalmi non pauci prænotantur, Cantores, non Prophetas fuisse. Hinc verisimile fit, ideò tantum eorum nomina aliquibus Psalmis fuisse præposita, quòd illis hi Psalmi canendi darentur; idque ex eo præsertim intelligi potest, quòd in eodem titulo jungitur aliquando nomen David cum nomine Idithun. Et verò Psalmos omnes esse Davidis indicat Talmud^h; ait enim David scripsisse Librum Psalmorum

per manus decem seniorum, sive per manus primi hominis, Melchisedeci, Abrahami, Moſis, itemque per manus Heman, Idithun, Aſaph, & trium filiorum Corah; quæ ſic explicat gloſſa inſcripta Maſoreth ad Talmud, ut velit à Davide ſcripta eſſe in hoc Libro cum ſuis canticis, ea quæ protulerunt tam ſeniores, qui ſcilicet illius ævum præceſſerant, quàm nonnulli qui ipſus ætate vivebant. Rabbi verò Kimchi vult à ſenioribus illis pronunciatos eſſe Pſalmos eorum nomine inſcriptos, v. g. Pſalmum 92. qui inſcribitur canticum in diem ſabbati, à primo homine dictum fuiſſe, poſtrediè quàm creatus fuerit. Bellarminusⁱ, tam eos omnes qui titulo carent, quàm eos qui Davidi palàm adſcribuntur, ſive dicantur *Pſalmi Davidis*, ſive *Pſalmi Davidi*, cenſet Davidis eſſe. Pſalmi ſanè 2. & 94. qui apud Hebræos titulo carent, ab Apoſtolis aſſeruntur Davidi. Ille quidem à Petro^l, hic verò à Paulo^m; & in genere Pſalmi qui in Hebræo codice titulo deſtituuntur, à ſeptuaginta Interpretibus tribuuntur Davidi. Falli ergo Hebræos, qui exiſtimant Pſalmos titulo carentes eundem autorem habere, cujus nomen priori Pſalmo præſcribitur; cùm ex dictis, tum ex eo apparet, quòd Pſalmus 89. Moſi aſcribatur, & ſequentes decem titulum non habeant; unde 98. ex eadem regulâ Moſi tribuendus eſſet, qui tamen Samuëlis mentionem facit quarto poſt Moſem ſæculo nati. Eos quoque qui Davidi inſcribuntur non ab alio huic Regi oblatos, ſed ab ipſo conſcriptos; ipſive à Deo dictatos probat D. Auguſtinus ex Pſalmo 109. qui eum titulum habet.

III. Non tamen à Davide digeſti Pſalmi putantur; ſed vel ab Eſdra, ut ſentire Athanaſius videturⁿ, vel à Septuaginta Interpretibus; ut cenſet S. Hilarius^o. Nec verò juxta ſeriem temporis, quo ſcripti ſunt diſpoſiri cenſeri debent. Conſtat enim Pſalmum, ſcriptum eſſe cùm David Abſalonis filii perſecutionem fugeret: Pſalmum 50. paulò poſt eandem Uriæ & adulterium cum Bethſabee, quando ſcilicet David à Nathan Propheta increpitus eſt. Pſalmum 141. cùm David in ſpelunca ob Säuſis metum deliteſceret: 143. deviſto Goliath, in quibus omnibus inverſus temporum ordo apparet: denique Pſalmus 71. in medio ferè libri collocatus omnium poſtremò eſt ſcriptus; quandoquidem in Salomonem jam reguare incipientem compoſitus eſt, & poſt eum additur

H ij

ⁱ In Præfat.
comment. in Pſal.

^l Act. 4:
^m Epist. ad
c. 4. Hebr.

³ A quo Dig-
eſti in ordinem
Pſalmi.

ⁿ In Synopſi.
^o In Pſol. Pſal.

defecisse orationes sive Laudes David filii Jesse. Hunc verò servatum à Digestore ordinem quidam existimant, ut quinquaginta primi, quorum ultimus est *Miserere mei Deus*, ad penitentes pertineant: medii quinquaginta qui desinunt in Psalmo *Misericordiam & iudicium cantabo tibi Domine*, ad justos proficientes: quinquaginta postremi, quos concludit Psalmus, *Laudate Dominum in sanctis ejus*, ad perfectos.

4. De Psalterii divisionibus & ordine.

¶ Prefat. in lib. Regum
q Luc. 20.
r Act. 1.

f Tum in Prol. Gale. tum. in ep. ad Sophron.
r In lib. de Pon- tific. & Menfuris.

5. De numero Psalmodum.

u Can. nre.
x Sess. 4.

IV. Observat autem Rabbi David Kimchi, quemadmodum Moses Legem in *Quinque Libros* diviserat, sic divisum esse Psalterium à Davide in *Quinque Libros*: quod licet vetum esse non possit ex supradictis, quantum ad ejus divisionis autorem; certum tamen est librum Psalmodum apud Hebræos *Quinque incisionibus* comprehendi, ut loquitur D. Hieronymus^p, id est volumen Psalmodum, licet unicum sit, & sub unius libri nomine à Christo Domino^q, atque à D. Petro^r laudetur; tamen ab Hebræis in *Quinque Libros* distingui: non dispari ratione ac in corpore juris Pontificii, Sextus Liber Decretalium, in minores libros quinqué subdividitur. Hanc autem Psalterii divisionem testatur eum D. Hieronymo^f, Epiphanius^t. Ubicunque enim ad finem Psalmi scribitur *Amen, amen*, sive *Fiat, fiat*, ibi terminari Librum unum existimant. Primum quidem ad finem Psalmi XL. Secundum ad finem Psalmi LXXI. Tertium ad calcem Psalmi LXXXVIII. Quartum ad finem CV. Quintum denique ad finem Psalmi CL.

V. Numerus Psalmodum apud omnes est CL. Psalmum CXIII. *In exitu Israël de Aegypto*, Hebræi in duos dividunt, centesimum decimum quartum à versu, *Non nobis, Domine, non nobis*, inchoantes; atque hinc fit ut in Psalmis sequentibus numerus Hebræorum superet Latinorum numerum: Deinde tamen Hebræi Psalmum CXLVII. *Lauda Ierusalem Dominum*, conjungunt CXLVI. *Laudate Dominum quoniam bonus est psalmus*; atque ex duobus unum conficiunt: & sic res tandem eodem tecidit, numerique in fine libri apud utrosque conveniunt. Neque eum numerum Concilia sive Laodicense^u, sive Tridentinum^x excedunt. Unde colligere est brevem illum Psalmum qui supra eum numerum pro centesimo quinquagesimo primo circumfertur, cujus & sanctus Athanasius meminit, extra Canonem & inter apocryphos habendum.

VI. An Metro scripti sint Psalmi, quanquam plerique omnes affirmant, non defunt tamen qui dubitent. D. Hieronymo & David *Simonides noster*, dicitur, *Pindarus & Alcaeus*, *Flaccus quoque, Catullus, atque Serenus Christum Lyrâ personans, & in decachordo Psalterio ab inferis excitans resurgentem*. Idem præfatione in Chronicon Eusebii, *Psalterium*, ait, *in morem Flacci & Pindari, nunc Iambo Alcaico, nunc Sapphico tumet, nunc semipede ingreditur*. His consonat quod Josephus ^a affirmat hymnos vario metro à Davide compositos, qui & trimetros fuisse alios Psalmos, alios pentametros observat. Doctissimus Mercerus ^a, tradit Franciscum Vatablum Regium Hebræicarum literarum Professore versum omnium Jobi & Psalterii ordinem intellexisse; quosdam etiam Canones ad eorum rationem facilius percipiendam perscripsisse; seque ipsum profitetur, cum Jobi versus dimensus esset, plerosque hexametros invenisse; sed ita ut pro dactylo & spondeo passim alii pedes juxta linguæ idioma occurrant, non eorundem syllabarum, sed eorundem temporum, ut Hieronymus loquitur ^b. At Franciscus Gomarus ^c tradit institutâ poëtica analysi Psalmorum alphabeticorum 25. 34. 37. 111. 112. 119. (qui apud Latinos est 118. & 145.) aliorumque scripturæ Canticorum, se reperisse illa omnia priscorum Hebræorum poemata variis ac promiscuis carminum generibus constare, qualia sunt Pindari in singulis strophis, & Lyrica apud Sophoclem plurima, ἀτὰρ τὰ scilicet, & sibi invicem haud satis respondentia: ita ut metro quidem scripta sint, nullam verò habeant inter se consonantiam, sive revolutionem; qualis in odis Græcis, Latinisque servari solet, si strophe una alteri comparetur. Existimat itaque idem Gomarus ^d, novem omnino carminum generibus, sive puris, sive mixtis, tam per analogiam, quam per anomaliam, perfectisque partim, partim imperfectis, vel per defectum, vel per excessum totam poësim sacram contineri. Observat porro in Psalmis trimetri terminos vix excedi, exceptis dactylicis, quorum multi sunt in Hebræica poësi hexametri.

VII. Verùm Josephus Scaliger ^e contendit in Psalterio nullum canticum esse metricis legibus adstrictum, sed merè solutam orationem, charactere seu stylo poëtico duntaxat animatam, qualis in Isaïæ, aliorumque Prophetarum scriptis

6. *An versibus scripti sint Psalmi, & de Poësi Hebræica ex Mercero.*

^y In epist. ad Paulin. de lib. fact. Script.

^z Lib. 7. antiq. c. 12. & 15.

^a Comment. in Joan. c. 3.

^b Præfat. in Job. c. In Davidis Lyræ.

^d Cap. 1. & seq. de Poësi Hebræica.

7. *Aliorum de Poësi Hebræica opinio.*

^e Initio observat. in Eusebium.

f Cap. 14. de Legge divina.

apparet, negatque absolute in Hebræico idiomate aliisque orientalibus ullam metri speciem concipi posse. Et verò Josephus de Voisin ^f ex Isaaco Abarbanel, secundum autorem Cofri in cap. 5. Isaïæ, tradit Canticum Moyſis, atque ejus generis alia, magis vocis modulamine, quàm ipsis dictionibus differre ab aliis scriptis. Ipse nihilominus Scaliger in eo Cantico, ut & in Proverbiis Salomonis, & libro Job, rythmum agnoscit, fareturque in iis versus ut plurimum constare duobus dimetris iambicis, aliquando tribus dipodiis, sed aliquando miram esse inæqualitatem. Hinc illud saltem constat Poësim apud Hebræos, si non metricam, saltem rhythmicam, juxta ejus sententiam, reperiri. His congruit quod & apud supradictum Josephum de Voisin Rabbi Azarias jam sæpe laudatus ^g certos esse pedes ac mensuras sacrorum Canticorum refert: quæ tamen non pendeant à numero syllabarum; sed additæ sint numero rerum, & partium suarum, quæ constant subjecto, prædicato, & adjuncto in unaquaque sententiâ. Igitur ex ejus opinione in quibusdam sententia constat dimetro, & cum altera ipsi adjuncta efficit tetrametrum: in quibusdam trimetro constat sententia, ita ut cum altera existat hexametrum. Ex quo fit ut Psalmi aliaque Cantica Hebræorum veterum, etiam in aliam linguam translata, suam modulationem quodammodò servant: quod non contingit in poëticis reliquarum linguarum scriptis. Horum quippe prosodia à brevibus longisque syllabis pendet: qualem etiam posteriores Judæi ab Arabicâ linguâ sunt mutuati, ex prædicti Azariæ sententiâ. Quæ si vera omninò est, minùs probabilis videbitur conjectura Merceri, existimantis metra plerumque à fine versus, prout ab Hebræis distincti sunt, incipere; ac proinde sensum à dimensione differre. Quidquid sit, facilè potest Hieronymi sententia stare, licet falsa penitus non pronuntietur Scaligeri opinio; si cum Alstedio ^h dixerimus, licet verum sit Hebræico sermone effingi Græcorum Latinorumque more carmina non posse propter longarum breviumque syllabarum inæqualem situm; tamen in sacris Bibliis reverà carmina esse permulta, non tantum styli sublimitate à reliquo sermone diversa, sed etiam rythmi conformitate; quin & metrorum instar in iis reperiri, quæ hexametra, iambica, spondaïca dici possint, etsi non eadem prorsus formâ, quæ apud Græcos & Latinos observa-

^g Lib. in redinar. cap. 60.

^h In triumpho Biblico tit. 17.

tur : atque ita cantica Hebræica, si non vera metra, at certè rythmos censenda, & Poësim illam Hebræicam in Libris Job & Proverbiorum, itemque in Cantico Moſis i contractionem ſive exactiorem eſſe : in Pſalmis & Canticis Canticorum liberiorem.

VIII. Pſalmis præfiguntur Tituli, qui ſuâ difficultate legentes remorantur. Non erit itaque extra rem, ſi eos ſtriſtim explicemus. Epigraphe ſic concepta, *in finem*, ſignificat Pſalmum eſſe utiliſſimum, atque adèò uſque in finem, ſeu perpetuè canendum, legendumve, quales ferè Chriſtum reſpiciunt. *Pro ea qua hereditatem conſequetur*, ſive *pro hereditatibus*, indicat Pſalmum in perſonâ Eccleſiæ compoſitum eſſe, quæ æternæ ſalutis hereditatem quotidie in membris ſuis conſequitur, atque in fine mundi tota conſequetur. *Pro Octava*, vel *ſuper Octavam*, intelligitur in literali ſenſu de genere aliquo cytharæ octo chordis inſtructæ : in ſenſu autem myſtico explicari ſolet de ultimi judicii die; quæ Octava nimirum, poſt ſex dies laborum hujus vitæ, & poſt ſeptimam quietis animarum ſequetur : conveniuntque hi Pſalmi Peccatoribus divinum judicium timentibus. Titulo *Pro torcularibus*, ſignificari vulgè credunt Chriſti crucem, pretioſique ipſius ſanguinis, inſtar vini fluentis, effuſionem. Belarminus ſic inſcriptos conjicit Pſalmos affectuum plenos, quod aptiſſimi ſunt ad eliciendum è fidelium cordibus divinum amorem; vel quòd cum lætitiâ canendi ſint, qualem oſtendunt cantibus & tripudiis qui tempore vindemiæ ingentem vini copiam de torcularibus exprimunt. *Pro occultis*, ſive *arcanis*, aliàs *pro morte*, reſerri videtur ad myſteria Chriſti Domini, qui in carne humana, mortem vicit; aut etiam ad liberationem Eccleſiæ à tyrannorum perſecutionibus. *Tituli inſcriptio*, vel, *in Tituli inſcriptionem*, Græcè *σηλογραφία*, eſt quaſi trophæum & monumentum Chriſti victoriæ, aut beneficii alicujus divini, in corde, tanquàm columna, incidendum. *Pro ſuſceptione matutinâ*, aliàs *pro cerva vel pro ſtellâ matutinâ*, ſignificat Pſalmum pertinere ad Chriſti reſurrectionem. *Prima ſabbati*, *ſecunda ſabbati*, &c. oſtendit Pſalmum die Dominica quæ prima eſt hebdomadæ, aut die ſequenti recitandum, vel de primâ mundi creatione agentem. *In conſummatione*, vel *in exitu Tabernaculi*, indicat Pſalmum compoſitum eſſe eo tempore quo David perfecit

i Deuterou. 32.

8. De titulis
Pſalmorum.

Tabernaculum, & in eo collocavit Arcam Domini, mysticè intelligitur de prædicatione Evangelii, quâ scilicet novum Tabernaculum perficitur. *Psalmus cantici* denotat Psalmum, qui & voce & instrumentis musicis canendus esset. *Intellectus*, vel *ad intellectum*, significat resipiscentiam peccatoris, intelligentis quantum deliquerit. *In rememorationem de sabao*, pertinet ad pœnitentiam, quâ in memoriam revocatur quies, sive per peccatum amissa, sive promissa in resurrectione Justorum. *Idithun*, est vel instrumentum musicum quo canebatur Psalmus, vel nomen Cantoris, cui decantandus dabatur; ut & *Asaph*, & filii *Core*. *Pro iis qui commutabuntur*, designat fideles populos per justificationem mutandos, & gloriam æternam adepturos. *Pro delicto* significat Christum ipsum Redemptorem. *In confessione*, adhortatio est ad celebrandas Dei laudes.

9. *Psalterium inter Libros Propheticos.*

l. 1. A&ot.
m Ad Hebr.

10. *Quid Psalterio contineatur.*

11. *David, quis?*

IX. Psalterium inter Libros Propheticos numerandum, primumque ejus autorem Spiritum sanctum esse, cum multa alia loca demonstrant, tum quod ipse David 2. Regum cap. 23. dixit, *Spiritus Domini locutus est per me, & sermo ejus per linguam meam*: quod testimonio quoque D. Petri¹, & D. Pauli^m confirmatur.

X. Hoc Libro Historiæ sacræ, Legum Divinarum, ac veteræ Theologiæ, moralis quoque ac naturalis Philosophiæ præclara monumenta; deque Christo Davidi promisso multa vaticinia continentur: ut epitome ac summa totius veteris Testamenti dici possit: adeoque eleganti loquendi genere usus est autor; sic animos in Dei amorem & laudem rapit, ut nihil suavius, aut quod magis ad salutem conducatur, cani, audiriye possit. Quapropter S. Basilius rectè scribit Hymnos sacros vel lapideo è pectore posse lachrymas elicere. Sanctus verò Joannes Chrysostomus, eos qui Psalmis rectè canendis dant operam, cum Angelis choreas ducere affirmat, & de celebrandis ejus laudibus, & amore in Deum concipiendi, propè cum illis contendere.

XI. David hujus operis saltem præcipuus autor, filius fuit Isai, sive Jesse Bethlehemitæ, ex Tribu Juda; Rex Hebræorum & Propheta, ac Poëta eximius; regnare cœpit post Saûlem in Hebron circa annum mundi 2980. ante Christum 1072. ac septennio post Hierosolymis; regnavitque annos omniino quadraginta.

CAPUT XIII.

De reliquis Libris Prophetis.

I. **P**ROPHETÆ, tam Majores quàm Minores, sub Regibus Juda & Israël, post regni Hebræorum divisionem floruerunt. Majores dicuntur, quorum longiora opera sunt, & quorum unumquodque volumen suum conficit: Minores quorum opera breviora, uno cuncta volumine apud Hebræos continentur.

1. *Prophetarum in genere, Tempora, & divisio.*

II. Inter Prophetas Majores primus occurrit ISAÏAS; seu Eſaias, Hebræicè *יְשַׁעְיָהוּ* *Iesciahahu*, id est, *Domini salus*, Græcè *Ἠσαΐας*. Fuit is regis stirpis, atque Osæ ni fallor fratris filius. Prophetavit ejus primùm tempore, deinde Joathan, Achaz, & Ezechie temporibus, in Judæâ, & Hierosolymis præsertim: ac tandem jussu impii Regis Manassis in duas partes serrâ ligneâ dissectus interiit, ut Judæi tradunt; scribitque Epiphanius^a, & cum eo Suidas, ac Cedrenus: quod circa annum mundi 3340. ante Christum 711. contigit; cum annos fermè nonaginta prophetasset, essetque centenario major. Ejus sepulcrum Deus miraculis gloriosum reddidit. Primus hujus Prophetæ scopus fuit, teste Hieronymo, ut admirabile Christi regnum, vocationem Gentium, & gloriam Ecclesiæ prædiceret: tantâque claritate de Christi Domini adventu, nativitate ex Virgine, vitâ, prædicatione, passione, morte, sepulturâ & resurrectione disserit, ut rem gestam narrare potius quàm futura vaticinari videatur; & Davide ipso melius, Evangelistæ magis quàm Prophetæ partes implere. Nec verò minùs venustate sermonis & urbanæ dictionis elegantia, quàm splendore natalium, atque ætate, reliquis majoribus Prophetis præstare censendus est. Totius Libri narratio solutâ, sed floridâ oratione constat, exceptis tribus canticis, Vineæ nempe, urbis Sion, & Ezechie Regis, quæ unâ cum Isaïæ ipsius Oratione, hexametris & pentametris versibus incedere Isidorus testatur. Talmudici Doctores Hieremiæ atque Ezechielis Prophetias priùs collocant, statim post Libros Regum, propter quandam argumenti consonantiam; quod scilicet

2. *Majorum Prophetarum primus Isaïas.*

a Lib. de vita & morte Prophet.

Libri Regum definant in vastitatem, de qua totus Hieremias agit; & à qua incipit Ezechiel, qui tamen in consolationem definit.

3. *Hieremias.*

III. *HIEREMIAS*, Hebraicè ירמיהו *Irmeiahū*, id est *excelsus Dei*, vel *extollens Deum*, Græcè Ἱερειμίας, filius Helciz Sacerdotis magni, ex Tribu Leviticâ, & vico Anathoth in terrâ Benjamin, tribus ab urbe Hierosolyma miliaribus, natus sub Josia anno ejus 7. mundi 3402. circiter, ante Christum 651. Invenit in Templo Librum Divinæ Legis, multos jam annos, superiorum Regum incuriâ, latentem; ut constat ex 4. Regum cap. 22. Ab anno itaque prædicto ad undecimum Sedeciz, & ultimum Regni Judaici, hoc est mundi 3446. ante Christum 606. vaticinatus est, civitati Hierosolymitanæ prænunciâs siccitatem futuram, atque adventum Babylonii Regis, imminensque ab eo Templi atque urbis excidium; nec pauca designavit de Christo & futurâ Ecclesiâ; populumque Judaicum ad pœnitentiam hortatus est, excipiente ipsius dictata Baruch Neriz filio. Tandem cum in Ægyptum, unâ cum reliquiis populi post captivitatem Babylonicam se recepisset, lapidibus à popularibus suis in Urbe Taphni obrutus est, ut refert Hieronymus^b: licet alii aliter referant. Præter Prophetiæ Librum qui LIII. capitibus absolvitur, scripsit etiam Librum *Lamentationum*: Græcis dicuntur Ὀῤῥνοί, sive planctus, Hebræis eodem sensu נִחֵם, *Kinoth*, vel à primâ voce אֵכָח, *Echah*, id est, *quomodo*. Hoc opusculum in Hebræo versibus scriptum est, quorum singuli incipiunt à singulis per ordinem alphabeti Hebræici literis. In eo Urbis ac Templi ruinam, gentisque Judaicæ captivitatem deplorat: quas Lamentationes fama est ab eo scriptas esse in speluncâ quadam, non procul Hierosolymis, quæ fovea Hieremiz inde dicta est. Addidit denique epistolam ad populum Babylone captivum, quâ eos horratur ad fidem vero Deo constanter servandam, vitandumque idolorum cultum: quam epistolam Baruch extremo suo Libro inseruit.

^b Lib. 1. contra Jovinianum.

4. *Ezechiel.*

IV. *EZECHIEL*, Hebraicè עֶזְקִיֵּאל *Techezkel*, id est *robur*, sive *imperium Dei*; Græcè Ἰσάχμλ, filius Buzi Sacerdotis. Prophetare cepit, ut ipse testatur^c anno 5. à translatione Jechoniz Regis, mundi 3440. idque in Chaldæâ inter captivos degens, atque ipsos ad virtutem adhortans, eodem

^c Cap. 1.

tempore quo Hieremias Hierosolymis vaticinabatur : sed mercedis loco ab ipso populi Principe , quod ejus idololatram argueret , obtruncatus est , referente Epiphanio ^d , qui sepultum memorat apud Assyrios in monumento Sem , atque Arphaxad progenitotum Abrahamæ. Prædixit autem reversionem Israëlitarum in Palæstinam ; nonnulla etiam , sed paulò obscurius , de adventu Christi Domini , de Baptismo , aliisque mysteriis. Ejus opus tantis difficultatibus involutum est , ut D. Hieronymus , qui omnium primus commentarium perpetuum in hunc Librum composuit , Labyrintho compareret ; atque ex Rabbinorum traditione , vetitum Judæis sit , primum , & octo postrema ejus capita legere aut interpretari , donec trigessimus ætatis annus quis impleverit.

^d De vita & morte Prophetæ.

V. DANIEL , Hebræicè דַּנְיֵאל , id est *Judicium* , seu *judicium Dei* ; Græcè Δανιήλ , à Chaldæis mutato nomine Balthasar dictus , quartus ex majoribus Prophetis , adhuc puer in Babyloniam captivus ductus est , in quâ vixit ad Cyrum usque , id est ad finem captivitatis. Fuit è Tribu Juda , & regio genete , ac sapientiâ non minùs quam nobilitate illustris : eaque de causâ Regibus Babylonicis charus , atque ab eis , præsertim à Dario Medo , maximis honoribus cultus. Isidorus putat eum ad annum vitæ centesimum ac decimum pervenisse. Hieronymus Spadonem fuisse refert , quamquam Epiphanius non verè Spadonem , sed ob castitatis studium à Chaldæis Spadonem creditum asserit. Prophetare cœpit anno secundo Nabuchodonosor Regis , qui annus computari debet , vel à morte Patris ipsius , quæ incidit in annum mundi 3429. vel ex Bellarmino à Monarchia ipsius post devastatam Ægyptum , quæ incidit in annum 3452. Multa scripsit de Christi adventu , & morte , deque Judæorum execratione : item de Antichristo , atque ejus præliis : prædixit etiam progressum quatuor principum Regnorum , Babylonicum nempe , Persici , Græci , ac Romani ; & bella , tum inter Persas & Græcos , tum inter Alexandri Magni successores futura ; idque tantâ perspicuitate , ut fuerint qui multò post scripta censerent. Hic Liber partim Hebræicè , partim Chaldæicè scriptus est , atque ab Hebræis inter Hagiographa , non inter Propheticos numeratur ; quia (ut Rabbi Moses Maimonides in more Nevochim ^e notat) Daniel ipse visiones suas , sive Angeli à se visi sermones somnia vocat ,

5. Daniel.

^e Lib. 2. cap. 45.

etiam ubi eos narrat. Unde putant loquutum motu Spiritus sancti tantum, qui secundus est Prophetiæ gradus; non autem ex verâ visione quæ integris sensibus fit, aut vero Angeli colloquentis sermone, qualem experti sunt reliqui Prophetæ; qui licet aliquando dicant se ex somnio prophetasse, tamen cum rem visam scribunt, non vocant amplius somnium; sed disertè prophetiam pronunciant.

6. *Inter sacros Codices Danielis totus liber habendus.*
f. *Præf. in Daniele.*

VI. Judæi ac Porphyrius, teste D. Hieronymo^f, cum quibus sentiunt non modò Anabaptistæ, alique Hæretici, sed & Catholici quidam, in quibus Desiderius Erasmus, capita, sive partes aliquot hujus Prophetæ, pro apocryphis habent, Orationem scilicet Azariæ, atque Hymnum trium puerorum qui refertur cap. 3. Susannæ historiam, quæ cap. 13. narratur; itemque Belis idoli eversti, ac draconis à Daniele interfecti, quâ de re cap. 14. agitur. Eusebius hanc Græcam appendicem existimat partem esse cujusdam historiæ, quam de alio Daniele Sacerdote filio Abdæ, scripserit Abacuc diversus à Propheta: quod confirmat ex titulo historiæ Belis apud Septuaginta. Concilium tamen Tridentinum § absolute Danieli inter Libros sacros recenset, quos recipi jubet cum omnibus partibus suis, prout in Ecclesiâ Catholicâ legi consueverunt: & ex consequenti ea quoque capita probat, cum in Missâ ac Divino Officio, ea suo quæque tempore legantur, lectæque semper fuerint. Et verò B. Ignatius^h, & Tertullianusⁱ Susannæ historiam citant: Cyprianus^l hymnum trium puerorum laudat sub nomine Scripturæ sacræ; citat^m etiam historiam Draconis, itemqueⁿ historiam prandii ab Abacuc allati ad Danielelem. His consentit Origenes^o, atque inter Græcos Patres D. Athanasius^p, Basiliius, Epiphanius, Chrysostomus, Theodoretus; inter Latinos Ambrosius, Augustinus, alique. Denique Concilia vetera Laodicenum & Carthaginense 3. cum Græca septuaginta Interpretum editione uterentur, in quâ habentur hæc omnia, Danielelem absque ullâ exceptione in numerum sacrarum Literarum retulerunt. Præterea autor Libri Jucazim Susannæ historiam pro verâ agnoscit; quam Sedeciz tempore, Chelechiæ filiam Joachimi uxorem tradit à senioribus accusatam, à Daniele liberatam. Quæ contrâ opponi solent diluit Bellarminus^q.

g. *In controversiis lib. 4. de Verbo Dei.*

7. *Baruch.*

VII. В а л у с и, Hebraicè ברוך, id est *Benedictus*, Græcè

quoque Βαρύχ, Nerix filius, antequam spiritu prophetix donaretur, Hieremix affecula, & amanuens fuit, ut ex cap. 36. Hieremix colligitur: unde & ejus Prophetia tanquam appendix Hieremix habetur apud Hebræos, eodemque Libro continetur. Vaticinatus autem est populo in Babyloniâ captivo, invocationem divini nominis suadens, & spem afferens futuræ liberationis ac testationis Hierosolymorum; idque tempore Jechonix Regis, ut ipse initio Libri sui testatur, id est circa annum ab orbe condito 3440. Prædixit apertissimè Verbi divini humano in corpore futurum adventum. Quamvis autem hic Liber à veteribus Conciliis inter canonicos expressè non numeretur, habendus est nihilominus pro canonico ex Concilii Tridentini sess. 4. Citatur quippe passim à Patribus, partim sub Hieremix nomine, partim etiam sub nomine Baruch, velut à S. Cypriano, & à sancto Cyrillo. Rabbi Azarias Librum Baruch præferre videtur Libris Judith & Tobix, utpote Chaldaïco sermone post captivitatem Babylonicam scriptis; cum Baruch discipulus fuerit Hieremix stante adhuc Templo, atque Hebraicè scripserit. Is ab Hieremia Legem in Babylonia didicit duodecim annis post exilium, ex autore Libri Jucazim; ibique mortuus est: nec nisi post ejus mortem, in Palæstinam ascendit Esdras ipsius Discipulus, quippe qui superstitem deferere nefas duceret.

VIII. OSEE, Hebraicè *וִישַׁי* *Hofseah*, id est *salutem præstans*, sive *salvans*, Græcè *Ωσις*, primum locum tenet inter duodecim Prophetas Minores, qui in unum volumen coniecti sunt à viris Synagogæ magnæ, propter scriptorum brevitate; cum priores quatuor suum quisque Librum absolvent. Filius fuit Bechri de Tribu Issachar, ex Epiphanio; prophetare cæpit circa annum Osix Regis Judæ 18. & 33. Jeroboam secundi eo nomine Regis Israël, id est, mundi 3243. ante Christum 809. vixitque ad Ezechix tempora; unde si ætatem spectemus, primus erit omnium, majorum simul, minorumque Prophetarum. Is Christi figuram gerens, qui ex Gentium fornicatione sibi Ecclesiam assumpturus erat, fornicariam Dei jussu duxit uxorem. Id alii factum volunt, ut populi per idololatriam à Deo fornicatio significaretur, propter quod peccatum decem primò Tribuum, ac deinde reliquarum etiam duarum captivitatem prænnunciat. Brevi

† Lib. 2. contra
Judæos c. 5.
† Lib. 10. in
Julia.
† Cap. 57.

8. Osee.

opusculo, elocutione variâ, multa complexus est, quæ multiplici affectu explicat: unde & interdum obscurius loquitur.

9. *Joel.*

u Prologo in
Malach.

I X. JOEL, Hebraicè *יוֹאֵל*, id est, *inchoans*, aut ut ait Hieronymus^u, *Dominus Deus*, è Tribu Ruben, propheta- vit Tribui Judæ & Hierusalem circa annum Osæ 33. mundi 3259. & subsequen- tibus Regibus: primùm de divinâ com- minatione, & futurâ per Palæstinam fame; itemque de captivitate Babylonicâ: postea de promissione Regni Christi, & effusione Spiritus sancti in servos Dei; denique de futuro Judicio: quare homines hortatur ad pœnitentiâ. Demum, ut observavit Possevinus, in agro Betron, qui aliis Bether, unde oriundus erat, obdormivit in Domino.

10. *Amos.*

x In Prologo
ejusdem.

X. AMOS, Hebraicè *אָמֹס*, id est, *portans*, vel *populus avulsus*, ut ait Hieronymus^x. Ex oppido Techme, sex milibus passuum à Bethlehem ad meridionalem plagam, è Tribu Juda ortus; vitæ consuetudine simplici atque horridâ, minusque ingenio ac scientiâ excultus, linguâ etiam tædus, à pascendis bobus abstractus à Deo, ut magnis de rebus legatus mitteretur in Samariam, atque ad Gentes: Tempore Osæ, & Hieroboam prædictorum, prænu- ciavit iram Dei, & captivitatem decem Tribuum, aliaque gravia flagella. Tandem gravissimè in scelera in- vectus, à filio Amasæ Sacerdotis fuste inter tempora percussus, interiit, ut testis est Epiphanius^y. Post Osæam à Græcis ponitur, inter eum & Joëlem medius, cum huic à Latinis Hebræisque postpo- natur. Verùm cum tres hi Prophetæ eodem tempore vixe- rint, res est exigui momenti. Videtur tamen Amos post Joëlem scripsisse, cum Prophetiam suam ab eo ipso versu in- choet, quo suam Joël concluderat.

y De vita &
morte Prophetæ.

11. *Abdias.*

z In cap. 1.
Osee
a 3. Regum 18.

XI. ABDIAS, Hebraicè *אֲבִיָּה* *Obadiab*, id est *servus Do- mini*, Græcè *Αβδίας*, natus est in oppido Sichem, quod est in agro Ethacmar, teste Epiphanio. Coetaneum Osæ, Joëlis, & Amos scribit Hieronymus^z; Idem tamen alibi dicit Abdiam eum esse qui dispensator domus Achab fuisse memoratur^a; & centum Prophetas in speluncis abditos aluisse. Verùm cum Achab centum annis prius regnaverit, id à D. Hieronymo prolatum Bellarminus putat, non ex propriâ mente, sed ex traditione aliqua Judæorum, quam sequitur Eusebius in Chthonico; quæque solâ nominis similitudine nititur.

Hanc verò rationem licet amplexi communiter fuerint Hebræorum Doctores, velintque ideò postpositum hunc Librum superioribus, quòd Abdias, quavis tempore prior, profelytus tamen fuerit ex Idumæa, non Judaicæ stirpis: nihilominus ea sententia rejicitur à Rabbi Aben-Esra, quod dicto Regum loco Abdias cognominetur *timens Deum*: quod elogium minùs convenire videtur Prophetæ; cum Prophetæ titulus præstantior sit. Epiphanius existimat Abdiam Prophetam eundem fuisse cum ejus nominis quinquagenario militum Duce sub Ochosis filio Achab, cui Elias pepercit, ne igne de cælo missio absumeretur^b. Alii posteriorem his omnibus censent, quòd de captivitate Babylonica, tanquàm præteritâ loquatur. Sed minùs validum est hoc argumentum, quandoquidem Prophetarum more futura pro præteritis habere potuit. Prophetavit contrâ Idumæos hostesque alios Israëlitarum de futuris eorum calamitatibus, anno Osæ 22.

XII. JONAS, Hebræicè יוֹנָתָן *Jonah*, id est, *columba*, Græcè *Ἰωνᾶς*. Natus est in vico Geth, quo nomine duo loca fuere in Palæstina, aliud versùs Tiberiadem in Tribu Aser, aliud in Tribu Dan; atque ex hoc ortum duxisse putat Epiphanius: qui cum Hebræis cum viduæ Sareptanæ filium existimat, ab Elia suscitatum. Sed hujus traditionis certa ratio non apparet, nec tempora satis congruunt: cùm Jonas prophetaverit adversùm Ninivitas quibus exitium prænuñciavit, quod diu post Eliam contigit. Itaque eodem tempore vixit Jonas quo superiores Prophetæ, ex Hieronymo^c, Eusebio, & aliis. Hebræi prophetasse volunt tempore Jeroboami filii Joas Regis Israël, qui regnare cœpit ab orbe condito 321. idque eruunt ex secundo Regum cap. 14. At hæc sententia superiorem non evertit, cùm tempora satis convenient. Quamvis autem Ninivitis Deus pepercerit post Jonæ comminationem, quòd nimirum pœnitentiam egerint: postea tamen ad iniquitatem reversis, exitium quod Jonas prædixerat, immisit: ut habetur Tobia cap. 12. Ac licet in nostro Tobia libro non extet expressè nomen Jonæ; is tamen nominabatur in exemplo, ex quo verba Tobia refert Hieronymus^d.

XIII. MICHAËS, Hebræicè מִיכָאֵל *Michah*, id est, *quis sicut*, vel, ut explicat Hieronymus, *humilitas*; Græcè *Μιχαῆας*:

^b De quo Reg.
4. c. 1.

12. *Jonas*,

^c In ejus Prologo
80.

^d In Prologo illius libri.

13. *Michaas*,

natus est in vico Moraſtite juxta Eleutheropolin, in Tribu Ephraim; aut ut vult Jonathas Chaldaeus, in urbe Marſa, quæ est in Tribu Juda. Prophetavit paulò post ſupradictos, turbulentis Joathan & Achaz, ac duris Ezechia temporibus: nam diutiſſimè vixit. Brevi, ſed perutili libello, prænunciavit adventum Salvatoris in Bethlehem naſciturus, converſionem Gentium ad Eccleſiam, Captivitatem utramque & Hieruſalem & Samariz: monitis præterea atque adhortationibus Judaicum & Iſraëliticum populum ad pœnitentiam revocare conatus eſt.

14. *Nahum.*

XIV. *NAHUM*, נחום, *Nachum*, id eſt, *Conſolator*, ut Hieronymus interpretatur; Græcè *Ναῦμ*: natus in oppido Elceſes, ex Tribu Simeon, quæ pars eſt Galilee. Prophetavit Aſſyriis; & præcipuè Ninivitis, quibus excidium per Chaldaeos, & Regis interitum prædixit, eo quòd regnum Iſraëliticum populati, decem Tribus deportaſſent: Judæis autem pollicitus eſt fore ut Aſſyriis Hieroſolyma non ſuccumberet, quantumvis Samaria ſuccubiſſet. Itaque Prophetia ejus prodiit poſt abductas in captivitatem à Salmanaſare Rege Aſſyriorum decem Tribus, tempore Ezechia Regis Juda, autoribus Hieronymo, Theodoro, & Theophylacto; vel, ut docet Sedar Olam, ſub Manaſſe, cujus imperio interfectum non ambigitur.

15. *Habacuc.*

XV. *HABACUC*, Hebraicè *חבצקוניאל* *Chavakkun*, id eſt, *amplexans*, ſive *luſtans*, quod quaſi in certamen cum Deo veniat, ubi de proſperitate impiorum queritur. Græcè *Ἀβακκὺμ*. Natus eſt è Tribu Simeon in agro Bazochar: vaticinia ſua protulit contra Babylonem, & Nabuchodonofor, de adventu Domini, & Regni Babylonici everſione, circà annum Manaſſe 37. mundi 3375. ſuamque Prophetiam juffu Domini ſcripſit ante duarum Tribuum captivitatem; quam prædixit unà cum primo Chriſti adventu, paſſione, reſurrectione, ac ſecundo etiam ejuſdem glorioſo adventu. Nabuchodonoforis quoque interitum ob vaſtatum ab eo Regnum Hieroſolymitanum, deportatoſque in Chaldaam Judæos; & parem vaſtatem à Medis & Perſis minatur Babyloniiſ. Hunc Prophetam alium fuiſſe ab eo qui Danieli in lacu leonum cenam attulit, oſtendit imprimis Ribera. Eundem tamen fuiſſe credebant D. Hieronymus & Theodoretus, ideoque poſt captivitatem Babylonicam eum ſcripſiſſe tradiderunt.

* Præſud. 1.
comment. in min.
Proph.

derunt. Verùm huic sententiæ repugnat omnino usus Prophetarum, quorum non est præterita tanquam futura annunciare, cùm ea citra Prophetiam narrare quisque possit.

XVI. SOPHONIAS, Hebraicè נחמיה *Tsephaniah*, id est, *arcannum Domini*; Græcè Σοφοίας, è progenie Simeon, & monte Sarabatha; filius fuit Chusi, Godoliæ nepos, pronepos Amarix: prophetavitque Hierosolymis atque in universâ Judæâ, de idolorum destructione, divinæ iustitiæ severitate; Palæstinorum, Moabitarum, Ammonitarum, Æthiopum, Assyriorumque excidio; de conversione Gentium, Christi resurrectione, Judæorum excœcatione, ultimoque exitio, atque Ecclesiæ gloriâ; idque sub Josiæ Regis, vel initium, vel certè anno 20. qui cadit in annum mundi 3414.

16. *Sophonias;*

XVII. AGGÆUS, Hebraicè אגאי *Chaggai*, id est, *festivus*; seu *festum solenne*: ad Prophetiæ munus in juventute vocatus, concionatus est Hebræis in Judæam reversis ex captivitate, quos ad instaurandum Templum sæpius hortatur; graviter increpans quod diligentius privatas domos, quàm Templum Dei ædificarent, atque ornarent. Fuit nempe hic Propheta, quemadmodum & sequentes, in diebus, ut Hebræi loquuntur, visitationis Templi secundi, sive post instauratum Templum: quod multò gloriosius priore futurum prædixit; non quidem structuræ magnificentia, sed, ut explicat Augustinus, ob Christi præsentiam. Scripsit autem anno 2. Darii Nothi Persarum Regis, id est, anno mundi 3630. quanquam hæc alii ad regnum Darii prioris referunt.

17. *Aggæus;*

g De Civit. Dei.

XVIII. ZACHARIAS, Hebraicè זכריה *Zechariah*, id est, *memoria Domini*; Græcè Ζαχαρίας: Filius fuit Barachiæ nepos Addo Prophetæ, è terrâ Chaldæorum. Prophetavit duobus post Aggæum mensibus, eidem populo Judaïco, longiori paulò & obscuriori libro: sed iisdem de rebus scripto. Hortabatur nimirum Judæos ad ædificandum denuò Templum, ad Dei timorem & mandatorum ejus observationem; multa quoque prædixit per varias allegorias de Ecclesiæ Christianæ felicitate, & ultimo Judæorum excidio.

18. *Zacharias*

XIX. MALACHIAS, Hebraicè מלכיה *Malachi*, id est, *Nuntius*, sive *Angelus meus*, ut Cyrillus ait: ab officio nomen sortitus; Græcè Μαλαχίας. Natus est, Epiphanio teste, in loco cui nomen Sopha in Tribu Zabulon: tantaque viræ sanctimoniâ præditus fuit, ut Angelus ideò dictus putetur:

19. *Malachias.*

h In proemio
hujus Libri.

i Lib. 2. de Civ.
Dei, cap. 36.
j In 1. cap. Ma-
lachiae.

imò Angelum eum in hominis specie Origenes existimat, conjecturâ ex nomine ductâ: quam refellit S. Hieronymus *h*. Hebræorum nonnulli voluerunt Malachiam eundem fuisse cum Esdra, qui Angelus à sapientiâ morumque puritate cognominatus fuit: quod non reprobatur omninò S. Hieronymus. Communis tamen sententia S. Augustini *i*, S. Cyrilli *j*, & aliorum, eum diversum facit ab Esdra. Prophetavit omnium ultimus, sub Artaxerxe Mnemone, Darii filio, anno ejus 1. mundi 3650. de abolendis Judæorum sacrificiis, novo instituendo; de ultimo judicio, Eliæ reditu ad convertendas Israëlitarum reliquias. ac præter ejusmodi vaticinia, vehementer invehit in vitia Sacerdotum, ac Judæorum reliquorum, eos maximè arguens, quod alienigenas uxores duxissent: tandem adhuc juvenis in pace, ex Epiphania, quievit.

CAPUT XIV.

De Libris Sapientialibus seu Moralibus veteris Fæderis.

*1. Moralium
Librorum autor
præcipuus Salo-
mon.*

2.

I HORUM Librorum tres priores Salomoni ab omnibus ferè adscribuntur, *Proverbia, Ecclesiastes, & Canticum Canticorum*: reliquos duos eidem Regi nonnulli assignant. Is Davidis filius fuit ac Hierosolymis regnare cæpit anno mundi 3020. ante Christum natum 1052. regnavitque annis 40. primùm quidem sapientiæ cœlitus infusæ illustre, ut ita dicam, prodigium: sed humanæ fragilitatis tremendum deindè exemplum. Quarto Regni anno magnificentissimi Templi fundamenta jecit, quod undecimo anno perfectum dicavit, aliaque quamplurima præclara egit, de quibus Reg. lib. 3. disseritur.

2. Proverbia.

*3. Comment. in
Ecclesiasten c. 1.*

I L. PROVERBIA, Hebraicè מִשְׁלֵּה שְׁלֹמֹה *Mischle Scielomoh*, id est *Similitudines*, sive *Parabola Salomonis*; Græcè Παροιμίαι Σαλωμῶντος, ut Septuaginta inscripserunt. Liber est in quo Salomon, ut Hieronymus ait *a*, parvulum de variis vitæ officiis erudiens, Adagia, Parabolas Sententiasque colligit, quæ ad mores rectè instituendos pertinent. Continet versus 915. quibus tria circiter millia parabolarum comprehenduntur. Quæ à capite 25. ad finem habentur, col-

lecta sunt à Sobna & reliquis Ezechiae scribis, qui aliis è voluminibus ea in unum contulerunt.

3. ECCLESIASTES, Hebraicè *הקוהלת*, *Kohelath*, Græcis *Εκκλησιαστής*, id est, *Concionator*, Salomoni quoque tribuitur, nisi quòd autores Talmudis, Ezechiae, ejusque familiaribus adscribunt. In eo mundi vanitas, per multiplices rerum creaturarum qualitates ostenditur: ut caduca esse intelligamus quæcumque contra rectæ rationis præscripta appeti solent. Describit corruptos hominum mores, Deique in iis puniendis clementiam simul ac providentiam exaggerat; omnibus animantibus moriendum, solum hominis animum immortalem docet, ut divinum judicium timere, ac divinæ Legi parere assuescamus. Vide Phil. Codurei in hunc librum notas.

3. Ecclesiastes.

IV. CANTICUM Canticorum, Hebræis *שיר השירים*, *Schir baschirim*, id est *excellens Canticum*, Græcis *Ῥομα Ῥομάτων*, Salomoni ab omnibus assignatur; quamvis incertum sit an ante, an post lapsum, ab eo scriptus hic Liber fuerit: quorum posterius tradidit glossa Masoreth Hattalmud. Is Metricâ & figuratâ oratione, per dialogum in morem Eclogarum, Hebraicè compositus est: eoque carmine sub personâ sponsi, & sponsæ descripti creduntur; vel in literali sensu Salomonis cum Pharaonis filiâ, aut pastoritij alii amores; vel in sensu allegorico Christi erga Ecclesiam affectus. Propter arcanos sensus ea in veneratione habebatur à veteribus Hebræis, ex Hieronymo^b, ut nonnisi post trigésimum ætatis annum legi soletet. Ex hoc Libro Drama elegans, suisque partibus constans, Gallico carmine confecit, difficiliaque loca notis exposuit V. Cl. Car. Corinus Abbas de Montfronchel, è quadraginta Academicorum Francicorum Collegio.

4. Canticum Canticorum.

^b Præfat. in Ezechielem.

V. Sunt qui existiment horum trium Librorum Sententias ex variis Proverbiorum & Canticorum Libris, quales Salomon magno numero dictavit, divino instinctu collectas. Ea quemadmodum ex Josepho & Hieronymo affirmat Isidorus, hexametris & pentametris versibus decurrunt: nisi quod extrema pars Libri Proverbiorum concluditur alphabeto, quod trimetro iambico supputatur.

5. Hi Libri saltem ex Proverbis & Canticis Salomonis collecti, & metro scripti.

VI. Liber SAPIENTIÆ, Græcis *Σοφία*, qui & *Pannuretos* cognominatur, quasi omnium virtutum doctrinam continens, utrùm Salomonis sit ambigitur, quòd in Hebræi-

6. Sapientia.

c In Proverb.
Salom.

d Lib. 1. de
Doctr. Christ. c. 8.
e Lib. 1. retrac-
tation. cap. 4.

f Proverb. c. 25.

g In prologo
comment. sui in
Legem.

h Lib. 1. histor.
cap. 3.

i Cap. 4.

l Can. 47.

7. *Ecclesiasti-
cus.*

m Tir. 4. fidei
orthodoxæ.

cis Codicibus non habeantur, sed solum in Græcis. Unde nonnulli, teste sancto Hieronymo *c*, Philoni Judæo tribuunt, ei qui pro gente suâ Legatus ad Cajum Imperatorem fuit, multaque alia Græcè scripsit: quamquam alii vetustiori alteri Philoni adjudicant, qui 160. circiter ante Christum annis sub Onia Pontifice floruerit. Theodoretus autorem ejus voluit esse Sirach, ipsius filium Augustinus *d*: qui tamen sententiam postea mutavit *e*. Sed hæc omnia non omnino pugnant inter se. Nam Sententiæ hujus Libri, quamvis reverà Salomonis fuerint, colligi tamen ab alio, & Græcis verbis exprimi potuerunt; quemadmodum Parabolæ ejusdem Salomonis *f* translatae dicuntur in unum librum à viris Ezechiae Regis Judæ; cum antea fortè in schedis haberentur. Certè Philonis aut privati alterius non esse hoc opus constat ex cap. 9. ubi autor se Regem à Deo electum, & Templum ædificasse testatur. Judæi quoque ipsi hunc librum, ut authenticum commendant, ejusque autorem putant Salomonem, imprimis Rabbi Moses Nahmanides *g*, qui se hunc Librum vidisse refert Chaldaicè scriptum sub titulo Sapientiæ magnæ Salomonis. Id etiam scribit Rabbi Azarias in Libro *Imre Binah* cap. 47. Et verò, licet ab Hæreticis inter apocrypha numeretur, tamen Concilium Sardicense epistolâ ad omnes Episcopos apud Theodoretum *h*, & Concilium Toletanum XI. in confessione fidei, ejus autoritate utuntur: Cyprianus, Cyrillus, autor libri de divinis nominibus *i*, alique à Belarmino laudati, canonicis accensent; & præter Tridentinam Synodum, Concilium Carthaginense *j*, Lateranense *k*. Gelasius Pontifex. Imò & plurimi Patrum Salomoni ascribunt. Continet hic Liber Doctrinam justitiæ, seu vitæ recte instituendæ, & præcepta ad pravorum hominum conversionem ac bonorum institutionem pertinentia. Cap. 6. exhortationem habet ad Justitiam: à 7. usque ad 10. explicat Sapientiæ originem: hinc ad finem usque, utriusque virtutis effectus delineat.

VII. ECCLESIASTICUS, Græcis *Σοφία τοῦ υἱοῦ Σιραχ*, quoddà Jesu filio Sirach Hierosolymitano conscriptus existimetur, quem ejus Nepos eodem cum Avo nomine dictus, ut ex ipsius prologo colligitur, & tradit Beatus Joannes Damascenus *m*, ex Hebræo in Græcum vertit, tempore Ptolemæi Evergetæ, cujus initio in Ægyptum venit, paulò post

mundi annum 3804. Clemens tamen & Cyprianus, aliique Salomoni adscribunt. Atque hæ sententiæ ita conciliantur à Bellarmino, ut Salomonis scripta à Jesu Siracide collecta, & in unum volumen redacta sint. Hunc sacrum Librum Hæretici recentiores contemnunt: sed Canonicum agnoscunt prisca Patres, qui vel sub nomine Scripturæ eum laudant, vel inter sacros Libros disertè nominant. Quod autem Epiphanius^a hos Libros non esse receptos ait, hoc ex sententia Judæorum intelligi debet; nec tamen omnium, cum inter Hagiographa numerentur à Judæo autore *Semach David*, in Chronologiâ ad annum 3448. laudetur à Gemara, & aliis à quibus vocatur Liber *Ben-sira*. In primâ parte continet encomia Sapientiæ: in alterâ, tam de eâ, quam de aliis virtutibus sententias seniorum ad 44. caput: in tertiâ exempla refert Sapientum à capite 44. ad finem. Hactenus de Sacris veteris Testamenti Codicibus. Nunc ad Novi Fæderis Libros veniamus.

^a Lib. de pond. & mensuris.

CAPUT XV.

De Libris Novi Fæderis Legalibus, sive Evangeliiis.

I. EVANGELII nomen ab eodem fonte manat, à quo Angeli appellatio, à verbo scilicet Græco ἄγγελος, quod nunciare significat: unde est ἄγγελος *Nuncius*, & *nuncium*, compolitumque ex eo Ευαγγέλιον *bonum nuncium*, Eaque vox non modò apud Homerum^a, sed & apud Ciceronem in Epistolis ad Atticum, in multitudinis numero, sumitur pro præmio quod lætum nuncium afferenti dari solet, *O Snares*, inquit, *epistolas duas, quibus Evangelia deberi fateor!*^b quod etiam^c probant Ulpiani Jurisconsulti verba: *Quid ergo si Evangelia qua dicunt, petas?* ubi tamen alii εὐαγγελία legunt, id est mercedem pro rei inventæ, seu repertæ nuncio. Alii μίσθημα malunt, id est præmia indicii, de quibus Budæus. Accipiuntur item Evangelia apud Plutarchum^d pro sacrificiis & supplicationibus quæ ob jucundum nuncium decerni consueverant. Christiana Ecclesia hoc vocabulo Historiam significat Annuntiata per Christum vitæ ac salutis æternæ (quod Evangelium Regni apud Matthæum dicitur).

1. De nomine Evangelii.

^a Odyss. E.

^b Lib. 2. ep.
^c D. de furr. iv.
l. falsus creditor,
43 §. 2.

^d In apothegmat.

itemque sermonem quo Dominus peccata nostra suo adventu, suâque morte delevisse prædicatur. Sed quoties Evangelium secundum Matthæum, &c. dicimus, historia intelligitur quâ Salvatoris ac Domini nostri Jesu Christi faustum hominibus salutaris nuncium afferentis gesta describuntur: qualia Evangelia, licet plures contexere sint conati; tamen, quia id plerique sine divino spiritu susceperunt, omnes ab Ecclesiâ rejecti sunt, præter quatuor qui Evangelistæ vulgò vocantur.

2 Evangelium
Matthæi.

g Hæresi 29.
quæ est Nazæo-
rum.

f Hist. Eccles.
lib. j. c. 28.

g Lib. j. c. 1.
h Tum præf. in
Matth. tum. lib.
de Script. Eccles.
i Hæresi 30.
num. j.

l Dialogo 3. con-
tra Pelagium.

m Lib. 6. Orig.
cap 24.
n Histor. lib. 5.
c. 19.

II. Primus inter eos qui sacram Christi Historiam, quâ Christianæ quoque Legis præcepta continentur, scripsere, *Matthæus* fuit, ex Publicano Apostolus, Levi prius dictus; à quo *Εὐαγγέλιον κατὰ Ματθαῖον* appellatur. Æthiopibus Christum prædicavit: indè reversus, apud Parthos in civitate Hiera obiit. Is linguâ patriâ id est Hebraicâ scripsit, testibus Epiphanius, Eusebius, Irenæus, & Hieronymus; qui se illud Evangelium vidisse, ac descripsisse testatur linguâ Hebraicâ scriptum. Hebræicum sanè hodieque sub ejus nomine Evangelium Parisiis superiore, in Germania verò etiam corrente sæculo, typis mandatum habemus; sed an illud verè sit, quod scripserat S. Matthæus, non sine causâ ab eruditis dubitatur. Epiphanius appellat *Εβραϊκὸν Φυτὸν*, quod malè vertit interpres Hebræicam Genealogiam; cum significet Hebræicum germen, sive fœtum: notarque scriptum fuisse *Εβραϊκῇ καὶ ἰβραϊκοῖς χαρακμασι*, hoc est Hebræica linguâ, & literis Hebræicis. Verùm D. Hieronymus asserit scriptum fuisse Chaldaïco Syroque sermone, sed Hebræicis Literis: quod facillè cum superioribus conciliatur, si meminimus linguam Chaldaïcam sive Syriacam ex Chaldaïca derivatam, nec multùm ab Hebræica diversam, sæpè post captivitatem Babylonicam Hebræicæ nomine intelligi, quod Hebræis tunc in usu esset. *Matthæus*, ut ait Isidorus, scripsit Evangelium literis Hebræicis & sermonibus, in Iudæâ. Eusebius tradit Pantænum Evangelii prædicandi causâ in Indiam missum, apud quosdam ejus regionis populos Matthæi Evangelium reperisse, quod eis D. Bartholomæus Apostolus Hebraicis scriptum literis reliquerat. Cedrenus quoque inventum in Cypro narrat S. Matthæi Evangelium juxta sacras B. Barnabæ reliquias, hujus manu descriptum: inde à Zenone Imperatore sublatum, atque in Palatio reposi-
tum.

III. Cui Hebraico sermone scripserit D. Matthæus, cum reliqui novæ legis Scriptores Græcum amplexi fuerint, ratio hæc affertur à D. Joanne Chrysostomo^o & Eusebio, quòd in Judæa & Judæorum causâ illud composuerit, rogantibus iis, qui jam Christo crediderant, & à quibus discessurus erat, ut ad alias gentes proficisceretur. Id vero ad Olympiadem 204. & Christi annum 41. refert idem Eusebius, ad annum verò 15. post ascensum Christi Nicephorus & autor Chronicæ Alexandrini.

IV. Proprium sanè argumentum Matthæus sibi sumpsit, ut Judæis, Messiam seu Christum expectantibus, demonstraret Jesum esse Messiam, ex Abrahami & Davidis stirpe ortum, & sic Messiam jam venisse.

V. Dividitur Evangelium Matthæi apud Latinos recentiores in 28. capita, apud Græcos in 68.

VI. Aliud ab hoc Matthæi Evangelio est Evangelium quod dicitur *secundum Hebræos*, in quo assuta sunt multa quæ non extant in Evangelio secundum Matthæum: ut historia de adultera, quam à Joanne zelaram habemus, de qua apud Eusebium⁹; & alia quæ apud Hieronymum¹, Ignatium², Origenem³, & Clementem Alexandrinum⁴ leguntur.

VII. MARCUS Israëlita fuit ex Tribu Levi, Petri Apostolorum Principis discipulus & interpret, quem gravissimi autores eundem faciunt cum Marco Barnabæ consobрино. Sed alium esse constat ex Martyrologio Romano, quod Evangelistæ quidem festum habet ad diem xxv. Aprilis; alterius autem ad xxvii. Septembris. Perperam quoque eum quidam tradunt, Episcopalis, ac Sacerdotalis gradus vitandi causâ, sibi pollicem præcidisse; quòd à Marco Anachoreta factum Baronius aliique demonstrant. Romæ, sive fidelium precibus Evangelista adductus, sive Petri ipsius jussu, ut vult Irenæus, anno ab ascensione Domini decimo, (vel potius decimo septimo) gesta ejus scriptis mandavit, composito brevi EVANGELIO, quod Græcis dicitur τὸ ἑνὸς Μάρκου Ευαγγέλιον. In eo plura, utpote à Matthæo jam memorata, prætermisit. In præceptis morum, atque in iis quæ ad doctrinam pertinent enarrandis brevior, in aliquibus factis, factorumve adjunctis & adminiculis accuratior. Hoc autem Evangelium B. Petrus à se lectum probavit, atque Ecclesiæ legendum tradidit. Scriptum Latino primum ser-

3. Cui Hebraicè & quando scriptum Mattheus Evangelium.
o In opere imperfecto, tomo 1.

4. Scopus Matthei.

5. Fines Evangelii in capita divisio.

6. De Evangelio secundum Hebræos.

9 Lib. 3. c. 25. & ult. hist. Ecclesiæ. In cap. 12. Matth.

1 In epist. ad Smyrnæos.

2 In Matth. c. 8.

3 Lib. 2. tit. 10. matum.

7. Evangelium secundum Marcum.

mone, quod utebantur maxime quorum causâ scribebatur, autor est Damasus Pontifex, sive quis alius autor vitæ Pontificum Romanorum, in vitâ sancti Petri, & Syriacis textus indicat; cum ad calcem ejus Evangelii adjicit desinere Evangelium Marci, quod locutus est & evangelizavit Romæ, Romanè: eamque sententiam Baronius etiam sequitur: quamvis Divi Hieronymus^x, & Augustinus aliter sentiant. Creditur tamen B. Marcus, cum Aquileiam à Petro missus fuisset, ibi Evangelium linguâ Græcâ enarrasse; cujus codicem adhuc in eâ civitate cum sella Marci eburneâ ostendi ferunt. Quod autem nunc Latinum habemus ejus Evangelium, id ex Græco ab alio interprete redditum est, ut censet Lucas Brugensis^y, & plerique alii rerum Ecclesiasticarum Scriptores. Proprium scopum Marcus habuit ut Christum Regem esse demonstraret, cui parere cunctæ potestates debeant, Passus est anno Neronis 8. Christi 61. Ultimum ejus Evangelii caput, propter inserta quædam verba apocrypha, ab omnibus pro Canonico receptum non fuisse constat ex epistolâ D. Hieronymi ad Hedibiam: sed cum, & reliqui Patres illud agnoscant, & in Ecclesiâ legatur, recipiendum est haud dubiè ex præscripto Concilii Tridentini^z. Nostri hoc opus in 16. Græci in 48. capita partiuntur.

VIII. LUCAS Syrus, Antiochiæ natus, professione medicus fuit, ut in epist. ad Colossenses^a testatur D. Paulus; cujus ille individuus comes fuit. Ab Epiphanio inter 1xxii. Christi Discipulos numeratur; eumque nonnulli apud Theopylactum alterum fuisse putarunt ex duobus discipulis quibus Emmaüs proficiscentibus Christus Dominus post resurrectionem apparuit. Ægyptiis & Pentapolitanis Christum prædicavit. Græci sermonis peritus fuit; unde & Græcis autoribus utitur magis, quam Hebræis. Fertur in primùm Christi & Mariæ Matris ejus, ac Principis Apostolorum effigiem picturâ delineasse, teste Nicephoro^b. Post Christi Ascensionem anno xv. vel xviii. id est à Christo nato xlviii. aut li. sub Claudio Cæsare EVANGELIUM scripsit: Græcè τὸ χ' Δεύτερον εὐαγγέλιον. Id autem Græcâ linguâ compositum est, sive, ut Syri in titulo ipsius notant, Ionicè, in urbe Alexandriâ. Hieronymus tamen in Achaïæ & Bæotiæ regionibus scriptum probabilius existimat. Prolixius historico stylo plura nobis gestorum Domini miracula revelavit, ut loquitur

Ambrosius;

^x In Præfat. ad Damasum.

^y Lib. de consensu Evangelist.

^z Sess. 4.

^a 8. Evangelium secundum Lucam.

^b Cap. 4.

^b Hist. Eccles. lib. 2. c. 43.

Ambrosius; cæterum D. Marcus Sacerdotalem Domini stirpem ac dignitatem cæteris exactius profecutus est: unde per Vitulum significatur, quod vitulus præcipua esset in Sacrificiis victima. Lucas ex sacris præsertim D. Pauli colloquiis & concionibus, Evangelium suum collegit. Cælebs vixit ad ætatem ætatis 84. Naturali morte defunctum innuunt Hieronymus, Isidorus, & Metaphrastes, martyrio coronatum affirmant Nazianzenus, Paulinus, Nicephorus: qua de re videndus Baronius e.

IX. Ex capite xxii. hujus Evangelii partem illam, ubi narratur Christus Dominus sudorem sanguineum fudisse, atque Angeli consolatione recreatus esse, nonnulli revocabant in dubium; eamque è suis codicibus delebant, ne Christo infirmitatem nimis tribuere viderentur, testibus Hieronymo, atque Hilario. Verum cum apud alios Evangelistas & fuisse, & alia quasi affectuum humanorum genera expertus fuisse Dominus dicatur; cumque Athanasius d. anathema dicat iis, qui Christum sanguinem sudasse negant; denique cum Epiphanius e, & Augustinus f hunc Lucæ locum ut Evangelicum agnoscant, nulla superesse videtur dubitationis causa. Ejus Evangelium Latini recentiores in 24. capita secant, Græci in 63.

X. JOHANNES Apostolus, Jacobi frater, filius Zebedæi, Bethsaidæ in Galilæa natus, arte piscator, à Christo præcæteris dilectus; qui in cruce moriens, matrem ei suam novo adoptionis genere commendavit. Discedentibus in varias orbis terrarum partes Apostolis, Ephesum, cum prædictâ sanctissimâ matre Domini nostri Mariâ profectus est, ut Baronius probat. Inde Domitiano Imperatore in vinculis missus est Romam, & in dolium ferventis olei injectus: è quo illæsus cum exiisset, relegatus est in insulam Pathmon, ubi vidit & scripsit ea quæ in Apocalypsi ab eo narrantur. Ab exilio liberatus Imperatore Nerva, Ephesum rediit, ubi paulò post, expleto (ut ait Epiphanius) vitæ suæ anno xc. rogatus ab Asiæ Episcopis, EVANGELIUM suum Græcè composuit, τὸ ὑποστάθην αἰνῶν Ευαγγέλιον, adversus Cerinthum, aliosque hæreticos, & maximè Ebionitas, qui negabant Christum ante Mariam fuisse. Græcè quoque scripsit Epistolas suas canonicas tres, de quibus suo loco. Cumque tres alii Evangelistæ de Salvatoris maximè Huma-

e In Martyrol. Romano

9. *Assertitur caput Marci 11. de Sudore Christi sanguinis.*

d Lib. 6. de Beatitud. filii Dei.

e In Ancorato. f Lib. 3. de consensu Evangelist.

10. *Evangelium secundum Joannem.*

nitare disseruissent, ipse divino actus spiritu proprium habuit argumentum de Divinâ Christi naturâ plura enarrare, & ab eodem antequam Joannes Baptista in carcerem mitteretur, gesta, atque à prioribus prætermiſſa, exponere. Hoc Evangelium nostri 21. capitibus distinguunt: Græci 18. non numerato capite quod nobis VIII. est. Pervenit S. Joannes, testibus Eusebio & Hieronymo, usque ad tempora Traiani Imperatoris: & Ephesi 68. post passionem Domini anno, qui erat ab eodem nativitatis 100. vel 101. in pace quievit, ætatis suæ anno xciv. 8.

g Bar. ann. 101.

xi. Tollitur
dubitatio de hu-
jus Evangelii
cap. 8.

h In annot. ad
hunc locum.

i Lib. 2. advers.
Pelagianos.

k In Synopsi.
l Homil. 60.
in Joan.

m Epist. 58. l.
7. ad Studium.

n Lib. 2. contra
Pelag.

o Tractat. 33. in
Joannem.

12. De aliis
Evangeliiis.

XI. INITIUM capituli VIII. Evangelii ab eo conscripti quo Adulteræ historia continetur non fuisse olim certæ fidei Erasmus docet^h ex Eusebio, ubi sic ait: *Historiam quandam subjungit de muliere adulterâ, quæ accusata est à Iudeis apud Dominum. Habetur autem in Evangelio, quod dicitur secundum Hebræos, scripta ista parabola.* Quibus verbis aperte indicat se non vidisse eam historiam in Evangelio Joannis, & sibi non tam historiam, quàm parabolam videri. Initio non extitisse in multis Græcorum, & Latinorum Codicibus fatetur D. Hieronymusⁱ. Nihilominus tamen dubium esse non debet, quin ea Historia sit, eaque Evangelica. Cum & in Ecclesia legatur Sabbato post Dominicam III. Quadragesimæ, & eam agnoscant gravissimi Patres Græci ac Latini Athanasius^k, Chrysostomus^l, Ambrosius^m, Hieronymusⁿ, Augustinus^o. Eam historiam ab inimicis veræ fidei erasam fuisse de nonnullis codicibus notat. Neque huic causæ officit, sed prodest potius, quod Eusebius scribit, Papiam Joannis discipulum hujus historię meminisse. Papias quippe Hierapolitanus Episcopus, sanctorum Polycarpi & Ignatii æqualis, tunc antiquitate tum sacrarum Literarum peritiâ celeberrimus, nisi dubitanter prolaturus credi non potest, quod non pro vero habuisset. Quod autem eam Eusebius in suo Evangelii volumine non habuerit, parum refert: nam & in quibusdam veterum libris desideratam fuisse eam narrationem probabile, jam ex Hieronymo observavimus, & Eusebium non de hac adulteræ Historiâ loqui, sed de aliâ verè apocryphâ, quæ non tantum adulterii, sed plurium criminum readebatur. Certè in textu Græco Eusebii non de adultera agitur, sed *ἡ ἡμετέρα ἐν τῇ πολλῇ ἀμαρτίᾳ ἀβυσθησίᾳ*.

XII. Circumferebantur olim Evangelia aliorum Apostolo-

rum nomine, ut Petri, Thomæ, Philippi, Matthiæ. Sed quoniam ab Hæreticis, aut conficta, aut corrupta omninò fuerant, Ecclesiæ judicio rejecta sunt. Evangelium Jacobi quod secundum Hebræos dicitur, de quo suprà, videtur expositio Evangelii à Matthæo conscripti, cujus meminit D. Athanasius. Verùm illud primis tantùm sæculis notum. De his Evangeliiis post Athanasium, sive autorem Græcum libri de sacris Scripturis, & Eusebium, videndi ex Neotericis, Sixtus Senensis P, Covarruvias, Dartis.

P Lib. 2. Biblioth. sanctæ.

CAPUT XVI.

De Historico novi Testamenti Libro, Actibus nempe Apostolorum.

I. **L**IBER ACTUUM APOSTOLORUM, sive *Acta Apostolorum*, Græcè αἱ Πράξεις τῶν Ἀποστόλων, Historicum est volumen, quod tamen magnâ ex parte Pauli dumtaxat gesta commemoret; de aliis tamen Apostolis multa, eaque gravissima tradit: & quia Actorum, ut & Annalium, nomine comprehenduntur etiam quæ docentur, ac præcipiuntur; hinc fit ut Apostolorum conciones quoque ad duas & viginti, in hoc libro referantur.

1. *Actus Apostolorum quid continent.*

II. Syrus interpres hunc præfixit Titulum, *Liber Actuum, hoc autem est Historia Beatorum Apostolorum, quam collegit S. Dominus meus Lucas Evangelista*. Scriptus est linguâ Græcâ nitidè & eleganter, quippe quam per se D. Lucas callebat; & stylo historico.

2. *A quo & qua lingua scriptus sit Liber Actuum.*

III. Pervenit, ut ait Hieronymus, usque ad biennium Romæ commorantis Pauli, id est usque ad 4. Neronis annum: ex quo intelligi potest in eadem urbe hunc librum esse conscriptum, idque ut ait Baronius anno 61. à Christo nato, qui fuit Neronis 5. Quoniam autem Lucas non semper ita individuus fuit Pauli comes, quin interdum ab eo absuerit: idèd plura non exigui momenti prætermittens, aut strictim attingens, ea tantùm quibus interfuit distinctè atque integrè sibi narranda suscepit. Est autem hæc Apostolorum historia cum Evangelicâ summè connexa. Ibi cælestis frumenti granum describitur quasi terræ commendatum; hic

3. *Quo tempore compositi Actus Apostolorum, &c.*

verò jam enatum & suam paulatim frugem proferens. Apud Græcos distinguitur hoc volumen in 40. apud Latinos in 28. capita.

CAPUT XVII.

De Moraliſibus Libris Novi Fæderis, ſive Pauli aliorumque Apoſtolorum Epiſtoliſ.

1. De B. Paulo Apoſtolo.

PAULUS Apoſtolus, qui ante converſionem Saulus dicebatur, Judæus ex Tribu Benjamin, Tarſi in Ciliciâ natus, à parentibus Hieroſolymam miſſus, ut Legi operam daret, in eâ à Gamaliele eſt eruditus ac deinde in Phariſæorum ſectam cooptatus, ſcenopegiam ſeu conficiendorum Tentoriorum artem didicit. Cum autem paternarum traditionum ſtudio arderet, Chriſtianos capitali odio proſecutus, perſecutusque eſt: donec ſecundo poſt Domini in cælum aſcenſionem anno, cum eâ ipſâ de cauſâ Damafcum proficiſceretur, eo in itinere per miraculum à Chriſto Domino cœlitus vocatus, & converſus, ipſum publicè prædicare cœpit. Pro quo ter virgis cæſus, naufragium paſſus, ut ipſe teſtatur, tandem ſimul cum B. Petro anno Chriſti 69: ætatis 68. Romæ ſub Nerone martyrii laureâ decoratus eſt:

2. De Epiſtoliſ B. Pauli, earum numero, & quâ linguâ ſcriptæ.

I. Epiſtolas reliquit quatuordecim, omnes Græcâ linguâ, quæ tum maximè trita erat; præter Epiſtolam ad Hebræos, quam Hebræicè ſcriptam probabiliter plerique cenſent, ac deinde in Græcum ſermonem tranſlatam.

3. De quibusdam D. Pauli Epiſtoliſ, præter receptas in Canone.

II. Meminit, & cap. 5. ad Coloſſenſes, Epiſtolæ Laodiceuſium, quaſi à ſe ad Laodiceuſes miſſæ, quam ab iis, quæ extant diverſam nonnulli putant; unam tamen eandemque eſſe cum eâ, quæ Laodicæa ad Timotheum per Tychicum Diaconum miſſa eſt, communis fert ſententia. Et verò eo loco epiſtolæ ad Coloſſenſes, illam, non epiſtolam ad Laodiceuſes vocat, ſed *τὴν Laodiceῖας*, quaſi dicas Laodiceuſiam, ſive ut Vatablus vertit, quæ ſcripta eſt ex Laodicæâ. Epiſtola verò ad Laodiceuſes quæ extra canonem invenitur, nihil quidquam continet præter ea, quæ fuſius in Epiſtolâ ad Coloſſenſes habentur; unde inutilis prorsus fuiſſet. Idem cenſendum de Epiſtolâ ad Corinthios,

De Moralib. Lib. novi Fæderis sive Pauli Epist. &c. 85

quam antè ad eosdem missas aliqui scriptam affirmant, ex eo quod 1. Corinth. 5. dicitur, *Scripti vobis in Epistola ne commisceamini fornicariis* : iis enim verbis illa ipsa prima ad Corinthios Epistola indicatur, in cujus priori parte id scriptum invenitur. Feruntur & quædam breves epistolæ tanquam sancti Pauli ad Senecam, quas D. Hieronymus a non omnino rejecisse videtur : sed cum à Catholica Ecclesia receptæ non sint, nec sancti Pauli sunt censendæ.

IV. Primam juxta scripturarum ordinem Epistolam ad Romanos scripsit Paulus Corintho anno Christi 58. ætatis 57. ex Baronio ^b, eamque per Phœben ministram Cenchreensis Ecclesiæ misit. Hæc Epistola, Græcis τῇ ἀγίῃ Παύλῳ τῇ Σοφίᾳ τοῦ Ρωμῆς ἐπιστολὴ, licet ut Theodoretus ^c docet ultima sit earum quæ ex Orientalibus & transmarinis regionibus à D. Paulo scriptæ sunt; ac, si tempus spectetur, septimum tantum locum sibi vindicare debeat : attamen quia & dignitate ac gravitate alias superat, & prima Christianæ institutionis rudimenta continet, utpote quæ de Fide, Gratiâ, Christique Meritis multa tractet, primo loco posita est. Nittitur in eâ Paulus Romanos ex Judæis ac Gentilibus nuper conversos, deque meritis eorum qui ad Religionem Christianam aut etiam ad Ecclesiastica munia admittendi essent, inter se contententes ad mutuam concordiam revocare. Est ea omnium difficillima, tum ob argumenti sublimitatem, tum ob loquendi figuras, quæ alicubi minùs perspicuæ sunt. Dividitur hæc Epistola apud Græcos in cap. 20. apud recentiores Latinos in 16.

V. Ad Corinthios, Christianam nempe religionem Corinthi amplexos, quæ Achaïæ ac totius Græciæ primatia civitas erat, duæ extant Pauli Epistolæ : Prior Epheso scripta est, anno Christi 57. & per Stephanum ac Fortunatum missa, sedandis Corinthiorum dissidiis, quæ à nonnullis qui sapientiores videri volebant, excitata fuerant circa Evangelii præsertim præcones & Sacramenta. Idèd autem postposita Epistolæ ad Romanos dicitur à sancto Anselmo ^d, quoniam eos, qui fidem jam acceperant, in bono opere instruit. Habet apud Græcos capita novem, apud Juniores Latinos sedecim.

VI. Posterioiorem ad Corinthios Epistolam anno insequenti, id est Christi 58. per Titum & Lucam Nicopoli misit, quâ

^a Lib. de Scrip-
tor. Ecclesi.

^{4.} Epistola ad
Romanos.

^b Tom. 1.

^c Præfat. in
epist. Pauli.

^{5.} Ad Corin-
thios prima.

^d In Præfat.
Epist. ad Rom.

^{6.} Ad Corin-
thios secunda.

fideles Corinthiagentes, propter dignam bonorum operum frugem collaudans, ad meliora hortatur, monetque ut bonis Evangelii ministris adhæreant, rejectis malis. Distinguit in capita decem à Græcis, à Latinis neotericis in tredecim.

7. *Epistola ad Galatas.*

^e In ejus epist. argumento.

VII. *Ad Galatas*, sive Gallo-Græcos, vel potiùs advenas, qui in Galatiâ provinciâ commorabantur, scripta Epistola anno Christi 55. vel 56. (ut ostendit Baronius) Epistola, quæ quarto loco posita est, ob maximam quam cum superioribus habet affinitatem, quemadmodum ait D. Anselmus^e. Hæc Epistolâ graviter Galatas objurgat, quodd obliti Evangelicæ libertatis, quam adepti fuerant, in Legis Mosâicæ servitutem relapsi essent. Continet cap. duodecim apud Græcos, sex apud Latinos.

8. *Epistola ad Ephesios.*

VIII. Quæ quinto loco numeratur Epistola *ad Ephesios* ex Romano carcere per Tychicum missa est anno Christi 59. ad fideles Ephesi degentes, quæ Metropolis est Asix. Quemadmodum autem in proximè superiore Galatæ ad Fidem revocantur, sic per hanc Ephesii confirmantur in fide, ex Anselmo, ut prætermis carnalibus Legis observationibus, veram vitæ Christianæ formam, quam fidem jam edocti à Paulo flagitaverant, accipiant & sequantur. Habet apud Græcos decem capita, apud Latinos sex.

9. *Epistola ad Philippenses.*

IX. *Ad Philippenses*, Philipporum in Macedonia Cives, sextam Epistolam Romæ in vinculis scripsit, ac per Epaphroditum misit. In eâ Clericos præsertim hortatur ad concordiam, atque ad fidei veritatem tuendam adversus Pseudo-apostolos schisma per Judaismi commendationem molientes. Græci dividunt in octo capita, Latini in quatuor.

10. *Epistola ad Colossenses.*

X. Colossæ civitas est Phrygiæ, ad cujus incolas Septimam in vinculis quoque Romæ agens Paulus scripsit Epistolam, ac per Tychicum jam laudatum, anno Christi 60. transmisit: quâ eos Judaïcis Græcisque superstitionibus adhuc involutos, ab iis avocat, ostendens non nisi per Christum patere ad Deum accessum. Apud Græcos in capita decem distribuitur, apud Latinos in quatuor.

11. *Epistola ad Thessalonicenses prima.*

XI. *Ad Thessalonicenses*, quæ civitas est Macedoniæ Metropolis, duæ extant Epistolæ. Primâ, quæ octavo inter reliquas loco collocata habetur, Corinthi præsentente Timotheo, scripta anno 52. & per Tychicum missa: singularem eorum in

fide constantiam laudat : deindè hortatur eosdem ut mortuorum certam expectent resurrectionem , atque ut perfectiones pro Christo alacriter perferant : monet prætereà , ne in Domini adventu investigando nimis curiosi sint. Hæc habet apud Græcos septem , apud Latinos quinque capita.

XII. Altera quæ non accensetur , anno insequenti eodem ex loco missa , ejusdem ferè argumenti est cum priore. Habet capita apud Græcos quinque , apud Latinos tria.

12. *Ad Thesalonicensis secunda.*

XIII. *Ad Timotheum* Ephesiorum Episcopum , Lystris in Iauria , ac Lycaonia consinio , patre Athenienti , matre Judæa natum , duas conscripsit Epistolas : prior in Biblico ordine decima legitur : estque ex Macedoniâ per Tychicum eundem anno Christi 57. missa , ea mente , ut officium Pastoris , & constituendorum factorum Ecclesiæ ministrorum rationem eum doceret. Constat ex Græcorum calculo octodecim , secundum Latinos sex dumtaxat capitibus.

13. *Ad Timotheum 1. Epistola.*

XIV. Undecima Romæ ex carcere missa est anno 59. Eundem *Timotheum* adversus falsos Prædicatores , & persecutionum procellas confirmans , omnem veritatis regulam tradens ; deque iis , quæ ultimis temporibus futura sunt admonens. Græci hanc partiuntur in capita novem , Latini in quatuor.

14. *Ad Timotheum secunda.*

XV. *Ad Titum* Cretæ Insulæ Episcopum anno Christi 58. Nicopoli Macedoniæ , alias Epiri civitate , scripta est , quæ in ordine Bibliorum habetur duodecima : quâ docet præsertim quæ Episcopali dignitati atque administrationi , sive statim Ecclesiastico conveniant , quosdam etiam ex Judaicâ religione conversos accusat , qui salutarem prædicationem corrumpere conabantur : ac denique divinæ dispensationis causas ostendit. Hujus sunt capita quatuor in Græcis codicibus , in Latinis tria.

15. *Epistola ad Titum.*

XVI. Decimatertia numeratur , quam Romæ in vinculis anno 60. dedit ad Philemonem moribus & genere nobilem Phrygium , per ejusdem servum fugitivum Onesimum , quem & hero conciliat , mutua dominorum , servorumque officia demonstrans. Græci in duo capita dividunt , Latini sine sectione legunt.

16. *Epistola ad Philemonem.*

XVII. Epistola *ad Hebræos* , quæ XIV. loco ponitur , Hebræicè scripta putatur , Romæ in vinculis anno Christi 60. propter

17. *Epistola ad Hebræos.*

credentes ex Judæis, qui eum inviserant: missa est autem per Timotheum. In ea Judæis ad fidem conversis suadet, ut quæcumque adversa inciderint, ea fortiter ferant; præmiumque expectent exemplo Christi, & Patrum etiam suorum: à Mosàicæ præterea Legis observationibus eos dehortatur, ut soli Evangelio adhæreant. Dividitur à Latinis in capita tredecim, à Græcis in duo supra viginti.

18. *De ea dubitatum initio.*
f In lib. de
Scriptor. Eccles.

XVIII. Jam olim teste Hieronymo f hanc Epistolam Pauli esse multi negabant; quorum alii Barnabæ, alii Lucæ, alii Clementi Romano adscribebant: ex quo intelligas licet à D. Luca, vel à S. Clemente eam in Græcum sermonem fuisse versam. Nec defuerunt veteres ac recentiores Hæretici, qui fidem canonicam ei detraherent.

19 *Sed & Pauli & Canonica est hæc Epistola.*

XIX. Verùm eam Canonicam & à sancto Paulo scriptam esse Catholica semper Ecclesia censuit; quæ inter Missarum solemnias eam sub Pauli nomine populo Christiano legit. Patres quoque Conciliorum Laodicensi, Carthaginensi 3. Arausiaci, Florentini, ac Tridentini eam in sacrum divinarum Scripturarum catalogum retulere; ejusque autoritate utuntur sancti Ecclesiæ Doctores, laudati à Bellarmino g.

g Lib. 1. de verbo Dei.

20. *Aliorum Apostolorum Epistola, cur Catholica dicatur.*

XX. Reliquorum *Apostolorum* Epistolæ septem numero Catholica communi nomine appellantur sive Universales; quòd non ut Paulinæ ad Gentem aut civitatem unam, sed vel ad Judæos per orbem propè universum dispersos, vel ad Christianos omnes pertineant. Ex Græcâ linguâ omnes scriptæ eodem ordine creduntur, quem in sacris Codicibus obtinent.

21. *Epistola sancti Iacobi.*

XXI. Prima est *B. Iacobi* cognomento Justi, qui & Minor dictus est, quod post alium Jacobum Zebedæi filium, & Joannis Evangelistæ fratrem, ad Apostolatus gradum vocatus sit. Idem frater Domini appellatus fuit; quòd filius esset, non D. Mariæ Deiparæ, ut volebat Helvidius Hæreticus; aut Josephi, ut Eusebius, & Epiphanius existimarunt: sed Mariæ Cleophar, quæ soror Matris Domini vocitabatur, quia, ut Bellarminus h partim ex Evangelio, partim ex Hegesippo apud Eusebium colligit, Cleophar fratri Josephi nupta erat: estque usu apud omnes ferè gentes receptum, ut duorum fratrum uxores se invicem sorores compellent; & Latine quoque fratres patruels, absolute dicuntur fratres duorum fratrum filii: *les Cousins germains.*

h Lib. de Script. Ecclesiast.

Unde

Unde apud Ovidium Ajax de armis Achillis cum Ulysse contendens, hac ratione utitur,

Frater erat, fraterna peto.

Cleophas hujus Apostoli pater, Alphæus quoque dictus, duobus nominibus, quemadmodum Matthæus qui & Levi, ac Petrus, qui & Simon. Sic Jacobum hunc à Jacobo Alphæi diversum non fuisse probat S. Hieronymusⁱ: unde frustrà Græci in Menologio tres Jacobos Christi Discipulos ponunt, Jacobum Alphæi à Jacobo fratre Domini distinguentes, qui idem est. Is Episcopus Hierosolymæ ordinatus, à Judæis anno 7. Neronis, Domini 63. è fastigio Templi præceps actus, ac fuste percussus interiit: ibique post alterum Jacobum fidem sanguine suo sancivit. Hæc Epistola ad duodecim Tribus Judæorum per varia loca dispersas scripta; non verbo tantum, quod Phariseis solenne, sed opere docet fidem esse ostendendam. Eam Latini in capita quinque, Græci in septem distinguunt. Et licet non statim ab universis Ecclesiis receptam, pro canonicâ tamen agnoverunt S. Hieronymus¹, Ambrosius^m, Augustinusⁿ, Ilidorus^o, Innocentius I. & alii, Concilia irem, Laodicenum, Carthaginense 3. & Milevitanum p. Vide Bellarminum q.

XXII. B. PETRI Apostoli, qui (Græcè Πέτρος, Syriacè ܡܪܝ ܟܝܫܐ, Chaldaicè ܡܪܝ ܟܝܫܐ, sive Petrus) Epistolæ duæ sunt in Canone. Is Bethsaïdæ in Galilæa natus, à piscaturâ cum majore fratre Andrea ad Apostolatam vocatus, socrum habuit, & ex consequenti uxorem: ex qua natam quidam volunt Petronillam; quam alii spiritualementum taxat ejus filiam putant fuisse. Antiochenæ primùm Ecclesiæ septem annis præfuit; deinde per minorem Asiam sparsa fidei semine, anno Claudii 2. Christi 42. Romam venit: ubi ultra annos quatuor & vigintri sedem habuit, ad XIII. & ultimum Neronis, Christi 68. quo tempore martyrio coronatus est, Cruci, sed verso in terram capite, affixus. Primam Epistolam anno Domini XLV. Romæ scripsisse creditur, quam Baronius post Hieronymum ex Hebræo translatam à Marco existimat. Scripta est ad Judæos Christo credentes per Asiam minorem sparsos, de redemptione per Christi sanguinem à Prophetis annuntiata, de honore Regibus & Magistraribus exhibendo, de conjugum concordia, deque ultimo judicio. Hanc Latini in quatuor, Græci in octo capita distribuerunt.

M

ⁱ In lib. contra Helvidium.

¹ De Viris Illustribus.

^m Serm. 7. in Psalm. 118.

ⁿ Lib. 2. de doctr. Christ.

^o Lib. 6. etymol. cap. 1.

^p 1. Can. 7.

^q Lib. 1. de Verbo Dei c. 18.

22. S. Petri Epistola 1.

23. *Petri 1. E-
pistola.*

XXIII. Altera, quâ Romam reversus anno 68. Hebræos, qui nuper crediderant, docet religionem quam acceperant, & ex ejus disciplina veram sanctamque innocentiam vitæ sequendam; vitandos esse Pseudo-prophetas, quorum versutias indicat. De Secundâ hujus Epistolæ auctore & auctoritate dubitatum aliquando testantur Origenes, Eusebius, & Hieronymus: sed suprâ nominatæ Synodi canonicis voluminibus sub Petri nomine inferendam pronunciarunt. Divisa est hæc Epistola à Latinis in tria, à Græcis in quatuor capita.

24. *Epistola
Joannis 1.*

† *Quæst. Evang.
lib. 2. c. 39.*

XXIV. JOANNIS Apostoli & Evangelistæ tres sunt canonicæ Epistolæ, quarum *Prima* semper ab omnibus probata. Eam B. Augustinus ad Parthos scriptam innuit. In illa universos fideles hortatur ut odium mundi in lucro ponant, tanquam cælestem jam tum conversationem habentes. Theologicè tractat de Verbo æterno, & charitate Dei erga nos, ac mutua Christianorum dilectione. Dividitur à Græcis in septem, apud nos in quinque capita.

25. *Joannis 2.
c. 3.*

XXV. *Secundam* ad Electam nobilem, ut videtur, feminam, ejusque filios de hospitalitate scriptam, ac *Tertiam* ad Caium de rectâ fide servandâ, vitandisque hæreticis. Nonnulli apud Hieronymum ex Eusebio existimant esse alterius Joannis, cujus sepulchrum Ephesi diversum ab Apostoli sepulchro monstrabatur: tum quod in his Seniores se, sive Presbyterum dicat; tum quod contra consuetudinem Epistolarem Catholicarum, ad unum, unamve scriptæ sint. Utramque nihilominus & prædicta Concilia, & Patres non pauci, tanquam Joannis Apostoli & Evangelistæ Epistolam in Canonem receperunt. Græci Priorem dividunt in duo capita, posteriorem in tria: utramque sine sectione Latini reliquerunt.

26. *Epistola
Judas.*

XXVI. JUDAS Apostolus, qui & Thadæus, frater Jacobi minoris, Evangelium per universam Syriam & Mesopotamiam, atque in Perside prædicavit; ubi & martyrium passus est: quamquam Beryti in Pœhnnia occisum Hippolytus & Dorotheus auctores sunt. Hanc *ultimam* inter Catholicas Epistolam, ad eos, qui jam crediderant, de fide viriliter tuenda, & fugiendis seductoribus scripsit. Eam, quod ex Libro Enoch apocrypho testimonium adduceret, atque Historiam Angeli Michaëlis de Mosis corpore cum

Diabolo contententis contineret , veterum plerique , testibus Eusebio & Hieronymo , à Canone rejiciebant. Autoritatem tamen vetustate meruit , & à suprâ memoratis Synodis ac Patribus , Hieronymo imprimis , & Augustino , inter sanctas Scripturas est connumerata. Græci in tria capita distinguunt ; apud Latinos concluditur uno capite.

CAPUT XVIII.

De Prophetico novi Fæderis Libro , Apocalypsi.

I. **S**UPEREST B. Joannis Apostoli APOCALYPSIS, id est *Revelatio*, plenus mysteriorum Liber ; & qui tot habet Sacramenta, quor verba (ut inquit Hieronymus ad Paulinum.) Scripta putatur in Insula Pathmo, anno Domitiani 14. ab ortu Christi 95. & missa ad septem Asiæ Ecclesias , quas Evangelii prædicatione erudierat : ubi describens varia persecutionum genera, quas Ecclesia, à prima origine ad mundi finem pertulit, perferetve, fideles adversus Hæreticos & persecutores confirmat ; additis, & quæ Hierosolymorum excidium, ac Judæorum abjectionem respicere videntur.

II. Veterum Græcorum Patrum quidam hunc Librum tanquam alienum à sancti Joannis Evangelistæ dictione, Joanni alteri Ephesino Presbytero assignabant ; nec in Canone recipiebant. Sed inter germana B. Joannis Apostoli scripta numerarunt Dionysius Arcopagita, sive quis alius antiquissimus certè sub eo nomine scriptor, Justinus, Irenæus, Basiliius, Epiphanius, Gregorius Theologus., cum omnibus ferè Occidentis Patribus, & Conciliis, tam præfiscis, quàm recentioribus. Apud Latinos capita duo supra viginti continet ; apud Græcos Andreas Cæsarex in Cappadociâ Archiepiscopus pro numero Seniorum, quorum in hoc Libro frequens mentio, in quatuor & viginti partes secuit : & earum quamlibet in sanctissimæ Triadis honorem tribus discrete capitibus, unde confurgit summa omnium capitum septuaginta duorum.

III. Hactenus de Sacris utriusque fæderis voluminibus, de quibus qui in genere plura volet consulere inter cæteros poterit Bibliothecam Sanctam Sixti Senensis, Roberti Bel-

1. *Apocalypsis ubi & quando scripta, quid contineat.*

2. *Germanum S. Joannis Evangelistæ opus.*

3. *Indicantur auctores qui de sacra Scriptura plenius scripserunt.*

larmini libros de Verbo Dei, & de Scriptoris Ecclesiasticis, atque in hunc dissertationes Philippi Labbei & Fabiani Justiniani Commentarium, de sacra Scriptura; cumque his Joannis Driedonis Isagogicos de sacris Scripturis, & Melchioris Cani de locis Theologicis libros.

CAPUT XIX.

De Textu Hebræico veteris Testamenti.

1 *Textum Hebræicum quidam corruptum omnino volunt, sed perperam.*

a Præfatione in Psalmos

b Lib. 2. de locis Theologicis 13.

c In Apologetico.

d De dogmatibus Ecclesiasticis lib. 1.

e Lib. 8. Bibliothecæ, hæref. 1.

f Lib. 1. de Verbo Dei c. 1. tom. 1. controvers.

2. *Alii volunt à Judæis consultum deperatum.*

g In Evang. hist. prolog. 3.

h Controvers. 1. cap. 10.

i Præfat. in edit. 1. xx Interpretum, & passim, in suis exercit. Ecclesiasticis & Bibliis.

k In præfat. ad magna Biblia Patristica.

m In suis epist. apologet.

n In suis affectionibus & cens.

I. **Q**UONIAM Scriptura Sacra variis Linguis composita est, atque edita, quarum maximè nobiles sunt, Hebræica, Græca, & Latina; & Textus à Versionibus, & ipsæ inter se Versiones distinguendæ sunt.

Hebræicum veteris Testamenti genuinum Textum integrum incorruptumque ad nos pervenisse non convenit inter omnes; & qui de illius fide dubitant, in diversas abeunt sententias. Alii omnino corruptum esse contendunt, & in universon deperatum, quæ sententia est Jacobi de Valentia Christopholitani Episcopi^a, Melchioris Cani Episcopi Canariensis^b, & Leonis^c. Sed huic sententiæ Catholici plerique omnes adversantur, in quibus Pius II. Papa, Joannes Driedo Novariensis Doctor^d, Sixtus Senensis Dominicanus^e, Robertus Bellarminus^f. Et revera Mahometanos aut Anabaptistas, qui post Manichæos hanc opinionem sectatoribus suis insinuant, ea sententia, magis quàm Catholicos decet.

II. Alii Textum Hebræicum, licet non omnino corruptum; à Judæis tamen censent esse deperatum, odio Christianæ Religionis: quò scilicet ejus mysteriis tenebras offunderent. Ita Alphonsus Salmeron Societatis Iesu Presbyter^g, Jacobus Gordonus ejusdem Societatis^h, alique nonnulli ex recentioribus Theologis; inter quos Joannes etiam Morinus Blefensis, Oratorii Presbyterⁱ, eique adstipulati deinde Guido Michaël le Jay^l, & Abrahamus Echellensis^m. Sed Morino quidem contradixit Simeon de Muis, Linguae sanctæ Professor Regiusⁿ. Jaii vero & Abrahami Echellensis scriptis refellendis egregiè operam dedit Cl. vir, Collega quondam noster, Valerianus de Flavigny Doctor

ac socius Sorbonicus^o Rectorum Professorum Decanus^o repugnante acriter Capellano ex eadem Sorbona.

III. Alii deinde sunt qui velint Textum Hebræum, non datâ quidem operâ, sed temporum injuriâ, & Rabbiorum atque Amanuensium imperitiâ aut oscitantia, vitii quid contraxisse, maximè in apponendis punctis, quæ vocalium loco sunt apud Hebræos, & in iis literis, quæ aliquam inter se figuræ similitudinem, aut etiam soni cognationem habent, exscribendis; unde fit ut nullibi facilius quàm in linguâ Hebræicâ errores accidere possint. Etenim unius sive literæ, sive puncti mutatione, quantumvis levissimâ, in diversissimos sensus eadem voces detorquentur. Exemplo sit illud Psalmi 21. quod in vulgata versione sic legitur, *foderunt manus meas & pedes meos*; cuius si primum vocabulum Hebræicè, ut debuit, scribatur כר *Caru*, efficit *foderunt*; si ut est hodiè in Hebræo sic efformetur כרר *Cari* erit, *sicut leo*. Puncta autem vocalia initio nulla erant; sed quinto demum post Christum sæculo, paulò post S. Hieronymi tempora, à Masoretis seu Judæis Doctoribus Tiberiade (quæ est urbs Palæstinæ) inventa esse notum est; idque ut constaret deinceps, de cuiusque vocabuli lectione, quæ antea, deficientibus vocalibus, incerta videri poterat, præsertim linguæ sanctæ minùs peritis. Hæc itaque sententia de Textu Hebræico nonnullis in locis ex ignorantia scribentium corrupto maximè recepta est; eamque post Hebræorum Doctorum primores tuentur ex recentioribus Driedo, & Bellarminus^p, Amandus etiam Polanus^q, & Petrus Cevallerius^r. Imò eò quoque revertitur ipse Morinus: qui tamen inde Textui Hebræico autoritatem abrogat, contra eorum opinionem, cum quibus sentit. Totum autem hoc argumentum pertractat Lud. Capellus Salmuriensis Professor heterodoxus integro volumine cui titulus *Critica sacra*; contra quem scripsit Joannes Buxtorfius etiam heterodoxus Professor Basiliensis, & Flavignius ante memoratus^s. Videndus Buxtorfii patris thesaurus Grammaticus, & Tiberias, ac Buxtorfii filii tractatus varii eam in rem editi. Hi textum Hebræicum ad nos purum & integrum pervenisse contendunt post Irenæum^t, Origenem^u, Chrysostomum^v, Tertullianum^w, Hilarium^x, Hieronymum^y, Caletanum Cardinalem, Augustinum Steuchum, Sancten

^o In suis adversus eos epistolis.

3. Quidam Textum Hebraicum per incuriam aut imperitiam aliquatenus vitiatum putant.

^p Tom. 1. controverf. lib. 2. capp. 1. 2. 3.

^q In Syntagm.

^r In Grammat.

^s In brevi & amica disquisitione ad Mart. Grandinum, & in exercit. Theolog.

^t Lib. 3. cap. 25.

^u Lib. 8. in Efa.

^v Hom. 8. in ep. ad Hebræos.

^w De habitu mulierum,

^x Præfat. in Psal.

^y In Prolog. Galeato.

b In Apparatu
Biblico.

*4. Media via
interior, maximā
partem esse in-
corruptam.*

Pagninum, & Benedictum Ariam Montanum *b*.

IV. Si nostrarum esset partium iudicium hic nostrum interponere, mediam viam tutissimam existimarem; facileque in eorum iremus sententiam, qui Hebræicos Libros, maxima saltem ex parte incorruptos, uti à Moyse, & antiquis olim Prophetis conscripti fuere, adhuc etiam exstare putant; ac licet tempore captivitatis Babylonice vastatâ civitate, Temploque (ubi sacra volumina asservabantur) incenso absumptoque, publica hæc monumenta periisse dicantur, quæ vero apud privatos erant, magna ex parte credantur abolita fuisse: ab Esdra tamen ea fuisse restaurata; non ita ut Spiritu sancto iterum afflante, Esdras quinque viris per quadraginta dies scribentibus dictaret, ut refertur lib. 4. cap. 14. Esdræ (qui liber inter apocryphos censetur) sed ut, quemadmodum innuitur cap. 8. lib. 2. ejusdem Esdræ (qui inter Canonicos est receptus) magnâ curâ is ea scripta conquissiverit, & in ordinem redacta, fortè & collatis Codicibus, propriâque industriâ, præeunte tamen Spiritu sancto, emendata, cum populo communicaverit: ab illius deinde sæculo ad nostra usque tempora, potuerint quidem menda aliqua in libros sacros irrepere, & reverâ irrepererint librariorum præsertim errore, aut incuriâ: at illa à Masoretis non vulgari sagacitate animadversa correctaque; aut si quid eorum supersit, non ita magni momenti credendum, ut ex eo detrahi sua sacro Textui autoritas debeat. Quamvis igitur non eò declinem, ut cum iis sentiam qui Hebræico textui plus æquo tribuentes, omnia ad ejus fidem examinanda contendunt: in universum tamen illud Hieronymi amplectendum puto, quod B. Augustino perperam adseribitur *c* ut veterum librorum fides (hoc est veteris Testamenti) de Hebræis voluminibus examinanda sit.

r In Can. 6.
dist. 9.

*5. Pars sacra
veteris Scriptura
Chaldaicè
scripta.*

d In prologo
Tobiae aliorum-
que suprad. li-
brorum.

e In Prologo
Galatæ, & in
prologo Prover-
biorum.

V. Chaldaicâ linguâ sacrorum Codicum nonnulli scripti sunt, libri nempe Tobiae ac Judith, & ex parte libri Esdræ, ac Daniëlis, ut docet S. Hieronymus *d*.

Syriacâ linguâ, quæ ex Hebræorum Babylone in captivitate degentium cum Chaldæis permixtione orta putatur, nullus exrat ab autore suo scriptus veteris Testamenti liber; nisi fortè tertius Macchabæorum & Ecclesiasticus; quorum utrumque se vidisse testatur B. Hieronymus *e*. Hebræica autem lingua vulgaris, diversa à veteri sic propriè dictâ,

eadem est cum Syriaca. Inter novi Testamenti libros Evangelium S. Matthæi, & Epistolam D. Pauli ad Hebræos, Syriacè scriptam esse efficacissimis argumentis probari videtur.

V I. Textus Samaritanus duplex à Joanne Morino, nuper editus & magnorum Bibliorum Parisiensium editioni fuit insertus. Primus est Hebræo-Samaritanus; hoc est Hebræo quidem sermone, sed Samaritanis characteribus: & hunc purum Moïsi Pentateuchon censet esse idem Morinus in suis exercitationibus; quem refellunt ex D. Hieronymo præsertim Muñius ^f, atque ex professo Valerianus Flavi-
gnius, de quo jam diximus ^g. Idque his præsertim argum-
tis, quòd passim interpolatus sit ex editione Hebræica, vul-
gata versione Latina, & Septuaginta Seniorum Græca inter-
pretatione; multis etiam additis ab homine imperito non
minùs quàm audace, uti planum facit Ottingerus Pæfessor
Basilienfis ^h. Secunda Samaritana editio, versio quædam,
seu potius Paraphrasis est Samaritano sermone & caracte-
re; sed quam suo textu longè impuriorem esse, adeoque
nullam fidem atque auctoritatem mereri probare nicitur idem
Ottingerus.

V II. Quod ad characteres attinet, Samaritanis usos initio Hebræos fuisse ex eo apparet, quòd Hieronymus ⁱ asserit Esdram novas literas Hebræicas invenisse & Judæis tradidisse, antiquas reliquisse Samaritanis. Novas autem eas esse quibus etiam nunc utimur, inde probari vide-
tur, quòd (ut idem Hieronymus ^l tradit) antiqui Hebræo-
rum alphabeti postrema litera, Thau nimirum, similis erat
T Græcorum, & figuram Crucis referebat, quoniam scilicet
finis legis Christus est crucifixus. Nunc verò postrema
Hebræici alphabeti litera n eam Crucis figuram non ita
retinet. Sed hanc Hieronymi conjecturam non admittunt
qui sciunt ex inspectione characterum Samaritanorum, no-
bis nuper à Morino in magnis Bibliis Parisiensibus exhibi-
torum, literam Thau Samaritanam nullam habere cum litera
T Græcorum similitudinem. Videndus tamen Vvaltonus
de Numismatibus Hebræicis.

6. Samarita-
nus Pentateuchi
Textus duplex.

^f In suis asser-
tionibus & cen-
suris.

^g In suis Epi-
stolis & exerci-
tat. Theolog.

^h In suis exerci-
tat. Antimorinia-
nis, Basilicæ nu-
per editis.

7. De charac-
teribus Hebrai-
cis.

ⁱ In 'prologo
Galatæ.

^l In cap. 9. Eze-
chielis.

CAPUT XX.

*De Græcis Translationibus in genere.*1. *Editiones Græcæ decem.*

- a* Lib. 6. hist.
b In Synopsi.
c Lib. de monast. & ponder.
d Hæresi 63.
e Lib. 18. de Civit. Dei.
f Præfat. in Job & Isaiam atque alibi.

I. **G**RÆCÆ Bibliorum editiones decem omnino circumferuntur, quas ferè recensent Eusebius ^a, Athanasius ^b, Epiphanius ^c; & quarum cum eodem Epiphanio ^d meminerunt etiam, B. Augustinus ^e, Hieronymus ^f.

Prima omnium numeratur Septuaginta Interpretum Translatio.

Secunda Aquilæ Pontici ex Christiano Judæi, anno Hadriani Imperatoris 12. Christi 124. conscripta.

Tertia Theodotionis, ex Catholico, ac deinde Marcionista hæretico, profelyti Judæorum, sub Commodò circa annum Christi 180.

Quarta Symmachi, ex Samaritano aut hæretico Ebionita, in Judaïsmum regressi, sub Severo circa annum 208.

Quinta, quæ à nonnullis Vulgata dicta est inter Græcæ, anonymi auctoris fuit, Hierichunte non procul Hierosolymis in doliis quibusdam inventa, anno 7. Antonini Caracallæ, Christi 117.

Sexta Anonymi quoque, & dolio inclusa apud Nicopolim juxta Aëtium promontorium in Epiro, sub Alexandro Mammææ, circa Christi annum 230. reperta.

Septima Origenis, qui circa annum 245. interpretationem Septuaginta Seniorum emendavit: ita ut multa ex Theodotione, fortè & aliis ex versionibus, addiderit, alia rescaverit: Et ea quidem quæ suppleverat, asterisco sive signo stellæ radiantis indicavit, superflua verò obelo, id est, veru transfixit. Quam editionem communem appellari solitam scribit Hieronymus g.

Octava editio est S. Luciani Antiocheni Presbyteri & martyris, tempore Diocletiani, circa annum 300. conscripta, & in pariete sub Constantino deinde inventa, quæ emendatio quoque fuit editionis Septuaginta Interpretum.

Nona Hesyhii, qui eandem Septuaginta Seniorum versionem adhuc correxit, atque Ægypti Ecclesiis tradidit. De posterioribus his tribus editionibus, sic Hieronymus loquitur.

g Præfat. in Isaiam.

tue ⁿ. Alexandria & Egyptus in Septuaginta suis Hefychium laudat autorem; Constantinopolis usque Antiochiam Luciani martyris exemplaria laudat; media inter has provincia Palæstinos codices legunt, quos ab Origene elaboratos Eusebius & Pamphilus vulgarunt.

Decima & postrema sancti Hieronymi, nisi potius Sophronii fuit: nam B. Hieronymus, ut ipse autor est^o, novum quidem Testamentum Græcæ fidei reddidit. Vetus autem ex Hebræo in Latinum transtulit, quod Græco idiomati statim reddidit Sophronius. De hoc opere vide Augustinum p.

I I. Ex prioribus sex editionibus, illas, quæ dicebantur Tetrapla, Hexapla, & Octapla Origenes conceinnavit. Nam primò quidem singulas paginas divisit in quatuor columnas, quarum singulæ singulas continebant Græcas versiones, quatuor scilicet priores, sibi invicem respondentes. Deinde paginas suas distinxit in columnas sex; atque in prima columna descripsit Hebræicum textum characteribus Hebræicis, in 2^a eundem Hebræicum textum Græcis literis exaravit; in 3^a adjunxit Aquilæ interpretationem, in 4^a translationem Symmachi, in 5^a Septuaginta Seniorum, in 6^a Theodotionis. Atque hæc volumina propter sex columnas Hexapla dicebantur, ut priora à quatuor columnis Tetrapla. His deinde duas addidit columnas, in quibus Quintam, & Sextam versiones, Hierichuntinam & Nicopolitanam inseruit: eaque volumina Octapla nominavit.

I II. Sed cum ingentia illa volumina nonnisi magno pretio comparari possent, separatim Septuaginta Interpretum Translationem ita edidit, ut ejus textui sub asteriscis insereret quæ textus Hebræus addebat; atque horum interpretationem è versione Theodotionis mutuatus erat, quòd ipsius stylus & verba ad versionem Septuaginta, proximè accederent. Obelo autem seu veru notaverat quæ Septuaginta Interpretes textui Hebræo adjiciebant. Quod non ideo ab eo factum, quasi illa deesse, hæc superesse arbitraretur: sed ut ostenderet, quid Judæi, cum quibus certandum erat, in Christianorum textu deficere, aut abundare dicerent: uti ex ejus ad Jul. Africanum epistola refert B. Hieronymus ^q. Adhibuit etiam Origenes lemniscos & hypolemniscos, quotum usum & formas tradit Epiphanius ^r. Vide Morinum l. i. exercit. 4. c. i. de Hebr. & Græcè text. sincerit.

ⁿ In Præfat. in lib. Paralip.

^o Apol. 1. cont. Rufin.

^p Ep. 11. & lib. 4. de doct. Christi. cap. 19. ac lib. 18. de Civ. Dei, c. 49.

2. *Oigenis Hexapla, &c.*

3. *De ejusdem editione versionis 70. cum Hebræo textu certis notis comparata.*

^q In catalog. Scriptor. Eccles. & præfat. in Dan. ^r De ponderib.

CAPUT XXI.

De Septuaginta Interpretum Versione.

1. *Quomodo
concinnata hæc
interpretatio di-
citur.*

I. **Q**UONIAM celeberrima omnium habetur Septuaginta Seniorum Translatio, de ea paulo uberius, quàm de cæteris est differendum. Eam conscribi curavit ex communi sententia Ptolemæus Philadelphus, II. gentis Macedonicæ Rex Ægyptiorum; qui cum amplissimam Bibliothecam Alexandriæ instruxisset, eique Demetrium Phalæreum præfecisset; ab hoc monitus est extare apud Judæos multa Hebræicè scripta volumina, quibus ejus populi leges, atque instituta continerentur, quæ regiâ Bibliothecâ, & cognitione digna essent. Inde eorum desiderio accensus Ptolemæus Eleazarum Hebræorum Pontificem scriptis literis rogasse dicitur, ut ea monumenta ex Hebræo in Græcum sermonem transferri curaret. Hic autem senos per singulas tribus Seniores delegit, tum in Scripturatum interpretatione maximè versatos, tum utriusque linguæ peritos, & probitate conspicuos; eosque ad Ptolemæum misit, ut apud eum huic operi incumberent.

2. *An separa-
tim inclusi in-
terpretationem
suam conscripse-
runt.*

a Lib. 18. de Civ.
Dei cap. 19.

b Inorat. exhorta-
toria.

c Catechesi 4.

d Lib. 5. Strom.

e Præfat. in

Psalm.

f Nov. 146.

g Lib. 12. Ant.

cap. 2. & lib. 2.

cont. Appionem.

h In historia de

Septuag. Interpre.

i Lib. 2. cont.

Ruffinum.

j Sua in Penta-

teuch. præfat.

II. Hos duos & septuaginta legis peritos Ptolemæus benignè suscepit; atque, ut testatur D. Augustinus^a, quod eorum fidem exploraret (suggerente divino numine, ut majoris autoritatis esset omnique suspicione careret eorum interpretatio) singulos singulis in cellulis apud Insulam Pharos seorsim collocavit. Traditur porro tam stupendum planèque divinum in eorum verbis fuisse consensum, ut in nullo verbo, quod idem significaret & tantumdem valeret, vel in verborum ordine quisquam discreparet; sed quasi unus esset Interpres, ita quod omnes interpretati sunt, unum erat. Ejus rei meminerunt Justinus Martyr^b, Cyrillus^c, Clemens Alexandrinus^d, & quodammodo Theodoretus^e, ac Justinianus Imperator^f, qui unum in iis omnibus Septuaginta Spiritum fuisse ait. Hujus quidem separationis nec Josephus^g meminit, nec Aristæus qui reliquam historiam tradidit^h; imò Hieronymusⁱ, non solum id in dubium revocat, sed falsitatis & mendacii arguit^j; & nescio, inquit, quis primus

autor Septuaginta cellulas Alexandria mendacio suo construxerit, cum Aristæas ejusdem Ptolemæi ἑρμηνεύς, & multo post tempore Iosephus nihil tale retulerit; sed in una Basilica congregatos consulisse scribant, non prophetasse. Verum quia id omitti ab iis potuit, ne quid fortasse libris Hebræicis detrahi videretur; & non tantum alii Patres, sed & ipse Hieronymus^m, agnoscit Septuaginta Seniores Spiritu sancto plenos, quæ vera fuerant transtulisse: non improbabilis ea omnis narratio videri potest. Hanc certè Interpretationem, tum antiquioribus, tum neotericis Judæis divinam prorsus haberi, atque ita censuisse Talmudicos demonstrat Morinusⁿ.

III. Licet autem ab eis Pentateuchum dumtaxat in Græcam linguam versum innuere videatur idem Hieronymus^o: tamen & ipse locis supra indicatis, & Patres reliqui, ab iis veteris Testamenti libros omnes translatos esse confirmant; idque fusè probant Leo de Castro^p, ac Baronius Cardinalis^q, ex eo liquere quod Apostoli & Evangelistæ Prophetarum testimonia ferè semper juxta eorundem Septuaginta versionem citaverint, eamque Ecclesiæ legendam tradiderint. Quamobrem, quamdiu sincera remansit, communis inter Græcos est habita, tam Christianos, quàm Judæos; qui & à Justiniano Imperatore constitutionem imperarunt, quâ eam in Synagogis suis, ut priùs factum fuerat, legi caveret, ab iis apud quos sacræ literæ Græcè recitarentur. Sed quoniam, sive fraude, sive incuriâ librariorum, corrupta in multis ea editio progressu temporis fuit: ideo sæpius expurgari debuit, ab Origene, Luciano, Hesychio, Hieronymo, ac tandem Gregorii XIII. & Sixti V. Pontificum jussu: quorum hic vetuit ne quis impostero quicquam ex illa, vel addendo, vel demendo immutare auderet, quibus de rebus Spondanus quoque disserit^r.

IV. Instituta est hæc Translatio ex Epiphanio^s, anno Ptolemæi Philadelphii 17. qui est Olympiadis 128. an. 1. ante Christum natum circiter 265. Observat autem S. Hieronymus^t nonnulla ad Trinitatis atque Incarnationis mysterium pertinentia, quæ Hebræico in Codice legebantur, partim ab iis prætermissa, partim sub ænigmate translata; ne scilicet Ptolemæus in eam adduceretur opinionem, quasi plures Deos Hebræi colerent. Quod autem idem sanctus vir sacras Scripturas ex Hebræo in Latinum convertit, non,

^m Præfat. in lib. Paralip.

ⁿ Lib. 1. de Hebræi Græcique textus sinceritate exercit. 8. cap. 1.

^o 3. An totum Testamentum vetus interpretati fuerint.

^p In cap. 1. Michæx.

^q Disp. de transl. sacræ Script. cap. 15. & 16.

^r Tom. annal. 1. ad ann. Christi 131.

^s Ad ann. 60. num. 19. atque ad ann. 183. num. 5.

^t 4. Tempus hujus interpretationis, in qua cur omissa quadam dicantur à Septuaginta.

^u In lib. de mensuris.

^v Ante memorata præfat. in Pentateuch. aliisque locis.



α Ep. 2.

α Præf. in Pentateuch. & Paralip. itemque Apolog. 2. contra Ruffin.

5. *In dubium à Scaligero revocatur tota hujus versionis historia.*

γ In observat. Euseb. & in duab. epist. quæ extant inter cæteras nuper editas.

6. *Ejus rationes.*

7 Lib. II. orig. Judaic. c. 1. 4. 5. & 8.

ut B. Augustinus suadebat ^α, ex Græco Septuaginta Interpretum, id non eorum odio aut contemptu à se factum Hier. prædicat ^z; sed quòd ea Versio pura omnino non inveniretur. Ea editio Septuaginta dicitur Interpretum rotundioris numeri causâ, cum sexies duodeni, id est duo & septuaginta Interpretes essent.

V. Josephus Scaliger ^γ primus in dubium totam Septuaginta Interpretum historiam revocavit, contenditque cónfictam à Judæis qui Alexandria commorabantur, & quos Hellenistas vulgo appellant, quoniam propter consuetudinem Græcorum, Græcè ut plurimum loquebantur & sic Hebræicam linguam dediscebant. Ab iis effectum putat, ut Lex in Græcum sermonem conversa fuerit per viros doctos qui Alexandria degerent; arque ut autoritas Græcæ huius translationi conciliaretur, eaque in Synagogas loco Hebræici textus insinueretur, conscriptam ab iis Aristæ nomine fabulosam epistolam, ex qua Josephus, Philo, ac cæteri deinde falsam illam narrationem hausserint. Id autem contigisse vult invitis Palæstinis Judæis, qui Alexandrinos propter audax hoc facinus implacabili odio sint persecuti.

VI. Hujus opinionis præcipuæ rationes ex eo petuntur primò quòd Demetrius Phalereus, qui hujus Versionis instigator fuisse fertur, scribit Diogenes Laërtius non tantum in flagrantissima apud Ptolemæum Philadelphum gratiâ non fuisse, sed contrà ipsi exosum, atque ab eo pulsum in exilium, cujus tædio mortem sibi consciverit. Deinde quòd non extarent eâ ætate duodecim Tribus, ex quibus hi LXXII. Seniores delecti memorantur: cum primò quidem decem Tribus, ac postea duæ reliquæ in Mediam & Babylo-niam, diu ante illa tempora essent abductæ; earumque loco missi externæ gentis homines, qui eam regionem inco-lerent, quique Samaritani dicti sunt: ut patet ex lib. 4. Regum cap. 17. & 18. Nec vero leguntur eæ tribus præter Leviticam, Judaicam & Benjaminiticam rediisse in Palæstinam, sed earum sedes à Samaritanis alienigenis semper occupatæ, uti videre est apud Josephum ^z.

Tertiò quòd diversæ admodum sint epistolæ, quæ tanquam à Ptolemæo ad Eleazarum Pontificem, & vice versa ab Eleazaro ad Ptolemæum, hinc apud Aristeam, inde apud Epiphanium, hac de re scriptæ referuntur: quæ discrepantia

videtur universam narrationem falsi convincere.

Denique quod Rabbiorum libri imprecationibus & maledictionibus pleni sint adversus Alexandrinos, tanquam ejus Versionis autores; tantusque hinc dolor à cæteris Judæis conceptus sit, ut in eorum Calendario, Translationis ejus causâ, tanquam rei nefandæ ac lugendæ, jejunium celebrari quotannis jubeatur; idque die 8. mensis Thevet, qui respondet nostro Decembri.

VII. Sed, quod ad primum attinet responderi potest non deesse graves autores qui Translationem hanc factam referant ad tempus primi Ptolemæi, qui Lagi filius dicitur; cui haud dubiè in deliciis fuit Demetrius ille Phalereus. Ita sanè censet D. Irenæus^a; Clemens autem Alexandrinus^b, & Anatolius^c, sub utroque Ptolemæo, filio nempe, in regni consortium à patre adhuc superstite adscito, id contigisse memorant. Præterea à probatis autoribus confirmatur Phalereum Philadelphi ipsius Bibliothecæ præpositum fuisse, in quibus sunt Cicero^d, Ælianus^e, Josephus^f, Philo Judæus^g. Imò Hermippus apud Suidam in voce Δημήτριος, ex quo præcipuum eruitur contrariæ sententiæ adminiculum, non id præcisè refert, quod vertit Latinus Interpres, missum fuisse Demetrium in exilium; sed ἀξιοῦνται, dignum scilicet fuisse visum, qui in exilium mitteretur; quia nimirum Ptolemæo patri auror fuerat, ut non Ptolemæum Philadelphum, ex Berenice genitum; sed ex priore uxore Eurydice procreatos filios in regnum cooptaret. Potuit autem post mortem Ptolemæi patris, vel eo adhuc in vivis agente, virtutis ac literarum nomine conciliari Philadelpho Demetrius.

Ad secundum argumentum reponi potest non solum cum decem Tribus abducerentur, remansisse non paucos ex ignobilioribus Israëlitis in Palæstina, ut patet ex libro 4. *Regum*, cap. 6. & nonnullos ex Assyriâ progressu temporis in Palæstinam migrasse, commeatu inter utramque provinciam libero, ut colligere est ex *Tobia* cap. 10. sed & cum Esdra rediisse aliarum tribuum, quàm supradictarum, Judæos, & cum aliis promiscuè habitasse, ut perspicuum fiet Josephum legenti^h. Quod etiam confirmatur ex *Luca* cap. 2. ubi notatur Anna Prophetissa fuisse ex Tribu Aser; itemque ex Tertulliani Apologetico, Joanne Chrysostomoⁱ, aliisque

7. Scaligeri
rationes diluuntur.

^a Lib. 2. advers. hæres. c. 25.

^b Lib. 1. Strom.
^c In Canon. Paschalis.

^d Lib. 5. de finibus.

^e Lib. 3. variaz historiz.

^f Lib. 12. orig. Judaic. cap. 2.

^g Lib. 2. de viis Moïsi.

^h Lib. 17. Judaic. antiq. c. 5.

ⁱ Hom. 25. in Matthæum.

Patribus, qui Phariseos existimant Christi ævo ex omnibus tribubus fuisse. Quinetiam si hæc cuncta negarentur (quod gratis & nullâ certâ ratione fieret) potuit Eleazarus ex Assyria & Babylonia peritos legis accersere, ex singulis decem tribubus, quos cum Palæstinis conjunctos in Ægyptum mitteret.

Tertium argumentum faciliè confutabitur, si dicamus vel plures scriptas fuisse epistolas, tam à Ptolemæo quàm ab Eleazaro, quarum alias Aristeas, alias Epiphanius referant; vel Aristeam qui nunc extat supposititium esse, quod plerique existimant; & sic à vero diversum quo usus fuerit Epiphanius.

Quantum ad jejunium die VIII. mensis Thevet indictum, atque execrationes Judæorum, hæc aliis ex causis orto Palæstinorum in Alexandrinos odio imputari possunt; cujus vestigia in Actibus etiam Apostolorum reperiuntur: & illud jejunium institutum à Rabbiniis, præterquam quod universale non erat, sed Orientalium Synagogarum proprium, & nullibi hodiè à Judæis observatur, aut in eorum fastis deprehenditur; post Christi tempora cæpit in usu esse, non alia de causa, quàm quòd ad ejus fidem multi Judæi per Bibliorum Græcorum lectionem transire crederentur. Ut enim observat Genebrardus, Septuaginta Seniores à sensu Grammatico non rarè discesserunt; quòd allegoricum sequerentur, & evidentius quæ de Christo erant pronunciata patefacerent. Et verò Scaliger ^l ipse, & Buxtorfius ^m, utrumque Talmud, ubi tractatus de illo jejunio continetur, pluribus post Christum sæculis emeruisse tradunt, quod & ab aliis demonstratum est. Quin & Rabbi Azarias, qui ante octoginta aut nonaginta annos scripsit, incidisse se fatetur, in manu scriptum ejus Tractatus Codicem, in quo nulla hujusmodi jejunio mentio fieret; existimatque triduanas tenebras quæ in prædicto tractatu memorantur, nihil fuisse aliud, quàm voluntarias Judæorum afflictiones, quæ non hujus incepti execratione susceptæ fuerint, sed ne infausti quid selectis illis septuaginta duobus Magistris contingeret; quæ vera ratio fuit indicendi jejunii, exemplo ejus quod tempore Esther, in summo Judææ gentis periculo indictum fuerat, atque ejus quod celebratum est cum à Judæis Alexandrinis Philo Romam ad Caligulam genti suæ placandum legaretur. De

^l Lib. 7. de emendatione temporum.

^m In lib. de modo legendorum Rabbiorum.

hoc jejunio vide Morinum ^a, apud quem multi sunt etiam inter Rabbinos qui Septuaginta Seniorum versionem velut sanctam commendant, atque omni veneratione prosequendam fatentur.

VIII. Volebat Jacobus Usserus Armachanus duas fuisse Versiones Septuaginta Interpretum, alteram veram & tempore Ptolemæi Philadelphi, alteram spuriam Alexandriæ elaboratam post annum 4. Ptolemæi Physconis. Dissentit Valesius noster, pluribusque eam sententiam refellit ^o.

IX. Sunt nonnulli qui hanc Græcam Bibliorum Interpretationem existiment non Primam omnium fuisse: in his Clemens Alexandrinus ^p, qui Pentateuchi saltem translationem ante Alexandrum Magnum, jam tempore Manassæ Regis Juda conscriptam asseverat, ejusque inde cognitionem ad Græcos sapientes pervenisse, Pythagoram, Platonem, & reliquos: unde à Numenio Pythagorico Plato dictus sit Moses Ἀρχιλόγος, Atticè loquens: Qua in sententia sunt Genebrardus ^q, & Serarius ^r. Verior tamen videtur contraria opinio Baronii ^s, & Vittakeri ^t, ad Ptolemæi tempora Primam in Græcum sermonem versionem referentium. Si enim ante Ptolemæum Philadelphum Græca extitisset eorum librorum versio, nihil fuisset causæ, cur is tantâ sollicitudine de novâ instituenda laboraret. Græci autem Philosophi Mosaicam sapientiam, non minùs ex colloquio cum eruditioribus Judæorum in Ægypto degentium, ac Græcæ linguæ peritorum, aut ex Hebræici sermonis cognitione ab ipsis accepta, quàm ex aliqua Græca versione haurire potuerunt.

X. Verùm hanc Translationem, quæ sub nomine LXX. Interpretum ad nos pervenit, puram omnino non esse, sed aliis permixtam, maximè Theodotionis, docent post D. Hieronymum ^u, Bellarminus ^x, Baronius ^y, Serarius ^z, & Joannes Mariana ^a, qui rem exemplis confirmant, petitis ex *Psalm. 44. vers. 11. & Psalm. 75. vers. 9.* aliisque locis permultis. Certè vitiosam esse editionem, quam præ manibus habemus, cum alia multa suadent, tum illud *Jonæ cap. 3. vers. 4. Adhuc quadraginta dies, & Ninive subvertetur*: in ea quippe versione legitur *adhuc tres dies*, contra Hebræicam & Chaldaicam fidem, & contra auctoritatem tum Latinæ editionis vulgatæ, tum etiam Justinii martyris ^b. Et verò in emendationibus Græcis Codicibus scriptum fuisse *adhuc quadra-*

ⁿ Lib. 1. exercit.
^{8.} cap. 3.

8. Sententia
Usseri de dua-
bus versionibus
Lxx.

^o In diatr. ad
calcem Euseb.
Hæstor.

9. An hac ver-
sio prima om-
nium fuerit.

^p Lib. 1. Itom.

^q Lib. 2. Chron.
^r In prolog. Bibl.
cap. 1.

^s Tom. 1. Annot.

^t Controvers. 21.

^u q. 2. c. 3.

10. An ad nos
pura pervenerit
versio Lxx.

^u Præfat. in lib.
Paralip. & Esdræ,
atque alibi præ-
fertim. in ep. ad
ad Simiam, ac
lib. de optimo ge-
nere interpretandi.

^x Lib. 1. de
Verbo Dei c. 6.

^y In Apparatu
num. 99.

^z q. 21. c. 18.

Prolegom. Bibl.

^a In Apolog.

pro Vulg. edit.

cap. 23

^b In Dialog.
cont. Tryphon.

ginta tres dies; verum errore librarii omisso numero quadragenario, ternarium tantum appositum esse observat Theodoretus^c, itemque S. Augustinus^d. Depravatos sanè Codices Græcos esse Morinus ostendit^e; sed cum variaz sint editiones Translationis Septuaginta, earum proculdubio emendatissima est Romana, quam Sixtus V. curavit: uti demonstrat idem Morinus^f. De hac porro versione, præter jam laudatos scripsere Vossius, & Seldenus.

^c In exam. hujus loci.

^d Lib. 18. de Civ. Dei c. 44.

^e Lib. 1. exercit. 2.

^f Exercit. 9.

CAPUT XXII.

De Novi Testamenti Græco Textu, deque Scripturæ Latinis Editionibus in univèrsam.

1. *Græci novi fæderis Codices alicubi depravati,*

^a Lib. 2. de Verbo Dei c. 7.

^b Lib. 5. in Marcionem.

2. *Bibliorum versiones Latina olim innúmeræ,*

^c Lib. 2. de doctr. Christ. c. 11.

^d Præfat. in Josuè.

3. *Præcipua Italæ.*

^e In cap. 14. & 49. Isaïæ.

^f Præfat. in lib. Moral. cap. 5.

I. **N**OVUM Testamentum, licèt Græcè ferè scriptum sit, agnoscunt tamen Doctores, atque adductis aliquot exemplis probant Græcos Codices non esse usquequaque incorruptos. Bellarminus^a inter cætera exempla adducit illud 1. *ad Corinth. cap. 15.* ubi legendum est proculdubio, quemadmodum fert Latina editio *primus homo de terra terrenus; secundus homo de cælo celestis*, Græci tamen constanter legunt, *ὁ Ἀδὰμ ὁ ἀρχαῖος ἦν ἐκ τῆς γῆς, ὁ δεύτερος ὁ ἐκ τῆς οὐρανῆς*, *Secundus homo Domini è cælo*: quæ depravatio ex Marcionis corruptione remansit, ut indicat Tertullianus^b.

II. Latinas sacræ Scripturæ editiones proprè innumeras olim fuisse testantur B. Augustinus^c, & B. Hieronymus^d. *Qui ex Hebræâ linguâ*, inquit ille, *sacras Scripturas in Græcum verterunt, numerari possunt; Latini autem nullo modo: ut enim cuique primis fidei temporibus, in manus venit Codex Græcus, & aliquantulum facultatis sibi met utriusque lingua habere videbatur, ausus est interpretari.* Hujus autem hæc sunt verba. *Apud Latinos tot sunt exemplaria, quot Codices: cum unusquisque pro arbitrio, vel addiderit, vel subtraxerit, quod ei visum est.*

III. Attamen iidem Patres, tum Augustinus, tum Hieronymus^e, & cum illis Gregorius^f, docent *Vulgatam* veterem, quam *Italæ* vocant, magis communem fuisse ac cæteris anteponendam; utpote quæ, ut loquitur Augustinus, *verborum tenacior sit, cum perspicuitate sententia.* *Vulgatam* certè

certaine versionem trecentis ferè in locis ex Evangeliorum & Actuum Apostolorum codice Græco admirandæ vetustatis confirmari ostendit Joan. Morinus 8. Quia tamen Librarium errore, ac temeritate menda non pauca in eam irreperant, D. Hieronymus ei admovendam manum putavit. Et Novum quidem Testamentum ex Græco emendavit, ut ipse profiretur^h: Vetus autem Testamentum bis transtulit in Latinam linguam: primò ex Græca versione Septuaginta; quemadmodum intelligi potest ex libro ejus contra Rufinum, & præfatione in Job atque ex Epistola 10. S. Augustini. Deinde iterum ex Hebræo, ut ipsemet restatur extremo de Viris illustribus libro, & in præfationibus suis singulorum librorum, quos Latinos fecit. Eaque interpretatio studio Damasi, ac sequentium Pontificum, in Occidentali Ecclesia recepta est, & meritò reliquis anteposita ex Isidoro Hispalensiⁱ; qui jam suo tempore omnes Ecclesias eâ versione usas esse testatur, quòd *veracior esset in sententiis, & clarior in verbis.*

^g Lib. 1. de Hebræi Græque text. sincer. exercit. 2. cap. 3.

^h Ep. 89. quæ est inter epistolas August. 7.

ⁱ Lib. 6. etymolog. cap. 3. & lib. 1. de off. Eccles. cap. 12.

C A P U T XXIII.

De Vulgata Editione speciatim, ejusque Autoritate.

I. **V**ULGATAM sacræ Scripturæ Editionem, quam nunc habemus à sancta Ecclesia Catholica approbatam, & quam Tridentina Synodus^a authenticam pronunciavit, ex S. Hieronymi interpretatione maximam partem esse, Augustini Eugubini, Joannis Pici Mirandulani, Bellarmini, doctissimorumque aliorum virorum communis sententia est. Eam tamen Sanctes Pagninus, aliique nonnulli ex prisca, & Hieronymiana mixram contendunt.

II. Psalterium quidem Edirionis Vulgatæ aliud est haud dubiè ab eo quod D. Hieronymus ex Hebræo transtulit, & quod inter ejus opera habetur, à vulgari non parum diversum, seu sensum spectes, seu verba; sed illud esse putant quod ex Edirione Græca S. Luciani martyris, versum ab ignoto autore, Hieronymus emendavit. Hoc enim, ut Ecclesiasticis viris jam familiare, & in sacro officio, cantuque per Occidentis Ecclesias dudum receptum, retinere satius est visum, ipsi etiam Hieronymo.

1. *Vulgata magnam partem esse ex D. Hieronymi interpretatione.*

^a Sess. 4.

2. *Psalterii versio vulgata est ab ignoto autore.*

3. *Sapientia & aliorum librorum versionem ab Hieronymo esse probabile videtur.*

b Lib. 2. de verbo Dei cap. 9.

c In prolog Galat. & præfat. lib. pro sub.

4. *Hujus editionis autoritas.*

d De Ecclesiast. dogmat. lib. 2. c. 1.

e In Dialog. Apologetici pro vulgata editione.

f In Concil. Trid. cap. 3.

g Lib. 2. de locis Theolog. c. 15.

h Lib. 2. de verbo Dei cap. 10. & sequent.

i Exerc. Biblic. lib. 1. exerc. 2. cap. 3.

l In mari Rabbinico parte 2. c. 1.

III. De Libris *Sapientia, Ecclesiastici, & Machabæorum* dubitant eruditi, an & ipsi sint ex Hieronymi versione, atque in his Bellarminus^b, duabus porissimum de causis, quod scilicet ipse Hieronymus^c, eos libros inter apocryphos ab Hebræis censerî fateatur; & quia præterea nullæ extant ipsius in hos libros præfariunculæ, quales tamen in Epistola ad Augustinum singulis libris à se translatis se apposuisse affirmat. Verùm dici potest, alios quoque rejectos ab Hebræis libros, ut Tobia, Esther, Judith, ab Hieronymo versos esse. Præfationes autem, iis dumtaxat libris appositas, quos ex Hebræo transtulerit, non iis quos emendavit ex Græco; in quorum numero hi sunt habendi. His ac similibus rationibus permoti Liranus, Dionysius Carthusianus, Ximenius, Arias Montanus hos quoque libros ex Hieronymi interpretatione ad nos venisse existimant.

IV. Hujus autem *Vulgatæ* Editionis quanta sit autoritas docent Joannes Driedo^d, Franciscus Titelmannus^e, Andreas Vega^f, Melchior Canus^g, aliique, Bellarminus præsertim^h: qui ostendunt in ea nihil omnino fidei aut moribus Christianis repugnans reperiri, omniaque ad salutem necessaria abundè tradi. Denique quoties illa ab Hebræa Græcæ editionibus discedit, ita ut in concordiam cum iis adduci nequeat, illas plerumque ex hac potius corrigendas esse, quàm hanc ex illis.

Hæc quantum ad Novum præsertim Testamentum plenè confirmat Joannes Morinus superiori capite laudatusⁱ. Porro admodum notatu dignum est quod advertit Vir. Cl. Claudius Capellanus Doctor ac Socius Sorbonicus, & nunc dignissimus sacrarum Literarum post Flavignium Professor Regius^l, causam præcipuam cur Buxtorfius Ludovico Capello veterum diversas ab hodierno textu Hebræico lectiones in sacris Scripturis demonstranti, Anticriticam suam opposuerit, hanc fuisse, quod nihil ea demonstratione validius esse pervideret ad asserendam atque omnino comprobendam Vulgaræ Versionis autoritatem; persuasumque haberet, admissis Capelli argumentis nullum in posterum superesse, Vulgaræ nostram (convincendis hæreticorum erroribus imprimis idoneam, atque ideo sibi caterisque heterodoxis tantopere exosam) rejiciendi locum: sed eam à cunctis pro Authenticæ, secundum Tridentinæ Synodi Decretum, prorsus esse

admittendam. Ac ne quis de hac Buxtorfii confessione dubitare possit, proferuntur hic ipsa ejus verba eam in rem scripta; quæ sanè valdè notanda sunt. *Sed hoc observet Lector,* inquit Buxtorfius, *nullum unquam majorem patronum fuisse Vulgata Versionis, & qui fortius argumentum suppeditaverit ad ejus authenticam astruendam, quàm malè sanus iste Criticus (Capellum intelligit.) Quòd si enim semel admittatur, ubi Interpres ille aliter tulit quàm Hebræa sonans, & aliqua mutatio, vel additio, vel detractio deprehenditur, neque librarii aliquod vitium intervenit, ibi non vitium esse ab interprete, sed ex varia lectione Codicis Hebræi quo usus est, speciosus habetur prætextus omnes ejus errores non solum excusandi, & Codici illi Hebræico imputandi; sed & authenticos faciendi, utpote qui ex Codice Hebræo sunt orti & profecti; & sic vicerunt illi, qui statuunt nullos esse in ea errores Interpretis. Qui de Tridentini Concilii autoritate, pro stabilienda Authentica Vulgata Versionis gloriantur, jactabunt se vicisse; & non sine causa hanc dignitatem illi attributam esse; quippe qua accuratè ad Codicis Hebræi Archetypum, quo scilicet iste Interpres usus est, sit confecta. Preferendum dicent Codicem illum Hebræicum quo usus est vulgatus Interpres, Codicibus nostris, qui Judaici, Rabbinici, Massoræstici vulgò à Critico audiunt, hoc est corrupti, depravati, mutati, & mutilati fuerunt. Hactenus ex Pontificiis ipsis, qui ad Codicem nostrum Hebræum exegerunt & exigendam judicaverunt Vulgatam Versionem, sicubi ab eo deflexit; illi jam vel sponte deserens hanc sententiam, & agnoscent Hebræum textum aque ex Vulgata Versione, aut fortè multò magis, esse corrigendum, aut ni ultro id fecerint, ab aliis explodentur.*

Hæc Buxtorfio extorsit vis veritatis; ex quibus revera ipsorum adversariorum judicio confici apparet, quod antea indicavimus, Vulgatam reliquis editionibus saltem non esse inferiorem.

CAPUT XXIV.

De Recentiorum Versionibus.

I. RECENTIORES interpretationes Latinæ Catholicarum ex Hebræo plures sunt: in iis eminent editiones Santis Pagnini, Benedicti Ariæ Montani, Francisci Vatabli, Tigurina, & Isidori Clari.

O ij

1. Enumerantur præcipue Versiones ab orthodoxis compositæ.

2. *Santis Pagnini.*

I I. *Santes Pagninus* Lucensis, Ordinis Prædicatorum, Vetus Testamentum ex Hebræo, Novum ex Græco de verbo ad verbum transtulit, circa annum Christi 1530. & opus suum Clementi VII. Pontifici dicavit.

3. *Ben. Arias Montani.*

II I. Verùm quoniam non omnia exactè ab eo translata videbantur, *Benedictus Arias Montanus* Hispalensis, adhibitis variis ejus editionibus, partim ex ipsius Interpretatione, partim ex diligenti Hebræicæ locutionis observatione, novam quodammodo confecit, quæ Hebræicis Græcisque vocibus Latinas interlineares superponit, & quæ ab ipso immutata fuerant, ab iis quæ Pagnini erant, diverso charactere distinguit.

4. *Francisci Vatabli.*

IV. Alteram Interpretationem eodem ferè tempore Parisiis edidit, vel dictavit potiùs, Regius Linguae Sanctæ Professor *Franciscus Vatablus* ex Hebræo & Græco; quam & scholiis locupletavit, ex Rabbiorum maximè penu depromptis. Sed cùm ea non paucis erroribus à Roberto Stephano Typographo aspersa diceretur, Catholicorum Theologorum diligentia & pietate, in Hispania purgata est, ac Salmanticæ anno 1584. correctius edita.

5. *Tigurina.*

V. Tigurina sic dicta est quod Clero Tigurino in Helvetia dicata fuerit, à Leone ejus urbis Præsule primùm suscepta, deinde à Theodoro *Bibliandro* & *Conrado Pellicano*, quod attinet ad Vetus Testamentum; ab Erasmo quantum ad Novum, adjunctis ab eorum unoquoque annotationibus, perfecta.

6. *Cholini & Galterii in vetus Testamentum.*

VI. Novum deinde Testamentum *Petrus Cholinus*, & *Robertus Galterius* cum veritate Græca contulerunt, & mendis expurgarunt: sed hæc Versio, nonnisi editionis primæ, à Catholicis probatur; posteriores ab hæreticis corruptæ sunt.

7. *Isidori Clavii.*

VII. *Isidorus Clavius* Brixienfis, ex Cassinensi Monacho Fulginensis Episcopus, aliam adornavit, quæ cum ejusdem annotationibus Venetiis apud Juntas prodiiit, & à viris doctis plurimi fit.

8. *Regula in his servanda.*

VIII. Quantum ad has privatorum Translationes servanda est hæc Regula, ut admittantur ad majorem Vulgatæ Textuum Hebræici, & Græci, veterumque Versionum dilucidationem, non ut quidquam ipsis detrahere possint.

IX. Heterodoxorum recentiorum Latinæ Versiones multæ prodierunt : in pretio apud suos sunt imprimis, tum quam Franciscus Junius & Emmanuel Tremellius concinnarunt, tanquam quæ ad fidem textus Hebræici maximè accedant : tum quam elaboravit Castalio, tanquam purissimæ Latinitatis.

9. *Heterodoxorum versiones.*

X. Nec minori numero sunt quæ Vulgaribus Linguis circumferuntur, in quibus id à Catholicis Prælati observari solet, ut earum Versionum lectionem iis permittant, qui ex ea non damnum, sed fidei ac pietatis augmentum capere possunt. Cur autem non omnibus passim ab Ecclesia Romana concedatur ipsarum usus, causam non unam tradit Belarminus lib. 2. de Verbo Dei ⁱ. Inter Gallicas Lovaniensem probabant Patres nostri : nunc elucubrata à Viro Cl. Isaaco Magistro, aliàs de Sassy, elegantix palmam haud dubiè apud eruditos feret.

10. *De Vulgaribus tenenda regula.*

ⁱ Cap. 15. & 26.

CAPUT XXV.

De variis Veteris Testamenti Versionibus & Paraphrasis Chaldaicis, Syriacis, Arabicis.

I. **U**Niversa Scriptura sacra ex Hebræo sermone in Chaldaicum Paraphrasticè versà est, ut post alios fusè tradit Franciscus Lucas Brugensis ^a. Pentateuchum, itemque Prophetas priores, Josuè, Judicum, Regumque libros transtulit Rabbi Aquila, seu potius Onkelos, qui à Judæis vixisse dicitur paulò post Christum. Posteriores autem Prophetas Rabbi Jonathan filius Urielis, quem in Synagoga veteri ante Christum natum floruisse volunt : Hagiographa, id est Psalmos, Job, Ruth, Esther, & Salomonis opera, vertit Josephus cæcus, ex magis recepta opinione : Historicos Anonymus. Hæ Paraphrasticæ translationes vulgo *Targumin*, id est *Interpretationes* dictæ ; quia apud Hebræos magnæ sunt autoritatis, & Judæis convincendis inservire possunt, nobis quoque utiles sunt. Cæterùm ab Ecclesia non tanti sunt, ut ex iis irrefragabile aliquod argumentum inter Christianos duci possit. Et sanè si Pentateuchi Paraphrasin excipias, Judaicis fabulis, & Talmudistarum nugis pleræque aspersæ, alicubi contrarium, sæpè diversum longè & ab Hebræo

1. *Chaldaicis Paraphrases seu Targumin quæ scripserint.*

^a In tractat. de Chaldaicis Script. paraphras.

textu, & à Græcis Latinisque Versionibus sensum exhibent. Pentateuchi quidem plures extant hujusmodi Paraphrasæ etiam Jonathanis, & Hierosolymitana: verùm ea prævalet quam *Onkelos* composuit, quæque absolutè Paraphrasæos Chaldaicæ in Pentateuchum nomen meruit.

2. *Ha Para-*
phrasæ post
Christum com-
positæ, & Tal-
mudæ ac Misnæ
posteriores.

b Lib. 2. exercit.

8. cap. 2.

c Exercit. 6. c. 2.

d Exercit. 8. c. 3.

e Cap. 5. exerc.

8. lib. 2.

3. *Talmud*
quid & quoru-
plex.

4. *Talmud Ba-*
bylonicum.

f Lib. 2. exercit.

6. c. 4. & 5.

g Lib. 2. exercit.

7. cap. 1.

5. *Talmud*
Hierosolymita-
num.

b Lib. 2. exercit.

7. cap. 2.

6 *De Para-*
phrasæ Chalda-
icæ Onkelos.

II. Sed Jonathanis Paraphrasim in Legem ætâ Christianâ, & quidem pluribus seculis posteriorem, vel ex eo imptimis demonstrat Morinus ^b, quod *Misnâ* meminerit, sive *Misnaioth*, libri nimirum in quo Judæorum omnes *Traditiones* continentur, & quem fatentur ipsi non nisi ducentis post Jesum natum annis compositum; Morinus in Justiniani tempora rejicit ^c. Præterea Constantinopolim memorat, & Turcas, quæ nomina tardius, vel nata, vel cognita. Idem Motinus ^d novitatem Paraphrasæos Jonathanis in Prophetas priores & posteriores, multis argumentis probat: & Paraphrasim Chaldaicam in Hagiographa recentiore adhuc, & post Talmud natam demonstrat ^e; utpote quæ ejus non semel meminerit.

III. Talmud autem *Misnâ* recentius necessariò est; cum nihil aliud sit quàm glossa amplissima, sive Commentarius in *Misnaioth*, quod Judæorum jus universum, tam civile, quàm sacrum, eorumque omnem Theologiam complectitur.

IV. Porro *Talmud* duplex est, Babylonicum & Hierosolymitanum: illud anno circiter 420. aut etiam 240. ut volunt, inchoatum, atque ob Persarum cum Arabibus bella interruptum, anno demum Christi 707. perfectum fuisse evidenter conficit Morinus sæpius laudatus ^f. Ex ejus in publicum editione ortum schisma Judæos in duas sectas divisit, *Rabanistarum* Talmudi, & *Karaitarum* Scripturæ inhærentium ^g.

V. Antiquius paulò fuit *Talmud Hierosolymitanum* quod Rabbi Jochanan, dialecto ex diversis linguis constat, composuit circa annum Christi 370. si R. Senitæ, vel 372. si Mosis Ægyptii calculum sequamur; non ante 600. si audiamus Motinum, id ex propriis locorum & nationum nominibus in eo memoratis conjicientem, Burgi nempe, Carthagenæ, Turcarum ^h.

VI. Quod attinet ad aliam Paraphrasim Chaldaicam, quæ auctori *Onkelos* assignatur, quæque pressius sacrum textum, sine fabularum admixta farragine, interpretatur; ejus Scriptori,

quem profelytum fuisse constat, miram nobilitatem affingunt Judæi; aded ut Titi Imperatoris filium pronunciare non dubitent. Alii sororis ejusdem nepotem dicunt, quem & cum Aquila Pontico antiquissimo Interprete Græco confundunt. Reverà tamen longè diversi, & tempore & linguâ fuerunt: nec hujus Onkelos mentio, nisi apud Talmudistas, post Talmud scilicet Babylonicum, occurrit.

VII. Paraphrastes quoque Hierosolymitanus (cujus & nomen & tempus ipsis Judæis incognita sunt) certa Legis loca illustrare conatur. Is vix ante annum Christi 600. scripisse videtur, cum non modò *Francorum*, sed *Turcarum* quoque nominibus utatur, ut ratiocinatur Morinus i sæpè dictus. Inter utrumque Targum discrimen non mediocre agnoscit Elias Levita, quòd Hierosolymitanum ex pluribus linguis, Babylonicâ, Græcâ, Romanâ & Persicâ sit compositum; quæ linguarum varietas non apparet in Targum Babylónico.

VII. Syriaca verò totius fere Veteris Testamenti Versio, ut & Arabica, cum Latina Gabrielis Sionitæ translatione, extat in magna Bibliorum editione Parisiensi, quam Guido Michaël le Jay maximâ curâ, & impensâ verè regiâ adornavit. Ejus Paraphrasis antiquitatem commendat idem Sionita in Epistola ad Lectorem præfixa libro Psalmorum, hac lingua ab eo Parisiis edito. Affirmat enim ex antiquissimo libro Soadedi Episcopi Habethensis, veteri charactere, in membranis exarato, sacrorum voluminum eam translationem, quantum ad Pentateuchum, Josuë, Judices, Ruth, Samuel, David, Proverbia, Ecclesiasten, Canticum Cantorum, & Job, scriptam esse tempore Salomonis, precibus Hiram Regis Tyrii. Reliquos verò libros Veteris pariter ac Novi Testamenti tempore Abagari Regis Syriæ, curâ Thadæi aliorumque Apostolorum, in Syriacum sermonem translatos. Qua de re, licet dubitari jure possit, atque imprimis de priori parte, id tamen confirmare nritur ex eo quod B. Paulus, usus videatur hac Syriacâ versione, cum Davidem Psalmo 68. citans, ita ejus verba refert, *ascendens in altum captivum duxit captivitatem, dedit dona hominibus*¹. Nam is versus in cæterarum linguarum editionibus, Hebræa scilicet, ac Latina, habet, *Accepisti dona in hominibus*. Sola autem Syriaca versio eum sensum exhibet, *dedisti dona hominibus*. Verùm alii, nec ita forsân immeritò, eundem

7. De Paraphrasi Hierosolymitana.

i Exercit. 8. c. 6.

8. De versione Syriacâ & Arabica.

¹ Ep. ad Ephes. cap. 4.

sensum textui Hebræico tribuunt, ubi vertunt, *accepisti dona pro hominibus*; non autem *accepisti dona in hominibus*. Ut ut sit, hæ Versiones non exigui momenti sunt habendæ, cum antiquas esse constet, nec raro etiam Vulgatæ sensum exprimant, & sic eam confirmant.

CAPUT XXVI.

De Sacra Scriptura variis Sensibus, ejusque interpretanda Regulis.

1. *Sensus Scripturæ duplex in genere, Literalis & Mysticus.*

^a Ezechiel. c. 2.
^b Apocal. c. 5.

2. *Sensus Mystici triplex, Allegoricus, Tropologicus, Anagogicus.*

^c 1. parte, qu. 1.

^d In præmio postillæ.

I. **S**ENSUS Scripturæ sacre ex communi Catholicorum sententiâ duplex est in genere, *Literalis* sive historicus, & *Spiritualis*, sive *mysticus*: qui duo sensus exprimi purantur per Librum scriptum intus & foris apud Ezechielem^a & Joannem^b, ita ut exterior scriptura Literam indicet, interior Mysteriorum.

II. Mysticum deinde Sensum triplicem adhuc faciunt B. Thomas^c, Nicolaus Liranus^d, ac reliqui Doctores, *Allegoricum*, *Tropologicum*, & *Anagogicum*. *Allegoricus* ad ea refertur, quæ in novâ lege credenda proponuntur: à Græcâ voce ἀλληγορία, quæ *inversionem* significat, quâ aliud verbis exprimitur, aliud sensu intelligitur. *Tropologicus* sive *Moralis* (ἠθικός enim Græcè *Mores* significat) ad ea quæ sunt agenda pertinet. *Anagogicus* verò refertur ad ea quæ speramus, seu ad æternam alterius vitæ felicitatem: deducto nomine à Græcâ etiam voce ἀναγωγή, quæ excelsam, sive sublimem intelligentiam, & erectionem animi ad sublimia denotat, atque apud priscum sub Dionysii nomine Scriptorem, pro recondito oraculorum sensu accipitur, æquè ac θεωρία. Hi tres Sensus unâ cum Literali hoc vulgari Disticho indicantur.

*Litera gesta docet, quid credas Allegoria,
Moralis quid agas, quò tendas Anagogia.*

^e Lib. de tropis
sacra Script.

f Cap. 51.

Exemplum Bedæ^e profert in voce **HIERUSALEM**, quæ ad Literam significat Judææ *Civitatem*, secundum Sensum Moralem sumitur pro *Animâ* fideli, ut apud Isaiam^f, *excutere de pulvere, surge, sede Hierusalem, solve vincula collisui, captiva filia Sion*: In sensu Allegorico pro *Ecclesia* militante

cante accipitur, ut apud Joannem 8, *Et ego Ioannes vidi sanctam civitatem Hierusalem novam descendentem de celo, à Deo paratam, sicut sponsam ornatam viro suo: secundum Analogiam pro Ecclesia triumphante.* De hac sanè sic loquitur Paulus^b, *Illam autem quæ sursum est Hierusalem libera est, quæ est mater nostra.*

III. Beatus quidem Hieronymusⁱ triplicem omnino facit sensum, *Historicum, Tropologicum, & Spiritualem*: sed ex ejus mente *Spiritalis* allegoricum simul & anagogicum complectitur, à morali verò distinguitur.

IV. Ita sanctus quoque Augustinus^k, *Historiam, Allegoriam, Analogiam, & Ætiologiam* ponit pro variis Scripturæ interpretandæ modis. Verum non re, sed verbis tantum à recentioribus discrepat. Allegoriæ quippe nomine sensus *Spiritalis* tria genera comprehendit: *Historiam, Ætiologiam, & Analogiam* ad sensum *Literalem* refert, cujus *Ætiologia* causas exquirat (*causa enim causa est, sive occasio.*) *Analogia* plura loca Scripturæ inter se comparat, atque ad concordiam reducit. Nam *ἀναλογία* similitudo est, sive proportio; & quam *Stoici* *Analogiam*, Cicero convenientiam appellat.

V. Addunt nonnulli Sensum minùs principalem: eumque *Accommodatum* vocant, quo Scripturæ verba per quandam extensionem ad rem aliam producuntur, & applicantur, quàm facit Scriptor, nec *Historico*, nec *Allegorico* sensu intellexisse videtur, ut cum bella & persecutiones populi Israëlitis, & civitatis Hierosolymitanæ, ac Templi vastationes trahuntur ad persecutiones, quas ab hæreticis & tyrannis passa est Ecclesia; & quæ de Sapientiâ dicta sunt in Libris Salomonis B. Virgini accommodantur. Sed hic Sensus videtur ad *Allegoricum* referri posse.

VI. Observandum autem est ex S. Augustino^l; & S. Thomâ^m, aliisque Doctoribus, multiplicem esse posse sacre Scripturæ sensum, etiam *Literalem*: exempli causâ, illud Psalmi 2. *Ego hodie genui te*; quanquàm intelligitur plerumque de æternâ Verbi divini generatione, explicatur tamen à S. Pauloⁿ de Christi Domini resurrectione.

VII. Ad *Literalem* refertur etiam à sancto Thoma paulò ante citato *Parabolicus*, quo aliud dicitur, aliud per comparisonem quandam intelligitur, ut cum brachium Dei pro

g Apoc. c. 21.

b Cap. 4. ad Galat.

3. *Alia divisio interpretationum sive Sensuum.*
i Epist. 150. ad Heliodor.

4. *Alia ex Augustino.*

k De Genesi ad litteram libr. imperfecti, aliàs de utilitate credendi cap. 2.

5. *Aliàs distinguitur Sensus in Principalem, & minùs principalem.*

6. *Sensus literalis multiplex, & sufficiens.*

l Lib. 3. de doctr. Christi. c. 37.

m Parte 1. q. 1. art. 10.

n Epist. ad Heb. cap. 1.

7. *Ad eum refertur Parabolicus.*

ipſius poteſtate uſurpatur. Verùm, ſive unus ſit, ſive multiplex Literalis ſenſus, certum eſt eum ad explicandum divinum ſermonem, atque ad dogmata fidei confirmanda ſufficere. Nam, ut Hieronymus advertit^o, nunquam Parabolæ & obſcura ænigmatum intelligentia ad probationem dogmatum proficere poteſt.

^o In c. 3. Marth.

8. *Quomodo
litera occidere
dicatur.*

^p 2. ad Cor. 3.

VIII. Quodd verò dicitur ab Apoſtolo *¶*, *Litera occidit, ſpiritus autem vivificat*, quo impii abutuntur ut verbum omne ſcriptum, tanquam mortis cauſam reſpuendum eſſe concludant; idque ſolum pro verbo Dei habendum, quod Spiritus ſanctus in corde cujuſque loquitur: id variè exponitur à Patribus: & ſiquidem per Literam intelligatur Scriptura, Literæ appellatio de iis tantum ſumi debet, quæ figuratè dicta ſunt, quæque ſecundum propriam verborum ſignificationem accipi non poſſunt. Sed quoniam non ea de re agere videtur eo loco Apoſtolus; ſatius erit, ſi ex mente ſancti Joannis Chryſoſtomi, Theodoret, & aliorum, de Lege Veteri id interpretemur, quæ non gravia modò, ſed & sæpè levia capitali ſupplicio puniret; verbi gratià, ſi quis ſabbato ligna collegiſſet q: cum gratia, quæ ibi ſpiritus nomine eo caſu intelligenda erit; etiam ſceleratiſſimos quoſque per Lavacrum Regenerationis, aut per verbum Reconciliationis abſolvat. Vel dicendum potius erit cum S. Auguſtino^r, accipi Literæ vocabulum pto Lege ipſa, quæ ſine gratià impleri non poteſt, & prohibitione concupiſcentiam auget, ut teſtatur idem Paulus^l.

^q Num. 15.

^r De Spiritu &
litera c. 4.

^l Ep. ad Rom.
c. 4. & 7.

9. *Explicanda
rum Scripturæ
difficultatum,
Regule à quibus
preſertim col-
lectæ.*

^s Septem lib.
locution. 55.

^u Lib. de Spiritu
ual. formula.

^x In Hiago
ad ſacr. Litt.

^y In Apparatu
ad ſacr. Biblia
Regia.

^z In lib. Hypo-
topoſeon Theol.

10. *Indicantur
Senſus maximi
generales.*

IX. Ad ſuperandas quæ in legendis Scripturis occurrunt difficultates, certæ regulæ traduntur, collectæ partim à ſanctis Patribus, ut à B. Auguſtino^t, & Eucherio Lugdunenſi Epifcopo^u; partim à recentioribus; in quibus præcipui Franciſcus Ruiſius Hispanus Monachus, Santes Pagninus Lucenſis Otdinis Prædicatorum^x, Benediſtus Atias Montanus^y, & Martinus Martinez^z.

X. Hac in re præter virtutum Chriſtianarum fundamenta, vimque enixæ ac frequentis ad Deum orationis, quâ unâ creditur S. Thomas ad ſacræ ſcientiæ culmen eveſtus: Hæ ſunt præcipuæ regulæ obſervandæ.

10. Non omnes illi quatuor Senſus, de quibus locuti ſumus, in ſingulis Scripturæ locis inveſtigandi ſunt; ſed in multis Literalis dumtaxat inſpiciendus, quod obſervarunt

SS. Augustinus^a, Thomas^b, aliique. Plurima enim loca occurrunt quæ mysticè explicari non debent, ut Præcepta charitatis, Juris Naturalis principia, adhortationes ad virtutem, in quibus Spiritualis sensus ab Historico non differt.

Deinde perpendendum est an voces, quas legimus, & de quibus dubitatio incidit, sumi possint ac debeant in propriâ significatione, an secundum metaphoricam & figuratam locutionem. Licet enim quantum fieri potest, propria significatio servanda sit, & ex sententiâ B. Basilii^c, quoties fœnum audimus, fœnum sit intelligendum: sæpè tamen is sensus est, quem figurata significatio ostendit. Unde quæ figuratè dicuntur, non prout verba sonant, accipienda sunt, & secundum Literam: sed eo sensu quem in illâ figuratâ locutione reddunt. Quemadmodum ergo ubicumque congruus sensus ex proprietate verborum elici potest, cum sequi oportet: ita cavendum est ne, quod figuratè in Scripturâ dicitur, juxta literæ proprietatem, perperam sumatur. Quapropter Origenes haud dubiè lapsus est, cum quæ de Paradiso secundum literam propriè dicuntur, ad mysticos sensus detorsit; & Lactantius aliique cum annos quibus regnaturi cum Christo Sancti dicuntur super terram, quod figuratè accipiendum est, secundum literam interpretatur. Figurata autem significatio, in visionibus Danielis maximè, cæterorumque Prophetarum, in Parabolis Salomonis, in Cantico Canticorum, in Libro Apocalypsis, ut plurimum accipi debet: imò & alibi non rarò: exempli causâ, ubicumque Deo membra & affectus humani tribuuntur; & ubicumque ex propriâ significatione apertè falsum quid, aut absurdum, rationive contrarium sequitur: ut in illis verbis Christi de Joanne Baptista^d, ipse est Elias. Indè S. Augustinus^e sic concludit; *Quicquid in sermone divino neque ad modum honestum, id est, ad diligendum Deum, vel proximum, neque ad fidei veritatem propriè referri potest, figuras esse cognosces. Quod si perspicuè dicitur, non est ad aliud referendum, quasi figuratè dictum.* Observanda igitur sunt schemata, seu figuratæ, ac tropicæ loquendi formæ, quia ut observat, sive Beda, sive Cassiodorus^f, in Scripturis sacris causâ decoris, aliter quàm vulgaris via docendi habet, figuratus ordo verborum soles inveniri.

Illud imprimis omnino tenendum, ut quoties de iis agi-

^a 17. de Civic. Dei.

^b Quodlibet. 7.

^c In Hexamer. homil. 9.

^d Matth. 11.

^e Lib. 3. de doct. Christ. c. 3.

^f In præf. de tropis SS.

g 2. ad Cor. 10.
5.

tur quæ ad fidem spectant, id in sacris Literis interpretandis sequamur, quod ab Apostolis traditum Catholica à primis usque seculis Ecclesia docuit. Inhærere quippe Apostoli doctrinæ oportet quotquot Christi nomine gloriamur, & ex ejus mente, *in captivitatem redigere intellectum in obsequium Christi*, tunc etiam cum ejusmodi proponuntur articuli, qui rationi repugnare videntur & à naturæ ordine omnino recedunt: sed à Deo cui nihil impossibile, revelata pro certissimis habenda sunt. Quæ in re excusationem non merentur qui verba Christi Eucharistiæ Sacramentum instituentis, pro modulo mentis humanæ metiuntur; & per metaphoram dicta volunt, quæ prout sonant, accipi debent; figuram tantum corporis & sanguinis Domini pro vero corpore & sanguine, contra indubitam & ab Apostolorum temporibus per undecim ferme secula ubique sine controversia receptam Ecclesiæ fidem, obtrudentes: quorum si fuit rationes valerent, ex consequentibus ductæ quæ ipsi absurda putant, iisdem aut non disparibus argumentis æquè subvereri possent Sanctissimæ Trinitatis & Incarnationis mysteria.

Tertiò advertendum est Scriptores sacros, ac præsertim Prophetas, sæpe uti mutatione temporum, personarum, numeri, affectuum: quoniam Spiritu sancto afflati, modò animum convertebant ad præterita, modò ad futura aut præsentia; modò ad Deum, modò ad creaturas, easque diversas. Quamobrem ad percipiendam eorum mentem, non semper, etiam in eodem capite, aut Psalmo, ad easdem res ac personas, aut ad eadem tempora cogitatio dirigenda est.

h De veri Re.
lig. c. 34.

Quartò diligenter præterea notandæ sunt phrasæ seu idiosyncrasi Hebrææ linguæ, quæ scripta est veteris Testamenti pars longè maxima: itemque manifesta Hebræici sermonis etiam in Græco novi Fœderis textu vestigia. Etenim teste Augustino *h*, *Habet omnis lingua sua propria genera locutionum, quæ cum in aliam linguam transferuntur, videntur absurda*. Sic Hebræi loquendi formas à nostris alienas usurpant.

1^o. Sæpe cum duo Substantiva conjunctim ponuntur, alterum vim habet Adjectivi, ut *ignis & sulfur*, pro igne sulfureo; *facite justitiam & judicium*, id est, justum judicium.

2^o. Idem accidit cum duorum Substantivorum unum in recto seu nominandi casu, alterum in obliquo ponitur, sive in generandi casu sine propositione, sive adjecta præpositione.

Ita *Vir desideriorum*, est homo admodum desideratus, vel plenus desiderii; *Urbs sanctitatis*, est urbs sancta, nempe Hierusalem; *Spiritus sanctificationis*, similiter pro spiritu sanctificante sumitur; *Deus iustitia mea*, idem aliis est ac nostro loquendi more, Deus meus iustus. Dicunt & *beatitudines viri*, pro viro beato: sic *homo pacis mea*, idem est ac homo qui mecum pacificè vivit, aut aliàs vivebat. *Honor Regis*, pro Rege honorato: & apud Paulum *datur sermo sapientia*, id est sermo sapiens: & *Spiritus promissionis* pro Spiritu promisso. Idem *liberari cupit à corpore mortis huius*, id est ab hoc corpore mortali. Quin & *Circumcisionis* nomine Judæos, nomine præputii Gentiles designat. In hanc quoque sententiam dicitur *filius doloris*, vel *lacrymarum* pro summo opere mæsto ac lugente; *filius perditionis* pro homine valde perduto, vel ad perdendos alios nato. Cum præpositione autem Substantivum pro Adjectivo est, in his loquendi formis, *custodia in nocte* pro custodia nocturna; *aper de Sylva* pro apro sylvestri.

Nomen quoque Substantivum cum præpositione, pro adverbio usurpant: *in latitudine*, id est latè; largiter, amplè: *in festinatione*, id est festinanter, properè, quod nos quoque dixerimus *cum festinatione*.

Præterea, cum comparativo, & superlativo gradu careat Hebræicus sermo, pluribus modis excellentiam rerum & præstantiam significant. Comparisonem exprimunt per Positivum, vel interjecta præpositione, *super*, ut *bonum mihi lex oris tuæ super millia auri & argenti*: vel sine præpositione subiecta particula quàm, ut *bonum est confidere in Domino, quàm confidere in homine*: & apud Matthæum, *bonum tibi est cum uno oculo in vitam intrare, quàm duos oculos habens emitti in gehennam*. Superlativum supplet nominis ejusdem repetitio in genitivo, ut *cælum cæli*, vel *cæli cælorum* pro summo cælo, quale creditur Empyreum. *Canticum Canticorum* pro excellenti Cantico, five poemate: nili velis plurium Canticorum syntagma denotari. Eodém pertinet quòd sublimia quæque Deo attribuantur, ut cum dicunt *montes Dei*, & *cedros Dei*, pro celsissimis montibus, aut arboribus: *Primogenitum* quoque appellant quidquid in suo genere excellit; ut *primogenitum ponam illud*, quæ verba explicantur per sequentia illa, *excelsum præ Regibus terra*. Sed & in malam partem sumitur nonnunquam *Primogenitum*, pro eo quod est in suo genere pessimum.

Adipem quoque & pinguedinem designandæ bonitati atque excellentiæ adhibent, ut quid pro optimo commendent: Sic pinguedinem terra dicunt, & in illo psalmographi, sicut adipe & pinguedine repleatur anima mea.

Deinde, quia neutro genere carent Hebræi, sœminum ejus loco in usu habent: ut, *unam petii à Domino hanc requiram*, id est, unum sive rem unam petii: item *hac facta est mihi*, pro hoc mihi contigit.

Illud quoque non omittendum multa nomina extra proprium sensum ad nobis incognitos usus sœpenumerò trahi. V. g. דָּוָר *Davar*, hoc est *Verbum*, non tantum pro sermone dicitur, sed etiam pro re, negotio, facto, casu; ut *verba delictorum meorum*, hoc est res in quibus deliqui; *verba dierum* pro Chronicis quibus continetur narratio rerum gestarum; *donec venires Verbum ejus* (Josephi) id est, quod ipsi destinatum erat; & in Evangelio, *non est impossibile apud Deum omne verbum*, id est, nihil Deo est impossibile. Ita *Porta* pro judicio, & alia hujusmodi sexcenta. Præterea in verbis tempus unum pro alio frequenter usurpant, futurum imprimis loco præsentis, quo carent; ut *Aures habent & non audiunt*, id est, non audiunt; & *cum hominibus non flagellabuntur*; hoc est, non affliguntur sicut cæteri homines.

Quin & modus alius pro alio apud eos in usu est, verbi gratiâ Imperativus pro futuro Indicativi; hoc fac & *vive*, id est *vives*.

Diversum etiam à nobis usurpant verborum regimen: atque ut Arabes plerumque & post eos Hispani, cumque his Vascones, dandi casum Activis attribuunt, qui apud Latinos accusativum postulant: ut apud Psalmographum *in tribulatione dilatasti mihi*, pro ex angustia in laxitatem sive in libertatem eduxisti me. Item *judicare pupillo & inopi*, pro pupillum & inopem judicare; quæ loquendi forma priscis Latinis non incognita fuit: Gallicè non malè reddideris, *faire ou rendre justice au pupille*. Contrà invenies nocentes me, pro eo quod nobis esset nocentes mihi.

Dicunt iidem *animam habere in manibus*, pro eo quod est versari in vitæ discrimine; & *adificare domum*, pro Nuptias contrahere, ac rem familiarem augere: Sic etiam *loqui ad cor* pro consolari.

Sunt & aliæ loquendi formæ circa hominum actiones, habitus, situs, gestus, & affectus corporum atque animorum, quæ proprias significationes habent, & quibus quasi symbolis utuntur, ut sunt *operire caput*, quod erat damnatorum indi-

cium: demittere aut tollere caput, quorum illud est moestitiæ, hoc lætitiæ & gaudii signum. Denique non pauca ex Orientalium moribus interpretari oportet, qui alii ab Occidentalium usu. Sic illa Isaïæ *butyrum & mel comedes*, in literali sensu significant perventurum ad annos maturi iudicii, quo quis discernere incipit bonum à malo: quia non nisi grandioribus jam pueris edendum mel cum butyro porrigitur.

Illud præsertim notandum particulam *כי*, Latine *quia*, in sacris Codicibus non modò reddendæ dictorum rationis causâ non semper adhiberi, non modò sumi pro particula merè enunciativa, quæ Græcis *ὅτι*, Latinis *quod*: sed etiam non rarò vacare omnino, nisi quod aliquam dictis Emphasin addit, ita ut aliquatenus accedat ad vim vocabuli *utique*, ad Græcorum *ἐν*, Italorum *pure*, eandemque fermè vim habeat, cum usitata Occitanis nostris, vicinifque Vasconibus particula *que*; cui & quasi euphoniæ causâ præponitur nonnunquam vocula *pu*, ex Italico, ut videtur, derivata. Sed de locutionibus Scripturæ. V. Augustinum:

De his omnibus ad Scripturæ sacre criticam spectantibus plura dabunt præter memoratos, Salomon Glasius in Philologia sacra, & Brianus Waltonus in suo Apparatu Biblico: sed ambo à Catholica communione ac fide alieni, atque ideo cautè legendi.

CAPUT XXVII.

De Librorum Canonorum Divisionibus in Capita & Versus, aliasve Sectiones apud Hebræos, Græcos, & Latinos.

I. **U**T profani Autores, ita & sacri, sua scripta uno ferè ductu, & sine Capitum Versuumque, imò plerique sine Librorum distinctione exarabant. Id de Pentateucho affirmant Cabalistæ apud Eliam Levitam, totam nempe Legem fuisse tanquam vocem unam, præter nomina Dei.

II. Sed quamquam Moses opus suum non diviserit, tamen credibile admodum est, cum Generationum ac Rerum gestarum narrationes posteriores, à prioribus, interposito aliquo Scripturæ intervallo, adjectivè aliâ notâ, sic separasse, ut

1. Libri sacri & alii uno ductu olim scripti.

2. Videtur tamen Scriptura non caruisse aliquâ rerum distinctione.

inde occasionem habuerint Judæi totum opus in Quinque Libros, fortè & in Sectiones quasdam, distinguendi. In Prophetarum quoque scriptis ipsa rerum diversarum argumenta, & variz Visiones, variisque temporibus à Deo infusa ideoque necessariò distinguenda Vaticinia, Sectiones in cæra Capita, cætosve articulos haud dubiè induxerunt. Notat certè Chrysostomus ^a Prophetas omnia sua oracula uno eodemque tempore non edidisse, sed variis à Spiritu divino afflatis temporibus, Sectiones quasdam enunciaſſe, quæ in unum poſtea volumen redactæ, integrum compoſuerint Librum. Obſervat idem ſanctus Antistes ^b Chriſti Genealogiam apud Matthæum à reliquo Evangelio eſſe diſtinctam.

III. Verùm hæ ſacrorum utriuſque fœderis Librorum Diſtinctiones, non ſtatim, eadem ubique ratione, ſed paulatim introductæ, & progreſſu temporis apertiùs certiusque inſtitutæ ac receptæ fuerunt. Et quod ad Legem Moſis cæteraque attinet veteris Teſtamenti volumina, tradunt Joannes Crojus ^c, & Joſephus de Voſſin ^d, poſt Buxtorfium ^e, tria fuiſſe Sectionum genera, quibus variè diſtinguebantur, Sectio ejuſmodi nunc *Paraſcia* dicitur à Judæis, hoc eſt *Expoſitio*, quia ſolebant ſingulæ à Sacerdotibus aut Senioribus in Synagogis explanari. Harum aliz majores ſunt, aliz minores quædam mediz. *Majores* dicuntur in quas ita diviſi ſunt Libri Moſis, ut earum una ſingulis Sabbatis, ex Moſis ipſius inſtituto per Eſdram inſtaurato, legatur, teſte Philone apud Euſebium ^f & Joſepho ^g. Idque eo conſilio, ut Judæorum nemo præceptorum legis ignorantiam prætexere poſſet. Cujus quidem uſus meminit Paulus in Actibus Apoſtolorum. Quare Pentateuchum diviſerant in tot hujus generis Sectiones, quot erant in anno ſabbata. Sed quia ultimo ſabbato legebatur cum poſtrema Deuteronomii Sectione, prima etiam Geneſeos, quatuor & quinquaginta numerabantur. *Minores* Sectiones à Moſe ipſo inſtitutas fuiſſe Judæi credunt, ideoque eas in Libro Legis, quo utuntur in Synagogis, religioſè notant, atque obſervant : eaſque diſtinguunt in *Apertas*, & *Claſſas*. Primum Libri Geneſeos caput ſex complectitur Sectiones *Apertas* : Prior includit quinque priores verſus; altera tres; tertia quatuor; quarta ſex; quinta quatuor; ſexta verò octo. Prior Sectio *Claſſa* complectitur verſus ſeptem

^a Enarrat. in cap. 1. Eſaiz.

^b Hom. 1. in Matth.

³ *Legis Moſaice diſtinctiones ſecundum Hebræos.*

^c Sacrz in nov. fœd. obſervat. c. 1.

^d Lib. de lege divin. cap. 16. & ſeqq.

^e De abbreviat. & commentar. Maſſoethico.

^f Lib. 8. de præpar. Evangel. c. 7.

^g Lib. 2. antiq. Judaic.

septem & viginti, à versu IV. capitis II. ad versum XVI. capitis III. Altera complectitur versus 16. Tertia verò versus 4. sequentes. Moses Maimonides^h has omnes Sectiones recenset. Genesis habet Sectiones Apertas 43. Clausas verò 48. Denique quinque Legis Libri habent Sectiones Apertas 290. Clausas 369. Hæ Sectiones in Periodos quoque dividuntur ex instituto etiam Mosis, ut putant, quales à Masorethis in tota Lege numerantur 845.

Sectiones alix Medii generis dici possunt. Nam Medium quasi locum tenent inter utrasque jam indicatas: sunt enim breviores prioribus, posterioribus longiores; quales in Genesi quinquaginta numerantur: atque hæ magis respondent nostræ in Capita divisioni.

IV. Masorethæ præterea Legem distinguunt in alia Capita quæ *Sedarim* vocant, sive Distinctiones strictius sumptas, & quasi ordines, quarum Genesis 42. continet; tota verò Lex 153. Hæc Divisio in eorum usum instituta videtur, qui totam Legem nonnisi intra triennium legebant. *Pesuchim* seu versus numerant in Pentateucho 5830.

V. *Masoretha* autem dicuntur Doctores Hebræi, qui quinto ferè post Christum seculo *Masoram* composuerunt, opus ex traditione compositum, ut indicat origo; est enim מסר *Massar* Hebræicè, idem quod *Tradidit*. Ab his inventa ratio Punctorum, quibus nunc vocales significantur, aliaque ad Grammaticam & scrupulosas vocum, quæ in sacris Literis habentur, observationes pertinentia.

VI. Græcum vetus Testamentum magna saltem ex parte Judæi Alexandriæ in Ægypto, atque in aliis civitatibus Græcis agentes divisum in Sectiones quasdam exemplo Hebræorum haud dubiè habuerunt, cum singulis sabbatis legem Mosaicam in Synagogis suis legerent.

Prisci verò Ecclesiæ Patres Græci sacros Codices jam olim in Sectiones divisos habebant, quas vocabant *ᾠκισμῶν*; quod ideo institutum videtur, ut haberet lector ubi quiesceret subinde, & represso nimio legendi ardore subsisteret, atque ex iis quæ legerat attenta meditatione apud se repetitis, dignum colligeret sanctæ lectionis fructum. Harum *ᾠκισμῶν* seu Sectionum meminere Clemens Alexandrinusⁱ, Basilius^j, Athanasius^m, Chrysostomusⁿ, alique: Hieronymus^o etiam, qui Paralipomenon libros à se in Versuum Cola digestos, &

^h Tract. de Phylacteriis & libro Legis, c. 8.

4. *Alia Divisio ex Masoretharum instituto.*

5. *Masoretha qui.*

6. *Sacrorum Librorum distinctiones apud Græcos.*

ⁱ 7. *Sermonarum.*
^j Lib. 2. de Baptismo quæst. 4.
^m Orat. 3. contra Arian.
ⁿ Concione 3. de Lazaro.
^o Lib. 2. adversus Jovin.

Ezechielis translationem suam per *Cola* & *Commata* scriptam testatur. Origenes ρ ἀνάγνῳσμα, id est Lectionem dixit pro Sectione. Usi quoque sunt Græci perinde ac Judæi variis Sectionum seu distinctionum generibus, tum majoribus, tum minoribus. Pericopæ majores Tituli nomine notabantur, quorum partes Capitula, horum vero particulæ Versus dicebantur. Notat Suidas η Titulum à Capitulo differre, Τίτλος ἀξιοῖται κεφαλῆς: atque apud eum Matthæus habet Titulos 68. Capitula verò 355. Marcus Titulos 48. Capitula 236. (sic enim legendum.) Lucas Titulos 83. Capitula 348. Joannes Titulos 18. Capitula 232.

VII. Constat itaque ex dictis à priorum seculorum Patribus, exemplo librorum Veteris Testamenti, introductam fuisse in libris quoque Novi Fœderis, Capitum distinctionem; tum eam ob causam quam paulò antè indicavimus, tum ut lectorum memoria juvaretur, atque ut Scripturæ loca faciliùs laudare & commodiùs interpretari liceret. Non absimilem itaque distinctionum rationem Latini secuti sunt: nec in *Capita* modò diviserunt utriusque sacræ Scripturæ volumina; sed *Capita* ipsa in *Commata*, quæ sunt partes Capitum minores, sive sententiæ quibus plures versus continentur; itemque in *Cola* sive membra, quæ alio nomine εἵχοι Græcis, Latinis *Versus*, seu versiculi vocantur, quamquam hæc vocabula sæpenumero promiscuè accipiuntur. Et σιχῶ quidem meminerunt inter cæteros Athanasius τ , & Gregorius Nyssenus ϵ , dum locos ex Psalterio allegant. Versus quoque & versiculos memorat imprimis B. Hieronymus ϵ non uno loco, qui & *Ineisi* & aliis nominibus has breviores Sectiones designat. Atque harum observationum adeo studiosi fuere primis seculis Christiani, ut, si non syllabarum & elementorum, ut Masorethæ, saltem Versuum cujusque libri numerum inirent, atque in fine sacrorum Codicum annotarent.

Stichometria quid.

Hi Catalogi *Stichometria* dicebantur: quarum exempla extant complura. Græcum è Nicephori Patriarchæ Constantinopolitani Chronographia, descripsit Anastasius ν Bibliothecarius, ubi numerus, ordo, & versus librorum utriusque Testamenti recensentur: nec eorum modò qui in recepto ubique sacræ Scripturæ Canone numerantur, sed & quorundam etiam qui communi Ecclesiæ judicio expuncti jam tum ex numero erant: Latinum à Morino π refertur ex antiquissimo

ρ Lib. 3. contra Celsum.

η In voce πῑλαι.

7. Codicum sacrorum divisio non dispar apud Latinos.

τ Ut in cap. 9. Eisaix.

ϵ De Theodoro martyre.

ϵ Ut in cap. 9. Eisaix.

ν Post Syncellum in editione Regia.

π De Hebr. & Græc. text. sinæcit. lib. 2. exercit. 17. cap. 2.

Apostolicarum B. Pauli Epistolarum Codice, qui fuit apud Clarissimos viros Puteanos fratres. Hunc Catalogum, perinde ac Græcum illum, ante mille ac centum annos scriptum fuisse ex eo conjicitur, quòd in eo quoque cum Libris Canonicis numerantur nonnulli, qui jam eo tempore nulli in Ecclesia Latina pro authenticis habebantur: contra verò quidam ex iis qui pro Canonicis jam tùm probati erant, omittuntur. Huic non absimilem Stichometriadem edidit ex cod. M. S. Regiæ Bibliothecæ V. Cl. & eruditissimus Joannes Baptista Cotellerius, Doctor Sorbonicus, & noster ex Regia Professione Collega dignissimus. Morinianum, collatis cum Nicephoriano numeris, qui admodum diversi reperiuntur, hoc loco lectorum oculis subjicere, operæ prætium duxi. Differunt & in ordine, ac numero Librorum hi duo Catalogi.

y In notis ad ep.
S. Barnabæ,



VERSUS SCRIPTURARUM SANCTARUM

EX STICHOMETRIIS DVABVS.

*Latina apud Morinum.**Græca apud Anastasium.*

Genesis	4500.	M CCC.
Exodus	3700.	MMDCCC.
Leviticum	2800.	MM DCC.
Numeri	3650.	M DXXX.
Deuteronomium	3300.	MMM C.
Jesu Nave	2000.	M MC.
Judicum	2000.	} MM CCCCL.
Ruth	250.	
Regnorum	} 2500.	} MCC XL.
Primus Liber		
Secundus Liber	2000.	} MMLIX.
Tertius Liber	2600.	
Quartus Liber	2400.	

Excidisse hic videntur Libri Paralipomenon seu Chronicorum, quibus assignantur à Nicephoro versus. VMD.

Psalmi Davidici	5000.	V MC.
Proverbia	1600.	M DCC.
Ecclesiastes	800.	MM D.
Cantica Canticorum	300.	CCLXXX.
Sapientia (Salomonis)	1000.	MC.
Sapientia Jesu (Ecclesiasticus)	2500.	MM DCCC.
Duodecim Prophetæ	3010.	MMM.
Osce	530.	
Amos	410.	
Michæas	310.	
Joël	90.	
Abdias	70.	
Jonas	150.	
Naum	140.	
Abacum	160.	
Sophonias	160.	
Aggeus	110.	
Zacharias	160.	
Malachias	200.	
Isaias	3600.	MMM DCCC.
Jeremias	4700.	MMMM.
Ezechiel	3600.	MMMM.
Daniel	1600.	MM.

Maccabaorum.

Liber Primus	2300.	} tres.	M M C C C.
Liber Secundus	2300.		
Liber Quartus	1000.		
Judith	1300.		M D C C.
Estas I. & II.	1500.		V M D.
Esther	1000.		M M M M.
Job	1600.		M D C C C.
Tobias	1000.		V M C.

Evangelia quatuor.

Matthæus	1600.	M M D.
Joannes	2000.	M M C C C.
Marcus	1600.	M M.
Lucas	2900.	M M D C.

Epistola Pauli

Quatuordecim.
V M C C C.

Ad Romanos	1040.	Numerus man- cus, forte 7704
Ad Corinthios 1.	1050.	
Ad Corinthios 2.	70.	
Ad Galatas	350.	
Ad Ephesios	375.	
Ad Timotheum 1.	208.	
Ad Timotheum 2.	288.	
Ad Titum	140.	
A Colossenses	251.	
Ad Philemonem	50.	

*Omissæ sunt ex Scriptoris sine dubio incogitantia Epistola duæ ad The-
salonicenses, Epistola ad Philippenses & Epistola ad Hebræos.*

Ad Petrum 1.	200.	} 7. Epist. Cathol. Dux Petri.
Ad Petrum 2.	140.	
Jacobi	120.	Una Jacobi.
Joannis Epistola 1.	210.	Tres Joannis.
Joannis Epistola 2.	20.	
Joannis Epistola 3.	20.	Una Judæ.
Judæ Epistola	70.	
Barnabæ Epistola	950.	
Joannis Revelatio	1200.	
Actus Apostolorum	1600.	M M D C C C.
Pastoris	4000.	
Actus Pauli	3509.	
Revelatio Petri	270.	

8. *Ab his diversa Masoretharum distinctio.*

9. *Quid sint versus apud Veteres in Libris sacris.*

2. *Sacrarum observat. cap. 11.*

VIII. Hæc utraque versuum distinctio admodum diversa est à Masorethica. Juxta Latinam sunt in Pentateucho Versus 17950. secundum Græcam 9530. at ex Masoretharum computatione non numerantur nisi 5248. In Psalterio numerant Masorethæ 2527. versus, Catalogus Græcus 5100. Latini 5000. In reliquis libris similis occurrit differentia.

IX. Ex hac numerorum diversitate ambiguum fit quid *Versuum* nomine significant Veteres, utrùm versiculum & comma sive incisum textus librorum utriusque Fœderis; an potius Lineas, quæ pro modo foliorum, vel majorum vel minorum, in quibus scripti sunt Codices, possint vel longiores esse, vel breviores. Hoc dubium solvit Croius². Observat enim sacrum Textum olim à librariis duobus maximè modis deferri solitum: ab aliis continuâ serie, & sine interductu; ab aliis verò per quamdam partium, aut etiam particularum distinctionem. Priores solebant Majusculis, vel Miniatis aut Cæruleis litetis versus, eorumque cola sive membra distinguere: posteriores autem interjecto quodam spatio ac tenui discrimine, versus separabant. Cæterum utrique versûs non ex periodorum longitudine aut brevitate, neque ex integris sententiis metiebantur; sed ratione sensûs variè, pro commatum aut membrorum numero, dividebant: ut totidem in singulis periodis versus distinguerent, quot erant earum membra. Exemplum esto in illis *Iobi cap. 3. versu 3. Pereas dies in qua natus sum, & nox in qua dictum est conceptus est homo.* Ea unico versu continentur apud Hebræos, ut & in Vulgata editione; eadem à Græcis veteribus in duos versus dividebantur, ut patet ex Codice Libri Job, qui sanctæ Theclæ manu exaratus creditur, & quem Patricius Junius edidit. In eodem Codice versus nobis sextus ejusdem Capituli in tria membra distinguitur. Jam in eodem Libro Job Capituli quinti versus qui nobis tertius est, apud Hebræos dividitur in octo commata. Pari ratione variatum est in scribendis Novi Testamenti libris. Verbi gratiâ, illa apud Matthæum. *Et mittens illos in Bethleem dixit, ite & interrogate diligenter de puero: & cum inveneritis, renunciate mihi, ut & ego veniens adorem eum:* quæ verba unicum apud nos versum constituunt, octavum scilicet Capituli 2. à librariis olim in quatuor versiculos sic dividebatur: *Et mittens illos in Bethleem dixit: Itē & interrogate diligenter de*

puero. Et cum inveneritis, renunciate mihi, Vt & ego veniens adorem eum.

Hinc etiam fit ut Caput primum Evangelii secundum Joannem, quod hodie versibus tantum quinquaginta & uno constat, in versiculos sive commata novem & octoginta distinctum inveniat in quibusdam antiquis Codicibus, qualem se literis majusculis, partim minio, partim caruleo colore singulos versiculos notantem ac dividentem, se habuisse idem Croius testatur. Quæ cum ita sint, mirum videri non debet, si tanta sit ἡ διαφορῶν varietas. Veteres quippe, ac præsertim Græci, Periodos in plures ἄγχις sive minores sectiones & membra dividebant; quæ modò majora, modò minora constituebant, sive pro rei argumento, sive pro scribentis ferè arbitrio. Hieronymus, cum librum Paralipomenon, & Esaïæ Prophetæ oracula, novo scribendi genere descripsit, atque in versuum cola distinxit, an Hebræis Codicibus in sua distinctione adhæserit, an Græcorum morem in dividendis sententiis & periodis secutus fuerit, minùs certum videtur.

X. Conjicit idem Croius ab eo Versus tenuibus intervallis distinctos, & vix diversos fuisse ab iis quibus nunc utimur. Eam in rem adducit Pericopen illam Capitis 3. Epistolæ ad Rom. in qua Apostolus pluribus sacræ Scripturæ testimoniis Judæos & Græcos peccato obnoxios esse probat. Illa autem Pericope eodem ferè versiculorum numero hodiè apud nos constat illis qui à B. Hieronymo ^a indicatur. Loquitur Hieronymus de octo, versibus, qui in Ecclesiis leguntur ex Psalmo 13. & in Hebræico non habentur, ab Apostolo usurpatis. Hi versus in Vulgata Latina, secundum Vulgatam Græcorum, quæ νομι dicebatur, sic exprimuntur: *Sepulcrum patens est guttur eorum: Linguis suis dolose agebant: Venenum aspidum sub labiis eorum. Quorum os maledictione & amaritudine plenum est. Veloces pedes eorum ad effundendum sanguinem. Contritio, & infelicitas in viis eorum. Et viam pacis non cognoverunt. Non est timor Dei ante oculos eorum.* Subjungit deinde se animadvertisse, Sicut omnis penè ad Romanos Epistola de veterò structa est instrumento, ita hoc testimonium de Psalmis & Esaïa esse contextum. Nam duo primi versus, SEPULCRUM PATENS

10. Hieronymiani versus parum à nostris diversi.

^a Præfat. in lib. 16. Commentar. in Esaï.

EST GUTTUR EORUM. LINGUIS SUIS DOLOSE AGEBANT, 1.
quinti Psalmi sunt. Illud autem, quod sequitur, VENENUM, 2.
3.

- ASPIDUM SUB LABIIS EORUM, *centessimi tricesimi noni Psalmi est. Rursumque quod dicitur. QUORUM OS MALEDICTIONE ET AMARITUDINE PLENUM EST, de nono Psalmo sumptum est.*
5. *Tres autem versiculi qui sequuntur, VELOCES PEDES EORUM*
6. *AD EFFUNDENDUM SANGUINEM, CONTRITIO ET INFELI-*
7. *CITAS IN VIIS EORUM. ET VIAM PACIS NON COGNOVERUNT, in Esaiâ * Propheta reperi, quos in decimo sexto explanationis ejus Libro, quem nunc distare cupio, expositurus sum.*
8. *Ultimus autem versus, id est, octavus, NON EST TIMOR DEI ANTE OCULOS EORUM, in tricesimi quinti Psalmi principio est.*

* Isa. 59. v. 7.
& 1.

Per hæc & confirmatur autoritas verborum quæ ex Comuni Græcorum editione habentur in Vulgata Latina, versu 3. Psalmi 13. & faciliè colligitur exiguum in plerisque esse discrimen inter versus quos Hieronymus in Codicibus sacris annotatos habuit, & eos, quibus hodie utimur. Inde quoque patet id quod contendimus, in *αρχαίεξ* Græca & Latina, *Versus*, non de Lineis, sed de Versiculis, sive Membris, aut Incisis Orationis & Periodorum esse intelligendos.

11. *Varia apud Veteres divisionum forma; aliquando nulla divisio,*

b Ep. ad Damasum & init. Comment. in Evang.

c Divinar. lect. cap. 1.2. & 5.

d 6. Orig. c. 14.

12. *Autor hodiernæ Librorum sacrorum divisionis,*

e Biblioth. 1. 3.

f Ad annum Christi 1244.

XI. Illud quoque observandum est, antiquitus, tam apud Græcos, quam apud Latinos variasse admodum divisiones utriusque Testamenti Librorum. Eter plerumque Latini in Principio cujusque Libri Titulos ipsius & titulorum Breviaria describebant, ut Hieronymi ^b, Cassiodori ^c, & Isidori ^d, auctoritate demonstrari potest. Non pauci uno ductu, omiſſis fortè per incuriam distinctionibus, Libros aut certè Capita tota exarabant.

XII. Tandem verò Sacrorum Librorum in Capita & Versus distinctionem quæ nunc apud Latinos ubique recepta est, instituit *Hugo à Sancto Caro*, gente Burgundus, ex Dominicanorum familia, qui primus ex ejus Ordinis fratribus Cardinalis dignitate ornatus est, idque ab Innocentio IV. anno Christi 1244. ut ex Antonino referunt Sixtus Senensis ^e, & Genebrardus ^f. Atque hæc diversitas primas utriusque Fœderis Editiones, Græcas, & Latinas, typis etiam in eadem officina exaratas, inter se comparantibus apparebit: aliæ quippè ab Erasmo eodem, & ab eodem Aldo Manucio, iisdemque Roberto & Henrico Stephanis editæ, distinctionibus carent; aliæ Capitum, pleræque versuum: aliæ ad marginem adscriptis, vel adjectis textui titulis capitum, distinctiones habent. Cæterum Numeros singulis versiculis vix ante hoc seculum additos reperio.

CAPUT

C A P U T X X V . I I I .

De præcipuis sacre Scripturæ Interpretibus

I. **Q**ui sacras Scripturas exposuerunt, ratione temporum in tres ferè classes dividi possunt. Ad Primam referuntur sancti Ecclesiæ Patres: ad secundam medii ævi Scriptores Ecclesiastici, qui explicandis utriusque Fœderis libris operam dederunt: ad Tertiam qui proximo & currente seculo eam sibi provinciam sumpserunt. Præterea horum Interpretum alii sensum Historicum & Literalem, Mysticum alii indagarunt, Motali quidam inhæserunt. Nec pauci non uno genere contenti, eos sæpè miscuerunt: & hæc ab illis omnia non uno, sed pluribus modis tractata sunt.

1. *Sacri textus Interpretum varia inspectione.*

II. Infiniti, ac propè dicam, supervacui operis esset Ecclesiasticorum Scriptorum qui in enatrandis sacris Scripturis operam posuerunt, nomina & lucubrationes recensere. Patres imprimis, tum Græci, tum Latini eo in argumento plerique tanto studio versati sunt, ut vix ullus sit qui non aut complures, aut aliquos saltem factorum Codicum, doctrinâ suâ illustravit. Noverant enim in hisce Libris rectè intelligendis posita esse Christianæ fidei & vitæ fundamenta. Quamobrem eos alii per Homilias & Conciones populo exponebant: alii per Quæstiones aut Tractatus, vel iustis Commentariis, quæ in illis difficilia occurrunt, dilucidata nobis reliquerunt. Sed eorum & nota fetè sunt opera, & ea quæ ad nostrum Pontificii juris enucleandi institutum pertinent, sequenti volumine discutiemus.

2. *De sanctis Patribus dicitur in 3. libri 2. parte.*

III. Quantum ad eos qui posterioribus temporibus ad hoc usque seculum, in eadem interpretatione desudarunt, sufficiet paucos illorum & præcipuos indicasse, qui vel in univèrsam Vetus Novumque Instrumentum, aut in magnam ipsorum partem scripsere; vel utilia ad sacrarum Literarum intelligentiam adminicula contulerunt.

3. *Posteriorum paucos indicare sat erit.*

IV. Totam, aut ferè totam Scripturam exposuerunt ex Latinis, post venerabilem Bedam, *Robanus Maurus* Abbas primùm Fuldenfis in Germania, deinde Archiepiscopus Moguntinus, qui temporibus Ludovici Pii ejusque succes-

4. *Medii ævi Commentatores.*

forum floruit, & in omnes utriusque fœderis Libros commentaria dedit: obiit anno 856. Ejus alia extant opera, unde & sequenti libro plenius de illo dicendum erit.

Post eum *Strabus* ejusdem Abbatix Fuldensis Monachus, ex ipsius Rabani operibus Librorum sacrorum expositiones decerpfit, atque ex illis circa annum 840. *Glossam* composuit quæ *Ordinaria* dicitur & *Magistralis*: quæ à posterioibus deinde, variè aucta ornataque est.

Anselmus Laudunensis in Gallia Scholasticus, circa annum 1077. *Glossa Interlinearis* & *Marginalis* autor fuit, quæ cum *Glossa Ordinaria* jungi solet.

Hugo à sancto Caro, Burgundus, ex Ordine Dominicanorum, Brevia in universam Scripturam commentaria composuit, & *Concordantiarum Biblicarum* opus admodum laboriosum, per electos ad id homines confecit; cui postea non pauca posterius adjecerunt. Primus hic Hugo ex Ordine Prædicatorum, dignitate Cardinalis donatus est ab Innocentio IV. anno Christi 1244.

Petrus de Verberia, Aureolus dictus, ex Ordine Minorum, Doctor Parisiensis, dein Archiepiscopus Aquisgranensis, & Cardinalis, circa annum 1310. scripsit Breviarium totius Scripturæ.

Nicolaus Liranus, sive *de Lira*, ex Judæo Christianus, & B. Francisci regulam professus apud Vernolium oppidum in finibus Normanniæ, circa annum 1320. scripsit Commentarium in universam Scripturam, qui vulgo dicitur *Postilla*: quodd ejus Interpretationes post Strabi, & Anselmi *Glossas* ponantur, & suis locis subjiciantur.

Paulus abdicato Judaïsimo Christianus, & *Burgensis* in Hispania Episcopus, ad Lirani annotationes, quæ *Postillæ* nomen acceperunt, *Additiones* Notarum in Sacram Scripturam composuit, quæ & ipsæ cum *Glossa Ordinaria* eduntur. Vixit circa annum 1430.

Alfonsus Tostatus, Abulensis in Hispania Episcopus, etsi non omnes utriusque testamenti libros commentariis suis enarraverit, tamen magnam utriusque partem ita exposuit, ut innumeras quæstiones ad singula capita propositas, plenissime tractaverit, atque dissolverit; qua de causa de eo dictum scriptumque est,

Hic stupor est mundi, qui scibile dissentis omne.

Scriptis & alia non pauca, licet intra brevissimum tempus : cum non ultra annum ætatis quadragesimum vitam produxerit, medio seculo decimo quinto.

Diomysius Carthusianus, natione Belga, circa annum 1450. & alia, & Commentaria composuit in omnes sacre Scripturæ Libros.

Thomas de Vio, Caietanus ex patria dictus, Generalis Prior Ordinis Prædicatorum, ac deinde à Leone X. Cardinalis creatus : præter minora opuscula, scripsit Commentaria in universam Scripturam sacram, exceptis Prophetis, & Apocalypsi : obiit anno Christi 1534.

Franciscus Vatablus, Ambianus, Regius Linguae Hebraicæ Parisiis Professor, Biblia sacra luculenter enarravit omnia, tum Novâ secundum Hebraicam litteram Versione, tum brevibus sed doctis Scholiis, quæ dictantis ab ore auditores exceperunt : repurgata Salmanticæ Hispani Doctores iterum ediderunt : obiit anno 1547.

His accessere hoc seculo *Nicolaus Serarius* Lotharingus, è Societate Jesu, cujus extant in complures, tam Novi, quam Veteris Testamenti Libros, erudita Commentaria.

Cornelius à Lapide Belga, qui multa edidit ingentia volumina, in Veteris ac Novi Testamenti omnes ferè libros.

Eodem fermè tempore *Guillelmus Estius*, Doctor Duacensis.

Emanuel Sa,

Ioannes Menochius, }

Et *Iacobus Tirinus* ex Societate Jesu, utrumque Testamentum Notis suis dilucidarunt :

Ex horum quatuor in totam Scripturam, & *Ioannis Gagnai* Doctoris Sorbonici in Epistolas B. Pauli Annotationibus, *Biblia Magna* composuit *Iacobus de la Haye* Minorita Gallus, anno 1647. Tomis quinque edita : quæ post decennium additis variarum editionum Versionibus, in novem decim volumina exercuerunt quæ Biblia maxima vocantur.

V. Hæ Literalium Interpretationum aptatæ ad utriusque Testamenti versus collationes, institutæ videri possunt exemplo eorum Commentariorum, qui ex diversorum Patrum seu Græcorum seu Latinorum scriptis à pluribus autoribus excerpti sunt sub *Catena* nomine : qualis est quam S. Thomas Aquinas *Catenam auream* in quatuor Evangelia vocavit. Non pauca extant hujus generis opera, ab Ec-

5. *Catena Patrum præcipua.*

clesiasticis medii ævi Scriptoribus elaborata; ut *Catena* ex Patribus Græcis à *Niceta* Serrarum, aliàs *Heracleæ* Episcopo, ab *Occumenio*, ab *Olympiodoro* Ecclesiæ Alexandrinæ Diacono, aliisque collectæ, in *Genesim*, *Exodum*, totumque *Pentateuchum* plures, in *Iob* atque in *Psalmos*, in *Cantica* quoque Canticorum, in *Proverbia* & *Ecclesiasten*, tum etiam in *Evangelia* atque in *Acta*, & in Apostolicas aliquot *Epistolas*; quas cum Latina interpretatione vulgarunt partim *Aloysius Lipomannus* Patricius Venetus, Episcopus Bergomensis; *Daniel Barbarus* Aquileiensis Patriarcha; *Franciscus Zephyrinus*, ac *Bernardus Felicianus*; partim tres ex Societate Jesu Patres, *Paulus Comitulus* Perusinus, *Balthasar Corderius* Belga, & *Petrus Possinus* Gallus. Extat & *Catena* ex Patribus Latius *super Psalmos* per *Franciscum de Puteo* Lugdunensem, qui *Carthusiani* Ordinis Præpositus Generalis fuit, itemque in *Epistolam ad Romanos* ex *Augustino* & aliis: præter *Catenam* ex interpretibus ineditis in *Pentateuchum*, *Iudices* & *Paralipomena*, aliasque.

6. Egregii ex
Neotericis Li-
brorum selectio-
rum enarratores.

V I. Neque verò hîc prætermittendi aliquot eximii huius nostræ, aut proximæ ætatis Commentatores, qui pauca quidem sacrarum Scripturarum, sed maximè difficilia, cum laude interpretati sunt: *Psalmos* quidem ex Hebræico textu *Gilbertus Genebrardus* Regius ejus Linguae Professor, ac deinde *Aquensis* Archiepiscopus; *Robertus Bellarminus* Cardinalis, & *Simeon Muisius* sacrarum quoque literarum Regius Professor; deinde *maiores Prophetas* & *Evangelia* *Ioannes Maldonatus* è Societate Jesu. Denique *Iobum*, *Esaiam* & *Ecclesiasten* *Philippus Codurcus* *Nemaufensis*, Doctor primùm *Calviniani* dogmatis, sed tandem agnitâ veritate orthodoxus.

Memoretur & è numero *Heterodoxorum* unus, *Hugo Grotius* doctrinæ præstantiâ omnibus notus, qui eruditis admodum Commentariis omnes utriusque instrumenti Libros ita enarravit, ut neutrarum propemodum partium videri possit.

7. De Concor-
dia Evangelio-
rum.

V II. Addantur & qui Jesu Christi Domini nostri historiam ex quatuor Evangeliiis in unam seriem sive *Harmoniam* & *Concordiam* redegerunt; in iis, præter *S. Augustinum de consensu Evangelistarum*, *Cornelius Iansenius Gandavensis* Episcopus sub finem proximi seculi, præter alia præclara in varias Scripturæ partes Commentaria, etiam *Harmoniam Evangelicam* magnæ molis, ejusque *Epitomen* conscripsit.

Eodem fermè tempore *Adrianus Crommius* Belga, Societatis Jesu, Concordiam Evangelicam ordine historico protulit: ac post eos Anonymi ejus generis opus cum accurata *Chronologia* sacra, & Nicolai Sanlonis sacra *Geographia* adjecerunt, ad Biblia vulgatæ Editionis Sixti V. & Clementis VIII. Pontificum autoritate recognita, in editione quam Antonius Vitre anno 1662. elegantibus typis edidit auspiciis Illustrissimi Viri Dionysii Talon, Generalis in suprema Curia Parisiensi Advocati.

VIII. Extant præterea utiles studiosis Bibliorum *Concordantiæ*, quibus omnia utriusque Testamenti vocabula, non modò Latinæ editionis Vulgatæ ex instituto Hugonis Cardinalis & Francisci Lucæ Brugenfis; sed etiam *Hebraici* textûs, R. *Mardochei* Nathanis studio collectæ, & per A. Reuchlinum in Latinam linguam translatae quas Frobenii typographia protulit; atque his non absimiles Græcæ, quas primus composuit Henticus Stephanus.

IX. Sacra Scripturæ *Ανολογία*, seu Contradiotiones apparentis è diversis autoribus collectas, brevi libello complexus est P. Dominicus Magrius Melitenfis, Congregationis Oratorii Sacerdos ac Theologus.

8. De Concordantiis Bibliorum.

9. De Conciliationes Scripturarum.







PRÆNOTIONUM CANONICARUM.

LIBER SECUNDUS.

I. **Q**UATUOR sunt hujus libri II. Partes quæ ad Materiam referuntur, ex qua conflatum est universum Juris Pontificii corpus. Nam præter Canonicos sacrarum Scripturarum Libros, qui basin, ut ita dicam, Juris Sacri constituunt, & quibus reliqua ejus velut columnæ nituntur, coaluit ejus systema; vel ex Conciliorum Canonibus; vel ex Decretis, Decretalibus Epistolis, aliisque Constitutionibus Pontificum, Romanorum præsertim; vel ex sanctorum Patrum Græcorum & Latinorum scriptis, aliisque sine autorum nomine operibus Ecclesiasticis; vel denique ex Principum tum Romanorum tum Francorum placitis. Erunt itaque nobis quatuor hæc genera ad examen revocanda, ut puris ac limpidis è fontibus Canonica nobis disciplina hauriatur. Incipiamus à Conciliis.

1. *Hujus Libri Partes Quatuor.*

II. Conciliorum sive Synodorum, de quibus hoc

2. *De Conci.*

liis primò dicendum. Eorum inspectio generalis.

Libro differendum, duplex inspectio est, Generalis & specialis. Illa in duo Capita diducitur. Videntum enim in genere est quid & quotuplex Concilium, quale cujusque subjectum, quæ Forma, sive quis ordo, quæ vis; & quid à veris Conciliis distent Conciliabula sive Pseudo-synodi. Deinde, ut Episcoporum per quos celebrantur Concilia, ipsorumque Conciliorum Autoritas plenius elucescat, & confirmetur; operæ pretium erit nonnihil de Ecclesiæ Jurisdictione adjicere. Etenim vel ipsum Juris Pontificii nomen, ejus condendi, ac sancienti potestatem in iis qui Autores ipsius sunt, desiderare videtur. Unde frustra de Jure Canonico disseruerimus, nisi ejus constituendi atque exercendi auctoritatem in Ecclesia fuisse, atque adhuc esse demonstraverimus.

3. Quid nobis in unoquoque Concilio speciatim enumerandum.

III. In specie verò, indicanda erunt Concilii cujusque, quoad fieri poterit, adjuncta; Causa nempe sive occasio, Tempus, Locus, Qualitas, Actorum synopsis, cum Numero Patrum qui eis interfuere, & Canonum ab illis conditorum.

CAPUT I.

De Conciliis in genere.

I. **C**ONCILIUM non tam à *confidendo* aut à *con* & *cilio*, ut putavit Isidorus Hispalensis ^a; quàm, ut Varroni visum ^b, à *concalando* dictum, id est convocando seu conciendo. Verbum illud derivatur à Græco *καλεῖν*, quod est *vocare*, sive *συγκαλεῖν*, id est *convocare*, *congregare*: unde Latinorum *Calare*, *Kalenda*, & *Calata comitia*. Estque discrimen inter Comitia & Concilium propriè dictum, quemadmodum Cælius Felix apud Gellium observabat ^c; quòd Comititia conventum totius populi significant ferendorum suffragiorum causâ institutum: *Concilium* verò sit cum pars aliqua populi congregatur: non secùs ac apud Græcos *ἐκκλησία* populi concio dicebatur; *συγκλησία* verò Concilium Senatorum. Celebriores autem conventus *συνόδους* vocabant iidem, quòd è diversis locis in eandem viam locumque homines coëant. Sic etiam *cætus* appellatur apud Latinos, à coëundo; ut *conventus* à conveniendo. Nec malè Synodum Isidorus ^d comitatum interpretatur, si utriusque vocis originem spectemus. Quapropter apud Ecclesiasticos Scriptores Concilii & Synodi vocabula promiscuè sumuntur.

II. Ecclesiastica porro Concilia, de quibus instituendus nobis est sermo, sunt congregationes five comitia fidelium, Conventus nempe Catholicorum Antistitem, Ecclesiasticis de causis convocatorum.

III. Eorum species sunt primò dux. Alia quippe *Universalis* sunt, alia *Particularia* & localia, quæ Græcis *πᾶσι* seu *ὅλοις* dicuntur ^e.

IV. Hæc autem triplicis sunt generis; vel enim *Nationalia* sunt, vel *Provincialia* propriè dicta, vel *Episcopalia* stricte ùs sumpta, quæ & *Diocesana*. His addenda quæ pluribus ex Provinciis, pluribusve nationibus coadunantur, in quibus *Patriarchalia* œcumenicis minora, cæteris verò localibus majora.

V. **UNIVERSALIA**, quæ & *Generalia* vocantur, ea sunt, ad quæ omnes totius orbis Christiani Episcopi orthodoxi convocantur; unde à S. Augustino *Plenaria* Concilia ex orbe

1. *Concilii etymon.*

^a Can. 1. versâ unde & Concilium, dist. 11.

^b Lib. 5. de ling. lat.

^c Lib. 15. noct. Attic. cap. 17.

^d d. Can. 1. versâ Synodus autem dist. 15.

2. *Concilii definitio.*

3. *Conciliorum divisio*, 1. in *universalis* & *localia*.

^e 5. porro Canonum post can. regula, 1. dist. 3. can. 2. & seqq. dist. 18. can. 5. dist. 17.

4. *Plures Conciliorum particularium species.*

5. *Concilia universalis sunt vocatis ex toto orbe Episcopis.*

universo dicuntur : à Græcis appellantur οἰκουμένης Σύνοδος, id est, ἐκ τῆς οἰκουμένης, ex tetra quæ habitatur, quacumque Christiana religio viget. In his quippe universa Ecclesia per Episcopos repræsentatur. Ea Isidorus jam laudatus sic describit : *quæ sancti Patres de omni terrarum orbe convenientes juxta fidem Evangelicam & Apostolicam celebrant.* Neque tamen opus est omnes universi orbis Episcopos Concilio interesse, ut Generale habeatur : sufficit enim si omnes advocentur missi ad Metropolitanos, per quos reliqui moneantur, epistolis, quas Encyclicas, sive Circulares vocant. Illud imprimis agendum, ut quoad fieri potest, omnes majorum gentium Patriarchæ Orthodoxi cum Romano, Constantinopolitanus nempe, Alexandrinus, Antiochenus & Hierosolymitanus, vel per se, vel per legatos suos, aut saltem per Epistolas adsint.

6. *Congregantur autoritate Romani Pontificis, interveniunt majorum Patriarchatum.*

VI. Horum definita non sunt Tempora, ut provincialium : sed emergentibus præsertim novis hæresibus congregari solent. Eorumdem indicendorum jus penes Principes initio fuit : jamdiu tamen invaluit ut à Summo Pontifice convocentur : qui & eis, ratione Sedis suæ, per se, vel per Legatos, præest. Absque illo habita, legitima non censi traditur totâ Dist. xvi, quæ, salvis Ecclesiæ Gallicæ Libertatibus, ad jus commune atque ordinarium est referenda : ut & vetus Canon Ecclesiasticus, à Socrate & Sozomeno memoratus : quorum ille ^h Synodum Antiochenam promoventi Eusebio, id inter alia vitio vertit, quòd ei Julius Romanæ urbis Episcopus non interfuerit, nec quemquam loco sui miserit : cum tamen Regula Ecclesiastica vetet absque consensu Episcopi Romani quicquam in Ecclesiis decerni, καὶ οἱ ἐκκλησιαστικῶν, inquit, καὶ ἐν οἷς μὴ δὲ τῷ γενέσθαι τῷ ἐπισκόπῳ Ῥώμης, τὰς ἐκκλησίας χαροῖσιν. Sozomenus verò ait ⁱ, εὐαγγέλιον ἰσχυρίζομαι, ἀποφασίζω καὶ ἀπὸ γένεσθαι τῷ ἐπισκόπῳ Ῥώμης ἐπισκοπῶν. Legem enim Pontificiam sive Hierarchicam esse, ut pro irritis habeantur, quæ præter sententiam Episcopi Romani gesta fuerint. Idque etiam jam olim agnoverat Ferrandus Carthaginensis Ecclesiæ Diaconus ^l, Non necesse, inquit esse, ut illis, (sacris Conventibus) alii subscribant quàm qui interfuerint : sufficere enim judicatur, ad plenam significationem, si perducta in notitiam totius Ecclesiæ, nullum offendi-

^h Soerat. lib. 2. hist. Eccl. c. 8.

ⁱ Sozom. lib. 3. c. 10.

^l In epist. ad Anatolium.

culum moveant, vel scandalum fratribus; sed Catholica fides convenire ut firmentur, Apostolica Sedis roborata consensu.

VII. Requiritur præterea consensus atque interventus Principum, olim quidem Imperatorum Romanorum stante imperio: nunc verò Imperatoris Germanici ac Regis Francorum Christianissimi (quorum utriusque nominatim fieri solita mentio in literis, quibus posteriorum temporum Generalia Concilia indicta sunt) & cæterorum Principum quibus competunt Majestatis jura. Cum enim duo sint, quæ in conventibus hisce sacris tractari ac definiiri solent, dogmata nimirum Fidei, ac disciplina Canones: quamvis in iis quæ fidei sunt atque doctrinæ, plena sit Episcoporum in ejusmodi Synodis potestas: nihilominus & his facilius ad exitum perduccendis, utilem admodum; & cæteris quæ ad publicos mores spectant firmius stabilendis, necessariam imperantium auctoritatem esse, tum res ipsa docet, tum vetera Constantini, Theodosii, Martiani, aliorumque piorum Principum in Nicæno 1. Constantinopolitano 1. Chalcedonensi Conciliis intervenientium exempla testantur, & fatentur ipsi Pontifices. Sanctus Leo imprimis^m, *Res humanas aliter tutas esse non posse affirmat, nisi quæ ad divinam confessionem pertinent, & regia & sacerdotalis defendat auctoritas*ⁿ. Ei consonat Joannes VIII.^o *Administratores, inquit, secularium dignitatum ad Ecclesiarum tuitionem, pupillorum & viduarum protectionem, rapaciumque refrenationem constituti esse proculdubio debent. Id adhuc expressius confirmat Isidorus P: Principes seculi, ait, nunquam intra Ecclesiam potestatis adepta culmina tenens, ut per eandem potestatem disciplinam Ecclesiasticam muniant.*

VIII. Duo sunt Conciliorum Generalium officia præcipua, διγπαρίζειν & χρορίζειν, sive Dogmata, & Canones constituere, ut ex ep. Nicænorum Patrum ad Ægyptios, & ex actis ejus Concilii apud Gelasium Cyzicenum collegit amicus quondam noster, & in Antecessorio munere decessor Fr. Florens 9: Prius ad res Fidei, posterius ad res Morum pertinet, circa quæ duo, tanquam circa subjectam materiam Concilia versantur. Digeruntur & formantur Dogmata per eas quas Græci vocant Ἀγνώσεις, sive descriptiones; exponuntur symbolis seu formulis fidei, & synodicis epistolis, aut etiam decretis & anathematismis adversus hæreticos. Quæ verò ad Mores ac Disciplinam Ecclesiasticam, Græcè πολιτεία, refe-

7. Requiritur in his consensus & interventus Principum Christianorum.

^m Epist. 29. ad Pulcheriam Ang.
ⁿ Can. res 21.
xxiii. quest. 5.
^o Can. administrator 26. xxiii. q. 5. adde & can. 34. & 35. ibid.

^p Lib. 3. sent. de sum. bono, can. principes 20 ead. cau. & quest.

8. Officium, & causa Conciliorum generalium.

9 De orig. arte, & autor. Jur. Can.

runtur, ea Canonibus explicari solent. Synodus tamen Tridentina Canonum nomine in decidendis doctrinæ ac fidei articulis usa est. Cæterum sunt qui adhuc Canones in duo genera distinguant majoris perspicuitatis gratiâ, nempe in eos qui definiunt quæ sunt sacræ ac publicæ Disciplinæ, & eos qui privatorum Mores componunt. Verum utrumque genus permixtim ferè in Conciliis tractari consuevit.

Porrò ex hac Dogmatum à Canonibus distinctione patet, cur Nicenæ Synodi Canones, cum de Moribus agant, Arianon non meminerint, cujus hæresis seu error in fide seorsim damnatus fuit. Hinc etiam factum est, ut, cum Quinta & Sexta Generales Synodi hæreses tantum damnaissent, intactis iis quæ ad disciplinam spectabant, Trullana, condendorum Canonum causâ post eas habita, Quini-sexta dicta fuerit, quasi aut illæ imperfectæ & quasi mutilæ essent, aut hæc ab illis non omnino diversa, sed quod iis deerat suppleret. Cur autem illa duo separatim disceptari oporteat, hæc causa est, quod alia sit ratio rerum Fidei atque Doctrinæ, alia Morum & eorum quæ meræ sunt disciplinæ. In illis cunctas Ecclesias synodosque convenire necesse est: quandoquidem *regulæ fidei una omnino est; sola immobilis & irreformabilis: huic nihil addi, nihil detrahi potest*, ut Tertullianus ait. At quæ ad Ritus ac disciplinam pertinent, ea & *per loca terrarum* D. Augustino teste *variantur*, & in iisdem etiam Ecclesiis mutationem sæpe, nonnunquam dispensationem recipiunt præfulum autoritate ^u.

7 De Velandis Virginibus.
f Can. illa. & Can. seq. dist. 11.
i Can. 14 & 15.
i quæst. 7.
u Can. 16. & seqq. eadem. Cau. & quæst.

9. *Eorum celebrandorum forma.*

10. *Notanda duo circa ritus celebrandorum Conciliorum.*

IX. Modum ac rationem celebrandi generalia Concilia autores complures ex professo descripserunt. Videndus imprimis Guilielmus Durantes sive Durandus Episcopus Mimatensis, qui peculiarem ea de re tractatum mandato Clementis V. conscripsit. Addi possunt tractatus alii, quos in unum volumen collectos habemus sub Apparatus nomine in Parisiensi Conciliorum editione anni 1672. Dominiei nempe Jacobatii Cardinalis, Joannis Antonii Delphini, Marci Mantuæ Bonaviti, & aliorum, qui de Conciliorum potestate ex Italorum sententia scripsere, magis quam Gallorum.

X. Hac in re duo observatu non indigna. Primum in medio confessus proponi solitos atque in throno collocari Codices duos, Evangeliorum & Canonum: ut ad eos veluti ad Lydios lapides in explorandis hinc Fidei dogmatibus, inde

Morum præceptis, quoties opus esset, recurreretur: & ex illorum autoritate definiri possent utriusque generis causæ, tam Evangelicæ quàm Canonicæ, quarum causâ haberi Concilia scriptum est Nicenæ 2. *Synodi can. 6.* Alterum, quod hoc loco annotasse non videtur ab instituto nostro alienum, est quoniam fieri non potest, ut uno conventu unove die absolvantur causæ aut negotia in Concilio unoquoque tractanda vel definienda: ideo distingui consuevisse singulorum conventuum acta, & in sua tempora digereri. Atque hinc oritur gestorum divisio in Actiones, vel Sessiones, ut posteriores loqui amant.

XI. Horum Conciliorum Autoritatem testatur Ferrandus suprâ laudatus, *Universalis*, inquit, *Concilia*, præcipue illa, quibus Ecclesia Romana consensus accedit, secunda autoritatis locum post Canonicos Libros tenent. Illorum sanè decreta nomen Canonum sibi specialiùs vendicant. In his, Quatuor Prima, *Nicenum*, *Constantinopolitanum*, *Ephesinum*, & *Chalcedonense*, cæteris celebriora sunt, tantæque in Ecclesia Catholica dignitatis, ut sacrosanctis quatuor Evangeliiis comparentur à D. Gregorio Magno², eorumque Dogmata Justinianus Imperator⁷ sicut sanctas Scripturas accipi, & Regulas pro legibus observari voluerit: *In his enim*, ut loquitur antè dictus B. Gregorius, *velut in quadrato lapide, sancta Fidei structura consurgit: & cujuslibet vitæ atque actionis existat, quisquis eorum soliditatem non tenet, etiamsi lapis esse cernitur, tamen extra adificium jacet.* Sed & quatuor sequentia, imò & reliqua Concilia Universalia, legitimè congregata & celebrata, in iis præsertim quæ ad res ac dogmata fidei pertinent, parem his primis vim habent ac potestatem², nec minus recipienda & custodienda sunt ab omnibus Christianis.

XII. Jam *Patriarchalia* dicuntur Concilia, quæ ab uno aliquo è majoribus Patriarchis ex omnibus eidem subiectis nationibus & Provinciis coacta sunt; eorum constitutiones per totum Patriarchatum valent. Verùm hæ Patriarchicæ Synodi ad Nationales fermè referri possunt. Rarò quippe leguntur Patriarchæ aliunde quàm ex natione propria Episcopos ad Concilia convocasse: Alexandrini ex Ægyptiaca, Antiocheni ex Orientali, Constantinopolitani ex Thracica diocesi, ipsique Romani Pontifices ex Italia.

11. *Horum Conciliorum autoritas.*

x Lib 2. Regesti, relato in Can. sicut 2. dist 25.
y Nov. 131. in princ.

2 Dico Can 2. versu 5. Can. sancta Romana; in princip. ead. dist. Can. sancta obo dist. 16

12. *De Conciliis Localibus qualia primò Patriarchalia*

13. Deinde
Nationalia.

XIII. *Nationalia* verò Concilia, quæ aliquando *Universalis* quoque, aut etiam *Plena* vel Plenaria dicuntur (ut Africana quædam à S. Augustino) respectu scilicet Provincialium, sic propriè dictorum, ea sunt quæ Episcopi totius Nationis alicujus, omnibus ejus gentis vel regni provinciis à Primatè ferè sive Exarcho acciti celebrant: qualia sunt Carthagenensia aliquot in Africa; Aurelianense 1. aliaque in Gallia; Toletana pleraque in Hispania; & Romana multa in Italia. Eadem vocantur aliquando *Diocesana*, Diocesanos nomine pro complurium ejusdem gentis provinciarum administratione accepto, ex usu veterum Romanorum post divisum Imperium: ut cum diocesim Galliarum, diocesim Africæ, diocesim Orientis dicunt.

14. Plurium
Nationum, plu-
riumve Provin-
ciarum.

XIV. Quædam præterea sunt *Plurium Nationum* Concilia, qualia Arelatense 1. sub Silvestro, Sardicense sub Julio, Turonense 3. sub Alexandro III. Ad ea enim, aliaque nonnulla ex totius Occidentis Provinciis Episcopos concurrisse constat, & communi consensu Canones condidisse: unde Generalium nomine nonnunquam decorantur. Quædam etiam sunt plurium ejusdem Nationis Provinciarum, ut Antiochenum aliaque vetera Orientis; & plurima, regnantibus præsertim Carolidis, per Gallias habita: sed hæc communi Provincialium appellatione plerumque comprehenduntur.

15. Provin-
cialia propriè
dicta.

XV. *Provincialia* strictè loquendo, Græcis *ἐπαρχικά* sunt, quæ Metropolitano Episcopo omnes provinciæ suæ Episcopos convocante, Ecclesiasticis de causis instituuntur, convocatis & aliis Provinciæ Clericis. Et olim quidem ea bis singulis annis haberi debebant ex Apostolorum^a, ut creditur, instituto, quod sæpius renovatum. Nam ex Concilii Niceni 1. Can. 5. ante jejunium quadragesimæ, atque Autumno congregari singuli cujusque Provinciæ Episcopi jubebantur, de Ecclesiasticis causis, seu litibus cognituri^b: ex Antiocheni verò Can. 20 statim post Pascha, & deinde Autumno medio mense hyperberetæo, id est circa idus Octobris^c: id deinceps servari jussit tum Synodus Chalcedonensis^d, tum sanctus Leo Pontifex Maximus^e: sed Quinisexa in Trullo Synodus propter Barbarorum incursionem aliaque incidentes causas, semel quorannis habenda hæc Concilia censuit; quod secuta quoque est Synodus Nicena 2.

^a Can. Apostolorum 18.

^b Can. habeatur 1. dist. 18.

^c Can. propter 4. ead. dist.

^d Car. pervenit 6. dist. 18.

^e Can. de Concilio 2. ibid.

Oecumenica septima^f: idque ob iterum, & frequentis Episcoporum ab sedibus suis absentia incommoda: sed & in Concilio Later. 4. videtur annua horum Conciliorum celebratio indicta g. Nunc autem ex Tridentini Concilii^h præscripto, (quemadmodum antea Concilii Matifconensis Can. ult. decretum fuisse videtur) quolibet saltem triennio cogi debent ab Archiepiscopo, aut eo legitime impedito per antiquiorem Coepiscopum. Convocatos autem provinciales Episcopos convenire ad Synodum oportet, aut legitimam excusationem, si quam habent, per Literas Metropolitanæ significareⁱ, ac pro se legatum mittere; aut sine probabili seu justo impedimento recusantes à fratribus corripere, imò & eorum communione arceri debent^j, idque ex parte confirmatur Concilii quoque Tridentini decreto^m.

Horum Conciliorum decreta sive statuta generaliter intra Provinciam ab Episcopis, à Sacerdotibus aliisque Clericis observanda suntⁿ; imò & à Christianis omnibus, quoties aut Generalis Concilii aut Pontificiæ autoritate confirmata eo animo sunt, aut in corpus Canonum relata, ut Ancyranum, aliaque Asiatica quarto seculo habita, paulò ante vel post Nicenum. Licet enim vim Constitutionis non habere hæc Concilia dicantur à Gratiano^o, sed auctoritatem tantum indicendi & imponendi quod aliàs statutum est, & generaliter seu specialiter observari præceptum, ut loquitur idem Gratianus: tamen, ut ipse etiam agnoscit, depravata corrigere possunt, & de criminibus Ecclesiasticis inquirendi iudicandique potestatem habent: ita ut de gravioribus rebus, si discordia nascatur, recurrendum sit ad Primatem quæ deinde ad Patriarcham^r, aut etiam quandoque ad vicinæ Provinciæ Metropolitanum, eique subiectos Episcopos ex Sardicensis Concilii placito^s: indeque ad Romanum Pontificem appellatio deferenda^t.

XV. Concilia *Episcopalia*, seu *Diocesana*, ut nunc loquimur, quæ & propriè *Synodi* hodie appellantur, sunt quæ ab unoquoque Episcopo, congregatis Abbatibus ac Presbyteris suis, cæterisque Clericis, quotannis celebrari solent ac debent^u. Quamquam enim id olim prohibitum aliquatenus videatur^x, quo scilicet tempore totius Provinciæ Clerici ad Provinciale Synodum solebant accedere; id tamen inde receptum est propter causam fortè in Toletano XVI. Concilio

^f Can. quoniam quidem. 7. dist. præd.

^g Cap. sicut olim 17. de accusat.
 ^h Sess. 24. c. 2. de reformat.

ⁱ Can. iidem & Can. 5. 9. 10. 12. & seq. dist. 18.
 ^j Can. placuit 10. aliisque laudatis.
 ^m d. Sess. 24. cap. 4. de reformat.

ⁿ Can. Episcopos 9. & aliis citatis dist. 18.

^o In summa dist. 18.

^p d. Can. de Conciliis & seq. dist. 18.

^q Conc. Chalced. Can. 9.

^r Can. 14 ex quo desumptus est. 1. can. vi. quæ 4.
 ^s Can. 1. ead. c. & q.

^t Can. annis singulis 16. & can. 11. dist. 18. cap. sicut olim 15 extra de accusat. & Trid. Conc. sess. 24. c. 2. de reformat. §. fin.

16. *Episcopales, sive Diocesani unius Synodi.*

^u Can. propter in f. dist. 18.

^x Can. ult. dist. 18.

y Cap. quod super his 9. extra de majorit. & obed. cap. ult. de caus. possell. & propt.

z d. cap. 1. fess. supra laudatæ, §. ult.

allatam ¹, ut nempe singuli Episcopi provincialis Synodi constituta Clericis suis, atque universo populo sibi commissio nota faciant: quemadmodum significare quoque plebi suæ debent, quæ propriis Diœcesanis Synodis constituta sunt; aliàs illorum ignari ad ea servanda non tenentur. Interesse verò his Conciliis jubentur cum Sacerdotibus Abbates Episcopo subiecti lege Diœcesana ²; imò ex Tridentini Concilii placito, exempti etiam quicumque, si nulla iis esset concessa exemptio, interesse tenerentur; præterquam si Generalibus Capitulis subditi sint. Cæterùm harum Synodorum, quæ ab uno Episcopo cum Presbyteris subiectis habentur: una, ni fallor, Autissiodorensis locum invenit in collectionibus Canonum: & hæc vix in Conciliorum numerum referuntur.

17. Quo jure niranitur Concilia.

^a Matth. 18.
^b Cap. 1. 6. 15.
^c 20. & 21. act.

18. Ad quos pertinetat ius definiendi res dubias in Conciliis.

^e Epist. ad Ju-
baianum.
^d Lib. de Syno-
dis.

^e Epist. 31.
^f Apolog. 2. in
Rufinum

^g Epist. ad soli-
tariam vitam a-
gentes.

^b Lib. 3. hist.
cap. 15.

XVII. Jure divino Conciliorum autoritatem atque institutionem niti probant Doctores, tum ex illo Christi ^a, *Vbi sunt duo vel tres congregati in nomine meo*; aliisque locis; tum exemplo Apostolorum ^b uti cap. proximo fusiùs ostendimus.

XVIII. Vocandos autem necessariò & jure suo solos Episcopos ad Concilia tam Universalia, quàm Provincialia & usu ipso priscorum Conciliorum ostendi potest, Ephesini maxime & Chalcedonensis; & autoritate Patrum, Cypriani imprimis ^c, Hilarii ^d, Ambrosii ^e, Hieronymi ^f, Augustini ^g, Eusebii ^h; *Concilium enim Episcoporum est*, ut Patres Synodi Chalcedonensis protestantur: quibus verbis significatur ad eos tantùm pertinere ius definiendi controversias Fidei, & Causas Ecclesiasticas judicandi. Nam in consilium Abbates atque Doctores adhiberi nihil verat. Atque ita accipienda sunt quæ de Presbyterorum & Clericorum, in priscis, Abbatum ac Religiosorum virorum, in Lateranensibus aliisque generalibus Conciliis, interventu leguntur. Igitur hi vocem Consultivam (ut loquuntur) in Conciliis habere possunt, decisivam Episcopi tantùm; quibus ex usu posteriorum temporum adjunguntur Ecclesiæ Romanæ Presbyteri & Diaconi Cardinales ob eminentiam ejus Ecclesiæ.

19. Quædam
aliæ Conciliorum
divisiones.

XIX. Præter suprâ allatas Conciliorum inspectiones, dividuntur etiam in *Approbatæ* ab universa Ecclesiâ, & in *Reprobata*; aut partim approbata, partim damnata; & nec reprobata, nec palam approbata. Primi generis Concilia
recepta

recepta ubique sunt : secundi generis quia non ritè coacta, justive aliis de causis à legitimis postea Conciliis summisve Pontificibus communi Ecclesiæ consensu damnata sunt, à Catholicis omnino respuuntur, qualia Ephesinum 2. Ariminenſe aliaque. Concilia verò tertii generis, quòd attinet ad ea quæ autoritatem Pontificiam habent adjunctam, sine dubio ab omnibus sunt admittenda : quantum ad reliqua, eorum apud Romanos & plerosque Catholicos vacillat auctoritas; Constantiensis tamen & Basileensis in Gallia omnino recipiuntur. Atque hæc tria genera universalium maximè Conciliorum species sunt. Quòd verò ad Provincialia spectat; ea, ut jam indicatum est, in suis provinciis generatim obtinent : nisi quatenus aut in desuetudinem abierunt, aut contrariis Oecumenicorum scitis tacitè sunt revocata.

CAPUT II.

De Jurisdictione Ecclesiastica.

I. CUNCTAS apud gentes Sacra certo jure constituta fuerunt, & venerabile semper fuit Pontificum nomen : apud plerasque jus etiam dixere Sacerdotes.

II. Divinus Hebræorum Legislator & Princeps Moses, ex stirpe Levitica prognatus (quæ sola Sacerdotalis habebatur) jus initio solus dicebat : postea tamen Iethro soceri sui consilio Judices sub se constituit, qui minora deciderent, majoris momenti negotia ad se referrent^a; quæ origo prima fuit magni LXX. virorum Senatûs; quem Judæi Hellenistæ *Sanhedrin*, ex Græcâ dictione *συνεδριον* appellarunt, à verbo *συνεδριον*, quod est *confideo*. Eum porro in cœtum allecti Sacerdotes ut plurimum fuere, & in his primas ferè tenuit Pontifex Maximus. Post templi autem, urbisque à Babyloniiis everſæ instaurationem, Persis dominantibus factam, Pontifices rebus gerendis, ac summæ Reipublicæ præfuerunt, nullo principis aut regis nomine assumpto^b. Qui mos ortus, ni fallor, ex potestate Esdræ concessa ab Artaxerxe^c. Id immutatum sub Hasamonæis, qui post Machabæos fratres, ex ipsorum, Sacerdotali quidem, non tamen Pontificia familia oriundi Principatum cum Pontificatu ferè administrarunt.

1. *Autoritas Pontificum apud omnes gentes.*

2. *Apud Hebræos.*

a Exod. 18.

b V. Cunnæus de rep. Hebr. li. 1. c. 12. & l. 2. c. 1.
c 1. Esdr. 25.

Apostolis habitum est. Ibi re accuratè disceptatà, tandem placuit legis illius jugum nemini esse imponendum, paucis quibusdam articulis, & plerisque ad tempus, exceptis: quemadmodum à B. Luca narratur in Actis Apostolorum 8. In his præterea memoratur S. Paulus Syriam & Ciliciam perambulasse, *Confirmans Ecclesias, præcipiens custodire præcepta Apostolorum & Seniorum*: τὰς ἀγῶνας, id est, constitutiones. Accedit quod postea subjungitur de eodem gentium Apostolo & Timotheo: *Cum autem pertransirent civitates, tradebant eis custodire dogmata, quæ erant decreta ab Apostolis & Senioribus, qui erant Hierosolymis*^b. Ubi Glossographus post veteres omnes Ecclesiæ utriusque Doctores *dogmata rectè interpretatur statuta*.

15. *Præcepta Morum ab Apostolis scripta, & verbo tradita.*

i Ephes. 5. ad Rom. 12. 15. tum 1. Cor. 6. & 2. ad eosdem 2.

i 1. Joan. 2. 3. 4. m 1. ad Cor. 7. n 1. ad Timot. 2. & 6. ad Rom. 13. Eph. 5. & 6.

o 1. Petri 2. & 3. ad Rom. 2. & 3. p 2. ad Cor. 6. ad Rom. 13.

q 1. ad Cor. 14. ad Rom. 8. r Eph. 5. 5. Coloss. 3.

s 1. Cor. 10. & 11.

t 1. ad Tim. 3. & seqq. ad Tit. 1. u 1. ad Cor. 16. x adeosdē 8 & 9. y 1. Cor. 14. z 1. Cor. 16. 2. ad eosdē 8. & 9. & 2. ad Thel. 2.

a 1. ad Cor. 11. in fin.

XV. Præceptis deinde circa Mores, tum publicos, tum privatos, de rebus quamplurimis ad Ecclesiasticam disciplinam & Christianorum inter se officia spectantibus refertæ sunt Pauli ac reliquorum Apostolorum epistolæ. Hujus generis sunt quæ variis in locis traduntur de fidelium Concordia & Charitate mutuaⁱ, (quam inculcare nunquam sinebat Christo præ cæteris dilectus Apostolus¹) tum de Virginitate & Conjugio, conjugumque inter se officiis^m: de obedientia Subjæctorumⁿ: de officiis quoque Patrum & matrum familias, imò Christianorum omnium in genere^o: de Patientia deinde & Jejunio^p: de Oratione privata^q: de Psalmodia & canendis publicè Dei laudibus^r: de Liturgia & Sacrificio^s: de modestia fidelium convenientium ad Dominicam Cœnam, deque Velandis mulieribus & earum in Ecclesia silentio^t: de Pauperum præterea cura, de Eleemosyna & Collectis^u: de sacrorum Ministrorum virtutibus^x, deque necessariis ad victum ordini eorum præstandis^y.

Præter has scriptis mandatas leges, alias quoque vivâ voce ab Apostolis editas probant evidenter hæc D. Pauli verba^z: *State & tenete Traditiones quas didicistis, sive per sermonem, sive epistolam*. Hæ traditiones in Græco textu vocantur *ἑτάσεις*, id est, *præcepta*. Neque omnia quæ autore Spiritu sancto servari jusserunt Apostoli sacris Literis contineri, non modo unanimis Patrum consensus docet: sed perspicuè satis indicat B. ipse Paulus, cum scribit se, ut ad Corinthios venerit, *cætera* (ad disciplinam Ecclesiæ pertinentia) *dispositurum*. In Græco est ἀποτάξομαι, sive constituam^a: quod

non scriptas constitutiones proculdubio demonstrat, atque adeo verbo tenus præcipiendi potestatem: quales Lycurgi apud Lacedæmonios leges *πῦραι* peculiari vocabulo appellatae, quasi dicta seu dictata ac velut quædam oracula. Ex hujus generis præceptis manarunt receptæ ab universa Ecclesia Traditiones, quarum vim atque auctoritatem cuncti astruunt & commendant sacri Scriptores: Basilius^b imprimis inter Græcos, inter Latinos Augustinus^c: adde quæ à nobis jam dicta sunt Libri 1. cap. 4.

^b Epist. de Spiritu sancto 27.

^c Epist. 118. ad Januar. c. 1. & 2.

16. *Idem Apostoli animadversione in contumaces ipsi.*

XVI. Nec verò imperando tantum, verum & contumaces coercendo sacram jurisdictionem iidem Apostoli exercuerunt. Pullulantibus quippe ab ipso Christianæ religionis exordio Schismatibus. atque Hæresibus, contumaces aut atrociorum criminum reos ab eis tum correptos, tum etiam Christianorum consortio eliminatos videmus. Etenim præterquam quod Petrus Simonem Magum gravissimè increpitum ad poenitentiam hortatus est^d; Paulus Hymenæum atque Alexandrum in fide naufragos *Satana se tradidisse scribit, ut discerent non blasphemare*^e. Et, quod eodem recidit, *Alexandrum verbis suis resistentem vitari jussit*^f: idem Corinthium incestus in novercam reum *absens quidem corpore, præsens autem spiritu, judicavit in nomine Domini tradendum Satana*^g: quæ loquendi figura de anathemate à sanctis Patribus vulgò explicatur: & ne solâ severitate jus sacræ potestatis usurparet, eundem Corinthium postea resipiscentem recepit in gratiam, atque Ecclesiasticæ communioni restituit^h. Plurima sunt alia jurisdictionis Ecclesiasticæ ab Apostolis in usum adhibitæ argumenta per Libros novi fœderis sparsa.

^d Act. 8.

^e 1. Tim. in fine.

^f 2. Tim. 4.

^g 1. Cor. 5.

^h 2. Cor. 2.

XVII. Sequentibus temporibus plura sanctorum Pontificum de variis rebus ad Religionem ac Disciplinam spectantibus decreta edita sunt. Neque ea Constantino tantum Imperatore, & quarto post Christum natum seculo edi cœperunt, quo tempore Christianis plenâ cultûs sui libertate concessâ, Nicænum aliaque Concilia celebrata nemo nescit: sed & prioribus quoque seculis. Nam præter cærimonias ac ritus Ecclesiasticos plerosque hoc temporis intervallo institutos à Romanis maximè Pontificibus, legimus præterea apud Eusebiumⁱ à Victore summo Pontifice sub finem secundi seculi Theodorum Byzantinum Coriariarum de Christo pravè sentientem, ejectum ex Ecclesia; ortamque prius de

17. *Idem sequentium Pontificum in his usus.*

ⁱ Lib. 5. c. 27. & 24.

f Matt. 18.

g Joan. 10.

10. *Ecclesia potestas in rebus civilibus aliquatenus à Christo constituta.*

a Matth. 18

11. *Ius coercendi contumaces anathemate.*

a Exod. 26.

g Tacit. lib. 5.
Histor.

z Deuter. 6.

a Cæsar de bello
Gall. lib. 6.

cum eodem ferè sermone erga eos usus est in Evangelio; tam post resurrectionem; cum Discipulos divino halitu afflatos his verbis est allocutus: *Accipite Spiritum sanctum, quorum remiseritis peccata, remittuntur eis: & quorum resinueritis, retenta sunt.*

X. Hæc quidem verba ad Peccatorum per Pœnitentiæ Sacramentum remissionem, atque ad forum interius spectant potius, quàm ad externum aliquod iudicium. Verùm huius quoque judiciaræ potestatis nonnihil is concessum videri potest eo Christi Domini præcepto, quo si quis in alium peccaverit, nec læso satisfecerit, ambosque reconciliare studentium iusta monira contempserit, jubetur qui accepit injuriam rem totam ad Ecclesiam deferre^a, cujus iudicio si reus stare recusaverit, tum verò pro Ethnico & Publicano habendus pronunciatur.

XI. Nec verò credendum est hac loquendi formulâ potestatem dumraxat monendi horrandique aur objurgandi esse attributam; sed sacri etiam interdicti sive anathematis pœnam contineri, quâ nulla est gravior in Ecclesia coercitio. Sanè hanc pœnam his verbis intelligi, præterquàm quòd senriunt Patres atque Interpretes omnes, ex more etiam Judæorum patet, qui ab externæ gentis ac religionis hominum consortio penitus abstinebant ex divino præcepto^z: quod religiosè adeò servabant, ut cæteras nationes execrarentur, atque idcirco ipsis vicissim odio & execrationi essent. Id præ cæteris observavit Tacitus^g, *Apud ipsos, inquit, fides obstinata, misericordia in promptu, sed adversus omnes alios odium; separati epulis, discreti cubilibus; projectissima ad libidinem gens aliorum concubitu abstinent.* Nec verò minùs eos Judæi derestabantur, qui cùm essent Judæicæ nationis, vestigia publica redimerent: sive quòd hi luci undequaque faciendi aviditate usuris fratres vexarent; sive quòd externis gentibus tributa libero populo imponenribus obsecundarent: utrumque contra legis præceptum^a. Eâ certè potestate Gallorum olim Druides usos memorat Cæsar^a, sive quis alius est belli Gallici scriptor: *Si quis, inquit, aut privatus aut publicus eorum decreto non steterit, sacrificiis interdicitur. Hac pena apud eos est gravissima. Quibus ita interdictum est, si numero impiorum ac sceleratorum habentur: iis omnes decedunt: aditum sermonemque defugiunt, ne quid ex contagione*

*incommodi accipiant: neque iis petentibus jus reâditur; neque honos ullus communicatur.*¹¹

XII. Ex illo Christi mandato intelligi potest quantam vim habeat illud ejusdem Domini ad Apostolos & Discipulos verbum; *cujus meminerunt Evangelistæ*^b; *Qui vos audit, me audit: qui vos spernit, me spernit.* Audire enim Latine apud Tullium, Quintilianum, Alfenum Jurisconsultum^c, ut & Græcè ἀκούω, sive ἰταξέω, & Hebraicè שָׁמַע, pro eo sumitur quod est obtemperare ac præcipienti parere: iraque in ipsum Jesum contumax habendus quisquis Ecclesiæ jussa observare detrectaverit.

XIII. Licet autem eam potestatem ad universum Christianorum cœtum trahere nonnulli conentur, ad maximè contemptibiles Ecclesiæ delegare videatur ipse Paulus^d: nihilominus & Apostolus id se ad verecundiam eorum, vilibus de causis inter se litigantium dixisse testatur, & sapientioribus tantum arbitrium ejusmodi tribuit^e. Arbitrium dico, quod voluntarium est; non jurisdictionem, quæ necessaria. Nam rerum caducarum controversias ac publicorum criminum judicia magistratibus haud dubiè relinquenda censeret: quos potestatem à Deo habere, ideoque non sine causa gladium portare alibi agnoscit. Quod autem attinet ad res Fidei ac disciplinæ, damnataque sacris legibus, atque ad publicum fidelium scandalum spectantia crimina; eorum cognitionem & executionem Paulus idem ac cæteri Apostoli pleno jure sibi vindicare non dubitarunt.

XIV. De his certè rebus quæ ad religionem & politiam Ecclesiæ pertinerent, leges ab Apostolis, tum singulis, tum communi consilio constitutas, tota penè sacræ Historiæ series evincit; quæ quidem constitutiones partim scriptæ, partim non scriptæ fuerunt. Et primò quidem de subrogando in locum Judæ proditoris Apostolo, tum de cura viduarum & ministrorum electione in commune contulisse leguntur convocatis discipulis Apostoli, eamque in rem Diaconos invituisse^f. Post hæc quis nescit insignem illam de Circumcisione & Mosaïca lege unà cum Evangelio à gentilibus ad Christi fidem conversis observanda, ortam inter discipulos controversiam. Hoc sanè dissidium causam præbuit antiquissimo & maximè solenni, ut illis temporibus, Concilio, quod anno à natali Domini 51. in urbe Hierosolymitana ab

12. Ecclesiæ jussis obediendi mand. aum.

^b Luc. 10. Joan. 13.

^c L. arbitet ex cōpromisso, Dig. de recept. arbit.

13. Hæc ex Scriptura potestas ad Laicos non trahenda, d. 1. ad Cor. 6. 4.

^e 1. ad Cor. 5. 3. & seqq.

14. Ab Apostolis usurpata in rebus ad religionem spectantibus auctoritas.

f Act. 1. & 6.

3. *Apud Gallos & Germanos.*

d Cxf. de bello Gall. lib. 6.

e Tacit. de morib. German.

4. *Apud Ægyptios & Tyrios.*

f Diodor. Sic.

g. *Apud Spartanos.*

h Alex ab Alex.

6. *Apud Athenienses.*

i Paut. in Thef. Sigon de rep. Athen.

j Suidas, Sigon. de rep. Athen.

7. *Apud Romanos.*

k L. v. l. 20. & 2 Dionys. Halic. lib. 1.

III. Sic apud Gallos olim, *Druides*, qui rebus divinis præerant, sacrificia publica & privata procurabant, Religiones interpretabantur: iidem ferè de omnibus controversiis publicis privatisque constituebant; & si quod esset admissum facinus, si cades facta, si de hereditate, si de finibus controversia esset, decernebant; præmia, pænæque constituebant^d. Quod apud Suevos etiam, cæterosque Germanos usurpatum, apud quos nulli verberare aut vincere quemquam, aut animadvertere licebat præterquam Sacerdoti^e.

IV. Apud Ægyptios, Tyriosque secundi à Rege Pontifices habebantur; atque apud illos aliquando ex Philosophis Sacerdotes, ex Sacerdotibus Reges electos legimus: unde Mercurius Trismegisti, sive ter maximi nomen tulit, quod Philosophus, Sacerdos, & Rex maximus fuerit^f.

V. Spartanorum quoque Reges, cum primum ad eam dignitatem inaugurati erant, Jovis cælestis Sacerdotio fungebantur, velut honore præcipuo; iisque idcirco ex omni scrofarum fœtu fuculus unus debebatur, ne immolare volentibus victima unquam deesset^g.

VI. Apud Athenienses ex Thesei instituto^h Patriciis tributum erat, ut soli sacra curarent, magistratus ac dignitates caperent, leges interpretarentur, in his quæ ad religionem pertinebant quod fas esset judicare; & sub Archontibus postea, qui numero novem fuere, tres eorum præcipui, Archon nimirum absolutè dictus, Rex, & Polemarchusⁱ, sacrorum quisque suorum curam simul gerebant, simul de commissis unicuique negotiorum generibus jus dicebant.

VII. Romæ plurima sacra Reges ipsi obibant^k, atque inter eximia ipsorum munia illud jam tum Romuli tempore primum fuisse memoratur, ut sacra & sacrificia curarent, ac per eos gereretur quidquid ad placandos Deos attinet. In Republica deinde, Pontificum partes fuere non modò religiones & cærimonias publicas privatasque, ac res omnes divinas tueri, moderari & interpretari; non modò de funeribus, placandisque manibus & sepulcrorum jure, deque votis ritè exsolvendis cognoscere: sed etiam de feriis indicendis, de habendis comitiis, deque fide & jurejurando constituere, quid sacrum Religiosumve, quid profanum esset pronunciare; quid quaque die operis fieri vel non fieri

conveniret, edocere. Imò quod magis ad rem pertinet, Legum interpretandarum scientia, & actiones apud Collegium Pontificum erant, qui ex numero suo constituiebant, quis quoque anno præset privatis, ut loquitur Pomponius m. Quippe Jus Civile inter sacra & cærimonias multos per annos additum, solis Pontificibus patebat: unusque ab iis deligebatur quotannis, cujus hoc erat Pontificium, sive hæc cura, ut jura interpretaretur; atque an posset lege agi, quæque competeret actio in judiciis, declararet. Tempore Ciceronis non exigua adhuc in rebus etiam judicandis Pontificum autoritas fuitⁿ: quam in rem hæc ejus ad illos notatu digna sunt verba: *Cum multa divinitus, Pontifices, à majoribus nostris inventa atque instituta sunt; tum nihil præclarius, quàm quòd vos eosdem & religionibus Deorum immortalium & summa reip. præesse voluerunt.* Inter hos is, apud quem summa erat sacrorum præfectura, modò summus Pontifex, sæpius Pontifex Maximus dictus, & maximarum rerum, quæ ad sacra & religionem pertinebant, judex erat; & vindex contumaciæ, tam privatorum quàm magistratuum o. Idcirco hunc titulum prisce Cæsares affectasse leguntur p; sive, ut religionis specie tutiores essent, qua de causa Tribunos quoque plebis se ferebant; sive quò augustiores haberentur. Idemque nomen à veteribus Romanis principibus velut per manus acceptum Imperatores quoque Christiani, retinuerunt ad Gratiani tempora, qui q se Pontificem maximum vetuit appellari. Hinc ad Romanos Episcopos translatus hic titulus est.

m Lege 2; Dig. de orig. jur.

n Cic. pro domo sua, in princ.

o Dionys. Halicarn. lib. 1.
p Suet. in Augusto.

q Zosimus.

8. Pontificum Christianorum Jurisdictio quo jure nitatur.

9. Sacra Jurisdictio à jure divino.

r Matth. 16.

VIII. Sed Christianorum Pontificum jurisdictio, an à divina lege fluat, an hominum instituto nitatur, vel Pontificum ipsorum constitutione usuve introducta; an principum consensu admissa, certant inter se variarum scientiarum Doctores.

IX. Sacris quidem in rebus concessam à Christo, tum B. Petro, tum reliquis Apostolis potestatem aliquam inficari nemo potest, qui vel primoribus labris Evangelicam historiam attigerit. Petro quippe promissas primùm fuisse constat Claves Regni cælorum^t, *Ut quodcumque ligares super terram, esset ligatum & in cælis; & quodcumque solveres super terram, esset solutum & in cælis.* Cæteros deinde discipulos in partem ejus juris vocatos legimus; idque tum antequàm Christus patere iur,

in Nicæna Synodo Episcoporum libellos comburens, Theodosius ad Synodum Ephesinam scribens ^r, Marcianus Chalcedonenses alloquens Præsules, & Valentinianus Orientalibus Episcopis respondens apud Sozomenum ^s.

^r In epist. quæ habetur in actis ejus Synodi c. 25. f. Lib. 6. c. 7.

XX. De rebus quoque privatis, quæ temporales & pecuniariæ sunt judicasse videntur in veteri lege Sacerdotes ^t, quâ, si quid ambiguum incideret, ad eos recurri præcipitur, ut rem unâ cum judice definiant. De ejusmodi certè rebus aliàs cognoscere inter laicos Episcopi potuerunt, consentientibus saltem partibus. Atque hanc Episcoporum potestatem inolevisse ex sancti Pauli mente loco suprâ allato ^u ostendit B. Augustinus ^x, ubi se hoc judicandi munere sæpe fungi coactum esse conqueritur, tanquàm necessario Episcopi officio, cui se ideo addictum agnoscebat: *Constituit enim*, inquit, *talibus causis* (secularibus fidelium) *Ecclesiasticos Apostolus cognitores in foro prohibens jurgare Christianos*. Quod alibi quoque testatur ^y. Hac de causa Imperatores ordinis sacri in profanis quoque negotiis componendis ac definiendis auctoritatem legibus suis firmarunt. Exstat imprimis eam in rem constitutio in calce Códicis Theodosiani ^z, nomen præferens magni Constantini, quâ priorem hac de re legem suam renovans atque amplificans, statuit, ut si alter litigantium in quocumque causæ statu, *judicium eligat sacrosancta legis antistitis*, illico sine aliqua dubitatione, *etiamsi alia pars refragatur, ad Episcopum cum sermone litigantium dirigatur*: & paulò post sic concludit: *omnes itaque causa quæ vel pratorio jure, vel civili tractantur, Episcoporum sententiis terminata, perpetuo stabilitatis jure firmentur, nec liceat ulterius retractari negotium, quod Episcoporum sententia deciderit*. Hanc quidem legem non defunt qui supposititiam esse contendunt. Verùm iidem, atque in his Jacobus ipse Gothofredus, fatentur coguntur rem ipsam, jus nempe & auctoritatem Civiles causas privatorum, saltem consentientium, disceptandi Episcopis à Constantino & insequentis Principibus esse attributam. Et sanè ipsius Constantini ea de re legem memorat Eusebius ^a: ait enim sententias Episcoporum inter litigantes prolatas eum auctoritate sua robotasse, ita ut quæ ab iis decreta essent rescindere iudicibus non liceret. Quamvis enim verba illa τὰς τ' ἁποστόλων δὲ ὅπως τὰς αὐτῶν κρίσεις ἀποφασίζουσι, si quis argutari velit, ad Canones in Conciliis decretos trahi

^{20. De rebus privatis ac temporalibus inter Laicos Episcopi quomodo cognoverint.}

^t Ex Deut. c. 17.

^u 1 ad Cor. 6.

^x In Pl. 118.

^y Ut epist. 147. ad Procul. Donatistam.

^z Post lib. 16: quasi postremus ejus titulus de Episcopali judicio.

^a Lib. 4. de vit. Constantini c. 27. ubi vid. Henr. Va. cl.

posse videantur: attamen σύνδοσι pro confesso & iudicio Ecclesiastico Episcopi & Presbyterorum, & ὄρους pro sententiis, quibus quid definitur ac deciditur, sumi hoc loco facile concederetur, qui Sozomenum, peritissimum juris hominem, de hac eadem Constantini lege ^b differentem legerit. Sic enim scribit de Constantino agens, τῷ δὲ ὁπισθοπονεῖν ὁπιοῦν τὸ κρίσι ἐπίπεσε τοῖς διαζυγίοις, ἡ δὲ βούλησις τοῦς πολιτικοῦς ἀρχοντας ἐξουσιάζειν, κυρίως δὲ εἶναι τὸ αἰτῶν ψῆφον, ἢ κρίσις ἢ τῶν ἄλλων διαζυγίων, ὡς αὐτοῖς ἐξουσίαν βασιλείας ἐξουσιάζειν. Εἰς ἔργον δὲ τὰ κρίσιμα ἀγαθὴν τῶν ἀρχόντων, ἢ τῶν ἀρχιεπισκοπικῶν αὐτοῖς γραμμάτων. Ἀμεταπέπτην πᾶσι αὐτοῖς σύνδοσι τῶν ὄρων: hoc est, ut Valesius interpretatur: *Episcopale iudicium eligere litigantibus permisit, si seculares Iudices recusare vellent: iussitque ut Episcoporum sententia rata esset, non secus ac si ab ipso Imperatore fuisset prolata: utque Rectores provinciarum, eorumque Officiales, sententias ab Episcopis prolatas executioni mandarent: ut denique inconcussa essent & inviolata Ecclesiasticorum confessorum iudicia.* Atque hæc ita esse accipienda probari potest ex l. *sanctimus ut nemo* 29. *Cod. de Episcopali audientia*: ubi Clerici accusatus Episcopo civitatis primū delatus, jubetur, eo suspecto, ad Metropolitanum, aut ad Synodum Provinciæ convenientibus cum Metropolitano Episcopis tribus antiquioribus, inde ad Patriarcham devolvi. Idem confirmatur *Novella* 123. *cap. 10. & 22.* unde evincitur Episcopalia iudicia de causis etiam privatorum in Synodo exerceri plerumque solita, eorumque sententias à publicis Magistratibus ex Imperatorum legibus executioni fuisse mandatas. His non multum absimilia circa Episcoporum in iudicando potestatem, postea constituerunt Arcadius & Honorius, qui legibus duabus, interpretatos, saltem consentientes, sacræ legis Antistitis tanquam arbitri iudicium valere sanxerunt. Iacobus quidem Gothofredus legem priorem ^c, quæ habetur in Codice Justiniani, translata censet ex Codice ^d Theodosiano, ubi constitutio extat, quam, quia Constantinopoli data legitur, Arcadio assignat, & quā in gratiam Iudæorum cavetur, ut, si velint, in civili negotio apud Patriarchas suos litigent, quorum sententias publici Iudices exequantur. In ea verò quæ refertur apud Justinianum anno eodem notata, quā apud Episcopos litigandi jus Christianis tribuitur, manum

^b Lib. 1. c. 9.^c L. 7. Cod. de Episcopali audientia.^d L. 10. Cod. Theodof. de Iuridici.

Triboniani (Juri enucleando ab hoc Imperatore præpositi) suspicatur; quasi ea lex nunquam ab illis Principibus condita fuerit. Verùm cui non verisimillimum videatur, vel ab ambobus fratribus, vel certè (quod suadet locus legi adscriptus, nempe Mediolanum) ab Honorio Imperatore Occidentis, & ab ipso primitus Constantino Religiosissimo Principe, plus aliquid Christianis, quàm Judæis esse indultum; ut scilicet etiam invitum adversarium trahere possent ad Episcopale Judicium: præsertim cum Honorius idem, decennio post, idipsum sanciens ^e, consensus mutui & arbitrii non meminerit. Ea sanè Constanrini lex è Codice Theodosiano à priscis Francorum Regibus libris Capitularium ^f inserta est, ubi Theodosio adscribitur. Extat eadem apud Ivonem Carnotensem, & apud Gratianum ^g. Hac de re Diatriben religione suâ dignam edidit adversus Jacobum Gothofredum, Antonius Dadinus Altaferra ^h Tolosanum Antecessor. Et hæc de Laïcorum causis Judicio Episcoporum subjiciendis.

XXI. Jam Clericorum negotia profana, seu temporalia, ut vocantur, si jus Cæsareum vetus inspiciamus, vel apud Episcopum vel apud Magistratum Civilem pro actoris arbitrio agitari poterant ex Marciani constitutione. Sed si de causa aut crimine Ecclesiastico, hoc est ad res sacras officiumve Clericorum spectante, agatur, dubium non est eam cognitionem fori Ecclesiastici esse: quod non modò Concilia ac Decreta Pontificum, sed & Principum leges sanxerunt. Huc pertinent Canones, Concilii Chalcedonensis quartus; Concilii Sardicensis tertius, septimus, alique; Concilii Antiocheni undecimus ac duodecimus; Concilii Carthaginensis tertii Canones nonus & decimus; quorum, aliorumque similium summa eò redit ut debeant Clericorum reorum causæ hujusmodi apud Episcopum ventilari, Episcoporum apud Synodum Provinciæ, Metropolitanorum apud Primate[m] aut Patriarcham, ita ut omnium tandem appellatio ad Romanum Pontificem devolvatur. His consonat Justinianus dicta lege 29. *Cod. de Episcopali audientia*, & *Novella* 123. *cap. 21. in fine*. Sed ea res distinctionem aliquam accepit Jure Civili *Novellâ* quidem 83. itemque dictâ Nov. 123. c. 21. & 22. Episcopi Clericis pro pecuniariis causis & delictis Ecclesiasticis alibi quàm coram Ecclesiasticis Judicibus pul-

^e L. 8. *Cod. Justin. de Episcopali audientia*.

^f Capitular. lib. 6. cap. 281. unde est Canon *voluimus* 37. xi. qu. 2.

^g Can. quicumque 35. & Can. seq. ead. Can. & quæst.

^h In epist. anno 1676. Lud. Nublo J. C. missa.

21. *Jure Civili causa Clericorum pleræque ad forum Ecclesiasticum deferenda.*

sari siue conveniri prohibentur, nisi fortè de negotiis Clericorum pronunciare Episcopi ipsi noluerint. Sed in causis pecuniariis Clericorum ab Episcopo ad civilem Magistratum provocatio conceditur; Criminis autem publici accusatio, vel coram Episcopo, vel coram civili Judice inferri Clerico potest: & priori casu Episcopus reum flagitii gravioris Clericum, gradu dejectum competenti Magistratui publico puniendum tradere jubetur: posteriori casu licebit Episcopo, si gesta in Clericum damnatum non jure confecta existimaverit à publico judice, honoris ademptionem differre, donec princeps actis ab utroque transmissis quod justum videbitur constituat. *d. Nov. 23. cap. 21. §. 1.*

21. *Jure Canonico Clericorum negotia fori Ecclesiastici sunt sine exceptione.*

i Cap. 4 § 17. ex. de judiciis, & toto tit. de foro compet.

l Cap. 6. de foro compet. ex.

m Cap. 10. de Judic.

23. *Jure Gallico hodierno de quibus Episcopi cognoscant.*

XXII. Secundum jus Canonicum, in Italia, Hispania, & alibi receptum, tam Civiles, quam Criminales Clericorum causæ ad Ecclesiasticum forum omninò pertinent¹, nisi causa feudalisi sit. Rei tamen atrocium criminum Clerici, ubi ab Episcopo suo damnati, ac depositi fuere, si in criminibus perseveraverint sine ulla emendationis spe, tunc verò coercendi legitimis pœnis quas Ecclesiæ mansuetudo non admittit, seculari Judici traduntur: sed priùs honore Clericatus exuendi sunt ^m.

XXIII. In Gallia nunc eo Jure utimur ex Francisci I. & sequentium Regum Constitutionibus, quibus latius patens Ecclesiastica Jurisdictio paulò angustioribus finibus conclusa est, ut personalibus quidem actionibus coram Ecclesiasticis Judicibus Clerici conveniantur, ex vulgata Juris regula, quâ actor sequi debet forum rei. Nisi fortè de majori crimine agatur (casum privilegiatum practici nostri vocant, fortè per antiphrasin) quo casu Regii quoque Judices conjunctim litem ordinant cum Ecclesiasticis, & capitalem sententiam (si eà pœnâ dignus videatur reus) soli pronunciant atque exequuntur: non multum abludente formâ à præscripto dictæ Novellæ¹²³. De petitionibus autem, siue actionibus in rem, minimè cognoscit Ecclesiasticus Judex, etiam inter Clericos, si res sit temporalis; si vero spiritualis omnino sit, tum de ea etiam inter hæcos cognoscit, veluti de matrimonii fœdere, aliisque Sacramentis. Rerum autem quæ mixti quodammodo juris censentur, veluti beneficia, decimæ, aliaque id genus; quod ad petitorium attinet, cognitio ad forum Ecclesiasticum spectare dicitur; possessorium sibi vna-

dicant Regii Judices, ed quòd Regis sit unumquemque in possessione rei suæ tueri. Sed de his, ut & de personarum, ac rerum Ecclesiasticarum immunitate, nos alibi plenius. Illud memoria tenendum, quod jam indicaviⁿ, cum, ut ait Justinianus^o, *Maxima duo sint dona hominibus à supernâ collata clementia, Sacerdotium & Imperium; & illud quidem divinis ministrans; hoc autem humanis præsiciens ac diligentiam exhibens; & ex uno eodemque principio utraque procedentia humanam exornent vitam: idcirco Principes oportet maximam habere sollicitudinem circa vera Dei dogmata, & circa Sacerdotum honestatem, eamque in rem curare ut Sacrorum Canonum observatio custodiantur.* Imprimis autem & Clericorum, & Ecclesiarum, ac per hæc totius Canonice disciplinæ providentia & protectio Regi Christianissimo, Primogenito Ecclesiæ filio, ex sacra cœlesti unctione, ac jurejurando in id, tempore inaugurationis, præstito specialius incumbit & competit.

ⁿ Suprà hoc cap.
^{5.} 29.
^o Nov. 6. in princip.

CAPUT III.

De primis quatuor Conciliis Oecumenicis, & primùm de Nicæno 1.

I. **B**REVEM aggredior Historiam, non omnium Conciliorum, quod longioris esset operæ, sed eorum duntaxat quorum in Canonico ac Theologico studio præcipuus est usus; & quorum Canones ac Decreta, sive à nostris autoribus in Decreto, aut Decretalibus; sive à Petro Lombardo in quatuor Sententiarum Libris, aut à S. Thoma in tribus Summæ suæ partibus laudantur, adjectis paucis Oecumenicis quæ postremis habita seculis fuerunt.

1. Hujus tractationis propositum.

II. Ea in re hanc Methodum sequendam putavi, ut primo quidem Universalia præmitterem omnia, non omisis ejus generis Pseudo-synodis. Deinde Localia sive Particularia adjungerem, quæ quidem alicujus sunt nominis, atque ad annum à Christo nato 1200. celebrata fuerunt. Græca itaque, Africana, Gallica, Hispanica, Italica, ad Caroli usque Magni tempora, servato in unaquaque Classe ac natione temporis ordine, referam; nisi quòd plura ejusdem loci simul conjungenda visa sunt, exemplo veterum Codicum, &

2. Ordo.

maxime Isidori; quodd ea res non parum lucis afferat ad alterum ab altero secernendum. Quæ deinceps sequuta sunt, nec in veteribus Canonum Codicibus habentur, ea juxta seriem temporis, servato quoque nationum locorumque discrimine, subjiciam.

Denique indicandum erit quæ vel communi totius Ecclesiæ consensu, vel Romanæ Sedis judicio in Codicem Canonum relata firmataque sint, & quæ sive ex parte, sive in totum rejecta Romæ, aut ubique: cætera nec probata, nec improbata ab Ecclesia censenda erunt: quæ cuncta ad cognoscendam cujusque vim ac robur sine dubio conducent.

3. De primis
quatuor Con-
ciliis generalibus,
a Can. 1. & 2.
dist. 15.

b Nov. 131. §. 3.

III. Celeberrima sunt quatuor illa Prima Concilia in Oriente celebrata, quæ à Gregorio magno & Isidoro cum quatuor Evangeliorum libris, ab hoc ^a etiam cum quatuor Paradisi fluminibus comparantur. Hisalique illorum temporum Conciliis per ea comprobatis legum vim attribuit Justinianus ^b: *Sancimus*, inquit, *vicem legum obtinere sanctas Ecclesiasticas Regulas, quæ à sanctis quatuor Conciliis exposita sunt, aut firmata, hoc est in NICÆNA trecentorum decem & octo, & in CONSTANTINOPOLITANA sanctorum centum quinquaginta Patrum, & in EPHESINA primâ in qua Nestorius est damnatus, & in CHALCEDONIA, in qua Eutyches cum Nestorio anathematizatus est. Prædictarum enim quatuor Synodorum dogmata, sicut sanctas Scripturas accipimus, & Regulas (Canones) sicut leges observamus.*

4. Concilii
Nicæni 1. locus
ac tempus.

c Lib. 7. hist.
Eccl. cap. 6.
d A.C. 2.

IV. Inter omnia Concilia eminet Nicænum I. Nicææ habitum, quæ civitas est Bithyniæ in Diocesi Pontica, & adhuc Græcis Νίκαια, Turcis *Isnich* nuncupatur. Celebratum autem est hoc Concilium An. Faust. Paulino & Ceion. Juliano Consulibus, id est anno Christi 325. Constantini vigesimo, Silvestri Pontificis duodecimo, cyclo solis 26. lunæ 3. indictione 13. Beda quidem & alii ad tempora Julii Papæ referunt: sed contra fidem antiquiorum, in quibus Socrates ^c & Concilium Chalcedonense ^d, Concilio Nicæno Paulinum & Julianum Consules assignant: cum Julius Feliciano & Titiano Maximo Coss. id est anno Christi 337. aut certè exeunte anno superiore, Nepotiano & Facundo Coss. sedere cœperit. Orientales huic Synodo plures annos assignant. Sed vix ultra duos menses protractum ab VIII. Kal. Julias ad VIII. Kal. Septembres, probatur ex Cresconiana Canonum collectione,

& Chalcedonenſis Concilii aſſione 2. Poſt hæc Conſtanti-
nus Vicennalia ſua Nicomediæ ac Nicææ celebravit, ante-
quam Epiſcopi ad ſua rediiſſent: quamquam Romæ nonniſi
anno ſequenti celebratum eſt id ſolenne ante Kalendas Au-
guſti, quo vigefimus exiit Conſtantini annus.

V. Eſſi à Conſtantino indiſtum hocce Concilium ſcriba-
tur ab eorum temporum Autoribus Eccleſiaſticis: non de-
ſunt tamen qui Silveſtri Romani Pontificis autoritatem in eo
convocando interveniſſe ex Rufino ^e colligant. Ille quidem
à Conſtantino indiſtum fuiſſe tradit ex Epiſcoporum conſi-
lio, quos inter Epiſcopo Romano primum deberi locum non
ambigitur, ſine cujus conſenſu generalia in Eccleſiis decreta
fieri vetat antiqua Eccleſiaſtica Regula, ut, ex Socrate & So-
zomeno jam obſervatum eſt: quod & ſextæ Synodi testi-
monio ^f non ſemel in ipſius etiam Silveſtri perſona probatur.

VI. Numerus Patrum qui huic Synodo interfuerunt variè
traditur: ſed proculdubio trecentorum decem & octo fuit.
Eusebius ^g numerum non definit, ſed plures fuiſſe ait du-
centis & quinquaginta: at Euthymius Alexandrinus Pa-
triarcha, bis mille quadraginta octo Epiſcopos tum Nicææ
conveniſſe ſcribit ^h. Cui ſuffragari Orientales Concilii hu-
jus editiones teſtatur Abraham Ecchellenſis. In hærendum
tamen receptæ opinioni Trecentos atque Octodecim, ut dixi,
Antiſtites numeranti; quem numerum poſt Athanaſium ⁱ,
qui ei Synodo interfuit, ſequuntur Epiphanius ^l, Theodoretus ^m,
Hilarius ⁿ, Ambroſius ^o. Nam & errorem in Eusebii
numerum irrepſiſſe facile ſuadent, tum Socrates ^p, qui citato
Eusebio, Epiſcopos ad fuiſſe memorat trecentos & ampliùs:
tum Gelafius Cyzicenus, qui trecentos & quinquaginta,
legit, ex quo numero, rejectis fortè ob ſuſpectam fidem duo-
bus ac triginta, ſuperfuerint trecenti decem & octo dun-
taxat. Quod autem tantò majorem numerum Eutychius &
reliqui Orientales agnoſcunt, hunc habere poteſt intellec-
tum: ut ultra Epiſcopos 350. Sacerdotes partim, partim
Clerici alii, Epiſcopos ſequuti, aut tantum Synodi viden-
dæ deſiderio accenſi, ex diſcrepantium dogmatum (ut ibi
notatur) religionibus ad 730. accuriſſe dicantur. Et verò
apud Socratem paulò ante laudatum legimus vix iniri poſſe
numerum Preſbyterorum, qui Epiſcopos comitati ſunt,
Diaconorum, Acolythorum, aliorumque complurium.

5. *Quis ejus
convocandi au-
tor.*

^e Lib. 10. hiſt.
Eccleſ. 1.

^f Act. 18.

6. *Numerus
Patrum.*

^g De vita Con-
ſtantini lib. 3 c. 91.

^h Annal. como 1.

ⁱ In epiſt. ad Jo-
vinianum Imp.

^l Hæreſi 69.

^m Lib. 1. cap. 7.
hiſt.

ⁿ Contra Con-
ſtantium.

^o Lib. 1. de ſi-
de, ad Gratian.
cap. 9.

^p Lib. 1. hiſt.
Eccleſ. c. 8.

7. *Causa Synodi convocanda.*

VII. Causa præcipua ejus congregandæ fuit Arii Presbyteri Alexandrini perversum dogma de Verbo Divino, seu Deo Filio, quem aliquando non fuisse, & in tempore creatum, nec ex Patris substantia natum, nec Patri similem esse docebat: quâ hæresi secundum Synodos duas eas de re prius in Ægypto habitas, anathemate notatâ, *ὁμολογοῦντες*, id est *consubstantialem* Deo Patri, Deum Filium eadem Synodus per symbolum definivit. Additum etiam est Decretum de Paschate, non more Judæorum ipsâ die xiv. crescentis sub æquinotium vernum Lunæ, sed die Dominica insequenti celebrando, contra Quartadecimanos sive *τετραδικιστάς*.

8. *Ejus præfides.*

9. *De septem Synodis.*
r. *In Historia.*

VIII. Ei per Legatos præfuisse Silvestrum qui propter ingravescentem ætatem longinquum iter suscipere non potuerit, fatentur cum omnibus qui ejus Concilii res attigerunt, ipsiusque subscriptionibus, schismatici quoque Græci, Phorius 9 & Cedrenus r. Hi fuere Osius Cordubensis in Hispania Episcopus, Vitus aliàs Victor, & Vincentius Romani Presbyteri, qui ante Patriarchas sedisse feruntur. Osius sanè in Orientem antea missus, non alio quàm legati Apostolici titulo præfisse Concilio potuit.

9. *Numerus Canonum.*

IX. Ab hac Synodo, operâ præsertim Alexandri Patriarchæ Alexandrini Canones xx. tantum editi apud Græcos & Latinos habentur: qui numerus jam olim receptus, ut ex actis Concilii Carthaginensis sive sexti, sive quinti, colligi facile patet. Cum enim Zosimus Papa commonitorio suo ab Africanis postulasset admitti appellationes Episcoporum ad Sedem Romanam, cui hoc jus competere ex Nicænæ Synodi decretis contendebat; missi ex Africa in Orientem legati, exempla Canonum Nicænorum ab Attico Constantinopolitano, & Cyrillo Alexandrino Patriarchis retulerunt, in quibus non plures apud Græcos quàm apud Latinos Canones continebantur, nempe viginti tantummodo: quâ de re nos plenius suo loco.

10. *Majoris numeri argumenta.*

X. Ad majorem Canonum Nicænorum numerum astruendum quædam afferuntur, quæ primâ facie alicujus momenti videri possunt: r. Athanasii & cæterorum Ægyptiorum Episcoporum epistola ad Marcum Papam, quâ testantur incensam ab Arianis fuisse suppellectilem Ecclesiæ Alexandrinæ, atque imprimis Libros, in quibus etiam Synodus erat Nicæna:

Nicæna: cujus exemplaria ad se transmitti postulant. Nominine autem Athanasii hæc adduntur. *Presentibus nobis Octoginta capitula in memorata Synodo tractata sunt: quadraginta à Græcis, Græcè edita linguâ; & quadraginta à Latinis similiter Latinâ edita linguâ. Sed visum est CCCXVII. Episcopis Spiritu sancto repletis, & maximè jam dicto Alexandro (Patriarchæ Alexandrino) & Apostolica Sedis Apocrisariis, ut decem capitula adunarentur aliis, atque congruis locis inferentur, & ad formam Septuaginta Discipulorum, vel totius orbis terra linguarum, septuaginta tanti & tam excellentis Concilii fierent Capitula, &c.* Quæ narratio Marci rescripto confirmatur, apud Gratianum ^l.

Deinde Julius Pontifex: quatuor & viginti Concilii Nicæni Canones refert à Vicenis, qui vulgo circumferuntur, diversos, ut Contius notat^u: imò tres supra triginta, si bene numeravi, habentur in ipsa epistola quæ Julio adscribitur. Quin & in epistola I. Felicis II. ad eundem Athanasium & Synodum Alexandrinam, capita viginti & unum inveniuntur, ab antedictis aliquatenus discrepantia.

Addit tertio Contius multa se observasse in Scriptoriis Ecclesiasticis velut ex Concilio Nicæno recitari, quæ inter ea capitula non extant: quale est Decretum, quod plures memorant, ut Pascha die Dominica & Luna 14. post æquinoctium vernalium (Dominicam dicere voluit proximè sequentem post Lunam 14.) celebretur. Item Canonicarum Scripturarum in Ecclesia legendarum canonem, in quo historia Judith numerabatur, apud Hieronymum in prologo illius libri. Præterea præceptum & forma Epistolarum Formatarum^x, diversique alii Canones commemorati canone 3. Synodi Constantinopolitanæ 1. & can. 61. dist. 50. & can. 15. dist. 34.

Quartum argumentum suppeditare potest commonitorium Zosimi Pontificis, datum Romanæ Ecclesiæ Legatis in Africam missis, quo Appellationes ad Apostolicam Sedem Nicænorum autoritate Canonum fulciuntur: cujuscmodi tamen nullus Canon inter vulgatos viginti reperitur: ut fatendum sit plures hujus Synodi Canones eo tempore extitisse, nisi fidem Zosimi, ejusque successoris Bonifacii eodem argumento utentis, in dubium revocare velimus.

Quintò ex Arabicis Canonum collectionibus (quarum

^l Can. Septuaginta 11. dist. 16.
^r In 2. ad Orientales epistola.

^u Ad d. can. Septuaginta.

^x De quibus epigraphe can. 1. & 2. dist. 73.

exemplum à Veneto quodam ex Oriente in Europam advectum dicitur) Alfonsus Pifanus octoginta Nicænos Canones descripsit; Latine versos recognovit Franc. Turrianus, ambo è Societate Jesu: quin & linguæ Arabicæ ac Syriacæ Regius apud nos Professor Abrahamus Ecchellenfis quatuor supra octoginta summulis indicavit primum, deinde expansos dedit, cujus versio inserta est Editioni Conciliorum Parisiensi anni 1671. Ex quo sequitur omnes ejus Synodi Canones Vicenario numero non comprehendi.

11. *Refelluntur superiores rationes.*

XI. Verum quantum ad primum argumentum, epistolam illam in qua de combustis Alexandriæ libris agitur, falsò B. Athanasio adscribi tanquam ex Ægypto missam, ac proinde falsò quoque Marco Pontifici Romano tribui responsum vel inde constare videtur, quod Marco Pontifice, anno scilicet 336. Athanasius in Galliâ exulabat, incendiumque illud Alexandrinum annis circiter viginti post Marci obitum contigit, intruso in locum pulsus per vim Athanasii Georgio Cappadoce, & grassantibus in Alexandrinos orthodoxos Arianis, ut testatur ipse Athanasius 7. Alia falsitatis argumenta Baronius, & Bellarminus non uno loco, adducunt, quæ alibi prosequemur, ubi de Marco Papa dicendum erit. Advertendum præterea cum Hincmaro Rhemenfi Archiepiscopo 2, si numerentur capitula quæ sub Nicænæ Synodi nomine in Epistola Julii adducuntur, cum iis quæ designata prætermittuntur, cumque iis quæ leguntur in Epistola Felicis II. fore ut plura quàm septuaginta, eaque inter se diversa inveniantur: cum tamen minimè connumerentur illa capitula, quæ ex Nicæno Concilio servavit antiquitas.

y In Libris Apologeticis.

z Advers. Hincmar. Laudunensem cap. 10.

Nec minus laborare fidem Epistolarum quæ opponuntur sub Julii ac Felicis Junioris titulo, suis locis demonstrabimus.

Jam quæ tertio loco à Contio proferuntur, non unius sunt generis. De tempore celebrandi Paschatis (quam quæstionem in hac Synodo tractatam, ex Athanasio atque ex omnibus fere Historiæ Ecclesiasticæ illorum temporum Scriptoribus liquet) Decretum quidem fieri vel potius renovari placuit, non tamen inter Canones, qui de causis ad morum disciplinam spectantibus, nec dum planè decisis condebantur, quicquam referri; vel quòd res esset tum antiquissimo totius Occidentis, Ægyptiarumque & aliarum etiam Orientis Ecclesiarum usu recepta, tum à pluribus Orientalibus quoque

Conciliis tempore præsertim Victoris Pontificis celebratis planè firmata; vel quod ad Fidei magis dogmata, quàm ad Mores ea res pertinere videretur. Quæ ratio in Catalogo quoque divinarum Scripturarum hisce Canonibus minimè inferendo valere potuit. Postea tamen in Concilio Antiocheno ^a ea Paschatis observatio, non simpliciter, utpote jam stabilita, sed quasi à Canonum materià non prorsus abhorrens, sub anathematis periculo sancita est, ne cui ejus decreti (quod fortè apud Orientales nondum ubique servabatur) ignorationem prætexere liceret. Literarum autem Canoniarum, quæ Formatæ dicuntur necessitas in vulgatis hujus Concilii Canonibus 15. & 16. satis perspicuè imponitur, cum in illo ad vitandos tumultus & seditiones districtè veratur ne Episcopus, Presbyter, aut Diaconus de civitate ad civitatem præter Regulam transeant: in hoc verò Clerici, qui Regulam Ecclesiasticam non agnoscentes ab Ecclesià suà recesserunt, prohibentur in alia suscipi. Regula, cujus hi Canones meminerunt, priscum, certumque usum aliquem significat: ex cujus observatione natus haud dubiè Canon Apostolorum 13. *Ut nullus fidelium præter commendatitias literas susciperetur.* Eòdem pertinet & Canon 5. Nicænus. Sic etiam quòd in Innocentii I. Papæ decreto ^b dicuntur Canones apud Nicæam constituti, Pœnitentes etiam ab infimis officiis Clericorum excludere; referri potest ad Nicænum Canonem 2. quo à Clero abstinere jubetur qui criminis alicujus reus probatur: & de Clericatus honore periclitari qui contrà Concilii placitum fecerit, sive in promovendo Neophyto statim à Baptismo (qua de re initio Canonis agitur) sive in admittendo eo qui post Baptismum grave aliquod delictum, Pœnitentià scilicet dignum, commisit. De eo qui alteram uxorem duxit B. Ambrosius ^c ait, quod Apostolus statuerat, ne is Episcopus aut Presbyter crearetur, Patres in Concilii Nicæni tractatu addidisse, neque Clericum esse debere: id autem licèt in receptis hujus Synodi Canonibus nullibi reperiat: potuit tamen hæc quæstio ita in Concilio Nicæno tractari, ut pro indubitata haberetur, nec visa fuerit novo Canone indigere, præsertim cum Canone 17. Apostolorum definita jam esset.

Quartò, quod attinet ad Zosimi commonitorium, nec is, ejusve ad Afros Legati aut successores mendacii argui

^a Can. 14.

^b 34. relato apud Gratianum Can. 60. dist. 50.

^c Can. 14. dist. 34.

debent : nec tamen reverà ad Nicænos Canones referendum jus Appellationum ; sed ad Sardicenses , ex quibus tertius , quartus & septimus , ad eas pertinent. Erroris autem cāusa ex eo manavit , quod cum Synodus Sardicensis , Nicænæ velut Appendix habita fuerit , ejus Canones statim , & sine ulla distinctione , Canonibus Nicænis in pluribus præfatis Codicibus describerentur : quales hodiè que extant , à me quoque visi , tum in Bibliotheca Thuana ; tum in Codice MS. Clar. Viri Claudii Hardy in Parisiensi Præfectura Regii nuper Consilarii , cujus mihi copiam fecerunt Religiosi & eruditi Societatis Jesu Presbyteri Philippus Labbæus & Gabriel Cossartius : unde nihil mirum si Nicænæ Synodo assignarentur bonâ fide Sardicensia statuta. Interim hæc inter Romanam & Africanam Ecclesiam de veris Nicænæ Synodi Canonibus controversia , eorum verum numerum inquisitione apud Patriarchas factâ , certò aperuit atque firmavit.

Quintò , quod spectat ad Codices Arabicos , præterquam quòd apud peritos non ita magno in pretio sunt , neque eorum fidem valdè adstruunt , quæ ex illis à Joanne Beveregio Anglo in Synodico , sive Pandectis Canonicis proferuntur : fecit excellens Concilii Nicæni fama atque autoritas , ut aliorum non solum Conciliorum , sed & Patriarcharum Decreta ejus nomine decorata fuerint , quò major eis reverentia conciliaretur. Turriano & Ecchellensi adstipulatur amicus & collega noster jam antè laudatus V. Cl. Claudius Capellanus , qui Doctoris ac Socii Sorbonici titulis , titulum Regii Hebræicarum Literarum Professoris suo merito adjecit. Illos enim Canones Arabicos arbitratur Nicænæ Synodo non esse abjudicandos , quòd non nisi ad Concilium aliquod antiquissimum , generale , & orthodoxum referri posse videantur ; quæ omnia soli Nicæno conveniunt. Si enim Generale non esset Concilium ex quo hi Canones prodierunt , non potuisset Patriarcharum atque aliorum quorundam Episcoporum , qui non nisi in generalibus ejusmodi Conciliis simul conveniunt , ordinem inter se ac sessionem constituere , ut hic fit : Orthodoxum deinde fuerit oportet ; cum Romano Patriarchæ primas partes & parem in alios potestatem assignet ei quam ipsi Patriarchæ in inferiores habent. Antiquitas ex eo quoque patet , quòd prius necessariò fuerit omnibus Orientalium in varias sectas quinto ferè seculo divisorum

schismatibus, Nestorianorum purà, Jacobitarum, Melchitarum, & Maronitarum. Alioqui si hi Canones ab universali Ecclesia ante illa schismata conditi non essent, apparent in illis vestigia quædam hujus vel illius sectæ, à qua nimirum essent constituti, eaque adversariis nequaquam probarentur: cum tamen omnes Orientis Christiani cujuscunque sectæ, & cum anrè memoratis, Copti, Æthiopes, Armeni, ut Ecchellensis testatur, hosce canones æquè admittant. Quæ ratiocinatio hinc confirmari potest, quòd hi nec Ephesini Concilii Canones, nec Chalcedonensis, in suis Codicibus habent, quia in illis Conciliis damnati sunt earum sectarum autores: quorum tamen Conciliorum decreta in Melchitarum libris habentur. Ex his apparet Octoginta illos Canones Arabicos in quibus Orientales cuncti conveniunt, nec ad Ephesinum, nec ad Chalcedonense Concilium pertinere. Sed nec ad Constantinopolitanum referri possunt, quod nullibi septenarium Canonum numerum egreditur. Unde consequens videtur eos Nicænæ Synodo, cujus titulum præferunt, assignandos esse. Verùm ad hæc responderi potest, si quæ in Arabicis collectionibus Concilio Nicæno adscribuntur, ex eo reverà quoquo modo manarunt, non idcirco ea omnia in Canonum numerum esse referenda. Fieri enim posset ut ex actis Nicæni Concilii quæ inierciderunt, excerptæ fuerint Diaryposes, sive complures Episcoporum sententiæ, definitionum instar propositæ, nec tamen communi consensu in Canones digestæ, nec Canonum loco statim habitæ, quæ postea in Oriente præsertim recepræ, aut venditatæ sint. Stet itaque non nisi Viginti Canones propriè dictos à Concilio Nicæno conditos. Id certè in antiquis collectionibus ab illa Synodo incipientium & per reliquas ambulantium numerorum consequentia manifestè evincit, & Gelasius Cyzicenus^d tradit, iremque Theodoritus & Joannes Antiochenus. Rufinus viginri duos numerat, sed institutâ divisione à vulgari diversâ non diversorum decretorum adjectione.

XII. Ex quot & quibus Provinciis ac gentibus acciti sint aut confluerint ad hanc primam Synodum Antistites, certò pronuntiari vix potest. Quæ supersunt Episcoporum subscriptiones ostendunt nullum ei nisi ex Imperio Romano interfuisse, præter unum ex Perside, sive is Ctesiphontis fuit,

^d Lib. 1. Actos.
Coac. Nic.

12. Ex quæ Provinciis congregationem Synodo Nicæna Episcopi.

qui cæteris ejus regionis Episcopis præerat, siue alius minoris gradus. Ex orbe Romano non ampliùs quam triginta & octo provinciæ colligi possunt, pleræque Orientis aut Græciæ: ab Occidente Latini pauci admodum venerunt. Ex Africa unius tantùm, nec nisi unius ex Gallia nomen legitur: ex Italia & Hispania unius fortè Calabri & Legatorum Silvestri Pontificis, qui ante cæteros Patriarchas subscriptionibus suis decreta Concilii firmarunt, Osius nempe Cordubensis Episcopus, jam ante Constantinopolim missus, Victor seu Vitus & Vincentius Presbyteri urbis Romæ, qui Silvestri vice subscripserunt. Subscripsere & Patriarchæ Alexander Alexandrinus, Eustathius Antiochenus, Macarius quoque Episcopus Hierosolymitanus. Constantinus ipse Concilio in sede aurea, distincto ab Antistibus loco, adfuit, qui Christianæ libertatis, concordixque autorem quo par erat gaudio & veneratione exceperunt; & ab ipso omni humanitatis atque observantiæ genere sunt honorati. Nam & in plerisque apparentia adhuc Martyrii, quod antea pro Christi fide passi erant, vestigia exosculatus dicitur, & libellos quibus eorum nonnullis crimina objiciebantur, combussisse. Decreta Concilii probata Romæ à Silvestro fuerunt. Illud addere non pigebit Provincias Imperii Romani non semper eadem ratione administratas, iisdemque finibus descriptas fuisse. Ab Adriani temporibus dividi in plures administrationes ceperant: sed post Constantinum novis divisionibus institutis, earum numerus triplo fermè major, cujusque limites contractiores fecit. Id non modo in Gallia & Occidente reliquo factum, sed in Oriente quoque, ubi ex una Palæstina, unaque Cappadocia tres factæ inveniuntur: aliarumque auctus pariter numerus. Quapropter licet in posterioribus Synodis universalibus congregati ex pluribus Provinciis Præsules legantur, non ideo credendum est ex pluribus nationibus aut ampliore terrarum spatio convocatos.

13. *Nicani 1.
Concilii autori-
tate.*

* Epist. 31.
f. Lib. 2. de Ba-
ptif.

XIII. Hujus Oecumenicæ primæ Synodi tanta semper autoritas apud omnes gentes, tanta reverentia fuit, ut ejus decreta velut certissimam & perpetuam fidei ac disciplinæ regulam habenda atque observanda Patres passim amplexi & miris laudibus prosequuti fuerint, ut SS. Ambrosius & Augustinus f, alique: qua de re videndus præ cæteris Bellarminus de Conciliis, & Baronius in Annalibus ad annum 325.

Innumera in eam rem adduci possent Pontificum Romanorum testimonia, imprimis verò Leonis I. pluribus locis ^g, ex quo unum mihi seligendum visum est ^h, quo breviter ejus Synodi actorum vis, & quædam velut imago depingitur.

^g Epist. 55. ad Anatol. Constantinop. & epist. 66.
^h Epist. 55. ad Pulcheriam.

Quoniam, inquit, contra statuta Paternorum Canonum, quæ ante longissima ætatis annos in Vrbe Nicæna spiritualibus sunt fundata decretis, nihil quidquam audere conceditur; ita ut si quis diversum aliquid decernere velit, se potius minuat, quàm illa corrumpat: quæ si (ut oportet) à cunctis Pontificibus intermerata servantur per universas Ecclesias, tranquilla erit pax, & firma concordia, nulla de Mensuris harum dissensiones, nulla de ordinationibus lites, nulla de privilegiis ambiguitates, nulla erunt de aliena usurpatione certamina; sed ea, quæ jure charitatis rationabilis est, & morum & officiorum servabitur unanimitas. Per Mensuras intelligit præcipuæ dignitatis gradus, & ex eis sedendi ac præcedendi honorem, quod pertinent ejus Synodi Canones 6. & 7. Hoc sensu jubentur Diaconi propriam servare Mensuram, ex Græco *ἡμῶν τοῖς ἰδίοις μέτροις*: tum ejusdem Synodi ⁱ, tum Gelasii Papæ decreto ^l.

ⁱ Can. 18.
^l Can. Diaconos 15. dist. 93.

C A P U T I V.

De tribus sequentibus Conciliis generalibus Constantinopolitano 1. Ephesino 1. Chalcedonensi.

I. SEQUITUR CONSTANTINOPOLITANUM primum Concilium, Oecumenicum 2. Patrum centum quinquaginta. Id ex Provinciis præsertim Orientalibus, circiter triginta, habitum est Constantinopoli; quæ urbs est in Europa Thraciæ provincia, priùs Byzantium, deinde à Constantino Magno sub novæ Romæ titulo instaurata: apud Christianos adhuc nomen servat, Turcis corruptè *Stambol* appellatur.

1. Constantinopolitani 1. Concilii locus, & numerus Patrum.

II. Convocata est hæc Synodus Coss. Siagrio & Eucherio, id est anno Christi 381. à Theodosio Seniore, non sine Damasi Pontificis Romani autoritate; ut probant Ecclesiæ Romanæ vetusta monumenta, quæ in Bibliotheca Vaticana, & S. Mariæ majoris asservantur; in quibus cum gesta Damasi contineantur, hæc scripta esse Baronius tradit: *Sententiam de damnatione Macedonii & Eunnomii Damasus confirmat*

2. Tempus & auctores Synodi Constantinopolitana 1.

^a Actio. 18. in
prophonetico.

^b Lib. 3. hist.
Ecclesiast. c. 9.

præcepit etiam in sancta secunda Synodo, qua præcepto & autoritate ejus apud Constantinopolim celebrata est. Id testimonio suo confirmantur sextæ Synodi Oecumenicæ Patres, cum omnium priorum Synodorum conventus factos esse aiunt adversus tumultuantes hæreticos, tam Principibus, quàm priscis Patribus semper contra eos armatis: adduntque Ario insurgente Constantinum ac Silvestrum magnam Synodum apud Nicæam opposuisse: Macedonio autem Theodosium Imperatorem ac Damasum obsticisse. Quin & ipsi hujus Synodi Constantinopolitanæ Præsules, id in Synodica ad Damasum epistola, relata à Theodorito ^bapertè contestantur. Sic enim loquuntur, ἡ ἀδελφικὴν ἐπὶ ὑμῶν ἀγάπην ὑπιδεικνύμενοι, συνόδον ἔστη τὴν ὑμῶν Θεῷ βουλόμεν συλκροτῆντες, ἣ ὑμεῖς, ὡς οἰκτιὰ μέλη, προσηχελίσατε εἰς τὴν τῷ Θεοφιλέστατῳ βασιλεῖ ἡμεῶν: Fraternali erga nos caritate declarantes, ad Synodum, quam Dei nutu ac voluntate Roma congregatis, nos quoque, tamquam membra propria, religiosissimi Imperatoris literis evocastis: deinde, ubi excusationes proposuerunt cur Romam ad Concilium à Damaso convocatum ire non possent, hæc subjiunt, συνιδραμήμενοι γὰρ εἰς τὴν Κωνσταντινῆσιν, ἐκ τῆς ἐξουσίας ὑμῶν τῷ Θεῷ ὑμῶν τιμῶντες πρὸς τὴν εἰς ἀρχαίαν συνόδον πρὸς τὸν Θεοφιλέστατον βασιλέα Θεοδοσίον ἔπισταλθέντων, Conveneramus enim Constantinopolim juxta Literas à reverentia vestra superiori anno post Concilium Aquileiense ad religiosissimum Imperatorem Theodosium missas.

3. *Causa hujus
Concilii cele-
brandi.*

III. Hoc porrò Concilium indictum ac celebratum est præcipuè adversus Macedonium Episcopum antea Constantinopolitanum, & Semi-arianos, sive Pneumatomachos cum illo blasphemantes Spiritum sanctum non Deum, sed creaturam esse. Eos hæc Synodus suo decreto, firmatâ Nicænæ Synodi doctrinâ, addixit anathemati; & cum his hæreticos alios: nimirum Aëtianos ab Aëtio aurifice ac deinde Philospho denominatos, qui & Eunomiani ab Eunomio, Cyziceno Episcopo ejus discipulo, & ab Eudoxio Constantinopolitano Episcopo ejusdem impietatis consorte Eudoxiani, item: que Anomæi, hoc est dissimiles, dicti, Filium omnino Patri dissimilem affirmabant. Eâdem sententiâ notati fuere in hoc Concilio Sabelliani à Sabellio Ptolemaide oriundo appellati, quibuscum Marcellus Ancyranus Marcellianorum autor sensisse

lensisse dicitur, utrique Divinitatis unam sub tribus nominibus Personam mentiti; & Photiniani Sirmiensi Episcopi Phorini sequaces, qui post Paulum Samosatenum Trinitatem negabat, Deum agnoscens unum Spiritum, omnium opificem; Verbum verò mandatum quoddam divinum quo Deus instrumenti loco in rebus producendis uteretur: at Christum purum hominem, qui verbum non substantialiter, sed tanquam prolatum accepisset. Damnati & Apollinaristæ, quorum Princeps Apollinaris junior Laodicæ in Syria natus, volebat Christum Dominum corpus inanime à materiâ traxisse, quod divinitas loco animæ, vel mentis informaret.

IV. Ab hac Synodo non plures quàm quatuor Canones editi sunt: quamquàm apud Græcos septem ei attribuantur. Sed & illos quatuor Latini in tres contrahunt, & quartum cum tertio conjungunt.

V. Itaque post finem Synodi, ab Orientalibus, qui remanserant, additi sunt tres Canones, in quibus ille præsertim, qui tertius apud Græcos numeratur, quo scilicet Constantinopolitanus Episcopus jubetur habere præcipuum honorem, τὰ ἐπισκοπία ἢ τιμὴ post Episcopum Romanum, adjectâ hac ratione quòd Constantinopolis sit nova Roma. Hæc certè constitutio apertè repugnat Canoni 2. ejusdem Concilii, quo cavetur, ut Ecclesiarum limites inviolati custodiantur secundum Nicænos Canones, & quo sua secundum illos privilegia Alexandrino & Antiocheno antistitibus solummodò reservantur. Alia ejus rei argumenta Baronius profert ad annum 381.

VI. Quin secundæ hujus Synodi Canones ad Romanam Ecclesiam relatos, aut ab ea receptos negat Leo I. unde in vetustissima Canonum collectione Latinâ, hujus Synodi Constantinopolitanæ Canones adjuncti sunt Canoni 28. Chalcedonenfis, id est extra suum locum, atque ordinem legitimorum Canonum. Sed & postquàm suo loco Canones Constantinopolitani tres à Dionysio Exiguo inserti sunt Codici Canonum, eos non statim admisit Ecclesia Romana: saltem quantum ad eam partem quâ Primatûs honor Constantinopolitanæ Sedi attribuitur.

VII. Certè nec S. Leoni probatum est hoc Concilium, & de illo ita Gregorius: *Romana Ecclesia Constantinopolitanos Canones vel gesta Synodi illius hætenus non habet, neque*

4. Numerus Canonum Constantinopolitanorum.

5. De novo Constantinopolitanæ Episcopii honore, adjectâ à solis Græcis Canonibus.

6. Autoritas hujus Concilii, & in epistola ad Anatolium.

7. Gesta Concilii.

accipit: in hoc autem eamdem Synodum accepit quod est per eam contra Macedonium definitum. Reliquas verò hæreses quæ illis memorata sunt, ab aliis jam Patribus damnatas reprobant. Itaque, quod alibi dixit idem sanctus Pontifex, se quatuor prima Concilia ut sancta Evangelia suscipere ac venerari, id non absolute accipiendum quantum ad omnia eorum decreta, sed quantum ad res fidei, sive quod ad damnandas hæreses attinet. Et verò nullum venisse ad hanc Synodum legimus Romanæ Sedis Legatum: fortè quod eodem tempore Romæ Damasus Concilium iisdem de rebus haberet. Ex epistolis tamen ultrò citròque missis consensisse in Fide Occidentales & Orientales constat. Vocati fuerant ad hoc Concilium ab Imperatore, spe concordia, Macedoniani, qui numero sex ac triginta venerunt: sed cum orthodoxorum sententiæ accedere recusassent, re infecta discesserunt; & cum aliis, de quibus suprà dictum, damnati fuere. Sed Catholici quod ad fidem attinet & Tomum Occidentalium receperunt, id est, ut plerique interpretantur, fidei professionem à Damaso ex Concilio Romano scriptam ad Paulinum Episcopum Antiochenum; quæ continebantur Anathematismi adversus omnes illorum temporum hæreses. Eodem Symbolo Nicæno articulum adjecerunt quo *Spiritus sancti* una & eadem cum Patre & Filio substantia est declarata his verbis, Ἐἰς τὸ πνεῦμα τὸ ἅγιον, τὸ κύριον, τὸ ζωοποιόν, τὸ ἐκ τοῦ πατρὸς ἐκπορευόμενον, τὸ σὺν πατρὶ, ὃ ὑμῶν σὺν προσκυνώμενον, ὃ συνδοξαζόμενον, τὸ λαλῆσαι αὐτῷ τῷ Περὶ πνεύματος: *in Spiritum sanctum, Dominum, vivificantem, ex Patre procedentem, cum Patre & Filio adorandum, & conglorificandum, locutum per Prophetas*: quod quidem Symbolum à Gregorio Nysseno compositum scribitur^d, & in Synodo Chalcedonenſi integrè recitatum^e, canitur inter Missarum solennia. Quantum autem ad disciplinam, Constantinopolitanæ sedis, rejecto Maximo Cynico, quem perperam ordinaverant Ægyptii Episcopi, impositus primùm est Gregorius Nazianzenus moriens, læto cum civibus Imperatore: postmodum tamen is, subortâ invidiâ, eam dignitatem ultrò abdicavit: aliumque desiderantibus, per Timothei Alexandrini nuper electi Patriarchæ factionem, suffectus ejus loco, arque ordinatus est sub finem Concilii, vir aliarum magis quam Ecclesiasticarum rerum peritus, & adhuc Catechu-

^d Nicephor. lib.

xx. cap. 13.

^e Actio 2.

menus, licet jam senior, Nestarius: & veritum, ut diximus, ne in posterum præpositi Diœcesibus Episcopi^f (id est, Patriarchæ atque Exarchi) ultra præscriptos cuique terminos Ecclesiâs ordinare præsumerent, ut ab Ægyptiis factum fuerat; sed constitutis per Nicænos Canones limitibus contenti essent.

^f Can. 1. Conc. Const.

VIII. EPHESINUM I. quod est Oecumenicum 3. dictum est ab Epheso Asiæ Propriæ seu Proconsularis provinciæ, ac totius Asiæ Diœceseos Metropoli, quæ nomen adhuc in ruinis retinet. Ibi coacta est hæc Synodus post Consulatum Theodosii duodecimum, Valentiniani tertium, sive Coss. Annio Basso & Flavio Antiocho, id est anno Christi 431. jubente juniore Theodosio, atque autore summo Pontifice Cœlestino; cujus Legatus Cyrillus Patriarcha Alexandrinus *Phrygiæ* sive *Mitra*, ut aiunt, ab eo missus, plenioris scilicet potestatis insigni, decoratus, Synodo præfuit^g, cui plusquam ducenti Episcopi interfuerunt. Interfuere imprimis missi Romæ Episcopi duo Arcadius & Projectus, & cum his Philippus Presbyter, Sedis Apostolicæ Legati^h.

8. *Ephesini Concilii locus ac tempus.*

^g Evagr. lib. 1. cap. 4. Phot. 1. 8. cap. 1. Balsam. in Nomocan. Nicephor. lib. 14. c. 34.

^h Conc. Ephes. act. 1.

IX. Scripsit idem Cyrillus duodecim Anathematismos adversus totidem Nestorii Episcopi Constantinopolitani capita, cujus hic damnati errores. Eorum hæc summa fuit, ut Christum in duas hypostases sive Personas distraheret: affirmabat nimirum in eo ut naturas duas, ita & Filios duos esse, unum Deum ex Deo Patre, alterum hominem ex Maria matre: quæ idcirco non Deipara & θεοτόκος dicenda esset, sed ad summum Christipara. Contrà verò definitum est ab hujus Synodi Patribus manere in duabus Naturis unam Domini nostri Jesu Christi personamⁱ, & Mariam Deiparam dici debere.

ⁱ Can. 1. versu Tertia Synodus. dist. 2.

X. Ejus Canones octo apud Græcos recepti, in Latino Codice Canonum non habentur, quod magis Nestorium ejusque fautores, vel adversarios, quàm generalem Ecclesiæ disciplinam respiciant: anathematismi tantum Canonum loco illi Codici inserti sunt.

10. Numerus Canonum, & cur in Codicem Ecclesiæ Romanæ non relati

XI. Convocatum quidem est à Theodosio juniore hoc Concilium, quod orta in Oriente hæresis examinanda in Oriente præcipuè videretur; & is Candidianum Comitem domesticorum ad Concilium misit: sed ea lege id à se factum testatus, ut se quæstionibus Ecclesiasticis non immisceret, sed ut monachos, inquit, & seculares qui spectaculi causâ eo

11. *Quæ Imperatoris partes in hac Synodo.*

1 In Actis Concilii Ephesini.

confluerent, submoveret, & omnem injuriam, vim ac seditionem atque omne impedimentum à Synodo propulsaret¹: sed cum Joannes Patriarcha Antiochenus seorsim in diversorio suo Pseudosynodum cum suis haberet, Candidianus ille has turbas non satis ex officio compescuit: Imò ejus in Nestorium propensi artibus, aliquandiu apud Theodosium laboravit Cyrilli & orthodoxæ Synodi causa; donec patefactâ veritate, iis quæ in Nestorium decreta erant Imperator acquievit.

12. Chalcedonenſis Concilii locus.

XII. CHALCEDONENSE Oecumenicum quartum Concilium, Nicææ priùs indictum, deinde translatum est Chalcedonem: quod oppidum est Bithyniæ ad Bosporum Thracium: Plinio aliisque Latinorum *Chalcedon* vocatur: aliis *Calchedon*. Græcis enim posterioribus est *καλλιδών*, parum abludente vocabulo à Carthaginis nomine, quæ veteribus Græcis *καρχηδών*. Cæterùm Chalcedon, nunc in vicum redacta, cum titulo Metropoleos quem tunc primum consecuta est in honorem S. Euphemie Martyris, in cujus Ecclesia habitum Concilium est, pristinum quoque adhuc nomen retinet, vulgò *Calcidona*, ferè juxta oppidum Constantinopoli oppositum, quod Turcis dicitur *Scutari* vel *Scutaret*.

13. Ejusdem Concilii auctores, tempus & numerus Episcoporum.

XIII. Indicta fuit invitante Leonem Pontificem Marciano Imperatore, & consensu amborum habita, ut ex utriusque Epistolis constat. Celebrata autem fuit ab Episcopis sexcentis triginta, ex Provinciis circiter septem & quinquaginta Marciano & Adelfio Coss. id est anno 451.

14. Forma Concilii.

XIV. Confederunt Patres pro more ante Cancellis altaris in Secretario, sive Sacrario, quem locum Græci Diaconicon quoque appellant. Intervenerunt nomine Imperatoris Anatolius Magister militum, Exconsul & Patricius, & cum eo Præfectus Prætoriorum Palladius, ac Magister Officiorum Vincomalus. Primum inter Episcopos locum tenere Legati seu vices agentes Leonis Romani Pontificis Paschasianus Episcopus Lilybætanus, Lucentius Episcopus Herculanus vel Asculanus, & Bonifacius Presbyter urbis Romæ. Quin & Imperator ipse Marcianus, comitante Pulcheriâ Augustâ, Patres adiit, ac dignâ Christiano Principe oratione allocutus est, testatus se ad fidem confirmandam, non ad potentiam exercendam, exemplo Constantini in Syno-

dum venisse. Tria etiam ipsis disciplinæ capita suggessit, quæ Concilii decretis inserta sunt. Eo præsentē & lætis acclamationibus excepto, ac sæpius faustis omnibus interpellato, recitata est definitio fidei, ab Episcopis præsentibus subscripta; aut etiam absentium infirmorumque loco, non solum ab Episcopis, sed à Presbyteris quoque vel Diaconis, eorum vice fungentibus. Illam autem definitionem ubique servari jusserunt edicto suo Imperatores Valent. & Marcian.

XV. Damnavit hæc Synodus Eutychem sive *Eutyschetem* Archimandritam, seu Abbatem Constantinopolitanum, qui asseverabat Christum non ex duabus Naturis existere, sed post assumptum hominem solam in eo permanere divinam naturam. Damnavit etiam cum eo est Dioscorus Alexandrinus Patriarcha ejus fautor, eâ maximè de causa quòd Leonem Papam excommunicare ausus esset: atque ipse rursus Nestorius. At Theodoritus, Cyri in Syria Episcopus, ab eo in Ephesina Pseudosynodo dejectus Episcopatu, in sedem suam restitutus est, postquam Nestorio anathema dixit: restituti & alii per injuriam in eadem Synodo damnati. Hæc autem gesta sunt Sessionibus tredecim, quæ octodecim Actiones continebant.

XVI. Hujus autem Synodi Canones septem & viginti dumtaxat in Occidente recepti, quos solos Dionysius Exiguus in suo Codice Canonum Ecclesiæ Romanæ descripsit: quod & Theodorus Lector ^m testatur: & cum utroque congruit in eo numero Joannes Antiochenus. Quod aurem Græcorum aliarum collectiones triginta ejus Canones referunt, id Anatolio Episcopo Constantinopolitano adscribitur, qui cætu dimisso, ex quo Legati Leonis Papæ, & Judices ab Imperatore delegati jam exierant, Orientales Episcopos sui studiosos retinuit describendorum Canonum prætextu: & absentibus iis qui ipsius ambitioni præ cæteris contradicendi jus habebant, viginti & septem prioribus Canonibus attexuit vigesimum octavum, quo, quasi per interpretationem furtivi Canonis Constantinopolitani (de quo antea) Secundus inter Patriarchas locus, & paria cum Romano Pontifice Privilegia Constantinopolitano Episcopo attribuantur, cum jure ordinandorum per tres vicinas Dioceses, Thracicam, Ponticam & Asianam, Episcoporum: quæ Dioceses illius ipsius Constantinopolitani Concilii decreto ab

15. Summa gestorum in Concilio Chalcedonensi.

16. Numerus Canonum.

^m Collection. l. 7.

Exarchis sive Primatibus suis, Heracleensi nempe, Cæsareæ magnæ, & Ephesino Episcopis, regi iussæ erant. Addidit & Canones vigesimum nonum, ac trigesium, qui conflati sunt ex iis quæ gesta fuere actione quarta, nimirum ex interlo-
 cutione Paschalinæ sedis Apostolicæ Legati cum ipso Anatolio, atque ex prohibitione præsulibus Ægyptiis post damnatum Dioscorum facta, ne Constantinopoli prius abscederent, quàm alius ejus loco substitutus esset Alexandrinus Patriarcha. Sed Canonem illum xxviii. clam & per obreptionem insertum fuisse demonstrant Cardinales Baronius ad annum 451. ac Perronius in responsione ad Regem magnæ Britanniæⁿ. Et verò postquàm Anatolii dolum rescivere Pontificii Legati, Patribus ad novam sessionem, quæ ultima fuit, convocatis, adversus ea quæ per suam absentiam subdolè gesta erant, proclamarunt. Verùm faventibus honori Sedis Constantinopolitanæ judicibus cognitoribus ab Imperatore delegatis, itum est in sententiam Anatolii. Hoc tamen constitutum, tanquàm Concilii Nicæni Canonibus, imò & tanquàm illi Canoni 2. ipsius Chalcedonensis Concilii repugnans, improbarunt Sedis Apostolicæ Legati intercessionem palàm interpositâ. Quapropter Leo Pontifex ea de re graviter questus est apud Anatolium ipsum, & apud Marcianum Augustum ac Pulcheriam^o: atque acceptâ Patrum synodali Epistolâ, unâ cum actis synodalibus, quibus cuncta rata habere suoque assensu firmare rogabatur, illis in sola Fidei causâ autoritatem suam accommodavit, uti videre est in ejus epistola 61. scripta ad Episcopos qui Synodo Chalcedonensi interfuerant.

ⁿ Lib. 1. cap. 34. & 53.

^o Epp. 53. 54. & 55.

17. *Autoritas ejusdem Concilii.*

^p Lib. de Rom. Pont. c. 12.

^q Nov. 131.

^r Lib. 3. de Concord. cap. 3.

XVII. Hinc scripsit Cardinalis Bellarminus ^p Canones Concilii Chalcedonensis vim nullam habuisse, nisi quatenus à summis Pontificibus, aut ab aliis deinde Conciliis renovati fuerunt. At, cum Canones saltem viginti septem illius Concilii in Oriente statim recepti fuerint, teste Dionysio Exiguo, & Justinianus ^q legum robur Canonibus illis perinde ac trium priorum œcumenicorum decretis attribuerit: satius videtur cum Illustrissimo Marca^t fateri Canonem duraxat xxviii. S. Leoni fuisse improbatum; idque colligi potest ex ipsius Leonis epistola 62. ad Maximum Antiochenum: ubi scribit: *Quicquid præter causas synodaliū Conciliorum ad examen Episcopale defertur, posse aliquam dijudicandi habere*

rationem, ſi nihil de eo eſt à ſanctis Patribus apud Nicaam deſinitum. Nam quod ab eorum regulis & conſtitutione diſcordat (veluti Canon 18. Concilii Chalcedonenſis) Apoſtolica Sedes nunquam poterit obtinere conſenſum. Sic Leonis mentem explicat Facundus Hermianenſis †, Beatiſſimus Leo, non ſententiam ſuper Iba Epistolam prolatam, neque Episcopatum prædicto Iba redditum & cætera, qua in Synodo Chalcedonenſi de quibusdam perſonis decreta ſunt, neque Canones Eccleſiaſtica diſciplina ſalubriter illis à ſanctis Patribus conſtitutos attendis, cum diceret, ut ſanctam Synodum ad extirpandam ſolam hæreſim & ad confirmationem fidei Catholica, ſtudio Chriſtianiſſimi Principis congregatam, in occaſionem ambitus trahas, & his ſimilia, ſed ſuperbiam potius elationem Conſtantinopolitani Episcopi ſicut verba indicant: idem ſenſit & Gelafius Pontifex, cum hæreticis, qui Chalcedonenſem Synodum impugnantes aiebant vel in totum admittendam, vel nulla ex parte firmam eſſe poſſe, reſpondit, qua per incompetentem præſumptionem Anatolii, illicitata ſunt, nullâ ratione ſuſſistere; ſed cætera omnia qua ſecundum Scripturas, traditionemque majorum, ſecundum Canones, regulasque Eccleſia pro fide communi & veritate Catholica & Apoſtolica, pro quâ hanc fieri Sedes Apoſtolica delegavit, factamque firmavit, à tota Eccleſia indubitanter admitti. In Epistolâ quoque ad Episcopos Dardaniæ Gelafius idem ſecundum hæc ſcribit, Leonem, quicquid ultra quàm ab eodem pro fide & communione Catholica atque Apoſtolica illis agendum conſtaret eſſe delegatum, per occaſionem congregationis illius, præter Nicænos Canones novâ videretur actione tentatum, competentis reſutatione vacuaſſe. Videnda in hanc rem tota illa Epistola, quæ inter Gelafianas numeratur xxi.

XVIIII. Ex his apparet circa geſta hujus Concilii tripli-
ci modo ſe geſiſſe ſanctum Leonem: ita ut quæ ad fidei negotium pertinebant Decreto ſuo nominatim & expreſſè confirmaverit; quæ per ambitum Anatolii contra Nicænos Canones novata fuerant, palàm damnaverit: reliqua velut tacito conſenſu admiferit, id eſt, iis non ſit apertè reſiſtens. Expuncto itaque à Græcis ipſis illo vigefimo octavo Canone, redintegrata eſt inter Leonem & Anatolium concordia, quod diſcimus ex illius ad hunc epistola quæ 71. eſt. Anatolius tamen poſteâ, ejuſque ſucceſſores privilegio quaſi ab ſecunda Synodo ſedi ſuæ indulto uſi ſunt, quantum ad ſecundum in

† Lib. f. c. 4.

18 Sanctus Leo
ut circa Syno-
dum Chalcedo-
nenſem ſe geſſi-
ſſet.

1 In l. 16. Cod.
de sacros. Ecclef.
2. Nov. 331. cap.
3.

2 In Breviario
cap. 13.

Ecclesiâ locum: quantum autem ad Diœceseon administrationem, velut ex consensu Episcoporum, & inolitâ deinde consuetudine. Quò respexisse videntur Imperatores Zeno¹, & Justinianus², cum Patriarchica jura Ecclesiæ Constantinopolitanæ, cujus causam fovebant, itâ confirmant, ut jure prioris possessionis, secundum Canones se id concedere, aut probare ostendant. Sic valuit Principum autoritate & longo usu jus Constantinopolitani Patriarchæ, quod innuit Liberatus Diaconus³, *Licet*, inquit, *Sedes Apostolica usque contradicat, quod à Synodo confirmatum est Imperatoris patrocinio permanet quodammodo*,

CAPUT V.

De sequentibus quatuor generalibus Synodiis in Oriente habitis, Constantinopolitanis II. & III. Nicanâ II. & Constantinopolitanâ IV.

1. *Constantinopolitanæ Concilii 2. locus ac tempus.*

2. *Numerus Episcoporum & gesta huius Concilii generalis 5.*

I. CONSTANTINOPOLITANUM II. Concilium, Oecumenicum V. de quo Cann. 9. & 10. dist. 16. in urbe regiâ celebratum est anno 12. post Consulatum Basilii, id est, Christi 553. Justiniani Imperatoris jussu, qui antea Vigilium Papam Româ evocaverat. Sed hic malè ab eo habitus, Synodo interesse recusavit, eoque absente præsedit Eutychius Patriarcha Constantinopolitanus, Mennæ successor.

II. Id habitum est ab Episcopis 165. & secundum edictum ab Imperatore antea promulgatum, tria Capitula damnavit: primùm Libros Theodori Mopsuestiæ quondam Episcopi, qui Nestorio Magister erroris fuerat, & Personas in Christo duas constituebat, itâ ut veller alium esse Deum Verbum, alium Christum hominem. Deinde Ibæ Præsulis Edeseni epistolam ad Marim Persam, quâ Cyrillum perinde ac Nestorium arguens, Mopsuestenum laudibus extollebat: ac denique Theodoriti Episcopi Cyrensis Commentarius, quem adversus duodecim anathematismos Cyrilli Alexandrini, flagrante Joannis Antiocheni cum eo similitate, scripserat. Hi nihilominus duo cum anathema Eutychi & Nestorio dixissent, nec hæreticum dogma ullum tuerentur, in Chalcedonensium Patrum confessum fuerant admissi: hic, etiam Sedi suæ,

sux, quâ dejectus in Ephesinâ 2. Pseudo-synodo erat, restitutus.

II I. Hac eâdem Synodo Origenis quoque Libris sparsa impia commenta damnata sunt, veluti animas hominum sine corpore prius exsistentes in corpus pœnæ causâ demittit, atque ita Christi animam Verbo Divino conjunctam fuisse ante Incarnationem, eumque omnibus Spirituum cœlestium ordinibus jure assimilatum, & pro dæmonibus passurum; atque horum, ut & impiorum hominum tormenta temporaria futura. Damnati cum Origenianis, etiam Didymi & Evagrii Pontici ejus sectatorum errores paganici, ac similia fabulis somnia, & cum his Anthimi, Petri, & Zooræ scripta: quemadmodum ex Græcorum Zonaræ & Balsamonis in hanc Synodum 5. annotationibus liquet: quamquàm ea hujus Concilii pars hodiè non extet, subtracta, uti probabile est, per Theodorum Cæsareæ in Cappadociâ Episcopum, erroribus Origenis & Acephalorum faventem.

IV. Canones nullos hæc Synodus edidit: sed quatuordecim anathematismos, præter anathematum in Origenis & Origenianorum errores capita.

V. Vigilius Pontifex, qui Theodorum quamvis damnandæ doctrinæ autorem, tamen post mortem excommunicari non posse censebat, Justiniano Imp. diu restitit, jubenti ut Synodi hujus decretis subscriberet; quòd eo factò Chalcedonensis Concilii labefactari auctoritatem arbitraretur, à quo recepti in gratiam erant Theodoritus & Ibas. Quâ de causâ exilio multatus est: sed postea revocatus, cum illam omnem controversiam minùs ad res Fidei, quàm ad personas Scriptorum, qui haud dubiè in aliquo peccaverant, pertinere advertisset, Synodo subscripsit damnato scorsim Origene.

VI. Idcirco Afris, aliisque Occidentis Præsulibus hujus Synodi, ipsiusque Vigilii acta displicuerunt; adeò ut eorum plerique ipsius communioni ob mutatam ab eo sententiam renunciaverint. Et sanè quædam sunt quæ adversus Concilii hujus auctoritatem objiciuntur: quòd Vigilius licet Constantinopoli degeret, ei non interfuerit, nec eam pro potestate firmaverit: quòd in eo mortui novo more fuerint excommunicati: quòd Ibas epistola in Concilio Chalcedonensi non omnino improbata, hic absolutè damnata fuerit.

Cæterum Vigilio causæ plures fuere Synodo non interve-

3. *Alia causa in Synodo 5. tractata.*

4. *Hujus Synodi Canones nulli.*

5. *Quomodo approbatum hoc quantum Concilium à summo Pontifice.*

6. *Autoritas cur dubia.*

niendi, tum quòd minus amplum, quàm pro dignitate suâ, Occidentalium Antistitum haberet comitatum: tum quòd Patriarchæ Constantinopolitano primum post se locum supra Alexandrinum & Antiochenum, nec concedere honestum, nec contra Imperatoris voluntatem negare tutum putaret. Quamvis autem Synodi acta non probaverit, sufficit quòd à Pelagio, in Libro quem teste S. Gregorio^a composuit contra schismaticos hoc Concilium tanquam Chalcedonenſi contrarium repudiantes; & ab ipſo Gregorio Magno probata est b.

Quòd autem Synodus Theodorum excommunicaverit jam mortuum, ea non propriè excommunicatio fuit, qua Sacramentorum Ecclesiæ usus aufertur; sed impropriè dicta, quæ indignum Infragiis Ecclesiæ pronunciat eum, qui in errore jam damnato mortuus est. Quòd attinet ab Epistolam Ibæ, Legati Romanæ Sedis in Chalcedonenſi Concilio non dixerant se eam recipere, sed Ibam ex fine ejus ipsius epistolæ innoxium haberi posse, quòd admissis Cyrilli anathematismis, Nestorii doctrinam exploderet, quem decies millies anathematizabat. Neque contra eorum sententiam factum est in hac Synodo, cum eadem epistola damnata est: non enim singula ejus verba singulari sententiâ damnantur, sed quæ Nestorianismum sapiebant, quæ & in definitione hujus Concilii exprimuntur.

VII. CONSTANTINOPOLITANUM III. œcumenicum VI. sive absolute *Sexta Synodus*^c, habita est à 270. Episcopis, aut ex Zonara in historia à 289. Imperatore Constantino Pogonato Heraclii nepote, Pontifice autem Romano Agathone, qui ei per Legatos Theodorum ac Georgium Presbyteros & Joannem Diaconum præfuit; anno Christi 680. inchoatum, sequenti absolutum, in Trullo Palatii. Id nomen fuit Secretarii, sive Aulæ, ab opere arcuato sic dictæ, in qua postea quoque habitum aliud Concilium, quòd Trullanum inde appellatur, aliàs Quinisextum, de quo suo loco.

VIII. Hæc autem Synodus Theodorum qui Pharan Episcopus fuerat, Sergium, Pyrrhum, Petrum, Paulum qui Constantinopolitanam sedem tenuerant, Cyrum qui Alexandrinam, Macarium præsertim tunc Patriarcham Antiochenum, cum Stephano ejus discipulo, & Polychronio, cæterosque Monothelitas, unam in Christo Voluntatem atque

^a Lib. 2. epist. 16.

^b Lib. 2. epist. 24. v. eund. lib. 3. c. 37.

7. *Constantinopolitani 3. Concilii, locus, tempus, & Patrum numerus.*
^c De qua Can. 9. & 10. dist. 16.

8. *Causa & gesta hujus Synodi, & de Honorio 1. R. P.*

operationem, ortâ Heraclii temporibus hæresi, prædicantes anathemate notavit; cùm utraque natura suas habeat proprietates, & neutra existimanda sit voluntate sua & agendi vi caruisse. Illis autem hæreticis acta hujus Synodi quæ nunc extant Honorium Romanum Episcopum adjiciunt, quasi cum Sergio sensisset. Et reverà ejus quoque nomen in epistola Leonis II. ad Constantinum cum cæteris continetur. Sed probat Baronius ex actorum hujus Synodi compendio, quod habetur apud Anastasium Bibliothecarium, in Agathone, colligi adulterata à Græcis eâ hæresi postea laborantibus exemplaria illius Concilii fuisse. Corruptio autem illa à Theodoro Constantinopolitano Episcopo manare potuit, qui propter hæresim damnatus^d, substituto Georgio; deinde post hujus obitum, anno sequenti per simulationem orthodoxæ fidei restitutus est amissæ dignitati, ex Nicephoro: videturque sui nominis loco nomen Honorii in authentico substituisse: cujus tamen ad Sergium epistolæ manifestam hæresim non continebant, possuntque Catholicam interpretationem recipere, ut Joannes IV. Papa præ cæteris ostendit. Quare Sedis Romanæ Legatos ejus damnationem minimè passuros fuisse credibile est: nec id factum videri potest, cum Concilii Patres Agathonis epistolam, quâ numquam in fide defecisse Romana Sedes affirmatur, summis laudibus extollant. Sic etiam ex epistolâ Synodi Romanæ eâ de re habitæ ad hoc Constantinopolitanum Concilium delata, & fidei Symbolo in eâ comprehenso sublata est vox *Filioque*. De his vide Baronium ad ann. 681.

d Aq. 7.

e In Apol. pro Honor. ad Constantinum Imper. Heraclii fil.

IX. Idcirco, quantum ad eam partem attinet, hæc Synodus ab Ecclesia Romana non recipitur. Dogmata verò fidei firmavit Leo II. Agathonis successor, scriptâ ad Constantinum Imperatorem epistolâ; quod sequutus quoque est Nicolaus Papa in epistolâ ad Michaëlem Imperatorem: extatque in *Can. sancta octo. dist. 16.* professio Romani Pontificis, qua promittit se octo prima Concilia, inque his hoc Sextum, amplecti. Adversus hujus Concilii acta proferuntur non pauca ab Alberto Pighio, quæ refellit Joverius.

9. *Autoritas sexta Synodi.*

X. Exemplo Quintæ Synodi, definiendis tantum Fidei rebus vacavit hoc quoque Concilium, eoque pertinent octo vel novem capita ei adscripta: neque enim ullos condidit Canones. Videndus imprimis Baronius.

10. *Canones ad disciplinam pertinentem non condidit hæc Synodus.*

11. *Nicæna 2.
Synodi tempus
& locus.*

XI. Concilium NICÆNUM II. Oecumenicum VII. & simpliciter *Septima Synodus*, ob tumultum Constantinopoli Nicænam translata, celebrata est à 350. vel 367. Patribus, anno Christi 787. imperante per Orientem Constantino puero, Leonis IV. filio cum Irene matre; prius invitato Adriano I. Pontifice, qui de illo congregando ad Tarasium Patriarcham Constantinopolitanum scripsit, Legatosque suos ad illud destinavit Petrum Archipresbyterum Ecclesiæ sancti Petri, & Petrum Presbyterum Abbatem sanctæ Sabæ, qui ante Tarasium in Synodo nominantur, & Adriani nomine præfuerunt huic Concilio. Patriarchæ reliqui sub Saracenorum servitute degentes, pro se Legatos miserunt, Politianus nempe Alexandrinus Thomam Presbyterum ac Monachum, Theodorus verò Antiochenus, & Elias Hierosolymitanus Joannem Presbyterum quoque & Monachum.

32. *Causæ &
gestæ Synodi
hujus septimæ.*

XII. Damnata est in eo *Iconoclastarum* sive *Iconomachorum* sic à frangendis impugnandisque Christi & Sanctorum Imaginibus dictorum hæresis, quæ ex Judæorum, Marcionistarum, Manichæorum, Petri Cnaphei sive Fullonis Antiocheni Patriarchæ, aliorumque erroribus manans, ante annos circiter sexaginta sub Leone Isauro Imperatore exorta fuerat, & sancita per Pseudosynodum Constantinopoli sub Constantino Copronymo habitam, quæ hic rescissa est. Iconomachorum nunc Antesignanus Gregorius Neocæsariensis Episcopus erat, per pœnitentiam in sedem restitutus; sancitumque ut inter Ecclesiasticas traditiones, illa imprimis servaretur, quæ institutum erat ut in Templis Imagines Servatoris nostri, tum Deiparæ Virginis, Angelorum, ac Sanctorum virorum dedicarentur; ut habitâ ratione eorum quæ per illas exhibebantur, unâ cum figurâ venerandæ Crucis, quæ salutis nostræ instrumentum fuerat, salutatione atque adoratione, quæ tamen à latrâ diversa esset, coleretur.

14. *Octava Synodi, seu Constantinop. 4.
tempus, locus,
auctores.*

XIII. Actiones ejus octo extant: in postremâ editi sunt Canones 22. Franciscus Turrianus Apologiam pro sextâ & septimâ Synodis scripsit. Hujus duplex editio est, altera vulgata & antiqua Latine dumtaxat; altera Græco-Latina ex Anastasio Bibliothecario.

XIV. CONSTANTINOPOLITANUM IV. Concilium, Oecumenicum octavum, sive absolute *Octava Synodus*, agente Hadriano II. Pontifice indicta, qui ei præfuit per Legatos

Donatum Ostiensem Episcopum, Marinum sanctæ Ecclesiæ Romanæ Diaconum, jam antea à Nicolao designatos; hisque adjunctum Stephanum Nepefinum Episcopum. Hæc Synodus à 102. Episcopis in Templo Sapientiæ sive sanctæ Sophiæ: anno Christi 869. inchoata, 5. Octobris, indictione 3. finita verò ultimo Februarii anno sequenti, Basilio Macedone imperante in Oriente, Ludovico II. in Occidente.

XV. In hoc Concilio discussa est Ignatii Patriarchæ Constantinopolitani causa, qui prius iniquè dejectus, hic cum dignitate restitutus est; Photio qui sedem ejus invaserat, eoque nomine jam antea à Pontifice Nicolao damnatus fuerat, exautorato, & cum 45. Episcopis anathemate notato.

XVI. Actionibus 10. absolutum est hoc Concilium: Canones ab eo conditi septem & viginti, ex Codice & versione Anastasi prodierunt, quamvis in manuscriptis Græcorum quatuordecim tantum reperiantur. Hoc Græci schismatici pro Oecumenico non habent, ut qui Photio schismatis postea instauratori adhæserint: unde à quibusdam Synodus Florentina pro Oecumenica octava perperam venditur.

Atque hæc sunt octo Universalia Concilia, in quæ jurare Romani Pontifices solebant f.

15. Causa & gesta octava hujus Synodi.

16. Numerus actionum & Canonum Concilii Constantinopolitani 4.

f. Can. sanctæ Romanæ dist. 16.

CAPUT VI.

Sequentia Concilia Vniversalia septem in Occidente habita, Lateranensia nimirum quatuor, Lugdunensia duo, & Viennense.

I. INSEQUENTIA Concilia Generalia in Occidente celebrata sunt. Horum alia priora, fuere numero septem, quorum Decreta corpori Juris sunt inserta; alia posteriora quorum Canones in Juris nostri corpore non habentur.

II. Priorum antiquissimum est LATERANENSE I. Romæ habitum in Palatio Patriarchico, cui nomen Lateranum, sive in Ecclesiâ sancti Salvatoris, quæ & Basilica Constantiniana dicebatur, eò quòd Plautii Laterani viri Consularis, ac prædivitis à Nerone interfecti, ædes, fisco vindicata, posterioribus Imperatoribus palatii loco fuerint. In his & Fausta Maximiani filia, uxor Constantini Magni habitavit;

1. Cur hæc Concilia distinguantur à posteris.

2. Concilii 1. Lateranensis loci ac tempus.

à quo Melchiadi Pontifici concessæ traduntur, ibique exstructa Basilica, & Sedes Episcoporum Romanorum constituta. Hoc Concilium à Callisto II. Pontifice anno 1113. convocatum est.

3. *Causa, & acta Lateranensis 1. Concilii.*

III. Jam à temporibus Gregorii VII. & Henrici qui inter Germaniæ Reges quartus, inter Imperatores tertius numeratur, gravia inter Pontifices Romanos & Germanicos Cæsares dissidia, atque adeo bella, & schismata circa regendos sacræ ac civilis potestatis fines orta, ultra annos 45. duraverant; hinc Imperatoribus jus sibi vindicantibus Episcopatus atque Abbatias propter adjuncta eis feuda concedendi, quod non sine simoniæ vitio fieri dicebatur; inde Pontificibus libertatis Ecclesiasticæ asserendæ studio aut occasione ad excommunicandos, atque exautorandos principes prorumpentibus. Sed tandem cum exercitus Pontificius Adalberto Moguntino Archiepiscopo ductore, haud procul castris Henrici IV. Imperatoris abesset: placuit utrinque pro pugna fœdus: delectisque qui de concordia agerent: ac sub idem tempus Concilium Italiæ præsertim, Galliæque Episcoporum Callistus Romæ habuit, ubi, secundum conventiona, pax ea lege coaluit, ut Imperator liberâ electione Ecclesiis permittit, jus investituræ Episcopatum quæ per anulum & virgam Episcopatus insignia fiebat, Episcopis remitteret, hi ab ipso regalia per sceptrum reciperent.

4. *Numerus Episcoporum & Canonum Lateranensis 1. Concilii gen. 9.*

IV. Interfuere huic Concilio Episcopi ultra trecentos, teste Suggestio sancti Dionysii Abbate, qui & ipse cum Abbatibus plus quàm sexcentis adfuit. Editi in eo sunt Canones viginti duo, quorum is maximè notandus, quo secundum plurium priorum Conciliorum & Pontificum decreta, (quæ parum servata hætenus fuerant) Presbyteris, Diaconibus, vel Subdiaconibus concubinarum & uxorum contubernia penitus interdicta sunt: & sic prorsus ademptus illis ordinibus conjugii usus. In hoc præterea Concilio Hierosolymam ad subsidium Christianorum, pœnitentiæ causâ, proficiscentibus concessa peccatorum plena remissio: & qui aut illius, aut Hispanicæ in Saracenos expeditionis gratiâ Crucem vestibus semel assuissent, pium propositum sub anathematis pœnâ implere jussi.

5. *Lateranensis Concilii 2. generalis 10. tempus & numerus Episcoporum.*

V. LATERANENSE II. Episcoporum vel certè, ut credibilis est, Prælatorum ferè mille, ab Innocentio II. est congre-

gregatum, convocatis ex orbe Christiano universo Patriarchis, Archiepiscopis, & Episcopis; Contradi III. Germanici Imperatoris & Ludovici VII. Francorum Regis temporibus, anno 1139.

VI. Ab eo Petri Leonis, Anacleti nomine Pseudo-pontificis, ac Victoris in ejus demortui locum suffecti, & schismaticorum acta rescissa: Arnaldi præterea Brixienfis, qui Petri Abailardi discipulus fuerat, errores damnati; quibus non tantum Clericorum vitia, opesque & potentiam insectabatur; sed Ecclesiasticam Jurisdictionem abolebat. Aiebat certè, uti Otto Frisingensis testatur, nec Clericos proprietatem, nec Episcopos regalia sive regia feuda; nec Monachos possessiones sine peccato habere posse: cuncta hæc principis esse, ejusque beneficentiâ in usum tantum laïcorum cedere oportere. Præterea de Sacramento Altaris, & de Baptismo parvulorum non rectè sentiebat. Is horum pravorum dogmatum impietatem traxisse videtur à Petro Brussio, sive de Bruis, qui post Tanchelinum minùs notum, verè posteriorum ad nostra usque tempora hæreticorum parens aut antesignanus haberi potest: etenim Infantium baptismum, Templorum ædificationem, venerationem Crucis improbabat; in Eucharistiæ Sacramento verum corpus & sanguinem Christi negabat; & sacrificia, piaque opera quæ Defunctis impenduntur deridebat.

VII. Concilii hujus Canones triginta extant adversus Clericos præsertim simoniacos, concubinarios, aliisque vitiiis maculatos; quorum Canonum non paucos decreto suo intulit Gratianus. In his ille non omittendus, quo, ut Clericos à contemptu vindicaret, quo per ea tempora laborabant, anathema ipso jure incurrendum in eos sanxit qui Clericis violentas manus inferrent.

VIII. LATERANENSE III. quod & absolutè in Decretalium Libris *Concilium Lateranense* nuncupatur, anno 1179. Alexandro III. Pontifice coactum est, Imperatore Friderico I. post compositam inter utrumque pacem, cum regnaret in Galliâ Ludovicus VII. cognomento junior.

IX. In eo trecenti decem Episcopi convenerunt, in quibus etiam ex Asia Guilielmus Tyrius fuit, aliique. Editi sunt in eo Canones viginti septem: damnatis Valdensibus (qui & pauperes de Lugduno) affinibusque illorum hæresi Albigensibus, (qui & Cathari & Patareni dicti.) *Valdenses*, genus

6. *Causa & acta hujus Concilii.*

7. *Canonum numerus.*

8. *Concilii Lateranensis 3. universalis 11. auctor & tempus.*

9. *Numerus Episcoporum & Canonum atque acta Concilii Lateran. 3.*

quoddam monasticæ aut certè communis vitæ professi, sedem Apostolicam initio colebant, donec propter superstitionem à Lucio II. rejecti sunt autore Urspergenſi^a. Inter dogmata quæ illis Guido Carmelita, S. Antoninus^b & alii adscribunt, præcipua hæc fuere, Romani Pontificis decreta nullius esse momenti; Laicos qui iusti sint consecrare & absolvere posse; Sacerdotes impios eam potestatem amittere; nonnisi in cœna Domini communicandum; Panis ac vini consecrationem oratione tantum Dominicâ fieri debere. Cæterum Indulgentias, Purgatorium, Invocationem Sanctorum cachinnis prosequerentur, aliaque similia iactabant ab hodiernis hæreticis renovata. *Albigensium* hæreses quatuordecim fuere, de Mundo à dæmonibus factò, de Metempsychosi, animæque post diuturnas mutationes interitu, de Baptismo parvulis inutiles, de vetito lacticiuorum usu: his detestandum omnium Sacramentorum & Scripturarum contemptum adjiciebant^c.

^a In Chronico.
^b 4. parte hist.
tit. 31. c. 7.

^c De his est c. 8.
extra de hæret.
10. *Petrus Lombardi doctrina de Incarnatione examinari jubetur.*

X. Delatus est in eadem Synodo Petrus Lombardus Episcopus Parisiensis, quasi non rectè de Incarnatione, aliisque mysteriis sentiret; imprimis verò quasi asseruisset Christum quàm hominem, non esse aliquid: quàm de causa cum scripto edito insectatus est Joachimus Abbas Florentis in Calabria. Ejus rei inquisitio Guilielmo Archiepiscopo Senonensi, cum aliis Episcopis ab Alexandro III. mandata est, qui re tota Concilio habito examinatâ, Lombardum cum Ecclesiâ Catholicâ sentire pronunciarunt.

11. *Concilium Lateranensis 4. Oecumenici 12. tempus auctor. & numerus Prælatorum.*

XI. LATERANENSE IV. quod simpliciter *Concilium generale* in Decretalibus appellatur, 412. Episcoporum, Patrum aliorum 800. Abbatum scilicet, Decanorum, ac Priorum: habitum est anno 1215. ab Innocentio III. imperante Frederico II. regnante apud nos Philippo Augusto. Aduerunt Patriarchæ duo, Constantinopolitanus, & Hierosolymitanus, Latini ambo ritûs; Antiochenus per Episcopum Antaradensem: Alexandrinus Saracenorum iugo oppressus Diaconum suum nomine Germanum misit, autore Urspergenſi.

12. *Acta Lateranensis 4. Concilii præcipua.*

XII. Ea præsertim de causa habitum est, ut in Palæstina, à Saracenis Christiano nomini ereptam, suscipiendæ expeditionis gratiâ fœdus inter Christianos Principes sanciretur. Ad id præterea de coercendis, per temporales etiam & corporales pœnas, hæreticis, deque Græcis in unione cum Romanâ

Romanâ Ecclesiâ retinendis. Damnata quoque Albigen-
sium hæreses, stabilitâ præcipuè Transsubstantiationis doc-
trinâ: damnati & Joachimi Abbatis contra Lombardum
scribentis errores, non memoria: Almarici autem Carno-
tensis Diaconi, Theologi Parisiensis etiam memoria. Prava
hujus dogmata viginti memorantur, in quibus hæc fuere,
quod Eucharistiam à communi pane, Patrum scripta à pro-
fanis non distingueret; Resurrectionem negaret; non aliud
Paradisum quàm Dei cognitionem, Infernum non aliud
quàm peccatum mortale agnosceret; Ecclesiæ Cærimonias
idololatriæ adscriberet; & quicquid in charitate fieret, quan-
tumvis sui naturâ illicitum, assereret peccatum non esse.

XIII. Hujus Concilii Canones circiter 70. relati sunt
in volumen Decretalium. Hi quamquàm à nonnullis Inno-
centio soli tribuuntur, quasi ab eo propositi, non à Patribus
suscepti fuerint; quòd Matthæus Parisiensis, aliique eorum
temporum historici, multa in hoc Concilio in consultatio-
nem deducta referant, nihil decretum, soluto per discessum
Pontificis intra vigesimum diem cætu: Id tamen de belli sa-
cri suscipiendi consilio tantum intelligendum esse suadet,
quòd hæc capita, seu hi Canones recepti statim per univer-
sas Occidentis Ecclesias, atque ab insequentibus Pontifici-
bus & Synodis pro Lateranensis IV. Synodi Decretis pro-
bati fuerint.

XIV. LUGDUNENSE I. Concilium, Lugduni in Gallia (quæ
civitas Princeps Lugdunensium Provinciarum, hodie *Lyon*
appellatur) celebratum anno Christi 1245. autore Innocen-
tio IV. sancto Ludovico Francicum sceptrum tenente, pro
expeditione in terram sanctam, & Friderici II. Imperatoris
excommunicatione, atque abdicatione: unde diuturnum
per Germaniam, Italiamque bellorum ac dissidiorum exci-
tatum incendium est, quæ sub nominibus Guelforum qui
Pontificias, & Gibellinorum, qui Cæsareas partes tueban-
tur, civitates plerasque in contrarias factiones distraxerunt,
ac per plura secula agitarunt. In hoc primum Concilio rubri
pilei insigne Cardinalibus attributum.

XV. Interfuere huic Concilio Græcus Imperator Baldui-
nus, & Patriarchæ Constantinopolitanus & Antiochenus,
Episcopi centum quadraginta. Ejus Capitula sive Canones
novem, per Sextum Decretalium librum sparsi à Bonifacio
VIII.

23. Hujus Con-
cilii Canones &
autoritas.

24. Lugdunen-
sis 1. Concilii,
generalis 13.
tempus, locus,
autor, causa.

25. Numerus
Episcoporum &
capitulum huius
Concilii.

16. *Lugdunensis 2. Concilii generalis 14. tempus, canones, & alia.*

XVI. *LUGDUNENSE II.* Concilium, cui Episcopi ultra septingentos interfuere sub Gregorio X. Philippo III. Francorum Rege anno 1274. habitum est. In eo actum de rebus ad pacem Christianorum, & bellum Sarracenis Judæam obtinentibus inferendum, pertinentibus: tum Græca Ecclesia erroribus suis per Legatos à Michaële Palzologo Imperatore Græcisque Episcopis missos renunciatis, ad Romanæ Ecclesiæ rediit unionem. Observant Græci Scriptores Georgius Pachymeres, & Nicephorus Gregoras, suos ad communionem Romanæ Ecclesiæ tribus conditionibus fuisse admissos. 1. Ut à Græcis Romani Pontificis in sacris Missarum precibus mentio fieret. 2. Ut Græcis omnibus liceret ad Sedem Apostolicam appellare. 3. Ut summo Pontifici Principatus in omnibus deferretur. Accesserunt etiam Legati Tartarorum pacis cum Christianis ineundæ causâ: ex quorum unus Christianam fidem amplexus, à Petro Episcopo Ostiensi baptizatus est. Hujus Synodi decreta quæ capitibus novem & viginti continentur, relata sunt magnâ ex parte in Sextum Decretalium.

17. *Concilii Viennensis tempus, autor, acta, decretorum & Episcoporum numerus.*

XVII. *CONCILIUM VIENNENSE*, Generale 15. Episcoporum plusquam trecentorum, Viennæ in Galliâ (quæ Viennensis Provinciæ caput, nomen adhuc retinet) coactum à Clemente V. anno 1311. tempore Philippi Pulcri Regis, à quo Bonifacii VIII. memoria frustrâ hæreseos accusata. Ejus tamen maximè operâ Templariorum ordo extinctus: præterea damnatæ hæreses, tam Petri Joannis, quàm Begardorum ac Beguinarum per Germaniam imprimis pullulantium, ac in his maximè delirantium, quod eos qui perfectionem Christianam adepti essent, nullis omninò legibus teneri, atque in hac vitâ supremam beatitudinem consequi: itemque fornicationem (non tamen osculum) peccato vacare assererent: tum etiam Fraticellorum, & Dulcinistarum qui similibus ferè utrique erroribus impliciti, promiscuam libidinem charitatis specie in sacris etiam conventibus exercebant. Atque hi indicto velut sacro bello, Alpium quas infederant, claustris dejecti, aut capti, combusti sunt. Constitutiones hujus Concilii maximam implent libri Clementinarum partem.

CAPUT VII.

De reliquis Conciliis generalibus Pisano, Constantiensi, Basileensi, Florentino, Lateranensi V. Tridentino.

I. SEQUUNTUR Concilia post Clementinarum, Joannis XXII. iussu factam editionem habita, quorum idem nulla in corpore juris nostri mentio fit. Horum priora tria non omnino probantur Ecclesie Romanæ.

1. *Hæc Concilia posteriora Corpore Juris Canonici.*

II. PISANUM anno 1409. Pisis in Tusciâ (quæ civitas adhuc *Pisa* dicitur) ad abolendum schisma indictum fuit à Cardinalibus obedientie Gregorii XII. Pontificis, & Benedicti XIII. pseudo-pontificis, qui ambo, contra fidem tempore electionis suæ datam, in discordiâ perseverabant. Gregorius tamen à Synodo convocanda non abhorrebat, sed locum minimè probabat. In eâ, utroque post debitam citationem exautorato, electus est ab utriusque partis Cardinalibus Alexander V. qui legitimus Pontifex habitus fuit. Adfuerunt præter Cardinales, Episcopi suprâ trecentos. Concilium ipsum, nec probatum palàm à Romanis Pontificibus, nec reprobatum, à plerisque in numero Conciliorum Oecumenicorum omittitur: S. Antoninus^a legitimum negat.

2. *Pisani Concilii locus, tempus, gesta, auctoritas.*

a 3. parte tit. 22 c. 5. § 2. & 3

III. CONSTANTIENSE centum quinquaginta Episcoporum Concilium, cui & quatuor Patriarchæ interfuisse feruntur, inter universalia habetur. Hoc etiam Concilium tollendi schismatis causâ, quod inter veros, falsosque Pontifices alios Romæ, alios Avenione aut alibi sedentes, jam triginta septem annos duraverat, habitum est, idque Constantiæ, quæ civitas est Provinciæ Moguntinæ in Germaniæ & Helvetiorum finibus, ad Rhenum, lacumque Acronium, vulgò nunc *Cöfnitz* Germanis, nobis *Constance*. Indictum fuit à Joanne XXII. qui vulgò XXIII. curante Sigismundo Rege Romanorum, qui deinde Imperator: inchoatum anno 1414. stetit ad annum 1418. probatumque est à Gregorio XII. In eo Joanni præsentî, Benedicto XIII. in Hispaniâ agenti abrogatus est Pontificatus. Gregorius XII. se sponte abdicavit. Confirmata præterea fuit Romani Concilii sententia adversus Joannem Vviclefsum Anglum. Ejus quadraginta

3. *Concilii Constantiensis tempus, locus, auctor, acta.*

quinque dogmata damnata, quibus transsubstantiationem præcipuè, Missam, Excommunicandi potestatem, Monachorum instituta, Decimarum exactiorem, Confessionem, Jurisdictionem Ecclesiasticam & secularem impugnabat: imprimis verò Sacerdotes in mortali peccato constitutos consecrare, aut ulla Sacramenta validè administrare negabat. Hujus venenum in Anglia studens, avidè hauerat Hieronymus Pragensis, quo postea unà cum Joanne Hus Bohemiam rotam infecit, adjunctis ut fieri solet novis erroribus. Hi duo in hoc Concilio damnati, cum nihilominus in sententiâ persistant, hæreseos suæ pœnas vivi-comburio luerunt.

4. *Constantiensis Concilii auctoritas.*

IV. Sessiones hujus Concilii 40. extant, ejusque de fide decreta legitimo Conciliorum more constituta approbavit Martinus V. in locum prædictorum Pontificum substitutus. Sed Decretum de Concilii generalis immediatâ à Christo auctoritate, cui parere ipsi Pontifices teneantur, non magis quàm Decretum de Conciliis universalibus per singula decennia celebrandis, probaverunt unquàm Romani Pontifices: illud ad casum schismatis ac dubios Pontifices contrahit Turrecremata, & alii. Gallorum alia est sententia, quantum ad illa Decreta. Ar stylum literarum quarundam ab hoc Concilio missarum, & mixta minis jussa, nemo probaverit, qui ut par est, supremorum Principum majestatem colat.

5. *Basileensis Concilii semper, locus, ratio.*

V. BASILEENSE, habitum Basileæ ad Rhenum, nunc *Basel* Germanis, Gallis *Bâle*, in confinio Helvetiorum ac Germanorum, & Provincia Vefontionenfi. Congregatum est à Martino V. eoque mortuo, à Juliano sancti Angeli Cardinali Diacono, jussu Eugenii IV. inceptum anno 1432. sed ab eodem Martino postea anno sequenti dissolutum, revocato Juliano Cardinali Legato suo: convocatumque Ferrariam ac deinde Florentiam aliud Concilium. Non idèd tamen Basileâ discessere congregati Pates: sed ad annum 1442. perstiterunt, citato Eugenio, qui etsi anno 1434. Legatis missis, ac dissolutione revocatâ, progressum Concilii probavit. Sed cum deinde Ferrariam Concilium destinaret, denuò citatum exautorarunt, & parere recusantem destituerunt, substituto Amedæo Sabaudix Duee, qui Felix V. dictus, Pontificatui deinde renunciavit. Renovata in hoc Concilio, confirmataque sunt Synodi Constantiensis placita de Concilii Oecumenici Jurisdictione; prohibitus Laicis sine speciali veniâ utrius-

que speciei in Eucharistiâ usus, & Conceptionis B. Mariæ festum institutum.

VI. Ejus Decreta quæ ad exautorationem Eugenii, & convellenda Ecclesiæ Romanæ privilegia pertinebant, tum à Pontificibus, tum à Lateranensî V. Concilio non improbata sunt: quæ ad Collationes Beneficiorum aliaque capita spectabant, Nicolaus V. concordia causâ probavit. Hoc itaque Concilium, quoddam in iis præsertim controversiis, quæ inter generale Concilium & Pontificem vertebantur, contra hujus omnimodam auctoritatem & senserit, & nonnulla tentaverit, Romæ ex hac parte reprobatur, iis displicet qui absolutam illam potestatem, etiam supra Generale Concilium tuerentur: sed apud Gallos omnino recipitur. Pro Concilio inter cæteros scripserat Æneas Silvius: sed postea Pontifex creatus sub Pii II. nomine scripta illa retractavit.

6 Auctoritas
ejusdem.

VII. Hujus Concilii Decretorum quæ ad disciplinam exterioriorem pertinent, pleraque Carolus VII. ex sententiâ Conventus Bituricensis in Pragmaticam Sanctionem anno 1438. transtulit: quæ Romanis Pontificibus cum neutiquam placeret, à Ludovico XI. Rege revocata, nihilominus in regno omnino servabatur, donec fœdere Bononiensi, sive Concordatis inter Franciscum I. & Leonem X. anno 1517. initis, in multis est immutata.

7. Ex Basileensibus Decretis Pragmatica Sanctio.

VIII. Decreta sive Canones Concilii Basileensis sunt xxxiiii. sessiones 45. in quibus suffragiorum, non per singulos Episcopos, sed per nationes habita ratio est.

8. Numerus Basileensium Sessionum & Decretorum: hæc quatenus recepta.

IX. FLORENTINUM, Ferrariæ in Flaminia seu Romandiolâ inchoatum anno 1438. inde translaturum, & sequenti anno absolutum Florentiæ in Tusciâ, quæ Italis *Firenze* vel *Firenze* vulgò, nobis *Florence*. Ab Eugenio IV. qui ei præfuit, oppositum est Basileensi. Celebratum à centum quadraginta & uno Episcopis, præsentibus Græcorum Imperatore Joanne, cum Josepho Patriarcha Constantinopolitano, qui supremum diem Florentiæ clausit. Habitum est imprimis Græcorum cum Latinis conciliandorum causâ. Et verò sequuta tandem est inter utramque Ecclesiam reconciliatio, postquam inito tractatu, de Spiritus Sancti Processione & addenda, vel non addenda Symbolo voce *Filioque*, de Purgatorio, de Beatorum statu, deque Primatu Ecclesiæ Romanæ, convenit. Post Græcorum discessum, Jacobitarum

9. Concilii Florentini locus, tempus, Autor, causa, numerus, actum ac Sessionum.

sive Armenorum Patriarchæ Legatis unionem petentibus, data est Eugenii Decreto instructio, quâ præsertim doctrina Ecclesiæ Catholicæ de Sacramentis explicabatur. Hujus Synodi sessiones numerantur omnino viginti quinque, Collationes cum Græcis una & viginti: Decreta quatuor: Acta Græcè & Latine Romæ edita. Exiit & ejus nuper Historia apud Hagam Comitum sub nomine Silvestri Syropuli, interprete Roberto Creyghtono Anglo, cujus utriusque fides non uno argumento apud Orthodoxos laborat.

10. *Tempus & causa Lateranensis 5. Concilii, Sessionum item & Episcoporum numerus.*

X. LATERANENSE V. Episcoporum centum quatuordecim, anno 1512. ad schisma extinguendum, disciplinam instaurandam, Principum faciendam concordiam, & suscipiendam adversus Turcas expeditionem, indictum & celebratum à Julio II. Pontifice: maximè verò contra Pisani Concilium, quod ex Decreto Constantiensis de habendo singulis decenniis generali Concilio, & ex jurejurando Julii de eodem intra biennium ab electione sua cogendo, contra ipsum à Cardinalibus aliquot convocatum, Ludovico XII. Francorum Rege, & Maximiliano Imperatore autoribus, anno 1511. habitum fuerat. Hoc Lateranense V. protractum est ad annum 1517. & sub Leone X. finitum. Ab eo reprobata sunt prædicti Pisani conventus acta, & Pragmatica Caroli VII. Sanctio, quæ per id temporis in Concordatorum tabulas, multis immutatis, est transfusa. Cardinalium præterea, qui Pisano interfuerant, nonnulli veniam poscentes, restituti: vetitumque ne in Philosophicis scholis de Mundi æternitate, aut mortalitate & unitate Animæ humanæ contraria Christianæ fidei dogmata traderentur. Ejus sessiones sunt numero duodecim. Interfuerunt Cardinales 18. Patriarchæ, non orientales, sed eorum loco titulares duo, cum Aquileiensi Archiepiscopi & Episcopi 87. è Gallia paucissimi. Nec apud nos usquequaque probantur hujus Concilii acta.

11. *Concilii Tridentini loci, tempus, causa & acta.*

XI. TRIDENTINUM, Tridenti (quod vulgò nobis *Trente*) in Italiæ, Germaniæque limitibus & provincia sacra Aquileiensi, indictum à Paulo III. ceptumque an. 1545. sub eodem, cui successit Julius III. desinit anno 1563. sub Pio IV. à quo & confirmatum est, ità ut octo decim fermè annos duraverit, Carolo V. Ferdinando I. Imperatoribus Germanicis, Regibus autem Francorum, Francisco I. Henrico II.

Francisco II. Carolo IX. In eo Protestantes, qui Confessionem Augustanam in Germaniâ profitebantur, & Martini Lutheri erroribus præsertim inhærentes, Evangelicos se prædicabant; itemque Joannis Calvinii per Galliam assecclas, qui Reformatorum titulum sibi arrogant, plures denique Sacramentariorum nostri seculi sectæ damnatæ, quoddam de justificatione ac Prædestinatione, tum de Sacramentis ferè omnibus, de Purgatorio, de Sanctorum invocatione, Imaginum & Crucis veneratione, jejunio & reliquis Ecclesiæ Catholicæ antiquissimis ritibus, de Pontificia imprimis auctoritate, ipsâque Hierarchiâ perperam sentirent: multa prætereà circa disciplinam utiliter constituta.

XII. Sed hæc quoniam aliqua ex parte Gallicæ Ecclesiæ, ac Regiis apud nos juribus atque usui adversari videbantur, nondum in hoc regno recepta palàm & generatim; sed eorum non pauca Regiis Constitutionibus sancita sunt. Dividitur in sessiones 25. quarum pleræque duabus constant partibus, Canonibus qui res fidei, & anathemata continent; & Decreto de Morum reformatione: subscriptum à Patribus 255. quorum 196. Patriarchæ, Archiepiscopi, Episcopi fuere.

Historiam porro Conciliorum Generalium sedulò apud nos subcurrentis initium seculi composuit ac Libris quatuor complexus est *Edmundus Richerius* Doctor & Socius Sorbonicus. Scripsit & eodem fermè tempore *Simon Vigorius* in Magno Consilio Consiliarius tractatum de Conciliis aliique.

12. Auctoritas
Concilii Tridentini,
Sessionum
& Episcoporum
numerus.

CAPUT VIII.

Concilia quasi Universalia, Arelatense, Sardicense, &c.

I. QUASI Universalia dicimus Concilia quædam, quæ tum indicentium, præsidentiumve auctoritate, tum convenientium Antistitum numero, tum famâ ipsa & usu ita spectabilia sunt, ut Oecumenicis videantur propemodùm exæquanda, atque à nonnullis inter universalia numerentur.

II. Inter hæc primum antiquitate occurrit ARELATENSE I. ducentorum circiter Escoporum *Arelate* (quæ civitas est Gallix in comitatu Provinciæ ad Rhodanum, vulgò *Arles*) celebratum Volusiano & Anniano Consulibus, id est anno

1. Quæ dicimus quasi Universalia Concilia.

2. Arelatensis
1. Concilii, locus, tempus, numerus Episcoporum.

Christi 314. annis undecim ante Nicænam I. Synodum.

3. *Causæ & adiuncta alia Concilii Arelaten-
sis.*

III. Congregatum autem est ex Occidente universo sub Silvestro Romano Pontifice, iussu Constantini, ad quem Donatistæ, Felicem Episcopum Aptungitanum in Africa traditorum in persecutione sacrorum voluminum falsò insimulantes, & Cæcilianum Carthaginensem ab eo ordinatum impugnantes, à Concilio Romano sub Melchiade damnati appellaverant. Sed, hæc quoque Synodo damnati, præside Mariano Episcopo Arelateni, qui cum cæteris ad Silvestrum de Canonum suorum approbatione scripsit. Hujus Canones habentur tres & viginti.

4. *Locus, tempus, & causa Sardicensis Concilii.*

IV. SARDICENSE; Sardicæ in Daciâ Illyrici Provincia, cujus hæc Metropolis fuit in confinio utriusque Imperii Occidentalis & Orientalis sita. Hodie vulgò *Sophia* Græcis, Slavonibus *Triadizza*. Coactum est sub Julio Pontifice, Imperatoribus Constante & Constanrio, Rufino & Eusebio Coss. sive anno 347. ex pluribus quam triginta quinque Provinciis, in causâ tum Athanasii Alexandrini, Marcelli Ancyрани, aliorumque Episcoporum exulum, tum Ariannorum.

5. *Nicæni quasi appendix habetur hoc Concilium.*

V. Nicæni quædam velut appendix in veteribus nonnullis Codicibus, cum ejus Canonibus conjungitur; adè ut ejus Canones tempore Zosimi & Bonifacii Romanorum Pontificum in Ecclesiâ Romanâ pro Nicænis habiti, controversiæ cum Ecclesiâ Africanâ de numero Nicænorum Canonum locum fecerint; cujus erroris seu confusionis hæc duplex causa fuit, tum quod in eo confirmata fuerit fides Nicæna, tum quod huic Concilio plerique inrerfuerint Nicænorum Parrum, in quibus Osius qui ei præfuit nomine Julii P.

6. *Numerus Sardicensium Canonum & Episcoporum.*
a Lib. 2. hist. c. 8.

VI. Canones condidit viginti & unum. Ex provinciis triginta octo, quæ in Synodali ad omnes Episcopos Epistola enumerantur apud Theodorum a, convenerunt Episcopi magno numero, sed non satis certo. Sex & septuaginta supra trecentos fuisse testantur Socrates & Sozomenus. Horum circiter 300. ex Occidente fuere orthodoxi: à quibus Græci seu Orientales plerique, Ariana labe aspersi, recesserunt.

7. *Pseudo-Sardicense Conciliabulum.*

VII. Ab his Symbolum ad Ariana dogmata accommodatum Philippopoli in vicina Thracia concinnatum est sub nomine Sardicensis Concilii: cum recte Athanasio, qui veræ Synodo interfuit, & cum Marcello aliisque absolutus est,
nulla

nulla fidei formula à Sardicensi Concilio edita fuerit, sed cautum ut non alia quàm Nicæna valeret. Hinc factum est, ut confuso in unum utroque conventu, à S. Augustino aliisque Patrum non usquequaque probatum fuerit Sardicense Concilium; ignoto eo quod verè Sardicæ fuerat celebratum: quod tamen, si adjuncta inspicias omnia, œcumenicis accensendum esset, nisi Constantinopolitanum primum, quod post annos quatuor & viginti sequutum est, Secundæ Synodi nomen apud Orientales statim, apud reliquos ex usu & consensu quodam paulatim accepisset; unde contigit ut Sardicense inter Nicænam & Constantinopolitanam Synodum intermedium, suum inter universalia locum non tenuerit.

VIII. CONSTANTINOPOLITANUM *in Trullo*, sic nuncupatum, quod in Secretario Palatii habitum sit, quod ob fastigium concameratum, Trulli sive Trullæ nomine appellabatur, ut antea est annotatum. Dicitur & *Sexta*, & *Quini-sexta* Synodus; *πεντήκοντη*, quod Quintæ & Sextæ velut appendix, eo colore coacta sit, quod Quintæ & Sextæ œcumenicæ Synodi Canones nullos edidissent, de solis Fidei rebus controversis habitæ. Indicta est anno 692. ab Imperatore Justiniano juniore, (qui Rhinothmetus à truncis naribus cognominabatur) agente Callinico Patriarcha Constantinopolitano.

IX. Canones edidit 102. Ea quidem nec à Sergio, aliisque Romanis Pontificibus, quin nec ab Orientalibus etiam, extra Constantinopolitanum, Patriarchis recepta fuit, teste Anastasio Bibliothecario; quod citra Ecclesiæ Romanæ auctoritatem coierit, nec pauca cum Occidentalis Ecclesiæ moribus pugnantia contineat: unde Synodus *Erratica* vocatur à Beda. Apud Græcos tamen celebratur, imò à Schismaticis pro Sexta œcumenicâ sæpè laudatur; atque in plerisque cum probatorum Conciliorum decretis satis congruit: ideoque videtur, quantum ad hæc, ab Adriano Papa non improbari in Epistolâ ad Tarasium, quæ in Septimâ Synodo extat, & laudatur *can. 5. dist. 16.* in quem tamen vide notam Romanorum correctorum & Melchioris Cani^b.

X. FRANCOFURTENSE seu *Frankfordiense*, Francofurti ad Mœnum in Germaniâ & provinciâ Moguntinâ, Caroli Magni jussu coactum anno 792. missis ab Hadriano Pontifice Legatis.

XI. Habita imprimis est contra Elipandum Archiepisco-

8. *Constantinopolitana Quini-sexta*, seu *Trullana Synodi tempus, locus, & causa.*

9. *Canonum numerus, & auctoritas.*

a Act. 1.

b Lib. 5. de loc. Theol. c. 57.

10. *Concilii Frankfordiensis, tempus & locus.*

11. *Ejus Concilii causa & acta.*

pum Toletanum, fautorem Felicis Episcopi Urgellitani, qui Christum Dei Patris Filium tantum adoptivum asserens, in Ratisponensi Concilio paulò antea damnatus fuerat: in hac Synodo improbata quoque est Constantinopolitanæ Pseudo-synodi VII. contra Imaginum cultum doctrina sub nomine Septimæ Synodi; secundum sententiam tamen Nicænæ II. quæ verè VII. Synodus œcumenica fuit, à cujus mente Francosurtenſes Patres minimè disceſſiſſe Binius demonſtrat, quamvis contrà ſenſerint non pauci. Vide Sirmondi, itemque Labbei, & Coſſartii Notas.

12. Concilii
Claromontani
tempus, locus,
autor, numerus
Episcoporum.

XII. CLAROMONTANUM ſive *Arvernium*, habitum apud Clarum montem Arvernorum civitatem primariam (*Clermont en Auvergne.*) Id celebratum eſt anno 1095. ab Urbano II. Pontifice & Patribus ducentis atque ampliùs, Rege Francoꝝum Philippo I. Imperatore Henrico I V.

13. Eius Con-
cilii cauſa, acta,
& Canonum nu-
merus.

XIII. In eo Placentinæ Synodi ſtatuta pro reformanda Eccleſia contra hæreſim Simoniacorum & Nicolaitarum, ſive incontinentium Clericorum, confirmata ſunt, Canonibus 32. quorum nonnulli habentur apud Gratianum. Novo prætereà exemplo expeditio in Sarracenos ad liberandum Palæſtinam Petri Heremitaræ conſilio decreta, cujus ſtipendia Indulgentiæ, Vexillum Crux erat: unde Cruciatæ nomen *la Croiſade*. Ejus exitus aut certè effectus fuit conſtitutum quadriennio poſt Chriſtianorum Hieroſolymis regnum, cui Gothofredus Bullionius ſive Boloniensis, reliquorum Principum ſuffragio, ex Francis impoſitus.

14. Turonen-
ſis 3. Concilii
tempus, locus,
autor, geſta, Ca-
nonum & Præ-
latorum nume-
rus.

XIV. TURONENSE III. Concilium, ſub Alexandro III. anno 1163. in Turonum Metropoli civitate, quæ vulgo *Tours*, in Gallia à 114. Episcopis, Abbatibus plus 400. præſide Pontifice ipſo Alexandro habitum. In eo damnatus Octavianus, aliàs Viſtor II. per ſchiſma Pontifex electus, reſciſſa ſunt Synodi per illum & Fridericum Imperatorem celebratæ acta; Canones denique, præter priora Eccleſiæ circa diſciplinam decreta, ibi ſunt editi, qui Decretalium Libris inſerti leguntur.

CAPUT IX.

Pseudo-Synodi Generales.

I. INFINITUM esset omnia Conciliabula, omnesve Pseudo-synodos variis seculis ac diversis de causis, tam in Oriente, quàm in Occidente habitas recensere: Eas hic attingere sufficet, quæ per celebriora olim, tum Arianorum cum Orthodoxis certamina, tum Græcorum adversus Latinos schismata, œcumenicarum apud suos nomen vindicarunt, aut ceterè auctoritatem Generalium & plenariarum Synodorum æmulate videntur: sed tamen Catholicæ Ecclesiæ iudicio rejectæ, improbatæque sunt.

1. De quibus Conciliabulis dicendum.

II. MEDIOLANENSE Conciliabulum, in civitate Galliæ Transpadanæ, (quæ post Liguriā, dicta est) imò Italiæ superioris Metropoli (nunc *Milano* in Lombardia) Arbetrone & Loliano Confl. anno scilicet 355. à Liberio Romano Pontifice permissu Constantii Imperatoris indictum; sed à sacris ædibus in ædes Principis translatum, qui Episcopos Catholicos numero circiter trecentos, maximam nimirum eorum partem qui ex Occidentalis Imperii provinciis convenerant (pauci enim Orientalium venere) ipse præfens, minasque intentans, constituendæ in Ecclesiâ pacis speciei, Athanasii absentis atque inauditi damnationi subscribere plerosque adegit, paucos recusantes exilio multavit, ac postea reliquos, nec modò Luciferum Episcopum, Pancratium Presbyterum, & Hilarium Diaconum, Sedis Apostolicæ Legatos malè habuit, sed ipsum etiam Liberium Romæ Mediolanum, indeque in Thraciam abreptum, dirè vexavit. In hoc conventu enituit imprimis Eusebii Vercellensis Episcopi virtus.

2. Conciliabuli Mediolanensis tempus, locus, acta.

III. SIRMIOENSE anno 357. habitum Sirmii, quæ civitas Savix provincie in Pannoniâ, atque Illyrici Occidentalis caput fuit (hodie *Sirmisch* Germanis, in Hungaria:) præsentibus Constantio & Liberio iisdem celebratum est. Interfuerunt Episcopi amplius quàm trecenti ex universo Occidente, magnâ ex parte Ariani. Hi statim initio Synodi, quò facilius Catholicis illuderent, atque Athanasii damnationem ab illis extorquerent, Photinum Episcopum Sirmien-

3. Conciliabuli Sirmiensis locus, tempus, acta.

fem, qui quoddam divinam Christi naturam, & eandem cum Patre substantiam negaret, & Ebionis aliorumque hæreticorum errores renovaret, dejectus Episcopatu in Sardicensi Concilio fuerat, sed novos à Constantio iudices impetraverat, iterum damnarunt illi quidem, licet ei haud multum dispares. Sed duas Fidei formulas edidit, quarum prior Latine scripta, & in Græcum sermonem versa, à Nicæno fidei Symbolo, non in alio differret, quàm quod in eo *consubstantialis* vocabulum esset omissum: atque huic formulæ subscripsit Liberius, quod nihil contineret à Catholicâ fide alienum, ejusque autoribus Arianis per Epistolam communicavit; quo nomine ejus deinde communionem Catholici diù respuerunt. Verùm posterior Formula, quæ prioris loco sub nomine Symboli Sirmienfis post multorum Episcoporum discessum venditata fuit, nomen Consubstantialis non solum omittebat, sed apertius impugnabat, cum vetaret de *ὁμοούσιον* & *ὁμοιοούσιον*, sive tam de substantia, quam de similitudine Filii cum Patre, disputari, eo colore quod in Scripturis hæc voces non occurrerent, eaque res mentis humanæ captum longè superaret. Ut autem huic formulæ fidem conciliarent, Olij jam centenarii subscriptionem verberibus ac tormentis extorserunt. Sed hanc confessionem impugnaverunt deinde Semi-Ariani Ancyrae anno 358. congregari, qui Consubstantialis verbum non improbant, quia Christum verum Deum de Deo asseriebant.

4. Conciliabuli
Ariminensis
tempus, locus, nu-
merus Episcopo-
rum, &c.

IV. ARIMINENSE, 600. Episcoporum, Arimini in Piceno (nunc vulgò *Rimini*) invito Liberio Papa, Arianorum operâ coactum anno 359. quo ab Orientalibus 150. circiter Episcopis Conciliabulum aliud Seleuciæ in Isauriâ habebatur. Ariminensis hujus Concilii Patres, qui Arimini remanserant post aliorum discessum Constantium in Orientem prosequendum, primum quidem Sirmiensem Arianorum fidei formulam cum Valente, Ursatio & sociis damnant, Nicænâ firmatâ: sed post ab illis Nicææ in Thraciâ conditam sub Nicænæ titulo formam fidei Arianam, exilii ac tormentorum metu approbare coacti sunt: ita ut autore D. Hieronymo ^a totus penè orbis Arianum se esse miratus ingemuerit. Liberius, quoddam raram eam confessionem non haberet, iterum à Valente relegatus est: Gaudentius Ariminensis Episcopus fustibus & lapidibus cæsus, aliique pessimè habit.

^a Dialogo contra
Luciferianos.

V. EPHEsinum II. quam *Latrocinalem* sive prædatoriam *Ἀντιόχεια Synodum* Catholici dixerunt, quod licet à Leone Pontifice congregata, non tamen liberè habita, sed Dioscori Alexandrini eam regentis minis Ecclesiasticus ordo prorsus violatus fuerit. Per eum imprimis factum ne Leonis encyclica epistola de Verbi Incarnatione in Synodo legeretur, 128. Episcopi Eutychetem confirmatâ ejus hæresi absolverint, frustra repugnantibus Leonis Legatis, aliisque Præsulibus rectè sentientibus; in quibus Flavianus Patriarcha Constantinopolitanus damnatus, ac tandem fustibus per milites cæsus, expiravit, multaque alia per vim gesta tempore Theodosii junioris, anno 449.

5. Ephesina 2.
Pseudo Synodi
res ac tempus.

VI. CONSTANTINOPOLITANUM *Pseudo-septimum*, 328. Episcoporum à Constantino Copronymo adversus Imaginum cultum congregatum est, anno 754. Stephano III. Romano Pontifice non consentiente, vel potius damnante.

6. Constanti-
nopolitana pseudo-
septima Synodi,
res, & tempus.

VII. CONSTANTINOPOLITANUM in Templo Apostolorum, quo à 318. Episcopis Ignatius Patriarcha Constantinopolitanus per vim dejectus est, Photio præside, & Legatis Apostolicis terrore injecto subscribere coactis, anno 861. tempore Michaëlis III. Imperatoris, & Nicolai Papæ, à quo *Latrocinialis* hæc quoque Synodus est cognominata. Græci quod non uno tenore habita, sed interjecto aliquo intervallo, duabus divisis actionibus celebrata fuerit, Primam & Secundam appellant, ejusque Canones 17. admittunt.

7. Concilia-
buli Constanti-
nopolitani in
templo Aposto-
lorum, tempus,
acta, & Cano-
num numerus.

VIII. CONSTANTINOPOLITANUM *pseudo-octavum* in Templo Sapientiæ an. 879. coactum est. In eo Photius restitutus, mortuo Ignatio, & quantum in illo fuit germana Synodus Octava œcumenica infirmata, interceptæ ad sedem Romanam appellationes, unde schismati quod adhuc inter utramque Ecclesiam durat, exordium. Damnatum est hoc Concilium, cum ipso Photio, à Joanne VIII. Ejus tamen Canones numero tres à Græcis recipiuntur.

8. Constanti-
nopolitani pseudo-
octavi Concilia-
buli tempus, lo-
cus, res, & nu-
merus Canonum.

CAPUT X.

Concilia Localia Græca in Codicem Ecclesiæ
Universæ relata.

1. Synodi Asiaticæ veteres quinque, quæ ratione ubique receptæ.

^a Can. 14. à sanctis, xxv. quæst. 1.
^b Can. de libellis dist. 10.

2. Synodus Ancyranæ, ejus locus, tempus, causa, Episcoporum & Canonum numerus.

3. Synodi Neocæsariensis locus, tempus, Episcoporum, & Canonum numerus.

4. Gangrensis Synodi locus, tempus, res, numerus Episcoporum & Canonum.

QUINQUE veterum Conciliorum in Orientalibus Provinciis circa Nicæni 1. tempora habitorum Canones Concilio Chalcedonensi^a, itemque à Justiniano Novellâ 131. sed expressius in Constantinopolitana Quini-sexta seu Trullanâ secunda Synodo apud Græcos recepti sunt, atque ante hanc Synodum in Codicem Canonum Ecclesiæ Universæ inserti, & à Romanis Pontificibus pro authenticis sunt probati^b.

II. Inter ea primum locum obtinet ANCYRANUM, quod & Ancyritanum, & Anquirensē; Ancyræ habitum, quæ Metropolis est Galatiæ Provinciæ in Ponticâ Diœcesi, diciturque nunc Turcis *Anguri*. Celebratum autem est anno Christi 314. ac proinde ante Nicænam Synodum, ab octodecim saltem Episcopis ex Orientali & Pontica Diœcesibus (quæ tunc Antiocheno Patriarchæ ambæ suberant) quorum plerique Synodo quoque Nicænæ postea interfuerunt. Hi de Lapsis præsertim reconciliandis, autore imprimis Vitali Antiocheno Episcopo, Canones viginti quatuor edidere, ex quibus Græci fecerunt quinque & viginti.

III. NEOCÆSARIENSE, *Neocæsarea* quæ Metropolis est Ponti Polemoniæ (Turcis nunc *Nichsar*) paulò post Ancyranum, & ante Nicænum, anno vel 314. vel certe 315. congregatum videtur: ei quippè cum aliis sedecim Antistitibus interfuit Basilus Amasæ Episcopus, anno sequenti sub Licinio passus. Extant hujus Concilii Canones quatuordecim; Græcis quindecim, decimo tertio in duos diviso.

IV. GANGRENSIS, celebratum *Gangra* sive Gangris, quæ Metropolis est Paphlagoniæ in eadem Diœcesi Ponticâ (nunc Turcis *Kiengar*) Silvestri Pontificis & Constantini temporibus, circa annum Christi 324. adversus Eustathium ejusque sectatores, qui legitimas Nuptias criminabantur, & Ecclesias Dei, sacrosque in iis conventus contemnebant. Canones ejus ab Episcopis sedecim constituti, numero sunt

viginti apud Latinos, apud Græcos viginti & unus, sed ultimum non esse propriè Canonem ostendit Beveregius.

V. ANTIOCHENUM, coactum Antiochiæ, quæ sedes est Patriarchica Orientis in Syriâ (nunc in ruinis *Antachia* vocatur.) Ibi plures Synodi celebratæ, præsertim anno 266. & anno 272. contra Paulum Samosatenum ejus Urbis Episcopum, qui nullam in Deo Personatum distinctionem agnoscens, Christum hominem tantùm fuisse aiebat, in quem Verbum Dei descendisse, solum in eo esset operatum, ac deinde ad Patrem qui illud spiraverat, rediisse. Aliæ quoque posteriores in eadem urbe celebratæ Synodi memorantur. Verùm hæc, cujus Canones sunt viginti quinque (magnam partem ex Canonibus qui vocantur Apostolorum deprompti) sub Constantio Imperatore & Julio Pontifice habita est, Marcellino & Probrino Conss. anno 341. in Encæniis seu dedicatione celeberrimi Templi quod Dominicum aureum est dictum. Eò convenerunt Episcopi 97. vel 99. quorum triginta sex Ariani sive Eusebiani, Catholicam fidem, atque instaurandæ disciplinæ studium simulantes, & Principis favore cæteris superiores, seorsim convenientes, Athanasium confirmato Tyrii adversus eum Conciliabuli judicio, abdicarunt; & Canones illos quinque ac viginti condiderunt, qui ab Eusebio Cæsareæ in Palæstina Episcopo, compositi, à Catholicis eâ de causâ diu rejecti fuerunt: eoque nomine B. Chrysostomus ex Canonis XII. autoritate postea damnatus, exceptione hac usus est, quod diceret Arianorum id opus fuisse. Postea tamen cum ad disciplinam tuendam conferre hi Canones viderentur, admissi ubique sunt, atque in Codicem Canonum universæ Ecclesiæ relati. De his vide Ill. Petrum de Marca c. Hoc Concilium nonnulli habitum volunt circa annum 363. Liborio Pontifice, Imperatore Joviano, atque omnino diversum à superiore; quod sanè in iis quæ ad Athanasium, fidemque Nicænam spectant, omnibus orthodoxis improbatur. Nam & ad subruendam & per cuniculos everterendam Consubstantialis fidem, diversas quatuor Formulas in eo consarcinarunt Eusebiani. Verius tamen videtur hæc omnia ejusdem Antiocheni in Encæniis Concilii fuisse: quamquam anno 360. & 363. alii conventus Antiochiæ habiti, quorum illud adversus Meletium, Formulam quoque Fidei deterrimam edidit, quæ ex Ariminensi & Constantinopolitana su-

5. Concilii Antiocheni locus, tempus, causa, acta, numerus Episcoporum & Canonum.

e De concord. sacerdot. & imp. lib. 3. cap. 3. § 3.

blatum est nomen *similis*, ut Filius non modò substantiâ, sed & voluntate Patri dissimilis, & ex nihilo ortus haberetur.

6. *Leodicena
Synodi locus,
tempus, Patrum
& Canonum
numerus.*

VI. *LAODICÆNUM*, sic dictum à *Laodicæa* Phrygiæ Pacatiæ Metropoli, quæ vulgò nunc *Laudichia*: ubi congregati sunt, Nunechio ejus urbis Antistite, ex diversis Asiæ Dioceseos provinciis Episcopi 32. qui de rebus ad disciplinam spectantibus Canones 59. condiderunt. Græci sexaginta numerant Canones. Verum postremus pars est quinquagesimi noni apud plerosque. Duæ hujus Concilii reperiuntur in Regia Bibliotheca versiones Arabicæ: in quarum altera quæ *translata* dicitur, ut à Cl. V. Claudio Capellano Doctore Sorbonico accepi, inter veteris Testamenti libros, qui recensentur ultimo Canone, ii connumerantur quorum auctoritatem sectarii horum temporum in dubium revocant, *Judith* putà, *Maccabeorum*, *Tobia*, *Sapientia*, *Ecclesiastici*. Baronius & Binius hanc Synodum celebratam esse contendunt ante Nicænam. Sed cum in omnibus Canonum Codicibus Antiochenæ postponatur, probabilior videtur sententia quæ ad Liberii Pontificis tempora & annum Christi 364. aut circiter hanc Synodum refert.

7. *Constantino-
politani Conci-
lii sub Menna
locus, tempus,
causa.*

VII. Adjici potest Concilium *Constantinopolitanum* in *Dy-tico*, celeberrimo ejusdem urbis Monasterio, *sub Menna* Patriarcha, qui deposito Anthimo, Episcopus urbis Constantinopolitanæ ordinatus fuerat ab Agapeto Romano Pontifice, & post ejus in ea urbe obitum hanc Synodum cum Sedis Romanæ & Synodi Italicæ Legatis, itemque Antiocheni, & Petri Hierosolymitani Patriarcharum Legatis atque aliis vicinarum regionum Episcopis celebravit. Ea à Græcis posterioribus relata est in Codicem Canonum: habita post Consulatum Belisarii, id est, anno Christi 536. Imperatore Justiniano, contra prædictum Anthimum, Severum, Zoaram, vel Zooram Acephalorum Principes, adversus quos à Concilio damnatos edita est Nov. 42. ab eodem Justiniano.

CAPUT XI.

Concilia Africana vetera.

I. **P**LURA per Africam celebrata olim Concilia sunt, præsertim Cathagine, quæ non modò provinciæ Proconsularis sive Africæ Propriæ, sed totius Diœceseos Africanæ, quæ nunc ferè *Barbaria* dicitur, eo tempore caput, hodiè in ruinis jacet non procul Tuneto sub nomine *Almenara*. Memorantur autem imprimis Concilia *Carthaginensia* sub B. Cypriano habita, tùm illud quo ex placito Synodi Romanæ sub Cornelio Papa celebratæ, cautum est anno Christi 254. ut Lapsi ad Ecclesiæ communionem post pœnitentiam reciperentur: tum alia duò, quorum priori, secundum aliud ab Agrippino anno 217. celebratum, Hæreticorum baptisma nullius esse momenti est pronunciatum; ideoque ab eis baptizatos iterum baptizari oportere: sed Tertio, revocatis eorum Decretis, autore Stephano I. Papa, constitutum ne in hæresi, ab iis qui fidem, formamque Ecclesiæ Catholicæ servarent, baptizati, sacro iterùm lavacro tingerentur; idque an. 258. Verùm ea attigisse sufficiet, quorum Canones aliqui Juris nostri corpore continentur.

1. *Prisca quædam Carthaginensia Concilia.*

II. **CARTHAGINENSE I.** post Nicænum I. ex diversis provinciis Africanis, Constantis Imperatoris jussu, ejusque Legatorum Pauli & Macarii operâ, anno Christi 348. Julio Pontifice Romano rem urgente, coactum à Grato Carthaginensi Episcopo Catholico, ut Ecclesia Africana Donatistarum schismate convulsa, pacatis dissidiis & solidè constitutâ pace, recrearetur: quod aliquatenus effectum, Donato schismaticarum partium Episcopo Carthaginensi relegato, repressis armatâ manu Circumcellionibus, prædonum genere, qui in Catholicos armis grassabantur, eosque diris modis vexabant, Extant hujus Concilii Canones quatuordecim.

2. *Concilii Carthaginensis primi aëti tempus, causa, nomen Canonum.*

III. **CARTHAGINENSE II.** præside Genethlio seu Genedio Grati successore, tempore Siricii Papæ, de rebus ad mores ac disciplinam pertinentibus, anno 390. habitum Valentiniانو juniore IV. & Neoterio Consl. (in cujus nomine erratum à collectore, posito Theodosii nomine qui cum Valen-

3. *Concilii Carthaginensis 3. tempus, causa, Canonum nomen.*

a In prax. ad Hilarii fragmenta.

b In replicat. ad responsum magis Britan. Regis.

4. *Carthaginiensis* 3. Concilii tempus, causa, Canonum numerus.

5. *Carthaginiensis* 4. dignitas, tempus, Canonum numerus.

6. *Carthaginiensis* 5. tempus, Canonum numerus.

7. *Carthaginiensis* 6. res, tempus, numerus, præsulum.

tiniano Consul fuisse non legitur, ut contra Baronium & Binium ostendunt Nicolaus Faber^a, & Jacobus Davius Perronius Cardinalis^b, aliique: quamquam non desunt valida in utramque partem argumenta. Ejus Canones tredecim habentur.

IV. CARTHAGINENSE III. anno 397. Cæsario & Attico Consulibus, imperantibus Arcadio & Honorio, Pontifice Romano Siricio, disciplinæ quoque causâ ex omnibus Africae Provinciis congregatum, unde & *Vniversale* dicitur. Cujus Canones 50. collecti videntur ex pluribus anterioribus Conciliis.

V. CARTHAGINENSE IV. sive potius, si ordo temporis spectetur, V. *Vniversale* Diœceseos totius Africanæ, ab Episcopis 214. celebratum VI. Idus Novembres, Honorio IV. & Eutychiano Conss. id est anno 398. Præside Aurelio Carthaginensi Episcopo, regente Romanam Ecclesiam Anastasio. In eo centum & quatuor sancitæ Regulæ.

VI. CARTHAGINENSE V. dictum, sed inspecto temporis, ordine, IV. ab Episcopis 73. post Consulatum Cæsarii & Artici, id est eodem anno 398. sed VI. Kal. Junii, id est 27. Maii, cum nondum fortè in Africam pervenissent nomina Consulum eo anno Romæ, & Constantinopoli dictorum, habitum Præsidi eodem Aurelio Episcopo Carthaginis, quæ totius Africae urbs primaria. Canones in eo editi quindecim extant.

VII. CARTHAGINENSE VI. post consulatum Honorii XII. Theodosii VIII. id est anno Christi 418. eodem Aurelio præsidi, Zosimi, & Bonifacii Romanorum Pontificum temporibus, de modo prosequendæ ad Sedem Apostolicam Appellationis, habitum coram Legatis Ecclesiæ Romanæ; qui cum Nicæni Concilii Decretis niti Ecclesiæ suæ jura in recipiendis ex orbe universo appellationibus contenderent, missi sunt ab hac Synodo Legati ad Orientales Patriarchas, qui ab iis authentica exempla Nicænorum Canonum acciperent: post quorum reditum, cum laudati à Legatis Canones inter Nicænos non occurrerent, apparuit ex Sardicensi Concilio, quod Nicæni appendix, petitos esse; & juxta eos rogatus per Epistolam Cælestinus Papa, ut deinceps Romani Episcopi per Legatos in Africam missos appellationum causas judicarent. Convenère ex cunctis Africae provinciis, An-

tistites 117. vel 129. in quibus B. Augustinus Hipponensis.

VIII. CARTHAGINENSE VII. Sessio potius videtur præcedentis Concilii prorogati, sive conventus delectorum ex singulis provinciis Africanis, quàm distinctum ab eo Concilium: eodem quippe Aurelio præside, iisdem Romanæ Ecclesiæ legatis assidentibus, post Consularum Honorii XII. Theodosii junioris VIII. id est anno Christi 419. habitum est. In eo editi Canones 5. ac præterea recitati fuerunt Canones diversorum Africæ Conciliorum, quibus constat Collectio Africana, de qua mox.

8. Carthaginiensis 7. tempus, & res.

IX. Multa in Collectionibus Concilia occurrunt, ab natione apud quam habita sunt, appellationem sortita. Sed in corpus Canonum ab Isidoro relatum AFRICANUM, anno 424. Carthaginense celebratum est, arque in eo 105. illi Canones plurium Africanæ Diœceseos Conciliorum per Epitomen collecti & recepti. Cum enim plurima extarent ejus Ecclesiæ Concilia, quorum exemplaria ad usum Cleri numerosissimi curare difficile erat; visum est Aurelio Episcopo Carthaginensi, ut ex iis Conciliis delibarentur Canones qui ad constituendam disciplinam Ecclesiasticam maximè conducere: quod factum in Concilio Carthaginensi VI. & VII. in hoc Concilio Africano repetitum videtur. Hinc manavit Collectio seu Codex Canonum Ecclesiæ Africanæ, additus Codici Ecclesiæ universæ. Hujus Collectionis, sub nomine Synodi Carthaginensis, Græci Canones habent uno tenore 144. Apud Latinos bipertita est hæc Collectio, & Prima pars sub titulo Carthaginensis Concilii absolute, Canones 33. desumptos præfertim ex Carthaginensi II. Concilio, ex *Hipponensi* quod congregatum fuit Hippone Regio in civitate Numidiæ quæ nunc *Bonna* dicitur, Theodosio III. & Abundantio Conss. sive anno 393. atque ex Carthaginensi III. Altera pars sub nomine Africanorum Canonum, sive Concilii Africani, complectitur Canones 105. quorum nonaginta quatuor priores partim in priori collectione omitti, ex iisdem Hipponensi & Carthaginensi III. Conciliis desumpti sunt; partim ex Carthaginensi V. & Milevitano II. sive potius ex Carthaginensi, quod Honorio VII. & Theodosio iterum Conss. anno 407. & Carthaginensi quod Honorio XII. & Theodosio VIII. Conss. anno 418. est habitum; ex quibus conflatum Milevitanum in iis quæ ad disciplinam spectabant: sex

9. Africani Concilii causa, acta, & tempus.

sequentes sunt Carthagenensis ipsius Sexti: postremi quinque non Canones propriè sunt, sed Epistolæ.

10. *Milevitani*
2. *tempus, locus,*
causa, Canonum
& Episcoporum
numerus.

X. *MILEVITANUM* autem Concilium II. (quod à priore non distinguunt veteres collectores) Milevi in Numidiâ, ab Episcopis ejus provinciæ sexaginta celebratum Theodosio VII. & Palladio Const. id est anno 416. adversus Pelagii & Cælestii hæresim de Originali peccato & Gratia Dei, quam illi ad bona opera non esse necessariam asseriebant. Canones ea de re octo edidit, aliosque ad disciplinam pertinentes. Ejus Decreta in plenario totius Africæ Concilio postea recepta sunt.

11. *Teleptensis*
Concilii tempus,
locus, & res.

XI. *TELEPTENSE*, quod & corruptè *Telense*, Telepte in urbe Byzacenæ provinciæ primaria, post consulationem Honorii XI. Constantii II. id est anno 418. nondum nunciatis hujus anni Consulibus, Zosimo Pontifice Romano, habitum à Donatiano primæ Sedis Episcopo, aliisque ejusdem provinciæ Episcopis. In eo quid actum sit, non liquet; nisi quoddam recitata est Siricii Romani Pontificis ad Episcopos Africanos Epistola.

12. *AliaConcilia*
& Concilia
bulæ Africana,

XII. Memorantur & alia Afrorum hisce temporibus Concilia, non modò *Carthagenensia* complura, & *Hipponense* paulò antè dictum; sed & *Adrumettinum*, & *Milevitanum* 1. itemque *Suffetulense* ac *Zellense* Ferrando & Crisconio memorata: illisque opposita Donatistarum Conciliabula Caver-nense, Cebarsufsi, Bagaiense Episcoporum 300. & Cirtense. Nec tacenda *Collatio Carthagenensis* inter Catholicos & Donatistas anno 411. Sed ex his Canones in juris corpore nulli extant.

CAPUT XII.

Concilia Gallica vetera sub Imperatoribus Romanis,
& Francorum primæ stirpis Regibus.

1. *Cur Africa-*
nis Conciliis
Gallica vetera
subjungamus,

I. **S**EQUIMUR ordinem Isidori, qui post Græca & Africana Concilia, in Corpus Canonum Gallica & deinde Hispanica, intulit ad suam usque ætatem. Inter Gallica eminet non uno nomine *ARELATENSE* I. de quo suprà cap. 8. est actum.

II. Sequitur apud eundem Isidorum ARELATENSE II. à Ravennio Arelatenſi Epifcopo, Leone I. Romano Pontifice, coactum circa annum 452. poſt Arauſicanum & Vaſenſe I. ex quibus præſertim Canones non pauci in hoc tranſlati, ut notavit eximius Eccleſiaſtica antiquitatis indagator Jac. Sirmondus S. J. qui ex Codice perveſto S. Remigii Remenſis multos ei Canones adjecit, prioribus editionibus incognitos: ut jam LVI. legantur, cum antea non niſi XXXVII. vulgati fuiſſent: ſed viginti quinque, à 20. ad 45. ex Arauſicano ſunt, priores ex aliis etiam anterioribus Synodis, Nicæna, Arelatenſi I. &c.

III. ARELATENSE III. ſeu verius IV. (nam III. minùs celebre ſub Ravennio eodem, anno 455. celebratum eſt in cauſa Fauſti Lirinenſis Abbatis, nec Canones edidit) ſub Cæſario Epifcopo Arelatenſi, Joanne II. Pontifice, Opilione Conſule, id eſt anno 524. habitum eſt, convenientibus ad dedicationem Baſilicæ ſanctæ Mariæ ſeptemdecim Patribus, qui Canones quatuor condidere.

IV. ARELATENSE V. Patrum 19. ſub Pelagio I. & Childebito Rege Francorum, anno 554. congregatum, præſide Sapaudo Epifcopo Arelatenſi, qui perperam Sarpidius dicitur a apud Gratianum. Hujus Synodi ſeptem ſunt Canones.

V. VALENTINUM, habitum eſt Valentia in Gallia, quæ vulgò *Valence en Dauphiné*, Gratiano III. & Equitio Coſſ. hoc eſt anno Chriſti 374. Damaſo Romano Pontifice, ſedandorum diſſidiorum, & diſciplinæ inſtaurandæ cauſa, à triginta Vienneniſis ac vicinarum provinciarum Antiftitibus, quorum ſubſcriptiones tantum 19. extant. In his primum locum obtinet Florentius Vienneniſis, quamvis in epiſtola Synodica ei præponantur Fegadii & Eumerii nomina. Eſt & Valentinum II. Pelagio II. Pontifice Rom. Guntramno Rege, Præſide Sapaudo Arelatenſi; ubi cum illo & Lugdunenſi Metropolitano, alii quatuordecim Epifcopi Regias in loca ſacra donationes firmarunt, anno 584. nullis editis Canonibus.

VI. TAURINATE, ſive *Taurinènſe*, apud Auguſtam Taurinorum, vulgò *Torino*, Gallis *Turin*, in Pedemontio, congregatum tempore Imperatoris Honorii, & Siricii Pontificis Romani, circa annum 397. ubi ſedata eſt controverſia de Primatu Vienneniſis provincie inter Arelatenſem & Vienneniſem Epifcopos, inter quos diviſæ ſunt Eccleſiæ ejusdem provincie. Canones ejus octo extant: quorum 1^o conſeſſus

2. *Arelatenſis Concilii tempus, & Canonum numerus.*

3. *Arelatenſis 4. quod vulgo pro 3. habitum, tempus, & numerus Canonum, ac Patrum.*

4. *Arelatenſis 5. tempus, ac numerus Epifcoporum & Canonum.*
a Diſt. 16. Can. 11.

5. *Valentini 1. & 2. Conc. locus, tempus, cauſa, numerus Epifcoporum & Canonum.*

6. *Taurinenſis locus, tempus, cauſa, numerus Canonum.*

est vel confirmatus Pacis & concordiae causâ Proculo Massiliensi Episcopo Arelatenfis provinciæ, quoad viveret, Primatus seu jus Metropoliticum, quo extra ordinem usus fuerat in Episcopos Secundæ Narbonensis provinciæ, quæ nunc Aquensem agnoscit Metropolitanum.

7. *Regensis*
Conc. locus, tempus,
Presulium
& Canonum
numerus.

VII. REGENSE, seu *Reiense*, apud Reios, quæ civitas est Narbonensis 2. Provinciæ, vulgò *Riez en Provence*, Theodosio XVII. & Festo Coss. id est anno 439. imperante Valentiniano III. sedente Romæ Sixto III. habitum ab Episcopis 13. quorum primus Hilarius Arelatenfis, à quibus octo Canones editi, contra inordinatam Ebredunensis Episcopi per duos tantum Episcopos ordinationem.

8. *Arausicani*
1. Concilii locus,
tempus, numerus
Pontificum &
Canonum.

VIII. ARAUSICANUM sive *Arausicense* I. quod & Arausicum & corruptè *Transicum*, Arausione habitum, quæ civitas est Arelatenfis provinciæ, vulgò *Orange*; sive in territorio ejus civitatis in Ecclesiâ *Iustinianensi*, Cyro Consule, id est anno Christi 441. Valentiniano III. Augusto, Leone I. Romano Pontifice. Convenere Patres septemdecim, Hilario præside Arelatenfi Episcopo, & Canones 30. ediderunt.

9. *Arausicani*
2. tempus, Canonum
& Episcoporum
numerus.

IX. ARAUSICANUM II. sub Cæsario Arelatenfi habitum, ab Episcopis 14. anno 529. Canones 25. de Gratiâ Dei edidit, confirmatum à Bonifacio II.

10. *Vasensis*
1. & 2. tempus,
locus, &c.

X. VASIONENSE sive *Vasense*, & corruptè *Valense*, sub Valentiniano III. & Leone I. Pontifice, Dioscoto Consule, anno Christi 442. coactum apud Hospitium Episcopum, Vasionem, quæ civitas Provinciæ Arelatenfis, nunc Avenionensis, vulgò *Vaison*; Canones decem edidit. Alterum in Vasense quoque vico habitum, Decio juniore Consule, anno 529. à Patribus undecim, quorum Princeps Cæsarius Arelatenfis: undè Joanni Dartisio^b videtur hæc Synodus intelligi nomine Arelatenfis in vico Hortensi, ubi legendum putat in vico Vasensi: sed nec nomina satis inter se convenire, nec vici appellatio in civitatem Plinio aliisque autorum priscorum cognitam, satis cadere videtur; nisi fortè barbarorum in Galliam incurfionibus ea in vicum redacta probetur.

^b Dist. 16. Can.
11.

11. *Turonensis* 1.
& 2. tempus,
locus, causa,
numerus Episcoporum
& Canonum.

XI. TURONENSE sive *Turonicum* I. Cæsaroduni, quæ civitas Turonum est, Lugdunensis 3. Metropolis ad Ligerim, vulgò *Tours*, habitum Severino Consule, sive anno 461. Hilari Pontificis tempore, à decem Patribus ex tribus Provinciis, Præside Perpetuo Turonensi Episcopo. Canones

tredecim edidit, quorum unus ab Ivone Carnotensi in Decretum relatus. *Turonense II.* ex Provinciis tribus ab Episcopis novem celebratum, in Basilica S. Martini, viginti septem Canones composuit anno 567. Joanne III. Papa, Præsidente Euphronio Episcopo Turonensi.

XII. VENETICUM in Aremoricorum civitate Venetensi, nunc *Vannes en Bretagne*, circa annum 465. à Turonensis Provinciae sex Episcopis habitum, in Paterni Venetensis Antistitis ordinatione, Præsidente Perpetuo Metropolitano. Editi in eo sunt 16. Canones.

12. *Venetici loci, tempus, &c.*

XIII. AGATHENSE, apud Agatham Narbonensis I. Provinciae civitatem, vulgò *Agde*, Messala Consule, id est anno Christi 506. sub Alarico Vvisigothorum Rege, & Symmacho Pontifice habitum, Canones condidit 47. Qui supra hunc numerum ad septuaginta usque ei tribuuntur, adjecti videntur ex seqq. Conciliis, praesertim Epaonenſi: Praefuit Caesarius Arelatenſis huic Synodo, quæ à 34. Patribus ex septem saltem Provinciis est congregata.

13. *Agathensis, locus, tempus, Patrum & Canonum numerus.*

XIV. AURELIANENSE I. apud Aurelianorum ad Ligerim civitatem, in Provincia Lugdunensi 4. sive Senonia, nunc *Orleans*, Clodovæi I. Francorum Regis jussu convocatum, Symmacho Pontifice, Felice Consule, anno Christi 511. habitum ab Episcopis 32. ex pluribus Provinciis: nam Metropolitani quinque interfuerunt. Canones edidit 31. quorum autor præcipuus Melanius Redonensis Episcopus dicitur c. *Aurelianense II.* anno 533. Papà Joanne II. Childeberto Rege congregatum; Canones 21. edidit, quorum nullus corpori juris insertus legitur. Praefuit Honoratus Bituricensis; interfuere alii Praefules aut Praefulum legati 23. ex Provinciis sex.

14. *Aurelianensis I. & 2. loci, tempus, numerus Praefulum & Canonum.*

XV. AURELIANENSE III. Childeberto Rege, Pontifice Silverio habitum post Consulatum Paulini, id est anno 538. ab Episcopis sex & viginti, ex provinciis saltem quinque, Præsidente Lupo Lugdunensi: Canones edidit tres & triginta, quorum autor fertur Albinus Andegavenſis Episcopus.

c. Can. 21. dist. 16.

15. *Aurelianensis 3. tempus, & numerus Praefulum & Canonum.*

XVI. AURELIANENSE IV. Basilio Consule, id est an. 541. convocatum, Vigilio Papa, Rege Childeberto. Habitum est à Patribus 49. Episcopis nimirum, aut legatis Episcoporum: In his fuere quatuor Metropolitani Episcopi, quorum

16. *Aurelianensis 4. tempus, numerus Patrum & Canonum.*

Præfcs Leontius Burdigalensis. Canoues ab his conditi 38. quorum nonnullos Yvo Carnotensis in Decretum suum retulit.

17. *Aurelianensis 5. tempus, numerus Patrum & Canonum.*

XVII. AURELIANENSE V. celebratum an. Christi 549. Vigilio Papa, Childeberto Rege, præfide Sacerdote Lugdunensi Episcopo cum sex aliis Metropolitanis. Episcopi, vel Episcoporum Legati ex Provinciis decem adfuere, à quibus editi Canones 24. quorum unus in Decreto Yvonis legitur.

18. *Epaonensis Concilii, locus, tempus, Episcoporum & Canonum numerus.*

XVIII. EPAONENSE, hortatu Papæ à Sancto Avito Viennensi Antistite, volente Burgundionum in Gallia rege Sigismundo, habitum apud Epaonem vel Epaunam in Burgundiæ haud dubiè regno, cujus loci situs & nomen hodiernum parum explorata sunt. Falluntur qui Apamiam interpretantur, quæ urbs si fortè tunc cognita, certè non modo à Viennensi provincia procul distat, sed extra regnum Burgundiæ & longè ab ejus limitibus sita est ad extremos Narbonensis olim, nunc Tolosanæ provinciæ fines. Nec audiendus Chiffetius qui modò Agaunum facit hujus Concilii sedem, locumve alium ei proximum ab Epona Equorum Dea dictum, quæ apud Chablacios præcipua vetustis temporibus religione coleretur: modò Nevidunum quæ civitas Equestris in notitia provinciarum Galliæ cognominatur, hodiè *Nion*, cujus Episcopatus Lausannam translatus. Frustra quinetiam sunt, opinor, qui ad oppida quædam veteris illius regni Burgundici referunt, quæ nomini Epaonis aliquatenus videntur respondere, qualia *Beaune* in Burgundiæ Ducatu; *Baume*, aut *Pesme* in Comitatu. Mihi persuaderi passus aliàs fueram Epaonem idem esse cum oppido *Bonne* in Sabaudia non procul Geneva. Verùm hæc omnia dubia sunt ex eo quod Avitus in tractoria Epistola quâ Episcopos ad hoc Concilium vocat, eam parochiam ideo à se electam esse indicat, quòd omnium fatigueatione perpensâ is locus opportunus maximè conventui habendo videretur: unde facilis est conjectura nec circa Alpes, nec alibi circa regni ex quo evocabantur confinia positum, sed potius circa medicullium fuisse situm. Quapropter accedo lubens sententiæ viri eruditi Nicolai Chorier, qui^d censet nunc *Ponas* sive *Ponnas* vocari in Viennensi Diœcesi, medio fermè Viennam inter & Lugdunum itinere, & validis rationibus conjecturam suam confirmat,

^d Hist. Delphinat. lib. 9.

confirmat, aliorum refellat. Celebratum autem hoc Concilium est Pontifice Hormisda, Agapito Consule, id est anno Christi 517. Præsede Avito Viennensi, an jure Regiæ urbis cui præerat, an quod in ejus Diocæsi Synodus haberetur, non satis liquet. Aduit certè & secundo loco subscripsit Viventius Episcopus Lugdunensis : & cum his Præsules alii tres & viginti, qui cum iis condidere 40. Canones, vel potiùsex prioribus Conciliis magnam partem exscripserunt.

XIX. CARPENTORACTENSE, Carpentoraacte in Arelatensi provincia tunc, nunc in Avenionensi, vulgo *Carpentras*, Mavortio Consule, id est anno 517. Athalarico Italiæ Rege, Pontifice Romano Felice IV. Cæsario Arelatensi præside. Interfuerunt 13. Antistites, à quibus unicus conditus Canon, de Episcopi portione in rebus quæ Ecclesiis parochialibus conferuntur.

XX. ARVERNENSE sive Arvernium I. in Arvernâ urbe, seu Arvernorum primariâ civitate, quæ olim Gergovia, nunc *Clermont en Auvergne*, Theodeberti Francorum apud Mediomatres Regis consensu, post Consulatum Paulini junioris, anno 535. celebratum, Agapeto summo Pontifice, ab Episcopis quindecim, quibus ex pluribus Provinciis evocatis præfuit Episcopus Bituricensis Honoratus : Canones conscripsit sedecim.

XXI. ARVERNENSE II. quod æquè ac Primum, simplici Arvernensis nomine aliquando designatur, regnante in Austrasiâ Theodebaldo, Pontifice maximo Vigilio, circa annum 549. Canones tantùm priores sedecim Aurelianensis V. Synodi iterùm promulgavit, Hefychio Viennensi præside, cum Episcopis novem aliis ex diversis provinciis.

XXII. PARIENSIS III. quod & sine addito Parisiense, quoniam priorum duorum nulli Canones extant, Lutetia in Lugdunensi 4^a. provinciâ, vulgò *Paris*, coactum circa annum Christi 557. Childeberto Rege, Papa Pelagio. Canones decem condidit, moderatore Probiano Episcopo Bituricensi, præsentibus quatuordecim aliis Episcopis, è provinciis saltem duabus.

XXIII. PARIENSIS V. anno 615. sub Clotario Principe, & Deus-dedit Romano Pontifice, à septuaginta novem Præsulibus ex totâ ferè Galliâ congregatis, reperiuntur

19. *Carpentoraactensis locus, tempus, Episcoporum numerus.*

20. *Arvernensis 1. locus, tempus, Canonum & Præsulum numerus.*

21. *Arvernensis 2. tempus, Canonum & Episcoporum numerus.*

22. *Parisiensis 3. tempus, Canonum, & Episcoporum numerus.*

23. *Parisiensis 5. tempus, ac numerus Pontificum & Canonum.*

Canones quindecim, quorum nonnulli Capitularibus Caroli Magni, aut Ludovici Pii sunt inserti.

24. *Lugdunensis* 2. locus, tempus, Præfatum & Canonum numerus.

XXIV. *LUGDUNENSE* II. (nam I. Viventiolo Episcopo de privatâ Stephani cujusdam incestus rei causa habitum anno 517. ad publicam disciplinam minùs pertinere videtur) celebratum est Lugduni ad Rhodani & Aratis confluentes, vulgò *Lyon*, unde Provinciæ nomen; celebratum est Guntramni Regis Francorum Aurelianensis jussu, anno 567. Joanne III. sedem Apostolicam obtinente, Præside Philippo Viennensi, cui tredecim Antistites alii variis ex Provinciis adfuere, & Canones sex constituerunt. Ab iisdem damnati Salonius & Sagittarius Episcopi. Ex *Lugdunensi* III. quod sequutum est anno 583. sub Prisco Lugdunensi Episcopo, nulli sunt in corpus juris relati Canones.

25. *Synodi Autissiodorensis* locus, tempus & Canonum numerus.

XXV. *AUTISSIODORENSE*, ab Autissiodoro, sive Altissiodoro dictum, Senonensis Provinciæ civitate, quæ nunc *Auxerre*: Synodus est unius Diœceseos, atque hujus generis sola ferè collectoribus cognita, ab Aunachario Episcopo Autissiodorensi cum Diœcesis suæ Abbatibus & Presbyteris celebrata, sub annum Christi 570. Pontifice Pelagio II. Rege Chilperico. Canones ejus extant 49. quorum aliquot in corpus juris relati sunt.

26. *Matiscensis* 1. Concilii locus, tempus, Canonum & Antistitum numerus.

XXVI. *MATISCONESE* I. sive *Matiscense*, & corruptè *Matienſe*, habitum apud Matisconem Provinciæ Lugdunensis civitatem juxta Aratim, hodiè *Mâcon*. Guntramni Regis Francorum Autelianensis evocatione congregatum anno 581. Pelagio II. Papa. In eo novemdecim Canones exarati Prisco Lugdunensi præside, adjunctis 20. Episcopis ex Provinciis saltem quatuor.

27. *Matiscensis* 2. tempus, numerus Antistitum & Canonum.

XXVII. *MATISCONESE* II. triennio post, ejusdem Regis Guntramni jussu, Pontifice Romano Pelagio eodem, ex Provinciis plusquam sex convocatum, habitumque ab Episcopis aut Legatis 64. quibus præfuit Priscus suprâ memoratus. Canones edidit 20.

28. *Remensis* sub Honorio locus, Episcoporum & Canonum numerus.

XXVIII. *REMESENSE*, Durocortoti Remorum in Belgicæ 2. Metropoli, quæ nostris *Reims* dicitur, Sonnatii Archiepiscopi, Honorii Pontificis, ac Dagoberti Regis temporibus, circa annum 630. à 38. Episcopis, ex Provinciis pluribus congregatum. Canones 25. statuit.

29. *Cabilonensis*

XXIX. *CABILONENSE* I. celebratum Cabilone ad Ara-

rim in Provinciâ Lugdunensi, vulgò *Chalon sur Saone*, evocante Clodovæo II. Rege Francorum, cum Martinus I. Pontifex Romæ sederet, circa annum Christi 650. à Patribus 44. quibus præfuit Candericus Lugdunensis Archiepiscopus. Ab eo Canones 20. constituti sunt, quorum nullus opinor in jure reperitur insertus.

locus, tempus, ac numerus Patrum & Canonum.

XXX. AUGUSTODUNENSE, sive *Heduense*, Augustoduni in Heduorum civitate, Lugdunensis Provinciæ, habitum à S. Leodegario ejus urbis Episcopo, anno 670. sub Theodorico Rege, Adeodato Pontifice. Plures edidit Canones, qui non integri ad nos pervenerunt.

30. Augustodunensis S. Leodegarii locus & tempus.

De his videndæ Jacobi Sirmondi S. J. notæ in Concilia antiqua Galliæ, quæ tribus tomis edidit.

CAPUT XIII.

Concilia Hispanica Vetera sub Romanis, & Visigothis.

I. **ELIBERITANUM**, sive *Eliberinum*, aut *Elibetinum*. Eliberi, vel Illiberi in Bætica Provincia, vulgò *Elvire* juxta Granatam, sub Marcello Pontifice, an. 305. viginti annis ante Nicænam Synodum, Constantio & Galerio imperantibus ex Baronio in annalibus & Bellarmino², ab Episcopis novemdecim ex pluribus Provinciis habitum. Canones condidit 81. de Lapsis, deque Disciplinâ Ecclesiastica universa, in nonnullis paulò duriores, utpote durante adhuc persecutione compositos. Hujus antiquissimi Concilii Canones à Gabriele Albaspinco Episcopo Aurelianensi, & Ferdinando Mendoza eruditis notis illustrati sunt.

1. Concilii Eliberitani locus, tempus, numerus Episcoporum & Canonum.
² Lib. 2. de Imaginibus, c. 9.

II. **CÆSARAUGUSTANUM**, Cæsaraugustæ in Tarraconensi Provinciâ, nunc *Saragossa* in regno Aragoniæ, duodecim Episcoporum, Gratiano Imperatore, Damasô Pontifice, ætâ 418. id est anno Christi 380. adversus Priscillianistas hæreticos Gnosticorum sobolem, habitum. Canones habet octo.

2. Cæsaraugustani Conc. locus, tempus, &c.

III. **TOLETANUM I.** Toleti celebratum, quæ Metropolis fuit Carthaginensis Provinciæ, ad Tagum, vulgò *Toledo* in Castella Nova, ætâ 438. id est anno Christi 400. sub Anastasio Pontifice Romano, Patrono Toletano Episcopo celebratum ab Episcopis 19. Canones 21. composuit ad

3. Toletani 1. Conc. locus, tempus, &c.

instaurandam in ordinandis præsertim Clericis disciplinam. Huic adjunctum est Collectoris errore Hispanicum generale seu nationale, Leonis Pontificis suasu, in causa Priscillianistarum indictum anno 447.

4. *Toletani 2. Conc. tempus, &c.* IV. TOLETANUM II. novem Episcoporum an. 531. Rege Amalarico, Romano Pontifice Bonifacio II. habitum. Hujus Canones quinque habentur.

5. *Toletani 3. tempus, &c.* V. TOLETANUM III. nationale, ab Episcopis duobus & sexaginta celebratum, æra 627. Christi an. 589. sub Recaredo Rege, Pelagio II. Papa, Euphemio Episcopo Toletano, in quo Visigothi Hispaniam obtinentes, ejuratâ hæresi Arianâ, orthodoxam fidem professi sunt. Hujus Concilii Canones duo & viginti extant.

6. *Toletani 4. tempus, &c.* VI. TOLETANUM IV. generale quoque Hispaniæ, convenientibus 70. Episcopis, ærâ 671. sive anno Domini 633. habitum sub Sisenando Rege, Honorio I. Papa. Consecit Canones 75.

7. *Toletani 5. tempus, &c.* VII. TOLETANUM V. viginti Episcoporum Honorio eodem Pontifice, Cintillano Rege, æra 674. id est anno Christi 636. Canones novem composuit.

8. *Toletani 6. tempus, &c.* VIII. TOLETANUM VI. nationale, ad quod Episcopi 52. convenerunt, æra 676. anno Domini 638. iisdem Rege ac Pontifice: conscripsit Canones novemdecim.

9. *Toletani 7. tempus, &c.* IX. TOLETANUM VII. etiam nationale, sub Rege Chindasvindo, tempore Theodori Papæ, æra 684. celebratum, Christi anno 646. Leguntur ipsius Canones quinque, aliâs sex.

10. *Toletani 8. tempus, &c.* X. TOLETANUM VIII. nationale quoque, à 52. Episcopis habitum sub Recesvindo Rege, Martino Pontifice Romano, æra 691. seu anno Christi 653. Canones tredecim condidit.

11. *Toletani 9. tempus, &c.* XI. TOLETANUM IX. Episcoporum sedecim, habitum Recesvindo Rege, Pontifice Vitaliano, æra 693. quæ incidit in annum Christi 655. Canones in eo editi septemdecim.

12. *Toletani 10. tempus, &c.* XII. TOLETANUM X. Rege ac Pontifice iisdem, æra 694. sive anno Christi 656. Canones septem condidit.

13. *Toletani 11. tempus, &c.* XIII. TOLETANUM XI. Episcoporum novemdecim, æra 713. id est anno 675. Bambiæ Regis ac Deo-dati Pontificis tempore: sedium Episcopatum Hispaniæ divisionem &

sedecim Canones constituit. Præfuit Quiricus Toletanus.

XIV. TOLETANUM XII. Episcoporum 35. ex pluribus Provinciis, æra 719. anno Christi 681. ad Ervigium Regem Gothorum Bambæ sponte detonsi successorem inaugurandum, congregatum, Pontifice Agathone; tredecim Canones compuluit.

14. Toletani 12.
tempus, &c.

XV. TOLETANUM XIII. eodem Ervigio Rege, Leone II. Papa, ab Episcopis quadraginta habitum, æra 721. anno Domini 683. condidit Canones tredecim.

15. Toletani 13.
tempus, &c.

XVI. TOLETANUM XVI. (nam ex duobus intermediis 14. & 15. nostri juris corpori nihil illatum) Episcoporum 59. ex universâ Hispaniâ, tempore Sergii Pontificis, anno Christi 693. celebratum. Canonibus decem Decreta sua de moribus explicuit.

16. Toletani 15.
tempus, &c.

XVII. TARRACONSENSE, habitum Tarracone, quæ ceteriori Hispaniæ nomen dedit, Provinciæ suæ Metropolis, nunc *Tarragona* in Catalonia, à decem Episcopis, tempore Hormisdæ Pontificis Romani, & Theodorici Ostrogothorum in Italiâ Regis, Amalarici Visigothi tutelam agentis, æra 554. sive an. Christi 516. Consulatu nimirum Petri, qui annum illum notat. Unde apparet fassli Garfiam Loaisam, qui hoc Concilium refert ad annum 487. & Pontificem Felicem III. Præfuit Joannes Tarraconensis.

17. Tarraconensis Concilii
tempus, &c.

XVIII. GERUNDENSE, septem Episcoporum Tarraconensis Provinciæ, ærâ 555. Consule Agapeto, id est anno 517. habitum Gerundæ, quæ vulgò *Gironne en Catalogne*. Decem Canones sanxit, Præsede eodem Joanne Tarraconensi.

18. Gerundensis
tempus, &c.

XIX. ILERDENSE vel *Hilerdense*, ab octo Episcopis ejusdem Provinciæ Tarraconensis, habitum Ilerdæ, quæ hodie *Lerida* in Catalonia principatu, Theodorico memorato tutelam Amalarici gerente, Joannis Papæ tempore, anno 524. licet à quibusdam ad 546. referatur. Sedecim Canones conscripsit.

19. Ilerdensis
tempus, &c.

XX. VALENTINUM Hispaniæ, sub eodem Theoderico Rege, eodemque Papa Joanne I. anno 524. à septem Episcopis habitum Valentiz, quæ nomen adhuc vulgò retinet, dicitur enim *Valencia*, estque regni sui caput. Canones 6. habet.

20. Valentini
Hispanici
tempus, &c.

XXI. BRACARENSE I. (quod Labbeo est 2.) apud Bracaram Augustam Galleciæ Metropolim, quæ nunc *Braga* in Portugallia est, celebratum sub Ariamiro seu Theodemiro

21. Bracarensis
1. tempus, &c.

Suevorum in ea parte Hispaniæ Rege, anno 563. Joanne III. Pontifice, ab ejus Provinciæ Antistitibus octo, quibus præfuit Lucretius: præter anathematismos septemdecim adversus Priscillianistas aliosque hæreticos, edidit 22. Canones circa disciplinam.

22. *Bracarenfis*
2. *tempus, &c.*

XXII. BRACARENSE II. aliàs III. à Martino Bracarenfi Episcopo Metropolitano habitum an. 572. sub Rege Suevorum Ariamiro, post obitum Joannis III. Papæ, Canones decem statuit. Ex eo præterea videtur *Martinus* prædictus Canones 84. ex Orientalibus præsertim Synodis collectos, ad Concilium Lucense II. eodem tempore in Galleciâ congregatum, misisse, qui à collectoribus tanquam ex Concilio Martini Papæ sæpè laudantur: unde erroris occasio nascitur iis, qui Concilium Romanum sive Lateranense sub Martino Romano Pontifice, cum hac Collectione confundunt.

23. *Bracarenfis*
3. *tempus, &c.*

XXIII. BRACARENSE III. aliàs IV. Provinciale, octo Episcoporum, sub Bamba Gothorum Rege, Adeodato Pontifice habitum, Præsede Leodisio Juliano Episcopo Bracarenfi, anno 675. Canones octo numero habet.

24. *Hispalensis*
1. *locus, tempus, &c.*

XXIV. HISPALENSE I. Decreta tria de mancipiis Ecclesiæ extant, præter quæ Burchardus aliquot alia citat. Id circa initia Gregorii I. Pontificis habitum est, sub Recaredo Rege Gothorum, anno 590. æra 628. idque Hispali quæ Bæriticæ Metropolis est, hodie *Sevilla*. Intervenere octo Episcopi, præside Leandro Hispalensi.

25. *Hispalensis*
2. *tempus, &c.*

XXV. HISPALENSE II. æra 657. an. Christi 619. tempore Sisebuti Regis celebratum à S. Isidoro ejus civitatis Metropolitano, aliisque Episcopis septem. Canones tredecim edidit, comprehensus duobus ultimis, quibus damnatur Acephalorum hæresis de Una verbi & carnis Christi Natura.

26. *Emeritenfis*
Concilii locus,
tempus, &c.

XXVI. EMERITENSE in Lusitanix Metropoli civitate, quæ olim Augusta *Emerita*, nunc *Merida* dicitur in Estremadura; celebratum à duodecim ejus Provinciæ Episcopis sub Vitaliano Pontifice Romano, Recesvindo Gothorum Rege anno Christi 666. continet Canones 23. fuitque approbatum deinde ab Innocentio III. in Epistolâ ad Petrum Compostellanum. De his veteribus Hispaniæ Conciliis qui plura volet, is consulere poterit Garciam Loaisam eorum Collectorem sive editorem accuratum.

CAPUT XIV.

*Concilia Italica priscorum temporum, ante Carolum
scilicet Magnum.*

I. **P**RÆTERMISSIS primorum seculorum Conciliis, quæ vel sacrorum Rituum, & institutorum servandorum, vel damnandarum Hereſeon, vel Appellationum ad Sedem Apostolicam à pluribus Episcopis interpositarum causâ, Romæ habita leguntur, quorum propè infinitus est numerus; ea ferè memorabimus ex quibus Canones in Corpus Juris translati, & Collectoribus cogniti sunt.

1. *Quæ his indicanda Concilia.*

II. Perierunt sanè acta Concilii Romani de *celebratione Paschæ* à Victore Pontifice anno Christi 198. celebrati, ut & Synodorum anno 253. & 254. per Clerum Romanum post mortem Fabiani, & per Cornelium habitarum in causa *Lapſorum*; & alterius quâ damnatum est anno 255. aut sequenti à sexaginta Episcopis, eodem Cornelio præſide, schisma *Novatianorum* Lapſis pœnitentiam denegantium; itemque habitæ à Dionysio Papa anno 263. in causa *Dionysii Alexandrini* Episcopi falsò hæresis Sabellianæ accusati. Nec est quod anxie acta requiramus * *Sinuessani* Concilii, ubi Marcellinus Pontifex circa annum 303. aut 308. idolorum venerationem tandem confessus, sententiam in seipsum protulisse scribitur; cujus rei apud eruditos minùs certa est fides. At ejus Concilii quod anno 313. in Laterano celebratum est à *Melchiae*, ubi absoluto *Caciliano* Episcopo Carthagenensi, *Donatus* à Casis-nigris, schismatis autor, Lapſos non per pœnitentiam, sed iterato Baptismo reconciliandos contendens cum suis à novemdecim Episcopis damnatus, ad Constantinum appellavit; Acta extant apud B. Augustinum in Breviculo Collationis Carthagenensis ^a.

2. *Indicantur præſta quadam à Collectoribus omiſſa.*

* *Uulgò Rocca di Mondragone.*

III. Inter Romanas Synodos, tres imprimis à Silvestro Pontifice habitæ dicuntur: sed à multis in dubium revocantur. Quamvis enim acta Silvestri, in quibus hæ Synodi continentur, & Romæ & in aliis Ecclesiis lecta fuisse Gelasius affirmet ^b, & prima ab Hadriano ^c pro authentica laudetur; tamen corrupta ad nos harum Synodorum monumenta per-

^a Die 3. cap. 12.

^{3.} *De Concilio Romano 1. sub Silvestro.*

^b Can. S. Romana 3. vers. item actus Silvestri, dist. 35.

^c *Epist. 3. ad Carol. Magn.*

d Ad an. 315.
num. 12. & seqq.

venisse demonstrat Baronius *d*. Primi certè ROMANI SUB SILVESTRO Concilii narratio, ubi Judæi tum Scripturarum autoritate, tum miraculis, convicti à Christianis dicuntur, falsa habet haud dubiè non pauca.

*4. De Romanis
2. & 3. Conciliis
sub Silvestro.*

IV. ROMANUM II. SUB eodem SILVESTRO celebratum, Constantino III. & Crispo. Confl. id est anno Christi 324. ab Episcopis 284. memorantur, tum Latinis, tum etiam Græcis, & in eo conditi ac comprobati scribuntur Canones viginti, quorum nonnulli in corpore Juris leguntur: sed non pauca falsi occurrunt in eo indicia. Nec minùs vacillat Silvestrini Concilii *Tertii* fides, ut Baronius notat. Id anno seq. 325. volunt ab eodem Pontifice habitum, & in eo à 275. Præsulibus confirmata quæ Nicææ decreta fuerant.

*5. Concilium
Romanum sub
Siricio.*

V. SUB SIRICIO dein anno 386. instaurandæ in Africana Ecclesia disciplinæ causâ celebratum in Basilica sancti Petri Concilium dicitur, cujus Canones in Teleptensi Africano Concilio recepti ac promulgati.

*6. De Synodo
Romanorum ad
Gallos.*

VI. Habetur & antiqua SYNODUS ROMANORUM à Jac. Sirmondo in lucem prolata, ejusque Canones plures ad Gallos Episcopos, secundum quæstiones ab eis propositas, missi. Eam Labbeus ad initia Innocentii I. refert: si conjecturæ locus, per ea tempora, id est incunte seculo 5. à Clero Romano habitam crediderim, ut vacante post Fabiani mortem sede, factum Africanorum Episcoporum causâ.

*7. Concilia
Rom. sub Leone
I.*

VII. ROMANA tria SUB LEONE I. Concilia memorantur: Primum adversus Manichæos in urbe deprehenso anno 444. Alterum anno sequenti in causa Hilarii Arelatensis Episcopi: Tertium anno 449. quo reprobata sunt acta Ephesini Conciliabuli, sive Latrocinialis Synodi.

*8. De Concilio
Romano sub Hi-
lario.*

VIII. ROMANUM SUB HILARIO seu Hilario, à 48. Episcopis habitum est anno 467. in quo Canones 4. de ordinationibus editi ad quæstiones Episcoporum provinciæ Tarracensis.

*8. De Conc.
Romano 3. sub
Felice III.*

IX. ROMANUM III. SUB FELICE III. Episcoporum 38. de Lapsis Ecclesiæ Africanæ recipiendis Canones sex protulit anno 487.

*10. Concilium
Rom. 1. sub Ge-
lasio.*

X. ROMANUM I. SUB GELASIO, nationale, Confl. Astorio & Præsidio, sive anno 494. à LXX. Episcopis, in quo Libri Sacri & Authentici ab apocryphis distincti sunt: ejus ea de re decretum exscriptum habetur apud Gratianum.

XI. ROMANUM

XI. ROMANUM I. SUB GELASIO, nationale, Confl. Asterio & Præsidio, five anno 494. quo à LXX. Episcopis Libri sacri & authentici ab Apocryphis distincti sunt. Ejus ea de re decretum exscriptum habetur apud Gratianum ^a.

11. Romanum
1. sub Gelasio,
tempus, &c.

a Can. 3. dist. 15.

XII. SUB SYMMACHO habitæ sunt ROMÆ plures Synodi nationales. I. post Consulatum Paulini, anno Christi 499. Episcoporum 72. de tollendo in Pontificiâ electione ambitu. II. anno 500. quâ Symmachus variis criminibus per schismaticos accusatus, coram centum quindecim Episcopis purgatus, atque insons agnitus est. Sed hujus Synodi acta intercederunt.

12. Romanorum
sub Symmacho,
tempora, &c.

III. ejusdem Pontificis Literis, jussu Theodorici Italiæ Regis congregata, Avieno seniore & Pompeio Consulibus an. 501. contra schismaticos eosdem Symmachi adversarios.

IV. Avieno juniore Consule, anno 502. *Palmaris* dicta, quod habita sit in Basilicæ B. Petri porticu, quæ Palmaria appellabatur; ad quam Pontifex, lapidibus impetitus ab adversariis se receperat. In hac Synodo ejus electio sæpius schismaticorum calumniis exagitata, à convocatis Episcopis confirmata est.

VI. Episcoporum 245. ex Italiâ vicinisque Provinciis evocatorum, anno 503. celebratâ, damnatus est schismaticorum adversus præcedentem Synodum *Libellus*, inscriptus *adversus Synodi absolutionem*: contra quem *Ennodius* Diaconus, Ticinensis postea Episcopus, *Apologeticum* mandato Episcoporum composuit, qui miro plausu lectus in Synodo, approbatusque est.

VI. habita eodem anno vergente, Decreta quædam edidit contra rerum Ecclesiasticarum invasores.

XIII. SUB GREGORIO I. celebrata sunt ROMÆ quatuor Concilia, quorum duo ad nostrum institutum pertinent. Eorum *Secundo*, quod imperante Mauricio habitum est, anno 595. interdictum sacris altaris ministris concinendi in Ecclesia officium, aliaque constituta sunt. Subscripserunt 58. Episcopi, aut Ecclesiæ Romanæ Presbyteri.

13. Romani 1.
sub Gregorio I.
tempus, &c.

XIV. ROMANUM III. AB eodem S. GREGORIO habitum est, anno 601. in æde Lateranensi, & constitutum ab eo pro Monachis editum.

14. Romani 2.
sub Gregorio I.
tempus, &c.

XV. ROMANUM SUB BONIFACIO III. celebratum anno 606. ab Episcopis 72. de forma & modo eligendi Romani Pontificis.

15. Romani 3.
sub Gregorio I.
tempus.

XVI. ROMANUM SIVE LATERANENSE SUB MAR-
Ec

16. Romanum.

vel *Lateranense*
sub *Martino I.*

TINO I. nationale, quo 105. Episcopi, proscripto Constantis Imperatoris typo, sive Constitutione, Monothelitarum hæresim, hujusque propugnatores vel fautores Cyrum Alexandrinum, Sergium, Paulum & Pyrrhum Constantinopolitanos Antistites, anno 649. damnarunt, Canonibus sive Anathemismis viginti: cujus hæreseos anno 680. renovata condemnatio est in Concilo ROMANO 125. Episcoporum, sub Agathone. Continet hoc Concilium actiones quinque, quæ ibi Sectetarii nomine significantur.

CAPUT XV.

*Concilia Italica Medii ævi, ab initio sæculi VIII.
ad dimidium sæculum XII.*

1. *Quorum tem-
porum Concilia
hic indicanda.*

I. SEQUUNTUR Concilia Localia posteriora quæ habita sunt post omnia quorum in corpore Ilidori Mercatoris mentio fit; quorum tamen in Decteto suo meminit post alios Collectores Gratianus.

2. *Concilium
Romanum 1. sub
Gregorio II.*

II. CONCILIUM ROMANUM I. SUB GREGORIO I. imperante Leone Isauo Iconomacho, regnante Longobardis Luithprando, in Basilica S. Petri à 12. Provinciæ præsertim Romanæ Episcopis, adjunctis duobus tribusve ultramontanis, habitum, adversus Sacerdotum, aliaque illicita conjugia, anno 721. Canones septemdecim protulit. Habita quoque ab eodem, ejusque proximo, successore Gtegorio III. Concilia adversus Iconoclastarum hæresim.

4. *Romanum
1. Conc. sub Za-
charia.*

III. ROMANUM I. SUB ZACHARIA, Luithprando Longobardorum Rege, imperante in Italia Artavasto, celebratum anno 743. contra Clericorum vetita matrimonia, & cum mulieribus cohabitationem, qua de re Canones 15. editi.

5. *Romanum
sub Stephano III*

IV. ROMANUM SUB STEPHANO III. aliàs IV. in Basilica Constantiniana seu Lateranenſi, anno 769. contra Sedis Apostolicæ invasores, sive de Romani Pontificis electione, de cultu sacratum Imaginum, de recipiendis quinquaginta duntaxat Canonibus Apostolorum, idque tempore Desiderii Longobardorum Regis, circa primordia Catoli Magni apud Francos regnantis, cum Constantinus Copronymus in Oriente imperaret.

V. SYNODUS ROMANA LEONIS III. anno 800. habita, inter cæteras eo nomine notanda est quod in ea summus Pontifex, falsis criminationibus ab inimicis infamatus, solemnî jurejurando interposito, præsentè Carolo Magno innocentiam suam ultro purgavit. 5. *Romanum Leonis III.*

VI. ROMANUM SUB EUGENIO II. Episcoporum 63. anno 826. Ecclesiasticæ disciplinæ causâ, ab eo convocatum est, imperante Ludovico Pio. Ejus extant Canones 38. 6. *Romanum Eugenii II.*

VII. ROMANUM SUB LEONE IV. Episcoporum 67. anno 853. habitum contra Anastasium tituli sancti Martelli Cardinalem Presbyterum, qui propter contumaciam exautoratus est. In hoc Concilio refricata, & verbatim ferè repetita fuerunt Capitula superioris Eugenianæ Synodi. 7. *Romanum sub Leone IV.*

VIII. In Concilio ROMANO HADRIANI II. tet anathemate percussus est Photius Constantinopolitanus Patriarcha, additumque igni volumen ab eo conscriptum adversus Nicolaum Papam, Ludovici II. Imperatoris temporibus, anno 868. 8. *Romanum sub Hadriano II.*

IX. ROMANUM II. SUB JOANNE VIII. de novo Imperatore post obitum Ludovici II. eligendo habitum, anno 879. in quo unanimi Synodi consensu electus est Catolus Calvus. 9. *Romanum sub Joanne VIII.*

X. ROMANUM SUB CLEMENTE II. contra Simoniacos imprimis coactum anno 1047. cujus adversus illegitimas ordinationes decreta an. 1049. in Concilio Romano I. sub Leone VIII. alias IX. renovata. 10. *Romanum sub Clemente II.*

XI. ROMANUM II. SUB LEONE IX. an. 1050. damnato Berengario Diacono Andegavensi corporis & sanguinis Christi in Eucharistia veritatem impugnante, Lanfrancum probavit contraria sentientem. 11. *Romanum sub Leone IX.*

XII. ROMANUM SUB NICOLAO II. nationale, centum tredecim Episcoporum, anno 1059. habitum est: in eo Betengarius prædictus tertio hæresim suam abjutavit, & de Romani Pontificis electione edita constitutio est, cum aliis Decretis. 12. *Romanum sub Nicolao II.*

XIII. ROMANUM I. SUB ALEXANDRO II. an. 1063. à centum atque amplius Episcopis occasione Petri Episcopi Florentini, hæreseos & simoniæ accusati, adversus Simoniacos celebratum, undecim decreta constituit, superioris Synodi Decretis haud multum absimilia. 13. *Romanum sub Alexandro II.*

14. *Romana*
sub eodem.

XIV. ROMANUM II. SUB EODEM contra Incestuorum hæresim habitum an. 1065. Hi ut Matrimonium inter proximiores cognatos contrahi posse defenderent, gradus Consanguinitatis non secundum Canones, sed secundum leges numerabant.

15. *Romana*
sub Gregorio
VII.

XV. Sub Gregorio VII. habita sunt ROMÆ Concilia 10. In I anno 1074. de continentia Clericorum, de potestate Romanæ Sedis, &c. Canones 24. prolati. In III. Henricus IV. Imperator cum aliquot Germaniæ præsulibus ipsius sequacibus & aliis anno 1076. excommunicatus est. In V. edita fuerunt plura de Ecclesiarum præsertim per Laicos investituris Decreta, & tum in alios, tum in Nicephorum Boroniatem, Impetii Constantinopolitani invasorem, qui Michaëlem throno suo dejectum, in Monasterium cum uxore ac filio detruserat, anathematis lata sententia est. In VI. Berengarius, adhuc relapsus, hæresi suæ renunciassse dicitur, & Decreta de Pontificum Electione aliisque rebus sancita. In VII. an. 1080. Germaniæ regnum novo exemplo abrogatum Henrico IV. ac translatum in Rudolphum, aliaque promulgata decreta.

16. *Romanum*
1. sub Urbano II.

XVI. ROMANUM I. SUB URBANO II. Episcoporum centum quindecim, res à Gregorio VII. & Victore III. adversus Antipapam Guibertum & Henricum IV. Imperatorem gestas confirmavit anno 1089.

17. *Romanum*
3. sub eodem.

XVII. ROMANUM III. SUB EODEM 150. Episcoporum anno 1099. congregatum proptet expeditionem Hierosolymitanam, & contra Guibertum prædictum, Canones 18. composuit. Dictum suspicor *Urbicum* ab Urbe Roma, & *Urbanense* ab Urbano, quemadmodum alia quoque ab eodem habita.

18. *Forojulien-*
se sub Adriano
I.

XVIII. FOROJULIENSE, à Paulino Aquileiensi Patriarcha apud Forojulium municipium, quod toti Carnorum in Italia provinciæ nomen dedit, nunc vulgò *Cividal del Friuli*, congregatum est Adriano I. Pontifice, Carolo Magno & Pipino ejus filio in Italia regnantibus. In eo, ad firmandam SS. Trinitatis & Incarnationis Dominicæ fidem relecto Nicænæ Synodi Symbolo, constituta sunt 14. disciplinæ Capitula.

19. *Concilium*
Leonis pseudo-
octavi.

XIX. In legitimorum Conciliorum numero perperam à quibusdam habetur id in quo *Rome*, agente Ottone I. Imratore, an. 963. Joannes XII. Pontifex depositus est, ejus-

que loco suffectus Leo, quem nonnulli octavum vocant. Sed acta ejus Conciliabuli, habità anno sequenti Synodo, rescissa fuere, salvo Ottonis diplomate anni 962. quo Jura Ecclesiæ Romanæ secundum Caroli Magni constitutum confirmata sunt, & aliquatenus amplificata.

XX. *TICINENSE*, sive Synodus *Regia Ticina*, in urbe Longobardiæ Regia Ticino, aliàs Pavia, vulgò *Pavia*, in provincia Mediolanensi, sub Ludovico juniore Imperatore ac Rege Italiæ, Pontifice Leone IV. congregatum, anno 855. Canonibus 25. mores reformare in melius curavit.

20. *Ticinense.*

XXI. *RAVENNATE*, à Joanne VIII. Pontifice cum Ansperto Mediolanensi, Joanne Ravennensi Archiepiscopis, Petro Gradenſi Patriarcha, aliisque Episcopis fermè 130. Ravennæ in Flaminia, quæ nunc Romandiola, celebratum anno 877. Canones 19. ad disciplinam & immunitatem Ecclesiasticam instaurandam constituit.

21. *Ravennate sub Joanne VIII.*

XXII. *RAVENNATE*, sive *Ravennatense* aliud, anno 904. celebratum est à Joanne IX. cum 74. Antistitibus, præſente Lamberto qui in Italia imperabat. In eo prolata sunt decem Decreta, atque abrogata Stephani acta contra Formosum.

22. *Ravennate sub Joanne IX.*

XXIII. *RAVENNATE*, à Joanne XIII. cum Aquileienſi Patriarcha, Ravennensi & Mediolanensi Archiepiscopis, & 54. Episcopis Italicis, paucis è Germania admixtis, anno 967. habitum. Ibi Otto I. Imperator restitutionem Urbis atque Agri Ravennensis Pontifici & Ecclesiæ Romanæ confirmavit.

23. *Ravennate sub Joanne XIII.*

XXIV. *RAVENNATE* sub Gregorio V. imperante Ottone III. habitum à Gerberto ejus Urbis Archiepiscopo, tres circa disciplinam Canones edidit, anno 997.

24. *Ravennate sub Gregorio V.*

XXV. *BENEVENTANUM*, Beneventi in urbe quæ olim Hirpinorum, nunc in confinio Terræ Laborinæ atque Aprutii nomen retinet, à Victore III. cum Apuliæ & Calabriæ Episcopis habitum adversus Guibertum Antipapam, qui Clementis III. nomen usurpabat: priora contra eos qui Ecclesiasticas dignitates à Laïcis accipiunt, decreta renovavit, anno 1087.

25. *Beneventanum sub Victore III.*

XXVI. *BENEVENTANUM* sub Urbano II. Pontifice, adversus eundem Guibertum Pseudo-pontificem, eique addiſto, habitum; Canones tres edidit, anno 1090.

26. *Beneventanum sub Victore III.*

Faventinum, quod apud Gratianum quasi sub eodem Urbano circa hæc tempora celebratum, laudatur, nullum exstat.

222 *Prenotionum Canonic.* LIB. II. CAP. XVI.

Faventini fortè nomen loco Placentini irrepsit, de quo mox. Est autem Faventia in Æmilia, V. *Faenza*.

27. *Melfitanum.* XXVII. MELPHITANUM, sive apud *Melfiam* in Apulia; vulgò *Melfi*, anno 1090. vel potius ex Labbeo, anno 1089, ab Urbano II. congregatum. Ibi editi Canones sedecim; & Rogerius Roberti filius, Apuliæ Dux, se Romanæ clientem Ecclesiæ professus est.

28. *Troianum.* XXVIII. TROIANUM, quod unicum putat Labbeus idem, atque ad annum 1093. refert, à Baronio dissentiens; nonnulla sanxit de conjugiiis Consanguineorum dissolvendis, & de *Trevia Dei*, sive de induciis inter Christianos servandis secundum priorum Conciliorum statuta.

29. *Placentinum.* XXIX. PLACENTINUM, Placentiæ in Æmilia, quæ nunc Longobardia Cispadana, urbs vulgò *Piacenza*, nostris *Plaisance*, anno 1095. ex pluribus nationibus convocatum: propter immensam confluentium multitudinem extra urbem in campo celebratum est; & Capitula 14. statuit adversus Simoniacas & schismaticas ordinationes. Ibi Prædix Imperatrix de Henrico IV. marito conquesta: Audita & Legatio Alexii Comneni Imperatoris Constantinopolitani, opem Occidentalium contra Saracenos implorantis.

30. *Guaftallense.* XXX. GUASTALLENSE, aliàs Vvastallense, sive apud Guardastallum in Longobardia, vulgò *Guaftalla* in Ducatu Mantuano; actum est à Paschali II. anno 1106. de schismaticis Episcopis & Clericis ad Ecclesiæ unionem revocandis; & contra Investituras Laicorum, rerumque Ecclesiasticarum Alienationes.

CAPUT XVI.

Concilia particularia Gallica mediæ ævi, à sæculo VIII. ad XII.

1. *Concilia Gallica præcipuè mediæ ævi momenti.*

I. **R**EGNANTIBUS Carolovingiis multa per Galliam & Germaniam celebrata Concilia, magnum ad sancientiam atque in melius instaurandam disciplinam momentum attulerunt: ea ex pluribus pleraque provinciis congregata, Caroli præsertim magni & Ludovici pii operâ atque autoritate; quorum ea in re studium imitati posteris. Ex his non pauca

in corpus Canonum decreta collectores, non immeritò, transfulerunt; quod post priores sequurus est Gratianus.

II. Autor ejus studii Pipinus, quo agente ac præfente sub regni exordia habitum VERMERIENSE I. Concilium, apud Vermeriam palatium, nunc *Verberie* in Diœcesi Silvanectensi, anno 752. Stephano II. Papa in Gallia degente; Canones sive Capitula condidit, unum & viginti. Habitum ibidem post centum annos Concilium VERMERIENSE II. jussu Caroli Calvi ex quatuor aut quinque provinciis. In eo Herimanno Episcopo Nivernensi, infirmitate corporis conjuncta cum mentis alienatione, liberato, red-dita est Ecclesiæ suæ administratio.

2. Concilium
Vermeriense 1.
& 2.

III. VERNENSE I. Pipini antè dicti autoritate coactum in Verno seu Vernis palatio, *Vernon* in diœcesi Rothomagensi, eodem Stephano II. Papa, anno 755. hujus habentur Canones 25. *Vernensis* alterius, tempore Caroli Calvi anno 844. habiti, Canones extant 12.

3. Vernense 1.
& 2.

IV. COMPENDIENSE, quod in generali populi conventu celebratum est apud Compendium palatium publicum, nunc *Compiègne*, in diœcesi Sueffionensi, anno Christi 756. Pipino rege, Paulo I. Pontifice. Canones in eo compoliti octodecim.

4. Compen-
diense.

V. ARELATENSE VI. (aliàs 3. ignotis scilicet intermediis post secundum) jussu Caroli magni Francorum regis & imperatoris, Leone III. Pontifice celebratum anno 813. Canones 26. constituit: eodemque tempore in regno Francorum alia quatuor celebrata fuere Concilia.

5. Arelatense
6.

VI. MOGUNTINUM, vel Moguntinense aut Moguntiacum, 1. eodem anno congregatum Moguntia, quæ & Moguntianus dicitur, estque Germaniæ 1. sive superioris Metropolis, hodie nostris *Mayence*, Germanis *Mentz*: Canones habet 55.

6. Mogunti-
num.

VII. REMENSE II. provinciale, in Remorum civitate, Belgicæ II. metropoli, nunc vulgò *Reims*; eodem anno Caroli quoque magni jussu à Vulfario Archiepiscopo habitum; condidit Canones quatuor & quadraginta.

7. Remense 1.

VIII. TURONENSE Concilium III. dictum aliquibus etiam secundum, altero priori minùs apud Collectores noto, (unde nos supra cap. 14. Turonense Alexandri III. aliis posterius, Tertium diximus.) Hoc de quo nunc agitur præce-

8. Turonense 3.

pto ejusdem Imperatoris celebratum eodem anno, edidit Canones quinquaginta & unum.

9. *Cabilonen-*
se 2.

IX. CABILONENSE II. ab Episcopis provinciæ Lugdunensis eodem omnino tempore habitum Canones constituit 66.

10. *Aquisgra-*
nense 1.

X. AQUISGRANENSE I. sive apud Aquas-grani vel apud Aquisgranum palatium in Germania II. seu inferiori, vulgò *Aix-la-Chapelle*, Germanis *Aachen*; Ludovico Pio Rege & Imperatore, Stephano IV. Pontifice, an. 816. congregatum, decreta sanxit duobus libris distincta, quorum Primus de institutione Clericorum & Canonicorum, 145. Canones ex conciliis & patribus collectos continet; Secundus de institutione Sanctimonialium Canones sive Capitula 28. Insequenti anno conventus Abbatum Franciæ ibidem habitus, de Regulari Monachorum disciplina Capitula 80. firmavit.

11. *Aquisgra-*
nense 2.

XI. AQUISGRANENSE II. sub eodem Ludovico Pio, Gregorio IV. Pontifice anno 836. habitum, tribus capitibus distinctos Canones seu Capitula complectitur 65. Caput I. habet Canones sive articulos 12. de vita Episcoporum. Secundum Caput totidem Canones habet de doctrina Episcoporum, & præterea 16. de vita & doctrina inferiorum ordinum. Caput III. de persona Regis filiorumque ejus & ministrorum, capitula 25. complectitur. Ex eadem synodo prodiiit Epistola tribus libris constans ad Pipinum Aquitaniæ Regem, quâ monitiones Regibus ab ea synodo datæ exemplis atque autoritatibus ex sacra Scriptura petitis confirmantur.

12. *Apud Theo-*
donis Villam.

XII. APUD THEODONIS VILLAM, vulgò *Thionville* Gallis, Germanis *Diedenhoven*, in diocesi Trevirensi, circa annum 821. Paschali Pontifice, Ludovico Pio & Lothario ejus filio imperantibus. In eo adversus percussores Clericorum Capitula quatuor ab Episcopis plurium provinciarum sancita sunt.

13. *Parisiense*
6.

XIII. PARISIENSE VI. ab Episcopis quatuor provinciarum celebratum Lutetiæ Parisiorum, anno 829. jussu Ludovici Pii & Lotharii Imperatorum, Gregorio IV. summo Pontifice: in tres libros suas sanctiones divisit. I. complectitur 54. Canones de Ecclesia & Episcoporum ordinationibus II. Canones tredecim de Regis officio. III. de Officio Episcoporum

coporum & Clericorum Canones 27. Eodem anno tria de eisdem rebus Concilia mandata eorumdem principum celebrata fuere Moguntia, Lugduni, ac Tolosa: quorum decreta in hoc vulgata & recepta.

XIV. PARISIENSE vocat Labbeus, conjecturâ ex Fontanellensi apud Duchenum chronico ducta, quod Baronio aliisque *Turonense IV.* dicitur, sub Leone IV. & Carolo Calvo Rege habitum anno 849. à 22. Episcopis quatuor provinciarum Turonensis, Senonensis, Remensis, & Rothomagensis, adversus Nomenoium, quem in Epistola sua Synodica *Priorem* gentis Britannicæ vocant, pro Duce aut Principe Britannæ minoris sive Gallicæ; quâ epistolâ eum, ob Ecclesias vastatas, & rejectas Pontificis literas arguunt, monentque sub excommunicationis interminatione, ut resipiscat. In ea epistola id notatu dignum quod Episcopi cujusque provincie post metropolitanum suum subscripserunt. Idque aliquando in aliis ejusmodi conventibus factum.

14. *Parisiense*
anni 849.

XV. BELLOVACENSE sive *Belvacense*, in Bellovacorum Remensis provincie civitate, hodie *Beauvais*, anno 845. Sergio II. Pontifice, Carolo Calvo Rege, fecit octo Canones de conservandis Ecclesie rebus.

15. *Bellovacense*

XVI. MELDENSE, apud civitatem Meldarum, vulgò *Meaux en Brie*, in Senonensi tunc provincia, eodem anno, ex pluribus provinciis habitum; præter repetita recentium aliquot Conciliorum, ipsius etiam Bellovacensis, decreta, alios Canones 24. statuit, usque ad octoginta; Sergio II. Papa, Carolo verò Calvo Rege. Quæ huic concilio deesse videbantur absoluta sunt in Parisiensi anno sequenti.

16. *Meldense*.

XVII. SUESSIONENSE II. sub Leone IV. sive apud *S. Medardum*, in Abbacia S. Medardi juxta SueSSIONUM civitatem, in provincia Remensi, à *S. Mard de Soissons*, præsentente Carolo Calvo anno 853. congregatum, habet tredecim Canones, actiones 8. Interfuere ex 4. aut 5. provinciis præsules 33 præter Abbates, & chorepiscopum unum.

17. *Suessionense*.

XVIII. VALENTINUM III. in Viennensi provincia, Imperatoris Lotharii nutu, in causa Episcopi Valentini celebratum, tempore Leonis IV. anno 855. congregatis trium provinciarum, Lugdunensis, Viennensis, & Arelatensis antistitibus novem, cum chorepiscopo uno: prodierunt ex eo Canones 23.

18. *Valentinum*.

19. *Carisiacense* 2. & 1.

XIX. *CARISIACENSE* II. sive apud Carisiacum, mallè in Decreto Gratiani *apud Tanfium*, in Villa sive oppido Diœcesis Laudunensis, quod vulgo *Cressy sur Serre*, jubente Carolo Calvo habitum, tempore Benedicti III. anno 857. ad reformandos seditioforum & raptorum mores. Celebrata ibidem fuerat Synodus *Carisiaca* I. anno 849. ubi damnato Gothescalco, prolata Capitula 4. contra Prædestinianos.

20. *Tullense* 1.

XX. *TULLENSE* I. apud *Saponarias*, in provincia Treverensi seu Belgica I. vulgò *Savonieres près de Toul en Lorraine*, ab Episcopis provinciarum 12. præsentè Carolo Calvo Rege, ipsiusque nepotibus seu fratris filiis Lothario & Carolo Regibus, Nicolao I. Romano Pontifice, anno 859. celebratum, tredecim Canones condidit. In Epistola Synodica ad Vvenilonem Senonensem Archiepiscopum, Præfulum 38. nomina exprimuntur, aliis omisiss, plures enim fuere.

21. *Tullense* 2.

XXI. *TULLENSE* II. apud Tufiacum, villam agri Tullensis, vulgò *Touffy*, anno 860. ab Antistitibus plusquam 58. evocatis ex quatuordecim provinciis, Caroli Calvi & Lotharii Regum autoritate, Nicolao I. Papâ, celebratum, quod ferè nationale Gallix haberi potest. Subscripsere Archiepiscopi 12. Vesontionensis, Senonensis, Remensis, Viennensis, Trevirensis, Agrippinensis, Biturigenfis, Turo-nensis, Burdigalensis, Narbonensis, Lugdunensis, Rothomagensis. Fuere & Episcopi ex Arelatenfi & Moguntina: & cum his Barcinonensis atque Orgelitani nomina leguntur ex Tarraconensi. Ejus Canones extant quinque.

22. *Pontigonense*.

XXII. *PONTIGONENSE*, in villa Pontigonis, vulgò *Pontjon*, Catalaunensis Diœcesis, anno 876. præsentè Carolo Calvo & Sedis Romanæ Legatis, habitum. In eo Episcopi & Comites Galliarum, qui ibi Cisalpini vocantur, Italicorum Episcoporum ac Comitum in Synodo Ticinensi acta confirmarunt ac susceperunt, tum quantum ad Caroli electionem ad Imperatoriam dignitatem, tum etiam quantum ad ejus Synodi Canones.

23. *Trecense*.

XXIII. *TRECENSE* sive *TRICASSINUM* II. apud Augustobonam Tricassium, seu Treca Senonensis provincie civitatem, vulgò *Troyes en Champagne*, sub Joanne VIII. Pontifice, qui ei præfuit, anno 878. & Canones 7. in eo statutos probavit. Subscripsere Præfules 29. in quibus Italici, præter Pontificem, tres, Metropolitani è Gallia octo, ex

Hispania Gerundenſis & Barcilonenſis Epiſcopi.

XXIV. MACRENSE ſive *apud Sanctam Macram*, in oppido Finibus, Diœceſis Remenſis, vulgo nunc *Fimes*, anno 881. Rege Ludovico Balbi filio, Papa Joanne VIII. ab Epiſcopis plurium provinciarum celebratum eſt, à quibus decreta ſive Canones 8. exierunt, de Regia & Sacerdotali dignitate, & rebus Eccleſiæ contra invalores tuendis.

XXV. METENSE ſeu *Mediomaticenſe*, ab Epiſcopis Belgicæ 1. in civitate Mediomatricum, vulgo *Metz*, anno 888. celebratum ſub Arnulfo Carolomanni filio notho, qui regnum Lotharii occupaverat, regnante in Gallia Carolo Simplicem aut Odone, Stephano V. Romano Pontifice: Canones ab eo tredecim manarunt.

XXVI. NANNETENSIS Concilii, in Nannetum provincie Turonenſis ac Britannie Ducatus civitate, vulgo *Nantes* dicta, celebrati, valde incerta eſt Epocha. Primum ejus nominis Concilium Frodoardus ad Vitaliani Pontificis tempora refert, atque ad annum 658. Plerique multò recentius faciunt: Certè ante annum 900. celebratum ſuadent ejus quædam capita in VII. Capitularium librum relata. Ejus Canones 20.

XXVII. Concilium aliud in eadem urbe anno 1127. ſub Honorio II. habirum, ab Hildeberto Archiepiſcopo Turonenſi, ejuſque ſuffraganeis, ſex Canones ſtatuit: & conſuetudines duas abrogavit, quarum altera res conjugum mobiles, ſoluto morte unius matrimonio; altera res ac bona naufragorum Comitum Britannie ſiſco vindicabantur.

XXVIII. TROSLÉIANUM provinciale, Troſleii in pago Sueſſonico, vulgo *Troüilly en Soiffonnois*, ab Herivæo Archiepiſcopo Remenſi, cum comprovincialibus Epiſcopis, habitum anno 909. Sergio III. Pontifice, Rege Carolo Simplicem: Ei ſubſcripſit etiam Vito Rothomagenſis Antiſtes. Alia quoque ibidem habita fuere Concilia, collectoriſus ignota. Hujus capitula ſunt 15. Primus ejus testimoniis uſus eſt ſuperiori ſeculo Antonius Auguſtinus in ſua Juris Canonici Epitome.

XXIX. CABILOENSE, à tribus Archiepiſcopis Lugdunenſi, Veſontinenſi, & Narbonenſi, pluribuſque Epiſcopis habitum eſt anno 915. in Eccleſia Suburbana B. Marcelli Cabilonenſis: ubi nonnulla de ſtatu ac pro utilitate Eccleſiæ con-

stituta memorantur; & Roculfus Comes Matisconensis ablata Ecclesiæ restituere excommunicationis metu est coactus: cum Pontifex esset Joannes X. alias XI. Catolo Simplice Rege.

30. *Remense*
sub Leone IX.

XXX. REMENSE à Leone IX. Pontifice Antistitum ingenti concursu celebratum, Hentico I. Rege Francorum, anno 1049. Canones edidit duodecim.

31. *Rotomaga-*
genſe ſub Leone
IX.

XXXI. ROTHOMAGENSE, Rotomagi, quæ Lugdunensis II. nunc Normanniæ Metropolis, vulgo *Roüen*, circa annum 1050. à Malgerio Archiepiscopo, tempore Leonis IX. Papæ & Henrici Regis habitum, prodiit opera Gabrielis Cossartii ex apographo Jacobi Sirmondi, qui ambo Societatis Jesu Presbyteri etuditionis & religiosæ pietatis nomine cogniti. Canones 19. protulit.

32. *Rotomaga-*
genſe 2. ſub A-
lexandro II.

XXXII. Est & aliud provinciale ROTHOMAGENSE, præside Joanne Archiepiscopo, anno 1072. sub Alexandro II. Guilhelmo Angliæ Rege Normanniam regente, regnante verò in Gallia Philippo I. In eo Canones 24. constituti.

33. *Rotomaga-*
genſe 2. ſub A-
lexandro II.

XXXIII. Idem Joannes biennio post Concilium aliud provinciale habuit, præsentè Guilhelmo Angliæ Rege: ubi editi primùm Canones 14. adjectaque octo decreta.

34. *Narbon nſe*
ſub Leone IX.

XXXIV. NARBONENSE, in Metropoli provinciæ suæ, *Narbonne en Languedoc*, anno 1054. tempore quoque Leonis IX. Præsidi Gaufrido Archiepiscopo, de Treuga Dei, ante decennium aut circiter per Gallias instituta, Canones 29. condidit.

35. *Augusto-*
dunenſe ſub Gre-
gorio VII.

XXXV. HEDUENSE, sive Augustodunense, aliis *Augustidunense*, in Burgundiæ Ducatu, ab Hugone Diensi Episcopo Sedis Apostolicæ Legato anno 1077. habitum, præter electionem & consecrationem Gebuini Archiepiscopi Lugdunensis, amoto propter simoniam Humberto, aliaque ejus generis, multa Ecclesiæ utilia tractavit ac definivit, Gregorio VII. Pontifice, Rege Philippo I.

36. *Augusto-*
dunenſe ſub Vr-
bano II.

XXXVI. AUGUSTODUNENSE aliud, sive *Heduenſe* perpetam à Baronio aliisque *Ostionense*, quod pro *Autun*, vulgari nomine, *Ostun* à quibusdam scriptum sit, scripturâ magis variatâ, quam Gallica pronuntiatione: habitum est anno 1094. ab Episcopis 32. Præsidi Hugone Lugdunensis Archiepiscopo, Sedis Apostolicæ Legato, eandem Sedem obtinente Urbano II. In eo Simoniaca hæresis & Incontinentia Ceticorum sub excommunicatione damnatæ sunt: sen-

tentia quoque excommunicationis, tum in Henricum Imperatorem & Guibertum Antipapam, tum in Philippum Regem prolata.

XXXVII. PICTAVENSE, seu Pictaviense, in urbe Pictava, quæ Pictonum caput, in provincia Burdigalensi seu Aquitania II. vulgo *Poitiers*, anno 1078. ab Hugone Dienti Episcopo & Legato ante dicto celebratum sub Gregorio VII. decem Canones edidit, qui à Batonio assignantur Concilio sequenti: hujus tamen veri Canones ab his diversis, ex Sirmondi Schedis eruti, in collectione Conciliorum Regia suo loco referuntur.

37. Pictaven-
se sub Gregorio
VII.

XXXVIII. PICTAVENSE I. sub Paschali II. anno 1100. per Joannem & Benedictum Ecclesiæ Romanæ Cardinales celebratum est: In eo & alia non sine tumultu acta, & censuris Apostolicis Philippus Rex admonitus ut Bertrada renuntiaret, quod & fecit. Promulgati aut repetiti ibidem 16. Canones, quorum ultimo refricantur præcipua Claromontani Concilii ab Urbano II. habiti Decreta.

38. Pictavense
I. sub Paschali
II.

XXXIX. TOLOSANUM, Tolosæ in Narbonensi provincia, à *Toulouse Capitale de Languedoc*, ab Urbano II. per Legatos è diversis provinciis congregatum anno 1089. aut 1090. multa in Ecclesiasticis causis emendavit. Ibi, post putatum Episcopum Tolosanum, Legatio in Hispaniam destinata, præsentem atque agentem Bernardo Archiepiscopo Toletano, ex Aquitania oriundo, & volente ipso Alfonso Rege, ad restaurandam in Hispania Ecclesiasticam disciplinam: unde factum ut Toletanum officium Gallico mutatum sit.

39. Tolosanum
sub Urbano II.

XL. NEMAUSENSE, in urbe Narbonensis i. provinciae Nemauso, vulgo *Nîmes en Languedoc*, ab Urbano II. Papa celebratum anno 1096. Editum est in lucem per Lucam Acherium Benedictini Ordinis Monachum Ecclesiasticarum medii ævi rerum apprimè peritum. In eo Canones 15. in gratiam maximè Monachorum statuti: & Philippus Rex absolutus.

40. Nema-
sense sub Urba-
no II.

CAPUT XVII.

Concilia Localia Germanica à seculo VIII. ad XII.

1. *Cur non ante
seculum 8. me-
morentur Conci-
lia Germanica.*

I. CUM ante Carolidas in Gallia & vicina Germania regnantes, Christiana religio non nisi tenues admodum in Transrhenanis regionibus radices egerit, mirum non est Synodorum Germanicarum ante octavum seculum non fieri mentionem. Nam quæ antea in Cistrenana Germania, quæ Galliarum pars & sub Romanis, & sub Francis hæctenus fuerat, celebratæ haud magno numero erant, ex sive situm locorum, sive sedem dominantium spectes, ad Galliam omnino pertinent, & Gallicis conventibus connumerantur: nec facile à Gallicanis Conciliis sejuncta aut distincta Germanica prius legimus, quam ubi diviso inter Ludovici Pii filios Francorum Imperio, eorum unus Ludovicus Germanici cognomine distingui à fratribus cepit; idque sequuti sunt successores.

2. *Concilium
Germanicum 1.
san Francienm.*

II. Agmen tamen inter Germanica ducet, quamvis toto seculo illam divisionem præcesserit, Concilium illud, quod à Bonifacio Zachariæ Pontificis legato, adducendis ad Christi sacra Germanis antea misso, & Moguntini Episcopi Metropolitanæ dignitate decorato, ad Danubium flumen propè Ratisponam (ut verisimile videtur) celebratum, anno 742. GERMANICUM absolutè, aut Germanicum I. dictum est, & ni fallor Francici titulo nonnunquam intelligitur. Id & Germanorum causâ, & Carolomanni habitum voluntate qui Caroli Martelli filius, Magister erat sacri Austrasiæ Palatii, sive Major regiarum domus, & in ejus Synodi præfatione Ducem & Principem Francorum se ipse nuncupat. Sex ejus Concilii fuere Canones de officio ferè Episcoporum & Clericorum.

3. *Liptinense.*

III. Cum hoc Germanico I. & fortè cum Germanico altero, quod eodem anno habitum per eundem Bonifacium à quibusdam dicitur, cohæret Synodus LIPTINENSIS anno sequenti 743. eodem Bonifacio præside simul cum Georgio Episcopo, & Joanne Sacellario Romæ missis, celebrata in Villa regia pagi Cameracensis, cui nomen *Liptinæ* aut *Leftinæ*, vel (quemadmodum Eginarthus vocat) *Lifina*, vulgo *Lefines*. In hac Synodo Liptinenfi, & prioris illius

Germanicæ Canones firmati sunt, & alia tria addita decreta. Si titulum hujus Concilii sequimur, sub Carlomanno hoc quoque celebratum credemus. Hincmarus tamen cum alijs Carisiacensis Synodi Patribus ^a, à Pippino (Carlomanni scilicet fratre, qui Aulæ regni Franciæ Occidentalis præerat) congregatam testatur. Et fortè Majores illi Regiæ domûs, exemplo Imperatorum Romanorum ita inter se agebant, ut omnia communi consilio administrare videri vellent.

^a In Epist. ad Ludovicum Germaniæ Regem.

IV. MOGUNTINUM I. sive *Moguntiacense*, aut *Moguntinense*, à Rabano Mauro Archiepiscopo celebratum anno 847. cum duodecim Coëpiscopis, præter Chorepiscopos, Abbates, Presbyteros, tempore Leonis IV. jussione Ludovici Germaniæ Regis, Canones 32. condidit de Jutibus & Immunitatibus Ecclesiarum.

4. *Moguntinum* sub Rabano.

V. MOGUNTINUM, sub Stephano V. aliàs VI. Pontifice, occasione, ut videtur, inaugurationis Arnulphi Germaniæ Regis, habitum anno 888. de Ecclesiastica disciplina restituenda, quæ propter Normannorum incurSIONES labefacta fuerat: Canones confecit sex & viginti, Luitberto Moguntino præside, cui aderant Colonienſis & Trevirensis Archiepiscopi, cum suffraganeis quisque suis.

5. *Moguntinum*, seu *Moguntinum* sub Stephano V.

VI. MOGUNTINUM aliud tempore Henrici III. Imperatoris, eoque præſente, anno 1049. præſide Leone IX. concurrentibus quinque Archiepiscopis, eorumque suffraganeis ex universa Germania Episcopis. Multa in eo ad utilitatem Ecclesiæ sancita fuerunt: imprimis autem Simoniaca hæresis & Sacerdotum conjugia damnata sunt.

6. *Moguntinum*.

VII. CONFLUENTINUM sive apud *Confluentiam* vel apud *Confluentes*, in Diœcesi Trevirensi, vulgò *Coblens*, anno 860. habitum, non tam Episcopale Concilium est ob fidem aut mores reformandos, quàm conventus publicus ad civilem & Ecclesiasticam pacem faciendam comparatus. Nam in eo tres Francorum Reges, Ludovicus Germanicus, Carolus Calvus & nepos utriusque seu fratris filius Lotharius, suo ac Ludovici & Caroli fratrum suorum nomine, perpetuam pacem & amicitiam inter se jurarunt, coram Hincmaro Remensi, aliisque novem præſulibus, & triginta tribus ex utroque regno Trans & Cis-Rhenano, comitibus.

7. *Confluentinum*.

VIII. Posteriori apud *CONFLUENTES* congressu Carolus Simplex Franciæ, & Henricus Auceps Germaniæ reges,

8. *Confluentinum* 1. & 2.

anno 822. congregatis octo Episcopis concordiam & fœdus inierunt, atque firmarunt. Episcopi verò Canones octo de rebus Ecclesiasticis fecere, quorum plerique à Burchardo & Ivone collecti.

9. *Coloniense.*

IX. COLONIENSE, sive *Agrippinense*, apud Coloniā Agrippinā ad Rhenum, quæ Germaniæ II. Metropolis, nobis *Cologne*, Germanis *Kallen*; à Villiberto ejus urbis Archiepiscopo, cum Episcopis quatuor provincialibus, consensu Caroli Crassi Imperatoris, anno 887. habitum est adversus rerum Ecclesiasticarum invasores & Incestuosa conjugia.

10. *Triburiense.*

X. TRIBURIENSE, pto reformanda Ecclesiastica disciplina, coactum apud Triburiam, nunc vulgò *Tribur*, nobis *Triere*, in Episcopatu Moguntino, anno 895. tempore Formosi Papæ, & Arnulphi Imperatoris: Canones sive Capitula 58. edidit: quorum non pauca referuntur à Gratiano. Aliæ duæ Synodi eodem loco à Conrado II. Imperatore postea congregatæ leguntur, annis 1031. & 1035. quorum prior habita fuit Pontifice Joanne XVIII. alia sub Benedicto IX. sed earum Canones ad nos haud pervenerunt.

11. *Altheimense.*

XI. ALTHEIMENSE, aliàs Triburiense II. variè corrupto à collectoribus nomine, modò apud *Alphesum* vel *Elfesum*, aut apud *Altheum* vel *Altenen*, fortè & apud *Alich* dictum, Alheimii in Rhetia, vulgò *Alheim*, anno 917. habitum, Joanne X. Romano Pontifice, Conrado I. Germaniæ Rege, cui cognomen Salico. Sunt tamen qui ad annum 1035. ac Benedicti IX. & Conradi II. tempora referant.

12. *Erphordense.*

XII. ERPHORDIENSE, sive apud *Erphesfurt*, Erfordiæ in Thuringia, & Provincia Moguntina, vulgò *Erfurt*, sive *Erford*, Germaniæ Rege Henrico I. qui Auceps est cognominatus, Pontifice Joanne XI. celebratum est anno 912. intervenientibus Hildeberto Moguntino, & Rutgero Treverensi Archiepiscopis, cum Episcopis undecim: condidit quinque Canones, quos laudant Burchardus, Yvo, Gratianus.

13. *Ingelenheimense.*

XIII. INGELENHEIMENSE, in vico Engilenheim, (quasi Angelorum villam dicas) nunc oppidum est, & contracto aliquantùm vocabulo *Ingelheim* vocatur, in Diœcesi Moguntina, haud procul ipsa urbe, cis & juxta Rhenum, olim in pago sive agro Nagavvi, seu *Nabgavu*, à fluvio Nava dicto

dicto (quæ nunc Palatinatus inferioris pars.) Eo itaque loco, qui Caroli Magni natalibus inclaruit, habitum est hoc Concilium Præsidente Marino Episcopo Agapiti II. Pontificis Legato, intervenientibus Ottone I. Imperatore, & Ludovico Transmarino Francorum Rege, Archiepiscopis Coloniensi, Moguntino, Treverensi, Remensi, Hammaburgensi, Episcopis 26. anno 948. Canones decem sanxit circa disciplinam. Fuere & alia prius & posterius ibidem celebrata Concilia.

XIV. SALEGUNSTADIENSE, sive *Salgunstanum*, Salegunstadii, vulgo *Selgenstad* ad Mœnum in Diœcesi Moguntina, celebratum anno 1022. tempore Benedicti VIII. Pontificis, & Henrici II. Imperatoris; ab Aribone Moguntino Archiepiscopo, & comprovincialibus quinque Episcopis: de rebus disciplinæ Ecclesiasticæ Canones viginti emisit.

14. *Salgunstadiense.*

CAPUT XVIII.

Anglica, & Hibernica quædam præcipua ante XII. seculum Concilia.

I. INTER antiqua Magnæ Britanniæ Concilia celebratur **ANGLICANUM**, sive *Anglicum* generale, quod auctoritate Joannis XIII. Papæ celebratum est Cantuariæ circa annum 969. à Dunstano ejus urbis Episcopo Metropolitano, adversus Clericos conjugatos, & incestas nuptias. Ejus Synodi hortatu Edgarus Rex stupri cum velata virgine per vim commissi septennem pœnitentiam egit; ejusque nutu Monachi, pullis Clericis, in majoribus Monasteriis collocati sunt. Extant ejusdem Regis *Leges Ecclesiasticæ*, sive constitutiones de sacra disciplina promulgatæ.

1. *Anglicanum Dunstani.*

II. Habitum est & **ANGLICUM** aliud Concilium, tempore Guilielmi Angliæ Regis & Normannorum Ducis, atque Alexandri II. Papæ, de primatu Cantuariensis sive Dorobornensis Ecclesiæ, Præside Lanfranco Archiepiscopo cum 13. Episcopis, præter Abbates.

2. *Anglicum Lanfranci.*

III. **ANGLICUM** generale, quod & Londinense, in urbe regia Londino, vulgò *London*, Gallis *Londres*, anno 1035.

3. *Anglicum seu Londinense Lanfranci.*

tempore Gregorii VII. celebravit idem Lanfrancus cum Thoma Eboracensi Archiepiscopo, & Episcopis duodecim, Abbatum etiam magno numero. Id, reficatis Canonibus præscis, quædam Ecclesiastica instituta reformavit.

4. *Londonien-
se Anselmi.*

IV. LONDONIENSE, seu Londinense, etiam totius Britannix, tempore Paschalis II. annuente Henrico Angliæ Rege, ab Anselmo Cantuariensi Archiepiscopo habitum anno 1092. Ecclesiasticæ disciplinæ capita 29. præscripsit, quæ Sedis Apostolicæ autoritate postmodum confirmata sunt.

5. *Londinense
alterum Anselmi.*

V. Sub eodem Paschali, Præside Anselmo eodem, *Londini* aliud Concilium anno 1108. celebratum, adversus Clericorum præsertim Incontinentiam, Canones statuit decem.

6. *Londinense
sub Honorio II.*

VI. LONDINENSE, seu *Vvestmonasteriense*, in sancti Petri apud Vvestmonasterium Basilica, à Joanne Cremenſi Honorii II. Legato celebratum, anno 1125. regnante Henrico Guilielmi seu Vvillielmi Regis filio, congregatis cum Primatibus Britannix Vvilhélmo, & Turſtano Eboracensi alijs viginti Angliæ Episcopis, Abbatibus ferè totidem. In eo promulgata sunt communi consensu Capitula disciplinæ septemdecim.

7. *Londinense
alterum sub Ho-
norio II.*

VII. Biennio post in eadem sancti Petri ad Occidentem *Londini* Basilica, quæ vulgo *Vvestmynſter*, Vvilielmus idem Cantuariensis, tanquam Primas, & Sedis Apostolicæ Legatus, Concilium habuit iisdem Pontifice ac Rege, à quo statuta ejus Concilii duodecim probata.

8. *Londinense
sub Innocentio
II.*

VIII. Anno deinde 1138. Albericus Ostiensis Episcopus, Innocentii II. per Angliam & Scotiam Legatus, Pacis inter Stephanum Anglorum, & Davidem Scotorum reges conciliandæ gratiâ missus, Concilium, viduâ Cantuariensi Ecclesiâ, cum Turſtano Archiepiscopo Eboracensi atque octodecim Episcopis, adjunctis etiam Abbatibus triginta, celebravit, cujus sunt Capitula 17.

9. *Vvintonien-
se.*

IX. VVINTONIENSE, apud Vvintoniam Occidentalis Angliæ civitatem, quæ præscis *Venta*, nunc vulgo *Vvinchester*, habitum est anno 1076. Gregorio VII. Pontifice, Rege autem Angliæ Guilielmo conquæstore, à Lanfranco Archiepiscopo Cantuariensi: ubi multa de vita & ordinationibus Clericorum, deque pœnitentia homicidarum sancita fuerunt.

10. *Hibernica*

X. In Hibernia jam à S. Leonis temporibus, circa di-

medium quintum seculum, conversis ad Christi fidem Hibernis, congregari cepisse feruntur Concilia per S. Patricium, sorore sancti Martini genitum, eò à Cœlestino Papa missum ad exercendum Apostolatus officium. Sed hæc minùs certa. Celebratur magis Concilium temporibus Eugenii III. anno 1151. in Abbatia Mellifontis à Christiano Episcopo Lismorensi totius Hiberniæ Legato, & Joanne Paparone Cardinali habitum, in quo regum & ducum consensu quatuor in ea insula instituti sunt Archiepiscopatus.

Concilia pauca, & parum nota.

Anglica Concilia speciatim & accuratè collegit Henricus Spelmannus sub titulo Conciliorum & Constitutionum orbis Briannici. Hibernica indicat *WATSON* in Historia Episcoporum Hiberniæ.

XI. Apud Hispanos, Saracenorum servitute magna ex parte oppressos, pauca hisce temporibus celebrata Concilia, nec Canonum collectoribus nota fuere.

11. Nec notiora Hispanica illorum temporum.

CAPUT XIX.

Concilia particularia posteriorum temporum quæ in Collectionibus Decretalium memorantur præter superiora.

I **H**ACTENUS Veteris & Medii ævi ea ferè Concilia indicavimus, quorum Canonibus in certas classes secundum rerum varietatem sparsim digestis, priores Decretorum concinnatores in suis operibus uli sunt. Superest ut pauca posterioribus seculis habita perlustremus quorum statuta, priorum nonnullis admixta prolata sunt à compilatoribus Decretalium.

1. Pauca Concilia superioribus adjecta in Collectionibus Decretalium.

In Decretalibus itaque Gregorii IX. & sequentibus etiam compilationibus, non solùm Generalium posteriorum, sed etiam Localium omnis ævi Conciliorum Canones citantur: verùm pauci admodum referuntur ex Conciliis Gratiano sive Eugenio III. Papa posterioribus, licet quorundam corrupta sunt nomina.

II. Ex Italicis recentioribus vix aliud invenias quam **LATERANENSE**, quod sic absolutè & sine alia designatione vocatur, quo nomine sæpè œcumenicorum duorum alterum intelligitur Alexandri III. aut Innocentii III. nonnunquam

2. In his Lateranensi sub Paschali II.

aliquod ab his diversum, & fortasse *L A T E R A N E N S E* anno 1110. habitum sub Paschali II.

3. *Lugdunense*
4. anni 1055.

I I I. Inter *Gallica LUGDUNENSE IV.* occurrit, aut sine addito *Lugdunense*. Id augurari licet pro eo sumi quod celebratum est ab Hildebrando Archidiacono sanctæ Sedis Legato anno 1055. ubi Prælati non pauci labis Simoniacæ non absque miraculo convicti, aut reos se confessi, dignitate suâ spoliati sunt, aliæque res constitutæ aut compositæ.

Matense, sive *apud Metiam*, pro *Matiscenensi* aliquo aut *Metensi* accipiunt, quorum Canones minùs cogniti; fortè & *Maciense* dictum pro *Macrensi* 2. anno 935. sub Leone VII. apud *S. Macram* celebrati ab *Artaldo Remensi Archiepiscopo*, & 7. *Episcopis*.

SILVANECTENSE in Convicino, de Senlis in provincia *Remensi* antiquius est, pertinet enim ad annum 863.

4. *Constantien-*
se anni 1044.

I V. Germanica sunt tum *Constantiense*, tum quod modò apud *Alich*, modò apud *Altheum*, modò apud *Altenen* vocatur hæc variè corrupta unius loci vocabula pro *Altheimensi* plerique supposita censent. *CONSTANTIENSE* in urbe *Rhetia*, quæ *Acromo* imminet lacui, Germanis *Cosnitz*, Gallis *Constance* (diversa à *Constantia* *Gallica*, quæ vulgò *Coutances*) celebratum fuit sub *Benedicto IX.* præsentè *Henrico IV.* Imperatore, qui cunctis debita, hoc est, ni fallor, injurias & præterita crimina remisisse scribitur, & pacem edicto suo confirmasse anno 1044.

5. Omiffa hic
Concilia unde
petenda.

V. Hæc ferè Concilia sunt, quorum aliquis in jure Canonico usus: Eorum acta, & aliorum magno numero, tum priorum, tum recentiorum Canones, aut indicia dabunt qui ea professo studio collegerunt: Eorum nomina proximo capite annotabimus.

C A P U T XX.

De præcipuis Conciliorum Editionibus seu generalibus Collectionibus.

1. Conciliorum
generalis Col-
lectio *J. Merlini*.

I. **P**ROXIMO & currente seculo colligendis Conciliis operam plures eruditi & studiosi viri dedere. Hanc spartam primus ornasse videtur *Jacobus Merlinus*.

Theologus Parisiensis, duobus voluminibus emissis majori forma anno 1524. quorum prius ex Isidoro magnam partem depromptum: accessit primæ editioni altera Colonix in octavo anno 1530. ac deinde Parisiis tertia anno 1535.

II. Successit Petrus *Crabbe* Mechliniensis, Ordinis sancti Francisci Religiosus, anno 1538. ac deinde 1551. quæ posterior editio ad tria ingentia volumina excrevit.

III. Franciscus *Joverius* Valentinus novo titulo atque ordine usus *Sanctiones Ecclesiasticas* anno 1555. Parisiis edidit, tam Synodicas quam Pontificias, distinctas in tres classes: quarum I. Universales Synodos. II. Particulares. III. Pontificia Decreta complectitur: quæ omnia fuerant hætenus commixta, hæc verò perspicua & obvia dicuntur.

IV. Laurentius *Surius* Carthusianus collectionem Conciliorum locupletiore, quinque voluminibus edidit Colonix anno 1567.

V. Amplius etiam quinque voluminibus exiit Venetiis anno 1585. nova Conciliorum collectio.

VI. Severinus *Binius* sacræ Theologiæ Doctor, Ecclesiæ Colonienfis Canonicus, duas initio hujus seculi Conciliorum editiones curavit Colonix, quas & Paulo V. summo Pontifici nuncupavit: Prior anni 1606. merè Latina est: in posteriori adjecta sunt Græca, præter alias accessiones: utraque Tomis quatuor comprehensa. Secunda Parisiis anno 1638. edita, novem voluminibus, quorum septimum in duas partes est divisum.

Interea Romæ autoritate atque auspiciis ejusdem PAULI V. ex typographia Vaticana exiit anno 1608. & sequentibus Conciliorum generalium collectio Græco-Latina.

VIII. Superioribus editionibus adjuncta sunt multa in præclara *Regia* collectione quæ Tomis 37. regiâ chartâ regniisque typis Lutetiæ prodiiit anno

IX. His omnibus uberiorem Parisiis dederunt anno 1670. & seqq. religiosi & eruditi è societate Jesu Presbyteri duo, Philippus *Labbeus* & Gabriel *Cossartius*. Ea titulum præfert Collectionis *Maxima*, quæ ad Regiam editionem exacta, sed quartâ parte auctior prodire dicitur. Constat Tomis quindecim, præter Apparatum duobus voluminibus distinctum.

X. Sed latent adhuc in scriniis aut in pulvere Bibliothecarum, non pauca, quæ dies aperiet. Et jam alia curis suis

2. *P. Crabbe.*

3. *F. Joverii.*

4. *L. Surius.*

5. *Veneta.*

6. *Binii.*

7. *Vaticana Pauli V.*

8. *Regia seu Luparæ.*

9. *Conciliorum Collectio maxima.*

10. *Nondum edita omnia Concilia.*

collecta Stephanus *Baluzius* publici juris fecit, tum anno 1668. in Conciliis Gallia Narbonensis, tum in volumine majoris molis, quod anno 1684. dedit sub titulo Novæ Collectionis Conciliorum, quibus & plura se adjecturum pollicetur.

11. *Sunt & summa Conciliorum aliqua.*

XI. Præter has ampliores Collectiones extant minores alia, quas Summas Conciliorum & Pontificum Romanorum vocant. I. est Bartholomæi *Caranza* Mirandensis, ex Ordine S. Dominici anno 1555. II. Francisci *Longi* à Coriolano, Ordinis Fratrum Minorum S. Francisci Capucinorum, anno 1645. III. Ludovici *Bail* Abbavillæi, Doctoris Theologi ac Propænitentiarii Parisiensis, cujus postrema editio est anni 1672. in qua Joverii ordinem imitatus videtur.

12. *De Conc. Mediolanensibus S. Caroli Borromæi.*

XII. Cæterum antequàm ab hoc tractatu discedamus, omittendum non videtur, etsi omnium Synodorum, tam recentiorum, quàm veterum, sancta sit autoritas, inter Provincialia proximæ ætatis Concilia (qualia valde utilia, vergente proximo, & ineunte hoc nostro seculo, & in Gallia, & per totum ferè orbem Catholicum laudabili Metropolitano-
rum studio habita sunt non pauca) præcipuo in pretio haberi Mediolanensia quinque, à B. Carolo Borromæo paulò post Tridentinum celebrata, quorum Constitutionibus Sanctus ille Cardinalis reformationem morum quam proximè ad mentem generalis ejus Synodi, promovere conatus est.

13. *Autores annotationum in Conciliorum Canones.*

XIII. Jam, ne quid desit eorum quæ desiderari possunt à studiosis, in Canones speciales plurimorum Conciliorum sive Synodorum, Scholia & Notas scripserunt Christianus *Lupus* ex Ordine sancti Augustini anno 1665. & seqq. Lovanii, & Joannes *Cabassutius*, Aquisextiensis Presbyter Congregationis Oratorii Domini Jesu, in Notitia Ecclesiastica Historiarum Conciliorum & Canonum, cujus altera Editio Lugduni anno 1680. prodiiit.

Post absolutam Conciliorum tractationem, sequitur ut de Pontificum Romanorum Decretis ac Decretalibus Epistolis, tum in genere, tum speciatim agamus; deque aliorum Patriarcharum Synodalibus responsis nonnihil adjiciamus. Hæc quippe hinc in Latina, inde in Orientali Ecclesia legum fere vim obtinent, & juris Ecclesiastici non modicam partem constituunt.

CAPUT XXI.

De Pontificum Romanorum Constitutionibus in genere.

I. **P**ONTIFICIS & PAPÆ nomen, quemadmodum & *Sanctissimi*, & *Beatissimi*, licet primis Ecclesiæ sæculis omnibus Episcopis æque tribueretur, ut vel ex unius Sidonii Apollinaris pluribus locis facile constat: hæc tamen honoris vocabula Romanæ Sedis Præfuli specialius ad hære, utpote cujus inter reliquos Antistites *Primatus* à Christo Domino in persona B. Petri constitutus, Evangelicæ autoritate nitatur. Quæ quidem summa, ex Apostolorum Principis successione orta, Sedis Romanæ dignitas, non modo innumeris Canonibus; sed jure quoque Civili firmata, & quodammodo promulgata est. Imperatores certe Gratianus, Valentinianus, & Theodosius ^a testantur Divum Petrum Apostolum veram religionem tradidisse Romanis, quæ ab omnibus suscipienda sit: & secundum hæc Justinianus ^b, Joanni Papæ scribens, eum proprio elogio *Caput omnium sanctarum Ecclesiarum* pronunciat: cujus Sedi uniri ac subijci omnes Sacerdotes, etiam Orientalis tractus; ad quem dubia fidei referri, & per quem discere oporteat Episcopos sinceram doctrinam. Quod autem idem Justinianus alibi ^c, Constantinopolitanam Ecclesiam omnium aliarum *caput* vocat; id de Ecclesiis ejus Patriarchatui subiectis accipiendum esse, patet ex iis quæ ibidem ab eo decernuntur, ad res illius tantum Ecclesiæ, non ad universas Ecclesias pertinentia: at superior illa sanctio omnino generalis est; & inter eos quibus à Joanne doctrina fidei manifesta fieri debet, ipse imprimis Patriarcha Constantinopolitanæ urbis ibi ^d memoratur.

II. Cum hic Ecclesiæ Romanæ Primatus, tum priscis, tum nostris temporibus à Catholicis autoribus, Græcis, Latinisque semper celebratus sit, atque adversus impugnatores egregiè defensus: fusior ejus rei tractatio nunc quidem operam nostram minimè desiderat. Sufficit quod ab uno Petro unam initio fuisse & adhuc esse Ecclesiam, ex iis constat, quæ à vetustissimis Patrum & Græcorum, veluti Irenæo ^e &

1. *Pontificis & Papæ, communia nomina Romani Episcopi præcipuo Primatus sui jure retinent.*

^a L. 7. Cod. de sum. Trin.

^b L. 8. Cod. eod. Tit.

^c L. 24. Cod. de sacros. Eccles.

^d L. 8. Cod. de sum. Trin. §. 5.

2. *A Petro omnes Patriarchales Ecclesie.*

^e Lib. 3. cap. 3.

f In Apol. 2. & præsertim in ep. ad Felicem Pampam.

g De præser. hæret. cap. 30. & 36.

h Epist. 55. ad Cornel. alias 3. lib. 1.

i Lib. 2. contra Parmenianum.

l Lib. 6. epist. 37. ad Eulogium Episcop. Alex.

m In opus. 35. Capit. c. 16.

n Epist. 1. ad Æonium Arelat. Episc.

o Lib. de unit. Eccles.

p Rel. in cap. 23. de Privileg.

q In Can. qui se fecit, 11. quæst. 6.

3. *Præcipua Sedis Romana jura.*

r La. Can. ipsi sunt Canon. 16. & seq. ix. q. 3.

f Can. aliorum 14. ead. cau. & quæst.

Athanasio^f; & Latinorum, Tertulliano^g, Cypriano^h, atque Optato Milevitanoⁱ ea de re scripta sunt. Et vero Petrus universam Ecclesiam in tribus primis sedibus Patriarchalibus fundavit, & rexit, cum Romæ & Antiochiæ per se ipsum, Alexandria per Marcum discipulum eò missum præfuerit quemadmodum probat S. Gregorius Magnus^l, quem sequitur Hincmarus^m Remensis. Sic ad instar quodammodo Sanctissimæ Trinitatis una primùm in tribus sedibus Ecclesia fuit, ex mente Symmachi Papæⁿ; eoque alludit Carolus Calvus Rex Francorum ad Adrianum II. & ad Joannem VIII. scribens *ad Trinitatis instar*, ait, *cui una est, atque individua potestas, unum est per diversos Antistites Sacerdotium*. Nihil igitur mirum est si Romana Ecclesia *matrix & radix Ecclesiarum dicatur* à S. Cypriano^o, itemque *Mater universorum Christi fidelium & magistra* in Concilio Lateran. IV. *p* dicatur; ab Innocentio verò III. serm. 1. in festo S. Gregorii, cum Capite comparetur. *Sicut*, inquit, *in humano corpore solum caput habet plenitudinem sensuum; cetera verò membra partem recipiunt plenitudinis; sic & in Ecclesiastico corpore ceteri Episcopi vocati sunt in partem sollicitudinis, sed supremus Pontifex assumptus est in plenitudinem potestatis: & ita Petrus fuit velut heres ex asse, alii verò tantum velut Legatarii*. Hanc plenitudinem potestatis iisdem ferè verbis priùs expresserat Vigilius^q. Quod non ad infringendam reliquorum Antistitum aut Conciliorum potestatem pertinet: sed potiùs ad eam cum Romano Pontifice, tanquam membrorum cum capite coniungendam.

III. Hinc manant Romane Sedis supra reliquas jura præcipua, quæ & his iustissimis causis nituntur, & nemini non cognita sunt. In his illud imprimis Gelasius^r notat, quod ea Sedes omnes iudicet, à nemine iudicetur, sicque sancitum est Decretis Conciliorum, non modò Sinuesani sub Marcellino, Romani sub Silvestro, quorum apud nonnullos dubia fides habetur; sed etiam Romani^s sub Symmacho^f. Sic Leo III. alique summi Pontifices, non alieno iudicio, sed juratâ suâ asseveratione absoluti leguntur, prævalente omnibus criminationibus proprio testimonio. Verùm hæc ad eos casus non spectant, quibus dubius per schisma Pontifex, aut palàm per hæresim indignus fuerit: in aliis quemadmodum accipienda sint, docet inter cæteros Cosmas Guimertius

merius ad Pragmaticam Sanctionem non uno loco. Hinc fit ut exercendi ejusmodi judicii causâ ad Romanam Sedem ab omnibus Episcopis, cujuscumque gradus fuerint, appelletur¹; idque secundum Sardicenis Concilii Canonem 3. aliâs 4. & 7. quem usum & priorum, & sequentium Patriarcharum innumera exempla confirmant: atque imprimis sanctorum Athanasii & Joannis Chrysostomi, qui Conciliorum Orientalium iniquis damnati sententiis ad Romanam Sedem confugerunt, atque ejus autoritate dignitati suæ restituti fuere. Eò pertinet illud etiam ne Summi Pontificis judicium à quoquam retractetur², ut Nicolaus I. ad Michaëlem Imperatorem scribit, post S. Athanasium, & S. Leonem³. Illud quoque ad Apostolicæ potestatis plenitudinem spectat, ut ad eandem Sedem dubia fidei referantur, ejus autoritate per legitimas Synodos definienda, ex Ambrosio, Hieronymo, & Innocentio 7. Faciunt & quæ S. Leo scribit Epist. 78.

⁴ Est præterea hoc Pontificis privilegium ut juris positivi humani regulis absolvere possit, *cap. proposuit 4. junctâ Glossa, de concess. præb.* Hoc quoque habet præcipuum ut qui ab ejus unitate recedunt, nec vinculis peccatorum absolvi, nec januam possint regni cælestis ingredi, ut tradit post alios venerabilis Beda⁵. Ad hæc referuntur cætera, quæ Christi in terris Vicarium decent: de quibus adeundi præsertim Bellarminus, de Romano Pontifice libro præsertim IV. & ab eo in Præfatione citati. Accedunt è nostris Vincentius Cabotius⁶ & Joannes Dartis⁷. Porro de *Primatu Petri* adversus Salmasium scripsit ante annos aliquot Petrus Habertus Episcopus Vabrinensis.

I V. Ex his sequitur summorum Pontificum *Constitutiones* in rebus Ecclesiasticis, quemadmodum in rebus civilibus Principum placita, si non omnimodam, saltem præcipuam obtinere autoritatem. Sic enim omnes Apostolicæ Sedis sanctiones accipiendæ sunt, tanquam ipsius divini Petri voce firmatæ sint, ut ait Agatho⁸: ejusque antiqua & recepta instituta generaliter ubique servanda, ut Gregorius IV. & Nicolaus I. post Innocentium I. pronunciant⁹. Hinc fit ut Siricii, Innocentii I. Leonis, cæterorumque Pontificum qui à Leone IV. enumerantur¹⁰, & sequentium Decreta, vel Decretales Epistolæ, singulaque ipsarum capita venerabiliter suscipienda sint, autore Nicolao antè laudato¹¹. Ex his certè fluunt, ut

¹ Can. idèd 10. & seq. 11. quæst. 6. & c.

² Can. pater. 10. & seq. 11. quæst.

³ Can. manet. 5. xxiv. quæst. 1.

⁴ Can. 14. 7. & 11. ead. Cau. & quæst.

⁵ Can. ita Dominus, 7. dist. 19.

⁶ Can. quicumque 27. xxiv. quæst. 1.

⁷ Tract. de benef. sect. 1. cap. 9. sub nomine Joannis Dartis per errorem edito.

⁸ De suburbicæ. Ecclesiæ. cap. 13. & seqq.

⁹ *Constitutionum Pontificiarum vis.*

¹⁰ Can. 2. dist. 18.

¹¹ Can. 2. 10. & ult. dist. 11. Can. 2. dist. 12. & can. 5. dist. 18.

¹² Can. de libellis 1. dist. 20.

¹³ Can. 1. dist. 19.

h Lib. 1. de concord. Sacerdot. & imper cap. 9.

5. Diversa Constitutionum genera.

6. Quid Decreta.

i §. 6. inst. de jure nat. &c.

l Une quicquam
9 §. 1 De off. Proconsulis.

m In pr. dist. 15.
n Ad rubr. de Constit. in 2. lectione.

7. Quid Decretales.

e Cap 8 §. 14. ex. de script.

8. Quid proprie Rescripta.

præclare differit Petrus de Marca^h, pleræque juris nostri decisiones, quod ex eo maximè *Pontificium* appellatur.

V. Constitutiones autem Pontificum aliæ *Generales* sunt, ut Decreta, & Decretales Epistolæ; aliæ *Speciales*, ut Rescripta strictiùs sumpta.

VI. Decreta, licet propriè dicantur quæ causâ cognitâ inter partes, à Principeⁱ, aut etiam quæ à Prætoribus, cæterisque magistratibus decernuntur^l: tamen jure nostro *Decretorum* nomine propriè intelliguntur prisca illæ constitutiones quæ nemine consulente à S. Pontifice in Synodo provinciæ Romanæ (quæ tum latius patens suburbicarias regiones ferè complectebatur) aut etiam totius Italiæ Episcoporum, magna ex parte editæ sunt: quamquam eo nomine comprehenduntur etiam Responso Sedis Apostolicæ per illa tempora ad Episcoporum quæstiones emissæ. Episcoporum provincialium aut nationalium loco adhibetur hodie Cardinalium imprimis consilium, ex Glossa^m, & Decioⁿ. Prioris generis Decreta, jure Civili Edicta principum appellantur.

VII. *DECRETALIS* Epistolæ sunt eorundem Pontificum constitutiones ad consultationem vel relationem, sive Prælatorum, sive etiam privatorum emissæ, ut habet Glossa ad Constitutionem Gregorii IX. libris Decretalium præfixam. Hæ *Responso* quoque nominantur, & generali *Rescriptorum* appellatione continentur: quoniam ejusmodi sunt, ut quamvis privata plerumque in causa sint scripta, tamen eâ mente composita fuere ut ad similes casus trahantur, & constitutionis universalis vim ac dignitatem habeant^o. Idèò verò *Decretales* dicuntur, quod per eas, causâ maturè deliberatâ, aliquid generaliter valiturum decernatur. Sic Decretalis bonorum possessio vocatur à Jurisconsultis quæ causâ cognitâ datur à Magistratu: cui opponitur edictalis, ex Edicto descendens quæ sine causæ cognitione dari solita.

VIII. Sed propriè *RESCRIPTORUM* nomine nunc appellamus illud Literarum Apostolicarum genus, quibus summus Pontifex aliquid supplicantium causâ fieri jubet. Ea *Diplomata* etiam vocantur, quod in duas plicas contrahi soleant membranæ in quibus scribuntur. Vocantur & *Bulle* à sigillo, seu imagine instar Bullæ appensâ: his opponuntur *Brevia*, seu *Brevés*, chartis brevioribus scriptæ literæ, sive *signatura*. Sunt autem Rescripta partim justitiæ vel ad lites,

partim gratiæ, quibus scilicet aliquid indulgetur: de quibus omnibus Doctores ad tit. de Rescriptis.

IX. Præter Decretales Epistolas, alia extant Romanorum Pontificum, veluti Clementis, Damasi, Leonis, Gregorii Magni, Innocentii III. Innocentii IV. Pii II. aliorumque pia & erudita opera. Vetum hæc, cum non ex Pontificia autoritate ad decidendas quæstiones Ecclesiasticas, sed privato studio conscripta fuerint: de iis, quatenus ad institutum nostrum pertinere videbuntur, in sequenti hujus libri parte suis locis dicemus.

X. Decretis & Decretalibus Latinorum respondent apud Græcos *Responsa Patriarchalia & Epistola Canonica*, quales non tantum Patriarcharum, sed & minorum Episcoporum apud Orientales receptæ sunt. Ejusmodi censendæ quæ Canone II. Constantinopolitanæ in Trullo Synodi referuntur.

9. *De aliis operibus Romanorum Pontificum.*

10. *Epistola Canonica, & Responsa Patriarcharum Orientalium.*

CAPUT XXII.

De Romanorum Pontificum ante Siricium Epistolis in genere.

I. IN eo Corpore Canonum quod sub Isidori Mercatoris, sive Peccatoris nomine prioribus auctius prodiit (& quod Isidoro Hispalensi Episcopo qui circa annum 636. obiit falsò tributum fuisse lib. 4. ostendetur) extant Clementis, cæterorumque Romanorum Præfulum qui ab eo ad Damasum Apostolicam Sedem rexerunt, Epistolæ Decretales magno numero, cuique ipsorum assignatæ. Quia tamen eas recepto Codici Canonum Ecclesiæ Romanæ insertas ab initio non fuisse constat ex *Can. de libellis* 1. dist. 20. & *Can. si Romanorum dist.* 19. atque ex ipso Codice Canonum veteri: idcirco earum fides apud non paucos jam diu vacillat. Benedictus Levita, sive Diaconus Moguntinus, qui ex his quam plurima in tres posteriores Capitularium à se collectorum libros contulit, in eorumdem librorum præfatione fatetur quæ in eis inseruerit, ea se in diversis locis & voluminibus sparsim edita invenisse, & maximè in Moguntiacensis Ecclesiæ serinio, à Riculfo ejus Sedis Metropolitano Episcopo recondita, & ab Orgario, sive Augario ejus secundo successore & con-

1. *In dubium revocantur hæc pristorum Pontificum Epistola.*

sanguineo reperta. Huic Otgario Gregorius IV. Pontifex suas vices in Germania commisit, ex incerto autore initio collectionis Benedicti Capitularium; eoque respicere videtur ipse Benedictus, cum in præfatione trium librorum suorum, gloriatur ea Capitula Apostolicâ esse autoritate cuncta roborata: quia *his cudendis maximè Apostolica interfuit legatio.*

2. *Quando prodierint hæ Decretal.*

^a Lib. divers. Hincmar Laudun. cap. 24.

^b Epist. 8 & alibi.

^c Lib. 55. capitulor. cap. 20.

^d Ibid. cap. 24

II. Originem, primamve editionem earum Epistolarum indicat Hincmarus Remensis Archiepiscopus ^a, cum de hoc collectarum ab Isidoro epistolarum libro loquens sic ait: *Quem de Hispania allatum Riculfus Moguntinus Episcopus in huiusmodi, sicut & in capitulis regis studiosus obtinuit; & istas regiones ex illo repleri fecit.* Idem Hincmarus, quamquam initio harum Epistolarum auctoritatem secutus ^b: eam tamen postea minùs certam censuit. Nam & quæ ex iis ab Hincmaro Laudunensi adducebantur, tum secum, tum etiam cum antiquis Canonibus pugnare ostendit ^c, & alia quoque adversus eas afferri posse insinuavit ^d. *De cuius, inquit, Isidori dictis, sed & de Epistola Damasi, quam sua Præfationi supposuit, & collectioni præposuit, quiddam possem prolixius ostendere. Sed cum ad ea quæ huic sunt opus, Apostolica Sedis Leonis & Gelasii ac cæterorum Pontificum Romanorum post Damasum sufficientissimè autoritas & explanatio suppetat, superfluum nunc duxi non necessaria in medium afferre.*

3. *Illarum Epistolarum diu valuit auctoritas.*

^e Lib. 2. de concord. Carol. cap. 37. & lib. 3 cap. 2.

III. Procedente tempore ab anno Christi 900. ad 1400. harum Epistolarum ita ubique invaluit auctoritas, ut Canonum seu Decretorum Ecclesiasticorum collectionibus quæ postea in lucem exierunt, Burchardi scilicet, Ivonis, Gratiani, aliorumque Decretis, inserta fuerint ipsarum capita, & sic ex nullo propè repugnante per universum Occidentem receptæ sint: donec circa tempus Concilii Basileensis Nicolao Cusano Cardinali, qui ^e Clementis & Anacleti Epistolas non omninò admittere visus est, & paucis quibusdam aliis ac doctioribus hominibus suspectæ haberi cœperunt.

4. *Earum fides ambigua etiam Baronio.*

IV. Superiote seculo plures cum Erasmo earundem epistolarum fidem in dubium revocarunt; atque imprimis Ant. Contius Jurisconsultus in præfatione quam notis suis in corpus Juris Canonici præfigendam composuerat: sed hanc à Censoribus Belgis in ejusdem juris editione Plantiniana quæ

anno 1547. prodiit, omiffam postea questus est. Ejus nihilominus mentio fit in ipsius annotatione post *Canonem septuaginta, dist. 16. in f. adjecâ*, his verbis: *Multas autem supra in præfatione rationes adduxi, quibus omnes Pontificum, qui Silvestrum præcesserunt decretales falsas esse ostendi.* Antonius Augustinus, ex Ilerdensi Episcopo Archiepiscopus Tarraconensis, quamvis in sua Juris Canonici Epitome his Epistolis, non secus ac reliquis quæ indubitaræ fidei habentur, passim uti soleat; attamen ad Hadriani I. collectionem capitulorum, non uno loco satis multa insinuat, quæ suspicionem moveant ei non usquequaque probatas fuisse: præsertim verò quod habet in capitulum 36. *Epistola Damasi, ait, ad Aurelium Carthaginensem posita initio Conciliorum, plerisque suspecta est, & alia nonnulla antiquiorum Damaso Pontificum.* Quin & Cardinalis Bellarminus, earum licet propugnator, in controversiis de Romano Pontifice aliquos errores in has Epistolas irrepsisse non negat, nec affirmare audet indubitatas esse. At Cardinalis Baronius, pluribus Annalium Ecclesiasticorum locis, & ingenuè proficitur earum fidem non satis constare, dum Isidoriani illius corporis Canonum originem tradit: *Ipse, inquit, Benedictus Levita, etsi ex Isidori collectione accepit multa, tamen bene conscius auctoritatem illarum Epistolarum haud adeò constantem, sed nutare admodum, nunquam aliquem illarum citavit autorem, ut fecit in reliquis, quarum fides constans esset.* Romanorum Pontificum Epistolis, Innocentii, Leonis, Gelasii, Symmachi atque Gregorii, citans ac nominans earum auctores: sed & magnâ cautelâ, quod sciret ex iis accepta haud adeò haberi firma, curavit (ut ipse in fine testatur) eadem auctoritate Apostolicâ confirmari. His illud etiam addit: *Qui autem primus excerpta ex eis (Epistolis) decreta cum titulo edidit Romanorum Pontificum, quorum nomine censerentur, fuit Hincmarus Laudunensis Episcopus, ut apparet ex Epistola seu libro contra ipsum scripto ab Hincmaro Remensi, qui eam Laudunensis lubricationem accipiens, non sine stomachatione legit; quam & pluribus arguit.* Laudunensem verò secuti sunt alii, ut qui sequenti seculo scripsit Burchardus, & post ipsum alii, qui nomina ipsorum Romanorum Pontificum singulis capitibus præfixerunt, quod & omnium novissimus aq̃ue præstitit Gratianus. Deinde subjungit idem Cardinalis. *At verò ex multis eas reddi suspectas Epistolas per ea quæ dicta sunt secundo Annalium Tomo, dum de illis sin-*

f Lib. 1. cap. 14.

g Præsertim ad
an. 865. num. 8.
& 9.

gulis mentio facta est, satis est demonstratum; simulque ostensum illis non indigere sanctam Romanam Ecclesiam, ut (si falsitatis arguantur) suis ipsa destituatur Iuribus & privilegiis: cum (etsi illis careat) ex legitimis, germanisque aliorum Romanorum Pontificum Epistolis Decretalibus satis, superque corroborata consistat. Ceterum quod excerpta ex illis capita à Benedicto Levita, primum ut Canonibus consentientia probata essent (ut ipse testatur) auctoritate Romanorum Pontificum, quod & à posterioribus factum est collectoribus; eadem usu potius recipi contigit, quàm constanti ipsarum firmitate. Verùm quod his temporibus, cum recens haberetur earum editio, nec perfectè in omnibus cognita essent, nondum admotà lucernâ Cleanthis; ea ex parte tantum eas recipiendas negarent (Gallicani quidam Episcopi) quòd extra Corpus Canonum suo seorsim volumine posita haberentur: hanc objectionem eorum magni posse esse momenti Nicolaus considerans, dum reliquæ omnes Romanorum Pontificum extra (Codicem Canonum) posita Decretales abolerentur unà istà sententiâ; rescripsit ad eos Epistolam Decretalem magni ponderis, quæ ab ipso Baronio exscribitur, & refertur apud Gratianum ^b.

^b Can. si Romanorum 1. dist. 19.

5. Eas nonnulli defendunt.

V. Hæc Baronii viri eruditissimi nec minùs probitate quam dignitate conspicui candida professio Novatoribus os occludere debuit, qui quòd multa ad Apostolicæ Sedis decus pertinentia his Epistolis contineantur, in earum, tum auctores, tum defensores ex pertinaci in sanctam Ecclesiam Catholicam odio ultra modum invehuntur. Illas Orthodoxorum nonnulli pro indubitatis tuentur; in quibus primas tenet *Franciscus Turrianus* Societatis Jesu sacerdos in libris quos pro Epistolis illis adversus Centuriatores Magdeburgicos accuratè composuit. Hunc autem non minori molimine præ cæteris exagitavit *David Blondellus*, haud exiguo sanè volumine anno 1627. Genevæ edito, cui *Pseudo-Isidoro* nomen fecit. Ibi in id imprimis incubuit, ut quæ iis Epistolis continentur, ea maximam partem, ex operibus scriptisque Pontificum atque autorum ætate posteriorum hausta demonstraret.

6. Blondellus Epistolas impugnando, res iis comprehensæ confirmat.

VI. Mihi verò, cui Romanæ Sedis auctoritatem & dignitatem stare certis aliunde argumentis omnino est persuasum, videtur id Blondelli consilium Pontificiis rebus conducere magis, quam obesse: adeò ut ei propemodum gratias agam, quòd, dum quæcumque ad Ecclesiæ Romanæ gloriam & auctoritatem illis in Epistolis facerent, ea ferè om-

nia jamdiu , si non iisdem Pontificibus quibus eripere conatur , saltem aliis Patribus & antiquis Ecclesiasticis optimæ plerumque notæ scriptoribus , uno fermè aut altero vel tertio certè post eos seculo , placuisse ostendit : sic quæ summo labore convellenda sumpserat , reverà firmaverit. Unde universo ejus operi confutando sufficere videtur , quod Baronius jam laudatus observat , merces illas Isidori Mercatoris per Riculsum primùm illaras in Galliam ex Hispania fuisse , ne quis calumniari possit ab Ecclesia Romana ejusmodi commentum prodiisse.

VII. Rationes autem præcipuæ quibus hæ Decretales à Centuriatoribus i , Blondello , aliisque , adulterinæ in universum dicantur , hæ sunt. I. quòd , quemadmodum jam indicavimus , Codici Canonum Ecclesiæ Romanæ illatæ non sint. Deinde quòd eorum temporum quibus Prisci illi Pontifices , qui eorum autores feruntur , sedem Apostolicam obtinerent , res gestas , qui Epistolarum ferè mos est , vix attingant. III. quòd eorundem temporibus sæpe non convenient anni Consulium ad finem Epistolæ cujusque adscripti , eæque passim Anachronismis scateant. IV. quòd in illis sacræ Scripturæ autoritas secundum Vulgatam Hieronymi , qui post illos Pontifices vixit , versionem laudari soleat. V. quòd sub nomine plusquàm triginta diversorum Pontificum per tria circiter secula , tamen eodem omnes stylo & charactere compositæ ejusdem auctoris manum indicent. VI. quòd mendosior ubique quàm pro illis primis post Christum seculis sermo Latinus , corruptiore seculo scriptas evincat. VII. quod ex auctorum longè posteriorum , ipsius etiam Isidori Hispalensis , qui post annum 600. scripsit , & Conciliorum Africanorum , Gallicorum , Hispani-
corum centonibus confarcinatum appareat totum opus , & recentiorum faciat mentionem , velut Theodosiani Codicis & constitutionum Justiniani. Denique quod à nemine ita laudentur alicujus nominis scriptore , ut ex iis , quemadmodum ex veris sequentium Pontificum Epistolis , depromptæ sententiæ rebus confirmandis adducantur , nullaque earum fama aut memoria occurrat ante annum 830.

VIII. Sed contrà responderi potest ex Turriano & aliis , non ideo reje-
cendas esse priscorum Pontificum Epistolas quod in Codicem Canonum illatæ non sint ; cum nec Gre-

7. *Rationes adversariorum contra hæ Epistolas.*

i Sec. præsentim
2. cap. 7.

8. *Disputatio rationes adversariorum.*

I Can. 1. dist. 19.

gorii Magni Epistolæ, quæ tamen indubitatæ sunt auctoritatis, in eundem Codicem fuerint conjectæ; & Pontificum Romanorum Decreta quibus cæterorum Ecclesiasticorum scriptorum opera probantur, vel improbanur, non aliunde quam ex se ipsis vim suam & firmirare mutuari debeant ut ostendit Nicolaus I. ¹ Adde quod aliæ sunt veterum Pontificum Epistolæ, quæ certissima veritatis suæ testimonia habent, nec tamen veteri Canonum Codici illatæ reperiuntur: quales Clementis ad Corinthios saltem prima, Julii ad Orientales, atque aliorum, quæ suis locis memorabuntur. II. Certum est in iis Epistolis mentionem fieri persecutionum seu afflictionum Ecclesiæ, nec non antiquissimarum hæreseon quæ ab illorum temporibus non abhorreant: multæque sunt, aliorum Pontificum certissimæ Epistolæ, etiam earum quæ in Codice Canonum à Dionysio Exiguo relatæ sunt, quæ rerum per ea tempora gestarum non meminere.

III. Epistolam Evaristi quæ Clementinæ ad Jacobum meminerit, aliasque non paucas, veros consules præferre. Cæterum Consulum, quorum plures sæpenumero aliorum in locum successi essent, haud satis certam esse rationem: fortè & in nonnullis Epistolis nomina consulum à librariis per imperitiam corrupta, vel per incuriam prætermissa, ac deinde ab editore adjecta, qui alicubi erraverit. IV. Ad id quod assertur de Vulgata sacræ Scripturæ versione, in his Epistolis laudata, parata responsio, eam est quod attinet ad Novi fæderis libros, à S. Hieronymo, non editam, sed emendatam fuisse: quantum ad Vetus Testamentum, interpretationis Hieronymianæ verba quibusdam in locis, loco verborum prioris ex Septuaginta versionis, faciliè ab exscriptoribus subijci potuisse, cum primùm Epistolæ illæ prodierunt; quod tunc temporis magis in Ecclesia recepta esset ea editio. V. Ex stylo & argumento simili non esse quod Epistolæ illæ rejiciantur: quandoquidem Sanctorum Petri, Jacobi & Pauli Epistolæ, æquè præ se ferunt, tum simplicis orationis, tum materiæ & argumenti dogmatici & parænetici unum genus.

VI. Quod minus castigata videatur harum Epistolarum Latinitas, id in scriptis ad salutem omnium pertinentibus novum non esse. Etenim in iis rebus ad vulgi captum scripta sua sacri auctores accommodare solent, ut à cunctis intelligantur; quod non modò SS. Patrum

Augustini

Augustini & Hieronymi, sed & Pauli omniumque utriusque fæderis Scriptorum exemplo & autoritate confirmari potest. Hos quippe humili ac sæpe etiam minùs puro sermone usos ex ipsa Sacrorum Codicum lectione patet. S. autem Augustinus in plurimis Sermonibus vulgarem Africanorum Latinitatem secutus est; & S. Hieronymus, quamvis disertissimus, non paucas in emendanda Scriptura loquendi formas, quas Grammaticorum regulis repugnare non ignorabat, retinere maluit, quàm mutare. Qua de re videndæ legendorum horum patrum à S. Gregorio datæ regulæ ^m.

VII. Potuisse insequentis ætatis autores Ecclesiasticos, postquàm hæ Epistolæ ex Romanæ Ecclesiæ Scriniis in vulgus emanarunt, earum postea verbis, prætermisissis Pontificum nominibus, uti. Præterea S. Athanasium seculo 4. Epistolam Sixti II. agnovisse.

VIII. Quod autem rara earum apud veteres mentio fiat, non inde sequi nullas fuisse; cùm & aliquanto tempore in Romanæ Ecclesiæ tabulariis servari potuerint, antequàm in hominum manus venirent; & per tempora martyriorum mirum non sit eas apud Episcopos vel Christianos quibus scriptæ essent, periisse. Gelasium porrò, cùm post Leonem Decretalia Antecessorum suscipienda decrevit, ⁿ de his Epistolis intelligendum videri. Epistolæ quidem Clementis ad Jacobum meminisse Vasense Concilium quinto seculo habitum; & Photium Patriarcham Constantinopolitanum in Bibliotheca sua: & Triburiensis ac sequentium per Germaniam Galliamque Conciliorum Episcopos, Clementis, Anacleti, Alexandri, & aliorum Epistolis testimonium præbere. Certè Gregorii VII. & sequentium Pontificum Regesta (sive Collectiones Epistolarum) licèt maximà ex parte edita non fuerint, non ideo minùs vera haberi: denique de secunda Petri Epistola, deque Joannis secunda & tertia dubitatum fuisse, nec idèd minùs eas in sacrarum Scripturarum numero apud Catholicos hodie censerì: quin ne Magdeburgenses quidem ipsos illas Epistolas omnino fictitias dicere ausos, sed cum dubitatione aut confictas, aut fædissimè corruptas; (quod de Scripturis sacris Manichæi asseriebant.) Sed veterem famam eas Epistolas priscis Pontificibus vindicare, quamvis fortè quibusdam locis corruptæ videri possint.

IX. Denique sive Epistolæ illæ certæ sint, & ab iis Pontificibus verè manaverint, quibus adscribuntur, sive incer-

^m Can. scilicet
12. cum can. seq.
& can. Ecclesiastica,
15. dist. 38.

ⁿ Can. S. Romanæ
13. §. Decretales
dist. 15. & can.
si Romanorum,
vers. ait enim, &
vers. Consonat,
dist. 19.

9. Ex illis Epistolis
receptis in
Gallia Capira
non paucas.

ta, quantum ad autores ipsos, fidei : auctoritatem apud nos indubitata non paucæ habent, quantum ad ea capita quæ Regibus Francorum, Episcopis & proceribus probata, in Capitularia sive leges regni publicas inserta fuere. Veniendum nunc ad singulos Pontifices, eorumque præcipuè indicandæ ac discutiendæ Epistolæ.

CAPUT XXIII.

De Sancto Petro, ejusque proximis duobus successoribus.

1. *Petrus Apostolus, Romanus Episcopus* 1.

I. PETRUS Bethsæidæ in Galilæa ad lacum Tiberiadis natus, proprio nomine *Simon*, cognomento *Bar-jona*, sive filius Jonæ, aut Joannis, à Christo dictus est Hebræicè *Kepha* καὶ quæ vox Petram significat : unde *Petri* nomen : nam & Atticè ὁ Πίπρος pro Saxo silece dicitur, ut communi dialecto ἡ πέτρα : quo nomine Christus etiam designatur, 1. *ad Cor.* 10. Ex discipulo S. Joannis Baptistæ factus est Christi discipulus, post Andream fratrem natu majorem; à quo ductus ad Jesum, Primum inter Apostolos locum tenuit, ac primus semper nominatur ^a; eique nominatim, tanquam petræ & fundamento Ecclesiæ futuro, promissæ sunt Claves regni cælorum ^b; idemque propter amorem eximium jussus est agnos & oves Christi præ cæteris pascere ^c. Illum solum ex Apostolis à Christo baptizatum esse, ab illo autem Andream & filios Zebedæi, ab his reliquis testatur Evodius Petri in Antiochena sede successor, apud Nicephorum ^d. Cùm deinde Ecclesiæ pacem habentes multiplicarentur, ut habetur in Actuum libro ^e; hoc est, secundum Baronium anno, æræ vulgaris 39. secundum alios anno 37. Petrus lustratis plurimis civitatibus, Antiochiam venit, ibique Episcopatus sedem constituit, quam septem annis tenuit, licet non perpetuò per id tempus ibidem degerit. Postea, relicto in ea sede Evodio, anno Claudii II. Christi 43. Petrus vinculis Herodis Agrippæ liberatus, de quibus actorum XII. Syriaque, Galatia, Ponto, Cappadocia, Asia, & Bithynia peragratis, Romam profectus est: quò XV. Kal. Februarias pervenit, eamque urbem sede Pontificiâ decoravit, testibus Eusebio ^f & Hieronymo. Ejus in urbem adventum Prisci Patres uno

^a Matth. 10.

^b Matth. 6.

^c Joan. 6.

^d Lib. 1. histor. Eccl. c. 3.

^e Cap. 9.

^f Lib. 1. hist. cap. 14.

De Sancto Petro ejusque proximis duobus successor. 251.

consensu prædicant, imprimis ex Græcis Irenæus, Petrus Alexandrinus, & Joannes Chrysostomus, ^b Cyrillus Alexandrinus, ⁱ Theodoretus, ^l è Latinis autem Tertullianus, & Cyprianus anrè laudati, Arnobius, ^m Lactantius Firmianus, ⁿ Ambrosius & Augustinus pluribus locis, vel porius quicunque de rebus Ecclesiasticis scripserunt.

Quinquennio post, anno scilicet Claudii I X. æræ nostræ X L I X. pulsus urbe Judæis edicto ejusdem Imperatoris, in Palæstinam est reversus: unde Romam denuò rediit cum Paulo, Epochæ Christi vulgaris anno L X V I. Neronis X I I. principem illam Ecclesiam primâ per Neronem persecutione afflictam confirmaturus præsentîâ, monitis, exemplisque suis. Insequenti autem anno Christi L X V I I. Simonem Magum, cum qui volarum affectabat, in terram precibus suis dejecisset, crucis supplicium inverso deorsum capite subiit III. Kal. Julii anno Neronis 13. quo anno ac die Paulus quoque Coapostolus vitam gladio finiit. An eodem anno minùs certum: nec de harum rerum temporibus inter omnes constat, quamvis in rebus omnes ferè conveniant. Vide imprimis Henrici Valesii notas in Eusebium ^o. Ecclesiæ Romanæ traditio, & Priscorum patrum monumenta ab Neronis anno 2. Christi V I I. constitutum Romæ à Petro, Linum Episcopum cum Cleto, vel Coadjutorem sive Chorepiscopum ferunt: Petrum interim totum Occidenrem docendo peragrasse, missò præterea in Ægyptum ad Alexandrinam Ecclesiam regendam B. Marco: anno autem Neronis V. Paulum Romam appulisse, ac biennio fermè in custodia Christum prædicasse, Ecclesiis missis Epistolis erudiisse: donec carcere liberatus, in Orientem rediit: unde postea Romam est reversus: utut sit, Petrum per se, vel per alios Ecclesiam Romanam administrasse putat Onuphrius Panvinus aliique, annos 24. menses 5. dies 22. alii ultra annum 25. ejus Pontificatum prorogant. De Petri ac Pauli Epistolis egimus lib. 1. de aliis operibus quæ ipsi vetustas adscripsit videndi Baronius, Covarruvias, Sixtus Senensis, Dartisus. Liturgia ipsa, quæ S. Petri nomine ex Bibliotheca Regis Christianissimi superiori seculo prodiit, exatque in auctario Græco-Latinæ Bibliothecæ veterum patrum, non caret omni dubitatione.

II. P E T R O martyrium passo successit S. L I N U S Herculano patre Volaterris in Tuscia natus, secundum rece-

Ii ij

^g In Epist. Can. c. 1.

^h Homil. de Petro & Paulo.

ⁱ Epist. ad Cælestin.

^l Lib. 1. hæret. fabular. & in Ep. ad Leon.

^m A. lvers. gent. n Lib. 4. cap. 21.

^o Ad lib. 2. cap. 150 & 25.

2. *Linus.*

ptam sententiam, quam veterum patrum Græcorum Latinorumque testimonio adstruit Baronius. Is à xxx. Junii anni LXVII. sedisse scribitur annos 11. menses 2. dies 23. ad XXIII. Septembris anni LXXVIII. quo jussu Saturnini Consularis obtruncato capite martyrium implevit, Imperante Vespasiano. Ejus nullæ proferuntur Epistolæ.

III. Post Linum Romanam Sedem tenuit S. CLETUS Romanus, Æmiliani filius, qui à fine Septembris anni LXXVIII. ad diem XXV. Aprilis anni XCI. Pontificiam Cathedram administravit annis 12. mens. 7.

CAPUT XXIV.

De Clemente Romano Pontifice IV. ejusque Epistolis, tum dubiis, tum veris.

1. *Sancti Clementis æta.*

a Cap. 4.

b De præfer. ad vers. hæret. c. 32. c Hæret. 27.

d In præfat. ad libros recognit.

e De scriptor. Ecclæs.

f XV. Septemb. XXVI. April. & III. Novemb.

I. CLEMENS Romanus, Faustini filius, stirpe, ut Eucherius in Epistola ad Valerium scribit, Senatoriæ, SS. Petri & Pauli discipulus fuit: qui quidem Paulus in Epistola ad Philemonem^a ejus meminit. Is, licet à B. Petro per manus impositionem ordinatus fuisset, testibus Tertulliano^b & Epiphanio^c, Episcopatum tamen recusavit usque ad obitum Lini & Cleti, qui Petri Coadjutores fuerant, ut tradit Rufinus^d: unde tertius à Petro numeratus in Ecclesiæ Romanæ traditione, quam secutus est Hieronymus^e, itemque Martyrologium Romanum^f & post antiqua diptycha, Sacer Canon Missæ. Sedit annos IX. menses VI. cum totidem diebus, inito à morte Cleti calculo, ab anno scilicet Christi XCI. ad C. Sub initium Traiani relegatus est Chersonam, quæ deserta propè erat in Ponto civitas: ubi cum in gratiam exulum, qui aquam è longinquo humeris deferre cogebantur, fontem commodiore loco, per agni signum monstrato, precibus eliciisset; eo miraculo ac fidei Christianæ prædicatione, veram per ea loca religionem propagavit. Quà re commoto Imperatore, ancorà è collo suspensâ in profundum demersus, martyrii palmam consecutus est IX. Kal. Decembres Traiano & Frontone III. Coss. Ejus sepulcrum sub aquis in ædícula marmorea divinitus conditum, orantibus ad litus Christianis, recedente ad tria milliaria mari,

patuit, annuis miraculis diu celebratum; donec ejus corpus Romam tandem translatum est, ut memorant Gregorius Turonensis ^g, Nicephorus ^h, Metaphrastes, Surius, & alii.

II. Is anno III. Pontificatus, *ad Corinthios* schismate in partes divisos, ex persona Ecclesiæ Romanæ egregiam Græco sermone scripsit *Epistolam*, quæ autore Eusebio ⁱ in plurimis Ecclesiis, exemplo Apostolicarum Epistolarum, legebatur. In ea Epistola illum de Fide in Deum, deque Traditionibus egisse docet Irenæus ^k. Ejus aurem Epistolæ fragmenta dumtaxat habebantur apud Clementem Alexandrinum ^l, & apud S. Hieronymum ^m. Latuerat quippe in pulvere; donec anno 1633. Græcè cum Latina translatione prodit Oxonii in Anglia, operâ Patricii Junii Carolo II. magnæ Britanniæ Regi à Bibliothecis: qui lacunas, quibus manuscriptorum codex laborabat, ita explevit, ut tamen rubricâ suas conjecturas à textu distinxerit: sed & totum opus notis illustravit. De hac epistola extat Photii judicium ⁿ. Eam Eusebius ^o ab omnibus uno consensu receptam fatetur. Idem nihilominus inter dubia numerare videtur, ubi dicit Clementem Alexandrinum in libris Stromatum uti testimonio Scripturarum ab aliis repudiatarum, in quibus epistolas Barnabæ, Clementis, & Judæ recenset ^p. Verùm hæc duo faciliè conciliaverimus, si dicamus opus illud pro legitimo Clementis partu, non tamen pro scripto Canonico ab omnibus agnitum. Scriptam Baronius putat circa annum Christi xcv.

III. Eiusdem titulo Posterior *ad Corinthios* epistola extabat, quam non perinde ac priorem in Ecclesia recepram fuisse tradunt Eusebius ^q & Hieronymus in Catalogo Scriptorum Ecclesiasticorum sive Virorum illustrium, ubi de Clemente agit: imò ab omnibus explosam docet Photius in Bibliotheca ^r, quòd nova multa contineret, & inconcinnas seu parùm convenientes sacri textûs interpretationes afferret. Joannes tamen Damascenus ^s, cum quibusdam Orientalibus Ecclesiis hanc quoque inter sacræ Scripturæ libros collocasse videtur. Neque ejus fidem elevare debet, quod Dionysius Corinthius ad Romanos scribens apud Eusebium ^t, unius tantùm Epistolæ Clementis meminit. Is enim de Literis Romanorum nomine datis loquitur: at hæc non Ecclesiæ Romanæ, sed Clementis ipsius nomen præferebat. Hujus quoque, unâ cum priore *ad Corinthios*, Junius idem fragmenta vulgavit; sed fragmenta

^g De glor. martyrum, cap. 35. & 36

^h Hist. Eccles. lib. 3. cap. 18.

ⁱ 2. De Clementis *ad Corinthios* epist. Græc. 1.

^k Hist. Eccles. lib. 3. cap. 12. & lib.

^l cap. 22.

^m Lib. 3. cap. 3.

ⁿ Lib. 4. 6. &

^o 7. Strom.

^p In Iliâ. cap. 52.

^q In Biblioth. cod. 113. & cod. 126.

^r Lib. 3. cap. 16. & 38.

^s Lib. 3. cap. 13.

^t 3. De 2. epistola Clementis *ad Corinthios*.

^u 3. Hist. cap. 32.

^v Cod. 112. & 113.

^w Lib. 4. Or. thod. fidei, cap. 18.

^x Lib. 4. cap. 13.

^w In notis, ad
hanc epist. to. 2.
^{ss} Patr. &c.

4. *De Latinis
Clementis epis-
tulis.*

^x Hist. scholast.
cap 101.

^y In præfat. præ-
fixa libro reco-
gnit. Clem.
^z Can. 6.

5. *Clementis
Encyclice.*

^a Hæresi 30.
^b Lib. 1. advers.
Jovinian.

dumtaxar. Illam p̄orrò anteriorem tempore nonnulli existi-
mant apud Cotelierium ^u.

IV. Præter illas, aliz quinque Decretales Epistolæ ex
Isidori compilatione in Corpus Canonum per varia fragmen-
ta translata sunt. Prima inscripta est *ad Iacobum fratrem Do-
mini*, primum Hierosolymorum Episcopum. Ea cum s̄ post
mortem Petri scriptam indicet, & Iacobus frater Domini ad
quem ejus jussu scripta dicitur, octo annis ante Petrum Hier-
osolymis mortem obierit, teste imprimis Hieronymo in libro
de Viris illustribus; Petro Comestori ^x, Marcilio Patavino,
Joanni à Turrecremata, Nicolao Cusano, Joanne Driedo, in
aliisque, etiam Carholicis, admodum suspecta est: Baronius
tamen ac Bellarminus non ad Iacobum, sed ad Simeonem
ejus fratrem ac successorem, qui & ipse frater Domini dicitur,
missam fuisse conjiciunt. Hujus sanè Epistolæ pars prior
perverusta est, cum & à Rufino Aquileiensis è Græco in Latinum
sermonem versa sit, ut ipse Rufinus testatur ^y, & laude-
tur à Patribus Concili Vasensis seu Vasionensis II. an. 442.
habiti ^z: sed de posterioris partis antiquitate minùs constar.
Aliam ab hac diversam anno Christi 1555. edidit Græcè Adria-
nus Turnebus.

Secunda Epistola *ad eundem Iacobum*
Hierosolymorum Episcopum, de vestibus & vasis sacris agit,
iisdemque de causis ac prior suspicionem falsi plerisque mo-
vet.

Tertia *ad Chorepiscopos* & omnes fideles, quasi
Græcè, scripta Rufinum præfert interpretet, videturque ex
libris recognitionum Clementis ab alia potiùs hausta, quàm
à Clemente ipso repetita.

Quarta scripta *ad Iulium & Iu-
liannum* discipulos, estque tota ex sermone Petri, qui 6. re-
cognit. lib. habetur.

Quinta *ad fratres Hierosolymis*
cum Iacobo suprà memorato agentes, à Bellarmino, tum in
libro de Scriptoribus Ecclesiasticis, tum alibi, Clemen-
tis non esse ex eo imprimis arguitur, quòd in ea laudetur rerum
omnium atque aded uxorum communio, qui Nicolai Hære-
siarchæ error fuit: & libro quidem recognitionum x. à Fau-
stiniano Ethnico secundum dogma Platonis affertur, sed à
S. Clemente rejicitur.

V. Scripsit & alias Epistolas Clemens Romanus, quæ *Encycli-
cæ*, id est Circulares dictæ sunt, quòd ad omnes Ecclesias scriptæ
essent, quas Epiphanius ^a & Hieronymus ^b memorant. Verum
has ab illis quinque diversas fuisse inde manifestè colligitur,

quòd hi Patres in iis quarum meminere, impensè laudari Virginitatem tradant, atque ex eo adversus Ebionem illam viruperantem argumenta sumant: quorum in his quinque Decretalibus nihil occurrit.

CAPUT XXV.

De Anacleto, & sequentibus secundi seculi Pontificibus, eorumque Epistolis.

I. CLEMENTI successit in Pontificatu ANACLETUS Athenienſis, Antiochi filius, à quibusdam Patrum cum Cleto confusus. Hic ordine v. Romanam Ecclesiam rexit, annos 9. menses 3. ac dies 10. à die III. Aprilis anno Christi ci. secundum Labbeum, quem in his sequemur, ad diem XIII. Julii mensis, anni cx. quo die martyrio coronatus est.

1. De Anacleto tempore.

II. Ejus titulo tres leguntur *Epistole*: Prima est ad omnes fideles, quam suspectam faciunt tum Patriarcharum, Primum Ecclesiasticorum, Apocrisariorum & Patriciorum nomina, quibus utitur, post id temporis in Ecclesiam & Rempublicam inuenta: rum quòd vulgatam *sacrorum Codicum* Versionem laudar, quæ nondum seculo Anacleti prodierat: verbaque præterea usurpet Concilii 3. Carthaginensis, Damasi, Ambrosii, Augustini, Ruffini, Ennodii, Aniani, & aliorum qui longo post tempore nati.

2. Ejus Epistola 1.

III. Secundam ad *Episcopos Italia*, falsò tribui Anacleto Contius censet in nota ad Canonem *provincia, dist. 99.* ob similem nimirum rationem, quòd Patriarcharum, Archiepiscoporum, Primatum, legum Seculi, Comitum in ea mentio fiat: illæ autem voces posterioribus seculis eo sensu usurpari ceperint. Adde Concilii Nicæni, Damasi, aliorumque juniorum, & Versionis Vulgatæ verba sub Anacleti nomine relata.

3. Epistola 2. Anacleti.

IV. Tertia ad omnes *Episcopos*, iisdem de causis impugnatur: & ex eo quòd in hac quoque, ut in superiore, Septuaginta discipuli ab Apostolis electi dicantur, quos tamen constat ab ipso Christo Domino electos fuisse: quod *Cephæ* auctor *Capus* interpretetur, cum sit *petra* sive saxum: quod Sardicenis & Romani 1. sub Gelasio Concilii, Canonis 35. Apo:

4. Ejusdem Epist. 3.

stolorum Dionysio interprete, Clementis Epistolæ interprete Ruffino, scriptorumque his posteriorum, tum loquendi formas, tum sententias interpolatas exhibeat.

5. *Evaristi
tempus & gesta.*

V. EVARISTUS & ipse Græcus, ex patre Judæo, nomine Juda Bethlemita, post tredecim dies suffectus in locum Anacleti, Sextus Ecclesiæ Romanæ præfuit, annos 9. cum 3. mensibus, ab anno Christi ex. Traiani XI. ad Christi cxi. quo martyrii lauream die xxvi. Octobris adeptus est. Titulos in urbe divisisse Presbyteris traditur, ac septem Diaconos instituisse, qui Episcopo prædicanti adessent.

6. *Evaristi E.
pistola 1.*

VI. Ejus nomine circumferuntur Epistolæ duæ: Prior ad *Episcopos Africa*, cujus fidem elevat præter alia Consularis Valentis & Veteris ad finem adjectus, qui in annum Christi 58. incidit.

7. *Epist. 2.*

VII. Posterior *ad Egyptios* fratres, fallaci quoque notâ consularis Galli & Braduæ laborare videtur. Hi enim Consules fuere anno salutis 110. biennio scilicet antequam Evaristus Pontificatum iniret, ex Baronii calculo: quamquàm non desunt, qui ab illo anno ejus Pontificatum auspicentur.

8. *Alexandri I.
tempus & acta.*

VIII. ALEXANDER I. Romanus, Alexandro natus, Sedem Romanam Septimus insidere cepit eodem anno Christi 121. Adriani II. præfuitque annos decem, menses (ex lib. de Romanis Pontificibus) septem, ac duos dies; ex Baronio autem menses quinque, dies viginti. Decretum fecisse dicitur de Aqua aspersiois sale Benedicenda, atque ad domesticum usum sanctificanda: post multa miracula diris cruciatibus affectus, ac tandem securi percussus est pro Christi fide anno 132.

9. *Epist. ejus.*

IX. Tres ejus titulo inscriptæ feruntur Epistolæ, in quibus de variis ritibus Ecclesiasticis agitur, ipsius scito firmatis. *Prima* est *ad Orthodoxos per diversas provincias*, habetque Consules Traianum & Ælium, cum tamen ultimus Traiani consulatus, non Æliano, sed Africano collegâ, incidat in annum Christi 114. Ælianus autem non cum Traiano, sed cum Vetere Consul fuerit anno 118. at Alexander nonnisi anno 121. Pontificatum inierit. Eadem nihilominus Consulum notâ consignantur ejus Epistolæ, tum *Secunda ad Episcopos per diversas constitutos regiones*: tum etiam *Tertia ad omnes Dei Sacerdotes*.

10. *Sixti I.
tempus & res.*

X. Cum ab obitu Alexandri vacasset Pontificia sedes dies viginti;

viginti, ejus in locum subrogatus est. SIXTUS I. patriâ Romanus, patre nomine Pastore, anno Christi 132. Adriani Imperatoris XIII. sedit Octavus numero Pontifex, fermè decennium, nempe uno mense minùs, ac duobus & viginti diebus: martyrium passus anno 3. Antonini Pii: non ex aliqua hujus in Christianos constitutione; sed ex priorum Imperatorum edictis, vel per calumniam, ex odio magistratuum Romanorum in Christianam religionem.

XI. Leguntur ejus titulo Epistolæ duæ; Prima *ad omnes Episcopos*: in qua se Archiepiscopum scribit, vix usitato iis temporibus more, cùm tituli illius mentio primùm apud Epiphanium inveniatur in Panario, hæresi 38. & 39. Quod opus non ante annum 374. putatur exaratum. Adscribuntur autem huic Epistolæ Coss. Traianus, id est fortè Hadrianus à Traiano adoptatus, & Ælianus: nullus tamen Ælianus cum Adriano in fastis Consularibus occurrit. Verùm suffectus quis eo nomine Consul esse potuit. Suffectorum autem nomina, licet rariùs, aliquando laudantur.

XII. In *secunda* Epistola se universalis Apostolicæ Ecclesiæ Episcopum Sixtus vocat, quod novatoribus displicet, quasi universalis Episcopus nemo dici debeat, autore Gregorio Magno: Si tamen accipiat pro Episcopo universalis, id est, Catholicæ Ecclesiæ, tolerabile Blondello videtur: Extat & in Libro de Rom. Pontificibus Sixti hujus I. Decretum de Episcopis, qui Romam evocati fuerint, absque Formata Romani Pontificis epistola non recipiendis apud suos; itemque aliud ne Vasa sacra ab aliis quàm à sacratis ministris contingerentur. Ibidem etiam superiorum Pontificum decreta quædam refricantur.

XIII. Quodd autem Rufinus Aquileiensis Presbyter Origenista Sixti Philosophi Pythagoræ commentarium in linguam Latinam à se translatus nomine Sixti Papæ & martyris edidit (sive Sixtum primum, sive secundum significare voluerit) in eo à S. Hieronymo reprehenditur^d.

XIV. TELESOPHUS, natione Græcus, & Anachoreta, postquàm Romana Sedes biduo vacasset, Nonus Pontifex eam tenuit annos 2. menses ferè novem, à VI. Idus, sive VIII. Aprilis anni CXLII. Antonini Pii III. ad nonas sive ad V. Januarii anno CLIV. quo quidem anno passus est, imperante adhuc eodem Antonino: Jejunii Quadragesimalis institutum

11. Epistola 1.
Sixti I.

12. Epist. secunda & Decreta.

c Lib. 4. ep. 36. & alibi.

13. Commentar. in L. L.

d Ad cap. 12. Hieremiz & in cap. 18. Ezechiel.

14. Telesphori tempus & Decreta.

ab Apostolis traditum, decreto sanxit, quo septem hebdomadarum numerum Clericis præscripsit, testante Alcuino. Hoc decretum, quod in Eusebii Chronico vulgato confertur in annum cxxxvi. in manuscriptis Codicibus non invenitur, ut nec alia pleraque decreta his priscis Pontificibus assignata; quemadmodum observat Arnaldus Pontacus. Unde Scaliger ex sua Eusebii editione hæc decreta sustulit. Traditur idem constituisse, ut in Natali Domini Missæ noctu celebrarentur, utque ante sacrificium recitaretur Hymnus *Gloria in excelsis Deo.*

15. *Unica Epistola.*

XV. Telephori nomen præfert unica *epistola ad Episcopos*; quæ ex Archiepiscopi titulo, quem sibi in fronte vindicat Telephorus, suspecta fortè videri potest; at non ex nota Consulatus Antonini & Marci; nam Antoninus Pius Imperator quattum, & Marcus Aurelius Cæsar iterum Consules fuerunt anno Christi cxiiv.

16. *Hygini tempus & res.*

XVI. Distincto (ut par est) Cleto ab Anacleto (contra quàm Eusebius aliique existimarunt) Decimus ordine creatus Pontifex invenitur HYGINUS, sive *Hyginus*, natione Græcus, patriâ Atheniensis, professione prior Philosophus, qui cepit die xiiii. Januarii anno Christi cxiiv. Antonini Pii XIV. & post annos quatuor, uno aut altero die minùs, anno clvi. martyrium xviii. Kal. Februarii, sive xi. Januarii subiit. Is in libro de Romanis Pontificibus memoratur composuisse Clerum, & distribuisse Gradus: quod non eo pertinet ut Hierarchici ordines antea constituti non fuerint (contrarium enim ex Actibus Apostolorum & primi seculi patribus patet) sed ut aliquid ab eo ad antiquam formam additum videatur.

17. *Epistola dua ac Decreta Hygini.*

XVII. Duas ipsius nomine habemus Epistolas, quarum altera *ad omnes fideles* xvii. Calendas Octobris, altera *ad Athenienses*, x. Calendas Martii, Magno & Camerino Coss. data, incidit in annum Incarnationis cxxxviii. & sic in Sixti Pontificatum. Alia ejus decreta ex Gratiano collecta tomov. Concil. extant.

18. *Pii I. tempus & res.*

XVIII. Post necem Hygini vacavit sedes dies tres: at xv. Januarii anno Christi clv. successus est ejus loco PIUS I. Pontifex numero xi. Aquileiensis, Rufini filius, frater Pastoris qui & Hermes, de quo suo loco. Pio tamen nonnulli Anicetum præponunt. Dicitur autem Pius apud Eusebium in Chronico, decretum de Paschate die Dominicâ cele-

brando edidisse, anno II. Pontificatus, quem usum à Petro & Paulo acceptum semper secutæ sunt omnes Occidentis Ecclesiæ, teste Socrate c. Institutum illud autoritate Ignatii, qui Petro in Antiochena Ecclesia successit, confirmatur in Epistolis ad Magnesios & ad Philippenses. Sedit Pius annos 9. menses 5. dies 26. martyrio coronatus anno CLXV.

XIX. Extant ejus Epistolæ duæ perbreves in Bibliotheca Patrum aureâ simplicitate ejus viri & seculi sanctitatem præferentes, *ad Iustum Episcopum Viennensem*. Præter has leguntur & aliæ duæ prolixiores ejusdem titulo. *Prima ad omnes Ecclesias*, VII. idus Aprilis Claro & Severo Coss. Secunda *ad Italicos fratres*, idibus Martiis, iisdem Consulibus, qui tamen consulatum gessere anno CLXX. Quo tempore sedisse Anicetum communis sententia est, & magis recepta. Collecta sunt à Gratiano complura ejus Pontificis decreta.

XX. ANICETUS, aliàs *Anicius*, natione Syrus, Joannis filius, post Hyginum ex probabiliore sententia, ordine XII. sedit annos 7. menses ferè 9. à die xxv. Julii anni CLXV. post Christum natum, M. Aurelii & Lucii Veri Imperatorum V. ad diem XVII. Aprilis, anni CLXXIII. quo martyrium passus est.

XXI. Unica ejus fertur Epistola *ad Episcopos Gallia*, in qua Archiepiscopalis dignitatis, Primatus, Patriarchatus mentio nonnullis suspecta videtur, tanquam ex posteriori usu repetita. Consules adjecti Gallicanus & Rufinus, quorum Romulus Gallicanus cum Antistio Vetere, an. 150. consulatum gessit, Telesphoro Pontifice. Rufini plures ante & post Anicetum consules fuere. Ei adscribitur Decretum de Coma per Clericum non alenda.

XXII. SOTER, fundis in Campania, patre Concordio natus, postquam sedes per septemdecim dies vacasset, susceptus est in Aniceti locum Pontifex XIII. eodem anno CLXXIII. die IV. Maii, Imperatoris Marci XIII. Sedem tenuit annos fermè quatuor, minùs duodecim diebus, nempe ad XXII. Aprilis anni CLXXVII. Marci XVII. quo tempore martyrium implevit.

XXIII. Nonnulla ejus Decreta in lib. de Pontificibus occurrunt, inque his illud, ne diaconissa sacram pallam contingat, nec incensum in Ecclesia ponat: Duæ illi tribuuntur Epistolæ: Prima *ad Campanos* data Rustico & Aquilino Coss. quorum

e Lib. 5. hist. Eccl. cap. 21.

19. Ejus Epistola.

20. Aniceti tempus & res.

21. Unica ejus Epistola & Decretum.

22. Soteris tempus & res.

23. Ejus decreta & Epistola dua.

annus ad Christi CLXII. & ad Pii tempus refertur. Secunda ad Italia Episcopos, præfert Clarum & Cerhegum Coss. id est, annum CLXX. Aniceto congruentem.

24. *Eleutherii
tempus & res.*

XXIV. ELEUTHERUS, sive *Eleutherius*, natione Græcus, patriâ Nicopolitanus, ex patre Abundio, post dies undecim electus est, XIV^{us}. inter Romanos Episcopos; præfuit annos 15. cum tribus & viginti diebus, ab anno CLXXVII. ac III. Maii, ad diem XXVI. Maii sive VII. Kal. Jun. anno CXCII. Commodi Imperatoris 13. paulò ante ejus necem, obiit. Martyr nuncupatur in omnibus martyrologiis, ut pro Christo vel occisum, vel certè cruciatum appareat.

25. *Unica ejus
Epistola.*
f Ad Can. ult.
xxx. quæst. 5.
g In cap. 8. col-
lect. Hadriani.
h Ad an. 182.
num. 2.

XXV. Epistola nomine ipsius circumfertur ad universas Ecclesias per Gallia provincias domino militantes, quam adulterinam vel adulteratam esse observant Jac. Contius f, Antonius Augustinus g, & Baronius h, propterea quòd quæ in ea de judiciis dicuntur, perspicuè de prompta sunt ex Constantini constitutione, eique adjunctâ interpretatione Aniani, quæ Codicis Theodosiani lib. 1. habentur sub titulo de Judiciis. In ea ad Epistolam martyrum Lugdunensium & Viennensium respondens autor, supersticiosam Montani ejusque sectatorum xerophagiam damnat. Adscribuntur Consules Julius Paternus & Bradua, sed pro Julio Paterno, legendum videtur Triarius Maternus, cujus cum Atteio Bradua consulatus incidit in an. CLXXXV. Eleutherii VI.

26. *Victor tem-
pusque ejus &
acta.*

XXVI. VICTOR Afer, Felicis filius, postquàm sedes dies quinque vacavit, ei impositus est, ordine XV^{us}. præfuitque novem annos & menses fermè duos; auspicatus anno CXCII. Imperatoris Commodi ultimo, Kalendis Junii, & martyrio coronatus die XXVIII. Julii anno CCI. L. Septimii Severi Imperatoris IX. Asianos Quartadecima Luna, in quemcumque diem incideret, cum Judæis celebrandum ex S. Joannis Evangelistæ præscripto Pascha, contra reliquarum Ecclesiarum morem pertinaciter contententes graviter literis objurgatos à communionem removit an. Christi 198. hanc ejus severitatem improbane per literas Irenæo Episcopo Lugdunensi.

27. *Ejus Epi-
stola ac Decre-
tum.*

XXVII. Ea de re Victor duas Epistolas: alteram ad *Desiderium Episcopum Viennensem*; alteram ad *Paracodam* ejus provinciæ in Gallia Episcopum misit, à Baronio ex Bibliotheca Floriacensi Joannis à Bosco relatas quæ Coss. carent, sed à more ac stylo ejus seculi haud sanè abhorrent. Ex Ildoro

autem duæ illi aliæ adscribuntur Epistolæ. Prior sub titulo universalis Ecclesiæ Archiepiscopi ad *ad Theophilum Episcopum Alexandrinum* (qui tamen eo tempore nullus fuit) Commodo & Grævione Coss. data, ubi si pro Grævione legas Glabrimonem, annus erit 186. Eleutherii Pontificatu. Ab eo tamen ex Eusebio¹ discimus scriptam Epistolam *ad Theophilum*, non Alexandrinum, sed *Cæsarea* in Palæstina *Episcopum*, cujus meminit Beda. Verùm hanc ab illa quæ ad Theophilum Alexandrinum scripta dicitur, diversam fuisse constat, ex eo quòd ibi Theophilo Cæsariensi vices suas delegasse Victor memoratur, ut convocato Concilio, de Paschatis celebratione inter Orientis Episcopos ageretur.

¹ Lib. 5. hist. Eccl.
cap. 22.

Posterior Victoris apud Isidorum Epistola *ad Episcopos per Africam constitutos* sub titulo Ecclesiæ Romanæ & urbis Archiepiscopi, si Consules spectes Lateranum & Rufinum, qui ad annum 199. referuntur, vera esse potest. Traditur præterea in libro de Romanis Pontificibus Victorem constituisse, ut quocumque loco inventus gentilis in Christum crederet, baptismo ablueretur, & perfectus censeretur Christianus.

CAPUT XXVI.

De seculi tertii Romanis Episcopis, eorumque Decretalibus.

I. **Z**EPHYRINUS, seu *Zepherinus*, patriâ Romanus, Abundii filius, ab VIII. Augusti anno Christi 201. ad XXVI. Augusti an. 219. per annos octodecim ac totidem dies Ecclesiam rexit, ordine XVI. sub Severo, Caracalla & Helio-gabalo. Is Montanistas, inque his Tertullianum anathematē devovi: sub horum Imperatorum postremo obiit.

1. *Zephyrinus.*

II. Ejus titulo duæ circumferuntur Epistolæ, Saturnino & Gallicano, vel potiùs Gallo Cons. datæ, id est, anno incarnationis secundum vulgarem computationem 198. nam eruditorum plerique 200. numerant. Prior Epistola *ad Episcopos per Siciliam constitutos*, quemadmodum & aliæ non paucæ Pontificum sequentium Epistolæ, multa de ordine judicario continet, quæ cum constitutionibus posteriorum Imperatorum adeò conveniunt, ut ex iis desumptæ videri possint, nisi malimus Imperatores ex his Pontificum Decretalibus

2. *Ejus Epistola.*

a Cap. 16.

leges suas hausisse, quæ in Codice Theodosiano & Justiniano pluribus locis exant, ut observat Antonius Augustinus^a in collectionem Adriani I.

In posteriore verò Decretali *ad fratres per Ægyptum Domino militantes*, Legum Imperatoriarum in gratiam Episcoporum promulgatarum, itemque apocrisiariorum mentio posterius seculum indicat.

3. *Callistus I.*

III. CALLISTUS seu *Calixtus I.* & ipse Romanus, patre Domitio, XVII^{us}. sedem obtinuit annis quinque, mense uno ac diebus duodecim, à 2. Septembris anni 219. ad 14. Octobris anni 224. Post diuturnum carcerem, quotidiana verbera, & longam famem, è fenestra præceps ætus in puteum sub Alexandro Severo. Priscam traditionem celebrandi ter unoquoque anno (præter quadragesimam scilicet Lege Telesphori jam sancitam) jejunii constitutionem confirmasse scribitur.

4. *Epistola Callisti.*

IV. Ipius nomen præferunt Epistolæ duæ: Altera *ad Benedictum Episcopum*, Consulibus Antonino & Alexandro anno Christi 222. in qua jejunium per quatuor tempora servari præcipitur, cum antea ter quotannis servaretur: altera iisdem Coss. *ad fratres per Gallias*, agit de gradibus consanguinitatis, & de Spirituali Episcoporum conjugio. Sed Antonius Augustinus^b has Callisti epistolas à Romanis Correctoribus rejectas fuisse observat.

b Lib. 2. de emendat. Graciani.

5. *Urbanus I.*

V. URBANUS I. Pontiano patre Romæ quoque natus, ordine XVI^{us}. Pontifex, per annos sex, ac septem menses cum quatuor diebus, Ecclesiæ præfuit ab anno 224. die 21. Octobris, ad diem 25. Maii anni 231. quo tempore securi pro fide percussus interiit, Imperatore Alexandro Severo. Dicitur omnia sacri ministerii vasa argentea fecisse.

6. *Ejus Epistola.*

VI. Ei assignatur Decretalis unica *ad omnes Christianos*, sub jam memorato consulatu Antonini & Alexandri, mense Septembri (nisi potius legendum Novembri cum Pontificatum nonnisi 21. Octobris ejusdem anni inierit.) In ea epistola inter cetera, quædam admixtæ sunt Codicis Theodosiani sententiæ.

7. *Pontianus.*

VII. PONTIANUS, patriâ Romanus, patre Calpurnio, in locum Urbani electus, postquam sedes 30. dies vacasset, numero XIX. sedit annos quatuor, cum mensibus ferè quinque, à die Junii 24. anni 231. ad diem 19. Novembris anni 235. quâ fustibus cæsus Maximini Imperatoris jussu, martyrium con-

summavit in Sardinia, quò ab Alexandro Severo relegatus fuerat.

VIII. Dux ipsius nomine leguntur Epistolæ: Prima *ad Felicem Suscribonum*, aut fortè *Scribonem*: Secunda *ad omnes rectè Dominum colentes, & divinum cultum amantes*, ambæ Severo & Quintiano Coss. anno ejusdem Pontiani ultimo. In iis quædam notantur quæ ex Gtegotio desumpta videri possunt.

8. *Ejus Epistola.*

IX. Cum vacasset Episcopatus dies tredecim, subrogatus est in Pontiani locum ANTERUS, natione Græcus, ex patre Romulo. Is inter Pontifices xx. vix ultra mensem in munere Pontificio implevit, martyrio decoratus 3. Januarii anno 136. quò gesta martyrum à notariis magistratuum acta scribentibus diligenter exquireret, atque in Ecclesia reconderet.

9. *Anterus.*

X. Unica ei tribuitur Epistola sine die & consule scripta *Episcopis provinciarum Baticæ & Toletanæ in Hispania*. Nomen tamen Toletanæ provinciæ habità temporum ratione non abs re suspectum est Antonio Augustino ^e.

10. *Ejus Epistola.*

^e In collectionem Adriani 1. cap. 61.

11. *Fabianus.*

XI. FABIANUS Romanus, Fabii filius, annis quindecim atque insuper diebus quinque, Imperatotibus Maximino ac Decio, Apostolicum thronum Vigésimus primus obtinuit, annos 15. dies 5. à die 15. Januarii 236. ad diem 20. ejusdem mensis, anni 251. quo tempore martyrio perfunctus pro Christi fide occubuit.

XII. Præferuntur ejus titulo tres Epistolæ. Prima *ad omnes Ecclesia Catholica comministros* Maximino & Africano Coss. id est, anno 238. quam supposititiam Baronius agnoscit, quòd Novatiani per Novatum à communione segregati meminit, quod sub Cornelio tantum contigisse colligitur ex S. Cypriani Epistolis ^d. Secunda *ad omnes Orientales Episcopos*, Antonio Augustino ^e suspicionem movet, quoniam curiæ servitutem velut Ecclesiasticam pœnam constituit, & apocrypham, quibusdam videri fatetur Possévinus ^f. Tertia *ad Hilarium* Africano & Decio Coss. ubi, si pro Africano legas Annum, Gratum, poterit esse annus 252. Christi: sed de hac quoque dubitat Antonius Augustinus ^g, quia quæ in ea de appellatione habentur, ea ex Aniano Codicis Theodosiani interprete ad Verbum videntur deprompta.

12. *Ejus Epistola.*

^d 49. 51. & 76.
^e In cap. 38. collectionis.

^f In Apparatu sacro.
^g In ejusd. collectione. cap. 34.

XIII. Post Fabiani necem vacavit Romana Sedes per an-

13. *Epistola*

*Cleri Romani
Sede vacante.*

num; quo intervallo plures à S. Cypriano & Clero Carthaginiensi ad Clerum Romanum & vicissim scriptæ sunt Epistolæ, de quibus videndus idem Cyprianus.

14. *Cornelius.*

XIV. CORNELIUS ordine xxii. Romæ natus Castino patre, invitatus ac reluctans divino iudicio creatus est 30. die Aprilis ann. 251. Pontifex xxii. Ecclesiam anno uno, mensibus 4. diebus quindecim rexit, ad diem 14. Septembris anni 253. Adversus cum Novatianus Presbyter sese effrens Romanam Ecclesiam schismate primus divisit. Cornelius verò Centumcellas in exilium cum aliis compluribus ob fidem missus, tandem martyrii coronam retulit, Gallo & Volusiano impetrantibus.

15. *Ejus Epistola dubia.*

XV. Ei tribuuntur apud Isidorum Epistolæ duæ: altera Decio & Maximo Coss. data, anno nimirum secundum Baronium 254. mense Septembri *ad sancta Dei Ecclesia filios*, quam, eò quoddam dirutum tunc temporis S. Petri sepulcrum, ejusque & S. Pauli sacra lipsara ad caracumbas translata referat, non usquequaque exploratæ fidei esse, probat Baronius anno 221. Altera *ad Rufum*, aliàs *Rusticum* Episcopum mense Maio & ipsa fidei non satis certæ fertur, & Tertia *ad Lupicinum Viennensem Episcopum* non omninò dubio carens.

16. *Epistola
Cornelii vera.*
*b Lib. 6. Hist.
Eccles. c. 35.*

XVI. Indubitatæ autem ipsius Epistolæ ad Fabianum Antiochenum fragmenta extant apud Eusebium^b, atque ejusdem S. quoque Hieronymus meminit: sunt & aliæ duæ ejusdem Pontificis ad Cyprianum inter hujus opera.

17. *Lucius I.*

XVII. LUCIUS I. Romanus, Porphyrii filius, unus ex Presbyteris Confessoribus, qui cum Cornelio, quoddam fidem Christianam confessi essent, in exilium missi fuerant, ei post dies 35. suffectus, ac brevi post relegatus, sedit xxiiii. numero, annum unum, & quatuor menses ac dies decem, à 20. Octobris, anni 253. ad diem 4. Martii anni 255. quo passus est, imperantibus Valeriano & Galliëno. Statuit inter cætera ut duo Presbyteri cum tribus Diaconis semper Episcopum comitarentur, ut morum ac vitæ ipsius testes apud Ecclesiam essent.

18. *Lucii I. Epistola.*

XVIII. Epistola ei tribuitur *ad omnes Gallia atque Hispania Episcopos*, Kalendis Aprilis, Gallo & Volusiano Coss. id est anno 255. quo quidem anno Pontificatum Lucius iniit, sed mense Octobri.

19. *Stephani I.*

XIX. STEPHANUS I. patriâ Romanus, Julii filius, post dies

dies 35. creatus est summus Pontifex ordine xxiv. præfuitque Ecclesiæ annis duobus, mensibus tribus ac diebus 22. à die nona Aprilis anno 255. ad secundam Augusti anno 257. quo tempore martyrii palmam est adeptus, sub Valeriano & Gallieno.

XX. Dux Decretales ejus nomen præferunt. Prior *ad Hilarium Episcopum*, mense Maio sub consulatu eorundem Imperatorum, id est, anno 255. ipsius Stephani primo. Posterior *ad omnes Episcopos*, iisdem Conss. 9. die Aprilis, quâ quidem die electus scribitur Stephanus.

20. Ejus duæ Decretales.

XXI. SIXTUS II. aliis *Xystus*, Atheniensis, ex Philosopho Episcopus Romanus xxv. sedit annum unum demptis octodecim diebus: postquam sedes diebus 21. vacaverat, ad eam vocatus die 24. Augusti anno 257. eandem tenuit ad sextam Augusti anno sequente: quâ die pro Christi religione cæsus est, Imperatoribus iisdem, triduo ante S. Laurentium Diaconum suum.

21. Sixtus II. tempus ejus & res.

XXII. Ei assignantur Epistolæ duæ: 1. *ad Gratum Episcopum* Valeriano & Decio Consulibus, quæ consulatus nota haud dubiè falsa erit, nisi Gallienum pro Decio legamus: II. *ad Episcopos per Hispaniarum provincias constitutos*, ejusdem supposititii consulatus adjectione suspectâ.

22. Ejus epistola duæ.

XXIII. DIONYSIUS, natione Græcus, qui monasticam vitam in solitudine aliquando egerat, numero xxvi. creatus est duodecimo sive pridie Idus Septembris anno 258. postquam sedes vacasset dies 36. Sedit ad 25. Decembris, sive septimum Kalendas Januarias an. 270. per annos duodecim, menses tres, & dies quatuordecim. Pacatâ morte defunctus sub Aureliano in Domino obdormivit. Scripsit adversus Sabellium ejusve Sectatores, & Paulum Samosatenum, teste D. Athanasio.

23. Dionysius, tempus ejus & res.

XXIV. Ejus nomine duæ circumferuntur Epistolæ Decretales, altera *ad Urbanum præfectum* nonis Februariis Aureliano & Basso Conss. id est anno Christi 272. altera *ad Severum Episc.* 5. Id. Sept. Claudio & Paterno Conss. id est anno 270.

24. Duæ ejus epistolæ.

XXV. FELIX I. Romanus, Constantii filius, cùm Episcopatus dies quinque vacasset, electus est ordine xxvii. seditque annos quatuor, menses quinque, uno die minùs, ab ultimo die anni 270. ad diem 30. Maii anno 275. quo tempore martyrio vitam finiit. Dicitur scripto Decreto consti-

25. Felix I. ejusque Decretum.

tuisse ut super Sepulcra vel Memorias martyrum Missæ celebrarentur.

26. *Ejus epist. vera.*

i In Apologia.
i A. G. 1.

27. *Tres alie ejus epistola.*

28. *Hic cessat diversa annorum Pontificiorum computatio.*

29. *Eutychianus.*

30. *Ejus epistola dua.*

m L. ult. Cod. de accusat.
n In collect. A. drianæ I. cap. 7.

31. *Cains.*

32. *Ejus epistola unica.*

XXVI. Epistolam scripsit *adversus errores Pauli Samosatæni & Sabellii*. Hujus fragmenta extant apud Cyrillum Alexandrinumⁱ, & in Concilio Chalcedonenſi¹.

XXVII. Apud Iſidorum, aliæ tres Epistolæ eidem adscribuntur. Prima *ad Paternum Episcopum*, Claudio & Aureliano Conſſ. ubi ſi pro Aureliano legas Placidianum, erit annus 272. Secunda *ad uniſerſos Gallia Episcopos*, Claudio & Paterno Conſſ. III. *ad Benignum Episcopum* Conſſ. iisdem, id eſt anno 268. quod tempus ad Dionyſii Pontificatum refertur.

XXVIII. Haſtenus ſupputatio Baronii, à calculo Scaliſgeri, Petavii, & aliorum biennio differt. Hoc diſcrimen ex eo proficiſcitur quod alii vulgarem Chriſti æram, quâ ſcilicet annos ab Incarnatione Domini numeramus, à vero Chriſti natali non diſtinguunt; alii autem contendunt verum natalem Domini biennio priorem eſſe recepto Epochæ Chriſtiannæ capite.

XXIX. EUTYCHIANUS, natione Tuſcus, patriâ Lunenſis, Marino patre, poſt quinque dies ſubſtitutus in locum Felicis, numero xxviii^{us}. ſedit annos octo, menſes ſex, dies quatuor, à 4. die Junii anno 275. ad diem 8. Decembris anno 283. quo martyrium ſubiit, Carino & Numeriano Conſulibus.

XXX. Duæ ipſi Epistolæ assignantur: Altera *ad Ioannem & omnes Episcopos per Baticam provinciam conſtitutos*, Aureliano & Marcello Conſſ. ubi reponendum *Marcellino* pro *Marecello*, ut ſit anno Chriſti 274. Altera *ad Episcopos per Siciliam conſtitutos*, Conſſ. Caro iterum & Carino, id eſt, anno 283. ſcripta notatur 13. Kalendas Octobres. Hujus Epistolæ partem, ſi tempora paterentur, ex conſtitutione Honorii & Theodoſii^m ſumptam eſſe ſuſpicatur Antonius Auguſtinusⁿ, aut eam conſtitutionem Eutychiani verbis conſcripſam eſſe.

XXXI. CARUS ſive *Gaius*, natione Dalmata, Caio, vel ut alii volunt, Maximo ſeu Maximino patre, ex Diocletiani Imperatoris genere, ſedit ordine xxx. per annos duos, menſes 4. cum diebus quinque: à die nimirum 17. Decembris anno 283. ad diem 22. Aprilis anno 296. Pro Chriſto martyrium paſſus ſub Diocletiano & Maximiano.

XXXII. Ejus nomine circumfertur Epistola unica *ad*

De summis Pontif. qui Ecclesiam seculo IV. rexerunt. 267.

Felicem Episcopum, Calendis Martiis Diocletiano sextum & Constantio iterum Consulibus, id est, anno 296. Gaii ultimo.

XXXIII. MARCELLINUS, patriâ Romanus, patre Projecto, post dies undecim in decessoris locum subrogatus, seculum Christi tertium clausit, & quartum aperuit, numero Trigésimus, rexit Ecclesiam annis septem, mensibus undecim, ac diebus viginti sex, à 3. scilicet Maii anni 296. ad 26. Aprilis anno 304. securi pro Christi fide percussus, impetantibus Constantio Chloro & Galerio.

XXXIV. Præferunt ejus titulum Epistolæ duæ: I. *ad Salomonem Episcopum*, Idibus Septembris Diocletiano VI. & Constantio II. Consulibus, id est, anno 296. Altera *ad Episcopos per Orientales provincias constitutos*, Diocletiano VII. & Maximiano VI. Consulibus, anno nempe Christi 299. quarum neutra extra tempora hujus Pontificatus excurret.

33. *Marcellus.*

34. *Ejus duæ epistolæ.*

CAPUT XXVII.

*De summis Pontificibus qui Ecclesiam seculo IV. rexerunt,
& eorum Decretalibus.*

I. MARCELLUS, quem nonnulli perperam cum *Marcellino* confundunt, ac pro eodem sumunt, patriâ Romanus, Benedicti filius, creatus est Pontifex numero xxxi. postquam sedes vacasset 6. menses cum diebus 25. Sedit annis quatuor mensibus circiter duobus, à die 20. Novembris anni 304. ad diem Januarii 16. anni 309. Quo die sub Maxentio martyrium consummavit.

1. *Marcellus.*

II. Ejus duæ Epistolæ apud Isidorum habentur. Prior *ad Episcopos Antiochena provincia*, Calendis Aprilis, Maxentio & Maximo Coss. id est, anno Christi 309. qui annus in fastis notatur post consulatum Diocletiani & Valerii. Verum eodem anno mense Januario Marcellus obierat: unde ex falsa consulationis nota rejicienda videtur hæc Decretalis, nisi fortè pro Maxentio Constantinum cum Maximo consulum legamus: sic enim erit annus 308. Posterior Epistola *ad Maxentium tyrannum* (qui à Christiana religione non alienum se ab initio simulaverat) 16. Calendas Februarias iisdem Coss. id est,

2. *Epistola Marcelli.*

die quo Marcellus ex recepto calculo obiit. Hanc tamen Epistolam pro vera Baronius habet: sed ita ut fateatur additamentum aliquod extrinsecus accepisse, quod cunctæ res ibi scriptæ non omnino sibi cohærere videantur. Binius subrepticia putat, quæ interjecta sunt ab eo loco qui incipit, *Synodus ergo*, ad verba, *hæc vobis*. Reliquorum auctoritatem aliquatenus adstruit Marcelli epitaphium à Damaso postea conscriptum, quod habetur inter antiquas inscriptiones in appendice, pag. 1172. num. 3.

3. *Eusebius.*

III. EUSEBIUS, natione Græcus, patre Medico, post dies viginti dictus est Pontifex Romanus numero xxxii. die 5. Februarii anno 309. vixitque ad diem 26. Septembris anni 311. Sedit itaque Constantino cum Maxentio imperante, annis duobus, mensibus 7. ac diebus infuper 21.

4. *Epis Decretales.*

IV. Tres Decretales illi tribuuntur. Prima *ad Episcopos per Gallicanas provincias constitutos*, Calendis Augusti, Constantino consule, qui consulatus illis tribus annis quibus sedet Eusebius, non convenit. Secunda *ad fratres per Alexandriam* (id est apud Alexandriam & per Ægyptum) *Domino militantes*, Calendis Octobris eodem consulatu notata.

Tertia *Episcopis per Tusciam & Campaniam constitutis*, adjectâ ejusdem consulatus notâ. In hac quæ de inventa Cruce Domini memorantur subditicia Binius agnoscit.

5. *Melchιάdes.*

V. MELCHΙΑDES, aliis *Melchiades*, natione Afer, postquam sedes septem diebus vacua fuit, electus, in ordine Pontificum Romanorum xxxiii. 5. Nonas, sive 3. die Octobris anni 311. Sedit annis duobus cum totidem mensibus, ac septem diebus: Obiit incruentâ morte, die 10. Decembris anni 313.

6. *Epistola Melchiadi attributa, ac Decretum ejusdem.*

VI. Duæ ipsi apud Isidorum Epistolæ assignantur. Altera *de Primitiva Ecclesia, & munificentiâ Constantini Magni Imperatoris erga eandem*, quæ, quod ejus Donationis & Nicæni Concilii post Melchiadis mortem proculdubio habiti meminerit, falsi damnatur, tum à Baronio ^a & Binio ^b, tum à censoribus decreti Gratiani ^c, & à Covarruvia ^d. Altera Epistola *ad Matrinum & ceteros Hispaniarum atque in illis partibus Episcopos* scripta notatur Calendis Martii, Coss. Volusiano & Rufino, hoc est anno 314. post mortem scilicet Melchiadis.

Ab eo Decretum fuisse traditur, ut Oblationes consecratæ per Ecclesias ex consecratione Episcopi dirigerentur, quod

^a Ad ann. 313. num. 8.

^b In notis ad eam Epistolam.

^c In Can. futuram xii. quæst. 1.

^d Practic. quæst. cap. 31. § 1. & variar. resolut.

lib. 4. cap. 6.

De summis Pontif. qui Ecclesiam seculo IV. rexerunt. 269

appellatur *fermentum*, in symbolum nempe unionis & concordie Presbyterorum in suis titulis synaxin celebrantium, cum Episcopo.

VII. S. SILVESTER Pontifex, ordine xxxiv. Romæ natus, patre Rufino, Sedit annis 21. mensibus 11. uno die minus, à Calendis Februarii anno 314. ad anni 335. diem ultimam Januarii. Sub hoc, Ecclesiam sublevante Constantino, liberè celebrari *Concilia* ceperunt, universalia nimirum; habitumque imprimis est Nicææ in Bithynia œcumenicum Primum anno Christi 325.

VIII. Ei à quibusdam adscribitur Epistola sputia, *de donatione Constantini*, de qua in Melchiade. Extat & ad eum Epistola nomine Synodi Nicææ, cum ejusdem ad Synodum responsione, Constantino septies (vel ut alii volunt octies) & Constantino Cæsare IV. Coss. id est, anno Christi 326. quam mendosissimam & commenticiam censent Baronius ^e & Binius ^f. Præferuntur quoque ejus Decreta & acta, in quibus disputatio contra Judæos coram Constantino inita, draco pestifer intra specum inclusus, baptisma Constantini memorantur: quæ quidem Acta Romæ aliisque in Ecclesiis ante Gelasium legebantur, ut patet ex ejusdem Gelasii Decreto in Synodo Romana: licet non usquequaque habeantur indubitata.

IX. MARCUS, Prisci filius, patriâ Romanus, cùm sedes vacasset dies 15. in Silvestri locum successus est die 16. Januarii: sedit ordine xxxv. menses 8. dies 22. imperante magno Constantino, ad vii. Octobris anni cccxxxvi.

X. Extat apud Isidorum Athanasii & Ægyptiorum Episcoporum ad eum Epistola, quâ petunt Nicæni Concilii, cuius exempla cum cæteris Ecclesiæ Alexandinæ libris ac suppellectile combusta fuerant, alia exemplaria ex Ecclesiæ Romanæ Tabulario ad se transmitti: adjiciunt præterea præsentibus ipsis octoginta Capitula in ea Synodo fuisse tractata, scilicet quadraginta à Græcis Græco edita sermone, & quadraginta à Latinis similiter Latinâ linguâ: sed visum esse 318. patribus ejusdem Concilii, & maxime Alexandro Alexandrino, & Apostolicæ Sedis Apocrisariis, ut decem Capitula adunarentur aliis, atque congruis locis infererentur, & ad formam 70. discipulorum, vel potius totius orbis terræ linguatum, septuaginta fierent Capitula. Ex hac Epistola deceptus est Canon 12. dist. 16. Legitur ibidem Marci Papæ Responsio

7. *Silvester.*

8. *Epistola ad Decreta ei adscripta.*

^e Ad annum 325. num. 171.
^f In notis ad 3. Synodum Romanam sub Silvestro.

9. *Marcus.*

10. *Ejus Epistola.*

data x. Kal. Novembres Nepotiano & Secundo Cos. quâ re-
scribens Athanasio significat se exemplum ex autographo 70.
Nicænæ Synodi Capitulorum, quod inventum esset in Eccle-
siæ Romanæ Scriiniis exscriptum, apocrifariis ejus Synodi tradi-
dissè. Sed supposititiam hanc utramque Epistolam agnoscunt
pluribus de causis Baronius g, & Bellarminus h. Potissima est,
quod ea Bibliothecæ Alexandriæ conflagratio nonnisi Con-
stantio Imperatore contigerit, Pontifice Liberio, anno 356.
quo tempore Georgius Cappadox Arianus, expulso Athana-
sio, in ejus locum per vim est ordinatus, ut ipse Athanasius i
testatur. Constat autem ex Chronico Hieronymi Marcum
Pontificem Romanum è vivis excessisse anno 336. ante annos
scilicet viginti, & Athanasium eo tempore non Alexandriæ
degisse, sed in Gallia exulasse. Mitto Nepotiani in consulatu
collegam *Facundum*, non *Secundum* fuisse: additumque Epi-
stolæ Marci nomine scriptæ diem x. Kal. Novembres, id est,
23. Octobris, cum 7. ejusdem mensis jam obiisset Marcus.
Sed facilis hic & condonandus Librariis error. At quis ferat
pro vero certoque affirmari numerum Septuaginta Concilii
Nicæni Canonum, qui Romæ & Alexandriæ exstarent; cum
ejus rei nulla mentio fuerit in celebri controversia quæ inter
Zosimum ac Bonifacium Pontifices Romanos & Ecclesiam
Africanam agitata postea fuit de illorum Canonum numero?

11. *Julius.*

XI. JULIUS I. in Pontificum Romanorum ordine xxxvi.
Romanus, Rustici filius, die 20. à sede vacante creatus, eam
tenuit annos sedecim, menses quinque, à die 27. Octobris
anni 336. ad diem 12. Aprilis anni 352. imperante Constantio,
partim etiam duobus aliis magni Constantini filiis, Constantino
& Constante.

12. *Epistola ac
Decreta Julii I.*

XII. Scripsit haud dubiè Julius anno 342. objurgatoriam
Epistolam *ad Orientales Episcopos* in causa S. Athanasii; ejus-
que, aut saltem Synodi Romanæ Tertix sub eo habitæ Epi-
stolæ ex ipsius Athanasii apologia 2. Conciliorum collectioni
est inserta. Scripsit anno 349. *ad Alexandrinos* Epistolam
gratulatoriam de Athanasii ejusdem reditu. At quas Isido-
rus protulit quasi *Orientalibus Episcopis* scriptas, cum horum ad
priorem responsione, earum Priorem Binius aliquatenus tue-
tur, Baronius & alii supposititiam utramque fatentur, quam-
vis ex veræ fragmentis quæ apud Socratem, Theodorum,
Sozomenum existant, hausta non pauca contineant. Baronius l

l Ad ann. 337.
num. 67.

g Ad ann. 336.
h De Romano
Pontifice lib. 2.
cap. 29. & lib. de
Scriptorib. Eccle-
siast. in Athana-
sio.

i In Epistola ad
omnes Orthodo-
xos.

De summis Pontif. qui Ecclesiam seculo IV. rexerunt. 271

mendum chronographicum Prioris observat imprimis, quod Feliciano & Maximo seu Maximiano Coss. consignata sit, cum fastorum consensu Feliciano Consûli nullibi, nisi Titianus Collega jungatur: & quod Romanæ sub Julio Synodi his de rebus habitæ tempora non coherentibus inter se characteribus notentur, anno scilicet Quarto Constantii, Indictione 6. & prædictis consulibus. At quartus Constantii annus Christi 340. denotat, quo Consules erant Acyndinus & Proculus: Indictionis autem illius nimirum 13. annus 6. cadit in annum 333. Consularis denique Feliciani & Titiani convenit anno Christiano 337. Aliunde verò constat Julium ad Orientales Episcopos Eusebianos non antè (ipso Athanasio deprecante) scripsisse, quàm ei arbitrium causæ ab iisdem commissum fuisset; quod nonnisi anno 339. factum: unde apparet hanc ad eos Epistolam non ante annum 340. scriptam esse.

Nec absimilibus vitiis laborat altera Julii apud Isidorum Epistola, eorundem nempe Consulum mendace notâ, cum pluribus veræ rerum gestarum historiæ adversis, quæ Binius ipse observat. His addit Antonius Augustinus^m supposititios quatuor & viginti Nicæni Synodi Canones in ea Epistola prolatos, à viginti receptis omnino diversos. Sed tamen quæ ad Romanæ Sedis circa celebrandas Synodos, & Episcoporum judicia auctoritatem pertinent, ea sanè in germano apud Athanasium Julii ad Orientales Episcopos Rescripto reperiuntur: ut nec falsarum literarum fulcris illius Sedis potestas indigeat, nec ex eo capite falsi arguendæ veniant Epistolæ aliæ antè memoratæ. Cæterùm præter indubitatas ex Athanasio Epistolas ad Orientales Episcopos, atque ad Alexandrinos Epistolas, habetur etiam fragmentum Epistolæ Julii *ad Decimum* in actis Concilii Ephesini primiⁿ: leguntur & ejusdem Julii *Decreta* decem apud Ivonem Carnotensem, & Gratianum, quæ in tomo 2. Conciliorum editionis Parisiensis ann. 1671. collecta sunt. At Epistola *ad Dionysium Corinthi* Episcopum, de Incarnatione Domini, quam Gennadius^o Julio Papæ ascribit, eam Leontius^p re diligentius exploratâ, demonstrat Apollinaris hæresiarchæ partum revera fuisse.

^m Lib. 1. de emendar. Grat. dial. 20.

ⁿ Parte 2. a. c. 2.

^o De Scriptor. Eccles.
^p De Sectis act. 8. in Bibloth. Patrum
13. Liberius.

XIII. LIBERIUS, Romanus, patre nomine Augusto, vacantem per quinque & viginti dies sedem xxxvii^{us}. accepit 8. Maii anno 352. tenuitque ad 9. Septembris anni 367. annis quindecim, mensibus quatuor, ac die uno; idque imperan-

tibus Constantio primùm, à quo dirè vexatus ob causam Athanasii, tum Juliano, deinde Valentiniano & Valente.

14. *Ejus Epistola & Decreta.*

XIV. Exstant Epistolæ Liberii nomine plures integræ, & quæ tum ex Hilarii fragmentis, tum ex actis Eusebii Vercellensis depromptæ, quidam etiam ex Codice Vaticano ptolati à Baronio Centones. Harum duæ, quarum altera *ad Orientales Episcopos*; altera *ad Ursacium, Valentem, & Germinium* inscribitur, quæ in Biniana & Regia Conciliorum collectione 8. & 9. loco ponuntur, & quibus S. Athanasii, tanquam ab eodem Libetio sub Pontificatûs primordia damnati, mentio fit, confictæ ab Arianis creduntur, ut refelleretur Liberii purgatio, qua contestatus erat, se nonnisi vi à Constantio adactum ad ejusmodi damnationem ptocessisse asseverantis: *Septimam*, quæ incipit ab his verbis, *Pro deifico timore*, ad Orientales Episcopos Liberius biennalis exilii tædio ac mortis metu victus reverà scripsit, post Felicem in Pontificiam sedem subrogatum. In ea significat se latam adversus Athanasium sententiam approbare, ejusque autores (Arianos) admittere ad communionem, fideique professioni Sirmii editæ subscribere. *Decima* pacem cum Orientalibus; *Vndecima* indulgentiam suadet erga eos qui fraude Arianorum circumventi apud Ariminum, Nicænam confessionem amplecterentur; eique *Duodecimâ* Epistolâ, quæ & Græcè exstat, ad Athanasium scripta, se adhærere testatur. *Decima tertia* Græco etiam exatata sermone, Pacifica est ad Orientales, quibus simulatâ Semiarianorum professione deceptus, communionem reddit. Jam quæ his subjungitur *Athanasii & Ægyptiorum Episcoporum ad Liberium* Epistola de oppressionibus Arianorum, cum responsoria Liberii, communi calculo inter falsi suspectas habetur, ob fictitios præsertim consules: nec majorem habet fidem *Athanasii* responsum ad *Liberium*. Proferuntur & tria Liberii *Decreta* ex vetusto Codice sedecim librorum q, ad jejuniorum observationem spectantia.

q Lib. 13. cap. 9. 10 12.

15. *Felix II.*

XV. FELIX secundus, patriâ Romanus, Anastasio patre, in Liberii exulantis locum factione Arianorum suspectus, à quibusdam tamquam intrusus, ab aliis xxxviii. Pontifex numeratur. Et sanè orthodoxæ fidei se vindicem præbuit, damnato ob hæresim Constantio Imperatore, à quo pontificiâ dignitate dejectus, ac morte affectus apud oppidum Tusciæ Cære, die Julii 29. anno 357.

XVI.

De summis Pontif. qui Ecclesiam seculo IV. rexerunt. 273

XVI. Epistolæ duæ, quæ ejus præferunt nomen, spurie censentur, tum ea qua supposititæ *Athanasii* & *Ægyptiorum* ex Synodo Alexandrina Epistolæ *rescripsisse* dicitur; tum ea quæ ad *eosdem* & *reliquos Domini Sacerdotes* inscripta est, & uno ac viginti articulis divisa: neque enim eo tempore Athanasio in latebris agenti vacabat Synodum Episcoporum cogere; neque Felici communicaturum fuisse colligere est ex ipsius Athanasii Epistola ad solitariam vitam agentes. Consules præterea fictitii, Agarius & Julianus, quorum ille nullibi cognitus, fidem horum omnium elevat, aut potius convellunt.

XVII. DAMASUS I. Hispanus, Antonii filius, legitimè, non tamen sine ingenti Ursicini fautorum tumultu, electus 15. Septembris ann. 367. sedit numero Trigesimus Octavus, ad undecimum Decembris anno 384. per annos 17. menses 2. diesque insuper 27. imperantibus Valentiniano seniore & Valente, ac postea Gratiano & Valentiniano juniore, tandemque Theodosio magno.

XVIII. Decem fermè exstant Epistolæ Damasi titulo notatæ: quarum quæ *ad Aurelium Carthaginensem* rescripta dicitur, ab Isidoro Mercatore Corpori Canonum præposita, ea procul dubio commentitia est, Baronii^r, Posslevini, aliorumque judicio, quemadmodum & priùs Hincmari Rhenensis^l; utpote Gratiano III. & Equitio (malè aliàs Cyricio, qui nullus fuit) Coss. data, id est anno Christi 374. quo tempore Aurelius vix Diaconi gradum erat adeptus. S. quippe Augustinus, cum quadriennio à conversione sua, anno scilicet 389. in Africam rediisset, illum adhuc Carthaginensis Ecclesiæ Diaconum invenit, uti^r ipse testatur. Falsi suspitione laborat, quæ *ad Hieronymum* missa scribitur, de Hymnis ac Psalmis apud Græcos in Missa recitari solitis, à Bellarmino^u, à Binio, aliisque viris doctis atroci confixa stylo, cum Hieronymi responso; quod Baronius^x quoque Cassiani maximè testimonio impugnatur. Sic etiam rescriptum Damasi *ad Afros* de autoritate Sedis Romanæ in causis Episcoporum, cum *Afros* ea de re Epistola, evertitur tum, ut Crabbeus notavit, affixo Flavii & Stiliconis consulatu, qui annum Domini 400. non antevertit, cum Damasus saltè anno 384. decessisset; tum etiam ex eo quoddè eadem quæstio paulò post inter Afros & Damasi successores Bonifacium ac Cœlestinum controversa fuerit. Nec certiore fidem habet quæ *ad*

16. *Ipsius Epistola.*

17. *Damasus I.*

18. *Ejus Epistola.*

^r Ad ann. 374.

^l Adversus Lantunensem, cap. 42.

^z Lib. 2. de Civ. Dei, cap. 8.

^u De Missa lib. 2. cap. 16.

^x An. 325. §. 175.

Episcopus Illyrici scripta notatur Livio & Theodosio Coss. quorum ille fastis ignotus: ut & *Siricius* Consul in Epistola ad *Episcopos Italia* datus Ardaburi collega, qui anno demum 427. in fastis legitur, tertio nimirum & quadragesimo ab obitu Damasi. Ejus Epistolæ duæ, in Concilio Bonifacii tempore habito Romæ, anno scilicet 331. recitatæ, ab Holstenio editæ sunt, & in Labbeana Conciliorum collectione exscriptæ, ad *Acholinum Thessalonicensem*, aliosque Episcopos. Collecta quoque sunt ejusdem *Decreta* quinque, partim ex Ivone, partim ex Gratiano.

CAPUT XXVIII.

De Pontificibus, quorum Decreta Codici Canonum Ecclesiæ Romanæ inserta sunt, & primò de Siricio & Anastasio.

1. *Siricius.*

I. **S**IRICIUS Romanus, Tiburtii filius, creatus triginta & uno diebus post obitum Damasi, non sine Ursicini Antipapæ tumultu, Trigesimus nonus ordine Sedem Apostolicam tenuit annis tredecim, mense uno, diebus quatuordecim, ab undecimo Januarii anni 385. ad 22. Februarii anno 398 sub Valentiniano Juniore, ac Theodosio magno, & sub Arcadio & Honorio hujus filiis.

2. *Decretales Siricii.*

II. Decretalis ejus Epistola ad *Himerium Episcopum Tarracensem* in Hispania, qui de dubiis quibusdam Damasum consuluerat, scripta Arcadio & Bautone Coss. id est, anno 385. capitib. 15. distincta, in Codicem Canonum Ecclesiæ Romanæ relata est. Aliarum ejusdem Epistolarum meminit Isidorus Hispalensis^a; non tamen Epistolæ ad *Astros*, cujus nihilominus mentio fit à Ferrando Carthaginensi^b, quæ extat in fragmento Concilii provinciæ Byzacenæ, & quarta numeratur apud Isidorum: apud quem secunda habetur, quæ ad *Mediolanensem Ecclesiam* adversus Jovinianum missa est, ad quam respondit Ambrosius. Tertio verò loco ibidem habetur alia ad *orthodoxos per diversas provincias*.

3. *Anastasius*
1.

III. ANASTASIUS I. Romanus, Maximi filius, inter Pontifices maximos ordine Quadragesimus, sedit annos quatuor, mensem unum, dies tredecim, à 14. Martii anni 398.

^a Lib. de vir. illustrib.

^b Breviarium Canonum cap. 6. 130. 138. & 14.

ad 27. Aprilis anni 402. imperantibus Arcadio & Honorio.

IV. Licet nulla ejus decretalis Epistola in Codicem Canonum veterem Ecclesiæ Romanæ relata sit, constat tamen ex S. Hieronymo ^c plures ab eo conscriptas fuisse, tum in causa Origenistarum atque adversus errores Origenis in opere *ἐπὶ ἀρχαῖν*, per Rufinum in linguam Latinam converso; tum in causa Donatistarum. In his fuit Epistola *ad Ioannem Hierosolymitanum*, quæ apud S. Hieronymum ^d legitur, & ejus idem Hieronymus ^e mentionem facit in apologetico 3. adversus Rufinum. Itemque alia *ad Ursinum* de Incarnatione Filii Dei, cujus tria extant fragmenta in appendice ad Breviarium Liberati Diaconi. Præter has apud Isidorum duæ illi tribuuntur Epistolæ: Prior *ad omnes Germaniæ & Burgundia Episcopos*: Posterior *ad Nerianum virum religiosum*, quem ob amissos parentes consolatur. Illa triplici ex capite suspecta habetur, primò ex epigraphe, quod Burgundiones nondum Galliam ingressi, aut ad fidem Catholicam adducti, nullos habuerint Episcopos ante Valentiniani III. tempora; qui anno salutis 425. imperare cepit, & cujus temporibus Christi sacra ab iis esse suscepta tradit Socrates ^f: Deinde ex Consulibus ad Epistolæ calcem adjectis, *Arcadio & Bauto*, qui annum indicant 385. & Siricii Pontificis initia: Denique quòd ejus Epistolæ magna pars, ubi de Manichæis agitur, nihil differat ab iis quæ de iisdem leguntur in secunda Leonis Pontificis Epistola, ex qua hanc imprimis desumptam esse conjiciunt, quæ & varias quoque Innocentii & Fabiani Constantinopolitanæ sententias asperfas habet. Hæc verò falsa consulatûs notâ consignatur, Theodosii Augusti septimùm, & Palladii, id est, anno Christi 416. diu post obitum Anastasii. Verùm in manuscriptis Codicibus abesse hanc notam consularem Binius observat. Aliunde tamen stylus ætatem Anastasii minùs sapere videtur: & aliunde Innocentii, Leonis & Gregorii centonibus constat.

8. *Ejus Decretalis.*

^c Epist. 78. & apolog. 1. & 2. adversus Rufinum, & aliunde.

^d Tom 9.

^e Cap. 6.

^f Lib. 7. cap 30.

CAPUT XXIX.

*De seculi V. Pontificibus & Epistolis in Canonum
Codicem relatis.*

1. *Innocentius
I.*

I. **A**NASTASIO, post cujus obitum vacavit Sedes Romana dies 21. successit INNOCENTIUS I. Innocentio patre genitus, inter Pontifices Quadragesimus primus numero, qui sedem tenuit sub Honorio & Arcadio primum, dein sub eodem Honorio ac Theodosio juniore, annos quatuordecim, menses 9. dies 26. à 18. Maii anni 402. ad 12. Martii ann. 417. S. Joannis Chrysostomi à Græcorum Concilio apud Constantinopolim damnati & sede Constantinopolitana pulsî, appellatione susceptâ, damnationem in Concilio rescidit, ejusque judicium in œcumenica Synodo retrahendum pronunciavit, anathemate perculsis Atrico Constantinopolitano, ac Theophilo Alexandrino. Verùm Chrysostomi in exilio mors, ejus restitutionem præcipuè impedit.

2. *Epistola
Innocentii I.*

II. Habentur Innocentii Epistolæ 34. quarum 21^a. relatæ sunt in Codice Canonum. I. *ad Decentium Episcopum Eugubinum*, constans octo Decretis, Theodosio Aug. VII. & Palladio Coss. ann. 416. II. *ad Victorium Episcopum Rothomagensem*: cujus sunt duodecim capita. III. *ad Exuperium Episcopum Tolosanum*, quæ ordine temporis prior est, Stilicone II. & Anthemio Coss. id est, anno 405. in qua sunt septem Decreta. IV. *ad Felicem Episcopum Nucerinum* septem capita continens. V. *ad Maximum & Severum Episcopos* per Brutios. VI. *ad Agapetum & alios Episcopos* Appulos. VII. *ad Rufum & cæteros Episcopos* per Macedoniam constitutos. VIII. *ad Florentinum Episcopum*, ni fallor, Tiburtinum (malè enim legitur Triburiensem.) IX. *ad Probum*. X. *ad Aurelium Carthaginensem & Augustinum Hipponensem Episcopos*. XI. *ad Iulianam* nobilem. XII. *ad Aurelium Episcopum Carthaginensem*. XIII. *ad Bonifacium Presbyterum* de Ecclesia Antiochena. XIV. *ad Alexandrum Episcopum Antiochenum*. XV. *ad Maximianum Episcopum*, de Atrico Constantinopolitano. XVI. *ad Alexandrum Episcopum Antiochenum*, quæ omnes singulis capitibus constant.

XVII. ad eundem *Alexandrum*, quæ tria capitula continet.

XVIII. *ad Acacium Constantinopolitanum*. XIX. *ad Laurentium Episcopum Senensem*. XX. *ad Martianum Episcopum Nursitanum*, vel Marficanum, quæ uno etiam capite continetur. XXI. *ad Rufum*, Eusebium, & cæteros Episcopos Macedonas, quæ septem Decreta complectitur: ut sint ejus Decreta quinquaginta septem in Codice Canonum.

III. *Zosimus*, Græcus, patre Abrahamo, post 20. dies Innocentio subrogatus, numero Quadragesimus secundus, sedit annum unum, menses octo, dies viginti quinque, à 2. Aprilis anni 417. ad 26. Decembris anni 418. Pelagium & Cælestium, secundum Africanorum Episcoporum sententiam, generali Decreto damnavit.

IV. Ejus Epistolæ duæ Codici Canonum Ecclesiæ Romanæ insertæ sunt. Prima *ad Hesichium Episcopum Salonitanum* tribus constans capitibus. II. Commonitorium est *ad Presbyteros & Diaconos qui Ravenna sunt*: ambo anno 418. sive Honorio XII. & Theodosio VIII. Coss. Extant & aliæ undecim ejusdem Epistolæ, in quibus Tertia & Quarta scriptæ sunt *ad Aurelium* & alios Africanos Episcopos, de Cælestio & Pelagio. VI^a. Et pleræque aliæ *ad Episcopos per Galliam & septem provincias* de privilegiis Ecclesiæ Arelatensis, aliisque Ecclesiæ Gallicæ rebus.

V. *Bonifacius I.* Romanus, Jocundi Presbyteri filius, numero Quadragesimus tertius, sedit annis quatuor, mensibus novem, diebus 28. à 28. Decembris anni 418. quo in schismate adversus Eulalium electus est, usque ad 23. Octobris anni 423. sub Honorio & Theodosio II.

VI. Tres ejus Epistolas habemus in Codice Canonum. Prima est *ad Honorium Imperatorem*, ut Romæ nunquam per ambitum ordinetur Antistes, quam sequitur rescriptum Honorii. II. *ad Patroclum, Remigium & cæteros Episcopos per Gallias & per septem provincias constitutos*, de Maximo Valentino Episcopo diversorum criminum accusato, anno Christi 419. Monaxio nimirum Consule. III. *ad Hilarium Narbonensem Episcopum* de Patroclo & ordinanda Lutevensi Ecclesia. Honorio XIII. & Theodosio juniore X. Coss. id est, anno 422.

VII. *Coelestinus I.* Prisco patre natus Romæ, postquam sedes decem dies vacasset, sedit ordine Quadragesimus

3. *Zosimus*.

4. *Ejus Epistola*.

5. *Bonifacius I.*

6. *Ejus Epistola*.

7. *Celestinus I.*

quartus, annos 8. menses 5. dies 3. à die scilicet 3. Novembris anni 423. ad 6. Aprilis anni 432. sub Theodosio juniore & Valentiniano III.

8. *Epistola Ca-
lestini.*

VIII. In Codicem Canonum relatae sunt tres ipsius Epistolae. Prima *ad Venerum & ceteros Galliarum Episcopos*, de Prospero & Hilario, ac de S. Augustino ejusque scriptis adversus Pelagianos, quae constat tredecim capitibus seu decretis.

II. *ad universos Episcopos per Viennensem & Narbonensem provinciam constitutos*, Felice & Tauro Coss. anno scilicet 428. continens septem capita. III. *ad Episcopos Apulia & Calabria*, Florentio & Dionysio Coss. id est, anno 429. cujus sunt capita tria. Extant & aliae undecim ejusdem Epistolae extra Codicem Canonum.

9. *Sixtus III.*

IX. SIXTUS III. Romanus, Sixti filius, post novendiale interregnum, numero Quadagesimus quintus, sedem tenuit annis septem, mensibus undecim cum duobus diebus, à die nimirum 26. Aprilis anni 432. ad 29. Martii anni 441. imperantibus iisdem Theodosio II. & Valentiniano III.

10. *Epistola
Sixti III.*

X. Occurrunt duae Sixti hujus genuinae Epistolae, quarum prima est *ad Cyrillum Episcopum Alexandrinum*. II. *ad Ioannem Antiochenum Episcopum*, quae laudatur in commonitorio Vincentii Lirinensis sub finem. Tertiam, quae inscribitur *ad omnes Orientales Episcopos*, planè subreptitiam agnoscit Binius, tum quòd ex Epistola 3. Fabiani ad verbum descripta sit, tum quòd data legatur Valentiniano & Florianus Coss. Kal. Aprilis, cum tamen Valentiniano Florianus collega nusquam inveniatur, & quintus Valentiniani consulatus Anatolio collegâ, qui ex Consulatibus Valentiniani solus Sixti Pontificatum attingit, Kalendas Apriles habeat post Sixti mortem, utpote qui eo anno decesserit 5. Kalendas Aprilis, aliisque præterea de causis quas indicat Baronius ^a.

^a Ad ann. 413.
num. 36 & 37.

11. *S. Leo I.*

XI. S. LEO I. propter ingentia facta Magni cognomen meritus, in Tuscia Quintiano Patre natus, ordine Quadagesimus sextus, post interregnum unius mensis, ac duodecim dierum, Ecclesiam rexit annis 20. mensibus 11. à die decimo Maii anno 440. ad 11. Aprilis anno 461. sub Valentiniano III. Maximo, Avito & Majoriano Occidentis, Theodosio juniore, Martiano, & Leone Thrace Orientis Imperatoribus. Adversus Manichæos, Pelagianos, Priscillianistas scripsit, & Eutychetem in Chalcedonenſi Concilio damnari

curavit. Attilæ ad ruinam urbis Romæ properantis impetu represso, eandem urbem in Genserici Vandali direptione ab incendio & cæde liberavit.

XII. Ejus Decreta 49. Codici Canonum Ecclesiæ inserta sunt ex Epistolis octo. Quarum Prima ad Episcopos per Campaniam, Picenum, Tuscaniam, & per universas Italia provincias constitutos, Maximo iterum & Paterno Coss. id est, anno 443. capitibus quinque constat. II. ad eosdem Episcopos Italia, de Manichæis in urbe detectis, uno capite absolvitur, scripta anno 444. Theodosio nempe 18. & Albino Coss.

III. Calepodio, seu Callypio & Ardabure Coss. ann. 447. ad Episcopos Sicilia, habet septem capita. IV. ad Ianuatium alias Julianum Episcopum Aquileiensem, iisdem Coss. uno capite continetur. V. ad Rusticum Episcopum Narbonensem, complectitur sedecim capita.

VI. ad Anastasium Episcopum Thessalonicensem, est undecim capitum. VII. Capitum septem data est ad Anicetum Episcopum Aquileiensem, anno 455. Consule scilicet Martiano Augusto. VIII. ad Episcopos per Casariensem Mauritaniam constitutos unum habet, sed longius caput.

Sunt & aliæ Leonis vel ad Leonem Epistolæ numero centum & tres, ad Concilia præsertim œcumenica Ephesinum & Chalcedonense pertinentes. De harum Epistolarum Octogesima octava ad Germaniarum Episcopos, an verè Leonis sit, ambigitur: Nonagesima sexta non Leonis Romani Pontificis est, sed Leonis Bituricensis aliorumque Episcoporum Gallicorum ad Episcopos & Presbyteros intra Tertiam (Aquitanicam nimirum aut Lugdunensem) provinciam constitutos.

Epistola 18. paucis circa finem exceptis, & 13. itemque 85. ex tertia expressæ videntur: magna pars 83^a. legitur in 97. At 24^a. licèt imperfecta videatur, nec in manuscriptis Codicibus inventa sit à curatoribus editionum Parisiensis & Colonienfis, nihilominus vera est censenda, cum habeatur in actis Græco-Latinis Concilii Chalcedonensis, parte 1. Accuratus Leonis operum Collector & illustrator Paschasius Quesnel Presbyter Congregationis Oratorii D. Jesu, à germanis sancti hujus Pontificis Epistolis maculas mendorum & interpolationum abstergit, ordine mutato ad suos annos eas revocavit, & receptum illarum numerum accessione triginta prioribus additarum locupletavit. Septimam quæ ad Septimum, & Decimam septimam, quæ ad universos

12. Decreta &
Epistola Leonis
1.

Sicilia Episcopos, scripta legitur, è numero Epistolarum Leonis expunxit in Notis quas eruditione haud vulgari in Leonis opera dedit. Illam quæ est *ad Galliarum & Germaniarum Episcopos*, de Chorepiscopis, omnino rejicit.

13. *Hilarus.*

XIII. HILARUS seu *Hilarius*, ex Sardinia insula, Crispini filius, postquam sedes vacavit septem menses, sedit XLVII. numero, annis quinque, mensibus novem, diebus novem & viginti; à die 12. Novembris anni 461. ad 10. Septembris anni 467. sub Leone Orientis, Severo & Anthemio Occidentis Imperatoribus. Nestorii & Eutychetis damnationem confirmavit.

14. *Hilari Decreta.*

XIV. In Codicem Canonum relata sunt ejus Decreta edita in Synodo Romana, quæ habita est in Basilica sanctæ Mariæ, in qua recitatae sunt Epistolæ Ascanii & reliquorum provinciarum Tarraconensis Episcoporum, atque ad eas Hilari responsum, Basilisco aut Basilisco & Hermenerico Coss. anno 465. Exstant & aliæ octo ejus ad varios Galliarum Episcopos Epistolæ.

15. *Simplicius.*

XV. SIMPLICIUS, patriâ Tiburtinus, Castini filius, ordine XLVIII. Pontifex post decem à morte Hilarii dies creatus, sedit annos quindecim, menses 5. dies 10. à 20. Septembris anni 467. ad Idus Martias anni 483. imperantibus in Oriente Leone & Zenone, in Occidente verò Anthemio & aliis ad Augustulum, & post hunc regnante in Italia Odoacre Herulorum Rege.

16. *Ejus Epistola.*

XVI. Ipsius Epistolæ duæ Codici Canonum insertæ sunt, totidem Decreta continentes: Altera *ad Ioannem Episcopum Ravennatem*, Severino Consule, anno scilicet 483. Altera *ad Florentinum* aliosque Episcopos post consulatum Leonis Augusti, sive anno 473. Præter has Epistolas reperiuntur & aliæ sedecim *ad Zenonem* præsertim *Augustum*, & *Acacium Constantinopolitanum*.

17. *Felix III.*

XVII. FELIX quibusdam II. Baronio aliisque III. Romæ Felice patre Presbytero natus, XLIX. numero Sedem Apostolicam, post sex dierum intervallum, tenuit annos octo, menses undecim, dies viginti duos, à die 8. Martii anni 483. ad diem 25. Februarii anni 492. Zenone & Anastasio Dicoro Imperatoribus Orientis, Odoacre Herulorum in Italia Rege, cum in Gallia Clodovæus Francis regnaret nondum Christianis sacris imbutus. Felix agente Joanne Alexandrino Patriarcha

Patriarcha, Acacium Patriarcham Constantinopolitanum hærescos damnavit in Synodo Romana anno 484. celebratâ, cum in alia superioris anni Synodo *Petrum Cnaphæum* sive Fullonem Patriarcham Antiochenum damnaasset.

XVIII. Extat in Canonum Codice ipsius Constitutum de rebaptizatis in Africa editum in Synodo Romana apud Basilicam Constantinianam Flavio Boëtio consule, id est, anno 487. Ejusdem quindecim Epistolæ inveniuntur, quarum septem, opera Philippi Labbei Societatis Jesu, nova Conciliorum editioni adjectæ sunt.

18. *Ejus Decreta & Epistola.*

XIX. GELASIUS I. Afer, Valerii filius, post vacationem throni Apostolici per quinque dies, sedit numero L. annos quatuor, menses octo, dies novemdecim, à die 2. Martii anni 492. ad 21. Novembris anni 496. Anastasio Imperante per Orientem, regnantibus in Italia Theoderico Ostrogotho, in Gallia Clodovæo. Lupercalia quæ adhuc in urbe celebrabantur sustulit, & Manichæos in urbe deprehensos exustis eorum libris expulit.

19. *Gelasius I.*

XX. Habetur in Codice Canonum Epistola ejus seu generale decretum *ad omnes Episcopos*, de institutis Ecclesiasticis, ac præsertim de ordinationibus, constans viginti octo capitibus, Asterio & Præsidio Coss. I. id est, anno 494.

20. *Decreta & Epistola Gelasii.*

quo anno habitum est ab eo Concilium 70. Episcoporum, ubi libri sacri & Authentici ab Apocryphis discreti sunt, ex quo est Canon *Sancta Romana* tertius dist. 15. Extant & aliæ tredecim ejusdem Epistolæ & quædam fragmenta.

Scripsit præterea hymnos exemplo B. Ambrosii, & libros quinque contra Eutychem & Nestorium, quod opus longè diversum fuisse ab eo libello quod de duabus Naturis inscribitur sub nomine Gelasii, demonstrat Baronius, atque hunc à Græco Gelasii Cyziceni versum esse putat.

XXI. ANASTASIUS II. patriâ Romanus, Petri filius, post septem dies creatus Pontifex ordine LI. iisdem Imperatore ac regibus rexit Ecclesiam anno uno, mensibus undecim, diebus viginti tribus à 28. Novembris anni 496. ad 16. Novembris an. 498. Cum Photino Thessalonicensi Diacono & Acacii assecla communicasse, & subito Dei nutu examinatus esse memoratur à Schismaticis: quod commentum sequutus est cum Gratiano Platina. Sed id refellitur à Baronio & Romanis Correctoribus ad Canonem *Anastasius* 9. dist. 19.

21. *Anastasius II. 51.*

& falsi argui potest ex Epistola ejusdem Pontificis ad Anastasium Imperatorem Codici Canonum insertâ, quæ constat octo capitibus, quorum tertio Acatii nomen tanquam hæretici & à Felice Pontifice anathemate percuci è diptychis eradi petit, nec tanquam Catholici in Ecclesia recitari.

CAPUT XXX.

*De seculi sexti Pontificibus & Decretalibus in Codice Canonum relatis.*1. *Symmachus.*

I. **S**YMMACHUS, è Sardinia insula, patre Fortunato, postquam sedes quatuor diebus vacaverat, ^{LII^{us}.} numero eam tenuit annis 15. mensibus 7. ac diebus 27. à die 2. Decembris anni 496. ad 19. Julii anni 514. Anastasio Imperatore, Theodorico Italix, Claudovæo Francorum regibus. A fautoribus Laurentii, per Schisma adversus ipsum electi, calumniis oneratus, sese in Synodo Romana purgavit; edito etiam libello Apologetico, qui ab Ennodio Ticinensi postea Episcopo conscriptus, Symmacho ipsi attributus est.

2. *Symmachi
Decreta Synodalia.*

II. Ea Synodus ex Symmachianis ordine quarta & Palmaris dicta, Ruffio magno, Fausto Avieno Coss. id est, anno 501. habita est, ejusque acta Codici Canonum inserta, quemadmodum & aliarum duarum Synodorum sub eo habitatarum decreta; tum *de Pontificis Romani electione* post consulatum Paulini anno scilicet 499. quæ Synodus quatuor capita continet; tum *de bonis Ecclesia non alienandis*: quâ de re actum est in Synodo anni 502. Flavio Avieno juniore consule, & septem capitibus constat. Extant etiam Symmachi Epistolæ circiter decem, quarum Tertia ad *Liberium Patricium* Ennodio restituenda est, cujus inter Epistolas lib. 5. prima habetur.

IV. *Ad Laurentium Mediolanensem Episcopum* est Ennodii ejusdem dictio sive oratio tertia, de qua videnda est Bibliotheca patrum tomo 6. VIII. *Ad Orientales* est 14. lib. 2. Epistolarum ejusdem Ennodii, de qua etiam videnda bibliotheca Patrum tomo jam indicato. VII. *Ad Confessores* scripsit quod Symmachi nomine Ennodius diaconus.

3. *Hormisdas.*

III. **HORMISDAS** Frusinonenfis ex Campania, Justii filius, ordine ^{LIII.} post vacationem sex dierum, Sedit annos

novem, dies decem; à 26. Julii anni 514. ad 6. Augusti anno 523. sub Anastasio & Justino regnantibus in Italia Theodorico Gotho, in Gallia Clodovæi filiis. Is Eutychianos, cum adhuc reviviscerent, damnavit.

IV. Relata est in Codicem Canonum cum Epistola Justini Augusti ad eum *de restituenda Ecclesia pace*, responsione ipsius Hormisdæ cuius aliæ quoque Epistolæ numero fermè 8. periuntur.

4. *Ejus Epistola.*

C A P U T X X X I.

De aliis seculi VI. Pontificibus, & eorum apud Isidorum Epistolis.

I O A N N E S I. Tuscus, Constantini filius, post interregnum sex dierum, Sedit ordine LIV^{us}. annos duos, menses novem, dies quatuordecim; à 13. Augusti anni 523. ad 27. Maii ann. 526. Justino Imperante, tribus Clodovæi filiis in Gallia regnantibus, in Italia vero Theodorico sæpiùs nominato, à quo Joannes in carcerem detrusus, Ravennæ obiit.

1. *Joannes ejusque res.*

II. Ejus nulla Decretalis habetur in Codice Canonum: sed apud Isidorum ei assignantur Epistolæ duæ. Prima *ad Zachariam Episcopum* Coss. Moximo & Olybrio; quæ ut spuria rejicitur, tum ex ea consulari nota, cum Maximus & Olybrius nunquam simul; ille solus anno 523. hic anno 526. Consules fuerint: tum etiam ex stylo desumpto ex Epistolis Innocentii, Decretis Symmachi, aliisque similibus. II Epistola *ad omnes per Italia provincias Episcopos* iisdem Coss. data, de consecrandis Arianorum Ecclesiis, falsi quoque à nonnullis arguitur, licet ejus autoritatem ex Gregorii Turonensis testimonio astruat Baronius in Annalib. ^a.

2. *Ejusdem Epist.*

III. F E L I X ejus nominis III. si priscos sequamur, qui Felicem Libertii æmulum & successorem non numerant; ac Baronio aliisque recentioribus quartus; è Samnio, patre Castorio, post vacationem duorum propè mensium, numero LV^{us}. Sedem obtinuit annis quatuor, mensibus duobus, diebus 18. à die 24. Julii anni 526. ad 12. Octobris ann. 530. Imperatoribus Justino & Justiniano, regibus Italiæ quidem Athalarico, Francorum Clodovæi filius.

a Ad an. lib. 25. & seq.

3. *Felix 4.*

4. *Ejus Epistola.* IV. Ejus nomen apud Iſidorum præferunt tres Epistolæ. Prima *ad omnes Episcopos*, de consecratione Ecclesiarum, Lampadio & Oreste Coss. id est, anno 530. quam ex eo commentitiam esse vult Blondellus, quodd Scripturæ sacræ, Leonis & Gregorii sententiis aspersa sit. II. Exhortatoria *ad Sabinam*, iisdem Coss. 12. Kal. Novembris; quo tempore Joannes è vivis exceſſerat. Tertia Epistola est *ad Casarium Arelatensem Episcopum*.

5. *Bonifacius II.*

V. BONIFACIUS II. Romanus, Supibaldi vel Sigisbaldi filius, ordine LVI. Sedit annos duos, diem totidem: à 15. Octobris anni 530. ad 17. itidem Octobris anni 532. Imperante Justiniano, regibus iisdem quibus Felix IV.

6. *Epistola ei adscripta.*

VI. Et falsa adſcribitur Epistola *ad Eulalium Episcopum Alexandrinum*, de reconciliatione Ecclesiæ Carthaginensis, cum tamen Eulalius nullus inter Patriarchas Alexandrinos legatur, & Ecclesia Africana nullo schismate à Romana per id tempus avulsa fuerit, ut fusiùs advertunt Bellarminus ^b & Baronius ^c; adde quod Carthaginensis Ecclesia non ad Alexandrinum Parriarchatum pertinet, sed ad Romanum.

^b Lib. 2. de Rom. Pontifice, cap. 25.
^c In Annalib. ad annum 419. & in notis ad martyrologium Romanum, 16. Octobris.

Pari vitio laborat exemplum. Eulalii & Justiniani professionem fidei continens, eique Epistolæ adjunctum quod notatur Coss. Justiniano III. & Oreste qui tamen Justiniani in Consularu collega nullibi legitur. Sed alia extat certior ejusdem Pontificis Epistola *ad Casarium Arelatensem Episcopum*, quæ confirmantur ea quæ in Concilio Arausicano 2. gesta fuerant.

7. *Joannes II.*

VII. JOANNES II. qui & Mercurius, Romanus, Projecti filius, inter Pontifices Romanos LVII. Sedit annos 2. menses 8. dies 3. à 23. Octobris anni 532. Justiniano Imperatore, Athalarico Italiæ, Childeberto & Clothario unà cum Theodeberto Francorum regibus.

8. *Ejus Epistola.*

VIII. Ejus extant extra Codicem Canonum Epistolæ sex, quarum Prima Coss. Justiniano & Athalarico suspecta est, tam ex hac consulari nota, quodd Athalaricus, rex quidem Italiæ, non tamen consul fuerit: quàm ex diverso ab aliis Joannis Epistolis stylo, & insertis Leonis Papæ atque Idacii sententiis. II. *ad Iustinianum*, quæ incipit *inter claras*, minùs probabiliter in dubium à nonnullis revocatur, cum in Codice

ejusdem Imperatoris habeatur sub titulo de summa Trinac-
te, unà cum ipsius Justiniani ad Joannem Epistola.

IX. AGAPETUS I. Romanus, Gordiani Presbyteri filius,
numero LVIII. Sedit mensibus decem, cum aliquod diebus,
ab initio Julii anni 535. Imperante Justiniano, obiit Constan-
tinopoli, quò legatus fuerat à Theodato Gothorum in Italia
rege, vel certè in reditu ab ea legatione.

X. Illius octo Epistolæ circumferuntur, quas inter non vacat
imposturæ suspicione Quinta ad Anthimum Patriarcham Con-
stantinopolitanum, & dubiæ fidei habetur, tam ex adjecto falso
consulatu Justiniani & Theodati, quàm ex stylo longè diver-
so ab aliis ejus Epistolis; & quòd Leonis, Augustini, Hor-
misdæ fragmentis magna ex parte constet, quemadmodum
agnoscit Baronius ^d.

XI. SILVERIUS, Campanus, Hormisdæ Papæ filius,
ante ejus Sacerdotium natus, Pontifex ordine LX. Theodati
operâ creatus, sed postea Theodora Imperatrice id agente à
Belisario in insulam relegatus, subrogato in ejus locum Vi-
gilio; sed præfuit per annum ferme integrum à die 20. Junii
anni 536. Obiit in exilio die 20. Junii 540.

XII. Epistolæ duæ ipsius nomen præferunt; Prima ad
Vigiliū, cujus temporis notam Consule Basilio, sive ut alia
lectio habet, Belisario Patricio, rejicit Baronius, quòd Ba-
sili consularis annis quatuor posterior sit toto Silverii Ponti-
ficatu; Belisarii verò consularis Silverii electionem præcesse-
rit. Sed si post consularium Belisarii, aut Belisario Patricio
(non Consule) legatur, non abhorrebit à Silverii tempore
ea nota: aliunde tamen ea Epistola non videtur ab omni suspi-
cione immunis, ob stylum minùs Latinum, alienos flosculos
inspersos; & quòd in ea Silverius qui (teste Liberato) statim
ab exautoratione in exilium missus est, dicatur coacto Epis-
coporum Concilio anathema in Vigiliū pronunciaffe.

II^a. Verò ad Amatorem Episcopum Augustodunensem responso-
ria, rejicitur à Baronio ^e, velut ab otioso aliquo ex Anastasii
scriptis confarcinata; apposita mendaci consulum nota, &
præterea in non paucis ab historica veritate abhorrens.

XIII. VIGILIUS Romanus, Joannis Consulis filius, die
27. Maii anni 537. creatus, quamvis spirante adhuc Silverio,
ac deinde post ejus obitum, à die scilicet 20. Junii anno 540.
legitimis comitiis recepto Pontificatu, sedit numero LX. per

9. Agapetus I.

10. Ejus Epi-
stola.^d Ad ann. 535.

11. Silverius.

12. Ejus Epi-
stola.^e Ad ann. 537.

13. Vigilius.

annos quindecim, menses sex, dies ferme 20. imperante Justiniano, regnantibus in Gallia Clothario & Childeberto iisdem, ad 10. Januarii anno 555. quo tempore obiit Syracusis in Sicilia, Constantinopoli rediens, quod à Justiniano evocatus, tria Capitula damnavit: sed Synodo 5. œcumenicæ interesse noluit: multa ob Anthimum anathemate perculsum passus à Theodora Augusta.

14. *Vigiliæ Epi-
stola.*

XIV. Extant Epistolæ sedecim nomen ejus præferentes: quarum Prima ejus nomine ab Eutychiano quodam scripta creditur. Sequentes *ad Eusebium*, qua ejus consultationibus per septem capita respondet, *ad Casarium* Arelatensem, *ad Iustinianum*, *ad Mennam* Constantinopolitanum, *ad Auxan-
nium*, *ad Aurelianum* Arelatenses, & *ad Episcopos Gallie*.

15. *Pelagius I.*

XV. Encyclica *ad universam Ecclesiam* de suo ad sanctam Euphemiam secessu, à Jacobo Sirmondo integra edita est post appendicem Codicis Theodosiani. Extat & *Constitutum* ejusdem de tribus illis capitulis, de quibus in 4. & 5. Synodis actum est.

15. *Pelagius I.*

XV. PELAGIUS I. Romanus, Joannis Vicariani filius, ex Diacono Pontifex ordine LXI. sedit annis tribus, mensibus decem, diebus circiter octodecim, à 16. Aprilis anni 555. ad 5. Martii an. 559. imperante Justiniano, Clothario Francorum Monarchâ.

16. *Ejus Epi-
stola.*

f Ad ann. 559.

XVI. Inveniuntur Epistolæ sedecim ejus titulo insignitæ. Earum prima *ad Vigilium* quemdam Episcopum, falsi suspicionem laborat, apud Baronium^f, quod data ponatur Cos. Joanne & Narsete, cum tamen per hos annos post Basilium, qui anno 540. consulatum gessit, nulli Consules legantur: sed sequentium annorum monumenta usque ad annum 2. Justini junioris, id est Christi 566. notâ post consulatum Basilii anno 1. 2. ac deinceps consignentur, ut colligitur ex Casiodoro & aliis historię Scriptoribus.

17. *Joannes
III.*

XVII. JOANNES III. Romanus, vulgò Catellinus cognominatus, Anastasio viro illustri patre, sedit ordine LXII. annis 12. mensibus 11. diebus 16. à 17. Julii anni 559. usque ad 13. Julii 572. imperante Justino juniore, regnantibus apud Francos Clothario, ac post eum Chereberto, Sigeberto, Chilperico, & Guntramno ejus filiis.

18. *Ejus Epi-
stola.*

XVIII. Joannis apud Isidorum Epistola *ad universos per Germaniam & Gallia provincias constitutos Episcopos*, adjectam

habens notam Justini VI. Consulis cum Narsete, idque 14. Calendas Augusti, pluribus ex capitibus supposititia censetur à Baronio, tum quòd Justinus junior primum consulatum non ante annum imperii secundum inierit, quem licet aliquot annis post gressisse legatur, non tamen continuâ serie: unde sextus ejus consulatus vix in annum 572. cadere posset, quo anno Joannes hic tertius die 13. Julij è vivis excessit; tum quòd Chorepiscoporum, adversus quos velut Episcopalia munia usurpantes, tota Epistola conscripta est, nulla tunc mentio in Ecclesiæ Gallicanæ historia occurrat. Accedit quòd præter fidem antiquitatis Linum & Cletum ex albo Pontificum Romanorum expungit autor ejus Epistolæ, asseritque solo Chorepiscoporum titulo potitos. Nec admodum certæ fidei creditur Epistola tertia ejusdem Joannis nomine scripta *ad Edaldum Viennensem Episcopum*, quam Joannes à Bosco ex Bibliotheca Floriacensi eruit.

XIX. BENEDICTUS I. Romanus, cognomento Bonus, numero LXIII. sedit annos quatuor, menses duos, dies quindecim, à 16. Maii anni 573. ad 31. Julij an. 578. Justino juniore imperante, regnantibus apud Francos Guntramno, Chilperico, & Childeberto fratris filio.

19. *Benedictus I.*

XX. Unica ejus nomine præfertur Epistola, quæ ex falso & prorsus inaudito Justini & Libii consulatu & sententiis ex Ithacio Claro adversus Marimagnum Arianum cap. 1. & aliunde depromptis, suspecta habetur.

20. *Ejus Epistola.*

XXI. PELAGIUS II. Romanus; Vinigildi filius, sedit LXIV. numero, annos 12. menses 2. dies 17. à die 10. Novembris anni 577. ad 8. Februarii an. 590: Tiberio II. & Mauritio imperantibus, regnantibus verò apud Francos unà cum Guntramno ipsius fratrum filiis Childeberto & Clothario.

21. *Pelagius II.*

XXII. Epistolæ Pelagii 2. circiter novem referuntur. Prima *ad Benignum Archiepiscopum* de translatione Episcoporum, sententiis Athanasii, Zosimi, Cælestini, Leonis, aliorumque referta, quam ex Isidori mercibus esse innuit Baronius 8.

22. *Ejus Epistola.*

g Ad ann. 581.

II. *ad universos Episcopos & cunctos per Campania & Italia provincias militantes*, de accusationibus Episcoporum, constat Prosperi, Hilarii, aliorumque Patrum & Conciliorum, Romani sub Symmacho, & Lateranensis sub Martino I. sententiis. VIII. *ad universos Episcopos, qui vocatione Joannis ad Synodum Constantinopolim conveniebant*, reprobat omnia Sy-

nodi Constantinopolitanæ acta, præter Gregorii Antiocheni absolutionem; & Decretum præsertim rejicit, quo Joannes Patriarcha Constantinopolitanus œcumenici titulum sibi vindicaverat. Hæc novatoribus displicet, qui velut spuriam damnant, tum quodd multa cum Innocentii, Cælestini, Leonis, & præsertim Gregorii Magni sententiis congruentia contineat: tum quodd parum probabile videatur Gregorium, qui Epistolarum à Pelagio decessore suo scriptarum exempla Patriarchis Alexandrino & Antiocheno, se destinasse testatur Epistola 36. lib. 4. eadem omnino verba, quibus usus fuisset Pelagius, Epistolæ suæ, quam unâ cum Pelagianis mittebat, inseruisse. II. *ad Gallia & Germaniarum Episcopos*, de novem Præfationibus inter Missarum solemnia recitandis, spuriam asserit Blondellus, sed levibus admodum argumentis.

CAPUT XXXII.

De S. Gregorio Magno, ejusque Epistolis.

1. *Gregorius I. ejusque gesta.*

I. GREGORIUS I. Romanus, Gordiano patre, numero LXV. sedit annos 13. menses 6. dies decem, à tertia die Septembris, indiët. 9. id est, anno 590. quo die consecratus est usque ad diem 12. Martii 604. imperantibus Mauritio ac deinde Phocâ, regnantibus in Gallia Clothario II. & Theodorico ac Theodeberto Childeberti filiis. Is cum Pontificiam dignitatem frustra vitasset, tantas in ea res gessit, ut Magni cognomen meruerit. Anglos imprimis Australem Britannia insulæ partem obtinentes, misso Augustino aliisque Monachis, Christianam ad fidem adduxit anno 596.

2. *Ejusdem Epistola ac Regestum.*

II. Ejus Epistolæ ob multitudinem Codici Canonum insertæ non sunt, licet maximæ in Ecclesia auctoritatis semper sint habitæ: itaque suo seorsim volumine continentur, quod *Registrum* sive *Regestum* vocant, quasi digestum dixeris, duodecim libris distinctum.

3. *De Privilegio Monasterii sancti Medardi, & aliis.*

III. Inter eas Epistolas legitur Decretum sive Constitutio de Privilegiis Monasterio sancti Medardi Sueffionensis, Ordinis S. Benedicti concessis, *ad omnes Episcopos*; quod in prioribus operum S. Gregorii editionibus, tanquam appendix ad calcem libri 12. rejectum, in editione Romana anni 1586. & seqq. aliis,

aliis, inter Epistolas 38. & 39. lib. 2. collocata. Id Privilegium non tantum ab heterodoxis, sed ab eruditioribus inter orthodoxos hodie velut supposititium, aut saltem magna ex parte corruptum rejicitur, nimirum à Jacobo Perronio Cardinali in oratione ad tertium ordinem regni Francici tempore comitiorum generalium habitâ, à Bernardo Vvidingtono ^a, à Petro de Marca ^b Archiepiscopo Tolosano, & imprimis à Joanne Launoy ^c: contra verò defenditur à Roberto Quattrimario & Joanne Mabillonio ^d sancti Germani Monachi, post Baronium ^e, Bellarminum ^f, & Theophilum Raynaudum ^g. Præcipue rationes Privilegium illud impugnantium petuntur, Primum ex eo quòd in manuscriptis Codicibus non inveniatur, nec à quoquam veterum agnoscat. Quòd enim Gregorius VII. & Thomas Valdensis ex Gregorii Magni scriptis argumenta desumunt ad confirmandam auctoritatem Pontificiam in spoliandis imperio principibus, cujus rei in fine hujus privilegii aliquod extat indicium, illi non hoc Privilegium laudant, sed Epistolam 11. libri 10. *ad Senatorem*.

Secundò ex stylo Gallicâs posteriorum temporum phrasas præferente: Tertiò ex subscriptionibus Episcoporum ac Regis Francorum Theodorici, quorum tempora cum anno huic Constitutioni appposito non congruere advertit ipse Baronius. Alias ejusdem Gregorii Epistolas aliquot convellunt heterodoxi, ac præ cæteris Jamesius in Vindiciis Gregorianis, atque imprimis vigesimam secundam lib. 12. *ad Felicem Episcopum Messanensem*, de propinquorum conjugiiis, anno 14. datam, quo tempore Felice jamdiu mortuo (nempe anno 595.) Donum Messanensi Ecclesiæ præfuisse ostendit Epistola 39. lib. 5. aliæque. Reperiuntur & in Bibliothecis selectæ hujus Pontificis Epistolæ manu exaratæ, quas ad Ecclesiarum usum accommodari jam olim placuit.

Epistolas porro Gregorii eruditis notis illustravit præter alios Antonius Dadinus *Aliaferra*, Tolosanus Antecessor, speciali volumine.

^a In prolegom. Critici Augustiniani castigati.

^b Lib. 3. de concordia Sacerdotii & imperii c. 16.

^c Peculiaribus libris sub titulo inquisitionis in illud privilegium, ac deinde attentionis ejusdem inquisitionis.

^d In responsionibus seu Apologeticis contra Launoium.

^e Ad ann. 593.

^f Lib. 5. de Rom. Pont. cap. 8. & de potestate Pontificis in temporalibus adversus Barclayum cap. 40.

^g In axotematibus de confusione librorum.

CAPUT XXXIII.

De seculi VII. Pontificibus, quorum ex Epistolis sententia à Gratiano in corpus Decretorum translata sunt.

1. *Quorum Pontificum hic facienda mentio.*

I. CUM de sequentium Pontificum Romanorum Epistolis haud magna sit controversia, præterquam de nonnullis Deusdedit, Leonis II. & Benedicti II. atque in Codicem Canonum relata fuerint dumtaxat Gregorii II. quædam decreta: ideo non omnium Pontificum, qui sequuti sunt, nomina & acta prosequemur, sed eos ferè indicabimus quorum Epistolæ seu Decreta aut ex his fragmenta in receptum Juris Canonici corpus relata sunt. In his septimo seculo prius occurrit.

2. *Bonifacius III.*

II. BONIFACIUS III. Romanus, Joannis filius, qui sedit numero LXVII. octo menses & dies 23. à die 15. Februarii anni 606. ad diem 12. Novembris, Phoca Imperatore, Franciæ autem regibus Clothario II. Theodorico & Theodeberto. Sub eo habitum est Concilium Romanum de non eligendo Pontifice nisi post tertium à sepulto decessore diem.

3. *Deusdedit.*

III. DEUSDEDIT Romanus, Stephani Subdiaconi filius, ordine LXIX. sedem tenuit annis 2. mensibus 11. & diebus 26. à die 13. Novembris anni 614. ad 8. Novembris anni 617. Heraclio Imperatore, & Clothario 2. Galliarum Monarcha.

4. *Ejus Epistola.*

IV. Ejus unica præfertur Epistola de viro, qui proprium filium in baptismo suscepit, ab uxore separando, & vice versa, ad Gordianum Hispalensem Episcopum inscripta, qui tamen nullus eo tempore fuit: Hispalensem Ecclesiam administrante B. Isidoro sub Recaredo & sequentibus Gothorum in Hispania regibus, ad Sisenandum usque; & à Gregorii I. Romani Pontificis ad Honorii tempora: unde, & ex aliis argumentis non parùm elevatur hujus Epistolæ fides.

5. *Honorius I.*

V. HONORIUS I. Campanus, Petronii Consulis filius, numero LXXI. sedit annis 12. mensibus 4. diebus 27. à 14. Maii anni 626. ad diem 12. Octobris 638. imperante Heraclio, regnante in Gallia Dagoberto, unà cum Sigeberto filio. Hic Pontifex inter eos qui Monothelitarum hæresim secuti sunt, à non paucis numeratur. Sed hanc ab eo calumniam

amolutus est Joannes IV. qui ab eo tertius Pontificatum tenuit: is quippe in Epistola ad Constantium, quæ in Anastasii collectaneis extat, docet Honorium Sergio Patriarchæ Constantinopolitano de una in Christo voluntate subdolè interroganti respondisse duas quidem in eo non fuisse voluntates sibi invicem adversantes, quemadmodum cæteri homines experiuntur: cæterum duas in Christo naturas duasque ex consequenti voluntates ab eo fuisse agnitas.

VI. Ejus extant Epistolæ sex, quarum tertia & quarta ad Sergium prædictum Constantinopolitanum habentur Synodi s. actione 2. & 13.

6. *Ejus Epistola.*

VII. S. MARTINUS I. Tudertinus, inter Romanos Pontifices LXV. sedit sex annis, cum mense uno, diebus 26. ab initio Julii an. 645. ad 16. Septembris 655. sub Constante Imperatore, Francorum regibus Clodovæo II. & Sigeberto: ab eodem Imperatore per Theodorum Exarcham Constantinopolim abreptus, & in exilium missus Cherfomem, quod Heraclii typo subscribere jussus, eum unà cum Monothelitarum errore damnasset.

7. *Martinus I.*

VIII. Reperiuntur 70. ferme ipsius Epistolæ, quarum Prima ad omnes fideles, acta Synodi Romanæ in Basilica Lateranensi sive Constantiniana adversus Monothelitas habitæ exponit.

8. *Ejus Epistola.*

IX. AGATHO, Siculus, ex Monacho Pontifex, numero LXXX. sedit annis 3. mensibus 6. cum 25. diebus, à 16. Junii anni 678. ad 11. Aprilis an. 678. imperante Constantino Pogonato, & regnante apud Francos Theodorico. Sub eo habitum est Concilium Constantinopolitanum 3. œcumenicum 6. extantque ejus Epistolæ duæ, quarum prima est ad Augustos Imperatores, Constantinum scilicet ejusque filios ad eam Synodum pertinens.

9. *Agatho.*

X. LEO II. Siculus, Pauli filius ordine LXXXI. sedit menses solum 10. & dies 14. à 15. mensis Augusti anni 683. qua consecratus est, imperante Constantino Pogonato, eodemque Theodorico rege Francorum, usque ad 28. Junii 684.

10. *Leo II.*

XI. Habentur quinque ipsius Epistolæ. Prima responsum continens ad Constantinum Imperatorem, quam spuriam censet Baronius, & cum eo Postevinus ac Binius: quod data dicatur 9. Maji, indictione 10. quæ incidebat in annum 682. quo tempore nondum confirmatus fuerat Leo, cum

11. *Ejus Epistola.*

a Ad ann. 683.

tamen textus Epistolæ indictionis 10. tanquam nuper elapsæ, mentionem faciat; & præterea literarum Imperatoris ad Agathonem de cogenda synodo, quæ tamen literæ non ad Agathonem, sed ad Donum, ejus decessorem scriptæ sunt, ut ex Anastasio Bibliothecario actisque Synodi 6. & ipsius Agathonis Epistolâ constat: & præterea quod Leo in hac Epistola Honorio Pontifici velut hæretico anathema dicat, cui tamen certum est Romanam Ecclesiam velut in communione Catholica defuncto parentasse, ejusque corpus inter sanctos Pontifices publico funere elatum collocasse. Verum abest à Codice Græco indictionis nota: Honorii autem tanquam pto Monothelita damnati meminerunt Beda^b, liber Pontificalis in Leone II. Tarasius^c Patriarcha Constantinopolitanus. II^m. quoque Leonis Epistolam *ad Episcopos Hispaniæ* falsi arguit ibidem Baronius, quoniam in ea dicuntur Archiepiscopi de diversis Conciliis ab eo destinati, cum tamen ad 6. œcumenicam Synodum nullus Archiepiscopus Româ missus inveniatur, nec ullus omnino præsul à Leone mitti potuerit ad eam Synodum, quæ ante Agathonis obitum absoluta fuerat. Idem præterea Baronius improbat 3^m. Epistolam *ad Quiricum* vel *Quitinum Episcopum*, & 4. *ad Simplicium comitem*, atque itidem 5. *ad Ervigium Hispaniæ regem*, quod asserat Quiricum Archiepiscopum Toletanum ante annos septem è vivis excessisse, cum Julianus ipsius successor Concilio Toletano 10. anno 681. subscripserit; & nullus Simplicius inter cæteros comites Hispaniæ subscripsisse Concilio Toletano 13. legatur.

12. *Benedictus*
II.

XII. BENEDICTUS II. Romanus, Joannis filius, ordine LXXXII. sedem tenuit menses 8. dies 17. à die 20. Augusti anni 684. ad 7. Maii anni sequentis, imperante Constantino Pogonato, regnante apud Francos Theodorico.

13. *Ejus Epi-*
stola.

XIII. Ejus, tanquam electi, nondum tamen inaugurati Pontificis nomine dux habentur Epistolæ. Prima *ad Petrum Notarium regionarium*, cui mandat ut impositum à Leone II. munus persequatur, deferendi in Hispaniam Concilii Constantinopolitani œcumenici 6. definitionem cum Epistola Constantini Imperatoris, & libello acclamatorio. II. *ad Ervigium Goshorum regem* de iisdem rebus: quæ Epistolæ rejiciuntur à Baronio^d: ideo præsertim quod in Concilio 14. Toletano anno 683. habito affuerint Hispaniarum Episcopi

^a Ad an. 684.

^b De ratione
temporum & in
Martyrologio.
^c Synodi 7. ora-
tione 3.

senon à Benoît, sed à Leone, nec tantum definitionem Concilii illius œcumenici, sed omnia acta Synodalia sive gesta Concilii accepisse.

XIV. SERGIUS I. Syrus origine, natalibus Siculus, Tiberio patre, sedit LXXXV. numero, per tredecim annos, menses 8. dies 14. à 26. Decembris anni 687. ad diem 9. Septembris anni 701. imperante I. Justiniano II. deinde Tiberio Abimario, regnantibus apud Francos post Theodoricum I. Clodovæo III. dein Childeberto II. regibus verò Longobardorum in Italia Pertarido & Cumberto. Aquileiensis Conciliabuli præfides, qui anno 680. Quintam Synodum reprobaverant ad Catholicæ Ecclesiæ consensum salutaribus monitis adduxit. Memoratur ejus Epistola ad Ceolfridum in Anglia de Beda Romam mittendo.

14. Sergius I.
ejusque Epistola.

CAPUT XXXIV.

De seculi octavi Pontificibus, quorum Epistola pauca Codici Canonum illata, aliæ à priscis Collectoribus, ipsoque Gratiano excerptæ sunt.

I. GREGORIUS II. Romanus, Marcelli filius, ordi-
ne XC. sedit annis 16. mensibus 6. cum 20. diebus, à
22. Martii anni 714. ad 11. Februarii anni 731. imperante Leone Isauro Iconomacho, & regnantibus apud Francos Dagoberto II. Chilperico II. Theodorico itidem II. à Cala nuncupato; rege autem Longobardorum Luitprando, quem ab urbis Romanæ obsidione deterruit Gregorius; qui & misso trans Rhenum Bonifacio Monacho Germanos ad fidem Christi traduxit.

1. Gregorius II.

II. Ejus Decreta 19. numero in Synodo Romana anno 721. constituta Codicem Canonum Romanæ Ecclesiæ veterem claudunt. Extant & ejusdem Epistolæ 15. quæ magna ex parte scriptæ sunt ad Francos vel Germanos, nisi quoddam quædam ad Græcos, ac præsertim ad Constantinum Imperatorem Leonis filium destinatæ sunt, quem cum ab impugnandis sacris Imaginibus avertere nequiret, anathemate percussit, Romamque & magnam Italiæ partem à Græcorum abstraxit imperio. Extat & ejusdem Capitulare Martiniano

2. Ejus Decreta & Epistola.

Episcopo in Germaniam misso traditum.

3. *Gregorius III.*

III. GREGORIUS III. Syrus, Joannis filius, numero xci. sedit annis 10. mensibus 9. & diebus 12. à 16. Februarii anni 731. usque ad diem 28. Novembris an. 741. sub Constantino Copronymo Imperatore, regente Franciam Carolo Martello, qui Gregorii III. precibus motus Luitprandrum Longobardum Romanæ infestum Ecclesiæ minis coërcuit.

4. *Ejus Epistola.*

I V. Septem ejus Epistolæ reperiuntur, pleræque de rebus Germanorum recens ad Christum converforum, ac præterea excerptum ex patrum dictis & Canonum sententiis de diversis criminibus, eorumque remediis.

5. *Zacharias.*

V. ZACHARIAS Græcus, Polychronii filius, ordine xcii. sedit annis 10. mensibus 3. diebus 10. aut circiter, à die 2. vel 6. Decembris anni 741. ad 15. Martii anno 752. sub Constantino Copronymo, Childerico rege Francorum, à quibus postea electum in regem Pipinum probavit Zacharias, regnantibus apud Longobardos post Luitprandum, Hildebrando, Rachi, & Astulpho. Epistolæ ipsius 15. extant ad Francos præsertim scriptæ.

6. *Stephanus II. aliàs III.*

VI. STEPHANUS II. (vel potius III. si quatrduanum Stephanum alium, qui immediatè præcessit, juxta Baronium numeremus) sedit xciv. ordine, annis quinque, diebus 9. à die 29. Aprilis anni 752. imperante Constantino Copronymo eodem, regnante apud Francos Pipino, ad quem Stephanus, Astulphi Longobardorum regis injurias fugiens, in Galliam venit, atque omni cultu exceptus eum ad inferendum Longobardis bellum impulit; ab eo deinde Ravenna & Pentapoli donatus.

7. *Ejus Epistola.*

VII. Sex ejus habemus Epistolas, ad Pipinum vel Francos, & responsa 19. in Gallia edita apud Carisiacum.

8. *Stephanus III. aliàs IV.*

VIII. STEPHANUS III. (aliis IV.) Siculus, exturbato Constantino Romanæ Sedis invasore, eam numero xcvi. obtinuit annos 3. menses 5. & dies 27. à 5. Augusti anno 768. ad Kalendas Februarii an. 722. imperante Constantino jam nominato, & dominante apud Francos Carolomanno cum Carolo Magno, Longobardorum verò rege Desiderio. Tres ejus Epistolæ ad Reges Reginamve Francorum extant, ex Codice Carolino per Jac. Gretserum edito.

9. *Hadrianus I.*

IX. HADRIANUS I. Romanus, numero xcvi. sedit annos 23. menses 3. dies 17. à 10. Februarii anno 772. ad 26.

Decembris anni 795. imperante Constantino Copronymo, ac deinde Leone IV. & post eos Constantino VII. cum Irene matre: Rege verò Francorum Carolo Magno, qui devicto Desiderio, Sabinum agrum & Spoletanum ac Beneventanum Ducatus Ecclesie Romanæ est largitus.

X. Referuntur à Baronio ex Bibliotheca Vaticana Index & argumenta Epistolarum Adriani septemdecim, quarum pleræque scriptæ sunt ad Carolum Magnum. Epistolæ ipsæ magnam partem integræ habentur in Codice Carolino Grefseri, & apud Sirmondum^a, atque in Labbeana omnium Conciliorum editione, servato temporum ordine exscriptæ.

10. *Ejus Epistolæ.*

^a Tomo 2. Concil. Galliar.

XI. LEO III. Romanus, Azuppii filius, Pontifex numero xcviii. Ecclesiam rexit annos 20. menses 5. dies 7. à 26. Decembris anni 795. ad 12. Julii an. 816. imperantibus in Occidente Carolo Magno & Ludovico Pio, in Oriente Constantino cum Irene matre, Irene sola, ac deinde Nicephoro, Michaële Curopalate, & Leone V. Armeno. Hic Leo III. anno 799. oculis & linguâ mutilatus per seditionem, horum membrorum usum inusitato Dei beneficio recepit, & coram Carolo Magno objecta crimina jurejurando discussit, cumque die Dominici natalis anno 800. Imperatorem Romanorum salutavit. Præter tres ejus Epistolas prius editas, alias aliquot dedit nobis editio Conciliorum, quæ à Ph. Labbeo adornata est.

11. *Leo III.*

CAPUT XXXV.

De Pontificibus seculi noni, quorum Decretis usus est Gratianus.

I. PASCALIS I. Romanus, Bonoso patre natus, sedit numero centesimus, annis 7. mensibus 3. diebus 7 à 27. Januarii anni 817. usque ad diem 13. Maii an. 824. imperantibus Ludovico Pio in Occidente, Leone Armeno, & post eum Michaële Balbo in Oriente. Paschalis scriptâ ad Ludovicum Pium Epistolâ, Pontificiam dignitatem eo inconsulto acceptam excusavit. Ludovicus autem rescripto suo seu constitutione in gratiam Paschalis emissâ, seu constitutione, liberam posterum Romani Episcopi electionem, per-

1. *Paschalis I. & Epistola ipsius.*

misit : ut refertur *Can.* 30. *dist.* 63. Reperiuntur Paschalis Epistolæ duæ.

2. *Eugenius*
11. *ejusque De-*
creta.

II. EUGENIUS II. itidem Romanus, Boëmundi filius, Pontifex ordine ci. sedit annis 3. mensibus 2. & 23. diebus, à 15. Maii anni 824. ad 7. Augusti an. 827. iisdem imperantibus. Exstant aliquot Canones Concilii Romani sub eo celebrati.

3. *Gregorius*
IV. *& eius Epi-*
stola.

III. GREGORIUS IV. Romanus, Joanne genitus, sedit ciii^{us}. numero, annis 6. à die 7. Calend. Februarias anni 828. quo populi electione per Ludovici Francorum Regis & Imperatoris legatum examinata, ordinatus est, ad diem 25. Januarii aut circiter anno 844. imperantibus in Occidente post Ludovicum Pium Lothario I. in Oriente verò Theophilo ac deinde Michaële cum matre Theodora, Carolo autem Calvo per Gallias regnum obtinente. Reperiuntur Epistolæ 3. hujus Pontificis ad Galliam vel Germaniam præfules.

4. *Leo IV.*

IV. LEO IV. & ipse Romanus Rodoaldi filius, sedit cv. numero, annos 8. menses 3. dies 5. à 12. vel certè 13. Aprilis anni 847. ad 17. Julii an. 855. Imperatoribus Francorum Lothario, ejusque deinde filio Ludovico ; Græcorum verò Michaële Potore ; rege Galliarum Carolo Calvo. Hic, Saracenis Italiam vastantibus, veteri Romanæ urbi novam adjecit, que Leonina est dicta. Duæ tresve inveniuntur ipsius Epistolæ cum aliarum fragmentis.

5. *De fabula-*
sa Ioanna Pa-
pissæ.
a *Ad ann. 854.*

V. Inter hunc & Benedictum III. inseritur in Mariani Scoti & Sigeberti Chronicis^a Joannes VIII. quem sceminam fuisse dissimulato sexu ad Pontificatus culmen evectam creduli quidam Scriptores vulgarunt. Sed in castigatis utriusque exemplaribus Joannes iste, seu Joanna Papissa nusquam legitur ; & Anastasius Bibliothecarius, ipseque Photius, qui ætate illâ vixerunt, Leoni IV. Benedictum, nullo interjecto, substituunt, huic Nicolaum : unde apparet hanc fabulam ab otiosis nugatoribus esse confictam : eamque refellunt imprimis Onufrius Panvinius^b, Leo Allatius, & Philippus Labbe singularibus tractatibus, atque adhuc inter Calvinianos ipsos David Blondellus.

^b In notis ad
Platinam.

5. *Nicolaus I.*

V. NICOLAUS I. Romanus, Theodori regionarii filius, sedit cvii. ordine, annis 9. mensibus 6. diebus 21. à 24. Aprilis anni 858. qua coronatus est, usque ad 13. Novembris anni 867. imperantibus Ludovico II. & Michaële Potore sive

Scurra,

Scurra, regnantibus apud Francos Carolo, Ludovico, & Lothario juniore: cujus divortium cum Theutberga, & consortium cum Valdrada damnavit, exautoratis Episcopis, qui has nuptias probaverant. In Photium quoque, qui pulso Ignatio, sedem Constantinopolitanam inuaserat, anathema pronunciavit.

VI. Editæ sunt in postrema Conciliorum Collectione Parisiensi Epistolæ Nicolai duplici serie: Primò quidem exscriptæ sunt 670. tum 24. in appendice, præter quædam aliarum fragmenta. Primoloco collocantur quæ ad Græcos scriptæ sunt; quarum præcipuæ 8. & 9. ad Michaëlem Imperatorem; post sequuntur quæ missæ sunt ad Francos, & *Responsa* ipsius 106. ad consulta Bulgarorum: tum aliæ sparsim ad Gallos Epistolæ. *Decreta* ipsius ex Gratiano collecta in titulos 20. divisa sunt à Joanne Cochleæ.

6. *Ejus Epistola.*

VII. HADRIANUS II. Romanus, Talarî filius, numero cxiij. sedit annis 5. diebus 12. à die 14. Decembris anni 867. usque ad Kalendas Novembris anni 872. imperantibus Ludovico II. in Occidente, & Basilio Macedone in Oriente; regnantibus in Gallia occidua Carolo Calvo, in Austrasiæ parte ac Germania Ludovico ejus fratre qui Germanicus dictus. Sub hoc celebrata 8. Synodus œcumenica, in qua damnatus est Photius. Epistolæ ipsius habentur 34. magnam partem ad Gallos scriptæ.

7. *Hadrianus II. & ejus Epistola.*

VIII. JOANNES VIII. Romanus, Vidone patre, ordine cix^{us}. annis decem cum uno aut altero diebus sedem tenuit, à 14. Decembris anni 872. ad 14. vel 15. Decembris an. 882. imperantibus in Occidente post Ludovicum II. Carolo Calvo, & Carolo Crasso, in Oriente Basilio, regnantibus in Francia post Carolum Calvum Ludovico Balbo & Carolomanno. Exstant ejus Epistolæ ter centum viginti in editione regia Conciliorum, cum aliarum aliquot fragmentis.

8. *Joannes VIII. ejusque Epistolarum numerus.*

CAPUT XXXVI.

*De seculi decimi Pontificibus, quorum mentio apud veteres
Canonum Collectores.*

1. *Joannes
XII.*

I. JOANNES XII. Alberici filius ex Tusculanis comitibus, Octavianus prius appellatus, anno 955. Pontifex cxxx. numero creatus cum annum ageret 18. Primus Pontificum nomen mutasse fertur: & tum ob ætatem faciemque minùs virilem, tum ob probrosè cum scortis atque impudicis cum Joanna quadam actam in Pontificatu vitam, fabulæ de Joanna Papissa ansam præbuisse creditur ab Onuphrio. Sedit annos ferè 10. ad 14. Maii anno 964. temporibus Ottonis I. Germanorum Imperatoris (quem diademate imperatorio insignivit) itemque Francorum regis Lotharii, Imperatorum autem Græcorum Romani, & Nicephori Phocæ. Extat ejus Epistola ad Dunstanum Archiepiscopum Cantuariensem, de concessione pallii: & alia ad Ottonem in actis Concilii Romani anno 963. habiti, in quo Germanorum factione deposito Joanni substitutus est Leo, qui 8. à quibusdam numeratur.

2. *Silvester II.*

II. SILVESTER II. Aquitanus, cui prius nomen Gerberto, ex Monacho Aureliacensi in Arverniam, Archiepiscopus primùm Remensis, deinde Ravennas, tandem Romanus Pontifex ordine cxi. à die 2. Aprilis anno 999. sedit annos 4. & menses circiter duos ad diem 14. Maii an. 1003. imperante Germanis Ottone III. & post eum Henrico II. qui & Claudus & Sanctus: cum Græcis imperarent Basilius & Constantinus Porphyrogenitus fratres, regnaret apud Francos Robertus Hugonis Capeti filius. Plurimæ ipsius Epistolæ ante Pontificatum scriptæ habentur apud Duchenum. Dux inveniuntur scriptæ post Pontificatum, altera ad Laudunensem Episcopum, ad Remensem Archiepiscopum altera.

CAPUT XXXVII.

De Pontificibus undecimi seculi, quorum Decretis usus est Gratianus.

LEO IX. Germanus, ex Comitibus Dagsburgensibus, Bruno antea dictus, Episcopus primum Tullensis, dein Pontifex c. numero, sedit annis 5. mensibus 2. diebus 7. à 12. die Februarii anni 1049. quâ omnium consensu ob eximiam doctrinam & morum integritatem consecratus est, ad diem 19. Aprilis anni 1054. dominatum obtinentibus, apud Germanos Henrico III. nigro, apud Gallos Henrico I. apud Græcos Constantino Monomacho. Ab Imperatore Beneventum accepisse scribitur eâ lege, ut Bambergensis in Germania Ecclesiæ tributum remitteret. Normannorum in Apulia ducem Rogerium ope Germanorum aggressus, ab eo victus, atque in castello quodam obsessus; inde tamen Beneventum honorificè perductus, tandemque dimissus est. Extant in nupera Conciliorum Collectione Epistolæ quatuordecim Leonis IX.

1. *Leo IX.*

II. STEPHANUS IX. aliis X. Godefridi Lotharingæ (inferioris scilicet) ducis frater, Federicus antea dictus, ex Abbate Cassinensi electus à Clero Romano Pontifex numero CLII. die 2. Augusti anni 1057. sedit menses fermè octo, ad 4. Kalendas Aprilis anni 1058. Regnante in Gallia Henrico I. in Germania Henrico IV. in Græcia Michaële Stratiotico. Ejus habetur Epistola ad Remensem Archiepiscopum, non Guilielmum, ut est apud Binium, sed Gervasium, ut notat Labbeus: in ea mentio inter cætera fit Concilii Regis consensu celebrandi.

2. *Stephanus IX.*

III. NICOLAUS II. natione Allobrox, Gerardus antea dictus, ex Florentino Episcopo, creatus est Pontifex mense Januario anno 1059. & CLIII. numero, sedit annis 2. mensibus circiter 6. ad 3. Julii anni 1061. aut paulò ultrà, imperante in Græcia Constantino Duca, regnantibus in Gallia Philippo I. in Germania Henrico, qui inter Reges IV. inter Imperatores III. numeratur, qui cum Episcopatum & Abbatiarum Investituram sibi vindicaret, graves ac diutur-

3. *Nicolaus II.*

Pp ij



nas eo nomine simultates cum sui temporis Pontificibus exercuit. Quinque Nicolai II. extant Epistolæ ad Gallias in editione regia Conciliorum quibus tres additæ à Labbeo. Extat & apud Gratianum constitutio qua iubentur eligi à Cardinalibus Romani Pontifices. Sub eo habitum Romæ Concilium anno 1059. in quo Berengarius Andegavenfis hæresis de Sacramento Eucharistie tertium renunciavit.

4. *Alexander*
II.

IV. ALEXANDER II. Mediolanensis, antea dictus Anselmus, ex Episcopo Lucensi Pontifex CLIV. electus est Kal. Octobr. an. 1061. seditque annis 11. mensibus 6. diebus 22. ad 22. Aprilis anni 1073. iisdem qui suprâ regnantibus: Epistolæ ipsius 28. extant, præter quarumdam fragmenta, majori ex parte ad Gallie Episcopos.

5. *Gregorius*
VII.

V. GREGORIUS VII. Suanensis è Tuscia, patre Bonitio Fabro, Hildebrandus prius appellatus, ex Cluniacensi Monacho Pontifex ordine CLV. eodem die, quo Alexander obierat, nempe 22. Aprilis anni 1073. summo consensu creatus, Ecclesie Romanæ præfuit annis 12. cum uno mense, ad diem 25. Maii 1085. imperantibus Henrico IV. cui oppositus Rudolphus Suevus; in Germania Nicephoro Botoniata, & Alexio Comneno in Græcia, Rege autem Francorum Philippo I. Hic Gregorius Henricum prædictum Imperatorem diris devovit, & primus regni etiam transferendi jus usurpavit, anno 1076. ab eodem postea Romæ in arce S. Angeli inclusus, & in conciliabulo depositus, subrogato ejus in locum Guiberto Ravennate. Verum à Roberto Guiscardo Normanno anno 1084. liberatus. Habetur ejus Epistolarum 361. *Registrum* in 11. distinctum libros, quorum tamen decimus Epistolis vacabat in manuscripto exemplari, sed appendix registri aliquot adhuc complectitur Epistolas.

6. *Urbanus* II.

VI. URBANUS II. Gallus, Odo de Lageriaco prius nominatus, postquam Romana sedes morte Victoris III. viduata, per 5. menses cum 16. diebus vacua fuisset, electus, à 12. Martii anni 1088. ad diem 22. Julii anno 1099. sedit CLVII. numero, annis 11. mensibus 4. diebus 18. imperantibus hinc Rudolfo Suevo, inde Henrico IV. apud Germanos, apud Græcos Alexio Comneno, rege autem Francorum Philippo I. qui ab eo propter Berthæ uxoris repudium, atque ascitam in conjugium Bertradam factorum usu est interdictus. Ab eodem celebrata est, præter alias, Synodus apud Clarummontem

Arvernix civitatem anno 1095. in qua ipse Urbanus, Petri Eremitæ suâ Christianos ad sacram expeditionem ad eò efficaciter adhortatus est, ut eo velut classico excitati Franci cæteræque Occidentis nationes in Syriam sese effuderint, à quibus recepta de Saracenis Hierosolyma anno 1099. electo in regem Gothofredo Boloniensi, qui vulgo Bullionius. Ejus Epistolæ fermè 40. in nupera Conciliorum Collectione editæ sunt: sed aliæ in manuscriptis Codicibus reperi dicuntur.

CAPUT XXXVIII.

De seculi duodecimi Pontificibus, quorum Decreta apud Gratianum aut etiam apud Gregorium IX. collecta habentur.

I. **P**ASCHALIS II. Hetruscus, dictus antea Rainerius, ordine CLVIII. Romanam sedem tenuit annis 18. mensibus 5. cum diebus 4. ab idibus Augusti anni 1099. usque ad 15. Kal. Februarii an. 1118. Imperatoribus Henrico V. apud Germanos, Alexio Comneno apud Græcos, rege autem Francorum Ludovico VI. cognomento Crasso. Paschalis ab Henrico captus, omnia jura, de quibus inter Imperatorem & Pontifices dudum certabatur, ei concessit, quod tamen postea irritum à Romana Synodo est pronunciatum. Ejus extabant Epistolæ 32. jam editæ: aliæ Philippi Labbei operâ Collectioni Conciliorum adjunctæ sunt appendicis loco.

II. **G**ELASIUS II. antea Joannes vocatus, patriâ Caientanus, ex Cassinensi Monacho Pontifex ordine CLIX. sedit annum unum, ac dies quatuor, à die 25. Januarii anni 1118. ad diem 29. Januarii anni sequentis, regnantibus iisdem. Referuntur quatuor ejus Epistolæ.

III. **C**ALLISTUS II. priori nomine Guido, Stephani Burgundix Comitis frater, filius Guilielmi cui à capite audaci cognomen inditum, in Cluniacensi cœnobio Romanus Pontifex electus Calendis Februariis anni 1019. sedit CLX. numero, ad 13. Decembris anni 1124. annis 5. mensibus 10. diebus 13. sub Henrico V. & Joanne Comneno Imperatoribus, rege Gallorum Ludovico VI. Celebratum sub ipso

1. *Paschalis II.*

2. *Gelasius II.*

3. *Callistus II.*

est Concilium Lateranense primum generale, in quo sancita est Callistum inter & Henricum concordia quantum ad investituras Episcopatum. Extant novem aut paulo plures ejus Epistolæ.

4. *Honorius II.* I V. HONORIUS II. Bononiensis, antea Lambertus de Fagnano dictus, sedit ordine CLXIV. annis 5. mense 1. & diebus 17. à 21. Decembris anni 1124. usque ad diem 14. Februarii an. 1130. Regnantibus Lothario II. Saxone, Cæsare Germanico, Alexio Comneno Græco, Ludovico VI. Crasso Franco. Ad quatuor ejus Epistolæ quæ extabant, alias Labbeus adjecit.

5. *Innocentius II.* V. INNOCENTIUS II. Romanus, cui prius Gregorio Paparesco nomen, CLXII^{us}, sedit annis 13. mensibus 17. diebus 20. à 24. Martii anni 1130. electus in schismate cum Petro Leonis qui dictus est Anacletus II. ad usque diem 24. Septembris anni 1143. imperante apud Græcos, post patrem Alexium Manuele Comneno, apud Germanos post Lotharium Saxonem Conrado II. in Gallia Ludovico VII. seu Juniore. Hic Pontifex à Rogerio Siciliæ Comite, Apuliæ & Calabriæ Duce bello captus, Regium ei titulum attribuit.

Ipsius Epistolæ circiter viginti leguntur. Ab eodem celebratum fuit Lateranense 11. generale Concilium.

CAPUT XXXIX.

De Pontificibus ejusdem seculi, ex quorum præcipuè scriptis conflata est Collectio Decretalium Gregoriana.

1. *De posteriorū Pontificum Decretalium in genere.* I. **D**ECRETA Pontificum, quorum hæcenus meminimus, magnam partem in corpus Canonum Gratiani, quorundam etiam in Gregorii IX. Decretalium Collectionem illata sunt, tum ex priscis dubiæ fidei epistolis, tum ex posterioribus. Sequuntur nunc ii, quorum Decretalibus maximè constat Gregoriana Compilatio, quorum & nonnulla decreta sequentibus collectionibus inserta sunt.

2. *Celestinus II.* II. IN his primus occurrit *Celestinus II.* Tifernas, prius Guido de Castello dictus, qui numero CLXIII. sedere, cepit die 24. Septembris anni 1143. seditque mensibus ferme 6. ad 8. Martii anni 1144. Manuele & Conrado Imperatoribus,

Rege Ludovico Juniore.

III. LUCIUS II. Bononiensis, antea Gerardus Caccianimicus, CLXIV. ordine sedit mensibus 2. & diebus 24. à 9. Martii anni 1144. ad diem 25. Februarii anni sequentis, iisdem Principibus. Præter aliquot ejus Decreta apud Gregorium, extant ejus epistolæ tres. 3. Lucius II.

IV. EUGENIUS III. Pisanus, Bernardus Paganellus prius appellatus, Beati Bernardi discipulus, ex Abbate sancti Anastasii trinum fontium ordinis Cisterciensis. Pontifex ordine CLXV. à die 25. Februarii anni 1145. sedem Romanam tenuit annis octo, mensibus 4. & diebus 13. usque ad diem 8. Julii anni 1153. imperante apud Græcos eodem Manuele Comneno, regnantibus in Germania Friderico I. Ahenobarbo, in Gallia Ludovico eodem Juniore. Ei oblatum fertur à Gratiano monacho Decretorum opus. Habentur autem 10. ejus Epistolæ. 4. Eugenius III.

V. ALEXANDER III. Senensis, dictus antea Rolandus Bandinellus, CLXVIII. Ecclesiam rexit à die 6. Septembris anni 1159. ad 27. Augusti anni 1181. per annos 21. menses 2. & dies 21. Imperatoribus Alexio Comneno juniore & Friderico eodem Barbarossa, Rege verò Francorum Philippo Augusto. Ei à Friderico Imperatore in Papiensi conciliabulo oppositus est Victor, atque obtriti Ligures & præsertim Mediolanenses, qui Alexandri partes sequebantur. Verùm iteratâ Ligurum defectione Fridericus, accepta ex improviso clade, Pontifici Conciliatus est, Venetis pacis inter eos autoribus. Hic Alexander Jurisconsultus fuit magni nominis, habenturque ipsius Decreta ingenti numero apud Gregorium. Vulgatæ autem sunt in regia Conciliorum editione hujus Alexandri III. epistolæ 63. tum à Sirmondo ad calcem Petri Cellensis operum, 56. ac præterea à Duchenio diversæ à superioribus circiter 144. Adjicienda est appendix 35. epistolarum quarum pars major scripta est ad Gallos. Congregavit Alexander III. Concilium œcumenicum Lateranense 3. anno 1179. Ejusque Pontificatus initium dedit colligendis Decretalibus Pontificum extra Gratianum sparsis. 5. Alexander III.

VI. LUCIUS III. Lucensis, antea Humbaldus Allucingulus, Pontifex ordine CLXIX. sedit annis 4. mensibus 2. diebus 18. à 29. Augusti anni 1181. usque ad 25. Novembris anni 1185. imperantibus Andronico, Alexii II. filio, & Isaacio 4. Lucius III.

Angelo apud Græcos, Friderico antè memorato apud Germanos, apud Francos Philippo Augusto. Hujus, præter epistolas duas, quæ in tomis Conciliorum habentur, Decreta complura referuntur in appendice ad Concilium Lateranense 3. nisi ea sunt Lucii II.

2. *Urbanus III.*

VII. URBANUS III. Mediolanensis, Lambertus Cribellus antè dictus, sedit CLXX. numero à die 26. Novembris anni 1185. ad 20. Octobris anni 1187. id est anno uno, mensibus 10. diebus 25. iisdem Imperatoribus ac Rege audito captæ à Saracenis Hierosolymæ nuncio ex mæiore obiit.

Vulgatæ sunt 4. ejus Epistolæ extra Decretales Gregorii curâ collectas.

8. *Gregorius VIII.*

VIII. GREGORIUS VIII. Beneventanus, prius Albertus Mora, CLXXI. numero sedit 57. dies à 20 Octobris, ad 16 Decembris anni 1187. iisdem principibus. Tres extant hujus Epistolæ.

9. *Clementis III.*

IX. CLEMENS III. Romanus, dictus antea Paulinus seu Paulus Scholaris, CLXXII. in ordine Pontificum, sedit tribus annis, mensibus 2. & diebus 19. à die 6. Januarii an. 1188. ad 25. Martii, anni 1191. Græcis imperante Isaacio Angelo, Regibus Franciæ Philippo Augusto, Germaniæ & Siciliæ Henrico VI. cui Aspero cognomen. Habentur ipsius Epistolæ septem, extra Decretales collectioni Gregorianæ insertas.

10. *Calixtinus III.*

X. CÆLESTINUS III. Romanus, antea Hyacinthus Bobo ex Urfinorum ut creditur familia, numero CLXXIII. sedit annis 6. mensibus 8. diebus 28. à die 12. Aprilis anni 1191. ad diem usque 8. Januarii, sub Alexio Angelo Græciæ tyranno, & Franciæ Rege Philippo Augusto, Romanorum Imperatore Henrico VI. Ahenobarbi filio. Ejus Epistolæ sexdecim inveniuntur.

CAPUT XL.

De seculi decimi tertii Pontificibus.

1. *Innocentius III.*

I. INNOCENTIUS III. Anagninus Trasmundi filius ex familia Comitum Signiensium, Lotharius antea nominatus, sedit CLXXIV. numero, per annos 8. menses 6. dies 9. ab 8. Januarii anni 1198. ad 16. Julii anni 1216. Obiit Perusii, dum pacem conciliare conatur inter Pisanos & Genuenses, vacante

Orientali Imperio post Henrici obitum, & de Occidentali certantibus Ottone 4. ac Friderico 2. regnante in Gallia Philippo Augusto. Is Lutetiæ operam dederat Theologiæ & Juris studiis: jus etiam publicè professus fuerat ante Pontificatum, dictus audax Jurisconsultus. Sub eo habitum est 4. Concilium generale apud Lateranum anno 1215. in quo imprimis confirmatum est Transsubstantiationis vocabulum, & dogma. Eiusdem tempore duæ Decretalium Compilationes compositz sunt. A Binio unica ejus Epistola edita est: Sed aliæ non pau- cæ reperiuntur. tomo 5. Duchenianæ collectionis Historico- rum Franciæ, & apud Raynaudum, aliosque rerum Ecclesia- sticarum ejus temporis scriptores: Præterea libri duo Episto- larum hujus Pontificis ad ann. 1198. duosque insequentes spe- ctantium in lucem exierant anno 1543. operâ Guilielmi Sirle- ti, postea Cardinalis: Deinde Tolosæ anno 1635. editi sunt libri quinque, hoc est, Regestorum decimus tertius, sequentes quatuor, ex manuscripto codice Bibliothecæ Collegii Fuxen- sis, curante Francisco Bosqueto, qui post Lutevensis, ac tan- dem Montispeffulani Episcopus fuit: à quo adjectæ eruditæ notæ. Cum his Regestis edita sunt anno 1682. per V. Cl. Stephanum Baluzium, Epistolarum ejusdem Innocentii liber 5. ex parte, ad annum ferè 1202. pertinens: ac Regi- strum super negotio Romani Imperii: itemque Regesta sive Epistolarum Libri x. xi. & xii. de quibus omnibus viden- da ejusdem Baluzii præfatio. Idem aliorum annorum regesta magnâ curâ, sed frustra conquisit.

2. *Honorius III.*

II. HONORIUS III. Romanus, antea Cencius Sabel- lus, ordine CLXXV. sedit annis 10. & mensibus 8. diebus duo- bus, à die 17. Julii anni 1216. ad diem Martii 19. anno 1227. Imperatoribus Roberto Constantinopolitano, & Friderico 2. Germaniæ, Rege autem Francorum S. Ludovico. Honorius Friderico Imperatori sacris interdixit: Sed depre- cante Joanne Brenno in gratiam cum eo rediit. Ejus Epistolæ tres in collectione Conciliorum habentur: Sed aliæ occurrunt apud Raynaudum, Duchenum, & reliquos Ec- clesiasticos illius seculi scriptores, præter compilationem in- tegram Decretalium ab Innocentio Cironio Cancellario Ecclesiæ Tolosanæ editam anno 1645.

3. *Gregorius IX*

III. GREGORIUS IX. Anagninus, è Signiæ Comiti- bus, Hugolinus antea dictus, Innocentii III. fratris filius,

CLXXVI. inter Romanos Pontifices, Sedit à die 20. Martii anni 1227. usque ad diem 22. Augusti anni 1241. nimirum annis 14. mensibus 5. cum tribus diebus, Imperatoribus in Oriente Balduino II. in Occidente Friderico II. rege Francorum S. Ludovico. Ipse quoque Fridericum in Palæstinam proficisci cunctantem Christianorum societare semovit. Sedecim hætenus Gregorii hujus Epistolæ inter Pontificias relatæ fuere: aliæ non pauca variis locis vulgatæ reperiuntur. Ejus jussu Raymundus Decretalium Libros quinque ex prioribus compilationibus collegit, anno 1230. vulgaros.

CAPUT XLI.

*De Pontificibus ejusdem sæculi XIII. ex quorum maxime
Decretalibus compositus est liber 6. Bonifacii 8.
mandato.*

1. *Ex superiorum
Pontificum De-
cretalibus que-
dam Sexto in-
sertæ.*

I. **E**X iis Pontificibus, quorum Decretales Gregorianam collationem majori ex parte componunt, nonnulli sunt, quorum alias adhuc Epistolas seu Decreta Bonifacius 8. suæ inseruit, quam Sexti Decretalium titulo insignivit. Ii sunt *Alexander III. Clemens & Innocentius III. & Gregorius IX.* verum usus est imprimis posteriorum Decretalibus, quorum nomina sequuntur.

2. *Innocentius
VI.*

II. **I**NNOCENTIUS IV. Genuensis, Sinibaldus Filius prius appellatus, ex Lavanix Comitibus, ordine CLXXVIII. Sedit annis 11. mensibus 5. diebus 14. à 24. Junii anni 1243. quâ post longam Pontificiæ sedis vacationem communi Cardinalium consensu electus est. Iisdem Imperatoribus & rege. Sed in locum Friderici II. subrogati sunt Henricus Turingiæ Landgravius, & Guilielmus Comes Hollandiæ. Innocentius hic IV. inter Jurisconsultos celebris prius fuerat, & in Pontificatu Lecturam seu commentarios scripsit in libris Decretalium Gregorii IX. Sub eo celebratum est Concilium Lugdunense 1. generale 13. adversus Imperatorem Fridericum & de suscipienda in Saracenos expeditione. In eo primum Concilio institutum proditur ut Romanæ Ecclesiæ Cardinales rubro pileo pro insigni uterentur; ejusque Concilii De-

creta in Sextum Decretalium collata sunt. Innocentii IV. Epistolæ in Collectione Conciliorum vulgatæ sunt tantum duodecim: Aliæ apud Duchenum ² reperiuntur.

² Tom. 5. collectionis historiarum Franciæ.

3. Alexander IV.

III. ALEXANDER IV. Anagninus, antea Raynaldus, vel Rolandus nuncupatus, ex Signiæ Comitibus, ordine CLXXIX. pontifex sedit annis 6. mensibus 5. cum diebus 4 à 21. Decembris anni 1254. ad 25. Maii anni 1261. Balduino II. Græcis adhuc imperante, regibus Galliæ Ludovico IX. Germaniæ Ricardo Anglo Comite Cornubiæ. In editione Conciliorum tres, ac tomo 4. collectionis Ducheniæ quinque illius extant Epistolæ, præter eas quarum mentio fit à Ph. Labbeo in specimine novæ Bibliothecæ librorum manuscriptorum.

IV. URBANUS IV. antea Jacobus Pantaleon, Trecentis ordine CLXXX. sedit annis 3. mense 1. cum 4. diebus, à die 29. Augusti anni 1261. ad 2. Octobris anni 1264. Principibus iisdem qui suprâ. Ejus edicto institutum est anniversarium Dominici Corporis festum. Duæ dumtaxat ejus Epistolæ in editione Conciliorum habentur: alias undecim collegit Duchenius tomo 4. præter privilegia sive indulgentias S. Ludovico ejusque familiæ concessas.

4. Urbanus IV.

V. CLEMENS IV. prius Guido Fulcodius seu Grossus, ex Narbonensis provinciæ oppido cui à S. Ægidio nomen, CLXXXI. numero, à die 5. Februarii anni 1265. sedit annos 3. menses 9. ac 2. dies, ad 29. Novembris anni 1268. Ejus Epistolarum Registrum manu exaratum apud Cl. atque omni literarum genere excultum Ægidium Menagium, aliòsque extant. Collectores Conciliorum tres dumtaxat ediderunt. Aliæ in S. Victoris Parisiensis cœnobio reperiuntur. Post ipsius mortem vacavit Romana sedes annis duobus, mensibus 9. & diebus aliquot.

5. Clemens IV.

VI. GREGORIUS X. Theobaldus antea dictus, è Placentiæ Vicecomitibus, Leodiensis Archidiaconus, cum in Palæstina versaretur electus est absens Kalendis Septembribus, anni 1272. seditque CLXXXII. numero, ad diem 10. Januarii anni 1276. annos 4. menses totidem ac dies 10. Imperatoribus Rodolpho I. apud Germanos & Michaële Palæologo apud Græcos: Galliæ verò rege Philippo III. cognomento audace. Pauca occurrunt ejus Epistolæ extra gesta Concilii Lugdunensis 2. generalis 14. quod ab eo congregatum

6. Gregorius X.

anno 1274. ad instaurandam Græcorum cum Latinis concordiam & recuperandam è Saracenorum manibus Syriam.

7. *Martinus II.* VII. MARTINUS II. vulgò IV. Gallus è tractu Brienfi, Simon antea dictus, numero CLXXXVII. electus die 22. Februarii anni 1281. Sedit annis 4. mense uno, diebus 7. ad diem 28. Martii anni 1285. Imperantibus Rodolpho I. apud Germanos, Andronico apud Græcos, Rege Galliarum Philippo III. Hujus aliquot extant Epistolæ inter Extravagantes communes, & in collectione Conciliorum, itemque apud Duchenum ^b.

^b Tom. 5. hist. Franc.

8. *Bonifacius VIII.*

VIII. BONIFACIUS VIII. Anagninæ natus, prius Benedictus Caietanus appellatus, sedit cxi. ordine, annis 8. mensibus 9. diebus 28. à 24. Decembris anni 1294 qua S. Cælestino ejus nominis V. Pontifici sponte se abdicanti subrogatus est Neapoli, ad diem usque 11. Octobris anni 1303. Imperatore Andronico, regnantibus in Germania Alberto Austriaco, in Gallia Philippo Pulcro: quem quod sacram militiam in Saracenos ejus arbitrio non susceperet anathemate percussit. Ipse deinde à Sarra Columnio & Felice Nogaretio ex Gallia in Italiam profecto Anagninæ comprehensus, ac Romam perductus, ubi 35. die post vitæ excessit. Autor hic fuit Collectionis Decretalium, cui Sexti Decretalium nomen est inditum, quo cum ipsius Constitutionibus continentur superiorum Pontificum Decretales non paucæ. Habentur nonnullæ ipsius Epistolæ in editione Conciliorum: sed ejusdem aliæ Bullæ, anno scilicet 7. ad Hostiensem Episcopum Nicolaum, reperiuntur in Codice manuscripto bibliothecæ Mazarinæ. Edita sunt etiam nuper acta ad dissidium Bonifacii ejusdem cum Philippo Pulcro pertinentia.

CAPUT XLII.

De Pontificibus seculi decimi-quarti Clementinarum aut Extravagantium Autoribus.

1. *Benedictus XI.*

I. BENEDICTUS XI. (qui à nonnullis X. tantum numeratur, expuncto nimirum 10. velut Schismatico & Antipapa) antea Nicolaus Bocasinus ex Tarvisina civi-

tate, ordinis Prædicatorum generalis præfectus, sedit ordine cxcii. à die 22. Octobris anni 1303. ad 7. Julii anni 1304. menses octo & dies 17.

II. CLEMENS V. è Vafatenfi Aquitanix diœcesi, prius Bertrandus de Gotho dictus, ex Archiepiscopo Burdigalensi Romanus Pontifex cxciii. Sedit à die 5. Junii anni 1305. quâ, absens licet, Perusi electus est, ad diem 20. Aprilis anni 1314. annis 8. mensibus 10. diebus 16. Imperatoribus apud Græcos Andronico Seniore, apud Germanos Henrico VII. rege verò Francorum Philippo Pulcro. Hic Pontificiam sedem transtulit Avenionem, & Concilium Viennense adversus Begardos hæreticos atque Templarios celebravit. Ex ejus verò Concilii Decretis aliisque ejusdem Epistolis concinnata est Clementinarum compilatio. Post ejus mortem interregnum Pontificium fuit annos 2. cum 3. mensibus ac diebus 17.

2. Clemens V.

III. JOANNES XXII. vulgò dictus, (quamvis revera 20. numerandus videatur, exclusis duobus Pseudo-Pontificibus) prius Jacobus de Ossa nominatus, Sutoris filius, patriâ Cadurcensis, Lugduni electus est post biennale interpontificium, die Sabbati 7. Augusti anni 1316. seditque cxciv. annis 18. mensibus 3. & diebus 28. usque ad diem 4. Decembris anni 1334. Andronico Juniore & Ludovico Bavaro Imperatoribus, rege Gallix Philippo VI. Valesio. Is autor fuit Epistolarum Decretalium seu Bullarum, quæ sub titulo *Extravagantium Joannis XXII.* post Clementinas insertæ sunt corpori Juris Canonici. Sex præterea ejusdem Epistolas edidere Conciliorum collectores: aliarum mentio fit apud recentiores Ecclesiasticæ historiæ scriptores.

3. Joannes
XXII.

IV. BENEDICTUS XII. (aliàs II.) Jacobus Fornarius prius appellatus, ex oppido Tolosanæ tunc Diœcesis Saverduno, Borbonensis primùm monachus ordinis Cisterciensis, dein Cardinalis, tandem electus Pontifex die 20. Decembris anni 1334. numero cxcv. sedit annis 7. mensibus 4. diebus 6. usque ad 25. Aprilis anni 1342. Imperantibus, in Oriente Joanne Palæologo, in Occidente Ludovico Bavaro, in Gallia Philippo Valesio. Is Scaligeris Veronæ, Atestinis sive Estensis Ferrariæ, Gonzagis Mantuæ, aliisque aliarum Italiæ civitatum, quas quisque per Pontificum absentiam occupaverat, possessionem permisit, quò eorum auxilia contra

4. Benedictus
XII.

Imperatorem haberet parata. Ejus unica Epistola in Conciliorum collectione edita est: habentur & nonnulla ipsius Decreta sive constitutiones inter Extravagantes Communes, quemadmodum & Benedicti XI. & eorum Pontifici, qui sequuntur.

5. *Clemens V.* V. CLEMENS V. anteà Petrus Rogerius, Lemovicensis, electus die 7. Maii anno 1342. Sedit cxcviii. annis 10. mensibus 6. & diebus 29. usque ad diem 6. Decembris ann. 1352. Imperantibus Constantinopoli Joanne Palæologo, & Joanne Cantacuzeno, Carolo quarto Romanorum, & Joanne Francorum regibus.

6. *Urbanus V.* VI. URBANUS V. Gallus, dictus anteà Guilielmus de Grifaco, Grimoardi filius, Mimatensis seu Gabalitanus, exeunte Octobri anno 1332. sedit ordine cxcvii. annis 8. mense uno & diebus 23. ad diem 19. Decembris anno 1370. Imperatoribus Joanne Palæologo & Carolo IV. Luxemburgio, Gallorum regibus Joanne & Carolo V.

CAPUT XLIII.

De Pontificibus seculi decimi quinti, quorum extravagantes corpori Juris Canonici adjectæ sunt.

1. *Martinus V.* I. MARTINUS V. vulgò dictus, cum revera III. fuerit, priùs Odo sive Otto de Columna Romanus, electus die 11. Novembris anni 1417. postquam Pontificatus de Concilii Constantiensis sententia Joanni 23. & Benedicto 13. abrogatus fuerat, sedit ccvi. ordine, annis 13. mensibus 3. cum 12. diebus ad 20. Februarii 1431. Imperatoribus Græcorum Joanne VII. & VIII. Rege Romanorum sive Germaniæ Sigismundo, Francorum Regibus Carolo VI. & VII. Is in illo Concilio multas edidit constitutiones, præferim adversus Vviclefi & Hussi errores.

2. *Eugenius IV.* II. EUGENIUS IV. priùs Gabriël Condulmerius, Venetus, ordine ccvii. à die 3. Martii anni 1431 ad 23. Februarii anni 1447. sedit annis 15. mensibus 11. diebus 20. imperantibus apud Græcos Joanne VIII. & Constantino Manuelis filii, apud Germanos Sigismundo, Alberto Austriaco,

& Friderico III. Francorum Rege Carolo VII. Cùm Episcopos Basileæ congregatos ultra progredi vetuisset, adversus eum creatus est Pontifex ejus Concilii Sess. 38. Amedæus Sabaudix Dux, *Felix V.* appellatus, die 5. Novemb. anni 1439. qui decennio fermè post Pontificatu se abdicavit. Interim Eugenius aliud Concilium Ferrariæ primùm, deinde Florentiæ indixit, cui interfuere Græci, interque ipsos Joannes Palæologus Imperator, & Josephus Constantinopolitanus Patriarcha, qui cum Latinis in concordiam venerunt.

3. *Callistus III.*

III. **CALLISTUS III.** qui antea Alfonso Borgia Hispanus, electus die 8. Aprilis anni 1455. sedit cccx. numero, annis 3. mensibus 5. ac diebus 29. ad diem 6. Augusti 1458. Imperante Friderico III. regnante apud Francos Carolo VII. cùm biennio prius expugnata fuisset Constantinopolis à Mahomete II. Turcarum Principe.

IV. **PAULUS II.** Venetus, antea Petrus Barbus, à die 31. Augusti anni 1464. ordine cccx^{ius}. sedit annis 6. mensibus 10. ac diebus 26. ad 25. Julii 1471. Rege Francorum Ludovico XI. Germanorum Imperatore Friderico III.

4. *Pavlus II.*

V. **SIXTUS IV.** dictus antea Franciscus Roboreus, Savonensis, ex ordinis Minorum Generalis Cardinalis, electus die 9. Augusti anni 1471. Sedit annis 13. diebus 5. usque ad diem 13. Augusti anno 1484. Imperatore Friderico III. Francorum rege Carolo VIII. Hujus duo imprimis habentur Decreta de Conceptione B. Mariæ Virginis immaculata.

5. *Sixtus II.*

VI. Posteriorum Pontificum, tum *Innocentii VIII.* qui Regularum Cancellariæ Apostolicæ autor præcipuus habetur, tum cæterorum, ad hæc nostra tempora complures extant Extravagantes Constitutiones in Bullario: sed nulla earum autoritate Pontificiâ prodiit ordinata Collectio. De his sub finem quarti hujus operis Libri plenius agendum erit.

6. *De cæterorum Extravagantibus.*

CAPUT XLIV.

De Sanctorum Patrum scriptis, eorumque autoritate.

I. **C**ANONUM etiam titulo decorantur sententiæ Sanctorum Patrum & Ecclesiæ Doctorum, veterumque sacræ Scripturæ interpretum, quos Tractatores vocant au-

1. *Magna SS. Patrum autoritas, in iis que ab Ecclesia sunt recepta.*

^a Can. 1. dist. 20.

^b Can. 3. 4. 5. & 9. dist. 9.

^c In sum. five pr. dist. 20.

^d Can. 1. ead. dist.

^e In l. 1. §. neque, Cod. de vet. Jure enucl.

^f Cap. 22. de preb. in 6.

^g Per se quæque Patrum sententia tertium obtinent auctoritatis locum.

^h Ad Capit. certificari 9. ex. de sepulchris.

ⁱ Cann. 1. & 3. dist. 20.

^j Locor. Theol. lib. 7. cap. præsertim 3.

^k Probatur Patrum auctoritas ex sacris literis.

^l Ad Ephesios cap. 4.

^m Primæ ad Corinth. cap. 12.

ⁿ Cap. 32.

^o Lib. 10. recognit.

^p Probatur & ex Pontificum scriptis auctoritas Patrum.

^q Lib. 8. moral. cap. 9.

^r Can. 5. Romana 1. dist. 15.

^s Propositum nostrum in discutiendis auctorum Ecclesiasticorum operibus.

tore Leone Pontifice ^a. Licet enim non omnia eorum scripta pro legibus habeantur, ^b quoniam scilicet non sufficiunt ad condenda jura doctrina & sanctitas, sed necessaria quoque auctoritas est ^c: tamen secundum eundem Leonem ^d quæ à Juris Pontificii auctoribus selecta, ejusque Corpore inclusa, aut etiam Constitutione alicujus Pontificis comprehensa sunt, parem cum eis vim & robur sortiuntur. Ut enim tradit Justinianus ^e ex quo repetit Bonifacius VIII. ^f nostra facimus quæ probamus, & quibus auctoritatem nostram impertimur.

II. Sed & citra juris dispositionem sententiæ Patrum probationis causâ rectè adducuntur: ex Panormitano ^g, quod & ex Clementina prima de summa Trinitate aliisque innumeris Juris nostri locis facillè colligitur. Itaque Sanctorum Patrum dicta in definiendis morum & fidei rebus tertium, post Conciliorum nempe & Pontificum Maximorum Decreta, locum obtinent; illisque deficientibus instar sacræ Legis habentur ^h: adeo ut priscorum Patrum communis consensus certam faciat fidem Catholicorum dogmatum: majoris verò eorumdem doctorum partis, si non indubitaram, certè maxime probabilem inducant, ut probat Melchior Canus, ⁱ & tam Græcorum Latinorumque Patrum, quàm Synodorum etiam Generalium exemplo confirmat & auctoritate.

III. Et verò cum Paulus Apostolus ^j veter nos circumferri omni vento doctrinæ, & ^m neget omnes esse Doctores; par est eorum nos vestigiis inhærere, qui ab Apostolis, eorumve discipulis Christianæ religionis doctrinam hausserunt: ut hîc imprimis locum habeat illud Deuteronomii ⁿ *interroga patrem tuum, & annuntiabis tibi; majores tuos, & dicent tibi*. Ea de causa Textum Scripturarum à patribus acceptum ac velut per manus sequentibus traditum Petrus Apostolus apud Clementem ^o *Clavem vocat Verbi Dei*.

IV. Gregorius autem magnus de sanctis Doctoribus ^p exponit quod habetur 38. cap. Job. *Super quo bases illius solidata sunt*. Hac de causa recensentur vetustiores Ecclesiæ Doctores, tum Græci, tum Latini in Concilio Romano sub Gelasio ^q.

V. Nos itaque de eorum cujusque scriptis, habitâ temporum ratione, disseremus, adjectis præterea scriptoribus Ecclesiasticis, qui ibi omitti sunt. Nam ex aliorum quoque operibus

operibus Juris Canonici compositores inferendas collectionibus suis sententias censuerint, & eorumdem autoritate non raro Theologi quoque utuntur. Quia ergo, ut priscis Pontificibus adulterinæ Epistolæ assignatæ sunt, ita Sanctorum Patrum titulum falso præferunt opera non pauca, opus est à nobis hæc etiam discuti, ne in errorem speculatricis æquæ ac Prædicæ sive Canonice Theologiæ cupidi lectores inducantur.

CAPUT XLV.

Examen Scriptorum Ecclesiasticorum primi à Christo nato Seculi.

I. **I**NTER antiquissimos autores Christianos, qui primi ab Apostolis scripserunt, occurrit Hermas sive HERMES. (hæc enim duo nomina dialecto tantum differunt). Is autor fuit Græci operis Latinitate donati, cui titulus *Pastor*, vel *Liber Pastoris* sive *Pastoralis*. Hoc opus tribus libris distinctum reperitur in bibliotheca patrum, & seorsim editum à Gaspare Barthio. Eorum librorum primus *Ecclesia* inscribitur, eò quod quatuor de Ecclesia visiones contineat. 2. propriè *Pastoris* titulum præfert, quod in eo Angelus Pastor & custos Hermæ vitæ bene agendæ præcepta duodecim tradat. Tertius, quoniam decem Similitudines sive allegorias ab eodem pastore explicatas complectitur, *Similitudinum* titulo notatur.

1. *Hermes sive Hermas.*

II. Hoc volumen quis Hermas conscripserit ambigitur. Hermam & Hermen memorat B. Paulus Apostolus, ^a velut discipulos suos: *Salutate, inquit, Asyncritum, Phlegontem, Hermam, Patrobam, Hermen, & qui cum eis sunt fratres.* Atque hunc Hermam S. Paulo memoratum libri *Pastoris* autorem faciunt Origenes ^b, Eusebius, ^c Hieronymus, ^d alique. At in libro de Romanis Pontificibus traditur ^e ab Herme Pii Pontificis fratre compositum fuisse librum sub *Pastoris* titulo: qui titulus ea de causa inditus fuerit, quod Angelus sub *Pastoris* habitu Hermeti apparens, quæ in eo continerentur revelasset. Ex his conjicere est cum Bellarmino & Baronio duos Hermas vel Hermetes duorum diversorum operum

2. *Quis ille libri Pastoris autor Hermes.*

^a Epist. ad Rom. cap. 16.

^b 10. In Epist. ad Rom.

^c Lib. 3. histor. Eccles. cap. 3.

^d Lib. de Scriptorib. Eccles.

^e In vita Pii I.

sub eadem *Pastoris* inscriptione autores fuisse. Vix enim, ac ne vix quidem credibile est Pii fratrem, qui circa Christi annum 159. scripserit, eundem esse cum eo quem B. Paulus anno Christi 58. centum scilicet annis prius, Romam scribens, tanquam virum gravem salutari mandaverat. Præterea in libro à fratre Pii Pontificis exarato observat autor libri de Pontificibus, comprehensum imprimis fuisse mandatum Domini per Angelum internuncium de Paschate die dominicâ celebrando datum: cujus rei nulla mentio fit à patribus, à quibus liber *Pastoris*, tanquam opus illius Hermæ S. Paulo cogniti, laudatur. Nullum etiam ejus rei vestigium extat in eo libro qui ad nos usque pervenit: in quo tamen Clementis (S. Petri discipuli) tanquam coætanei mentio habetur Visione secundâ: ita ut hic liber Hermæ à Paulo memorati opus esse videatur; illius verò qui frater fuit Pii Pontificis liber jamdiu interierit: nisi malimus hunc Pii fratrem in libro Pontificali nominatum, pro ficta persona, totamque eam narrationem pro fabula accipere cum doctissimo Cotelerio. Quin Hermæ quoque *Pastoris* nomine censetur Libellus de rebus gestis S. Praxedis: qui quidem Pastor, Presbyter fuit, nec potuit acta illa scripserit ante annum 164. quo tempore passa est sancta illa & nobilissima virgo. Junius apud Andreæ Rivetum lib. 1. Criticæ sacræ cap. 12. *Pastoris*, πατόρης nomine intelligit librum Simonis seu Tertium Machabæorum apud Hieronymum in Prologo Galeato, ἀπὸ τοῦ πατόρος, ab attrio nempe, in quo Sacerdos cum Hebræis intercessit, ne rex Antiochus Sanctuarium ingrederetur.

3. *Laudatur à
priscis Patribus
liber ille Pastro-
ris.*

^a Stromatum
lib. 1. & 4.

^b Homil. 8. in
Numeros, & alibi.

^c In lib. de In-
carnat. Verbi.

^d Lib. 4. cap. 37.

^e Lib. 10. in
Epist. ad Roma-
nos.

^f In Catal. Scri-
ptor. Ecclesiast.

III. De illo libro *Pastoris*, quem Hermæ Pauli Coætaneo assignari diximus, variè patres sensere. Ejus testimoniis ad adstruendam veritatem Catholicam usi sunt Clementis Alexandrinus, ^a Origenes, ^b Athanasius, ^c alique. Quinetiam Irenæus ^d cum librum nomine Scripturæ laudat: Origenes ^e quoque Scripturam vocat, quam ut valde utilem & divinitus inspiratam commendat. At verò Eusebius, à plurimis non receptum hoc volumen, ab aliis necessarium esse judicatum, propter eos qui primis ad fidem institutionibus imbuuntur, & in nonnullis Ecclesiis legi solitum testatur: quod Hieronymus ^f tradit suo adhuc tempore apud quasdam Græcæ Ecclesiæ solenne fuisse, licet

Latinis penè ignotus esset hic liber. Idem in prologo Galeato, cum Rufino in explanatione Symboli, *Pastoris* volumen, quod à quibusdam *Viam vita*, vel iudicium Petri nominatum fuisse observat, inter Ecclesiastica scripta, unà cum libris Tobiae, Judith, ac similibus enumerat: quamvis neget eos esse in Canone. Sanè Tertullianus ^g scripturam Pastoris rejicit, tanquam ab omni Concilio Ecclesiarum inter Apocrypha & falsa iudicatam. Origenes à nonnullis contemni fatetur: Athanasius ^h agnoscit Arianos ad suam hæresim confirmandam ejus libri auctoritate usos fuisse, Hieronymus ⁱ non absque trepidatione citari consuevisse: Prosper Aquitanus ^j nullius auctoritatis esse pronunciat, Gelasius ^k Pastorem Apocryphum censet: itemque Nicephorus Constantinopolitanus ^l: & Novatores eum tanquam Novatianorum & Pelagianorum fontem, superstitionum Montanisticarum gurgitem, fautorem Arianorum exagitant: cum tamen tempore Zephyrini Pontificis ac Tertulliani à Catholicis ad jugulandam Montani hæresim adhiberetur. Verùm cum duo sint Apocryphorum genera, alia rejecta quidem ex Canone sacrae Scripturae, sed tamen aliunde probata in Ecclesia; alia omnino improbata: in priorum classem referendus videtur hic liber Pastoris, antequam fabulis, fortè & hæresibus aliquot ab interpolatoribus esset aspersus: (quale tamen tunc non fuit, quod ab eo dicitur de unica poenitentia): libri corruptio effecit, ut opus Pastoris, quod nunc extat, supposititium à viris doctis habeatur apud Possëvinum ^o.

IV. ILLIUS è Græco interpretem, seu potiùs breviatorem Barthius, non Rufinum, ut alii viri eruditi, sed Anastasium bibliothecarium putat.

V. CLEMENS Romanus Pontifex, præter Epistolas, de quibus jam diximus, multa Græcè scripsisse fertur, atque imprimis *Constitutionum Apostolicarum*, seu præceptionum Episcopaliū libros octo, & *Recognitionum* libros decem.

VI. CONSTITUTIONUM Apostolicarum opus, quorum titulus apud Phorium est Διαταγαὶ τοῦ Ἀποστόλου, aliàs Διατάξεις Ουκασιβίων, S. Athanasius ^q & Epiphanius ^r pro germano Clementis opere agnoverunt, earumque testimonium adhibuere celebres Ecclesiastici Scriptores, tum veteres, tum recentiores, à Francisco Turriano earum pro-

^g Libri de Pudicitia, cap. 20.

^h In Epist. ad Afros apud Theodoret. 1. hist. cap. 8.

ⁱ In caput 7. Amos.

^j Lib. contra Cassianum cap. 3. m In Can. 3. dist. 15.

ⁿ In fine Chronographiæ.

^o Apparatus sacritomo 2. in voce Pastor.

⁴ Quis interpres Latinus libri Pastoris.

^p In animadversionibus

⁵ Clementis Romanus ejusque opera.

⁶ Constitutiones Apostolicæ.

^q In Synopsi.

^r Hæresi 45. & 7.

f Hæres. 7.

r In d. Can. 3.
dist. 15.

pugnatore adversus Centuriatores Magdeburgenses citati. Et sanè si integræ extarent, quales nempe ab autore prodierunt, fatendum esset cum Epiphanio^r in ipsis omnem Canonicam ordinationem contineri, nihilque occurrere à fide aut Ecclesiastica regula & gubernatione alienum. Sed aliqua ipse in eis perperam ab hæresi exposita notat: & Quinisextæ Synodi Canon 2. multa in iis ab hæreticis corrupta fuisse testatur: unde mirum non est, si à Gelasio^r hoc opus unà cum Itinerario S. Petri, inter apocrypha censeatur. Hoc *Constitutionum Apostolicarum* opus V. CL. J. B. Cotelerius, singularis eruditionis Theologus, noster ex regia professione Collega atque amicus, & apocryphum & pseudepigraphum, nec ab Apostolis profectum affirmare non dubitat in suis ad eas notis, nec Apostolicum Clementem ejus esse autorem: ut pote quem prima Ecclesiæ tempora laruerint: ipsæ Constitutiones plerisque sanctorum Patrum ignoratæ aut neglectæ, sexcenta contineant cum veritate, cum verisimilitudine pugnantia, recentiora temporibus Apostolicis, atque ab Apostolico charactere remotissima. Eisdem post primam compositionem interpolatricibus manibus subjacuisse, quod & ex supradictis confirmatur. His adjecti in quibusdam Codicibus Canones, qui vulgò dicuntur Apostolorum, de quibus suo loco.

VII. *Recognitionum* Clementis duæ fuere editiones, quæ singulæ libris decem constabant: priores desiderantur: posteriores, quos Gennadius testis est à Rufino translatos. Ii aliqua fabulosa & cum orthodoxa fide pugnantia continent, aliisque de causis suspecti sunt, tanquam Clementi falsò attributi, aut certè ab hæreticis vitiati. Non ejusdem auctoris esse hoc Syntagma cum illo *Constitutionum*, & ex Photii judicio colligitur, qui prærogativam sanioris doctrinæ tribuit priori; posteriori verò assignat Polymathix laudem, cum illius scriptor Sanctarum Scripturarum rituumque Ecclesiasticorum callentior fuerit; hujus in his rudior: nec conveniunt utriusque dogmata. Hujus operis autorem Cotelerius putat virum doctum quidem ac disertum, sed Philosophum magis & Philologum, quàm Theologum, qui secundo seculo vixerit; aliosque libros apocryphos, partim sub Petri, partim sub Clementis larva effuderit. Nec verò cum illis quicquam commune habent *Clementina*; id est homiliz novem-

decim, quæ in Epistolis aliisque opusculis, Petri & Clementis nomine ad Jacobum inscriptis, inveniuntur in MSS. sub nomine Clementis, revera hominis ejusdem farinae cum parente ἀναγνώστης, quibus hæc in multis similia sunt: resperfa scilicet erroribus à Philosophia Semichristiana & præcipuè Ebionitica ortis. Nec tamen mirandum quòd in Synopsi Athanasii, Chronico Alexandrino, historia Ecclesiastica Nicephori, & apud Joannem Damascenum cum laude memoretur opus ejus nominis: illi enim alium librum ejusdem tituli, sed tamen diversum laudasse, aut minus depravatum exemplar nacti fuisse videntur viro eruditissimo & sagacissimo: cujus curæ ac labori non modò Hermæ, & Clementis, sed & aliorum quoque SS. Patrum qui Apostolorum tempore floruerunt, Barnabæ, Ignatii, Polycarpi opera cum priùs editis inedita è MSS. eruta & notis illustrata debemus. Horum posteriores in confinio utriusque seculi I. & II. vixere.

CAPUT XLVI.

De Græcis Secundi Seculi Patribus.

I. **E**T si ex factis hujus seculi Scriptoribus nullus Canon depromptus est: quia tamen ex eorum maximè scriptis vera primitivæ Ecclesiæ ab Apostolis constitutæ facies clucescit, & magnæ apud Theologos autoritatis habentur eorum testimonia; nonnulla de præcipuis in medium proferemus.

II. **S. IGNATIUS** Episcopus Antiochenus, martyrium sub Traiano subiit circa annum Christi 110. & plures Apostolico more Epistolas scripsit, quarum meminere Irenæus^a, Athanasius^b Theodoritus, aliique Græci: Hieronymus & alii Latini Patres. Septem dumtaxat priores Epistolas, nimirum ad *Ephesos*, ad *Magnesianos*, ad *Trallianos*, ad *Romanos*, ad *Philadelphios*, ad *Smyrneos*, ad *Polycarpum* memorant Eusebius^c, & Hieronymus^d: quæ à S. Polycarpo Smyrnenfi Episcopo collectæ, atque ad Philippenses, post Ignatii è Macedonia Romam versus discessum, missæ, teste ipso Polycarpo in Epistola ad Philippenses scripta apud Eusebium.^e Sed præter has alix quinque reperiuntur in plerisque

^{1.} De Patribus 2.
seculi in genere.

^{2.} S. Ignatius.

^a Lib. 5.

^b De Synodis.

^c 3. Hist. cap. 5.
^d In catal. scrip-
tor. Ecclesiæ.

^e Loco jam lau-
dato.

vetustissimis codicibus Græcis, teste Photio: quæ ex characteribus, stylicis & sententiarum similitudine parum apud eruditos fidem inveniunt, & à Perionio ac Mestreo unâ cum reliquis editæ sunt. Quamvis Isaacus Vossius septem è Codice Florentino, Usserius sex tantum priores, quas uterque ex manuscripto eodem Medicæo edidit, genuinas censeant; Blondellus tamen & Salmasius ac Dallæus omnes velut spurias æquè repudiant, ex eo præsertim quod à Theodorico^f quædam ex Epistola ad Ephesios, ab Hieronymo & alia ex Epistola ad Polycarpum adducantur loca, quæ partim aliter, partim nullatenus habentur in iis quæ hodie extant. Sunt quæ Latine solum habentur ejusdem Ignatii titulo Epistolæ, tum quæ ad *S. Iohannem* Apostolum, tum tres ad *beatissimam Virginem*, cum ejusdem Virginis ad eum responso, velut adulterinæ, aut saltem incertæ fidei, à Batonio & Bellarmino, atque in indice Romano librorum expurgatorio rejiciuntur, etsi à S. Bernardo^h citentur. De his omnibus vide præcæteris Coteleriumⁱ sæpe citatum.

III. S. DIONYSIUS Ateopagita, anno à natali Domini circiter 50. ad Christi fidem conversus à S. Paulo, martyrum haud dubiè fuit. Ejus passionem juxta Lutetiam Parisiorum conjicit Baronius in annum 1. Adriani, qui respondet anno Christi 119. vel ut alii censent 117. cum alii Athenis longè prius, nempe sub Domitiano, passum asserant: qua de re an primus Parisiorum Episcopus idem cum Ateopagita Episcopo Atheniensi fuerit, Româ in Galliam missus ab Apostolis, videndæ Doctorum virotum lucubrationes, qui nuper de his scripserunt: hinc Sirmondus & Launoïus: inde Andreas Saussæus, Tullensis postea Episcopus, tum Hugo Menardus, & Joannes Samblancatus. Græco Latina editio Operum quæ sub ejus nomine recepta sunt, cum scholiis Maximi Monachi, & Georgii Pachymeræ^j paraphrasi, prodijt Antuerpiæ anno 1634. studio Balthazaris Corderii è Societate Jesu, duobus voluminibus: quorum primus continet libros singulares de *Celesti Hierarchia*, de *Ecclesiastica Hierarchia*, & de *divinis Nominibus*: alter de *Mystica Theologia*; qui singuli tractatus suis capitibus distincti sunt, cum Epistolis decem, rejectâ secundum eruditorum judicium eâ quæ ad sanctum Paulum scripta dicebatur. Hæc cuncta, post Hypatium Ephesinum Episcopum in Collatione Constantinopoli

^f Dial. 1. & 3.

^g Dial 1 adversus Pelagianos.

^h Serm. 1. in psalmum 90.
ⁱ Col. 4. 41. & c.
^j S. Dionysius.

^k In cap. 17. ad 2.

inter Catholicos & Severianos habita anno 532. Caletanus & Valla ^m, Erasmus ⁿ & Heterodoxi vulgò negant esse sancti Dionysii Arcopagitæ; tum quòd eorum nulla mentio fiat ab Eusebio, aut à S. Hieronymo, aliòve ullo ante S. Gregorium magnum sub exitum sexti seculi: tum præterea quòd liber de *Divinis nominibus* apud Suidam, & in editione Lugdunensi, inscriptus legatur ad Timotheum Episcopum Ephesinum, B. Pauli discipulum, qui ante S. Ignatii ad Romanos Epistolam ipso teste jam è vivis excesserat; & quem præter morem Episcoporum non fratrem, sed filium vocat. Aecedit quòd in eo libro testatur autor, se unà cum Jacobo & aliis sanctis Fratribus adfuisse ad contuendum corpus illud quod autorem vitæ Deum conceperat, id est, Beatam Virginem Christi matrem nuperrimè defunctam: quæ tamen animam Deo reddidit ex communi Patrum traditione anno ætatis 63. post Christi ascensum 15. cum Dionysii conversio juxta sacrorum Chronographorum calculum, non ante annum 17. contigerit. In libro autem *De Ecclesiastica Hierarchia* multa referuntur de templis Christianorum, de altaribus & choro, deque Catechumenis & monachis, quæ temporibus Dionysii nondum in Ecclesia videntur recepta fuisse: atque in eodem libro laudatur Clemens Alexandrinus, qui tamen longè Dionysio junior fuit. Verùm hujus Dionysii defensores Eusebii silentium affectatum fuisse putant ^o, quòd scilicet Dionysii scripta tela adversus Arianos potentissima subministrarent. Hieronymum verò ex instituto, in præfatione ad Dextrum explicato, eos antiquos scriptores attingere voluisse censent, quos invenisset ab Eusebio recensitos, additis tantùm iis qui post Eusebium ad sua tempora floruisent: & potuisse opera Dionysii ab Arianis suppressa eum latere. Jam Timotheum, ad quem scribitur liber de divinis nominibus, non ita certum esse fuisse Pauli discipulum, cum alii Timothei eo tempore nomen Christo dedisse inveniantur; nec in omnibus Dionysii Codicibus Timotheus ille dicatur Episcopus Ephesinus. Tempus autem migrationis Deiparæ Virginis non adeo fixum esse, ut ex anni unius aut alterius à vulgari sententia discrimine, falsi argui autor debeat. Ritus verò sacros & monachorum institutum (licet non iisdem regulis obstrictorum, quibus postea devincti sunt) antiquissima esse in Eccle-

^m In Epist. præfixa paraphrasi in 1. ad Corinth.
ⁿ In Catal. scriptor. Ecclesiast.

^o Maximus mon. in Commentar. ad hæc opera.

p Ad ann. 64. & alibi.

q In Breviario.

r In Bibliotheca.

f Homil. 24. in Evangelia.

g In Synodo Romana.

u In Epist. ad Constantinum Imperat. & Conc. 1. Const. œcum. 6. act. 6.

x In vindiciis Areopagiticis contra Scaligeri.

y Disputatione Apologetica.

z In quaestionib. 4. de S. Dionysio Areopagita.

a In 2. parte Commentarii de sacris Ecclesiæ ordinationibus.

4 S. Justinus.
b Lib. 4 cap. 15. & 17.

c De scriptorib. Eccles.

sia, nec Apostolicis temporibus multò posteriora ostendit Baronius p: idemque Clementem Philosophum, non autem Episcopum Alexandrinum, apud Dionysium citari observat. Cerrè à Dionysio Alexandrino scripta fuisse quædam scholia in Areopagitæ opera testatur Maximus monachus; nisi potius Dionysium Rhetorem confundit cum Alexandrino. Eundem à Cyrillo memorari Liberatus q, à Chrysostomo dictum esse Volucrum cæli Anastasius Bibliothecarius annotavit. Prodiit anno 1603. Colonia, Gerardi Vossii studio, ad calcem tomi 3. operum Ephræmi, sermo S. Joannis Chrysost. antea parùm cognitus, in quo leguntur ea verba, quorum Anastasius meminerat. Photius r ait se legisse librum Theodori presbyteri, quo demonstrabat genuina esse opera S. Dionysii, quæ habemus. Et verò Gregorius magnus f Dionysium hunc vocat antiquum & venerabilem patrem: ejusque autoritate utuntur Martinus Papa I. t Agatho u, & Catholici Doctores multi: videndi præter cæteros Delrio z, Petrus Jansenius 7, Petrus Halloix, x & Joannes Morinus a, qui cum doctis plebisque hæc Areopagitæ abjudicat.

IV. S. JUSTINUS Samarita, postquam veræ sapientiæ sibi comparandæ causâ Philosophorum Græcorum omnes penè sectas didicisset, Christianam tandem veritatem ab homine ignoto, agente numine, accepit; eamque amplexus, Romam profectus est, ubi instigante Crescente Philosopho morte pro eadem Christi fide est affectus, sive circa exitum Antonini Pii, & anno Christi 161; sive ut alii malunt, sub initia Marci Aurelij & Lucii Veri fratrum anno 163. Scripsit *Apologias duas* pro Christianis, quarum quæ nunc vulgò prior censetur ad Senatum inscripta, reverà tempore posterior est scripta ad Antoninum Pium, ut probant quæ ex ea sub titulo libri 2. adducit Eusebius b, ubi & aliorum ejusdem operum meminit, ut & Hieronymus c. Ex ejus operibus ad nos pervenere *dialogus cum Tryphone* Judæo Ephesi habitus, *Oratio parænetica ad Gentes* sive ad Græcos, & liber *de Monarchia Dei*: quem tamen Perionius in dubium revocare voluit, quamvis ejus præterea mentio fiat apud Photium & Suidam. Præter hos libros sub Justinii titulo circumfertur *Aristotelicorum* quorundam *dogmatum everso*; quo in opusculo nullam falsi notam se deprehendisse testatur Bellarminus, ejusque meminisse

se idem Photius videtur : Baronio tamen & Possevino , aliisque suspectus est , quemadmodum & *Expositio Fidei de recta Confessione* , Epistolæ ad Zenam & Severum de vita Christiana , *Solutio questionum* ac dubitationum centum quadraginta sex ad Orthodoxos , atque alia , in quibus memorantur Manichæi , & Irenæus Martyr ; quibus antiquior fuit Justinus : & paulò apertiùs quam ejus ætatis consuetudo ferret , de fidei mysteriis disseritur , stylo etiam à Justini oratione aliquantùm diverso : ut eà opuscula ab hominibus quarti quintive seculi vel composita , vel saltem interpolata videantur.

V. IRENÆUS Episcopus Lugdunensis , à S. Polycarpo Smyræorum Episcopo , cujus auditor fuerat , cum aliis missus in Galliam , Lugduni substitit , & Porhini ejus Urbis Episcopi Martyrium passi , successor electus est circa annum 178. Is licet habitâ Synodo Pascha die dominicâ celebrandum sanxisset , agrè tamen tulit quòd Asianos contra sentientes ea de causâ Victor Pontifex per nimiam severitatem anathemate percellere vellet. Tandem cum omnibus ferè suæ civitatis Christianis mortem pro fide subiit anno 201. aut circiter. Plurima scripsit Opuscula , quæ ab Eusebio ^d per plura capita , & à S. Hieronymo ^e recensentur : ex quibus supersunt præter *Epistolam ad Florinum* , quæ apud Eusebium extat , Libri *adversus Valentini & Gnosticorum hæreses* , qui & ipsi diutiùs apud Latinos obscuri fuerunt , ut colligitur ex Gregorio Magno ^f : quod nempe homo Græcus suâ linguâ scripsisset , ut Beatus Rhenanus contra Erasum & alii ostendunt : nam & ab Hieronymo inter Græcos patres numeratur , & à Græcis frequentius quàm à Latinis citari solet. Non invenitur tamen Authenticum Græcum , sed Latina dumtaxat antiqua versio & rudis , cum Græcis fragmentis , ex Epiphanio præsertim g. Ea habetur in editione Colonienfi anni 1596. quæ Francisci Feuardentii operâ prodiit. In hunc invehitur Riverus ^h , quasi is Irenæum corruperit in iis quæ de Eucharistia ejusque oblatione à Christo instituta , de libero arbitrio , de fide & operibus , de primatu Ecclesiæ Romanæ in Irenæi operibus inveniuntur. Versionem ipsi Irenæo adscribere videtur cum Feuardentio Possevinus ; sed minùs probabiliter , cum ex iis libris duo loci à B. Augustino paulò aliter laudentur , quam in ea versione sint polita. Ex

5. Irenæus.

^d Lib. 5. hist. Ecclesiast.

^e Cap. 35. Catalogi.

^f Lib. 9. Epist. 5. ad Ætherium Episcopum Viennensem.

^g Critici sacri lib. 2. cap. 6.

^h In Panario hæresi 35.

opere illo patet Irenæum cum Millenariis sensitisse, quod ipsi cum aliis veterum Patrum commune, illo errore nondum ab Ecclesia damnato.

CAPUT XLVII.

De Latinis Tertii Seculi autoribus Ecclesiasticis.

1. *Tertullianus.* I. **Q**UINTUS Septimius Florens TERTULLIANUS, Carthagine natus ex Centurione, viro proconsulari, cunctorum sui temporis Latinorum disertissimus, omniumque scientiarum ac præsertim Romanarum legum peritissimus: sub Severo Christianam amplexus religionem, Ecclesiæ Romanæ Presbyter ordinatus est: initio causæ Catholicorum ferventissimus defensor; sed postea (qua de causâ parùm constat) ab orthodoxis descendit, in Montani & novæ Prophetiæ deliria prius à se damnata delapsus sub vitæ exitum, & annum Christi, ut quidam notant, 208. cum ad 215. pervenisse credatur. Ejus Opera in Pammeli editione dividuntur in quinque tomos: Bellarminus distinguit in certa, & dubia vel suppositicia, qualia existimat librum *de Trinitate*, in quo Sabelliana hæresis Tertulliano posterior refutatur: atque Epistolam *de Cibus Judaïcis*. Observat Hieronymus ab eo jam tum hæretico adversus Ecclesiam Catholicam scripta esse Opuscula *de exhortatione Castitatis*, *de Monogamia*, *de Fuga in persecutione*, *de Ieiunio adversus Psychicos* (id est Catholicos) & *de Pudicitia*. An liber *de Patientia* verè Tertulliani sit, ambigunt Erasmus & Rhenanus: affirmant Baronius, Pannelius, & Rigaltius, quod præsertim librum illum sub Tertulliani nomine laudet Pacianus Episcopus Barcinonensis, ad Sympronianum scribens contra Novatianos. Cum judicio legendos esse non tantum eos libros, quos teste S. Hieronymo post lapsum scripsit contra Ecclesiam Tertullianus: sed eos quoque qui inscribuntur *adversus Praxeam*, *adversus Hermogenem*, *de Anima*, *de carne Christi* & *de Penitentia*, ostendunt paradoxa ex his à Pammelio collecta atque discussa. Unde nihil mirum si Can. 3. dist. 15. Tertulliani opuscula inter apocrypha numerentur.

1. *S. Cyprianus.* II. S. CYPRIANUS Afer, ac primum Rhetor Ethnicus, deinde autore Cæcilio Christianus (ex quo etiam Cæcili

cognomen adeptus est,) Episcopus Carthaginensis creatus est anno 248. ac post decennium mortem pro Christo pertulit sub Valeriano & Gallieno. Ejus scripta in omnium manibus habentur : in quibus sunt Libri *quatuor Epistolarum* : reliqui libri sunt singulares, quorum aliqui ex communi sententia falsò attribuuntur Cypriano, præsertim de *Cardinalibus Christi operibus*, de *Aleatoribus*, *Symboli Expositio*, de *Judaica incredulitate*, de *Revelatione capitis Sancti Ioannis*, de *duplici martyrio*, de *duodecim abusibus seculi*, de *Cæna dispositione*. In primo enim opere ad Cornelium Papam de *Cardinalibus operibus Christi*, quod sermones duodecim continet pietate & eruditione refertos, traditur de cælo cecidisse diabolus ante hominis creationem, cum tamen in libro de *zelo & livore*, contrarium affirmet Cyprianus. Præterea ejus operis autor aliter S. Cornelium compellat, deque suis scriptis submissius differit, quàm pro more Cypriani. Hunc Librum Cocus Arnoldo Bonævallis Abbati assignat ex fide manuscripti Codicis Oxoniensis. In libro de *Aleatoribus*, qui tractatus utilis, nec indoctus : cum indicet autor se universali Ecclesiæ præsidere, apparet ab aliquo Romanorum Pontificum Cypriani stylum affectante magis, quàm assequente, conscriptum. In *symbolum Apostolorum expositio* nomine Rufini Aquileiensis habetur inter opera beati Hieronymi. Liber de *incredulitate Judaica* præfatio est Celsi cujusdam in altereationem, Græcè scripam, atque antiquissimam inter Jasonem Christianum & Patiscum Judæum, ut ex postremis verbis apparet. Tractatus de *Revelatione capitis S. Ioannis* autorem non esse Cyprianum vel ex eo constat, quòd Athanasii, Cyrilli, Theodosii Imperatoris, qui Cypriano posteriores fuerunt, quin & Pipini Aquitanorum Regis mentionem faciat. Liber de *duplici martyrio* ad Fortunatum recentior est : meminit enim belli Cæsarei contra Turcas : Pamelius aliquæ periclitandi styli gratiâ confictum ab Erasmo existimavit. Liber de *duodecim abusibus seculi* Cyprianum autorem habere non potest, cum factorum Codicum autoritatem passim ex B. Hieronymi versione adducat. *Dispositio Cæna* ineptis sententiis & furilibus narrationiunculis alium à Cypriano autorem prodit estque nullius elegantiz aut eruditionis. Ex styli præterea magna diversitate rejiciuntur à Bellarmino velut Spurii, tractatus de

monte Sina & Sion, de singularitate Clericorum (qui à nonnullis B. Augustino tribuitur) & *liber de Iudæis*, sive adversus Iudæos, qui infecuti sunt Christum. Eadem de causa in dubium ab erudito Cardinali vocatur egregius alioqui *liber de Spectaculis*: qui tamen librum *de Disciplina & bono Pudicitia* & librum *de laude Martyrii*, itemque librum ad Novatianum *de spe venia danda lapsis* in censum germanorum Cypriani operum refert: quamvis eorum stylus paulum à cæteris ejus operibus diversus Erasmo videatur. Jam *de Carminibus & Orationibus*, quæ huic Patri adscribuntur, dubitat idem Bellarminus. In libro *de unitate Ecclesiæ*, vulgò *de Simplicitate Prelatorum* quædam addita vel detracta à typographis aliisve qui editioni præfuerunt, observat Possévinus^a. Epistolam, quæ in editione Pammelii 67. numeratur Joannes de Launoy adversus Joannem Samblancatum contendit non esse Cypriani, tum quòd à pluribus optimæ notæ manuscriptis codicibus eam abesse dicat, tum aliis de causis, parum ni fallor validis, quas persequitur in opusculo de duobus Dionysiis. In libris tribus *testimoniorum contra Iudæos ad Quirinum* notat Scultetus laudari Evangelium Cata Lucam, & Vassilion librum primum, secus ac in aliis Cypriani operibus fiat: unde supposititios existimat aut certè interpolatos. Quòd autem Cypriani Opuscula apocrypha dicuntur à Gelasio^b, id non ita est accipiendum, quasi veræ ejus lucubrationes ab Ecclesiâ rejiciantur: sed quòd de rebaptizandis hæreticis aliter alicubi scripserit, quàm in Ecclesiâ Catholica postea fuerit definitum.

^a In apparatu facto.

^b In can. 3. dist. 15.

CAPUT XLVIII.

De Patribus & Scriptoribus Ecclesiasticis Græcis ejusdem Tertii seculi.

1. *Clemens Alexandrinus.*

TITUS FABIVS CLEMENS Atheniensis fuisse creditur, licèt vulgò Alexandrinus cognominetur, quòd Ecclesiæ Alexandrinæ Presbyter, & magni Pantani ex Philosopho Stoico Christiani discipulus ac successor, Ecclesiasticam scholam ea in urbe rexit, & Catecheseon fuerit magister, teste S. Hieronymo^a post Eusebium^b. Vixit Cle-

^a Cap. 38. de Scriptorib. Eccles.
^b Lib. 5. histor. cap. 11. & 13.

mens sub Imperatore Severo, initio Tertii à Christo seculi: quidam ad Alexandrum Severum pervenisse putant ultra annum 220. De eo agit idem Eusebius, in Chronico ad annum 194. & 204. itemque in libris de Præparatione, & de Demonstratione Evangelica. Sanctus Maximus martyr cum vocat Philosophum Philosophorum. Ex plurimis ejus voluminibus, extant tantummodò Græcè & Latine ex interpretatione Gentiani Herveti à Daniele Heinsio recognita in editione Parisiensi, cum emendationibus Francisci Ducæi, opuscula tria, nimirum *Stromatum* libri octo; *Pedagogi* libri tres cum hymno Christi servatoris; & *Protrepticon*, sive oratio exhortatoria ad gentes. Græcè dumtaxat inveniuntur ex *Theodoti doctrina* Epitoma, quædam etiam *Eclogæ*. Ejus etiam nomine circumferuntur Latine tantum in bibliothecis Patrum *commentariola in Epistolas Canonicas S. Petri, priorem Iudæ & Ioannis*: quæ an eadem sint cum explanatione Clementis Alexandrini in Epistolas Canonicas, cujus meminit Cassiodorus, ambigunt eruditi. Consulendus præ cæteris Joannes Baptista Poza^c. In hoc insigni autore occurrunt sententiæ quædam quæ errorem sapiunt, sive illæ Clementi ex humana fragilitate exciderunt, sive ab hæreticis insertæ sunt ejus operibus; quæ de causa à Gelasio^d ejus opuscula inter apocrypha recensentur.

II. ORIGENES *Adamantius*, Leonidæ martyris filius, Clementis Alexandrini auditor, atque in Ecclesiasticæ scholæ magisterio successor, obiit Tyri in Phœnicia anno Christi 234. ætatis 69. Is omnium sui seculi eruditissimus; ex Platonis tamen Philosophia in multos incidit errores unde ab Epiphanio^e in hæreticorum numerum refertur, & in 5. generali Synodo ei ejusque scriptis, quemadmodum Ario, Macedonio, & similibus anathema dicitur: quod judicium Hieronymus, Cassiodorus, Beda & Catholici scriptores vulgò sequuntur. Ejus tamen apologiam scripserunt Eusebius sub nomine Pamphili martyris, & Rufinus: nec defuerunt his posterioribus seculis qui eum excusare aggressi sint, quemadmodum Joannes Picus, Gilbertus Genesbrardus, ac novissimè etiam paulò audaciùs Petrus Halloctius. At Patres Synodi Romanæ sub Gelasio^f Origenis nonnulla tantum opuscula suscipienda definiunt quæ B. Hieronymus non repudiat; reliqua omnia cum autore suo rejiciunt. Ope-

^c Elucidarii Deiparæ Virginis lib. 4. tract. 4.

^d In Concil. Romano, ex quo est Canon 1. dist. 15.

2. *Origenes*,

^e Hæsch 64.

^f Can. 13. dist. 19.

rum Origenis quamplurima perierunt: extant nunc Latine editorum tomi duo, quorum primus *homilias* continet in omnes ferè veteris testamenti libros, cum *Libris* quatuor *Pentateuchon*, & aliis quibusdam tractatibus: in 2. tomo varii sunt *Commentarii* in plures libros novi fœderis, unà cum libris octo *contra Celsum* Epicureum, & *Philocalia*. Hæc autem opera duo postea Græcè & Latine simul non semel prodierunt: & primò quidem *Libri contra Celsum* plane aureum pro fide Christiana adversus Epicureos opus, interprete Sigismundo Gelenio, cum aliis opusculis excusi sunt anno 1605. Augustæ Vindelicorum, adjunctis Davidis Hoefschelii notis. Deinde *Philocalia*, de obscuris sacræ Scripturæ locis, à SS. Basilio & Gregorio Nazianzeno ex variis Origenis Commentariis excerpta, in lucem exiit Parisiis anno 1618. interprete Joanne Tarino qui postea regius Eloquentiæ Professor. Ambo deinde hæc opera utrâque lingua conjunctim in Anglia recusa sunt Guilielmi Spencei Cantabrigiensis studio, anno 1658. Sed & *Commentariorum* Origenis in *Scripturam* Tomos duos edidit atque illustravit V. Cl. Petrus Daniel Huetius nunc Alnetensis Abbas, Rothomagi anno 1668. Inveniuntur præterea *Homilia* octo in *Ieremiam* Græcè & Latine inter commentarios Michaëlis Ghislerii Theatini, in eum prophetam, cum *Catena* Græcorum Patrum anno 1623. Lugduni editos: & *Epistola* ad Julium Africanum de *Historia Susannæ* fragmenta, alterum Augustæ vindelicorum anno 1602. Græcè tantum post Hadriani Isagogen sacrarum Literarum excusum: alterum verò post catenam Græcorum Patrum in *Job* Græcè & Latine Londini à Patricio Junio editum. Totam *Epistolam* cum responso edidit Basileæ Vetslenius: & *Commentarius* in libri 1. Regum cap. 28. de Engastrimytho, Græcè & Latine Lugduni anno 1629. Leo Allatius. Origenis denique vel certè coætanei auctoris scholia in *Orationem Dominicam*, & *Cantica B. Mariæ Virginis*, *Zacharia*, & *Simeonis* Græcè & Latine anno 1601. à Friderico Morello emissâ. *Homiliæ* porro sedecim in *Leviticum* quæ tomo 1. Origenis insertæ sunt, inter opera quoque S. Cyrilli habentur: cui falsò à quibusdam assignatæ fuerunt. Hæ, itemque in *Numeros*, *Librum Iudicum* sedecim, & *librum Regnorum*, aliosque instrumenti Mosâici libros *Homilia*, quod autorem Latinum ex phrasi redolere

nonnullis videntur, id ex Rufini audacia factum videri potest, qui in peroratione adjecta commentario in Epistolam ad Romanos, cum dicat se verisſe Origenis Homilias in *Genesim*, *Exodum*, *Leviticum*, item in *Iesu Nave*, & in *librum Iudicum*, proficetur eas, quæ in Leviticum scriptæ fuerant, se liberius transſulisse, id est, ut loquitur Erasmus, multa de suo attexuisse: quod sanè Rufino familiare. Ex his quædam à Gratiano laudantur: & cum Hieronymum habeant interpreter, malè à Coco aliisque heterodoxis rejiciuntur. Tractatus tres in *librum Iob* Erasmus, alia itidem in eum commenraria à Perionio versa Sixtus Senensis, Bellarminus, Baronius, Possevinus non esse Origenis pluribus argumentis docuerunt; ac præsertim quòd utroque in opere Homolſianorum meminerit autor, quod nomen ab Arianis post Origenem Catholicis inditum est. *Homilias in psalmos* 36. 37. & 38. Rufinus non indicato auctoris nomine de Græco in Latinum à se affirmat esse translatas, Erasmus earum scriptorem suspicatur Latinum fuisse; plerique ab ingenio & phrasi Origenis non parùm distare fatentur, quamvis aliud senriar Genebrardus in hujus auctoris editione. In *Canticis Canticorum* homiliz dux, itemque aliud opus in capita 1. & 2. ejusdem libri, continenti oratione disſerè conscriptum, quod tamen in Homilias quatuor divisere, pium quidem omnium confessione habetur; sed neque ab Origene compositum, neque à S. Hieronymo translatum plerique censent. Ex eo ramen citantur à Petro Lombardo g & à S. Thoma^h testimonia quædam sub nomine B. Ambrosii. Conjicit Erasmus auctoris esse Latini, & ejusdem cujus extant libri *de Vocatione gentium*: quod opus vulgò nunc Prospero tribuitur. *Lamentum* sive *Threni* (diversum ab opere *de Penitentia Origenis*) à Gelasio apocryphum opusculum pronunciarur: Baronius quoque & alii velut adulterinum respuunt.

Dialogus *de recta in Deum fide*, qui idem est cum disposirione adversus Marcionitas, sub priore titulo à Joachimo Perionio ex Græco Bibliothecæ regiz Codice; sub posteriore ex Codice Frobeniano, sinceriore, & uberiore, à Laurentio Hunfrido, & à Vetstenio Græcè editum opus, an Origenis sit; valde ambiguum videtur, ex eo præsertim quòd nec ab Eusebio, nec ab alio veterum scriptorum ullum hujusmodi opus memoretur; & quod in eo dicatur principes,

g. Lib. 3. sententia.
dist. 29.
h. Secundæ secundæ quæst. 26.

qui piè credunt, cum Ecclesia congregari; quod vix cadit in Origenis tempora. Tractatus in *Mattheum* Bellarminus Latinum habere autorem existimat, propterea quòd in 5. tractatu notet autor in Græco Spiritum Sanctum neutrius esse generis, quod sanè parum verisimile est observatum fuisse à Græco scriptore. Ex ejusdem Bellarmini sententia, quam alii quoque Catholici vulgò sequuntur, homilix in *diversa loca Novi testamenti* sine dubio non sunt omnes Origenis. Certè in nona inveniuntur fragmenta, tum ex S. Hieronymo in Isaia prophetæ caput ultimum, tum ex S. Gregorioⁱ, quæ ab his ex Origene mutò sumpta non esse stylus ipse satis ostendit. Tractatus etiam sive homilix in *Evangelium Joannis* non creduntur verè Origenis esse, cum ad caput 1. mentio fiat Manichæorum & Arianorum, qui post Origenem orti. Qui de Origenis opetibus plura volet, tum ex priscis Eusebium, Hieronymum, ac deinde Phorium, tum supra laudatos adeat, atque imprimis Sixtum Senensem.

i Lib. 15. moral.
cap. 14.

3. S. Gregorius,
Thaumaturgus.

III. S. GREGORIUS *Thaumaturgus*, ante Episcopatum Theodorus dictus, in adolescentia discipulus fuit Origenis, à cujus tamen erroribus immunis persistit. Postea Episcopus Neocæsareæ in Ponto creatus, vel anno 233. Christi, Alexandri Severi 10. vel certè anno 240. obiit anno 265. *Thaumaturgi* nomen adeptus ex magnitudine & frequentia miraculorum, quæ patravit. Ejus Opera quæ reperiti potuerunt Moguntix anno 1604. Græcè & Latine typis mandata sunt, interprete & scholiaste Gerardo Vossio Tungrensi præposito, ac deinde Parisiis anno 1621. In his est *Expositio fidei*, quo titulo conscriptum fuisse ab hoc Gregorio tractatum adversus Elianum constat ex Basilii Epistola 64. & quidem ex revelatione sancti Joannis Evangelistæ, jussu B. Virginis scripta, quæ S. Gregorio apparuisse traditur ab altero Gregorio Nysseno in ejus vita. Sed quam Vossius sub Neocæsariensis nomine protulit, eam Bellarminus & alii factâ collatione cum iis quæ à Basilio referuntur, probant diversam esse ab ea cujus ille meminit; cum longè aliter in hac atque in illa de Christi cum patre unitate disseratur, videaturque hæc Vossiana contra Arianos scripta, & sic post tempora *Thaumaturgi*. In dubium etiam vocantur *duodecim capitula cum anathematismis*, quæ velut appendix ad *Expositionem*

nem

nem fidei videntur Nestorii & Eutychetis (qui post Arianos sequuti sunt) erroribus opposita , quemadmodum & *alia fidei Expositio* latinè dumtaxat edita. Quod attinet ad *Sermones* in *Annunciationem* sanctissimæ Dei genitricis Mariæ , aliūque in *sancta Theophania* & *disputationem de Anima ad Titianum* , anceps hæret Bellarminus: Et verò sermones illi nec Possævino , nec Sixto Senensi cogniti fuerant : & eorum secundus Proclo Patriarchæ Constantinopolitano , non tamen sine dubitatione , ascribitur à Vincentio Ricardo¹. Tertius verò sub nomine Chrysostomi habetur latinè apud Lipomanum , & Surium. *De Epistola Canonica* , quæ est de iis qui in Barbarorum incursione idolothyta comederant , & alia quædam peccata commiserant , non est quòd ambigatur , cum eam Græci pariter & Latini agnoscant , saltem orthodoxi.

¹ In notis ad 6.
Procli orationem.

CAPUT XLIX.

De Græcis seculi IV. Patribus & Scriptoribus
Ecclesiasticis.

I. **P**ETRUS Alexandrinus post Theonam Episcopum , in persecutione , quæ à Diocletiano cœpta usque ad Constantini duravit imperium , cum multi Christianorum lapsi essent , *de Pœnitentia* eorum Canones conscripsit , qui apud Zonaram & Balsamon extant. Exagitatus est à Meletio Episcopo schismatico cui adhæsit Arius : & circa Christi annum 310. abscisso capite ultimus inter Alexandrinos præfules martyrium subiit.

1. Petrus Alex-
andrinus.

II. EUSEBIUS Cæsareæ in Palæstina Episcopus , ob familiarem amicitiam cum Pâmphilo martyre contractam , Pâmphili cognomento insignis , in Diocletiani persecutione defecisse dicitur à fide ; deinde Arianos , non minùs quam Eusebius alter Nicomediensis , propugnavit ; inter quos Tyrio conciliabulo adversus S. Athanasium præfuit : hæreticus & ipse habitus non solum ab eodem Athanasio , sed à B. quoque Hieronymo in Rufinum , & à legatis sedis Apostolicæ in 7. Synodo , act. 5. unde nihil mirum si acta martyrum ejus temporis , & res ad Arium ejusque sectam pertinentes

2. Eusebius
Cæsariensis.

minus sincerè narraverit in *historia Ecclesiastica*, quam libris decem ab initio nascentis Ecclesiæ ad annum ferè 320. perduxit. Ea, ob sparsos in ea Arianismos & nimias Origenis laudes, inter Apocrypha rejecta est à Gelasio. Præter eam alia quamplurima scripsit vir apprimè doctus: ex his supersunt libri *de Vita Constantini*, *de Præparatione*, *deque Demonstratione Evangelica*, & *Chronicon* ab Abrahamo ad annum Christi 318. pertingens, ab Hieronymo versum & continuatum, cujus pars tantùm Græcè invenitur: & alia quædam opuscula, de quibus nulla controversia est. De eo vide Valesium.

3. *Eusebius Emisenus.*

m Cap. 91. Catalogi.

III. EUSEBIUS Emesæ in Phœnicia Episcopus, inde dictus *Emisenus*, & ipse Arianz factionis signifer ab Hieronymo m dictus, tempore Constantii Imperatoris scripsit eodem teste, in *Evangelia Homilias breves*, sed plurimas. Ejus nomine hodie circumferuntur *Homilia in Evangelia totius anni*, & aliæ circiter quinquaginta variorum argumentorum, differtissimæ: sed harum Homiliarum autorem Bellarmini, Posslevini, Baronii judicio, Latinum hominem fuisse, & Abbatem in insula Lirinenſi juxta Massiliam, tandemque Episcopum, colligitur ex harum homiliarum quinta imprimis de *sancto Maximo & de sancta Blandina*: unde non difficilis est conjectura *Faustum* Regiensem vel *Casarium* Arelarensem, ex Lerinenſibus monachis Episcopos, eas composuisse. Sed *Faustini* adjectæ putantur homilæ aliquot *Eucherii* Episcopi Lugdunenſis, qui tres Antistites in Gallia seculo 5. floruerunt. Illas autem in *Evangelia totius anni Homilias* sive *sermones* 143. *de tempore ac de sanctis* Beato Brunoni Astensu, qui Cassinenſis primùm monachus, deinde Episcopus Signinus & Romanæ Ecclesiæ Cardinalis fuit, vindicant indices Vaticani & Cassinenses, cum Petro Diacono, Cassinenſi Bibliothecario.

4. *S. Athanasius.*

IV. S. ATHANASIUS, Ecclesiæ Alexandrinæ adhuc Diaconus, in Nicæna Synodo adversus Arium strenuè pro Catholica veritate dimicavit. Anno sequenti, defuncto Alexandro ejusdem civitatis Patriarcha, ejus in locum successus est in qua dignitate multis Arianorum Ethnicorum, que insidiis appetitus, Orientalium apud Tyrum Conciliabulo damnatus, & sæpius exilium perpeſſus, tamen inter tot procellas invictus, & Romanorum Pontificum autoritate sublevatus, ad tempora Valentis Imperatoris, atque annum

Christi 373. pervenit, absoluto scilicet 46. anno Pontificatus sui, mortuus, ut colligitur ex Epistola Proterii Patriarchæ Alexandrini ad Leonem. Ejus Opera prius Latinè tantum quatuor voluminibus edita; deinde Græcè & Latinè tum anno 1601. apud Commelinum, tum Parisiis anno 1627. in duos tomos distributa habentur. Ex his tomo 1. *Oratio contra Idola*, & *Liber de incarnatione Verbi* Bellarmino videntur esse duo libri contra gentes, quorum meminit sanctus Hieronymus. Dubitat idem cum Baronio an *disputatio cum Ario* habita sit, sive in Concilio Nicæno ut præfert inscriptio; sive alibi: imò & an Athanasium habeat autorem. *Testimonia ex Scriptura de naturalis communionis similis essentia inter Patrem, Filium & Spiritum Sanctum*, ab alio esse collecta patet ex eo quòd quædam ad Verbum transscripta sint ex quæstionibus ad Antiochum, quæ non putantur esse germanum Athanasii opus. *De Expositione fidei* ambigit quoque Bellarminus, quòd cum Symbolo B. Athanasii ex adverso pugnet; quantum ad distinctionem personarum sive hypostasim. Idem *Liberii Papæ Epistolam* ad Athanasium, atque ejus *Responsum* planè in dubium revocat, eò quòd Liberius in ea Epistola videatur de Athanasii fide dubitare; & nihilominus eum de fide consulari; quorum neutrum verisimile est: in confessione verò Athanasii dicatur, caro Christi suspensa in cruce, non ipse Christus: cum tamen S. Petrus Christum passum esse pro nobis, & S. Paulus Dominum gloriæ crucifixum affirmant. *Epistolam de Synodis Arimini & Seleucia* accipit Bellarminus pro libro contra Valentem & Ursacium, qui apud Hieronymum memoratur: etenim adversus eos ibi reverà scribitur: *Epistolam ad Marcellinum de interpretatione psalmorum* conjicit eundem esse librum cum eo quem Hieronymus vocat de titulis psalmorum, & Cassiodorus de varia excellentia psalmorum: Sermo sive tractatus de *Annuntiatione*, sive de sanctissima Virgine Deipara, Baronio & Bellarmino non videtur esse Athanasii, quòd in eo de duabus Christi naturis & operationibus in una hypostasi, deque appellatione Deiparæ adeo accuratè disseratur, ut facile appareat auctori cognita fuisse 3^a 4^a & 6^a Synodorum generalium Decreta contra Nestorium, Eutychetem, & Monothelitas. Libri de *Virginitate* sive de meditatione, stylum dejectum Erasmus notat: sententias ipsas respuunt Sculte-

tus & Riverus, præsertim quòd hominibus præcepta servantibus locum in tertio Angelorum ordine polliceatur. Idem Homiliam *de Semente* rejiciunt, quòd in Anglicano tantum Codice reperiatur, & vix quicquam habeat laude dignum: nec orationem *contra omnes hæreses* admittunt, quòd sermo videatur vilior, & confusus. Tom. 2. libri *de Assumptione Christi* floridior stylus Sculteto suspectus est. Epistolam *ad Serapionem de Spiritu sancto*, cujus initium *Littera tua sacra dispositionis reddita mihi sunt in Eremito*, idem post Erasmus censet ingenio Athanasii minimè dignam; sed Athanasii imitamentum. *Symbolum* incerto sed antiquo interprete, licet in multis vetustis Athanasii Codicibus non repertum, vix quisquam dubitat, quin Athanasii sit, cum sub ejus nomine citetur à B. Augustino. Dicitur & *Confessio* sive *expositio Catholica fidei*, & à quibusdam Vigilio Africano perperam tribuitur. Sed de variis illius Symboli apud veteres appellationibus consulendus Sirmondusⁿ. Videnda & Vossii atque Usserii opuscula de Symbolis. Epistolæ *ad Ammum* cum Epistola *ad Dracontium*, in matrimonii cum cælibatu comparatione repugnantiam, quam putat Scultetus, distinctione facile tolli Riverus agnoscit. Definitiones quædam seu Liber *de definitionibus Theologicis* maximam partem excerptus est ex Anastasii Sinaitæ *ὁμολογία* seu *dulce vix*, ut observat Ph. Labbeus: & ab alio quam Athanasio compositus videtur Bellarmino, quòd in iis Gregorii Nysseni, cujus scripta operibus Athanasii posteriora fuerunt, auctoritas adducatur: *Dialogi quinque de Trinitate* creduntur magna ex parte esse Maximi monachi Constantinopolitani, cui ejus generis disputationes tribuit Baronius^o; vel Theodoriti cui adscribit Photius^p, potius quàm Athanasii. *Colloquium Orthodoxi & Macedoniani*, ac sequentes disputationes Theodorito quoque vindicatur à Phorio^q. *Quæstiones ad Antiochum*, quamvis propugnent Turrianus & Malvenda: tamen repudiat Bellarminus^r; quia in iis laudatur Epiphanius, itemque Chrysostomus, Maximus, Nicephorus Athanasio juniores: quin & quæst. 23. citat autor ipsum Athanasium atque ab eo dissentit. *Diffin & interpretationes Parabolarum sancti Evangelii*, aliquà saltem ex parte de sumpta sunt ex Chrysostomo, Cyrillo Alexandrino, ac Gregorio Nysseno, ut videre est quæstionib. 36. 37. & 86.

ⁿ In notis ad Theodulphum Aurelianensem:

^o Ad ann. 657.

^p Cod. 145. biblioth.

^q Cod. 46.

^r De Scriptor. Ecclesiast.

Quæstiones alias *viginti* Anonymas probabilis conjectura est Græci cujusdam recentioris opus esse, cum in iis negetur Spiritus sancti ex filio processio. *Vita S. Antonii Eremitæ* scripta est procul dubio à B. Athanasio, teste S. Gregorio Nazianzeno^f, Hieronymo^g, sancto Augustino^h. Sed quæ nunc extat, eam non esse Athanasii contendunt Centuriatores ac reliqui heterodoxorum critici, ex eo imprimis quòd Pauli Eremitæ cum Antonio congressi non meminerit, cui tamen petenti donatum ab Antonio Pallium refert Hieronymusⁱ; cum in hac Antonii Vita, quæ Athanasii nomen præfert, dicantur fratres ab Antonio in extremis agente. jussi pallium idem ad Athanasium deferre: tum etiam quòd ea regulas vitæ Monasticæ non contineat, quas testatur Nazianzenus voluisse Athanasium eo in opusculo sub specie narrationis promulgare: quòd præterea indoctus ibi describatur Antonius, quem tamen nonnulli causidicum priùs fuisse memorant: denique quòd fabulis similia narrantur. Contrà Bellarminus eam ipsam Antonii Vitam esse asserit, quam inter Athanasii opera recenset Hieronymus, quòd insigni volumine, ut Hieronymus appellat, Vitæ monasticæ perfectum exemplar in actis Antonii tradat, quorum nonnulla hominibus ab eo vitæ genere & Christiana pietate alienis fabulosa censeantur. Et verò in ea occurrit revelatio illa de anima Ammonis, quam ex vita S. Antonii ab Athanasio scripta referunt Palladius, & Socrates, aliaque plurima ab Augustino adducta miracula. Nec silentium de congressu Pauli certum est falsi argumentum: potuit enim vel nescire, vel omittere Athanasius quæ ad Paulum spectabant: potuit etiam post Pallium Paulo donatum, aliud à morituro Antonio ad Athanasium mitti: neque enim verisimile est Antonium extremo vitæ tempore omnino nudum vixisse. De imperitia Antonii vel simplicitate, Athanasio potius credendum: & novitii sæpenumerò sunt in studiis Ecclesiasticis homines forenses. *De Deitate ad Theophilum* liber, cum aliis decem sub variis titulis ad Catholicæ & Arianæ confessionis dilucidationem pertinentibus, sive *Libri undecimi de Trinitate*, non ex Græco Athanasii versù, sed Latino sermone sub ejus nomine scripti sunt à Vigilio Afro Diacono, qui circa annum 350. vixit, & à nonnullis cum Vigilio Episcopo Tridentino confunditur:

^f Orat. in Athanasium.

^g De Scriptorib. Ecclesiast.

^h Lib. 8. confess. cap. 7.

ⁱ In vita Pauli.

y Lib. 5. in Euty-
chem.

qua de re Sirmondus in notis ad Theodulphum Aurelianensem, apud quem citatur hic Vigilii Thapsensis. Idem esto iudicium *de disputatione* quæ sub nomine B. Athanasii velut, cum Ario Laodiceæ habita extat, ipso Vigilio y se illius opusculi autorem fatente. Eadem ratione supposititia videri potest *exhortatio ad Monachos*, quæ Latinè tantum reperitur. *Epistolas Athanasii ad Marcum Papam, & Marci ad Athanasium* spurias esse ratio temporis evincit,

z In Chronico.

ut supra post Baronium ostendimus. Liber *de Passione Imaginis Iesu Christi* crucifixæ apud Berytum, præmiis duabus narrationibus Græcis, etsi laudetur tanquam Athanasii in 2. Synodo Nicæna act. 4. alterius junioris Athanasii sit oportet, cum miraculum illud Sigebertus z ad annum 766. referat, Jacobus autem de Voragine in historia Longobardica ad annum 750. de qua consulendus Baronius a. Quæ alia extra editionem Parisiensem in magna bibliotheca veterum Patrum, ejusque Auctario, sub titulo Athanasii occurrunt, fatis incertæ sunt. *Commentarium* verò in *Epistolas B. Pauli* qui primis Athanasii editionibus insertus fuerat, completum postea est revera scriptum fuisse à Theophylacto.

5. S. Basilii.

V. S. BASILIUS Cæsareæ in Cappadocia Episcopus anno 369. Arianis & in his ipsi Valenti imperatori strenuè obstitit, ac post multos pro religione Catholica labores ad Dominum migravit ineunte anno 378. Ejus opera Græcè & Latinè Parisiis edita sunt anno 1618. cum notis Frontonis Duczi in duos tomos distincta. In I. tomo sunt *Homilia novem in hexameron*; quibus adjectæ *alia dua*, videntur ab alio autore elucubratæ: in his enim agitur de hominis opificio, quod Basilii non attingit, teste S. Gregorio Nysseno: Et verò novem tantum ejusmodi homilias memorant B. Hieronymus & Suidas. *Præfationem in Psalmos* quæ Basilio assignatur, ex Latina S. Augustini in Græcum sermonem translata fatetur Duczus. *Homiliam posteriorem de jejunio* Erasmus Basilio abjudicat, cui contrà vindicat Possevinus, ut potè Basilii nomine à Joanne Damasceno & Euthymio citatam. *Commentarios in capita sedecim Isaia* tucur adversus Erasmum Godefridus Tilmannus in Apologia suæ interpretationi præfixa; & cum eo Duczus, quodd à Maximo monacho, Joanne Damasceno, Tarasio Patriarcha, Oecumenio & aliis, quædam ex illis descripta vel lau-

data sunt. Nec refert quòd caput VIII. horum Commentariorum aliter censeat de anima Samuëlis, quæ Saùli apparuit, quàm de eadem differatur in *Epistola* 80. ad *Eustachium* medicum: quoniam hæc *Epistola* non est revera Basilii, sed tractatus Gregorii Nysseni de Trinitate. Tomo 2. ex *libris quinque ad Eunomium* Erasmus duos postremos, quasi Basilio indignos, expungit; alii tamen servandos, existimant. Librum de *Spiritu sancto ad Amphilochium*, admodum inæqualem, & in iis quoque quæ erudita aliunde sunt, à stylo Basilii discrepantem judicabat Erasmus jam nominatus in *Epistola* nuncupatoria ad Joannem Dantiscum, eumque sequitur Cocus & alii heterodoxi; quibus id opusculum ex eo præsertim capite displicet, quòd Traditionum asserat necessitatem. Propugnant Bellarminus^b, Costerus & Ducæus: ipseque Rivetus fatetur pro genuino Basilii citari à Theodorito, tam in dialogo 1. quàm in anathematum Cyrilli refutatione. *Asctica* sive *Regula monastica* duplici opere tractatæ inveniuntur, quæstionibus seu definitionibus aliis fusiùs, aliis compendio explicatis. Illas Basilio vindicat Baronius ex assertionem Gregorii Nazianzeni: Posteriores indubitatas non esse agnoscit Bellarminus & Possevinus: deque his videndi tum Photius, qui eas adscribit Basilio; tum Sozomenus, qui refert à nonnullis attributas fuisse Eustachio Sebasteno, cujus errores damnati sunt in Concilio Gangrensi. Adde *Epistolas Canonicas*, tum ad Amphilochium, tum alias.

^b Lib. 4. de Verbo Dei cap. 7.

6. S. Gregorius Nazianzenus.

VI. S. GREGORIUS Nazianzi in Cappadocia natus, S. Basilii tum studiorum Athenis, tum vitæ monasticæ in solitudine Pontica, propè individuus comes; ab eo deinde Sasimorum Episcopus creatus, eo Episcopatu paulò post cessit, & patris vice Nazianzenam Ecclesiam administravit: unde *Nazianzeni* cognomen accepit. Inde Constantinopolim à Catholicis evocatus, plures de fide orationes ibi habuit adversus Arianos: unde Theologi titulum meruit. Verùm ob turbas à Maximo Cynico excitatas, sponte Nazianzum secessit, ubi anno 389. vivere desuit. In scriptis suis, quæ sanctus Hieronymus ad triginta millia versuum accessisse testatur, eloquentiam cum sapientia mirificè conjunxit. Idem Hieronymus eo magistro se scripturas didicisse testatur. Græco-Latina operum ipsius editio Parisiensis anni 1609. in duos Tomos divisa est, cum Nicetæ, Serronii, Pselli,

¶ Tom. 1. Theo.
logico. dogm.
lib. 2. cap. 6. nu-
mero 3.

Nonni, & Eliæ Cretensis Commentariis, Jacobo Billio Prunæo interprete. Tomo 1. *Oratio* 23. in laudem Hieronymo jam laudato : *Orationem* 45. ad Evagrium monachum *de Divinitate* non esse revera S. Gregorii Nazianzeni arbitratu Petavii ob styli diversitatem, tum quod pedestris illius & plebeius sermo minimè Nazianzeni elegantiam & granditatem redoleat.

De significatione sive *annotatione in Ezechielem*, dubitant Græci, ut observat Billius; tum ex stylo involutus, atque confusus, tum ex eo quod præter titulum, aliarum quoque sacræ Scripturæ partim expositiones, velut Scopas dissoluras, contineat. Tractatus *de Fide* & alius Tractatus *de fide Nicæna* quæ Latinè tantum ex versione Rufini reperiuntur, neque Gregorii genuinum opus, neque Græci autoris, sed Latini, licet antiqui, esse Morello videtur.

Metaphrasis seu translatio *in Ecclesiasten* opus est Gregorii Thaumaturgi Neocæsareæ in Ponto Episcopi, ex Hieronymo & Rufino.

In appendice ad 1. tom. *Orationem* 48. in SS. Martyres & contra Arianos Nicolaus Faber teste Morello censuit excerptam esse ex aliqua Chrysostomi oratione.

Testamentum ipsius S. Gregorii, Eucherio & Evagrio Coss. à Baronio aliisque viris eruditis probatur: illud labefactare conatur Riverus argumentis haud multum solidis.

Tragædiam, cui titulus *Christus patiens*, in dubium revocant Possévinus & Bellarminus, cui non videtur habere gravitatem Nazianzeno dignam: Baronius^d Apollinaris Laodicensi potius, quàm Gregorii opus existimant.

¶ Tom. 1. ad
ann. 34.

7. S. Gregorius
Nyssenus.

VII. S. GREGORIUS *Nyssenus* cognominatus, quod Nyssæ in Cappadocia Episcopus fuerit, S. Basilii frater natus minor: vir fuit facundissimus, utpotè ex eloquentiæ Professore ad præsulis dignitatem evehctus: interfuit Concilio Constantinopolitano I. & *Symbolum* in eo editum, conscripsisse creditur: è vivis excessisse putatur circa annum 395. Ejus opera Græcè & Latinè Parisiis edita anno 1615. curâ Frontonis Ducæi, in duos tomos distincta sunt.

Tomo 1. orationes dux *in Procreationem hominis* falsò à quibusdam Basilio adscriptæ, vel ab hoc Gregorio adhuc juniore, vel ab alio ejusdem ferè autoritatis atque ætatis scriptore, tum non indocto composiæ Ducæo videntur.

Epistolam Canonicam ad Lesoium Melitenes Episcopum non est

est quod Scultetus & Rivetus ab aliquo recentiore Græculo confictam affirmant, cum Joannis Zonaræ & Theodori Balsamonis in eam Commentarii Gregorio vindicent. Nec major est causa repudiandæ *Orationis in eos qui differunt Baptisma*. Tomo 2. *Oratio de Trinitate* nihil est aliud, quam Epistola 80. B. Basilii ad Eustathium medicum, ut monuit Bellarminus. Tractatus *de differentia substantia & hypostaseos* est ejusdem Basilii: Epistola 43. ad ipsum Nyssenum; *Vita* itidem *sanctæ Macrina*, eadem est cum Basilii Epistola ad Olympium monachum. At *Catechetica magna oratio* germanus est Nysseni partus, ut potè à Theodorito sæpius laudata in dialogis adversus hæreticos; fatente etiam Casaubono in notis ad Epistolam Gregorii hujus ad Ambrosiam & Basilissam, eam orationem opus esse eximium, si dogmata nonnulla excipias, ab Origenis sectatoribus aspersa. Idem censendum de *Oratione de Virginitate*; itemque *de dialogo cum sorore Macrina*, ubi agitur de anima & resurrectione; idemque de *oratione* inscripta, *de Infantibus qui pramaturè abripiuntur*; in quibus opusculis quod errores aliquot, præsertim Origenis, occurrunt, causa traditur à Nicephoro^c, quod scilicet quædam ab hæreticis inserta fuerint Nysseni operibus. Orationem *de occurſu Domini* quidam rejiciunt apud Possevinum, quòd in aliquibus immutata & plenior edita sit per Simeonem Metaphrasten. Orationem *de vista S. Gregoris Thaumaturgi*, quam Suidas aliique agnoscunt, unus Scultetus in dubium revocat; ut & Orationem *de laudibus S. Theodori martyris*. Oratione *de iis qui adveniunt Hierosolyman*, quæ Guilielmi Morelli, deinde Petri Molinæ operâ Græcè & Latine prodit, Centuriatores & critici heterodoxi ad impugnandas religiosas peregrinationes utuntur. Verùm Baronius existimat eam ad Anachoretas & fœminas pertinere; Bellarminus & Gretserus dubitant an sit Gregorii, indeque desumpta argumenta refellunt. In Epistola *ad Eustathiam, Ambrosiam & Basilissam* Casauboni interpretis notas in multis corrigunt Ducæus & Gretserus. In Appendice Oratio *de Penitentia*, & oratio *in principium jejuniorum* Asterio Amasæ Episcopo à quibusdam adscribitur apud Photium. In prioribus editionibus habebantur sub nomine Gregorii Nysseni libri octo *de Philosophia*: sed Nemesii Philosophi Christiani & Episcopi esse agnoscunt Posse-

^c Lib. II. cap. 19.

f In lib. de Scrip-
torib. Eccles.

8. *Timotheus.*

vinus ac Bellarminus f. Et verò illud opus sub Nemefii titulo invenitur tomo IX. Bibliothecæ Patrum.

VIII. TIMOTHEUS *Alexandrinus* post Petrum fratrem Patriarcha, Concilio æcumenico præfuit, eoque definiente turbas movit adversus S. Gregorium Nazianzenum. Extant ejus *Responsa Canonica* apud Balsamonem, aliosque Græcos.

9. *Cyrillus Hierosolymita-
nus.*

IX. S. CYRILLUS HIEROSOLYMITANUS Episcopus creatus anno 350. ex Magistro Catecheseon, sede suâ sæpius dejectus, sæpius in eam restitutus, vixit ad annum 386. *Catecheses* scripsit junior priscis Scriptoribus cognitæ, extantque octodecim *ad Illuminatos* seu baptizatos, & quinque *Mystagogica*: quas tamen Joanni Episcopo Hierosolymitano assignant heterodoxi: atque interpolatas contendunt autoritate indicis librorum Græcorum, quos Respublica Augustana emit ab Antonio Eparcho Corcyræo.

10. *Didymus.*

X. DIDYMUS Alexandrinus claruit sub Valentiniano & Valente, vitamque perduxit ad Theodosium, atque ad annum Christi saltem 392. quo B. Hieronymus Catalogum Scriptorum Ecclesiasticorum scribebat. Idem ejus se discipulum fuisse professus, etsi à prima ætate Cæcum plurima egregia Opera dictasse scribat tanquam magistri sui admirator; nihilominus eum in quibusdam erroribus Origenis secutum non inficiatur. Præter breves *Enarrationes in Epistolas Canonicas*, quæ habentur tomo 9. Bibliothecæ Patrum, & *librum contra Manichæos*, quem Henricus Canisius & vulgavit: extat *liber de Spiritu sancto* inter opera S. Hieronymi, ab eo Latinitate donatus.

g Tom. 5. antiq.
lectionum.

11. *S. Epiphanius.*

XI. S. EPIPHANIUS, Eleutheropoli natus, Salaminæ sive Constantiæ in Cypro Episcopus, quinque linguarum peritus, iisdem temporibus floruit ad annum 403. Omnia illius opera Græcè & Latine duobus tomis excudi Parisiis anno 1622. curavit Dionysius Petavius cum eruditis uberibusque animadversionibus. Tomo 1. continetur opus *adversus LXXXI. hæreses*, quod *Panarium*, sive *Arcula* inscribitur. 2. *Ancoratus Ἀγκυρωτός*, in quo Doctrina Fidei exponitur: & *de Ponderibus ac Mensuris*: opusculum quod inscriptum est *de vita Prophetarum*, & *orationes octo* falsò ejus nomen præferre existimat idem Petavius, & alii.

12. *Amphilochius.*

XII. Addatur *Amphilochius*, Iconiensis in Lycaonia Epis-

opus, ad quem est Epistola Canonica S. Basilii; cuius, ut & S. Gregorii Nazianzeni æqualis, adhuc anno 392. vivebat Hieronymo teste ^b. Opera illi à variis attributa in unum volumen congesta, & Græcè ac Latinè Pariliis edita sunt anno 1644. In his *Homilia in Sanctam Deiparam & Simeonem*, atque alix fortè nonnullæ adscribuntur à quibusdam alteri Amphiloquio Episcopo Sidenfi, qui Concilio Ephesino interfuit. *Vita autem sancti Basilii*, à Baronio, Bellarmino, Possevino, aut spuria censetur, aut in plerisque corrupta.

^b De Scriptor. Ecclesiast. cap. 133.

CAPUT L.

De Latinis Seculi Quarti Patribus atque Autoribus Ecclesiasticis.

I. CONSTANTINI MAGNI, qui primus inter Imperatores Christiana sacra amplexus est, præter *Epistolas* quasdam, & *Orationem ad sanctorum cætum*, legesque in Codicibus Theodosiano & Justiniano sparsas, circumfertur *Donatio* sive *Edictum* à Gratiano ^a relatum, quo Romanus Pontifex non solum Sacerdorum Princeps constituitur aut agnoscitur, sed ei præterea imperatorium diadema, Lateranense Palatium sive Basilica Constantiniana, atque adeo urbs Roma cum Italia & Occidentalibus provinciis conceduntur: quibus ut commodius fruatur, Byzantium transferenda proponitur Imperii sedes. Hoc Edictum ex actis B. Silvestri Pontificis (quæ à Catholicis in urbe & alibi suscipi & legi testatur Gelasius ^b) descriptum, extat Græco etiam sermone apud Balsamonem ^c. Donationis illius meminere imprimis ex veteribus Leo IX. Papa ^d, & Petrus Damianus ^e: sed illius fidem elevat præsertim, quod in actis Silvestri memoratur hæc concessio Constantino IV. & Gallicano Coss. facta, id est, anno vel nullo; (neque enim invenitur ille consulatus) vel 317. Constantini imperantis 12. quo tempore Gallicanus & Bassus consules leguntur. Adjicitur id 4. die post sacrum baptismum Romæ à Constantino Silvestri manibus acceptum; cum tamen eum sub exitum vitæ anno scilicet 337. ab Eusebio Nicomediensi Episcopo prope Nicomediam baptizatum referant non modo Græci autores Eusebius, Socrates, Theodorus, Evagrius; sed

1. *Constantinus deque ejus Donatione.*

^a In Can. Constantinus dist. 96.

^b Can. 3. dist. 15.
^c In Photii nomocanonem tit. 9. cap. 1.

^d In libello adversus Michaelem Constantin. Patriarcham & Leonem Accridanum.
^e In disceptatione Synodali inter regium Advocatum & Romanæ Ecclesiæ defensores.

Latini quoque Patres S. Ambrosius, S. Hieronymus, &c. His aliisque de causis in dubium non immeritò revocatur hoc Edictum ab eruditis, etiam orthodoxis, Laurentio Vallâ, Ænêâ Sylvio, Nicolao Cusano, Melchiorre Cano, Joanne Morino, ipsoque Baronio f.

f Adan. 324.

2. S. Optatus,
& Phœbadius.

II. S. OPTATUS *Milevitanus* Episcopus in Africa eodem fermè tempore floruit quo *Phœbadius* Aginnensis in Gallia: atque ut hic *contra Arianos* & Sirmiensem Fidei formulam; ita ille *adversus Schisma Donatistarum* egregiè scripsit. Uterque Hieronymo cognitus, utriusque opus in Bibliothecis veterum Patrum habetur. Phœbadii liber P. Pithæi studio primùm prodiiit Parisiis cum aliis priscorum Galliarum Theologorum scriptis: Optati quoque opera seorsim edita sunt, Lutetiæ imprimis anno 1631. cum Gabrielis Albaspinæi Episcopi Aurelianensis observationibus.

3. Hilarius.

III. HILARIUS Pictaviensis in Aquitania Episcopus, Ecclesiæ ac fidei Catholicæ adversus hæreticos acerrimus propugnator, ideoque Arianorum factione è Concilio Biterrensi relegatus in Phrygiam anno 336. deinde Constantii Imperatoris jussu, post quadriennium restitutus: veram adhuc doctrinam damnatis Ariminensis pseudosynodi actibus ubique per Gallias asseruit, donec anno 367. aut circiter migravit ad Dominum. Ejus Opera Parisiis accuratè edita sunt anno 1605. In his indubitata fidei sunt *de Trinitate* libri duodecim, libri tres *adversus Constantium Augustum*, quorum duos ipso Constantio superstitè scriptos putat Bellarminus, tertium paulò post ejus mortem, cum tamen ejus nuncium nondum accepisset Hilarius in Gallia. Sed eum cuius meminit Hieronymus, tanquam compositi post Constantii obitum, non extare Baronius putat. *De Synodis* etiam adversus Arianos liber, aliaque opuscula: in quorum numero *Epistola & Hymnus* ad Afram filiam, cujus meminit Venantius Fortunatus Hilarii successor, in ejus vita: eoque testimonio refellitur contraria Erasmi sententia. *Commentaria* in plerosque *Psalmos* ex Origene versa existimat idem Erasmus. *Epistola* duæ ad Augustinum de reliquis Pelagianæ hæresis, nondum Hilarii nostri tempore ortæ, alterius Hilarii sunt, qui cum Prospero Semipelagianos impugnavit. *Carmen* in *Genesim* ad Leonem Papam, autorem habere creditur Hilarium Episcopum, non Pictaviensem, sed Arelatensem, qui eam Ecclesiam ab anno fermè 430. ad 454. rexit. Liber de

Patris & Filii unitate, & liber *de Essentia Patris & Filii*, rapsodiæ sunt ex libris de Trinitate, paucis aliunde insertis, confarcinatæ: Prior quidem ex 2. & 9. Posterior ex 7. & 8. De fragmento *Historia Concilii Ariminensis* anno 1598. Nicolai Fabri operâ edito, videndus Baronius g.

g Ad ann. 352.
& 357.

4. Ambrosius.

IV. S. AMBROSIIUS, Mediolanensis Episcopus, natus patre Ambrosio præfecto prætorio Galliarum, atque ab Anicio Probo ad Liguriam præsidis titulo regendam missus tempore Valentiniiani; mortuo Auxentio Ariano Episcopo, licet adhuc Catechumenus, tamen miro Cleri & populi consensu, vel potius divinitus Mediolanensis Ecclesiæ Præsul est renunciatus anno 374. Quod pertinet Capitulum *Valentinianus 3. dist. 63.* Is omnem Italiam, teste Hieronymo, ad fidem rectam convertit, ac tandem sanctè obiit anno 387. Opera ejus in posterioribus editionibus Parisiensibus distincta sunt in quinque tomos. Tomo 1. indubitati habentur Libri *de Paradiso*, *de Abel & Cain*, *de Noë & Arca*, *de Abraham Patriarcha*, aliique in diversa Geneseos & quædam sequentium Pentateuchi librorum capita. *Posterior apologia David*, ut & Liber *posterior de interpellatione David* à Possævino, Bellarmino, & Nicolao Fabro supposititia censentur. Eorum tamen argumenta diluit Theophilus Rainaudus h. To. 2. Liber *de Tobia* repudiatur ab Erasmo. To. 3. *Commentaria in Epistolas S. Pauli* Hilario Diacono Romano, qui Damasi tempore Luciferianum schisma propagavit, tanquam vero auctori ascribunt Bellarminus, aliique. Et verò multa in his sunt contra sententiam S. Ambrosii aliis in operibus explicatam, dicta. Usserius tamen de solis commentariis *in Epistolam ad Hebræos* dubitavit, quæ ex S. Chrysostomi in eandem Epistolam Homiliis Latinè redditæ sint excerpta. Tomo 4. Librum *de Filii divinitate contra Arianos*, S. Gregorii Nazianzeni esse; verum à sancto Ambrosio Latinitate donatum Joannes Costerus demonstrat i: quamvis Gesnerus interpretem faciat Rufinum.

h Tract. de libror. confus. p. 143.

i Ex epist. rrr. B. Augustini ad Iovinianum.

De Sacramentis Libri sex acriter oppugnantur à Coco, Salamasio, aliisque Calviniani dogmatis assertoribus, qui styli barbariem criminantur, nec ab ullo Patrum ætate proximorum citari aiunt; voluntque confarcinatos ex ejusdem Ambrosii Libris *de iis qui mysteriis initiantur*: contra tamen Catholicici eos utpote à Palchasio, Lanfranco, Guilmundo

m In institutio-
ne Sacerdotum,
titulo de necessi-
tate confessionis
1.

fatis antiquis Scriptoribus laudatos, tuentur. *De sacerdotali dignitate* Liber Anselmi stylum redolere videtur. Libri duo *de Penitentia* contra Novatianos, vocantur in dubium à Petro Soto m, defenduntur à Bellarmino & Rainaudo.

Tractatum de Virginis forma vivendi suspectum habent sectariorum nonnulli, haud satis idoneis argumentis. Sed *tractatus de Virginis lapsu*, sive *ad Virginem lapsam* ambiguus est Possévino & Bellarmino, quòd, juxta Novatianorum errorem, petenti veniam denegare videatur: cæterùm extat magna ex parte in B. Hieronymi Epistola ad matrem & filiam.

Liber *de Viduis* Perkinio heterodoxo improbatur.

Libros duos *de Vocatione Gentium* Bellarminus atque alii Prospero, alii ejus in impugnandis Pelagianis socio Hilario, Quesnellus Leoni Papæ assignat: Erasmus non abhorreere ait à phrasi Eucherii. Tomo 5. *Sermones* non pauci veteribus editionibus inserti, dubii sunt: ille imprimis qui est *de Baptismo Augustini* meritò rejicitur à Baronio. Inter *Epistolas* verò, quæ primis in editionibus erat 84. scribiturque *ad Demetriadem*, non Ambrosii est, sed Prosperi, ut Costerus & Suares putant; aut Pelagii, ut existimat Baronius.

Suspecta quoque est Epistola 82. in qua mentio fit Venetiarum in multitudinis numero; qui usus videtur posteriorum temporum post conditam scilicet Venetorum civitatem. *Preces* duas præparantes *ad missam* refert Theophilus ad S. Anselmum autorem, cujus nominis prima litera eadem cum prima nominis B. Ambrosii, cùm sola esset adscripta, errori locum dedit. *Hymnorum*, qui tribuuntur Ambrosio, quidam ejus verè sunt, teste Augustino; quidam Fortunati: alii neutro digni.

Tractatum etiam in Apocalypsin, & *Librum de virtutumque consuetudine* ad Simpliciū, non esse Ambrosii docent Sixtus Senensis, Possévinus, Bellarminus, alii: Et sanè in posteriore memorantur Longobardi Italiam invadentes, quod duobus atque ampliùs seculis post mortem Ambrosii contigit. *Expositio fidei contra Arium*, est epitome ex lib. 1. de fide ad Gratianum Augustum concinnata, ut monuit Baronius. Liber *de Penitentia* cum adjuncta ad eam cohortatione, à Possévinò adscribitur Victori Cartennæ in Mauritania Episcopo, à Philippo verò Labbeo ex fide Codicum manuscriptorum, Victori Tununenſi in Africa quoque Episcopo. Libros quin-

que Hegesippi nomine vulgatos de Excidio Hierosolymitano, sunt qui Ambrosio adscribunt.

CAPUT LI.

De Scriptoribus Græcis Ecclesiasticis, qui Seculo Quinto floruerunt.

I Hoc seculum, cum superiore, insignium doctrinâ & pietate Patrum copiâ fecundissimum fuit. In Græcis primus occurrit S. JOANNES, CHRYSOSTOMUS, sive *Os aureum*, ob eloquentiam cognominatus. Is natus Antiochiæ anno 354. aut circiter, à forensi tumultu ad monasticam quietem transiit circa annum ætatis 22. at quinquennio ferè post, ad Ecclesiasticam vocatus militiam, Presbyter ordinatus est à Meletio Antiocheno Patriarcha, & Marcionitis ac cæteris ejus temporis hæreticis bellum indixit, eoque disputando confutavit: tum anno Christi 398. post Nectarii mortem ad Ecclesiæ Constantinopolitanæ regimen evehctus Arcadio imperante. Verùm agente Eudoxia Augusta, & Theophili Alexandrini aliorumque Episcoporum conspiratione, in Synodo ad Quercum damnatus ac sede suâ dejectus anno 403. tamen paulo post ad eam est revocatus. Verùm iterùm pulsus, & Cucufum (quod est Armeniæ oppidum) deportatus, post graves ærumnas apud Comana Pontici tractus villam, anno 407. ætatis 53. sanctè obiit, cùm ab adepto Patriarchatu nondum effluxisset decennium. Ejus Opera Latinè dumtaxat primùm edita, hoc seculo Græcè prodierunt, Etoniæ in Anglia anno 1613. operâ Henrici Savvillii typis excusa. Græco-Latina editio nulla per se omnibus partibus absoluta reperitur: sed consilari potest hinc ex voluminibus sex à Frontone Ducæo Lutetiæ anno 1609. & 1614. editis, inde ex quatuor apud Commelinum excusis anno 1603. quæ postea Parisiis quoque recusa sunt. In Ducæi tomo 1. sunt *Homilia ad populum Antiochenum ἀντιόχην* dictæ, sive *de statuis*, quas ab eo habiras ut Antiochenos, profecto ad placandum Imperatorem Flaviano Patriarcha, consolaretur, scribit Nicephorus^a. Sed priores tantàm 21. in manuscriptis Codicibus Bibliothecz

i. S. Joa. Chrysostomus.

^a Lib. 12. cap.

33.

regiæ se offendisse testatur Ducæus apud Posslevinum: unde conjicit reliquas, quæ in Latinis editionibus reperiebantur, usque ad 80. ex aliis ejusdem Chrysostomi homiliis in varios novi fœderis libros coagmentatas, & quasi ex diversis laciniiis consutas esse; selectis nimirum cujusque moralibus conclusionibus, quod & exemplis ipse ac Bellarminus confirmant. Tomo 2. habentur imprimis homil. 67. in Genesis cap. 1. quarum decem in dubium revocantur à Sixto Senensi. In his homilia de Adamo & Eva, quæ incipit *Deus institutor mundi*, manifestè collecta est ex centonibus S. Augustini, adeo ut integra duo capita contineat ex libro de dogmatibus Ecclesiasticis transcripta, caput nempe 31. & 32. cujus quidem libri de dogmatibus autor proculdubio posterior est Chrysostomo. *Sermones de interdictione arboris & de lapsu primi hominis*, Joa. Poza à stylo B. Chrysostomi alienos putat, ut & sermones de verbis quibusdam David, de Absalon, de Elia, de Nahaman Syro, de beato Iob, & ultimam homiliam in Psalm. 142. Tomo 3. ex homiliis in Psalmos, 41. sunt Sixto Senensi ambiguae: *Commentarius præsertim in Psalmum 22.* sic abhorret à S. Chrysostomi phrasi, ut Posslevino & Bellarmino^b videatur esse auctoris Latini: nec Rivetus Chrysostomo vindicare ausus est. De homiliis duabus in Psalmum LI. litigant inter se Critici: rejicit Ducæus, asserit ut legitimas Max. Margunius: Savilius dubitat. Sed *commentarios in eundem Psalmum LI.* itemque in 101. & sex sequentes idem cum Ducæo pro germanis non agnoscit: & verò hi commentarii, ut & in Psalmum 118. magna ex parte sunt Theodoriti. *Liturgiam sancti Ioannis Chrysostomi* ab Erasmo versa, quæ tomo quoque 2. auctarii Græco-Latini Bibliothecæ veterum Patrum inserta est, impugnant Plessæus^d Hospinianus, & post eos Rivetus cæterique heterodoxi, eò maximè quòd exemplaria non planè inter se conveniant, quòd in ea nomen legatur ipsius Chrysostomi, precesque adjiciantur pro Nicolao Papa & Alexio Imperatore, qui pluribus seculis post Chrysostomum vixerunt: quòd denique Carolus Calvus in Epistola ad Ecclesiam Ravennatensem, ubi meminit Missæ in Constantinopolitana Ecclesia receptæ, eam Basilio auctori adscribit, non Chrysostomo. Verùm hæc argumenta leviora sunt: neque enim tanta est exemplarium diversitas, ut non maxima ex parte invicem congruant: Chrysostomi mentio

^b Lib. 2. de Euthar. cap. 22.

^c In epist. ad Davidem Hæthelium.

^d De Missa lib. 2. cap. 6.

mentio postea adjecta fuit ab exscriptore, ut & oratio pro Nicolao ac pro Alexio; neque hæc obstant quominus corpus ipsum Liturgiæ à Chrysostomo compositum fuerit: nihil etiam vetat vel lapsum fuisse Carolum Calvum, vel plures fuisse apud Græcos Liturgiæ formas, quarum quæ Basilium habebat autorem, usu magis recepta fuerit, post tempora Chrysostomi. Tomo 6. *Sermones* tres & septuaginta de *diversis utriusque Testamenti locis* censet Ducæus ab autoribus aut cœvis, aut certè proximæ antiquitatis, aliis tamen à Chrysostomo, compositos; quod styli diversitas faciliè suadet. Oratio quoque perpetuis ferè prosopopœis constans, sæpe concisa est, atque ad allegorias plerumque detorta: comparisonibus præterea sive similitudinibus caret, aliisque leporibus B. Chrysostomo familiaribus: & præter ejus morem rum exordiis in ingressu, rum adhortationibus & precationibus in fine destituuntur hi sermones. Ex his quatuor & quinquaginta velut spurios repudiat Sixtus Senensis ^d, quorum catalogus apud eum videndus. Homilia 26. in *Decollationem sancti Ioannis Baptista* citantur ab Anastasio ^e: itemque 32. in *sanctum Thomam Apostolum* à Synodo Lateranensi sub Martino I. Papa anno 650. & à Synodo generali 6. sub Agathone an. 681. Ex 33. in *Salvatoris nostri nativitatem*, inter opera S. Cyrilli Alexandrini, & in Concilio Ephesino editionis Romanæ pag. 159. monet Ducæus proferri testimonium, laudatum in libro ad Reginas scripto. Jam tomo 1. Commeliniano, Commentarii sive *Homilia* una & novaginta in *Evangelium S. Matthæi* Aniano interpretare, pro genuinis agnoscuntur. At *Opus Imperfectum* in eundem *Matthæum*, quod divisum est in quinquaginta quatuor homilias, doctum quidem ac disertum est opus, & lectu dignum, modò ab erroribus immixtis caveatur: verùm pro Chrysostomi legitimo partu non habetur à Sixto Senensi, Bellarmino, & Savilio. Petrus Vastehus Carmelita Joanni Hierosolymitano asserit: sed communis sententia est à Latino scriptum, non è Græco esse conversum. Apparet certè legentibus, vel autorem fuisse Arianum, vel ejus saltem scriptis non pauca ab Arianis aliisque hæreticis assuta: ideoque Baronius ^f non dubitat eum Scriptorẽm hæreticis accensere. Nihilominus eam ipsi auctoritatem conciliat antiquitas, & cum interpretandi subtilitate conjuncta eruditio, ut à Catholicis passim laudari

^d Lib. 4. Biblioth. sanctæ.

^e quæst. 61. in Scripturam.

^f Ad ann. 407.

f In cap. 8. Matthæi.

g Lib. 2. de temporibus novissimis. cap. 11.

h Lib. 1. in Epist. Pauli ad Rom. parte 3. disputat.

solcat: quemadmodum observat Maldonatus. ^f Neque his quæ de eo allata sunt adversatur, aut Josephus à Costa ^g, qui doctrinam ejus commendat, aut Alphonsus Salmeron, ^h qui elegantiam laudat in celebranda sacre Scripturæ ad cognoscendam Ecclesiam utilitate. Tomus 2. habet commentarios sive *Homilias* 87. vel 88. in *Evangelium S. Ioannis*.

Tom. 3. Commentarios sive *Homilias* 53. in *Acta Apostolorum*. Tomo 4. *Homilia* sunt 244. in *Epistolas Beati Pauli* tredecim, cum *Commentariis* in *Epistolam* ejusdem *ad Galatas*, à plerisque receptæ. Sed *Homilia* triginta & una in *varia loca Matthæi*; quatuordecim in *Marcum*, Septem in *varia loca Luca*, in *varia loca Ioannis*, & duæ tres ex 14. in *diversa loca Epistolarum Pauli*, minùs certæ habentur: *Expositio* quidem in *Marcum* Bellarmino iudice, quem alii quoque sequuntur, est cujusdam monachi fratribus suis evangelium explanantis, quod ex ipsa lectioneprehenditur.

Ejusdem etiam putantur *reliqui sermones*, qui Græcè extant: alii desumpti sunt ex homiliis S. Chrysostomi, aut ex opere imperfecto. Supposititios recenset Sixtus * jam nominatus, & Savilius. Habentur & quædam alia ejusdem S. Doctoris, tum in additis ad sex tomos antiquarum lectionum Henrici Canisii, & Tomo 2. auctarii Græco-Latini Bibliothecæ Veterum Patrum, tum seorsim Parisiis edita studio Fr. Combefis Dominicani & Jo. Bat. Cotelerii. Sed B. Chrysostomo adscriptus à quibusdam Heterodoxis liber sive *Epistola ad Casarium monachum contra Apollinatem*, &c. inter opera Chrysostomi non invenitur.

2. Theophilus.

II. THEOPHILUS *Alexandrinus*, post Timotheum Patriarcha, sedem illam obtinuit ab anno 385. aut circiter, ad 412. Monachos nonnullos Origenis sectatores atque alios hæreticos persecutus, cum B. Joanne Chrysostomo contentiones exercuit, adeo ut in gratiam Eudoxiæ Augustæ eum Episcopatu amoverit in Synodo ad Quercum haud procul Constantinopoli: cujus tamen facti pœnitentiam præ se tulisse dicitur, è vivis sublato Chrysostomo.

Ejus Opuscula, quæ ab utraque Ecclesia recepta sunt, à Latina in synodo Romana Gelasii, à Græca in Trullana synodo, plura olim fuere: ex iis extant hodie apud Zonaram & Balsamonem *Responsa* sive *decreta Canonica* Græcè & Latine; ac præterea in Bibliothecis Patrum *Paschales Epistola tres*, à

S. Hieronymo Latinè redditas, qui eum laudibus effert. ⁱ

III. ISIDORVS *Pelusiota* presbyter ac monachus Ægyptius, S. Chrysostomi discipulus, vixit ultra annum 431. ac permulta composuit, præsertim decem Chiliadas Epistolarum, in quibus eruditè ac dilucidè sacram Scripturam universam exposuerat, eâque expositione mores hominum omnis generis instituerat. Extant nunc *Epistolarum* ipsius libri quinque, qui Græcè & Latinè Parisiis anno 1638. prodierunt.

IV. CYRILLUS *Alexandrinus* Patriarcha, in ea dignitate Patruo Theophilo successit, anno 411. Decessit anno 444. Vir fuit tum sanctissimus, tum doctissimus. Cœlestini Romani Pontificis nomine Concilio Ephesino anno 431. præfuit, & Nestorium scriptis confutatum, autoritate damnavit. Operum ejus editionem Græco-Latinam curavit Jo. Aubertus Parisiis an. 1638. quæ sex tomis constat. Tomo 1. *de adoratione in spiritu & veritate* libri septemdecim, suspecti sunt Riveto nullâ idoneâ causâ. Continentur ibidem *Glaphyra* sive elegantia commentaria in quinque libros *Mosis*, quorum libri undecim in Genesim prius Latinè tantum in vulgus exierant. Tomo 2. *Commentariorum in Isaiam* libri 5. ab Humfredo Anglo latinitate donati fuerant, in cujus interpretatione emendata sunt nonnulla, quæ ab eo addita & minimè Cyrilli esse videbantur. Tomo 4. sunt libri decem *Commentariorum in Joannis Evangelium*, quorum 5. & 6. tum primùm utraq; linguâ editi sunt cum fragmentis 7i. & 8i. Quatuor enim intermedii reliquis germanis Cyrilli libris inserti à Iodoco Clichotore in prioribus editionibus, ejus imitatione sæculo superiore conscripti fuerant. Tomo 5. *Thesaurus de sancta & consubstantiali Trinitate* libris 14. constans, Cyrillo abjudicatur ab heterodoxis, contrâ vindicantibus Petavio & Theophilo Rainaudo ^l verum hoc opus ad nos imperfectum pervenisse demonstrant loci complures ex eo citati à B. Thoma, ^m quibus Primatus Romanæ Sedis evidentissimè asseritur. Et vero desiderari ex eo non pauca inde quoque evincitur, quod ejus operis liber 31. laudetur in 6. synodo. Sequuntur *Dialogorum ad Hermiam de Sancta Trinitate & Incarnatione* libri novem, cum antea septem tantum in vulgus exissent. Tomo 6. est explanatio duodecim capitum sive *anathematismorum contra*

ⁱ In epist. ad eund scripta, & in apolog. 2. contra Rufinum

^{3.} *Isidorus, Pelusiota.*

^{4.} *Cyrillus, Alexandrinus.*

^l In dissertationib. Eccl. In heteroematis.

^m In opusculo de error. b. Græcorum.

Nestorium, cum *Apologetico* & defensione adversus Theodorum, ex Concilio Ephesino. *Epistolam ad Calosyrium adversus Anthropomorphistas & Messalianos* dubiæ fidei habet Petkinusius, quod non extaret inter opera Cyrilli. Librum de *Sacro sancta Trinitate* posterioris alicujus auctoris esse existimat Bellarminus, quod in eo fusè disputetur de duabus Christi naturis & voluntatibus; quæ tamen quæstio diu post in 6. Synodo & circa ejus tempora cæpit agitari & disertè explicari. *Dicta veteris Testamenti anagogicè exposita* ex Cyrillo & aliis deprompta sunt: *breves Anagoga* an Cyrilli sint haud satis constat. Præterea *Homilias* 19. in *Hieremiam* edi Antuerpiæ curavit Corderius è S. J. anno 1648. Sed *Apologeti morales* ejusdem nomine Viennæ excusi anno 1631. Latinum autorem produnt. Libri 16. in *Leviticum*, quos priores editiones Cyrillo assignabant, Origenis reverà sunt; cujus & inter opeta inveniuntur, ejusdemque erroribus scætant. Quod hunc Cyrillum inter Carmelitici ordinis decora Trithemius & alii numerant, quemadmodum alij Cyrillum Hierosolymitanum, id Baronius^a refellit. Huic commento vel errori locum dedit alius Cyrillus multo junior, utpotè qui circa annum 1200. ejus ordinis Prior Generalis fuerit numero tertius.

^a Adann. 444.

5. *Theodorius*

V. THEODORITUS Cyri in Euphratesia Episcopus, ordinatus circa annum 433. interfuit Concilio Ephesino, & S. Cyrilli anathematismos scriptis antithesibus confutavit pro Nestorio condiscipulo suo: à Dioscoro deinde in altera Ephesina pseudosynodo episcopatu dejæctus, à Leone tamen pontifice absolutus est, cum eum in factò tantum errasse constitisset: nam & Nestorium inter hæreticos postea recensuit, & contra Eutychianos egregiè decertavit. Post synodum Chalcedonensem, cui interfuit, vixit ad annum saltem 446. ex Marcellini comitis chronico. Ejus Opera Jacobus Sirmondus in quatuor tomos distributa Parisiis utrâque linguâ edidit anno 1642. Tomus 1. complectitur *Quæstiones in libros Historicos veteris Testamenti & Psalmos*. 2. *Interpretationes in Prophetas*. 3. *Elegantem expositionem in Pauli Epistolas: & Ecclesiastica historia libros quinque* superstites ex decem, quos Gennadius memorat, ac *Philosoeon* sive *historiam religiosam*, & *Epistolas* 147. Ex commentario in caput 3. epistolæ 1. ad Corinthios S. Thomas in opusculo adversus

^a Lib. 4. hæreticar. fabularum.

errores hæreticorum citat locum *de Purgatorio* : cujus verba fatetur Possëvinus à se non esse inventa, sive à Græcis posterioribus detracta sint, sive alio ex opere à B. Thoma desumpta.

Utramque historiam Cocus & Rivetus supposititiam contendunt, vel certè interpolatam, quòd ambas dicant fabellis quibusdam ineptis ac Theodorito indignis aspersas; & præterea quod in posteriore memoretur obitus Simeonis Stylicæ; cùm tamen Theodoritus prius decessisse credatur, nimirum anno '453. paulò post Concilium Chalcedonense, post cujus tempora non facilè occurrir ejus mentio; quorum prius Gentianus Hervetus annotavit: posterius sensit Iac. Sirmondus. Uerùm fabulas illas neuter eorum observat, & Gennadius cap. 89. autor est Theodoriti historiam Ecclesiasticam pervenisse ad imperium Leonis senioris, sub quo is mortuus fuerit. Marcellinus verò Comes Theodoriti meminit adversus Eutychem Leonis 3. consulatu scribentis.

Inter *Epistolas*, autem illius non reperitur ea, quæ legitur synodi generalis act. 5. *de obitu Cyrilli ad Joannem Antiochenum*, quæ proinde suspecta est: Et verò Baronius p. à Nestoriano quodam confictam demonstrat, tum quòd Cyrillus septem annos vixerit post Joannem Antiochenum, tum quòd ex indubitatis aliis Theodoriti epistolis constet cum Cyrillo reconciliatum.

p. Ad annos 444.
& 453.

Tomo 4. *Eranistes* seu *Polymorphus* continetur, in tres dialogos distinctus. Deinde *Hæreticarum fabularum* libri quinque, quorum priores quatuor brevem singularum hæreseon historiam complectuntur, quintus Divinorum decretorum Epitomen *adversus Gentiles*, sive *de curandis Græcorum affectionibus*, libros 12. dubios habere audent Cocus & Patrologus, quòd eorum cum aliis non meminerit Nicephorus Callistus 9: Rivetus tamen quoniam eorum librorum stylus à Theodoriti loquendi forma ex eruditorum judicio non abhorret, nonnulla iis addira vult.

q. Lib. 14. cap. 44.

Meminit tamen hujus sui operis ipse autor non uno loco.^r Quædam alia ejusdem opera edita sunt cum libris B. Athanasij. De *nomocanone* autem seu *Canonum Collectione* suo loco dicemus.

r. Quest. 1. in
Leviticum, epist.
112. ad Leonem
Papam, & 116.
ad Renatum R. E.
diaconum.

CAPUT LII.

*De Latinis ejusdem Seculi quinti Autoribus Ecclesiasticis.*1. *Prudentius*

AURELIUS PRUDENTIUS *Clemens* Calaguntanus in Hispania; argumenta sacra metro tractavit, in quibus *Cathemerinon* siue *Diurnatum rerum opus*, scriptum ann 405. patet ex præfatione Stilicone & Aureliano Coss. data. Eo in opere hymni, qui in aliquibus codicibus inscribitur *ad incensum ceres Paschalis*, verius titulus est *ad accensionem Lucerna*. Inter ejusdem opera est etiam *Enchiridion veteris & novi testamenti*, quod quidam Sedulio Bibliotheca patrum amano cuidam poetæ ejusdem ætatis, adscribunt contra Gennadii auctoritatem, & contra fidem omnium manuscriptorum, teste Giselinio.

2. *Chromatius.*

• Præfat. in libros Paralip.

II. S. CHROMATIUS Aquileiensis, aliàs Romatianus episcopus, quem sui temporis Episcoporum doctissimum & sanctissimum vocat S. Hieronymus. ^a *Homilias* aliquot scripsit circa annum 400. quarum tres cum fragmentis aliarum supersunt in Bibliotheca Patrum. At *Epistola* sub nomine *Chromatii & Heliodori ad Hieronymum*, & hujus responsio, in quibus agitur de nativitate Beatæ Virginis, & de Martyrologio quæ inter opera S. Hieronymi relatæ habentur, suppositiæ sunt, ut Baronius probat.

3. *Rufinus.*

III. RUFINUS *Torannus*, Monachus, & Aquileiensis Ecclesiæ presbyter, B. Hieronymo primùm probatus, deinde exortis inter utrumque simultatibus, ab eodem exagitatus tanquam Origenis defensor, & Pelagianorum amicus, sancto antagonistæ, de quo mox, supervixisse non creditur. De ipsius Operibus Ecclesiasticis, quæ plurima composuit, sensit cum Hieronymo Gelasius Pontifex in Synodo Romana, & nonnulla approbavit, reliqua damnavit. In iis magna copia est librorum è Græca lingua, sed paulò liberiore stylo verforum, ut S. Clementis *Recognitionum* libri, *Eusebii historia Ecclesiastica*, & sub Pamphili titulo *Apologia Origenis*: hujus quoque Libri non pauci ac præsertim, *ἑπὶ ἀρχῶν* siue de Principiis: item *Sexti Pythagoræ* Philosophi ethnici *sententia*

sub falso Sixti 2. Pontificis & martyris nomine. Proprio autem marte conscripti sunt *historia Ecclesiastica ad Eusebium adjecta* libri duo, qui ad obitum Theodosii, & annum 695. perveniunt. Est & *expositio Symboli*, aliàs Cypriano, aliàs Hieronymo attributa. Verùm *Commentarii in Psalmos* 75. qui Rufini nomine circumferuntur, centones potius sunt ex S. Augustino, sancto Gregorio, aliisque excerpti.

IV. HIERONYMUS, circa annum Christi 329. natus Stridone, quæ civitas est seu oppidum in Pannoniæ & Dalmatiæ finibus, peragratis Italiâ, Galliâ, & Græciæ parte in eremo Syriæ monachum professus, & Antiochiæ à Paulino patriarcha presbyter ordinatus est anno 378. ita tamen ut nulli Ecclesiæ seu titulo adscribi voluerit. Inde Romam deinde profectus, Damasus Pontifici (à quo Cardinalem creatum nonnulli falsò comminiscuntur) in scribendis epistolis operam navasse dicitur, donec eo defuncto in Orientem reversus anno 385, in Monasterio apud Bethlehem consenuit, & nonagenario major circa annum 421 expiravit, ex Prosperi chronico: quanquàm anno 420. annos tantum duos & 70. natum excessisse putat Baronius. Linguarum quibus sacer uterque textus constat, peritia, indefessis laboribus quæsitâ, eximiaque omnis generis doctrina cum pari pietate conjuncta, satis superque refellunt futilia & perversa Luteri & Chemnitii de hoc sancto Scriptore judicia, in iis tantum quæ ad Grammaticam & historiam spectant, ejus autoritatem sequendam jactantium. Fatendum tamen est non pauca in ejus scriptis cautè legenda, quòd dum ex Origenis, Apollinarii, Didymi, aliorumque sententias commentatur, quorum indicem initio cujusque tractatus proponere solet, quædam nonnunquam profert à receptis Ecclesiæ dogmatibus aliena, quæ tamen ipse minimè probat: ideoque Hieronymiana ab alienis distinguenda. Operum ejus in editione Patiensis anni 1623. tomii sunt novem. Tomo 1. continentur *Epistola* 49. quarum decimaquarta ad *Celsantiam* à quibusdam adscribitur B. Paulino: quadragesima ad Augustinum dubia videtur. Tomo 2. dubiæ quoque habentur *Epistolæ* tum 56. ad Apronium, & 61. ad Pammachium, quæ nonnullis videntur Pelagianorum errori favere: tum 62. ad Theophilum, & 98. ad Augustinum. Tomo 3. mutux Hieronymi & Damasi Papæ *Epistolæ* à quibusdam

4. S. Hieronymus.

vocantur in controversiam; imprimis 142. cum tribus sequentibus; & præterea 126. ad Evagrium. *Quæstiones* seu *traditiones Hebraicae in libros Regum & Paralipomenon* à Nicolao Lirano, Sixto Senensi, aliisque, Iudæo cuidam Neophyto adscribuntur, & Hieronymo certè abjudicantur: tum quòd ipse Hieronymus ^b ubi testatur se scripsisse *traditiones* sive quæstiones Hebraicas in Genesin, & alias veteris Testamenti partes, hujus tamen operis non meminerit, tum quòd vix semel aut iterum in his quæstionibus referuntur vocabula Hebraica, vel Græca sacræ scripturæ, quod in aliis quæstionibus, ei est solenne: quarum & stylus gravior videtur. *Appendicem de Actis Apostolorum* Hieronymi non esse cum Hortingero & Riveto fatentur passim Catholici Doctores, quia inter venerabilis Bedæ opera reperitur, ipsumque Hieronymum citat. Tom. 4. *de commentariis in Threnos*, id est lamentationes Hieremiæ, meritò dubitavit Marianus Victorius episcopus Amerinus, Sixtus Senensis & Bellarminus non meritò suspicantur eorum autorem esse Rabanum Maurum, ut potè inter cujus opera reperiantur, & ex quibus loca nonnulla sub Rabani nomine adducantur à sancto Bonaventura ex opusculis S. Gregorii decerpta. Tomo 6. *Commentarii mystica expositionis in Marcum*, qui in antiquis editionibus occurrebant, optimo jure rejehti & omitti sunt, quòd à S. Hieronymo minimè conscripti censeantur à Maldonato, Baronio, Bellarmino, &c. Nam & eorum autor Hebraicæ ac Græcæ linguæ omnino imperitus apparet, & falsa atque inepta non pauca profert, præsertim in expositione cap. 4. & 14. Tomo 7. *Commentaria in Psalmos* alium ab Hieronymo autorem habere demonstrarunt Sixtus Senensis & Bellarminus, licet aliter sentiant Marianus & Scultingus. Quanquam enim ex prima contra Rufinum Apologia certum sit ab eo scriptos esse commentariolos in omnes Psalmos, & quæ ibi ex 2. psalmi expositione citantur, ita posita sint in his commentariis, quemadmodum & quæ ex Psalmi 39. expositione laudantur à S. Augustino, ^c & quæ ex psalmi 4. poenitentialis commentario adducit S. Gregorius in eundem psalmum: nihilo minùs multa hic continentur cum Hieronymi placitis pugnancia, & in commentario ad Psalm. 13. citatur Eucherius, Hieronymo ignotus, utpotè longè posterior; deinde ad Psalm. 108. scribit autor suo tem-

^b In lib. de Scripturis Eccles. cap. ult.

^c In epist. ad Fortunatianum.

pore fuisse annum 400. ab excidio Hierosolymitano; ex quo consequens est cum vixisse anno Christi 475. diu post Hieronymum: deinde hi non *Commentarioli* sunt, ut vocat ipse Hieronymus; sed amplissimi sæpè commentarii, præsertim in Psalmos 86. 91. 132. & 133. ut appareat Commentarios qui nunc sub Hieronymi titulo circumferuntur, vel nullo modo esse Hieronymi, vel certè Hieronymianis adjectas ingentes lacinias ex Hilario imprimis, Ambrosio, Ruffino, & Augustino. Reverà rapsodiæ sunt, & confuti simul variorum aurorum centones, quibus inspersæ Hieronymi notæ: quod sive plurium, sive unius excerptoris operâ factum; certè in eam formam, quâ nunc sunt, redactum opus apparet à quodam monacho psalmos monachis suis explicare solito. Idque probari potest imprimis ex Psalmor. 89. 111. & 115. commentariis.

Tomo 8. *Commentarii in Iob ad Vesterium*, non ab Hieronymo, sed à Beda compositi sunt, cujus tempore Vesterius episcopus fuit in Anglia; quemadmodum ex Bedæ ipsius historia colligitur: idque argumentis evincunt Marianus Victorius, Possevinus, Bellarminus, & alii. Nec aliud censent iidem autores de *Commentariis in Proverbia Salomonis*, cum in expositione capitum 21. & 31. sanctus Gregorius citetur; in expositione verò capituli 30. ipse Hieronymus. Præterea Bedæ titulo in antiquis exemplaribus hi *Commentarii* prænotantur, ut loquitur Sixtus Senensis. Nec verò Hieronymiani ingenii subtilitatem, aut parem doctrinæ præstantiam præ se ferunt.

De *Homiliis quatuor Origenis in Cantica*, an Origenis sint, an ab Hieronymo versæ, an verò ab alio compositæ vel translatae, controversatur.

Commentarios in Epistolas sancti Pauli Marianus, Sixtus itemque Ambrosius Catharinus negant esse Hieronymi: Bellarminus Pelagio heresiarchæ ascribit, tum ob sententias omnino Pelagianas quas ipse indicat, tum quòd D. Augustinus^d profitetur se legisse brevìa Pelagii commentaria in omnes Pauli epistolas: & quædam adducat ex commentario in cap. 7. epist. ad Romanos, quæ in his commentariis inveniuntur.

Tomo 9. *Epistola ad Demetriadem virginem* est ejusdem Pelagii, cujus nomine citatur à S. Augustino^e.

Epistola quæ quæ 3. *ad Gerontii filias de contemnenda hereditate*, Bellarmino & aliis videtur Pelagiana, quemadmodum & 8. *qua instituitur amicus in scientia seu cognitione*

^d Lib. 3. de peccatorum meritis & remiss. v. cap. 12.

^e In epist. ad Julianam, & lib. de gratia Christi cap. 22. aliisque pluribus capp.

f ad ann. 448.

Dei. Epistolam 10. ad Paulam & Eustochiam, sive sermonem *de Assumptione Domini* Sophronii esse putavit Marianus: at Baronius ^f ostendit junioris alicujus esse partum, qui post Nestorii & Eutychetis hæreses vixerit, idque eo magis est verisimile, quod multa contineat ad verbum deprompta ex sancti Leonis epistola ad Flavianum anno 448. missa, ad quem annum vix credibile est pervenisse Sophronium, qui jam ab anno 392. inter Ecclesiasticos scriptores recensetur ab Hieronymo. Falsò quoque Hieronymo tribui creditur *Epistola* 11. sive *Sermo* alius *de assumptione B. Virginis Maria:* *Epistola* 13. seu liber *de Septem gradibus Ecclesia,* quamvis ab Hincmaro, à Micrologi autore, aliisque sub Hieronymi titulo citetur; non potest ab eo esse compositus, cum multa ex Isidoro Hispalensi hausta contineat, qui anno adhuc 630. vivebat. Creditur ergo ejus autor circa annum 650 vel 660. scripsisse. *Symbols explanationem ad Damasum,* quæ extat epistola 17. Bellarminus asserit esse libellum à Pelagio missum ad Innocentium Papam, de quo B. Augustinus, & qui eadem ipsa verba sub Pelagii nomine refert: quod & Joannes Launius Theologus Parisiensis nuper libello singulari comprobavit. *Epistola* 19. *ad Præsidium diaconum,* de *Cereo Paschali* antiqui autoris est: Scripta quippe intra annum à cæde Gratiani Imperatoris, an. scilicet 84. prout ex contextu apparet. *Epistola* 36. *de observatione Vigiliarum* autorem habere putatur Nicetam episcopum in Dacia, ad quem S. Paulinus episcopus Nolanus scripsit. *Epistola* 40. *de duobus filiis frugi & luxurioso,* inter opera S. Joannis Chrysostomi reperitur; nec tamen ejus magis est, quàm Hieronymi, (à cujus vera de eodem argumento epistola ad Damasum, & ab ejusdem caractere in genere non parum discrepat) sed incerti est autoris. Bellarminus uti Pelagianam damnat. *Epistolam* 51. *ad Oceanum, de vita Clericorum* Hieronymo vindicat Baronius, ^h & Thomas Massutius contra Marianum Victorium. *Epistolæ* 52. & 53. *Damasi ad Hieronymum, & Hieronymi ad Damasum,* tanquam supposititæ vulgò repudiantur. *Epistolam de Scripturibus Ecclesiasticis,* sive *Catalogum* eorum Hieronymi non esse probare videntur non pauca, imprimis encomia Origenis, Joviniani, Pelagii, qui inter Ecclesiæ lumina ibi recensentur; & mentio Hilarii Papæ, qui nonnisi anno 461.

^k In notis ad
martyrol. Rom
die 23. Sept.

ⁱ Lib. 4. de vita
S. Pauli cap 9.

pontificatum inuit, defuncto jamdiu Hieronymo. *Regula Monachorum faminis scripta* est, ut patet ex titulis capitulis 7. & 8. *Epistolarum Chromatii & Heliodori ad Hieronymum*, & hujus ad illos responsio cum tractatu de *Ortu seu Nativitate B. Mariæ* autorem antiquum quidem, sed alium ab Hieronymo demonstrant sanctus Antoninus^k, Baronius,^l Sixtus Senensis, Melchior Canus, Petavius, & alii. Jam *Eusebii epistola de morte Hieronymi ad Damasum* manifestè supposititia est, cum nec Eusebius, nec Damasus Hieronymo superstites fuerint. Falsò quoque assignatæ sunt S. Augustino & S. Cyrillo Hierosolymitano epistolæ *Amœbææ de laudibus & miraculis S. Hieronymi*: nam & Hieronymum Cyrillo supervivisse constat, & ex ipso Catalogo scriptorum Ecclesiasticorum deducitur: & præterea Monothelitam se non obscure prodit, qui ipsius nomen in ea epistola usurpavit. Extant præterea Tomo 3. bibliothecæ magnæ Parisiensis veterum Patrum, *Epistola quatuor S. Hieronymi ad Theophilum Alexandrinum*. Sed *Indiculus de hæresibus*, qui ejus nomine prodit, vel Hieronymi non est, vel ei multa ex Gennadio & Isidoro addita fuerunt. Liber de *vitis Sanctorum Patrum* ex Hieronymi & aliorum opusculis est confarcinatus.

V. SEVERUS SULPICIUS natalibus ac literis illustris, in Aquitania, partim in Nitiobrigibus sub Phœbadio Aginensi Episcopo presbyter vixit, partim Tolosæ sanctis Martino, Augustino, & Paulino familiaris; alius à *Sulpicio Severo Episcopo Bituricensi*. In senectute à Pelagianis deceptus, postea resipuit; & agnoscens loquacitatis culpam, silentium usque ad mortem tenuit, ut loquitur Gennadius.^m Scripsit *dialogos tres* Postumiani & Galli nomine qui à Gelasio inter apocrypha referuntur.ⁿ Scripsit etiam *Historia sacra libros duos* à mundi exordio ad annum Christi 400.

VI. S. AURELIUS AUGUSTINUS, Tagastæ in Numidia natus anno 355. à Manichæorum hæresi ad fidem Catholicam conversus, Mediolani à sancto Ambrosio Episcopo baptizatus anno 388. ac post Monicæ matris obitum in Africam reversus, anno 391. presbyter primùm ordinatus à Valerio Hipponensi episcopo; deinde ab eo in episcopali munere adjutor ascitus, eam Ecclesiam per annos 35. rexit ad annum 430. quo, Vandalis Hipponem obsidentibus, ani-

k In hist.
l Ad ann. 388.

q Severus Sulpicius.

m Cap. 19.

n Can. 3. dist. 15.

6. S. Augustinus.

nam Deo reddidit. Ejus Operum decem Tomis distinctorum editiones in pretio sunt, præsertim tres, Basilienfis Frobeniana anni 1529. Antuerpiensis Plantiniana anni 1577. à Lovanienfibus Doctoribus adornata, & Parisienfis anni 1586. quibus duorum adhuc voluminum *Supplementum* adjecit Hieronymus Vignier Congregationis Oratorii Jesu eruditus Presbyter anno 1654. Opera ipsius, & in Retractationum libris duobus enumerantur (quibus tamen superstes multa adhuc scripsit) ; & post ejus mortem Posidius Calamensis episcopus ejusdem discipulus accuratè recensuit. Venerabilis autem Beda ex *Augustini sententiis* commentarios in epistolas S. Pauli concinnavit. Tomo 1. Editionis Antuerpianæ sunt *Regula Monastica* tres, quarum prima, aliàs tertia, verè à S. Augustino scripta est, sed fæminis tradita, non viris, ex ejus epistola 109. & ex Indiculo Posidii. Nam *Regula Clericis data Fragmentum*, & *Regula* 2. communi Doctorum calculo rejiciuntur, ob styli ab Augustiniano discrepantiam. Librum quoque *de vita Eremitica ad sororem*, Augustini esse negant non modo voces quamplures ei incognitæ, sed etiam patres longè posteriores eo in opusculo citati, veluti Gregorius & Benedictus. Tomo 2. *Epistola sancti Augustini, vel ad eum aliorum*, 222. continentur, quarum licet in Retractationibus Septem dumtaxat indicentur, reliquæ tamen ex eo capite rejiciendæ non sunt. Etenim agnoscit auctor extremo lib. 2. neque Epistolas, neque Sermones suos omnes fuisse in Retractationibus comprehensos. At *mutua S. Augustini & Bonifacii* Comititis nomine sedecim breves Epistolæ ab Augustini stylo non mediocriter distare videntur Erasmo, Lovanienfibus, & Bellarmino. *Epistola ad Demetriadem* Pelagii est, aut certè Juliani Pelagiani, ut ex eodem Augustino non uno loco suprâ monuimus, in Hieronymo ad tom. 9. Quod & Prosperi ad eandem virginem epistola confirmat. Falsas quoque ibidem ostendimus *Augustini ad Cyrillum*, & hujus ad Augustinum Epistolas, de laudibus, obitu & miraculis B. Hieronymi. At verò Epistolas ab Erasmo editas adjectas à Lovanienfibus ex optimæ notæ codicibus, quæ numero sunt viginti, repudiant Perkinus & Rivetus, nullâ redditâ causâ, saltem idoneâ. Tomo 3. Liber *de mirabilibus Sacra Scriptura* Posidio ignotus, indignusque est ingenio & gravitate sancti Augustini,

* Epist. 141. ad
Julianam Deme-
triadis matrem,
& lib. de gratia
Christi.

atque ideo S. Thomas p parum valere ait, cujus judicium securi sunt Lovanienſes: Bellarminus quoque negat eſſe S. Auguſtini, cum præſertim q diſſerat de Computo annorum per Cyclos, qui ante annum 600. in uſu non fuisse: unde opusculi ejus autorem poſt annum 700. viſiſſe credibile eſt: Henricus Fitzſimon & S. Marchiano Hiberno adſcribit.

Liber de Eccleſiaſticis dogmatibus, ſive de definitionibus orthodoxæ fidei, quamvis magna ex parte conſtatus ſit ex Auguſtini ſententiis, tamen dicta quoque admixcet Pontificum Innocentii, Zoſimi, & Cœleſtini; itemque Concilii Milevitani, & Arauſicani, quod habitum eſt poſt Auguſtini exitum. Adrianus Papa in epiſtola ad Carolum Magnum, Valafridus Strabo, Algerius ſcribens de corpore & ſanguine Domini, Magiſter ſentenſiarum¹, & alii ejus operis autorem nominant Gennadium Maſſilienſem preſbyterum circa annum 490. Sed capita poſteriora à 21. ad 52. non reperiri in manuſcriptis Codicibus teſtantur Lovanienſes. *Liber de Spiritu & Anima* doctus & pius eſt, ſed recentioris autoris, quippe qui cap. 37. citet Boëtium anno 524. interemptum juſſu Theodorigi Gothorum in Italia regis, teſte Mario epiſcopo Avenſicenſi.² Trithemius numerat inter opera Hugonis à S. Victore, & S. Thomas Cistercienciſi cuidam attribuit.³

Liber de fide ad Petrum Diaconum, ſive regula veræ fidei, autorem habet S. Fulgentium epiſcopum Ruſpenſem, cui amiciffimus legitur diaconus nomine Petrus: idque præter ſtylum, tradunt Bertramnus preſbiter & monachus Corbeienſis, qui tempore Caroli Calvi circa ann. 850. ſcripſit de corpore & ſanguine Domini; itemque Breviarium Romanum recognitum, in homiliis feſti SS. Trinitatis, à quibus ſub Fulgentii nomine hic liber citatur apud Bellarminum. *Quæſtiuncula de Trinitate*, numero 33. ex libris S. Auguſtini de Trinitate excerptæ ſunt incerto autore.

Interrogatio de beneſſectionibus filiorum Jacob ex S. Hieronymi quæſtionibus Hebraïcis in Geneſim: *Liber Sententiarum* 388. ex operibus ſancti Auguſtini decerptus eſt à Proſpero Aquitanico, qui ejus ſententias non tantum ſolutâ oratione, ſed & metro complexus eſt. At *Speculum ex utroque Teſtamento*, de quo fuere qui dubitarent, memoratur in indice Poſidii. Tomo 4. liber 21. *Sententiarum* ſive quæſtionum & dialogus 65. quæſtionum, non ſunt ſancti Auguſtini, ex Eraſ-

p 3. part. quæſt. 45. art. 3.

q Lib. 2. cap. 4.

r In catal. ſanctorum Hiberniæ.

f Lib. 1. cap. 152.

1 Lib. 2. diſt. 8.

2 In Chronicis.

3 Opuscul'o 72: quæſt. un. de ſenſu ma art. 12.

mo, Bellarmino, & reliquis; nec enim in retractationibus aut indiculo Posidii memorantur; & à gravitate Augustini non parùm absunt. *Quæstiones veteris & Novi Testamenti*, etsi sub nomine Augustini citentur à Patribus Concilii Parisiensis anno 824. habiti, Benedictus tamen Justinianus, ^a aliique apud Lovanienfes, quos sequuntur Heterodoxi Blondellus & Rivetus, ejus operis autorem faciunt Hilarium diaconum Lucifetianum, cui tribuuntur commentarii in epistolas S. Pauli inter opera sancti Ambrosii. Certè hæreticum esse plura evineunt, in quibus est quoddam quæstione 109. Melchisedech esse Spiritum sanctum, & esse sacerdotem sed non summum, ut ex oblatione, inquit, præsumunt antistites: quibus verbis reprehendit *Canonem Missæ*, ubi legitur summus Sacerdos tuus Melchisedech. Atque hunc locum notare videtur sanctus Hieronymus. ^b Paulò antiquiorem esse B. Augustino colligitur ex eo quoddam quæst. 44. dicit ab excidio Hierosolymæ ad sua tempora fluxisse annos 300. indicans annum Christi 370. Libri duo de *Incarnatione verbi* ad Januarium, sive de deitate & incarnatione; Liber de *Trinitate & unitate Dei*, & liber de *essentia Divinitatis* rejiciuntur è numero lucubrationum S. Augustini, quoddam defiderentur in libris Retractationum & indiculo, nec sancti antistitis phrasim ac doctrinam sapiant. Liber de *fide rerum invisibilium*, constatus quidem est Augustini sententiis, sed alterius operâ. Liber de *substantia dilectionis & Amoris*, quantumvis pius, alium nihilominus habet autorem, iisdem de causis. Liber de *vera & falsa Penitentia* dubius est; Augustino asserunt Navarrus, ^c & Andreas Saussæus Episcopus Tullensis. ^d Contrà verò abjudicant Trithemius, Lovanienfes, Bellarminus: nam præterquam quoddam non invenitur ejus mentio in Retractationibus, aut indice Posidii; quandam præterea S. Augustini sententiam adducit autor cap. 17. atque ab eo dissentit: Liber alioqui pietatem redolens, de *Salutaribus documentis*, & Liber de *Amicitia* absunt ab indiculo, & abhorrent à stylo Augustini: unde vulgò repudiantur. Librum *annotationum in Iob* ipse S. Augustinus vitio librariorum adedò corruptum se deprehendisse testatur, ut vix auderet pro suo agnoscere. Liber de *octo Dulcissimi quæstionibus* rejicitur ab Erasmo: verùm ejus mentio fit lib. 2. retractationum cap. 65. Librum quoque de *cura*

^a Disputat. 3. de epistolis Apostolorum cap. 4.

^b In epist. ad Evagrium.

^c Tomo 1. Commentar. in dist. 5. de poenit.

^d De laudibus S. Andree Apostol.

pro mortuis gerenda agnoscit autor ejusdem Libri cap. 64.

Liber de *Continentia*, Liber de *Patientia*, Liber de *bono Viduitatis* (quem nonnulli Juliano attribuunt) à Posidio memorantur, citaturque à Beda & aliis veteribus pro Augustini opusculis, ut parum constet Erasmi, & cæterorum in eos censura.

Tomus 5. continet *Libros 22. de Civitate Dei*, occasione captæ ab Alarico urbis conscriptos, quos pro suis agnoscit Augustinus. ^e Quòd quædam addita dicuntur lib. postremi capita 8. observat Ludovicus Vives non ad omnia miracula ibi relata trahendum (quod facit Riverus) sed de glossematibus aliquot intelligendum, declarandi causâ adjectis. Tomo 6. Libro de *hæresibus ad Quodvultdeum* additæ sunt à Gennadio hæreses quatuor, Nestoriana, Eutychiana, Prædestinatiana, & Timotheana: reliqua sunt Augustini ex indiculo Posidii, & Gregorio magno, à quo liber ille sub Augustini nomine laudatur^f.

Oratio de *quinque Hæresibus*, sive libellus contra *quinque hostium genera*, est in eodem indiculo, & citatur à Beda; g licet S. Chrysologo assignetur ab autore libri de Virginitate & parturitione B. Virginis, eamque Augustino creptum eat Erasmus.

De *Concione ad Catechumenos*, & de oratione *adversus Iudæos*, quarum meminit Posidius, idem est Bellarmini judicium.

Contrà verò Liber de *altercatione Ecclesie & Synagoge*, & Liber doctus de *Fide seu unitate Trinitatis contra Manichæos*, nec in retractationibus aut indice memorantur, & phrasæ habent Augustino insolitas. Hujus autorem Sirmondus^h demonstravit Evodium Episcopum Usalensem in Africa. Sed Libri tres contra *Maximum Arianorum episcopum* sunt in Indiculo, & citanturⁱ ex epistola Agathonis Papæ, atque à Beda.^k Eadem est ratio libri *Contra Felicianum Arianum* ad Optatum, quamvis Erasmus reclamet.

Tractatus quoque de *Epicureis*, & de eo quod dictum est, *ego sum qui sum*, Bellarmino probantur, tanquam Augustino dignissimi; quorum & posterior citatur à Beda. Omissi quidem sunt in retractationum & Posidii catalogis; sed revera Sermones sunt, quorum censum exactè initum non esse testatur Augustinus.

Tomo 7. *dialogi contra Fulgentium Donatistam* non fit mentio in retractationum libris, aut apud Posidium; nec à veteribus laudatur sub nomine Augustini, licet aliqui eo autore indignus non videtur.

Liber de *Prædestinatione & Gratia*

^e Lib. 2. retractat. cap. 4j.

^f Lib. 6. epist. 17g.

^g In 1. cap. epistolæ ad Romanos

^h Hist. Prædestinat. cap. 1.

ⁱ 6. Synodi œcumenicæ act. 4.
^k In cap. 8. epistolæ ad Romanos

qui alicubi Semipelagianis favere dicitur, S. Fulgencio Ruspensi vindicatur à Sirmondo, & Theophilo Rainaudo. Ab Augustini sanè stylo & sensibus discrepat; nec testimonio Posidii aut Bedæ munitur.

Opusculum quoque de *Prædestinatione Dei* putat Bellarminus non esse Augustini, tum quòd prætermisus sit in Retractionibus, & Indiculo; tum quòd in iis quæ pertinent ad prævisionem meritorum videatur doctrinæ B. Augustini adversari. *Responsio ad articulos sibi falsò impositos* est sancti Prosperi Aquitani, cujus & inter opera invenitur.

Hypognosticon contra Pelagianos libri sex ignoti Augustino, & Posidio; incerti sed vetusti sunt auctoris. At liber de *perfectiōe iustitiæ* probatus est teste Posidio; ipsoque Augustino, sub cuius nomine citatur à Beda & Prospero.

Tomus 8. complectitur *Enarrationes* sive *tractatus in omnes Psalmos Davidis* qui partim concionando, partim dictando compositi, quorum mentio apud Posidium.

Ex Tom. 9. *Tractatus* 124. in *Evangelium S. Iohannis*, *Tractatus* 10. in *Epist. 1. Eiusdem*, Liber de *disciplina Christiana*, Liber de *decem chordis*, Liber de *Pastoribus & de ovibus*, Liber de *utilitate Pœnitentiæ*, ac Liber de *convenientia* 10. *præceptorum & 10. plagatum* sunt in indiculo Posidii. Præterea librum de *quatuor virtutibus charitatis*, librum de *urbis exsidio*, & librum de *Pœnitentiæ medicina* laudat Beda.

Suppositicii haud dubiè sunt Liber de *Speculo*, in quo negatur Spiritus sanctus à filio procedere, & citantur versus Boëtii. Compositum quidem esse ab Augustino librum sub *Speculi* titulo non ambigitur. Verum illud habetur in supplementi tomo 1.

Liber de *conflictu virtutum & vitiorum* qui regulam sancti Benedicti commendat; non est Augustini: nec Liber de *Antichristo*, ubi mentio translata ad Francos imperii; nec expositio sive *homilia octodecim in Apocalypsim*, cujus caput 21. explicatur de præsentis Ecclesiæ Statu, quod tamen nimis impudentiæ esse ait Augustinus.¹ Tychonii esse aiunt illud opusculum Zegerus apud Lovanienles, & Fr. Ribera S. J. *Tractatus de Triplici habitaculo* citatur nomine S. Fulgentii à D. Bonaventura.^m

Scala Paradisi est inter opera S. Bernardi. Liber de *bono disciplina* à Melchiorre Goldasto & Sirmondo putatur esse Valeriani Cemelenensis Episcopi.

Tractatus autem de Cognitione veræ vitæ S. Anselmo assignatur à Thoma Argentinate.ⁿ Libelli de *vita Christiana*

¹ Lib. 10. de civit. cap. 17.

^m Cap. 4. Soliloquiorum.

ⁿ in 2. dist. 37. quæst. 1. art. 2.

tiana ad sororem verus autor perhibetur Fastidius Episcopus Britannus. Libellus de reſtitutione Catholica converſationis eſt Concio ſancti Eligii Noviomenſis Episcopi, ut notat Sirmondus. ° . Reliqua Opuscula ignotorum ſunt auto-

o Ad Concilium
Autiliodorenſe.

rum. Tomo 10. comprehenduntur 1. *Sermones de verbis Domini*, ſive de verbis Evangelii, ut Beda & Poſſevinus vocant. 2. *Sermones de verbis Apoſtoli Pauli*, & aliorum, & de Actibus Apoſtolorum. 3. Liber *quingenta Homiliarum*. 4. *Sermones de tempore*, quibus admixta ſunt complures Homiliae, quae alios autores prae ſe ferunt, vel ex alijs

Auguſtini operibus deſcriptae ſunt circiter 118. 5. *Sermones de ſanctis*. 6. *Sermones ſeptemdecim* à Pariſienſibus additi. 7. *Sermones de diverſis* additi à Lovanienſibus Theologis. His in Appendice adjecti de *Miraculis B. Protomartyris Stephani*, libri duo; & inter alia Sermonum atque homiliarum additamenta, *Sermones ad fratres in Eremo commorantes*, & quosdam alios. *Sermonum de Tempore* nonnulli alios autores habent. Dubius eſt valde *Sermo* 7. in *Feſto Sanctiſſimae Trinitatis*. Suſpecti quoque ſunt Perkinſio & Riveto *Sermo* 2. *ſeria* 3. *poſt Dominicam* 3. *Quadrageſima*, & *Sermo* 1. *Dominica* 3. *poſt Trinitatem*: Itemque *Sermo* *Dominica* 26. *poſt Trinitatem*; & 49. in *Anniverſario dedicationis Eccleſiae*. Inter *Sermones de Sanctis* primus de *S. Stephano* & 2. de *Annunciatione* *Dominica* *S. Fulgentio* attribuitur; ex ſermonibus in *feſtis plurium Martyrum* 3. *Leoni* aſſignatur. *Sermones* 123. *de diverſis* à Theologis Lovanienſibus additos rejicit Rivetus, etſi magna ex parte vel habeantur in indiculo Poſidii, vel à Beda citentur; & graves & docti ſint, ac B. Auguſtino digniſſimi ſecundum Bellarminum.

Sermo de verbis Domini 14. in mſſ. Codd. inſcribitur, *Sermo* *Eradii* presbyteri 19. *Sancti Maximi Taurinenſis* inter Ambroſianos 7. *Sermo* autem 18. eſt ex Cap. 4. lib. 5. *S. Ambroſii* de Sacramentis: ſed *de verbis Apoſtoli* 25. *Sermo* eſt ſancti Maximi inter Ambroſianos 9. *Homilia* 4. inter *quingenta* ex Ambroſii ſcriptis: Tom. 7. inter quingenta, ex *Sermone* 19. de verbis Apoſtoli 21^a quae fuit 9. de tempore pleraeque ſententiae ſunt ex homiliis ſancti Bernardi. Sic & ſequentes ſive *Homiliae* ſive *Sermones* magna ex parte aliunde coraſi, ac decerpti, ex ſancto ſcilicet Maximo, Fulgentio, Hilatio, Leone, Chryſoſtomo, Euſebio, Gregorio, Fulberto

Carnotensi, Alcuino, aut ex aliis ipsius Augustini operibus desumpti. Verum eorum plerique, licet alios habeant auctores, tamen à piis & antiquis Scriptoribus compositi sunt. Excipiendi Sermones 76. *ad Fratres in eremo*, qui si duos, *de vita Clericorum* excipias, nempe 52. & 53. confecti ferè sunt ab indocto nescio quo, ut Baronius an. 382. & 385. ostendit, ac post eum Bellarminus.

Supplementi à Vignerio collecti 1^a parte continentur quæ seorsim, vel à Lovaniensibus edita, in Basiliensibus, aliisque editionibus desiderabantur. In his *Sermones novi* 40. à Simondo editi an. 1631. quorum aliquos habet indiculus, eruditio vulgo probantur, quamvis Rivetus nonnullis fidem detrudere conetur. *De gestis Pelagii* contra adversarios gratiæ librum Augustinus agnoscit lib. 2. Retract. cap. 47. & Posidius Indicis cap. 4. Tomus 2. prius inedita complectitur, imprimis *contra Iulianum hæreticum Pelagianum operis perfecti, seu postrema* libros 6. quorum duo tantum, itaque admodum imperfecti Parisiis anno 1617. prodierant. Sermones item 46. & alia. Præter hæc in magnâ Patrum Bibliothecâ Parisiensi Tomo xi. extat tractatus brevis *de Trinitate*, Græcè & Latinè, qui Augustino adscribitur: & Tomo xv. *excerpta de arbitrii libertate*. Sed ne quid sancti Hipponensis Antistitis operum desit, sub prælo est Parisiis ab anno 1679. nova eorum & supra omnes priores accurata Editio, ad mss. fidem castigata, operâ & studio Monachorum Ordinis Benedictini è Congregatione sancti Mauri, quæ ad septimum pervenit Tomum; & intra annum proximum ad finem perducenda speratur.

7. *Paulinus.*

VII. S. PAULINUS Aquitanus, Burdigalâ oriundus, ex Consule, ac Presbytero Barcinonensi, Episcopus Nolanus, à Gothis captus, atque inde reversus, ebiisse putatur anno Christi 431. Ejus Opera Typis Plantinianis edita anno 1622. in quibus plures *Epistolæ*, quas Gerardus Jansenius in sua Parælogia supposititias nullâ ratione censet; & *Pœmata*. Sed omissi libri sex *de Vita S. Martini*, quorum autor est Paulinus alius Petrocarius, huic suppar; omissa & alterius Paulini *Epistola ad Faustum Regensem* Episcopum.

8. *Sedulius.*

VIII. SEDULIUS Presbyter, in Italia Philosophiam & Pœsim didicisse legitur, tum in Achæa de Jesu Christi rebus scripsisse, sed duo ejus de argumento eodem opera ex-

stant : nimirum *Paschale carmen* de Christi miraculis, versibus Heroicis, & *Paschale opus* solutâ oratione : utrumque libris quinque distinctum, ad Macedonium Presbyterum, idque circa annum 430. Operis illius *Paschalis* cum laude meminit Gelasius Papa. p Sunt & alia ejusdem *Carmina* tomo 8. Bibliothecæ Patrum Parisiensis anni 1624. & alibi. quemadmodum & *Collectaneum* aliud in *Masbaum*, contendit Philippus Labbeus, sed *Collectaneum*, seu Explanatio in omnes *Epistolas Pauli* esse alterius Sedulii Episcopi Scoti, qui post annum 700. vixit.

p in can. Sancta Romana dist. 15.

IX. S. PROSPER Aquitanus, S. Augustini discipulus, aut certè defensor, Notarius B. Leonis Papæ, cujus nomine Epistolas adversus Eutychen dictavit ex Adone : à multis falsò Episcopus habitus, cum ne Presbyter quidem fuerit, ut colligi potest ex *Can. sancta Romana dist. 15.* ubi neutro titulo donatur à Gelasio, quemadmodum Augustinus Episcopi titulo, Hieronymus Presbyteri. Prosper verò dicitur tantum vir religiosissimus. Scripsit contra Joannis Cassiani collationem 13. *pro sancti Augustini doctrina de gratia Dei & libero arbitrio.* *Chronicon* item post B. Hieronymum, aliaque præter collectionem *sententiarum sancti Augustini*, de qua suprà in Augustino.

9. S. Prosper.

X. Caius Sollus SIDONIUS APOLLINARIS, eruditorum sui temporis. disertissimus, ex Præfecto urbi & Patrio, Arvernorum Episcopus, eam Ecclesiam difficillimis temporibus, Gothis nempe aliisque Germanicis populis per vicinas Gallix Provincias grassantibus, egregiè per decennium administravit, pièque obiit anno 422. Ejus Opera, quæ *Epistolarum libris* 9. & *carminibus* 20. constant à Joanne Savarone & Jacobo Sirmondo eruditis Commentariis illustratæ sunt.

10. Sidonius Apollinaris.

XI. De S. LEONIS per hæc tempora Romani Pontificis Epistolis diximus cap. 29. hujus libri. In iis celeberrima est decima ad Flavianum Episcopum Constantinopolitanum scripta adversus Eutychetis hæresim, quam qui usque ad unum iota non recipiunt, iis anathema dicit Gelasius in decreto de libris sacris & apocryphis. Ea tamen à Prospero scripta seu dictata traditur. Quadragesimæ octavæ inscriptionem *sancta Synodo apud Chalcedonem constituta* notat Baronius ad an. 451. stare non posse cum subscriptione *Adel-*

11. S. Leo.

phio Consule, cum nondum constitutus fuisset Synodi locus: sed nimitum ad futuram Synodum destinata, loci deinde annotationem ab Amanuensi aut à Collectore accepit. In 46. 84. & 92. aliisque fastum arguunt Perkinus, & ceteri heterodoxi, quod pro Sedis Romanæ dignitate res fidei definiant. Extant quoque *Sermones* ejus complures stylo, ut ea tempora ferebant, eleganti: Qui inscriptus est in *Evangelium Festi omnium Sanctorum*, dictus est in *Evangelium* illud, quod postea instituti eo Festo assignatum est: unde titulus ab exscriptoribus adjectus; nec Sermo eâ de causâ repudiandus est, ut Rivetus dicit, nec rejicienda ex causa simili *homilia unica de Transfiguratione Domini*. Extat præterea ejusdem Pontificis *Tractatus adversus errores Eutychetis, & aliorum hæreticorum*. Vide Quesnelli editionem, de qua supra.

12. *Cassianus*.

XII. SILENTIO transmittendus non videtur hoc loco JOANNES CASSIANUS, origine Scyta, sed Athenis natus, in Bethleemitico cœnobio educatus, Ægypto peragratâ, Diaconus creatus est à S. Joan. Chrysostomo: inde presbyter Romæ ordinatus ab Innocentio pontifice. Urbe autem ab Alarico captâ, Massiliam migravit circa an. 403. ubi Monasterium instituit, cui à S. Victore nomen inditum, atque ibi sanctè vixit ad annum 448. quo nonagenario major decessit è vita. Ejus sunt Libri duodecim *de institutis Cœnobiolorum, & octo principalium vitiorum remediis*: itemque *Collationes Patrum* 24. & *de Christi Incarnatione adversus Nestorii hæresin* libri 7. jussu Leonis Papæ conscripti; omnia Latine, licet quædam postea è Græcis translata, ut ex Photii cod. 197. constat.

13. *Vincentius*.

XIII. VINCENTIUS Abbas *Lirinensis* in Stæcludibus insulis ad oram Massiliæ, scripsit *Commonitorium adversus prophanas omnium hæresion novitates, &c.* anno 434.

14. *Faustus*.

XIV. FAUSTUS, ex ejusdem Monasterii Abbate, *Reicensis* Episcopus sub annum 455. *de Gratia Dei* libros duos scripsit, aliaque, quorum pars in Bibliotheca Patrum extat.

15. *Salvianus*.

XV. SALVIANUS Massiliensis presbyter, floruit ab anno 440. ad 495. Scripsit octo libros *De Providentia & Gubernatione Dei*, verso ac Latine Sermone: & sub Timothei nomine libros quatuor *de avaritia præsertim Clericorum & Sacerdotum*. Sed *Quæstiones veteris & novi Testamenti*, quæ in editionibus quibusdam post Salviani Opera habentur, ab eruditis S. Juliano Toletano Episcopo adscæbuntur.

CAPUT LIII.

De Sacris Scriptoribus Latinis Seculi sexti.

I. **P**ASCHASIUS Ecclesiæ Romanæ *Diaconus*, duos ^{1. Paschasius} Libros, eosque luculentissimos de *Spiritu Sancto* scrip- ^{Diaconus.} sit circa annum 500. qui collati sunt in veterum Patrum Bibliothecam.

II. *Marcus Felix* ENNODIUS, Episcopus Ticinensis, ^{2. Ennodius.} ab anno 490. ad 521. Libellum *Apologeticum pro Symmacho* pontifice, & 4. sub eo Synodo Romanâ, conscripsit anno 503. approbatum in Synodo quintâ : qui liber sub nomine Symmachi laudatur : *Epistolarum* præterea libros novem scripsit, aliaque.

III. S. FULGENTIUS, Episcopus Ruspenfis in Byzacio Africæ Provincia, in Sardiniam insulam cum aliis Præfulibus amandatus à Thrasimundo Vandalorum rege, sub Hilderico revocatus, vixit ad annum 529. ex Chiffetio, qui ejus Opera accuratiùs prioribus edidit. De rebus fidei plura scripsit, *ad Monimum* Libros tres, *contra Arianos* Librum unum, *ad Thrasimundum* regem Libros tres, *ad Donatum* Librum unum, item de fide ad *Petrum* Librum etiam unum, aliaque præter *Epistolas* & *Sermones*. ^{3. S. Fulgentius.}

IV. PRIMASIUS, Adrumetinus vel Uticensis in Africa Episcopus, Commentaria in *Epistolas sancti Pauli* ex priorum Patrum monumentis collegit, & *Mystica expositionis in Apocalypsim* Commentaria composuit circa annum 540. Interfuit enim Synodo 5^æ Oecumenicæ, atque ad eum Junilius Episcopus itidem Africanus scripsit Librum de *partibus Divina Legis*. ^{4. Primasius.}

V. Magnus Aurelius CASSIODORUS Senator, Consulatum solus gessit anno 514. Theodorico, & Athalarico Ostrogothorum regibus, carus atque à Secretis : sed tandem publicis negotiis valere jussis Monachum professus est in suo Vivariensi seu Castellensi in Calabria Monasterio, ubi vivere desit anno Christi 562. nonagenario major. Præter *Variarum Epistolarum* libros duodecim, & *Tractatum de septem disciplinis*, ac *Chronicon*, scripsit de *Anima*, & *Institutionis ad* ^{5. Cassiodorus.}

Divinas Lektionen libros duos; *Commentarios* item in *Psalmos*, atque in *Cantica*, & *Tripertitam Historiam* ex tribus Græcis *Historiæ Ecclesiasticæ* *Scriptoribus*, *Socrate*, *Sozomeno*, & *Theodorito*, per *Epiphanium Scholasticum* Latine versis, concinnatam.

6. S. Gregorius
Turon.

VI. S. GREGORIUS *Turonensis* Episcopus, ab anno 572. ad annum 594. præter libros decem *Historia Francorum*, scripsit de *Miraculis SS. Martyrum*, & de *gloria Confessorum*, & speciatim de *Miraculis S. Martini* *Turonensis* quoque Episcopi.

7. Victor.
Tununenſis.

VII. VICTOR *Tononenſis*, vel *Tununenſis* in *Africa* Episcopus, trium *Capitulorum* acerrimus propugnator; eaque de causa in *Ægyptum* deportatus jubente *Justiniano*, ac tandem *Constantinopolim* translatus, & *Monasterio* inclusus, excessit è vita circa annum 566. Ex *Chronico*, quod ab initio mundi ad initia *Justini junioris* exaraverat, teste *Isidoro Hispalensi*, a superest tantum postrema pars, quæ ab anno 444. in quo desierat *Prosper*, ad annum 565. pertinet: quod *Chronicon* continuavit *Joannes*, ex *Biclaricensi Abbate Gerundensis* in *Hispania* Episcopus ad an. 590.

a Cap. 25. de
Scripte. Eccles.

8. S. Gregorius
Papa.

VIII. S. GREGORIUS *Magnus*, *Papa* ejus nominis I. de cujus *Epistolis* dictum supra libri hujusce cap. 32. non pauca præterea *Opera* elucubravit, nimirum *Expositionis in Librum*, 1. *Regum* libros sex, *Expositionis in Iob*, sive *Moralium* libros 35. *Expositionem* in septem *Psalms penitenciales*, in *Cantica Canticorum*, *Homiliarum* in *Ezechielem Prophetam* libros duos; item 40. *Homilias de diversis Lectionibus Evangelii*: *Librum Pastoralis cura*: *Dialogorum de Vita & Miraculis Patrum Italicorum*, & de *aeternitate animarum* libros quatuor, quos *Melchior Canus* dubios censet, ac post eum heterodoxi: sed adversus objecta argumenta *Baronius* tuetur in *notis ad diem 23. Decembris Martyrologii Romani*: addendus *Antiphonarius*, sive *Gradualis* ordinatus per circulum anni, cum *Hymnis* aliquot; & *Sacramentarium*, sive libet *Sacramentorum* de circulo anni ab eo expositus, quem correctionem edidit, notisque eruditis illustravit *Hugo Henardus* *Ordinis sancti Benedicti Congregationis sancti Mauri*, monachus *Parisiis* anno 1642.

CAPUT LIV.

De Græcis Autoribus Seculi sexti.

I. IOANNES JEJUNATOR, patriâ Cappadox, Constantinopolitanus Patriarcha, ab anno 585. ad 596. Scripsit *Homiliam de Penitentia & continentia*: & præterea duos libellos *Penitentiales*, qui extant apud Jo. Morinum, post eruditum de Pœnitentia Tractatum.

1. *Ioannes jejun.*

II. EVAGRIUS *Scholasticus*, in Syria natus, post Socratem, Sozomenum, & Theodorum, sex libros *Historiæ Ecclesiasticæ* conscripsit ab anno 431. & Concilii Ephesini tempore, ad annum 597. Imperatoris Mauriti 12.

2. *Evagrius Scholast.*

III. ANASTASIUS, *Sinaita* dictus, quod in monte Sinai vitam monasticam professus esset, Patriarchatum Antiochenum obtinuit anno 561. sed à Justino juniore in exilium actus anno 572. locum fecit Gregorio, donec post ejus obitum anno 595. in pristinam dignitatem est restitutus, eamque ad ann. 599. tenuit, in qua successorem habuit Anastasium alterum, Martyrem cognominatum. Plura commentatus est de *Trinitate*, *Incarnatione*, aliisque mysteriis: & *Quæstiones in sacram Scripturam*, atque imprimis librum, cui nomen *Dua via*, in Acephalos sive Severianos hæreticos: quibus operibus nonnulla per recentiores Græcos post annum 1000. inspersa, dubiam fecerunt Autoris ætatem, & aliqua ex parte autoritatem.

3. *Anastasius Sinaita.*

CAPUT LV.

De Græcis Scriptoribus Seculi VII.

I. HESYCHIUS Patriarcha Hierosolymitanus fuit tempore Gregorii magni, ut constat ex ejus Epistola ab hoc ad illum scripta, quæ est 40. libri 9. in ejusdem registro. Alius fuerat Hesychius, sive Isicius, Episcopus Salonitanus in Dalmatia tempore Zosimi Papæ, & S. Augustini, quorum extant ad eum Epistolæ. Neuter tamen videtur Autor *Sep-*

1. *Hesychius.*

tem librorum explanationis in *Leviticum*, licet ab hoc Peronius Cardinalis, ab illo Bellarminus post alios, scriptam existimaverit: sed intermedius quidam Hesychius presbyter Hierosolymitanus, Patriarchâ paulò antiquior, at Episcopo Salonitano posterior; quem exeunte sæculo 5. vixisse probabilibus argumentis conjicit Philippus Labbeus, & Græcè scripsisse; licet postea ejus opus à Semibarbaro aliquo hoc vel sequenti seculo versum fuerit, qui fortè eodem nomine dictus & Presbyter Salonitanus fuerit; sic enim in quibusdam Codicibus priscais nominatur illius enarrationis scriptor.

2. *Ioannes Moschus.*

II. JOANNES MOSCHUS, Eviratus aliàs dictus, diu in nova Laura, sive Monasterio magni Sabæ in deserto ad Jordanem egit, ubi *Pratum Spirituale* composuit, Græcè *Λαμνὰν*, quod opus obtulit Sophronio: unde & *Paradisus Sophronii* aliquando appellatur: qui Sophronius si idem sit cum Episcopo Hierosolymitano ejus nominis scripserit Moschus circa annum Christi 630. Non pauca parùm tutæ fidei eo in opere occurrunt, quæ Aloysii Lipomani Veronensis Episcopi studio ad singulorum Capitum calcem annotata sunt, quasi adhibito ad venenum antidoto.

CAPUT LVI.

De Patribus Latinis Septimi Seculi.

1. *S. Isidorus Hispalensis.*

I. **S.** ISIDORUS *Hispalensis* in Hispaniæ Provincia Bætica post Leandrum fratrem Episcopus, ab anno 595. ad annum 636. sive ætam 674. & initia Chintilani Visigothorum regis: Junior dictus est ad distinctionem Isidori Cordubensis, qui sub Honorio Imperatore floruerat: quanquam alius quoque fuit Isidorus adhuc junior cognominatus, Pacensis in Lusitania Episcopus. Laudantur imprimis *Hispalensis Etymologiarum sive Originum* 20. libri, quos cum Autor perficere non potuisset, absolvit ac digessit S. Braulio Episcopus Cæsaraugustanus. Scripsit etiam Isidorus idem *de Differentiis & proprietate verborum, de Contemptu Mundi, & Epistolam ad Massanum seu Masonem, de lapsu Sacerdotij & reparatione; Chronicon ab orbe condito ad annum Christi 616.* ex quo derivata videntur quæ sub finem libri 3ⁱ *Etymologiarum* traduntur

traduntur de serie temporum : *Historiam* item *Gothorum*, *Vandalorum*, *Suevorum*, quam ampliozem edidit Ph. Labbeus : *librum de Scriptoribus Ecclesiasticis*, *librum de vita & morte Sanctorum*, sive *de ortu & obitu Patrum*, cuius Braulio meminit : sed corruptus videri potest ex iis quæ observavit Baronius. ^a *Librum præterea de Divinis Officiis*, *de Episcopi & Clericorum Officio* ad Leudefredum, aliaque, ut videre est in editione Parisiensis Jacobi Breullii cæteris prioribus accuratioze & uberioze. De *Corpore Canonum* Isidori dicitur libro proximo.

^a ad ann. 816. & alibi.

II. S. ELIGIUS Veromanduorum, sive Noviomensis Episcopus ab anno 646. ad 665. *Homilias* scripsit de diversis argumendis, & *Sermonem ad plebem*, qui habetur in appendice tomi 9. Operum S. Augustini, ut ex S. Audoëno Rothomagenſi Episcopo collegit ac docuit Sirmondus. ^b

2. S. Eligius.

^b In not. ad Tom. 1. Concil. Gallic.

III. S. IDELFONSUS Toletanus Episcopus ab anno Christi 658. ad 667. Composuit librum *de illibata Virginitate Sanctæ Dei Genitricis*, contra Infideles, & ejusdem argumenti *Sermonem de Sancta Maria*, quem Joannes Eusebius Nierembergius edidit. Reliqua Opera sub ejus titulo Parisiis excusa pro supposititiis habet Joannes Poza.

3. S. Idelphonſus.

CAPUT LVII.

Ecclesiastici Scriptores Latini, qui Octavo Seculo floruerunt.

I. **B**EDA ex Angloſaxonum genere in Britannia natus, ab ineunte ætate Monachum professus, longissimam viram egit in cænobio Sanctorum Petri & Pauli ad Tinam fluvium in Diceſi Dunelmensi : unde Romam evocatus falso scribitur à nonnullis. Obiit anno 735. vulgò *Venerabilis dictus & Presbyter Anglus*. Plurima conscripsit tomi 8. diffusa, quorum ipse indiculum confecit in vita sua ad annum 59. descripta post *Historiam gentis Anglorum* : sed ita ut ad illum indiculum adjicienda videantur opuscula non pauca, post eam ætatem ab ipso composita. Duo priores tomi ea ferme complectuntur, quæ pertinent ad illustrandas liberales artes & prophanam Literaturam. Tertius continet *Historiam Gentis suæ, Vitæque Sanctorum*, & simi-

1. Bedæ.

lia: cæteri spectant ferè ad explanationem sacræ Scripturæ: complectuntur enim *Commentaria in Epistolas B. Pauli ex S. Augustini sententiis & verbis excerpta.* Quæ in tomum

* ad ann. 562.

6. collata sunt, Baronius^a negat esse Bedæ, & Petro cuidam Tripolitano Abbati vindicat, cui Cassiodorus simile opus tribuit. Bellarminus contrà ex præfatione his commentariis præfixa, atque ex ejusdem Bedæ verbis in vita sua, ostendit genuinum esse hujus auctoris opus, quamvis Petrus Abbas pari ratione in Epistolis Pauli ex mente ac verbis Augustini enarrandis defudere potuerit. Inter Bedæ opera quædam extant, quæ vel temporum ratio, vel styli diversitas spuria evincunt. Certè *Vita S. Patricii* à Probo scripta est: *Vita S. Columbani* à Jona: *Vita S. Arnulphi* à Paulo Diacono. At verò excerpta & collectanea, quæ occurrunt tomo 3. vix quicquam Bedæ ingenio & doctrinâ dignum præferunt. *Martyrologium* ejus minùs sincerum ad nos pervenisse conjiciunt viri eruditi ex Præfatione Usuardi. Perierunt autem *Commentaria in Isaiam, Hieremiam, Danielem, ac duodecim Prophetas minores*, quorum Commentariorum in indiculo mentio fit.

2. S. Bonifacius.

I I. S. BONIFACIUS Anglus, Vinfridus antea dictus, à Gregorio II. Pontifice Romano missus in Germaniam Episcopus anno 722. ut Christi fidem Turingis, Bavaris, finitimisque aliis populis annuntiaret: deinde Moguntinus Archiepiscopus creatus anno 745. tandem à Frisiis paganis cæsus anno 754. *Epistolas scripsit* ad Gregorium II. Gregorium III. & Zachariam Pontifices, atque ad proceres Francorum, quæ collectæ sunt à Nicolao Serario.

3. Paulus Diaconus.

I I I. PAULUS VVarnefridi, Diaconus Aquileiensis, cum Desiderio rege Longobardorum, cui à secretis erat, captus à Carolo Magno, à quo in exilium missus, ac tandem monachus Cassinensis, obiisse creditur anno 801. Præter *Historiam Longobardorum*, scripsit aliquot *Sanctorum vitas*, & jussu Caroli Magni convenientes unicuique Festo per anni circulum *Lectiones ex sanctorum Patrum scriptis* excerptas, quæ in Ecclesia recitarentur, digessit. Auctor etiam existimatur *Hymni sancti Ioannis*, qui incipit *Ut queant laxis*: imò & *Historia Miscella*, quam Trithemius vult ab eo additam ad Eutropii chronicon, rogante Aldeburgi Desiderii regis filia: sed falsò; ut ex eo apparet, quòd historia Miscella non tantum ex Eutropio & Orosio, sed magnam partem ex Anasta-

sio Bibliothecario deprompta & confarcinata est: Anastasius autem vix dum natus erat, cum Paulus Diaconus è vivis excessit: itaque historia illa à quibusdam Joanni Diacono, ab aliis Landulpho sagaci attribuitur.

IV. *Flaccus Albinus* ALCUINUS, venerabilis Bedæ & Egberti Eboracensis Archiepiscopi discipulus, ac Diaconus ejus Ecclesiæ; deinde Caroli Magni magister, pluribus ab eo Abbatibus locupletatus, obiit anno 804. Ejus operum

4. *Flaccus.*

prima pars *Quæstiones & commentaria* continet in *Genesim*, in *Psalms* aliquot, in *Ecclesiasten*, & in *Ioannem*. Secunda, præter *Tractatus de fide Trinitatis*, libros 7. contra *Felicem Vrgelitarum* Episcopum, qui sub nomine Paulini Aquileiensis falsò vulgati fuerunt in Bibliotheca Patrum. Epistolæ etiam contra *Elipandum* Episcopum Toletanum, & alia in quibus est liber de *Divinis Officiis*, seu de *Romani ordinis expositione*, qui tamen junioris scriptoris vel certè interpolatoris non pauca indicia præferre visus est viris eruditis, & à nonnullis ascribitur Remigio Autissiodorensi. Tertiâ parte habentur quædam *Sanctorum*, *Epistola* & *Poëmata*; præter hæc *Confessionem fidei*, sive *Desloratiunculam ex sanctis Patribus*, *Divione* nuper cum aliis veterum Auctorum de fide, ac præsertim Ferrandi opusculis edendam curavit Petrus Francisc. Chiffletius.

V. USUARDUS Monachus, ut creditur, Gallus, *Martyrologium* scripsit hoc seculo, quod Ecclesia Romana, aliæque securæ sunt.

CAPUT LVIII.

Græci Scriptores ejusdem Octavi Seculi.

I. **S** JOANNES DAMASCENUS Presbyter & Monachus, cognomento Græcè Chrysosthoas, quem Suidas aliique Mansurum cognominant, anno 740. floruit in Syria, atque adversus Leonem Isaurum, Constantinum Copronymum Imperatores, cæterosque Iconoclastas strenuè dimicavit eruditissimis scriptis, in quibus eminent *libri quatuor de fide Orthodoxa*, quibus universam Theologiam certum in ordinem redigere aggressus, & Magistro sententiarum, & cæteris

1. *S. Ioannes Damascenus.*

scholasticis viam prævisse videtur. Ejus *Historiam Barlaam & Iosaphat*, atque *Orationem de iis qui in fide dormierunt*, nonnulli in dubium revocant, quòd in illa asseratur Spiritus sanctus ex Patre & Filio procedere, cùm tradat Damascenus = Spiritum sanctum non procedere ex Filio, sed per Filium: in hac verò scribatur Falconilla primi Martyris, & anima Trajani precibus S. Gregorii Papæ ab inferni suppliciis liberata, quæ narrationes fabulis quàm historiæ similiores videntur. Sed in castigatioribus Billii editionibus voces illæ, ex Filio non inveniuntur in historia Barlaam & narrationibus illis de Falconilla & Trajano, licet dubiæ admodum fidei sint, potuit tamen Damascenus fidem adhibere.

* Lib. 1. de fide
orthodoxa, cap.
17.

2. *Antonius*.

II. ANTONIUS monachus & Abbas Ægyptius, *sententiarum sive capitum Theologicorum*, aut locorum communium ad virtutes sequendas & vicia fugienda, ex Patribus collectorum, duos libros conscripsit, qui loci *Melisse* sive Favi inscribuntur: unde ipse quoque Autor *Melissa* est appellatus. Ultimum è Patribus citat Joann. Damascenum, ut videatur non diu post vixisse: unde patet alium esse à vitæ Monasticæ autore.

CAPUT LIX.

Scriptores Ecclesiastici Latini Seculi Noni.

1. *Amalarius*.

I. AMALARIUS FORTUNATUS, Treverensis Archiepiscopus, Constantinopolim à Carolo Magno ad Michælem Curopalatam legatus anno 811. obiit anno 814. edito libro de *sacro Baptismate*; qui falsò attribuebatur Aicuino, donec verum Autorem indicavit Jacobus Sirmondus in notis ad Theodulphi Aurelianensis Opera. Contrà libri quatuor de *Ecclesiasticis seu Divinis Officiis*, aliàs *Officiales* dicti, Ludovici Pii jussu conscripti anno 827. non Amalarii Episcopi Treverensis, sed *Amalarii Diaconi Metensis* sunt, quemadmodum liber de *ordine Antiphonarii*, in quo Autor se à Ludovico Pio missum fuisse scribit ad Gregorium IV. Pontificem; ad cujus tempora non pervenit Amalarius Treverensis. Ejusdem Amalarii Metensis esse videtur forma *Institutionis Clericorum & Sanctimonialium*, in Aquisgranensi Concilio probata anno 816.

II. THEODULFUS Italus, ex Abbate Floriacensi Episcopus *Aurelianensis* ab anno saltem 794. ad annum 818. susceptus Ludovico Pio conjurationis cum Bernardo Italiae rege in carcerem detrusus est apud Andegavos: unde rediens in Episcopatum suum obiit anno 821. Ejus opuscula collecta & notis illustrata sunt per Jacobum Sirmondum: ex quibus ad canonicam disciplinam spectant *Capitula ad Presbyteros* parochiae suae scripta circa annum 797.

2. Theodulf.
phus.

III. SMARAGDUS, aliàs Ardo, presbyter & monachus apud Anianam, quod est monasterium in Diocesi Montispeffulani, aliàs Magalonensi, obiit anno 843. Scripsit Commentarium sive expositionem in *Regulam S. Benedicti: Diadema Monachorum de vitandis vitiis, & virtutibus tenendis*; Commentarios item in *Evangelia & Epistolas*, quae in Ecclesia per totum annum leguntur, ex sanctis Patribus collectos, vulgò *Postilla* titulo cognitos, atque in universum quoque *Psalterium*, & alia quaedam, quae tamen à Bellarmino ejusque sequacibus tribuuntur *Smaragdo alteri Abbati S. Michaëlis ad Mosam*.

3. Smaragdus.

IV. PASCHASIUS RATBERTUS, monachus, ac tandem Abbas Cœnobii S. Petri Corbeïensis in Ambianensi Diocesi, librum de *Sacramento Corporis & Sanguinis Domini*, ex quo validissima in Novatores argumenta depromuntur, composuit circa annum 818. ut ex prologo colligitur. Scripsit & ejusdem argumenti *Epistolam*, & Commentarios in *Matthæum*, aliaque nonnulla, quae Sirmondus in unum volumen collegit anno 1618.

4. Paschasius
Ratbertus.

V. HAYMO, ex Fuldenfi monacho & Abbate Hirsfeldensi, Episcopus *Halberstadiensis* in Saxonia, obiit anno 853. Præter Commentarios in *aliquot Scriptura libros* ex prioribus tractatoribus defloratos, & *Homilias*, scripsit de *Christianarum rerum memoria*, sive historię sacrę libros.

5. Haymo.

VI. RABANUS MAURUS, discipulus Alcuini, Fuldenfis primùm monachus; deinde Abbas; tandem Moguntinus Archiepiscopus ab anno 847. ad 856. Plurima scripsit sex tomis edita Coloniae anno 1627. quorum Primo continentur præsertim de universo, sive *Etymologiarum* libri 22. & de *laudibus sanctæ Crucis* libri 2. partim solutâ oratione, partim carmine operosissimo conscripti. Tribus sequentibus commentarii in omnes veteris Testamenti libros: quinto commen-

6. Rabanus
Maurus.

tarii in *Matthæum & Paulum* cum *Homiliis*, aliisque tractatibus nonnullis: Sexto denique de *Clericorum institutione & caeremoniis Ecclesiæ* libri tres ad Heistulphum Archiepiscopum, compositi anno 819. Præterea de *sacris Ordinibus, sacramentis Divinis, & vestimentis sacerdotalibus*, liber unus in multis conveniens cum primo de institutione Clericorum libro. De *Disciplina quoque Ecclesiastica* libri tres, quorum in prioribus capita quædam cum libris quoque de institutione Clericorum non parùm congruunt. Tum de *Quæstionibus Canonum Penitentialium* ad Heribaldum libri tres, cum Tractatibus aliis de *Penitentia & Penitentibus*: itemque de *consanguineorum Nuptiis*, & alia: ex quibus *Commentarius in Regulam S. Benedicti* reddendus est Smaragdo, de quo suprà.

7. *Lupus.
Ferrariensis.*

VII. LUPUS, cognomento *Servatus*, Abbas FERRARIENSIS, sive S. Petri ad *Ferarias*, Diocesis Senonensis, discipulus Rabani Mauri, vivere desit circa ann. 853. Extat ejus liber *Epistolarum*, liber de *tribus Quæstionibus*, nimirum de *libero arbitrio*, de *Prædestinatione bonorum & malorum*, & de *sanguinis Christi* quadam superflua taxatione usque ad salutem impiorum; & quædam alia.

8. *VValafridus
Strabo.*

VIII. VVALAFRIDUS *Strabo*, sive *Strabus* ab oculorum vitio dictus, natione Germanus, professione monachus, Ordinis S. Benedicti, aliquandiu in monasterio Fuldenſi sub Rabani Mauri disciplina institutus, ac tandem Abbas Divitis sive majoris Augiæ ad Rhenum, vulgò *Reichenau* in Constantiensi Diocesi, ab anno 824. ad 849. Scripsit librum de *Officiis Divinis*, sive *exordiis & incrementis rerum Ecclesiasticarum*; cujus operis capite 8. mentio habetur Ludovici Pii anno 840. defuncti: unde apparet falli Trithemium, qui VValafridum ad Tiberii Abſimari tempora revocat, circa annum scilicet 700. Reperiuntur alia ejus opuscula, quædam etiam carmine exarata: sed ordinem ducit *Glossa Ordinaria in Sacram Scripturam*, quæ & *Magistralis* dicitur, ex uberioribus aliorum, ac præsertim Rabani Mauri Commentariis coagmentata, postea ab Anselmo Laudunensi aliisque aucta, & adjectis Patrum sententiis atque expositionibus locupletata. Quamvis enim alteri Strabo Fuldenſi monacho hoc opus adſcribant Trithemius, Sixtus Senensis, Possëvinus & Bellarminus, Canisius tamen & Vossius Fuldenſem Strabum eundem faciunt: cum hoc Strabo Augienſi Abbate,

IX. ADO, *Vienensis* in Gallia Archiepiscopus, ab anno 859. ad 874. quo obiisse dicitur; ideoque *Breviarium Chronicorum de sex mundi aetatibus* ab Adami ortu ultra hunc annum producere non potuit: & verò reliqua ab ignoto, nec admodum perito eorum temporum autore, adjecta fuisset Lectoris facile animadvertunt. Scripsit & *Martyrologium Sanctorum* per circulum anni, prolixis Martyrum Elogiis refertum; quod ab Heriberto Rosvveido emendatum est, notisque illustratum. Id Aloisius Lipomanus' Episcopus Veronensis, alique *Vdoni* Treverensi Archiepiscopo perperam tribuunt, qui anno demum 1078. in vivis esse defuit.

9. *Ado.*

X. ANASTASIUS Romanus, Abbas, & Ecclesiae Romanae BIBLIOTHECARIUS, floruit sub Nicolao I. & sequentibus Pontificibus, ad annum fermè 886. Alius ab Anastasio presbytero Cardinali S. Marcelli, Bibliothecario Gregorii IV. qui à Leone IV. anno 850. ob desertam per quinquennium Ecclesiam suam, exautoratus est. Plurima partim ex Graeca in Latinam linguam transtulit, partim Latine scripsit. Latine *Concilium* quidem *generale* 8. cui interfuit anno 869. at è Graeco *Concilium generale* 7. *Nicanum* 2. atque etiam *generale* 6. sive *Constantinopolitanum* 3. *Vitam* praeterea S. Joannis *Eleemosynarii* Patriarchae Alexandrini, *Collectanea de Historia Monothelitarum* Sirmondi studio edita. Sed *Historia de vitis Pontificum*, & *Historia Ecclesiastica* maximè celebrantur, quarum pars prior ad Liberium usque Damaso Pontifici vulgò tribuitur: posterior quoque Anastasii tota non est. Eum certè in Nicolao I. defuisse censet Onufrius & alii, licet refragante Baronio, qui Adriani II. & Stephani VI. gesta ab eodem scriptis mandata affirmat; non, ut illi volunt, à Guiljelmo Bibliothecario. In historia verò Ecclesiastica, *Chronographica Tripertita* proficetur Anastasius se Nicephori Patriarchae Constantinopolitani temporum seriem, & maximam partem Chronici à Georgio Syncello ac Theophane ab orbe condito ad Leonis Armeni Imperatoris tempore producti esse interpretatum.

10. *Anastasi.*

XI. HINC MARUS, nobili genere apud Francos ortus, ex monacho Sandionysiano *Rhemensis* Archiepiscopus, anno 841. annitente Carolo Calvo in locum Ebbonis promotus, inter eruditissimos ejus ætatis viros habitus, ac disci-

11. *Hincmarus. Remensis.*

plinæ Ecclesiasticæ retinentissimus; licet ex humani ingenii fragilitate in nonnullis aberrasse videatur. Obiit anno 882. cum annos 37. sedisset. Ejus Operum Parisiis studio Sirmondi editorum Tomus primus continet imprimis dissertationem & collectanea de *Prædestinatione Dei & libero arbitrio* adversus Gothescalcum, & plura *Capitula ad Disciplinam Parochia* seu diœcesis *sua pertinentia.* 2^{us} de *Regis persona, & regio ministerio* admonitiones, & *Epistolas* ad ejus temporis historiam, juraque & politiam tum Ecclesiasticam, tum civilem spectantes; in quibus una *Epistola Caroli Calvi* nomine Adriano Papæ respondet paulò commotiori stylo, & altera ejusdem nomine est ad Joannem 8. Scripsit quoque opusculum *Capitulorum* 55. ad Hincmarum Laudunensem, & alia.

CAPUT LX.

De Græcis ejusdem Seculi IX. Scriptoribus.

1. *Theodorus.* I. **T**HEODORUS *Studites*, sic dictus, quod Abbas seu præpositus esset monasterii à Studio conditi initio ejus sæculi: multa passus est pro defensione sanctarum Imaginum sub Leone Armeno, & Michaële Balbo; & tandem decessit anno 826. Extant ejus Sermones Catechetici à Jo. Livineo Belga non sine mendis Latinè translati, Oratio de *Honore & adoratione sanctis Imaginibus adhibenda*, & alia quædam. *Epistolas* ejusdem, aliaque opera Jacobus Sirmondus utraque linguâ in lucem edere parabat: nunc perficiendam suscepit R. P. Arduinus ex eadem Societate.

CAPUT LXI.

De Latinis Autoribus Seculi Decimi.

1. *Regino.* I. **R**EGINO *Prumiensis* in Diœcesi Trevirensi abbas, electus anno 892. verum potentiâ æmulorum dejectus, edidit *Chronicon* in duos libros distinctum ab adventu Domini ad annum 908. ut ipse testatur in præfatione ad *Me-*
tensem

tensem Episcopum Adalberonem, cui addita Appendix pertingit ad annum 967. Ejus Tractatus de *Disciplinis Ecclesiasticis ac Religione Christiana* jussu Ratbodi Trevirensis Archiepiscopi exaratus, atque in 900. ferme capitula divisus teste Trithemio, Collectio est Canonum, de qua libro proximo.

II. FLODOARDUS, Rhemensis Canonicus & Culminiacensis parochus: scripsit *Chronicon* ab anno 917 ad 966. quod à fronte tribus quatuorve annis mutilum prodiit: primum operâ P. Pithæi, adjecta aliquot annorum appendice. Scripsit & *Historiam Antistitum Rhemensis Ecclesie*, libris quatuor comprehensam, ad annum 948. quæ Sirmondo primum curante Typis mandata est; aliaque nonnulla.

2. *Floodoardus.*

III. LUITPRANDUS, ex Ticinensi Diacono, Episcopus Cremonensis, sub Berengario 2º Italix Rege atque Imperatore (cui à secretis fuisse dicitur) & Othone itidem Imperatore, à quibus Constantinopolim legatus est. Scripsit *Rerum*

3. *Luitprandus.*

suo tempore ab Europæ regibus & imperatoribus *gestarum* libros 5. quibus additus est Sextus liber, sed alterius auctoris, quemadmodum suadet tam styli diversitas, quam ipsius Luitprandi, tanquam ab autore diversi, mentio. Opus univrsum, exordium sumit ab Arnulpho imperatore: sed Liber de Pontificum Romanorum *gestis* à S. Petro ad Formosum, qui sub ejus nomine unâ cum Anastasii Bibliothecarii Pontificali, & Abbónis Floriacensis epitome de vitis eorundem Pontificum, Moguntix operâ Jo. Busæi publicâ luce donatus est, non abs re suspectus Vossio, videtur autorem habere monachum quemdam Germanum, qui circa annum 895. & Formosi Papæ tempore desierit vivere: supposititium quoque ab eruditis creditur *Chronicon*, quod Luitprando nescio cui Subdiacono Toletano asserunt Hieronymus Higuera & Laurentius Ramires de Prado, quemadmodum Juliani æsimilium *Chronica* Hispanico. Gothica.

CAPUT LXII.

De Græcis Seculi X. Scriptoribus.

- I. **L**EO Sextus, cognomento *Sapiens*, sive *Philosophus*, Imperator Orientis, præter opus Basilicorum, & Ta-

1. *Leo Sophus.*

Bbb

1. Ad ann. 911.

Antica, composuit *Orationes sacras*, quarum meminit Baronius,^a & quæ à Pontano, Grefero, Combesio, & Possino, editæ sunt: ac præterea *Epistolam de fidei Christiana mysteriis & veritate* ad Omarum regem Saracenorum, quæ ex Chaldaïca lingua in Latinam conversa, extat tomo 3. Bibliothecæ Patrum apud Margarinum Binium. Extant & varia de Constantinopolitanis rebus *Vaticinia* post Georgii Codini excerpta Regiis Typis edita.

2. Simeon Metaphrastes.

II. SIMEON *Metaphrastes*, vir illustris æquè ac eruditus & pius, utpote Secretariorum princeps & Patricius, ac deinde Logotheta ex Michaële Psello, floruit ad annum 950. aut ulterius, præsertim sub Constantino Porphyrogenito, ut colligitur ex eo quòd in Vita S. Theodistes Lesbiz Leonem Imperatorem Porphyrogeniti patrem defunctum appellat. Scripsit imprimis *Vitas Sanctorum* magno studio & labore undique collectas, quæ in duodecim menses sive ab ipso, sive ab alio quopiam distributæ sunt; & Latinè dumtaxat editæ, atque à Surio suis locis insertæ.

3. Oecumenius.

III. OECUMENIUS autor est *Catena* sive *Commentariorum perpetuorum* ex Patribus excerptorum in *Acta Apostolorum*, in *Epistolas S. Pauli*, & in *Epistolas canonicas*, quæ catena concinnata putatur hoc aut sequenti seculo: licèt à posteriore aliquo scriptore nonnulla ei admixta censeat Fronto Ducæus apud Possevinum.

4. Olympiodorus.

IV. OLYMPIODORUS, monachus vel Diaconus Græcus, qui hoc itidem vel sequenti seculo vixisse creditur, aliisque est ab Olympiodoro, cujus habentur excerpta historica. Scripsit elegantem *Commentarium in Ecclesiasten*, & *Catenam in Librum Job*; aliosque sacræ Scripturæ Tractatus contexuit, licèt illam quæ est in Librum Job Nicetæ Heracleensi Metropolitæ vindicet Fr. Patricius.

CAPUT LXIII.

Latini Scriptores Ecclesiastici, qui Seculo XI. floruerunt.

1. Fulbertus.

I. FULBERTUS, vir religiosus, & liberalium artium peritissimus, Episcopatum Carnotensem rexit ab an-

Latini Scriptores Ecclesiast. qui Seculo XI. floruerunt. 379

no 1007. ad annum 1028. aut circiter. Quidam Roberti Francorum regis Cancellarium fuisse volunt. Scriptit *Epistolas, Sermones, Canones, & alia* quæ tomo 11^o Bibliothecæ Patrum edita sunt.

II. BERNŒ *Augiensis* Abbas ab anno 1014. ad 1045. diversus à Bernone Cluniacensi abbate I. qui Hincmari senioris auditor fuerat. Ejus est liber *de Officio Missæ*, sive de rebus ad Missæ Officium pertinentibus.

2. Berno.

III. HUMBERTUS Tullenſis primùm monachus, ob doctrinam eximiam & literas præsertim Græcas, à Leone IX. Pontifice Romam evocatus, & Sylvæ Candidæ Episcopus *Cardinalis* creatus : inde anno 1051. Constantinopolim Legatus, sive Romanæ Sedis Apocrisarius, ibi sæpe, tum voce, tum scripto, cum Græcis feliciter conflixit. Extat imprimis apud Bibliothecas Patrum ejus liber *adversus calumnias Michaëlis Cerularii Patriarchæ Constantinopolitani, & Leonis Acridani in Bulgaria Archiepiscopi, de Azymo, & de jejunio*, cum commemoratione gestorum ab Apocrisariis Sedis apostolicæ contra eundem Michaëlem, qui diris devotus est, & *refutationem Tractatus contra Latinos* editi à Niceta Pectorato presbytero, & monacho Cœnobii Studitani, quem præfente Constantino Monomacho Imperatore ad Palinodiam compulſit. Post hæc in Urbem reversus, in Concilio Romano, quod anno 1059. sub Nicolao II. habitum est, *formulam* composuisse dicitur, quâ Berengarius Archidiaconus S. Mauritii Andegavensis *hæresim suam damnavit*, quæ habetur in *Can. ego Berengarius, dist. 2^a de Consecrat.*

3. Humbertus.

IV. PETRUS *de Honestis* DAMIANI cognominatus à fratre, quem parentis loco habebat. Ravennæ natus, ex monacho Fontis Avellanæ, institutus à Stephano 9^o. Cardinalis Episcopus Hostiensis anno 1052. mortuus verò anno 1057. Ejus Opera tres in tomos distributa, complectuntur in Prima parte libros octo *Epistolarum*. In 2^a *Sermones* juxta mensium ordinem digestos (quorum quinque aut sex supposititios esse probat Theophilus Rainaudus ^a) & aliquot *Sanctorum vitas*. In 3^a varia *opuscula*, Tractatum nempe *de Fide Catholica* ad Ambrosium; antilogum *contra Judæos* librum, qui appellatur *Gratissimus*, & alium cui nomen *Dominus vobiscum*; item *de Horis Canonicis*, aliosque Tractatus ad pietatem, aut ad Monachorum & Clericorum sta-

4. Petrus Damiani.

^a In heteromantis.

tum & similia pertinentes, qui tamen non omnes illius esse putantur ab eruditis. Observat certe idem Theophilus librum *de correctione Papa & Episcopi* sub huius Petri Damiani nomine Argentorati vulgatum anno 1362. supposititium esse.

5. *Leo 9. P. P.* V. LEO IX. Pontifex maximus, de quo suprà cap. 37. præter *Decretales*, alias etiam *Epistolas* scripsit, ac *Sermones*: ejusque opera cum operibus Leonis 1. in diversis editionibus reperiuntur.
6. *Guilmundus.* VI. GUITMUNDUS, seu *VVismundus*, ex monacho S. Leofredi in Diœcesi Ebroicensi, Episcopus Aversanus in Italia, scripsit imprimis libros tres *de veritate Corporis & Sanguinis Christi* in Eucharistia, adversus Berengarium Turonensem, Archidiaconum Andegavensem circa annum 1060. ad eundem quoque argumenti ejusdem *Epistolam* scripserat circa id tempus *Adelmannus* Fulberti discipulus, ex Leodiensi Scholastico, Brixienfis in Italia Episcopus.
7. *Micrologus.* VII. MICROLOGI, qui liber est *de Ecclesiasticis observationibus* circa annum 1085. compositus, (ut evincit Gregorii 7. & Anselmi Lucensis, velut hominum coætanearum mentio) quis autor fuerit non satis compertum. *Bernoni Augiensis* ascribit Claudius Spenseus, *Guidoni Abbati* S. Crucis Avellanæ notarum musicatum repertori Possëvinus, quos refellit Theophilus Rainaudus. ^b
8. *Lanfrancus.* VIII. LANFRANCUS Papiensis, ex Priore Beccensi, & Abbate Cadomenfi, Archiepiscopus Cantuariensis in Anglia, ab anno 1070. ad annum 1089. Plura scriptis mandavit, ac præsertim libellum *de Corpore & Sanguine Domini* contra Berengarium.
9. *S. Anselmus.* IX. S. ANSELMUS, apud Augustam Salassorum in Alpibus natus, post magistrum suum Lanfrancum, ex Beccensi abbate Cantuariensis Archiepiscopus, ab anno 1093. ad 1109. Plurima composuit opuscula, in quatuor tomos sive partes distincta, quorum quæ in quarta parte Lugdunensis editionis continentur, planè supposititia sunt, & aliorum autorum, veluti *Elucidarium*, sive *dialogus summam totius Christianæ Religionis complectens*, quod Trithemius non immeritò assignat Honorio Augustodunensi, ut & libros duos *de Imagine mundi*, teste ipso Honorio.
10. *Anselmus Laudunensis,* X. ANSELMUS *Laudunensis* Ecclesiæ Scholasticus, con-

venientes ex scriptis SS. Patrum sententias excerpens, totum *vetus ac novum Testamentum interlineari & marginali glossa,* quæ cum glossa ordinaria Hugonis à sancto Caro, & Nicolai de Lira Franciscani, aliorumque additamenti edi solet.

CAPUT LXIV.

Autores Græci ejusdem Seculi Undecimi.

I. **T**HEOPHYLACTUS Acrida in Bulgaria Archiepiscopus, vixit ætate Alexandri II. pontificis, & Romani Diogenis Imperatoris Græcorum, circa annum 1070. 1. Theophyl. Act.

Extant plura ejus in *sacros Libros Commentaria* ex uberioribus S. Joannis Chrysostomi Commentariis delibata; præsertim in *Evangelia*, in *Acta Apostolorum*, & *Epistolas B. Pauli*. Ejusdem sunt etiam *Epistola*, & alia opera, in quibus schismaticum se ipse prodit, & in processione Sancti Spiritus errantem. Præterea ab interpretibus corruptum, in iis quæ ad potestatem Romani Pontificis pertinent, observat Possévinus.

CAPUT LXV.

De Seculi Duodecimi Scriptoribus Ecclesiasticis Latinis.

I. **H**ONORIUS *Augustodunensis* presbyter & scholasticus, floruisse memoratur tempore Henrici V. Imperatoris, videturque vixisse ad annum usque 1152. 1. Honorius Augustodunensis.
Plurima scripsit, ex quibus excusa sunt liber *de luminaribus Ecclesiæ*, sive de Scriptoribus Ecclesiasticis, *de Mundi imagine* libri tres, *Elucidarium* (quæ duo opuscula perperam S. Anselmo tributa sunt) *de Mundi Philosophia* libri quatuor, *Series Romanorum Pontificum* ad Innocentium II. *Hæreson ab ortu Ecclesiæ catalogus*, *Gemma animæ*, sive de *Divinis Officiis*, aliaque quæ tomo 12^o Bibliothecæ Patrum Colonienlis habentur; præter *Inevitabile*, id est, dialogum de prædestinatione & libero arbitrio.

1. *Gosfridus
Vindocinensis.*

II. *GOFRIDUS Vindocinensis* Abbas, Cardinalis S. Præfatus creatus ab Urbano II. multa pro Ecclesia Romana perperit pericula, vixit ad annum 1130. Scripsit libros 5. *Epistolarum, Opuscula 8. Sermones 11.*

2. *Anselmus
Leodiensis.*

III. *ALGERUS Leodiensis* primùm Scholasticus, dein monachus Cluniacensis circa annum 1130. Post Lanfrancum & Guitmundum plenissimè scripsit adversus hæresim Berengarii *de Sacramento Corporis & Sanguinis Domini* libris 3. Sed in quibusdam fallitur, quòd nimirum putaverit species sacramentales corrumpi non posse; Carnem sine Sanguine non rite communicari, aut vice versâ; & jure divino consecrationem in azymo niti.

3. *Rupertus.*

III. *RUPERTUS* Abbas Tuitiensis in diocesi Colonien- si, obiit anno 1135. Plurium operum autor, in quibus sunt *Commentariorum de sanctissima Trinitate, & operibus ejus* libri 42. *De Victoria verbi Dei* libri 13. *De divinis Officiis* libri 12. (de quorum autoritate diu dubitatum) & in multos *sacra Scriptura* libros *Commentaria*. Idem circa mysterium Eucharistiæ non rectè sensit, existimans panem assumi à Verbo Divino, quemadmodum assumpta est humanitas.

4. *Hugo à S.
Villore.*

IV. *HUGO S. Victoris Parisiensis* Canonicus Regularis, natione Saxo, magnus S. Augustini imitator, obiit anno 1140. Ejus Opera Rothomagi emendatiora prodire anno 1648. idque Tribus voluminibus, quorum Primum completur annotationes in *diversos sacra Scriptura* libros, Secundum plures *Tractatus Morales*: Tertium *Didascalici* libros septem & *Tractatus Theologicos*, veluti *Speculum de mysteriis Ecclesie*, libros tres *de Cerimoniis, Sacramentis, & Officiis Ecclesiasticis*; Libellum *de Canone mysteriorum libaminis, & Summam Sententiarum* Tractatibus septem comprehensam, quo velut exemplari usus sequenti postea seculo videtur Petrus Lombardus cum universam Theologiam in artem redegit.

5. *Richardus à
S. Villore.*

V. Clauit eodem fermè tempore in eodem Monasterio *RICHARDUS, à sancto Villore* ideo cognominatus, Scotus natione: Hugonis auditor, ingenio, sanctitate, & eruditione conspicuus. Cujus opera Theologica, & Scripturarum enarratoria, quatum mysticum præsertim sensum investigat, duobus tomis edita sunt. In primo *Exceptionum* libri quatuor, Bellarmino suspecti habentur quasi subdititii: à Labbeo defendi posse creduntur. Obiit anno 1173.

VI. S. BERNARDUS, Burgundus, ex Cisterciensi monacho Abbas Clarevallensis in Lingonensi diœcesi ab anno 1115. ad annum 1133. Magnum Ecclesiæ decus & columnen.

6. S. Bernardus.

Ejus Opera tomis sex distincta sunt. Primus habet *Epistolas*. Secundus magna ex parte, ac Tertius *Sermones*. Quartus libros quinque de *Consideratione* ad Eugenium III. Papam, verè aureos; diversosque præterea *Tractatus de moribus & officio Episcoporum, de vita & moribus Religiosorum, de Institutione & conversione Clericorum, de Præcepto & Dispensatione*. Tomi Quintus & Sextus continent supposititia ei assignata, cùm alios habeant autores.

VII. PETRUS BLESSENSIS, Bituricensis primùm Canonicus, deinde Archidiaconus Bathoniensis in Anglia, anno 1169. nomine Alexandri III. Papæ *Epistolam* scripsit ad Sultanam Iconii de *Institutione fidei Christiana*; præterea *Epistolas, Exhortationes*, aliaque opera, tum ad expositionem librorum aliquot veteris Testamenti, tum ad sacramentum *Penitentia*, & satisfactionem à Sacerdote injungendam *spectantia*. Pervenisse creditur ad annum 1200.

7. Petrus Blesensis.

CAPUT LXVI.

De Latinis Seculi Decimiertii Scriptoribus Ecclesiasticis.

I. **A**GMEⁿ ducet INNOCENTIUS III. Pontifex Romanus, de cujus Decretalibus epistolis dictum Cap. 40. hujusce libri. Alia ejus Opera seorsim edita in duos tomos conjuncta sunt; quorum priori continentur imprimis *Sermones*, varique pii *Tractatus*, ut de *Mysteriis Missæ de contemptu Mundi, de Sanctorum veneratione, & acta atque decreta Concilii Lateranensis, Hymnus etiam in Christum & ejus Matrem*. Quod autem inter acta illa, mentio alicubi habetur Concilii, quasi jam peracti; non ex eo sequitur, Concilii Lateranensis sub illo habiti decreta ab eo solo condita; nam eo loci agitur de Lateranensi; quod celebratum fuerat ab Alexandro III. Id autem cui præfuit Innocentius quartum est Lateranense generale.

1. Innocentius 3.

II. HUMBERTUS, *Viennensis* dictus; Hugonis à S. Caro Cardinalis discipulus, quintus Ordinis *Prædicatorum*

2. Humbertus, Viennensis.

Præpositus : multa Opera pia scripsit, in quibus est *Expositio Regula sancti Augustini*, liber de *Votis essentialibus Religiosorum*, de *eruditione Concionatorum*, de *Officiis Ordinis Prædicatorum*, de *Vitis priorum Patrum sui Ordinis*, multique *Sermones*, *Institutionum Spiritualium* libri sex, quod Opus inscribitur etiam *Speculum Religiosorum*.

3. *Vincentius Bellovacensis.*

III. VINCENTIUS BELLOVACENSIS, ex eodem Prædicatorum Ordine, scripsit opera admodum laboriosa, præsertim *Specula* quatuor, *Doctrinale*, *Historiale*, *Naturale & Morale*. Vixit Innocentii 4. temporibus.

4. *Albertus magnus.*

IV. ALBERTUS, MAGNUS cognomine, ob singularem sapientiam, ejusdem Ordinis, postea Ratisbonensis Episcopus creatus ab Urbano IV. Magister fuit *S. Thoma Aquinatis*; utriusque opera ad Philosophiam & Theologiam præcipuè referuntur, ut & Sancti *Bonaventura* & *Scoti* Dunensis, ex Ordine B. Francisci, alio fortè loco cum similibus à nobis annotanda. Libri de *Mirabilibus*, & de *Secretis mulierum*, qui vulgò Alberto tribuuntur, tanti viri gravitatem minùs sapiunt.

Hactenus de Scriptoribus Ecclesiasticis actum, paulò etiam ultra propositum : eos enim memorare constitutum erat, ex quibus in collectiones Canonum aliquid conjectum fuisse. Sed quorundam celebre nomen, & opera ad studiosorum Juris Canonici utilitatem conducentia, ultra metas aliquantum excurrere suaserunt.

CAPUT LXVII.

De Libris Juris Civilis, quibus usi sunt Canonum Collectores, eorumque Autoribus.

1. *de Autoribus præcipuis collectionum Juris Civilis in genere.*

I. NON modò è Scriptoribus Ecclesiasticis centones systematum suorum concinnarunt Collectores nostri; sed ex Civilium quoque constitutionum voluminibus; ex quibus desumptæ & in corpus Juris Pontificii relatæ leges, *Canonizata* vulgò dicuntur. Juris autem illius *Civilis* Romanorum, sive, ut nostri homines loquuntur, *Mundani & Secularis*, autores & compilatores præcipui fuerunt hinc Theodosius junior, inde Justinianus.

II. THEODOSIUS

II. THEODOSIUS junior, Orientis Imperator, Arcadii filius, plurimorum retro principum Christianorum sanctiones & seita in unum Codicem redegit, sedecim libris distinctum, anno imperii sui 28. Christi 435. cum ipse decimum-quintum ageret Consulatum, imperante per Occidentem Valentiniano III. Hic CODEX de auctoris nomine vocatus est THEODOSIANUS; & sub nomine *Legis Theodosiana*, ac *Legis Romana* diu in Gallia & Hispania receptus fuit, quamquam à Gothis ibidem regnantibus interpolatus.

III. JUSTINIANUS, Iustini Sororis filius, Jus Romanum universum postea quadruplici opere complexus est; Post primam enim Codicis sui editionem, tertio suo Consulatu, id est, anno Christi 529. imperii 7^o. *Institutionum* sive elementorum Juris libros quatuor edidit, & *Digestorum* sive *Pandectarum* libros quinquaginta, ex veterum Jurisprudentum Responsis & Commentariis collectos; & juxta seriem Edicti perpetui fere dispositos. Anno deinde proxime sequenti, imperii scilicet 8^o. emendatorem edidit *Codicem*, ex superiorum Cæsarum, suisque Constitutionibus, eodem fere ordine, constatum, & in libros duodecim divisum; quem Codicem *Repetita prælectionis*, id est, secundæ editionis appellavit, atque hic solus ad nos pervenit, abolito superiore. His postea Novas subinde constitutiones adjunxit Græco sermone exaratas; quæ *Novellæ* dictæ, atque in unum volumen congestæ, quartam Corporis Juridici partem constituunt. Eas Julianus Antecessor in compendium redactas Latine expressit, ordine aliquantum diverso. Sed quoniam hæ Novellæ, non ut Codex, per certas materiarum sedes fuerant digestæ; sed temporis fere, quo una quæque promulgata fuerat, ordine servato: ideoque selecta ex his summa quædam Capita Codici, suis quæque locis, inserta sunt, operâ Iterii seu VVernheri Jurisconsulti, quæ *Authentica* dicuntur, quasi summæ decerptæ ex volumine Authentico. Sic vocatur Novellarum Collectio.

IV. Referuntur præterea apud Gratianum Constitutiones quædam Imperatorum Romanorum, Francorum, Germanorum, Constantini puta, Honorii, Caroli Magni, Ludovici pii, Lotharii, Othonis I. Harum, Constantinianæ illæ duæ, tum quæ ad Episcopalem audientiam, tum quæ ad Donationem in Pontificem Romanum collatam spectant, mi-

2. De Codice Theodosiano.

3. De Juris Corpore Justiniano.

4. De quibusdam specialibus Imperatorum constitutionibus.

nus certæ fidei, à non paucis habentur : sed de priore à nobis actum hujus Libri cap. 2. de posteriore cap. 50.

Addi possunt tanquam ad Jus Ecclesiasticum pertinentes, *Constitutiones Imperatorum Græcorum* non paucæ, quæ in Jure Græco Romano inveniuntur; & Constitutio Friderici Imperatoris Germani, de pace *Constantia*, quâ hæreticis pœnas imponit.

CAPUT LXVIII.

De Libro Diurno, & Ordine Romano.

1. *Libri Diurni prima editio.*

I. **O**MITTENDA non sunt hoc loco duo sine autorum nomine opuscula. Primum est *Liber Diurnus Romanorum Pontificum*, qui etsi Collectoribus Canonum non ignotus, ad hæc nostra tempora in Bibliothecis latuerat : donec ex antiquissimo Codice in lucem editum fuit Parisiis anno 1680. operâ & studio Joannis P. Garnerii Presbyteri è Societate JESU, qui notas dissertationesque addidit.

2. *Quando conscriptus videatur.*

II. CONSCRIPTUM hunc Librum optimis rationibus putat eruditus editor seculo 8. sub annum 714. idque præter alia suadet mentio Literarum, sive *Nuntii ad Exarchum*, tum de transitu sive obitu, tum de Electione Pontificis. Desiit enim Exarchorum Ravennatum, ad tutandum Græcorum per Italiam Imperium ab Imperatoribus mitti solitorum potestas, post captam per Luitprandum Longobardorum Regem Ravennam : id verò confert Onufrius in annum 752. Quòd autem in Professione Fidei, ex hoc libro desumpta apud Ivonem Carnotensem, Pontifices cum superioribus Oecumenicis Conciliis etiam Octavum nono seculo habitum servare promittunt ; id faciliè addi potuit post annum 870. & à Librariis postea exscribi.

3. *Cur sic dictus, & quid contineat.*

III. DICTUS videtur Liber Diurnus quod eorum formulas continet, quæ in usu ferè quotidiano apud Romanam Ecclesiam erant, Epistolarum nempe à Pontificibus ad Principes atque ad Episcopos scribendarum, & cum his Ritus ordinandi Summi Pontificis, Episcopi cum omnibus earum ordinationum adjunctis Ætas, Professiones quoque fidei, Privilegia, Præcepta, Concessiones, aliaque hujusmodi non pauca.

IV. VIDETUR hic Liber posterior formulis Marculfi, quæ circa annum 660. scriptæ creduntur. Ab illis etiam differt, quodd in rebus Ecclesiasticis tantum & Pontificiis receptas formulas habeat, cum Marculfianæ ad Regalia ferme jura pertineant. Latinitate quoque præstare videntur Formulæ hoc libro comprehensæ, quod ex antiquioribus excerptæ sint: ex Epistolis putà Gregorii Magni, aliorumque Pontificum desumptæ, partim integræ, partim paucis immutatis.

4. Differt à Marculfi Formulæ.

V. SED neque Libri hujus Diurni autor cognitus est, neque *Ordinis Romani*, de quo pauca dicenda sunt. Editus est in lucem cum aliis autoribus qui de Divinis Officiis ac ministeriis scripserunt, & simul editi sunt durante Melchiorre Hittorpio jam anno 1568. Georgio Ferrario, qui eorum autorum collecta in unum volumen opera Gregorio XIV, dicavit anno 1591. Isidori nimirum Hispalensis, Albini, Flacci Alcuini, Amalarii Fortunati, Rabani Mauri, Valafridi Strabonis, Bernonis Augiensis, Petri Damiani, Micrologi, Ivonis Carnotensis, Hildeberti Cenomanensis, Ruperti Tuitiensis, Petri Cluniacensis, Hugonis de sancto Victore, interpositis anonymis duobus, scilicet Missæ expositione brevi, & Gemmâ animæ Hittorpius, antiquissimum quæ esse hunc *Ordinem Romanum* variis argumentis probat, videturque ad tempora propemodum Gregorii Magni referre: sed in Galliam missum cum Antiphonario Romano & Sacramentario sancti Gregorii conjicit ex Amalario. Hic se à Ludovico Pio ad Gregorium IV. Pontificem fuisse Legatum scribit, ut ab eo Antiphonarios acciperet, & responsum retulisse à Pontifice, se quos mitteret nullos habere: sed qui illic aliquando fuissent; perlatos esse in Franciam, cum nomine Imperatoris VVala ed legatione functus esset. Hæc verò ad Sacramentarium, atque ad Ordinem Romanum perinere existimat: cum Alcuinus, qui in tempus mutati in Gallia Divini Officii, atque à Romanis accepti incidit, non minus Ordinem Romanum explicet, & Sacramentarium quàm Antiphonarium.

5. Ordo Romanus antiquus aque incognitum autorem habet ac liber Diurnus.

VI. Hic porrò *Ordo Romanus* antiquus de Divinis Catholicæ Ecclesiæ Officiis & ministeriis per totius anni circulum, divisus in tres libros, agit de Processionibus & celebratione Missæ, ejusque Officii, ac librorum qui in Eccle-

6 Quid continetur in Ordine Romano.

ſia Romana leguntur Orationes ſive Preces cujuſque feſti, & ritus ac cærimonias cuique miniſterio aptas, denuncia-
tiones quatuor temporum, & inſtructionis baptizandorum,
dedicandæ Eccleſiæ, conſecrandi Epifcopi, benedicendi
Imperatorem, Abbatem, Abbatiffam, & alia hujus generis.

PORRÒ de SS. Eccleſiæ Patribus, aliifque Autoribus
Eccleſiaſticis, & ſingulorum operibus, ex Profeſſo ſcripſit
imprimis *ſanctus Hieronymus*: ſequutus medio ævo *Honorius
Auguſtodunenſis*: poſtremis temporibus *Joannes Trithemius*,
Robertus Bellarminus, ſervato temporum ordine, & poſt
cum ordine alphabetico *Philippus Labbe*, Catholici: inter
Heterodoxos autem *Rivetius* & *Sculetus*. In eodem argumen-
to verſati ſunt datâ occaſione *Annalium Eccleſiaſticorum*
Scriptores, hinc *Baronius*, inde *Centuriatores Magdebur-*
gici; aliique quos ſubinde indicavimus.





PRÆNOTIONUM CANONICARUM

LIBER TERTIUS.

POSTQUAM ea executi sumus ex quibus coagmentatum est totum Canonici juris systema, quæque vicem obtinent Materiæ; sacros dico utriusque fœderis Codices, Concilia, Decreta Pontificum Romanorum, & SS. Patrum opera eò spectantia: sequitur ut quam illud Formam primum habuerit, quam progressu temporis, ad Gratianum usque, acceperit, inspiciamus.

CAPUT I.

De Collectionibus Canonum in genere.

1. *Varia artes, varia præceptorum suorum habent systemata, quæ artis nomen sibi vindicant.*

2. *Hæc non statim perficiuntur, & cur.*

3. *Diversa Collectionum Canoniarum nomina, & progressus.*

4. *Earum divisiones varia.*

I. C E R T A Præceptorum sive Regularum serie ad scientiarum cognitionem, quasi gradibus quibusdam, perducimur. Hinc fit, ut ejusmodi præceptorum Systemata suarum quæque Artium sibi vindicent nomen. Ita *Juris Civilis* appellatione censentur Leges in ordinem à Justiniano digestæ atque collectæ: pari ratione *Ius Canonicum* vocamus Collectiones Regularum Ecclesiasticarum.

II. S E D nec artificibus, nec Legislatoribus momenta rerum omnia se statim aperiunt; & in iis præsertim quæ ad mores & politiam pertinent, non eadem semper & ubique sive Regentium, sive subjectorum utilitas est; quæ tamen habetur justè propè mater & æqui. Solent præterea homines ab observatione eorum, quæ rectè constituta sunt, facile deflectere. Quamobrem prioribus Constitutionibus novas subinde adjici necesse est, per quas vel non satis ab initio provisæ dirigantur; vel quæ progressu temporis minùs utilia facta sunt, utilioribus mutantur; vel denique neglecta instaurentur. Inde igitur factum est, ut quemadmodum primis Legum Codicibus novi additi: sic antiquis Canonum Collectionibus aliæ à recentioribus adjectæ paulatim, Canoniam disciplinam à tenuibus admodum initiis in immensam propemodum molem produxerint.

III. H A R U M Collectionum usus ab Orientalibus cepit, à quibus ad Occidentales brevi manavit: easque illi modò Βίβλος Καόνων, modò συναγωγὰς, modò Syntagma-
ta, aut etiam Nomo-Canones, aliisque nominibus dixere. Latini Codices, Canonum; item Collectiones, Compilationes, Collectanea, Excerptiones, tandem & Corpora Canonum seu Decretorum appellantur.

IV. C O L L E C T I O N U M autem hujusmodi, si ordinem ac methodum spectes, non unum est genus. Vetustissimæ simpliciori methodo temporum ferè seriem sequuntur, sub unoquoque Concilio proprios ejus Canones describebant, eo scilicet ordine quo à cujusque Patribus editi fuerant,

Verùm deinde aucto Conciliorum numero, posterioribus conducibilis est visum artis aliquid adhibere, ac certa in Capita & velut classes distributâ Ecclesiasticæ Disciplinæ materiâ universâ, sub unamquamque classem variorum Conciliorum placita, hisque addita Pontificum & Patrum scita atque sententias redigere. Alii expansos & integros Canones retulere: alii Summis & Breviationibus eorum contenti fuerunt. Quibusdam satis fuit selecta duntaxat, suæque usui accommodata, vel certi alicujus argumenti capita in unum conferre. Nec defuerunt qui cum Ecclesiasticis Regulis Leges Civiles componerent. Hæc nos omnia quàm accuratissimè fieri poterit, in hoc Tractatu persequi & enucleare conabimur.

CAPUT II.

De Canonibus qui dicuntur Apostolorum.

CERTUM est à temporibus Apostolorum, atque I. Ad eò ab ipsis Apostolis de rebus Fidei ac morum haberi cœpta Concilia, ut vel ex Apostolorum Actibus, liquet. Unde nihil mirum si antiquissima Regularum Ecclesiasticarum Collectio, aut collectionis instar sub Canonum Apostolicorum nomine prodierit, quam J. C. Beveregius, qui nuper in Angliâ Synodicon edidit, Codicem Canonum Ecclesiæ primitivæ meritò dici posse, opere proprio contendit.

II. Hæc sub Clementis Romani Episcopi titulo, unâ cum octo libris Apostolicarum Constitutionum vulgata est: nec defunt qui Apostolis has regulas assignaverint: atque in eo numero esse videtur Justinianus,^b & Balsamon.^c Eaque de causâ inter Hagiographa recensentur à Joanne Damasceno & aliis. Turrianus & Salmeron è Societate Jesu in Concilio Hierosolymitano, quod in Actibus Apostolorum memoratur editas arbitrantur; & Collectio Arabica, è Bibliotheca Bodleiana à jam nominato Beveregio laudata, in summo Sionis condita, atque à Clemente Petri discipulo enunciata refert. Contrà^d Photius, Hincmarus, alique, in quibus ipsi Quini-sexta Synodi Patres, non Ca-

1. Hæc videtur
1. Canonum Collectio.

a Cap. 15.

2. S. Clementi Romano, imò ipsis Apostolis assignatur à quibusdam.

b Nov. 6. in fine præfat.

c In Can. 2. Synodi Trullanæ.

d In præfat. nomo-Canonis.

nones Apostolorum vocant, sed *Canones qui dicuntur Apostolorum*.

3. *Clemens Romanus, non videtur horum Canonum auctor aut Collector.*

e Can. 65.

III. CLEMENTEM sanè eorum autorem aut editorem fuisse plurima sunt quæ dissuadeant; præsertim verò quòd non pauca his Canonibus contrineantur, partim ab Ecclesiæ Romanæ usu aliena, ut prohibitio jejunandi Sab-
bato; e partim quæ tempore sancti Clementis recepta fuisse, ac certo jure constituta non faciliè probari possint: qualia fortè Provinciarum Ecclesiasticarum, & parochiarum seu Dioceseon Episcopatum distributio, Concilia Metropolitarum annua, bonorum ad Ecclesiam pertinentium ab Episcopi bonis distinctio, quo pertinent Canones 14. aliàs 15. 35. 38. & 40. Sed quamvis eruditorum ferè consensu, nec Canones illi, nec Constitutiones, & alia Clementi adscripta opus esse credantur, aut Apostolorum, aut etiam Clementis Papæ: nihil tamen ambigitur quin tum hæc, tum illi satis expressa servant antiquæ disciplinæ vestigia; quæ autorem ostendunt non doctum modò, & pium, sed priscum quoque, nec tertio Christi seculo posteriorem.

4. *Hæc Canonum Collectio, prior Concilio Nicæno 1.*

f Can. 2. Chalced. ex 30. Apost.

IV. DE tempore vetustæ hujus Collectionis parum constat. Dubitari quidem non potest quin non modò ante Chalcedonensem^f & Ephesinam universales Synodos cogniti essent, cùm in illis Synodis horum Canonum aliqui non obsecurè indicentur: sed & ante Concilium Antiochenum, quod eorum non paucos innovavit; atque adcò ante Nicænum Oecumenicum 1. in lucem prodiiisse facile probari potest, cùm in hoc Canones illi partim insinuantur, partim etiam palàm laudentur. Canon quippe Apostolicus sextus designatur Canone 9. Concilii Nicæni, ubi de criminis aliqujus reis ad ordines præter Canonem promotis agitur. Canon 15. sive 14. Apostolorum de migrationibus Episcoporum & Clericorum, indicatur Canone 150. & 16. Nicænis. Canon quoque 62. Apostolorum de Lapsis non promovendis Canone Nicæno 10. demonstratur. Apertè verò repeti videntur Nicæno 1. Canon Apostolicus 21^{us} & seqq. Eunuchis per vim factis à clero non arcendis. Canone aurem 2. Nicæno qui est de recens baptizatis non statim promovendis contra Canonem Ecclesiasticum, quid aliud quàm Canon Apostolorum 80. scribitur? Canone denique Nicæno 15. qui tradit de excommunicatis ab Episcopis unius Provincie

Provincia servandum esse Canonem qui ab aliis Episcopis eos admitti prohibet, nonne manifestè ad Canones Apostolorum 12. aliàs 13. & 32. aliàs 33. refertur.

V. N O N D U M innotuisse hanc Collectionem anno Christi 258. quo agitabatur controversia de Baptismo hæreticorum inter Stephanum Summum Pontificem illorum Baptisma recipientem, interque B. Cyprianum Carthagenensem, Firmilianum Cæsaræ in Cappadocia Episcopum illud respuentes, ex eo inducit Illustrissimus Petrus de Marca 8, quod Firmilianus cum sanctorum Petri & Pauli quædam loca non satis perspicua in suam sententiam adduceret, eamque consuetudine Asiaticorum tueretur, non tamen meminit Canonum Apostolorum 46. & 47. quos profecto, si jam tum in lucem prodissent, minimè omisurus fuisset, utpote qui ejus sententiam manifestè adstruerent. Damnantur enim Canone 46. Episcopus & Presbyter hæreticorum Baptismum admittentes; & Can. 47. deponi jubetur is, qui pollutum ab impiis (id est ab hæreticis baptizatum) non baptizaverit, non minùs, quàm is qui ritè & secundum veritatem baptizatum adhuc baptizaverit. Hinc conjicit eruditissimus Præsul paulò post illam Firmiliani adversus Stephanum contentionem, fortè & ejus occasione, editos aut collectosuisse hos Canones, paulò scilicet postquam Iconii in Lycæonia vicinarum Orientis regionum Episcopi frequenti Synodo convenissent; quæ Synodus eadem sanxerat, quæ duobus illis Canonibus Apostolorum 46. & 47. continentur.

VI. VERÙM nuperus Synodici Editor antè laudatus probat horum Canonum aliquos antiquissimis, tum Græcis, tum Latinis Patribus longè antè Iconiense Concilium cognitos fuisse, Clementi Alexandrino ac Tertulliano circa annum Christi 195. Origeni non multò post, & Cypriano, qui anno 255. passus legitur. Indicantur ab eis v.g. Canones 7. 17. 31. 47. 50. 61. 81. deque iis rebus habita jam ante Concilia. Nam Cypriano teste in Epistola ad Jubaianum, jam ejus tempore statutum fuerat, ut hæretici ad Ecclesiam Catholicam conversi baptizarentur; Cum, inquit jam multi anni sint, & longa ætas, ex quo sub Agrippino bona memoria viro convenientes in unum Episcopi hoc statuerunt: quod de Episcopis Africanis accipiendum est. Agrippinus enim Carthagenensis Episcopus fuerat. Idem autem, ut diximus, Can. Aposto-

5. Posterior anno 258. hæc Collectio.

8 Lib 3. de Concord. Sacerd. & Imp. c. 2.

6. Nonnullos tamen horum Canonum ante Iconiense Concilium cognitos credibile est.

lorum 47. constitutum reperitur. Pascha quoque cum Judæis celebrari non debere, quò pertinet Canon Apostolicus 7. aliàs 8. Synodi plures ante annum 198. sanxerant, Romana sub Victore I. Palæstina, Pontica, Gallica, Osroëna, de quibus Eusebius ^h, & Beda: ex quibus patet rectè Hincmarum coniecisse, editos fuisse aut collectos Canones qui dicuntur Apostolorum iis temporibus quibus nondum liberè Concilia celebrabantur.

^h Lib. 5. Ecclesi. Hist. c. 22.

7. *Conditur videtur hac Canonum Collectio in Syria.*

VII. QUOD attinet ad horum Canonum autores, locumve ubi primùm prodierint, ex 1^o illorum Canonum colligi potest conditos non esse ab Episcopis Asianæ diœceseos, ut qui 14. Luna Pascha celebrarent à temporibus sancti Polycarpi. Et, si quidem omnes simul, eodemque loco esse compositos constaret, minùs impeditam quætionem faceret *Hyperberetæi* mensis habita mentio Can. 38. quo nomine cùm October linguâ Syro-Macedonicâ, usu tunc per Syriam & Orientem receptâ, significetur, apparet hunc Canonem in Syria conceptum; unde sequeretur ceteros quoque iisdem è locis manasse. Verùm non desunt qui satis probabiliter conijciant diversis in Synodis, diversisque temporibus editos. Huic ego sententiæ sic accedo, ut magnam partem ex Conciliis, quæ in Orientis præsertim tractibus sub finem Secundi, & initium Tertii seculi habita sunt; partim ex moribus qui per earundem regionum Ecclesias invaluerant, Tertio currente seculo, sive unius, sive quod verisimilius videtur, plurium Antistitum operâ collectos existimem: neque aliud voluit illustrissimus Marca cùm paulò post Iconiensem anni 258. Synodum in lucem exiisse scripsit hanc Collectionem. Itaque Orientales Episcopi sub illud tempus antiquas disciplinæ Regulas & Traditiones, vel ab Apostolis acceptas reverè, vel quas ab iisdem accepisse videri volebant, in unum Codicem coniecerunt: cui ut majorem conciliarent auctoritatem, *Canones Apostolorum* appellarunt; & Clementem Petri discipulum ac successorem pro illorum collectore venditarunt; idque fortè, quemadmodum non insecitè suspicatur Marca, ut Stephano Romano Pontifici, vetustioris longè Pontificis nomen opponerent.

8. *De horum Canonum Apostolicorum numero.*

VIII. NUMERUM horum Canonum alii alium constituunt: Græci 85. habent, vel 84. duobus in unum collatis. Apud Latinos nonnisi 50. numerantur. At Canon 2.

dist. 16. sub nomine Zephyrini Papæ sexaginta; vel, quemadmodum alii legunt, septuaginta agnoscit: quanquam Belarminus errorem in numero suspicatur; & Polycarpus ex eodem Zephyrino Quinquaginta tantum numerat. Verum hæc lis satis faciliè dirimi poterit, si dicamus sub nomine Apostolorum reverà proditos fuisse quinque & octoginta Canones: sed veris Apostolorum, aut Apostolicorum virorum Traditionibus ac Regulis quædam ab hæreticis fuisse admixta: ita ut corrupti aut interpolati prodierint; quod & Epiphanius observavit: unde nihil mirum si non omnes ubique recepti fuerint, præsertim cum in Oriente compositi non pauca contineant ex moribus Orientalium Ecclesiarum, ab Occidentalium usu aliena.

IX. AUTORITATEM eorum confirmare videtur, uti jam dictum est, Tertullianus ⁱ, dum Canones Apostolorum scribit esse nobis per manus traditos: S. Athanasius in Synopsi, (si quidem ea verè Athanasii est) ubi eos numerat inter Hagiographa: Synodus sexta in Trullo¹ jubens eos post hæc firmos & stabiles permanere; atque omnium maximè S. Joannes Damascenus ^m, qui eos inter Scripturas sacras videtur recensere. Accedit quod à Dionysio Exiguo inserti sunt initio Codicis Canonum Ecclesiæ Romanæ, atque ab Isidoro Corpori Canonum præfixi, cujus in præfatione, ⁿ eos cæteris Conciliis se præponere ait *propter eorum auctoritatem*; & quod SS. Patres eorum sententias Synodali auctoritate roboraverunt, atque inter Canonicas Constitutiones posuerunt: quæ verba sine dubio ad dictum Canonem 2. Synodi Quini-sexte referenda sunt; cum illius quoque verba initio ejus Canonis 4. dist. 16. habeantur: ideoque tribui non possunt Isidoro Hispalensi ante illam Synodum defuncto. Sunt tamen alterius Isidori, qui ejus Corpus Canonum amplificavit, quæ de re infrà. Contrà Gelasius Papa ^o, verus Isidorus P eos apocryphis adscribunt: posterior enim ab hæreticis sub nomine Apostolorum compositos fuisse affirmat.

Ad hæc concilianda observandum est, Apocrypha esse duorum generum, alia quippe omninò rejecta atque damnata sunt ab Ecclesiâ Catholicâ; alia non improbata quidem, sed è numero canonicorum, quibus à nonnullis inferebantur, rejecta. Hoc posteriore sensu apocryphi sunt omnes illi Canones nomine Apostolorum inscripti: priore verò sen-

^g *Eorum au-
soritas.*

ⁱ Lib. adversus
Praxeam.

^l Can. 2.

^m Lib. 4. de fide
Orthod. c. 24.

ⁿ Relata Can.
4. dist. 16.

^o Can. 3. dist. 15.

^p Can. 1. dist. 16.

q. 6. Verum
sciendum post
Can. 6. dist. 32.
r. Can. 3. dist.

16.
f. In Opusculo
33. capitulor.

r. De Traditio-
nib. parte 3. cap.
de autoritate Ca-
non. Apostolicor.

u. Lib. 7. de sa-
cratorum homi-
num continentia
cap. 165.

fu illa duntaxat quorum sententia receptæ in Ecclesiâ do-
ctrinæ adversatur. Generaliter verò quamvis omnes à Græ-
cis admittantur, à Latinis ramen ex parte tantum, hoc est
Quinquaginta priores recipiuntur, ex Urbano II. apud Gra-
tianum q, ex Humberto Cardinali sub nomine Leonis IX. r
quos sequitur Hincmarus Rhemensis l, illi nimirum qui à
Dionysio Exiguo relati sunt in codicem Canonum. Quin &
in quinquaginta illis prioribus multa contineri, quæ tempo-
rum progressu apud catholicos Occidentis non plene ob-
servantur, & res ipsa docet, & palam profitetur Martinus
Perezius t, addeò ut Michaël Medina u scribere ausus sit
vix sex aut octo in Latinâ Ecclesiâ observari: Quod sanè
hyperbolicè dictum, cum nec tertia pars eorum in desuetu-
dinem abierit; & vix duo, tres-ve reperiantur, quos pa-
lâm Ecclesia repudiet: Hi sunt *Quadragesimus sextus* cum
Quadragesimo septimo de Baptismate hæreticorum non reci-
piendo (quos tamen duos Canones adhibetâ distinctione
servari adhuc non absurdè dici potest) & *Quinquagesimus*
de trina merione in Baptismo necessariò usurpanda. Nam
sextus de uxore ab Episcopo aut Presbytero non abjicien-
da, alium habet intellectum, ab eo quem nonnulli putant;
fortasse & *Decimus* de iis qui Ecclesiam ingressi communio-
nem non percipiunt; & *Vigesimus* de clerico fide iussio-
nis inserviente, ac *Vigesimus septimus* qui non omnibus cle-
ricis, sed Lectoribus tantum, Cantoribusque conjugium
permittit. Vide Joan. Beveregium in Pandectis Canonum,
sive Synodico, & Joan. Baptistam Corelerium in notis ad
Clementem.

CAPUT III.

*De Antiqua Canonum Collectione, quæ Prima
vulgò habetur.*

1. *Tempus pri-
ma Canonum
Collectionis.*

I. **S**I Canones Apostolorum pro prima & antiquissima
Canonum collectione accipiantur, SECUNDA erit, quæ
vulgò Prima censetur. Eam Theodosii Magni tempore cir-
ca annum 385. compositam fuisse suadet, quod in Con-

stantinopolitanâ 1^a Oecumenicâ II. Synodo anno 381. habitâ, desinat; ut colligitur ex Dionysio Exiguo in Præfatione suæ epistolæ ad Stephanum Episcopum, interpretationi Græcæ collectionis, & codici Canonum præfixâ, sub finem.

II. STEPHANUM Episcopum *Ephesinum* hujus collectionis autorem præferebat vetus codex ms. in Bibliothecâ Palatinâ, uti à Christophoro Justello se accepisse tradit Petrus de Marca ^a: sed hic Stephanus seculo sequenti vixit, & Concilio Chalcedonenſi interfuit; ideoque sequentis potius collectionis autor est credendus. Aliis videtur operâ *Sabini* apud Heracleam in Thracia Macedonianorum Episcopi concinnatum hoc opus fuisse; quod ex Socrate ^b opinor, insinuat Antonius Augustinus è Societate J E S U in Præfat. 2. Epitomes Juris Pontificii ab Augustino Archiepiscopo Tarraconensi compositæ. Et Socrates consarcinatam à Sabino refert collectionem Canonum è variis Conciliis. Eam tamen sic describit, ut diversam ab hac fuisse appareat. Hæc enim Canones dumtaxat continet: Sabinus autem collectione suâ diversarum Synodorum acta quoque complexus suum de ipsis Episcopis Canonum autoribus judicium interponebat: gestorum nonnulla de industria prætermittens, quædam pervertens atque immutans; ut ad institutum sensumque suum pertraheret. Nam & convellendæ Nicænæ fidei causâ, Antithites ejus Concilii tanquam imperitos deridebat, teste prædicto Socrate: ex quo etiam patet aliorum Conciliorum gesta à Sabino fuisse conscripta, quàm eorum quorum Canones hæc collectione comprehensi leguntur, veluti Seleuciensis ^c. Quo igitur autore concinnata hæc collectio fuerit, mihi quidem nondum liquet.

III. IN Orientali imperio esse editam: inde patet, quòd topicarum, sive particularium Synodorum Canones non alios continet, quam earum quæ in Asiaticis diocesisibus celebratæ sunt.

IV. IN eâ hic ordo servatus est, ut post Canones *Nicæni* Concilii, cui utpote I. Oecumenico is honos habitus est, ut etiam antiquioribus præponeretur; in reliquis, temporis, quo unumquodque habitum est, ratio habebatur? Earum autem omnium Canones non distinctè tanquam diversarum Synodorum placita; sed perpetuâ serie per eandem numerorum consequentiam, tanquam ejusdem corporis membra po-

Ddd iij

2. De Autore
hujus primæ Col-
lectionis

^a Lib. 3. de con-
cord. Sacerd. &
Imp. cap. 3.

^b Lib. 1. Eccles.
Historiæ cap. 5.
sub medium apud
Vales. cap. 8. &
9. it. Lib. 2. cap.
17.

^c Lib. 2. cap.
39. & Lib. 3. cap.
10. & 25.

2. Vbi edita.

4. Ejus ordo;
& quor Canoni-
bus constaret.

nantur. Id verò magnâ cautione eâ de causâ introductum videtur, ne quis supposititios Canones facillè inserere posset, quod in separatim editis facilius factu fuisset, quàm in conjunctim digestis, & continuo inter se ordine connexis. Et verò ejus ordinis, & veterum numerorum autoritate usi Antistites Africani in sexto Carthaginiensi Concilio, Nicænæ Synodi Canones tantùm viginti admisere. Eodem præjudicio Gallicani Præsules in Concilio Parisiensi non facillè passi sunt in causâ Prætextati Episcopi Rotomagensis Canones his aliunde adjectos pro certis obtrudi, quemadmodum testatur Gregorius Turonensis ^d. Sic etiam Hincmarus Remensis ^e adversus Hincmarum Laudunensem ^f sub Carolo Calvo eos refellit, qui antiquis ignotos Canones in Concilium Nicænum insinuare nitebantur. Eam autem numerorum conjunctionem ab hac prima Collectione manasse docet Dionysius Exiguus, & qui sic habet, *Regulas Nicænæ Synodi & deinceps omnium Conciliorum, sive quæ ante eam, sive quæ postmodum facta sunt, usque ad Synodum centum quinquaginta Pontificum, qui apud Constantinopolim convenerunt, sub ordine numerorum, id est à primo capite ad centesimum sexagesimum quintum, sicut habetur in Græca autoritate, digestimus.* Autoritatem intelligit hujus Collectionis, quæ ultra Canones Synodi Œcumenicæ 2. nullos posteriores compledebatur. Horum porro numerorum sic ineunda est ratio, ut 20. Canonibus Synodi Nicænæ, adjiciantur 24. Canones Synodi Ancyranæ, 14. Neo-Cæsariensis, 20. Gangrensis, 25. Antiochenæ, 59. Laodicensæ; cum tribus Constantinopolitanæ primæ, ex quibus omnibus simul junctis confurgit numerus 165. Canonum.

^d Hist. Francor.
lib. 5 cap. 18.
^e in opere 55.
capitulor.
^f Cap. 21

^g In epistolâ su-
pranotâ.

5. *Autoritas
hujus Collectio-
nis.*

6. *Ex ea rece-
pta in univer-
sum particula-
res quinque Sy-
nodi, æcumeni-
cis adjecta.*

V. Ejus autem Collectionis maxima semper fuit in rebus ac judiciis Ecclesiasticis autoritas, eamque in Conciliis unâ cum Libro Evangeliorum ad decidendas quæstiones adhiberi constat solitam: id vel ex Chalcedonenſi Concilio facillè probari potest. Ejus quippe *Actione* 4. & 11. recitantur Synodi Antiochenæ Canones 4. 5. 16. & 17. non sub ejus Concilii nomine, aut sub numeris quibus in eâ Synodo prænotantur; sed generaliter ex Codice Canonum, & sub notis numerorum ejusdem codicis, tanquam scilicet Canones 83. 88. 95. & 96.

VI. *ITAQUE*, licet in hanc Collectionem, unâ cum duarum universalium Synodorum Canonibus collati sint

Canones particularium quinque Synodorum, quæ ab initio robur suum nonnisi intra suas quæque Provincias, id est, intra dioceses Ponticam, & Asianam, atque Orientis obtinebant: tamen receptæ per Ecclesias hac Collectione, eandem æquè vim omnes ubique habere ceperunt. Numerotum ipsa consequentia satis probare videtur hos Canones cunctos, quantumvis inæqualium Conciliorum, vi tamen ac potestate invicem exæquatos fuisse. Id certè ex eo tempore præsertim valuisse fatendum est, ex quo confirmati sunt Canone primo Concilii Chalcedonenſis, relato in Canone 14. à Sanctis, x x v. quæst. 1^a, quo decretum est Regulas SS. Patrum per singula Concilia ad ea usque tempora constitutas valere, ac plenum robur obtinere. Atque hoc generaliter dictum, Zonaras & Balsamon de specialibus Synodis intelligendum esse disputant; eoque respicit Justinianus^b, dum cavet, *Ut vicem Legum obtineant Canones Ecclesiastici à SS. quatuor Synodis, tum editi, tum etiam confirmati*. Hac enim voce indicantur Canones quinque Localium Synodorum, qui reverà in Chalcedonenſi Concilio confirmati fuerant. Sed omnem dubitationem sustulère Synodi dux Trullanaⁱ, ac deinde Nicæna 2^a Oecumenica 7^a k, quarum illa palàm nominatà unaquaque Synodo, hæc verò distinctè indicatis localibus, mentem Chalcedonenſis clariùs explicuerunt.

^b Nov. 131. cap. 1.

ⁱ Can. 215

^k Can. 1.

7. Tardius
Latinis cognita
hac prima Ca-
nonum Collectio.

ⁱ Lib. 8. cap. 26.

^m Lib. 6. cap. 27.

7. Cur recepti
cum aliis Cano-
nes Antiocheni.

VII. VERUM Collectio hæc Latinis incognita fuit usque ad tempora saltem Concilii Chalcedonenſis, aut certè nonnisi post illud Concilium recepta. Id probari potest ex epistola quam Innocentius I. anno 405. scribebat ad Clerum Constantinopolitanum apud Socratem^l, nimirum *Ecclesiam nullis Canonibus regi præterquàm Nicænis*: idemque ex Leonis I. epistolis erui potest. Certè S. Chrysostomus Patriarcha Constantinopolitanus Canonem Antiochenum 12. quo spes restitutionis aufertur Episcopo, qui à Synodo rejectus, sedem suam citrà majoris Synodi instauratum judicium repetit, (cujus autoritate premebatur) nondum in suâ Thracicâ diocesi admissum satis indicat apud eundem Socratem^m, cum ab Arianis editum fuisse contendit.

VIII. ET verò mirum quibusdam visum est, cur Antiocheni illi Canones, Arianorum, ut creditur, factus, in Collectionem relati, in Chalcedonenſi Concilio, ut suprà observavimus, pro Regulis Ecclesiasticis probati, usu deni-

que ubique recepti fuerint. Baronius, cum existimaret univ-
 versum Concilium Antiochenum ex Arianis fuisse consti-
 tum, Canones sub Antiochenorum nomine in Synodo
 Chalcedonenſi laudatos, ex alia Canonum collectione, alia-
 ve Synodo Antiochenâ depromptos fuiſſe affirmat. Marcus
 Antonius de Dominis Canonem 12. Synodi Antiochenæ,
 qui Chryſoſtomo objiciebatur^b, & tanquam ab Arianis edi-
 tus, tum ab eo, tum ab Innocentio I. Pontifice Romano
 explodebatur, putat non eſſe verum Canonem Antioche-
 num 12. ſed alium ab hæreticis confectum. Eâdemque ra-
 tione Samuël Petitusⁿ non omnes Canones Antiochenos,
 ſed ſolùm illum 12. ab Arianis conſtatum adverſus S. Atha-
 naſium conjicit, ideoque prorsùs expungendum; quo pacto
 in concordiam ex ejus ſententiâ adducentur numeri Cano-
 num, qui in recentiore collectione apud Zonaram & Bal-
 ſamonem habentur, cum numeris hujus antiquæ collectio-
 nis quâ uſi ſunt Patres Concilii Chalcedonenſis. Atta-
 men quamvis inter Antiltites Synodi Antiochenæ primas
 partes tenerent Eusebiani; conſtat nihilominùs ne tertiam
 quidem eorum Præſulum partem, id eſt, 30. ex 97. vel 99.
 clàm cum Arianis ſenſiſſe, teſte Julio Pontifice Maximo in
 epiſtola quæ extat apud Athanaſium.^o Canones autem
 Concilii Antiocheni, ipſumque 12. qui in cauſâ S. Chryſo-
 ſtomi proferebatur, eoſdem eſſe omninò cum iis, qui in Con-
 cilio Chalcedonenſi probati ſunt, patet ex collatione nu-
 merorum à nobis ſuprà indicatâ. Quantum ad 12. illum Ca-
 nonem; in eo, non, ut quibuſdam viſum, prohibetur ap-
 pellatio, ſed ſpes reſtitutionis aufertur Epifcopo, qui à Sy-
 nodo dejectus ſedem ſuam repetit abſque novo majoris Sy-
 nodi judicio. Discrimen autem numerorum inter priſcam
 & novam collectionem, non ex eo oritur, quod proſcriptum
 à Chalcedonenſibus Canonem 12. Antiochenum Zonaras,
 & Baſſamon receperint; ſed quod apud hos numerentur
 quindecim Canones Synodi Neo-Cæſarienſis, diſtraſto in
 duos 13^o. cum in priſcâ collectione nonniſi 14. numerentur.
 Verùm quòd Canones Antiocheni in antiquum illum co-
 dicem conſecti ſint, ea ratio eſt, quod codex ille ex Orien-
 te prodierit, ut jam diximus. Quod autem in Occidente &
 apud Latinos non ſtatim recepti fuerint, cauſa hæc eſt,
 quòd Orientales Epifcopi, qui Antiochiam convenerant,
 malè

ⁿ Lib. 3. variar.
 lect. cap. 4.

^o Apologia 2.

malè apud Occidentales audirent ob confirmatam Tyrii Conciliabuli adversus Athanasium sententiam, quâ in re Catholici cum Semi-Arianis sive Eusebianis in Synodo Antiochena consenserant, quoddam res suarum dioceseon ad Romanam Ecclesiam deferri ægrè paterentur. Unde & in Synodo Sardicensi Orientales ab Occidentalibus discessere: ex quo factum est ut apud hos Arianismi suspitione laborarent: eaque de causâ rejeçti sunt in initio à Larinis Canones Antiocheni, ac præsertim ille 129. nondum receptâ in Occidente hac Canonum Collectione. Postea tamen ex Concilii Chalcedonensis decreto suprà laudato admissi ubique sunt. Quamvis enim Antiochena fidei Formula, quoddam Nicænâ obliquè adversaretur, orthodoxis improbatâ fuerit: Canones tamen ejus Synodi ad Disciplinam Ecclesiasticam pertinentes, quoddam maxima ex parte ad mores componendos & constituendam Ecclesiæ politiam conducere, non ita damnati sunt. Neque id novum est: semper enim hæc duo in Conciliis distinguuntur, Dogmata fidei, & Canones sive Regulæ morum ac rituum. Sic Constantinopolitanæ 1. Synodi Fides quidem statim ubique terrarum suscepta est, Canones non statim ubique probati sunt, ut suprà demonstratum est ex Innocentii I. epistolâ ad Clerum Constantinopolitanum apud Socratem & Sozomenum. Id Gregorii quoque I. sententia 31. P. probat. *Romana*, inquit, *Ecclesia eorundem Canones*, nimirum Constantinopolitanos, *vel gesta Synodi illius hætenus non habet, nec accipit: in hoc autem eandem Synodum accepit, quod per eam contra Macedonium definitum est.* Idemque de Chalcedonensi Concilio à Gregorio eodem pronuntiatur. 9 Nec verò damnatio B. Athanasii solo illo Canone 12. Synodi Antiochenæ nitebatur, qui post ejus restitutionem editus, nonnisi per summam injuriam ad ipsius causam, utpote jam definitam, trahi poterat.

IX. Cùm hæc Collectio post Synodum Constantinopolitanam 1. & anno Christi 381. composita fuerit, quæri potest, quid causæ sit cur in eam relati non fuerint Canones quorundam Conciliorum illis quinque Localibus per Asiam habitis celebriorum, præsertim *Arelatensis* I. & *Sardicensis*: quorum *Arelatense* adversus Donatistas ex omnibus Occidentis Provinciis mandato Constantinensi celebratum in Gallia, antiquius erat Nicænâ Synodo; & à S. Augustino

Ecc

9 Lib. 6.

9 Lib. 5. epist.
14. & lib. 7. epist.
46.

9. Cur non inserti primæ huic Collectioni Canones aliarum per ea tempora Synodorum.

7 lib. 2. de Baptismo cap. 8. atque epist. 162.

f In Edicto de fide.

r In opere 55. capitulor. c. 16.

n Can. ult. dist. 16.

Plenarium, & Universale, & universæ Ecclesiæ Concilium appellatur: *Sardicense* verò Oecumenicum & ipsum dicitur à Justiniano ^f, quod ab Episcopis in 5. Synodo Oecumenicâ dictatum fuisse tradit Hincmarus Rhemenfis ^r, & quod in Romanâ Conciliorum editione, inter œcumenica refertur statim post Nicænum, cujus velut appendix habetur. Horum aliorumque similium Canones, nec pietate, nec doctrinâ Orientalium Synodorum Canonibus quidquam concedunt. Verum, ut jam indicavimus, autor hujusce Collectionis Orientalibus præsertim suis laboravit; Occidentalium autem Canones vel omnino incognitos, vel nondum saltem usu receptos in Oriente, silentio transmisit: & quamvis Sardicense Concilium *in Orientis partibus habitum fuerit*, ut loquitur Nicolaus I. ⁿ ejusque Canones non tantum Latinè, sed etiam Græcè ab initio conscriptos fuisse probabile admodum sit; non tamen confestim à Græcis & reliquis Orientalibus admissum est; quod hi magnâ ex parte ab Occidentalibus, à quibus ea Synodus absoluta est, dissentirent: tum in fide aliquatenus discordes, tum maximè in iis quæ de appellatione ab omnibus Ecclesiis ad Sedem Romanam in ea Synodo decreta fuere: quare & à Concilii loco discesserant. Hinc fit ut in antiquâ Præfatione Concilii Sardicensis, quam Adrianus I. Pontifex in suâ Collectione Canonum Carolo Magno oblata repetiit, annotetur Sardicenses Canones non apud Græcos, sed magis apud Latinos inveniri: Eoque spectat quod Photius suo adhuc tempore ad Nicolaum I. scribebat Canones Synodi Sardicensis in Orientis Ecclesiis minimè suscipi, ut colligitur ex epistola Nicolai ad Clerum Constantinopolitanum. Non abs re tamen, arguitur à Nicolao Photius, nec multò post Synodum Chalcedonensem susceptos à Græcis quoque, aut certè ab Orientalibus Catholicis Canones illos Sardicenses, ex dicendis patebit.

CAPUT IV.

De Veteri Altera Græca Collectione post Chalcedonense Concilium edita.

I. **P**OST Chalcedonense Concilium cujus Canone i. cautum fuerat Canones, sive Regulas SS. Patrum per singula eòsque Concilia constitutas proprium robur obtinere arque observari, additi sunt apud Græcos superiori collectioni trium Conciliorum Generalium Canones, Constantinopolitani quidem sex (cum in priori Collectione tres tantum descripti fuissent) Ephesini octo, Chalcedonensis viginti novem, ita ut tota collectio, qualis à Chrysostophoro Justello edita fuit, constaret 207. Canonibus.

1. Tempus & occasio hujus Secundæ Collectionis.

II. Hæc est antiqua Collectio sub titulo *Codiciſ Canonum Ecclesiæ universæ* vulgata anno 1610. à prædicto Justello. Verum titulus ille nimis speciosus & generalis visus est Francisco Florenti^a, & illust. Per. de Marca, qui censent inscribendam potiùs Collectionem Canonum Orientalium, quemadmodum Martinus Bracarenſis, Dionysius Exiguus, & Hadrianus I. ejus generis collectanea appellarunt: quod scilicet multorum æquè celebrium Conciliorum, præsertim Occidentalium Canones in eo Codice desiderentur. Justellum tunc Henricus Filius in Præfatione quam secundæ ejus codiciſ editioni præfixit. Et verò si hæc collectio eatenùs spectetur, quatenùs priorem comprehendit centum sexaginta quinque Canonibus Synodorum septem compositum: eo sanè sensu codex Canonum Ecclesiæ universæ dici poterit, quòd nihil contineat non ubique in utrâque tam Latinâ, quàm Græcâ Ecclesiâ receptum. Sed si spectetur quatenùs completitur plures, quàm tres Constantinopolitanæ Synodi Canones, unâ cum Ephesinis, & omnibus Chalcedonensibus, omiſſis Concilii Sardicenis Canonibus, nec primam collectionem sinceram nobis dedisse videtur, nec secundam integram.

2. Audicenda Collectio Canonum Ecclesiæ universæ.

III. Hanc ego potiùs quàm priorem collectionem Stephanò illi Ephesino, de quo superiori capite dictum, assignandam facillè crediderim; utpote cujus in Chalcedonen-

3. Hujus Collectionis autor.

sis Concilii, (à quo ea auctoritatem accepit) non modò subscriptionibus, sed etiam actionibus mentio habeatur. Idque eò probabilius censeo, quòd Canones Ephesini, ad dogmata magis fidei, & condemnationem Nestorij ac Cælestij quàm ad morum disciplinam spectantes, ab eo in honorem civitatis suæ, præter morem inserti videri possunt: contrà verò prætermisisti Sardicenses Asianis minùs accepti ob appellationes ad Sedem Romanam.

4. *Debuerant
inseri huic Col-
lectioni Canones
Sardicenses.*

IV. NEC sanè erat quòd Canones Synodi Sardicensis in hac Collectione omitterentur; quandoquidem in Oecumenicà Synodo Chalcedonenſi confirmati fuerant, ut jam observavimus, Canones omnium Synodorum priùs habitatum, & sic sublata omnis, quæ apud Græcos antea fuerat, de Sardicensibus dubitatio; qui non perinde ac reliqui Occidentaliū Conciliorum Canones Græcis incogniti esse poterant. Sanè enim Sardicam, quæ Dardaniæ in Illyrico civitas erat, unà cum Occidentalibus 270. circiter Episcopis convenerant 70. saltem Orientales: & Sardicensis illius Synodi decretum, quo fides Nicæna ab Episcopis Occidentalibus sancita fuerat, sub nomine Tomi Occidentalium confirmatum fuerat Constantinopolitanæ I. Synodi decreto,^b ut agnoscunt Zonaras, & Balsamon, c

^b Can. 5.

^c Adeum Can. 5.

C A P U T V.

De alia Collectione Theodorito à quibusdam adscripta.

1. *Superiori
proxima Colle-
ctio alia Græca.*

I. **P**AULO POST superiorem collectionem, fortè & eodem tempore, alia prodiit, non multum quidem, sed tamen aliquantum diversa, adjectis nempe Canonibus qui dicuntur Apostolorum, & Sardicensibus, auctior; quorum illi ob nominis Apostolici reverentiam in fronte collati, hi post Neocæsarienses, ante Gangrenses interjecti. In quo servatus ordo temporum: siquidem in libello Synodico, qui Græcè ante 700. atque ampliùs annos scriptus omnes Synodos, tam Orthodoxas, quam hæreticas breviter complectitur, Synodus Cæsariensis Pontica Vitalis, hoc est, Neo-Cæsariensis, trigesima numeratur; Sardicensis quadragesima quarta; Gangrensis Septuagesima prima: nisi fortè Nicæna

De alia Collectione à quibusdam Theodorito adscripta. 405

Synodi Oecumenicæ primæ honori datum est, ut post An-
cyranam & Neo-cæsariensem, quæ illâ antiquiores sunt,
statim subjiceretur Sardicensis, quæ Nicænæ velut appen-
dix est habita.

II. Hujus Collectionis ordinem ex Indice ante Joannis
Scholastici collectionem descripto eruere licet. Is quippe
in præfatione suâ fatetur non à se primum adornatam Ca-
nonum collectionem, sed adjunctos reliquis Canones S. Ba-
siliï, ac diversum ordinem institutum. Unde liquet, seclufis
Basilii Canonibus, reliquos, quibus ipse usus est, jam ab
aliis collectos fuisse, nempe Apostolorum 85. Nicænos 20.
Ancyranos 25. Neo-cæsarienses 14. Sardicenses 21. Gan-
grenses 20. Antiochenos 25. Constantinopolitanos sex, E-
phesinos 7. Chalcedonenses 27. Sic enim in ejus syllabo re-
censentur: atque ita tota hæc collectio trecentorum &
quindecim Canonum numerum complecteretur.

III. Nec verò Index tantum hujus collectionis in fronte
operis Joannis Scholastici extat; sed ipsa Collectio, expan-
sis Synodorum Canonibus, habetur in codice mss. Regiæ
Bibliothecæ, itemque in altero Bibliothecæ Seguerianæ:
aucta quidem illa in utroque codice Epistolis Canonicis Pa-
trum Græcorum, aliisque opusculis, verum utrobique jux-
ta Synodorum & Canonum seriem quam indicavimus, om-
nino digesta.

IV. Hæc est Collectio quam confirmavit Justinianus
Novella 131. ^a cum sanxit vicem legum obtinere sanctas
Ecclesiasticas Regulas, quæ à sanctis quatuor Conciliis
(Oecumenicis nimirum primis) expositæ sunt, aut confir-
matæ; quo ultimo vocabulo intelliguntur Canones Topi-
carum Synodorum, quas generali nomine confirmarunt Pa-
tres Concilii Chalcedonensis. Quæ quidem Novella 131. vel
certè ejus Caput primum, ad calcem hujus Collectionis ad-
scribebatur, quemadmodum testatur idem Joannes Schola-
sticus. Ejus cap. hæc sunt verba. *Θεωρίῳ μὲν ἔστιν ὁ μὲν ἐπίχαι-
νὸς ἀγίους ἐκκλησιαστικὴς καὶ νόμος, τὸς ὑπὸ τῶν ἀγίων πατέρων
συνόδοις ἐκπηγείας, ἐβεβαιώθειας, τυτέτι τῷ πρ. Νικαία τῶν τίν,
ὃ τῶς ἐο Κωνσταντιῶν πόλ. τῶν ἀγίων ἐκπαίρων, &c.*

V. E jus quis autor fuerit incertum est. Alii Theodo-
ritum Episcopum Cyrrî, de quo paulo post accuratius di-
ceretur; alii Theodorum Abbatem, vel Theodorum opinan-

2. *Ordo hujus
Collectionis.*

3. *Extat hæc
Collectio in Codd.
mss.*

4. *Eadem à
Justiniano robo-
rata.*

a Cap. 1.

5. *De hujus Col-
lectionis auctore
varia sententia.*

tur. De *Theodoro* levis est conjectura, ex eo deducta, quòd Hypotheses, sive argumenta Conciliorum, quæ in cujusque limine apposita præfert codex Regius, eaque diversa ab aliis earundem rerum narrationibus, quæ apud Zonaram & Balsamonem, aliove occurrunt; *Theodoro* Deo amatissimo vel sacratissimo Abbati, & sapientissimo Philosopho attribuit illius Codicis scriptor, ante Ephesinam & Chalcedonensem Synodos; & *Theodoro* sine addito ante Nicænam. Sed vivâ voce, non scripto ab eo traditas ejusmodi hypotheses ibidem annotatur. Nec ex iis certè colligi potest aut totam collectionem ab illarum autore compositam, aut quis fuerit ille *Theodorus* Abbas. Nam *Studites*, & alii ejusdem nominis Abbates, qui in Ecclesiasticâ historiâ memorantur, longè post hujus collectionis tempora vixerunt. *Theodorus* laudatur ab illustrissimo *Petro de Marca* ^b adjecto Theologi titulo. *Franciscus Turrianus* in opusculo quod scripsit pro Canonibus Apostolorum, hanc collectionem *Constantino* Scholastico P. Cp. adscribit: *Antonius Augustinus* ^c, & *Alemannus* ^d *Ioanni Scholastico*, quem eâ quidem usum non dubito. Verùm ne illius ipsum autorem existimem, facit quod toto fermè seculo posterior sit Concilio Chalcedonensi: at brevi post illud hanc collectionem produisse mihi prorsus est persuasum, tum ex iis quæ initio hujus capituli dicta sunt, tum ex iis quæ mox subjunguntur.

^b In dissert. de prim. Lugdunens. si.

^c In præfat. ad antiq. Collect. Decretal.

^d In notis ad Procopii anecdota.

6. *Maximè probabilis opinio.*

VI. PROBABILIOR itaque, licèt non indubitata, mihi videtur eorum sententia, qui *Theodorito* hanc collectionem assignant: quandoquidem in suprâ memorato Codice Regio hæc Epigraphæ occurrit Συνοδικὴ Καθόλικὴ ἢ τίτλος διηρημένων καὶ Θεοδορεῖτι Ἐπισκόπῳ ὁ Κέρριον Unde verisimile admodum videtur ab hoc *Cyrthi* in *Euphraten*si *Orientis* provincia Episcopo, conditam fuisse Can. Collectionem: quod *Florens* suprâ laudatus tradidit, sequutusque est illust. *Pet. de Marca*. Fatendum sanè est Titulum illum in id tantùm valere ut aliquam Canon. Collectionem à *Theodorito* prolatam pronunciemus. Cæterùm Collectio quæ sub hoc Titulo est in Regio codice ms. Joannem Scholasticum autorem nominat. nihilq; differt (quod ad Titulos & Canones attinet) à *Nomo-Canone* nuper edito sub Joannis illius Scholastici nomine, de quo post suo loco. Nec fortè verior est alia posterior opi-

nio nunquam satis laudati Archiepiscopi, vivâ voce mecum ab eo nostri communicata. Is enim e cum post Franciscum Florentem, censuisset Collectionem illam prædicto Codice Regiæ Bibliothecæ comprehensam, & in quinquaginta Titulos ita distributam, ut plurium Canonum ex variis Synodis desumptorum, qui ad unumquodque genus negotii referri videbatur, velut cumulus, sub eisdem titulos, qui materiæ cujusque quasi sedes esset, conjicerentur. Cùm inquam existimasset opus illud, quantum ad Canonum compilationem, esse Theodoriti, sed à Joan. Scholastico civilium constitutionum collatione ad singulos Titulos additâ locupletatam; postea aliter sentire ceperat, & hac totâ Nomo-Canonicâ Collectione Joanni addictâ, aliam augurabatur fuisse à Theodorito prius conflata; sed alio rerum ordine, & Titulis sexaginta distinctam; quæ collectio ad nos non pervenit. Ejus conjecturæ rationem ex eo deducebat, quòd Joannes ille Scholasticus in sua Præfatione ait ab aliis prius editam fuisse collectionem in sexaginta Titulos (prætermis-
tamen Basilii Canonibus) atque ita ut similia similibus, quemadmodum oportuerat, coaptata non essent: ex quo apparet vetustiore proculdubio fuisse collectionem sexaginta Titulorum, quam quæ Titulis quinquaginta constabat. Priorem autem illam nemini judicabat convenientius adscribi posse, quàm Theodorito. Verùm quantum ad Collectionem Sexaginta Titulorum, non faciliè adducor ut credam eam cum ea de quâ hîc quæritur, secundum Canonum & Conciliorum seriem conscripta quicquam habere commune, hæc enim undecim tantùm Conciliorum Canones, & cum his Apostolicos complectebatur; ex quibus omnibus tituli non ultra duodecim confici videntur potuisse. Quapropter ad Sabini Macedoniani collectionem Actorum Synodico-
rum, cujus ante meminimus, referri posse suspicor, quæ à Joanne Scholastico dicuntur. Verisimilem nihilominus duco partem alteram conjecturæ Illustrissimi Præfulis: valdè quippe mihi probabile est, cùm Theodoritus veluti collectionis alicujus autor in manuscriptis indicetur; id non temerè scriptum: nec verò alia occurrit illi potius adscribenda Collectio, quàm ea de quâ nunc agimus. Constat certè ipsum per hæc tempora rei omnis Ecclesiasticæ peritissimum, nihil ferè quod eò pertineat non attigisse: & quidem

¶ Lib. 3. de concord. Sacerdotii & Imperii cap. 3.

Lib. 5. Hæreticarum fabularum, non admodum alienum ab hoc instituto argumentum pertactavit, traditâ Epitome Divinorum Decretorum, ubi præcipua Fidei capita, ab Hæreticis impugnata, firmis adstruit rationibus. Quidni ergo probabili indicio adducti conjiciamus eundem, quæ ad Mores ac Disciplinam spectabant collegisse. Sic igitur circa annum 460. in lucem exierit hæc Collectio.

7. *Dilucidatur
contraria ratio-
nes.*

VII. NEGANT Justellus aliique hanc collectionem esse Theodoriti: quod enim ab illis dicitur de eâ collectione quæ verè est Joannis Scholastici, id de hac non minùs dici potest. Tribus autem potissimùm rationibus nicitur eorum sententia. Primùm, quod Canones Apostolicos numero 85. hæc collectio comprehendat: secundò, quod Canonem 28. Concilii Chaleedonenfis expungat, quem tamen agnoscunt Græcæ aliæ collectiones: tertio quod in hæc collectione contineantur etiam Canones Concilii Sardienfis Græcis eâ tempestate, aut ignoti, aut exoti, ut ipsi existimant.

Sed de Canonibus Apostolorum abundè capite primo disseruimus: Canonem autem 28. Chaleedonenfis Synodi, etiamsi referant collectiones Græcorum posteriores, veluti Photii, Zonaræ, & Balsamonis; antiquæ tamen quæ in mss. Codicibus Regiæ & Seguerianæ Bibliothecæ habentur, nonnisi viginti-septem ejus Concilii Canones complectuntur, omisso *xxviii*. quod & Dionysius Exiguus sequutus est in versione antiquæ collectionis, & Theodorus Anagnostes sive Lector *b*. Licet autem Canones Sardicenses in antiquissimâ Græcorum collectione prætermissi fuerint; constat tamen ex iis quæ diximus sequentibus collectionibus post Synodum Chaleedonensem editis insertos fuisse: eaque non contemnenda ratio videri potest cur secundæ collectionis autor censeatur Theodoritus, quod illi Canones in eam relati sint. Si quis enim Græcorum Sardicensibus Canonibus honorem impertiendi causam habuit, is fuit imprimis Theodoritus, cui Canones illi maximo usui fuere, cum sede suâ in Ephesinâ Synodo 2. per Dioseorum Alexandrinum dejectus, eorum Canonum beneficio Sedem Romanam appellaverit, atque à Leone Pontifice in communionem receptus, & dignitati Episcopali restitutus, locum suum Imperatoris Decreto, & Synodi Chaleedonenfis irretectabili judicio (quemadmodum Leo ipse

b Lib. 1. Collectio-
norum.

De alia Collectione Theodorito à quibusdam adscripta. 409
ipse loquitur) iterum obtinuerit; itaque grati animi fuit
Canones, quorum ope jus suum tuitus fuerat, cæteris re-
ceptis Canonibus accensere; eaque in re Orientalibus re-
liquis viam præire, cum præsertim id ei ex Chalcedonen-
sis Concilii auctoritate liceret.

CAPUT VI.

De Collectione Trullana Synodo probata.

I. CUM generales Synodi v. & vi. Constantinopoli ce-
lebratae, altera anno Christi 553. altera an. 680. Fi-
dem tantum adstruxissent, damnatis eorum temporum er-
roribus; sed nullos Canones edidissent: Græci Episcopi post
annos à vi. Synodo, non quatuor, aut quinque duntaxat,
(ut memorabat in viii. Synodo Occumenicâ Tarasius Pa-
triarcha Constantinopolitanus) sed 27. tempore Justiniani
junioris, coeuntes Concilium celebrarunt; quod Trulla-
num & Quini-sextum est appellatum: *Trullanum* quidem,
quod in Trullo Palatii Constantinopolitani habitum esset,
quemadmodum & vi. generalis Synodus. Trullus quid esset
indicatum est lib. 2. cap. 5. & 8. *Quini-sextum* dictum est hoc
Concilium, quod ejus Præsules videri vellent id quod v.
& vi. universalibus Synodis deerat, supplevisse; editis dis-
ciplinæ tuendæ causâ Canonibus. Et sanè Canones non
parcâ manu condiderunt, nempe 102. quot nulla alia Syno-
dus ediderat.

1. *De Quint.
sexta in Trullo
Synodo.*

II. IN eâ Synodo, quam & Sextam absolute Græci sæ-
penumerò vocant, licet suus Romano Pontifici ad subscri-
bendum relictus fuerit locus, & Gortynus in Creta Episcopus,
aliique velut ejus vicem implentes, cum aliis Ori-
entalibus subscripserint: reverà tamen sine Latinorum ipsius-
que Summi Pontificis interventu habita est hæc Synodus;
nec modò aliena à Romanæ Ecclesiæ usu constituit, sed re-
ceptum in eâ Clericorum sacratorum cælibatum damnare,
atque acriter reprehendere non est verita. Unde ipsius Ca-
nones in Ecclesia Romana recepti non sunt, nisi quatenus
superioribus Synodis, & probatis moribus contrarium nihil
continebant, ut postea Humbertus Cardinalis, Episcopus

2. *Ea Synodus
quatenus apud
Latinos recepta.*

Silvæ candidæ, Leonis IX. Legatus, apud Græcos contestatus est.

3. *Prohati in hac Synodo Canones complures, ex quibus nova Collectio.*

III. Eius secundo Canone pluribus tum Conciliorum Decretis, tum Patrum Græcorum responsis additum est Canonicum robur, unde orta est nova apud Græcos Canonum Collectio; itaque præter Canones *Apostolorum*, *Nicanos*, aliosque prioribus Collectionibus insertos, recepti sunt in hac Synodo Canones *Carthagenenses*, & Canones præterea Synodi *apud Constantinopolim* sub Nectario habitæ, deinde ad receptos jam *Basilii* Archiepiscopi *Cæsariæ* in *Capadocia* Canones, alii adjecti sunt, *Dionysii* nempe & *Petri* Patriarcharum *Alexandrinorum*; *Gregorii* *Neocæsariæ* in *Ponto* Episcopi, qui *Thaumaturgus* est appellatus; *Athanasii* quoque Patriarchæ *Alexandrini*; *Gregorii* Episcopi *Nysseni*, *Gregorii* alterius *Nazianzeni* scilicet, qui Theologus cognominatus est; *Amphilochii* Episcopi *Iconiensis*, *Timothei* & *Cyrilli* *Alexandrinorum*, ac *Gennadii* Patriarchæ *Constantinopolitani*. Ultimo loco in honorem B. Cypriani Martyris adjectus est etiam Canon *Synodi Africanae*. Additur prohibitio ne quis ante dictos Canones adulterare, aliosve ab his admittere audeat, cujusmodi à quibusdam adjectâ falsâ inscriptione compositi. Hinc apparet quibus ex Conciliis & quorum Patrum è scriptis coagmentata fuerit ex ejus Synodi præscripto hæc Collectio; & quanta tunc Canonum moles ad priores Collectiones accesserit. De quorum aliquibus nonnulla videntur annotanda.

CAPUT VII.

De Conciliorum & Patrum Canonibus hac Collectione additis ad superiores, deque ejus Appendice.

i. *Canonum Carthaginensium nomine intelligitur Collectio Africana.*

I. **C**ARTHAGINENSE Concilium in nova illa Collectione absolutè nuncupatum, non tam unius, quam plurium Africanarum Synodorum selectos Canones comprehendit, velut quidam Codex Canonum ejus Ecclesiæ, quemadmodum indigitavit Christophorus Justellus, qui eum codicem Græcè & Latine, adjectis notis suis, edidit. Ea Canones Africanos 132. à Græcis receptos com-

plectitur. Hi Canones jam antea à primis usque Imperatoris Justiniani temporibus in codicem Canonum Ecclesie Romanæ relati fuerant à Dionysio Exiguo; quâ de suo loco accuratius disseremus.

2. De Synodo
Carthaginensi
Cypriani.

II. AT Concilium Carthaginense Cypriani longè antiquius est, utpote an. 256. Sedem Romanam obtinente Stephaniano I. Romanis imperante Decio, ab Episcopis 84. habitum de iterando Hæreticorum & Schismaticorum, ad Ecclesiam Catholicam confugientium, Baptismo. Ejus Canon ab Ecclesiâ in univèsum damnatus, non absolute hîc probatur; sed prout secundum majorum formam, & juxta consuetudinem ab illis traditam obtinuit. Is hujus loci sensus intelligendus est: & quanquam, quod ad hæreticos attinet, satis ambigüe locutus eâ de re videatur B. Basilus^a; tamen Trullanos Antistites ad Canonem Apostolorum 46. Concilii Nicæni XIX. maximè verò ad ultimum Canonem Constantinopolitanæ Synodi, Oecumenicæ II. respexisse nihil dubito: ex quo quidem postremo Canone petenda est cæterorum vera interpretatio: ut scilicet eorum Baptisma rejiciatur, qui ab usitata Ecclesiæ formula in eo administrando recedunt; & sic perperam tincti nec probaptizati habeantur, sed baptizandi in Ecclesia veniant: non tamen baptizati ab iis hæreticis qui receptæ formæ inhærent, & fidem Ecclesiæ in eo articulo sequuntur.

a. Can. 17.

III. CONSTANTINOPOLITANUM autem Concilium, quod hîc reliquis adjungitur, à Nestorio ejus urbis, ac Theophilo Alexandrino Patriarchis habitum fuerat, anno 394. in causâ Agapii & Bagadii de Bostrensi Episcopatu inter se contendentium.

3. De Synodo
Constantinopolitana à Nestorio.

IV. QUOD spectat ad Patriarcharum, aliorumque Præsulum Græcorum Decreta, occurrunt 1^o loco Canones S. DIONYSII Patriarchæ Alexandrini, qui Heraclæ in ea dignitate successisse legitur sub exitum Philippi Arabis Imperatoris, & martyrium deinde passus an. Christi 262. aut sequenti. Is interrogatus per epistolam à Basilide Episcopo Pentapoltanæ provincie, de diversis articulis, Responsum dedit, cujus capita quatuor pro Canonibus recepta fuerunt.

4. De Canonibus
S. Dionysii
Alexandrini.

V. S. PETRUS Alexandrinus quoque Patriarcha fuit, Theonæ, qui post Dionysium sedit, successor. Martyrium

5. De Canonibus
S. Petri Alexandrini.

& ipse subiit Imperatore Diocletiano circa annum 310. Decreta sive Regulas quindecim scripsit. 2^a circa Lapsos tempore persecutionis.

a In Sermone de
Pœnitentiâ

6. *Gregorii
Thaumaturgi.*

VI. GREGORIUS, antea Theodorus dictus, Neocesareæ in Ponto Polemoniaco Archiepiscopus, cognomento *Magnus*, & à frequentibus editis miraculis *Thaumaturgus*, postquam Origenem audierat, à Phedino Amasenorum Præsule Episcopus est consecratus, & in Decii persecutione in solitudinem secessit. *Epistolam* Canonicam postea scripsit de *Pœnitentia* variorum delictorum, præsertim verò de *Idolothytorum participatione*, cujus extant Canones undecim. Obiit circa annum 266. Ejus vitam scripsit Gregorius Nyssenus.

7. *Canones S.
Athanasii.*

VII. ATHANASIUS, in Alexandrino Patriarchatu paulò post Concilium Nicænum Alexandro successit, qui post Aquilam Petri successorem eam Sedem tenuerat. Neminem latent ejus pro vera Fide labores adversus Arianos, atque horum in illum diræ calumniæ, persecutiones, atque irrogata ipsorum artibus exilia. Inter alia opera *Epistolam* scripsit ad *Amnum*, sive Ammonem Monachum de nocturna feminis fluxione, tum aliam *Epistolam* quæ inter festivas seu festales 39^a numeratur, qua recensentur *Libri Canonici* utriusque Testamenti. *Epistolam* quoque scripsit ad *Rufinianum* Episcopum, ni fallor, de *Lapsis in hæresim* admittendis ad Pœnitentiam, non tamen ad Clerum. Et hæ tres *Epistolæ* huic Collectioni fuerunt insertæ.

8. *De Epistolis
Canonicis S. Ba-
sili.*

VIII. BASILIUS Cappadox, peractis apud Athenas eum Gregorio Nazianzeno studiis, in Eretrum Ponticam secessit; ubi Monachum professus, instituti Monastici Regulas conscripsit. Inde revocatus adversus Hæreticos, curam Cæsariensis in Cappadociâ Ecclesiæ sub Eusebio Episcopo gessit. Tandem Archiepiscopus ejus civitatis anno 369. creatus quantumvis reluctans, brevi à Valente Ariano Imperatore variè vexatus, post multa præclarè gesta & tolerata, obiit anno 378. Ejus, præter cætera opera, extant *Epistola* tres *Canonica* ad *Amphilochium* Iconii Episcopum, Dux priores continent 85. Canones: 1^a sedecim priores, altera reliquos: 3^a unico Responso *De ciborum delectu* contra Encratitas, absolvitur. Accedunt alia quoque in hanc Collectionem relata, nimirum *Epistola* ad Gregorium Presby-

rum, ut à mulierculâ, cum quâ habitabat, abscederet; tum alia ad *Chorepiscopos*, quâ vetat absque ipsius notitiâ quenquam ad sacrum Ministerium promoveri. Præterea ad *Episcopos sibi subiectos*, ne pecuniæ ab Ordinandis accipiantur. Additi sunt ex Libro de Spiritu Sancto ad Amphilochem, centones duo; ex capitibus videlicet 27. & 29. ubi de *Traditionibus* disserit, quod Fidem de Spiritu Sancto adstruat. Adjectum est denique fragmentum ex ejus Epistola ad Nicopolitanos in Armenia minori.

IX. GREGORIUS, Magni Basilii frater, Rhetoricis disciplinis usque ad invidiam excultus, ex conjugato factus est *Episcopus Nysses* in Armeniæ minoris & Cappadociæ confinio: anno 369. pulsus ab Arianis, ac deinde restitutus in 2^a Constantinopolitana Synodo Oecumenica, ejus nomine *Symbolum* composuit, quod à reliquis Patribus comprobatum est. Ejus inter alia *Epistolam ad Letoium* Melitines in Armenia minori Episcopum habemus de vitis & peccatis, quæ Canonicis est annumerata.

X. GREGORIUS, cognomine *Theologus* ob eminentem sacræ Scripturæ peritiâ; postquam Athenis Oratoriam aliquantùm professus erat, in Aulam frustra vocatus à Juliano Imperatore, Monasticam cum Basilio vitam prætulit; à quo invitatus Salimorum Episcopus dictus est ann. circiter 371. Postea Patri in curanda Ecclesia Nazianzena adjutor factus, ex eo *Nazianzeni* titulum tulit. Constantinopolim deinde missus à Meletio Antiocheno adversus Arianos, à Petro Alexandrino Episcopus ibi est constitutus, & à Concilio Oecumenico 11. confirmatus: sed ob turbas postea in eadem Ecclesia ortas abdicavit. Ex plurimis ejus operibus excerptum *Librorum sacræ Scripturæ Catalogum* versibus conscriptum in hanc collectionem inferri placuit.

XI. AMPHILOCHIUS, Episcopus Iconii in Lycaonia provincia, cui falsò adscribitur vita sancti Basilij, mendis scatens; tum alia opera, tum *Iambos* de numero sacrorum Codicum scripsit perinde ac Nazianzenus.

XII. TIMOTHEUS, Petri Alexandrini frater, post Athanasium Patriarcha ipse quoque electus est anno 380. & *Responsa Canonica* 17. edidit.

XIII. CYRILLUS, Theophili Patriarchæ Alexandrini sorore natus, post eum ad eandem dignitatem provectus

9. De Gregorijs
Nysseni Canonibus.

10. De S. Gregorii Nazianzenii Catalogo librorum Canoniceorum.

11. Iambi Amphilochii de sacris Scripturis.

12. Timothei Responsa Canonica.

13. Cyrilli Alexandrini Epistola Canonica.

est anno 412. Scripsit adversus Nestorii hæresim; & nomine Cælestini Papæ præfuit Ephelinæ Synodo, in quâ damnatus est Nestorius; ac post multas ab ejus sequacibus ærumnas, mortuus est anno 444. Ex ejus Epistolis dux sunt *Canonica*, distributæ in Canones septem, altera *ad Dominum*, altera *ad Episcopos Libya*, ac Pentapoleos.

14. Gennadii
Constantinopoli-
tani Epistola
Encyclica.

XIV. GENNADIUS Patriarcha Constantinopolitanus ob doctrinam & sanctitatem creatus anno 458. post Anatolium, sedit annos 14. Præter alia opera *Epistolam Encyclicam* composuit ad summum Pontificem & Synodum Romanam, contra Ordinationes quæ datâ pecuniâ fiunt.

15. Additamẽ-
tum Collectionis
proximè memo-
rata.

XV. TERTIÆ huic Collectioni post Nicænam II. Synodum, Oecumenicam VII. id est circà annum 790. accesserunt ejus Synodi Canones 22 quæ non tam nova collectio extitit, quam superioris Appendix.

16. Ejus primæ
Editiones, tum
Græcæ, tum La-
tinæ, non tamen
totius.

XVI. Hujus potè ejusmodi Appendicæ auctæ Collectionis priorem partem, quâ Apostolorum & Conciliorum Canones numero 598. continentur, Primus apud nos ex Pictaviensi S. Hilarii Bibliothecâ Græcè vulgavit anno 1540. Joannes Tilius Engolismensis, postea Briocensis, ac tandem Meldensis Episcopus, qui in Epistolâ nuncupatoriâ ad Franciscum Turnonium Cardinalem spem fecerat proferendi ex eadem Bibliotheca tomî secundi, qui sanctorum Patrum Græcorum Epistolas Canonicas complectitur. Sed nec ab eo, nec ab alio, sive ex eadem Bibliotheca, sive ex Regia, purum ac sine admixtione, Græcè vulgatum vidi, nisi quòd hæc omnia in Gentiani Herveri Latinâ Canonum versione anno 1561. atque hoc seculo Græcè simul & Latinè in sequenti mox collectione publici Juris facta sunt.

CAPUT VIII.

De Ultima Græcorum Collectione per Concilia.

1. Quid differat hæc Collectio à superiori.

I. POSTREMA Canonum per Synodos digestorum Collectio, quæ apud Græcos 4^a habetur inter eas, quæ alicujus nominis atque usus fuerunt, duplici ex capite à superiori differt, 1^o quidem quantum ad materiam, quòd duorum Conciliorum apud Constantinopolim con-

gregatorum, vel potius Conciliabulorum Canones, quosdam etiam Centones Patrum Ecclesiæ Græcæ contineat, ultra priorem, hæc Collectio. Præterea quantum ad ordinem, quod non idem omnino hic servatus sit in collocandis Conciliis, qui hactenus servatus fuerat: sed minore habita temporum curâ, omnes generales Synodi (exceptâ octavâ) & quæ pro generalibus à Græcis schismaticis habentur, locatæ reperiuntur ante omnes Locales & minores, quamvis antiquiores: ita ut qui honor in prima Collectione delatus fuerat soli Nicænæ Oecumenicæ 1. Synodo, is in hac ad reliquas œcumenicas porrectus fuerit.

II. AUCTOR ejus putatur *Photius* Patriarcha Constantinopolitanus, dissidii Græcorum à Latinis, vel auctor, vel fautor præcipuus. Ille Collectionem hanc confarcinasse videtur sub Christi annum 880. post Concilium scilicet in Templo S. Sophiæ habitum anno 879. Pontifice Romano Joanne VIII. Quod quidem Concilium Oecumenicum VIIII. Græci nuncupant, nobis Conciliabulum est. In eo quippe non modò post obitum S. Ignatii legitimi Patriarchæ, confirmata est Photii restitutio; sed etiam vera Octava Oecumenica Synodus, quæ Photium tanquam infaurem dejecerat, abrogata; quin & vox illa, *Filioque*, sublata est è Symbolo. Conciliabuli tamen illius à 383. Episcopis habiti Canones in hac Collectionem relati fuerunt inter universales Synodos, unâ cum Canonibus anterioris alterius Synodi anno 859. & 861. in Templo SS. Apostolorum congregatæ, quam 1. & 2. dixerunt, quod cum 1º congressu, post discussa dogmata, & Ecclesiastica negotia, dissidium inter Episcopos ortum esset, nihil fuisset definitum: unde necesse fuit altero congressu prioris acta firmari. In ea Synodo Episcopi circiter 318. injustam Ignatii condemnationem, & illegitimam intrusionem Photii ratam habuerunt, præsentibus Nicolai Papæ Legatis, qui tamen anno sequenti gesta illius Synodi penitus abrogavit.

III. PRÆTER Canones Conciliorum & Patrum, qui Trullanæ Synodi Canone secundo memorantur, huic Collectioni inserta fuerunt, tum Concilia illa Photiana, tum opuscula duorum Patrum, quæ jam antea, ni fallor, conjuncta fuerant in Appendicem superioris Collectionis, *Theophili* nimirum Alexandrini, & *Tarasii* Constantinopolitani

2. *Hujus Collectionis Auctor, & quid ea contineat.*

3. *Hic inserta opuscula Theophili Alexandrini, & Tarasii Constantinopolitani.*

Patriarcharum. Prioris quidem opuscula quinque, *Allocutio* nempe, cum sancta *Theophania* in die Dominico instarent: *Communitorium* Canonibus decem constans, quod Ammoni datum fuit, propter ea quæ gesta fuerant apud Lyco *Ægypti* civitatem; cum *Responsis* sive *Epistolis* tribus: 1^a de iis qui dicuntur Cathari, aliæ ad Agathonem, atque ad Menam Episcopos. Cæterum Theophilus Timothei successor, circa annum 385. creatus Patriarcha Alexandrinus; ob perperam damnatum B. Joannem Chrysostomum ab Innocentio I. excommunicatus est: sed actâ, ut quidam tradunt, ante obitum pœnitentiâ, egregiam sui memoriam reliquit ob damnatos Origenistas & præclara de *Cyclo Paphlagoniæ*, aliisque rebus Ecclesiasticis monumenta.

TARASII verò Epistola in hanc Collectionem relata, scripta est è Concilio Nicæno II. anno 787. de *Ordinationibus per pecuniam* minimè faciendis, ad Adrianum Papam.

4. *Hujus Collectionis Enarratores Græci.*

IV. Hæc illa est Græcorum Collectio, quam Joannes Zonaras Monachus, Alexius Aristinus, itidem Monachus, & Theodorus Balsamon Patriarcha Græcorum Antiochenus, homines schismatici Commentariis suis illustrarunt: quorum idcirco lucubrationes cautè legendæ.

5. *de Synodicis, & Constitutionum Ecclesiasticarum Sylloge.*

V. Hæc in Bibliotheca Juris Canonici à Guill. Voëlo, & Henr. Justello edita, adjecti sunt tres Libelli Synodici, seu opuscula de sex, septemve Synodis Oecumenicis primis, *Photii* scilicet, *Nili*, Metropolitæ Rhodii, & *Anonymi*. Præterea *Synodicon*, narrationem complectens omnium Synodorum ad Octavam usque Oecumenicam; & *Balsamonis* Collectio *Constitutionum Ecclesiasticarum*, è Codice, Digestis, & Novellis Justiniani, olim sub nomine *Paratitlorum* à Leunclavio Latine vulgata.

6. *Græcorum Orthodoxa Collectio habet veram Octavam Synodorum Oecumenicam.*

VI. OBSERVANDUM hoc loco est in Codicibus quibusdam manu exaratis inveniri veram Octavam Synodum Oecumenicam, quæ anno 879. pro Ignatio contra Photium celebrata est: & hæc legitima est censenda Collectio Græcorum, qui Romanæ Ecclesiæ adhærebant: illa altera Schismaticorum propria est.

7. *Catalogus Synodorum & Patrum, quorum Canones hic comprehens.*

VII. Nunc operæ pretium fuerit Conciliorum & Patrum Græcorum, quorum Canones in hac Collectione continentur, syllabum adjicere: ut hinc cognoscere quisque possit quod sit inter priores, & hanc ultimam Collectionem discrimen.

Catalogus

CATALOGUS CANONUM COLLE-
ctionis Græcorum Postrema.

1. **C**ANONES Apostolorum. 35.

Canones Conciliorum:

2. **C**ANONES Concilii Nicæni, I. Oecumenici, 20.
3. Canones II. Synodi, I. Constantinopolitanæ, 7.
4. Canones Synodi Ephesinæ, III. Oecumenicæ, 8.
5. Canones Synodi Chalcedonenfis, IV. Oecumenicæ 29.
6. Canones Sextæ in Trullo Synodi 102.
7. Canones Septimæ Synodi Oecumenicæ, Nicænæ II. 21.
8. Canones Synodi Constantinopolitanæ I. & II. dictæ, in
Templo SS. Apostolorum habitæ. 17.
9. Canones Constantinopolitanæ Synodi in Templo Sanctæ
Sophiæ. 3.
10. Canones Carthagenfis Synodi sub S. Cypriano. 1.
17. Canones Synodi Cartahagenfis tempore Honorii,
Præfide Aurelio. 134.
18. Epistola Attici Constantinopolitani ad eam Synodum 1.
19. Epistola Synodi Africanæ ad Cælestinum Papam. 1.
20. Ex Actis Constantinopolitanæ Synodi sub Nectario de:
Agapio & Bagadio.
11. Canones Synodi Ancyranæ. 25.
12. Canones Synodi Neocæsariensis. 15.
13. Canones Synodi Gangrenfis. 21.
14. Canones Synodi Antiochenæ. 25.
15. Canones Synodi Laodicenæ. 60.
16. Canones Synodi Sardicenfis. 21.

Canones Patrum:

- B**EAT. Dionysii Archiepiscopi Alexandrini. Can. 4.
- S. Petri Archiepiscopi Alexandrini & Martyris. 15.
- B. Gregorii Neocæsariensis Archiepiscopi, cognomine:
Thaumaturgi, Canones 11.
- S. Athanasii Archiepiscopi Alexandrini. 34.

G g g

S. Basilii Cæsareæ in Cappadocia Archiepiscopi Epistolæ
 Canonicae, in quibus Canones omnino 93.

Canones ad Amphilochium. 86.

Ejusdem aliarum Epistolarum Canones. 5.

Ejusdem capita duo ex Libro de Spiritu Sancto. Cann. 2.

Gregorii Nysseni Epistola Canonica ad Letoium Archiepiscopum Melitines. Cann. 8.

Timothei Alexandrini Responsa Canonica. 18.

Theophili Alexandrini Commonitoria, &c.

Cyrilli Alexandrini Epistolæ Canonicae duæ.

S. Gregorii Theologi, cognomento Nazianzeni, Metra de
 Libris Veteris & Novi Testamenti.

Amphilochii Episcopi Iconiensis Iambi de eodem argu-
 mento ad Seleucum.

Gennadii Patriarchæ Constantinopolitani, & Synodi ejus
 Epistola Encyclica, sive Circularis.

Ex Epistolâ Magni Basilii ad Nicopolitanos.

Tarasii Patriarchæ Constantinopolitani ad Pontificem A-
 drianum I. Epistola.

Hic adhibita pauca quædam in editionibus horum Canonum, cum notis Zo-
 nariæ per Quirinium, & cum notis Balsamonis per Gentium Hæverum.

Hactenus de Græcis Canonum Collectionibus per Con-
 cilia dispositis. Veniamus ad eas quæ per certas rerum ac
 materiarum velut classes digestæ, ac de iis quæ collatas cum
 Canonibus Leges principum habent.

C A P U T IX.

*De Collectione & Nomine Canone Joannis Antiocheni
 cognomento Scholastici.*

*1. Quis fuerit
 Joannes Schola-
 sticus autor hu-
 jus Collectionis.*

I. JOANNES SCHOLASTICUS, dictus, ex Sirmi pago Antio-
 chiarum finitimo, Presbyter primùm *Antiochenus* & Apo-
 cristianus, ad Regiæ urbis Patriarchatum evectus est anno
 564. quo tempore pulsus est ab eâ sede Eutychius, quod
 Justiniano Imperatori hæresim Incorruptibilem promul-
 ganti obstitere. Itaque inter quatuor Patriarchas Constan-
 tinopolitanos, qui sub Justiniano vixerunt, postremus fuit

hic Ioannes, sedemque tenuit annos quatuordecim cum mensibus septem, & sub Tiberio Apsimaro vivere desuit anno 578. ac locum fecit Eutychio ante dicto per Tiberium revocando: qua de re Procopius in Anecdosis, Evagrius, & Nicephorus.^b *Scholasticus* autem est appellatus, quod è Schola sive Ordine Advocatorum ad Ecclesiasticum Ordinem transisset. Advocari quippe, & qui ex illo Ordine prodeunt, vocantur Scholastici de Foro, in Synodo Sardiceni.

II. Hic JOANNES Antiochenus Canonum Collectionem ex 2^a superius memorata confecit, novâ methodo: etenim eam in 50. titulos divisit, nec ordine temporis servato, nec serie, seu consequentia numerorum, pro veterum more; sed similia similibus, ad eandem scilicet rem pertinentia, conjungendo, & suos cuique titulo Canones, eosque expansos, sive integros subjiendo, quemadmodum ipsemet in ejus operis Præfatione testatur. In ea alterius quoque prioris Collectionis meminit, non dispari methodo in titulos 60. distinctæ, quam Theodorito assignatam fuisse monuimus capite superiori.

III. EUM verò in hac per classes ac rerum titulos Collectione concinnanda usum esse, altera è duabus Collectionibus post Chalcedonense Concilium editis, quam non improbabilius Theodorito adscribi posse jam ante demonstravi, colligitur ex indice sive ordine Canonum Præfationi subjuncto: in quo post Canones Apostolorum, recensentur decem Synodorum Canones, nimirum Nicænæ, Ancyranæ, Neocæsariensis, Sardicenis, Gangrensis, Laodicenæ, Constantinopolitanæ I. Ephesinæ, & Chalcedonensis; quibus se addidisse faretur Canones S. Basilii sexaginta octo, ex tribus Canonicis ejus Epistolis.

IV. AD hanc Collectionem respexisse videtur Nicolaus I. Pontifex, eamque nomine Concordiæ Canonum intellexisse, quod in ea concordantes, atque ad idem argumentum spectantes Canones simul congesti in certa capita atque in unam consonantiam commixti essent. Nicolai hæc sunt verba c. ad Photium Patriarcham Constantinopolitanum, qui Sardicenses Canones apud Græcos non extare scripserat: *Quomodo, inquit, non sunt penes vos Canones Sardicenses, quando inter quinquaginta titulos quibus concordia Ca-*

^a Lib. 4 Hist. Eccl. cap. 37. sub fin.

^b In Chron. & in Catalogo Patriarch. Constantinop.

2. *Ejus methodus non multum diversa à Theodoriti Collectione in 60. Titul. divisa.*

3. *In ea digerendus non multum videtur Theodoriti Collectione per Synodorum seriem ordinata.*

4. *Non ignorat Nicolaus. 1. Pontifex hac Collectione.*

^c Can. ult; dist. 26 in Ep. ad Photium.

nonum apud vos textitur, ipsi quoque reperiuntur?

5. *Ordo Titu-
lorum hujus Col-
lectionis.*

V. TITULI autem hujus Collectionis non temerè dispositi, sed certo digesti ordine fuerunt. Nam cum jura, Personarum causâ sint constituta, in *Personarum Ecclesiasticarum* enumeratione, divisione, differentiâ & officio universum jus Canonicum eorum temporum exponit autor. Et primùm quidem ab *Episcopis* orditur, Canonesque ad eorum dignitatem pertinentes primis titulis proponit; deinde ad *Presbyteros, Diaconos, Subdiaconos*, ceterosque Clericos transgressus, Canones refert ad unumquemque gradum spectantes. Postea de *Monachis*, ac tandem de fidelibus *Lais* eâdem ratione disserit: ita ut universa hæc Collectio ad unum summum genus revocari possit, nempe ad Personas. Quam methodum alii quoque Græci & Latini Collectores amplexi sunt, inque his Martinus Bracatensis, ut suo loco videbimus.

6. *Collectio hac
ubi & unde edi-
ta.*

VI. COLLECTIONIS hujus tria extant exemplaria manu descripta: unum admodum vetustum Romæ in Bibliotheca Vaticana, delatum Heidelbergæ ex Palatina Bibliotheca. Eximium illud quidem, sed exesum, nec nisi dimidiatum: alterum non minùs antiquum, ac integrum in Bibliotheca illustrissimi quondam Franciæ Cancellarii Petri Seguerii: tertium in Bibliothecâ Claramontani Collegii Societatis Jesu Lutetiæ, ex quo præcipuè à Voello & Justello edita est in Bibliothecâ Juris Pontificii veteris.

7. *Nomo-Ca-
nonis ab eodem
Joanne concin-
nati Ordo idem.*

VII. Huic Collectioni in quâ Canones vetbatim referuntur, & quam Joannes Antiochenus adhuc Presbyter composuisse creditur; *Nomo-Canonem*, id est collationem Legum cum Canonibus, deinde Patriarcha jam factus attextuit. Hic porro iisdem titulis constat, quibus superiot Canonum Collectio ab eodem exarata: eosdemque sub singulis titulis Canones continet ex variis Synodis depromptos; in quibus pro temporum varietate ac necessitate causarum, promulgati fuerant. Verùm Canones in hoc posteriore opusculo non pleni & expansi describuntur; sed per indicem tantùm, sententiâ eorum, qui in unum quemque titulum conjecti erant, brevi compendio verborum expressâ. Deinde verò Canonum per singulos titulos Indici subjiciuntur Constitutiones Imperatorum, sive earum capita ex Codice ac Novellis petita, quibus Canones ad

hoc vel illud negotium pertinentes, non dispari sanctione firmati fuerunt. Ad calcem autem totius Collectionis adjecta sunt 84. *capita ex Novellis* ejusdem Justiniani desumpta, quæ Canonibus etiam congruere ab autore dicuntur.

VIII. Non itaque abs re Franciscus Florens antè laudatus earum Collectionum quibus ex mixturâ Legum & Canonum inditum est *Nomo-Canonum* nomen, originem refert ad hunc Joannem Scholasticum. Quod autem existimat idem vir eruditus Collectionem Quinquaginta Titulorum ex Canonibus solis coagmentatam, de quâ hujus capituli initio actum est, fuisse Theodoriti, cui Joannes Scholasticus, excerpta Legum duntaxat addiderit; id quidem ex eo erui posse videtur, ut suprà notabamus, quod in Codice Regio principium Collectionis Theodoriti titulo inscribitur; in fine verò ejusdem Collectionis notatur expressè Joannes Scholasticus Leges subjunxisse; quod nec Theodoritus facere potuit, cùm Constitutionum Imperatoriarum, quæ in hac Collectione referuntur, pars magna post ejus mortem edita fuerit. Verùm ne viro clarissimo hac in parte subscribam facit quoddam in pluribus mss. Codicibus jam indicatis, initio Collectionis integræ præfigitur nomen Joannis Patriarchæ Constantinopolitani; & quoddam in ejus operis Præfatione antiquior Collectio memoratur in 60 Titulos distributa, omissis Basilii Canonibus, qui in hanc conjecti sunt: quo argumento antiquiorem illam Titulorum Sexaginta Collectionem Theodorito assignabant jam dictus Florens, & illustrissimus Archiepiscopus P. de Marca. Ex nomine autem Joannis Scholastici ad finem *Nomo-Canonis* adscripto, nihil aliud colligi posse existimabant, quàm illos octoginta Articulos ex Novellis decerptos toti operi ab eo fuisse subjunctos. Sed, ut diximus, ex Epigraphæ aliorum Codicum videtur universum opus, tum duplicis Collectionis, Canonicæ nempe & *Nomo-Canonicæ*, tum Appendicis ex Novellis decerptæ, eidem Joanni Scholastico adscribendum: ita ut, si quid horum Theodorito assignandum, id ad Collectionem alteram Canonum juxta Conciliorum seriem digestorum, de quâ jam cap. 5. hujus libri diximus, contrahendum videatur.

8. Joannes Scholasticus videtur primus operis *Nomocanonici* auctor, non tamen Canonum per titulos digerendum.

CAPUT X.

De Photii Nomo-Canone.

1. *Nomo-Can.
Photii diversus
à superiore.*

I. **P**HOTIUS autor postremæ Collectionis de quâ superiori capite, ei Collationem quoque Legum adjecit, condito *Nomo-Canone*, quem exemplo Joannis Antiocheni confecit : sed ordine diverso, atque Imperatoriis Constitutionibus jam ex Justiniani corpore desumptis. Eo in opere propositis per singula capita Canonibus ad materiam quamque spectantibus, Leges indicat, quæ cum his affinitatem habent : sed indicat tantum ; neque enim articulos integros describit, quemadmodum à Joanne Scholastico factum fuerat.

2. *Divisio hujus
Nomo. Canonis.*

II. DIVIDITUR totum hujus Nomo-Canonis Corpus in Titulos quatuordecim ; Tituli in capita subdividuntur. Titulorum porro hæc sunt Lemmata, quæ unius cujusque argumentum ostendunt.

TIT. I. *De Theologia & Fide Orthodoxâ, deque ordinationibus Episcoporum & Clericorum*, cujus sunt capita sive articuli. 38.

T. II. *De Extructione Ecclesiarum, sacris vasis, & Clericis qui præter Episcoporum sententiam Altaria erigunt*, capita 4.

T. III. *De Precibus & Psalmodiâ, Lectione & Oblatione, Communione, & Lectorum ministerio*, capita 22.

T. IV. *De Catechumenis & sancto Baptismate*, capita 17.

T. V. *De iis qui contemnunt Ecclesias, & Synaxes, & Memorias, & de iis qui comedunt in Ecclesiis & de Agapis*, capita 3.

T. VI. *De fructuum Oblatione*, capita 3.

T. VII. *De Ieiunio, Quadragesimâ, & Paschâ, & Pentecoste, & Dominico, & Sabbato, & genuflexione*, capita 5.

T. VIII. *De Parochiis, & quomodo versentur Episcopi & Clerici, & de eorum Peregrinatione, & de annuis Synodis, & de susceptione Hospitum, & doctrina, & Commendatitiis & Pacificis Epistolis, & quasnam res agant publicas vel privatas, & quomodo se invicem honorant.* capita 19.

T. IX. *De Peccatis & Indiciis Episcoporum & Clericorum,*

& Excommunicatione, & Depositione ac Pœnitentiâ, & quam peccata solvit manuum Impositio, capita 39.

T. X. De Administratione rerum Ecclesiasticarum, & de iis qua sunt propria Episcopi, capita 8.

T. XI. De Constructione monasteriorum & Monachorum statu, capita 16.

T. XII. De Hæreticis & Judæis, & Gentilibus, capita 18.

T. XIII. De Laïcis, capita 41.

T. XIV. De communibus hominibus, capita 7.

III, Quo tempore hic Nomo-Canon conditus fuerit, aliquatenus indicat Theodorus Balsamon^d, ait enim compositum fuisse ante *Legum Repurgationem*, quam imperante Constantino Porphyrogenito factam tradit, qui anno 912 imperium iniit Orientis, defuncto Patre Leone; cognomine Philosopho.

IV. PER Legum autem *Repurgationem* intelligit Balsamon alteram Editionem Basilicorum: quæ vigesimo post primam anno facta memoratur. Cæterum *Basilica* continent Legum Romanarum Collectionem, in quam imperante Basilio Macedone, vel potius Leone, sed de nomine aut ex mente Basilii Patris, transfusæ è Latino in Græcum sermonem Leges Justiniani diversâ planè methodo, unâ cum posteriorum Imperatorum Novellis Constitutionibus permixtæ, in sexaginta Libros distributæ sunt. Quod opus tempore Constantini Porphyrogeniti post annos 20. emendatum, per Orientem exinde invaluit, explosâ ferè Jurisprudentiâ Justinianicâ; qua de re Cujacius^e, Gothofredus^f, Marquardus Freherus^g, Josephus Suaresius^h, Innocentius Cironiusⁱ, Annibal Fabrotus^j, aliique.

V. PROBABLE videtur porro ante editum hoc opus Basilicorum, Nomo-Canonem à Photio fuisse conscriptum. Mirum enim esset hominem aded Imperatoribus additum, novæ ac suo tempore institutæ Legum compositionis non meminisse, eâque postpositâ vetustiori potius, quæ per illam multis in locis corrigebatur, inhæsisse. Unde augurari licet concinnatum fuisse hunc Nomo-Canonem quo tempore pulso Ignatio Patriarchatum Photius obtinebat, hoc est post annum 858. ante 863.

VI. QUOD ad Nomo-canonis nomen attinet, id à Bal-

3. De tempore
huiusce Nomo-
Canonis,
d in ejus Præfat

4. De Basilicis.

e 17. observat:
cap. 31
f Ad Nov. Leon.
g In Epist. ad
Rudolph. 11. Im.
Editioni Juris
Græco - Rom.
præfixa.
h In notitia Basilicon.
i Lib. 4. observ.
Jur. Can. c. 4. &
5.
j In Præf. Basil.

5. Præstius indicatur tempus compositi huius Nomo-canonis.

6. De Nomo-Canonis, sive Nomo-Canonis nomine.

ſamone per ſecundam declinationem effertur, dicit enim *Νομο-κάνονες*, non *Νομοκανόνα*. Refert idem ad Canonem ſecundum Synodi Trullanæ, in ſupplemento, ſe innumeros ejus generis libros vidiffe; monetque omnes, qui *Nomocanonum* lecturi ſunt, ne antiquioribus *Nomo-Canonum* libris mentem adhibeant: ſed hoc quod à Patriarcha Photio eſt elaboratum legant: *Nomo-Canonum* autem quo in 50. Titulos redactæ erant *Leges & Canones*, cæteraque ejus generis opera, quæ *Justiniani Novellæ* jam exoletæ, & alias quaſdam *Leges ex Digestis ac Codice* conrinet, & quæ quod plurimis verbis abundent, copioſiora putantur, nihili fieri ab hominibus majoris exiſtimationis, qui ea perire ſinunt. Sed hæc quæ in *Ioannem Antiochenum* maximè cadunt, *Baſamon* ſui magis *Commenrarii*, quàm *Photiani* operis commendandi cauſâ prætuliffe videtur; cùm vix alias *leges Photius* adhibuerit in ſuo *Nomo-Canone*, quàm quibus uſus fuerat *Joannes Antiochenus*, ex eodem nimirum *Justiniani* fonte petitis.

7. *Nomo-Canonis & Collectionis à Photio inſtituta, enarrator Baſamon.*

m Tom. 12. *Annal.* ad an. 1193. ſect. 19.

VII. I P S E verò *Theodorus Baſamon*, Diaconus primùm *Conſtantinopolitanus*, ejuſdem Eccleſiæ *Nomophylacem*, & *Chartophylacem* ſe dicit, id eſt chartis ad jura Eccleſiæ pertinentibus, ſive archivis Præſectum, & cauſatum Eccleſiaſticarum *Judicem*: tandem *Antiochenus Patriarcha* dictus eſt, ſed titulo tenùs, cum, ut refert *Baronius Cardinalis* m, *Latini Antiochiam* tunc occuparent, ſuumque ibi *Patriatcham* haberent conſtitutum: quæ *Baſamoni* perpetui in Eccleſiam Romanam odii cauſa. Is mandato *Emanuelis Comneni Imperatoris*, & *Michaëlis Anchiali Patriarchæ Conſtantinopolitani*, circa annum 1170. aggreſſus eſt enarrationem ſeu expoſitionem, tùm *Nomo-Canonis*, tùm *Collectionis Conciliorum* ab eodem *Photio* conſarcinatæ: & *Nomo-Canonem* accuratè explanavit, ita ut *Leges* quæ in 60. *Libros Baſilicorum* relaxæ eodem tempore in uſu eſſent, & quæ in horum repurgatione prætermiſſæ obſoleviſſent, ſedulò annotaverit: earumque *Legum* quæ ex *Justiniani Libris* decerptæ à *Photio* indicabantur, ſedem in *Baſilicis* declaraverit: atque ira omiſſas in hoc poſteriori *Græcorum jure* tanquam tacitè, ac per non uſum abrogatas noraverit.

8. *De Zonara expoſitione ejusdem Collectionis.*

VIII. E A N D E M *Collectionem* commentariis ſuis illuſtraverat

straverat *Ioannes Zonaras*, magnus primùm Drungarius Biglæ, & Proto à secretis; deinde monachus S. Basilii circa annum 1120. *Drungarius* autem Biglæ Præfectum Excubiarum significat: nam posteriores Græci *Drungos* dixerunt militum globos, *Biglas* autem pro Vigiliis seu excubiis, & excubitoribus. Ex notis verò Zonaræ quædam mutuatus est Balfamon.

IX. COMMENTARIORUM Balfamonis tùm in Nomo-Canonem, tùm in Conciliorum Canones Latinam interpretationem è Græco Joannis Tilii exemplari adornavit Tridenti Gentianus Hervetus Aurelius, Rhemenfis Canonicus; quæ interpretatio à Guillelmo Morellio anno 1561. typis mandata fuit, eodemque anno Henricus Agylæus ejusdem Balfamonis commentarios in Nomo-Canonem Latinitate à se donatos edidit Basilæ. Hujus versionem Christophorus Justellus an. 1615. Parisiis excudi curavit cum Græcis ejus commentariis: sed separatim, non è regione; quod possiè factum anno 1620. adjectis ad calcem supplementis ex pleniori Codice Achillis Harlæi, primi quondam Præfidis Parisiensis. Tandem Nomo-Canonem Photii adjectâ Præfatione, unâ cum ejus Synodico Libello accuratius Græcè & Latine Parisiis anno 1661. ediderunt clarissimi viri Guilielmus Voëllus & Henricus Justellus Christophori filius.

9. Græci horum interpretes.

X. M E D I O inter Zonaram & Balfamonem tempore, circa ann. 1140. **ARSENIUS** monachus, de quo proximo capite, Scholia quædam in Photianam Collectionem scripsit, ipse quoque pari cum illis schismatis vicio laborans.

10 De Arsenii Scholiis.

CAPUT XI.

De Nomo-Canonibus aliis, Synopsibus Canonum, & abbreviatis Collectionibus. Simeonis Logotheta, Alexii Aristini, Arsenii, Harmenopuli, Pselli, Anonymi.

I. E P I T O M E N Canonum **SIMEON** Magister & Logotheta conscripsit, quam Aristini Synopsi posteriorem Vëllus affirmat: nec tamen aut tempus quo Simeonem scripsisse arbitretur, nec testimonium auctoris alicujus

1. De Simeonis Logotheta Epitome Canonum.

aut rationem conjecturæ sive sententiæ suæ adjicit. Verùm si idem fuit hic *Simeon* cum *Metaphraste*, qui Vitas Sanctorum collegit; is antiquior proculdubio Aristino invenietur. Etenim Aristinus nonnisi post annum à Christo nato 1000 vivebat, ut mox liquebit: *Metaphrasten* autem *Baronius*, *Bellarminus*, *Possevinus* jam seculo nono vixisse existimant. *Bollandus*, qui Martyrum aliorumque Sanctorum vitas ante aliquot annos descripsit, in *Præfatione* operis sui, tempora *Simeonis* conjicit in medium seculum decimum. Conjecturam ex eo ducit, quòd *Michaël Psellus*, qui *Simeonis* illius elogium, & solutâ, & ligatâ oratione celebravit, opus illud inchoatum ab eo notat à sanctæ Theodistis Lesbix vita, idque post Leonis Imperatoris mortem: cum quippe vocat *μαχαρίτης*, id est, felicitis memoriæ. Leo autem Imperator anno Christi 910. vivere desiit. At *Metaphrasten*, quicquid oblatrent heterodoxi Scriptores, Principem secretariorum & Patricium, eâdemque cum nostro, *Logothetæ* dignitate præditum fuisse ostendunt, præter jam laudatos, *Jacobus Gretserus*, ac *Theophilus Rainaudus* S. J. Nomen autem *Logotheta* Græcis Neotericis non unum officii genus significavit. Alii ex *Logothetis* Palatinis, Generalis ærarii rationes curabant: aliis rei familiaris sive domesticæ Imperatoris; rei militaris aliis, aliis cursûs, pecorum, ac denique secretorum cura incumberebat. Præter hos *Logotheta* erat Ecclesiasticus, cujus munus circa res Ecclesiæ communes versabatur: quæ omnia ex *Codini* *Curopolatæ* libro de officiis Aulæ & Ecclesiæ Constantinopolitanæ observat *Joannes Meursius* in *Glossario* Græco-barbaro.

2. *Methodus*
hujus *Epitomes*.

II. U sus est *Simeon Logotheta*, in suâ Canonum *Epitome* concinnandâ, *Collectione* non admodum diversa ab ea quam secutus fuerat *Joannes Scholasticus*: nisi quòd *Logothetæ* *Collectio* & *Concilia* *Oecumenica* *Localibus* præposuit, & *Carthagenenses* ac *Trullenses* addidit *Canones*; nec eosdem omninò numeros in digerendis *Canonibus* servavit; sed vel unum divisi in plures, vel plures in unum conjunxit, & nonnullos præterea omisit. Sic fit ut *Canones* *Apostolorum* octoginta duos referat, *Nicænos* 21. *Constantinopolitanos* 6. *Ephesinos* 8. *Chalcedonenses* 31. omisso primo; *Ancyranos* 25. omisso itidem primo; *Neocæsarienses* 14. *Sardicenses* 18. *Gangrenses* 7. *Antiochenos* 24. *Laodicenos*

50. Carthaginenses 84. Ex primâ S. Basilii Epistolâ Canones sedecim habet; ex secundâ triginta duos; ex tertiâ viginti octo; quibus ex sexta in Trullo Synodo octoginta octo subijcit. Edita porro est hæc Epitome in Bibliotheca Juris Canonici, à Voëllô ex Codice mss. Regiæ Bibliothecæ.

III. SILENTIO hîc prætermittenda non est *Michaëlis Pselli Synopsis Canonum*. Is Michaëlis Ducæ, qui in Oriente circa ann. Christi 1071. imperavit, Præceptor & Consiliarius fuit, ut scribit Illust. & eruditiss. Franciscus Bosquetus in Prefatione præfixa Synopsi Legum ejusdem Pselli, quam ex Bibliotheca Illustrissimi Caroli de Montchal Archiepiscopi Tolosani in lucem edidit, ann. 1631. Hoc utrumque opus, Legum scilicet & Canonum Synopsis, versibus Politicis scriptum est, qui sic dicti quasi civiles, seu ad communem usum accommodati. Quindecim ferè syllabis constant; similes fortè longis & Sibyllinis veterum, de quibus Cicero post Varronem. Istis admisti sunt Iambi nonnulli Senarii, non semper ad exactam metri formam elaborati, & Comicis quàm Tragicis similiore. Cæterum Politici versus, quibus nunc Græci utuntur, spondæum, aut iambum in fine recipiunt. Post Synopsin itaque Legum, in gratiam Michaëlis Ducæ, tunc Cæsaris, jussu patris ejus Constantini Ducæ elaboratam, Psellus brevem eidem, versuum eodem genere, concinnavit doctrinæ Fidei, & Canonum notitiam, sive Synopsin, quæ ex mss. Codice Jacobi Sirmondi ad calcem Synopsios Legum edita est, curante eodem Bosqueto, postea Montispeffulani Episcopo. Ea duabus partibus constat. In priore, cui Titulus *Ἐπὶ δόγματι* & exposita est, Doctrina Catholica de Una Dei Natura, & Trium Personarum consubstantialitate, Filiiq; Incarnatione, & Theologiæ Christianæ quædam Summa. Primarum septem Oecumenicarum Synodorum historia paucis attexitur, quo quæque imperante, adversus quos & quorum hæreticorum errores, quot convenientibus Episcopis, celebrata fuerit, indicatur. Posteriori parte subjungitur notitia ἢ *Nomocanon* & quæ Synodos Collectione præcâ comprehensas enumerat, decem nimirum: Quatuor primas universales, quinque Asiaticas, hisque interjectam Sardicensem, servato, extra Nicænam, ordine temporum: ut videatur ad Nomocanonem Joannis Antiocheni respexisse; nisi quod Basilii 68. Canonibus adjicit

3. Michaëlis
Pselli Synopsis
Canonum.

aliorum Patrum Canones, quos Trullana Synodus can. 2^o commendavit, inque his Apostolorum 85. Canones per Clementem relatos.

4. de Alexii
Aristini Synopsi
Canonum.

a Lib. de Tri-
nitate.

b Lib de Col-
lat. Ordinum.

IV. ALEXIUS quoque ARISTINUS, quem Ecclesiæ Constantinopolitanæ Diaconum vocat Gilbertus Genebrardus^a, *Synopsis Canonum* anno 1130. jussu Joannis Comneni Imperatoris, edidit; quemadmodum observat Leo Allatius.^b Est autem ejus Synopsi nihil aliud quàm Index, seu Breviarium veteris Codicis Canonum, servato etiam ordine Conciliorum; non tamen servatâ serie seu consequentiâ numerorum. Nam post Canones Apostolorum, per seapira sepruaginta septem, compendio relatos; Epitomen Nicæni Concilii Canonum per capita adjicit viginti quatuor; parique ratione ex Ancyrano viginti sex; ex Neocæsariensi quindecim, ex Gangrensi sex, ex Antiocheno viginti quinque, ex Laodicensi quadraginta septem, ex Constantinopolitano I. octo, ex Ephesino septem, ex Chalcedonensi triginta & unum, ex Sardicensi unum supra viginti, ex Africano viginti duos, ex Trullano unum & nonaginta, ex S. Basilii 1^a Epistolâ octodecim, ex 2^a Epistolâ triginta quatuor, ex 3^a Epistolâ octodecim capita confecit.

5. De Harmenopoli
Canonum
Epitome.

V. SUB idem tempus CONSTANTINUS Harmenopolus, Nomophylax & Judex Thessalonicensis, duo conscripsit opera. Alterum *νόμος*, sive Manuale Juris Civilis, alterum *Epitomen Divinorum, sacrorumque Canonum*. Hæc autem Epitome Græcè & Latinè edita initio Juris Græco-Romani extat, vulgata per Marquardum Freherum anno 1596. Latina versio Joanni Leunclavio debetur. Compositum videtur hoc opus circa annum 1140. aut paulopost. Autor certè in Prochiro Novellas Principum laudat usque ad Emmanuelis Comneni tempora, qui, post Calo-Joannem, sive Joannem Comnenum Patrem, imperii Græcorum habenas moderari cepit anno 1143. Hausta verò est hæc Epitome ex quartâ Collectione Græca, Photii nimirum, additis suprâ veterum Patrum Decreta, Nicolai & Nicephori Patriarcharum Constantinopolis Decretis. Dividitur in Sectiones sex, quarum 1^a est de *Episcopis, & rebus ad eos pertinentibus*. 2^a de *Presbyteris, Diaconis, & Subdiaconis*, aliisque affinis argumentis; 3^a de *iis quæ com-*

munia sunt tam Laïcorum, quàm Clericorum. 4^a de Monachis & Monasteriis. 5^a de Laïcis, & iis quæ ab ipsis faciendæ sunt, vel vitandæ. 6^a de Mulieribus. Harum autem Sectionum quælibet particulares habet titulos, & sub his locatos Canones, quorum non pauci Scholiis illustrantur.

VI. ARSENIUS, non ille Arcadii & Honorii Præceptor, sed alius qui primùm Monachus fuit Monasterii, quod est in Monte Sancto, postea verò Patriarcha Constantinopolitanus, sub Theodoro Lascare juniore, circa annum 1255. Synopsin Canonum concinnavit ex similibus & concordantibus Conciliorum Canonibus, Patrumque Græcorum epistolis Canonicis à Synodo Trullana receptis & confirmatis, aliisque nonnullis Doëtorum Græcorum scriptis. Sed & capita quædam Legum concordantium, sive constitutionum Imperatoriarum de rebus Ecclesiasticis adjecit: unde suam collectionem ipse *Nomo-Canonem* vocat in fine Codicis mss. Regiæ Bibliothecæ. Temporum ergo & Conciliorum seriem nequaquàm servavit Arsenius in hac Synopsi; sed Canonum sententias in 141. capita contulit; quorum non verba ipsa refert; at numerum ac locum cujusque, & concordiam per singula capita indicat. Alios præterea Nomo-Canones magno numero apud Græcos extitisse, quorum notitia ad nos usque non pervenit, indicavimus suprâ ex Balsamone.

VII. MATTHÆUS Blastares, ipse quoque Monachus, volumen Canonum satis amplum composuit, sub annum 1335. cujus exemplaria mss. in Gallia extant, tum in Regiâ Bibliothecâ, ubi & Latina ejus versio à Joanne Quintino Æduo, Antecessore Parisensi superiori seculo adornata, & manu ipsius scripta servatur: tum apud Illustriss. Franciscum Bosquetum Montispeffulani nuper Episcopum; qui Codex est emendatissimus. Sed in Angliâ hoc opus Joannis Beveregii operâ Typis mandatum est an. 1672. cum aliis Græcis Collectionibus. Titulus ab Autore Græcè conceptus est Σύταγμα sive Coordinatio rerum quæ in sacris Canonibus comprehenduntur, juxta ordinem Alphabeti digestum, elaboratum simul & compositum à minimo ex Hieromonachis Matthæo Blastare. Is ex iisdem fontibus hausit, ex quibus superiores; & Canones Conciliorum, ac Decreta Patrum, quorum plura sub unoquoque fermè capite

6. De Synopsi
Arsenii.

7. De Matthæi Blastaris
monachi Syn-
grammæ.

congerit, non ad verbum, sed narrato cujusque sensu, refert. Sunt autem Tituli secundum ordinem Litterarum Græci alphabeti 23. Nulli enim Canones sub litterâ Ω relati sunt. Dividuntur tituli in capita: itaque sub littera Alpha, caput 3. est *de Agapis*, caput 7. *de Anathemate*, & ita de cæteris. Numerantur autem capita omnino 299. Apud Latinos nondum huius generis opus in re Canonica videre mihi contigit.

8. *De Pœnitentia*
Joannis Ie-
junatoris.

VIII. His addi potest *Pœnitentialis* Libellus, quem antiquior cæteris in hoc capite memoratis JOANNES cognomento *Iejunator*, quartus ejus Nominis Patriarcha Constantinopolitanus, sub exitum sexti seculi edidit, & quem velut celeberrimum Joannes Morinus vulgavit ad calcem Tractatus *de Pœnitentiâ*, Græcâ simul, & Latinâ linguâ. Hunc Joannem qui se primus inter Constantinopolitanos Patriarchas Oecumenicum & universalem inscripsit, repugnante quantumvis Pelagio II. Pontifice, ac post eum Gregorio Magno: Illum, inquam, Nicolaus ejusdem Ecclesiæ Patriarcha, nimis lenitatis in rebus pœnitentiæ arguit apud Harmenopulum. c

c Cap. ult. Epitom. Canon.

9. *De Theologi*
Gracivis Hære-
ticorum in Ec-
clesia suscipien-
dorum.

IX. AN huc referenda sit Collectio Antiqui cujusdam Theologi ante annos 800. consarcinata, quæ in Regia Bibliotheca extat, & cujus meminit Petrus de Marca, non parum ambiguum mihi videtur. Etenim fragmentum ex eâ decerptum, quo suscipiendorum in Ecclesia Catholica Hæreticorum Formula juxta præscriptum in 2^a Synodo Oecumenica modum, ac distinctionem, describitur ab illustrissimo Præsule, ejus ad Concilium Claromontanum notis insertum, non tam Canonum quàm Rituum & Cærimoniarum Collectionem esse ostendit.

10. *Nomo-Canon*
Anonymi.

X. PRODIIT anno 1677. è Regia Bibliotheca, ejusque Volumine 2664. NOMO-CANON capitibus constans 547. Latinitate ac luce donatus, notisque illustratus à Cotelierio nostro, monumentorum Ecclesiæ Græcæ Tomo 1. Sed is non modo imperfectam, sed inconditam atque insulsam recentioris Græciæ sarraginem magis, quàm Syllogem vocat, imperito nescio quo autore compositam. Er verò nec certus in ea ordo deprehendi potest, & in pleisque nullam adducit Canonum receptorum auctoritatem. Ad hoc tamen valere potest, ut mores Græcorum hodie

nos in exercendo præsertim Pœnitentiæ sacramento ex ea colligere, errores etiam cognoscere liceat.

CAPUT XII.

De Decretis Synodalibus, & Responsis Patriarcharum, aliorumque Græcorum Antistitum.

I. **J**URIS GRÆCO-ROMANI monumenta plurima collegit, & exeunte superiore seculo edidit Joannes Leunclavius Amelburnus in Germania, Opus in tomos duos distinctum est; quorum prior ea complectitur, quæ ad Jus Canonicum Græcorum pertinent, posterior quæ ad Civile.

II. ILLE Libris decem absolvitur, quorum Primus Harmenopuli Epitomen. Secundus Imperatorum Græcorum Novellas de rebus Ecclesiasticis à Justiniano ad Joannem Ducam Constitutiones complectitur.

III. LIBRI Tertius & Quartus continent Decreta Synodalia à Patriarchis Constantinopolitanis, convocatis Metropolitanis & Episcopis vicinis, emissæ, quæ in duos illos libros dividuntur. Eorum primus antea ab Enimundo Bonefidio vulgaris fuerat. In iis habentur SYNODALES SENTENTIÆ B. Joannis Chrysostomi, Gennadii, Tarasii, Nicephori Confessoris, Sisinnii, Sergii, Alexii, Michaëlis, Constantini Chliareni, Ioannis Xiphilini, Nicolai Grammatici, Nicolai Muzalonis, Stupe, sive Leonis Stypiotæ, Arsenii, Luca Chrysobergis, Michaëlis Anchiali, Theodosii, Theodoti, Germani, Manuelis Charitopidi; & incertorum Patriarcharum, in Secundum autem Librum congestæ sunt SYNODALES aliæ SENTENTIÆ, nimirum Nicolai qui sub Leone Philosopho vixit, Alexii suprâ dicti, Michaëlis Cerularii, Constantini Lichudis, Ioannis Xiphilini, Eustratii, Nicolai Grammatici, & Luca Chrysobergis jam antea memoratorum; itemque Georgii Xiphilini, Ioannis Camateri, Philothei, & incertorum Patriarcharum, quibus subjuncta est Episcoporum & Patriarcharum Byzantinorum series. In his autem congerendis, neque temporum, neque materiarum habita ratio est: sed videntur, proût quæque occurrebant, ita digesta.

1. *Hæc Responsa edita in Jure Græco-Romano Leunclavii.*

2. *Ejus Libri series.*

3. *Ubi decreta Synodalia continentur, & quorum Patriarcharum.*

4. *Vbi Responsa, Epistole, Sententia aliorum Patrum Græcorum.*

IV. LIBRO Quinto & Sexto ejusdem Juris continentur Responsa, Epistolæ, ac Sententiæ aliorum Episcoporum & Patriarcharum, in duos quoque libros divisa. In priore agmen ducit *Adriani Romani Pontificis* ad Thessalonicensem Archiepiscopum *Epistola*, cui adjuncta est *Responsio* ejusdem Archiepiscopi Thessalonicensis, *Basilii Aebrieni*.

Sequuntur deinde Responsa *Nicetae* Metropolitanæ *Heraclensis* ad Constantinum Episcopum, *Demetrii Chomatæni* Archiepiscopi Bulgariæ, ad Constantinum Cabasilam Dyrachii Metropolitanum; *Ioannis Episcopi Ciiri* ad eundem Cabasilam; *Elia Metropolitanæ Creta* ad Dionysium Monachum; *Nicephori Chortophylacis* ad Theodosium Monachum; *Nicetae Mitylenæi* Metropolitanæ Thessalonicensis ad Basilium itidem Monachum; *Nicetae Chortophylacis* Metropolitanæ Thessalonicensis diversa Responsa; *Ioannis Zonara* oratio, & *Theodori Balsamonis* ad Marcum Alexandrinum Patriarcham. In Secundo Libro congesta Responsa *Petri Charularii*, & Diaconi Sanctæ Sophiæ. *Demetrii Synelli* Metropolitanæ Cyziceni; *Basilii Thessalonicensis* ad Dyrachii magnum Sacellarium; *Nicetae Mitylenæi* Thessalonicensis; *Demetrii Chomatæni* Archiepiscopi Bulgariæ ad Stephanum fratrem; *Eusathii Romani Patricii Hypomnema* sive Commentarius; Libellus abdicationis *Theodori Critopuli* Heraclensis Metropolitanæ; & *Patriarchica*, id est mandata Patriarchæ Metropolitanis Archiepiscopis, aliisque cum ordinantur, dari solita; in quibus *Synastica* seu Commendatitiæ litteræ. Sed neque in his satis idoneus ordo servatus est: & quædam descripta (ut in Decretis Synodalibus) quæ jam antè in Collectionibus postremis extabant.

5. *Meditata Balsamonis Responsa.*

V. SEPTIMUS Juris hujus Græco-Romani Liber *Theodori Balsamonis* sæpius nominati Patriarchæ Antiocheni *Μεταλας* continet, sive Meditata Responsa ad interrogationes varias, in quibus præsertim virus ejus in Latinos apparet.

Octavus, *Matthæi Blastaris* Monachi Quæstiones causarum Matrimonialium exhibet.

6. *Iustiniani Edictum de Fide.*

VI. IN Nono Edictum est *JUSTINIANI de Fide Orthodoxa*.

7. *Harmenopuli de Sælis Liber.*

VII. IN Decimo & ultimo, *Constantini HARMENOPULI Liber de Sælis*, & veræ Fidei confessione.

CAPUT XIII.

De Latinis Canonum Collectionibus in univcrsum.

I. **Q**UEMADMODUM apud Græcos, ira & apud Latinos, non eadem omnium Collectionum methodus, ac ratio fuit. Initio quidem ur illi, sic etiam nostri, Conciliorum Canonibus dunraxat usi, temporum fermè seriem in digerendis Conciliis secuti sunt. Accessère postea Pontificum Romanorum Decreta, ac Decretales Epistole servato in his quoque ordine temporum: in ejusmodi edendis colligendisque Responsis, præivere Orientalibus Romani, licet ad Conciliorum Canones colligendos animum posterius adjecerint.

II. PLACUIT deinde certas in Classes, certa que in capita Ecclesiasticas Constitutiones distribuere, relatis pro rerum varietate, sub titulos singulos Canonibus ac decretis ad unamquamque materiam spectantibus: atque in his Principum etiam Placita locum invenerunt, exemplo scilicet Nommo. Canonum Græcorum. Sed & alii Canones integros, atque expansos descripserunt: aliis sufficere visum est in Compendium redactos Collectionibus suisinserere, ac Summa cujusque Capita referre.

III. DENIQUE nonnulli cuncta sacræ disciplinæ capita complexi sunt: quidam pauca tantum, vel è re natâ protulère, vel selegère; inque his Canones maximè Penitentiales.

IV. AD primum genus, earum nempe Collectionum, quæ Synodorum, temporumque ordini magnâ ex parte inhærent, quatuor imprimis opera referuntur. Primum continet Priscam veterum Conciliorum Græcorum Translationem; verum eorum non una, sed quamplurimæ versiones fuerunt: & sic diversæ Collectiones. Harum Princeps haud dubiè censenda, quæ S. Leonis jussu adornata est: si quæ propriè dicta Canonum Collectio exstat, quæ reverà Leonis mandato fuerit concinnata. Sequuta est altera Collectio sive Translatio Dionysii Exigui, quæ Codicis Canonum veteris Ecclesiæ Romana titulum tulit, quod Græcis Conciliis De-

1. Collectionum diversa apud Latinos quoque genera Prisci temporum ordinem sequenti.

2. A Posterioribus Canones per classes digesti, idque varie.

3. Adjecti & Libri Penitentiales.

4. Collectiones Conciliorum ordinem sequuta.

creta Pontificum Romanorum subjunxerit. Successit deinde Tertia Collectio, quæ *Isidori Hispalensis* nomen præferens, adiecit superioribus Africana, Gallica, Hispanicaque Concilia. His tandem accessit Quarta, quæ sub nomine *Isidori Mercatoris*, unâ cum aliquot Conciliis, post Hispalensem Isidorum habitis, Epistolas Præscorum Pontificum Romanorum, à Clemente Petri discipulo ad Damasum usque addidit, seu veras, seu supposititias; & hæc Collectio nonnunquam *Corpus Canonum* appellatur.

5. *Collectiones per materiarum ordinem dispositæ.*

V. INTER eos qui Materiarum ordinem amplexi, Canones totos sub certos titulos retulerunt, agmen quidem ducit *Martinus Bracarenfis*: sed ejus Collectio stetit intra numerum 84. Canonum, seu Capitulorum selectorum. Hunc sequutus est *Cresconius* Africanus Episcopus, cujus opus sub nomine Concordiæ Canonum nuper in Bibliotheca Canonicâ prodiit, cum antea soli ejus operis tituli haberentur. Illos excepere, sed justis jam voluminibus *Anonymus*, & antiquus Autor à Luca Acherio editus; inde *Regino* Prumiensis Abbas aut Monachus: tum deinde *Burhardus Vormatiensis*, & *Ivo Carnotensis Episcopi*, suis Decretorum Libris; ac denique his minus cogniti, nec dum publicâ luce donati *Algerus*, *Deus dedit* Cardinalis, & *Anselmus* Episcopus *Lucensis*, cum *Gregorio* Presbytero Cardinali Hispano *Polyearpi* autore: quos tandem omnes superasse creditus est *Gratianus* conciliandorum Canonum studio, ideoque usu communi præ ceteris receptus.

6. *Epitoma Canonum.*

VI. EPITOMAS, sive *Synopses* Juris Canonici universi variè varii pro varia temporum ratione composuerunt: *Ferrandus* & *Cresconius* ante laudatus, sive quis alius ex eo *Breviationis* Canonum Autor, & qui præterea Ivonis Carnotensis volumen sub *Pannormia* Titulo in compendium redeigisse creditur: si modò compendium dicendum est, aut non potius diversum ejusdem Autoris opus.

7. *Canones Pœnitentiales.*

VII. CANONES PŒNITENTIALES *Theodorus Cantuariensis* in Anglia Archiepiscopus composuit, eumque secutus venerabilis *Beda*, aut, ut alii volunt, *Egbertus* Archiepiscopus *Eboracensis* in eadem Anglia. Extant & præter *Romanum* Pœnitentiale, *Rabani* quoque *Mauri* Archiepiscopi Moguntini, & *Fulberti* Abbatis opera ejusdem generis.

8. *Capitula.*

VIII. QUÆDAM de certis rebus Capitula edidère com-

plures, *Adrianus* Pontifex Angilramno Episcopo Metensi tradita, *Theodulphus* Aurelianensis Episcopus, *Hincmarus* Archiepiscopus Rhemensis, *Herardus* Tutonensis Archiepiscopus, *Isaac* Episcopus Lingonensis.

I X. COLLEGERUNT autem ab aliis edita, *Angelisus* quidem Abbas, & *Benedictus* Levita Capitula seu constitutiones Caroli Magni & Ludovici Pii Regum Francorum; *Iacobus Sirmondus* Societatis Jesu hoc nostro seculo Capitularia *Caroli Calvi* in lucem protulit. Utraque tandem accuratius collegit atque edidit *Stephanus Baluzius*. Alii haud exiguo sanè numero ex aliorum lucubrationibus excerpta Canonum Capita, seu Florilegia, aliaque ejusmodi generis Collectanea confarcinarunt. Sed ne quid antiquitatis Canonice ignoretur, de singulis juxta ordinem temporum, quo unumquodque opus compositum est disserendum videtur.

9. Capitularia Regum & Imperatorum Francorum qui collegierint.

CAPUT XIV.

De Veteri Priscorum Canonum Collectione.

I. ANTE Nicenam Synodum Ecclesia Romana, & cum ea reliquis Occidens, non aliis videtur Disciplinæ Regulis usa, quàm Sacris Scripturis ac Traditione; ita ut moribus, & consuetudine magis, quàm jure scripto, plerisque in rebus regeretur.

1. Non alio jure scripto quàm sacris Codicibus usa diu Occidentis Ecclesie.

II. QUINETIAM, licet Orientales statim à Secunda Synodo Oecumenica, non modò ejus decreta cum Nicænis, sed & aliarum quinque Asiaticarum Synodorum Canones amplexi fuerint, ut suprà demonstratum est: Occidentales tamen saltem ad annum Christi 410. Nicænos tantùm Canones observarunt, ut manifestè probat eximius locus Epistolæ ab Innocentio I. circa id temporis ad Clerum & populum Constantinopolitanum scriptæ, quæ à Sozomeno^a & Nicephoro^b refertur. In ea quippe affirmat Innocentius ὅτι ἡ ἐκκλησία τῆς Ῥώμης καὶ ἡ ἐκκλησία τῆς Κωνσταντινουπόλεως, τὸ αὐτὸν δὲν ἐπισκοπικὸν ἔχουσιν οὐκ ἑτέροις ἐκ Νικαίας εἰσὶν ὁμοιωμένοι, οἱς μόνον ὁφείλει ἐξακολουθεῖν ἢ καθολικὰ ἐκκλησία, ἢ πάντες γνωρίζαν. Porro, quid ad Canonum observantiam attinet, illis obsequendum esse

2. Canonum soli Nicæni initio recepti, & c.

^a Lib. 2. Hist. Eccles. cap. 26.
^b lib. 13. cap. 13.

^c Quæ 31. nomen-
ratur in Concilio-
rum Coll. Labbe.

decernimus qui Nicæa decreti sunt : quos solos sequi Ecclesia Catholica debes, eosque agnoscere. Idem Innocentius ad Theophilum Alexandrinum scribens, eumque invitans ad Concilium in causa S. Joan. Chrysostomi Romæ celebrandum, in hæc verba concludit epistolam^c : *Tu quoque judicio accurre ad Synodum proximè in Christo celebrandam ; & illic, juxta Nicæni Concilii Canones, & Decreta, contende. Alios quippè Canones Romana non admittit Ecclesia.* Ejus rei hæc ratio est, quod Sanctionibus cujusque Provinciæ, aut Diœceseos, vel Nationis, ii soli tenentur, qui eas ediderunt, vel suscepunt ab aliis editas : ideoque Antiochenos Canones rejiciebat cum Innocentio eodem B. Joannes Chrysostomus apud So-cratem : quod nimirum in Orientis Diœcesi & Patriarchatu Antiocheno editi, multum robur haberent Constantinopoli, quæ Thraciæ Diœcesis est; in quâ, recepti adhuc non erant, ut & in Occidente. Sic etiam Constantinopolitani Concilii I. Canonibus non obstringebantur Occidentis Ecclesiæ, quibus nondum cogniti erant anno 452. teste Leone I. Pontifice, ^d

^d Lib. 6. cap. 15.

3. *Vergente 5. sæculo Canones Greci in Latinam linguam à pluribus versi.*

III. V E R U M ubi, non modò Antiocheni, sed & alij, tam Localium, quam Generalium Conciliorum ad ea usque tempora habitorum Canones, Chalcedonensis Oecumenici IV. Canone 10. approbati anno 451. fuerunt, ex illis omnibus in unum corpus redactis Collectio apud Græcos concinnata, communicari cepit cum Occidentalibus Ecclesiis. Elaboratæ sunt eam in rem plures Latinæ interpretationes seu Versiones, quarum inter antiquissimas censenda videatur, quæ ex Bibliothecâ Vaticanâ, & præcipuè ex Chrysostophori Justelli Bibliothecâ nuper ab Henrico ejus filio edita est, quâ vetustissimis temporibus usam esse Ecclesiam Gallicam non improbabilis est conjectura. Aliam eorum Canonum magnâ ex parte Translationem concinnavit Martinus Bracarensis. Alia extat in corpore Canonum Isidori. Aliis usi sunt, tum Gelasius Papa in Epistola ad Episcopos Lucaniæ, Ferrandus^e, Symmachus Pontifex in Synodo Romanâ ab eo celebratâ : tum Carolus Magnus in Capitularibus.

^e In sua Canon.
Breviatione.

4. *Qui Canones hac Collectione comprehensi.*

IV. HÆC Collectio, sive hic *Codex Canonum Vetus* constabat Canonibus Nicænis 20. Ancyranis 24. aliis 25. Neocæsariensis 14. aliis 15. Sardicensibus 21. (qui in nonnul-

lis Codicibus subjiiebantur statim Nicænis, quasi appendicis loco; in aliis desiderabantur) Gangrensis 20. Antiochenis 25. Laodicensis 59. Constantinopolitanis 4. (ex septem) Chalcedonensibus 27. duntaxat (omissis postremis duobus.) His interferuntur in quibusdam exemplaribus Ephesinis tres, ex octo.

V. CODICEM CANONUM *Ecclesiasticorum & Constitutionum Sanctæ Sedis Apostolica* edidit Parisiis anno 1675. ex Manuscriptis Codicibus Thuaneo & Oxoniensi, vir religiosus ac doctus Paschalius Quesnel; Presbyter Oratorii Domini JESU, sub titulo *Appendicis ad Opera Sancti Leonis Magni*; quem vetustissimum & amplissimum omnium ejusmodi Codicum, qui huc usque prodierunt, atque in usu fuisse putat in Ecclesiâ Romanâ Innocentio I. Zosimo, &c. ac Leone, I. Pontificibus.

VI. UT de hac Collectione rectum quisque judicium ferre possit, necessarium videtur, proposito ejus Indice, quæ & quo ordine in ea comprehendantur, legentibus exhibere.

5. De Collectione Leonis I. adscripta.

6. Index hujus Collectionis.

Continet Codex iste Canones Ecclesiasticos, & Constitutiones Sanctæ Sedis Apostolicæ.

- I. CANONES NICÆNI Concilii cum Præfatione & expositione Fidei.
- II. Canones CARTHAGINENSIS Concilii
- III. Canones ANQUIRITANI Concilii.
- IV. Canones CÆSARIENSIS Concilii.
- V. Canones GANGRENSIS Concilii.
- VI. Epistola Concilii Carthagenensis ad Innocentium Papam, super errore Pelagii & Celestii de Libero arbitrio.
- VII. Rescriptum ejusdem Papæ ad idem Concilium, in quo dogma Pelagii & Celestii damnatur
- VIII. Epistola Concilii Milevisani ad Innocentium Papam, de Pelagii & Celestii pravitate, qui Dei adjutorio hominem asserunt non egere, & infantes sine Baptismo posse consequi vitam æternam.
- IX. Rescriptum Innocentii Papæ ad idem Concilium quo error perierit cum errantibus damnatus est.
- X. Epistola Aurelii Carthagenensis Episcopi & aliorum quatuor familiaris; directæ ad Innocentium Papam contra Sectam Pelagii.
- XI. Rescriptum Innocentii, ad eosdem quinque Episcopos supra damnatione Pelagii.
- XII. Epistola Innocentii Papæ ad Aurelium Episcopum Carthagen-

Index Capitulum ex Codice Thuaneo & Oxoniensi.

sem familiaris.

XIII. Concilium plenarium habitum apud Carthaginem contra Pelagium & Calestium.

XIV. Sacrum Rescriptum Honorii & Theodosii ad Palladium P.P. post accepta gesta Synodi supra scripta.

XV. Editum Palladii Præpositi de expulsiōe Pelagii & Calestii.

XVI. Epistola Honorii & Theodosii ad Aurelium Carthaginensem Episcopum, super Pelagii & Calestii sacrilega doctrina & damnatione.

XVII. Epistola Aurelii Episcopi ad Episcopos Provincia Bizacena, & Arzigitana, de Pelagii Calestique errore damnato.

XVIII. Capitula excerpta de gestis in Palastina Provincia actis, ubi Pelagius errori suo finem imposuit.

XIX. Sacrum Rescriptum Constantii Imperatoris ad Volusianum Præpositum de damnatione Calestii.

XX. Editum Volusiani Præpositi de Calestii expulsiōe.

XXI. Epistola INNOCENTII PAPÆ AD EXSUPERIUM Tolosanum Episcopum, per quam ei in sex Titulis interrogationis ejus causas & sue responsionis Decreta exposuit: ubi subdit divinorum Librorum Veteris & Novi Testamenti Summarium.

XXII. Rescriptum INNOCENTII PAPÆ AD EPISCOPOS MACEDONENSES, super expositione trium Titulorum.

XXIII. Rescriptum INNOCENTII PAPÆ AD DECENTIUM Egbinum Episcopum; de Titulis infra scriptis.

XXIV. Epistola INNOCENTII PAPÆ AD VICTRICIUM Rotomagensem Episcopum, de Titulis infra scriptis.

XXV. Canones Synodi CHALCEDONENSIS, prælato gestorum ordine.

XXVI. Constitutio Marciani Imperatoris, Synodi supra dicta Stantia confirmans.

XXVII. Eiusdem Augusti Constitutio ad Palladium Præf. Præf. ejusdem Synodi, precipiens custodiri definita, Eutycæ errore damnato.

XXVIII. Item ejusdem Principis Constitutio, de obtinenda Fide Catholica, & de Eutychianis & Apollinaristis, eorumque panis.

XXIX. Epistola SIRICII PAPÆ AD HIMERIUM Episcopum Tarraconensem, ad consulta super quindecim Capitulis respondentis.

XXX. Epistola Siricii Papæ ad diversos Episcopos missa, de damnatione Ioviniani & aliorum contra Virginitatem Beata Mariae laetantium.

XXXI. Rescriptum Ambrosii, aliorumque Episcoporum ad Siricium Papam, de causa eadem.

XXXII. Epistola ZOSIMI PAPÆ AD EPISCOPUM Salernitanum Episcopum, de Monachis & Laicis ad Gradus Ecclesiasticos accedere cupientibus.

XXXIII. Commonitorium ZOSIMI PAPÆ AD PRÆBYTEROS & Diaconos suos RAVENNÆ constitutos.

- XXXIV. BONIFACII PAPÆ AD HILARIUM Narbonensem, de Patrolo & Episcopo Lurubensi.
- XXXV. CÆLESTINI PAPÆ AD EPISCOPOS VIENNENSES & Narbonenses, Constitutio Titulorum undecim.
- XXXVI. CÆLESTINI PAPÆ ad Episcopos Apulie & Calabriae, ut nullus Laicorum ad Ordinem Sacerdotii admittatur.
- XXXVII. *Expositio Fidei Catholica contra hæresim Arrianam.*
- XXXVIII. *Faustini Presbyteri fides Transmissa Theodosio Imperatori.*
- XXXIX. *Alter, Libellus Fidei.*
- XL. *Libellus fidei Augustini.*
- XLI. *Exempla testimoniorum Hilarii, Ambrosii, Athanasii, Augustini, & aliorum Sanctorum Catholicorum Virorum, de duabus Naturis in una Persona IESU CHRISTI Domini Nostri indiscrète desinēteque manentibus.*
- XLII. *Gesta damnationis Eutychis.*
- XLIII. *Narrationis ordo: qualiter Dioscorus, Alexandrinus Episcopus Eutychi consensiens in ea, cui præerat ipse, Ecclesia, vel Constantinopolitana, errorem induxerit: usque ad tempus quo Acacius damnatus est.*
- XLIV. *Simplicii Papæ ad Acacium, ut de Alexandrina Ecclesia vexatione curam gerens, Sedi Apostolica non differat nuntiare.*
- XLV. *Rescriptum Acacii ad Simplicium Papam, ubi ei significat Petrum Alexandrinum Episcopum esse damnatum & Timotheum restitutum.*
- XLVI. *Felicis Papæ in damnatione Acacii.*
- XLVII. *Gelasii Papæ, de damnatione Acacii mirabilis disputatio, atque definitio.*
- XLVIII. *Item ejusdem ad Faustum in legatione ad Orientem directum, instructio super damnatione Acacii.*
- XLIX. *Ejusdem de eodem ad Anastasium Imperatorem; ut Imperator non se extollas super Sacerdotes, nec super sedem Apostolicam.*
- L. *Ejusdem expositio causa ad Dardanos, Acacium à Sede Apostolica justè fuisse damnatum.*
- LI. *Ejusdem Episcopi ad Episcopos Orientis de eadem causa reddita ratio.*
- LII. *Athanasii Episcopi ad Epictetum Episcopum, contra eos, qui de Domini Incarnatione spiritu blasphemia diversa senserunt.*
- LIII. *Cyrilli ad Ioannem Antiochenum Episcopum, contra eos qui prava de eo in Fide sinxerunt; & quod exemplar Literarum Athanasii ad Epictetum ipse direxerit: & formulâ fidei subrogatâ.*
- LIV. *Definitio sanctæ Synodi Chalcedonenfis, & Leges ex Codice Theodosiano.*
- LV. *Damasi Papæ ad Paulinum Antiochenum Episcopum, de Fide & formula Libelli, cujusmodi fidem qui ab hæresi revertuntur, debeant profiteri.*
- LVI. *Eusebii Episcopi Mediolanensis Epistola ad Leonem Papam; per*

quam fidei ejus, quam ad orientem direxerat. asserendo cum aliis
Episcopis consensus atque subscripsit.

* LVII. *Ravennii aliorumque Episcoporum Gallorum ad Leonem Papam,*
fidei ejus, quam ad Orientem direxit, laudem dicentium.

* LVIII. *GELASII Papæ Constitutio, in xxiii. Titulis, Canonum di-*
strictionem temperans, in his duntaxat Provinciis quæ certis
ex causis ut ministri Ecclesiarum desint, hominum raritate la-
borant.

LIX. *Canones ANTIOCHENI Concilii.*

LX. *Regulæ secundum LAODICIAM Phrygiæ Pacatianæ.*

LXI. *Canones CONSTANTINOPOLITANI Concilii.*

LXII. *Constitutio Theleptensis Concilii, id est in Africa, juxta Decre-*
talem Siricii Papæ

LXIII. *Regula formatarum secundum Græcæ literarum elementa.*

LXIV. *Clementis ad Iacobum.*

LXV. *Cereis Salensis, & Verani Episcoporum Gallorum ad Leonem*
Papam gratias super Fidei doctrina agentium.

LXVI. *Cyrilli ad Nestorium: ut unum & verum Fidei dogma se-*
quatur.

LXVII. *Leonis Papæ ad Leonem Augustum, de una Domini nostri*
JESU-CHRISTI Persona, & duabus Dei hominisque Naturis;
cum subiectis testimoniis Patrum.

LXVIII. *Leonis Papæ ad Iuveneralem Ierosolymitanorum Episcopum, de*
codem ipso.

LXIX. *Eiusdem ad Flavianum Episcopum Constantinopolitanum de*
damnatione hæresis Eutychiana.

LXX. *Constitutio ad Theodorum Episcopum Ferijuliensis, super Pani-*
tentia statu.

LXXI. *Constitutio ad Turbium Episcopum Asturensem super xvi. Ca-*
pitulorum consulta, Priscillianistarum blasphemis in xvi. res-
pondens Capitulis.

LXXII. *Item LEONIS Papæ AD RUSTICUM Narbonensem Epis-*
copum cum subiectis xix. Consultationum Capitulis, Responso-
nibusque subnexis.

LXXIII. *AD ANASTASIUM Episcopum Thessalonicensem, super*
nimietatis arrogantia vicis Apostolicæ Sedis redargutio, cum sub-
jectis sex Titulis Decretorum.

LXXIV. *AD NICETAM Aquileiensem Episcopum super iv. Titu-*
lorum interrogatione responso.

LXXV. *AD JANUARIUM Episcopum Aquileiensem de Clericis,*
qui in hæresim vel quodlibet schisma prolapsi sunt, minime pro-
movendis.

LXXVI. *AD universos EPISCOPOS CAMPANIÆ. Piceni &*
Tusci; ut servi vel originarii, aut cujuslibet conditionis obnoxii
ab Ecclesiasticis Officiis repellantur: & de his Clericis qui ob hoc
fœuerant, ut usuras accipiant.

LXXVII.

Hic definit O-
xonienfis Codicis
Index. Quæ se-
quuntur ex Thua-
uzo solo sunt.

- LXXVII. Epistola generalis DE MANICHÆIS.
 LXXVIII. Ad Episcopos Sicilia, ut in Epiphaniorem die Baptisma non tradant.
 LXXIX. Ad Pulcheriam, de damnatione hareses Nestoriana & Eutyriana.
 LXXX. Ad Constantinopolitanos, super stabilitate Fidei ipsorum, cohortatio.
 LXXXI. Ad Palæstinos, super mobilitate fidei ipsorum, in Eutyrianam haresim devolutos, correptio.
 LXXXII. Ad Aquileensem Episcopum, de incauta receptione Pelagianistarum, & ut de Ecclesia ad Ecclesiam nullus Ecclesiastici Ordinis transferatur.
 LXXXIII. Ad Septimum Episcopum de supra scriptis Titulis.
 LXXXIV. AD MAUROS EPISCOPOS de illicitis Ordinationibus, & de Ancillis Dei, quæ Virginitatem vi barbaricè amiserunt.
 LXXXV. Ad Synodum Ephesianam, de damnanda haresi Eutyriana.
 LXXXVI. Ad Theodosium Imperatorem, ne rescissâ Synodo Ephesiana, in Italia Concilium ejus consensu debeat celebrari.
 LXXXVII. Ad Pulcheriam Augustam, de eodem ipse.
 LXXXVIII. Ad Iulianum Episcopum, de damnatione hareses Eutyriana.
 LXXXIX. Ad Theodosium Imperatorem, de Synodo Ephesi celebranda.
 XC. Ad Marcianum Augustum, de ambitu Anatoliæ Episcopi Constantinopolitani.
 XCI. Ad Anatolium Episcopum Constantinopolitanum, de ejus ambitu objurgatio, & de Alexandrina & Antiochena Sedis antiquitus honore prelato.
 CXII. Ad Synodum Calchedonensem, ut ea tantum valeant, quæ de fide contra Eutychem decreta sunt; cetera effatanda.
 CXIII. Ad Anatolium Episcopum, de adhortatione expugnanda haresis Eutyriana, & quod expulsos quosdam de Ægypto pro Fide Catholica ipse suscepit.
 CXIV. Ad Leonem Augustum, de adhortatione abscidenda haresis Eutyriana, & de confirmatione Concilii.
 CXV. Ad Anatolium Episcopum, de Asiæ Presbytero, ut suspensionem Eutyriani erroris à se Presbyter compellatur excludere.
 CXVI. Ad Anatolium Episcopum, de receptione Andrea Archidiaconi, & Euphrata, & de appetiti honoris Constantinopolitana Sedis abjectione. Rescriptum.
 CXVII. Ad Synodum Calchedonensem, de restituendis Episcopis in propriis Sedibus, qui dudum fuerant pro Fide Catholica pulsæ, & Ephesiana prioris Synodi firmitate.
 CXVIII. Ad Dorum Bencventanum Episcopum, objurgationis Epistola.

7. *An hic Co-
dex Canonum
Vetus Ecclesiæ
Romanae.*
f Dissertat. 12.
ad S. Leonis ope-
ra,

VII. COLLECTIONIS hujus autorem vir eruditus Leonem I. Pontif. Max. nominat: eique nihilominus titulum adscribit vetustissimi Codicis Canonum Ecclesiæ Romanæ, qui jam sub Innocentio I. & sequentibus Pontificibus in usu fuerit. Verum quia hæc duo invicem pugnare videri possent, sententiam suam ita interpretatur, ut cum Capitula totius collectionis Sexaginta numerentur, primum dumtaxat quo Nicæni I. simul & Sardicensis Conciliorum Canones sub solo Nicæni nomine continentur, ad Innocentii tempera referat: reliqua paulatim ac per partes adjecta velint, ac totum opus tandem sub Leone complementum accepisse. Eam in rem Clarissimorum virorum Christophoti & Henrici Justelli, Pet. Marcæ, Joannis David, variè de his sentientium, opinionēs de *Codice Canonum veteri*, sive *Universæ*, sive *Romana Ecclesiæ*, rationibus haud sane improbabilibus refellit, aut certe impugnat. Hæc cuncta recensere longioris esset operæ, quam nostrum hoc institutum patiatur. Ego iis faciliè assentior, qui *Canonum Universæ Ecclesiæ Codicem* dici debere negant Primam Græcorum Collectionem, quasi primis temporibus ubique per orbem Christianum valuerint omnes & soli Canones illâ Collectione comprehensi: gratiam quoque habeo diligentæ Cl. Quenelli, cui vetustum hunc Latin. Canonum Ecclesiasticorum & constitutorum Sanctæ Sedis Apostolicæ Librum res Canonica debet. Non tamen statim adducor, ut in ejus omnino sententiam eam, credamque quinto seculo hanc Collectionem in communi apud Romanos usu fuisse; & illam à Dionysio Exiguo indicari, cum scribit se à Laurentio Diacono *confusione prisca Translationis offensus* impulsus ad novam Collectionem adornandam. Non quod non reverà confusione haud mediocri laboret hic Codex. Nam nec omnium Conciliorum jam tum plerisque recepros Canones habet, nec eos certo ordine per sua Concilia, (ut tunc fiebat) digestos, aut seorsum ab aliis diversi generis scriptis positos, nec suis etiam notatos numeris; sed Canonibus (propriâ hujusmodi Collectionum materiâ) Epistolas exigui sæpè momenti, aut longas de Fidei Articulis dissertationes, atque Imperatorum Constitutiones, Edictaque Magistratuum adversus hæreticos, admiscet. Verum vel hac ipsa de causa dubium mihi videtur utrùm hæc fuerit Ecclesiæ Romanæ usu recepta Collectio: quod scilicet,

præter harum Collectionum morem, tot aliena prorsus à disciplinæ regulis, extraneaque adjuncta complectatur; ut cum illis comparati Canones ne tertiam quidem impleant totius Operis partem: quemadmodum cuius illius capita Italico charactere hic à nobis consultò distincta, ab aliis secernenti patebit.

Moveor & Dionysii Exigui verbis. Is enim sequentis & probati postea, obviisque ulnis excepti ab Ecclesia Romana Codicis Canonum, autor, non de prioris Codicis, sed de prioris *Translationis confusione* queritur: quod & ad Græcos tantum Canones in Latinam Linguam versos referri potest; & fortè non minus ad styli barbariem, quàm ad inordinatam dispositionem pertinet. Hinc conjicere licet Codicem, cui emendando atque amplificando Dionysius operam dedit, nihil aliud quàm Græcorum Canonum Translationem fuisse, præcatum, nempe illarum unam, in quibus Sardicensis Concilii Canones indistinctè atq; unà cum Nicænis serie, ante alios primæ Græcorum Collectionis Titulos, sermone minùs eleganti descripti erant; quales adhuc in Bibliotheca Regia, & ex Thuanæ in Colbertina reperiuntur. Ejus generis Codex parum refert an post Leonis I. tempora receptus ab Ecclesia Romana fuerit, (quam ego in conjecturam propendeo) an inter manus studiosorum tantum versaretur tempore Dionysii. Neque enim Codicem ille Romanæ Ecclesiæ vocat: sed præeam, (ut jam dictum est) Translationem. Nobis sufficit, postquam ipse versionem aliam instituit, eique tum Chalcedonensis & aliorum, Carthaginiensium præsertim, Conciliorum, tum Romanorum Pontificum Decreta adjecit, pro Codice Romanæ Ecclesiæ habitum, & eo nomine in Gallia deinde, atque alibi fuisse receptum. Extra eum, & Romana Ecclesia Italicorum, & Africana, Gallica, Hispanica; suorum quæque Conciliorum Canonibus usæ sunt; & quemadmodum Africanos Canones selectos Ecclesia Univerſa, ita & quæque Natio finitimarum sacra Statuta sæpe adscivit, ac sequuta est: quod de Gallicanis Conciliis per Hispanos adoptatis nominatim notavit præstantissimus Sirmondus. f

f In Præfat. ad
Concil. Gall.

8. Ea res dubio
non caret.

VIII. Non equidem ambigendum puto quin ea omnia quæ in hunc Codicem relata sunt, in Scriniis Sedis Apostolicæ collecta, atque inde postea deprompta fuerint. Sed, quemadmodum observat eruditus Quenellus, aliud Scrinia

Sedis Apostolicæ, aliud Codex Canonum Ecclesiæ Romanæ. An duo essent tabularia, ita ut Codex Canonum, quæve ad eum pertinebant, omnino extra Scrinia essent, non anxie disquirendum cenſeo: Illud certum est non omnia Monumenta quæ in Scriniis habebantur, Codice comprehensa fuisse: Ex iis tamen ea quæ in Scriniis asservabantur, seligi solita quæ in Codicem inferenda viderentur, probari potest ex Dionysio Exiguo, qui Summorum Pontificum Siricii & aliorum Decreta, ex Scriniis illis à se accuratè evolutis desumpta testatur. Hic itaque Codex, de quo nunc agimus, etsi tempore S. Leonis inclusus Scriniis, diversus esse potuit à Codice Canonum Romæ tunc communi usu recepto. Et verò ut Canones, quorum scientia ad quotidianam Ecclesiarum disciplinam servandam adeo Episcopis & Sacerdotibus necessaria erat^h, tantâ rerum ad noticiam magis, quàm ad quotidianum usum conducentium, mole onerarentur, non facile illorum temporum instituto accommodatum videtur.

g. Quæſnel. diff.
22. cap. 2.
h. Vide Can. 1.
diff. 38.

CAPUT XV.

De Collectione Dionysii Exigui, quæ vulgò Codex Canonum vetus Ecclesiæ Romanæ vocatur.

1. Quis & qualis
hujus Collectionis
auctor.

2. Cur Dionysius
hanc Collectionem
aggreſſus: & quomodo
perfecerit.

I. **D**IONYSIUS, doctrinâ & ingenio magnus, sed corpore & cognomento EXIGUUS, monachus, ac deinde Abbas, moribus & domicilio Romanus, quamvis natalibus Scythæ, tempore Justiniani Imperatoris floruit.

II. Is cum Græcæ & Latinæ linguæ peritiâ sibi comparasset tum alia opuscula è Græcâ in Romanum sermonem tranſtulit, tum Canonum Ecclesiasticorum novum Codicem instituit. Non tamen totum simul opus suum absolvit; sed priùs circa an. Christi 496. Græcorum præſcæ Collectioni manum admovit, cujus, & simul secundæ concinnioris Versionem suscepit, hortante Laurentio Ecclesiæ Romanæ magno Diacono, eamque Stephano Salonitano in Dalmatia Episcopo nuncupavit, ut ex Præfatione ipsius discimus. Postea verò circa annum 500. animum convertit ad Decreta Pontificum Romanorum ex Sedis Apostolicæ Scri-

niis deprompta in ordinem redigenda, prout ipse testatur.^a Et primâ quidem operâ à Siricio (qui anno 385. sedere cepit) ad Anastasium I. ea perduxit; tum deinde ad Hormisdam ea protulit, qui ann. 523. in vivis esse desit.

III. PRIMUM itaque Canonum seriem per numerorum consequentiam à primo capite Nicænæ Synodi, deducit ad Constantinopolitanæ I. Canonem Tertium, qui 156. & ultimus erat Græci Codicis antiqui: deinde verò prætermisiss Concilii Ephesini Canonibus Chalcedonenses adjungit numero 27. in quibus finem Græcorum Canonum esse declarat ibidem. Verùm illi Canonum ubique recepto Codici, Canones Apostolicos quinquaginta adjicit, Sardicenses quoque 21. & Africanorum Conciliorum 138. Canones, quos asserit Latinâ linguâ editos fuisse; sic 392. capitibus absolvitur tota hæc Canonum Synodali Collectio. Decreta autem Pontificum Romanorum ad Ecclesiæ disciplinam spectantia, partim ex Synodis Romanis sive Italicis, partim ex Decretalibus Epistolis, & Rescriptis Pontificiis descripta fuere. Quod autem posteriorum aliquot Pontificum, atque aded Gregorii junioris, sive Secundi Decreta ad calcem operis adjecta sunt, longè Dionysio posteriora, id alterius operam satis ostendit.

IV. DIONYSIANAM hanc Canonum Collectionem Ecclesia Romana statim amplexa est, & non sine laude auctoris, usu communi recepit testibus Cassiodoro, & Isidoro^b coætaneis ferè Scriptoribus. De eadem accipiendus est Leo IV. nisi quod Pontifices Decretorum autores nominans, in illis Sylvestrum quoque recenset, cujus nulla apud Dionysium mentio.

V. AT Ecclesia Gallica quæ prius, ni fallor, Canones Chalcedonensis Concilio probatos & Priscæ Collectioni insertos suscepserat, atque observaverat: postea hunc Codicem Canonum à Dionysio Exiguo compositum admisit: non tamen statim undequaque secuta est. Quamvis enim Concilii Aurelianensis III. anno 530. celebrati Can. 3. memorentur Decreta Sedis Apostolicæ, de Metropolitanis per Comprovinciales Episcopos & Cleri ac civium consensu, eligendis (quod caput habetur in Epistolâ Leonis I. ad Anastasium Thessalonicensis Episcopum, Collectioni huic Dionysianæ indita) non tamen ex eo sequitur Decreta

^a I. Epist. ad Julianum tit. 5. Anastas. Presbyterum.

³ Ordo hujus Codicis.

⁴ Ejus auctoritas.

^b Cap. 23. divinis Lecton.

c. n. Can. de Libellis 1. dist. 30.

⁵ Etiam in Ecclesia Gallica.

Romanorum Pontificum quæcumque in eâ Collectiōe continentur, longè minùs totum Codicem in Gallia passim in communi usu fuisse. Potuit quippe hoc speciale Decretum aliunde quam ex eo Codice peti tum, probari. Certè cum hoc prolato Codice ex Can. 25. Apostolorum, qui in eo comprehenditur, Chilpericus Rex Prætextatum Episcopum Rotomagensē tanquam homicidii, furti, aut perjurii reum, Sacerdotio exui anno 577: postularēt in Synodo Parisiensi, Gregorius Turonensis ^d refert Canones illos Apostolicos in Codice Canonum quo tunc utebatur Ecclesia Gallica minimè fuisse comprehensos, sed novo quaternione ad Codicem Gallicanum adjectos. Verùm postquam Adrianus I. Pontifex hoc Corpus Canonum Carolo Magno Regi præclari muneris loco dedit, rùm sanè usu recepta valuit hæc Dionysiana Collectiō apud Majores nostros; quemadmodum ex Conciliis quæ paulò post habita fuerunt, colligi potest.

^d Lib. 5. Hist. Franc. cap. 19.

6. *Nova Codicis Canonum veteris Ecclesie Romana editio indicatur.*

VI. BREVI ex Illustrissimi Claudii Pelleterii, Summi Præfecti Ætarii, Bibliotheca prodibunt, quæ jam sub Regio Prælo sunt, eximii viri Petri Pithæi, & Francisci fratris J. C. Notæ eruditissimæ, emendationes & lectiones varix, ex antiquis manuscriptis ad hunc veterem Codicem Canonum Ecclesie Romana, Moguntix editum anno 1525. & Parisiis anno 1609. in quo codice insertæ sunt Canonum Nicænorum Latinæ editiones antiquæ quatuor, binæ binis è regione oppositæ, ex uno eodemque vetustissimo exemplari, curâ Cl. Francisci Desmarés, Domini de Palis, in Curia Patroni. Illatum autem Versionum Latinarum, quibus in eo Codice Nicæni Canones exprimuntur, Prima cum Dionysii Exigui Translatione, Secunda cum ea quam in Codice veteri Domini Hardy jamdiu contuli, Tertia cum ea quæ ex ms. Cod. Christophori Justelli in lucem remissa est; Voëlli & Justelli filii curâ, Quarta cum Isidoriana ferè conveniunt.

7. *De Cyclo Paschali & Æra vulgari Dionysii Exigui studio introducta.*

VII. CÆTERÙ M præter hanc duplicem Canonum & Pontificiorum Decretorum Collectiōnem, duo sunt, quæ Dionysio Exiguo feruntur accepta, Cyclo Paschalis, & Æra annorum Christi Vulgaris. Cum enim inter Orientales & Occidentales Ecclesias multæ de tempore celebrandi Paschatis ortæ ac sæpiùs renovatæ contentionēs fuissent,

Dionysius noster circa annum Christi 526. vel sub primordia Justiniani Paschales Cyclos, sive Circulos ex Alexandrinorum rationibus commentatus est, rejecto Victorii Aquitanici, aliorumque Latinorum calculo : eosque Calendario Romano inscripsit : ita ut (dempto anni initio, quem Ægyptii, à 4. Calendas Septembris, Romani à Calendis Januariis inchoabant.) embolismum utrumque egregiè ligaverit, effeceritque ut amborum Calendariorum usus idem esset. Cyclus autem ab eo institutus fuit, non ut à Victorio 532. annorum, sed annorum 95. quem Cyclo S. Cyrilli jam deficienti attexuit : & cum Cyrillus ad annum Christi 531. Cyclum suum, deductum ex more temporis sui per annos Diocletiani, perduxisset, Dionysius maluit ab Incarnatione Domini annos numerare, atque ita in instituenda hac annorum numeratione orbi Christiano prævit, quemadmodum ex ipsius Dionysii 2^a Epistola ad Petronium probat Petavius^e. Notanda sunt ipsius Exigui verba : *Nonaginta autem quinque annorum Cyclum, inquit, studio quo valuimus expedire, contendimus. Quia verò S. Cyrillus primum Cyclum ab anno Diocletiani 153. cepit, & ultimum in anno 248. terminavit* (hoc est ab anno Epochæ Christianæ 437. ad annum 531.) *nos à ducentesimo quadragesimo octavo anno ejusdem Tyranni potius quàm Principis inchoantis, noluimus Circulis nostris memoriam impii & persecutoris innectere : sed magis elegimus ab Incarnatione Domini nostri Iesu-Christi annorum tempora prænotare, quatenus exordium spei nostra notius nobis existeret & causa reparationis humana, id est Passio Redemptoris nostri evidentius eluceret.*

^e De doctrina tempor. lib. 12. cap. 1. & 3.

VIII. SED nos Æram Christi vulgò inchoamus ab anno qui ejus Natalem proximè sequutus est : cui Aureus Numerus 2. assignatur, concurrenti cum Cyclo Solis 10. & 4. Indictione. Dionysius autem ab antecedente anno æram suam deducit, Aureo Numero 1. Cyclo Solis 9.^f Verùm hic annorum à Christo nato computandorum modus non statim sive in Civili, sive in Ecclesiastico usu obtinuit. In illo id receptum tempore Caroli Martelli existimat Scaliger in animadversionibus Eusebianis : in Ecclesiasticis rebus longè tardius invaluit. Id enim introductum Eugenio IV. Pontifice sub annum scilicet 1431. testatur Blondus Forolivienfis, qui Collegio Pontificio fuit à secretis. Ad ea usque tem-

8. Dionysiana & nostra numerationis discretio.

^f Petav. ration. tempor. p. 1. lib. 4. cap. 3.

pora soli Pontificum anni litteris eorum adscribebantur.

IX. ANTEQUAM à Dionysio Exiguo abscedamus, exigere res ipsa videtur, ut paucis disquiramus quo Canonum Codice, præter primam Collectionem, usa post Chalcedonense Concilium fuerit Ecclesia Romana. Etsi enim diu nonnisi Nicænos Canones absolutè probaverit, multis argumentis; ex ipso etiam S. Leone; confici posset, cæteros omnes medio illo tempore non omninò fuisse ab ea rejectos. Liquet certè ampliorem Collectionem incognitam Symmacho non fuisse, utpote qui in Synodo sua et Canones Gangrenses duos laudet ac referat. Quare cum Illust. Pet. de Marca hos Canones iisdem prorsus verbis, quibus à Symmacho citantur, conceptos extare asseveret in ea Collectione quam ipse in Codicibus mss. Rivipullensis monasterii reperit, vix ullus superesse videtur dubitandi locus, quin ea 1^a Collectio fuerit Romæ probata, donec Dionysio autore altera paulò elegantior & uberior prodijt.

CAPUT XVI.

De Ferrandi Breviatione Canonum.

1. *Quis hic Ferrandus, & quo tempore vixerit.*

• Lib. de Script. Eccl. cap. 14.

I. **F**ULGENTIUS FERRANDUS Ecclesiæ Carthagenensis in Africa Diaconus: eorum qui Conciliorum Canones Latine in ordinem & compendium redegerunt, vel antiquissimus, vel inter antiquissimos fuit. Supparem sanè atque adeò Discipulum fuisse B. Fulgentii Ruspenfis in Africâ Episcopi, cumque eo in Sardinia exilium tolerasse, atque in Monasterio vixisse sæviente in Orthodoxos Trasimundo Vandalorum Rege, constat non solum ex Isidoro Hispalensi*, sed & ex Epistolâ ab ipso Ferrando ad Fulgentium Episcopum scriptâ, quæ inter hujus opuscula à Plantino edita est; & ex ejusdem Ferrandi Parænetico, sive Libro de septem Regulis innocentiz ad Reginum comitem, ubi Ruspenfis Fulgentii velut nuper vitâ functi mentionem fieri, P. Pichæus, compendii à Ferrando compositi primus editor, observavit: denique ex vitâ Ruspenfis à Ferrando conscripta. *Fulgentius* autem *Ruspenfis* claruit Anastasii ac Justinii Imperatorum temporibus; hunc

hunc Ferrandum appareat. Cui congruit quod testatur Victor Tununensis Episcopus in Chronico; ubi ad annum sextum post Consulatum Basilii, id est, ad annum Christi 347. annotavit Ferrandum clarum haberi. Ejus præterea meminit Facundus Hermianensis. ^b

^b Lib. 4. pro defunctis. 3. Capitulos. c. 3.

2. Tempus hujus Canonum Breviationis.

c In suis ad Ferrandum notis.

3. Capitulum numerus, & unde sumpta.

4. De Concilio Zellenfi.

5. Ordo hujus Breviationis.

II. INTER Ferrandi Opera eminet BREVIATIO CANONUM ad Liberium, vel Liberinum Episcopum. Eam jussu Bonifacii Carthaginensis Antistitis, restituenda, post reversionem ab exilio Episcopos & Clericos, disciplinæ concinnatam non improbabilius opinatur Petrus Franciscus Chiffletius. ^c

III. CONSTAT hoc opusculum capitibus 152. ex prisca Collectione maximam partem decerptis, nisi quod Chalcedonenfis Concilii Canonibus usus non est. Cæteris verò in ea Collectione comprehensis, adjecit non paucos ex Conciliis quibusdam Africanis quorum alibi nulla mentio, nimirum ex Zellenfi, Suffetulensi, Septimunicensi, Macrinensi, Mazaranensi, Theniatano, & Tusdrisano.

IV. QUOD diximus horum Canonum non facile alibi mentionem extare, id generaliter verum, in Zellenfi Concilio dubitationem patitur: si modò idem est cum Telenfi, quod perperam Teleptense legi contendit idem Chiffletius. Porro Canonum, qui dicuntur Apostolorum in hac Breviatione Ferrandum, non magis quàm Martinum Bracarensem in Collectione sua, de qua Capite proximo, meminisse mirum non est, quandoquidem illi nonnisi in secundam Collectionem conjecti fuere.

V. HUNC sequutus est ordinem Ferrandus, ut primo loco ea locaverit quæ ad Episcopos spectabant, 2. quæ ad Presbyteros, 3. quæ ad Diaconos: deinde verò ea subjecerit, quæ ad omnes simul Clericos, quæque ad Laicos non minùs quàm ad Clericos spectare visa sunt.

CAPUT XVII.

De Martini Bracarenfis Collectione Orientalium Canonum.

1. *Quis & unde hic Martinus.*

I. **M**ARTINUS *Bracarenfis*, ex Pannoniâ oriundus fuit, ex quâ & Martinus noster Turonensis; sed illo junior. Hic Bracarenfis per Græciam & Orientem prius peregrinatus, in Hispaniam eodem tempore cum Turonensis nostri reliquiis delatus est. Ibi Suevos, qui Galleciam invaserant, ad Catholicam fidem convertit, ejusque ipsis regulas tradidit. *Dumiensis* in eadem regione Monasterii conditor, primusque Abbas, ac deinde ejusdem loci Episcopus; tandem Bracarenfis Ecclesiæ Metropolitanæ regimen suscepit, quæ tunc Galleciæ erat, nunc Portugalliæ contribuitur.

2. *Alia ejus opera.*

II. Scripsit Librum *de quatuor Virtutibus*, sive *formulam Honestæ vitæ*, vel, ut Isidorus appellat, de quatuor Virtutum Cardinalium differentiâ: Opus Senecæ à nonnullis falsò adscriptum: quod Tomo VI. Bibliothecæ Patrum est insertum. In appendice ad vitas Patrum anno 1628. typis Plantiniani edita, extant Sententiæ Patrum Ægyptiorum à Græco Scriptore collectæ, atque ab hoc Martino Dumienfi in Latinum translatae.

3. *Selektorum & Græcis Synodis Canonum Collectio eorum ab eo suscepta.*

III. Imprimis autem Librum *Capitulorum ex Græcis Synodis Collectorum*, sive *Collectionem Canonum Orientalium* ad Concilii Lucensis Episcopos transmisit. Divisa enim illis temporibus in duas Provincias Gallecia, totidem habuit Metropoles, Bracatam & Lucum, ubi Regum sedes; atque in utraque civitate celebratum est anno Christi 572. Concilium Theodemiro Suevorum Rege, Imperatore autem Romanorum Justino juniore: unde hujus Collectionis tempus colligitur. Epistola præfationis loco ad Nitigesium Lucensem Episcopum missa, docet hoc opus ab autore susceptum fuisse propter veteris Canonum Græcorum Interpretis Latini oscitantiam & obscuritatem.

4. *Græcis admixti Canones pauci Hispanici.*

IV. Græcis Canonibus adjecit Martinus nonnulla ex Hispanicis Conciliis, Toletano I. præsertim, & Bracarenfi: quò nimirum hæc regulas Ecclesiasticas ad usum & mores Ecclesiæ suæ accommodaret.

V. Constat universa hæc *Collectio* capitibus 84. vel 85. secundum alios, qui septuagesimum secundum Canonem in duos dividunt. Eo autem ordine digesti sunt hi Canones, ut priores 68. ad Episcopos & Clericos, reliqui ad Laicos pertineant.

VI. Autoris in Sanctorum numerum relati memoria piè adhuc colitur ab Hispanis. Ejus testamentum à Reccesvindo Gothorum in Hispania Rege missum est ad Concilium Tolletanum X. quod anno 656. habitum est. De eo plura habes apud Gregorium Turonensem ^a, apud Isidorum Hispalensem ^b, aliosque à Voëllō & Justello relatos: apud quos extat hæc *Collectio*, adscriptis ad marginem operà meâ, variis *Lectionibus*, adjunctisque Canonibus Conciliorum, ex quibus Capitula quæque ab Autore non indicatis fontibus deprompta fuerant.

5. *Ordo hujus Collectionis.*

6. *De Martini Bracarenfis sanctitate & accurata hujus Collectionis Editione nostra.*

^a Hist. o. Francor. lib. 5. c. 38. & de miraculis S. Martini lib. 1. c. 11.

^b De viris illust. c. 11. alias 15 & in Chronico Gothorum sub finè.

CAPUT XVIII.

De Cresconii Breviario Canonico & Collectione Canonum.

I. **C**RESCONIUS, sive, ut alii vocant, *Crisconius*, Africanus Episcopus, florebat circa annum Christi 690. quemadmodum colligitur ex inscriptione operis Canonici ab eo compositi, quam Annalium Ecclesiasticorum conditor ex Codice Vaticano refert ad annum 527. numero 76. ubi memoratur Cresconius bella & victorias, quas Joannes Patriarchus de Saracenis retulerat, hexametris versibus descripsisse; quæ quidem victoriæ, anno Leontii Imperatoris tertio à Joanne reportatæ sunt, testibus Cedreno & Anastasio Bibliothecario. Leontius autem relegato Justiniano juniore, imperium invasit anno Christi 694. Circa hæc itaque tempora Cresconius duas edidisse creditur Canonum *Collectiones*, non juxta Conciliorum ordinem, & Canonum consequentiam; sed quemadmodum Ferrandus, habitâ rerum seu materiæ ratione.

1. *Cresconius quis, & quando scripserit.*

II. His tamen adversari quodammodo videtur ipsius auctoris Præfatio Breviario apposita, quâ ad Liberinum seu Liberium scribens, ait, se ipsius hortatu ad hoc opus

2. *Quis Liberinus, sui nomen. Patrum Cresconii Breviarium Canonum.*

se se accinxisse; seque eidem subiectum videtur fateri, cum illum ait in his rebus ad sui expletionem officii industriam suorum exquirere subiectorum. Ex quo probabile fit Cresconium, qui se alteri Episcopo subiectum agnoscat, minorem in Ecclesiâ, non Episcopalem gradum obtinuisse: nisi forte Liberinum illum dicamus Carthaginensem per ea tempora Archiepiscopum fuisse, cui parere omnes Africani Præsules deberent. Nam de Liberio Pontifice Romano id intelligi non patitur, vel tempus à Baronio indicatum, plus recentis viginti annis à Liberio remotum; nec Liberio plus centum triginta annis posterior Dionysii Exigui collectio, quâ usus est in majori, & ni fallor, posteriori opere suo Cresconius. Memoratur quidem in Africâ Liberinum vel Liberinum oppidum Episcopale, (ex quo deductum conjici potest nomen *Synagoga Libertinorum*, cujus mentio Aëtorum cap. 6.) non tamen loci nomen hic est Liberinus, sed hominis & Episcopi, aut, ut dixi, Carthaginensis, aut certe Primatis provinciæ suæ, in qua Episcopatus Cresconii.

3. De Cresconii
Breviario Ca-
nonico,

III. Cresconii prior Collectio *Breviarium Canonicum* dicitur, ubi Ferrandi exemplo, brevibus summulis singula Ecclesiasticæ disciplinæ capita comprehenduntur, indicantur duntaxat Conciliorum Canonibus ac Pontificum Romanorum Decretis, non ad verbum relatis.

4. De Libro,
seu Concordia
Canonum ejus-
dem,

IV. Altera verò eadem serie integros continet Capones, inscribiturque *Concordia*, vel *Liber Canonum*. Illam cum Ferrando primus ediderat Petrus Pithæus anno Christi 1558. ex Codice manuscripto Ecclesiæ Trecentis: posteriorem vulgaverunt in Bibliothecâ suâ Canonicâ anno 1661. G. Voëllus & H. Justellus Christophori filius, ex Codice itidem MS. Guilielmi Blueti Advocati quondam Parisiensis. Adjecti sunt ibidem Indices duo: prior materias. notat rerum, quæ tam in Ferrandi Breviatione Canonum, quàm in Freviario Canonico Cresconii continentur, juxta ordinem alphabeti, collatis capitum ex utroque numeris; alter eorumdem consonantiam & discrepantiam declarat.

5. Numerus
Canonum utrius-
que operis.

a Tomo 5. ad
an. 419. n. 90.
b Tomo 7. a
an. 527.

V. Constat utrumque opus capitibus omnino trecentis: in quo hallucinatus est Baronius, qui cum capitulorum numerum Ferrando assignat: quemadmodum & in eo quoque aberravit, quod Cresconii compendium cum Ferrandi opere confundit.

V I. Concinnior & accuratior videtur Ferrandi, quam Cresconii ordo : Sed hic non tantum Canones Apostolorum & Chalcedonenses à Ferrando prorsus omisos, Collectioni suæ inseruit, idque secundum Dionysii Exigui versionem : sed & Romanorum Pontificum Decreta ex Codice Canonum Ecclesiæ Romanæ transcripsit : cujus & numeros sequitur in laudandis Collectionis Africanæ Canonibus, sub nomine partim Carthagenensis, partim Africani Concilii : in quo à Ferrando quoque differt, qui ex ipsis fontibus, id est ex singulis Diœceseos Africanæ Conciliis, editos ab unoquoque Canones petit.

6. Comparatio
Cresconii cum
Ferrandi Bre-
viatione.

V II, Ferrandi simul & Cresconii Breviationes Canonum emendatiores hoc nostro seculo ediderunt, notisque illustrarunt viri etuditi duo, Fr. Dadinus Altaferra Antecessor Pictaviensis an. 1630. & Petrus Franciscus Chiffetius Societatis Jesu Divione anno 1649. Sed hic simul cum reliquis Ferrandi operibus.

7. Viriusque
Breviationis il-
lustratores.

CAPUT XIX.

De III. ampliori Canonum expansorum Latina Collectione
juxta ordinem Conciliorum, quæ Isidoro Hispalensi
adscribitur.

I. **P**LURES ISIDORE quinto & septimo sæculis leguntur per Hispaniam Episcopales Ecclesias rexisse. *Isidorus senior, Cordubensis* Episcopus temporibus Imperatorum Honorii & Theodosii, divinarum Litterarum peritissimus & sanctitate clarus, qui commentaria in quatuor Libros Regum Paulo Orosio Presbytero atque Historico dicavit circa annum 412. & cujus Expositio in Lucam laudatur à Beato Augustino ². Hic ISIDORUS deinde HISPALENSIS junior cognominatus, comparatione illius prioris, genere ac virtutibus, nec minus scientiâ insignis, cujus plurima exstant opera. Fuit & *Isidorus Pacensis*, junior & ipse dictus ; & *Isidorus Asturicensis* vitâ quoque & scriptis illustis circa annum 675.

1 Plures His-
pani presules
nomine Isidori.

a Scimone 33.

II. Hispalensis vitam scripsit Braulio Cæsar-Angustanus ; ejusque meminere præter ceteros Ildefonsus Episcopus Tole-

x. De Isidoro
Hispalensi.

^b De Viris illustre. c. 9.
^c In lib. de Scrip-
 tor. Eccles.

tanus in additione ad librum Isidori ^b, & Joannes Trithemius ^c. Ex his, aliisque constat Severiano fratre in Provincia Hispaniæ Carthaginensi natum, cum duobus fratribus Leandro natu majori, cui successit in Metropolitana Baticæ Provinciæ sede Hispalensi, & Fulgentio Astigitano primum, ac postea Carthaginensi Episcopo. Hispalensi Ecclesiæ per annos 40. præfuit, ab anno Christi 595. ad annum 636. sive æram Hispanicam 674. quâ spiritum Deo reddidit, anno primo Chintilani Regis Gothorum. Notus fuisse dicitur apud Constantinopolim Gregorio, qui postea Romanus Pontifex fuit: quasi eò venerit Gregorius Pelagii junioris Pontificis, Isidorus Regis sui Recaredi Legatus ad Imperatorem Mauricium circa annum 586.

3. Plures ei ad-
 scribuntur Ca-
 nonum Collec-
 tiones.

III. Porro huic *Isidoro Hispalensi* tribuuntur, sed parùm probabiliter, Collectiones Canonum tres, quæ magnam inter se habent affinitatem. Prima quæ cum aliis Decretis Canones continet Toletani Concilii XIII. post annum 683. quo habitum est illud Concilium edita fuerit necesse est. Altera, in qua adjecti sunt Canones posteriorum Conciliorum, quorum ultimum est Toletanum XVII. celebratum anno 649. Priori recentior est annis 11. Tertia in qua referuntur Decreta juniorum Pontificum atque etiam Zachariæ qui anno 741. Hispaniâ jam à Sarracenis subactâ, Pontificatum iniit, septem & quadraginta annis post proximam, composita fuit. Harum autem Collectionum nullam Hispalensis Isidori esse posse, duo sunt, quæ satis evidenter evincere videntur: primum quòd eorum qui Isidori Libros recensuerunt, nemo ante Trithemium superioris seculi scriptorem, ullius Decretorum Collectionis meminit. Braulio enim Cæsaraugustanus, & Ildefonsus, cum cætera Isidori opera enumerent, hujus mentionem nullam faciunt. Alterum ex eo petitur, quòd cum Isidorus anno Christi 636. è vivis excesserit teste Redempto Diacono in ejus virâ, harum Collectionum Prima, non nisi post annos 47. ab ejus obitu; secunda, post annos 58. tertia post centum & tres, constare reperiantur.

4. Satis veri-
 simile videtur
 ejusmodi opus ab
 Hispalensi com-
 positum fuisse.

IV. Sunt tamen qui Primam Collectionem, aut certè Primæ non multùm ab similem ab Isidoro Hispalensi reverè compositam fuisse augurantur, variis de causis. Primum propter ipsius haud vulgarem eruditionem cum rerum Ecclesiasticarum studio conjunctam, quæ ex aliis ejus lucubrationi-

bus elucet, veluti ex Officiorum, Chronicorum, Sententiarum, Sacramentorum, sive quaestionum, Etymologiarum, aliisque similibus Libris. Quâ de causâ Concilium Toletanum VIII. ^d ejus nuper defuncti memoriam præclaro elogio prosequitur in hæc verba. *Nostri quoque seculi Doctor egregius, Ecclesie Catholica novissimum decus, præcedentibus atate postremus, doctrina comparatione non infimus; & quod majus, in seculorum fine doctissimus, cum reverentiâ nominandus Isidorus.*

d Cap. 24

Secundò id suadere videtur *Isidori Hispalensis* nomen veteribus ejusmodi Codicibus Canonum inscriptum; quod non sine causâ factum fuisse credibile est. Idem etiam confirmare possunt sub ejus nomine licet falsò, venditatæ posteriores Collectiones; quæ aliquid ejus generis ab eo scriptum fuisse insinuant. Et verò id non modo Trithemio persuaserunt, qui inter ejus opera recenset *Decretum Canonum*; sed Reginoni quoque, qui in Chronicis ^e, refert Isidorum multa de Fidei Regulis Ecclesiasticæque disciplinæ disputasse. Ecenim nomine *Regularum & Disciplinarum Ecclesiasticarum* intelligi Canonum Collectionem à Reginone, manifestè probat titulus Corporis Canonum ab eo compositi, de quo paulò post. Addi potest, quòd apud eundem Isidorum ^f; quamvis ex Gelasio, ut videtur, desumptum, legitur: *Sed & si quæ sunt Concilia quæ sancti Patres Spiritu Dei pleni sanxerunt post istorum quatuor auctoritatem, omni manent stabilita vigore, quorum gesta in hoc opere continentur.* Hanc sententiam ab Ivone Carnotensi ^g apud Rabanum quoque, Hugonem Victorinum, & Gratianum, iisdem verbis relata suspicatur Antonius Augustinus in Etymologiarum volumen translata esse ex præfatione hujus Corporis Decretorum; cui sanè melius conveniunt postrema verba, quàm libris Etymologiarum, in quibus adjecta non sunt gesta sive Decreta Conciliorum.

e Ad an. 571

f Lib. etym. 6. cap. 16.

g Lib. 2. Panorm. tit. 11. c. 22.

V. Vix itaque dubitandum videtur, quin Corpus sive Collectio Canonum Isidoro Hispalensi assignari jure possit: præfertim postquam illustrissimus Petrus de Marca, de cujus judicio ambigere minùs sani esset judicii, aliam ab iis quas mox indicavimus, & aliqua ex parte brevior Collectionem à se repertam in Bibliotheca Urgellensis in Catalonia Ecclesie, mihi aliisque non semel testatus est, quam verè Isidori esse existimabat: qualem & Ant. Augustinus viderat.

h. Exstat adhuc vera Isidori Collectio.

Unde accuratus harum rerum indagator Steph. Baluzius in præfatione ad Reginonem §. 3. Isidorum Episcopum Hispanensem sine hæsitatione pronunciat Dionysii Exigui studium esse imitatum.

6. *Qualis fuisse videatur vera Isidori Hispanensis Collectio seu Corpus Canonum.*

b Can. 1. dist. 16.

VI. Genuina hæc Isidori Collectio ab illis, quæ notiores, paulò diversa, qualis fuerit, ex sequentibus quæ inter manus eruditorum versantur, sive unà cum Conciliis editæ, sive manu tantùm exaratæ colligi potest. Ejus ego præfationem ei non absimilem puto quæ ab Antonio Augustino Societatis Jesu in fronte secundæ partis Epitomes Juris Pontificii ab Augustino Tarraconensi collectæ indicatur sub titulo alterius Isidori. Ea magnam partem ex libro sexto Etymologiarum, sive originum ejusdem Isidori cap. 16. concinnata est. Incipiebat ab his verbis quæ apud Gratianum referuntur ^b: sed post finem clausulæ paulò ante à me adductæ (*quorum etiam gesta in hoc opere condita continentur*) sequuntur hæc verba quæ totius operis propositum ac finem ostendunt. *In principio autem hujus voluminis Nicenam Synodum constituimus propter auctoritatem ejusdem magni Concilii: deinceps diversorum Conciliorum Græcorum & Latinorum, sive, quæ antea, sive quæ postmodum facta sunt, sub ordine numerorum ac temporum capitulis suis distinctam sub hujus voluminis aspectu locavimus: subjicientes etiam Decreta Præsulum Romanorum, in quibus pro culmine Sedis Apostolicæ, non impar Conciliorum extat auctoritas: Quatenus Ecclesiastici ordinis disciplinâ in unum à nobis coactâ atque digestâ & S. Præsules paternis instruantur Regulis, & obedientes Ecclesiæ Ministri, vel populi spiritualibus imbuantur exemplis.* Deinde de Canonibus qui dicuntur Apostolorum ex ejusdem capituli 16. Etymologiarum initio subjiciuntur, quæ Gratianus exscripsit ⁱ. Additur postea ex initio ejusdem capituli significatio vocis *Canon*, relata in *Can. 1. & 2. dist. 3.* ac denique Synodi & Concilii Etymologia in fine capituli ejusdem relato ^l.

i Can. 1. dist. 16.
l In dicto Can. 1. dist. 15. sub finem.

6. *Illius Corporis Canonum Isidoriani ordo.*

VII. Ordo ipsius Corporis Canonum planè idem est cum illo qui ab Augustino ante dicto ibidem annotatur, ut scilicet post Canones Concilii Nicæni, qui primum obtinent locum, prætermisiss Apostolorum Canonibus subjiciantur Decreta aliorum Conciliorum Græcorum, quæ à Dionysio Exiguo prolata sunt; sed ex aliâ Latinâ versione: nisi quod inter Synodos œcumenicas Constantinopolitanam I. & Chalcedonensem

Chalcedonensem hic inferuntur placita Constantinopolitanae alterius Synodi, itemque Ephesinae, oecumenicae III. quarum neutram descripserat Dionysius. Constantinopolitana autem illa, non universalis fuit, sed particularium quae habitae antea fuerant, aliqua. Post haec Collectionis Africanae loco, quae apud Dionysium sub duobus titulis, Carthaginensis nempe Concilii, & Canonum Africanae Ecclesiae, habentur; retulit in hac Collectione Isidorus integros octo Dioeceseos Africanae Conciliorum Canones, *Carthaginensium* nimirum septem, *Primi, Secundi, Tertii, &c.* (quae tamen minus accurate ad veram temporis rationem digesta sunt,) & *Milevitani* (secundi scilicet, anno 416. adversus Pelagium & Coelestium celebrati.) His accedit ordo duplex Conciliorum, Gallicorum, & Hispanicorum. *GALLICA* sunt 17. *Arelatensis tria, Valentinnm, Tauritanum*, sive potius *Taurinense, Regiense, Arausica duo, Vassensis totidem, Agathense, duo Aurelianensis, Epaonense, Carpentoracense, Arvernensis duo*. Sed observandum est non magis in Gallicis, quam in Carthaginensibus, servatum esse verum temporum ordinem; ut ex iis patet quae à nobis libro hujus operis 2º de illis Conciliis notata sunt. *HISPANICA* quindecim sunt, *Eliberitanum* scilicet, *Tarraconense, Gerundense, Casaraugustanum, Ilerdense, Valentinum, Toletana quatuor prima, Bracarensis duo*; quorum alteri subiecta sunt, appendicis loco, *Capitula* ex Orientalium Patrum Synodis à Martino Episcopo decerpta. *Hispalensis* denique *duo*. Nec plura ex Hispanicis Conciliis, quae in posteriores Collectiones congesta sunt, describere potuit hic Isidorus: cum eo anno decessisset probetur, quo habitum est Toletanum V. Jam Epistolas Pontificum Romanorum habet hic Codex: sed eorum fere quorum Decreta collecta fuerant à Dionysio Exiguo, *Siricii* nimirum *Innocentii I. Zosimi, Bonifacii, Celestini, Leonis, Anastasii*; cum iis, quae ab eodem forte Dionysio addita postea fuerant, *Hilarii, Simplicii, Gelasii, Symmachi, Hormisdæ*; quibus praeposita est Epistola *Damasi ad Paulinum*. Inserta deinde *Felicii* Epistola, ac sub finem adjectae *Vigilii & Gregorii Magni* Epistolae quaedam.

VIII. In aliquibus hujus Collectionis Codicibus inveniuntur posteriora Concilia *Toletana usque ad XIII.* habitum an. 683. Concilium praeterea *Bracarense III.* anni 610. Quin etiam in

M m m

8. De quibusdam hujus Collectionis additamentis.

plerisque descripta sunt *Toletana ultima* Concilia usque ad XVII. anni 694. unâ cum *Emeritensi* anni 666. quæ omnia defuncto jam Hispalensi nostro Isidoro, celebrata sunt. Verum hæc post autoris obitum paulatim addi potuerunt. Sic enim Collectioni Decretorum Pontificiorum à Dionysio Exiguo primùm concinnatæ, alia interjectorum & sequentium Pontificum Decreta adjecta sunt, partim ab autore ipso, ut probabile videtur; partim verò ab iis qui insecti sunt: quod de junioris Gregorii Decretis necessariò dicendum est; cum tanto intervallo distet ab Exigui temporibus. Eadem ratione videmus cum Corpore Canonum Isidori Mercatoris, quod nono demum seculo erupit, edita conjunctim à Merlino fuisse statuta Conciliorum Constantiensis, & Basileensis seculo 15. condita.

9 *He appen-
dices ab aliis
postea addita.*

IX. Sic ergo plures ad veri Hispalensis Isidori Collectionem Appendices affutas crediderim: quarum Prima juniorem fortè alium Isidorum habuit autorem. Eo certè nomine à Philippo Labbeo Epistola ad Leudefredum Cordubensem Episcopum collocatur sub annum 633. quo celebratum est Concilium Toletanum VIII. ut & post biennium Toletanum IX. post triennium Toletanum X. ac tredecim annis posterius Concilium Emeritense: quæ cuncta ab alio collecta sint oportet, quàm ab Isidoro Leandri fratre ac successore in Episcopatu Hispalensi, si vera est Pontii Diaconi ratio, & aliorum Isidori Hispalensis mortem conferentium in annum 636. Nec refert *Junioris* appellatio: Ea enim Isidoro nostro, comparatione Cordubensis antiquioris Isidori, tribuitur; & alteri posteriori Isidoro, respectu ipsius Hispalensis, tanquam prioris, rectè assignari potest.

10. *De Indice
Isidori Corpori
Canonum in
quibusdā MSS.
adjecto.*

X. Quod autem annotat Antonius Augustinus Jesuita, Indicem à se visum in aliquot titulos distinctum, ubi omnium Conciliorum ratio habetur, quem nonnulli Isidoro ascriberent; sed perperam quandoquidem Scriptor ineptis quibusdam carminibus prodit se adolescentem fuisse: id nequaquam suum opus Isidoro eripit; quando Index ille, ipsius Antonii Augustini confessione, Isidori esse non videtur: nec verò novum est operi alieno Indicem ab alio adjici.

11. *De altera
Isidori Collec-
tione, qua Cor-
pus Canonum
Hispaniense di-
citur.*

XI. Ad hanc *Alteram* sub Isidori nomine *Collectionem*, sive Isidorianæ Collectionis Appendicem, refert idem Antonius Augustinus à Societate Jesu, quod Innocen-

tius III. ^m rescribit ad Petrum Episcopum Compostellanum, qui Emeritense Concilium ex eo imprimis authenticum esse adstruebat, quod contineretur in Libro qui Corpus Canonum appellatur, & quem Alexander III. per interlocutionem approbaverat: unde existimat hanc esse Collectionem sive Corpus Canonum, quod Hispaniense dictum est.

^m Lib. 2. regist. i
Epist. 121.

CAPUT XX.

De IV. integrorum Canonum Latina Collectione, secundum tempora Conciliorum ac Decretalium, sub titulo Isidori Mercatoris.

I. **E**X altera ad Isidorum Hispalensem Appendice circa annum 685. coagmentata, quam Collectionem Hispaniensem sive *Corpus Canonum Hispaniense* dixerunt, adjectis Canonibus Apostolorum, & Clementis præsertim, aliorumque post eum verustissimorum Pontificum ferè 35. ad Damasum usque, Epistolis, confarcinata est Collectio Conciliorum ac Decretalium, quæ sub nomine ISIDORI MERCATORIS, sive *Isidori Peccatoris*, prodiit, & jus Canonicum propè duplò amplius effecit. In quibus hæc Collectio seu Corpus Canonum à primo Isidori Corpore differat, observarunt Boëtius Ep^a, & Antonius Augustinus è Societate Jesu ^b. Hic præfationis seriem describit, ut cum illa priori conferat; uterque Catalogum Pontificum Romanorum & Conciliorum exhibet, quorum Decreta in hoc Corpore Canonum continentur.

1. *Isidori Prima Collectio quibus additis aucta.*

II. Ab hac Collectione ortum habuisse jus Pontificium novum in Occidente notat III. Petrus de Marca ^c. Eam in Gallia primus vulgavit RICULFUS, seu *Richolphus* Archiepiscopus Moguntinus, à S. Bonifacio secundus, Caroli Magni Consiliarius, qui sedem illam ab anno 787. ad 813. tenuit. Testis est locupletissimus Hincmarus Rhemensis Archiepiscopus, scriptor ferè coætaneus, ut qui circa annum 870. scripserit. Is hac de re sic loquitur ^d *De libro Collectionum Epistolarum ab Isidoro, quem de Hispania allatum Riculfus Episcopus Moguntinus, in hujusmodi, sicut & in Capitulis*

^a Lib. 2. de Jure facto.

^b In Ind. & Cons. de Collector. Canonum, præfixa 2. parti Epitomes Juris Can.

2. *Hujus Collectionis autor.*
^c Lib. 3. de Concord. Sacerd. & imp.

^d In lib. 55 Capitulor. cap. 34.

Regiis studiosus, obtinuit; & istas regiones ex illo repleti fecit.

3. *Titulus au-*
toris,

c *Epist. 7. c. 12.*

II I. Initio quidem hoc Corpus Canonum illustrem prætulit Isidori Hispalensis titulum, quo nomine indigitatur ab ipso Hincmaro^c: *Isidorus*, inquit, *Hispalensis Episcopus collegit cum Epistolis Romana Sedis Pontificum à S. Clemente, usque ad B. Gregorium.* Verùm manuscripti Codices non pauci nomen habent *Isidori Mercatoris*, velut auctoris hujus libri. Alii pro Isidoro Mercatore, vocant *Isidorum Peccatorem*, quæ appellatio ab Episcopis Decreta Conciliorum subscriptione suâ firmantibus, aliàs usurpata legitur, solemnî quâdam velut formulâ, quâ demissum de se quisque animi sensum testantur, ut ex Conciliis Gallicis Turonensi I. Parisiensi III. Turonensi II. Matisconensi I. discimus. Pari ratione apud Græcos Episcopi sese non raro ἀμαρτάνους scribebant. An autem *Mercator* vero nomine dictus fuerit hujus Collectionis autor, an is titulus huic volumini affictus fuerit, non facile est pronunciare. In Chronico quidem, quod sub nomine Juliani Toletani Parisiis hoc seculo in lucem prodit operâ Laurentii Ramirez Hispani, legitur *Isidorus Mercator Episcopus Setubensis* compilationem Canonum ope cujusdam Monachi composuisse, atque anno 805. decessisse. Sed non immeritò apud eruditos suspecta est ejus Chronici fides; quæ in hoc maximè articulo elevatur, quodd in eo Julianus Toletanus Archiepiscopus Quirico in ea dignitate successisse scribitur anno Christi 680. & anno 690. æra 728. obiisse; & tamen idem Julianus pluribus per ea tempora Conciliis præfuit, atque imprimis Toletano 12. quod anno 681. habitum est: quo tempore triginta annis majorem fuisse oportet, cum Archiepiscopali honore ornatus esset: unde Setubensis illius obitum qui anno 805. contigerit, videre, ac memorare nequaquam potuit: idque non modò ex hypothesi quâ illius Juliani mors in annum 690. æra 728. conjicitur; sed nec ex ea quâ sedem Toletanam jam anno 680. tenuisse dicitur: nisi velimuseum ultra centum quinquaginta & quinque annos vitam prorogasse. Nec verò dici potest in assignando tempore, quo mortuus sit Isidorus Setubensis, erratum fuisse, & pro 805. anno, legendum 705. Etenim hoc effugium non patietur Zachariæ Pontificis mentio, quæ in hoc volumine fit: cum is Pontificatum nonnisi anno 741. inchoaverit. Hæc eadem ratio, & styli barbaries Isidoro Hispalensi adscribi

vetant, qui jam ante annos 105. vivere desierat, primasque suo tempore tenuerat in re Grammatica, atque in omni Literarum genere.

IV. Cæterum R I C U L F U S, qui Sedem Apostolicam devotè coluisse dicitur in Præfatione Benedicti Levitæ, ad Capitularia, supposititias Epistolas, quæ in hoc Corpore Canonum referuntur sub titulis veterum Pontificum eo animo aut confarcinavit plerasque, aut aliunde acceptas vulgavit, ut Ecclesiæ Romanæ auctoritatem per Gallias firmaret.

4. De Riculfo
hujus Collectionis
auctore vel
propagatore.

V. Et sanè initio quidem earum sententiis, ob Sedis Apostolicæ nomen, multum reverentiæ detulerunt Gallici Antistites: nam ex 2. Fabiani Epistolâ desumptum proculdubio est, quod in Concilio Aquisgranensi anni 838. decernitur de Unctione infirmorum, deque Chrismate quotannis in Cænâ Domini consecrando, secundum statuta Decretalium: & per ea tempora ab Episcopis nostris earundem Epistolarum verba in auctoritatem adduci solita patet legentibus tres postremos Capitularium Libros, quos jussu Otgarii Episcopi Moguntini, ex ejus Ecclesiæ scriniis, ubi ea per Riculfum coacervata fuerant, Benedictus jam nominatus collegit circa annum 850. In illis enim Libris, quemadmodum & in additionibus eorumdem Capitularium, ex ejusmodi pseudepigraphis, Clementis, Anacleti, Pii, Evaristi sequentiumque Pontificum Decretalibus, tacito licet autorum nomine, non pauca constituuntur, & constitutis robur additur. Nec ab illis citandis abstinuit Hincmarus Remensis in opusculis suis: quamvis postea earum veritatem & auctoritatem impugnaverit.

5. Ejus Collectionis auctoritas
initio ingens.

VI. Non tamen idcirco existimandum est Isidori Collectionem generaliter susceptam ab Ecclesiâ Gallicana, atque in Canonum numerum fuisse relata. Contrarium testatur idem Hincmarus Remensis in opusculo adversus Hincmarum Laudunensem, qui ex Epistolis illis privatam sibi Collectionem ad usum Ecclesiæ suæ compegerat. Magnum enim discrimen Remensis constituit inter recepta Innocentii, Leonis, Gelasii Decreta, & inter ea quæ his Epistolis continentur. Illa velut Conciliorum præscriptis consentanea, omninò servanda: Hæc in multis Capitibus adversa Canonibus Conciliorum, non ità ab Ecclesiâ usquequaque custo-

6. Postea in
dubium vocata.

d Lib. 55. Ca-
pitulor. cap. 25.
& 43.

e To. 3. Conci-
lior. Gall.

7. Institit Ni-
colaus I. ut Pon-
tificum præse-
rum Decretales
illa reciperen-
tur.

f Epist. 41.

diri debere. Igitur autoritate Gelasii se tuetur, ut dicat *sacra Concilia, eorumque Canones inviolabiliter servandos; has autem Epistolas pro consolatione quorundam directas venerabiliter ad instructionem suscipiendas.* Quamvis itaque non omnino repudiarentur ab Episcopis nostris illæ Decretales, quamdiu pro veris habebantur: tamen autoritatem Canonum non habebant. Et verò Leo ipse IV. cum anno 849. ad Episcoporum Britannia consultæ responderet, in Epistola, quæ extat apud Sirmondum e, unde haustus est Canon de *Libellis*, dist. 20. testabatur Apostolicam Sedem in Judiciis Ecclesiasticis Canones tantum sequi & Decretalium regulas, quæ, inquit, *habentur apud nos simul cum illis in Canone:* statimque Canones Conciliorum & Pontificum Decreta recenset, quæ in Dionysii Exigui Collectione comprehensa sunt; nullâ Epistolarum Clementis, aliorumque ante Siricium Pontificum, factâ mentione. Nam quoddam ibi Acta Silvestri in aliquibus Codicibus memorantur, ea adjecta postea esse conjicit non immeritò Illustriss. Marca. Præterea advertendum est hæc Acta in Conciliorum, non in Epistolarum numero haberi.

VII. Sed NICOLAUS I. Pontifex, ut recepto ex his Decretalibus jure, Episcopos sibi sine medio subiectos haberet, earum autoritatem omni studio asseruit f epistolâ ad Episcopos Gallia anno 865. scriptâ; ex quâ desumptus est Canon, si *Romanorum*, dist. 19. Contendit enim Decretales illas omnino recipiendas esse; & Gallorum rationes rejicit, quarum præcipua erat, quod hæc Decretales insertæ non essent Codici Canonum. Quæ ratio, si valeret, infert Nicolaus ne sacras quidem Scripturas in Ecclesiâ esse admitendas, cum in Codicem Canonum non sint relatæ: aut si ex eo reciperentur, quoddam Innocentii I. Decreto in Codicem Canonum relato comprehenderentur Libri veteris & novi Testamenti, & recipi juberentur: reponebat Nicolaus, non minùs Decreto Leonis constitutum esse, ut omnia Decretalia constituta decessorum suorum custodirentur. Id alio quoque Decreto Gelasii confirmari in Synodo Romanâ edito, quod refertur in *Canone sanctæ Romanæ* 3. *versu item decretales Epistola*, dist. 19. Verùm ad hæc Hincmarus Remensis, quò Metropolitanorum in Episcopos Provinciales jura tueretur, & horum causas in Provinciali Concilio

definiendas ostenderet, respondebat priscis illis Decretalibus, etsi veræ forent, per Canones posteriores, eâ in re, & in multis aliis Capitulis, esse derogatum; in quibus proinde standum esset juri, quod in Codice Canonum continebatur: quæ huic non adversarentur ea servare Galli non renuebant. Duo autem imprimis ex Epistolis Victoris, Sixti, Marcelli, Zephyrini, Julii, controversiam faciebant: Primum quod in iis constituebatur ne Synodus provincialis criminales Episcoporum causas, inconsultâ sede Romanâ, definiret, ita ut sententia contra eos lata, etiam sine provocacione, inutilis esset; (id enim vult Nicolaus tum epist. 42. tum in Concilio Romano, quod ab eo habitum est in causa Rothadi Episcopi Sueffionensis.) Alterum, ne absque Sedis ejusdem præcepto, vel consensu, ullum Concilium haberetur; quod pertinet *Canon 1. aliique dist. 17.* Huic igitur novitati, quæ pro vetustate obtrudebatur, diu restiterunt Gallicani Antislites. Et post Nicolai quoque obitum, renovata est hæc disceptatio, cum Hadriano II. Joanne VIII. & aliis Pontificibus; donec tandem in Concilio Remensi tempore Hugonis Regis celebrato, videtur aliquatenus valuisse illorum Decretorum autoritas; cum Arnulphi Archiepiscopi causa ventilaretur. Sed de hac controversia latius disserunt Illustriss. Marca, & cum eo Baluzius. ^h Contra quos nititur, plaudentibus non paucis, V. Cl. Joannes Gerbasius, doctrinâ inter Sorbonæ magistros, & Regios Professores cognitus.

VIII. Fatendum tamen est non uno nomine suspectam fuisse, & toram Collectionem quæ Isidori Hispalensis nomine venditabatur, cum multa in ea essent Isidori tempore posteriora; & maximè has verustorum Pontificum Epistolas, quarum fidem male ambulantes plurimæ rationes detegebant. Primum si verè unquam exirissent Epistolæ illæ, sanè in scriniis Ecclesiæ Romanæ servaræ fuissent. Quo posito, parum credibile esset eas Dionysii Exigui diligentiam fugisse. Hic enim se *Præteritorum Apostolica sedis Prasulum constituta, quâ valuerit curâ & diligentia collegisse: & quot quot reperta fuissent digesse affirmat.* Quis ergo si quæ aliæ fuissent, eas ab hoc tam curioso indagatore aut non invenras aut omissas fuisse putaret. Deinde Leo IV. in Epistola ante laudata, post editum hoc Canonum Corpus,

^g Lib. 3. de Concord. cap. 6.

^h I. Præfat. ad libros Ant. Aug. de emendat. Gratiani.

8. *Laborat hujus Collectionis non ex uno Capite, fides.*

cum Decreta enumeraret quibus Romana Ecclesia in judiciis utebatur, nullatenus harum Epistolarum meminerat; non utique prætermittitur hæc Pontificiæ potestatis adminicula, si authentica iudicasset. Par est ratio Rabani Mauri Archiepiscopi Moguntini, qui, licet Riculfi successor, ramen his Epistolis in libris suis non est usus, quemadmodum Antonius Augustinus observat. Quartò, quod vel præcipuum haberi debet, sacræ Scripturæ textus ex B. Hieronymi versione à Pontificibus Hieronymo longè antiquioribus citatur: & quamplurima loca, ex quibus concinnatæ fuerunt Epistolæ sub illorum Pontificum nomine, vel potius pleræque omnes earum sententiæ, ex Patribus, aliisve autoribus quarti, quinti aut sexti seculi de promptæ apparont: adèd ut etiam Legum Imperatoriarum & scholiorum Aniani, quæ in Codice Theodosiano extant, in iisdem Epistolis sæpè verba referantur: quod monuit Antonius Augustinus in notis ad Capitula Hadriani, de quibus capite proximo dicemus. Ejusmodi rationibus victus Bellarminus¹ fatetur se affirmare non audere eas Epistolas esse indubitatas; eas non carere scrupulo.¹ Sed apertius eas Baronius Pontificibus illis abjudicat, ad annum præsertim 865. qui eximius ejus locus à nobis exscriptus est Libro superiori^m.

¹ Lib. 2. de Rom. Pontif. c. 14.

¹ Lib. de script. Ecclesiast. in Clement. scilicet. 8.

^m Cap. 12. §. 4.

9. Sed nihil inde auctoritati Sedis Apostolicæ detrahatur.

IX. Nihil tamen est quod tantopere de harum Epistolarum suspecta fide adversus Catholicos gloriantur Novatores, quasi illarum velut unico clypeo Pontificum Romanorum auctoritas niteretur; quæ solidis aliunde ab ipso Christo fundamentis firmatur. Et quamvis Alfonso Turrianus in his tuendis eruditionem suam probaverit, tamen; ut Hincmarum Remensem taceam, qui earum auctoritatem convellere ab ipso exordio non dubitavit: superiori & nostro seculo plures ex Catholicis Doctoribus fraudem & viderunt & indicarunt, Antonius Contius, Antonius Augustinus, & præter jam citatos Bellarminum, atque Baronium, Jacobus Perronius Cardinalis, Petrus de Marca, aliique: unde non ineleganter Jacobus Sirmondus de Davide Blondello, qui in pseudo-Isidoro suo singula cujusque Epistolæ vitia anxie persecutus est, dixisse fertur, cum toris viribus atque immenso conatu apertum ostium suscepisse effringendum. Sed de his plenius nos lib. 2. harum Prænotionum cap. 12. disseruimus.

CAPUT XXI.

De Hadriani I. Capitulis Angilramno Metensi traditis,
& de Codice Canonum per eundem Pontificem
oblato Carolo Magno.

L BREVE Canonum Collectionem HADRIANUS I. Pontifex Angilramno sive Ingelramno Episcopo Metensi tradidit sub hoc titulo: *Capitula quæ ex Græcis & Latinis Canonibus & Synodis Romanis, atque Decretis Præsulum ac Pontificum Romanorum sparsim collecta sunt, & Ingilramno Mediomatrica Urbis Episcopo, Roma à B. Hadriano Papa tradita sub die 13. Calend. Octob. Indiæ. 9. quando pro sui negotii causâ agebatur.* Indiæ illa significat annum 785.

II. Ea Capitula, Octoginta numero, ad Judicia ferme Episcoporum pertinent: unde causa colligitur eorum excerpendorum, aut concinnandorum, nempe ut Angilramnus iis munitus causam suam adversus falsos accusatores, auctoritate sedis Apostolicæ defenderet. Ex his sunt qui conjiciunt Synodum eo tempore fuisse habitam, in qua Decretum fuerit oportere Jurisdictionem Ecclesiæ Romanæ tueri adversus injurias à primoribus illatas Episcopis, quorum causas ea sedes sibi omninò reservandas esse contendebat.

III. Cum itaque in Epistolis vetustorum Pontificum Isidori Mercatoris Corpore Canonum comprehensis non pauca sint quæ cum his Capitulis prorsus conveniunt, atque iisdem verbis expressa inveniuntur; ea vel Isidorum ex Hadriano esse mutuatum apparet, vel Hadrianum ex Isidori Libro. Quod posterius ut potius credam facile adducor. Alioqui enim dicendum esset ab Hadriano conficta esse illa Capitula. Neque huic conjecturæ obstat quòd Riculfus Archiepiscopus Moguntinus, per quem in Gallia vulgatum est Corpus illud Canonum, nonnisi eodem anno 785. aut etiam, ut alii censent, biennio post, (cum jam Ingilramno tradita essent hæc Capitula) Moguntinam sedem dicitur obtinuisse. Certè cum in illo Canonum Corpore, unus dumtaxat Pontificis Zacharia posterioris nomen occurrat, ejusque Successorum Stephanus junior anno

Nnn

1. Titulus ac
Tempus hujus
Collectionis in-
stituenda.

2. Numerus
Capitulorum,
eorumque tra-
dendorum causa

3. Unde horum
pleraque desum-
pta.

752. sedere ceperit in Petri solio, veri admodum simile videtur, hoc ipso anno confectum fuisse illud Canonum Corpus: ab eo verò tempore ad prædictum annum 785. qui fuit 14. Hadriani, tres ac triginta anni fluxerunt, intra quos facile potuit hoc opus Romam perferri. Nec verò quicquam vetat quo minùs Riculfus eam Collectionem vulgaverit, antequam Episcopatum Moguntinum esset adeptus.

^a *Angilram-
nus quis & qua-
les.*

IV. Cæterùm Ingilramnus ille, cui tradita sunt hæc Capitula, vir proculdubio industrius, nec mediocris eruditionis atque judicii fuit, ut ex eo perspicui potest, quòd Carolus Magnus Rex ab Hadriano postulavit, ut eum, quamvis Episcopum, in comitatu & palatiò suo assiduum habere liceret: quod docet ejusdem Principis in Concilio Francofordiensi oratio, qua parem Gildeboldo Episcopo Archicapellano suo facultatem, post sedis Apostolicæ licentiam, petit à Synodo^a.

^a Cap. 55.

^b *De Epito-
me, seu potius
Codice Canonu-
m, qui Caro-
lo Magno ab
Hadriano obla-
tus.*

V. Sub hujus nostri seculi initium prodit Ingolstadii primum in Tomo 6. antiquarum Lectionum Henrici Canisii, ac deindè Coloniae tomo 3. Conciliorum, *Epitome Canonum Orientalium & Africanorum*, quam Carolo Magno Regi cum Romæ esset, à sæpiùs dicto Hadriano in usum Occidentalium Ecclesiarum oblatam titulus docet. Verùm ex inscriptionibus plurium exemplarium, quæ in Galliæ Bibliothecis reperiuntur, constat non Epitomen, sed integram Canonum ac Decretorum Pontificiorum Collectionem ab hoc Pontifice oblatam Carolo: idque Hadriani Epistola ei volumini præfixa demonstrat, quæ primis singulorum versuum litteris hæc verba reddit: *Domino Excell. Filio Carolo Magno Regi Hadrianus Papa*. Hæc autem Collectio diversa non est ab eo Libro quem Nicolaus^b *Codicem Canonum* vocat, quique apud Moguntiacum excusus anno 1525. deinde in Parisiensi anni 1609. editione, inscriptus est *Codex Canonum vetus Ecclesia Romana*. Hunc autem Librum sub tertiam Caroli in urbem, Hadriano sedente, profectiorem, id est anno 787. datum conjicit Sirmondus, c quem vide.

^b In Can. 1.
dist. 19.

^c Tom. 1. Con-
cil. Galliæ.

CAPUT XXII.

De antiquis Anonymi & Reginonis Collectionibus
secundum Ordinem materiarum.

I. QUOT ante nonum seculum integros Canones collegerunt, temporum ferè Ordinem & Conciliorum atque Epistolarum Pontificiarum seriem secuti sunt: posterioribus aliam methodum placuisse observavimus, ut scilicet in Titulos & Capita, secundum cujusque mentem distributa, universam rei Ecclesiasticæ materiam certas in classes, per Synodorum & Epistolarum particulas, dividerent. Illud quoque ad usum sui temporis convenire censuerunt, ut Conciliorum, quæ in Gallia, in Hispania & Germania habita fuerant, dicta quoque sanctorum Patrum congererent. Ante hos viginti annos Aniquissimus in eo genere habebatur Burchardus Vormaciensis Episcopus: sed postrema hæc tempora vetustiores nobis Collectiones aperuerunt, ex quibus plurima Burchardus deprompsit.

II. Joannes Morinus Oratorii Domini Jesu Presbyter in suo de Pœnitentia erudito tractatu, meminerat *Antiquæ Collectionis* Canonum Pœnitentialium, quæ in MSS. Codicibus adhuc latebat. Eam nuper vir religiosus Lucas Acherius Ordinis Benedictini à Congregatione S. Mauri publicâ luce donavit. AUTOR adhuc *Incognitus* est: vetustum esse atque ante nonum Christi seculum scripsisse ipso ex opere colligitur. Doctrinam & judicium ostendit instituti ratio. Neque enim quidquam, nisi ex limpidis fontibus in suos alveos derivavit, ex Conciliis nimirum Decretisque Pontificiis, quæ in Codice Canonum Ecclesiæ Romanæ continentur, aut ex Conciliis Gallicanis atque Hispanicis, Isidori prioris Corpore comprehensis.

III. Licet autem *Canonum Pœnitentialium* titulum hæc Collectio præferat, pro more scilicet illorum temporum, quibus ad Pœnitentiæ ferè sacramentum omnia ejusmodi opera referebantur: reverà tamen omnis generis Canones complectitur. Dividitur in Libros tres: & Primus quidem Liber de Pœnitentibus & Pœnitentiis peccatorum inscriptus, capit-

1. *Detecti hoc seculo Collectores Canonum antiqui per Capita materiarum.*

2. *Hujusmodi Collectio Anonymi antiqua, quando & ex quibus fontibus derivata.*

a Tom. II. Spicileg. sui.

3. *Ejus operis modus.*

bus 122. constat. Secundus *de Iudiciis*, absolvitur 117. capitulis. Tertius *de Ordinationibus, Gradibus, atque officio Clericorum & Episcoporum*, habet 138. capita: ita ut Collectionis totius capita sint 397.

4. Ea vero *Halitgario* *venustior*.

IV. Hac Collectione usus videtur *Halitgarius* Cameraensis Episcopus in conscribendo libro de Virtutibus & vitiis, quem Ebboni Archiepiscopo Remensi obtulit: de quo post dicendum erit.

5. *De Regino* *nis: collectione* *usque titulo*.

V. Sequenti seculo *Regino* Monachus Ordinis S. Benedicti, Abbas *Prumiensis* Monasterii in Diocesi Treverensi electus anno 892. deinde æmulatorum artibus cedere coactus, Richario successore relicto, in Abbatiam S. Maximi apud Treviros migravit; ubi *Canonum Collectionem* composuisse creditur, quæ sub titulo *de Ecclesiasticis disciplinis & religione Christiana* concepta est: & cujus Trithemius meminit; sed quæ ad hæc nostra tempora typis vulgata non fuerat.

6. *Cujus ea* *iusu conscripta*.

VI. Hæc Collectio iussu Rathbodi Treverensis Archiepiscopi ad usum ejus Dioceseos à Reginone confecta est, ut ex ipso titulo discimus: idque adhuc confirmat sacramentum Synodale, quod extat libri 2. cap. 3. ubi cavetur ut Synodales causæ non celentur Episcopo de Treveris, aut ejus misso.

7. *Videtur an-* *tor ordinem* *Martini Braca-* *rensis imitatus*.

VII. Martini Bracarensis exemplum imitatus videri potest *Regino* in hac Collectione condenda. Quemadmodum enim Martinus id à se observatum monet in sine præfationis, ut in duas partes diviso tractatu, illa quæ ad Episcopos vel universum clerum pertinent prima in parte scripta sint, & similiter quæ ad Laicos pertinent in altera parte sint adunata: ita *Regino* Collectionem suam duobus Libris distinxit, atque in priore ea congregavit quæ ad Episcopos & Clericos referuntur, in posteriorem autem retulit ea fere quæ spectant ad Laicos.

8. *Hujus ope-* *ris ratio*.

VIII. Hunc autem ordinem secutus est ut in fronte Libri I. collocata sit Inquisitio juxta quam Episcopi, eorumve ministri de vitâ Clericorum aliisque rebus ad Ecclesias spectantibus certiorem fieri possent: In principio autem Libri II. posita sit Inquisitio ab Episcopo facienda circa Laicos: deinde in utroque Libro generalibus hujusmodi Inquisitionibus, subjicitur *antiquitas Canonica*, id est, Cano-

num ac Decretorum loca, quibus roborati possunt singula earum Inquisitionum capita. Utitur autem ad illorum probationem non modo Conciliorum Canonibus, & Pontificum Epistolis: verum etiam dictis SS. Patrum, Basilii, Ambrosii, Hieronymi, Augustini, Gregorii, Cassiani quoque, Ferrandi, Benedicti, Fructuosi, Aureliani, Theodori, Bedæ, Rabani Mauri. His etiam Leges adjungit, tum Romanas ex Codice Theodosiano aut Aniani interpretatione; tum etiam Francicas ex Capitularibus Regum & Codice Legum Burgundionum ac Ripuariorum. Sed quamvis permulta ex Isidori corpore Canonum hauserit: raro tamen dubias priscorum Romanorum Pontificum Epistolas citat; & Græcarum Synodorum Canones plerumque ex interpretatione Dionysii Exigui refert. Ex eo verò quòd Gallicorum Conciliorum, quæ non faciliè nunc inveniuntur, Nannetensis, Remensis & Rothomagensis, sæpè à Reginone mentio fiat, atque in illis laudandis numeros adjiciat Canonibus qui numerum Canonum cujusque Concilii aut Epistolæ longè excedunt: conjicit acutè Stephan. Baluzius eum antiquiori Collectione usum, quâ prisci Canones & germanæ Pontificum Epistolæ, cum Gallicanis Conciliis permixtim continerentur, non aliter ac in libris Capitularium factum sit.

IX. Complectitur Liber Primus capita 443. Secundus verò 446. unde sunt capita octingenta octoginta novem; idque præter appendices duas, quarum prior 64. habet capita; posterior reverà 28. tantum. Illa enim octo & viginti quibus constat prima ejus Appendicis medietas, repetita sunt ex Priori appendice, quemadmodum notat ante memoratus Baluzius. Is porro post Helmstadiensis editionem, quam vir Cl. Joachimus Hildebrandus curaverat anno 1659. novam Parisiis adornavit anno 1671. accuratè emendatam ad fidem vetustissimi Codicis, qui in Bibliotheca Oratorii Parisiensis servabatur, & ab eruditissimo ejus Congregationis Presbytero Joanne Morino ^b laudata fuerat: atque has appendices Reginonis non esse, sed jam olim à studioso quodam adjectas probabilibus argumentis evincit. Idem non pauca adducit loca ex Burchardi Decreto, nonnulla etiam ex Decreto Ivonis, ut ostendat horum utrumque plurima ex Reginone descripsisse.

9. Numerus
Capitulum ejus.

^b In lib. de penitencia.

CAPUT XXIII.

De Burchardi Wormatiensis Decreto.

1. *Quis hujus
Decretorum vo-
luminis auctor.*

a Ad ann. 1008.

b In lib. de scri-
ptorib. Ecclesiast.

c In Aorib. Ec-
clesiæ Leodien.

I. B U R C H A R D U S Monachus primùm Lobienſis Cœnobii in Leodiensî Diœceſi; poſtea *Vormatia* Urbis Vangionum in Germaniâ primâ Episcopatum adeptus eſt. Is collaborante O S B E R T O Abbate ſuo, viro doctiſſimo, qui & Gemblacensîs Abbas fuit, magnum volumen Canonum ſive Decretorum compoſuit. Ita enim rem narrat Sigebertus ^a in Chronico. *Burchardus quoque ſis Vormaciensîs Episcopus, qui in Scripturis ſtudioſus, magnum illud Canonum volumen edidit, Scripturarum ſententiis undique compilatis deſtoratum, collaborante ſibi in hoc magiſtro ſuo Olberto Abbate, viro undecumque Doctiſſimo. Idem alibi ^b agens de Oſberto, ſive Olberto eodem, illum ex eo imprimis laudat, quòd Burchardus Episcopus Vormaciensîs ejus magiſterio ad hoc eſt proveltuſ, ut ita Eccleſiaſtica utilitati intenderet, ut ejus ſtudio, ore, & manu, illud magnum Canonum Volumen ad communem omnium utilitatem ederet.* Ex his dubitari poteſt, num hoc opus Oſberto potiùs, quam Burchardo tribuendum videatur; & an Burchardo adhuc Monacho fuerit conſectum. Hoc quidem Bartholomæus Fiſen ^c à Baluzio laudatus, probare videtur ex mſſ. Gemblacensibus, & S. Jacobi Leodiensîs: ubi dicitur Burchardum, quo tempore Monachus, & Oſberti auditor erat, tantam Liſſerarum cognitionem attigiffe, ut incredibili Chriſtiana Reip. bono deſcriptum in viginti Libros Decretorum volumen luci dederit. Illud prius innuit liber de geſtis Abbatum Gemblacensium. Ibi enim Oſbertus ipſe, velut hujus operis auctor indicatur, quo diſſante & magiſtrante Burchardus magnum illud Decretorum volumen cenſioniſavit. His tamen adverſatur ipſius Burchardi Epistoſa, quæ Præfationis loco eſt: eam enim Burchardus addito titulo Episcopi Vormaciensîs Brunichoni ejusdem Eccleſiæ præpoſito ſcribit, atque in ea teſtatur Se, ipſo petente Brunichone, opus illud ſuſcepiffe, ac tandem conſummaſſe; ut haberent juniores Clerici ejus Diœceſeos, unde jura Canonica, & præſertim Pœnitentium formas admodum conſuſas diſcerent. Dici non im-

probabiliter potest hanc Collectionem ductu Osberti in Monasterio conceptam, nonnisi post Episcopatum à Burchardo elaboratam & editam esse; aut ab eo jam Episcopo vocatum ex Monasterio fuisse Osbertum adiutorem.

II. Veteres plerique Codices Inscriptione carent, teste Antonio Augustino.^d Ex antè adductis etuitur verum hujus operis titulum fuisse, ut *Magnum Decretorum volumen* diceretur, comparatione scilicet priorum, veluti Reginonis. Temporis decursu, per abusum, fortè brevitatis causâ, in numero singulari *Decretum* vulgò appellatum est; quemadmodum & sequentes Iyonis & Gratiani Collectiones, quibus alios titulos autores ipsi indiderant.

III. Constat hæc Collectio *Libris*, ut jam vidimus, *Viginti* quorum seriem hic demonstrasse non erit inutile.

2. De *Titulo*
ejusdem operis.
d Lib. 1 de
emendat. Gratiani c. 1.

3. *Quot sint*
ejus *Libri*, eorumque *Ordo*.

MATERIA LIBRORUM XX. Burchardi.

1. **D**E Potestate & Primatu Apostolicæ sedis, Patriarcharum, cæterorumque Primatum, & Metropolitanorum: de Synodo celebrandâ; de accusatis & accusatoribus & testibus, de Judicibus, deque dignitate, negotio & Ministerio Episcoporum.
2. De Congruenti dignitate, Institutione, Vita, Negotio & Ministerio reliquorum Ordinum Ecclesiasticorum.
3. De divinis Domibus, de Decimis, de Justitiis singulorum, & libris Canoniciis aut Apocryphis.
4. De Baptismo & Confirmatione.
5. De Sacramento Corporis & Sanguinis Domini.
6. De Vario genere Homicidiorum, & de Pœnitentia singulorum.
7. De Incesta Copulatione, & separatione conjugum, ac Pœnitentia singulorum.
8. De Viris & fœminis Deo dicatis propositum transgredientibus, & de revocatione, & Pœnitentia eorum.
9. De Virginibus & Viduis non velatis, de Raptoribus, & de Legitimis Conjugiis, de concubinis; & de transgressionibus & Pœnitentia singulorum.
10. De Incantatoribus, Maledicis & Conspiratoribus, & de Pœnitentia singulorum.
11. De Excommunicatis, de furibus &c. & Reconciliatione ac Pœnitentia eorum.
12. De Perjurio, & de Pœnitentia ejus.
13. De observatione facti Jejunii
14. De Crapula & Ebrietate, & de Pœnitentia eorum.

472 *Prænot. Canonic. LIB. III. CAP. XXIII.*

15. De Principibus & de reliquis Laicis, & de ministerio eorum.
16. De Accusatoribus, de Judicibus, de Falsis Testibus & Pœnitentia singulorum.
17. De Fornicatione & Incestu diversi generis, & de Pœnitentia utriusque sexus & diversæ ætatis
18. De Visitatione & Pœnitentia & Reconciliatione infirmorum.
19. De Correctionibus Corporum & Medicinis animarum per Sacerdotem. *
20. De Providentia, de Prædestinatione, de Adventu Antichristi & Novissimis, *

* *Qui liber Corrector dicitur.*

* *Qui liber Speculationum vocatur.*

4. *Ex quibus autoribus ac libris decerpta hæc Decreta, & in præfat.*

IV. In eo elucubrando profitetur autor * se *Synodalia præcepta, sanctaque Instituta, tam ex SS. Patrum sententiis, quam ex Canonicis scriptis in unum fascem ex amplissimo orbe collegisse.* Per amplissimum orbem intelligit sine dubio Corpus Canonum Isidorianum, & posteriorum Conciliorum Canones, Patrumque scripta. Norantur in fronte operis autores præcipui, unde Ecclesiastica hæc Decreta collegit Burchardus, hoc indice,

Ex Canonibus qui Corpus Canonum vocantur.

Ex Apostolorum Canonibus.

Ex Transmarinis Conciliis, (id est Græcis, Africanis, Italicis.)

Ex Conciliis in Germania, Gallia, Hispania celebratis.

Ex Romanorum Pontificum Decretis.

Ex Evangelicis Apostolicisque scripturis.

Ex veteri Testamento.

Ex Libris S. Gregorii.

Ex SS. Hieronymo, Augustino, Ambrosio, Benedicto, Basilio magno, Isidoro.

Ex Pœnitentiali Romano.

Ex Pœnitentiali Theodori.

Ex Pœnitentiali Bedæ.

Fusiùs autores, quibus usus est Burchardus, per classes recenset Boëtius Epo ^f, Prima classis ejus Catalogi est Librorum quatuor sacræ Scripturæ. II. Canonum Apostolicorum. III. Romanorum sexaginta ferme Pontificum, quorum aliquot nomina corrupta. IV. Conciliorum circiter 73. & ipsa non integris nominibus. V. Classis SS. Patrum, seu scriptorum aut Librorum aliorum particularium, 25. ferè numero, in quibus Pœnitentialia tria.

V. Burchardum non immeritò reprehendit Antonius Augustinus, quòd non ipsis ex fontibus, Conciliorum putà

^f Lib. 2. de jure sacro cap. 7. pag. 269.

5. *In quibus præsertim peccaverit Burchardus.*

putà, Decretorum Pontificiorum, & operum à Patribus conscriptorum singula hauserit: sed ex rivulis & stagnis aliorum, priorum nempe collectorum. Baluzius quoque g notat, quemadmodum Regino ex Halitgario & Rabano nonnulla acceperit, sic Burchardum magnam partem suæ Collectionis accepisse ex Reginone, idque exemplis aliquot probat: quod & ex locis Decreti Burchardici ad marginem Reginonis ab eo adscriptis manifestè patet.

g In præfat. ad Reginon. §. 12.

Sed & locorum à se relatorum verba nonnumquam immutat Burchardus, & loca ipsa transfert ad autores non suos. Quo facto Gratianum, qui eum secutus est, in multos errores induxit, ut idem Baluzius observat^h. Hæc titularum mutatio inde orta est, quòd Burchardus Reginonis in legibus civilibus, & præsertim in capitularibus Regum Francorum laudandis, exemplum sequi, eorumve auctoritate uti noluit. Unde quæ ex Capitularibus reverà mutuabatur, aliò refert, ad ipsa nimirum Concilia quorum Canones in Capitularia relati erant; vel ad Epistolas priscis Pontificibus attributas, ex quibus non pauca in Capitularia fuerant transfusa. Quin & falsos aliquando autores ea de causa citat, ne fortè Principum legibus aliquid roboris tribuere videatur. Sic caput 46. Libri 5. Capitularium adscribit Concilio Mediomatricensi, ubi non extat. Sic (ut notarunt Romani Correctores ad Gratianumⁱ) locum ex lib. 1. Capitularium cap. 105. petiit, laudat^l ex Concilio Tolentino, non addito numero; cum tamen in eorum nullo reperiatur. Libro quoque 12. cap. 2. transfert ad dicta Hieronymi Presbyteri, quæ Regino^m accepta fert Capitularibus, Caroli scilicet, ac Ludovici. Alia quoque ejusmodi Baluzius sæpè dictus indicatⁿ. Semel tantum Capitula Caroli Magni Burchardus citat, nempe Capitib. 218. & 219. libri 1. Verum illa adducit, tanquam ab Episcopis apud Aquisgranum collaudata. Ratio autem hujus audaciz usque ad falsitatem provectæ, non alia facillè occurrit, quam quòd colabente Caroli Magni stirpe, post divisum Francorum in Occidentales & Orientales Imperium, & Germaniam à Regum nostrorum Carolidarum ditione annis jam ferè 100. avulsam; pigeret hominem Germanum Regum ac Præsulum Gallicorum Decretis honorem & reverentiam deferre.

h In præfat. ad Ant. Aug. §. 19.

i In Can. Statutum, § 4. xxvij. q. 2.

l Lib. 7. cap. 37.

m Lib. 1. c. 317.

n Ad Ant. Aug. de emendat. Gratiani.

6. *Brocardica*
quid, & unde
dicta.

VI. Cæterùm *Burchardi* nomen Itali & Galli in *Brocardum* deflexerunt : ideo ejus Opus, operisve Capita *Brocardicorum* vocabulo plerumque appellantur. Cum autem non pauci eorum qui docti videri volebant, petitas ex eo sententias ineptè non rarò allegarent; alii ad alienum sensum per jocum detorquerent: hinc factum creditur ut Galli *Brocardorum* nomen pro *Ridiculis* dictis usurpaverint; quo sensu vox illa sumitur à Joanne Janvillano in vita S. Ludovici. Nos adhuc pro scommate, *Brocard* dicimus; & verbo *Brocarder* utimur pro eo quod est verbis contumeliosis insectari.

CAPUT XXIV.

De Tarraconensi & Cesaraugustana Collectione.

1. *De Corpore*
Canonum His-
paniensis.

* In Dialog. de
emendat. Grat.

I. **P**RÆTER Corpus Canonum Hispaniense, quod ex Bibliotheca Ecclesiæ Toletanæ exscriptum habuisse dicitur Antonius Augustinus, & quo usi sunt Romani Correctores in elucidando Gratiano, ut videre est in eorum nota subjecta *Canonis* 1. *dist.* 16. Meminit idem Augustinus sæpius a aliarum Collectionum duarum, quæ in Hispania quoque circa eadem tempora ambæ compositæ feruntur, de quibus alter Antonius Augustinus societatis Jesu, in appendice seu continuatione tractatus de veteribus Canonum Collectoribus, præfixi secundæ parti Epitomes juris Pontificii veteris, cap. 33.

2. *De Collectio-*
ne Tarraconensi.

II. Prior tempore est, quam *TARRACONSENSEM* aut *Populeti* Antonius Augustinus vocat, ex Regio Cisterciensis Ordinis Monasterio, cui *Populeto* nomen, vulgò *Poblet* in Catalonia & Diocesi Tarraconensi, in quo extat adhuc Bibliotheca optima Librorum MSS. Hæc Collectio cum Autoris nullum nomen præferret, idcirco Augustinus à Diocesi in qua eam nactus est, *Tarraconensem* appellavit. Multa in hac Collectione sunt Pontificum Decreta, sed nulla inveniuntur posteriora Gregorio VII. Unde temporis, quo ea concinnata est, probabilis inirur conjectura, ut cum Gregorius VII. die 25. Maii anni 1085. è vivis excesserit, ad eum vel ad proximè præcedentem aut insequentem annum videatur hoc opus referendum.

III. Librum alium CÆSARAUGUSTANUM Antonius Augustinus nominavit, Collectionem nempe MS. ipsi missam è Casaraugustano Cartusianorum Cœnobio, quò post mortem Hieronymi Zuritæ Historici Regii, Annalium Aragonensium scriptoris accurati, pervenerat, ut ipse Augustinus^b testatur. Hæc in Libros 15. divisa est, & præter Conciliorum, ac Pontificum Romanorum Decreta, continet etiam Testimonia Patrum. Ultimus Pontificum quorum in eâ mentio, est Urbanus II. qui obiit 29. die Julii anni 1099. Ex quo colligere licet compaginarum fuisse hoc opus sub finem seculi undecimi.

3. Codex Casaraugustanus, cur ita dictus, & quando compositus.

^b Lib. I. Dial. 5.

IV. Hæ itaque duæ Collectiones iisdem fermè temporibus prodierunt, quibus quæ Anselmo Lucensi adscribitur, & quam exaravit Deus-dedit Cardinalis, de quibus mox. Eo enim tempore propter gravissimas, de investituris præsertim Episcoporum & Abbatum, deque aliis ad Ecclesiasticam jurisdictionem pertinentibus contentiones, atque adeò cruenta bella Imperatorum cum Pontificibus, Henrici nimirum IV. cum Gregorio VII. Victore III. & Urbano II. itemque Henrici V. & seqq. Germanicorum Cæsarum cum Paschali II. ejusque successoribus, scissa in partes hominum studia, plures hinc inde lucubrationes pepererunt, tuendæ utrique Jurisdictioni. Et plures qui jura Ecclesiæ, assertumque à Romanæ sedis Antistitibus honorem propugnabant, propositum suum non aliâ meliori ratione exequi se posse crediderunt, quàm institutis Decretorum Collectionibus.

4. Tempus harum Collectionum.

CAPUT XXV.

De Collectione Anselmo Lucensi adscriptâ, & de Hildeberto Cenomanensi.

I. ANSELMUS, patriâ Mantuanus, ab Alexandro II. Papa LUCENSIS in Tuscia creatus Episcopus anno 1071. deinde cum in Monasterium se abdideret, à Gregorio VII. ad Episcopatum revocatus acerrimus, in defendendis juribus Pontificiis ei adjutor fuit^a. Obiit die 18. Martii anno 1086. sepultusque est Mantuæ, quò se recipere coactus fuerat, Episcopatu suo pulsus ab Imperatore. Dici-

1. Hujus Anselmi tempus, dignitas, institutum.

^a Sigebert. adan. 1086. & post eum alioque Baron in Annalib. & in Martyrolog.

tur ejus corpus in Ecclesiâ Cathedrali S. Petri apud Mantuam integrum in hunc usque diem servari. Hallucinatus est Sixtus Senensis, qui Anselmum Mantuanum Episcopum fuisse scribit, & ab eo Anselmum Episcopum Lucensem distinguunt *Gregorii Suanensis Papa VII. cooperatorem inde- fectum.*

2. *Ejus opera.* II. Extant & apud Henricum Canisum, & in magna Bibliotheca veterum Patrum tom. xv. Parisiensis editionis, & in Colonienſi tom. xi. hujus Anselmi *Libri duo contra Gilbertum Antipapam* pro defensione Gregorii VII. & *Collectanea* quædam ex variis scriptoribus eidem Anselmo assignata, quibus demonstrare studet Ecclesiæ facultates non esse in potestate Regis aut Cæsaris.

3. *De hac Canonum Collectio.* III. Ei quoque adscribitur *COLLECTIO CANONUM*, cujus titulus in Codice Romano sic concipitur: *Authentica & compendiosa Collectio Regulatum & sententiarum SS. Patrum & autorabilium Conciliorum.*

4. *Numerus Librorum hujus operis.* IV. Constat hæc Collectio libris Tredecim, licet in exemplari veteri Antonii Augustini duodecim duntaxat Libri sint. Sed hoc ex eo proficiscitur, quod omisso libro x^{to}. Ejus loco undecimus numeratur qui aliis est xxi^{us}. & sic xxi. vocatur, qui reverà est xxi. ut traditur in Præfatione ejusdem Augustini, de Collectoribus^b, & videre est in Codice Bibliothecæ Sancti Germani.

5. *Materia cujusque Libri per indicem.* V. Singulorum Librorum materia, & quæ operis ordinem aperiet, hic indicanda videtur.

Est ergo Liber Primus de Potestate & Primatu Apostolicæ sedis.

II. De Libertate Appellationis.

III. De Ordine Accusandi, Testificandi, & judicandi.

IV. De Privilegiorum autoritate.

V. De Ordinationibus Ecclesiarum, & de omni jure ac statu illarum.

VI. De Electione & Ordinatione, ac de omni potestate sive statu Episcoporum.

VII. De Vita & Ordinatione Clericorum.

VIII. De Lapsis.

IX. De Sacramentis.

X. De Conjugiis.

XI. De Pœnitentiis.

XII. De Excommunicatione.

XIII. De Vindicta & Persecutione justa.

VI. Verùm apud eruditos ambigitur utrùm *Anselmi* *La-*

6. *De hujus operis auctore dubitatur.*

ensis hæc Collectio sit: nec pauca opponuntur quæ hoc ei opus videntur abjudicare, siquidem Sigeberto habenda fides Anselmi obitum signanti ante Urbani junioris electionem, id est ante annum 1098. Etenim in veteri exemplari descripta est initio operis series Pontificum, quæ ad Paschalem minorem decurrit, sive ad annum saltem 1100. In Romano Codice adjiciuntur præter Paschalem, Gelasius II. & Callistus II. plenè annotatis cujusque annis, mensibus ac diebus. Imò & Honorius atque Innocentius juniores adduntur, sed absque temporis, quo ceperunt, annotatione. Callistus autem II. anno 1120. Pontificiam Cathedram adeptus est, quatuor ferè ac triginta annis post exitum Anselmi. Deinde in hac Collectione reperiuntur constitutiones aliquot Urbani posterioris & Paschalis, quas eadem de causâ videre non potuit Anselmus. Apparet præterea hunc Collectorem notitiam habuisse Decretorum à Burcardo Collectorum: quod & aliquot Capitibus adscriptum est in exemplo Romano; in quo multa etiam leguntur capita desumpta ex Ivonis Carnotensis Pannormia; quædam etiam ex Concilio Romano Callisti junioris, aliisque Libris Anselmo posterioribus.

VII. His de causis suspicatur Antonius Augustinus, præfationis de Collector. Cap. 30. hujus, aut Cæsaraugustanæ, vel Tarraconensis Collectionis, quæ autoris nomine caret, (quemadmodum hæc quoque in plerisque Codicibus) autorem esse *Hilbertum* Episcopum Cenomanensem, ac postea Turonensem Archiepiscopum, qui, circa hæc tempora, alia quoque opuscula edidit, tum metro, tum prosa, ut Trithemius testatur. Fuit hic Hilbertus Berengarii discipulus, sed erroris ejusdem persecutor, de quo videndus præter cæteros B. Antoninus c. Ratio autem hujus conjecturæ petitur imprimis ex ipsius Hilberti epistola 49. alias 48. quæ cum aliis tom. 3. Bibliothecæ Patrum, & in veteri Libro habetur. Ibi testatur Hilbertus se hujus generis opus exarasse, *Excerptiones autem, inquit, Decretorum, quas in unum volumen ordinare disposuimus, ad suum finem nondum perductæ sunt &c. bonam tamen explevimus partem.*

VIII. Itaque in eam sententiam proclivior videtur Antonius Augustinus sæpius laudatus, ut Anselmo Lucensi

7. *Hilbertus
Cenomanensis
à nonnullis at-
tribuitur.*

c Speculi Hist. 3.
part. tit. 16. c. 9.

8. *Berengarii
tractatus aucto-
r Anselmus.*

d Tom. 6. antiq.
lection.

brevem tantum Canonum Collectionem assignet, quæ ab Henrico Canisio^d edita est, ut paulò antè à nobis est observatum. Verùm ea tractatus potius dici debet, *De facultatibus Ecclesiæ à secularibus non usurpandis*, ex scripturarum testimoniis, Conciliis, Romanisque Pontificibus, quàm Collectio. Alia quoque Anselmus idem scripsit, in Lamentationes Hieremiz, ac Psalmos aliquot, præter *Epistolas* ad diversos.

9. Nec omnino
improbabile est
Anselmi esse
hanc Collectionem.

IX. Sed quod de Hildeberto dictum est, ad Cæsaraugustanam vel Tarraconensem Collectiones (de quibus suprà) referri fortè potest, ut is earum alterius autor fuerit. Et quamvis non levia sint argumenta, ob quæ de hujus Collectionis autore ambigi ostendimus: ea tamen non ejusmodi sunt, ut solvi nequeant, præsertim cum Correctores Romani eam Anselmo adscribant, nec in antiquissimis Codicibus, (ut nec in eo qui ex Bibliotheca Barberina descriptus, in Bibliotheca S. Germani Parisiensis servatur) ulla occurrant Pontificum Romanorum Decreta, nisi eorum qui Apostolicam sedem ante annum 1086. & Anselmi obitum tenuerunt. Hinc nullo negotio refellitur potissimum argumentum, quo ii nituntur, qui ejus autorem negant Anselmum Lucensem: & quamvis titulus & nomen auctoris in quibusdam Codicibus desideretur, id huic libro cum aliis benè multis MSS. Codicibus est commune; satisque est quòd ex aliis vetustissimis exemplaribus suppleri inscriptio potest, veluti ex eo quod in Bibliotheca Barberina est aut fuit, ex qua exemplum, de quo suprà, in Sancti Germani Bibliothecam translatus habemus operà D. Lucæ Acherii.

Quæ autem in quibusdam exemplis continentur, eorum Pontificum Decreta, quorum tempore Anselmus jam in vivis esse desierat, ea facile à posterioribus adjici potuerunt. Illud magis urget, quòd nec Trithemius, nec Siebertus antè laudatus, qui circa ea tempora scribebat; ac ne autor quidem antiquus vitæ ipsius Anselmi, curà Sebastiani Tengnagelii vulgaris, cum Anselmi Libros recenseant, hujus Collectionis meminerunt: quæ opinor causa præcipua fuit cur D. Acherius ante nominatus hanc Canonum Collectionem, ut cogitaverat^e, in publicam lucem emittere neglexcrit.

^d Tom. 12. Spicileg. sui.

CAPUT XXVI.

De Collectione Deus - dedit Cardinalis.

LEUS-DEDIT presbyter *Cardinalis* tituli SS. Apostolorum in Eudoxiâ, geminum opus hujus generis composuit, COLLECTIONEM sive *Librum* CANONUM, quem Victori III. Pontifici sub annum 1087. obtulit, quemadmodum ex Pontificali discimus in ejus Pontificis vita: & præterea *Libros Quatuor de rebus Ecclesiasticis*; quod utrumque Opus in Vaticana Bibliotheca servatur, ut notant correctores Romani *. Posterius opus videtur etiam inscriptum *Contra inuvasores & Simoniacos, & reliquos Schismaticos*, compositum tempore Urbani junioris, circa annum scilicet 1090. Utriusque operis meminit Baronius b. Causa autem scribendi fuit defensio Libertatis Ecclesiasticæ adversus Henricum IV. Imperatorem, qui jus concedendi Ecclesias & Monasteria, atque Episcopos & Abbates per annulum & virgam investendi sibi armis asserbat, renitente Gregorio VII. ejusque successoribus.

1. *Hujus Cardinalis duo Collectanea Canonum, & eorum scribendorum causa.*

* Ad Can. 6 Pa-
pa 6. dist. 40.

6 Tom. 11. A
nal. ad an. 1087.

II. Ex duobus ejus operibus Antonius Augustinus Jesuita, in appendice præfationis de Collectoribus e, aliterius tantum præfationem, alterius duo exempla se vidisse testatur, ex libro veteri Romæ reperto in sacrario S. Petri. Amborum idem ferè propositum aperiant verba ab eodem Augustino adducta ex præfationibus.

2. *Ejus in utroque opere propositum, ex ipsius prefationibus elucet.*

€ Cap. 18.

III. In prioris præfatione hæc leguntur. *Ex variis SS. Patrum & Christianorum Principum autoritatibus, potioribus quibusque in unum congestis, præsens destitavit opusculum, quadrifariâ dispartitum partitione.*

3. Collectionis
huius divisio, &
modus.

PRIMUS Liber continet Privilegium autoritatis Romanæ Ecclesiæ:
& quoniam Ecclesia sine Clero suo esse non potest, nec Clerus absque
rebus, quibus in temporalibus subsistat, huic subiunxit SECUNDUM
& TERTIUM de Clero & de rebus eiusdem Ecclesiæ. Quia verò
seculi potestas Dei Ecclesiam sibi subiugare nstituitur, Libertas
ipsum Ecclesiæ, & Cleri, & rerum ejus TERTIO, & maxime
QUARTO libro evidenter ostenditur. Singulas autem deo-
rationes huic operi insertas juxta ordinem Capitulorum minime

locavit; quia pend omnes alia bina, alia plura negotia continent, &c.

Ex his, & ex marginalibus Correctorum Romanorum notis, patet Collectionem à Cardinali *Deus-dedit* elaboratam Quatuor Libris sive Partibus constare, Partes autem in Capitula dividi.

4. *Divisio & ratio tractatus contra invasores.*

IV. In Libro autem contra invasores &c. sic ait. *Quatuor itaque sunt de quibus, Deo autore, scribere proponimus: PRIMUM quod Regi non liceat sacro-sanctis Ecclesiis Episcopos constituere: SECUNDUM, de Simoniacis, Schismaticis & eorum sacerdotio & sacrificio &c. TERTIUM, quod Clerus à secularibus pasci debeat, atque honorari, non infamari, vel judicari, ne persequi. QUARTUM quod seculari Potestati non liceat in Ecclesiam Clericos introducere, vel expellere, nec res Ecclesiasticas regere, vel in sua jura transferre.*

5. *Tractandi ratio hic diversa ab aliorum Collectionum usu.*

V. Hic autem Cardinalis non eandem inijt viam, quam Burchardus, Ivo, Anselmus & Gratianus, qui dicta Patrum vel Conciliorum tantum collegere. Ipse verò plura proponit argumenta, quæ autoritate Patrum confirmat, aliena dicta confutans; atque acriter omnino in causa suscepta versatur: & multa quidem colligit, sed non omnia ex fontibus haurit; neque omnibus certis utitur auctoritatibus. Videndus Antonius Augustinus Tarraconensis Archiepiscopus d.

d. In præfat. ad antiq. Collection. & ad Canones Pœnit. & lib. 1. de emend. Grat. dial. 5.

CAPUT XXVII.

De Ivonis Carnotensis Decreto.

1. *Cujus, & qualis Ivo Carnotensis, & quo tempore vixerit.*

I. **I**VO, sive, ut alii scribunt, *Ivo*, in agro Bellovacensi nobilibus ortus parentibus, Lanfrancum (non Abbatem, sed priorem Beccensis Monasterii) magistrum habuit Theologicæ disciplinæ. Inde Abbas, sive Præpositus fuit Canonicorum Regularium Ordinis S. Augustini constitutus in Bellovacensi S. Quintini Cœnobio, quod à Guidone Episcopo anno Christi 1078. conditum est. Tandem ab Urbano II. Pontifice CARNOTENSIS Episcopus consecratus est Capuz anno 1092. Deinde in Galliam rediit, ubi post gravissima negotia, tum Ecclesiastica, tum civilia administrata

nistrata & pertractata, non sine molestis ac diuturnis laboribus, in Episcopo suo decessit anno Christi 1115. Episcopatus 22. exacto.

II. Ejus opera non unius generis sunt: Sed cum aliis, duo imprimis illi adscribuntur Canonica volumina, *Decretum*, & *Pannormia*. Verùm notandum est ea sæpe à scriptoribus confundi. De illis Trithemius: ipse non satis distinctè. *Vir in Divinis Scripturis exercitatus, & Canonum Sanctorum Patrum, ac generalium Conciliorum cautissimus interpres, nec minùs sanctitate quàm scientiâ reverendus, Ordinem suum (Canonico-rum Regularium S. Augustini) collapsum, magnificè reformavit. Scripsit post Burchardum Vormaciensem Episcopum, ex Canonibus Sanctorum compendiosum Decretum, quo ante Gratiani tempora utebantur Iuriste; quod prænotavit Pannormiam, Libris Decem; EXCERPTIONES ECCLESIASTICAS; Epistolarum ad diversos Librum I. Pro Excerptiões, legerunt nonnulli Excerptiões: sed corruptè; cum nullus sit ejus nominis sensus, qui quidem ad rem pertineat. Hinc tamen patet Decreti titulum à Trithemio tribui Pannormia, contrà quàm usus ferat.*

III. DECRETUM circa annum 1100. in lucem exiit. Decreti nomine dicta est per abusum (quemadmodum & Burchardi & Gratiani Decretum) major Canonum Collectio, quam ipse Ivo EXCERPTIONES ECCLESIASTICARUM REGULARUM inscripsit. Regulas autem illas sive Canones partim ex Epistolis Romanorum Pontificum, partim ex gestis Conciliorum Catholicorum Episcoporum, partim ex Tractatibus Patrum Orthodoxorum, partim ex Constitutionibus Catholicorum Regum, in unum Corpus adunare curavit, quemadmodum ipse in præfatione hujus operis ait. Per Constitutiones autem Principum, tam Codicem Theodosianum & Iustiniani Libros, quàm Regum Francorum Capitularia intelligit; quibus, in xv i. præsertim operis illius parte, usus est, Regionis exemplo: quod Burchardus vitaverat, quasi nullæ essent in rebus Ecclesiasticis Christianorum Principum partes.

IV. Auctorum ex quibus sua in hoc Decretorum volumine Ivo decerpfit, Catalogum habes apud Boëtium Epone-m^b.

V. Notat Antonius Contius, in præfatione ad Gratiani

2. Ejus opera Canonica.

a Lib. 1. de scriptorib. Ecclesiast.

3. Decreti sem-pus, verus titulus, & fontes generales.

4. Vbi nomina auctorum qui: us Ivo Carnot. est usus.

b Lib. 2. de jure facto.

5. Mensura Decreti inscriptio Correcta.

Decretum, sibi ex Bibliothecâ Sancti Victoris. Parisiensis communicatam fuisse majorem hanc Canonum & Decretorum Collectionem, cui inscriptus erat titulus *Decreta Ioviniani*; quam inscriptionem falsam putat, & ex ignorantia Librariorum adscriptam. Verùm Codex ille vetustissimus nulum in fronte titulum aut nomen auctoris præfert: sed ad calcem scriptum est, *explicit liber Canonum*: ac deinde sequenti folio, aliâ & recentiore manu adjectum legitur. *Liber Canonum superscriptus Decreta Ioviniani, quem composuit Ivo quondam Carnotensis Episcopus, & continet septemdecim partes principales.* Nimirum scribere voluit Librarius, aut certe scribendum fuit, *Decreta Ivoniana.*

6. Editiones
duæ Decreti Ivo-
nis

VI. Duæ hujus opetis extant editiones: prior *Lovanien-
sis* anni 1561. operâ Joannis Molinæ, Decretorum in ea Universitate Professoris, qui Ivonis opus supra Gratiani Decretum, sive ordinis concinnitate, sive etiam rerum amplitudine, longè extollit: quod quidem ægrè tulit Boëtius Epo. Altera Editio *Parisiensis*, cum aliis Ivonis operibus, Epistolis nempe, & sermonibus aliquot, ac brevi Chronico Francorum, anno 1647. prodiit, curante Joanne Frontone Canonico Regulari Sanctæ Genovefæ, adjectis Joannis Soucheri Doctoris Theologi & Canonici Carnotensis, ac Juræti in Epistolas notis.

7. Divisio, &
ordo hujus De-
creti, à Bur-
chardico ali-
quantum diver-
sus.

VII. Dividitur opus Universum in septemdecim Partes, sive Libros. Hæ Partes per Capitula sua divisæ, diverso aliquantùm ordine, respondent viginti Burchardi Libris, ut illorum 20. Librorum Indicem Capite 26. exhibitum, conferenti cum Ivonis 17. Partium tabula, proximo capite subji-
cienda, patebit.

8. An eum-
ta
sumptis ex
Burchardo.

VIII. Quidam Ivonem Carnotensem omnia ferè ex Burchardo esse mutuatum volunt, exceptâ II. parte in quâ plenius de Berengarii circa Eucharistiam errore tractavit, & XVI. parte, in quâ multa sunt ex jure civili Romanorum, & ex Capitularibus Caroli Magni, aliorumque Regum de prompta. Id eatenus verum videri potest, quatenus eosdem Canones, seu Decreta eadem, in suam uterque Collectionem intulerunt: sed horum pleraque ab utroque hausta sunt ex Reginone, ex quo Burchardum non minùs 670. capitibus in suum Decretorum Corpus transfuisse observat accuratus harum rerum indagator Stephanus Baluzius.

IX. Incertus, sed vetus scriptor aliam Collectionem Canonum ac Decretorum adornavit ipso Ivonis ævo, pleraque ex eo desumens: quæ Collectio extat MS. in Bibliothecâ regiâ, teste eodem Baluzio in præfatione ad Epistolam Rabani Mauri.

9. De alia ejusdem temporis Collectione non ab simili.

c §. 6. In fine.

CAPUT XXVIII.

De Pannormia.

I. **A**LTERUM Collectionum Canonicarum Opus, quod Ivoni tribuitur, PANNORMIA seu *Panormia vocatur*, quasi quod omnes vitæ ac disciplinæ Ecclesiasticæ normas contineat. Contius & Possevinus, aliique ^a, quibus minus arridet Græco simul & Latino sermone compositum *Pannormia* nomen, *Pannormiam* dicendam censuerunt, quasi quandam omnium legum cumulum.

1. De Nomine *Pannormia*.

a In apparatu.

Verùm hic titulus non faciliè in vetustis Codicibus invenitur: neque id multum curasse autor videtur, an ex Græcis tantùm fontibus vocabulum componeret; an partim ex Græco, partim ex Latino derivaret.

II. Sebastianus Brant Basileæ anno 1499. eam sub nomine Ivonis edidit, non sine mendis; atque ex Vincentio Bellouacensi hæc addidit. *Ivo, qui Episcopus Carnotensis fuit, inter alia laudabilia ingenii sui opera, Decreta Apostolica abbreviando compilavit; ordinando sub titulis ea qua prius Isidorus in unum magnum volumen redegerat, nullum alium habentia ordinem, nisi secundum Pontificum Romanorum tempora. Quæ quidem Decreta Ivo abbreviavit, quia scribi non poterant sine magno sumptu. Ipsa quoque Capita distinxit, & multas SS. Patrum sententias inseruit. Hunc autem suum Librum PANNORMIAM appellavit, quasi totius Iustitiæ sive Legis materiam continentem, à nã, quod est totum, & vòpus Lex, sive iustitia: sive à NORMA, qua est Regula, sive fabricarum directorium. Sed quia Ivonis non parva quantitatis erat opus, HUGO CATALANUS ex eodem abbreviato, Libellum portatilem legitur composuisse, qua SUMMA DECRETORUM Ivonis intitulatur.*

2. Eius editio 1. & historia.

3. Pannormia ac Decretorum

III. Pannormiæ Titulus, sive initium, in veteri Codice

Ppp ij

Tiruli, ab editoribus aliisque scriptoribus confusi: autor Pannormia dubius
b Cap. 1.

c In præfat. ad Decret.

4. *Afferenda videtur Ivoni adversus Hugonem Catalanum Pannormia, quæ diversa est ab Epitome Decretorum.*

Antonij Augustini, ipso teste, in libro 1. de emendatione Gratiani^b, sic habet. *Incipit Liber Sacrorum Canonum.* Sed in eo nulla est præfatio, nullum scriptoris nomen. Desiderantur etiam numeri singulorum cujusque Partis Titulorum: defunt & hi Tituli in aliis Codicibus, atque in editione Joannis Molinæ: unde tam ipse, quàm Romani Correctores in Notis Gratiano adscriptis, Partium tantùm & Capitum rationem habent. Titulos adjecit Melchior à Vosmediano in editione Lovaniensi anni 1557. Idemque multorum capitulorum, quæ anonyma erant, autores indicavit. Joannes autem Molinæ^c agens de PANNORMIA sive *Summa Decretorum Ivonis*, sic loquitur: *qui Liber ipsi Sebastiano Brant, aliisque omnibus creditus est hæcenus DECRETORUM esse Ivonis Carnotensis, cum interim nihil sit quàm mendis ac erroribus scatens EPITOME; eaque, meo quidem judicio, Incerti Autoris: quamvis non desint qui HUGONEM CATALANUM fuisse compendiarium suspicentur.* At Joannes Trithemius, non modò Pannormiam Ivonis appellat: sed & initium adjicit *Excerptiones &c.* quod tamen reverà est initium *Decretorum Ivonis*. Sic enim incipit *Decretorum sive Decreti Ivoniani Præfatio*, tum in Libris editis: tum etiam in ipsis Ivonis Epistolis. Quanquàm in quibusdam MSS. Codicibus, & apud Vosmedianum idem Prologus Pannormiæ præpositus invenitur, nisi quod Prima vox mendosè in his, ut & in quibusdam Decreti exemplaribus, scripta est, ut jam diximus, *Exceptiones* scilicet, cum vera scriptura sit *Excerptiones*, hoc est, Excerpta, ex Canonibus nempe Conciliorum, Decretis Pontificum, &c.

IV. Causæ cur alium ab Ivone Carnotensi autorem Pannormiæ plerique assignaverint, duæ imprimis sunt. Una quòd in ea sub finem scripta sint quædam non solum Callisti II. sed etiam Innocentii II. Decreta, qui Pontifices nonnisi post Ivonis obitum Romanam Ecclesiam rexerunt. Altera quòd in nonnullis, ut dixi, exemplaribus eadem Pannormiæ quæ Decretorum operi Præfatio præfixa sit. Idcirco fuere qui Hugoni Catalano, seu *Catalaunensi* Pannormiam adscriberent, à quo, ut jam dictum est, Vincentius Bellovacensis testatur ex Decretorum volumine abbreviato libellum portatilem compositum esse, qui *summa Ivonis* appellatur. Sed, quod ad primum argumentum

attinet, fatetur Antonius Augustinus potuisse ab aliis pauca illa posteriora Ivone Decreta, Pannormiæ adjici. Et reverà duo vetustissima ejus exemplaria manuscripta, in Monasteriis Aquicinctensi & Blandinensi à se visa refert eruditus perinde ac religiosus vir, Joannes Mabillonius, Benedictinus; in quibus & nomen Ivonis Episcopi Carnotensis scriptum est, & Decreta illa Innocentii II. desiderantur.

Præfatio autem in plerisque exemplaribus deest; potuitque Autor, cum alterum opus de iisdem rebus componeret, eadem Præfatione uti. Quod quidem probabilius est, quàm si dicamus Catalanum vel Catalaunensem Hugonem, aliumve quempiam, alienum prologum operi suo attexuisse. Ipse autem Titulus *Summa Decretorum Ivonis*, quem Vincentius Hugonis illius operi attribuit, facilè ostendit hujus Librum à Pannormiâ diversum fuisse: quæ in vetustissimo Codice MS. S. Victoris, & in duobus antiquis Codicibus sancti Albini Andegavensis, atque in omnibus editionibus, non Summa Decretorum, sed *Pannormia* perpetuò vocatur. Prætereà Pannormiam non esse Decretorum Ivonis Epitomen, non solum ex ipsa mole, sed inde quoque colligit doctissimus Augustinus, quòd hæc dux Collectiones in paucis conveniant. Quin etiam conjicit Baluzius Victorinum Pannormiæ Codicem Hugone Catalaunensi antiquiorem esse.

V. Porro Gratianum ex Pannormiæ volumine plura, quàm ex Burchardi aut Ivonis Decretis desumpsisse suspicatur sæpius laudatus Antonius, cum & eodem ordine pleraque referat.

5. *Pannormia*
usque Gratianus.

VI. Quod autem Trichemius ait, Pontificii Jûris Interpretes ante Gratiani tempora compendioso Decreto Ivonis, quod Pannormiam prænotavit, usos esse: confusis utriusque operis nominibus, ut proximo Capite observatum est. *Pannormiam* sine dubio pro *Decreto* accepit. Nam & *Excerptiones* adjicit, qui verus est titulus, ut diximus, Decretorum Ivonis: & aliunde ex antiquis omnibus satis constat Decretum, ante Gratiani tempora, fundum, ut ita dicam, fuisse scientiæ Canoniciæ, ut ipse quoque Trichemius notavit.

6. *Pannormia*
pro Decretorum
opere aliquando
sumitur, sed per-
peram.

VII. Nec verò in Decem, sed in Octo tantum Libros divisum est Pannormiæ Opus; atque illud nonnulli assignarunt Hildebert, Cenomanensi Episcopo, qui post Turonensis Archiepiscopus fuit: & quem simile aliquid tentasse liquet

7. *Pannormia*,
Divisio in 8. li-
bros.

ex ejus Epistolâ quadragesimâ septimâ, ut antea observavimus.

8. Collatio n-
trinsque operis
Yvoniani.

VIII. Est autem diversus ordo horum duorum voluminum, ut ex sequenti utriusque Indice constabit.

ORDO PARTIUM COMPARATIO
Decreti Ivonis Carnotensis.
Librorum sive Partium, &
Titulorum seu Particularum PANNORMIÆ cum
Decreto Ivonis.

PARS I.

De FIDE.
Et Sacramento fidei, id est, BAPTISMA-
TISMO.
Et Ministerio Baptizandorum &
Baptizatorum;
CONFIRMATIONIS & Con-
signatorum;
Et de observatione singulorum;
Et quid conferat Baptisma, quid
Confirmatio.

PARS II.

De Sacramento CORPORIS ET
SANGUINIS Domini,
Et de ejus perceptione,
Et Observatione;
De MISSA, & aliosum Sacra-
mentorum Sanctitate.

PARS III.

De ECCLESIA,
Et de REBUS ECCLESIASTICIS.
Et eorumdem REVERENTIA.
Et OBSERVATIONE.

PARS IV.

De Observandis FESTIVITATIBUS.
De JEJUNIIS legitimis.
De SCRIPTURIS Canonicis.
De Observandis LEGIBUS & Con-
suetudinibus.
Et de celebratione CONCILIORUM,

LIBRI I.

TIT. 1. De Summa Trinitate, &
FIDE Catholica.
2. De Sacramento BAPTISMI.
3. De Sacramento CONFIRMATIONIS.

LIBRI I.

TIT. 4. De Sacramento EUCHARISTIA, & celebratione MISSARUM.

LIBRI II.

TIT. 7. De Constitutione & Consecratione ECCLESiarum & oblationibus Fidelium.
3. De Sepulturis.
4. De Presbyteris & eorum Ecclesiis.
5. De Decimis.
6. De Prescriptione & Possessione.
7. De CONFUGIENTIBUS ad Ecclesiam.
8. De Sacrilegiis.
10. De ALIENATIONE & Commutatione rerum Ecclesiasticarum.

LIBRI II.

TIT. 11. Qui LIBRI ab Ecclesia sunt recepti.
12. De LEGIBUS & Consuetudine.
Et de CONCILIIS.
13. De Observatione SABBATI.
14. De JEJUNIO & de Eleemosynis

LIBRI VIII.

TIT. 2. *Qui LIBRI, & quotem-
pore LEGENDI in Ecclesia.*

LIBRI III.

TIT. 1. *De Electione & Consecratio-
ne PAPA.*

1. *De CONSECRATIONE AR-
CHIEPISCOPORUM & EPISCO-
PORUM & PRESBYTERORUM.*

5. *De MUTATIONE Episcoporum
& Sacerdotum.*

LIBRI IV.

TIT. 1. *De PRIMATU Romana
Ecclesia, & de JURE METROPO-
LITANORUM atque EPISCOPO-
RUM & de ORDINATIONE eorum.*

3. *De Provinciis constituendis.*

4. *De Potestate Primatum & Archi-
episcoporum.*

LIBRI III.

TIT. 3. *De aetate & qualitate OR-
dinandorum.*

4. *De Ordinibus Clericorum & de
officiis eorum qui sunt Ordina-di.*

6. *De Ordinatis non reordinandis.*

7. *De Continentia Clericorum.*

8. *De Simoniaci Ordinatis &c.*

9. *De professione Hæreticorum.*

14. *De VITA Clericorum*

LIBRI IV.

TIT. 5. *De Negotiis & CAUSIS
CLERICORUM.*

LIBRI III.

TIT. 10. *De LAPSIDIS in sacris
Ordinibus.*

15. *De RELIGIOSIS seu Monachis.*

16. *De Virginitate & Viduis Velatis &
Abbatissis.*

LIBRI VI.

TIT. 1. *De Nuptiis & MATRI-
MONIIS.*

2. *Inter quas Personas Conjugium pos-
sibile esse.*

3. *De CONCUSINIS.*

4. *De Secundis Nuptiis.*

5. *De Conjugibus quorum alter sine
altero continentiam servat.*

PARS V.

DE PRIMATU Romanæ Ecclesiæ,
Et de JURE PRIMATUM & METRO-
POLITANORUM atque
EPISCOPORUM.

Et de ORDINATIONE eorum.
Et de sublimitate Episcopali.

PARS VI.

DE CLERICORUM CONVERSATIO-
NE & ORDINATIONE,
Et Correctione,
Et CAUSIS.

PARS VII.

DE MONACHORUM & Mona-
charum Singularitate & Quietate.
Et de REVOCATIONE & Pro-
sententia eorum qui Continentiæ pro-
positum transgrediuntur.

PARS VIII.

DE LEGITIMIS CONJUGIIS
DE VIRGINIBUS & VIDUIS
non Velatis
Et de Separatione eorum;
DE CONCUSINIS.
Et de TRANSGRESSIONE CON-
jugis,
Et Penitentia singulorum.

6. De Mulieribus quæ, viris in capti-
vitate existentibus, alteri nubunt.

7. Conjugium debet esse inter personas
eiusdem Religionis.

8. Quare non debet solui conjugium,
& quod sine Consensu utriusque non sit
conjugium.

LIBRI VII.

TIT. 1. De SEPARATIONE con-
jugii ob causam carnalis Fornicationis.

3. De ADULTERIO.

6. Quod adulteræ debeant esse subiectæ
viris.

LIBRI VI.

TIT. 9. De SEPARATIONE con-
jugii propter errorem conditionis.

10. De impotentia cōiundi

11. De eo qui dormit cum sponsa fra-
tris sui, & de SEPARATIONE con-
jugii non ob causam fornicationis.

LIBRI VII.

TIT. 2. De viro qui cum uxore alio-
rins fornicatur.

4. De Fornicatione Spiritualis

5. De Reconciliatione Conjugum &
juramento Reconciliationis.

7. Quare INTER CONSANGUINEOS
non sit conjugium.

8. Quod cum Commatribus spiritualibus
non sit conjugium.

9. De CONSANGUINITATE &
AFFINITATE

10. Qui Accusare Matrimonium pos-
sint.

11. De GRADIBUS COGNATIONUM.

LIBRI III.

TIT. 12. De Clerico Homicida.

LIBRI VII.

TIT. 1. De INTERFECTORIIS
CONJUGUM SUARUM.

LIBRI VIII.

TIT. 1. De HOMICIDIO.

2. De eo qui CLERICUM inter-
fecit.

3. De eo qui percussit mulierem in utero
habentem.

4. Quando homicidium sit peccatum,
quando non, & de BELLIS licitis & illicitis.

PARS

PARS IX.

De INCERTA Copulatione
& FORNICATIONE diversi ge-
neris

Et IN QUA LINEA fideles con-
jungi & SEPARARI debeant,

Et de Coërectione & penitentia sin-
gularum.

PARS X.

De HOMICIDIIS Spontaneis &
non Spontaneis.

De Parricidiis & fratricidiis,
Et de OCCISIONE LEGITIMA-
RUM UXORUM ET SENIORUM,
& CLERICORUM:

Et quod non omnis hominem occi-
dens homicida sit:

Et de eorum penitentia.

PARS XI.

De INCANTATORIBUS.
De Auguribus, de DIVINIS.
De SORTILEGIS, de Sortiariis,
Et Vartis illusionibus diaboli; de
singulorum poenitentia.

PARS XII.

De MENDACIO.
Et PERJURIO.
De ACCUSATORIBUS.
De JUDICIBUS.
De DEFENSORIBUS.
De FALSI TESTIBUS.
Et de singulorum Poenitentia.

LIBRI VII.

TIT. 5. De DIVINATIONI-
BUS & INCANTATIONIBUS.
6. De SORTILEGIIS.
7. De Observantia dierum & mensum.

LIBRI IV.

TIT. 6. De restitutione Spoliatorum.
7. De ACCUSATIONE.
8. De TESTIBUS.
9. De Judiciis.
10. De Subterfugientibus iudicium.
11. De JUDICIBUS &c.
12. De Sententiis eorum.
13. De Appellatione.

LIBRI V.

TIT. 1. De Clericis solâ infamiâ
accusatis.

LIBRI VIII.

TIT. 8. De JURAMENTO LICITO,
& illicito.
9. De MENDACIO.

PARS XIII.

De RAPTORIBUS.
De furibus, de FORNicatoribus.
De maledicis & contentiosis.
De Comestationibus & EBRIATA-
TIBUS.
De Furiosis.
De Judicis.
Et eorum correctione.

LIBRI III.

TIT. 13. De USURIS & Vsurariis;
14. De Clericis EBRIOSIS.

LIBRI VI.

TIT. 4. De RAPTORIBUS
Famularum.

PARS XIV.

De EXCOMMUNICATIONE
iusta vel iniusta,
Et quibus de causis,
Et quo ordine facienda sit Excom-
municatio.

LIBRI V.

TIT. 3. De sententia Excommunica-
tionis, & de Perseclato ligandi acque sol-
vendi.
4. De Hæreticis post mortem Excommu-
nicatis.
5. De Licita vel illicita EXCOM-
MUNICATIONE.

PARS XV.

De POENITENTIA Sanorum.
Et infirmorum.
Et quâ commutatione levari possit
eorum poenitentia;

PROLOGI.

CAP. 2. POENITENTIA ali-
quorum FICTA.
CAP. 1. & seqq. de Dispensatione;

TIT. 5. *De Pœnitentiis non Ordinandis.*

PARS XVI.

De Officiis LAÏCORUM.
Et CAUSIS eorundem.

LIBRI V.

TIT. 2. *De CAUSIS & Negotiis LAÏCORUM.*

PARS XVII.

Continet speculativas sanctorum Patrum sententias de FIDE.
SPS & CHARITATE.

PROLOGI.

CAP. 1. *Et seqq. de Intensione divina pagina, & CHARITATE.*

LIBRI I.

TIT. 1. *De Summa Trinitate & FIDE Catholica.*

Notandum porro Librorum in Pannormia Titulos non satis accuratè distinctos esse.

9. *Pannormia
quo tempore
composita.*

IX. Decretorum Volumen compositum fuisse diximus circa annum 1100. Pannormia, quæ ex iisdem fontibus hausta est, prius an posterius conscripta fuerit, non facile est pronunciaré. *Pannormiam* priorem fuisse suadet quòd minoris sit molis: unde videtur per eam ad majus opus aggrediendum excitari potuisse Ivonem. Accedit quòd Decretorum operi interpretando posteriores inhæserunt, tanquam majori curâ composito. Aliunde tamen Pannormiæ opus eo ipso quòd brevius est, credi potest secundis curis emendatum. Præterea in aliquibus priscis Codicibus, præsertim in Victoriano, inscribitur, *Decreta parva Ivonis*; id autem referri quis dixerit ad alia, tanquam majora; quæ priora & absolutè Decreta dicta sunt.

10. *Editiones
Pannormia.*

X. Typis edita bis est Pannormia. Primò Basileæ anno 1499. curante Sebastiano Brant: deinde Lovanii anno 1557. operâ Melchioris à Vosmediano, ætium & sacræ Theologiæ Doctoris, sub hoc Titulo: *PANNORMIA, sive DECRETUM Ivonis Carnotensis* (hi quippe duo Tituli sæpe, ut dixi, confunduntur) *restitutum, correctum & emendatum*. Editio utraque præfixam habet eandem Præfationem, quæ in Decreto quoque extat. Hæc autem Præfatio, sive Prologus, etsi in Vetustis exemplaribus & in editione Decreti uno tenore decurrat: in Pannormia tamen per Vosmedianum edita, dividitur in 42. capita. Atque hæc Prologi capita, si quis rectè advertat, pars ipsius operis censeri possunt.

CAPUT XXIX.

De Gregorii Polycarpo.

I. **L**AUDATUR ab Romanis Correctoribus Collectio POLYCARPI nomine inscripta, cujus autor *Gregorius presbyter Hispanus*, Ecclesie Compostellane Cardinalis. Hoc opus Antonio Augustino utrique, aliorum relatu, non propriis oculis cognitum suspicor. Aiunt quippe tempore Callisti II. (id est sub annum 1120.) compositum, ac brevem fuisse librum, eò quòd eruditi Viri qui emendando Gratiano jussu Gregorii XIII. operam dederunt, rarò ejus faciant mentionem: & quòd Titulorum non Capitulorum numerus ab iis refertur. Adjiciunt exemplar quod extat in Vaticana Bibliotheca libros continere 27. usque ad prædictum Callistum.

1. *Quis hic Gregorius.*

II. Sed horum vix quicquam est, quod non ipsius operis lectio refellat. Duos ejus Codices manu exaratos nancisci licuit ex elegantissima, & hujusmodi cimeliis refertissima Bibliothecâ Colbertina, quam Illustrissimus Segnelæus, eximii Patris, in hac quoque parte, successor dignissimus, pari curâ & studio habet ac tuetur, non mediocri in rem literariam utilitate. Horum Codicum antiquior, integerrimus est: in altero prima duo triaue folia desiderantur. Ex præfixa Epistola patet susceptum fuisse Præsulis Compostellani præceptione satque autoritate. Nuncupatur enim Liber Pontificali sancti Jacobi insulâ decorato, cujus nomen non exprimitur. Constat ex præfco Ecclesie Romanæ Codice fere decerptum, paucis additis ex Martino Bracarensi & Hispanicis ejusdem ferme temporis Conciliis, atque ex sententiis aliquot Patrum.

III. Verùm quis ille sit Archiepiscopus Compostellanus, seu Sancti Jacobi, quo jubente hic liber à Gregorio compositus fuit; non omninò liquet. Mihi credibile admodum fit, non alium esse à Didaco seu Jacobo Gelmirez, primo ejus Ecclesie Archiepiscopo, cujus gratiâ sedes Compostellana ex Episcopali erecta est in Metropolitanam à Calisto II. anno 1123. Is enim magni vir animi, & literarum

3 *Cujus jussu & quando composita hac collectio.*

ac disciplinæ Ecclesiasticæ imprimis studiosus fuisse memoratur ab Ægidio Gonzales de Avila in Theatro Ecclesiæ sancti Jacobi cap. 9. eique sedi præfuit ab anno Christi 1100. ad 1152. ut videatur hic Polycarpus circa annum 1141. prodiisse. Certè in Catalogo Pontificum Romanorum, qui in fronte Codicis MS. prioris habetur, postremus legitur Innocentius Secundus : qui post celebratum Concilium Lateranense 2. decessit anno 1144.

4. *De Titulo Polycarpi.*

IV. POLYCARPI nomen, è Græco fonte deductum, fructuosum significat, sive multi proventus librum, qualis haud dubiè ex Canonibus seu regulis Ecclesiasticis accuratè selectis & rectum in ordinem digestis sperari potest.

5. *Numerus, ordo, & materia Librorum hujus Collectionis.*

V. Jam quod ad Librorum numerum attinet, Hi octo tantum reverà sunt, ex quorum singulis Tituli ad marginem Gratiani à Romanis Correctoribus indicantur. Librorum hic Ordo est, hæc cujusque materia.

Primus est de *Papa*, ejusque omnimoda autoritate.

II. De *Episcopis & Clericis*, eorumque Ordinatione & potestate.

III. De *Ecclesiis*, & earum immunitate, deque Ecclesiæ *Ritus*, Sacramentis, ac Juribus.

IV. De *Fide*, ac de *Officio* Episcoporum, & Clericorum *moribus*.

V. De *Judiciis*, præsertim Criminalibus.

VI. De Principibus & *Læcis* reliquis; de *Matrimonio*, adulterio, homicidio, sortilegio, furto, crapula, deque *Pœnitentia*.

VII. De *Excommunicatione*, de Hæreticis & Judæis.

VIII. De *Infirmis* venientibus ad exitum, de Prædestinatione, de Angelo custode, de Morte, & *Purgatorii* pœnis, de *Sepultura* & orationibus *pro defunctis*, de immortalitate animæ &c.

CAPUT XXX.

De Algero, & Halitgario.

1. *Hic Algerus quis, & quædam ejus opera.*

I. **A**LGERUS, Scholasticus Leodiensis, qui postea Cluniacensis Monachus fuit; circa annum 1130. Varia Opuscula scripsit, & præsertim de *Corpore & Sanguine Domini* contra Berengarium libros tres; quod cum ejusdem argumenti operibus Paschasii, Lanfranci, & Guilmundi

editum est in Bibliotheca veterum Patrum. De his tribus scriptoribus Petrus Venerabilis, Abbas Cluniacensis, initio Libri de sacrificio, ita censet, ut dicat *Lanfrancum* scripsisse de sacramento Eucharistiæ, benè, plenè, perfectè; *Guitmundum*, meliùs, plenius, perfectius; *Algerum* optimè, plenissimè, perfectissimè. Sed tamen in quibusdam celsipavit hic Algerus: veluti cum lib. 2. cap. 1. scripsit species sacramenti non posse corrumpi, vel rodi &c. quo nomine notatur etiam *Guitmundus*, à quo id fortè mutuatus est Algerus, qui & in aliis nonnullis, sed paucis, offendit.

II. Algeri operibus sunt qui addant **COLLECTIONEM CANONUM**, ex cujus libris 1. & 3. pauca quædam loca ad marginem Gratiani à Correctoribus Romanis annotata sunt, quasi ea hic ex illo descripserit. Hujusmodi tamen ejus opus nullum memorat Trithemius, quique alii scriptorum Ecclesiasticorum Catalogum contexuerunt.

III. HALITGARIUS Cameracensis Episcopus, qui tempore Ludovici Pii floruit circa annum 830. & sic tribus ante Algerum seculis, opus composuerat, quod tum apud Canisium lib. 5. Lect. antiq. par. 2. tum in magna Patrum Bibliotheca Parisiensi Tomo 5. exstat. Hi sunt Libri 5. de Vitiis Virtutibus, de seu remediis peccatorum & ordine seu Indiciis Pœnitentiæ: Canonibus per Capitula dispositis distincti, qui non mediocrem idcirco habent cum Canonum Collectionibus affinitatem. Hinc suspicatus fueram Algerum pto Halitgario seu Aligario dictum, & ex hoc nomine illud detortum, ut ex Olgario Ogerus factus. Sententiam tamen mutavi, ex quo adverti à Romanis Correctoribus laudatum sub Algeri titulo Libri 1. Cap. 21. cum Liber Halitgarii 1. septemdecim dumtaxat Capitibus absolvatur. Adjunctum est ad calcem, velut hujus operis appendix, Pœnitentiale, sive Halitgarii, sive alterius fortè coztanei.

IV. Suum eo in opere consilium autor aperit in Epistola seu præfatione ad Elbonem Archiepiscopum Remensem, cujus rogatu scriptum est. Ipsius verba operis fontes præcipuos indicant, & totum operis ordinem.

Hanc autem Epistolam nemo quidem existimet meam: ne illi pro parvitate nominis mei vilescat. Sed sciat à majoribus nostris ex sanctorum sententiis esse collectam: à me quidem excerptam, ne nimia prolixitate negligentibus lectoribus fastidium generaret.

2. An Canonum Collectio-
nem scripserit, est
quod dubietur.

3. Halitgarii
opus Canonum
cum.

4. Halitgarii
propositum in
hoc opere.

Libellum de vitiis octo principalibus, eorumque remediis: quem de libris Gregorii, Augustini, nec non Præsperii excerpsumus, in capite præponimus, post præfationem hanc, quam excerpsumus.

SECUNDUS quidem Libellus continet de vita æterna, & contemplativa pauca capitula, nec non & principalium Virtutum nomina. Ipsa quidem ex sanctorum Patrum dictis collecta. Quorum nomina cujus sunt sententia, in marginibus posuimus, propter prolixitatem visandam repetendorum nominum: & ne aliquis invidus nos vocitaret compilatorem.

TERTIUS de ordine Penitentium cum nominibus, unde sumptus est, conciliorum.

QUARTUS verò de Iudiciis Laicorum.

QUINTUS de Ordinibus Clericorum; & de regulis, si devinverint, ipsorum.

C A P U T X X X I.

De Collectione Hibernica.

1. *Hujus Collectionis Autor & tempus parum comperta.*
a Tomo 9. Spicileg.

b *Britann. antiquit. pag. 557.*

I. **H**ÆC sive *Collectio*, sive *Synodus HIBERNICA* latuerat eruditorum plerosque, donec selecta ex ea Capitula vulgata sunt à Religioso viro Domno *Luca d'Achery*^a, ex Codice manuscripto, alias Abbatix Corbeienfis, nunc sancti Germani in suburbio Parisiensi. Usserius tamen Armachanus^b eam à se in Bibliotheca Cottoniana visam testatur. Adscribunt nonnulli *Gilda*, cognomine *Sapiens*, quem & *Badonicum* vocant. Plures enim *Gildæ* fuisse perhibentur: ille quidem *Sapiens* cognomine, scripsit de excidio Britannix, quod incidit anno Christi 445. alter junior circa annum 570. obiisse dicitur. Volunt autem *Hiberni* priorem *Gildam* Librum hunc Canonum conscripsisse. Inter acta certè sanctorum Ordinis S. Benedicti, seculi 1. legitur *Gildas* hujusmodi opus edidisse, rogatum ab Amario Rege, ut Ecclesiasticum ordinem in suo regno (*Hibernix* puta) restauraret. Verùm *Gildas* ille, cum dimidium seculum quintum referatur, hoc est ad tempus S. Patricii (qui *Hibernorum* Apostolus habetur) nec Benedictini Ordinis dici potest, utpotè sequenti seculo nati; nec ad instaurandam in *Hibernia* disciplinam Ecclesiasticam vocatus

videri, quæ scilicet sub illa initia fervere debuit. Neque tamen inficior autorem Libelli alicujus Canonici fuisse Gildam, sed seculo quinto haud dubie posteriore; citatur enim in hac ipsa Collectione, & quidem sæpius ejus nominis scriptor.

II. Sed Collectio hæc, quantum conjicere licet, longè posterior est, & vix Decreto Gratiani antiquior. Imo ego compositam auguror paulò post id tempus, quo Eugenius III. Summus Pontifex Joannem Paparonem legatum à latere in Hiberniam misit, atque insulæ illi in quatuor provincias divisæ, totidem metropolitanos, cum Episcopis provincialibus, attribuit. Id verò anno 1151. contigit: quo quidem anno Christianus Lismorensis Episcopus, qui & ipse legatus sedis Apostolicæ cum Paparone missus fuerat, Concilium celebravit in Monasterio Mellifontis. Ut hanc Collectionem in ea tempora conferam, facit quòd in illa, præter antiquam Synodum sancti Patricii, laudatur sæpe Concilium *Hibernicum* absolute dictum: quod aliud ab hoc ipso esse non puto. Hoc enim celeberrimum fuisse oportet, utpote cui non modò Episcopi omnes & Abbates, sed Reges quoque, ac Duces & Majores natu Hiberniæ interfuerint, teste Anonymo apud Vvarætum.

III. Collectoris nomen haud obscure indicare videtur amanuensis in fine Codicis, in hunc modum. *Arbedoc Clericus ipse has Collectiones conscripsi, laciniosa conscriptionis; Hælhucar Abbate dispensante, qua de sanctis scripturis, vel divinis fontibus, in hoc Codice glomerata sunt; sive etiam Decreta quæ sancti Patres & Synodi in diversis gentibus & linguis construxerunt.*

IV. Autoritate sanè utitur, hinc factorum Codicum, ex Pentateucho, nempe, Josuè, Regumque libris, Isaiâ, Daniele, Salomone, Siracide, Evangelio, Paulo, & Apocalypsi, laudatis testimoniis: alia ex Conciliis refert, antiquis & probatis, Codice nimirum Canonum comprehensis, Gallicis aliquot, & Romanis, præter Hibernica quæ jam indicavimus. Ex Patribus, ac Pontificibus Clementem, Origenem, Basilium, Hieronymum, Augustinum imprimis citat, & Isidorum, unà cum Gilda supra memorato. Quædam etiam inserit ex Canonibus Theodorici (vel potius Theodori) Episcopi Anglo-Saxonum, & circa finem

2. *Tempus hujus Collectionis verisimile.*

3. *Autor hujus Collectionis.*

4. *Ex quibus ex fontibus hæst.*

ex Pœnitentiario cujusdam Aldemari.

5. *Operis divi-*
visio. V. Dividitur in Libros five potius Titulos quinque &
 sexaginta, qui in sua Capitula dividuntur, hoc ordine.

Ex Cod. 571. Bi-
bliotheca S. Ger-
mani.

TIT. I. De Episcopo, Capitula	22
2. De Presbytero vel Sacerdote, Cap.	27
3. De Diacono, Cap.	10
4. De Subdiacono, Cap.	4
5. De Lectoribus, Cap.	4
6. De Exorcista, Cap.	2
7. De Oltiario, Cap.	3
8. De Recapitulatione VII. graduum, Cap.	2
9. De Acolito & Salmista & Clerico, Cap.	2
10. De multimodis Causis Clericorum, Cap.	1
11. De peccantibus sub gradu, Cap.	6
12. De Jejunio, Cap.	15
13. De Eleemosyna, Cap.	8
14. De Oratione, Cap.	6
15. De Cura pro mortuis, Cap.	9
16. De Testimonio, Cap.	15
17. De Oblationibus, Cap.	16
18. De Jure sepulture, Cap.	9
19. De Ordine Inquisitionis Causarum, Cap.	1
20. De Provincia, Cap.	6
21. De Judicio, Cap.	31
22. De Veritate, Cap.	5
23. De Dominatu & subjectione, Cap.	4
24. De Regno, Cap.	10
25. De Sorte, Cap.	5
26. De Sceleribus & Vindictis eorum, Cap.	16
27. De Civitatibus Refugii, Cap.	15
28. De Furto, Cap.	8
29. De Commodatis, Cap.	5
30. De Patribus & Filiis, Cap.	10
31. De Parentibus & eorum heredibus & filiis, Cap.	23
32. De Debitis & pignoribus & Usuris, Cap.	12
33. De Fidejussoribus & ratis & stipulatoribus, Cap.	8
34. De Juramento, Cap.	15
35. De Jubileo, Cap.	11
36. De Principatu, Cap.	36
37. De Doctoribus, Cap.	19
38. De Monachis, Cap.	16
39. De Excommunicatione, Cap.	15
40. De Commendationibus Mortuorum, Cap.	10
41. De Ecclesia & Mundo, Cap.	30
42. De Locis consecratis, Cap.	26

43. De Quæstionibus Mulierum, Capitula.	20
44. De Otatione Matrimonii, Cap.	39
45. De Pœnitentia, Cap.	19
46. De Regionis Censu, Cap.	5
47. De Martyribus, Cap.	15
48. De Reliquiis in deserto humatis, Cap.	3
49. De Mortuis in somno visis, Cap.	6
50. De Tonsura, Cap.	6
51. De Bestiis mitibus, Cap.	2
52. De Carnibus, Cap.	16
53. De Vera Innocentia, Cap.	8
54. De Hospitalitate, Cap.	4
55. De Hæreticis, Cap.	6
56. De Substantiis hominum, Cap.	4
57. De Ducatu Barbarorum, Cap.	5
58. De Conviviis, Cap.	4
59. De Maledictionibus, Cap.	6
60. De Benedictionibus, Cap.	1
61. De Artificio Artificum, Cap.	2
62. De Angustiis, Cap.	8
63. De Anima, Cap.	8
64. De Variis causis, Cap.	17
65. De Contrariis causis, Cap.	7

VI. Hucarius apud Possevinum legitur ad Templum S. Hermani in Cornubia redeiisse in Compendium opus Egberti Eboracensis Episcopi de constitutionibus Ecclesiæ, & Homilias centum ac decem; *Excerptiones* item quasdam scripsisse circa an. 1040. An is idem fuerit cum *Hæil-hucar* autore hujus Collectionis valde dubium facit quòd parum probabile est in Anglia, atque ab Anglo scriptam fuisse Collectionem Hibernicam, quæ multos quidem Hibernicorum, nullos Anglicorum Conciliorum Canones refert.

6. *Autor Collectionis Hibernicæ an Hucarius Anglus.*

VII. Prætermittenda hoc loco non est, quæ prius memoranda fuerat, *Antiqua Canonum Collectio*, sub titulo *de Doctrina & disciplina Ecclesiastica*, quæ apud Virum Clarissimum, singularem in omnes literatos humanitate notissimum *Antonium Vion Dominum d'Herouval*, Manu scripta habetur. Ejus meminerat sub nomine *Codici Andegavensis*, primi è tribus quos citat, Joannes Morinus in appendice Tractatus de Pœnitentia: & ex ea plures selectos Canones exhibet V. Cl. Jacobus Petir, ad Theodori Pœnitentiale à pagina 102. Divisa est hæc Collectio in 92. Titulos, nec

7. *De Collectione antiqua Heroualliana seu Andegavensi.*

nisi antiquis certisque Canonibus Conciliorum, Pontificum Decretis, ac Patrum sententiis, utitur: ita ut ab omnibus Isidori Mercatoris fœcibus omninò pura, videri possit ante novum seculum concinnata.

8. *Qui de Collectionibus Canonum nonnum scripserit.*

VIII. De Collectionibus & Collectionibus Canonum, præter Antonium Augustinum utrumque, Tarraconensem nòmpo Archiepiscopum in Libris de emendatione Gratiani, & in præfatione ad Antiquas Collectiones Decretalium; Jesuitam verò in speciali tractatu præfixo secundæ Parti Epitomes Juris Canonici antiqui; videndi Boëtius Epò, de Jure Sacro; Franciscus Florens, in Præfationibus suis; Illust. Petrus de Marca, tum lib. 3. de Concordia sacerdoti: & imperii, tum in peculiari de his opusculo, & Cl. Baluzius in Præfatione ad Reginonem, atque alibi.

CAPUT XXXII.

De Pœnitentialibus, seu Libris Canonum Pœnitentialium.

1. *Quid sint Canones Pœnitentiales.*

I. **C**ANONES PœNITENTIALES, sive Regulas agenda Pœnitentiæ, plurimi diversis temporibus collegerunt: atque hæ Collectiones *Libri Canonum Pœnitentialium*, & *Pœnitentialia* vocantur, quantitatem scilicet modumque Pœnitentiæ unicuique crimini ac peccatorum generi indicentia. Horum totam rationem, atque utilitatem accuratè pertractavit sæpe dictus Joannes Morinus lib. 4. cap. 17. & lib. 6. cap. 5. de administratione sacramenti Pœnitentiæ, ac præsertim in Præfatione de Libellorum Pœnitentialium antiquitate, & varietate: ubi causas indicat cur necessarii fuerint hujusmodi Libri.

2. *Origo à vestris Conciliis.*

II. Hæc pœnarum pro delicti cujusque ratione indictio præcis jam tum seculis usurpata, ex Conciliis eorum temporum sumpsit originem. Ancyran certè, & Eliberitani Concilii Canones, quid aliud quàm Libellorum Pœnitentialium instar sunt? Sed quia non omnia peccatorum genera satis distinctè pro cujusque adminiculis & rerum circumstantiis per Synodorum scita coercebantur: ejus varietatis exactiùs discernendæ curam, aut proüt casus incidebant, aut

ex professo, sancti Patres jam olim susceperunt.

III. Inter Græcos eminet in hoc genere *S. Basilius*; qui ejus rei præcepta tribus *Epistolis Canonicis* ad Ampliilochium Iconientem Episcopum tradidit. Ei addendi qui ante & post ipsum in eodem argumento versati sunt, & de variorum delictorum Pœnitentia Epistolas seu Responsa Canonica scripsere: Dionysius nimirum, Petrus, Athanasius, Timotheus, ac Cyrillus Patriarchæ Alexandrini; Gregorii etiam, Thaumaturgus & Nyssenus, de quibus omnibus diximus hujus Libri Cap. 7. Huc etiam pertinent *Responsa* Patriarcharum posteriorum, quæ à Leunclavio referuntur lib. imprimis 5. & 6. Juris Græco Romani; & quorum indicem dedimus hujus libri 3. Cap. 12. Celebratur imprimis Libellus Pœnitentialis *Ioannis*, qui cum ex Monacho Patriarcha Constantinopolitanus anno 586. Imperante Mauritio creatus fuisset, Oecumenicum se dicere cepit reluctans Romanis Pontificibus Pelagio II. & Gregorio I. atque ob miram abstinentiam, cognomen habuit *Jejunatoris*. Posset his adjici, siquidem tanti esset, Nomocanon Anonymi, de quo extremo cap. 11. hujusce Libri.

3. *Patres hujus instituti autores inter Græcos præcipui.*

IV. Apud Latinos, *S. Cyprianus* in hoc genere agmen ducere videri potest. Testis est ipse^a ad recipiendos Lapsos, persecutione sopitâ, se cum Episcopis suis convenisse, ac Libellum confecisse communi consilio, in quo examinatis singulorum causis, & voluntatibus ac necessitatibus, salubri moderatione res ita temperata esset, ut nec in totum spes communicationis & pacis Lapsis denegaretur; nec tamen censura Evangelica solveretur; sed protractâ diu pœnitentiâ, uti quisque meruisset, admitterentur. Verùm Libellus ille, verè Pœnitentialis, ad nos haud quaquàm pervenit.

4. *Apud Latinos agmen ducere videtur S. Cyprianus, a Epist. 2.*

V. Exemplo postea Basilii, quatuor post seculis *Theodorus Cantuariensis*, inter ejus civitatis Archiepiscopus Septimus, Græcæ & ipse originis, hoc argumentum in Occidente præclare tractavit. Is Ordinis Benedictini prius Monachus, à Vitaliano Pontifice cum Adriano Astro, ejus antea Abbate, in Angliam missus est ad corroborandam, quam B. Gregorius illa in gente severat, fidei Christianæ segetem, ut loquitur Aimoinus^b: quod Beda^c refert ad annum Christi 668. aitque Theodorum natum apud Tarsum Ciliciæ, se-

5. *Inter primos post Cyprianum humerandus Theodorus Cantuariensis.*

^b Lib. 4. de gest. Franc. c. 32.
^c Lib. 4. Ecclesiast. hist. cap. 2.

culari & divina litteraturâ Græcè & Latine instructum probum moribus, & ætate venerandum, utpote qui habere annos 66. nihilominus ultra annos unum & viginti Cantuariensem Ecclesiam rexisset. Idem Concilia plura de fide Catholica & disciplina Ecclesiastica celebravit ad annum usque 690. Imprimis autem *Peccantium judicia*, quot scilicet annis pro unoquoque peccato quis penitere deberet, mirabili & discretâ consideratione descripsit, ut est in Pontificali, & apud Reginonem in Chronico.

6. *Eo usq. Col-
lectores sequen-
tes.*

VI. Ex Pœnitentiali hujus *Theodori* multa desumpserunt Burchardus, Ivo, & Anselmus, sive autor collectionis quæ sub ejus nomine habetur; nonnulla etiam ex eo decerpta sunt à Gratiano, atque à Bernardo Papiensi in prima Collectione Decretalium, & apud Gregorium IX.

7. *Ex quibus
ipse haurivit.*

VII. Theodorus hic, Græcus ut diximus, ex Basilio & aliis Græcis Patribus Regulas suas, sive Leges indicendarum Pœnitentibus pœnarum hausit; eorumque ferè severitatem secutus est: quæ nimia fortè priorum seculorum severitas, in laxiorem æquo indulgentiam apud posteros degeneravit; adeo ut tempore Petri Damiani, paulò post annum millesimum, hi Libelli Pœnitentiales, tanquam pestis aliqua, prohibendi fuerint: & sic factum ut paulatim hæc tota ratio delicta puniendi in desuetudinem propemodum habuerit.

8. *Ejus supra
Editio accurata.*

VIII. De hoc qui plura volet, consulat Morinum antè laudatum lib. 7. Cap. 1. & maximè Jacobum *Petis*, cujus operâ hoc Pœnitentiale, omnibus quæ reperiri potuerunt Capitulis *adunatum*; per Canones selectos ex antiquissima Canonum Collectione MS. descriptos, nec non per plura ex Variis Pœnitentialibus hætenus ineditis excerpta *Expositum*; præclaris Ecclesiasticæ disciplinæ monumentis, quæ ex optimis Codicibus MSS. selecta sunt, *Confirmatum* prodiit Parisiis anno 1677. Is omnia eruditis notis ac dissertationibus illustravit; cæterùm in eo Pœnitentiale, tum emendando, tum farciendi usum se ait duobus præsertim Libris manu exaratis Bibliothecæ Thuancæ, qui nunc in Colbertinam translati.

Antè titulos Capitulorum habebamus, numero septuaginta octo ab Henrico Spelmanno Conciliorum Anglicorum Collectore, excerptos ex Codice MS. Bibliothecæ sancti

Benedicti Cantabrigiensis: Eas Jac. Petitus reddidit, operis ante memorati pagina 83. Hi tituli diversi sunt, tum ab iis qui in Pœnitentiali Theodori, operâ ejusdem Petiti edito, qui quatuordecim numerantur; tum ab aliis apud eundem Petitem Capitulis sexaginta; & ab aliis eidem Theodoro adscriptis Capitulis, quæ à Luca Acherio referuntur Spicilegii Tomo 9. numero centum viginti. Hinc apparet aut plures Pœnitentiales Libellos à Theodoro conscriptos, eive attributos fuisse aut verum ejus auctoris Pœnitentiale integrum non haberi, sed ejus dumtaxat fragmenta, in varios Libellos pro exscribentium & capita seligentium arbitrio, sparsum.

IX. Sequutus est Venerabilis BEDA, quem Trithemius anno 733. ætatis 72. obiisse scribit. In extremo volumine Librorum ejus extat libellus inscriptus de REMEDIIS PECCATORUM, hoc initio; *de Remediis Peccatorum, paucissima hæc sequuntur ex priorum monumentis excerptissimus*; & post alia; *Excerptum de Canonibus Catholicorum Patrum, vel Pœnitentia ad remedium animarum, Domini Egberti Archiepiscopi*. Unde plerique Pœnitentialem hunc libellum ab Egberto Eboracensi Archiepiscopo, Bedæ coætaneo, aut certè ipsius jussu compositum conjiciunt. Eorum eò probabilius est conjectura, quòd neque in Bedæ ipsius, neque in Joannis Trithemii Catalogo Librorum Bedæ, hujus operis Pœnitentialis mentio fit.

9. *Pœnitentiale Bedæ, & Egberti.*

X. Refert Antonius Augustinus, in præfatione ad Canones Pœnitentiales, Bedam ex Pœnitentiali Romano Librum Theodori auxisse: quod intelligi non potest de Pœnitentiali Romano, quale ab ipso Augustino editum est: cum in hoc multa ex Conciliis Beda longè posterioribus inveniantur: sed nihil vetat hæc de antiquiori Romano Pœnitentiali accipi. Et quod Antonius Augustinus eo loco Venerabilem Bedam autorem agnoscit Libelli de remediis peccatorum, sic interpretari oportet, ni fallor, ut velit illud Egberti mandato à Beda conscriptum.

10. *De Pœnitentiali Romano veteri.*

XI. Ex Bedæ Pœnitentiali plurima Capita desumpserunt Canonum Collectores, Burchardus, Ivo, Anselmus, & Gratianus: itemque Bernardus & Gregorius IX. in Libris Decretalium.

11. *Beda Pœnitentiali usi Collectores.*

12. *De Rabano Mauro.*

XII. RABANUS MAURUS, omni literaturæ genere insignis, & sui temporis Poëtarum nulli secundus, ex Alcuini disciplinâ, in Monasterio Fuldensi S. Benedicti regulam professus, & quartus ejus Cænobii Abbas fuit: verum improbitate Monachorum offensus, ad Ludovicum Pium migravit, & cum eo mansit, usque ad mortem Otgarii Archiepiscopi Moguntini; cujus in locum successit, ei Ecclesiæ præfuit annos novem. Multa scripsit; imprimis autem de *Institutione Clericorum* Libros tres, de *Divinis Officiis* librum unum, mortuus anno 855. ut Trithemius tradit, de Scriptoribus Ecclesiasticis^d.

d Lib. 2. c. 39.
Lib. 3. c. 199. &
Lib. 4. c. 81.

13. *De Pœnitentialibus Libris Rabani Mauri.*

XIII. Tomo VI. Rabani operum editionis Colonienfis anni 1627. quatuor ipsius in hoc genere opera edita sunt, sed maximè in pretio est apud eruditos operum Ecclesiasticorum indagatores, LIBER PŒNITENTIÆ, sive *Pœnitentium*, ad Otgarium Archiepiscopum, cujus mandato hoc opus composuit paulò post luctuosum prælium inter filios Ludovici Pii commissum apud Fontaniacum anno 841. ut colligi potest ex cap. 15. in quo ejus prælii meminit, tanquam rei nuper gestæ. De eodem Libro sic loquitur Rudolphus Monachus in autoris vitâ. *Scripsit quoque Libellum unum, inquit, ad Otgarium Archiepiscopum; in quo primum de Pœnitentia legitimâ & spe Indulgentiæ; deinde diversa capitula de Canonibus diversis Conciliorum subjunxit, ad corrigenda hominum vitia, & instituta Christiana Religionis roboranda.*

14. *Judicium de Pœnitentiali Rabani ad Otgarium.*

XIV. Georgius Colvenerius, qui Rabani opera collegit, existimabat *Pœnitentiale* illud ad Otgarium, esse quoddam velut compendium cæterarum Rabani lucubrationum ad hoc argumentum spectantium, atque ita posteriorem libro Canonum Pœnitentialium ad Heribaldum.

15. *Quæstiones Canonum Pœnitentialium ad Heribaldum, Halitgarium sunt, non Rabani.*
e Tomo 5. lect. antiq.

XV. Ex comparatione tamen Libri illius qui in editione Colvenerii inscribitur, *Quæstiones Canonum Pœnitentialium ad Heribaldum*, cum Libris HALITGARII Episcopi Cameracensis, de vitiis & virtutibus ad Ebbonem Archiepiscopum Remensem ab Henrico Canisio^e editis, patet sub his duobus titulis unum idemque opus contineri; & sic quæstiones Canonum Pœnitentialium Halitgarium esse verà, non Rabani, cui ex conjecturâ tantùm à posteris tributi sunt: quemadmodum & *Libri tres de vitiis & vir-*

tutibus : aut certè duo priores ; quâ de re latè Stephanus Baluzius in præfatione præmissâ Epistolæ Rabani ad Heribaldum Episcopum Autissiodorensem ; quam missam probat anno 853. decem circiter annis post Librum Pœnitentialem missum ad Otgarium ; cui Epistolæ nescio quis titulum fecit pœnitentialis : sub quo titulo edita est à Petro Stevartio ex Codice MS. Monasterii Vveingardensis, his verbis in fronte appositis, *Incipit Liber Pœnitentialis ex Canonicis constitutionibus à Rabano Venerabili Episcopo compendiosè descriptus.*

XVI. Ex hac Epistolâ Rabani ad Heribaldum jam antiquitus divisa in capita 35. quædam à Reginone atque Ivone desumpta sunt, atque à Burchardo etiam Vormaciensi, cujus in ea citanda hallucinationes aliquot notat idem Baluzius ; additque eorum qui post Rabanum Libros Decretalium composuerunt, neminem ex Libro Pœnitentiali ad Otgarium quidquam hausisse ; sed eos Epistolâ ad Heribaldum usos esse, Reginonem scilicet, Ivonem, Gratianum.

XVII. Observat Antonius Augustinus videri Rabanum in componendo Pœnitentiali suo usum corpore Canonum, id est, primâ, ni fallor, Isidorianâ Collectione : adjicitque Romanorum Pontificum Epistolas nullas ibi referri, præter eas quæ post Damasum conscriptæ sunt.

XVIII. PœNITENTIALE ROMANUM, quod ab Antonio Augustino ad calcem Epitomes Juris Pontificii ante alia exscriptum est, in titulos novem dividitur, in quibus varia criminum genera, & indicendæ cuique generi pœnitentiæ, ex Conciliis Pontificum Epistolis ac sententiis Patrum referuntur. Hoc opus quale nunc habemus antiquius non esse Rabani Mauri temporibus suadent capita ex Moguntiio ipsius Rabani Concilio, ex Triburiensi etiam Synodo atque ex supposititiis Pontificum Epistolis, quæ per eadem tempora prodierunt inserta.

XIX. Plures ejusmodi Pœnitentiales Libros undecumque conquisivit, & sub finem voluminis de Pœnitentiâ edidit Joannes Morinus. Ex his colligi potest unumquemque ferè Episcopum, aut certè unumquemque Episcopatum, suum sibi habuisse librum Pœnitentialem, qui pro regulâ indicendæ pœnitentiæ esset : donec refrigercente charitate, tota hæc pœnitentiæ ratio, & antiquus ac regularis usus obsolevit.

16. *Epistola Rabani ad Heribaldum usi Collectoris non Pœnitentiali ad Otgarium.*

17. *Quibus ex sententiis hausit Rabanus suum Pœnitentiale.*
f In sua ad lib. pœnitent. præfat.

18. *De Pœnitentiale Romano.*
no.

19. *De aliis Pœnitentialibus Libris.*

20. *De Canonibus Pœnitentialibus adjectis Decreto Gratiani.*

g Lib. 5. tit. 32.

h In summa 3. parte art. 17. cap. 21.

21. *Horum à Libris Pœnitentialibus discrimen.*

XX. Post Gratiani Decretum solent in plerisque editionibus adjici *Canones Pœnitentiales*, desumpti ex summâ Alteni g. Eadem ferè Cardinalis Hostiensis in suâ ad Decretales summâ antea collegerat sub titulo de Pœnitentiis & remissionibus; quibus S. Bonaventura quædam in Confessione addidit, ut & B. Antoninus Archiepiscopus Florentinus h. At verè Anton. Augustinus Canones illos pœnitentiales correctis Librariorum mendis subjecit libris pœnitentialibus Romano, Bedæ, & Rabani, adjectis in hæc omnia notis, atque in Epistolas Canonicas Gregorii Nysseni, & Gregorii Thaumaturgi.

XXI. Differunt aliquatenus à Libris Pœnitentialibus hi Pœnitentiales Canones: quod hi exemplo Canonum quibus constant Epistolæ, Canonicæ idcirco dictæ, S. Basilii, aliorumque veterum Græcorum Patrum, simpliciter tradunt, & quid non liceat, & quæ sit pro unoquoque peccato subeunda Ecclesiastica pœna. Pœnitentiales verò Libri partim plures in eandem rem auctoritates congerunt, quibus pœnæ illæ adstruuntur; partim ritus & preces imponendæ pœnitentiæ, ac dandæ absolutionis adjiciunt.

CAPUT XXXIII.

De Capitularibus Regum atque Imperatorum Francorum.

1. *Ita Capitularium titulo donati sunt per primitiam.*

2. *De Prima Capitularium Collectione per Ansegisum.*

I. **C**APITULORUM nomine intelliguntur Articuli, sive Capita Constitutionum, conventorum quæ inter pacificantes legum inserti sunt, aut etiam capita monitorum quæ & commonitoria dicuntur. Hinc **CAPITULARIA** dicuntur ejusmodi Capitulorum Collectanea. Sed quemadmodum Codicis nomen, quod propriè librum significat, de Libro Constitutionum Imperatoriarum absolutè dicitur per eminentiam Libri Legum à Francorum Regibus secundæ præsertim stirpis, postulantibus, aut consentientibus Episcopis & Regni Primoribus, latarum in generalibus Comitibus.

II. Primus **ANSEGISUS** Abbas Lobienfis Cænobii, Ordinis S. Benedicti, & postea Senonenfis Archiepiscopus, Caroli

Caroli Magni & Ludovici Pii Capitula in quatuor Libros digesta, circa annum 830. collegit: quorum duo priores, ut ipse in præfatione testatur, Edicta Regum & Imperatorum prædictorum ad Ecclesiasticam Legem pertinentia continent; duo autem posteriores, ea complectuntur quæ ad mundanam legem pertinent: ita ut primus & tertius Liber Caroli Magni Constitutionibus; secundus, & quartus Ludovici Pii Imperatoris, & Lotharii Cæsaris, ejus filii, legibus constent. Ansegisus ille, Senonensis, ut dixi, Archiepiscopus, sæpius ad Pontifices Romanos Legatus, obtinuit ab Apostolicâ sede rescriptum, quo facultas ei tanquam primati concedebatur, quoties Ecclesiastica utilitas dictaret, sive in evocanda Synodo, sive in aliis negotiis tractandis, per Gallias & Germanias, velut Primas, vice sacrâ fungere- tur, ut refert Aimoinus de gestis Francorum *. Ejus quoque meminit Sigebertus, qui Collectorum ab eo Capitulorum an- num indicat 827. Videndus & Trithemius.

III. Post eum *Benedictus Levita*, sive Diaconus Mogun- tinus, quatuor Capitularium Libris tres alios adjeceit, quo- rum Capitula contendit Apostolicâ autoritate esse roborata, eò quòd his cudendis maximè Apostolica interfuerit Legatio: quo nomine Orgarium Moguntinum Archiepis- copum, Legatum Pontificium designat, ejus mandato huic Collectioni operam Benedictus dedit circa annum 830. ut supra est annotatum cap. 20. hujus Libri b. Idem in præ- fatione Libri quinti docet Capitula in tribus libellis à se coadunata, diversis locis, diversisque schedulis, sicut in diversis Synodis ac placitis, sive comitiis, & gradibus edita erant, sparsim inventa, maximè in Moguntiacensis metropo- litanæ Ecclesiæ scriptis, à prædicto Riculfo, ejusdem sanctæ sedis Metropolitanæ Episcopo, recondita, & demum ab Aut- cario, aliàs Orgario, secundo ejus successore atque consanguineo, inventa. Quæ quidem Capitula Ecclesiastica, sicut & Lega- lia, observari jubentur Concilii Meldensis cap. 78. & Con- cillii Trossiani cap. 3. Et verò ea se conservaturum profite- tur Leo IV. in Epistola ad Lotharium Augustum, relata à Gratiano c. Hujus Capitularium Collectionis in Con- ciliis sequentibus non raris mentio fit, ejusque Libri aliquot capita inserta sunt Legibus Longobardorum, inscriptis nominibus Caroli, Ludovici, Lotharii. Et horum Eccle-

* Lib. 5. c. 33.

3. Collectio al-
tera Capitula-
rium per Bene-
dictum Levi-
tam.

b. 5. 5.

c. Can. 9. dist. 10.

hasticorum Capitulorum fontes dici possunt Concilia per Gallias, & Germanias illis temporibus celebrata.

Tres autem Libri à Benedicto additi continent, tum ea, quæ Ansegisus aut invenire nequiverat, aut inserere forte noluerat; tum illa quæ post Ansegisum à Ludovico, Lothario, & Carolo Calvo, Ludovici Pii filiis, condita fuerant; quæ cuncta servari postulant Moldensis Concilii Patres d.

4 Cap. 80.

4. *Additiones ad priora Capitularia.*

IV. His adjectæ sunt quinque ADDITIONES. Prima continet octoginta capita ad Monachos maxime spectantia; Secunda viginti quinque capitulis collecta, quæ diversis generis sunt, & à diversis collecta; in Tertia sunt capita 82. quæ ad Episcopos & sacris ordinibus initandos maxime pertinent. In Quarta habentur 104. capita diversis de rebus, partim ex Sanctorum Patrum Decretis, partim ex Edictis Imperatorum; ut dicitur in principio nomine Regis Caroli Crassi, ut videtur, cui etiam in præfatione tribuuntur 20. cap. Quintæ additionis, ex Synodis, quæ habitæ fuerant ab Episcopis, & Abbatibus in ejus Regno.

5. *De Epitome Constitutionum Caroli Magni.*

V. VITUS AMERBASIIUS opusculum edidit de *Constitutionibus Caroli Magni*, à Lothario Imperatore ejus nepote in *Epitomen* redactis; quod iterum edidit Joannes Buxus societatis Jesu post Epistolas Hincmarum

6. *Glossariæ dilucidandis Capitularibus.*

VI. In his studiis illustrandis, nemo Pithæcis fratribus acrius, nemo utiliùs, desudavit. Sed quæ literarum pars eorum, industriam fugit; Glossarium imprimis Capitularium FRANCISCO PITHÆO debemus; cui lucem afferent LINDENBROGII ad Codicem legum antiquarum, VYATII ad Matthæum PARISIUM aliorumque ejusdem generis lucubrationes, & maxime CAROLI DU FREINE Domini du CANGE Glossarium ad Scriptores mediæ, & infimæ Latinitatis; ac FORMULÆ MATCULI aliarque, cum eruditis ILLUSTRISSIMI HIERONYMI BIGNONII notis.

7. *Editionis Baluziana ordo & tota ratio.*

VII. Sed & harum Formularum, & Capitularium novam atque accuratissimam editionem ex pluribus manu exaratis Codicibus emendatam auctamque dedit anno 1676. indefessus horum conquisitor STEPHANUS BALUZIUS. Ea in duos tomos distincta est. Tomus prior complectitur Constitutiones, Præcepta seu præceptiones, Pacta, Decreta, & Decretiones (sic enim nonnumquam inscribuntur) Edicta,

Capitula & Capitularia, Leges subjectis gentibus datas, aut approbatas, Epistolas, Indiculos sive Mandata, Cartas divisionum, aliaque ejusmodi monumenta & acta, quæ inveniri potuerunt. Primò digesta sunt juxta ordinem temporum & Regum: Primæ quidem stirpis seu Merovingiorum ab anno 554. ad 743. Regum autem Secundæ stirpis sive Carolidarum, ab anno 774. ad annum 840. Deinde etiam servato Collectionum ordine sequuntur Libri septem Capitularium ab Ansegiso & Benedicto Levita dispositi, cum Additionibus quatuor. Tomus autem secundus, præter Collectionem Capitulorum Caroli Calvi, adjectis ejusdem Præceptis & Capitularibus, ab anno 844. ad 868. & præter Ludovici II. Imperatoris Capitula, ab anno 850. ad 867. complectitur Fragmenta Capitularium Caroli Magni & successorum, Coronationes Regum & Reginarum; Marculfi & aliorum Formulas, repetitas ex Lindenbrogii & ex Pithæi editionibus: tum Promotionum Episcopaliū & professionum Monasticarum, aliasque antiquissimas Formulas; Francisci quoque Pithæi Glossatium, & notæ ad Librum Legis Salicæ; Bignonii notæ ad eundem Librum, atque ad formulas supradictas; Jacobi Sirmondi notæ ad Capitula Pippini, &c. & Caroli Calvi; denique ipsius Baluzii notæ ad Capitularia & Formulas antiquas.

CAPUT XXXIV.

De Capitulis Episcoporum.

I. **C**APITULA, sive statuta Synodalia, aut monita ad presbyteros iisdem temporibus, complures Antistites emisertunt, à presbyteris cuique subjectis observanda. Mitto Hadriani Pontificis Capitula, de quibus jam dictum est.

II. Extant apud Sirmondum inter Concilia antiqua Galliæ, etiam Capitula *Theodulfi* Episcopi Aurelianensis, sub annum 797.

III. *Hincmari* deinde Remensis Archiepiscopi sæpius memorati, qui Capitula hujusmodi constituit, annis videlicet 852. 857. & 872.

IV. *Herardi* præterea Archiepiscopi Turonensis, qui suum anno 858. Capitulare suis condidit.

1. Capitula condebant in parochiis suis Episcopi.

2. *Theodulphi Aurelianensis.*

3. *Hincmari Remensis.*

4. *Herardi Turonensis.*

5. *Hildeberti
Cenomanensis,
& Isaaci Lan-
gonensis.*

V. Memorantur etiam Capitula *Hildeberti* Episcopi *Cenomanensis*, ac deinde *Turonensis* Archiepiscopi. *Isaaci* quoque *Lingonensis* Episcopi Capitula ex Regum Capitularibus decerpta; adjectis Librorum & Capitum numeris qui alium Capitum in singulis Libris ordinem indicant, quàm qui in editione *Pithœi* habetur.





PRÆNOTIONUM CANONICARUM

LIBER QUARTUS.



VETERIS Juris Canonici partibus,
ad Corpus Juris Canonici usu hodie
ubique receptum transgredientibus,
videndum 1º quot sint ejus Partes, tum
de uniuscujusque Partis autore, tem-
pore, ordine, autoritate paulò accuratiùs disce-
rendum.

CAPUT I.

Quot & quæ sint Partes Juris Canonici hodierni.

1. *Partes Juris Canonici in genere.*

I. **S**YSTEMA sive *Corpus* Juris Canonici, quo nunc in foro & scholis Occidens utitur universus, duabus in genere partibus continetur, Decreto nimirum, ac Decretalibus.

2. *Decretum Gratiani.*

II. **D**ECRETUM dicitur Collectio veterum Canonum, operâ Gratiani Monachi, ex statutis præcorum Conciliorum, summorum Pontificum Decretis, atque aliorum Patrum dictis: vel potius ex superioribus Collectionibus excerpta, adjunctis etiam civilibus alicubi constitutionibus.

3. *Decretales.*

III. **D**ECRETALIUM autem nomine intelliguntur Compilationes decisionum Ecclesiasticarum inferioris ætatis, ex Epistolis per Pontifices Romanos post annum Christi 1150. editis maxime depromptarum: quibus admixta sunt aliquor Conciliorum scita, & paucæ quoque Patrum sententiæ.

4. *Juris Pontificii cum civili comparatio.*

IV. Si quis igitur *Corpus juris Pontificii* cum jure civili, sive Cæsareo per Justinianum compositis contulerit; inveniet *Decretum* proportionem quâdam Digestis seu Pandectis, *Decretales* Codici & Novellis respondere.

5. *Decreti cum Digestis.*

V. Quemadmodum enim in Digestorum Libros relatum est jus antiquum excerptum ex scriptis Jurisconsultorum, qui ante Constantinum de jure responderunt; & qui Leges Populi Romani atque Imperatorum interpretati sunt, quique in Edictum perpetuum imprimis scripserunt: Ita ex opusculis maxime SS. Patrum, autorumque aliorum qui usque ad seculum Christi undecimum, vel in Libros utriusque sæculi commentari sunt, vel de rebus & questionibus Ecclesiasticis per se disseruerunt; ut & ex Synodorum Canonibus, quæ in Ecclesiâ Edictorum loco sunt, Gratianus volumen suum concinnavit: nec multum dispar videtur horum in rebus sacris, atque illorum in rebus civilibus autoritas.

6. *Decretalium cum Codice.*

VI. Quâ irem ratione Romanorum Imperatorum Leges ab Hadriano ad sua usque tempora, Justinianus certo ordi-

ne dispositas in suum Codicem retulit: ita Gregorius IX. Libris Decretalium complexus est rescripta & Epistolas seu Constitutiones eorum præsertim Pontificum, qui seculo XII. vixerunt. In Sextum Denique Decretalium Librum, cujus autor Bonifacius VIII. in Clementinas quoque & Extravagantium volumina, insertæ sunt sequentium Pontificum constitutiones, quorum in rebus spiritualibus potestas cum Principum in temporalibus potestate comparari solet.

VII. Verum, cum unum sit Codicis volumen, & Novellæ usu apud nos receptæ ejusdem sint Justiniani: Quinque sunt à diversis autoribus conditæ Decretalium Collectiones, singulæ in quinque Libros divisæ. Primam ex quinque, quæ prius emanaverant, confecit Gregorius IX. adjectis Constitutionibus suis, exemplo Justiniani, qui ex Codicibus Gregoriano, Hermogeniano & Theodosiano, suum composuit, insertis recentioribus quoque Constitutionibus, etiam suis. Hæc Gregorii IX. compilatio, cæteris, ut antiquior, ita & amplior, commune Decretalium nomen sibi proprium fecit. Secundam Bonifacius VIII. addidit, sub titulo *Sexti* Decretalium. Tertiam Clemens quintus sub nomine *Clementinarum* composuit. Quartam Joannes XXII. sed absque peculiari confirmatoria constitutione. Quintam privatus aliquis Jurisconsultus, quæ duæ Collectiones *Extravagantes* appellantur, alix Joannis XXII. cujus solius Constitutiones ea pars complectitur, alix Communes, plurimum ejus ævi Pontificum.

VIII. Sed posteriores Collectiones cum iis Decretalibus, seu Constitutionibus quæ postea secutæ sunt, & *Bullariis* magnâ ex parte comprehensæ; itemque *Regulæ Cancellariæ Apostolicæ*, Novellis tum Justiniani, tum seqq. quoque Orientis Imperatorum, non immerito quis æquiparaverit, ut pote, quæ jus Novum contineant post Gregorii IX. Decretales inductum, non secus ac Novellæ jus Codice posterius complectuntur. Differunt tamen à Novellis postremæ Decretales, quod in illis servatus fere sit ordo temporis, quo unaquæque constitutio edita est: in Sexto & seqq. Decretalium Compilationibus ordo rerum sive materiarum, idem, ut diximus, qui in Gregorianâ Collectione,

7. *Discremen inter utrumque jus.*

8. *Comparatio posteriorum Collectionum & Regulæ Cancellariæ cum Novellis, & utrumque differentia.*

CAPUT II.

De Gratiano Autore Decreti.

1. *Duo genera
veterum Colle.
tionum.*

2. *Autores
precipui qui
Gratiani memi-
nerunt.*

a *Speculi Hist.
lib. 11, cap. 31. &
lib. 19 c. 24.*

b *Sum. Histor.
3. part. tit. 18 c. 6.*

c *De viris illust.
lib. 49.*

d *Lib. de script.
Ecel. & lib. 2. de
viris illust.*

e *In Annalib.
f De scriptorib.
Ecclesiast.*

g *De emenlar.
Gratiani tam lib.
1. in addit. ad
dial. 1. quam lib.
2. dial. 9. & in
ejusd. dial. addi-
tionibus.*

3. *Gratiani
Patriæ & viri
genus.*

4. *(ut Clas-
sensis dicitur.*

b *V. Anriq. de
Ypes in Chron.
Ord. Bened. Cen-
tor. 1. cap. 1. post
Rubeum.*

I. **P**RÆTER Codices Canonum veteres per Univer-
sam ferè Ecclesiam receptos, in quibus Concilio-
rum & temporum servatus ordo fuerat, complures alte-
rius generis Compilationes à diversis autoribus fuerant con-
cinnatæ, quibus Ecclesiastici Canones, vel summatim indi-
cati, vel expansi, certas in classes, pro ratione materiarum,
& quæstionum, digesti continebantur: de utrisque superio-
re libro dictum est.

II. Cum his omnibus aliquid ad operis perfectionem &
legentium eruditionem deesse videretur, superioribus feli-
cior Gratianus huic rei manum admovit, & novum Decre-
torum Ecclesiasticorum corpus adornavit; quod, cæteris
eliminatis, in usu quotidiano esse cepit. Gratiani hujus
meminere imprimis Vincentius Bellovacensis^a, B. Antoni-
nus Archiepiscopus Florentinus^b, Henricus Gandavenis^c,
Joannes Trithemius^d ordinis Benedictini, Correctores
Romani in admonitione ad Lectorem, præfationis loco
apposita huic Decreto, Baronius^e, Bellarminus^f, & præ
reliquis Antonius Augustinus^g.

III. Ex his discimus Gratianum natione Tuscum fuisse,
Clusii natum (nunc *Chiusi*, haud procul Florentia) &
S. Benedicti. Regulam Bononiæ professum in Monasterio
SS. Felicis & Naboris.

IV. In Chronico, quod inscribitur Pomerium Ecclesiæ
Ravennatis, & alibi, pro *Clusio*, legitur *Classa*. Verùm nulla
ejus nominis civitas in Tuscia memoratur. Verùm in
Æmilia seu Romandiola Provincia, tertio à Ravenna mil-
liari Civitas fuit *Classis* nomine, vulgò adhuc *Classe* (quòd
ibi Classis Romanæ statio in mari Supero, diu fuerit ex
instituto Augusti) ubi celebre est Benedictini ordinis à Mo-
nachis nigris ad Camaldulenses translatum anno 1138. Mo-
nasterium, titulo^h, S. Apollinaris qui Petri, aut etiam ipsius
Christi discipulus, martyrium ibi passus, Ravennatum Apo-
stolus habetur; & Antoninus aliique Gratianum *Classensem*
Monachum

Monachum vocant : hinc credibile fit Autorem nostrum, licet diutius Bononiæ vixerit, tamen aliquandiu in eo Monasterio degisse. Imò & in eo partem operis sui conscripsisse inde conjici potest, quòd Gratianus ipse ⁱ, ubi formulas proponit Apostolorum sive Libelli dimissorii, itemque Libelli appellatorii; eas adducit sub nomine Capellani S. Apollinaris ab Episcopo Bononiensi; & Episcopi Regiensis seu Rhagini, à Ravennate Archiepiscopo, ad sedem Apostolicam appellantium. Id certè indicio est familiaria hæc ipsi loca fuisse, ideoque ei facile occurrisse vocabula Sancti Apollinaris, & Ravennensis Ecclesiæ.

ⁱ In §. forma;
sub can 31. post
appellationem,
ij. quæst. 6.

V. Sub idem tempus floruere in Gallia duo alii doctrinæ insignes viri, Ecclesiasticorum & ipsi studiorum duces, ac principes: *Petrus* nempe, *Lombardus*, à natali solo dictus, qui quatuor Sententiarum libris *Theologiam* Scholasticam fundavit, Parisiensis postea Episcopus; & *Petrus Comestor*, sive *Manducator*, Decanus primum S. Petri Trecentis, deinde Parisiensis Ecclesiæ & Academiæ Cancellarius, ac tandem apud S. Victorem Canonicus Regularis: qui *Autor Historiæ Scholasticæ*, sive enarrationis Historicorum sacri instrumenti voluminum. Hæc in his tribus ejusdem ætatis hominibus, litterarum Ecclesiasticarum, quamvis non eodem in genere, professio & scientia excellens, locum fecisse videtur fabuloso quorundam ^l commento; qui, quòd tres illi viri, in tractandis certâ & novâ quadam methodo, disciplinis sacris, æquales & quasi fratres viderentur, quorum quisque in suo instituto præcipuus, Magistri titulum meruit, & in eadem urbe Parisiensi professi omnes feruntur; vulgarunt eos revera uterinos fratres fuisse, ex stupro aut adulterio procreatos. Cui hoc quoque adjicitur ^m communem eorum matrem, cum sub exitum vitæ peccata sua confiteretur, vix in animum inducere potuisse, ut illius adulterii eam pœniteret, ex quo natos cerneret filios adeò scientiâ eximios, qui in Ecclesiâ Dei, tanquam seculi sui lumina, fulgerent: jussamque à sacerdote, apud quem peccata sua enuncjabat, ut hoc saltem doleret quòd pœnitere non posset. Sed si quis rem exactius discutiat, ei fabulæ fidem facillè abrogabit cum B. Antonino antè laudato. Nam, nec natio eorum eadem; cum Gratianus, gente Erruscus, Clusii, uti jam diximus, natus; Petrus verò Lombardus, apud Nova-

^{§.} *Fabula de illegitimis ejus & Petri Lombardi, ac Petri Comestoris, ex eadem matre, nataliis.*

^l *Præposit. in proem. decret.*

^m V. Tiraquei. in lib. de nobilit. cap 25. num. 31.

riam in tractu Mediolanensi; Petrus denique Comestor Gal-
lus, apud Tricasses nimirum ortus, & Gratiano ac Lem-
bardo junior fuerit.

6. *Epitaphium
Gratiani.*

n Guid. Pancirol.
de clar leg. inter-
pret. & Ughel.
Ital. sacræ tom. 3.
in Episcopis Clu-
sinis.

VI. Exstat Bononiæ Epitaphium Gratiani, in hæc verba n.
GRATIANI Clusini, Casarei Iuris & Pontificii enucleatoris
propè divini, qui Monachus in Martyrum Felicis & Naboris ade,
absolutissimum ibidem opus DECRETORUM anno gratiæ
MCLII. compilavit, monumentum, quod illic Curia obsordue-
rat, hic magnificentiùs renovatum est. Io. Franciscus Alarovan-
dus Bonon. IIII. Dictator, ære publico restauravit anno salutis
MCCCCXCVIII. Idibus Iunii, Ioanne Bentivolo II. PP.
Rempublicam feliciter gubernante.

In æde autem S. Felicis, ubi Decretum composuisse cre-
ditur, inscriptum saxo vetusto, quod in sacrario nunc con-
ditum est, hoc de Gratiano eodem rude legitur Carmen.

Hanc adis partem, Lector, reverenter adito:
Namque loci Monachus Decretum hic condidit huius,
Divinum GRATIANUS opus, quantumlibet arcto
Contentus septio, quod (post) reparando caducum,
Et vetus hoc claustrum, tolli fuit inde necesse:
Id tamen Abbate constructum est Bartholomæo,
Mille trecentis (&) decies septem, atque quaternis
Annis à Christo pura de Virgine nato.

CAPUT III.

*De vero Titulo Decreti, deque ejus condendi causis
& tem, ore.*

i. Gratianus
Canone p̄imus
conciliare ag-
gressus est.

I. QUI priùs Collectiones Canonum ediderant, om-
nes coacervandis dumtaxat Decretis & Regulis
Ecclesiasticis incubuerant: at Gratianus non solum collig-
endis Canonibus operam dedit, sed Ivonis fortè præfatio-
ne excitatus, (quod Romani Correctores opinantur) id
quoque negotii suscepit, ut certis propositis quæstionibus,
varios Canones qui ad easdem spectabant, ac sæpè invicem
pugnare videbantur, in utramque partem adduceret; atquæ
inter se commissos, adjunctâ explicatione in concordiam redu-

ceret. Eò pertinent Paragraphi, siue potiùs Gratiani dicta & ratiocinia, quæ Canonibus subinde ab eo, solvendis illorum nodis, interseruntur.

II. Hinc operi universo titulus factus ut **CONCORDIA DISCORDANTIUM CANONUM** inscriberetur: quæ inscriptio, forsân imitatione Cresconii imposita, in plerisque hujus Collectionis manu exaratis exemplaribus occurrit, rubris characteribus notata, ut admonent in præfatione sua jam dicti Correctores Romani. Cresconius tamen ° id tantum curaverat, ut similes Canones inter se compararet; ne de conciliatione admodum laboraverat.

III. **DECRETI** quidem Nomen, quod huic volumini per abusum tribuitur, ei nullâ ratione convenit: utpote quod non unum aliquod Decretum, sed innumera propè Decreta Ecclesiastica comprehendat. Quapropter vox illa *Decretum* in melioribus editionibus mutata est in nomen pluralis numeri: quem in librorum titulis magis idoneum judicasse Cicero videtur, cum libros de *Finibus* & de *Officiis* &c. inscribere maluit, quàm de officio, aut de fine. Ea de causâ hoc opus Antonius Demochates *Decretorum Collectanea*, Antonius Contius *Decretorum Canoniconum Collectanea* indigitarunt. Neque verò existimandum est Gratianum à Burchardo, aut Ivone vocem Decreti esse mutuatum, cum nec in veteribus eorum exemplaribus ea inscriptio invenitur. Innocentius sanè III. à Correctoribus laudatus, opus Gratiani vocat *Corpus Decretorum*, in Epistola ad Archiepiscopum Compostellanum.

IV. Huic autem Decretorum Compilationi operam dedisse Gratianus traditur ab anno 1127. ad an. 1150. sequenti verò anno 1151. illud in lucem emisisse, imperante apud Germanos Conrado III. Suevo, regnante in Gallia Ludovico VI. seniore, quem vulgò Crassum appellant, Romanam verò sedem obtinente Eugenio III. Verùm alii alio, atque alio tempore compositum, editumque volunt hoc volumen. Sed illud primùm admitti non potest quod Antonius Augustinus libri posterioris de emendat. P. Gratiani, in Libro Pontificali non edito legi notat circa extrema Innocentii III. tempora. *Hoc anno* (scilicet 1215.) *Gratianus Monachus de Clusa civitate Tuscia natus, Decretum composuit, ut dicit Hugutio*, antiquus scilicet Juris Canonici interpres. Certum enim

2. *Verus operis à Gratiano compositi Titulus.*

° In sua can. concord.

3. *De nomine Decreti.*

4. *Tempus, quo hoc opus compositum est editum.*

p Dialogo 9.

est hoc Decretorum opus non modò ante Innocentii III. sed & ante Alexandri III. Pontificatum in manus hominum venisse : Unde ad extrema Innocentii II. tempora & an. 1142. potius referendum est, quod scribitur in eo pontificali. Id ita esse probatur ex Notatis per Correctores post §. *forma*, sub *can. post appellationem* 11. *quest. 6.* ubi formæ Libelli appellatorii, quò apostoli petuntur, tempus apponitur : qui locus sic vulgo legebatur, *Pridie Kal. Maii anno Dominica Incarnationis, MCLXI. indict. quartâ* : Sed quoniam hic Indictionis numerus, anno illi non congruit, idcirco in margine additum fuerat, *aliàs MCV. feriâ quartâ* : quod tamen non abs re in Scholiis ab Hugucione veteri interprete correctum fuit. Scribit enim hunc Librum editum fuisse docente Jacobo Bononiæ in Legibus, & Alexandro in Theologiâ (Hic fuit postea Alexander III. Pontifex Maximus) & fuit annus 1150. ut in Chronicis patet. Idque Valentinus Forsterus in vitis dictorum Jurisconsultorum confirmat ex tumulo ipsius Gratiani, qui Bononiæ, ut dictum est, extat. Alia quoque scholia vetustiora apud Antonium Augustinum ad marginem sic annotarunt. *Non currebat hic annus (nempe 1105.) tempore Gratiani ; cum & ipse inseruit huic operi capitula Innocentii II. qui paulò præcessit Alexandrum contemporaneum Gratiani.* Unde à Correctoribus Romanis post Democharem & Contium, eo loco, pro anno *Dominica Incarnationis MCLXI Indict. IV.* qui numerus (ut dicit glossa) stare non potest, scriptum est *anno Dominica Incarnationis MCXLI. Indict. IV.* Ratio est, quia hæc indictio quarta cum hoc anno MCXLI. concurrit ; & inter variantes lectiones, quæ in Manuscriptis habentur, cum nulla constare possit, illa correctio eligenda visa est, quæ à vulgata lectione quàm minimùm recedit, & solam notarum numeralium transpositionem continet. Relinquitur ergo ut ad opus Decretorum se Gratianus accinxerit anno Christi 1127. quod Trithemius voluit ; & circa annum 1141. Secundam Partem aggressus fuerit, quemadmodum suadet §. jam laudatus *Causæ secundæ q. 6. versiculo ego Anselinus* : anno verò 1150. volumen totum perfecit, secundum Hugucionem ; & anno demum 1151. ediderit, quæ communis est sententia.

9. Gratiani De
creto cum bo-
nare excerptum.

V. Sunt qui scribant hoc Decretorum volumen. Eugenio III. Pontifici oblatum, adeoque illi gratum fuisse, ut co-

comprobato, Gratianum Clusinae Ecclesiae, patriae scilicet suae Episcopatu donaverit. Hoc certe opus tam avidè in scholis ubique exceptum fuit, ut ejus autor *Magister* *ἡγούμενος* dictus, summam in decidendis causis auctoritatem habuerit. Itaque qui ejus volumen ita edidicissent, ut aliis prælegere possent viderentur, *Baculo*, velut quodam doctrinae haud vulgaris indicio, donari ceperunt: qui usus ex Longobardorum moribus fluxisse putatur: sic Doctorum titulo coonestabantur, & à *Bacillo* vulgò *Bacillarii* vocabantur. Hunc morem tum primùm Bononiae institutum, à Parisiensibus, ubi tum decreta & summa docebantur, fluxisse alii existimant, in quorum vetustis constitutionibus *Bacillarios* aiunt nominari. Sed postmodum aucto Doctorum numero, alia promovendorum Doctorum ratio introducta est: interjectusque, medius inter *Bacillarios* seu *Baccalarios* & Doctores sive Magistros, gradus *Licentiatorum*; qui sic dicti à *Licentia* docendi eis publicè concessa. Ceterum non desunt qui Gratianum ab Eugenio III. Lutetiam missum, atque in hac regia urbe jus Pontificium docuisse memorent.

CAPUT IV.

I De Autoribus quorum Centones in opus suum contulit Gratianus.

I. D E C E R P T U M est hoc opus ex quintuplici praesertim scriptorum genere. Primò quidem ex aliquot *Sacrae Scripturae* locis per se laudatis, praeter ea quae sparsa occurrunt per cætera omnia Capita. II. Ex *Canonibus* qui vocantur *Apostolorum*. III. Ex *Conciliis* ferme tot. œcumenicis nimirum novem prioribus (connumerato *Trulano*, sive *Quinisexto*) Topicis verò, seu particularibus circiter sex ac nonaginta. IV. Ex *Decretis*, aut *Decretalibus* (partim indubitatis, partim dubiae fidei) Epistolis, Romanorum Pontificum septuaginta & octo. V. Ex operibus Graecorum, Latinorumque *Patrum*, & Autorum *Ecclesiasticorum* sex & triginta: Praeterea ex tribus *Penitentialibus*: nempe ex *Codice Theodosiano*; Paulo, & *Ulpiano Juriscon-*

I. Unde Centones suos desumpsit Gratianus.

sultis, & *Corpore Juris Civilis* à Justiniano compositi, *Regumque Francorum Capisularibus*, atque Imperatorum aliquot *Rescriptis*; imò & ex *Historiâ Ecclesiasticâ*, *Pontificali*, *Gestisque Pontificum Romanorum*, *Libro Diurno*, & *Ordine Romano*.

2. *Autorum hujusmodi Catalogus unde petendus.*

II. Horum omnium Catalogum in Classes quinque distributum Boëtius Epo collegit, Lib. 2. de Jure sacro. Extat & Canonum ex Conciliis desumptorum Index, quo unumquodque caput ad suum locum referrur, ad calcem veterum Gratiani editionum: sed cum in recentioribus editionibus omisere Typographi.

3. *Locupletior Index in editione Parisiensi anni 1610.*

III. Verùm pleniori Indice, Petrus Guenois sub finem Corporis Juris Canonici in Editione Parisiensi sub insigni Navis anno 1618. emissâ, omnes Canones, quoad poruit, ad suos retulit autores. Sed, ut verum fatear, hæc res, si quis eam accuratè implere velit, longè majoris est ac difficilioris operæ: nec cujusvis est eam aut adhibere, aut etiam æstimare. Ex quod attinet ad sacræ Scripturæ loca in juris Canonici libris passim allegata, sæpè & explicata, eorum Indicem sub titulo *Concordantiæ*, initio, ni fallor, superioris seculi, Joannes Nivicellensis Abbas contexuit: quod quidem opus non exiguam utilitatem afferre potest ad pleraque sacrorum Codicum, juxtâ summorum Pontificum, & Ecclesiæ Patrum mentem, intelligenda.

C A P U T V.

De Partibus Decreti Gratiani.

1. *Rerum apta Divisio quanti momenti.*

I. **D**IVISIONIS commodè instituendæ peritiam tanti Socrates faciebat apud Platonem in Phædro: ut profiteri solitus esset eum se pro Deo habiturum, qui nosset rem universam suas in partes rectè, exacteque dividere.

2. *Præsertim in Jure.*
a L. bro 1. de orat.

II. Quod ad Juris tractationem attinet, eam P. Crassus apud Ciceronem^a in rectâ Divisione constituisse viderur: ait enim: *Si quis effectisset ut primum jus omne in genera digere-ret, deinde eorum generum quasi quadam membra dispartiret, tum propriam cuiusque vim definitione declararet, perfectam nos artem juris habituros.*

III. Secundum hanc rationem videri potest Gratianus genera summa Juris Pontificii satis apte constituisse, Personas, Causas & Res Ecclesiasticas. Cum enim ex Justiniano ^b Jus omne ad tria imprimis pertineat, Personas scilicet, Res, & Actiones sive Judicia, Gratianus in Primâ Parte, quam *Distinctiones* nominavit, de jure ipso in genere, deque Episcopis & Clericis: in II. quam *Causas* appellavit, de judiciis & negotiis Sacri fori; in III. denique, quæ vocatur *de Consecratione*, agit de Rebus & ritibus sacris.

In membris quoque seu capitibus illorum generum idonee partiendis non parùm laboravit, ne quasi scopas dissolutas nobis obtruderet: sed cum ordinem servaret, qui cuivis non nimium moroso satisfacere posset. Hæc singula ex ipsius Auctoris ac veterum interpretum mente, paulò accuratius persequenda videntur. De hac certè materiâ fusè disseruere, præter antiquos Glossographos, Archidiaconus, Dominicus Geminianus, Præpositus, S. Antoninus, Joannes à Turre cremata.

IV. Porro *Distinctiones* auctor noster idcirco vocavit, opinor, sectiones Primæ ac Tertiæ Partis, quòd in id imprimis incubuerit, ut discordiam, quæ inter varios Canones apparebat, adhibitis distinctionibus componeret. Secundæ autem Partis segmenta *Causarum* nomine designare maluit, quòd in ea Causas & Quæstiones controversiarum sub Ecclesiasticam Jurisdictionem cadentium, tractaret.

3. Gratiani
Divisio.

^b In §. ult. Instit.
de jur. nat. gent.
& civili.

4. Cur Distinctiones, & Cause à Gratiano sic dictæ.

CAPUT VI.

De Ordine Primæ Partis.

I. **P**rimæ Partis ordinem explicat ipse Gratianus non uno loco. Primò quidem statim in summa seu principio Distinctionis 1. ait *Humanum genus duobus regi, naturaliter videlicet jure & moribus*, quæ duo confundere videtur cum Jure Divino & Humano seu Constitutionis: quasi hæc inter se non differant. Subjicit aliam esse divisionem in Jus Naturale, Gentium & Civile Tum vero in 3. distinctionis principio, Constitutionem ostendit *aliam esse Civilem, aliam*

1. Prima hujus
partis summa
Divisio ex ipso
Gratiano.

Ecclesiasticam: ac deinde utriusque Partes sive species prosequitur ad extremam Distinctionem 20. Tum in Principio Distinctionis 21. ita loquitur: *Decretis ergo Romanorum Pontificum, & sacris Canonibus Conciliorum, Ecclesiastica negotia, ut suprà monstratum est, terminantur. Ministri verò sacrorum Canonum & Decretorum Pontificum sunt summi Pontifices, & infra Prasules & reliqui sacerdotes. In principio verò Distinctionis 23. adjicit: Breviter qua inter Ecclesiastica officia sit differentia, monstravimus: Nunc à summo Pontifice incipientes, & usque ad ultimum gradum descendentes, qualiter quisque eorum debeat ordinari, sanctorum autoritatibus ostendamus: Denique in fine Distinctionis 101. Hactenus, inquit, de Electione & Ordinatione Clericorum Catholicorum tractavimus: nunc ad Simoniacorum ordinationes transeamus.*

2. Partis hujus
summa Capita
duo.

II. Ex his patet, spectatâ materiâ; totam hanc Primam Partem ad duo summa capita referri posse, ad Juris Canonici generalia Principia, & ad Personas Ecclesiasticas: Hujus posterioris membri duo tractatus distinguendi videntur, alter de Ordinatione Clericorum, atque Episcoporum: alter de Hierarchia propriè dictâ & Jurisdictionis Ecclesiasticæ gradibus: & sic tripartita Divisio confurgit, in tractatus de Jure in genere, de Clericis atque Episcopis Ordinandis, & de officio Pontificum.

3. Interpretum
alia partitio.

III. Vulgus Interpretum hanc Primam Partem in septem membra partitur: Primum de *Juris* ipsius Elementis: Secundum de origine atque *Officio Ministrorum* Ecclesiæ: Tertium peculiariter de *Officio Episcopi*, idque potissimum juxta S Pauli præcepta tredecim, sicut à nostris numerantur ex Epistolis ad Timotheum & ad Titum: Quartum de nonnullis *Impedimentis Ordinum* Ecclesiasticorum, tum suscipiendorum, tum exercendorum: Quintum de *ratione constituendorum Ministrorum* Ecclesiæ, ac præsertim Episcoporum: Sextum de illis tredecim *Regula Paulina præceptis*, quæ iterum per Anacephalzosin refricantur: Septimum de *Potestate Pontificis Maximi*, & Jurisdictionis Ecclesiasticæ præstantiâ. Verùm ex his septem membris, intermedia quinque nihil aliud sunt, quàm particula secundi membri, nimirum de Personis Ecclesiasticis.

4. Partis primæ
Tractatus
primi, seu Distinctionis 20. propriam materiam.

IV. Itaque priorj Primæ hujus Partis tractatu, viginti nempe primis Distinctionibus, quæ veriùs prolegomena sunt

sunt totius Decretorum operis, Juris Pontificii Elementa Gratianus complectitur; ejusque etymon ac generales divisiones, cum harum subdivisionibus explicat. Generales autem Juris Divisiones tres proponit, duas quidem distinctione 1. Alteram in *jus Divinum & Humanum*; alteram in *jus Naturale, Gentium & Civile*: Tertiam addit distinctione III. in Ecclesiasticum, sive *Canonicum*, & Civile seu *Seculare*. Sed Divinum jus cum Naturali, uti antè annotavimus, confundere videtur: quod *dist. 5.* commendat ab antiquitate & immutabilitate; *dist. 8. & 9.* à præcellentia seu dignitate, *dist. 13. & 14.* ex eo quod dispensationem non admittat. Cui tractationi inserti sunt excursus de Quadagesimæ jejuniis *dist. 4.* de Purgatione puerperæ, *dist. 5.* deque nocturnis illusionibus, *dist. 6.* Juris autem Civilis Partes prosequitur *dist. 2.* Præterea Jus Humanum distinguit in *Scriptum*, seu Legem, de qua *dist. 4. & 7.* disserit; & in *non scriptum* seu Consuetudinem propriè dictam, quò pertinent *dist. 8. & seqq.* ad 12.

Porro Ecclesiasticæ Constitutiones, quæ generali nomine Canones vocantur, aliæ sunt *Statuta Conciliorum*, sive universalium, sive Provincialium, quò spectat *dist. 15.* cum seqq. ad 18. aliæ sunt *Decreta Summorum Pontificum*, de quibus *dist. 19.* aliæ denique expositiones & *Sententiæ Patrum*, de quibus *dist. 20.*

V. Secundus Tractatus, qui ab ipso autore *post can. 6. Causa 1. quæst. 7.* & sub Canone *constat 19. de consecrat. dist. 4.* vocatur *Tractatus Ordinandorum*, à 21. distinctione ad 101. & ultimam. Agitur in eo de *Ministris Ecclesiæ*, ita ut 21. *distinctione* cum sequentibus ad 92. tractetur de Ordinibus, institutione, atque officiis; à 93. verò *distinctione* ad finem, de variis Hierarchiæ sive Jurisdictionis sacræ gradibus disceptatur. Et primò Personarum Ecclesiasticarum ad singulos gradus Promotionem, & singulorum ordinum Officium describit à 21. *distinctione* ad 25. Tum de virtutibus & qualitatibus, quæ in Episcopo ex B. Paulo, tam quod ad mores, quàm quod ad eruditionem attinet, requiruntur; quæ secundum Apostoli doctrinam in reliquis etiam Clericis proportionè habità, exiguntur per Canones.

Eadem ratione de criminibus & Vitiis quæ personis Ecclesiasticis maximè vitanda sunt, à *distinctione. 25.* ad 61. disce-

5 Partis 1. al-
ter tractatus ge-
neralis.

ritur : quæ materia à distinctione quoque 81. ad 95. ref-
fricatur. Deindè ad Episcoporum Electionem transit
Gratianus, deque eorum consecratione & cæterorum iti-
dem graduum Ordinatione loquitur, sive de ordinandis &
ordinatoribus, ut ipse ait initio *distinctionis* 81. in quâ des-
init ea tractatio, inchoata à *distinctione* 62.

Postremò de majoritate Superiorum, & de obedientia ipsi-
ab Inferioribus ordinibus debita, sive de Hierarchia propriè
dicta agit à *dist.* 93. in quâ & sequenti traditur Romano Pon-
tifici, ejusque Legato à reliquis omnibus, itemque Episcopo
à Presbyteris, atque his à Diaconis exhibendum esse obse-
quium & honorem: *dist.* verò 95. disputatur quid sacerdo-
tibus liceat aut vetitum sit: 96. & 97. *dist.* quod & quale sit jus
Secularis potestatis in Rebus Ecclesiasticis; denique 98. &
reliquis, quæ Primatum & Metropolitanorum jura sint, &
quâ ratione institutæ Provinciæ Ecclesiasticæ, explicatur.

C A P U T VII.

De Ordine Secundæ Partis Decreti.

3. *Causa &
Questiones cur
sic dictæ.*

I. **P**OST Distinctiones sequuntur CAUSÆ, quæ Se-
cundam constituunt hujus voluminis partem: sic
dictæ, quòd in singulis quædam facti species, sive hypo-
thesis, & veluti lis aliqua decidenda proponitur; pluribus
adjunctis rerum adminiculis & circumstantiis, quasi vestita.
Hinc *Causa* in *Questiones*. Forensibus disputationibus accom-
modatas, tanquam membra præcipua in minores articulos,
dividuntur; quarum in unaquaque discutitur certa facti cir-
cumstantia.

2. *Hæc Pars ad
judicia pertinet.*
a In orat. pro
Cecina.

II. Spectat igitur hæc Pars ad *Judicia & negotia Ecclesiasti-
ca*. Et quoniam, teste Cicerone ^a, judicia omnia, aut distra-
hendarum controversiarum, aut puniendorum maleficio-
rum causâ reperta sunt: idèd Causarum Gratiani bimembris
partitio est: Nam criminalia judicia exequentur priores
Causæ; posteriores verò sunt de civilibus negotiis, quibus
permixta quoque non rarò sunt criminalia. Cur autem à Cri-
minalibus initium Causarum suarum duxerit Gratianus,
ipse consilii sui rationem affert in fine ultimæ distinctionis,

Sed hanc Secundam partem obscuriùs à Gratiano digestam agnoscit Fr. Florens, eruditus Antecessor Parisiensis, ^b meusque in antecessura decessor.

III. Quocirca Ordinis rationem ex compluribus veteris interpretis, id est Glossæ, locis accuratè eruere idem Florens conatur; nec tamen id assecutus est ut planam ac dilucidam hujus Partis methodum reperiret. Sæpiùs enim interrumpi seriem; nec modò digredi, sed aliquando aberrare Gratianum fatetur.

IV. Mihi tota hæc tractatio ad majora & generalia Membra Quatuor non incommode reduci posse visâ est. Primò ad materiam criminalium Ecclesiæ judiciorum præcipuam, *Simoniam* nimirum: 2º ad *Ordinem judicium*, live formam judiciorum, præsertim Criminalium; 3º ad reliquam judiciorum exteriorum, tum civilium, tum imprimis criminalium, Materiam, quæ in plures articulos subdistinguitur, pro vario Personarum statu & juribus, Clericorum nempe tum Majorum & superiorum, qui vulgò Prælati vocantur; tum Majorum simul ac minorum; tum etiam Inferiorum scorsim; ac deinde Monachorum cæterorumque Regularium, qui nunc Clericorum ferè jure utuntur; denique Laïcorum, quorum hodiè proprium est Matrimonii sacramentum: 4º. ad judicium interioris fori & Sacramentum *Penitentia*. Revocatæ ad sua membra Causæ triginta sex, totidem vocabulis, juvandæ memoriæ causâ inventis, hîc in margine indicabuntur, unoquoque Causæ suæ adscripto: quæ voces, si per quinarium numerum in versus redigantur, heptastichon reddunt.

V. Gratianus in Criminalium negotiorum persecutione, majora minoribus præponit: undè, cum omnia Crimina respectu *Simonie* pro nihilo quasi reputentur^c, idè de ea primùm disputat totâ Causâ Prima.

VI: Inde accedit ad Criminum in genere persecutionem, agitur DE ORDINE JUDICIARIO, in criminalibus, nisi omnino manifesta fuerint, servando: quoniam nemo condemnandus est, nisi convictus, vel confessus.

Imprimis autem de *Appellationis* remedio, cur & quomodo interponi debeat, agitur Causâ SECUNDA, cujus Ordinem indicat Gratianus in fine Causæ superioris, & Glossa initio ipsius Causæ II.

^b In præfat. de meth. & auctor. Collection. Grat. & reliquar.

³ Ordinis ratio minus accurata videtur.

⁴ Defenditur, & indicatur Ordo.

⁵ Tractatus, seu Membrum generale 1. de *Simonie*.

^c Can. fin. 1. q. 7.

CAUSA I.

Simon.

⁶ Membrum generale 2. de Ordine judiciorum criminalium.

C. II. *Appellat.*

Ad eundem Tractatum referuntur sequentes quatuor Causæ.

Causa III. *spoliatus.*

TERTIA, in qua præsertim de *Restituendis* iis qui contra jus spoliati, de *Dilationibus* sive induciis, causisque repellendorum Accusatorum & Testium, de reorum adversus eos exceptionibus, de loco judicii, & Purgationis Canonice usu disseritur.

C. IV. *Teste.*

De iisdem, & maxime de *Testibus*, agitur Causâ QUARTA.

C. V. *Libello.*

At Causa QUINTA *Libelli famosi*, falsæque Accusationis autoribus pœnas irrogat.

C. VI. *Infames.*

SEXTA verò *Infames*, excommunicatos, & criminum reos submovet ab accusatione, & superius tractata ex parte refricat, de *judiciis* Episcoporum, & necessaria quandoque Purgatione.

7. *Membrum generale 3. de reliqua judiciorum materia: ubi 1. de factis majorum Prælatorum.*

VII. Inde pergit autor ad RELIQUAM JUDICIORUM MATERIAM, quæ in iuribus negotiisque ac factis consistit, partim extra crimen positis, sed plerumque ad Crimen pertinentibus: quæ idè permixtim tractari videntur, quòd qui jus alterius Clerici, vel etiam Ecclesiæ præripit, crimine haudquaquam vacet.

Primò itaque de factis Prælatorum Majorum agitur: & Causâ SEPTIMA ac seqq. tribus, tractat Gratianus de *iuribus ac delictis* Archiepiscoporum atque Episcoporum.

C. VII. *Vivens.*

Hæc consistunt imprimis in appetendo *Viventis* loco; còque pertinet Causa SEPTIMA. In *Mutanda* sede aut abdicanda Dignitate, deligendove *successore*; de quo disseritur

C. VIII. *Successor.*

Causâ OCTAVA. Tum in exercenda potestate ac sacrâ jurisdictione *in diœcesi alienâ*; quò spectat Causa NONA. Aut etiam in propria, *non ex officio administranda*, de quo est

C. IX. *Solve.*

Causa DECIMA.

C. X. *Regendo.*

8. *De communibus majorum & minorum delictis.*

VIII. Sequuntur per Causas quinque *Communia Minorum & Majorum Clericorum jura & vitia*, in prosequendis, administrandis, aut etiam acquirendis *Rebus temporalibus*.

C. XI. *Censuram.*

Causa enim UNDECIMA est de libris, sub pœnâ *Censura*, nonnisi in competenti Ecclesiastico foro instituendis.

C. XII. *Testor.*

Causa DUODECIMA de *disponendis* Ecclesiæ vel propriis bonis, tam inter vivos, quàm *Testamento*, aliave ultimæ voluntatis specie.

C. XIII. *Funus.*

Causa DECIMA TERTIA de *Decimis* & oblationibus, *funerariis* præsertim, earumque, ut & aliorum Ecclesiæ juriur, *Prescriptione*.

Causa DECIMA QUARTA de repetendis rebus, & *vsu-*
variis commerciis vicandis.

Causa XIV. *Fa-*
nui.

Causa DECIMA QUINTA de ignorantium ac *furi-*
orum delictis excusandis, de *Purgatione* Canonica non facile
indicenda, de *Confessione* iudiciali, aliisque.

C. XV. *Furiosus.*

IX. Umbilicus, ut ita dicam, hujus Partis ad *Monachos*
pertinet, Causæ nempe quinque, quæ medium in eâ obti-
nent locum.

9. De *Mon-*
achis.

Causa quippè DECIMA-SEXTA eorum in Ecclesiis suis,
& contra alias Ecclesias jura explicat, nominationis præfer-
tim ex *Patronatu*, & jurisdictionis ex *Præscriptione*.

C. XVI. *Mon-*
achi.

Causa DECIMA-SEPTIMA *Votorum* Monasticorum
obligationem spectat, pœnamque ejus qui *Clericum* vel *Mo-*
nachum occidit aut *percutit*.

C. XVII. *Occi-*
dit.

DECIMA-OCTAVA Abbatis electionem tractat.

C. XVIII. *Ab-*
batis.

DECIMA-NONA Clericorum *Regularium* in claustra seu
Monasteria transitum :

C. XIX. *Clau-*
stra.

VIGESIMA *Professionis* libertatem; quæ *Voluntaria* om-
nino esse debet.

C. XX. *Volentes.*

X. Sequentibus sex Causis differit autor noster, maxime
de *Inferiorum*, non solum Clericorum, sed etiam *Laicorum*
delictis & juribus.

10. De *Cleri-*
corum & Laice-
rum communi-
bus delictis ac
juribus.

Nam VIGESIMA-PRIMA Causa adstruit *Absolutionem*
Clericorum in Ecclesiis suis, nisi fortè *commendatam* quis ha-
beat, in alterâ intitulus: & *secularia* negotia, indumenta, at-
que judicia ipsis interdicat.

C. XXI. *Com-*
mendas.

In VIGESIMA-SECUNDA jubetur servari *iusjuran-*
dum, & jurata superioribus Obedientia.

C. XXII. *Iurante*

In VIGESIMA-TERTIA Laicis *Militia* in bello justo
permittitur; vindicta publica *Magistratibus*, etiam in causis
hæreseos.

C. XXIII. *Pu-*
gnas.

In VIGESIMA-QUARTA inutilis pronuntiatur ab
Hæreticis prolata *Excommunicatio*; contra in hæreticos,
etiam post mortem non inutilis.

C. XXIV. *Hæ-*
resis.

In VIGESIMA-QUINTA *Privilegiarum* autoritas *vio-*
lari prohibetur; & abrogatio quatenus valeat, expenditur.

C. XXV. *Viola-*
tas.

In VIGESIMA-SEXTA vetantur *Sortilegia* quævis,
excommunicationis pœnâ propositâ: Excommunicati autem
reconciliatio, presbytero non permittitur nisi cogente ne-
cessitate.

C. XXVI. *Sorti-*
legus.

11. *De Matrimo-
nio ejusque
Impedimentis.*

Causa XXVII.
Sponsus.

C. XXVII. *In-
fidelis.*

C. XXIX. *Ser-
vatus.*

C. XXX. *In-
fant.*

C. XXXI. *Ad-
ulter.*

C. XXXII. *Coit.*

C. XXXIII.
Mente.

XI. Causæ reliquæ ad MATRIMONIUM spectant, cu-
jus Impedimenta imprimis in illis expenduntur.

Causa nimirum VIGESIMA-SEPTIMA *Votum* castitatis, quo
Sponsæ Dei semel devinctæ humanis nuptiis profanari vetan-
tur; indicto, si simpliciter voverint, anathemate; si solenniter,
divortio: quod tamen ex posteriori voto locum non habet.

Causâ VIGESIMA-OCTAVA *Infidelitas* unius è con-
jugibus, certis casibus causam solvendo conjugio præ-
stat: sed longè magis Matrimonium prius cum alterâ perso-
nâ: nam & Bigamus censetur, qui unam *ante Baptismum* dux-
it, alteram post Baptismum.

Causâ VIGESIMA-NONA, ob status servilis in conju-
ge ignorantiam, & generaliter ob *Error*em circa personam,
inutile fieri conjugium ostenditur.

TRIGESIMA Causâ tractatur impedimentum ex *Assi-
nitate*, seu Cognatione *spirituali* ortum, ob *Infantem*, aut
Neophytum in Baptismatis sacramento oblatum sive susce-
ptum; itemque ex *Clandestina* desponsatione, ex quâ tamen
non solvebatur olim conjugium.

Causâ TRIGESIMA-PRIMA *Adulterium* cum ea quæ
ducenda proponitur, impedimento Nuptiis esse docetur, nisi
post peractam penitentiam: alioqui *Secunda Nuptia*, ob
fornicationis periculum, permittuntur; & libera esse juben-
tur etiam *filiarum familias* Matrimonia; nec tamen Sponsa-
liorum fides à parentibus data facilè infringi debet.

Causâ TRIGESIMA-SECUNDA ostenditur nullum ex
meretriciâ mulieris vitâ incundis cum eâ nuptiis impedin-
tum inferri; & incontinentiæ causâ ductam, nihilominus
uxorem esse habendam: ac licet voluntarius conjugis, viven-
te conjugē, concubitus cum aliâ personâ adulterium censea-
tur; si tamen post Matrimonium sequatur, non ad solven-
dum ejus vinculum, sed tantum ad *Thori separationem* valere
pronunciatur.

Causâ TRIGESIMA-TERTIA probat *Impotentiam*
coëundi dirimendo penitus conjugio locum facere, deque
adulteriæ penitentia loquens, demonstrat, licet *Mente*
præcipuè peccetur, non idè solâ cordis Contritione deleri
peccatum sine confessione: quâ occasione inferitur hoc loco
tractatus de POENITENTIA. Postèa de *conjugali* debito
disputatur; & de continentiæ voto, nonnihil ex mutuo con-
sensu à conjugibus emittendo.

Causâ TRIGESIMA-QUARTA *Dubium de morte conjugis* obesse nuptiis cum alia persona contrahendis tradit; nec sufficere ad novas nuptias, si conjux post diuturnam absentiam, mortuus credatur; sed ad reversum esse redeundum.

Causa XXXIV.
Dubians.

Causâ TRIGESIMA QUINTA intra *Gradus* definitos oriri docet Impedimentum conjugii *Cognatorum*, atque *Affinium*; & quomodo computandi *Gradus* ac probandi sint: nec modò Incestuosus pœnam infligi, sed & natos ex incestu abdicari debere.

C. XXXV. *Gradibus.*

Denique Causâ ULTIMA quatenus crimen *Raptus* matrimonium cum Rapto impediat, disseritur.

C. XXXVI. *Raptem.*

XII. Quod attinet ad Tractatum DE PœNITENTIA, qui, ut paulò antè diximus, Causæ 33.^a quæstioni 3.^a insertus est; is septem Distinctionibus constat: in *Prima Distinctione* perpenditur vis *Contritionis*.

12. *De Pœnitentia.*

In II. *Charitatis* per peccatum amissio, quæ iterari pœnitentiam cogit: quâ de re in TERTIA quoque agitur.

In IV. autem quæritur an peccata per pœnitentiam dimissa redeant. In V. agitur de *Pœnis satisfactoriis*, prudentis sacerdotis arbitrio imponendis. In VI. probatur Confessionem peccatorum *apud proprium Sacerdotem*, aliumve ipsius consensu, obeundam. Tandem in VII. Pœnitentiam *instante Morte* susceptam, fructuosam esse posse.

XIII. Cur hunc de Pœnitentiâ tractatum conjunxerit Gratianus cum Tractatu de Matrimonio, causa duplex imprimis affertur. Altera, quòd ex priscorum Canonum severitate, non soleret publicam pœnitentiam agentibus conjugium permitti; altera quòd ea pœnitentia non facilè matrimonio conjunctis, nisi utriusque consensu, indiceretur.

13. *Cur Tractatus de Matrimonio, inseratur Pœnitentia tractatio.*

XIV. Hæc autem duo Sacramenta idcirco in hac *Secundæ Parte* seorsim ab aliis est executus auctor, quia de priori sæpè in exteriori Ecclesiæ foro controversiæ oriuntur: in posteriore autem iudicium Ecclesiæ interius exercetur. Quapropter utrumque rectè ad iudicia Ecclesiastica refertur: cum reliqua extrajudicialia sint, atque ad res sacras extra controversiam ferè positas, magis pertineant.

14. *Cur in 2.^a Parte agatur de Matrimonio & de Pœnitentia.*

XV. Illud animadverti oportet, quod Romam Correctores post Antonium Contium, initio quæstionis tertiæ, Causæ Trigesimæ tertiæ annotarunt, Partitionem tractatus de Pœni-

15. *Tractatus de Pœnitentia sine Distinctionibus à Gratiano compositus.*

d Lib. priori de
emendat. Grat.
dial. 18.

tentia in Distinctiones septem, non ab ipso esse Gratiano; sed ibi omnia uno ductu ab eo scripta: quod & Antonius Augustinus indicat ^d. Et verò in antiquis Decreti exemplaribus nulla est distinctionum separatio: in aliquibus adscriptum est in margine *distinctio 1^a*, *distinctio 2^a* &c. Qui ergo secuti sunt, eam Tractationem, quod prolixior esset, in septem distinctiones diviserunt.

16. *De Causarum in Quæstionibus partitione.*

XVI. Notandum prætereà dubium esse an Causarum in Quæstiones distributio ipsius auctoris sit. Extabat quippe in Illustriss. quondam Franciæ Cancellarii, Petri Seguerii Bibliothecâ, Decreti exemplar anno 1480. Venetiis editum, in quo Causæ, absque ullis Quæstionum titulis, in Canones tantum divisæ reperiuntur. Unde probabile sit non à Gratiano esse hanc partitionem; sed ab alio adjectam, qui secutus ordinem Quæstionum in principio cujusque Causæ propositarum, Canonibus ad Quæstionem unamquamque spectantibus præfixit Quæstionis titulum & numerum.

17. *De Ordine inverso Causæ & VI.*

XVII. In ordine autem Quæstionum quibus constat Causa XVI. differunt inter se editiones. Etenim in Veneta illa, & aliis plerisque, Canon *admonemus*, Canon *precipimus*, Canon *nullus*, Canon *nam qui Deo*, positi sunt sub Quæstione II. post Canonem *Vifis*, ante Canonem *statuendum*. Eisdem autem Canones quædam Editiones collocant post Canonem *statuendum*, atque ex illis Terciam componunt Quæstionem: alix prorsus omittunt. Prætereà Canon sive §. *tales*, in Veneta editione conjungitur cum prædicto Canone *statuendum*; in recentioribus autem ab illo §. *tales*, incipit Quæstio quinta, inter secundam & tertiam Quæstionem interposita: ordine, si numerorum seriem attendas, sanè præpostero: at si materiam Canonum sub ea Causa comprehensorum spectes, idoneo, & menti auctoris respondente; qui pro quinta Quæstione initio Causæ proposuerat, quod ibi disputatur, an Episcopus novæ Capellæ vel Ecclesiæ, in suo territorio ab alio ædificatz, consecrationem & jurisdictionem sibi vindicare possit,

CAPUT VIII.

De Ordine Tertiæ Partis Decreti.

I. **T**RITUM summorum generum, ad quæ universum Gratiani opus revocari diximus, Tertium constituunt Res Sacræ, atque ad cultum divinum pertinentes. Hæ discutiuntur in Tertiâ & ultima Parte, quæ inscribitur DE CONSECRATIONE, quoddam ab eâ tractatione incipiat. Quinque Distinctionibus hæc Pars absolvitur: cujus connexionem cum superiori, & seriem, tradit glossa in Summa primæ Distinctionis; ejusque verba à Francisco Florentino Antecessore referuntur. Nobis satis erit, si indicaverimus autorem, cum in I. Parte de Ordinis Sacramento dixisset, quo Ecclesiæ Ministri Deo addicuntur, deque sacra Unctione pauca delibasset: In II. Partem egisse de Sacramentis Matrimonii & Pœnitentiæ; quæ ad judicia Ecclesiastica spectant: in hac III. Parte, reliqua Sacramenta Ecclesiastica exponenda suscepisse: quæ neque ad forum, sive exterius, sive interius, neque speciatim ad Ecclesiasticas personas spectare videntur.

II. Horum Sacramentorum dignissimum procul dubio est Eucharistiæ Sacramentum; quo nihil majus habere potest Ecclesia, & quod per Missæ sacrificium, non passim & ubique, sed certis ac destinatis locis, atque in id solenni consecratione præparatis, peragitur.

III. Idecirco DE CONSECRATIONE Ecclesiarum atque Altarium primum agit Gratianus: estque hæc Primæ Distinctionis materia.

IV. Deinde in Secundâ Distinctione de augustissimo Eucharistiæ Sacramento & sacrificio Corporis Christi, sive Missa disserit.

V. In Tertiâ de Festis diebus, quibus sanctissimum hoc sacrificium frequentare fideles tenentur.

VI. In Quartâ de Sacramento Baptismi, quod licet tempore præcedat, attamen dignitate cedit.

VII. In Quintâ de Sacramento Confirmationis, quod Baptismus subsequitur; deque cæteris ad cultum Dei

1. Refrigitur
generalis Ordo
totius Decreti.

2. Ratio ordi-
nis Tertiæ Par-
tis.

3. Materia
Distinctionis I.

4. Distinctionis
II.

5. Distinctionis
III.

6. Distinctionis
IV.

7. Distinctionis
V.

spectantibus, divinis nempe *Officiis*, *Ieiuniorum* observatio-
ne, *Sanctorum* sacrarumque *Imaginum* veneratione, ac de-
nique de sanctæ & individux *Trinitatis* servandâ præ om-
nibus fide; quæ Religionis Christianæ est fundamentum.

8. *Cur pauca
de suo protulerit
in hac Parte
Gratianus.*

VIII. Id cum glossa hoc loco videtur observandum,
Gratianum in hac ultimâ parte, quæ & omnium brevissima
est, minùs quàm in prioribus duabus paragraphos suos, & in
his solutiones seu *Conciliationes Canonum* interseruisse; nec
nisi bis in hoc toto tractatu eam methodum securum esse,
nempe post Canonem *Solent plures*, 50^a. dist. 1. & post Cano-
nem *Mulier*, 20^{um}. dist. 4. Cujus rei hanc rationem subjicit
eadem glossa, quòd de Sacramentis sobriè loquendum sit,
in quibus etiam vera loqui periculosum.

CAPUT IX.

*De Distinctionum & Quaestionum numero,
ac Divisione.*

1. *Cur hæc nosse
conveniat.*

I. UT hæc omnia meliùs intelligantur, è re futurum
videtur, si post generalem totius voluminis partiti-
onem, membrorum cujusque partis, id est tam Distinctio-
num, quam Causarum & Quaestionum quibus Causæ
constant, numerum & divisionem indicaverimus. Quamvis
enim hæc observationes ad percipiendam Canonum doctri-
nam non omnino necessariæ videantur: Scientiam tamen
Canonicam profluenti, hujusmodi etiam minutias ignorare
turpe fuerit: & sunt in his quæ ad ipsam disciplinam non-
nihil conferunt.

2. *Numerus
Distinctionum
totius operis.*

II. DISTINCTIONES omnes, quæ, tam in Prima
parte, quàm in secundâ sub tractatu de Pœnitentiâ, & in
tertiâ parte de consecratione, occurrunt, numerum 113.
efficiunt.

3. *Numerus
Quaestionum Se-
cundæ Partis.*

III. Causarum quaestiones (demprâ trigessimæ tertix Cau-
sæ Quaestione Tertiâ, quæ nihil aliud continet, quàm
Distinctiones de Pœnitentiâ) sunt 172. Idque hoc disticho
in memoriam revocari potest.

*Quaestio centuplex, & septuagesima duplex
Est in Causarum tractatu rite notata.*

IV. Quot autem Quaestionibus consent singulae Causae, ostenditur per quinque sequentium versuum Vocabula sex & triginta, quot nempe sunt Causae.

4. Numerus
Quaestionum con-
junctae Causae.

I.	II.	III.	IV.	V.			
7	8	11	6	6			
<i>Tempora labuntur Vernantibus indita formis</i>							
VI.	VII.	VIII.	IX.	X.	XI.	XII.	XIII.
5	2	5	3	3	3	5	2
<i>Dives, te cadit res tua, sic miser es</i>							
XIV.	XV.	XVI.	XVII.	XVIII.	XIX.	XX.	XXI.
6	8	7	4	2	3	4	5
<i>Sperne fluentia, respice cras ea non tibi sumes</i>							
XXII.	XXIII.	XXIV.	XXV.	XXVI.	XXVII.	XXVIII.	XXIX.
5	8	3	2	7	2	3	
<i>Multa recondis, cur? ut moriens ea des</i>							
XXX.	XXXI.	XXXII.	XXXIII.	XXXIV.	XXXV.	XXXVI.	
2	5	3	8	5	2	10	2

* *Da celer: est siquidem tutum, da praeveniens te.*

Quaelibet dictio Causam unam designat. Prima nempe dictio primam Causam; secunda secundam, & sic deinceps. Quot autem literis constat quaeque dictio, tot Quaestiones sunt sub Causa cui ea dictio responderet.

Sunt & alii quinque versus, omnes hexametri, in eundem usum conscripti: quos qui volet in multis editionibus inveniet. Alterutri possunt studiosis sufficere.

V. Decreti Distinctionibus, & Quaestionibus nulli à Gratiano praefixi sunt Tituli, siue Rubricae, quibus cujusque argumentum & materia summatim indicetur, quemadmodum à Justiniano in juris Civilis voluminibus factum fuerat, ac deinde à Gregorio IX. aliisque, in Decretalium Compilationibus. Idcirco privatorum Doctorum operâ hunc defectum suppleri oportuit. Eam in rem in plerisque editionibus occurrunt, Titulorum seu Rubricarum loco, Summulae quaedam Distinctionum, & Quaestionum, super-

§ Distinctionum
& Quaestionum
Series ac Mate-
riae indicantur.

scriptæ singulis foliis : subsidio quoque esse poterunt, tum summa materiarum cujusque Distinctionis & Quæstionis, quæ sub *Decreti abbreviati*, ac sub *Florescutorum Decreti* nomine circumfertur ; tum *Monosticha* singularum itidem Distinctionum, Causarum & Quæstionum materiam aliquatenus exprimentia : quæ opuscula in vulgatis editionibus, post Gregorii X. H. I. constitutionem præfationis loco positam, & post Catalogum tum summorum Pontificum, tum Conciliorum, inserta sunt.

6. *Articuli, sive partes Distinctionum & Quæstionum.*

VI. Constant autem Distinctiones & Quæstiones plerique omnes, partim *Canonibus* (quo nomine intelliguntur generaliter Capita, sive sententiæ aut fragmenta, ex Conciliis, Pontificum Epistolis, SS. Patrum scriptis, atque aliis operibus, de quibus antè dictum est, desumpta) partim Gratiani ratiocinationibus. Hæ vel initio Distinctionis aut Quæstionis ponuntur, & vocantur *Principia* vel *Summa*, quòd rei tractandæ summam ferè contineant; vel Canonibus conciliandis interferuntur ac subjiciuntur. His ratiocinativis & conciliatoriis locis nomen *Paragraphorum* est attributum : atque hinc fit, ut longiores Canones, non tam in paragraphos, exemplo Civilium legum, aut etiam Decretalium, distingui solerent ; quàm in *Versus* seu *Versiculos* : quo vocabulo sectiones quoque Gratiani solutionum sive paragraphorum indignantur. Verùm nova editio omnia hæc meo studio, ductu, atque operâ, emendavit.

7. *Numerus Canonum totius Decreti.*

VII. *Canonum verò*, qui in toto Decretorum corpore continentur, si quis numerum tenere cupiat, memoriæ mandet hoc Baptistæ de S. Blasio Distichon.

*Si numeres cunctè, ter mille Capitula, Lector,
Atque decem novies Decretum continet in se.*

Sunt ergò Canones sive Capitula omnino 3090.

CAPUT X.

Ratio Allegandi Capita, seu loca Decreti.

I. CUM, ut jam dictum est, in Decreto Gratiani, non per Libros & Titulos, quemadmodum in Partibus Juris Civilis, & in aliis Canonicis Collectionibus; neque ut in Libris Sententiarum Petri Lombardi, per Libros ac Distinctiones, servato uniformi ubique ordine; sed diversimoda sectionum in Partibus ratione, diversisque nominibus, procedat operis divisio: ideo in allegandis, seu citandis ex hoc Decreto autoritatibus, aliam ab recepta in laudandis Legibus viam Interpretes inierunt. Ex tribus itaque Decreti partibus sic Canones laudari sive allegari solent, ut prima cujusque Canonis seu Capituli vocabula citentur, adjecto in Prima quidem Parte numero Distinctionis, in Secunda Parte indicatis Cause & Questionis numeris (quanquam Cause vocabulum plerumque omittitur): sed in tractatu de Pœnitentia mentio Cause aut Questionis nulla fit, Distinctionis tantum numerus designatur cum adjectione de Pœnitentia: Quod similiter in Tertia Parte fit, additis vocibus de Consecratione.

1. Generalis in allegandis Decreti locis observatio, quantum ad Distinctiones & Questiones.

II. Quod ad Canones attinet, quoniam in longioribus tum Distinctionibus, tum Questionibus, longum ac difficile est eos ex solis vocibus primis invenire, difficilius omnes memoriâ tenere, eosque imprimis distinguere quorum idem initium est, sive qui ab iisdem verbis incipiunt, (quales multi reperiuntur): solent recentiores non pauci magno Lectorum commodo, Canonis quoque citati numerum adscribere. Res tota exemplis clarior fiet.

2. Modus citandi Canones seu Capitula.

III. Igitur ex PRIMA PARTE esse apparebit hanc allegationem, *Canon obitum 160. Distinct. 61.* Item si dicas, *Cap. Presbyteros*, vel (quod idem est) *Can. 32. dist. 50.* Indicantur quippe Canonis sive Capituli, prima verba, vel numerus, vel utrumque cum numero Distinctionis, sine alia adjectione.

3. Exempla Citationum ex 1^a Parte.

IV. Ex SECUNDA PARTE sic fiunt allegationes: *Can. quoties 9. I. (supple Causâ) quæst. 7.* Item §. *Sed hoc*

4. Exempla allegationum ex 2^a Parte.

de peccatore, ad finem Canonis sicut Christus 7. 1. quæst. 1. Itemque, *Can. Sacerdotibus* 41. versu ante eum, 11. q. 1. sic designatur Causa, Quæstio, Canon, Versus.

Ex *Tractatu* autem DE POENITENTIA Causæ xxxiii. quæstione 3. hoc modo, *Can. perfecta*, 8. dist. 3. de Pœnit. aut etiam, §. illud autem Gregorii, post Canonem querat hic aliquis, dist. 4. de Pœnitentia. Notatur hic quota distinctio sit, cum addiro de Pœnitentia.

5. Exemplar
tationum ex 3.
Parte.

V. Ex TERTIA verò PARTE *Can. nemo* 9. distinct. 1. de Consecratione, vel *Can. pervenis* 12. vers. aliud quoque, de Consecratione dist. 3. adduntur Distinctionis numero præ de Consecratione,

6. De Numeris
Canonum.

VI. Observandum hoc loco videtur in nullo Gratiani volumine olim Capitulorum seu Canonum numeros annotatos fuisse, ut observat Anton. Augustinus, lib. 1. de Emend. Grat. c. 18. Adscripti superiore seculo fuere numeri. Verum aliter à Contio, aliter ab Augustino prædicto, aliisque computantur. Contius quippe à Principio titulorum, statim numeros inchoat; Antonius Augustinus Principium quæstionis vel distinctionis noluit primum caput appellare quoties verbis Gratiani constat; sed numerare incipit à primo Canone, Est & alia varietatis causa, quod capita *Palea* nomine inscripta, non numquam Contius omittit; alii ea non numerant; cerè non computantur in Editione Lugdunensi Hugonis à Porta, quæ in quarto, ut vocant, cum glossis à Carolo Molinæo emendatis atque abbreviatis, ejusdemque Molinæi notis, circa dimidium superius sæculum emissæ: apud plerosque numerum augent hæc quoque omnia capita, quæ *Palea* titulum præferunt, de quibus paulò post.

C A P U T X I.

*Quibus de Causis Gratianus cæteris Collectoribus
potior habeatur.*

1. Laudatur
Gratiani dili-
gentia non uno
ex capite.

I. CREDITUS est Gratianus pluribus nominibus priores Collectores superasse. Nec verò diffiteri quisquam potest multum nos ejus industriæ debere, quod tot

optimarum sententiarum suppellectilem nobis compararit, ex omnibus penè scriptoribus Ecclesiasticis ingenti labore ac studio collectam, quorum etiam monumenta nonnulla temporum injuriâ postea perierunt. Etenim, teste Augustino antè citato, libri primi Dialogo 1^o, multa afferit quæ in cæteris Collectoribus non invenias, qualia sunt ea saltem, quæ post Burchardum & Ivonem sunt nata: multarum quoque difficultatum idoneas adducit solutiones.

II. Tria sunt imprimis quibus videtur reliquis præstare. Primò quidem quodd *Ordinem* secutus videatur, non alienum ab ordine quem Justinianus in Digestis & Codice suo servarat, quemadmodum advertit Boëtius Epo^a. Ut enim Imperator utrobique, tam Civilium, quam criminalium judiciorum tractationi, partim præmisit, partim subjecit quæ ad jus publicum pertinebant, incipiens à Magistratibus, ac tandem in fiscalibus desinens, aliisque similibus rerum generibus ad statum Reip. spectantibus: Pari ratione Gratianus ab Episcopis & Prælatibus cepit, qui sunt Ecclesiæ magistratus: finem autem operi suo imposuit in tractatu de sacramentis & Ecclesiis ac fidei mysteriis, quibus velut fundamentis publicus Ecclesiæ status continetur. Quâ in re superiores peccasse aliquatenus videntur, quodd Collectiones suas in summa Capita longè plura, & inmixturæ rerum longè confusiora diviserint: id enim non mediocre generalis partitionis virium est.

III. Deinde Gratiani volumen Tertia fermè parte auctius, quàm Burchardi, aut etiam Ivonis opus, rerum Ecclesiasticarum instructiorem reliquis & locupletiotem nobis penum suppeditat.

IV. Tertio in hoc quoque prioribus Collectoribus præstat Gratianus, quodd gravissimas quæstiones, non scholasticum solum, sed & forensem more, in utramque partem agitat: quæ disputandi ratio ad res arduas apprimè cognoscendas utilissima censetur.

V. Addendum id quo inter alios eminet, solutio nempe nodorum Juris, & Canonum qui primâ fronte sibi invicem adversari videntur, recta fere ubique conciliatio.

VI. Hæ præcipuæ causæ fuerunt, cur hæc Collectio superioribus anteposita, atque in usum communem recepta fuerit; & cur ejus auctor, ut diximus, per eminentiam

2. Præstat prioribus propter Ordinem rerum, Justinianeo baud absimilem.
a Lib. 1. de Jure sacro.

3. Præstat etiam copiam rerum.

4. Præstat & Quæstionum apertâ ventilatione.

5. Præstat denique conciliatione Canonum.

6. His de Causis antepositis reliquis.

Magister vocetur in scholis Pontificii juris.

7. Gratiano
Ivonem & Bur-
chardum præ-
feri, Molinaus.

VII. A communi tamen in his rebus opinione passim dissentit Joannes Molinæus, Decretorum Professor Lovaniensis, in Epistolâ, quâ Ivonis Carnotensis à se in lucem editum opus Bernardo à Frefteda Philippo II. Regi Catholico à confessionibus nuncupavit anno 1561. Quod enim munus illud suum commendatius redderet, Ivonem atque Burchardum Gratiano multis partibus antecellere contendit. Ivonis certè ordinem, digestamque in suas Classes rerum silvam miratur: contrà verò Interpretes Gratiani deridet, qui in ejus opere Ordinem quærunt, eos venationem aut delphinorum in silvis, aut aptorum in fluctibus instituere dicunt. Præterea libri magnitudine omnes aliorum rapsodias & compilationes ab Ivone vinci asseverat; ne excepto quidem Gratiano, si modò glossematum mole levetur. Denique Burchardi & Ivonis in colligendis, tractandisque Canonibus methodum probat præ Gratiani methodo, quòd illi simplicissimam, eamque (ut ipsi videtur) optimam discendi, docendique Juris Pontificii viam inierint, sub convenientes ritulos singula comportando, nihil de suo narrationi interjiciendo, nihil item altercationibus indulgendo: cum Gratianus non in id incubuerit, ut certam methodum sectaretur, aut artem quampiam Juris Pontificii, eorum imitatione, conficeret: sed ut invecstâ in ejus possessionem disputatrice Academiâ, diversitatem atque antimoniam Constitutionum Ecclesiasticarum conciliaret; nec tam collectorem Canonum ageret, quàm disceptatorem ac judicem. Inde factum ait, ut quod verustioribus religio fuerat, Canonum texturam, interjectis propriis sententiis, sine exemplo abtumperet.

8. Defenditur
Gratianus à B. &
tio Epon.

VIII. Hæc Joannis Molinæi adversus Gratianum ratiocinia stomachum Eponi moverunt, qui libro antea laudato fatetur quidem Gratianum anxio nimis ordinis studio, & confusionis metu, interdum in confusionem, quam maxime fugiebat, incidisse: verum id ei & raro contigisse, & in minoribus dumtaxat membris, non in summis generibus, quod præcipuum erat, constituendis; atque ita commoditate ordinis Ivonem à Gratiano longè superari affirmat. Rerum autem ad Ecclesiasticam disciplinam pertinentium copiam apud Gratianum multò majorem inveniri asseverat,

asseverat, ipsaque res docet. Addit etiam (id, quod Gratiano proprium ac præcipuum est), diversos Canones ad eandem materiam seu rerum classem spectantes, in utramque partem sic ab eo ventilari, ut in concordiam adducantur: hac autem velut maximè idoneâ tradendarum accuratè disciplinatum ratione, Aristoteles imprimis, tum alii quoque veterum usi sunt, qui præsertim Dialogos conscripserunt; itemque ex posterioribus ambo Theologiæ scholasticæ Principes, Petrus Lombardus ac B. Thomas, verè in his tractandis methodi & peritissimus & servantissimus. Nec verò ea docendi via priscis Juris prudentibus, ex quorum sententiis concinnati sunt Pandectarum Libri, prorsus fuit incognita. Unde apparet eam foro non minùs, quàm scholis esse accommodatam.

CAPUT XII.

De Mendis & Navis Gratiani.

I. IN multis lapsum esse Gratianum, atque hoc ejus Decretorum opus mendis ubique haud mediocriter contaminatum esse advertit impiis S. Antoninus Archiepiscopus Florentinus^a. Id verò negari non potest, ut post Antoninum fusè ostendit Antonius Augustinus, ex Ilerdensi Episcopo Archiepiscopus Tarraconensis^b. Taceo Methodum tractandi, alienis sua intermiscendo; taceo & Ordinis rationem, quam aliquibus displicuisse suprà proximo Capite ostendimus. Ipso in Corpore operis, cum sæpè & variè peccasse omnes fatentur.

II. Errorum ipsius omnium dux generales & præcipuæ causæ assignari solent: Prima *disignatio*, seu quòd veteris Historiæ, tum factæ, tum prophetiæ, priscorumque rituum, aut veriùs exquisitæ omnis literaturæ, non eam quam par fuisset, notitiam habuerit: Secunda, quòd pleraque Canonum suorum, non ipsis è fontibus Conciliorum, Epistolarum Decretalium, & Patrum; sed ex anteriorum ferè Collèctorum, Burchardi, Ivonis, & similium rivis; Imò (si Joanni Molinæo antè citato credimus) ne ex his quidem; sed ex eorum compendiis hauserit. Inde orta omnia ejus

1. Lapsus in quibusdam Gratianum cuncti agnoscunt.

^a Summ. Histor. major. par. 4. tit. 11. cap. 8.

^b Lib. 1. de Emend. Gratiani dial. 4.

2. Errorum ipsius Causæ generales duæ.

menda, tum in compilandis, tum in conciliandis Canonibus admiffa, quorum utrumque genus ad certa capita revocare non est difficile.

3. *Menda ex minori rerum peritia in falsis citationibus Conciliorum & Decretalium.*

III. Prioris generis sunt: primò, quòd falsa Concilia pro veris, & supposititias aut dubias Epistolas Decretales pro certis, & sæpè Apocrypha pro Canonicis ac receptis obtrudat. Sic veterum Pontificum, Clementis, Anacleti, Evaristi, Alexandri I. aliorumque ante Siricium; Decreta ubique proponit, velut indubitata. Librum Pastoris, tamquam Canonicum, duobus, tribus ve locis; & Quini-sexte in Trullo Synodi Canones, quasi Sextæ œcumenicæ sæpenumero laudat.

4. *In citationibus aliorum operum spurio.*

IV. Nec minùs peccat in Patrum scriptis, dum loco germanorum cujusque operum, spuria supponit; vel falsorum titulorum fraude post alios deceptus, iis utitur passim pro genuinis quæ genuina non sunt. Sic *Canonem, quem penitet* 88. *dist. 1. de Penitentia* tribuit S. Augustino, quasi auctori tractatus de verâ & falsa penitentia: quem Gratiani errorem primus advertisse videtur Antonius Contius.

5. *In allegationibus unius Concilii vel auctoris pro alio.*

V. Ex posteriori Capite fluit quòd in falsis quoque Canonum inscriptionibus secutus est non rarò Burchardi hallucinationes, aut affectatos errores. Nam ejus vicio aut more, Concilia & Pontifices ac Patres, alterum pro altero citat: quemadmodum latè probat Antonius Augustinus: Velut cum §. *His auctoritatibus, post Canonem 87. de penit. dist. 1. vers. item illud*, S. Joanni Chrysostomo adscribit, quod est. S. Ambrosii, cui & ipse id assignaverat *Canon. 2. eadem dist.* Pari ratione, sive Burchardi exemplo, sive propriâ oscitantia; Synodum 1x^m. allegat pro VIII^a. Concilium Agathense, aut etiam Moguntinense pro Carthaginensi; Carthaginense pro Chalcedonensi; Hipponense pro Epaonensi; Ilerdense pro Triburiensi. Clementem quoque supponit loco Eugenii minoris; Joannem deinde Chrysostomum, modò pro Joanne VIII. Papa, modò pro Chromatio. Sic etiam Augustinum aut Hieronymum, loco Gregorii subdit, aut Bedæ. Aliquando Pio, Soteri, aliisque Pontificibus adferibit, quæ sunt Juliani Antecessoris, Concilii Toletani XI. aut Nannetensis; vel Gregorii sive Augustini. Fabiano item nonnulla Concilii Matisconensis; vel Concilio Ancy-rano, quæ sunt Augustini: & Conciliis Arclatensibus De-

creta Concilii Arausicani vel Trofſeiani. Sic Theodoſianiſ legibus tribuit Pauli Jurifconſulti Sententias, aut etiam Aniani; & Anacleto, quæ referenda ſunt ad Lotharium Imperatorem: quorum pleraque ſuis locis annotarunt Romani Correſtores. Omitto quodd Pontificibus assignat Canones Synodorum ſub illis habiturum, ut obſervavit idem Auguſtinus.

VI. Fallitur præterea in *Martini* nomine, cum Decreta Martini primi Papæ in Concilio Romano apud Lateranum edita confundit cum Martini Bracarenſis Epifcopi Capitulis Græcarum Synodorum: quod pertinent Dialogi 10. 11. & 12. lib. 2. ſæpiùs. laudati Auguſtini Tarraconenſis.

VII. Alia quoque nomina propria multis locis invertit & variè corruptit. Ex *Athanaſio* enim nonnunquam facit *Anaſtaſium*; ex *Leandro* Hiſpalenſi *Leonardum*; ex *Nicaſſo* *Nicolaum*; ex *Vigilio* Papa Julium; Germanum ex *Gennadio*; ex *Thaumaturgo* *Triſmegiſtum*; Vincentium dicit pro *Iuvenco*, pro *Hieremia* Hieronymum, Ignatium pro *Hincmaro*.

VIII. Aliquando nullum certum autorem indicat, ut in *Can. Prima annotatio 11. diſt. 16.* Sæpe indicato autoris aut Synodi nomine, Librum, aut Canonis ſeu Capituli numerum omittit. Citantur & in hoc Decretorum opere Concilia quædam, quæ nuſquam exſtant, ut *Canoni, ſive Paleæ Annis ſingulis 16. diſtinct. 18.* præſigitur epigraphe in *Concilio Bylon.*

IX. Synodis & Pontificibus, qui plures eodem nomine fuerunt, ſæpè nulla adſcripta eſt numeri nota, qua poſteriores à prioribus diſtinguantur. Nam Concilium *Carthagenenſe, Toletanum &c.* abſolutè citat, nec adjicit quorum intelligat. Quinetiam *Synodum Romanam* nominat alicubi, non ſubnotato tempore, cum tot fuerint Concilia Romæ celebrata. *Gregorium* quoque nullo addito, non tantùm pro Gregorio I. ſive magno; ſed etiam pro tertio, vel ſeptimò nonnunquam laudat; & Joannem ſimpliciter pro Joanne VIII. Itemque Calliſtum pro Calliſto II.

X. Diverſimodè corruptos ac depravatos haud rarè profert autorum locos, cum detractis, tum additis quibuſdam, ut locum Pontificalis *diſt. 19. Can. penult. & §. quod verò, poſt Canonem 96. 1. q. 1. ubi,* quod Ivo Carnotenſis *Cap. 40. par-*

2 L. 2. de Emend. Grat. dial. 1.

6. *Martinum Papam R. laudat Gratian. pro Bracarenſi.*

7. *Autorum aliorum nomina pervertit.*

8. *Capita profert nullo, vel falſo autore indicato, aut imperfectè citato.*

9. *Concilia, & Pontifices communè pluribus nomine citat, abſque diſtinctione.*

10. *Autoritates allatas n' ex ſide referet.*

tis 14. ex eodem Pontificali tradit, Acacium divino nutu percussum fuisse, id Gratianus (expunctâ voce *Acacius*, & voce *Quia*, quæ præcedebat) tribuit Anastasio II. Romano Pontifici. Contrâ verò de suo addit nonnulla, ut *Can. ult. de penit. dist. 1.* ubi textui Theodori Cantuariensis, seu potius Concilii Cabilonenfis sub Carolo magno habiti, addit post *Burchardum & Ivonem*, sed contra fidem Capitularium, illa verba ut *Graci*, & illa *Vt tota ferè Ecclesia*: quâ de re Antonius Augustinus ^{d.} Quinetiam veris Autorum locis longiores lacinnas assuit, tanquam ex iisdem petitas, ut *Can. 3. dist. 15.* ad Decretum Synodale Gelasii Papæ, adjecta sunt ex aliquo libro de divinis officiis, quæ sequuntur post versum *qui Libri*: vide Augustinum eundem dial. 18.

XI. Græcarum Synodorum Canones eisdem ex pluribus versionibus pro diversis reponit: veluti Concilii Nitæni, Canonem 17. ex versione Dionysii Exigui *Can. 1. dist. 47.* ex alia verò versione prisca, *Can. 8. X IV. quæst. 4.* Canonem item 4^{um}, aliàs 5. Synodi Antiochenæ, ex versione Dionysianâ *Can. 6. II. quæst. 3.* & ibidem *Can. 7.* ex versione Martini Bracarenfis. Canonem quoque 3. Chalcedonenfis Concilii, ex versionibus aliquantum diversis *Can. ult. dist. 86. & Can. 1. IV. q. 3.* Eodem etiam pertinere videtur, quòd eundem locum ejusdem auctoris pluries repetit, veluti locum Leonis Papæ ex Epistolâ 78. aliàs 80. *Can. 61. & Can. 89. dist. 1. de penitentiâ.*

XII. Suo jam tempore antiquata receptis aliquando permiscet: ut observat B. Antoninus Archiepiscopus Florentinus ^{e.} *In Decretis*, inquit, *quædam ponit Gratianus, quæ non tenentur; quædam alia à Conciliis, vel summis Pontificibus edita, quæ sunt revocata, seu immutata per consuetudinem generalem contrariam, & abrogata.* Exemplum affert de jejuniis quadragesimæ, quod Clerici servare tenebantur à sexagesima, ut observat Gratianus, *Can. 3. & seqq. dist. 4.* hodiè tamen cum laicis inchoant: videndus Antonius Augustinus dial. 6.

XIII. Autorum, quos laudat, sententiam solum exprimere contentus, verba sæpenumerò non adducit: Dicta sive apophthegmata Patrum pro operibus supponit: loca ex actionibus seu gestis Conciliorum, quasi Synodorum ipsarum Canones profert: imò nullâ Synodi factâ mentione,

d Dialog. 18.

11. *Græca ex variis versionibus affert quasi diversa.*

12. *Intra obsoleta permiscet enim usum receptis, & Summæ histor. majoris parægr. 4. tit. 11. cap. 8.*

13. *Alia diversæ generis, vitiosæ citationes.*

quæ in eâ ab aliquo ex Episcopis præsentibus propofita fuerant, sub ejus qui propofuit, nomine citat. Summas item five breviationes Canonum pro Canonibus integris obtrudit: & pro Collectionibus Decretorum seu Capitulorum, Concilia laudat, velut Martini Bracarenfis pro ejus Collectione. Mitto quoddammodo eundem Canonem, vel idem caput in plures partes & loca operis fui procul inter fe diffita diftrahit: (quod quidem fuam quandoque habere poteft rationem) modò autem plures Canones fimul conjungit, & in unum congerit.

XIV. Non immeritò igitur Bellarminus in eo præsertim Gratianum reprehendi poffe exiftimat, quod non habuerit delectum autorum, ex quibus Decreta collegit: adducitque aliqua loca in ejus rei exemplum: Primò in *Can. indif-
tincta*, *dist. 16.* fecundò in *Can. Adrianus*, & *Can. in Synodo*, *dist. 63.* Tertiò in *Can. hæc est fides*, XXIV. q. 1. Quartò in *Can. quia sacerdotes* I. *quæst. 1.* & alia quædam.

14. Iure ergo
reprehenditur à
Bellarmino.

XV. In Conciliandis quoque Canonibus & responsis five reſcriptis Pontificum, quæ inter fe pugnare videntur, errores aliquos operi ſuo aſperſit: veluti cum in *principio dist. 13.* ait, perplexo inter duo mala, id eſt, peccata, licere minus malum eligere; quaſi contingere poſſit, ut quis aded perplexus ac dubius ſit, ut neceſſariò peccare cogatur; in quo erraſſe Gratianum Joannes Teutonicus Gloſſator eo loco advertit. Huic non abſimile eſt, quod §. *quibus autorita-
tibus*, poſt Canonem 89. *dist. 1. de panis*. ira de oris Confeſſione diſſerere videtur, tanquam non ſit abſolutè neceſſaria.

15. In Conci-
liandis Canoni-
bus erravit non-
nunquam Gra-
tiani.

XVI. Juvat varia errorum Grariani genera, propoſitis exemplis ex eruditiffimo Pithæo indicare, vel potius confir- mare: quibus non pauca in unoquoque genere loca, ex dictis, atque aliunde adjicere haud difficile fuerit.

16. Exempla
errorum Grati-
ani ex Pithæo.

CAPITULA IN DECRETO *Gratiani,*

CONFICTA.

Dist. 19. c. 9.
Dist. 76. c. 2.
Caus. XIX. Quæst. 3. c. 8.

SINE AUTHORE.

Caus. XXIII. Quæst. 8. initium
cap. 3.

FALSO ADSRIPTA.

Dist. 11. c. 7.

CONTRARIA.

Caus. XXXII. Quæst. 7. c. 17.
Caus. XXXII. Quæst. 4. c. nemo.

CORRUPTA ALITER QUAM sunt in Authenticis.

Dist. 6. c. 1.
Dist. 10. c. 1. 7. 10.
Dist. 19. c. 6. conferenda cum loco
Aug. Bellarm. tom. 1. fol. 927.
ubi glos.

Caus. II. Quæst. 5. c. 18.

Quæst. 4. c. 2.

Quæst. 7. c. 41.

Caus. XVI. Quæst. 6. c. 6.

Caus. XXI. Quæst. 1. c. 5.

Caus. XXIV. Quæst. 3. c. 8.

Caus. XXV. Quæst. 1. c. 10. *Legi-*
bus pro Regibus.

Caus. XXVII. Quæst. 2. c. 17.
& 28.

Caus. XXXII. Quæst. 7. c. 24.

Caus. XXXIII. Quæst. 3.

De pœnit. dist. 1. c. 87.

DETORTA.

Dist. 10. c. 8.

Dist. 96. c. 5.

MENDOSE RELATA.

Dist. 93.

Caus. III. Quæst. 5. c. ult.

OMISSA QUÆ AD REM.

Caus. I. Quæst. 7. c. 16.

PRIORIBUS ADDITA EX posterioribus.

Dist. 81. c. 12.

ADDITA E MANUSCRIPTIS.

Dist. 12. c. 2. & 3.

Dist. 20. c. 3.

Dist. 22. c. 4.

Caus. II. Quæst. 1. c. 5.

Quæst. 6. c. 34.

Caus. III. Quæst. 6. c. 14.

Caus. VII. Quæst. 1. c. 34.

Caus. IX. Quæst. 2. c. 2.

Quæst. 3. c. 10.

Caus. XXIV. Quæst. 1. c. 34.

Caus. XXV. Quæst. 1. c. 11.

De consecrat. Dist. 1. c. 6.

EX GLOSSA ORDINARIA quæ Patribus tribuuntur.

Dist. 2. c. 12.

Dist. 4. c. 10.

Dist. 25. c. 1. 2. & 3.

Dist. 27. c. 4.

Caus. II. Quæst. 7. c. 33.

Caus. VII. Quæst. 1. c. 48.

Caus. XXII. Quæst. 3. c. 1. & 2.

Caus. XXIII. Quæst. 4. c. 17.

Caus. XXIV. Quæst. 3. c. 12.

Caus. XXVI. Quæst. 5. c. 14.

Caus. XXVIII. Quæst. 1. c. 14.
& 15.

Quæst. 2. c. 1.

Quæst. 3. c. 1. & 2.

- Caus. XXXII. Quæst. 26. c. 14. ANTIQVORVM PONTIFICVM
 Caus. XXXIII. Quæst. 3. variè relata,
 De Consecratione, multa.
 Dist. X. c. 1. & 34.
 Dist. XI. c. 6.
 Dist. XVII. c. 4.
 Dist. XXIII. c. 13.
 Dist. XXIV. c. 1.
 Dist. XXVII. c. 8.
 Dist. XXVIII. c. 13.
 Dist. L. c. 48.
 Dist. LXXVIII. c. 1.
 Dist. LXXX. c. 1. & 3.
 Dist. LXXXI. c. 19.
 Dist. LXXXIII. c. 3.
 Dist. LXXXVI. c. 15.
 Dist. LXXXVIII. c. 1. & 2.
 Dist. XCVIII. c. 1.
 Dist. C. c. 1.
 Caus. I. Quæst. 1. c. 12. & c. 85.
 Quæst. 3. c. 14.
 Caus. II. Quæst. 1. c. 5. & c. 20.
 Quæst. 3. c. 1. 2. 3. 4. 5. 6.
 Quæst. 4. c. 14.
 Quæst. 5. c. 2.
 Quæst. 6. c. 1. 5. 6. 7. 9. 15.
 Quæst. 7. c. 5. 13. 14. 18. 23. 50.
 52. 54. Quæst. 8. c. 1. 3. 4. 5.
 Caus. III. Quæst. 2. c. 6.
 Quæst. 4. c. 1.
 Quæst. 5. c. 1. 2. 8.
 Quæst. 6. c. 1. 4. 5. 11. 12.
 Quæst. 8. c. 2.
 Caus. V. Quæst. 3. c. 3.
 Caus. VI. Quæst. 1. c. 9. & 13.
 Caus. IX. Quæst. 3. c. 4. & 13.
 Caus. XI. Quæst. 3. c. 10. 63. & 89.
 Caus. XII. Quæst. 1. c. 15.
 Quæst. 2. c. 1. 6. 7. & 10.
 Caus. XV. Quæst. 6. c. 3.
 Caus. XVI. Quæst. 7. c. 40.
 Caus. XVII. Quæst. 2. c. 3.
 Caus. XX. Quæst. 2. c. 3.
 Caus. XXII. Quæst. 1. c. 10.
 Quæst. 4. c. 11.
 Quæst. 5. c. 1. 3. 15.
 Caus. XXIV. Quæst. 1. c. 3.
 Caus. XXXII. Quæst. 26. c. 14.
 Caus. XXXIII. Quæst. 3.
 De Consecratione, multa.
 Ex BONIS GRÆCIS LATINA
 pessima.
 Dist. 12. c. 5.
 Dist. 65. c. 9.
 Caus. I. Quæst. 1. c. 21.
 Caus. VII. Quæst. 1. c. 45.
 Caus. II. Quæst. 3. c. 24.
 HIERONYMI TRIBUTA
 Augustino.
 Dist. 9. c. 6.
 HIERONYMI TRIBUTA
 Gregorio.
 Dist. 8. c. 2.
 GREGORII TRIBUTA
 Silvestro.
 Caus. II. Quæst. 6. c. 14.
 CLEMENTIS TRIBUTA
 Lucio.
 Dist. 81. c. 19. & 20.
 PROSPERI TRIBUTA
 Augustino.
 Dist. 41. c. 2.
 PASCHASII TRIBUTA
 Augustino.
 Caus. I. Quæst. 1. c. 77.
 HERMETIS TRIBUTA
 Augustino.
 Caus. XXVIII. Quæst. 1. c. 6.
 Ex VARIIS DIVERSORVM
 permixta.
 Distinct. 86. c. 3.
 Caus. I. Quæst. 1. c. 84.
 Caus. II. Quæst. 1. c. 7.
 Caus. XI. Quæst. 3. c. 100. & 101.
 Caus. XIII. Quæst. 2. c. 16.

Caus. XXV. Quæst. 2. c. 1.
 Caus. XXVII. Quæst. 1. c. 3.
 Caus. XXX. Quæst. 5. c. 2.
 De Consecr. Dist. 1. c. 61.
 Dist. 2. c. 30.

AD EPISCOPOS GALLIÆ
 quæ diversis tribuuntur.

Dist. 11. c. 2.
 Dist. 23. c. 21.
 Caus. 3. Quæst. 6. c. 17.
 Quæst. 7. c. 17.

Quæst. 9. c. 2. 3. 11. 14. 18.
 Caus. VI. Quæst. 1. c. 14.

Quæst. 4. c. 5.
 Caus. IX. Quæst. 2. c. 1.

Quæst. 3. c. 5. 6. 7.
 Caus. XI. Quæst. 1. c. 68.

Caus. XXIV. Quæst. 1. c. 9.
 Caus. XXVI. Quæst. 6. c. 13.

Caus. XXX. Quæst. 5. c. 11.
 Caus. XXXV. Quæst. 2. & 3. c. 16.

De Consecrat. Dist. 1. c. 60.
 Dist. 4. c. 53.

C A P U T X I I I.

De Emendatione Gratiani.

*Gratiani
 menda qui ani-
 madverterint.*

I. **M**EMORATA superiori capite menda Gratiani à Glossatoribus, atque ab Antonino observata ex parte; à Gallis duobus, altero Theologiæ, altero Juris Doctoribus, Antonio Demochare Monchiaceno, & Antonio Contio deprehensa & notata proximo seculo; paulò post correcta magnam partem fuerunt jussu ac studio trium Romanorum Pontificum Pii IV. Pii V. & Gregorii XIII. qui ante Pontificatum Bononiæ jus Canonicum publicè professus, deinde Cardinalis inter Correctores selectos manum ipse operi admoverat. Sanè Joannes Quintinus Antecessor Parisiensis in speculo Sacerdotum ex Distingtionibus seu Primâ Parte Decreti collecto, nonnulla emendanda adverterat: sed paulò luculentius Demochares, Parisiensis Theologus in primâ Decreti sui editione circa annum 1540. Gratiani errores annotaverat: plura indicavit Contius Antecessor Bituricensis, aliquando & Parisiensis, tum in notis, tum in Epistolis præfationis loco præfixis Corpori Juris Canonici repurgato, quod anno 1556. edendum dederat; sed opus illud exportatum in Belgium; quadriennio post, amputatis dedicatoriis Epistolis, mancum & lacerum Antuerpiæ prodiit, anno scilicet 1570. quam nonnulla ejus exemplaria Typographi Parisiensis nomen præferunt. De fraude illa, deque Antuerpiensi Librorum Censore, qui præfationem mutilaverat, conqueritur idem

idem Concilius^a. Verùm ejus fraudis vestigia supersunt adhuc in 2. ejus præfatione, in qua relicta sunt quæ apertè profitebatur de Apocryphis & commentitiis plurimis à Gratiano suæ Collectioni admixtis: quod & in Notis ad varia Juris Canonici loca^b, & in subscevis lectionibus^c ab eo repetitum. Ex quibus locis patet falli doctissimum Antonium Augustinum, qui^d existimat eas notas esse Caroli Molinzi. Hic per ea quidem tempora Juris Pontificii editionem Parisiis curaverat, nec paucas addiderat Notas: sed hæ alterius generis sunt, & à Contianis longè diversæ; ut quæ ad fori Gallici usum præcipuè spectent, emendando autem textui minùs inhæreant.

Romani autem Correctores Notas Contij ad Canones antè dictos omiserunt: cautiùs sanè, quàm ille Antuerpiensis censor; qui cum præfationem truncasset, Notas tamen illas reliquit, quibus idem ferè ac in præfatione continebatur, ut eruditissimus Franciscus Florens observavit.

II. Fatendum tamen est accuratè admodum in erratis hujus operis animadvertendis laborasse jam sæpiùs laudatum Antonium Augustinum Archiepiscopum Tarraconensem, duobus Libris in eam rem eodem tempore conscriptis, quo huic Decretorum operi emendando incumbabant Romæ Pontifices antè memorati per delectos in id viros eruditos, qui ab ipso ad calcem libri 1. sic recensentur.

^a Lectionum subscevar. lib. 1. cap. 10. sub fin.

^b Ad Can. septuaginta, dist. 16. ad inscript. Can. judicantem, l. 1. quæstion. 5.

^c d. Lib. 1. cap. 10.

^d Lib. 1. de emendat. Grat. cap. 20. in fine.

2. Gratiani errores ceteris accuratim notavit Antonius Augustinus.

INDEX SELECTORUM VIRORUM sub PIO IV. & PIO V. Emendationi Gratiani ab eisdem præfectorum.

SANCTÆ ECCLESİÆ HIS ADDITI SUNT AB
Romane Cardinalium nomina. eodem PIO V.

M. Antonius Columna, Romanus.
Hugo Boncompagnus, Bononiensis,
postea GREGORIUS XIII.
dictus, P. M.

Alexander Sfortia, Romanus.
Guillelmus Sirletus, Calabex.
Franciscus Alciatus, Mediolanensis.

Guido Ferrerius, Vercellensis.
Antonius Carrafa, Neapolitanus.

DOCTORUM NOMINA.

Felix Montanus, Generalis Ordinis S. Francisci, postea Cardinalis, tandem P. M. Xystus V. dictus.

Christophorus Patavinus, Generalis Ord. S. Augustini Eremitarum.
Zzz

Thomas Mammicus, Ordinis Sancti Dominici, Magister sacri Palatii.
Eustachius Lucatellus, Bononiensis, postea Regii Lepidi Episcopus.

Josephus Pamphilus, Veronensis, Ordinis S. Augustini, postea Sacrista Palatii, & Episcopus Signinus in Campania.

Franciscus Turrianus, Hispanus; postea Societatis Jesu.

Marianus Victorius, Reatinus, postea Episcopus Amerinensis.

Michaël Thomasius, Majoricensis, postea Episcopus Ilerdensis.

Hieronymus Parisetus, Regiensis;
Antonius Cuccus, Mediolanensis.
Joannes Marsa, Hispanus.
Franciscus Leo, Hispanus, postea Societatis Jesu.

ADDITI SUNT.

Melchior Cornelius, Lusitanus.
Latinus Latinus, Viterbiensis.

Arnaldus Pontacus, Gallus.
Petrus Ciacconius, Hispanus.

Franciscus Pegna, Hispanus; cujus sunt additiones Decretalium sine nomine, quia Templum Dianæ incendisse visus est.

SEQUENTES TANTVM A PITHÆO nominantur, qui opinor præcipuam ea in re operam sub tempus editionis Gregoriana posuerunt.

Illustrissimus Cardinalis Caraffa.

Franciscus Turrianus, postea Jesuita.

Petrus Ciacconius, Presbyter Hispanus.

Flaminius Nobilius, Theologiæ Doctor, cui Annotationum cura

mandata est.

Hieronymus Parisetus, Juris Canonici Doctor in studio Rom.

Lalerius Salemius, Viterbiensis, annos natus LXXV.

Morinus, Gallus.

3. *Correctores Romani*, sub Gregorio XII. emendatiùs edidit Decretorum opus.

* §. Quamobrem, & seqq.

4.

III. Universum Opus sub Gregorio XIII. perfectum est, Romanorum illorum Correctorum operâ. Itaque anno 9. Pontificatus Gregorii, qui fuit Christi 1580. Decretum Gratiani emendatiùs longè prodit: in reliquo Juris Canonici corpore emendando versati pari studio sunt. Nec tamen aded absolutum omnibus numeris opus nobis essecerunt, ut non sequentium curis aliquid laboris reliquerint. Quæ autem illis mens fuerit: quid in suâ illâ emendatione observandum sibi putaverint: quid denique peregerint, docet admonitio eorum ad Lectorem ei editioni præfixa.

IV. Sed licet non pauca supersint, quæ castigationem adhuc aliquam desiderare videntur: negari tamen haud potest multum nos Gratiani industriæ debere, ut superiori capite demonstratum fuit: nisi fortè quis contenderit nullam à nobis gratiam initurum, qui lapillorum, gemma-

rumque pretiosarum immensum acervum magnâ curâ undique conquisitum, rudibus nonnullis, informibusque admixtis, nobis offerret.

CAPUT XIV.

De Autoritate Decreti.

I. **O**pus hoc Decretorum Eugenio III. Pontifici oblatum ab autore, atque ab eodem Pontifice confirmatum tradit Trithemius in Gratiani vitâ, & in Chronico Hirsaugiensi, ac post eum alii. Sed nullo certo coetanei cujusquam scriptoris testimonio: imò contrâ sentientibus cum glossa, Guillelmo Durante Mimatenſi Episcopo, quem ab operis sui titulo Speculatorem vocant ^a, Joanne Andrea, ^b Panormitano ^c, aliisque, qui Magistrum quidem & præcipuum Canonum Doctorem atque Interpretem eum agnoscunt: ita tamen, ut non rarè ab ejus sententia discedant, dictaque ipsius improbent. Quinetiam Gregorius XIII. huic operi emendando primùm præpositus à Pio IV. & V. postea Pontifex Maximus, cum hoc opus exeunte ferme superiore seculo correctius, ut diximus, edi curaverit, ei nihilominus Pontificiam autoritatem, ut in foro legem faceret, non accommodavit.

II. Itaque autoritas Gratiani maxima procul dubio est, ut pote quem præ reliquis omnibus Collectoribus exponendum elegerunt Interpretes Juris Canonici: Unde illius Decretum Corpus Canonum & Corpus Decretorum absolute dixerunt: quemadmodum colligitur ex Innocentii III. ad Episcopum Compostellanum Epistola 1. quam non de Codice Canonum Dionysii Exigui, ut Justellus putabat ^d; sed de Gratiani Decreto accipiendam esse ostendit Franciscus ^e Florens, & cuius accuratè legenti satis patet.

III. Verùm hac in parte sequendum videtur Doctissimi Antonii Augustini judicium, in Epistola, quam Canonibus Pœnitentialibus præmisit, his verbis: *Est etiam delectus habendus, & ratio autoritatis constituentium: in quo video multos Juris Pontificii studiosos vehementer decipi, qui Gratiani Collectionem parem vim cum Gregorianâ habere putant: cum tamen*

1. *Indubitatam autoritatem ex se non habet Gratianus.*

^a Spec. lib. 1. §. 1.
^b In cap. 2. de Rescript.
^c In præm. Decretal.

2. *Non modicam tamen habet.*

^d In præf. Cod. Eccl. Universæ.

3. *Judicium Ant. Augustini de Gratiani Decreto.*

Gregorius IX. Pontificiâ autoritate usus, omnibus in volumine Decretalium contentis vim legis statuerit; Gratianus unius Magistri & Monachi personam gerens, ea quæ refert non majori polleat, auctoritate potuit efficere, quàm antea fuerint. Si quæ igitur ab eodem relata, ex Pontificiis indubitata fidei Epistolis, ex Conciliis generalibus sumpta, ex supremâ illâ potestate, quâ excellunt, apud omnes vim legis obtinent. At quæ ex Provincialibus Conciliis, aut ex Episcoporum aut aliorum Sanctorum Libris, aut Epistolis accepta sunt: ea generalem non habent auctoritatem. Accidit autem sæpè ut falsa sint apud Gratianum inscriptiones singulorum Capitum: ita fit, ut ne illa quidem capita vim Legis obtineant, quæ dicuntur esse sumpta ex Romanorum Pontificum, aut ex Generalium Conciliorum Decretis: sed necesse est adire fontes, unde emanarunt; ut certa ab incertis distinguamus. Hæc Antonius Augustinus.

IV. Hinc etiam fit, ut licet ex Rubricis Decretalium, quæ ac Pandectarum & Codicis, deductæ rationes, non minùs, quàm ex ipso contextu desumptæ, valeant propter auctoritatem Libris illis per Pontifices, & Cæsares attributam: nihilominùs ex Rubrica Decretorum argumentari non magis liceat, quàm ex Gratiani conciliationibus, & annotatis: imò minùs. Etenim præterquam quòd Gratianus Doctor tantùm est, non Legislator: Rubricæ & Inscriptiones Decretorum, maximâ ex parte, non sunt Gratiani ipsius, ut observat Azo ad titulum Codicis *Ne fidei iussores dotum dentur.*

CAPUT XV.

De nomine PALEA, sæpè Decreti Capitibus adscripto.

1. *Varia de Causa hujus inscriptionis opiniones.*

I. **I**N Capitulo Inscriptionibus occurrit sæpè hoc vocabulum *Palea*, quod unde huc tractum sit, non satis constat. Quidam ea capita hoc nomine notari putarunt, quòd sub illis incerta contineantur, & nullius pretii, cujusmodi sunt *Palea*. Alii sic dicta censuere quasi τὰ παλαιὰ id est antiqua, veluti ab usu remota & omninò antiquata. Nonnulli corruptâ voce, & detorta ex adverbio πάλιν, id est iterum,

quasi additiones sint, siue Canones sæpius repetiti. Sed quoniam non semper aut vilia, aut antiqua, aut etiam iterata sub illa epigraphæ exhibentur, plerisque probatur ea sententia, quæ *Paleam* vult esse nomen proprium ejus, qui vel solus, vel primus hæc additamenta Gratiano attexit.

II. Ejus sententiæ videtur Autor Joannes Andreas in additionibus ad Speculatorem ^a ubi *Protopaleam* dicit, quem alii *Paleam* vocant. Is tum ab Andrea, tum à Cateliano Cotta Discipulus Gratiani fuisse perhibetur.

III. Addunt Jason, Imola ^b, Præpositus Alexandrinus ^c, aliique Cardinalem fuisse. Is Imolæ *Pocapalea*, aliisque nominibus appellatur.

IV. Sanè *Palea* nomen non ignobilis apud Cremonenses familiæ proprium esse testatur Antonius Augustinus ^d. Eoque nomine esse etiam oppidum in subalpinis refert Guido Pancirolus ^e. An ex eo cognomen traxerint Alexandria & Nicæa della *Paglia*, discutiendum aliis relinquo.

V. Sunt qui memorent Gratianum, cum opus suum Romanam detulisset, librum Cardinali cuidam legendum tradidisse, quò ejus operà ad Pontificem Eugenium III. introduceretur: Cardinalem autem laudis & gloriæ cupidiorum volumini nonnulla inseruisse, seque ejus autorem jactasse: verum ejus fraude intellectà, dixisse Gratianum Additiones illas *Paleas* tantummodo esse, quæ nempe grano alibi condito inanes reddebantur: more scilicet Theologorum ejus temporis, qui *Paleam* vocabant literam fructu carentem, vel sterile opus. Hinc factum ut Capita illa *Palearum* appellationem retinuerint: quod commentum fabulæ proximum ex sequentibus intelligi poterit.

VI. Observant Romani Correctores in tribus manuscriptis Decreti exemplaribus, quæ antiquissima sunt, videnturque paulò post Gratiani ætatem scripta, horum Capitum paucissima extare; in uno valdè emendato ad marginem esse apposita, sine ulla nota; sed non omnia quæ in impressis inveniuntur. Et vicissim in illo aliquas hujusmodi additiones esse, quæ in impressis non habentur; in cæteris aut omnes aut plerasque reperiri: & partim quidem præfixo *Palea* nomine, partim verò sine ullà à cæteris Capitibus distinctione. Quin nec in prima editione Moguntinà hoc vocabulum in fronte Capitum reperiri; & in antiquà editione Ve-

2. *Palea multis videtur esse nomen additoris eorum Capitum.*

^a Tit. de disputationibus & allegat.

3. *Autor Palearum harum Cardinalis fuisse videtur.*

^b In Rubric. de verbis oblig. num. 3.

^c In præf. Decretal.

4. *Palea familia nobilis nomen.*

^d Lib. 2. de emendat. Grat. dial. 2.

^e De Clar. L. g. Interpr. lib. 4.

cap. 2.

5. *Ratio nominis fabulosa.*

6. *In Manuscriptis Codicibus desiderantur ha Palea.*

7. *Correctorum Romanorum de his Palæis iudicium.*

neta minùs frequenter occurrere notat Stephanus Baluzius. VII. Ex his Correctores conjiciunt has *Palæas* esse appendices, non eodem tempore additas ad Primam Collectionem Gratiani; easque in margine primùm adscriptas: ac nonnullas, fortè ab ipso autore; quas deinde Librariorum quidam omiserint, quidam in contextu posuerint, interdum conjunctim cum prioribus Capitibus, interdum cum aliquo discrimine: atque hinc factum est, ut in editione quam Carolus Molinæus Parisiis curavit, hæc Capita diverso charactere exhibita sint.

8. *Harum nihil à Gratiano additum putat Ant. Augustinus.*

VIII. Antonius Augustinus non putat horum Capitum ullum à Gratiano adjectum: cum nec facilè in vetustissimis Codicibus inveniuntur; & in Joannis Teutonicus Interpretis antiqui scholiis rarò ad verba illorum Capitum aliquid notetur. Addit & aliam rationem, quòd eorum nonnulla Bernardus Papiensis in primam Decretalium Compilationem transtulit: id autem de Gratiani Canonibus vix dici potest. Apparet itaque à Discipulo Gratiani adjectas, deque ejus nomine dictas esse has *Palæas*: nisi fingamus Gratianum ipsum Discipuli sui nomine usum, aliqua inter relegendum addidisse.

C A P U T X V I.

De priscis Decretalium Compilationibus ante Gregorium IX.

1. *Compilatio Bernardi Circa, Papiensis, Præp. quando & qua methodo conscrip-
pta.*

I. **P**OST editum Gratiani Decretum novæ subindè à sequentibus Pontificibus emanarunt Constitutiones; quæ cum jus facerent in rebus Ecclesiasticis, earum accessione locupletari Canonicam Legislationem necesse fuit. Primus itaque *Bernardus Circa Præpositus Papiensis*, ac postea Faventinus Episcopus Decretales, suæ præsertim ætatis Pontificum Epistolas, in Libros V. sub certis titulis, ordinem ferè Codicis secutus, aptè digestas in unum volumen collegit paulò antè an. 1190.

2. *Unde Collecta.*

II. In eo & ex veterum Conciliorum Canonibus, & ex Patrum aliquot sententiis, & ex superiorum à sancto usque Gregorio Pontificum Decretis, non pauca inseruit à Gratia-

De priscis Decretalium Compilationibus ante Greg. 551

no prætermiffa; fed & *Alexandri* imprimis *III.* qui à Septembri mense anno 1159. ad Auguftum anni 1181. Pontificatum tenuit, comprehenfus etiam *Concilii Lateranenfis III.* generalis placitis, ac deinde ex *Lucii III. Urbani III. & Clementis* itidem *III.* Refcriptis opus fuum composuit.

III. Hanc primam Compilationem vocant *Hoftienfis*, *Joannes Andreas*, *Ægidius de Bellamera*, alique. Qui autem fcholia in eam fcripferunt, Librum primum appellant, & pari ratione fequentes Collectiones, alii Compilationem 1. 2. 3. 4. 5. alii Librum 2. & 3. &c. nominant.

IV. Ipfe autor *Breviarium Extravagantium* infcripfit, & in præfatione profitetur fe hoc volumen de veteri jure & novo compilaffe. Unde hæc Collectio fupplementum quoddam *Gratiani* effe videtur: ad quem & Collector aliquando remifit, veluti *Capitulo 9^o. de Electione in fine*, in hac primâ Collectione: ad quem, ut & in præfationem, videndæ doctiffimi *Antonii Auguftini* notæ. Non malè igitur *Bernardus Breviarium Extravagantium* Librum fuum appellavit, quandoquidem extra *Gratiani* Decretum vagabantur fcripta & Constitutiones ex quibus eum confecit: eodem refpectu *Extravagantes* vocati poffe reliquas Collectiones, non modo antiquas, fed & *Gregorianam*, & *Sextum* ac *Clementinas* notavit *Cujacius* ad *Cap. 4. Ex. de fponfalibus*. Sunt etenim quodammodo fupplementa & continuationes *Gratiani*. Porro *Bernardus Papienfis* summam hujus operis fub iifdem titulis fcripiffè dicitur, cujus initium fecit *Profeffus Difcipuli gloria magiftri*. Scripfit & notulas, five fcholia primæ Collectioni adjecit.

V. Emergentibus deinde aliis fubinde fedis *Apoftolicæ* Constitutionibus, alia volumina compofita funt: & quidem *Gilbertus Abbas* & *Alanus Epifcopus Autiffiodorenfis*, omiffas à *Bernardo* Constitutiones collegerant: fed ex duorum illorum Collectionibus, five ut *Tancredus* loquitur, ex earum ruinis novam compegit *Ioannes Galenfis* feu *Vallenfis*, *Volaterris* in *Tufciâ* natus. Ejus Liber poft duodecim à 1^a. Collectione annos editus eft, an. fcilicet 1202. alia, tum eorundem Pontificum de quibus diximus, tum *Cæleffini* quoque *III.* Refcripta complectitur, & fub *Secunda Compilationis* nomine receptus eft: Nam *Gilberti* & *Alani* Collectiones interciderunt. Sufpicatur tamen *Antonius Augufti-*

3. Aliis dicitur 1^a. Compilatio, aliis Lib. 1.

4. Autor Breviarium Extravagantium vocat, & cur.

5. Compilationes dua fequentes, ex quibus una quæ vulgo Secunda, à Ioan. Galenfi.

Augustinus Alani esse eam Collectionem, quæ in Conciliorum editionibus post Lateranense III. Universale Concilium, sub Alexandro III. celebratum, vulgò habetur. Et sanè Extravagantium Alani meminere aliquando vetustissimi Decretalium Interpretes, quemadmodum idem Augustinus observat in notis ad *Capitulum 13. de Sponsalibus & matrimon. in primâ Collectione*: & fortè diversum, vel plenius quid continebatur in illa Compilatione Alani.

6. *Compilatio 3^a. Innocentii 3. quæ & Romana, ex Bernardi Compostellani Collectione, per Petrum Beneventanum reformatâ.*

VI. Cathedræ post Cælestinum III. præfedit Innocentius III. à Mense Februario anni 1198. ad Julium an. 1216. ultrâ 18. annos. Is, ut erat Juris ac Theologiæ peritissimus, & Ecclesiasticæ Disciplinæ restituendæ studiosus, plurima de gravissimis rebus constituit, tum per se & solus, tum in Concilio generali IV. Lateranensi: ita ut illius unius constitutiones conditarum à cæteris per ea tempora Pontificibus Decretalium numerum & molem, vel æquent, vel etiam superent. Ex ejus Regestis annorum duodecim priorum, Bernardus major, Archidiaconus *Compostellanus*, Romæ degens, Decretales in ordinem redegit: quæ Romana Compilatio aliquandiù dicta. Verùm cum ei volumini quædam inserta essent, quæ usu judiciorum minùs vigeant, impetrarunt Romani ab Innocentio, ut Pontificiâ autoritate alia Collectio fieret: eique rei præpositus est *Petrus Beneventanus Diaconus*, ejusdem Innocentii Notarius; cujus operâ in lucem exiit TERTIUS Decretalium Liber, sive *Tertia Compilatio*.

7. *Hæc auctoritate Pontificiâ prima prodit.*

VII. Hanc verò inter omnes juris Pontificii Collectiones Primam omnium auctoritate publicâ fuisse munitam notat Antonius Augustinus. Superiores quippe, sive Decretorum, sive Decretalium Collectores, privato ductu eam rem susceperant: atque ab ipsis relata Pontificum Decreta certam fidem non obtinebant, nisi ab Ecclesiæ Romanæ scriniariis priùs recognita ac comprobata essent. Et verò falsas quasdam Decretales, quæ in Regestis non extant, in duabus primis compilationibus legi monuit Tancredus, cujus notam Augustinus subjecit ad calcem notarum primæ Collectionis: tametsi earum Decretalium, quæ falsæ à Tancredo pronunciantur, aliquæ in Gregorii Collectionem irrepererunt. Hanc verò Tertiam Collectionem præfatione additâ

additâ confirmavit Innocentius III. eamque glossâ in *cap. jam dudum, de prebend. & dignitat. in verbo confirmationem*, vocat absolutè *Compilationem Innocentii*. Etenim *Capitulum primum de re judicat.* quod ibi citat, reperitur sub eodem titulo, eodemque ordine in hac tertiâ compilatione.

VIII. QUARTA COLLECTIO post Concilium generale Lateranense IV. composita ex 72. ejus Capitibus, & ex posterioribus ejus Regestis, quibus Constitutiones ab eodem Innocentio III. post annum Pontificatus duodecimum conditæ, continebantur. Cujus operam in hac Compilatione digerenda Innocentius adhibuerit, incertum est. Tancredus certè in fragmento antè laudato non ait à se confectam Quartam Collectionem; sed in glossis Tertiæ Collectionis se annotaturum promittit, si quid post annum 12. sive ab ipso Innocentio, sive à Concilio generali fuerit immutatum. Hæc igitur, ut & superior Collectio, solius Innocentii III. Constitutionibus constant.

IX. Atque hæc quatuor antiquæ Collectiones Decretalium, quibus manuscriptis fuerat usus Contius, editæ sunt unâ cum scholiis à sæpiùs memorato autore Antonio Augustino tempore Gregorii XIII. Pontificis, ut ex Epistolâ nuncupatoriâ liquet: eadem Parisiis anno 1659. paulò emendatiores, & notis alicubi auctiores ex collatione cum Nicolai Fabri, & Jacobi Cujacii Codicibus, prodierunt.

X. Proximus Innocentii tertii successor *Honorius III.* suarum & ipse Constitutionum volumen vulgavit, quæ fuit *Quinta* usu recepta *Decretalium Compilatio* seu *Liber V.* Eam de Honorii III. Decretalibus tantum compaginatam, à Pa-
normitano, Contio, Cujacioque visam (ut ex illorum scriptis probavit Franciscus Flotens) eam, inquam, ex Albien-
sis Bibliothecæ ruderibus etuit, Notisque illustratam publici-
randem juris fecit annò 1645. *Innocentius Cironius*, Ecclesiæ
& Academiæ Tolosanæ Cancellarius. Sic intra 70. annos
ab edito Gratiani Decteto, emanarunt octo Decretalium
Compilationes: quinque nimirum usu receptæ: Prima Ber-
nardi Papiensis: Secunda Joannis Vallenensis; Tertia Petri
Beneventani: Quarta Anonymi sub Innocentio III. Quinta
Honorii III. Tres aliæ Gilberti, Alani, & Bernardi Com-
postellani in usu non fuerunt. Earum Historiam ex Joanne
Andrææ imprimis, & S. Antonino Archiepiscopo Florenti-

8. *Compilatio*
4. ex *Innocen-*
tiii quoque 3.
Decretalibus.

9. *Cujus curâ*
edita Quatuor
priores Compila-
tiones Decreta-
lium.

10. *Collectio 9.*
ab Honorio III.

no, Antonius Augustinus, Boëtius Epo, & Franciscus Florens dilucidarunt.

11. *De Indicibus Titulorum & Capitulorum quibus constant Collectiones.*

XI. Indicem Titulorum & Capitum trium priorum Collectionum dedit sæpius memoratus Antonius Augustinus post præfationem antiquarum Collectionum; itemque eorum Caput seorsim quæ ex Græcis, & eorum quæ ex Rescriptis B. Gregorii desumpta sunt. Quartæ verò Collectionis Titulos & Capita habes in eodem volumine ante eandem Collectionem. Quintæ denique tituli extant apud Cironium in fronte operis.

CAPUT XVII.

De Autore, tempore & ratione Decretalium Gregorii IX. deque Decretalium nomine.

1. *Codicis Justiniani exemplo Composita hæc Collectio.*

I. **G**REGORIUS IX. qui Honorio III. successit, & Signiensium Comitum familia fuit, Innocentii III. consobriño genitus: sedit à mense Martio anni 1237. ad Augustum anni 1241. Is, ut erat Divini & humani Juris callentissimus, Decretales anteriorum Pontificum in ordinem redigi curavit anno Christi 1230. B. Ludovico Francis, Fridrico II. Germanis Imperante. Nimirum quod Justinianus in Jure Civili perfecerat, ut ex tribus Codicibus, Gregoriano, Hermogeniano, & Theodosiano, atque ex Novellis sequentium Imperatorum Constitutionibus post Codices illos emissis, Legibus propriis additis, novum Codicem, Triboniani maxime operâ, componeret: id **GRECORIUS IX.** in jure Pontificio effecit, & ex quinque Collectionibus quas superiori capite memoravimus, pleniorẽ Collectionem concinnavit.

2. *Cujus operâ usus in sua Collectione Gregorini IX.*

II. Eo in opere usus est industriâ *Raimundi à Pegna fortis* Barcinonensis, ex ordine Prædicatorum; qui à Joanne Cardinali Episcopo Sabinensi ex Hispaniâ Romam deductus, in Capellanum ac Pœnitentiarium à summo Pontifice fuerat ascitus. *Capellani* autem nomine dicebatur sacri Palatii Apostolici Auditor, qui tunc unus erat. Hic Raimundus vir fuit eximie scientiæ, tantæque in Deum Pietatis, ut à Clemente VIII. in Sanctorum numerum referri meruerit, quâ de re extat Tomo 3. Bullarii Constitutio 77.

III. Justiniani institutum in hoc quoque secutus est Gregorius IX. quod ex superioribus Decretalibus & pugnancia invicem, & supervacanea rescanda censuit: cuius rei rationem reddit in præfatione, sive constitutione, quâ opus illud confirmavit, ad Bononiensem, atque, ut quidam volunt, ad Parisiensem Academias seu Decretorum Doctores in illis agentes, missâ. Sanè, inquit, *diversas Constitutiones & Decretales Epistolas Prædecessorum nostrorum, in diversa dispersa volumina, quarum aliqua propter nimiam similitudinem, & quædam propter contrarietatem, nonnulla etiam propter sui prolixitatem, confusionem inducere videbantur; aliqua verò vagabantur extra volumina supradicta, quæ sanquam incerta frequenter in judiciis vacillabant: ad communem, & maxime studentium utilitatem, per dil. fil. fratrem Raymundum Capellanum & Pænitentiarium nostrum in unum volumen, rescatis superfluis, providimus redigendas; adjicientes Constitutiones nostras & Decretales Epistolas, per quas nonnulla quæ in prioribus erant dubia, declarantur.*

IV. Inscriptum est hoc opus **DECRETALIUM Gregorii IX. Papa Compilatio**. **DECRETALES** Epistolæ, seu **Decretalia Rescripta**, & absolute **Decretales** dicuntur ex glossa ^a, Epistolæ seu Responsa, quibus Pontifex ad consultationem Episcoporum, aliorumque, etiam privatorum, rescribit. Dicitur autem, *Epistola Decretalis*, quod per eam quidpiam generaliter valiturum, re diligenter examinatâ, decernitur. Sic Decretalis bonorum possessio à Jurisconsultis vocatur, quæ Decreto Prætoris & causâ cognitâ datur, diversa ab Edictali bonorum possessione, quæ ordinario jure ex edicto ejusdem Prætoris, & sine accurata causæ cognitione competit.

V. **COMPILATIO** hoc loco idem est ac **Collectio**. Nec sum nescius *Compilationem* pro furto sumi à Cicerone ^b. Nam & compilare accipitur aliquando pro eo quod est spoliare, ut in *Lege 9. §. 1. Dig. ad legem jul. peculat.* & sic apud eundem Ciceronem ^c. Verres provinciam compilasse dicitur. Eodem fermè sensu dicimus *Expilare*: unde crimen expilatæ hereditatis. Utrumque verbum significat detrahere. Sed *expilare* de iis propriè videtur usurpari, qui rem è suo loco detrahunt ut auferant: *compilare* autem, de iis qui res abreptas in unum locum congerunt ac recondunt. Vocis originem hac acceptione Festus ad Græcos refert, qui

3. *P^{ri} Justinianum imitatus fueris Gregorius.*

4. *De operis inscriptione, & nomine Decretalium.*

^a Ad Constit. ejusd. Greg. huic volumini præfixam, Verbo Constitutionis.

5. *Quid Compilatio, & unde dicta.*

^b Epist. lib. 2. ep. 8.

^c Verrina 2.

fures vocant, *Pileas*. Referri potest & ad verbum Latinum *Pilare*, quod significat pilos detrahere: & fortè ex eo quoque Itali *Pigliare* dixerunt pro capere, & Galli *Piller* pro spoliare, diripere, prædari. Verùm *Compiler* aliâ significatione secundum eundem Festum accipitur pro cogere & in unum condere; sive coacervare, vel ab eodem verbo *pilare*, quod propriè est pilis vestiri; vel certè à pilâ, vas genere, ad fruges, aliasque res permixtim tundendas comparati. Hinc ductâ metaphorâ *Compiler*, teste Isidoro^d, est qui aliena dicta suis permiscet, sicut solent pigmentarii diversa mixta in pila contrudere. Quâ ratione compiler veterum ab æmulis dicebatur Virgilius, quod versus Homeri transferens, suis permisceret: quod ille convicium egregiè repulit, dicens magnarum esse virium clavam Herculi extorquere de manu.

^d Lib. 10. Etymolog.

CAPUT XVIII.

De fontibus Decretalium, sive de Autoribus ex quibus ea sunt desumpta.

1. *Classes autorum ex quibus decerpta Decretalium capita.*

^a Lib. 1. de Jure sacro.

I. **A**UTORUM ex quibus sunt deprompta Decretalium Gregorii IX. Capita, Catalogum instituit Boëtius Epo^a; eosque in quinque Classes digessit: Primam classem constituit ex paucis quibusdam *Sacra Scriptura* locis: Secundam ex *Canonibus*, qui dicuntur *Apostolorum*: Terriam ex *Constitutionibus* Romanorum Pontificum circiter sex & triginta, à Gregorio I. ad Gregorium IX. *Quartam* ex *Canonibus Conciliorum* septem & triginta, ab Anriocheno ad Lateranense IV. generale: *Quintum ex Patrum*, aliorumque autorum ferme decem, operibus.

2. *Cur totum opus nomine Decretalium indigitatum.*

II. Mirum videri poterit, quòd *Decretalium* nomen huic operi fuerit inditum, quandoquidem hæc Compilerio, ut ex superioribus liquet, non modò summorum Pontificum Epistolas Decretales; sed, non secùs ac Gratiani Collectio, loca non pauca ex aliis sacris cujusque generis scriptis deprompta continet. Verùm optimâ ratione à Decretalibus petitur hujus Collectionis titulum fatebitur, qui adverterit hoc volumin ex Constitutionibus præsertim posteriorum Gratiano.

Pontificum ad Gregorium IX. fuisse compositum, Alexandri nimirum III. Lucii III. Urbani III. Gregorii VIII. Clementis III. Cælestini III. Innocentii III. Honorii III. ipsiusque Gregorii IX. adjectisque Decretis Conciliorum Lateranensium duorum generalium, III. & IV. quorum autores Alexander & Innocent. III. aliquot priorum Pontificum Romanorum Constitutiones adjicias, invenies Pontificias Decretales, & Constitutiones numerum exte-
rarum omnium auctoritatem plus duplo superare: contra verò apud Gratianum longè minor est Epistolarum Decretalium, quàm Canonum, sive constitutionum ex Conciliis, Patri-
busque, vel aliunde haustarum numerus.

C A P U T XIX.

*Index & nexus Titulorum, quibus Decretalium
quinque Libri constant.*

I. **I**DEM in hoc opere servatus est ordo, quem in Primâ compilatione sequutus fuerat Bernardus Papiensis, in quinque Libris qui Codicis Justinianæ novem prioribus Libris, non incommode respondent.

1. *Servatus est
in Decretalibus
Ordo 1^{us}. Compila-
tionis.*

II. Ejus aurem Ordinis hæc ratio est, ut cum jus omne ad judicia referatur, in Primum Librum collata sint quæ judicia Ecclesiastica Antecedunt: arque imprimis agatur de Magistratibus, sive *Judicibus* sacris, hoc est Prælati. Cum autem hæc judicia partim civilia sint & extra Criminales Causas posita, partim Criminalia: In secundo Libro ea tractantur, quæ Civilium *Judiciorum* formam atque Ordinem respiciunt, quem Judicarium ordinem hodie in utroque foro sequimur. Dissertitur deinde de *Rebus Ecclesiasticis*, quæ ad Episcopale forum deducuntur in Civilibus Causis. Hæc partim sunt propriæ Clericorum, partim Læicorum, partim utrisque Communes. De rebus quarum causâ vel inter Clericos solos, vel inter eos & Læicos disceptatur, tractat Liber Tertius. At Liber Quartus de iis dissertit quæ ad Læicos magis propriè pertinet, nimirum de Matrimonio. Contractu & sacramento, cujus maximè causâ Læici foro Episcopali subjiuntur. Jam Liber Quintus & postea

2. *Totum opus
ad judicia eaque
tum civilia, tum
criminalia refer-
tur.*

mus Crimina complectitur, hoc est tum formam, tum materiam, & executionem Criminalium Judiciorum. Hunc quinque librorum ordinem in memoriam facile revocabunt totidem sequentis versus vocabula.

Judex. judicium. Clerus. concubia. crimen.

Series Libri Primi Decretalium.

*I. Libri primi
Partes quatuor.*

I. ANTECEDENTIA Judiciorum Ecclesiasticorum quæ Primo Libro continentur, referri possunt ad summa Quatuor genera. Primum est Deus, ac vera in eum *Fides*. Est enim hoc fundamentum omnis sacri unde omne jus manat, ad partes sive species varias Juris Pontificii, ad *Personas Ecclesiasticas*, per quas jus sacrum exercetur; atque ad modos præparandi, vel citra forenssem strepitum componendi controversias fidelium: & sic vitandas Judiciorum ambages, ac juxta Divina præcepta fovendam Christianorum inter se caritatem, quæ non facile inter lites servatur.

*II. Membrum 1.
Libri 1. DEUS,
Tit. primus, de
summa Trinitate
& fide Catholic.*

II. Orditur itaque Gregorius IX. exemplo Justiniani à Titulo de *summa Trinitate & fide Catholica*,¹ ut ab Jove, id est, à vero numine principium capiat.

*III. Membrum
2. Jus.*

III. Inde *juris* partes aggreditur. Illud partim Scriptum est partim Non scriptum: & Scriptum vel generale ut Conciliorum, ac Pontificum Romanorum atque ab illis sponte in universum, & fermè conditum, quod *Constitutionum*² nomine continetur: vel speciale, alio rogante emissum, quod significatur *Rescripti*³ vocabulo: Quod autem sine scripto valet *Consuetudinis*⁴ appellationem sortitur.

*TIT. 3. De
Constitutionib.*

3. De Rescript.

4. De Consuetud.

*IV. Membrum 3.
PERSONÆ EC-
CLESIASTICÆ.*

IV. Cum jus ex se mortuum quodammodo sit, nisi à Magistratu qui ejus vera vox est, ad exitum perducatur, & quasi animetur; idcirco à jure ad *PERSONAS JUDICANTIAM* transitus sit. Horum autem duplex inspectio est: vel enim in seipsis spectantur, quantum ad gradum atque Ordinem suum; vel quatenus aliis Præfunt & subjectorum res ac & controversias dirimunt, à Priore inspectio tria fermè complectitur: Primò modos adipiscendi, aut etiam abdicandi Ecclesiasticos honores, ac certis de causis temperandi eorum jura: Secundò Clericorum Ordinationem, quæ ad Ecclesiasticas Dignitates aditum præstat: Terrio, eorundem ubi Prælatorum titulum adepti sunt munia Judicialia.

Acquiruntur Prælatuæ duobus maximè modis, *Postulatione*, & *Electione*. Per utramque persona idonea ad sacram dignitatem vocatur: sed priori assumuntur qui aliàs digni, tamen aliquo impedimento Canonico laborant. Utramque sequi debent *Confirmatio* & *Consecratio*, ut spirituale conjugium Prælatorum cum Ecclesia, per Electionem inchoatum, ratum habeatur, & compleatur: atque hi tam ea quæ sunt ordinis sui, quam Jurisdictionis ritè exequi valeant. Mutantur autem dignitates *Translatione* ab una sede in aliam: quâ ratione excidit priori qui novam adipiscitur. In Metropolitana præterea, cæterisque majoribus Prælati, ut auctoritatem jure dignitatis suæ plenè exerceant, requiritur ut *Pallium*, plenioris potestatis insigne, à sede Apostolica obtineant: quo tamen nonnisi certis diebus & locis utuntur.

Prælati dumtaxat conveniunt hi acquirendæ dignitatis modi: Clericis aliis sui Tituli *Collatione*, aut ad illum *Institutione* ferè acquiruntur.

Utrique generi communes sunt amittendorum beneficiorum varii modi. Amittuntur autem Ecclesiastici tituli; honestè quidem voluntariâ abdicatione, quàm *Renunciationem*, sive *Resignationem* vocant. Ea nonnisi auctoritate superioris Prælati fieri debet. Sive autem per *Renunciationem* & *Cessionem*, sive morte possessoris, aut ob crimen & per Judicis sententiam, quavis denique ratione vacaverit dignitas aut beneficium: curare debent hi, ad quos jus eligendi aut conferendi pertinet, ut vacua sedes locusve quamprimum repleatur idoneo successore. His verò quorum ea res est, ultra statuta tempora in munere suo exequendo cessantibus, *Supplenda* est eorum *Negligentia* à proximo superiori Prælato, aut à consorte Prælati Capitulo: atque hiis negligentibus devolvitur hujusmodi jus à proximis ad remotiores gradatim post lapsum temporis cuique definiti. Præscriptum hac in re spatium, ubi de Electione ad Cathedralē aut etiam ad Regularem Ecclesiam agitur, est trimestre: si autem de Collatione minoris beneficii agatur, conceditur sex mensium tempus. Quod si beneficium juri patronatus obnoxium sit, siquidem Ecclesiasticus sit patronatus, sex menses; si vero Laicus, quatuor menses patrono dantur ad offerendum Episcopo Clericum instituendum.

Ecclesiastici honores Clericis dumtaxat debentur. Hi

Tit. 5. De postulatione Prælatorum.

6. De Electione & consecratione potest.

7. De Translatione Episcoporum.

8. De Auctoritate & usu Pallii.

9. De Renunciatione.

10. De Supplenda negligentia Prælati.

Ordinatione sunt (quæ simul cum inauguratione & Characterẽ, officium in certa Ecclesia exercendum, eique debitum stipendium priscis temporibus continebatur: hodie sola Ordinum sive graduum collatio intelligitur.) In ea sunt servanda quædam, quædam vitanda. Et primo certis anni *Temporibus* celebrandæ sunt generales & solennes *Ordinationes*¹¹. In promovendis sua cuique ordini ætas assignata est, certæque requiruntur qualitates. Doctrina præsertim & honesti Mores, atque alia, quæ in *Scrutinio*¹², sive examine prævio, explorati debent. Ordines autem à proprio Episcopo, aut ab alio, etiam Episcopo, illius consensu conferendi sunt. Non tamen majores ab eo *qui sedi*, simul & dignitati *Episcopali renunciavit*¹³. In iis qui ad sacras præfecturas provehendi sunt, requiritur non solum justa *Ætas* atque alix *Qualitates*, sed etiam *Ordo sacer*¹⁴, pro ratione officii cuique incumbentis. Sacerdotes verò, & potiori jure Episcopi *Sacra Unctione*¹⁵ ad munia sua, utpote cæteris majora, præparandi sunt, ut & exeuntes ab hac vita, eodem modo ad extremum agonem comparandi.

Cavendum est ne Ordines aliaque *Sacramenta*, quæ Characterem imprimunt, Baptismus nempe, & Confirmatio *iterentur*¹⁶, neve ordinibus, saltem absque legitima dispensatione ac venia, ii decorentur quos à Clericatu arcent Canonum præscripta; veluti ob vitium natalium filios *Presbyterorum*¹⁷, procreatos post susceptos à patre ordines sacros, alioque illegitimè natos. Ob status præterea sive Conditionis vililitatem *Servos*¹⁸, nisi volentẽ Domino fuerint Manumissi, propter obligationis Civilis vinculum, Tutores, Curatores, quique alii ex rerum alienarum administratione *Reddendis rationibus obligati sunt*¹⁹. Ob insignem Corporis debilitatem aut deformitatem *Corpore vitiatos*²⁰, ob defectum in Sacramento Matrimonii, *Bigamos*²¹ vel quasi Bigamos, Viduarum scilicet maritos, qui pro Bigamis habentur: Denique ob alterius Prælati Jurisdictionem, cui quis subiectus est *Peregrinos*²².

Ab Ordinibus & ordinandorum personis transgrediendum ad dignitates eum Jurisdictione conjunctas, tum minores, tum majores; & cujusque Prælati officium aut potestas spectanda. Sequuntur ergo Tit. *de Officio Archidiaconi*²³, quem Episcopi oculum Canones vocant, eò quod jure communi

Tit. 11. De temporib. Ordinatur.

12. De Scrut. in Ord. faciendo.

13. De Ordinationis ab Episcop. qui ætenuc. Episcop.

14. De ætate, & qualitat. & Ord. præficiend.

15. De sacra Unctione.

16. De sacram. non iterand.

17. De fil. Presb. ordinan. vel non.

18. De servis non ordin. & c.

19. De oblig. ad Ratiocin. non ord.

20. De Corp. viciat. ord. vel non.

21. De bigamis non ordin.

22. De Cleric. Peregrinis.

23. De Offic. Archidiacon.

communi ejus administrationi rerum & curæ personarum Ecclesiasticarum invigilet: tum de *Officio Archipresbyteri*²⁴, *Primicerii*²⁵ quoque sive Cantoris aut Præcentoris; & de *Officio Sacristæ*²⁶, quem Græci vocant Cimeliarchen; eique adjuncti *Custodis*²⁷: quarum dignitatum vel Personatum varia sunt per diversas Ecclesias & nomina, & jura, ac munia.

Iis quibus ex dignitate competit Jurisdictio quædam Ecclesiastica, Personæ adjungendæ sunt, quæ aliorum vice eam exercent. Ejusmodi sunt *Vicarii*²⁸ non unius Generis: alii enim, de quibus hîc propriè agitur, sunt Vicarii Episcoporum, aliorumve Prælatorum; iique vel generales, penes quos est administratio & Jurisdictio voluntaria; vel Officiales, qui contentiosam Jurisdictionem exequentur. Sunt & alii Vicarii Plebanorum sive parochorum: tum Perpetui, qui Rectoris Ecclesiæ parochialis juribus fere utuntur: tum Amobiles, quos Curio sibi adsciscit ab Episcopo approbatos. Alterius quoque vicem in Causis disceptandis obit *Judex delegatus*²⁹ ab Episcopo, vel à summo Pontifice: itemque *Legatus*³⁰ Pontificius, qui utramque habet Jurisdictionem; eamque Episcopali ampliorem: sive à *Latere* Pontificis Legatus sit à Collegio Cardinalium; sive Legatus *natus*, Legatione scilicet Metropolitanæ dignitati cohærente. Minoris aliquantùm dignationis sunt, qui vulgo *Nuntii* appellantur, olim Responsales & Græcis Apocrisarii. Post hos dicendum, est de iis qui jure suo utramque Jurisdictionem, eamque plenam obtinent; ideoque *Judices Ordinarii*³¹ vocantur: quo nomine cum Episcopis continentur alii quoque Prælati, etiam Minores, quibus data est potestas quasi Episcopalis. Sequuntur generales Regulæ quæ ad *Judicis*³² cujuslibet *Officium* pertinent. Inter eas non postremum locum tenet quæ jubet ut *Majoribus* & superioribus subjectionem atque *Obedientiam*³³ minores sive inferiores exhibeant, non modò Clerici & simplices Sacerdotes: sed & Prælati.

V. Post duplicem Personarum inspectionem, quarum alia ad Ordines, alia ad Jurisdictionem refertur; priusquàm de Judiciis disseratur, tractanda breviter visa sunt eorum PRÆPARATORIA ET ANTECEDENTIA, sive ne ad Judicem eatur, sive ut per alium, aut cautè ac tutè eatur. Hæc enim propriè Judicium præcedunt. Ea partim

TIT 14 De Off. Archypresb.
25 De Off. Primicer.
26 De Off. Sacristæ.
27 De Off. Custodis.

28 De Off. Vicari.

29 De offic. & potest. Judicis delegati.
30 De offic. Legati.

31 De offic. Jud. ordinarii.

32 De offic. Judicis.

33 De Majorit. & obedientia.

V. Membrum 4.
ANTECEDENTIA JUDICIORUM.

TITULUS 34. De
Tregis & Pace.

35. De pactis.

36. De Transact.

37. De Postulan-
do.

38. De Procura-
torib.

39. De Syndico.

40. De iis quæ
vi metusve causâ
fiunt.

41. De in Integ-
ritate.

42. De alienar.
Judic. mutand.
Causâ fact.

43. De Arbitr.

sunt modi controversias citra Judicis Officium & notio-
nem finiendi : Conventa nimirum partium inter se : quo-
rum alia publica sunt, *Inducia* scilicet & *Pax* 34 : alia sunt
Pacta 35 privata, & *Transactiones* 36. Alioqui veniendum erit
in jus, & comparandi litigatores ad *Postulandum* 37, sive ad di-
cendam Causam in Judicio : idque per se, vel per Advocatos.
aut *Procuratores* 38 ; vel si res Universitatis aut Collegii aga-
tur, per *Syndicum* 39. Videndum præterea an quid perperam
gestum sit, quod rescissioni locum faciat, per *Restitutionem*
in integrum, veluti si quid per vim ac metum 40 fuerit extor-
tum : si *Minor* 41 deceptus fuerit, aut latus ; vel Ecclesia, quæ
Minorum Privilegio gaudet : aut si *Alienatio Judicii mutan-
di causâ fuerit facta* 42, aliave justa occurrat *Restitutionis* cau-
sa : Verum non raro pro Judice, *Arbitri* 43 Compromissarii
sumuntur consensu partium, qui litem componant sine
strepitu forensi.

Ordo Libri Secundi Decretalium.

I. Hujus Libri
summa Capita
quatuor.

II. Membrum
1. *Judicia in uni-
versum.*

TIT. 1. De Ju-
diciis.

2. De foro com-
petenti.

III. Membrum
2. *Par. 2. Li-
tis ingressus.*

3. De Libelli
oblat.

4. De Mutuis
Petitionib.

5. De Litis con-
testat.

6. Ut lite non
contestata non
proced. ad testium
recept.

L E X E Q U I T U R hoc Libro Gregorius IX. formam Ju-
diciorum Civilium, & pecuniariorum, sive O R D I-
NEM J U D I C I A R I U M, quo tractantur Causæ extra cri-
men positæ.

Quatuor sunt hujus tractationis summa capita, sive
Membra, ad quæ omnes ejus rubricæ revocantur. 1. Judi-
cia in genere, 2. quæ ad litem inchoandam, 3. quæ ad pro-
sequendam, 4. quæ ad eam, tam per inferiorem, quam per
superiorem judicem finiendam spectant.

I. Primo quidem de *Judiciis* 1 in genere, & de *foro Compe-
tenti* 2 agit, ut ostendat, cum actor sequi debeat forum rei,
conveniri Clericos debere coram Ecclesiastico Judice.

II. Incipiendum itaque demonstrat ab *offerendo Libello* 3, qui
Actoris, Rei, ac Judicis nomen contineat, causamque ex qua
actor adversus reum experiri velit : Hic vero adversus acto-
rem non modò idoneam exceptionem proponere pote-
rit : sed & siquid ipsi ab adversario debeat, id *Mutuo* 4
Petere. Tum *Litem contestari* 5 oportet, actore scilicet postu-
lationem sive intencionem suam, Reo defensionem & con-
tradictionem apud Judicem exponentibus. Et vero *Litis Con-
testatio testium receptionem præcedere* 6 debet. Priùs quoque in-

terponendum *Iuramentum Calumniae*⁷, quo litigantes iurati affirmant, se non animo calumniandi aut tergiversandi, sed sui Juris & Causæ fiduciâ ad litigandum accedere. Verum, quia non semper paratas habent Causæ suæ probationes, hac, aliisque de Causis, *Dilationes*⁸ aut ipsi petunt, aut etiam ob *Ferias*⁹ dandæ necessariò sunt. Præterea certus *Ordo in Cognitione*¹⁰ servandus est, ut exceptio Rei discutatur: & videndum etiam ne *Plus petat*¹¹, actor quàm sibi debeatur: & si *Possessionis causa* cum *Causa Proprietatis*¹² concurrat, illa regulariter priùs examinanda, ut constet uter reus, uter actor sit censendus. Imprimis cavendum ut, si alter *Spoliatus* sit, ante omnia *Restituitur*¹³. Deinde Judici danda quoque opera est, ut litigantium *Dolus & Contumacia*¹⁴ coerceretur: Ejus præsertim qui alteri *In possessionem misso*¹⁵ per Judicis Decretum, negotium facessit. His adjicitur *Regula Juris*, quâ cautum est ne *Lite pendente quidquam innovetur*¹⁶. Excipitur tamen casus, quo periculum subest ne interim *Fructus* à possessore consumantur, resque ipsa quæ in controversiam deducta est, deterior fiat: tunc enim fructus sequestro committuntur custodiendi, vel *In Sequestro possessio*¹⁷ lite pendente *transfertur* ut causâ decidâ illi cuncta reddantur, secundum quem fuerit pronunciatum.

IV. Post hæc litis quasi exordia, sequitur ipsa Causæ disceptatio: & siquidem actoris intentionem reus *Confiteatur*¹⁸, condemnationem ipse in se videtur proferre: aliàs veniendum est ad *Probationes*¹⁹, quarum onus incumbit actori. Earum autem duo maxime genera sunt, *Testes*²⁰ & *Instrumenta*. Et quidem, si aliæ probationes deficient, possunt ex causa *Cogi Testes*²¹ ad testimonium dicendum. *Instrumenta*²² propriè dicta, sunt scripturæ, præsertim publicæ. His adjunguntur *Præsumptiones*²³, quæ probationum vicem suppleant, & quandoque eundem cum probationibus effectum ac vim habent, saltem ex quæ dicuntur *Juris & de Jure*; adversus quas non admitti probationem jura sanxerunt: alioqui ad *Iusjurandum*²⁴ ei qui negat deferendum valent.

Verum etsi actor intentionem suam probet, non semper condemnandus est reus. Potest enim actioni adversum se propositæ *Exceptiones*²⁵ opponere; in quarum numero frequentissima est longi aut longissimi temporis *Præscriptio*²⁶, quæ adversus Ecclesiam nunc ferè 40. annorum spatio finitur.

Bbb b ij

TIT. 7. De Jura-
ment. calumniae.

8. De Dilat.

9. De Feriis.

10. De ordin.

Cognit.

11. De plus pe-
tit.

12. De Causa
propriet. & pos-
sess.

13. De restitut.
spoliator.

14. De Dol. &
Contum.

15. De eo qui
mittitur in pos-
sess. Cau. rei ser-
vand.

16. Ut lite pend.
nihil innovetur.

17. De sequestrat.
possess. & fruc-
tuum.

IV. *Membrum*

3. LITIS PRO-
SECUTIO.

18. De Confess.

19. De probat.

20. De Test. &
attestat.

21. De Testibus
cogend. vel non.

22. De Fide In-
strumentor.

23. De præsumpt.

24. De Jurejura-
tando.

25. De Except.

26. De præscri-
ptionib.

V. *Pars 4. FINIS LITIS.*

Tit. 17. De sententia & re iudicata.

18. De Appellationib. recusat. & relax.

29. De Cler. peregrinantib.

30. De Confirmationib. vel inut.

V. Ubi Probationibus, & Causæ adminiculis prolatis dilucidata veritas est, *FINIS* liti à Judice imponi debet. Id per *Sententiam*²⁷ definitivam fit; quæ nisi intra statuta tempora ab inferiori Judice ad superiorem appellatio interponatur, transit in *Rem Judicatam*. Per *Appellationem*²⁸ verò suspenditur, & non raro infirmatur. At si fortè Clericus appellationis apud Summum Pontificem prosequendæ causæ Romam versus iter attiperit, hæc ei *Peregrinatio*²⁹ ita prodest, ut impedimento sit, ne quid in ejus causa innovetur: longè minùs ii vexari possunt qui *Confirmationem*³⁰ sententiæ, aut etiam privilegii à sede Apostolica impetrarunt.

Series Libri Tertii Decretalium.

I. *Hujus Libri tres possunt Partes assignari.*

II. *Pars 1. DE BONIS CLERICORUM, inter-
nis.*

Tit. primus De Vita & honest. Cleric.

2. De Cohabit. Cleric. & mulier.

3. De Clericis conjugatis.

4. De Cler. non residentib. in Eccl. vel paroch.

III. *Pars 2. DE BONIS CLERICORUM EXTERNIS: & 1. de Ecclesiasticis.*

5. De prabend. & Dignitatib.

6. De Clericor. ægrot. vel debilit.

7. De lussu.

8. De Concess. Ecclesiar. vel paroch. non vacantis.

I. **P**OST formam sive ordinem Civilium Judiciorum, tractat libro 30. Gregorius IX. præcipuam eorum *MATERIAM*, quam constituunt Res Clericorum, tam sacræ, quàm profanæ. Hujus itaque Libri quadripartita institui divisio potest: ut Prima pars ad bona Clericorum, interna, II^a. ad externa referatur: III^a. complectatur jura Ecclesiis & Ecclesiasticis hominibus debita: IV^a. ipsorum erga alios officia.

II. Ad animi bona pertinent Virtutes quibus oportet Clericos Laicis præluere: unde initium fit à *Vita & honestate Clericorum*¹ in genere: tum speciatim agitur de Continentia eorum: cui servandæ vitanda *Cohabitatio Clericorum & mulierum*²: & *Clerici majores ab uxoribus separandi*³, quò faciliùs sanctiùsque munia sua impleant. Implere autem nequeunt, nisi assiduè *Resideant*⁴ in Ecclesiâ vel præbenda sua.

III. Hinc ad *BONA EXTERNA* transitus fit, quibus Ministri Ecclesiæ ad præsentis vitæ subsidia opus habent. Horum bonorum alia *ECCLESIASTICA* sunt, alia patrimonialia. Prioris generis sunt *Præbende ac Dignitates*⁵, ceteraque Beneficia Ecclesiastica, sive illorum fructus, qui Clericis *Ægrotantibus vel debilitatis*⁶ subtrahendi non sunt, aut prorsus denegandi. Acquiruntur autem pleraque beneficia per *Collationem*, & *Institutionem*⁷: per quas tituli eorum dantur à Prælati: nequaquam tamen *Concedendi nisi Ecclesiæ vel præbendæ vacaveris*⁸, nec regulariter ab alio quàm ab

Episcopo aliove Prælato ad quem Collatio spectat : quòd si vacaverit sedes, successorì reservatur jure Communi Collatio : *Sede quippe vacante aliquid innovari* Canones vetant. At si Capitulum jus habeat instituendi unà cum Prælato, *nihil Prælatus sine consensu Capituli temerè Statuere debet*¹⁰, sive in beneficiis ejusmodi conferendis, sive in rebus alijs ad Capitulum divisim aut conjunctim pertinentibus : in quibus id prævalet quod *Majori parti Capituli probatur*¹¹. Cæterum in beneficiorum collatione, curandum est ut *Integra & sine Diminutione conferantur*¹².

Ab adipiscendarum rerum Ecclesiasticarum modis ad modos eas administrandi Gregorius transit. Ea in re cavendum imprimis ne res Ecclesia¹³, præsertim immobiles, absque legitimis & gravibus causis, nec nisi servatis solennibus Alienentur. Possunt nihilominus, non modò steriles, sed feraces quoque agri, ad exiguum tempus fruendi, nomine *Præcaria*¹⁴, aut titulo emphyteuscos in perpetuum fere concedi.

IV. Hactenus de bonis merè Ecclesiasticis : sequitur ut de PATRIMONIALIBUS, vel quasi patrimonialibus Clericorum bonis dicamus ; quæ ab ipsis, sive ex contractu, sive jure successionis acquiruntur, & possidentur. Contractus nominati alii re perficiuntur¹⁵, ut *Commodatum*¹⁶, ac *Depositum*¹⁶ : alii nudo consensu constant, videlicet *Emptio venditio*¹⁷, *Locatio conductio*¹⁸. Nam de Mandato actum est *Lib. 1. sub tit. 38. de procuratorib.* Societas, quæ lucti faciendi causâ iniri solet, minùs Clericos decet, quos lucri cupidos esse prohibet Apostolus. Inter Contractus qui dicuntur innominati, usu maximè frequentatur *Permutatio*¹⁹.

Alienationis species, jure Longobardico & nostro recepta, est *Feudum*²⁰ : cum scilicet prædii Dominus illud perpetuò utendum fruendum vasallo ejusque successoribus tribuit, sub fide, sive homagii lege, & militiæ aliisque oneribus : quo genere permittitur certis casibus Ecclesiæ prædia alienare. Mutuum, aliosque contractus solet plerumque securitatis causâ comitari *Figus atque alia Cautio generis*²¹, quibus creditor sibi prospicit, ut rem salvam habeat. Ea de Causa interveniunt plerumque *Fidejussores*²². Liberantur autem tum fidejussores, tum Pignora, obligatione præemptâ, per debiti *Solutionem*²³. Jam Do-

Tit. 9. Ne sede vacante aliquid innovetur.

10. De iis quæ sunt à Prælato sine consensu Cap.

11. De iis quæ sunt à majori parte Cap.

12. Ut Ecclesiasticæ benef. sine Diminutione conferantur.

13. De reb. Ecclesiasticis alien. vel non.

14. De Præcariis

IV. DE BONIS CLERICORUM PATRIMONIALIBUS.

15. De Commod.

16. De Deposit.

17. De Emption. vendit.

18. De Locat. conduct.

19. De rerum permutat.

20. De Feudis.

21. De pignorib. & alijs caut.

22. De Fidejuss. & usufr.

23. De Solut.

24. De Donat.

natio ²⁴, quæ gratuita alienatio est, ex meta liberalitate proficiscens; tum ex rebus patrimonialibus, tum ex iis quæ intuitu Ecclesiæ acquisite sunt, fieri potest: sed ex illis omnino liberè, ex his non ita. Sacrum enim quodammodo habetur *Peculium Clericorum* ²⁵ ex Ecclesia & Clericatu paritum: ideoque nonnisi in pios usus temerè erogandum.

25. De pecul. Cleric.

Extra Contractus, quibus Clerici possunt inter vivos ab aliis acquirere, aut res suas in alios conferre: possunt etiam mortis causâ ex *Testamento* ²⁶, & legitima *Succeffione* ²⁷ res nancisci, suasque, præsertim patrimoniales, transferre in alios.

26. De Testam. & ult. voluntar.

27. De Success. ab intestat.

Cum verò his duobus succedendi modis mors locum faciat, ad officium Ecclesiæ pertinet ut defunctorum Corpora *Ecdesiastica* tradantur *Sepultura* ²⁸: cujus causâ debentur certa jura *Ecclesia Parochiali* ²⁹: debentur & Clericis *Decime* ³⁰, prædiales imprimis, & cum his Primitiæ, aliæque Oblationes.

28. De sepulturis.

29. De Parochiis & parochianis.

30. De Decim. prim. & oblat.

Quæ hæcenus diximus ad Clericos seculares spectant: alia *Regularium* ratio est ³¹. In his inspiciendæ sunt præsertim eorum admittendorum regulæ. Possunt autem admitti etiam *Conjugati* ³², non modò ante matrimonium consummatum, absolutè: sed etiam eo consummato, si uterque consentiat. Quin nec rejiciendi *qui ex Infidelitate conversi sunt* ³³. Cæterùm Regularis vita ex tribus votis ³⁴ substantiam capit: & quæ ad *Statum Monachorum* pertinent ³⁵, his nituntur quasi fundamentis. Ea verò in re par est conditio Canonicorum Regularium & Monachorum. Porro Loca ad utrosque pertinentia, & aliæ *Religiosæ Domus* ³⁶ pietatis officiis destinatæ; itemque *Capelle* ³⁷, id est Ecclesiæ juri eorundem obnoxie, debent Episcopo subjectionem, nisi exemptæ probentur.

31. De Regul. & transseunt. ad religion.

32. De Conversio conjugator.

33. De Convers. Infidel.

34. De voto, & voti Redempt.

35. De statu Monachor.

36. De Religios. Domib.

37. De Capell. Monachor.

V. Pars 3. de Juribus Ecclesiasticorum.

38. De jure patronat.

V. Sequitur ut videamus de variis subjectionis generibus, quibus Clerici, eorumve Ecclesiæ obstrictæ sunt, aliquando Laicis, plerumque superioribus Clericis; deque Ministeriis, quæ populo à Clericis exhibenda sunt. Subjectæ sunt Ecclesiæ quædam *Juri Patronatus* ³⁸ quo præsertim continetur facultas Episcopo præsentandi Clericum idoneum, instituendum ad beneficium, quod quis sive ex rebus Ecclesiæ sive ex patrimonialibus constituit: unde hoc jus non minùs in laicos, quam in Clericos cadit. Alia Præ-

latis tantum debentur, nimirum *Census* ¹⁹ sive annua pensio, cujus nunc usus apud nos ferè obsolevit, & *procuratio* id est liberalis exceptio ac victus congruus visitanti Prælato ejusque Comitibus præstandus.

VI. Clericorum in laicos plura sunt munia. Primum spectat ad verum numen in commune certo ritu colendum. Id in *Ecclesia consecrata* fieri debet ⁴⁰, ubi sacrosanctum *Missa sacrificium* ceteraque *Divina officia celebrantur* ⁴¹. Deinde *Baptismi* solennis collatio ⁴²: quæ à presbytero, etiam non baptizato, facta valet ⁴³; quamquam is qui salutari lavacro tinctus non fuerit, reliqua sacerdotii munia ritè exercere non possit, nisi baptizetur atque iterum ordinetur. Dare quoque operam debent Sacerdotes, ut in Ecclesia mundè *Custodiantur* ⁴⁴ *Eucharistia*, *Chrisma*, aliæque res sacræ. Tradenda etiam ibidem Doctrina Christiana atque Catholica, tam de rebus de quibus inter omnes constar, quàm de iis quæ in dubium ab hæreticis revocantur; veluti de *Reliquiarum & Sanctorum veneratione* ⁴⁵, de *Observatione Jejuniorum* ⁴⁶ & de *Purificatione mulierum post partum* ⁴⁷, quæ citra Judaicam superstitionem cum Christiana reverentia servatur; reddendis scilicet Deo gratiis. His de causis novas *Ecclesias*, si plebs aucta fuerit, auctore Episcopo, *Edificari*, veteresque *reparari* ⁴⁸ necesse est: idque onus rectoribus fere incumbit, qui Decimas aliosve cujusque loci redditus pro majiori ex parte percipiunt. *Immunitatem* verò *Ecclesiarum & Cemeteriorum* ⁴⁹, ac jus asyli eis tueri clerici debent: ita tamen ut atrociam facinora penitus impunita non remaneant. Denique oportet Clericos & Monachos plebi exemplum sanctitatis præbere: atque, ut orationi ac rebus divinis assidue vacent, danda opera *Ne secularibus negotiis se immisceant* ⁵⁰.

Ordo Libri Quarti Decretalium.

I. CIVILUM. fori Ecclesiastici in Laicos Judiciorum materia præcipua est Matrimonii Sacramentum, eoque pertinet totus hic Liber Quartus. Quæ in illo tractantur, ad summa tria Capita possunt reduci: 1º. ad substantiam nuptiarum, sive ad Matrimonium contrahendum: 2º. ad Impedimenta Matrimonii: 3º. ad ejus solutionem, & soluti effectus.

19. De Cens.
Exact. & procurat.

6. Pars 4ª De OFFICIIS CLERICORUM in laicis.

40. De Consecrat. Eccles. vel Altar.

41. De Celebrat. Missar. & Sacr. Eucharist. & divinis officiis.

42. De Baptismo & ejus effectu.

43. De Presbyter. non baptis.

44. De Custodia Euchar. &c.

45. De Religiosis, & venerat. sanct.

46. De observat. Jejunior.

47. De Purific. mulier. post partum.

48. De Eccles. edific. vel repar.

49. De Immunit. Ecclesiar. & Cemeter.

50. Ne Cler. vel Monach. secular. negot. se immisc.

1. Divisio totius Libri.

II. Pars 1^a de
CONTRAHENDO
MATRIMONIO.

TITULUS I. De
Sponsal. & Ma-
trim.

1. De desponsat.
Impuberum.

III. Pars 2^a
de IMPEDIMEN-
TIS MATRIMO-
NII.

3. De Claudesti-
na desponsat.

4. De Sponfa-
duor.

5. De conditio-
nib. apposit. in
desponsat. &c.

6. Qui Clerici
vel vocentes &c.

7. De eo qui du-
xit in Matrim.
quam polluit. per
adulter.

8. De conjug.
leprosor.

9. De conjug.
servor.

10. De natis ex
lib. ventre.

11. De Cognat.
Spirituall.

12. De cognat.
legal.

13. De eo qui co-
gnovit consang.
uxoris.

14. De Consan-
guinit. & affinit.

II. Verum quia solent *Sponsalia* Matrimonium præce-
dere, sciendum est ea in duo genera Jure Canonico distin-
gui: alia dicuntur *de presenti*, quæ Matrimonium imitan-
tur jure Decretalium: alia in *Futurum* conferuntur, quæ
proprie sponsalia sunt. Primò itaque hujus Libri Titulo
explicantur *Sponsalium & Matrimoniorum* requisita in gene-
re; in his autem eminet contrahentium consensus mutuus.
Requiritur præterea Pubertas in Matrimonio: nam *Sponsalia*
contrahere impuberes non prohibentur, quæ & per eorum pa-
rentes ritè contrahuntur.

III. Deinde, quia per Canones; non minùs quàm per
leges, cuius cum qualibet Nuptiæ non permittuntur, agitur
sequentibus titulis de vitiis sive *IMPEDIMENTIS* quæ
obstant matrimonio. Eorum alia ejusmodi sunt ut non
modò Nuptias impediunt contrahendas, sed etiam contra-
ctas dirimant, aut nullas & omninò inutiles efficiant:
alia sunt, tantùm prohibitoria. *Clandestini* vitiū, nunc
ad primum genus refertur ex Concilio Tridentino. Ejus-
dem generis habentur *Sponsalia* de præsentī priùs contra-
cta *cum alia persona* 4: non ita Sponsalia de futuro. *Condi-*
tio quoque *Sponsalibus addita* 5, si Matrimonii substantiam
everseat, illud irritum efficit: non si turpis duntaxat, aut
impossibilis sit. Hæ quippe conditiones circumducuntur, &
pro non scriptis habentur. Votum quoque, non quidem
privatum, sive simplex; sed *Solenne*, aut *ordinis sacri* 6 sus-
ceptioni inhærens, conjugium inutile reddit *Adulterium*
præterea, si cum machinatione in necem conjugis conjun-
ctum sit, Nuptiis inter adulteros prorsus obest 7. Iis ta-
men nec *Lepra* 8, nec *Servitus* 9 obstant: nisi ex errore
personæ liberæ cum servili tanquam libera contrahentis:
si ex *Libera matre* fuerint *procreanti* 10. Sed inter præcipua
Matrimonii impedimenta haud dubiè numeratur *Cognatio*
quæ triplex est, *Spirituallis* 11 ex Sacramentis Baptismi &
Confirmationis: *Legalis* 12, sive Civilis, ex Adoptione: & *Nat-*
uralis, sive ex illicito coitu 13 sive ex licito: itemque *Affini-*
tas, si Matrimonium seu Nuptias præcedat. Cognationem
omnem Naturalem *Consanguinitatis* 14 nomine compre-
hendunt Canones, at Jure Civili Consanguinei propriè
dicuntur fratres ac sorores eodem patre geniti. His adjicitur

Impotentia

Impotentia cœundi ¹⁵. Secundi generis Impedimentum ori-
tur ex *Interdicto Ecclesiæ* ¹⁶.

Sequitur præcipuus Matrimonii Effectus, ut suscepti ex
co *Liberi legitimi* ¹⁷ sint.

Sed *Matrimonii* Vicia proponere, sive *Accusare*, ¹⁸ & con-
tra illud testificari *possunt* Parentes præsertim & Cognati.
Admittuntur & extranei ad eam accusationem, si maturo
consilio id ex conscientia faciant, ut *Veritas Impedimen-*
torum, si quæ sint, elucescat.

IV. Si iusta causa apparuerit, pronunciatur *Divortii* ¹⁹
sententia, vel nullum ab initio fuisse Matrimonium decla-
ratur: nisi ejusmodi causa sit, quæ separationem tan-
tùm conjugum, non plenum divortium inducat. Inter
Accessoria Matrimonii est *Dos*, quæ ad expedienda Matri-
monii onera marito datur ex parte uxoris; & *Donatio propter*
nuptias, quæ in uxorem confertur à marito, aliæque inter
eos *Donationes* ²⁰. Earum ratio habetur soluto iustis ex
Causis Matrimonio. Quod si Primæ Nuptiæ inutiles fue-
rint pronuntiatæ, aut alterius morte solutæ, superstiti
licet absque Infamia ad *Secundas Nuptias* ²¹ convolare.

Tit. 15 De Fri-
gidis & malefic.

16. De Mat-
contracto contra
interd. Ecclesiæ.

17. Qui filii
sine legit.

18. Qui Matrim.
Accusare possint,
&c.

IV. Pars 3. de
solutione Matri-
monii. & disse-
luti effectibus.

19 De Divortiiis.

20. De Donat.
inter virum &
uxorem &c.

21. De Secundis
Nuptiis.

Series Libri Quinti Decretalium.

I. **H**OC postremo Libro agitur de iis quæ ad *Crimina-*
liâ Judicia pertinent: quæ tractatio in tria genera-
lia Membra dividitur. Differit enim Gregorius, ¹⁰. de
MODIS INSTITUENDI JUDICII CRIMINALIS:
deinde de CRIMINIBUS ipsis, quæ horum Judiciorum
Materiam constituunt: ac denique de POENIS CANONICIS,
quibus Crimina puniuntur, & finiuntur ea Judicia.

II. Initio itaque tres modi indicantur inchoandi Crimi-
nale Judicium, *Accusatio* nempe, *Inquisitio* & *Denunciatio* ¹.

III. Crimum quædam in ipso judicio committuntur,
veluti *Calumnia* ²: pleraque extra & ante judicium. Eo-
rum alia communia sunt, tam Laicis, quàm Clericis: alia
Clericorum propria. Prioris generis Crimina vel in Deum
ipsum committuntur, vel Proximum lædunt. Divinam
majestatem offendunt primò quidem *Simonia*, quæ spiri-
tualia temporalibus commutantur, & quasi venduntur &
emuntur. Ejus duæ sunt species, quæ ad Simoniam ideo

I. Membra hu-
jus Libri tria.

II. Membrum
1. Modi Judicii
Criminalis in-
choandi.

Tit. 1. De Ac-
cusat. inquisit. &
denuntiâ.

III. Membrum
2. Crimina.

1. De Calum-
niator.

3. De Simonia,
&c.

Tit. 4. Ne
Prælati vices suas
vel Ecclesias, &c.

5. De Magistris
&c.

6. De Judæis
Saracenis &c.

7. De Hæreti-
cis.

8. De Schismat.

9. De Apostatis,
& reitratibus
Baptisma.

10. De iis qui
filios occiderunt.

11. De Infant. &
languil. expositis.

12. De Homicid.
volunt. vel casual.

13. De Tornea-
mentis.

14. De Cler. pu-
gnant. in Duello.

15. De Sagiera-
riis, & Ballistar.

16. De Adulter.
& stupro &c.

17. De Raptori-
bus incendiar. &
violator. Ecclef.

18. De Furtis.

19. De Viuris.

20. De Criminib.
falsis.

21. De Sortileg.

22. De Collu-
detegenda.

23. De Delictis
pueror.

24. De Clerico
venatore.

referuntur, quòd per Canones prohibita sint: Altera, si *Prælati Ecclesias vice suæ suas sub anno Censu concedant* ⁴ & quasi locont. Altera est si *Prælati à Magistris*, qui gratis Clericòs vel pauperes docent, aliquid exegerint pro concedenda ipsi *Licentia docendi* ⁵. Sequuntur alia in Deum Crimina, quæ ad religionem ferè pertinent, *Judaismus* scilicet & *Mahometismus*, quas superstitiones amplectuntur *Judæi & Saraceni* ⁶: tum *Hæresis* ⁷ & *Schisma* ⁸ sive secessio ab Ecclesia Catholica: itemque *Apostasia* ⁹, tum à vera fide ad idololatriam, tum à statu Religioso ad secularem vitam: cui adjungitur etiam Anabaptismus, sive *Baptismi iteratio*.

In Proximum committuntur Crimina, quibus aut alterius vita appetitur, aut honos & fama sive existimatio læditur, aut etiam eripitur vel imminuitur res familiaris. Ea sunt primò *Parricidium*, quod non modò à liberis in parentes, sed & vice versà ab iis perpetrari intelligitur qui *Filios occidunt* ¹⁰; quibus annumerantur qui *Infantes & languidos exponunt* ¹¹ aliorum misericordiz, quam ipsi non habent. Proximum est *Homicidium*, quod aut *voluntarium* est, aut *Casuale* ¹². Ad voluntarium referuntur *Torneamenta*, sive cruenta hâstiludia: & magis adhuc *Duella* ¹⁴, sive *Monomachiz* & singularia certamina; quæ cum omnibus Christianis vitio vertantur, *Clericis* maxime indigna & impia habentur. Eodem pertinet *Ars Sagittariorum & Ballistariorum* ¹⁵, sacris Constitutionibus improbata.

Agitur postea de *Adulteriis & stupro* ¹⁶ aliisque illicitis conjunctionibus: ac deinde de *Raptoribus* ¹⁷ sive de iis qui Virgines aut viduas rapiunt, deque iis qui aliena bona invadunt, vel qui *Ecclesias* per *Sacrilegium* *violant*.

Sequuntur *Furtis* ¹⁸; & non absimiles *furtis* *vsura* ¹⁹: itemque *Falsi Crimen* ²⁰, quo plerumque homines ad fraudandum re suâ proximum utuntur: ut & *Sortilegiis* ²¹ ac maleficiis ad damnum eidem inferendum. Accedit ad hæc *Collusio* ²² accusatoris cum reo, quo iudicium intervertitur, ut reus contra jus absolvatur. Illud quoque advertendum est, in *Delictis* puniendis, *Puerilis* ætatis infirmitati ²³ aliquatenus indulgeri.

Hactenus actum est de Criminibus quæ communia sunt, ram Laicis, quàm Clericis: videamus ea quæ Clericis magis crimini vertuntur, veluti *Venatio* ²⁴ cruenta ac tumultuosa:

Percussio 2: seu verberatio alterius: atque in fratres *Maledicentia* 26.

Subjiciuntur ea quæ omnino Clericorum propria sunt. Horum alia circa ipsum Ordinem exercendum aut suscipiendum versantur: nimirum si *Excommunicati*, *depositi*, vel *interdicti* sacra administrent 27; si in Ordine, quem non acceperunt, ministrare præsumant 28; si per saltum ad Majorem Ordinem, prætermisso 29 inferiori, se promoveri curaverint: aut si *Furtim* & sine examine fuerint *Promoti* 30.

Præterea peccare possunt, tum *Pralati* excedendo jurisdictionem suam in inferiores, tum *Subditi* à subjectione superioribus debita *Recedendo* 31. Peccant etiam in pares si *Novum aliquid* præter jus, in alios audeant, vel usurpent; quo casu qui læditur *Novum opus nunciare* 32 potest. Delinquent & ratione *Privilegiatorum*, tam qui ea violant, quàm qui eis abutuntur 33. Sed quoniam, qui alicujus Criminis reus agitur, aut eo nomine infamià laborat, non semper convinci potest per idoneos testes, aut aliis certis argumentis: inventum est remedium *Purgationis Canonice* 34, explosâ *Vulgari* 35, quâ Deus tentabatur.

Subjicitur Titulus *de Injuriis & Damno dato* 36: cujus hic collocandi tituli non alia facilè ratio occurrit, quàm quòd *Injuria* & *Damnum* inferatur iis qui falsò accusati ad *Purgationem* adiguntur: alioqui enim hæc delicta iis annumeranda erant, quæ tam à Laicis, quàm à Clericis contra proximi honorem aut bona committuntur.

IV. Hæc ad varia Criminum genera pertinent, quæ in Ecclesiastico foro agitantur: superest ut explicentur eorum *POENÆ CANONICÆ*. De his generatim 37 priùs disseritur: deinde verò speciatim *de Pœnitentiis* 38, quæ secundum *Canones*, cuique crimini infliguntur: tum *de Excommunicatione* aliisque censuris, *Suspensione*, *Interdicto* 39. Denique exemplo *Digestorum Justiniani*, finem operi Gregorius imponit adjectis generalibus Titulis *de Verborum significatione* 40, & *de Regulis Juris* 41.

T. 7 25. De Clerico percuss.
26. De Maledic.

27. De Cler. excomm. depos. vel interd. ministrante.

28. De Cleric, non ordinato ministr.

29. De Cler. per saltum promote.

30. De eo qui furtive ordin. suscepit.

31. De excessibus Prælat. & subditor.

32. De Novi oper. nunciat.

33. De privil. & excessib. privilegiator.

34. De Purgat. Canonica.

35. De Purgat. vulgari.

36. De Injur. & Dam. dato.

IV. *Membrum*
3. *Pœna Canonica.*

37. De Pœnis.

38. De Pœnitentiis & remissionib.

39. De Sentent. excommunic.

40. De verbor. signif.

41. De Regul. juris.

CAPUT XX.

De Rubricis Decretalium & Allegandis earum locis.

1. *Comparantur
Tituli Decreta-
lium cum titulis
Codicis.*

I. **U**T in reliquis, ita in Librorum partitione, Codicem Justiniani Gregorius I X. seu potius Bernardus Papiensis, ut jam diximus, imitatus est in sua Collectione. Exemplo itaque Codicis, constant Harum quoque Decretalium Libri *Titulis*: Tituli in capita, sive *Capitula*, dividuntur: hæc ubi proluxiora sunt, in *Paragraphos*.

2. *Unde dicta
Rubrica, & ea-
rum in Decreta-
libus numerus,
atque Index.*

II. Tituli, *Rubricarum* nomine intelliguntur, quod olim Rubricæ sive minio notarentur. Sunt autem in toto Decretalium opere Rubricæ sive Tituli omnino 185. Earum quinque supra octoginta ex Justiniani Codice desumptæ sunt. Integrum omnium ordinem oratione solutâ, & per singularum vocum indicia strictâ oratione, videre est in omnium Editionum fronte. Capitum quoque index alphabeticus indici Rubricarum subjici consuevit.

3. *Quomodo
laudentur loca
sive auctoritates
Decretalium.*

III. In laudandis Decretalium locis hæc ratio servatur, ut Capituli, quod citatur, primæ voces, aut numerus, vel cum numero verbum initiale præmittatur; atque interjecto vocabulo *extrâ*, vel *apud Gregorium*, subjiciantur verba rubricæ, sive Tituli sub quò caput illud positum est: sed plerumque abbreviata. Exempla rem clariorem efficient: veluti *capitulo cum in cunctis 7. §. inferiora, extrâ, de Electione & Electi potestate*. Item *cap. tuam non credimus, in parte decisâ*, è *de ordine cognitionum apud Gregor. Cap. ut fama 35. vers. & utrùm, in part. decis. de Sentent. Excommunic.*

4. *Abbrevia-
tiones & nota,
ubi.*

IV. Abbreviationes & Notas utriusque juris quas disciplina Canonica studiosis familiari usu cognitæ esse oportet, utpote sine quibus allegationes intelligi nequeant: in fine synopsis Isagogicæ juris Pontificii, atque in Appendice Institutionibus Lancelotti adjecta, in gratiam Tironum; adscribi curavimus.

CAPUT XXI.

De Sexto Decretalium.

I. **P**OST Quinque Decretalium Libros à Gregorio IX. editos, duobus voluminibus constare cepit Juris Pontificii corpus, Decreto ac Decretalibus; atque in eo statu per annos paulò minùs 70. Jurisprudentia Canonica mansit. Conditæ quidem à sequentibus Pontificibus fuere Constitutiones non paucæ: sed nonnisi circa annum 1300. in unum volumen digestæ fuerunt. Id Bonifacii VIII. operâ contigit, qui partim suas, partim superiorum post Gregorium IX. Pontificum, ipsiusque Gregorii posteriores Decretales collegit, & simul cum illis duorum Conciliorum generalium Lugdunensium Decreta: quorum alterum anno 1245. sub Innocentio IV. alterum anno 1274. sub Gregorio X. habita fuerant.

1. Quando & ex quibus Compilatus fuerit Sextus Decretalium.

II. Hæc Compilatio **SEXTI** nomine ab auctore donata est, quòd Librum suum Quinque Libris voluminis Gregoriani annecti voluerit: ut totum Decretalium opus senarium Librorum numerum, illo adjuncto, complectens, perfectam, ut ipse ait in rebus agendis formam tribueret, & in moribus disciplinam. Etenim Senarius numerus perfectus habetur. Addit Bonifacius in præfatione, se ab instituto decessorum suorum, collectorum scilicet priorum, & præsertim Innocentii IV. & Gregorii X. de quibus glossa, *Verbo morem prædecessorum*, discessisse. Illi enim novas à se promulgatas constitutiones, unà cum antiquis, uni & eadem volumini sub eadem serie, iisdemque titulis inseri iusserant: Se verò idèd Compilationem suam seorsim edidisse, ne inutilia fierent Gregorianæ Collectionis Exemplaria, & nova hæc editio minoribus impensis comparari posset. Quæ quidem cautio eò magis illis temporibus necessaria videbatur, quòd nondum cognita esset ars Typographica.

2. Unde Sexti appellatio.

III. Hunc *Sextum Decretalium* Librum Bonifacius per venerabiles Gulielmum de Mandagotto Archiepiscopum Ebrodunensem, & Berengarium Fredoni Biterrensem Episcopum, perque Magistrum Richardum de Senis sanctæ

3. Per quos hoc opus à Bonifacio perfectum, & qua methodo.

Romanæ Ecclesiæ vice-Cancellarium Juris utriusque Doctorem (qui omnes postea ad Cardinalitiam dignitatem evecti sunt) ita recenseri fecisse docet, ut pluribus ex ipsis Decretalibus (cum vel temporales, aut sibi ipsis vel aliis juribus contrariæ, seu omninò superflue viderentur) penitus rescatis: reliquas, quibusdam tamen abbreviatis, & aliquibus in toto vel in parte mutatis, correctis, detractis, additis non paucis, prout expedire viderit, in unum Librum, cum nonnullis suis Constitutionibus, redigi mandasse.

4. *Idem ordo
hujus Sexti &
Decretalium
Gregorii.*

IV. Constat autem hæc Sexti Collectio totidem Libris quot & Gregoriana; atque in ejus quinque Libris idem Titulorum ordo servatur: adeò ut videatur hic Sextus anterioris illius Collectionis appendix, eidem Decreta posteriora supplementi loco adjiciens. Sed quamvis in Libros quinque distincta sit hæc Compilatio superioris imitatione: mole tamen suâ vix singulos Decretalium Libros tota ex-
quat.

5. *Tempus Sex-
ti editi; & Titu-
lorum, ac Capi-
tolorum Num-
rus.*

V. Præter Conciliorum Lugdunensium placita, continet Sextus Decretales per octo Pontifices à Gregorio usque IX. & anno 1230. aut circiter, ad Bonifacium VIII. & annum 1298. editas: Ut constat ex die quo data est hæc Collectio, notato in extremo libro quinto: Nonis nempe Martii Pontificatus Bonifacii anno 4. Titulos habet novem & septuaginta, atque in his capita 359.

6. *Inscriptiones
quedam dubie.*

VI. Inscriptio capitis primi de Præbendis, quæ in quibusdam Codicibus Clementem III. autorem præfert, non parum suspecta est, eò quòd Clemens III. annis 39. antè Gregorii IX. Compilationem è vivis excefferit: Bonifacius autem VIII. in præfatione Sexti profiteatur se iis tantùm Decretalibus colligendis operam dedisse, quæ post volumen à Gregorio IX. compilatum editæ essent. Simili de causa dubiæ quoque sunt nonnullæ aliarum Collectionum Epigraphæ.

7. *Forma alle-
gandi loca hujus
Libri.*

VII. Citantur ex hoc Libro loca eodem fere modo & formulâ, ac ex Gregorii Decretalibus, nisi quòd, loco particulæ *Extra*, aut vocum duarum *Apud Gregorium*, subjiciuntur verbis cujusque rubricæ hæc voces, *in Sexto*, vel *Libro sexto*, aut *apud Bonifacium*: veluti. *Cap. ubi periculum 3. de electio. lib. 6.º. aut in VI.*

CAPUT XXII.

De Clementinis.

POST Benedictum XI. aliàs X. Bonifacii VIII. successorem, CLEMENS V. Aquitanus, Avenione sedit. Is Constitutiones generalis Concilii *Viennensis*, cui præfuit anno 1311. unà cum nonnullis aliis suis Constitutionibus atque Epistolis Decretalibus, ante, aut post prædictum Concilium emissis, colligi curavit, atque ad editionem parari.

II. Sed eo ante promulgationem defuncto, proximus ejus, successor *Ioannes XXII.* eas autoritate publicâ donatas edidit V. III. Kalendas Novembres anno secundo Pontificatus sui: quemadmodum in Epistolâ seu præfatione huic Collectioni præfixa testatur: id est anno Christi 1317.

III. De hac Compilatione videndus Martinus Polonus in Vitâ Clementis V. & autor Anonymus vitæ ejusdem Pontificis: itemque Glossa Clementinarum in hæc præfationis verba, *De cætero in judiciis*, versiculo *Circa hæc sciendum*: ubi de Concilio Viennensis Decretis agit Glossator, notatque aliquas ex his Constitutionibus à Joanne XXII. correctas.

IV. Hæ Constitutiones, quod solum *Clementem* quintum, partim per se; partim per Synodum universalem ab eodem celebratam, autorem habeant, CLEMENTINÆ dictæ sunt: licet autor sub titulo Libri VII. *Decretalium* vulgare destinasset. In iis idem Ordo, qui in superioribus Collectionibus est observatus.

V. Rubricas in quinque Libros sparsas, numero 51. Capitula 107. complectitur hæc Compilatio.

VI. In laudandis ejus locis, idem servatur modus, qui in citandis Gregorii Decretalibus, ad finem tituli citati adjectis duabus vocibus *In Clementinis*: vel ita, ut laudetur unaquæque Decretalis sub nomine *Clementina*, adjecto deinde titulo sub quo ea continetur. Exempli causâ: *Cap. unico de homicidio, in Clem.* aut, quod idem est, *Clementina, si furiosus, de homicid. volunt. & casuali.*

1. Quis autor Clementinarum.

2. A quo & quando ea promulgata.

3. De hac Collectione qui proximis temporibus scripserint.

4. Unde Clementinarum nomen; & earum Ordo.

5. Numerus Titulorum & Capitulum.

6. Allegandi modus.

CAPUT XXIII.

De Extravagantibus Joannis XXII. & Communibus.

1. *Extravagantium in genere appellatio unde.*

I. **O**BSERVATUM antea est omnes Pontificias Constitutiones post Decretum Gratiani compositas Communi *EXTRAVAGANTIUM* nomine designatas fuisse, eò quòd *Extra* volumen illud recepti prius juris vagarentur: ideoque & Primam earum Compilationem sub titulo *Breviarii Extravagantium* à Bernardo Papiensi editam.

2. *Cur Decretales Gregorii per vocabulum extrà intelligantur.*

II. Verùm postquàm in lucem exiit Collectio Gregorii IX. cum non ampliùs vagarentur Decretales in eà comprehensæ, utpote jam certum in corpus atque ordinem redactæ, & Pontificiâ munitæ autoritate; & tamen extra primum juris Corpus consisterent: Doctores ejus temporis indicandæ huic Collectioni solum vocabulum *extrà* retinuerunt.

3. *Nova Constitutiones Extravagantes dicuntur.*

III. Ab eo tempore nomen *Extravagantium* ad novas Constitutiones translatum est, quæcumque Corpori Juris insertæ non essent. In eo tamen extant hodiè duæ *Extravagantium* Compilationes, una Joannis XXII. altera plurium Pontificum, quæ Communes vocantur.

4. *Extravagantes Joannis XXII.*

IV. Joannes enim XXII. vulgò nuncupatus, Avenione 4. Idus Novembris anno Pontificatus sui nono, id est Christi 325. proprias Constitutiones numero 20. sub 14. titulis uno libro promulgavit. Hæc idcirco, ni fallor, *Extravagantium* nomen retinuerunt, quia licet ab autore robur habere jussu videatur hæc Collectio, ut cui ad finem addita fuerit solennis clausula *Nulli ergo* &c. tamen non, ut priores Collectiones, speciali Rescripto confirmata atque ad Universitates studiorum transmissa invenitur. Idque idè videri potest prætermisum à Joanne XXII. quòd in animo habuerit pleniorē, procedente tempore, suarum Decretalium Collectionum componere. Et verò in Compilationē sequenti plures, quàm in hac, occurrunt ejusdem Joannis XXII. Constitutiones, nempe 29. Pleræque hac Collectione anteriores: & clausula confirmatoria, *ad Capis. ult. de verbor. signif.* adjecta potuit ad illam solam Decretalem referri: nam ea clausula in aliis quoque ejusdem sequentis Compilationis Constitutionibus reperitur.

V. At

V. At quæ *Communes Extravagantes* dicuntur, idèd nomen Extravagantium, quod priùs habebant, nunc quoque, licèt in Juris Pontificii Corpus translatae, retinent: quòd hæc Collectio non auctoritate Pontificiâ, sed privati hominis studio, fuerit concinnata. Id paulo post annum Christi 1484. videtur contigisse. Etenim *Capitulum 2^m Tituli de reliquiis & veneratione Sanctorum*, quæ, si tempus spectetur, postrema Decretalis est hujus Compilationis, à Sixto IV. edita est anno 1483. Vocantur autem *Communes*, quòd, non unius Pontificis Romani sint, quemadmodum Extravagantes Joannis XXII. sed complurium, nempe quinque & viginti Pontificum, ab Urbano IV. (si vera est inscriptio prior cap. 1. de simonia) ad Sixtum IV. prædictum, qui per annos plusquam 220. sedem Apostolicam tenuerunt, ab anno 1261. ad 1483.

VI. Distincta est hæc Collectio in Libros quinque, sicut Gregoriana, complectiturque Titulos 35. Capitula 74. Ejus loca sic laudantur: *Cap. super Cathedram*, 2. *de sepulturis*, in Extravagantibus communibus; vel in communib. aliàs Extravagante communi super Cathedram, de sepultur. Ex superiore autem Collectione ita citantur Capitula, *Cap. execrabilis, de præbendis & dignit. in Extravag. Joannis XXII.* sive, Extravag. 1. Ioan. XXII. de præbendis.

VII. Hæ sunt Canonum, id est Decretorum, & Decretalium, sex Collectiones, quibus constat Corpus juris Canonici, quo vulgò utimur. Sed cum novæ negotiorum formæ, identidem emergentes, nova in dies Legum remedia posculent: infecuti Pontifices, numero 28. magnum Decretalium numerum, sub Extravagantium aut Bullarum nomine, ad hæc tempora protulerunt. Concilia quoque generalia quinque habita sunt *Constantiense, Basileense, Florentinum, Lateranense V. & Tridentinum*; præter Provincialia benè multa. Ex his novam fieri Collectionem, auctoritate publicâ munitam, non parum fortè interesset rei Christianæ. Ejus specimen aliquod tentatum à nonnullis, ut mox ostendemus, ubi de auctoritate Decretalium dixerimus.

6. Diviso Extravagantium communium, & earum ac præcedentium citatio.

7. De posterioribus Extravagantibus.

CAPUT XXIV.

*De Autoritate Decretalium Gregorianarum, Sexti
& reliquarum Collectionum.*

1. *Decretales
habent autorita-
tem Pontificiam
ab ipso Gregorio.
a In vita Henrici
II 1. Anglor.
Regis.*

I. **D**E majorum Decretalium per Gregorium I X. Editione ita loquitur Marthæus Paris ^a: *Decretales sub quodam Compendio eleganter abbreviatis, & Collectas, sollemniter & authenticè per totius mundi latitudinem legi præcepit, & promulgavit.*

Differt Collectio Decretalium Gregoriana, à Gratianza Decretorum Collectione, quòd illa Pontificiam autoritatem adjunctam habeat, ipsius Gregorii I X. speciali Epistolâ loco præfationis præfixâ, apertè declaratam: Vult enim ut hac Compilatione universi utantur in Judiciis & in foris: quod quamvis aliquatenus in Gratiani volumine receptum sit, id tamen nullâ nititur Constitutione; sed usu dumtaxat & tacito consensu valet, ut suo loco diximus.

2. *Potior autoritas Decretalium quàm Decretis.
b D: jure sacro.*

II. Hinc apparet hujus Decretalium Collectionis non minus, imò etiam majus esse robur, quàm Collectionis illius Decretorum. Ideo non sine causa Boëtius Epo ^b in eos invehitur, qui Decretales præ Decretis contemnendas esse putant; quasi non omnes auctororum Classes in utroque volumine eadem sint; aut quasi Pontificum comprobatio legitimis conciliis, & vice versâ Conciliorum assensus & veneratio pontificiis Decretis, accedere & utraque autoritas amicè in idem convenire non debeat.

Nemo certè negare potest quin posteriora jura prioribus priora haberi consueverint, ex recepta *l. ult. Dig. de Constitutionibus principum*. Publicam igitur, certamque harum Decretalium vim, atque autoritatem esse ambigendum non est: quæ in Regionibus quidem quas Obedientiæ vocant, absolutè: in Gallia provinciisque liberioribus, maxima ex parte viget; nisi si quæ Constitutio, aut non statim in usum recepta, aut contrariâ postea vel Constitutione, vel Consuetudine fuerit inumbrata.

3. *Rationes indicat P. Marca.
c lib. 3. de Concord. Sacerdotii
& Imperii cap 6.*

III. Et verò rectè Illustriss. Petrus de Marca ^c Decretalium autoritatem ac necessitatem ex duobus maximè Capi-

tibus probat. 1^o quòd Judiciorum Ecclesiasticorum potestas præcipua, quæ olim in plerisque Causis penes Synodos provinciales erat; postquàm hæ frequentari desierunt, ad summum Pontificem necessariò transferenda fuerit: cui & de iis rebus quæ apud ipsum disceprabantur, condendarum Constitutionum incubuerit onus. Sed præterea præscribendæ fuerunt formulæ Cognitionum, tam in Curia Romana & Tribunali Pontificio, quàm in provinciis per delegatos, Pontificum rescriptis Judices, instituendarum: cum hæ antea in Ecclesia minùs solenni ordine exercerentur. 2^o. Quòd nova Ecclesiasticæ politiæ ratio, seu facies introducta, novum quoque judiciorum usum postulaverit. Ea verò pluribus ex causis orta, atque imprimis ex Beneficiorum ab Ordinationibus sejunctione, ex Impedimentis Matrimonii ad ruendam publicam honestatem introductis, & revocata ad solum Ecclesiasticum forum hujusmodi, aliarumque Causarum Cognitione: ex temperato deinde Excommunicationum & publicæ Pœnitentiæ rigore; ex multiplicibus Monachorum & Regularium generibus, & concessis cuique Ordini, Monasterio, aut Collegio exemptionibus: quæ omnis rerum & negotiorum varietas novum jus pro utilitate Reipublicæ Christianæ vel ab invitis Pontificibus extorsit. Ex his elucet perspicuè Decretalium cognoscendarum necessitatem omnibus incumbere, qui Canonici juris peritiàm affectant: ita tamen, ut non idcirco Juris antiqui notitia prætermittatur, sed cum novis antiqua comparentur, quò progressus Juris, ac mutationum causæ perspiciantur.

IV. Probat idem eruditissimus Archiepiscopus veram Ecclesiæ Gallicanæ Libertatem, non, ut Jacobus Lefchæsius volebat, solo veteri jure metiendam, quod paulatim Curiarum Decretis in usum revocari oporteat: sed in recto, tum prisce, tum recentioris Juris usu positam esse. Neque alia mens fuisse videtur, sive Sancti Ludovici in Pragmatica sua sanctione, sive Caroli VI. aliorumve Regum, ac totius Ecclesiæ Gallicanæ, cum eam Libertatem in jure communi versari asseverarunt. Eo quippe nomine jus intelligebant, tum Gratiani Decreto, tum Decretalibus comprehensum. Etenim veteris Canonum Codicis exigua illis temporibus notitia erat: & nomine Conciliorum genera-

4. Earum usus
cum Liberrati-
bus Ecclesiæ Gal-
licæ conjungen-
dus ac tempera-
randus.

lium, non minus posteriora, Lateranensia nimirum, Lugdunensia & Viennense, quàm Prima octo œcumenica, ex illius seculi sententia, continebantur: Illis omnibus auctoritas in rebus fidei attribuebatur, ut patet ex Concilii Constantiensis, regnante eodem Carolo VI. celebrati, sess. 39. Nec dispari ratione in iis quæ spectant ad disciplinam, constituta Decretalium, utpote utilitati publicæ accommodata, ferè omnia apud nos servari animadvertit idem Illustr. Antistes ^d, & Decretales apud nos in Judiciis & Magistratum Regiorum Tribunalibus vim legum Ecclesiasticarum, paucis exceptis, obtinere testatur.

^d Lib. I. cap. 9.

5. *Quid de his sentiendum.*
e Glossa 15.

f In præfat. de autor. Grat. & aliar. Collect.

V. Carolus quidem Molinæus in Commentariis ad Edictum Henrici II. contra parvas datas, ut vocant^e, notat in regis Registris extare Consilium ab Eudone Burgundiz Duce Regi datum, ne permitteret novas Pontificum Constitutiones in Regno admitti: additque eas reverà non admitti in iis quæ ad jurisdictionem secularem pertinent: imò nec in spiritualibus, si Ecclesiæ Gallicanæ juribus & Libertatibus adversentur: idque mirum non esse ait, cum nec Curia Romana recipiat omnes Decretales, quamvis publicis Constitutionibus contineantur. Secundum hæc Franciscus Florens ^f negat Collectiones ullas Decretalium in Gallia receptas fuisse publicâ auctoritate. Verùm quamvis Regia sanctione nominatim constitutum non sit ut Decretales pro legibus observentur: sufficit ad earum apud nos tuendum robur, quòd ipsarum jure omnia per Galliam Tribunalia, non invitis, sed scientibus & volentibus Christianissimis Regibus, utantur: quandoquidem diuturnus usus, à principe non improbat^{us}, legis vim obtinet: præfertim cum apertè jus commune ejusque usum præbando, mentem suam satis Reges nostri aperuerint.

6. *Observatio.*

VI. Faciendum tamen quasdam in his reperiri quæ minoris sunt in Gallia usus. Estque observatu dignum non modò ex prioribus Collectionibus non pauca à Raymundo prætermis^{sa}, aut immutata esse, pro potestate eidem à Gregorio IX. concessa: sed etiam à Correctoribus Romanis nonnulla ex prioribus Gregorianæ Collectionis Editionibus, tum in textu, tum in Glossa quoque, vel deleta dici, vel aliò detorta. Atque hæc de auctoritate Decretalium Majorum.

7. *De Auctoritate Sexti in Gallia.*

VII. Quod attinet ad SEXTUM DECRETALIUM,

sunt qui negant illius parem ac reliquarum Collectionum apud Gallos vim esse, idque propter gravissima dissidia quæ inter ejus autorem Bonifacium VIII. & Philippum Pulcrum Francorum Regem intercesserunt: quod olim observatum in Glossa *ad Capit. cupientes 16. de Elect. d. lib. 60.* notat Franciscus Florens g, qui hæc illius Glossæ verba refert secundum aliquos, *Constitutiones istius Compilationis non sunt receptæ in hoc Regno.* Sed ea Glossæ verba, cum aliis quibusdam ad Regum nostrorum Jura Regalia pertinentibus, nonnulli viri docti à Correctoribus Romanis sublata fuisse frustra suspicantur. Ea etenim desiderantur etiam in Editione Caroli Molinæ, quæ antiquior est quàm Romana Gregorii XIII. cujus autor hæc utique omissurus non videtur, si in ejus Exemplari occurrissent. Verisimilius itaque est ab aliquo Doctore Gallo ea Glossis fuisse inserta. Et verò, quamvis ab Ill. Lud. Servino anno 1598. moniti publicè fuerint Antecessores Sextum hunc legendum non esse, quasi legem faceret, & quamvis Florens idem in dissertatione de origine Juris Canonici, dixerit Sextum in Judiciis apud nos non eandem obtinere potestatem ac reliquas Collectiones: indubitatum tamen est, non solum in scholis hunc librum Doctrinæ causâ exponi, quod & statuta Facultatis Juridicæ Parisiensis præcipiunt; sed & ejusdem jura in plerisque Causis vigere, non secus ac cæterarum Compilationum, quatenus scilicet cum Regiis juribus aut Constitutionibus, sive cum Libertatibus vel privilegiis Gallicanis non pugnant: nec aliquid ei detraxisse credendum est simultates Bonifacii cum Philippo, præsertim cum illarum initium promulgatione hujus libri posterius fuerit. Nec multum diversa ratio est Clementinarum & Extravagantium.

g In præfat. de
methodo, & au-
tor. Collect. Grat.
&c.

CAPUT XXV.

*De Bullis, seu posterioribus Extravagantibus;
& Bullario.*

I. **A**PUD Romanos olim *Bulla aurea* insigne erat puerorum prætextatorum, aut etiam infantium, è collo in pectus incumbens: ut significaretur eam ætatem alto-

1. *Varia significationes nominis Bullæ.*

rius regendam consilio. Dictam enim volunt à Græco *βυλλή*, quod consilium dicitur Latine, ut est apud Festum Pompeium^a. Macrobius verò^b ex nonnullorum sententia ingenius pueris attributum refert, ut cordis figuram in bullâ ante pectus annecterent; quam inspicientes, ita demum se homines cogitarent, si corde præstarent. Testatur idem gestamen quoque triumphantium *Bullam* fuisse, quam præ se gerebant, inclusis intra eam remediis quæ crederent adversus invidiam valentissima. Sumitur plerumque *Bulla* pro vesiculâ, sive ampulla, quæ in aqua venti intus spiritu sustentatur, ut ait Isidorus. Et quia hæ ampullæ supra aquam bullientem extant, bullæque ex metallo iconibus ferè eminentibus decorantur: hinc fit ut clavi aurei, aliaque ejusmodi ornamenta orbiculata atque extuberantia, quibus cingula & phaleræ equorum ornari solent, *Bulla* etiam vocentur.

^a Lit. 2.^b Lib. 7. Saturnal. cap. 6.2. *Bulla pro Sigillo.*

II. Sed maximè recepta posterioribus seculis significatio est, cum *BULLA* pro Sigillo accipitur, quod bullâ, eive impressâ imagine ad obsignandum quoque veteres usi dicantur, teste Alexandro ab Alexandro. Hinc Græci *χρυσόβυλλος* & *κερόβυλλος* formarunt, ut aureum vel cereum sigillum significarent. Imperatores enim Orientis, ut Meursius in Glossario^c notat, quadruplici utebantur sigillo, aureo, argenteo, cereo, & plumbeo, pro varia eorum ad quos Rescripta sua mittebant, conditione.

^c In voce *χρυσόβυλλος*.3. *Tandem Bulla pro literis Sigillo munitis.*

III. Qua verò ratione Leges, Sanctionum nomine appellatæ sunt ab eâ parte Constitutionis quæ clausulam confirmatoriam, addita in infractores interminatione pœnæ (in quo propriè sanctio consistit) sic etiam Rescripta & Constitutiones à sigillo, quo appenso roborantur, *Bullarum* nomen acceperunt. Hinc *Aurea Bulla* per Antonomasiâ dicitur Constitutio à Carolo IV. Cæsare Germanico edita de Imperatorum Electione & Electoribus: eademque de causâ *Bullare* pro sigillare, & litteræ *Bullatæ* sive *Bulla* nominantur Pontificiæ Constitutiones plumbeo ferè sigillo munitæ.

^a *Bullarum Pontificiarum colligendarum auctor Lærtius Cherubinus.*

IV. *Lærtius Cherubinus* Jurisconsultus Romanus ex Bullis, sive Extravagantibus Pontificum Constitutionibus quas colligere potuit, à Leonis Magni temporibus ad Sixti V. Pontificatum, unaquæque ad autorem suum, secundum

ordinem temporum relatâ, volumen confecit, indito *Bullarii* titulo: quod volumen auspiciis ejusdem Sixti V. in lucem protulit anno 1586. Hæc deindè Collectanea secundis eiris magno Constitutionum numero aucta Paulo V. Pontifici obtulit.

V. Tertiâ postea Editioni incumbens, cum postrema Pauli ejusdem, & cum his Gregorii XV. itemque Urbani VIII. diplomata colligeret, morte occupatus, susceptum hoc opus perficere non potuit. Verùm ejus filius ANGELUS MARIA CHERUBINUS Monachus Casinensis, pluribus additis, Bullarium Romanum novissimum anno 1634. Romæ typis commisit, in tomos quatuor distinctum: in quo & Pontificum vitæ atque icones habentur. Tomo II^o. comprehenduntur Bullæ Pontificum à Pio I V. ad Innocentium I X. Tomo III^o. à Clemente VIII. ad Gregorium XV. Tomus IV^{us}. continet Urbani VIII. Constitutiones. His adjectus ab *Angelo à Lantusca*, & *Paulo à Roma* strictioris observantiz Minoritis Tomus V^{us}. Urbani ejusdem, & sequentium ad Clementem usque X. & annum 1672. Extravagantes complectitur.

VI. Harum autem, aliarumque Extravagantium Constitutionum, quæ per Pontifices subindè conduntur, quanta sit jure communi vis atque autoritas, disputat imprimis Franciscus Pegna Theologix ac Juris utriusque Doctor, in *Treatatu de Autoritate seu robore, probatione & utilitate Extravagantium*, ad calcem literarum Apostolicarum pro Officio sanctæ Inquisitionis; post ipsius Commentarios in Directorium Inquisitorum Fratris Nicolai Eimerici, anno 1578. adjectarum.

VII. Inter posteriores Pontificum Constitutiones non postremum obtinent locum REGULÆ CANCELLARIÆ APOSTOLICÆ. Ejus negotia olim vivæ vocis oraculo & stylo regebantur: donec Joannes XXII. Justitiæ administrationem certis Regulis ordinavit. Sed in illis id tantum egit, ut abbreviatores instrueret, quâ ratione literas in Cancellaria, juxta supplicationum varias figuras, deberent expedire. Introductas autem ab ipso regulas insequuti Pontifices diversimodè auxerunt, usque ad tempora Nicolai V. qui anno 1447. sedere cepit, & primus utiliores decessorum suorum regulas colligens, ac plures alias judiciales adji-

5. *Opus profectus est filius Angelus Maria Cherubinus, alique.*

6. *De Autoritate Extravagantium seu hodiernarum Constitutionum.*

7. *De Regulis Cancellariæ.*

ciens ; has Regulas ad eum ferè statum in quo nunc habentur, perduxit. Illum deinde successores, paucis immutatis, vel additis, pro se quisque sequuti sunt. Innocentius VIII. anno 1484. Regulas sexaginta novem probavit ; duasque addidit ; tum Julius II. anno 1503. unam adjecit in novem partes divisam. Paulus vero III. anno 1534. quinque Regulas adjunxit. Eoque, mutationibus quibusdam factis, perducta res est, ut hodiè septuaginta & una Regulæ Cancellariæ numerentur, quæ instar sunt Pragmaticæ Sanctionis, quam ad usum Cancellariæ suæ Pontifices composuerunt. Postremam earum Regularum Editionem suppeditabit Appendix nostra ad Lancelotti Institutiones. Ex his Quatuor imprimis usu receptæ sunt atque in Gallia servantur : nempe *xxix* aliàs *xviii* *de Infirmis resignantibus*, seu *de viginti diebus* ; *xxi* aliàs *xx* *de Impetrantibus beneficia viventium* ; & huic cohærens *xxx* aliàs *xviii* *de verisimili notitia*. Præterea ex Innocentii VIII. regulis servatur adhuc apud nos *xxxi* *de Publicandis Resignationibus*. Has Commentario Analytico enucleavit Carolus Molinæus, itemque *xxxv*. quæ illi *xxxi* *de Annali possessore*. Petrus Rebuffus, cum his reliquis, numero septuaginta & unam, exposuit, quales eo tempore habebantur.

CAPUT XXVI.

De Nova Extravagantium Compilatione facienda.

1. *Sixtus V. recentiorum Extravagantium Collectio- nem adornas.*

I. **C**IRCA tempus primæ Bullarii editionis, anno scilicet 1588. ad Novas Decretales colligendas, atque in ordinem sub titulo *vii*. Decretalium redigendas animus adjecit Sixtus V. ejusque rei curam delectis viris mandavit. Hi novem numero memorantur à P. Pithæo, 1. Dominicus Cardinalis *Pinellus*. 2. Hippolytus Cardinalis *Aldobrandinus*. 3. Hieronymus Cardinalis *Pinellus*. 4. Lucius Sannus Episcopus Ripanus. 5. Stephanus *Olivarius* Rotæ Auditor. 6. Laurentius *Blanchetus* Rotæ Auditor, & ejus in Galliam profecti loco Hieronymus *Pamphilus* Rotæ Auditor. 7. Franciscus *Pegna* Rotæ Auditor. 8. Pompeius *Arrestinus* Advocatus Consistorialis. 9. Julius Cæsar *Ottinellus* Secretarius

Congregationis. Verùm hunc *Septimum Decretalium*, ad instar Librorum Aristotelis de Physico auditu, Romæ ita editum fuisse accepi, ut nec editus dici possit. Ejus certè exemplum qui viderat, neminem vidi.

II. Eodem aut sequenti anno, *Petrus Matthæus* Jurisconsultus Lugdunensis, summam Constitutionum Pontificiarum & rerum in Ecclesiâ Romanâ gestarum, à Gregorio IX. ad Sixtum V. servatâ temporum serie, Lugduni in lucem edidit. In Epistola autem ei præfixa ad eundem Pontificem Sixtum, profitetur meditari se novam Collectionem sub titulo *Septimi Decretalium*, hoc est continuationis Constitutionum à summis Pontificibus post Extravagantes editarum à Sixti IV. tempore ad ipsum Sixtum V. Et verò paulò post prodiit *Septimus ille Decretalium Petri Matthæi*, Cardinali Caietano dicatus, quem tandem Lugdunense Bibliopolæ in Editione Corporis Canonici anni 1661. post Extravagantes communes collocarunt.

III. Ei operi non modò autoritas publica deest; sed alia non pauca in eo desiderantur, & quantum ad Titulum, & vel magis quantum ad rem ipsam. Primo enim, si Clemens V. Collectioni suæ titulum illum *Septimi Decretalium* convenire putavit, ut antè dictum est: Hic jam non septimus Liber, sed post additas Extravagantium duas Collectiones Decimus Decretalium dicendus esset. Deinde nec Librorum, nec titulorum ordinem in prioribus Collectionibus servatum tenuit autor: & novos magno numero titulos inseruit, quorum plerique ad aliquem ex Decretalium titulis referri potuissent exemplo aliarum Compilationum minorum. Denique si quis accuratè cuncta perpendat, faciliè deprehendet & utilia prætermisissâ, & minùs necessaria huic operi fuisse intexta.

IV. Ante secundam editionem Bullarii Stephanus *Quaranta* Juris utriusque Doctor, & Canonicus Neapolitanus summam illius ex primâ editione composuit sub titulo *Summa Bullarii, earumque Summarum Pontificum Constitutionum, quæ ad communem Ecclesiæ usum post volumina Juris Canonici, usque ad Paulum V. emanarunt*. Ea Venetiis anno 1611. prodierit cum annotationibus atque additionibus ejusdem, & additionibus *Prosperi de Augustino*. Hoc opus ordine Alphabetico dispositum est: addito tamen ad finem indice ea-

2. *De Septimo Decretalium Matthæi.*

3. *Septimus Decretalium Matthæi in multis deficit.*

4. *Summa Bullarii à Quaranta.*

rumdem Constitutionum juxta seriem Decretalium, cui nomen inditum *Libri Sexti Extravagantium communium*; relatione habitâ ad quinque Extravagantium communium, sive postremæ Collectionis Libros. Adjectus quoque simili serie Index Decretorum Concilii Tridentini.

5. *Summa alia Flavius Cherubini.*

V. Post secundam Bullarii editionem, Flavius Cherubinus, Laërtii Cherubini filiorum alter, *Novi hujus Bullarii Compendium* secundum ejusdem seriem dispositum edidit, scholiis aliquibus auctum, quod Romæ opinor anno 1620. deindè Lugduni quadriennio post prælo subjectum est.

6. *De Augustini Barbosa Colletaneis Bullarii.*

VI. Extant & COLLECTANEA BULLARII, aliarumve summorum Pontificum Constitutionum, nec non præcipuarum decisionum, quæ ab Apostolica sede & sacris Congregationibus. S. R. E. Cardinalium Romæ celebratis, usque ad annum 1633. emanarunt, secundum ordinem Alphabeti disposita autore Augustino Barbosa Lugduni edita anno 1634. Post Juris communis Historiam superest ut de speciali Ecclesiæ Gallicæ jure paucis agamus.

C A P U T XXVII.

De Origine ac progressu Juris Ecclesiastici Gallicani. Pragmatica Sanctione, Concordatis &c.

1. *Tria tempora Juris Ecclesiastici Gallicani.*

I. **S**ACRI Juris tria apud Gallos tempora spectari possunt. Primum sub Imperatoribus Romanis, Regibusque Merovingiis: Secundum sub Carolovingiis: Tertium sub Hugonidis seu Capevingiis.

2. *Jus Ecclesiasticum Gallia antiquum.*

II. Initio Christianæ Religionis, majores nostri in causis Ecclesiasticis disceptandis utebantur Collectione antiquâ Canonum, quâ continebantur Decreta Conciliorum Synodo Chalcedonenſi probatorum, eorumque præcâ versione; vel potius pluribus versionibus; quarum alia apud Isidorum extat, alia in Bibliotheca Juris Canonici à Clar. vv. Guill. Voëlle & Henrico Justello nuper edita est, aliz in manuscriptis Codicibus reperiuntur. His adjuungebant Conciliorum Gallicorum Decreta: quæ apud Hispanos quoque non modicæ autoritatis fuisse ostendunt ex Tarraconensi præfetto Concilio Sitmondus^a & Petrus de Marca^b *Ar-*

^a In præf. Concilior. Gallicæ.

^b De Concord. Sacerdotii & Imperii, lib. 3. cap. 49

chiepiscopus Tolosanus, ac tandem Parisiensis. Postea Codice Canonum Ecclesiæ Romanæ, id est antiquis Canonibus Græcis ex Dionysii Exigui interpretatione, Collectione Africanâ, Pontificumque Romanorum Decretis, à Siricio ad Anastasium usi aliquatenus videntur Antistites Gallici à postremis Metovingiorum temporibus. Certum tamen est Canones qui dicuntur Apostolorum, nondum receptos fuisse an. 577. cum in Historia Gregorii Tutonenfis c. Rex Chilpericus eos Canones, in novo quaternione adjectos ad librum Canonum, transmississe dicatur ad Concilium Parisiense adversus Prætextatum Archiepiscopum Rothomagensem.

c Lib. 5. cap. 19.

III. Sed in Secundo rerum statu dubitari non potest quin Codex ille Dionysianus omnino ab Episcopis Galliæ receptus fuerit, saltem postquam Hadrianus I. ejus Libri exemplum Carolo Magno missum, velut certas Disciplinæ regulas continentem, commendavit. Idem ex Leonis quoque IV. Epistolâ^d & ex Hincmaro Rhemenſi probari potest.

3. *Jus Ecclesiasticum mediæ ævi, commune.*

IV. His adjecta sunt *Capitularia* ejusdem Caroli Magni atque insequentium Principum in Comitibus Regni edita; quorum magnam partem ad Ecclesiastica pertinentem negotia, tum ex priscis Conciliis ac Decretis Pontificum in Codicem Canonum relatis; tum ex Gallicis Canonibus, circa ea præsertim quorum definitiones in generalibus Conciliis non inveniuntur, ut loquitur Agobardus Lugdunensis, consensu Episcoporum subindè renovatis decerptam fuisse constat.

d Relata in Can. de libellis, dist. 20.

4. *Jus proprium Galliæ.*

V. Et hoc est jus vetus cui præfules nostri, quoad fieri potuit, inhæserunt; & cujus maximè placitis nituntur jura seu libertates Ecclesiæ Gallicanæ.

5. *Hinc Libertatis Ecclesiæ Gallicanæ.*

VI. Jus Novum originem videtur traxisse ex *Corpore Canonum*, quod regnante Carolo Calvo, circa annum 836. sub nomine *Isidori* vulgatum est: cui supposititæ Clementis priscorumque aliorum Urbis Episcoporum, ante Siricium, Epistolæ inditæ fuerant. His certam auctoritatem apud Gallos conciliare conatus est Nicolaus I. anno 869. quod tamen non statim valuisse probat ex variis Hincmari locis, eruditissimus Petrus de Marca^e quâ de re suprâ.

6. *Jus Ecclesiæ Gallicæ posterioris.*

VII. Sed Epistolas illas initio Tertiarum Regum stirpis inva-

e Lib. 3.

7. *Incellum ex Isidorianis Decretalibus.*

altiores paulatim radices egit : ex quo præsertim Burchardus, ac deinde Ivo, cæterique Collectores, atque in his Gratianus, suis Decretorum voluminibus, earum fragmenta intexuerunt. Hinc igitur cepit tertius Juris nostri status.

8. *Addite posteriores Decretales, & Concilia recentiora.*

VIII. His accessere Decretalium Collectiones, quæ cum Epistolis sequentium Pontificum, Canones quoque posteriorum Conciliorum, præsertim generalium, complexæ sunt. Quæ Constitutiones maximam partem apud nos receptæ fuerunt, quatenus scilicet vetustis Canonibus, moribusque nostris, & Regni aut Ecclesiarum immunitatibus non adversantur.

9. *Et cum his Regia de rebus sacris Constitutiones.*

IX Juris quoque robur obtinent *Constitutiones Regia*, quas Principes nostri Christianissimi de Rebus Ecclesiasticis, pro suo in Ecclesiam & disciplinam publicam studio, Canonumque tuendorum officio, ad confirmanda & exequenda, aut etiam explicanda eorum scita ediderunt : quales fuere tum *B. Ludovici Pragmatica Sanctio* an. 1268. tum *Caroli Quinti & sexti Constitutiones* ; ac deinde *Caroli VII. Sanctio* quoque *Pragmatica* anno 1438. apud Biturigas promulgata ; ac denique subsequuta *Francisci primi*, & sequentium Regum *Edicta*, Aurelianense imprimis ac Blesense ; quibus Concilii Tridentini nondum in rebus Disciplinæ apud nos recepti. Constitutiones non paucae in Legem transferunt.

10. *In his & Concordata.*

X. Verùm Pragmaticæ Sanctioni Bituricensi in multis derogatum est per *Concordata*, seu pacta Leonis X. cum Francisco I. Rege anno 1516. Bononiæ inita.

11. *Addenda Jura Regia & alia.*

XI. Addenda superioribus præcipua quædam Jura antiquissimis moribus recepta, & Privilegia Pontificum Concessionibus subnixæ. Prioris generis sunt *Regalia* & restricta Legatorum Pontificiorum apud nos potestas : posterioris autem *Indulgentia* nominationum : tum Regi, tum per eum Senatui Parisiensi attributa, aliaque ejus generis de quibus nos in *Specimine juris Ecclesiastici Gallicani*.



PRÆNOTIONUM CANONICARUM

LIBER QUINTUS.

HACTENUS enucleare conati sumus, tum ea ex quibus conflatum est universum Canonici Juris systema; tum ea quæ ad varias Canonum Collectiones, & cujusque formam sive ordinem, autorem, tempusque pertinent: superest ut hujus studii *Adminicula* tradamus. In his primum tenere locum videntur *Interpretes*, qui eam scientiam suis *Lucubrationibus* illustrarunt. Accedunt *Historiæ Chronologiæ*, *Geographiæ* Ecclesiasticæ scriptores; quorum lectio ad explanandas res gestas, ex quibus Juris decisiones ortæ, non mediocriter conducit. Omittendus deinde non est ipsius Jurisprudentiæ Canonici *Finis*: sed & tractandi ratio & *Methodus* adjicienda: itemque *Vocabula* propria, & eorum *Breviationes* Doctoribus familiares, sine quibus ad rerum cognitionem perveniri non potest. Denique ad hoc studium se accingentibus indicandæ Corporis Canonici, quo nunc utimur, *Ediciones* præcipuæ,

CAPUT I.

*Interpretum Juris Canonici Divisio in varias Classes.*1. *Interpretum
triplex inspectio.*

I. **I**NTERPRETUM Juris Pontificii non una inspectio est. Possunt illi quidem Nationibus atque Ætatibus, sed imprimis ratione distingui.

2. *Græci In-
terpretes.*

II. Eorum igitur alii Græco sermone Canones Græcos, alii Latinâ linguâ receptum Juris nostri Corpus diversimodè enarrarunt, juxta Ecclesiæ quisque suæ usum. Sed Græcorum Interpretum tres ferè nobis cogniti, qui Seculo XII^o floruerunt: *Ioannes Zonaras*, & *Theodorus Balsamon*, uberiorum Commentariorum in Photii Collectionem autores, servato ejus ordine: atque intermedius tempore *Aristinus*, cujus breviter extant scholia in excogitatam ab ipso synopsis. De his dictum à nobis Lib. III^o. hujus operis, cap. 10. & 11. à pagina 424.

3. *Latinorum
Classes.*

III. Latini magno numero in hoc instituto versati sunt, quorum ætas ab eodem seculo XII. ad nostra usque tempora decurrit; opera in tantum excrevere, ut nimia illorum copia laboremus. Sed diversas admodum docendi tractandique vias inierunt. Alii Primò *Glossas* sive Scholia, & breves annotationes, ad exponendum Juris contextum contulerunt. Alii deinde uberioribus Commentariis, quos *Apparatus* vocabant, Canonum ac Pontificiarum Epistolarum vim enarrare instituerunt; industriamque suam in hoc utroque genere, aut ad totum, sive Decretorum sive Decretalium opus, aut ad partem eorum operum, suis laboribus enucleandam, collocarunt. compositz sunt ab aliis *Summa* Decretalium, quibus earum axiomata seu Regulæ atque exceptiones, certâ methodo, ac servatâ Titulorum serie traduntur. Plurimi, discutiendis dubiis ac difficilioribus quæstionibus, *Tractatus*, *Repetitiones*, *Consilia* composuere. Nec defuerunt superiori & currente seculo, qui Justiniani exemplo, sub *Institutionum* aliisque nominibus, generalia Juris Canonici Principia, in ordinem redigerent. Addita etiam interpretandis vocibus, quæ propriæ sunt terum Ecclesiasticarum, *Glossaria* sive *Lexica*,

juxta ordinem Alphabeticum. Additi & ad res facilius suis quasque locis indagandas, sedesve materiæ cognoscendas, *Indices*. Denique Jurisprudentiæ hujus originem ac progressum historicè nonnulli explicuerunt.

IV. In tantâ Autorum multitudine atque operum varietate, cuncta persequi, nec possibile est, nec necessarium. Itaque distinctos per ætates dabimus Autores, qui ad nostram noticiam pervenerunt, & quos nosse studiosorum interest. Habebunt hi abundè ex sequentibus capitibus, unde hauriant quæ in ea re usui fuerint, & legendi ac per hoc discendi cupiditatem expleant.

4. *Nostrium in his indicandis consilium.*

C A P U T II.

Quid Glossæ, & de Juris Canonici Glossis in genere.

I. **Q**Uæ primi post editum Gratiani opus Decretorum, ejus interpretandi provinciam susceperunt, *Glossis* ferè contenti fuerunt. *GLOSSÆ* aurem nomen generaliter & linguam, membrum scilicet animalis quod præcipuum vocis instrumentum est, & sermonem linguâ prolatum significat. Sed speciali acceptione *Glossa* pro sermone cuique genti peculiari, & pro peregrino vocabulo sumitur. Aristoteles in libro de arte poetica^a, omne nomen dividit in Proprium, & Linguam, aut variè figuratum. Proprium vocat, quo utuntur vulgo singuli populi, linguam quo diversi: notatque fieri posse ut idem vocabulum & lingua sit, sive γλῶττα & Proprium; non tamen iisdem utrumque: Nam τὸ σίγμων Κυπρίοις μὲν χέριον, ἡμῶν δὲ γλῶττα: id est *Sigmon*, quod Cypriis proprium est, nobis (id est Atheniensibus, aliisve Græcis) est *Glossa*. Pro *Glossa* *Glossam* Atticè scripsit: cujus nominis vestigia à Phœænsibus per Massilienses aut Agathenses deducta, adhuc aliquatenus in Occitania nostra manent alicubi, inter Mulierculas, quæ *La Glossa* usurpant, cum infantibus linguam exertantibus, se eam abscessuras blandiendo minantur. Porro Cyprium illud nomen σίγμων Eustathius ad Iliad. γ. & Apollonii Rhodii Scholiastes interpretantur jaculum ὀλοσιδμενον ex solido ferro, seu venabulum transfigendis aptis. Sic Macedones apud Suidam

1. *Varia significationes vocabuli Glossa.*

^a Cap. 8.

b Cap. 1.

σιβύνης vocabant hactilia; eademque significatione legitur σιβύνη Athenæi lib. 10. ut monuit V. Cl. Nicolaus Taver-
nerius Græcæ literaturæ Professor, reconditori eruditione
conspiciuus. Quintilianus 1. Institution, Oratoriæ. b pue-
ris scribere incipientibus proponi mavult abstrusiora quàm
vulgaria vocabula, & fortè occurrentia: *Protinus enim
potest interpretationem SECRETIORIS LINGUÆ, quas Gra-
ci γλώσσας vocant, dum aliud agitur, ediscere.* Idem, sensu non
ablimili, *Glossmata* accipit ejusdem libri cap. 8^o. his verbis.
*Circa Glossmata etiam, id est voces minùs usitatas, non ultima
ejus professionis diligentia est:* ubi de Grammaticis loquitur.
Sed Glossmatis vocabulum, licet è græco derivatum, Græ-
cis tamen usitatum non est; nisi quòd Suidas γλωσσημαγντικῶν
memorat pro Dialecti genere. Et verò Græcorum nonnulli
Glossas sive Lexes (dictiones) Atticas, Laconicas, Creti-
cas, hoc est proprias earum Dialectorum voces, collegerant,
ut Casaubonus notat in Athenæum libro 3^o cap. 6^o Quæ au-
tem certæ sunt Dialecti propria, ea palam est aliena esse à
lingua communi: unde & ξενικά vocantur, hoc est Pere-
grina. Galenus & Peregrina & obsoleta; Pollux lib. 2. cap. 4.
Poëtica γλωσσῶν nomine significari ait: quod de iis est acci-
piendum quæ propria sunt Poëtarum, & extra communem
sermonis usum posita. Nos Galli *Glosam* pro Glossa dici-
mus & *Glosare* pro eo quod est aliis verbis interpretari.

2. Discremen
Glossæ, Commen-
tarii, Translatio-
nis seu versionis.

II. Vetus Dictionarium, apud Matthiam Martinium, ita
Glosam à *Commento* & *Translatione* distinguit. *COMMEN-
TUM* expositio est, verborum juncturam non considerans, sed tan-
tùm sensum, deservit enim expositioni alicujus libri, & non con-
structioni literæ. Accipitur quoque *Commentum* largius, scilicet
pro quolibet libro: & tunc sic definitur: *Commentum est plu-
rium, studio vel doctrinâ in mente habitorum, in unum collectio.*
GLOSA est expositio literæ, & ipsius sententiæ, quæ non solum
sententiæ, sed etiam verba attendit: vel *Glosa* dicitur expositio
sententiæ, literam continuans & exponens, undè dicitur *Glosa*,
quæsi *Glossa*, id est lingua: quòd, tanquam lingua Doctòris adesset,
& exponeres, sic litera exponenda insistit, & sensum enucleat.
TRANSLATIO, est expositio sententiæ per aliam linguam.
*Textus est liber, ipsius Doctòris, continens tractatum, sine litera
vel sententiæ expositione.* Sed præterquam quod hic *Com-
mentum* pro *Commentario* accipitur: *Glosa* etiam quatenus
dicitur

dicitur sententiam continuare, videtur confundi cum Paraphrasi.

III. Quas Jurisconsulti *Glossas* vocant, etsi ex à nuda vocum obscuriorum quæ in textu occurrunt interpretatione, ac brevibus notis cepisse videantur, eò tamen progressu temporis perductæ sunt, ut Canones legesque plenius, & more Commentariorum enarrent: tum institutâ cujusque in sua membra partitione; tum propositis quæstionibus; quæ ex iis deduci, ac decidi possunt; tum etiam adductis affinibus, & contrariis locis ac solutionibus nodorum quæ sæpenumero se offerunt.

3. Quid Glossarum nomine in Jure intelligatur.

C A P U T III.

De Autoribus Glossarum Decreti.

I. **P**ONTIFICIA Legislatio, illis quoque temporibus ubique per Christianum orbem floruit, quibus in Italia rotoque Occidente dominantibus Barbaris, sepulta jacebat Legislatio Justiniani, hæc utraque Disciplina suos antiquis temporibus Glossographos habuit, atque in hoc Interpretum genere nihil cessasse apud Græcos Canonicam Jurisprudentiam Civili notat Boëtius Epo^a; imò Canonum Glossographos antiquiores fuisse ostendit Glossographis Legum. Sed Idem^b ab Antonio Contio dissentit, qui in Præfatione Decretalium affirmat Legum Civilium Interpretes Interpretibus Canonum Latinis fuisse recentiores, constat enim Antiquiores ipso Gratiani Decreto fuisse Irnerium, eique coævus Bulgarum, Hugolinum, qui partim summas quæ vocantur, partim Commentarios in Civile jus ediderunt, Glossas non item. Illud tamen certum est, ex Joanne Andrea^c plurimos Antiquarum Compilationum Glossographos Accursio, Civilium Glossarum sive Annotationum Collectore, vetustiores esse. Addit jam dictus Boëtius^d Pontificii Juris Glossemata, Glossematibus Legum Civilium non magis soliditate cedere, quàm vetustate.

1. Viri Juris Interpretes & Glossographi Antiquiores.

^a Lib. 2. de Jure sacro, num. 56.

^b Eod. loco n. 72.

^c In Proem. ad Decretal.

^d Num 84.

II. Glossas scripserunt in Gratiani opus *Laurentius Cremonensis*, *Vincentius Castellionensis*, *Hugutio* sive *Hugo Vercellensis*, *Joannes Teutonicus*, *Tancredus*, *Bertrandus*, & *Bartholomæus Brixienfis*.

2. Glossographi Decreti: Laurentius Cremonensis.

3. *Hugutio, seu Hugo Vercellensis.*

2. In spec. historiali 3. parte, tit. 18. cap. 6. in fine princ.

4. *Vincensius Castellionensis.*

5. *Tancredus de Corneto.*

f. Lib. 1. tit. 9. 10. 13.

g. V. Cap. pen. & ult. 2. de Judic. 11.

6. *Joannes Semeca Teutonicus.*

III. Sed primum omnium *Hugutionem* memorat S. Antoninus Archiepiscopus Florentinus, qui *Hugutio* sive *Hugo* in patria sua Vercellis scilicet, professus esse creditur, ac postea Ferrariensis Episcopus fuit.

IV. *Vincensius Castellionensis*, Summus Canonista dictus, ab Oldrado Hispanus, ab aliis Mediolanensis fuisse dicitur, atque ex illa Castellionea familia prodiisse paulò post memoratur Celestinus 4^{us} Pontifex Maximus anno 1241.

V. *Tancredus à Corneto* dictus, de patriæ nomine, quæ Tusciæ Civitas est, Laurentii Cremonensis discipulus, Bononiæ haud dubiè docuit: sed & Parisiis quoque professus circa an. 1217. videtur, cum in opusculo quod de Ordine judiciorum per id tempus composuit, ubi judiciorum formulas describit, Parisiensem civitatem ac Monetam memoret. Suppar fuit Azonis & Vincentii Bellovacensis, quos citat. Certè sub Honorio III. Pontifice vixit: apud quem tantæ fuit autoritatis, ut Honorius Constitutiones Pontificias ex quibus *Quintam Decretalium* Compilationem concinnavit, ad ipsum recognoscendas atque interpretandas transmissit, eique causas aliquot mandaverit decidendas, & ut inscriptio aliquot Decretalium apud Gregorium testatur. Ibi sane *Magistri Titulus*, sive tanquam Professori tributus, probat non aliud à Glossatore nostro intelligendum esse. Decessit Bononiæ, ubi Archidiaconus Decretum est Interpretatus. Modesto hoc Epitaphio cohonestatus. *Sepulchrum Magistri Tancredi eximii Doctoris Decretorum, Archidiaconi Bon: Orate pro eo.*

VI. *JOANNES Semeca, TEUTONTENSIS* dictus, sive Germanus, à prioribus editas in Decretum Glossas rehinxit, additisque non paucis suas fecit, quemadmodum Accursius fecerat in jure Civili. Cum utrique Juri diu studuisset, Religiosam vitam in Prædicatorum Ordine est professus. Deinde ad Præposituram S. Stephani Halberstadiensis in Saxonia vocatus est, cum Albertus Magnus ejusdem ordinis decus, in Germania floreret. Ex Dignitate ejusmodi Joannes natus, Decretum interpretatus est, ejusque opus *Glossa communis* meruit nomen, teste Antonino antè laudato: qui Secundum hunc facit Decreti Glossatorem, fortè quod scripta eorum qui post Hugutionem in opus Gratiani Glossas ediderant, in Joannis hujus lucubrationes transfusa

magna ex parte fuerunt, & sic penè oblitterata aliorum memoria. Tandem Clementi 4^o Decimas ab Ecclesiis Galliarum & Germaniarum ad bellum sacrum exigenti, interposita ad Concilium appellatione, obniti ausus Joannes hic Teutonicus, Anathema tulit ab eodem Pontifice; atque eodem anno 1269. uterque è vivis excessit: qua de re Albertus Crantzius ^b. Hunc *Sémecum*, quia sententias suas levibus sæpe argumentis fulciebat, Laurentius Crémensis aiebat arenam sine cemento ligare, hoc dictum mutuatus à Caiso Caligula, qui de Senecæ Oratione idem, sed alio sensu, pronunciaverat. Negari sanè haud potest quin, temporum illorum vitio, Joannes Teutonicus ineptis non ratò vocibus usus sit: sed compensatur qualecunque hoc incommodum rerum plerumque pondere: plura quippe utriusque testamenti loca ita explicat, ut non modicam Gratiano afferat lucem. Cæterum omittendum non est falli Arnaldum Ponticum cum in Chronologia sua ⁱ scribit Joannem hunc primum fuisse Decreti Glossographum: contrarium ex eo patet, quod hic Joannes, Hugutionis tanquam prioris, sæpè meminerit.

^b Lib. 4. de reb. Saxon. cap. 17.

ⁱ Ad an. Christi 1260.

VII. *Bartholomæus Brixienfis*, Vincentii Castellionci Discipulus, Joannis Teutonicus Glossis, Pontifico Alexandro IV. circa annum 1256. quædam attexuit, tum ut illius errores notaret, tum ut omissa suppleret, aut quæ postea immutata fuerant adjiceret, quemadmodum ipse initio Decreti testatur, apud Caccialupum ^l. Scripsit idem Historiam Temporum Teste, Raphaële Volaterrano ^m Patriarchæ Veneto eum aliquando assédisse notat Joannes de Turre. Cremata ^p ab Alexandro verò IV. eximia accepisse munera Platina refert. Hic Tertius Decreti Glosator nominatur ab Antonio, eique subjungitur Archidiaconus autor Apparatus, de quo nos postea.

7. *Bartholomæus Brixienfis*.

^l D: modo studendi.
^m Lib. 11. de Anthropologia.

CAPUT IV.

De Glossatoribus Decretalium.

1. *Glossatores
primæ Compila-
tionis.*

I. IN PRIMAM Decretalium à Pontificibus Gratiano posterioribus editatum COMPILATIONEM, Vincentius, Alanus, Tancredus, & Rogerius Glossas seu scholia scripserunt. Addendus Damasus, qui præterea Librum Quæstionum super multis Decretalibus, & Brocarda composuit. Ipse hujus compilationis Autor Bernardus Circa Papiensis, & scholia sive Glossulas suæ Collectioni adscripsit: & sub iisdem titulis summam scripsisse dicitur, cujus initium profectus discipuli gloria Magistri. Antonius Augustinus eosdem nominat, his verbis. Nos vidimus aliquot sine nomine scriptas, (Glossas scilicet,) sed multò plures adscriptis nominibus VINCENTII, ALANI, TANCREDI, LAURENTII, ROGERII & aliorum. Bernardo antiquiores à Guiljelmo Durante^a cognomine speculatore, & ab ejus interprete Ioanne Andrea F. fuisse dicuntur RUFINUS, SYLVESTER, JOANNES HISPANUS, & alter JOANNES Favensis sive FANENSIS, aut ut alii vocant, Faventinus; quorum nos scripta non vidimus. Hi fortasse aut Corpore Canonum usi sunt, aut Decretorum Collectionibus, Burchardi, Ivoonis, Anselmi & Gratiani aut aliorum scriptorum.

^a In proximo
speculi.

2. *Compilationis
Secundæ
Glossographi.*

II. Successit JOANNIS GALENSIS, seu Vallensis, Compilatio, quæ Gilberti atque Alani (Doctoris Universalis dicti) luminibus offecit, & Libri Secundi titulum meruit, in quem Ego Ferrariensis Episcopus, & Bernardus Compustellanus, Major sive antiquus, glossas edidere. Jam laudatus Antonius Augustinus scribit se vidisse eorundem scholia, quorum nomina supra scripta sunt, Vincentii inquam, Tancredi, Alani, Laurentii, & aliorum, non pauca etiam sine nomine, quæ ejusdem Joannis Galensis fuisse putat. Ejusdem Collectionis Notabilia à Paulo Hungaro collecta fuisse observat Joannes Andreæ^b.

^b In procemium
Durantis.

3. *Glossographi
Tertiæ Compila-
tionis.*

III. TERTIAM Compilationem, quæ jussu Innocentii 3. à Petro Beneventano Tabulario seu notario composita, (aliàs Librum Tertium) interpretatus est antè dictus Paulus

Hungarus; ut *Joannes Andreæ F.* refert. *Augustinus* autem supra memoratus eadem nomina in his scholiis quæ in aliis Collectionibus se vidisse testatur.

IV. In QUARTAM verò ex Generalis Concilii Lateranensis Quarti per eundem Innocentium habiti, Constitutionibus maximè confectam Compilationem, *Vincensius* imprimis, tum *Ioannes*, *Iacobus*, *Rogerus*, sive *Robertus*, Glossas ediderunt; quas à se visas, lectasque notat *Anton. Augustinus*.

V. QUINTAM deinde, quam *Honorius III.* ad Tancredum & Archidiaconum Bononiæ proficentes componendam misit, aut recognoscendam, *Iacobus Albanus* Faventinus Episcopus, & *Ioannes de Albenga* præceptor *Henrici Hostiensis*, interpretati sunt.

VI. Denique in eam Collectionem quam ex prioribus illis *GREGORIUS IX.* fratris *Raimundi Peñafortii* Barcinonensis operâ coagmentatam, suisque Constitutionibus auctam edidit, & quâ nunc vulgò utimur, Glossæ ab eorum plerisque conscriptæ sunt qui in anteriores Compilationes Glossas ediderant. In eo præterea argumento versati dicuntur, *Ricardus Anglicus*, *Rodoicus Bertrandus* cognomento *Modicipassus*, *Petrus de Villaco* e Hispanus. Reliquos hujus Generis interpretes, qui quidem alicujus nominis fuere, dabunt proxime sequentia Capita.

Hos secuti sunt *Guilielmus Naso* & *Iacobus de Albenga* Episcopus Faventinus, *Philippus*, *Petrus Sampso*, *Bernardus Compostellanus*, qui opus non perfecit, *Egidius* Bononiensis, & *Franciscus* Vercellensis, qui tantum super contextu scripsit. Postea verò *Bontinus* Mantuanus & *Archidiaconus*, Glossas etiam interpretati sunt. Hos secuti *Frater Iacobus* Canonicus S. Joannis in monte, *Druzianus*, *Guandolphus*, *Petrus Manducator* & quidam Cardinalis, Glossas ediderunt in Decretales. Addendus *Ioannes Fantuccius*, qui & glossas aliorum in *Clem.* collegit.

VII. Illorum omnium Glossas *BERNARDUS BOTTONUS Parmensis*, in unum collectas, suisque lucubrationibus locupletatas, contulit ad interpretationem Decretalium Gregorianarum, atque omnem superiorum Glossatorum gloriam ad se traxit. Hic *Bernardus*, postquam Bononiæ, ubi Canonicus creatus est, diu Decretales est professus, deinde sacri Palatii Quæstoris munere decoratus fuit: Auditor

4. *Compilationis Quarta Glossatores.*

5. *Autores Glossarum Quinta Compilationis.*

6. *Glossographi Decretalium Gregorii IX.*

e Laudatus ab Host. in Summa, de restit. spoliator. paragr. cum quæritur sub fin.

7. *Glossarum Collector Bernardus Parmensis.*

res, & Summi Pontificis Capellanos vocant.

8. *De Auditoribus Rota.*

VIII. Cum enim causas ex toto orbe ad urbem confluentes summus Pontifex in sacello, quod *Capellam* nominant, adhibitis Jurisconsultis, audiret; illi Capellani quoque sunt appellati à loco in quo etiam divinis inserviunt. Iisdem, quoniam Causas audiendi ac cognoscendi facultas concessa est, *Auditorum* Sacri Palatii nomen est inditum. Cæterùm causas, tum ex generali delegatione, tum ex speciali sæpe rescripto decidunt. Plures olim fuere, nunc duodecim numero sunt, è variis nationibus, regniq; à Principibus suis deligi soliti.

9. *De eodem Bernardi Parmensi.*

IX. *Bernardus* postremò Academix Bononiensì præfectus fuit, quem Germanorum vocabulo *Cancellarium* vocabant. Illi enim cum in Italia imperabant, omnes Regionum præfectos Cancellarios appellare consueverant. *Bernardus* sub hoc titulo, Bononiæ sepultus est, hoc addito in Majore Templo Epitaphio.

BERNARDUS BOTTONUS Cancellarius studii Bononiensis qui scripsit apparatus ad Decretum, jacet hic,

Apparatus dixere uberiores Commentarios, & recitationes sive Textus Repetitiones atque expositiones accuratiores. Quales multi postea composuere, ut ex sequentibus patebit.

C A P U T V.

De Reliquis Interpretibus Juris Canonici, qui Seculo XIII. scripserunt.

Inter Antiquos Juris Canonici ac præsertim Decretalium Interpretes, memorantur imprimis sequentes.

G O F R E D U S.

a. *Gofredus.*

I. **P**OST *Bernardum*, *GOFREDUS* *Tranenſis* (de Trani) à patria, quæ Civitas est Apuliæ, cognominatus, Decretales Gregorii IX. Primus illustrasse fertur. Is, cum summi Pontificis Subdiaconus, & Capellanus forensium esset, ac Juris Canonici peritus inter primos haberetur, præ-

cibus studioforum adductus est, ut ejus Juris disciplinam servato Decretalium ordine, in compendium redigeret. Quod opus *Summam* appellavit. Nec desunt qui eum ad Cardinalis dignitatem evectum fuisse velint.

INNOCENTIUS IV.

SINIBALDUS FLISCUS Genuensis, ex Illustri Comitum Lavaniz familia, postquam Bononiz sub Azone jam sene, Accursio & Jacobo Balduino Juri operam dedit, ob insignem ejus peritiam ad Cardinalis dignitatem promotus, ac tandem Summus Pontifex renunciatus anno 1241. INNOCENTII IV. nomen assumpsit. Hic primus *Commentarios in Quinque Decretalium Libros* Lugduni composuit, quo tempore in ea urbe Concilium habuit, ubi Fridericum II. Imperatorem Anathemate perculit. Sed quamquam jam Pontifex Commentarios illos ediderit: eâ tamen modestiâ fuit, ut non pro pontificia potestate præcipuum scriptis suis robur addiderit, sed ea tanquam privati Doctoris opus haberi voluerit. Nihilominus hi Commentarii per seipsos æstimati, in tanta apud posteros dignatione fuerunt, ut auctorem multi Juris utriusque Consulti *Patrem* atque *Organum veritatis*, appellaverint. Hoc uno Nomine minùs probatur quòd nimio brevitatis studio obscurior non raro sit. Scripsit prætercà Apologeticum Librum *de Jurisdictione Imperii & Autoritate Pontificis*, contra Petrum de Vineis qui pro Friderico atque Imperatorum potestate contra Pontificiam scripserat.

BERNARDUS COMPOSTELLANUS.

BERNARDUS Brigantius, vulgò *de Vergantinos* in Gallectia, COMPOSTELLANUS dictus, quod esset Ecclesiæ Compostellanæ presbyter, jam laudati Innocentii IV. Capellanus, ejusdem hortatu aut jussu *Casus Decretalium* confecit, & eruditos in eas Commentarios composuit, quos *Apparatium* vocant^a, idque circa annum 1250.

^a Raph. Volater.
Anthropologiz
lib. 11.

HOSTIENSIS.

II. HENRICUS, Segusii in Diœcesi Taurinensi, (à *Suse*) humili loco natus, quemadmodum ipse fatetur, in Gallia & Italia Juri studuit, & Joannem imprimis Albingaunensem

². *Hostiensis*
natales & progressus.



audivit; tum inter Pontificii Juris Interpretes primas tulit: quod præclaris Commentariis (de quibus postea) ita illustravit; ut *Juris* utriusque *Monarcha* dictus fuerit ^b. Itaque propter eximiam eruditionem *Ebrodunensis* primùm Archiepiscopus ab Innocentio IV. paulò ante ipsius obitum, creatus ^c. Deinde ab Alexandro IV. quo hortante scripserat in Decretales ^d, ad Cardinalis dignitatem evectus est ^e, ac tandem Episcopi Hostiensis titulo cohonestatus.

III. Hostiensis autem Episcopus, primus est è septem Cardinalibus qui Lateranensis Basilicæ adscripti, vice Pontificis funguntur: præcipuaque habet privilegia, Pallii nempe usum, Pontifici Coronam imponendi atque Imperatorem ungendi jus ^f.

IV. Igitur Henricus HOSTIENSIS ab eximio illo Episcopo tu vulgò dictus, Legatione Bononiensi aliquandiu functus est. Sede post Clementis IV. obitum vacante, cum Vigebienfes, apud quos eligendi successoris causâ, convenerat Cardinalium Collegium, quò eos ad novum Pontificem pro arbitrio suo dicendum compellerent, detectis ædibus quibus inclusum erat Collegium, dirutisque cubiculis, nocte dieque sub dio tenuissent: Hostiensis in periculosum incidit morbum; nec aliter exitum impetrare potuit, quàm omni eligendi Pontificis jure abdicato. Hac conditione dimissus, convaluit.

V. Duo imprimis ejus opera colebantur: SUMMA Juris Canonici, aut (ut alii volunt) utriusque juris, quæ *Antea* vocatur, atque ad ordinem Decretalium, singulosque earum titulos aptata, compendium aut potius totam Juris scientiam methodicè tractatam continet: quod quidem opus incendio consumptum, postea inter Cardinalitæ dignitatis occupationes, à se restitutum ipse restatur ^g. Alterum opus *LECTURA* dicitur: quo nomine Commentarii ampliores intelliguntur in Quinque Decretalium Libros, divisi in duo volumina. Paulò duriores Innocentii IV. Opiniones, æquitatis amore non rarò damnat: sed nimix subtilitatis à quibusdam arguitur, diciturque plus æquo Episcopis fuisse ^h.

DURANDUS. SPECULATOR.

DURANDUS SPECULATOR, seu *Durantes*, in Occitania apud

^b à Franc. Balbo cod. de præscript. in præm.

^c Alvarot. in præm feud.

^d Volater. loco citato.

^e Platina in Alexand. 4.

^f *Episcopi Hostiensis dignitas.*

^g Ut Abbas observat ad cap. antiqua, de privileg.

^h *Henrici Hostiensis periculum.*

^g *Hostiensis opera.*

^g In fine summæ.

^h Sylva Nupt. lib. 5. a. 67. & 69.

apud Podium Missonium natus, Henricum Hostiensem audi-
vit an. 1250. atque admodum juvenis in Mutinensi Academia
Decretum interpretatus est. Postea in Curia Romana Cau-
sarum Auditor, ingens illud Opus quod SPECULUM in-
scripsit, ante annum ætatis 24. adortus, non nisi intra unum
& viginti annos ipfomet teste absolvit: perfectum Ottobo-
no tituli sancti Adriani Cardinali Innocentii 4. fratris filio
nuncupavit anno 1262.

VI. Idem Sancti Petri primùm Patrimonio in Tuscia,
deinde Honorii IV. mandato Romandiolæ Præfectus, hanc
provinciam Guidoni Montefeltro ereptam, Comitis titulo
rexit, ut ipse de se prædicat. Et cum in eadem provincia,
pro Martino IV. Quæstoris officio fungeretur, ad Metau-
rum fluvium peninsulam à fundamentis extruxisse narratur
cui Castellum imposuit, ac de suo nomine *Castellum Duran-*
sis appellavit, vulgò *Castel Durante*: Ex Carnotensi Decano.
Mimatensis in Gallia Episcopus creatus est, anno 1286. ac de-
cennio post obiit Romæ, sepultus in æde Prædicatorum
ad Minervam.

6. Ejus munia
publica.

i à Sabellico,
Blond. Volaterra
no.

VII. Præter *Speculum Libris* 4. distinctum, sic appellatum
quod forenses homines variarum causarum hominem in eo
speculentur, ac velut in speculo inspiciant: scripsit etiam
Rationale Divinorum Officiorum, in Libros 8. divisum quod
anno 1286. absolvit. Librum quoque de *Ordine Celebrandi*
generalis Concilii occasione Concilii Viennensis scriptum,
eidem perperam assignat Panzirolus. Neque enim ad hujus
Concilii tempora pervenit hic Guilielmus ejus nominis III.
inter Mimatenses antistites (*de Mende*.) Verum Lugdunensi
interfuit, in cujus *Canones* commentarium edidit. Liber au-
tem de celebrando Concilio, Guilielmi IV. Durantis, Mi-
matensis quoque antistitis est, prioris fratre nati. Invenitur
etiam illius *Repertorium juris*, quod unà cum aliis ejus ope-
ribus Lugduni prodit anno 1516. & 1551. Citantur præterea
ab eo conscripta, tum *Speculum Legatorum*, in quo de ipso-
rum officio & potestate fusè disputat, & *Commentaria in*
Decretales.

7. Ejus opera

VIII. Adeo felici memoriâ fuisse fertur, ut Librum se-
mel lectum statim recitaret: quod singulari ejus sobrietati
attributum; Monachus Aurearum insularum gemmæ assi-
gnat, quam aureo annulo inclusam gestasse dicitur. In summa

8. Ipsius docti,
ac defessus.

I Cyn in l. judi-
ces Cod. de judi-
ciis.

nominis, propter excellentem & Juris & Theologiæ periti-
tiam, celebritate, duo tamen sunt quæ ipsi obijciuntur;
quodd multa ex Joannis Fasoli atque aliorum scriptis de-
prompta, Speculo suo ad verbum inferuerit; ¹ & quodd pro-
positis aliorum hinc inde sententiis, de judiciis, quæstio-
nes indecisas sæpè numero relinquat. Cæterùm ætate eos,
qui Durandum hunc paulò post trigèsimum ætatis annum
obiisse tradunt, perspicuè constat, ex iis quæ suprâ diximus
de diuturno tempore insumpto in componendo Speculo.
Nec minùs falluntur qui eum inter Dominicani Ordinis so-
dales numerant. Ejus hæc de Sacramento Eucharistiæ ver-
ba referuntur.

Verbum audimus :

Motum sentimus :

Modum nescimus :

Præsentiam credimus.

G A R S I A S H I S P A N U S .

Inter veteres Juris Canonici Interpretes à Joanne Andreæ
nominatur *Garsias Hispanus*, qui *Decretales* Interpretatus esse
dicitur, circa annum 1285. opere imperfecto: Summæ quæ
Pisanella vocatur quædam adjecit. *Glossas* quoque in Sextum
Decretalium edidit, Autore Felino ^m.

^m In cap. causam
quæ, de præscript.

C A P U T VI.

De Interpretibus Seculi XIV.

A R C H I D I A C O N U S .

IN his primum locum teneat GUIDO BAISIUS aliàs
de Bayso Patricius Regiensis, *Glossis* Joannis Teutonic
nonnulla addidit, suasque in Sextum Decretalium librum
Glossas edidit, quæ in pretio sunt, jus Canonicum Bono-
niæ interpretatus est, sub an. 1283 qua in urbe A R C H I -
D I A C O N U S creatus, ex ea dignitate cognomen apud po-
steros meruit. Celebrantur imprimis ejus Commentaria in
universum Gratiani *Decretum* anno 1300. absoluta, cui operi

à doctrinæ quasi fragrantia inditum *Resarii* nomen. *Decretales* quoque interpretatus est eodem tempore quo Boatinus Mantuanus. Opera Venetiis edita sunt magna ex parte, anno 1580. Neque exiguæ fuerunt autoritatis. Observat quidem Cæpolla cum circa verborum ^a significationes, magis quam circa res decidendas versatum esse; At Felinus ^b eum tantâ eruditione in VI^m. *Decretalium* scripsisse tradit, ut ejus opiniones ibi relatæ cæteris præponderent. Joannes autem Andreæ Archidiaconi discipulus, fateetur se propè invitum ab eo ad Doctoris gradum fuisse gratuito promotum, quem propter inopiam petere non audebat: idcirco hic postea præceptori suo tantum detulit, ut ipsius *Glossas* se pro textu habere professus fuerit ^c.

^a De Verbor.
signif. n. 29.

^b In cap. 1. de
constit.

^c In prim. Sexti

D I N U S.

DINUS, sive Dynus, *Mugellanus* cognomine à Mugello agri Florentini oppido, professorum Juris Bononiensium suo tempore præstantissimus, à Bonifacio, non obscurâ spe Cardinalatus injectâ Romam evocatus, unâ cum Ricardo de Petronibus *Sextum Decretalium* elucubravit, quem & mandato ipsius Bonifacii primus post Archidiaconum illustrasse dicitur. Spe honoris, quem animo præceperat, delusus, ex mœnore decessit Bononiæ, anno 1303. ut scribit Forsterus.

JOANNES MONACHUS.

Natione Gallus, Patriâ Ambianensis, *Joannes Monachus*, Cisterciensis Ordinis, primus in *Sextum Glossas* nemini dicatas vulgavit, concurrens cum Joanne Andrea: postea Joannes *Cardinalis* creatus. Apud Philippum Pulcrum Francorum Regem, an. 1303. Bonifacii 8. Legatum egit ^d. Scripsit Opusculum cui titulus *Defensorium Iuris*, ubi reos docet quâ ratione se se adversus actores tueri debeant. Pontificum etiam *Extravagantes* sive Constitutiones nondum in corpus Juris relatæ, interpretatus est. Idem Parisiis Collegium in gratiam studentium in hac Academia fundavit, anno 1302. quod hodieque *Cardinalis Monachi* dicitur: in ejus ædícula humatus, hoc appposito titulo: *Hic jacet JOANNES MONACHUS, Ambianensis Diæcesis, Tituli Sanctorum Marcelli & Petri Præpositus Cardinalis fundator istius Domus: Qui obiit Ave-*

^d Felinus in cap.
solito, de majorit.
& obed.

nione anno Domini 1313. die 22. Augusti. Sepultus fuit hic primâ Die mensis Octobris anno

JOANNES ANGUISOLO.

Cæsenz in Flaminia natus *Ioannes Anguissola*, Patavii primùm, deinde circa annum 1300. Bononiæ jus pontificium cum laude enarrasse memoratur. Ex ejus scriptis vix aliud superest, quàm liber de *Sponsalibus ac Matrimoniiis*, quem Joannes Andreæ sibi vindicare non est veritus, si Alberto Gandino Anguissolæ Auditori fides habenda.

JOANNES DE DEO.

Bononiæ quoque per ea tempora professus fuisse dicitur JOANNES DE DEO, genere Hispanus, Philosophiæ laude insignis, & Juris Canonici interpretes eximius. Scripsit *Summam Cavillationum* in septem libros digestam. Decreti etiam ac Decretalium *Indicem* confecit, in quorum utroque Consonantes Canones, cum variis quæstionibus collegit.

JOANNES ANDRÆ.

Ex Andrea Patre & Matre Novellâ nomine Mugelli, in agro Florentino natus est hic JOANNES, ac de patris nomine ANDRÆA, cognomen sumpsit. Patrem constat Presbyterum fuisse, an filium antè, an post Sacerdotium genuerit, incertum.

Præceptores habuit in Jure Civili Malumbram, & Martinum Silimanni, in Pontificio Guidonem Baisum Archidiaconum, quem præcipuè coluit, ut à nobis dictum est. Circa annum 1330. Patavii docuit, Pisis etiam professus: Inde Bononiam revocatus, interpretandis per annos propè quinquaginta Decretis Pontificum, Clarissimus inter Interpretes evasit. Austerâ admodum vivendi formâ usum memorat Volaterranus. Precandi etiam admodum studiosus, ac moribus incorruptus fuit. Cæterum notatur perpussilla ejus statura.

Glossæmata primò in *Sextum* Decretalium scripsit post Archidiaconum præceptorem suum: eaque secundis curis interpolavit auxitque: deinde in *Clementinas* scholia scripsit, quæ contextui annexa, pro glossis leguntur. Postremò in Gregorii IX. *Decretales* commentarium edidit sub *Novellarum* titulo: quod matris & filii honori dedit: utraque enim Novella nomine dicebatur, Hoc ejus opus à Baldo mirum

in modum laudatur ^e. Scripsit & in *Regulas Sexti* & quas vocavit *Mercuriales*. Gulielmi præterea *Durantis speculo* non pauca anno 1347. addidit ; ex Oldradi consiliis ad verbum ferè descripta. Sed & Libellum de Sponsalibus & Matrimoniiis sibi adscripsit, quod Joannis Anguissolæ opus fuisse existimatur , quapropter, furtis hujusmodi competitis , insignis alienorum laborum fur nominatur à Baldo antè laudato ^f.

^e In prælud. seu dor.

III. Aliorum opiniones plerumque recitat, pauca de suo proferre solitus : ubi tamen opinionem suam promit ac firmendam suscipit , magno atque acri judicio eam corroborat, ut Abbas & Felinus aliique notarunt ; undè non mediocris habetur ejus in consulendo & judicando autoritas. Tubam & Patrem Juris Canonici vocant Aretinus, Cursius uterque & Baldus. Summus Pontifex, Bonifacius opinor 8^{us}. cum ad se Legatum, *Lumen mundi* salutasse fertur ^g. Tandem post quadraginta quinque annorum professionem grassante peste abreptus est, anno Christi 1348. quod ipse priore anno, vaticinatus fuisse videtur in additionibus ad speculatorem ^h, Bononiæ sepultus in æde S. Dominici hoc adjcto Epitaphio.

^f In addit. ad spec. de concess. præb.

^g De eo Judicium, & mors.

^g Sylva Nupt.

^h De filiis prætorum.

*Hic jacet Andreas notissimus orbe Ioannes ,
Primo qui Sexti , Clementis , atque Novellas ,
Hieronymi laudes , speculique jura peregit ,
Rabi Doctorum , lux , Censor , normaque morum
Occubuit anno præ dira pestis , M. CCC. XLVIII.*

GUILLIELMUS DE MONTE LAUDUNO.

Circa annum Christi 1346. memoratur *Guilielmus de Monte Lauduno* Philosophus , & Cononici Juris in Academia Tolosana Celebris Professor , Arnulfo Ruseo , Philippo Probo in tractatu juris Regaliæ, ipsique sexti Libri Decretalium Glossæ laudatus : scripsit enim lecturam in eum Librum, & præterea Apparatum Constitutionum Clementis Quinti , & super Extravagantes Joannis 22. ac librum de Sacramentis, quæ adhuc (opinor) inedita omnia latent in bibliothecis à Stephano Baluzio indicatis ad Caput quartum libri 6. de concordia sacerdotii & Imperii. Addi potest ex Forstero summa de casibus.

JOANNES CALDERINUS.

Joannes Calderinus patriâ Bononienfis , quem ob mo-
Gggg iij

rum elegantiam & singularem probitatem Joannes Andreæ, Boniconito mortuo, in filium adoptavit, atque ut Abbas scribit, Novellâ filiâ uxore traditâ generum fecit. Clementis VI. Pontificis Maximi Consiliarius fuisse fertur. De interdicto etiam Ecclesiastico librum & Decretalium indicem scripsit. Decessit Bononiæ, & in æde B. Dominici est tumulatus in marmoreo sepulcro, circa annum 1350. aut 1360.

Præter Commentaria in libros Decretalium, Decisiones, Consilia, & alia de quibus Simlerus in Epitome, extratejus Tabula continens autoritates & sententias Bibliorum, prout in compilationibus Decretorum & Decretalium inducuntur secundum ordinem Alphabeti, emendata à Thoma Dumbergio Memmingo Spirensis Civitatis Consule, excusa à Petro Drach anno 1481.

L A P P I D U O.

Duo fuere per hæc tempora Lappi, Juris peritia celebres: ambo Florentini, prior T U C T U S Podieboncius Abbas fuit sancti Miniati, & super sexto Decretalium & Clementinis scripsit, & librum de permutatione beneficiorum à Friderico Petruccio Senensi in lucem emissum, non paucis adjectis ampliavit.

Alter Lappus Castilioncius, cum Oldrado à Ponte Romæ Advocatum Consistorialem egit, circa annum salutis 1346. Conscripsit Allegationes & Tractatus duos, alterum de Xenodochiis, sive Hospitalibus, qui instat Commentarii est ad titulum de religiosiis domibus.

J O A N N E S L I G N A N U S.

Pauli Leazari discipulus fuit J O A N N E S à L I G N A N O Agri Mediolanensis oriundus, undè & nomen sumpsit. Urbani V. Pontificis jussu, circa annum 1365. conscripsit librum de *Pluralitate beneficiorum*, cui & alios adjecit de *Permutatione*, de *Horis Canonicis*, de *Censura Ecclesiastica*, atque *Interdicto*, de *Duello*, de *Hæresibus*, & de *Represaliis*. Quædam etiam ab aliis in Clementinas annotata confusè & negligenter congestit, ut observat Card. qui eum Interpretum Juris Pontificii principem habitum fuisse affirmat. Ejus *in omnes Decretales* Commentaria Patavii servantur in majoris templi Bibliotheca. Orto inter Urbanum & Clementem VI. schismate causam Urbani scriptis defendit; Obiit anno Christi 1368.

In præm. Card.

Præm. in Clementinas,

BALDUS UBALDUS.

Perusii natus est Baldus de Ubaldis, Patre Francisco Medicinæ atque Artium Doctore & Castellorum quorundam Comite, à prima pubertate Bononiæ juri operam dedit, Bartolo Præceptoris suo æqualis aut Superior, cujus sæpe numero opiniones refellit, docuit in patria ac deinde Pata-vii, ac tandem Ticini, ubi obiit anno 1400. 28. Aprilis, sepultus in conventu Fratrum Minorum, cum frater ipsius Angelus studiorum Comes, nec minus inrer juris Professorum nobiles, Florentiæ eodem anno decessisset.

Præter quinque Responsorum volumina, aliaque opuscula, Commentarios scripsit, quibus totum ferè jus utrumque multùm illustravit, nimirum subtilis à quibusdam habitus. Allegantur etiam quædam nondum prælo subjecta, veluti liber quem *Peculium* inscripsit & tractatus de Illustribus utriusque juris Doctotibus, sive de *commemorationsibus famosissimorum Doctotum in utroque jure*. Opusculum cui titulum fecit *practicam* juris utriusque, seu *Compendiosam* Angelus Aretinus Tancredo adscribit, Baldus tamen ipse sibi vindicat.

HENRICUS BOICH.

Hoc seculo Jus Canonicum Parisiis ingenti cum laude profitebatur HENRICUS BOICH, Brito, è Diœcesi Leonensi, ut ipse testatur in principio Commentariorum suorum: unde Corrigenda est Venetæ anni 1576. ipsius operum editionis inscriptio, ubi Lugdunensis dicitur, errore ducto ex affinitate nominum quibus Civitates duæ in Gallia vocantur: Lugdunum enim vulgò *Lyon* dicitur; Britannica verò Civitas *Leon*, sive *S. Paul de Leon*. Porro Henricus ille Boich Capellæ sancti Yvonis Parisiensis Præfectus fuit, multaque ex ejus Commentariis, sive *Lectura*, ut ipse vocat, *in quinque Libros Decretalium*, quam se in scholis Parisiensis anno 1349. consummasse testatur, mutuatus est Guymerus, de quo infra: is enim ab hoc sub *Henrici* nomine laudatur.

CAPUT VII.

De iis qui Seculo XV. jus Canonicum scriptis suis illustrarunt.

PETRUS ANCHARANUS.

PETRUS DE ANCHARANO, nomen sortitus est ab Ancharano Farnesiorum Castello, undè ipsi Origo: Baldi auditor. Bononiz jus Pontificium cum Antonio Butrio, deindè Patavii Digestum vetus & novum explicuit. Demum Bononiam reversus soli juri Canonico exponendo operam dedit, Senis quoque Decretales per triennium interpretatus. Magnæ vir integritatis, & exacti judicii, ideoque à Principibus viris in Consilium sæpè adhibitus, Compatriem habuit Zabarellum Cardinalem, tandem Collegium pauperum studiosorum Bononiz instituit, quod ejus nomen hodieque retinet. Obiit circa annum 1415. sepultus in templo sancti Dominici, instaurato diu postea tumulo, inscriptum est carmen hoc initio.

Canonis hic speculum, Civilis & Anchora juris.

Egregios Commentarios reliquit in *Decretales*, *Sextum*, & *Clementinas*.

ANTONIUS BUTRIUS.

Ex Bononienſi quoque Agro prodiit *Antonius de Butrio*, Ancharani æqualis doctrinæ & honestâ conversatione petundè insignis, docuit Bononiz ac Ferrariz. Scripsit in *Decretales* & *Clementinas*, item *Consilia* & *duo Repertoria*; unum in jure Canonico alterum in jure Civili; fertur quoque ejus liber de Notario. Notatur ab Alexandro ejus scribendi ratio, quod sæpè adedè perplexè atque inordinatè sensus suos exprimat; ut vix ejus mens percipi possit. A Benedicto XII. in Gallias ad Regem, ob tollendum schisma jam multis annis ortum, Legatus missus, morte præventus, optatum finem videre non potuit. Obiit anno Christi 1408. atque in patriam relatus, extra urbem ad Sancti Michaëlis conditus est.

ZABARELLA.

ZABARELLA.

Ex Sabadinorum Bononiensium stirpe natus Patavii *Franciscus de Zabarellis*, qui peractis, in utraque Academia juris studiis, Patavii jus Canonicum interpretatus est, atque inter sui temporis Professores maximè enituit: translata autem in Venetorum ditionem Patavinâ Civitate, quindecim Legatorum ad jurandam Reipublicæ fidem destinatorum Princeps, Patriæ vexillum duci Venetiarum obtulit. Florentiæ quoque docens magno in pretio fuit: à Joanne XXIII. Archiepiscopus Florentinus ac postea Cardinalis pronuntiatus; à quo ad Concilium Constantiense Legatus, ejusdem abdicandi autor fuisse memoratur: post electum Martinum VI. decessit, an. 1417. ætatis 78. vel, ut alii scribunt 80. Cadaver ipsius in Patriam delatum, magno cum Cirium luctu conditum est in Majori templo ad lævam sacelli sub titulo Beatissimæ Virginis dicati.

Vir fuit animi recti, suavissimæ consuetudinis, & integerrimæ castissimæque vitæ, somni parcissimus, & in sumptu domestico, admodum moderatus, in pauperes profusus, familiaris & discipulos ad bonos mores hortari solitus. Luculenta *Responsa*, atque egregia in *Decretales*, & in *Clementinas Commentaria* reliquit, ac de *Horis Canonicis* librum. De liberalibus etiam *Artibus*, & *Naturali Philosophiâ* quædam opuscula scripsit. Citari solet sub titulo *Cardinalis*.

ZENZELINUS ET PAVINUS.

Omittendi non sunt Glossatores Minorum Compilationum, *Zenzelinus de Cassanis*, natione Gallus, aliis *Genzilinus*, qui in *Clementinas Commentaria*, & in *Extravagantes Joannis 22.* Glossas edidit. Eum secutus *Ioannes Franciscus Pavinus*, sive de Pavinis, qui in sacra Theologia versatus, & Canonicus Paduanus creatus, cum in patria per aliquot annos docuisset, à Paulo 2^o Romam vocatus est, & Palatii Apostolici Causarum Auditor est factus, circa annum 1466. In Joannis 22. & aliorum Pontificum *Extravagantes* scripsit: de Officio & potestate *Capituli* sede vacante, de *decimis*, de *charitativo subsidio*, de *visitatione Episcopi*, aliaque opuscula composuit: Romanæ quoque Rotæ *Decisiones* diligenter collectas, in unum volumen redegir. Tradit etiam

Hhhh

Joannes Bertachinus Justiniani *Novellas*, ab eo admirabili opere fuisse ordinatas: quæ tamen nunquam visæ. Decessit Romæ, sepultus in æde sacra, cui nomen ab Ara cœli.

Ante hos *Stephanus* Provincialis, Juris Professor apud Montem Pessulanum, Commentaria in posteriores *Compilationes* ediderat, quæ cum Joannes Andreæ vidisset, interpolata scriptis suis addidit, teste Cardinali Zabarella in præmio Clementinarum.

RODULPHUS.

Florentiæ natus ex clarissima stirpe *Laurentius Rodolphus*, ibidem jus Pontificium interpretabatur, anno 1404. ubi egregium Commentarium in *Decretum*, eximiumque de *Usuris* tractatum edidit: à Florentinis Legatus missus ad Venetos anno 1425. auxilium adversus Philippum Vicecomitem Mediolanensem ab invitis impetravit, acutâ proprii eorum periculi admonitione.

DOMINICUS A SANCTO GEMINIANO.

Inter claros Antonii Butrii Auditores, fuit *Dominicus à Sancto Geminiano*, sic dictus ab ejus nominis Castello in Tuscia: Bononiæ professus circa annum 1410. claruit præcipuè in Pontificii juris interpretatione; scripsitque tum *super secundo & tertio Decretalium*, tum *super Sexto*, feruntur & ejus *Consilia* sive *Responsa & Repertorium* juris: Postremò Romæ Auditor Cameræ, singulari æquitate jus dixit.

PANORMITANUS.

Nicolaus Tudischus, sive de Tudeschis, Catana in Sicilia obscuris natalibus ortus, sancti Benedicti habitum ab ineunte ætate suscepit, ut ipse de se testatur ^a. Bononiæ deinde juri operam dedit, atque imprimis Canonico, idque sub Zabarella, à quo jam Cardinali Lauream Doctoris est consecutus. Indè ab anno 1421. Senis, Parmæ ac tandem Bononiæ, assignato octingentorum Aureorum stipendio, jus Pontificium magna cum laude interpretatus est. Interim à Martino V. donatus est *Monicensi* Abbatia in diocesi Messanensi: atque hinc *Abbatia* cognomen tulit, sed cum addiòplerumque *novi* sive *recentioris*, aut *Siculi*, ad antiquioris alterius Abbatis discrimen. Tum Referendarii & Cameræ

^a In Cap. Cav-
sam, de judiciis.

Apostolicæ Auditoris Generalis, ac demum Archiepiscopi Panormitani dignitate auctus est: undè *Panormitanus* vulgò dici solet. Ab Alphonso Aragonio Legatus ad Concilium Basileense, partes Eugenii Quarti egregiè defendit: quàs postea intervenientibus inter Regem Aragoniæ & Eugenium novis offensis, impugnavit; atque in ea Synodo variè nec laudabiliter se gessit. Ab Amedæo Sabaudix Duce, qui summus Pontifex sub Felicis IV. nomine in ea renunciatus est, *Cardinalis* dignitatem accepit; cui ut renunciaret adduci nunquam potuit: quamvis abdicante pontificatum Amedæo. Obiit anno 1443. Ejus Commentaria in *Quinque Decretalium Libros & Clementinas, septem tomis edita habentur. Tomus octavus Consilia, Quæstiones subtiles, Præcticam* in Curiis observari solitam, & repetitionem in Caput *per tuas extrà de Arbitris*: Nonus denique *Thesaurum* continet singularium in jure Canonico *Decisionum*, conscriptum in Concilio Basileensi, atque ordine Alphabetico dispositum, & alia quædam. Scribit Forsterus extare Panormitani Librum *de potestate Pontificis, Imperatoris & Concilii*; ac *Defensum* ab eo præterea libro singulari *Concilium Basileense*.

JOANNES AB IMOLA.

JOANNES AB IMOLA nomen sortitus à patria, Romanodiolæ civitate, quæ olim forum Cornelii, nunc *Imola* dicitur. Auditor fuit Antonii Butrii & Petri Ancharani, quantum ad jus pontificium. Patavii, Ferrariæ, ac tandem Bononiæ docuit, abrogato Bononiensium decreto, quo constitutum fuerat ut in ea Academia solícives, exclusis exteris, docerent. Quamvis de jure interrogatus aliquando obmutuerit, in pretio tamen supra reliquos ætatis suæ Doctores fuit; & in utroque jure excelluit, adeò ut ejus opiniones præ aliis recipiantur: gravis certe Bartoli censor habetur. Exultà fortè cum ædibus bibliothecà, scripta à se elaborata amisit: sed ea magna postea ex parte iteratis laboribus reparavit. Extant in jus Canonicum Commentaria *ad tres Decretalium Libros, ad Sexium Decretalium & Clementinas*; præter *Consilia & Repetitiones quasdam*. Obiisse traditur Bononiæ anno 1436.

GUIDO PAPÆ.

Videtur GUIDO PAPÆ jus Pontificium Gratianopoli

H h h h ij

professus, eoque nomine in Consilium Delphinale allectus, quod postea Parlamenti nomen à Ludovico Delphino accepit anno 1454. Præter *Decisiones* Senatus Gratianopolitani, libellum etiam de *Rescriptis* composuit, iremque opuscula de *Præsumptionibus*, *Appellationibus* primo secundoque *Decreto*, & egregia *Responsa*. Obiit jam senior circa annum 1485.

JOANNES DE ANANIA.

Oriundus *Anania* Campaniæ Romanæ Civitate hic JOANNES, Bononiæ diu professus: inrer alios Alexandrum Tartagnum & Andream Barbatiam Auditores habuit: Religionis & Theologiæ non minùs quàm juridicæ scientiæ nomine commendatus: undè à Bartholomæo Socino vir scientiæ & conscientiæ vocatur. Et verò nulla unquam ex causa consuetas preces aut sacra intermisisse memoratur. Tandem Bononiæ Archidiaconaru decoratus, ibidem obiit fermè octogenarius an. 1458. In *Quintum Decretalium* librum commentaria, atque erudita *Responsa* conscripsit, quæ diu apud Barbariam, aliosve suppressa, publici tandem juris facta sunt à Ludovico Bolognino.

JOANNES A TURRE CREMATA.

Ab oppido Hispaniæ in Regno Castellæ ac Diœcesi Palenrina, quod vulgò *Torquemada* ortum ex nobili familia, & cognomen sumpsit JOANNES A TURRE CREMATA. Religionem Prædicatorum professus est apud Vallisoletum seu Vallem Oleti, vulgò *Valladolid*, Theologiæ & Juris studiis excultus, multa in utroque genere scripsit. Imprimis Gratiani Decretum ab anno 1449. Romæ per quinque & viginti annos interpretatus est: *Quæstiones* canonicas Theologorum more tractans, vestigiisque sancti Thomæ Aquinatis insistentes. Extant præter quinque volumina *Commentariorum in Decretum*, *Summa de Ecclesia*, & ejus autoritate *quatuor libris*: de Pontificis Maximi Conciliique autoritate ad Basileensem Oratorem *responsio*: in *Psalterium Davidis*: *Sermones de tempore & de sanctis*: de *Aqua Benedicta*: De *veritate Conceptionis Beatissimæ Virginis Mariæ Tractatus in 13. partes divisus*: *Commentaria in Regulam S. Benedicti*. Constantiensi & Basileensi Conciliis interfuit, atque ob præclaram doctrinæ ac pietatis famam, sancti Sixti Presbyter *Cardinalis* ab Euge-

nio 4^o deinde à Pio 2. Sabinensis creatus Episcopus, decessit an. 1468. ætatis 80. Romæ in Basilica S. Mariæ supra Minervam, quam suis sumptibus refecerat, marmoreo Sepulchro conditus in Sacello B. Virginis Annunciatæ, cujus celeberrimam societatem collocandis in matrimonium per singulos annos puellis instituit.

ANDREAS BARBATIA.

ANDREAS BARBATIA, quibusdam *Barbatus* & plerumque à patria *Andreas Siculus*, anno 1448. Bononiam profectus, sub Joanne Imolenfi & Joanne Ananienfi utriusque juris studiis est initiatus. Ferrariæ ac deinde Bononiæ primò jus Pontificium, deinde etiam Civile docuit, magnâ nominis celebritate: in hoc Alexandrum Concurrentem sive Antagonistam habuit, quem memoriæ præstantiâ magis quam judicio superavit. In tantum enim memoriâ valuit, ut quæcumque legerat retinere diceretur, & de re quavis ex tempore differeret: sed ambitione immodicâ & ingenii levitate receptas verasque Opiniones summo studio impugnare conatus est, aded ut ea de causa sæpè delirasse dicatur. In jure Canonico Bartholomæus *Bellencinus* Mutinensis Antagonista fuit Barbatia, cui impingitur à Felino furti vitium. Obiit circa annum 1482. Sepultus Bononiæ apud S. Petronium. Extant ejus in primam & secundam partem *Primi Decretalium* Libri, itemque in primam & secundam *Secundæ* ampla Commentaria, itemque Lectura in *Clementinas*, aliæque Parisiis & alibi edita.

PHILIPPUS FRANCUS.

PHILIPPUS FRANCUS Perusinus, in patria diu jus Pontificium professus, deinde Ticinum evocatus, magna nominis fama claruit, circa annum 1460. Habentur erudita ejus in *Decretales* & *Sextum* Commentaria.

PRÆPOSITUS.

Joannes Antonius à S. Georgio, Placentinus, & Patricius Mediolanensis, anno ætatis 28. Ticini profiteri cepit: deinde Præpositus fuit ædis Ambrosii apud Mediolanum: unde ipsi inditum PRÆPOSITI cognomen: tum ab Innocentio 8^o. ob doctrinæ ac sanctitatis celebritatem Auditor sacri Palatii

seu Rotæ, ac Referendarius Apostolicus; postea Alexandrinus in Longobardia Episcopus, ac tandem anno 1493. Presbyter *Cardinalis* est renunciatus sub titulo Sanctorum Nerei & Achillei. Extant ejus Commentarii in *Primis duodecim Causas Decreti*, cujus & primam partem interpretatus dicitur, quemadmodum & *Clementinas*: habetur etiam in hominum manibus Interpretatio ejus in *Quartum Decretalium*. Obiit anno 1493.

GUYMERIUS.

Cosmas Guymier Parisinus, Canonicus primùm fuit Ecclesiæ Collegiæ B. Thomæ ad Luparam, ac postea Decanus Ecclesiæ itidem Collegiæ sancti Juliani Laudunensis; ac privilegiorum Apostolicorum Academiæ Parisiensi concessorum, Conservator ab Episcopo Meldensi dictus: tandem sub annum 1500. Senatoris & in prima Inquisitionum classe Præfès à Ludovico XII. creatus, Regnante Carolo 8°. *Præmaticam* Caroli VII. *Sanctionem* eruditis Glossis illustravit, quas in scholis Juris Parisiensibus dictavit, ediditque anno 1486. Frustrà Carolus Molineus hujus operis laudem à Guymerio ad Antiquiorem Advocatum, nomine, *Mareschal*, derivare conatur: contrarium enim evidentissimis argumentis demonstrat Vir Clarissimus Franciscus Pinsonius in præfatione novissimæ illius operis editionis, quæ anno 1666. Parisiis prodiit, cum Philippi Probi additionibus, aliisque Selectis monumentis eam ad rem accommodatis.

FELINUS.

Ex nobili Sandeorum familia, Parentibus Ferrariensibus à Felina, Castro Agri Regiensis ubi casu natus est, nomen sortitus FELINUS *Sandæus*, Ferrariæ primùm docuit jus Pontificium; postea Pisis jus Civile est interpretatus, concurrentibus Francisco Aretino & Bartholomæo Socino. Philippi Decii aliquandiu familiaris, adè ut ejus opera in solvendis aliquot legum nodis usus dicatur. Inde ortâ similitudine Felinus an. 1488. Romam se contulit, ab Innocentio 8°. Auditor declaratus. Ejus discessum ægrè ferentes Academiæ Pisanae Præfecti: Decium dimiserunt, qui Senas migravit. Felinus multi laboris & multæ lectionis, potius quam magni acuminis habitus, à receptis Majorum opinionibus raro disce-

dit, sed & raro utilia prætermittit. Ecclesiæ Ferrariensis Canonicus, ac tandem Lucensis Episcopus creatus, decessit anno 1503. Nota sunt ejus in *Decretales* monumenta.

GAGUINUS.

Inter egregios sacrorum Canonum professores, floruit hoc seculo in schola Parisiensi Robertus GAGUINUS in Atrobatum finibus natus, religiosum Ordinem SS. Trinitatis ab adolescentia ingressus, in Nipensi ejus ordinis Cœnobio: inde Lutetiam, studiorum causâ, missus, omni literarum genere mentem excoluit. Sed Juris potissimum Canonici peritiâ claruit: imò Theologus, Jurisconsultus, Orator, Poëta, Historicus habitus, eoque nomine Trithemio & Erasmo laudatus: anno 1473. Ordinis sui Generalis Præfectus est electus: deinde variis legationibus pro Carolo VIII. & Ludovico XII. Regibus decoratus.

Præter Historiam Francorum libris 12. exaratam, aliaque monumenta, scripsit, quod ad nostrum facit institutum, Tractatum de *variis in Ecclesiâ Dei Ordinibus*. Sæpius Decani munere functus in facultate Juridica. In fine ultimi sui Decanatus Triennalis hæc adscripsit, *die Veneris 13. anno Domini 1500. & paulò post, & eodem die reposui officium Decanatus in manibus Domini Nicolai de Conty Decani naturalis Facultatis: qui annus erat mihi Iubileus, quia ego fueram Regens in ipsa Facultate annos 20. & compleveram Iubileum annum, secundum statuta Facultatis. Qua postea sequentur, prospera faciat Deus Amen. Robertus Gaguinus septimo. & sexagesimo ætatis meæ anno hæc scripsi.*

Obiit die Sabbati 22. Maii anno 1501. De ejus exequiis hæc in Tabulario 2°. Facultatis nostræ leguntur scripta nomine Dionysii Allegret Decani in actu. *Dominica XXIIE. delatum est ejus cadaver, assistentibus Dominis, in parte anteriori de Conty. & Me: & in posteriori Dugast & Dorigny tenentibus extremitatem Pallii.*

Erant eo tempore Doctores Consultissimæ Facultatis actu Regentes, præter Joannem Picard, aliosque qui diuturnâ antecessurâ functi, & per eam Senatorum in supremâ Curiâ honorem adepti; postquam utrumque officium conjunctim plures per annos exercuerant, in Senatoria dignitate senescentes conquiescebant: Erant, inquam, Doctores Re-

gentes *Nicolaus de Conty* Decanus naturalis sive Primicerius, *Dionysius Allegret* tunc Decanus in actu, *Claudius de Hangeſt* Senator, *Simon Dugaſt* (cujus Fratris filius Robertus, postea ipse quoque Doctor ejusdem Facultatis, Collegium sanctæ Barbaræ extruxit ac dotavit) & *Nicolaus Dorigny*, quem proximo ineunte Junio, inter tres è numero Advocatorum à Curia, pro illorum temporum more, nominatos, à Rege delectum & receptum in Consiliarium Curie Parliamenti, testantur eadem scholæ nostræ monumenta. *Dorignius* autem ille, postmodum classis Inquisitionum Præses, cum anno 1560. jam nonagenario major, ad *Capitulum omnis utriusque sexus* concionem, secundum scholæ nostræ institutum, haberet, tantâ vehementiâ in erumpentes jam Sectatorum errores invehctus est, superante ætatem ardore religionis ac sanæ doctrinæ: ut deficientibus, hac animi contentione, viribus, eundem intra diem occubuerit.

Gaguini porro corpus terræ mandatum est in æde sacrâ Maturinensium suorum, ante majus Altare: legiturque pium ejus Epitaphium ab ipsomet compositum, supra januam sacrarii, eidem altari proximam: ubi coram Christo ad judicium sedente jacere humiliter cernitur, extremamque cum spe misericordiæ sententiam expectare, & his orat verbis:

*Christe salus hominum, meritorum aquisime Censor,
Servulus ecce tuus, jam Carnis lege solutus,
Dormit & expectat quo mentem examine verses.
Peccavi, miserere, nec horrida pende flagella
Criminibus, tua sum factura, perennis imago:
Quod fuis humanum Tellus vorat: accipe sanctam
Effigiem, Rex Magne, tuam; quam percipit hostis.
Tu vitam & mores, tu mentis condita nosti,
Omnia sunt in spe, tantum miserere Gaguino.*

Est autem admodum notatu dignum quod ab erudito ac religioso viro Jacobo du Breul Congregationis sancti Mauri monacho memoratur*, cum juxta Gaguini sepulcrum locus humando alteri cadaveri effoderetur, apparuisse integrum post novem & quadraginta annos ipsius corpus, ac permisso Theobaldi Musnier, avulsam à trunco caput à Jacobo Bourgeois Ordinis per Picardiam Provinciali & Cœnobii

* Antiquit. Paris. lib. 2.

Cœnobii Duacensis Ministro, ut vocant, ad suos delatum; ubi in bibliotheca, excavato ea de causa muro, inclusum, per fenestellam crate munitam visatur.

CAPUT VIII.

Seculi XVI. Interpretes & Doctores.

DECIUS.

TRISTANO de Dexio, Cive Mediolanensi nati sunt celebres duo Jurisconsulti, Lancelottus & Philippus. Prior justis Nuptiis procreatus, Ticini & Pisis Jus Civile professus est. PHILIPPUS ex Concubina ortus, anno 1454. grassante Mediolani peste, Ticinum ad Fratrem secessit: quem & Pisas vocatum à Florentinis, secutus est; & utrobique profitentem quæstionibus suis fatigavit. Pisis itaque valde juvenis docere cepit: ubi cum Felino concertans, ei causam discedendi præbuit: ipse ea de causa dimissus, Pisas postea revocatus, tum ad Patavinum studium à Venetis conductus, tandem Ludovico XII. Francorum Rege cum velut subiectum vendicante, Ticini docuit duorum millium florenorum honorario. Deinde ob consultationem pro Concilio Pisano editam, Ticino per Episcopum Sedunensem, Helvetiorum in Gallos concitatorum Ducem, capto, ingentem fortunarum jacturam fecit; direptis ædibus atque asportatis è bibliotheca quadringentis Commentariis, præter alia volumina: unde in Galliam migrare coactus sub annum 1510. à Rege Senator Gratianopolitanus cum ducentorum quinquaginta aureorum honorario est designatus: inde Valentiam, auditoribus ferè destitutam, translatus, assignato quingentorum Aureorum stipendio: dein pari præmio Romam accitus à Leone X. qui ipsius Auditor fuerat: tum revocatus à Francisco I. Demum Pisas cum octingentorum Aureorum stipendio conductus est: atque à Mediolanensi Senatu, & à Bononiensibus, ac Venetis mille Aureorum promisso stipendio frustra sollicitatus, multis annis ibidem perstitit, atque ad mille quingentorum aureorum honorarium pervenit. Capite exiguo, sed vultu decoro fuit: acumine ingenii singulari, dicte-

riis promptus, Auditoribus gratus, aliorum Doctorum invidiam sæpe concitavit. Concurrentes habuit præ cæteris Bartholomæum Socinum & Felinum; Franciscum etiam Soderinum, qui postea Episcopus Volaterranus ac tandem Cardinalis fuit; & Robertum Strorium Florentinum Pisani Archiepiscopi virescensentein. Nemo pluribus locis, aut diutius Jus utrumque professus legitur: tandem senio confectus Joannē Corasio insignia Doctoris traditurus, memoria lapsus defecit. Obiit Senis anno Christi 1535. ætatis 81. Translatus Pisas & magnifico monumento illatus, quod sibi candido è marmore, cum imposito simulacro apertum librum tenente, vivus paraverat, in campo quem Sanctum vocant, hoc adjecto Epitaphio.

Philippus Decius, sive de Dexio, Mediolanensis, Jurisconsultus celebri famâ notissimus: cum primum locum studii in jure Canonico, vel Civili tenuisset, Pisis, Senis, Florentia, Padua, Papia, ac demum ultra montes in Gallia; revocatus in Italiam ab excelsa Florentinorum Rep. posteaquam stipendium mille quingentorum aureorum in auro pro Lectura consecutus fuisset, de morte cogitans, hoc sepulchrum sibi fabricari curavit: ne posteris suis crederet.

Nota sunt ejus opera: in quibus non raro Interpretum sententiâs in alium sensum detorquet, & falsis aliquando citationibus utitur: Ejus tamen *in Decretales* Commentarii habentur inter primos.

ROCHUS CURTIUS, sive de CURTE.

Jasonis Auditor ROCHUS CURTIUS Ticinensis, Francisci Junioris aut frater aut fratris filius, in patria circa annum 1525. Jus Pontificium docuit: deinde Senator Mediolani est creatus, cum prius an. 1470. Guilielmo Marchioni Montisferrati à consiliis fuisset: ejus scripta videntur, de *Consuetudine* & de *jure Patronatus*.

P A R I S I U S.

Petrus Paulus PARISIUS Consentinus, docuit initio Romæ; tum Patavii sive Paduæ, ac Bononiæ: deinde Romam se conferens, Auditoris Cameræ Apostolicæ munus sibi comparavit: postea Mediolani Senator à Carolo V. Imp. dictus, &

Senis præfectus: tum patriæ Episcopus, ac tandem à Paulo III. Cardinalitia dignitate decoratus fuit an. 1536. Leguntur ejus *Consilia de re Beneficariâ*.

LUDOVICUS GOMESIUS.

LUDOVICUS GOMESIUS Hispanus Oriola, Regni Valentia Civitate oriundus, in Academia Patavina jus professus, circa annum 1522. deinde anno 1528. Romam profectus, Rotæ Auditor, ac demum Episcopus Sarnensis creatus, in Rotæ Auditoris munere Antonium Augustinum successorem habuit. In *Sextum Decretalium & Regulas Cancellaria Commentaria* reliquit: plura, ut creditur, additurus, si longius vitam produxisset.

SEBASTIANUS BRANT.

Argentorati in Germania natus, sub initium hujus Seculi SEBASTIANUS BRANT, hoc est latine *Titio*, multa scripsit, tum metro, tum prosa, imprimis autem quod ad rem nostram pertinet, *Breves utriusque Juris Titulorum Expositiones*.

ALCIATUS.

Andreas ALCIATUS Mediolanensis, apud Biturigas ab anno 1529 docuit, deinde Ticinum vocatus anno 1532. Primus post Guilielmum Budæum, aut eodem tempore cum Budæo, Jurisprudentiam, barbaro docendi genere antea involutam, humaniorum litterarum, tum Græcarum, tum Latinarum lumine illustrare, atque ad veros fontes revocatam, pristino nitore restituere cepit: habitus inter Juris Interpretes Doctissimus, & inter Doctissimos Juris Consultissimus. Obiit Papiæ anno 1548. Sepultus in æde Sancti Epiphani. Commentaria scripsit in aliquot Juris Canonici Rubricas & Capitula, nempe in *Rubr. & Cap. perniciofa*, & *Cap. quod sedem, de Offic. Iudic. ordinari. in Cap. cum non ab homine, & Cap. novis, de Iudic. in Rubr. & Cap. cum contingat, de Iurjur. in Rubr. & Cap. placuit, de præscriptionib.*

REBUFFUS.

PETRUS REBUFFUS, Apud Montem Pefullanum in Occitania natus, in patria, & Tolosæ Juri utrique operam dedit: tum in utraque illa Academia, atque in Pictaviensi legit

extra ordinem, professus Cadurci: anno 1527. Biturigis unà cum Alciato anno 1529. Parisiis denique anno 1534. instaurata Juridica facultate sex ordinariorum Doctorum Juris primus est renunciatus: ubi usque ad annum 1557. Jus & praxim Canonicam docuit magna cum laude. Reperiuntur ejus Repetitiones in titulum de *Causa possess. & propriet. in Cap. an sis deferendum, de appellat. in paragr. qui verò parochialem, Cap. extirpanda consuetudinis, de Prab. in Cap. nulla, de Concess. prabenda, in Cap. postulastis, de Clerico excommunicato, &c. in Cap. Rainutius, de Testam. in Cap. consulisti, & Cap. cum Martha, de celebrat. Missar. in Cap. omnis utriusq. sexus, de penitentiis; itemque in *Can. decernimus XVI. quæst. 7. in Can. si quis suadente VII. quæst. 4.* Præcipua ejus opera ad Beneficia Ecclesiastica pertinent, nimirum *Praxis Beneficiaria* quæ in tres partes divisa est, *Præctica Cancellaria Apostolica, & Additiones in Regulas Cancellaria: tum Commentaria in Bullam Cæna Domini & Bullam jejuniorum & supplicationum pro pace.* Commentaria quoque in *Concordata Francisci primi cum Leone X. Addendi Tractatus Congruæ Portionis Beneficiorum, Tractatus de Pacificis Possessoribus.* Ac præterea Tract. de *Decimis & aliis in quibus casibus Iudices seculares possunt cognoscere de personis Ecclesiasticis*, ac Tractatus specialis de *Iure Nominationum Academicarum.* Mitto Commentaria in *Regias Constitutiones*, & si quæ alia ad jus Civile aut Gallicum magis quam ad Pontificium referuntur. Obiit anno 1557. Sepultus in ædícula Collegii Augustodunensis Parisiis. Cum ordine receptionis Decanus esset inter Parisienses professores, Decanatum quoque in actu, electione Collegarum, per annos 15. continuavit, & post vicennalem in schola nostra professionem, *Comitis* titulo decoratus est. Secundum antiqua facultatis nostræ statuta, reformatis anno 1598. Henrici IV. Regis autoritate statutis renovata.*

Q U I N T I N U S.

JOANNES QUINTINUS Heduus, sive Augustodunensis, ordinis Hospitalariorum Joannitarum religiosus Presbyter, Melitâ redux, ubi in Magni equitum Magistri Lilladami Rhodopulsi familia, ei cæterisque ordinis proceribus carus, aliquandiu egerat, anno 1536. ordinarius Juris in

Academia Parisiensis Professor lectus, opera complura edidit: quorum hæc ad me pervenerunt. *Repetita Duorum Capitum Praelectiones, Capituli de multa providentia, de Præbendis & dignitatibus*, & Cap. novit, de iudiciis in antiquis: quarum alterâ Beneficiorum Ecclesiasticorum Ecclesiastica dispensatio designatur: Alterâ Christianæ Civitatis Aristocratia desideratur, Parisiis anno 1552. Octoginta quinque Regulæ seu *Canones Apostolorum*, cum vetustis Joannis Monachi Zonaræ scholiis Latinè modò versis, anno 1558.

Speculum Sacerdotii, sive Apostoli describentis Episcoporum, Presbyterorum & Diaconorum mores, *omniumque*, ex viginti quinque *Gratiani* Distinctionibus excerpta, Decretorum Parte Prima, de Clericorum moribus & singulari vita, anno 1559. *Synodus Gangrensis*, Sæculi præsentis errores, multasque multorum superstitiones & impietates condemnans; explicata Commentariolis ex Gratiani *distinctione* 30. anno 1560. *Hæreticorum Catalogus* & Historia, ex Gratiano, eodem anno. Agnovi ex scriptura & manu quâ Juridicæ Facultatis Parisiensis acta eorum annorum, magnam partem scripta sunt, ejus esse, versionem *Syntagmatis Canonum* Græcorum à Matthæo Blastare Monacho compositi, quæ in Bibliotheca Regia servatur: de qua, cum Græco (cujus in eadem aliisque Bibliothecis, multos Parisiis manuscriptorum Codices habemus) edenda & novæ Editioni, Græcorum Canonum græco-latine Collectionis, subjungendâ, egeram cum viro Clarissimo Claudio Carcavio ejus Bibliothecæ curatore: facturus libenter, nisi Guillelmus Beveregius Anglus, vir eruditus, utiliori suâ operâ, utraque hac curâ me, sub id tempus liberasset. Porro Quintinus ad Comitia Aurelianensia delegatus, elegantem habuit orationem. Obiit Lutetiæ 1561. terræ mandatus in Choro Ecclesiæ sancti Joannis Lateranensis, hoc superscripto Epitaphio.

*Celeberr. Jur. Docto. & ordinarii Lutetia Professoris Fr. Io.
Quintini Hedui.*

EPITAPHIUM.

*Quintinus Doctor, Librorumque hellæo summus,
Dum nulla dapis alterius tentatur orexi,
Dumque fidem pro qua calamo pugnavit, & ore
liii ii)*

*Fortiter, affligi videt, acrius & dolet, ex hoc
Orbe, invitis, non invitatus, migras anteis.
Obiit nona Aprilis 1561.*

CUCCHUS.

Antonius Cuccus, Juris in Academia Ticinensi Professor, imitatione Justiniani *Juris Canonici Institutiones* duplici opere composuit, breviori uno & concinno, altero majoris molis. Prius *Minores*, posterius *Majores Institutiones* quo tempore Tridentina Synodus celebrabatur, appellans.

LANCELOTTUS.

Eodem fermè tempore *Ioannes Paulus Lancelottus* Jurisconsultus Perusinus, non dispari Consilio, *Institutiones Juris Canonici* conscripsit, atque hortatu Pauli IV. Pontificis susceptas, Pii IV. auspiciis in vulgus emisit, circa annum 1560. paulò ante Tridentini Concilii exitum. Huic quamquam superstes per aliquot annos, nihil tamen ex novo per illud invento Jure adjiciendum operi suo, vel in eò immutandum censuit: sive laboris tædiò, sive alia ex Causa. Hæ Institutiones, pari cum Cucchianis Minoribus instituto nec multum dispari formâ, paulò fortè minus Elegantiæ, sed paulò plus perspicuitatis habent. Ordo non multum diversus: uterque vix ultra Decretalium & minorum Collectionum metas excurrit: quarum verbis pressius inhæret Lancelottus. Ex nostris in hunc Notis, aliquis antiquitatis Ecclesiasticæ gustus, & aliqua usus Gallicani Notitia amobus accedere poterit. Scripsit præterea Lancelottus de *Comparatione* Juris Pontificii ac Cæsarei & utriusque *Interpretandi ratione*.

CAROLUS MOLINEUS.

Carolus Molineus, Parisiensis, ineunte hoc seculo natus, haustâ Aurelii juris disciplinâ, inter Advocatos diu claruit, atque in pretio fuit, ad studium literarum magis quàm rei familiaris attentus. Inter initia Calviniani dogmatis, ejus particeps non abs re habitus est: quam opinionem liberioribus in Curiam Romanam dictis scriptisque confirmavit. Quamobrem solum vertere coactus, Tubingam

profectus est anno 1553. vocatus à Christophoro Duce Vvirtembergico, Consiliarii Ducalis, & primi juris Professoris titulo. Argentorati præterea & Dolæ honorificè à Senatu & Academiâ accitus, itemque Vefontione, sed velut in transitu, per dies aliquot professus, tandem in patriam rediit, anno 1557. ubi anno 1668. die 28. Decembris, postquam in manibus Parochi sui Francisci le Court, adstantibus Claudio Spensco & Renato Bonella Collegii Pleffiaci gymnasiarcha, errorem suum ejurasset, decessit: elatusque est sine pompâ in cœmeterium sancti Andreæ; uti ex mortuario ejus parochiæ tabulario, probat oculus testis V. C. Franciscus Pinssonius. Multa de jure Civili & Patrio scripsit: quod attinet ad jus Canonicum, circumferuntur in universum illius corpus Marginales Molinei *Annotationes*, tum scholæ, tum foro accommodatæ, *Commentaria* in tres *Cancellaria* Apostolicæ *Regulas* in Gallia receptas, itemque in *Edictum* Hentici secundi *contra parvas datas*. Extat etiam ejus consultatio de *Concilio Tridentino*, & *Unio quatuor Evangelistarum*, ac *Tractatus de Usuris*. Præterea Notæ in *Tractatum* Joannis Selvæ de Beneficiis. *Commentaria* in *Philippi Decii* ad jus Pontificium libros. Testatur ipse, expositam à se annum ætatis xxi. agente Arborem Consanguinitatis, tum Aureliis, tum deinde Parisiis in scholis juris, his verbis, *Ista duobus verbis complexus sum, dum interpretarer Arborem Aureliis anno Domini 1521. dicendo quod ascendentes nunquam representant descendentes, & quod descendentes in linea directa in infinitum representant, & quod Collaterales non representant ultra fratrum filios. Lecturam illam novem lectionibus in scholis Decretorum absolvi, brevi stylo sed ubere, raro tantum auditorio ob contemptum imberbis ætatis meæ.*

N A V A R R U S.

Martinus ab Azpilcueta ex Nöbilibus parentibus natus in Cantabrigia, circa annum 1490. Beati Francisci Xaverii Societatis Jesu fundatoris alterius, & magni Indiarum Apostoli, cognatus ac ferè æqualis. *Navarri* nomen sumpsit à Regione cui patrium oppidum contributum. Inter Canonicos Regulares professum se ipse testatur. Tolosæ imprimis juri utrique operam dedit; atque in ea urbe, mox *Salmancticæ*, deinde *Conimbricæ*, vocatus magno cum honore à

Joanne tertio Portugalliæ Rege, demum Cadurei jus Pontificium magnâ cum laude interpretatus est: donec ex illarum Academiarum Decretis rude donatus, à profitendi munere immunis pronunciatus est, dignusque visus qui eodem præmio imposterum gauderet, quo inter profitendum fruebatur. Inde Romam profectus, operosam atque honorificam, inter preces ac labores continuos mirâ abstinentiâ vitam longissimè produxit, valetudine inconcussa: quantum sibi parcus, tantum in pauperes effusus; ad extremos usque vitæ annos quotidie sacra celebrare solitus, quadragesimale etiam jejunium servabat, Romæ annos 17. quietem habuit sub Pio V. Gregorio XIII. & Sixto V. qui ejus sapientiæ gravissima quæque pœnitentium præsertim negotia committebant. Obiit anno 1586. die 24. Junii sepultus in templo sancti Antonii de Padua dicti in campo Martio, funus ejus celebrante Thoma Correa Lusitano. Permulta & præclara doctrinæ, ingenii ac judicii non vulgaris monumenta reliquit, quæ in tres Tomos divisa circumferuntur. Primo Tomo continentur Commentarius in Can. *inter verba* x1. quæst. 3. de Regularibus & Commentarii quatuor in Can. *nimirum cui portio*, & Can. *non dicatis* x11. quæst. 12. in Can. *nullam* xv111. quæst. 22. & in Can. *statutus* x1x. quæst. 32. *Ad principium* & *glossam summæ Causæ* x11. quæst. 22. & *ad Can. non liceat*, ead. *Causa* & quæst. *Ad Can. si feneraveris*, x1v. quæst. 32. *Ad Can. quoniam quidquid*, xv1. quæst. 12. *Ad Can. humana aures*, x11. quæst. v. *Ad Can. cum minister*, xx111. quæst. v. & *Commentarii in septem Distinctiones de Pœnitentia*.

In Secundo Tomo habentur *Consilia in omnes ferè Titulos Decretalium* Gregorii IX. in quibus plura, tum Decreti, tum Decretalium, Sexti & Clementinarum loca, speciatim explicantur.

In Tertium Tomum collata sunt ea Commentaria, quæ reliquis aliis sacratiora & mysteriis divinis propiora ad salutem cujusque & vitam æternam consequendam faciunt, & ad pietatem virorum, tam Ecclesiasticorum, quàm secularium conservandam & promovendam non parum juvant: Nempe *Enchiridion sive Manuale Confessariorum & pœnitentium* Capitibus septem & viginti absolutum. *Enchiridion seu Manuale aliud de Oratione, Horis Canonicis atque aliis*
divinis

divinis Officiis (ubi & Miscellanea quædam de Beneficiis)
 Commentarius de anno Jubileo, & *Indulgentiis* omnibus.

BALDUINUS.

Franciscus Balduinus Atrebas Antonii filius, natus 1520. Calendis Januariis, antiqua & nobili familiâ, Lovanii humaniorum literarum & jurisprudentiæ tyrocinium posuit. Deinde, cum aliquandiu in aula Caroli V. degisset, in Galliam profectus, cum Budæo, Baïso, aliisque viris eruditione claris, amicitia junctus, in Caroli Molinei etiam familiam venit. Hinc anno 1549. in Bituricensium Antecessorum Collegium cooptatus, exequente inaugurationis solemnia Eguiario Barone, ibi per septennium jus professus, Tubingam trans Rhenum evocatus est. Sed cum ex itinere accepisset Carolum Molineum eò reverti velle, Argentorati substitit: ubi anno uno jus Civile docuit: tum Heidelbergæ præter ordinariam juris professionem, Historiæ quoque docendæ munere functus est annis fere quinque. Dein cum in Comitatu esset Casimiri Comitis Palatini, in Lotharingiam à Patre Friderico missi, ab Antonio Borbonio Rege Navarræ adscitus in domesticam clientelam, tradito ipsius disciplinæ Carolo Regis filio naturali; & Antonius Rex ipsius operâ in Reipublicæ negotiis, & Religionis controversiis uti voluit. Id verò minùs æquo animo Calvinus tulit, sibi fortè à Balduino metuens, quem multorum suorum consiliorum conscium testemque habuerat: unde Calvini asseclæ invidiâ in Balduinum abrepti, multa in eum moliebantur. Fatetur^a Balduinus se cum illis errasse, & dum Calvino obsequitur, optimos adolescentiæ annos perdidisse. Cæso apud Rothomagum Navarræ Rege, Tridento, quò secesserat, in Galliam rediit Balduinus, fortunis omnibus exutus. Ad recens institutam Academiam Duacenam vocatus, ibi non diu substitit. Bellorum civilium metu pulsus excepit primò Lutetia, dein Andegavum. Unde post triennium, jussu Henrici Andegaviæ Ducis, in Poloniæ Regem electi, Parisios demum reversus, ibique altero post reditum mense fato functus est. Morienti oculos clausit Joannes Maldonatus Societatis Jesu Theologus & Professor eximius. Sepultus est in claustro Maturinensium juxta Joannis de Sacro Bosco tumulum, cum hoc Elogio & Epitaphio, merita

^a In responsione ad Calvinum Editâ Parisiis & Colonix anno 1562.

hominis & tempus mortis indicantibus.

Cujaci, BALDUINUS *hic jacet: Hoc tecum reputa & vale. Mortuis vobis jurisprudentiam corripit gravis sopor.*

FRANCISCUS BALDUINUS *Juriconsultus*, obiit anno ætatis 53. nono Cal. Novembris, à partu Virginis M. D. LXXIII.

Papirius Massonus Juriconsultus Balduini Auditor, tumultum posuit.

De ejus rebus scripsit pluribus versibus Joannes Auratus Poëta Regius.

Multa extant ab eo conscripta volumina: in quibus maxime operam dedit, ut Jurisprudentiam cum historia & humanioribus literis conjungeret. Ad institutum nostrum pertinent aliquatenus, *Constantinus* seu de Legibus Ecclesiasticis & Civilibus Constantini Imperatoris, quem Romani & Belgici Censores atque Autor ipse repurgandum censuere. *Leges & Edicta veterum Imperatorum, de Christianis.* *Historia Carthaginensis Collationis.* *Delibatio Africana Historia Ecclesiastica*, sive Optati Milevitani de schismate Donatistarum libri VII. *Victoris Uticensis de Vandallica persecutione Libri tres*, cum Prolegomenis & Annotationibus Balduini. Prolegomena in Minutii Felicis Octavium. Ipsi adscriptus est Libellus *de officio Pii viri & publicæ tranquillitatis amantis*, in hoc Religionis dissidio qui reverà Georgii Cassandri erat; Unde Calvinianorum in eum iræ. Ejus quoque nomine editum Argentinæ Libellum, *titulo Christianorum Juriconsultorum contra Duarenum*, supposititium ipse in Apologiis affirmat.

CASSADORUS ET GIGAS.

Guilielmus Cassadorus Episcopus Algarensis, sive Algeriensis in Sardinia, utriusque signaturæ Referendarius, & sacri Palatii causarum Auditor, *Decisiones* canonicas collegit, tum juxta Decretalium ordinem digestas ex quæstionibus suo tempore habitis, tam in signaturâ, quàm in rotâ, earumve observationibus, tum ad regulas Cancellariæ; quæ saltem per decem aut undecim annos elaboratæ videntur; ab anno scilicet 1513. ad 1523.

Hieronymus GIGAS Forosempronienensis, studuit Bononiæ, sub Joanne Croto de Monteferrato, Antonio Burgos Hispano, à quo Jus Canonicum audivit; & Hippolyto

de Marfiliis , à quo ad Doctoratus gradum est promotus anno 1514. Audivit etiam jus Civile per quinquennium in Gymnasio Perusino , sub Guilielmo Pontano. Ab eo egregium *de Pensionibus Ecclesiasticis* tractatum habemus , quem Benedicto Accolto Cardinali Ravennati , inscripsit anno 1542.

D U A R E N U S .

Duo è Minori Britannia celebres Jurisconsulti , Bituricensem Academiam hoc seculo illustrarunt ; *Eguinarius Baro* Leonensis , & *Franciscus Duarenus* Briocensis : initio discordes , sed postea ex mutua existimatione amicissimi. Duarenus ex Guilielmi Budæi familiaritate Græcis literis , & omni antiquitatum genere imbutus , eam notitiam ad jus utrumque dilucidandum contulit. Memoria minùs valuisse dicitur , ut vix nisi ex scripto Orationes , aut recitationes suas proferret : quod ejus famæ in exteris quas obivit Academiis , non nihil detraxisse tradunt. Inauguratus est apud Biturigas 6. Aprilis an. 1540. ut ex viti clarissimi Catherinot in Bituricensi prætura Regii Advocati per V. C. Franciscum Pinssonium didici. Decessit anno 1559. ætatis fermè 50. sub hoc elogio sepultus.

Viator sparge humum floribus : flos ille jurisconsultorum Franciscus Duarenus hic situs est. Doctrinâ , eruditione , moribus clarus. In Gall. atque Belg. Academiis notus. Tandem post innumeras in Legali palæstra Palmas adeptas , Terrenam gloriam cum cælesti commutavit.

Inter ejus opera doctrinam ipsius testantia , quorum maxima pars jus civile respicit , faciunt ad rem nostram *de Sacris Ecclesiæ ministeriis & Beneficiis libri octo* : Et pro *libertate Ecclesiæ Gallicæ* defensio Parisiensis Curix Ludovico XI. Regi quondam oblata.

C O V A R R U V I A S .

Didacus Covarruvias à Leyva , Toletinatus anno 1512. postquam Martinum Navarrum in Salmanticensi Academia audiverat , ipse in eadem jus Pontificium interpretari cepit anno 1543. tum à jurisprudentiæ professione ad juris dicendi munus translatus , & pro more Regum Catholico-

rum Senatoris officio in supremo Granatensi Auditorio donatus est : Dein à Philippo II. Hispaniarum Rege cum Fratre Antonio, cum Augustino, aliisque sacra eruditione conspicuis viris, Tridentum Legatus; inde Castellum Rodericii dein Segoviensis & Conchenſis Episcopus est designatus. Neque hic Principis in ornando excellentis doctrinæ viro studium substitit : Senatus quoque Regii, sive sacri Consistorii Præsidentem ex Antecessore creavit. Inter alia, laudandâ temporis avariciâ imprimis laboravit, adeo ut ne momentum quidem ullum vacuum sibi sine studio ac fructu aliquo labi sineret. Obiit Madriti Præsides, die 27. Septembris an. 1577. ætatis 66. Scripta ejus in pretio sunt, non immeritò: usus enim est solido judicio, congrua methodo, stylo puro atque perspicuo. Opera in tomos duos divisa, ad jus Pontificium maxima ex parte referuntur. Extant in Primo Tomo 1°. Commentarii de Testamentis, 2°. Epitome libri 4. Decretalium de Sponsalibus & matrimoniis. 3°. Explicatio Capituli *quamvis pactum, de pactis* in 6°. ubi de juramento. 4°. Explicatio Capituli *alma mater, de Sententia Excommunicationis* in 60: itemque explicatio Regulæ *Possessor mala fidei*, & Regulæ *peccatum, de regulis juris* in 6°. & Clementinæ *si furiosus, de homicidio*. Ac denique collatio veterum numismatum. Tomus 2. continet 4. libros variarum *Resolutionum*, & prædicarum *Quæstionum* librum unum.

CONTIUS.

Antonius Contius (vulgò *le Conte*) Noviomensis, eodem hoc seculo in Bituricensi & Aurelianensi Academia, aliquandiu etiam in Parisiensi Jurisprudentiam magna cum laude professus est. Ei cum Duareno & Hotomanno non usquequaque convenit. Ex contentionibus orta inter eos æmulatio, opera hinc inde egregia peperit. Illum tanti fecit Cæjacijs, ut numquam se non doctiorem ab eo discessisse professus sit. Obiit Contius post annum Bituricensis Professionis duodecimum, anno 1586. sepultus in æde S. Hippolyti juxta Duareni cineres, fato eorum corpora sociante, quorum animos aliquatenus vita dissociaverat. Ejus scripta ad jus civile dilucidandum maxima ex parte pertinent: illustrando tamen Pontificio non minimam dedit operam. Nam præter *Kalendarium* Ecclesiæ Latinæ & Græcæ &

Chronologiam tripartitam ex Beato Nicephoro Episcopo Constantinopolitano, ad fidem Anastasiani exemplaris emendatam & notis illustratam: id quoque curavit ut nova & emendatior Juris Canonici editio, doctâ præfatione & notis aucta, prodiret: & prodit quidem Antuerpiæ anno 1570. Sed aliquatenus mutilata; qua de re à me dictum est hujus operis libro 4°. cap. 13°. pag. 544.

VIGELIUS.

Nicolaus Vigelius de Dreisa, Germanus, Marpurgi in Hassia Jurisprudentiam docuit, circa annum 1570. & sequentes. De Jure civili multa methodicè scripsit. Exstat & ipsius *Methodus universi Juris Pontificii* in quinque Libros distincta.

ANTONIUS AUGUSTINUS.

Antonius Augustinus, Cæsaraugustæ è Nobili atque excellentium virotum sæcunda familia ortus; patre Antonio Augustino Aragoniæ Cancellario, natus anno 1517. Primò ad Complutensem, deinde ad Bononiensem Academiam missus. à patre, ibi Paulum Parisium, eique mox ob singularem eruditionem cum pari pietate conjunctam, in sacrum Patrum Purpuratorum Senatum adscito, susceptum Andreæ Alciatum Insubrem assidue audivit; ac deinde Patavii Marianum Socinum Minorem: inde absoluto juridici studii curriculo, Florentiam adiit, ubi Lælio Taurello jurisconsulto & Petro Victorio aliquandiu familiariter usus est; ac postea Romam profectus, ibi sacri Palatii Auditor Paulo III. Pontifice factus, in eo munere mira cum integritate, scientia & severitate versatus est. Undè paulò post Julio III. Pontifici Maximo gratus aded fuit, ut intimis adhibitus consiliis, ab eo Legatus summa cum autoritate sit in Britanniam Insulam ad Philippum 2^{um}. Regem Mariæ Anglicæ maritum: sed rebus mutatis morte Reginæ, reversus in urbem est Augustinus, armis Hispanicis cinctam, & nuperæ direptionis metu consternatam: quæ tamén paulò post tranquillitati pristinæ reddita. Augustinus brevi post reditum. Allifanus Episcopus dictus à Paulo IV. atque ad Ferdinandum Cæsarem in Germaniam missus; dein Philippi Regis. Catholicæ autoritate Siciliam Insulam Cenfor iustravit. Mox ad Episcopatum Ilerdensensem repugnans à Pio IV. prove-

etus, ad Synodum Tridentinam cum Petro fratre Oscensi Episcopo profectus est: ubi id imprimis egit, ut soluta disciplina ad pristinum decus revocaretur: cum in Hispaniam reversus, Ilerdensẽ Ecclesiam annis 13. pie ac religiosè rexit: Tandem ad Tarraconensem Archiepiscopatum à Gregorio 13. translatus est. Multa de ejus temperantia, integritate, & gravitati juncta humanitate, dicenda essent; & præsertim de tam effusâ in pauperes liberalitate, ut iis alendis in Annonæ caritate, si pecunia decisset, vasa argentea, sacros etiam calices pignori opponi, & Libros magno studio conquisitos, ac magno ære comparatos, vendi eam in rem juberet; quod quantum sit charitatis exemplum, literatus quisque æstimabit. Tanta ejus fuisse lenitas, & mansuetudo fertur, ut totis viginti annis, cum nemo domesticorum iratum viderit. Procerâ fuit staturâ, flavâ comâ, oculis admodum exiguis, atque ob assiduas lucubrationes hebetatis, ut perspicillis perpetuò uteretur. Cærerum egregiâ corporis habitudine, ac firmitate, & robustâ ad extremam usque ætatem valetudine. Naturæ concessit anno Christi 1586. institutis ex asse hæredibus Christo, ac sancta Theclâ. Illatus in sacellum sanctissimæ Eucharistiæ. Adjectum est tumulo sequens Epitaphium.

D. O. M. S.

Ant. Augustino, Domo Casar. Aug. Roma olim in Urbis, & orbis luce, XII. Viro, & litium judicand. Ex Allifano, & Ilerdensi Episcop. Tarracon. Archiepisc. in pauperes munifico B. de Antiquit. & literis mer. In hoc Ædis sacra D. Theclæ Virg. & Martyr. à se ampliata membro, & ad aram in spem Resurrecti. quiescenti. S. P. Q. Tarracon. P. H. C. & Colleg. Canonic. Pon. Cur. vixit ann. LXX. M. III. D. III. Obiit damno publico Prid. Kal. Iunias 1586.

Dicitur Bibliothecam, omni Librorum & antiquitatum genere instructam, legasse Philippo 2º. Hispaniarum Regi, eam affectanti. Præter opera quamplurima, quibus humaniora studia, & Jus civile illustravit, eximiis etiam lucubrationibus Jus Canonicum & res sacras exornavit. Extant ejus generis *Antiqua Quatuor Collectiones Decretalium*, & *Canones Pœnitentiales*, utrumque opus cum eruditis ipsis

notis. De *Emendatione Gratiani Libri duo*, quorum uterque; viginti Dialogis sive Capitibus: constat: Quod quidem opus occasione adornat: mandato Gregorii 13. editionis compositum est. *Constitutiones Provinciales & Synodales Tarraconenses, & Epitome Iuris Pontificii veteris* in tres partes, de personis, de rebus, & de iudiciis divisa: quarum Prima pars edita est Tarracône, anno 1586. Posteriores duæ diu desideratæ, in publicam lucem emanarunt Parisiis, & alibi editæ. Duo sunt quibus hoc opus per se eximium, minùs tamen utile redditur. Alterum quod dubiæ fidei Canones certis sepe admiscuerit, quo nomine Gratiانى ipse imprimis reprehendebat: Alterum quod, dum ordinis ac distinctioni materiarum nimis anxie studet, in tot titulos opus suum distraxit, ut vix memoriâ comprehendi ac retineri possint. Ab eo quoque sunt *Concilia Græca & Latina*, quæ autoritate Pontificia è Typographia Vaticana exierunt. Dicitur præterea Pontificii *Iuris Institutiones* consincinasse.

VENATORIUS.

Daniel Venatorius Jurisconsultus Germanus, Moguntiz ni fallor, docuit. Scripsit *totius Iuris Canonici methodicam dilucidationem*, quinque libris distinctam, sub Titulis Decretalium antiquarum: quam Danieli Archiepiscopo Electori Moguntino, ac Prælati & Canonicis Capitularibus ejusdem Ecclesiæ, dicavit, anno Christi 1579.

CORASIUS.

Ioannes Corasius Tolosæ; honesto loco natus, haustam domi non perfuntoriè juris doctrinam, in pluribus Academicis Aurelianensi, Parisiensi, Andegavensi, Valentina, Ferrariensi etiam, & ipsa Tolosana publicè eum laude professus, in Senatorum numerum Tolosæ cooptatus est, & Regni Navarrae Cancellarius dictus. Sed cum Sectariorum partibus addictus crederetur, primò urbe, doctrinæ Catholicæ semper tenacissimâ, pulsus anno 1562. deinde cum Michaelis Hospitalii Franciæ Cancellarii partocinio restitutus fuisset, tandem decennio post à tumultuante plebe est confossus, ejusque exanime corpus, togâ Senatoriâ indutum, ex ulmo suspensum, quæ adhuc ante fores Curiæ

visitur. Paulò post reddità legibus & Magistratibus auctoritate, indignæ cædis autores ex eadem arbore pependerunt. Supersunt egregia ejus scripta, tum ad jus civile, tum quod ad Pontificium spectat, Tractatus de beneficiis Ecclesiasticis, sive *Paraphrasis Sacerdotiorum*.

DURANTIUS.

Ioannes Stephanus Durantius, ipse quoque, Tolosæ (vulgò *Duranti*) alterum patriæ per ea tempora lumen, Senatore natus, Advocati Regii generalis munere egregiè functus, tum in locum Joannis Dasis socii sui Primus ejusdem Senatus Præses renunciatus, Summam dignitatem singulari integritate, æquitate, cum perfecta juris utriusque notitia conjunctis, præclare gessit, ab anno 1568. ad 1579. quo cæsis apud Blesas Guisfis fratribus, obortà, ut in aliis non paucis Gallix civitatibus, ita etiam Tolosæ quoque immani seditione, Durantius, dum pro ratione officii jus nomenque Regium tueri conatur, à factiosis intra Dominicani cœnobii septa in custodiam datus, ac post dies paucos grassantis plebeculæ furori objectus, crudeliter sævientium manibus est peremptus. Cecidit eodem fato Jacobus Dasis Præsidis filius vir integerrimus, qui Durantio in Advocati Regii munere successerat, parumque absuit ab eodem casu Bertrandus Dayguà Generalis & ipse Regis Advocatus, Catharinæ Dayguà proavix mæx frater, Dasisio ac Durantio proximâ conjunctus affinitate. Huic postmodum erectum marmoreum Mausoleum, hoc addito titulo.

D. O. M. S.

Ioannes Stephanus Durantius

Hic situs sum.

Tolosæ honesto natus loco,

Primò Actor causarum nobilis,

Dein patronus Fisci,

Postremò amplissimi Senatus

Princeps fui.

(Absit vero invidia)

Merui in eo gradu :

Steti dum res stetit Gallien,

Cecidi cadente Regno,

Iniquorum

*Iniquorum conjuratione oppressus.
 Casum luxerunt omnes boni,
 Et civitas facta parum tranquillior
 In auctores necis, exemplum
 Grave statuit;
 Et honorem habuit mortuo
 Quàm potuit maximum.
 Annos vixit LV.
 Vive plures viator, & felicius morere.*

Ejus eruditionis patiter ac religionis certissimum testimonium Durandus dederat, editis tribus Libris *de Ritibus Ecclesie Catholicae*: quod quidem opus, ut firmandis Orthodoxorum partibus utilissimum, Sixto V. Summo Pontifici ad eum acceptum fuit, ut & illud Romæ suis impensis excudi jussit, & ejus auctorem singulari benevolentia sit prosecutus.

VVAMESIUS.

Ioannes Vvamesius, Leodii natus, anno Domini 1524. post melioris literaturæ, ac præsertim jurisprudentiæ utriusque studium Lovanii consummatum, in Ordinariorum Professorum numerum anno 1555. cooptatus, jus Civile per annos sedecim interpretatus est. Inde Primarius Canonum Antecessor anno seculi 70. designatus, munere illo per annos viginti functus est. Ingenium ei promptum & facile, judicium acre, memoria jurisconsulto verè digna, labor indefessus, eminens in utroque jure doctrina, rerum etiam Forensium usus singularis, Reipublicæ, non minùs quàm scholæ, idoneus. Hinc factum, ut à Joanne Austriaco Belgii Prorege in Secretioris Consilii Senarum Philippi Secundi Regis Catholici nomine evocatus sit. Excessit è vivis anno 1590. Sepultus in Basilica sancti Petri. Extant & magno in pretio habentur, ipsius *Responsorum*, sive *Consiliorum de Jure Pontificio*, Tomi duo ordine librorum & Titulorum qui in Decretalibus, præter Responsorum ad Jus forumque Civile pertinentium Centurias sex.

C U J A C I U S.

Iacobus Cujacius Tolosæ humili genere natus, non Paren-
 LIII

rum, nec Magistrorum ope, sed ingenii proprii viribus & improbo labore, ad summam omnis literaturæ ac præsertim juris peritiam pervenit. In patriâ primùm Juris scientiæ operam dedit, Arnoldo Ferrerio docente. Relinquendæ patriæ causam ei fuisse volunt, quòd in petitione Cathedræ repulsam passus esset, prælato Stephano Forcatulo Beterrensi, cujus eruditos habemus *de Jure Civili, & de Imperio Regum Francorum* Commentarios. Sed hujus repulsæ nulla in Academiæ tabulariis mentio. Ut ut sit Cadurcum migravit, mox Biturigas, eò per Michaelem Hospitalium Margaritæ Henrici II. Regis sororis Ducisq; Biturigum Cancellarium evocatus. Omnia ferè Doctorem atque Interpretum Juris volumina evolverat, cujus postea laboris cum pœnituit: sed cum nullas ex ea lectione sordes contraxisset, è Græcis fontibus meliorem interpretandi rationem hausit: quam bonorum utriusque linguæ Autorum, atque Historiæ veteris, ac Romanæ præsertim, luminibus, ad culmen perduxit. Nec tantùm Academias antè memoratas, sed alias quoque non paucas, etiam extra Regnum, eruditione sua illustravit. Valentiam, agente Bertrando Simiana Gordesio Delphinatum Prorege vocatus, Franciscum Roaldesium Rutenum, moribus & eruditione præstantem Jurisconsultum, collegam habuit: opinor & Antonium Goveanum, cujus ingenium & doctrinam tanti fecit, ut præ se tulerit se ipsi, tanquam primas in tractandâ Jurisprudentiâ partes habituro, facile cessurum fuisse, nisi cum laboris minus patientem novisset. Hoc tempore Cujacius Senatoris Gratianopolitani munere donatus à Rege, hujus honoris titulo contentus, re ac jure fermè abstinuit, ne à docendi munere avocaretur. Inde, pari cum dignitate, Augustam Taurinorum trans Alpes vocatus ab Emmanuèle Philiberto Sabaudicæ Duce, Margaritæ Francicæ marito, aliquandiu ei Academiæ decori fuit. Inde Biturigum precibus revocatus, ibi ad extremum vitæ tempus persistit: nisi quod seditione ibi exortâ, tumultuantibus, ob egregiam fidem in Regem, suspectus, ut imminens periculum vitaret, Lutetiam confugit, & in schola Parisiensi anno 1578. jus Civile docuit. Gregorius quidem 13. ad Bononiensem Academiam, in qua ipse jus fuerat professus, Cujacium paucis ante obitum annis, per literas invitavit amplissimis conditionibus: sed ingravescentis ætatis incommoda, huic honori-

fixæ migrationi obstitetunt. Docuit per annos fermè quadraginta, indefesso labore, continuas sex septemve horas singulis lectionibus meditandis ac digerendis impendere solitus: ac, si qua de re non satis liqueret, comperendinare, ac recitationem in alium diem differre non dubitabat. Neque ex scripto dictabat, ut fieri solet; sed continuà, pauloque lentiore oratione jura exponebat. Quadrato, firmo, ac benè constituto corpore fuit, brevi staturâ, colore candido, voce firmâ & clarâ, barbâ prolixâ atque in juventute nigerrimâ, similique capillitio: canitiem senectus induxerat. Decessit Avarici Biturigum, annos natus fermè 79. die 4. Octobris anno Christi 1590. Publico funere elatus nobiliorum discipulorum humeris, frequentissimo omnium civitatis ordinum & Collegiorum concursu, sepultus in æde S. Petri ad Pontem Avatonis; postridiè funebri oratione à Claudio Marefchallo Cl. V. & Regio in Senatu Parisienfi Consiliario, Auditore quondam suo, publicè laudatus. Nota sunt ejus opera, quorum duo volumina ab Autore ipso edita; Reliqua collatis Auditorum scriptis qui ea ex ore dicentis exceperant, ad Tomos octo excreverunt: in his sunt *Recitationes ad Secundum, Tertium & Quartum Decretalium*, ad quas enarrandas, non nisi provectâ jam ætate accessit, viam monstrans sequentibus quâ studium Canonum tractare, atque excolere oporteret.

BOETIUS EPO.

Rordahusæ in Frisia honestis & Catholicis parentibus natus anno 1529. *Boëtius Epo*, Coloniae adolescentiam in linguarum & Philosophiæ studio consumpsit; Lovanii Theologiæ ac Juri studuit: Parisiis annum unum hæsit: atque hinc Nicæam docendi causâ vocatus ab Eustathio Chapuyfio, Sabaudici apud Lovanienses Collegii fundatore, variorum dogmatum fæce resperfus est, salutato etiam Genevæ Calvino. Paulò post cognitâ veritate in viam rediit. Tolosam profectus, auspiciis Berengarii Fernandi eximii Professoris, juris utriusque lauream adeptus est an. 1560. ætatis 30. Lovanium reversus, inde anno 1562. in novam Academiam Duacensem adscitus est: ubi per annos 37. in docendo, consulendo, tractandisque rebus publicis egregiè versatus, titulo *Comitis* Palatini donatus, ac Juris Pontificii primarius Antecessor dictus. Moritur septuagenatio

major anno 1599. die 15. Novembris, conditus apud Patres Societatis Jesu, brevi hac, uti jusserrat, inscriptione.

*Boetii corpus quiescit hic Eponis,
Animam respice, ô Iesu, benigniter:*

Ex pluribus liberis, cognominem Eponem Boetium in Canonum primariâ professione successorem habuit. Plura scripsit ad utrumque jus spectantia. Præter rei Testamentariæ volumen, edita duobus tomis habentur, *Antiquissimum Ecclesiasticarum* syntagmata; totidemque tomis *Heroicarum & Ecclesiasticarum questionum* Libri; cum Libris *de Jure sacro* vel principiorum Juris Pontificii.

CANISIUS.

Henricus Canisius Noviomagus, Petri Canisii Societatis Jesu conspicui Sacerdotis fratre natus, Juris studiis Lovanii, Præceptore imprimis Petro Pecquio, peractis, perpetuus fuit sacrorum Canonum in Academia Ingolstadiensi Antecessor. Vir fuit omnis literaturæ studiosus, idque semper curavit, ut ex ipsis fontibus depromptam jurisprudentiam perspicuè, certoque ordine traderet. Obiit post annum 1509 Extant ejus opera Canonica quæ sequuntur, *Summa Juris Canonici* in libros 4. Institutionum contracta; *Commentarius in Regulas Juris*, è lib. 6. Decretalium; cum *Appendice de Differentiis Juris Canonici & Civilis. Commentarius in Rubric. lib. 6. Decretalium. Prælectiones Academicæ* in Tit. duos singulares Juris Canonici. I. *de Decimis, Primitiis, & oblationibus. II. de Usuris.* In Librum III. *Decretalium* seu Titulos illius celebriores. *De Sponsalibus & Matrimonio*, in lib. IV. Decretalium. *Refutatio trium Tractatuum de Iudice causarum Matrimonialium.* Idem *Historiam Miscellam Pauli Diaconi, à Landulpho Sagaci ad Imperium Leonis IV. productam*, notis illustravit. Postremò edidit *Tomos 6. Antiqua Lætionis*, in quibus varia exhibet scriptorum priscorum monumenta, ad historiam mediæ ætatis illustrandam, nunquam antea evulgata.

CHOPPINS.

Renatus Choppinus Andegavus, apud Balleolum anno 1537. natus, inter Parisienses Advocatos doctrinâ & judicio ex-

celluit. Præter Libros de Domanio Franciæ, aliosque, quibus
jus Gallicum explicuit, duos de Jure Sacro Tractatus edi-
dit, stylo ex affectatione Antiquitatis paulò obscuriore: ni-
mirum *de Sacra Politia Forensi Libros tres* Hentico III. Regi
dicatos, anno 1577. & *Monasticon* seu de jure Cœnobitarum
Libros duos, qui anno 1600. incunte prodierunt. Obiit
Parisiis anno 1606. Die 30. Januarii. Conditus in xde
S. Benedicti sub hoc Epitaphio.

*Chopinus hic cubas memoria Thesaurus & penus Legum.
Tota Gallia nunc gemit Chopinum:
Andi municipes gemunt Alumnum,
Cives Parisii gemunt Patronum,
Quem nunc Elysi tenent colonum.*

GERMONIUS.

Natus est anno 1551. *Anastafius Germonius* ex nobili &
antiqua Cevæ familia, apud Salas Oppidum in Marchionatu
Cevæ. Ad annum ætatis 22. Græcæ ac Latine Grammati-
cæ, & humaniorum literarum disciplinam neglexerat: sed
intra biennium tanto ardore prima illa studiorum rudimen-
ta atripuit, ut cum fructu ad discendam jurisprudentiam
accedere potuerit. Joannem Manutium & Guidum Panzi-
rolum Augustæ Taurinorum, Patavii verò Decianum &
Menochium audivit. Itaque accepto Doctoris gradu, statim
publicè docere cum laude cepit, delatâ ultrò à Taurinen-
sis Academiæ moderatoribus Vespertinâ juris Pontificii
Cathedrâ: nec legendi provinciam deseruit, quamvis Proto-
notarii Apostolici & Taurinensis Archidiaconi dignitate
auctus. Clemens 8. cum in locum Hieronymi à Ruvere
Archiepiscopi Taurinensis & Cardinalis suffecit in congre-
gatione Compilationis Decretalium in librum unum, quem
Septimum vocarunt: eique uni curam mandavit intexendi ei
volumini Canones Tridentinos: quod ab ipso perfectum
magno studio, licet nondum in publicam lucem hic liber
exierit. Ab Urbinatè primùm Duce, deinde etiam à Sa-
baudo Carolo Emmanuele, Legatus ad Apostolicam sedem,
& huic & illis gratum officium præstitit. Astensem & Salu-
tiarum Episcopatus oblatos recusavit. In Hispania, quò ab
eodem Sabaudicæ Duce Legatus fuerat, Obiit anno 1627.

compluribus relictis lucubrationibus, quæ ad studia Canonica pertinent. Hæc sunt, *Paratiela* in libros quinque *Decretalium* Gregorii IX. tum Libri *Animadversionum* duo, duo item Tractatus, alter *de Indultis* Apostolicis; alter *de sacrorum Immunitatibus*. Scribit Pancirolus Jacobum Cujacium confectis in Libros Pandectarum, & Codicis Paratielis, animum ad jus Pontificium convertisse: sed cum Germonii Paratiela vidisset impressa, dixisse, idem stadium se libenter currere voluisse, sed Germonium sibi palmam præripuisse.

P E T R U S G R E G O R I U S.

Petrus Gregorius, Tolosanus dictus à Patria, Palladia scilicet Tolosa, in cujus celeberrima omni ævo Academia, ut & in Cadurcensi, ab anno 1570. ad annum 1580. publicè jura interpretatus est: postremò in Lotharingicam Mussipontanam studiorum universitatem, à Carolo Duce recens institutam, anno 1582. Decani titulo, & cum summâ potestate accitus est, atque in ea utrumque jus magna cum laude professus. Circumferuntur duobus voluminibus ejus opera ad jus Pontificium spectantia: priori volumine continentur *Partitiones* totius juris Canonici, in quinque libros digestæ, scholiis & Annotationibus illustratæ, instar syntagmatis totius juris Ecclesiastici, quæ à methodo Partitionum Ciceronis Oratoriarum diversæ, Summam potius Hostiensis imitantur. Non enim brevem per summa Capita & certo ordinè dispositam Epitomen continent, sed amplos de tota materia tractatus. Posteriori volumine comprehenduntur *Commentaria & Annotationes in Decretalium præmium. Ad Tit. de summa Trinitate & fide Catholica. De Constitutionibus. De Rescriptis* tractatus, in duas sectiones distinctus. *De Electione* in re beneficiaria clara ac lucida *Enarratio. Ad Cap. conquærente, de Officio & potestate Iudicis ordin. Rei Beneficiaria Ecclesiastica Institutiones. Ad Tit. de Sponsalibus & Matrimoniiis. De Usuris libri tres.* Sed & ad jus quoque Canonicum ex parte refertur *Syntagma juris universi*, in tres partes digestum, & in Libros quinquaginta distributum; in quo divini & humani juris totius materia, naturali ac novâ methodo explicatur. Scripsit & præter alia, Responsionem ad consilium Caroli Molinæ de Trid. Concilio in Gallia non publicando. Obiit anno 1597. summo totius Academix luctu, illatus in ædem Clarissarum.

CAPUT IX.

Currentis Seculi XVII. Canonum Interpretes
& Doctores præcipui recensentur.

Q Uò propiùs ad nostrum hoc tempus accedimus, eò minùs noti sunt Autores, Autorumque Res & opera. Et verò infiniti laboris esset cunctos memorare, etiam si cunctorum ad nos & nomina & scripta pervenissent. Itaque ex iis ipsis qui nobis non prorsus ignoti, præcipuos recensebimus, non vitam cujusque, ut hæcenus à nobis quàm potuit, factum est, profecuturi: sed Patriam atque Opera breviter indicaturi. Excusationem opinor merebitur silentium nostrum, apud eos quos per ignorantiam magis, quàm ex contempto prætermiserimus.

F R E R O T U S.

Nicolaus Frerotus Carnotensis Juris consultus & in suprèma Gallorum Curia patronus, *Paratista* seu *Synopsis Juris Canonici* scripsit, securus ordinem *Distinctionum* & *Questionum* *Decreti*, & singulorum *Titulorum*, tam *Decretalium* *Gregorii Noni*, quàm *Sexti*, & aliarum *Compilationum* *Minorum*, editum est hoc opus anno 1603.

P A C I U S.

Julius Pacius, à *Beriga* Gentilitio fundo cognomen sumpsit. Natus *Vicentiæ* anno 1550. Vir fuit planè ad scientias natus, doctarum linguarum cognitione instructus, & *Philosophiæ* pariter ac *Juris scientiæ* illustris; quæcumque didicerat, mirà facilitate docere solitus. Cum librorum prohibitorum lectione suspectus *Episcopo* *Vicentino* factus esset, quasi pravorum dogmatum scâtor; in *Helvetiorum* fines secessit. Hinc prædicante ipsius eruditionem famâ, *Heidelbergæ* *Philosophiam*, in ulteriori *Germania* jus professus est. Inde *Sedanum*, ac post *Montepessulanum* vocatus, inde avocatus *Aquas Sextias* agente *Peiresco*: professus & *Valentiæ*, & *Patavii*, quò à *Venetis* accitus fuit amplissimis

& præmiis & honoribus : Torque etiam Equestri Ordinis sancti Marci donatus: precibus tamen familiæ in Delphinatu relictæ, revocatus Valentiam, ubi anno 1635. diem clausit extremum, annos 85. natus. Vitam ipse suam versibus composuerat: cujus casus præcipuos complexus est amicus hoc disticho.

*Itala dat cunas tellus, Germanica famam,
Gallica jus civis. Dic mihi quæ patria?*

Præter Notas in Aristotelis diversa opera, & Tractatum de arte Lulliana, ac plures de Jure Civili Commentarios; supersunt ejus *Definitiones & Isagogica* Juris utriusque, in quibus *Summam Decretalium* explicat juxta seriem Titulorum.

M A R A N U S.

Tolosæ natus est anno 1549. ultimo Junii *Guilielmus Maranus*, honestis parentibus Joanne Marano & Bertranda Vergeria. In florentissima tunc temporis Tolosæ Academia, omni scientiarum genere instructus, juris studio imprimis incubuit: cujus principia ubi plenè hausit, Valentiam Cavatum profectus, Cujacium, ibi publicè docentem, per annum audit, à quo post triduanam Disputationem Laurea Doctorali ornatus, rogatusque est, ut curam susceperet rerum Tolosæ à Cujacio relictarum, & quæ ex his reliquiis colligi possent, ad eum transmitteret. In patriam reversus Causas aliquandiu egit, non sine multiplici laude, Durantio Primo Præsidi charus atque in pretio; Joanni Catello Senatori tantæ admirationi, ut Magdalenam filiam ultro ei uxorem daret. Dein anno 1583. defuncto Garda Senatote simul & Antecessore, nemine præter ipsos Antecessores Disputationum aleam subire aucto, vacantem Juris Pontificii Cathedram est assecutus. Romam deinde Legatus ut religiosorum votorum veniam impetraret Henrico Joyosæ, quem post Scipionis fratris casum, Occitana Provincia ducem è Capucinatorum familiâ sibi dari poscebat: postquam Massiliâ solverat, à Piratis post cruentum Navale prælium in servitutem abductus est: ubi præter pecuniam, lucubrationum Canonicarum, quas Summo Pontifici destinabat, autographum amisit. Post octo menses, captivitatis ærumnis liberatus, commendatione imprimis Joan. Lud. Valettæ Spetnonii Ducis Provinciæ

Provinciæ Pro regis, liberatus Tolosam rediit, ubi oblatam à Francisco Joyosa Cardinali Archiepiscopatus Narbonensis, quo ipse fruebatur, successionem non admisisse dicitur: sed huic dignitati Juris utriusque studium anteposuisse. Tunc constitutum est Tolosæ, ut ab Antecessoribus leges & Canones alternis tractarentur: idque ut commodius procederet acciti ejus operâ, hinc Cadurco Joannes Acosta, inde Aurelia Vincentius Caborius. Paulò post, ne oblatam à Bitoricensi Academiâ, vacuam morte Cujacii Cathedram acciperet, obstitit Patriæ amor. Inter alia præclara Marani opera, prætermittendus non est Spernonii filius Henricus Foxius Candala à Calvinianis erroribus, in quos malefano amore impulsus deflexerat, ad meliora per eum revocatus. At Maranus anno ætatis 67^o. è sella decidens crux fregit; atque ex eo casu Academiæ vale dicens, reliquos quinque annos ad mortis & æternæ vitæ cogitationem transtulit. Defunctus tandem anno 1621. die 1^o. Decembris in Metropolitana Basilicâ tumulatur. Nec solum è Maranis Guilielmum Antecessorem habuit Tolosa: habuit & Raymundum ejus filium, habet & nepotem Jacobum, ut tanti nominis ita & dignitatis successores. Dubium non est quin eximios in Jus Canonicum Commentarios composuerit, & damnum amissorum per captivitatem, redux sarcierit. Sed nihil eorum (quod sciam) publicam adhuc lucem aspexit. Vidi tamen in transcursu quædam ejus dictata, nempe ad Libri primi Decretalium Titulum 9^{um}. *de Renunciatione*, ad Libri Tertii Titulum itidem 9^{um}. *ne Sede vacante aliquid Innovetur*, ad Titulum 10^{um}. *de iis quæ fiunt à Prælati sine consensu Capituli*, ad Titulum 38^{um}. *de Jure Patronatus*, atque ad Titulum 11^{um}. Libri Quinti apud Bonifacium, *de sententia Excommunicationis, Suspensionis, & Interdicti*. Ejus Pararilla ad duos & quadraginta libros Digestorum in omnium manibus versantur.

M I N O S.

Claudius Minos, Divionensis, in schola Parisiensi Jus publicè professus exeunte Seculo XVI. Humaniorum litterarum flosculis Jurisprudentiam ornavit. Excessit è vivis sub annum 1610. Inter ejus Dictata, inveniuntur adhuc in quorundam ipsius Auditorum Musæis commentaria in quatuor primos Titulos Libri tertii Decretalium, *de Vita*

& honestate Clericorum, de Cohabitatione Clericorum & Mulierum, de Clericis Conjugatis, de clericis non Residentibus in Ecclesia vel præbenda: & præterea in Titulos de Regulis Iuris, tum apud Gregorium, tum apud Bonifacium, unâ cum Tractatu de re Beneficiariâ. Legitur & elegans ejus Oratio anno 1606. edita sub hoc titulo, *Panegyricus seu Relatio pro schola Iuris Parisiensi*, ubi ejus antiquitatem & dignitatem egregiè commendat; non sine querolâ, neglectorum publicè per ea tempora jurium & commodorum Antecessoribus debitorum. Mitto nemini incognitas ipsius Minois in Plinium Secundum Notas. Idem statuta Facultatis Juris Canonici anno 1598. in generali Parisiensis Academiæ reformatione composuisse dicitur.

GUIJONIUS.

Hugo Guijonius illustrium literis quatuor Fratrum postremus, Augustoduni natus est anno 1552. In foro Parisiensi aliquandiu versatus, transit in scholam juridicam; transactis Academicarum Concertationum solemnibus adversus Petrum Victorem Palmam Caietanum, haud vulgaris doctrinæ virum, Antecessor renunciatus, atque à Claudio Minoe Facultatis tunc Decano inauguratus anno 1597. Deinde verò procurante Petro Jannino Regii Ærarii Præfesto, sacrorum Canonum Professor Regius dictus est anno 1613. Dotatâ tunc primum novâ Cathedrâ hortatu Jacobi Davii Cardinalis Perronii Magni Franciæ Eleemosynarii. Per hæc tempora Guijonius Facultatis Juridicæ Decanus, iis qui nummis corrupti Pratum clericorum (quod nomen est prædii suburbani ab Academia optimo jure jam diu possessi) Margaretx Valesiæ Regum sorori, vili pretio addicere destinaverant, fortiter obstitit: eoque nomine non mediocrem ab Academicis gratiam iniit. Oravit sæpius in Senatu: sed nunquam facundiùs, quàm cum superiorum Academicæ Ordinum, sive Facultatum, jura defendi contra Sermocinalium Artium Magistros, qui spretis majoribus Facultatibus, soli jus sibi vindicabant actuarium sive scribam, & coactorem seu Quæstorem Academiæ instituendi. Finem vivendi fecit Lutetiæ anno 1622. ætatis 70. terræ mandatus in parochiali æde sancti Stephani à Monte, procurante funeris impensas Jannino antè memorato. Vacuam ejus

obitu Regiam Canonum professionem, adeptus Joannes Dartis, exorsus est à publica Decessoris sui laudatione in Regio Gymnasio habitâ coram Jannino eodem, atque amplissima Procerum ac Literatorum hominum corona, ut testatur V. C. Philibertus de la Mare Senator Divionensis. Extant ejus Orationes tres, 1°. *de Origine, excellentiâ & utilitate Juris Canonici* contra illius æmulos & detractores; 2°. *Schola Regia Encania sive de restauratione Parisiensis Academia*; 3°. *pro Facultate Juris Canonici contra Sermocinalem Artium Magistros*. Inveniuntur & in quibusdam Bibliothecis Tractatus manuscripti, præsertim *de Sequestratione possessionis & fructuum*, & *de Confessis*.

Z O E S I U S.

Henricus Zoësius Amersfortii, quod est oppidum agri Ultrajectini, Catholicis & Patriciis parentibus natus, Lovanii operam jurisprudentiæ dedit, ubi an. 1597. Baccalaureorum Decani munus ei, Collegarum electione, delatum est. Post Hispanicam cum V. N. Christophoro van Etten, Domino Couverburgio peregrinationem, Doctoris gradum in Academia Lovaniensi consecutus, Lingux Græcæ in trilingui Collegio Bussidiano Professor constituitur. Inde Institutiones Juris Civilis tredecim annos publicè interpretatus; Anno 1619. iii Ordinaria legum professione à Senatu populoque Lovaniensi suffectus in locum Petri Gudelini, Pandectas per octennium prælegit, ac vitæ cursum consummavit an. 1617. sepultus in primario S. Petri templo. Cum doctis ad Pandectas, Codicem, & Feudorum Libros commentariis, non absumilem in *Decretales* Gregorii IX. commentarium reliquit.

Z Y P Æ U S.

Franciscus Zypaus vulgò Vandenzype, Mechliniæ natus anno 1580. cæque urbe ab hæreticis occupatâ, infans translatus est Antuerpiam. Hinc Juris studio se Lovanii dedit, ubi Baccalaureorum collegio aliquandiu præfuit. Inde à Joanne Miræo Antuerpiæ Præfule vocatus, ut ei ab Epistolis secretioribus esset, Canonicus, Officialis, atque Archidiaconus ejus Ecclesiæ fuit. Plura ad jus Sacrum spectantia ejus Commentaria extant. Nimirum *Juris Pontificii novi Analytica Enarratio*, quæ tertiis curis auctior Coloniz prodit

anno 1641. *Index, Magistratus, Senator*, Libri tres: *Consultationes Canonica*, pleræque ex jure novissimo, Conc. Trid. recentiorumque PP. Constitutionibus depromptæ.

C A B O T I U S.

Vincentius Cabotius Tolosæ, honestioribus quam locupletioribus parentibus natus, anno ætatis 24^æ. suscepta concertatione pro juris in Parisiensi auditorio Cathedra, eam scientiæ atque ingenii famam contraxit, ut paulò post ad Aurelianensem Antecessuram fuerit ultrò vocatus, quam difficilior, civilium bellorum temporibus, per annos quatuordecim non mediocri cum laude exercuit. Indè in patriam adnitente Petro Fabro Sanjoriano Senatus Tolosani dignissimo Principe revocatus, in celebri illa Academia per annos duos & viginti jus utrumque est interpretatus. Stylum atque eruditionem suam ad captum Auditorum accommodabat, cum diceret illorum utilitati potius inservire, quam famæ & gloriolæ suæ velificari debere publicum Professorem. Refert Leonardus Campistrionius qui ejus Politicorum libros Gallicè scriptos anno 1630. vulgavit, ab eo cum apud Aurelianos doceret editos fuisse Disputationum *de Jure publico & privato* Libros duos. Hi ad me nequaquam pervenerunt. Verum Tractatum *de Beneficiis* in Sectiones 12. tributum, quem inter opera V. C. Joannis Dartis, ab ejus scriba domestico Maturino Langlais mihi pro Dartisiano traditum, certis postea testibus comperi Vincentii Cabotii partum esse, ex ore distantis Tolosæ excerptum ab ipso Dartisio, itemque ab Aymone Moneto, qui deinde Aurelianensis Antecessor. Qua in re nec mea, nec Dartisii culpa est ulla: sed amanuensis error, domino suo vindicantis quidquid in schedis ejus repperat. Obiit Cabotius anno 1621. aut sequenti.

V A L L E N S I S.

Andreas Vallensis, vulgò del Vault, Andana, Comitatus Namurcensis municipio oriundus, Lovanii Canonum Professor ordinarius nominatus anno 1621. in docendo assiduus, in consulendo ac judicando sincerus, ab animi candore & modestiâ commendatus. Obiit anno 1636. Opus edidit scholæ ac foro accommodatum cui titulus *Paratista*, sive

A C O S T A.

Ianus, sive potius Ioannes à Costa, (vulgò de Lacoste) nobili genere natus, Cadurci, quod erat natale solum, jactis linguarum & humanioris literaturæ fundamentis, apud Biturigas Cujacium audiit per quinquennium: Roal-desii deinde clari Antecessoris Tolosani familiaritate excultus, solenni certamine ad Antecessorium munus in patria concordibus omnium votis, potius quam suffragiis, evehctus est anno 1593. aut sequenti. Inde Tolosam post quinquennium evocatus, in hac verè legum nutrice civitate, jus utrumque tantà eruditione, ac subtilitate, tamque limato iudicio per annos 30. docuit, ut non modò à Bituricensi, & Bononiensi Academia expetitus; sed ab ipso summo Pontifice ingentibus præmiis, oblatoque Consiliarii munere Avenionem invitatus sit. Sed eam stationem ut defereret, non nisi amore patriæ adduci potuit. In Comitibus Cadurcorum, autore imprimis Illustrissimo Doctissimoque Viro Petro Habert de Montmor Episcopo Cadurcensi, ut longè solito uberius honorarium ei de publico penderetur, decretum est; Regiisque eam in rem Codicillis impetratis, Cadurcensi Academiz, velut postliminio, restitutus est anno 1630. eximius Antecessor. Hilari vultu ac vividis oculis, robusto ac bene conformato corporis habitu fuit, genio ad omne humanitatis genus propenso, memorià tenaci, acri ingenio, quale ex scriptis facillè cognoscitur. Post emensos in publica Juris professione annos tres & quadraginta, placidè & constanter, è vita discessit die 28. Augusti anno 1637. Multa scripsit in Jus præsertim Canonicum: selecta tantum quædam opera in lucem emissa sunt studio V. C. Francisci de Launay Andegavi in supremo Galliarum senatu causarum Patroni, qui nunc Gallici Juris in Academia Parisiensi Professor suo merito dictus: Præfatio scil. in *Decretales* Gregorii IX. tum *Summaria* in omnes *Libri* 1ⁱ. *Decretalium*, & in novem priores *Libri* 2ⁱ. *Titulos*: Liber singularis ad cap. cum *Martinus* 9^{us}. de *Constitutionib.* Commentarii deinde ad *Tit. de Rescriptis*, & varia ejus *Capitula*: ad *Tit. etiam de officio iudicis Ordinarii*, & ad ejusdem *Tit. capitula*; ad *Tit. quoque*
M m m m iij

de Iudiciis, ejusque Capitula; ad *Cap. Vigilanti* 5^m. *de Præscriptionib.* ad *Tit. quoque de Præbend. & dignitatib.* ejusque capitula, ad *Tit. & capp. de Pignoribus*, ad capit. *Raynutius* 16^m. *de Testamentis*: ad *Tit. de jure Patronatus*, ejusdemque Tituli capitula: itemque *Addenda* ad *Tit. de officio Archidiaconi*: Denique *Commentarii ad 3^m. & 5^m.* Justiniani *Novellam*; quarum prior *de numero Clericorum* Constantinopolitanorum, posterior *de Monachis*. Latere dicuntur non pauca apud Carthusianos Cadurcenses, ipsis ex præscripto Petri Haberti Episcopi ab Illustrissimo quondam & eruditissimo ipsius fratris filio, ac Libellorum supplicum Magistro præstantissimo Henrico de Montmor tradita: ex colloquiis nimirum, quæ apud dignissimum illum Præsulem per homines Doctos apud eum convenientes, plures per annos habita fuerant, de veteri Ecclesiæ Politia, & vero præcorum Canonum intellectu: quorum conventuum arbiter ac moderator, communi cæterorum consensu constitutus fuerat celeberrimus hic Antecessor.

B A R B O S A.

Augustinus Barbosa Lusitanus, Juris utriusque Doctor, Protonotarius Apostolicus, Congregationis Indicis Consultor, & major Vimaransenis in Portugallia Ecclesiæ Thesaurarius, ac tandem Episcopus Ugentinus in Regni Neapolitani Provincia Hydruntina; complura de utroque jure ingentia volumina conscripsit, ab anno 1629. ad 1641. Horum præcipua sunt, quæ quidem faciunt ad jus Canonicum: *Juris Ecclesiastici universi Libri tres*, in quibus de personis, de locis & de rebus Ecclesiasticis plenissimè agitur: tum *Tractatus de Officio & potestate Episcopi, de Canonicis & Dignitatibus, de Officio & potestate Parochi*, & præterea *Collectanea Doctorum in jus Canonicum*, quod quidem opus plurimorum Interpretum in Decretales Gregorii IX. in Sextum aliasque Collectiones, atque in Decretum Gratiani Annotationes complectitur: addenda & *Collectanea in Concilium Trid.* &c.

G A U F R E U S.

Ambrosius le Gaufré, natus in agro Cenomanensi anno 1568. post studia Lutetiæ peracta, Antecessor in Academia Cadomeni creatus est, atque ab Episcopo Baiocensi Magnus

ibidem Vicarius, Officialis item, & Academiæ ipsius Vice-cancellarius dictus est. Rebus quam honoribus gestis illustrior, gloriam sibi comparavit per gloriæ fugam; Occultandæ perinde ac colendæ virtutis studiosus. Cum Ecclesiæ; reique publicæ utilissimam per annos fermè triginta operam navasset, obiit 23. Novembris anno 1634. ætatis suæ 67. Mortuum tota Provincia incredibili desiderio est profecuta. Ejus nepotum curâ in lucem exiit *Synopsis Decretalium*, seu ad singulos Gregorianæ Collectionis Titulos Methodica omnium Juris utriusque mutationum Distinctio: quod opus ex Commentariis ad Institutiones Lancelotti, ab eo antea dictatis magna ex parte depromptum videtur. Desunt sub finem Tituli *de Penitentiis & Remissionibus*, *de sententia Excommunicationis*, *de Verborum significatione & de Regulis juris*.

FABROTUS.

Carolus Annibal Fabrotus, Aquiseptienfis Antecessor, Basilicorum editione aliisque operibus, jus Civile non parùm illustravit. Sed & Prælectionem edidit ad *Tit. Decretal. de Vita & honestate Clericorum* anno 1651.

FLORENS.

Franciscus Florens apud Arnzum Ducis, quod Burgundix oppidum est, Joanne in Senatu Divionensi Advocato sub exitum proximi sæculi natus, Tolosæ juri operam dedit, & cum aliis claris Antecessoribus Guilielmum præsertim Maranum & Joannem à Costa audivit, Illustribus condiscipulis Petro de Marca, Francisco Bosqueto, Innocentio Cironio, Petro Chuppæo, & Nicolao Macquino, qui cuncti excellenti juris peritiâ ad sacros Antecessoriosve honores pervenerunt. Absolutis jurisprudentiæ studiis Florens, aliquot annis causas egit in Divionensi Curia. Deinde Parisiis Henrico Memmio, cæterisque togatis Proceribus, virisque doctriâ conspicuis innotuit familiariter. Inde ad Cathedram Aurelianensem promotus anno 1632. ac post annos duodecim ad Parisiensem scholam evocatus est, ubi inter Antecessorii muneris exercitationes primoribus, atque omnibus eruditis pariter & eruditionis avidis in pretio habitus, Literarios cum selectis Procerum congressus instituit

cum Ludovico præsertim Boucheratio, Guilielmo Lamoni-
 one, Michaelæ Marilliaci, itemque cum Jacobo Ame-
 lorio, quos omnes natalium splendore subnixa doctrinæ ac
 virtutum merita, ad summas togæ dignitates evexerunt.
 Solum ex hoc numero superstitem nunc habemus *Bouche-*
ratium, qui sacri Palatii quæsturam (Magni Franciæ Can-
 cellarii dignitas apud nos vulgò vocatur) supremum inquam
 illud honoris fastigium ornat, magis quam ab eo ornatur,
 utque diutissimè ornet optant omnes boni, postce Regis
 regniqûe felicitas. Florens septimo Parisiensis Antecessuræ
 anno, Aureliæ obiit 29. Octobris an. 1650. In majori cœme-
 terio sepulturæ honorem cum elogio sortitus.

Ego ejus loco ad Antecessuram Parisiensem paulò post
 vocatus, illustris Antecessoris memoriæ hoc debere putavi,
 ut tum à superstitè edita, tum inter Auditorum manus
 errantia ipsius opera in unum colligerem volumen, duabus
 partibus distinctum. Prior pars, cum dissertatione *de Origine*
arte & autoritate Iuris Canonici, & Præfatione *de Metho-*
do & autoritate Gratiani & aliarum Compilationum, atque
Oratione de recta ratione discendi Iuris Canonici, Tractatus
 novem continet, ad totidem priores libri primi Decretali-
 um Titulos; itemque dissertationem *ad Cap. auditis de*
Præscriptionibus. Tractatum *ad Tit. de Vita & honestate Clerico-*
rum, Præfationem *de Dispensationibus Ecclesiasticis*, ac dispu-
 rationem *de Nuptiis Consobrinarum*. Posteriori parte conti-
 nentur Tractatus tres ad Causas Decreti, nempe *de statu*
Regularium, *de Antiquo jure Patronatus*, & *de Sponsalibus &*
matrimoniiis; Tractatus prætereà quinque ad Titulos De-
 cretaliû *de Officio & potestate Iudicis Delegati*, *de Officio*
Legati, *de Officio Iudicis Ordinarii*, *de Prab. & dignitatibus*, &
de jure Patronatus: Adde sunt Notæ & observationes in
 Alexandri Chassanei *Paratitla Decretalium*. Accessit in specim-
 en eruditionis civilis; Tractatus ad Titt. Digestorum &
 Codicis *de Solutionibus & liberationibus*.

DARTIS.

Non dispari officio functus antea fueram in edendis,
 quâ licuit, *Ioannis Dartis*, mei in Regia Canonum profes-
 sione decessoris, operibus. Is Cadurci natus, in patria &
 Tolosæ juri operam dedit sub Guilielmo Marano, aliisque
 Antecessoribus.

Antecessoribus : & jure ac Theologiæ lauream consecutus , à Nicolao Verduno , illius tum Senatus Principe , in familiam ascitus est curandæ ipsius bibliothecæ. Eodem Præside ad Senatum Parisiensem translato , Lutetiam Dartisius quoque venit , ubi anno 1618. Antecessor est renunciatus : ac defuncto post quinquennium Hugone Guijonio Antecessore & Regio Canonum Professore , vacuâ per illius obitum Cathedrâ Regiâ auctus est. Decessit anno 1651. die 21. Aprilis, octogenario major, longâ tabe contractâ , tum ex ætate, tum ex abstinentiâ & labore assiduo. Obiit autem singulari , ut vixerat , Christianæ pietatis sensu , atque admirabili patientiæ inter dolores exemplo. Sepultus in Parochiali Ecclesiâ S. Stephani de Monte, mediocri, ut mandaverat, pompâ elatus. Opera quædam vivens vulgaverat Reliqua , ex magna parte , ejus hæredum humanitas subministravit. Hi fuerunt Benedictini Monachi Congregat. S. Mauri. Nec tacenda ejus in Facultatem Juridicam liberalitas , viginti millium librarum Francicarum legato in eam certis conditionibus collato. Editi ab eo sunt anno 1648. Libri tres *de Ordinibus & dignitatibus Ecclesiasticis*. Alia Opuscula antea in lucem emissâ , in 3^m. partem ejus Operum meâ curâ editorum collata sunt. 1^m. *de statu Ecclesiæ tempore Apostolorum*. 2^m. *de Hierarchia Ecclesiastica*. 3^m. *de Canonica Ecclesiæ disciplina circa Sacramentum Pœnitentiæ*. 4^m. *Animadversiones in Annales Ecclesiasticos Baronii & Casaubonii Exercitationes*. 5^m. *Dissertatio de Jure naturalium gentium & civili*. 6^m. *Athleta Christianus*. 7^m. Præfatio *de rectâ docendi & discendi ratione : tum de Suburbicariis Regionibus & Ecclesiis*, Libri tres. At primâ parte continentur ejus in Decretum Gratiani Commentarii. Quæ tertiâ prælectione in Decretales distaverat , editioni parata , ea in quas manus eo moriente inciderint , mihi planè incompertum est. Jam Tractatum de *Beneficiis* , in secundam Dartisii operum partem conjectum , non ab eo , ut mihi affirmatum fuerat , sed à Vincentio Cabotio compositum fuisse , jam antea indicavi.

A X E L I U S.

Honorius van Axel de Seny Ultrajectensis; civis & Advocatus Romanus , anno 1628. edidit totius Juris Canonici Compendium , sive *brevem Summam in quinque Libros Decretalium, Concilii Tridentini Decretis accommodatam* , in qua Juris
Nnnn

Canonici Primæ Institutiones seu Elementa ita traduntur, ut plurima breviter ac decisivè explicentur, & Canonum Glossarum ac Doctorum receptorum autoritate communiantur : cui accessit Compendiosa *Praxis Beneficiaria ex Concordatis* Nationis Germanicæ cum sede Apostolica initis deducta, operâ Laurentii Nicolartii Theologiæ Doctoris, & Collegiatæ S. Joannis Evangelistæ apud Leodium Ecclesiæ Canonici.

B L E Y N I A N U S.

Antonius Fabricius Bleynianus, ex eadem familiâ cum Antonio Fabro Primario Senatus Sabaudicæ Præsidi, natus in Delphinatu anno 1569. studio juris operam dedit in Academiâ Tolosanâ, & quibusdam Italicis : ac tandem in Valentiniâ conquievit, Antecessor creatus, quo munere accuratè & concordî cum Collegis animo functus, obiit anno 1626. sepultus in monumento, quod sibi vivus paraverat juxta sacellum Ecclesiæ S. Apollinaris. Scripsit *Introductionem in Theoriam & praxim beneficiorum Ecclesiasticorum*, & *Institutiones Theoricas & præcticas*, seu *Rudimenta Juris Canonici* : quod opus diu post ipsius mortem vulgatum est, studio Antecessorum Valentinenſium. Nec juris tantùm scientiâ, sed linguarum, etiam Hebraicæ, itemque Mathematicæ disciplinæ peritiâ, religione & æquitate præcipuâ commendatur.

C I R O N I U S.

Innocentius Cironius, Joannis Baptistæ Insulati, in Tolosano Senatu Præsidis frater, juris utriusque Professor, Canonicus, ac Ecclesiæ, & Academiæ Tolosanæ Cancellarius : *Quintam antiquam Compilationem Decretalium* Honorii tertii, ex Manuscriptis Codicibus primùm edidit cum notis : addidit *Paratitla in Quinque Libros Decretalium Gregorii IX. & Observationum in jus Canonicum* Libros quinque, quæ opera Tolosæ anno 1645. in lucem emisit.

D A V E Z A N U S.

Ioannes Davezan Vasco, in Valle Aurana, ad extremum sub Pytenæis Armaniaci Comitatum nobili familia, desinente ferè superiori sæculo natus, perfectis in Academia Tolosana Juris utriusque studiis, Lutetiam venit,

& Senatus consulto Aurelianensis Antecessor, non sine certamine pronunciatus est, anno 1626. ac trigésimo post anno extra ordinem ad Parisiensem scholam evocatus Regio rescripto 26. Julii anno 1659. procurante imprimis Guiljelmo Lamonione primario Præsidi, salvis ob Veterani Privilegium emolumentis ac Juribus, quibus in Aurelianensi Academia fruebatur: assignato præterea mille ducentarum Librarum stipendio è regiiis redditibus singulis annis percipiendo; idque Exemplo Florentis iisdem conditionibus ab Aurelianensi ad Parisiensem Academiam ante annos sedecim translato. Eodem tempore Davezanus Honorario quoque Comitis Consistoriani Titulo ab Illustrissimo Petro Seguerrio Franciæ Cancellario decoratus, decessit Parisiis anno 1669. omiſſis libris de servitutibus, deque Contractibus, qui ad Jus Civile pertinent; Edidit etiam tractatus de Matrimonio, de jure Patronatus, & librum de Censuris Ecclesiasticis, cum dissertatione de Pontificia & Regiâ potestate.

P A S T O R.

Melchior Pastor, apud Aquas Sextias Antecessor, Tractatu de Beneficiis & Censuris Ecclesiasticis nobilitatur: ad eum tractatum, quemadmodum & ad Institutiones Lancelotti, utiles atque ad usum fori maximè accommodatas annotationes scripsit Joannes Solier in Senatu Tolosano Advocatus, atque expediendorum per Romanam Curiam rescriptorum curator.

ALEXANDER CHASSANÆUS.

Alexander Chassanaeus Jurisconsultus Parisinus, (vulgò de la Chassagne) Paratitla in quinque Libros Decretalium protulit an. 1612. Nicolao Verduno Primo Senatus Parisiensis Præsidi nuncupata, eruditionis & elegantix nomine commendata.

P E T R U S D E M A R C A.

Petrus de Marca, antiquâ & clarâ admodum stirpe in Bearnensi Provinciâ editus anno 1594. Catholicis parentibus. Post exacta apud Auscos ac Tolosâses studia, ante annum ætatis 22^m. renunciante Joanne Patruo, Senator Supremi Beneatensis Consilii designatus est anno 1615. ac sexennio post, Consilio Provinciali in Parlamenti nomen ac Titulum

evecto anno 1621. ipse Præsidis dignitate donatus ob singularem meritam, incredibile est quantum scientiâ & religione suâ contulerit ad restaurandum in eo Principatu, Catholicum cultum. Anno deinde 1639. ad sacrum Consistorium adscitus à Ludovico XIII. jussusque est, de sacræ & regiæ jurisdictionis finibus scribere; atque anno 1641. ad Episcopatum Conserannensem nominatus: tum ineunte an. 1644. Visitatoris sive Censoris amplissimo titulo missus in Catalonia à Ludovico XIV. factiosorum aliquot conspirationes prudentiâ, constantiâque suâ discussit; & ex Ecclesiarum ac Monasteriorum tabulis multa collegit, quibus ad Juris Canonici interpretationem præclare usus est. Anno 1651. aditâ & quantum fieri potuit dispositâ Conserannensi Ecclesiâ, reversus ad Regem, ab eo sequenti anno nominatus est ad Archiepiscopatum Tolosanum: ac tandem ad Parisiensem: cui tamen ne, ut sperabatur, prodesse posset, mors intercessit: statim enim ab acceptis Pontificiis Codicillis, anno 1661. raptus est Ecclesiæ Gallicæ, atque aded Catholicæ votis: sepultus in Basilica B. Virginis Parisiensis. Ejus ego memoriam celebrare conatus sum solenni Oratione in scholis nostris habitâ, quas cum Illustrissimis viris Ludovico Boucheratio, Guiljelmo Lamonione, Francisco Bosqueto, aliisque sacri & Togati Ordinis Proceribus, Honorariis Facultatis juridicæ Parisiensis Doctoribus, tuendas, fovendasque, & pristino splendori restituendas susceperat. Præcipuum ejus opus inscriptum est *de Concordia Sacerdotii & Imperii*, seu *de Libertatibus Ecclesiæ Gallicanæ*: cujus primi quatuor Libri anno 1641. prodierunt. Posteriores quatuor (cum prioribus emendatis auctisque) post Illustrissimi Patroni obitum ejusque mandato edidit Stephanus Baluzius, qui & vitam ejus accuratè composuit, & alia ejusdem opuscula collegit: inter quæ non ultimum obtinet locum *Tractatus de primatu Lugdunensi & cæteris primatibus*.

B O S Q U E T U S.

Franciscus Bosquetus Narbonensis, Tolosæ in Collegio Fuxensi inter eruditos sodales, Latini, Græcique & Hebraici sermonis cognitione viam sibi ad Jurisprudentiam paravit: cujus peritiâ instructus, præturam primum in patriâ gessit, deinde Lutetiæ Henrico Memmio patrono usus,

litteratis omnibus haud vulgaris doctrinæ nomine cognitus: Petri Seguerii Franciæ Cancellarii præsidio, Regii in Senatu Rothomagensi Procuratoris munere aliquandiu functus, Lutrensis Episcopus anno 1648. à Rege designatus est, deinde anno 1655. translatus ad Episcopatum Montis Pessulani, voluntariâ Cardinalis Estensis cessione, Obiit anno 1676. Scriptis suis Canonica studia non parum adjuvit. *Innocentii 3. Epistolas* commentariis Historicis illustravit, *Vitas Pontificum* Avenione commorantium notis auxit, *Synopsim Legum Græcam Michaëlis Pselli* elucidavit Juris annotationibus. *Raimundi Martini* Dominicani opus *Pugionis fidei* contra Judæos & Mauros, in pulvere Bibliothecæ Fuxensis tenebris damnatum, ejus ope & operâ, publicâ luce donatum est: *Ecclesiæ Gallicanæ Historiarum exordia* quatuor libris, à primo Christi in Gallias Evangelio, ad datam Ecclesiæ pacem publici Juris fecit: quarum continuatio, & plura alia majoris molis opera, à litteratis expetita, imprimis verò Commentaria vel Notæ in Decretum Gratiani, nondum prodierunt: nec ubi lateant, discere ulla ratione adhuc potui.

T O N D U T U S.

Petrus Franciscus Tondutus Sanlegerius (Gallicè *de Tonduti de S. Leger*) Jurisconsultus Avenionensis, inter alia, tractatum scripsit *de Pensionibus Ecclesiasticis*, ad stylum Curix Romanæ, & ad praxim tribunalium Galliæ accommodatum, Lugduni editum. Prius etiam composuerat *Resolutiones Beneficiales & Regales*, ac de *Preventionem judiciali* sive de contentione jurisdictionum, anno 1659.

D A D I N U S A L T A S E R R A.

Antonius Dadinus ab Altaserra, in Cadurcis nobili genere natus initio hujus seculi, Francisci Dadini Salvazonii Antecessoris Pictaviensis frater nata major, postulatione ad Antecessuram Tolosanam vocatus anno 1644. commendante ejus doctrinam Petro Seguerio Franciæ Cancellario. Scriptis suis de utraque jurisprudentiâ, deque historia Gallica reverà optimè meritis. Imprimis quæ ad nostrum hoc institutum pertineant, *Dissertationum Canoniarum* libros sex composuit: Notas tum in *Epistolas B. Gregorii*, tum in *Anastasium Bibliothecarium* de vitis Romanorum Pontificum:

Commentarios item *in omnes Innocentii Terti Decretales*, quo ordine Gregorianæ Collectioni sunt insertæ; quibus haud absimiles commentarios in Alexandri Terti Decretales in scholis dictavit, quorum editionem in dies expectamus. Extant & ipsius *in clementinas* Commentarii. Decessit Tolosæ anno 1682. octogenario major. Sepultus in æde B. Mariæ à Nazareth.

BENGEUS ET PINSSONIUS.

Antonius Bengeus Bituricus (vulgò *Bengy*) à Forensibus negociis ad publicum docendi munus anno ætatis 27°. vocatus, atque in demortui Cujacii locum auspicatè successus, operoso huic muneri assidue incubuit per annos 24. immaturo fato sublatus anno Domini 1616. ætatis 52°. Inter ejus schedas *Franciscus Pinssonius*, Francisci Antecessoris Bituricensis in Juris Canonici interpretatione præcipuè, ab anno 1611. ad 1643. versati, filius, Bengei per Mariam filiam nepos, in Senatu Parisiensî pereruditus causarum patronus, specimen *Tractatus de Beneficiis Ecclesiasticis* invenit, quod avus ex definitione beneficii desumendum quotidianis recitationibus paraverat: sed vix ad tertiam partem perduxerat. Inceptum avi materni perfecit accurato studio nepos, atque ad usum fori Gallici, & libertatum Ecclesiæ Gallicanæ accommodatum, edidit Parisiis anno 1654. & nunc magno in publicum commodo ad secundam Editionem parat. Mitto alia ejusdem *Pinssonii* Opera, tum edita, tum editioni proxima, veluti *Notas ad Indultum* nonnulla, tractatum de *Regaliâ*, quæ & Gallicè scripta, & magis ad specialem Fori Gallici usum, quàm ad jus commune referuntur.

ROYA.

Franciscus de Roye Andegavus, patre in prætura Andegavensi Consiliario natus, avo materno Francisco Dory d'Argentè Antecessore, & ipse, in ea studiorum Universitate, Antecessor, Commentarium edidit in Canonem *Ego BERENGARIUS 42. de Consecrat. dist. 2.* itemque tractatum de *Juribus honorificis in Ecclesia*, atque alium de *Jure Patronatus*, Andegavi anno 1667. atque hunc priùs quidem in lucem emissum, Florentis, ea de re tractatu, qui tamen

longè antè & compositus, & in scholis nostris dictatus fuerat. *Institutiones* quoque *Iuris Canonici* conscripsit in tres libros digestas, eruditione haud vulgari refertas; quas Illustr. Dom. Hieronymo Bignonio Patricio & Comiti Consistoriano inscripsit anno 1681. Vivere desuit anno 1686. Januarii 24. die.

F A G N A N U S.

Prosper Fagnanus Juris Canonici in Academia Romanâ insignis hoc seculo Professor, diu Congregationi Cardinalium Concilii Tridentini interpretum à secretis fuit; vir perspicaci inter cæcitatis incommoda ingenio: Absolutissima in *Quinque Libros Decretalium* Commentaria emisit sub annum 1660. quibus recepta in Italia jura, sive jus commune Canonicum, eruditè ac subtiliter exponit.

C A B A S S U T I U S.

Ioannes Cabassutius Aquisextiensis, Presbyter congregationis Oratorii Domini Jesu. Hactenus Opera duo insignia edidit. Altero *Theoriam & praxim Iuris Canonici*, sex libris complexus est, qui anno 1660. Lugduni prodiit: Alteri titulus est *Notitia Ecclesiastica*, Historiarum, Conciliorum & Canonum invicem collatorum, veterumque juxta ac recentiorum Ecclesiæ rituum, ab ipsis Ecclesiæ Christianæ incunabulis, ad nostra usque tempora, secundum cujusque seculi seriem, accuratè digesta: quod repetitâ editione longè auctius prodiit anno 1680. atque inter Autores Historiæ Ecclesiasticæ referri non immeritò potest.

C O R V I N U S.

Arnoldus Corvinus à Belderen, Hollandus, sed Catholicus, Juris utriusque Doctor, cum plura ad jus Civile, Feudale, & municipale, enucleandum scripserit: concinnum quoque opus dedit libris quatuor comprehensum, quod anno 1648. Amstelodami editum, Institutionum Canonicarum loco esse potest. Ei titulus est *Ius Canonicum per Aphorismos* strictim explicatum.

U R B A N U S A B A S C E N S I O N E.

Urbanus ab Ascensione Carmelita, in Provinciâ Turonen-

fi Theologiæ Professor emeritus , & Provinciæ ejusdem Ordinis Aquitanicæ Exprovincialis ac Custos, edidit anno 1659. *Institutiones Juris Canonici*, vetetis & novi principia complectentes, ad usum utriusque fori, tribus partibus distinctas.

MIRBELLUS.

Prodierunt anno 1608. *Institutionum* quoque ejusdem Juris *Libri duo*, Autore Cælestino Mirbello Biturige J. C. & patrono (*Mirebeau*) à quo prætermisâ sunt, quæ cum Jure Civili communia, jus Pontificium habet.

LALANDA.

Jacobus de Lalande, Antecessor Aurelianensis, & in Præfidiâli Judicum confessu Exconsiliarius; inter alia, Exercitationem ad Titulum de *Ætate & qualitate & ordine præficiendorum*, cum brevi tractatu de *Nuptiis Clericorum* vetitis aut petmissis an. 1654. *Prælectiones ad Titulum de Decimis, primitiis & oblationibus*, anno 1661. vulgavit.

GONZALES.

Emmanuel Gonzales Telles, Collegii Majoris Conchenfis in Academia Salmanticensi Alumnus, juri operam dedit sub Francisco Ramos del Manzano Primario Juris Civis Professor, qui postea Mediolani Præses, & Caroli II. Regis doctrinæ ac morum Magister, & sub Josepho Fernando de Retes Juris Cæsarei Primario quoque Professore; tum anno 1655. ad minorem in eadem Academia Decretalium Cathedralium vocatus; dein Proprietarius Sexti Antecessor renunciatus; & antiquioris vespertinæ sacrorum Canonum Cathedralis proprietarius Interpres; in Pinciano, seu Vallisoleto, Inquisitionis tribunali Apostolicus Inquisitor, & in supremo Inquisitionis Senatu Consiliarius: scripsit *Commentaria perpetua in singulos textus quinque Librorum Decretalium Gregorii IX.* Cui operi accuratè elaborando, singulisque Decretalibus per Notas ab Historia & Chorographia petitas, perque uberes Commentarios illustrandis, viginti annos se impendisse testatur. Exierunt in lucem hæc Commentaria Lugduni anno 1673. in quatuor Tomos divisa.

MAJORETUS.

MAJORETUS.

Ioannes Majoretus Tolosæ, atque in Academia sua clari nominis nostris temporibus Antecessor, *Commentaria in Libros quatuor Institutionum Iuris Canonici Ioannis Pauli Lancelotti*, composuit. Ea filii atque in Antecessura successoris studio, publici Juris facta sunt, Tolosæ 1676.

ENGELIUS.

Ludovicus Engel Ordinis Benedictini, è Mellicensi Austriæ Monasterio, Salisburgensis Archiepiscopi Consiliarius Ecclesiasticus, & in Universitate Salisburgensi Procancellarius, ac sanctorum Canonum Ordinarius Professor, *Collegium universi Iuris Canonici* adornavit, quod initio partitum juxta triplex juris objectum, anno deinde 1681. servato ordine Decretalium accuratiùs translatus est.

STREINIUS.

Ioannes Streinius Germanus, Societatis Jesu, *Summum Iuris Canonici* conscripsit, quæ Coloniz edita est.

MELLÆUS.

Stephanus Mellæus Parisinus (*de Melles*) ex Philosophiæ Professore Antecessor in eadem Academia, de Origine, divisione, & dotatione *Parochiarum*, deque Parochorum gradu, institutione & officiis, Prælectionem *ad Titulum extrâ de Parochiis & alienis Parochianis*, emisit in lucem anno 1678.

PETRUS HALLÆUS.

Nefas mihi fuerit veterem Collegam hîc præterire. Is est *Petrus Hallæus* Baiocensis, qui in Cadomenfi Academiâ, cum in ea Rectoris munere fungeretur, Juris utriusque Doctor, coram Illustrissimo quondam Petro Seguerio Cancellario, solemnî ritu renunciatus anno 1640. cum deinde à Parisiensi Artium Facultate absens cooptatus, in Harcuriano Gymnasio diurnâ ac laudabili humaniorum literarum & eloquentiæ professione, ad Jurisprudentiam, (quæ sine his studiis intelligi & consistere non potest) selectæ Juventuti viam munisset; in scholam Juridicam, geminato

Fr. Florentis & Jo. Dartisii funere afflictam ac propè defertam, Mecum anno 1655. extra ordinem accitus, in eodem adhuc stadio feliciter perduræ; atque inter assidua laboriosæ Antecessuræ Munia, exaratis eleganti stylo, ac facili methodo, *Institutionibus Juris Canonici*, quæ anno 1685. editæ sunt, Tractatus haud dispares de *Matrimonio*, de *Beneficiis*, alioque editioni paratos habet, ad illustrandum Jus omne, Commentarios. Et cum Cadomus Antonio Hallæo Eloquentiæ Professore ac Poëta eximio, nec minùs celebri Antecessore Henrico Hallæo gloriatur, utrumque Petrus noster Parisiensis Academix planè repræsentat. Cæterùm non omittam, quod ipsi honorificum, in eo Antecessoriâ Dignitate augendo partes suas ex continuata in eundem benevolentia & studio, interposuisse amplissimum Seguerium: cujus ego Mæcenatis publicas laudes, & propria in meipsum merita, cum tacere nunquam debeam, nunquam possum satis ex animo commemorare.

D O U J A T I U S.

Quidni Mei quoque ultimo loco meminisse liceat: qui non laudem quæram, sed studiosis indicare satagam qualiacumque Opera, quæ ad enarrandum Jus Canonicum videntur posse conducere. Ego itaque Tolosæ natus, Patre & Avo Advocatis in Senatu, hoc etiam Capitolino; Proavo Guilielmo Consiliario Regio in Parlamento Tolosatum (cujus extat enarratio in *Responsa Jurisconsultorum Naturalia* 1^a. & 2^a. partis Digestorum,) Abavo Ludovico, qui primus Reginus in Magno Consilio Advocatus fuit: studio Juridico in patriâ peractò sub Mich. Vergerio & Joan. Majorero, in Advocatorum numerum ibidem relatus sum an. 1637. Dein Parisiis an. 1651. Joanne Dartisio postremis tabulis commendante, Reginus sacrorum Canonum Professor dictus fui, Regis auctoritate, ab Eminentissimo Alphonso Ludovico Pleffiaco Richelio, Cardinali Lugdunensi, Magno Franciæ Eleemosynario, ut tunc mos erat: tum post quadriennemalem ferè Juris Canonici in Regio Franciæ Collegio professionem, de sententia Ill^l Matthæi Molé Senatus Principis, & Ill^l Reginorum Triumvirorum, Aud. Talzi, Ach. Harlzi, Hier. Bignonii, atque Academix Decreto ad primam vacantium in Juridica Facultate Cathedram coopertus à V. C. Philippo

de Buifine, qui solus Antecessor supererat: Ab eo tempore ad hunc usque diem Dei benignitate munus Antecessorium, nunc apud nos longè quàm alibi operosius, etsi dudum Emeritus ac Primicerius, pro virili exequi non destiti. Quamvis autem ante quinquennium, Institutiones Canonicas ipse quoque ex animi mei sententia elaboratas distaveram: malui tamen *ad Lancelottum* emendatum *Notas* paulò uberiores edere, ob rationes allatas in Præfatione ejus operis, quod prodiiit exeunte anno 1684. Accedent Deo volente *Paratista* sive Summaria Methodica in *Decretum* Gratiani, atque adeo in universum Jus Canonicum; ejusdem Juris *Epitoma*, brevis *de Matrimonio* Tractatus ad Librum 4^{um}. Decretalium: atque alia, quæ jamdiu in scholis Juris à me dictata, nondum ultimam manum acceperunt.

Historica, & ad illustrandum Jus Civile aut Gallicum pertinentia, quæ ab anno 1671. edidi, iis memorandis, meis scilicet æquè ac alienis, nunc abstinendum censeui; ne nullus sit operi finis. Gallici Juris Autores, atque Interpretes locum suum invenire poterunt in *Manuductione* mea ad Forum Gallicum: si opusculum jamdiu inchoatum, sed ob graviora & urgentiora negotia dilatum, ad finem perducere propitium numen annuerit. Sed nec Canonica, idiomate nostro conscripta recensere, jam vacat. Satis superque fatigatos mecum fore suspicor tam longâ Auctorum enumeratione, plerosque Lectorum: in qua ut quosdam eorum qui mihi & noti, & in pretio sunt, excidisse animadverto; ita & nonnullos, qui sine magno Legentium damno prætermitti fortè potuissent, irrepsisse non dubito. Exciderunt sanè & *Ioannes de Selva* Parisiensis, inter primos rei Beneficiariæ Scriptores memorandus, & cum præcipuis aliquot autoribus Consiliorum, Quæstionumquæ forensium, Nicolaus *Boërius* Burdigalensis, Guilielmus *Benedicti* Tolosæ, atque ex recentioribus Bartholomæus *Carthagensis*, Petrus *Alagona*; denique Cardinalis *Tuscheus* Conclusionum Practicarum autor seu Collector, alique non pauci. Verùm quæ hic deerunt, supplere affatim licebit ex iis qui superiori seculo vitas Jurisconsultotum, & hoc nostro Bibliothecas Juridicas collegerunt, de quibus cap. proximo.

CAPUT X.

Recensentur Scriptores præcipui, qui Autorum Ecclesiasticorum, & Juris Canonici Doctorum, Res atque Opera per indicem memorarunt.

1. *Autorum Ecclesiasticorum Nomenclatores.*

I. **A**UTORUM Sacrorum Historicum censum, ut ita dicam, egerunt multi scriptores. Agmen ducere videtur B. Hieronymus, quem secuti sunt Gennadius Massiliensis circa annum 492. Isidorus Hispalensis circa annum 630. Honorius Augustodunensis de Luminaribus Ecclesia circa annum 1124. Joannes Trithemius Spanheimensis in Catalogo scriptorum Ecclesiasticorum, ad annum 1494. Sixtus Senensis in Bibliothecâ sanctâ, Robertus Bellarminus Cardinalis: & post hos, ut alios taceam, Aubertus Miræus Canonicus Antuerpiensis in Bibliotheca Ecclesiastica, & Philippus Labbe Bituricus, Societatis Jesu Theologus, in Dissertatione de Scriptoribus Ecclesiasticis, quos attingit Bellarminus. Addi potest Supplementum de Scriptoribus vel scriptis Ecclesiasticis à Bellarmino omissis, collectore Casimiro Oudin Presbytero veteris Instituti Ordinis Præmonstratensis, Parisiis hoc anno 1686. Nec omittendus Antonius Possévinus in Apparatu sacro.

2. *Doctores Juris Canonici Antiquos, qui nam recensuerint.*

II. Interpretes Juris Canonici & Civilis simul collegerunt, eorumque vitam, & cujusque scripta recensuerunt imprimis Joannes Nevissanus, Ludovicus Gomezius, Joannes Eichardus, Joannes Baptista Zilettus, & Joannes Volfgangus Freimonius, Autor Symphoniz utriusque Juris, itemque Valentinus Forsterus, atque illis accuratius Guido Panzirolus Regiensis, Patavinus Antecessor Primarius lib. 2°. & 3°. de claris Legum Interpretibus, ad finem usque seculi superioris, utpote mortuus anno 1592.

3. *Unde haurienda notitia posteriorum Juris Canonici Doctorum.*

III. Illustrium Juris Interpretum qui proximâ ætate floruerunt, laudes colligi possunt, tum ex Historia Jacobi Augusti Thurnani, qui sub finem cujusque libri, demortuorum memoriam celebrat, ab anno 1550. ad 1607. tum ex Hispania Bibliotheca anno 1610. edita Francofurti, in 7°. classe quæ est Jurisconsultorum; itemque ex Valerii Andræ Dessélii

Jurisconsulti *Bibliotheca Belgica* anno 1643. Ex 2^a. parte *Bibliotheca Ecclesiastica Miræ* 1649. Ex *Elogiis Scævolarum Sammarthani* & *Papirii Massoni*; ex *Melchioris Adami* vitis *Jurisconsultorum Germanorum* hujus seculi. Quædam ex Recentiorum *Epistolis Nuncupatoriis* & *Præfationibus* operi cuique præfixis peti poterunt.

IV. Opera cujusque Autoris, ad utrumque jus spectantia sub rerum & materiarum Titulis, ordine Alphabetico digesta suggeret M. Martinus *Lipenius* Gymnasii Lubecensis Conrector in *Bibliotheca Reali Iuridica* anno 1679. Francofurti edita. Ejusdem Lipenii labore, Theologi (permixti scilicet Orthodoxi Heterodoxi) Medici, Philosophi &c. sua quique habent ejusdem generis volumina.

4. Operum Juridicorum Index amplissimus.

V. *Repetitiones*, sive specialia Commentaria in plurimos Decreti Canones aut Decretalium Titulos, & Capitula, quæ sparsim vagabantur, collecta fuere Gregorii XIII. mandato. Extantque *Repetitionum* hujusmodi volumina quinque, tum Venetiis, tum etiam Coloniz Agrippinz anno 1610. Ejusdem eruditissimi Pontificis auspiciis prodierunt Romæ anno 1584. *Tractatus Tractatum*, materias, XVIII. à variis Juris Consultis tractatas, continens voluminibus XXV. operâ Francisci Zileti; sed ad Civile magis, quàm ad Canonicum jus pertinentes.

5. Tractatum specialium Collectanea.

CAPUT XI.

De Præcipuis Ecclesiastica Historiæ Generalis Autoribus.

I. CANONICÆ Disciplinæ cupidis non sufficit Canonum Interpretes nosse, nisi Ecclesiasticæ quoque Historiæ Autores saltem præcipuos cognitos habeant. Constitutionum quippe & Decretorum causæ ex rebus quæ diversis temporibus contigerunt, sæpenuerò apparent, ideoque ad percipiendam Canonum vim, conducit mirum in modum Historiæ notitia.

1. Cur Historia cognitis studiosis Canonum necessaria.

II. Et sacram quidem *Hebræorum* Historiam ignorare nemini Christiano licet. Ea ex ipsorum *veteris Testamenti* Codicum fontibus petenda, ad quam illustrandam valent *Flavii Iosephi* (qui aliis *Iosippus*) *Antiquitatum Iudæicarum*

2. Historia veteris Testamenti Autores & Collores.

rum Libri viginti, & de bello Judaico quod gestum est à Vespasiano libros septem conscripsit. Eandem in ordinem digessit *Petrus Comesor* libris sexdecim *Historia scholastica* circa annum 1160. Hac verò nostrâ ætate, *Annales sacros* veteris testamenti undequaque collectos ediderunt *Augustinus Tornielus* anno 1613. *Jacobus Saliannus* Avenionensis Societatis Jesu Theologus, 1619. *Henricus Spondannus* Appamiarum Episcopus.

3. *Ecclesiastica Historia in varias classes divisa.*

III. At *Ecclesiastica* post Christum *Historia* plures habet inspectiones. Aut enim res ad Generalem Ecclesiæ statum pertinentes describit: aut speciatim, vel Romanorum Pontificum, vel Episcoporum aliorum, sive Nationis, sive Provinciæ, sive etiam Civitatis alicujus, seriem ac gesta persequitur: aut Ordinum Monasticorum aliorumve Regularium, Originem & progressum, resque alias hujusmodi tractat. Nec desunt qui seorsim de Hæresibus, deque Conciliis scripserint, quæ tamen ad Universalem, *Historiam* ferè referuntur: His adjiciendi qui Sanctorum vitas collegerunt.

4. *Historia Ecclesiastica Generalis Autores veteres Græci, & 1º. Eusebius.*

IV. *Generalem Ecclesiæ Historiam*, partim Græci, partim Latini composuerunt. Inter Græcos eminet *Eusebius*, *Pamphilus* dictus, Episcopus Cæsareæ in Palæstina, cujus extant libri decem *Historia Ecclesiastica* ab initio nascentis Ecclesiæ, ad relatas de Maxentio ac Licinio victorias, & Libri quatuor *de vita Constantini*.

5. *Socrates.*

V. Post *Eusebium Socrates* Scholasticus, *Ecclesiasticam* à Constantino Magno *Historiam*, spatio centum quadraginta annorum, Libris septem, ad Theodosium Juniorem perduxit, ejusque Consulatum 17^m. sive annum Christi 449.

6. *Sozomenus.*

VI. *Hermias* deinde *Sozomenus*, & ipse Scholasticus dictus, quod diu in Forensibus Actionibus Constantinopoli versatus fuerit: ejusdem temporis ac *Socrates* *Historiam* scripsit ab anno 124. ad annum 439. Libris novem. Sed deesse ultimorum ferè viginti annorum narrationem, colligi potest ex Epistola ipsius dedicatoriâ ad Theodosium Juniorem. His verò tribus primis *Ecclesiasticæ Historiæ* Autoribus, non habendam in omnibus fidem facilè judicabit qui *Eusebium* noverit Arianorum fautorem haberi, *Socratem* & *Sozomenum* Novatianos fuisse.

7. *Theodorus.*

VII. Secutus est *Theodorus* Episcopus Cyti in Syriâ qui

inter alia multa, decem Libris Historiam Ecclesiasticam centum & quinque annorum, à fine librorum Eusebii usque ad sua tempora scripsit, id est à Vicennialibus Constantini usque ad 13^{um}. ni fallor Consulatum Theodosii Junioris; sive à Concilio Nicæno fermè ad Ephesinum. Hic in id imprimis incubuisse videtur, ut à prioribus prætermissa suppleret. Reliqua ejus opera lib. 2^o. cap. attigimus.

VIII. Post hos *Evagrius* Scholasticus, Epiphanià Syriæ urbe oriundus, Sex libris Historiam Ecclesiasticam annorum 166. complexus est, ab anno circiter 431. quo in Concilio Ephesino damnata est Hæresis Nestoriana, ad annum usque 597. qui fuit Imperatoris Mauricii Duodecimus; quemadmodum ipse in fine operis sui memorat: ubi etiam testatur se aliud quoque opus scripsisse, quod Relationes, Decreta, Orationes, Disputationes, aliaque ejusmodi continebat. In eo imprimis laudandus est, quod ex Græcis Ecclesiasticæ Historiæ Scriptoribus, solus rectæ fidei doctrinam illibatam servavit, uti post Photium Baronius in Annalibus observat: aliunde reprehendendus quod luxuriante stylo, Bellicis aliisque rebus prophanis narrandis, paulò ultra modum immeretur.

8. *Evagrius.*

IX. Præter hos, Ecclesiasticam Historiam Græcè scripsit *Philostorgius*, initio ducto ab Arit Alexandrini adversus Alexandrinum Patriarcham dissensione, ut ipse vocabat: & progressus usque ad Valentiniani tertii tempora & Joannis Tyranni cædem. Verùm ejus Historia hæreticorum Encomium, Orthodoxorum autem criminatio potius quàm Historia dicitur à Photio, qui duodecim ejus Libros in Epitomen redegit. Epitomæ adjuncta sunt aliunde fragmenta.

9. *Philostorgius.*

X. Accedunt Collectanea *Theodori Lectoris* Byzantii, excerpta apud Nicephorum Callistum. Theodori illius duo fuere Opera. Primum nihil aliud erat quam *Historia Tripartita* duobus Libris comprehensa, quam ex Socrate, Sozomeno ac Theodorito unum in corpus collegerat, à vigesimo anno Constantini, ad Principatum usque Juliani: Alterum opus Theodori duobus quoque libris comprehensum, Res in Ecclesia per annos ferè 70. gestas complectabatur, ab iis temporibus in quibus desierat Socrates, usque ad Principatum Justinii Senioris, sive ab anno 449. ad annum 519. Atque ex his

10. *Theodorus Lector.*

duobus posterioribus Libris desumpta sunt illa Nicephori Collectanea, ut notat vir Doctissimus & limati iudicii amicus quondam noster Henricus Valesius, qui hos omnes Amicos emendato textu, propriâque versione & Notis eruditissimis illustratos, edidit Parisiis anno 1659. ac sequentibus.

11. *Nicephorus Callistus.*

XI. Addendus est superioribus *Nicephorus Callistus*, sive Callisti Xanthopuli filius, qui vixit sub Andronico Seniore Palæologo, ejusque filio Michaële & nepote Andronico juniore, atque *Historia Ecclesiastica* libros 18. scripsit, à Christo nato ad mortem Phocæ Imperatoris & annum 610. cum Argumentis aliorum 5. Librorum ab exordio Heraclii ad mortem Leonis Sapientis Imp. quæ accidit anno 911. Extant Græcè & Latine ex interpretatione Joannis Langi, recognita studio & operâ Frontonis Ducæi Societ. Jesu Theologi, Parisiis duobus Tomis in folio an. 1630. Multa habet futilia atque ex dubiæ fidei Autoribus deprompta; non idèò tamen nullius pretii Autor habendus, ut vult Casaubonus: sunt enim apud eum non pauca ex fidei Autoribus desumpta, quorum Opera ad nos non pervenere. Prudentis igitur Lectoris est, à vilibus discernere pretiosa.

12. *Latini Auctores Ecclesiastici & Historia Principi Hegesippus.*

XII. Latinorum Ecclesiasticæ Historiæ Autorum, nec parem copiam habemus, nec parem librorum numerum. *Hegesippus* Romæ sub Eleuthero Pontifice, Imperante Marco Antonino Philosopho, *Historiam Actuum Ecclesiasticorum* Libris quinque distinctam stylo simplici texuit, à Christi passione ad suam ætatem, annum nimirum 180. aut circiter.

13. *Severus Sulpitius.*

XIII. *Severus Sulpitius* genere ac literis clarus, in Aquitaniâ floruit, & partim in Nitiobrigibus, partim Tolosæ habitavit sub IV. Seculi finem; Beatis Martino, Augustino, Paulino, aliisque ejus ætatis Sanctis Præsulibus notus. In senectute à Pelagianis deceptus, errore tandem agnito, se usque ad mortem silentio damnavit, ut peccatum quod loquendo contraxerat, tacendo elueret. Inter ejus Opera extant *Historia sacra Libri duo*, à mundi exordio ad suam memoriam, hoc est ad annum Christi 400. Unde apparet conjunctam ab eo fuisse Historiam veteris Testamenti cum Ecclesiastica & Christiana.

14. *Tripartita Historia Cassiodori.*

XIV. *Marcus Aurelius Cassiodorus* Senator inter cætera libro 2º. à nobis memorata Opera, scripsit *Chronicon ad Theodoricum*

Theodoricum Regem, quod desinit in annum 519. & *Tripartitam Historiam*, quam ex Socrate, Sozomeno, ac Theodotito, Latinè per Epiphanium Scholasticum amicum suum redditis, concinnavit.

XV. *Haymo* Halberstatensis in Germania Episcopus, ex Monacho Fuldensi & Abbate Hirsfeldensi, exemplo Severi Libros decem scripsit, de *Christianarum rerum memoriâ*, sive Epitomen Historiæ sacræ circa annum 850.

XVI. *Paulum Orosium* Presbyterum Hispanum, qui sub initium Seculi V. *Historiarum ab exordio Mundi* libros septem composuit usque ad annum 416. hortante S. Augustino; *Ordericum Vitalem*, Benedictinum qui anno 1141. *Historiam Ecclesiasticam* composuit; *Vincentium Bellovacensem* Ordinis Prædic. qui præter Doctrinale, Morale, ac Naturale speculum, scripsit etiam *Speculum Historiale*, ad annum usque 1254. continuatum ad 1494. *S. Antoninum Florentinum* Archiepiscopum ex eodem ordine, qui Summæ Theologicæ addidit *Summam Historialem* in tres partes tributam, quæque ad annum 1458. porrigitur, nominasse hoc loco sufficiat: alios qui propè innumeri Universalem Historiam ita conscribere, ut plerique prophanis magis quam Ecclesiasticis rebus inhæreant, prætermittendos putavi.

XVII. Alia ratio est eorum, qui datâ operâ rerum Ecclesiasticarum seriem ex prioribus colligentes, iis certiùs explicandis gesta Imperantium attexuere. Hoc inceptum occuparunt superiori seculo firmandæ, ac, si fieri posset, promovendæ Lutheranæ Sectæ, *Mathias Flacius Illyricus*, *Ioannes Vuigandus*, *Matthæus Iudex*, *Basilius Faber*, sub titulo *Ecclesiastica Historia*, Integram Ecclesiæ Christi Ideam quantum ad locum, propagationem, persecutionem, tranquillitatem, doctrinam, hæreses, gubernationem, schismata, Synodos, personas, miracula, Martyria, Religiones extra Ecclesiam, & statum Imperii Politicum attinet, secundum singulas Centurias, perspicuo ordine complectentis. Hi *Centuriatores* Magdeburgenses vulgò dicuntur, quod opus suum Magdeburgi in Saxonia compositum, per annorum Centurias distinxerint. Centuriæ autem singulæ, sexdecim ferè capitibus constant, secundum ea quæ in Operis Titulo proponuntur. Prodiit illud saltem 22. 1560. & proximè sequentibus, continetque Centurias 13.

15. *Haymo.*

16. *Orosius, Vincentius, Antoninus.*

17. *Recentiores Annalium Ecclesiasticorum Collectores, & 1^o. Centuriatores Magdeburgenses Lutherani.*

18. *Eysengreini-
nus.*

XVIII. Adversus novam hanc Historiam Ecclesiasticam Guilielmus *Eysengreinus* Spirensis, Centenarios sexdecim scribendos susceperat, continentes descriptionem rerum memorabilium in Orthodoxa & Apostolica Christi Ecclesia gestarum, cum diligenti annotatione eorum, quæ contra veram, Catholicam, Christianam & Antiquiorem, cum maxima laude traditam, receptamque religionis assertionem, infideliter planè conscribi deprehenduntur: ut veritatis objecto Clypeo, falsitas scripto notetur. Extant duo ejus Centenarii^{1^{um}}. vidi editum Ingolstadii anno 1566. & non eb simili à Centuriatoribus ordine in Capita distinctum.

19. *Baronius.*

XIX. Centuriatoribus opponi omnino possunt Cæsaris *Baronii* ex Oratorii Jesu Presbytero, Cardinalis Romani *Annales Ecclesiastici* absolutissimi, à Christo nato ad Innocentii tertii tempora & annum 1198. cujus Operis egregiam Epitomen concinnavit Henricus *Spondanus*, (*de Sponde*) Episcopus Apamiarum in Gallia Narbonensi.

20. *Baronius,
& Spondanus.*

XX. Baronium excepit *Abrahamus Bzovius Polonus* è S. Dominici familia, qui duodecim Annalium voluminibus Res gestas Ecclesiæ ab anno Christi 1198. ad sua usque tempora, hoc est ad initium fermè hujus seculi prosecutus est. Continuavit quoque Baronium ad annum 1638. *Spondanus* jam laudatus.

21. *Raynaudus.*

XXI. Sed horum Operibus quantumcumque laude dignis deterritus non est ab eodem incepto *Odoricus Raynaudus* ex eodem Oratorii sodalitie, ex quo prodierant *Annales Baronii*. Scripsit ergo post eum Res Ecclesiæ ad dimidium usque seculum superius, voluminibus octo, quæ idèd imprimis habentur in pretio, quod Autori patuerint Bibliotheca Vaticanæ arcana.

22. *Baronii ad-
versarii & de-
fensores.*

XXII. In Baronium porrò insurrexere complures Hæretici, in primis *Isaacus Casaubonus* conscriptis exercitationibus ad ejus *Annales* anno 1614. quibus Julius Cæsar *Bullengerus* Diatribas suas opposuit anno 1617. Adversus hunc Richardus *Montacutius* Antidiatribas scripsit an. 1625. Partes quoque suas interposuit Joannes Dartius suprà capite 9. memoratus, & alii.

CAPUT XII.

De iis qui Res Pontificum Romanorum & Episcoporum
cujusque Nationis scripsere.

I. **P**RÆTER Universalem Ecclesiæ totius Historiam, utile admodum esset Res quoque singularum Ecclesiarum, si fieri posset, perspectas habere. Sed nobis sat erit post Romanæ Sedis Historiam, præcipuos Scriptores referre, qui Episcoporum ejusque Nationis seriem atque A&ta collegunt. Non enim exhaustiendos suscepimus amplissimarum Bibliothecarum Catalogos: sed indicandos Autores, qui ad enarrandos Canones, ac plenius & facilius intelligendas Decretales, conducere præ cæteris videntur.

i. Hujus nō-
stra Disquisi-
tio Terminis

II. Pontificum Romanorum vitas descripsit post Damasum, sive alium Pontificalis Autorem, *Anastasius* Bibliothecarius, à S. Petro ad Nicolaum I. Ex ejus libro collecta est ab *Abbone* sive Albone Floriacensi *Epitome de vitis Romanorum Pontificum* 91. Sunt & cum his edita Moguntia *Luisprandi* Ticinensis, qui postea Cremonensis Episcopus, Opuscula de Vitis Romanorum Pontificum. Secutus est Joannes Baptista, sive ut alii volunt, Bartholomæus *Platina* Cremonensis, qui à Petro ad Paulum 2^m. (à quo pessimè habitus fuerat) Vitas Romanorum Pontificum continuavit. Editus est cum Annotationibus & continuatione *Onuphrii Panvinii* ad Pium V. *Onuphrius* idem Romanos Pontifices & Cardinales à Leone X. ad Paulum IV. collegit, itemque Pontificum Romanorum Elogia & Imagines æneis typis. Extant & Bonifacii *Simonetta* & *Vicellii* de Vitis Pontificum Libri Editi, ille Basileæ anno 1509. hic Colonia 1549. Accessit *Papirius Massonus* de Episcopis urbis qui Romanam Ecclesiam rexerunt ad an. 1586. Scripsit etiam *Ptolemaus Lucensis* Annales Pontificum Romanorum ab anno 1063. ad annum 1303. Indicata est supra *Francisci Bosqueti* Historia Pontificum Romanorum, qui è Gallia oriundi in ea sederunt. Addidit Joannes Antonius *Petramellarius* continuationem ad Librum *Onuphrii* de Summis Pontificibus & Cardinalibus à Paulo IV. ad Clementem VIII. sive ab anno 1565. ad annum 1592. Imprimis verò celebrantur

2. Vita Ponti-
ficum Romano-
rum.

Alfonsi Ciaconii Vitæ & Res gestæ P. P. R. R. & Cardinalium à S. Petro ad Urbanum VIII. cum additionibus Andree Victorcelli, Francisci Cabrera &c. anno 1630.

Neque omittenda sunt à Religioso & Erudito Viro Claudio *Dumoulinet*, Canonico Regulari è S. Genovefæ Congregatione, Collecta Summorum Pontificum Numismata & Elogia anno 1680. Parisiis edita.

3. *De Patriarchis Orientis.*

III. Majorum aliorum Patriarcharum seriem damus in Appendice. Præcorum gesta sparsim describuntur à veteribus Ecclesiasticæ Historiæ Autoribus. Enumerantur iidem à Theodorito in fine Historiæ Ecclesiasticæ, à vicessimo anno Constantini magni, ad Theodosii Junioris imperium.

4. *Gallia Præsum series & Gestæ.*

IV. Ecclesiasticam Historiam Galliæ inchoavit Illustr. Franciscus de *Harlay* Archiepiscopus Rothomagensis anno 1629. Eandem attigit anno 1632. Illustr. Franciscus *Bosquetus*, de quo antea diximus. Sed res Episcoporum Galliæ per singulas Dioceses contexuerat nostro seculo Claudius *Robertus* in *Gallia Christiana*, anno 1626. in lucem emissâ. Hoc autem Opus Scævola & Ludovici *Sammarthanorum* Geminorum Fratrum labore, Roberti precibus suscepto, adedum augmentum, ut novum omnino videretur, à Petro Abelio & Nicolao Scævola filiis, pari cum Patre & Patruo curâ conquisitis undique Monumentis, adjectâ etiam Abbatiarum Historiâ, ab uno in quatuor volumina exerevit: quæ anno 1656. mandato Cleri Gallicani Lutetiæ prodierunt. At Digestos per temporum seriem *Annales Ecclesiasticos Francorum* ab anno Christi 1237. ad an. 845. Carolus *Le Cointe* Trecentis, Congregationis Oratorii D. N. J. C. Presbyter, perduxit tomis octo, in quibus cum eruditione elegantia certat.

5. *De Episcopis Italia.*

V. Exemplo fortè Roberti & Sammarthanorum Gemelotum invitatus Ferdinandus *Ughellus* Florentinus, Abbas SS. Vincentii & Anastasii ad Aquas Salvias Ordinis Cisterciensis, Italicorum Antistitum tempora & Res, servato Provinciarum viginti, & Civitatum ad unamquamque pertinetium ordine, accuratè perscripsit ingenti opere, cui titulus *Italia Sacra* sive *de Episcopis Italia & Insularum adjacentium*, Rebusque ab iis præclare gestis, deductâ setie ad nostram ætatem: ubi Ecclesiarum Ordines, Urbium conditiones, Principum donationes, recondita monumenta in lucem proferuntur. Emanare cepit in publicum ingens Opus

anno 1644. Tomus 9^{us}. exiit 1662. *Sicilia* Episcopatum Historiam prius attigerat Rocchus *Pyrrhus in Notitia Siciliensium Ecclesiarum*, anno 1630.

VI. Episcopalem ceterarum Nationum Historiam non video eadem formâ, eademque curâ opere uno collectam atque descriptam: Per partes itaque inquirenda est. Præscorum Hispaniæ Episcoporum nomina congesta invenio magis quàm digesta in Historiâ Ecclesiasticâ Joannis *Marietta* ex Ordine Prædicatorum: Martyrum quidem lib. 1^o. Confessorum autem lib. 5^o. quæ inde exscripta sunt in Hispaniæ Bibliothecâ, Tomo 1^o. cap. 5^o. Hispanico tamen idiomate multarum ejus gentis Ecclesiarum conscriptæ Res extant: veluti Castellæ & Legionis Archiepiscoporum & Episcoporum, exceptis Toletanis, per *Ægidium Gonzalem de Avila*. De Toletanis scripsit *Didacus de Castejon & Fonseca*. De Portu-Galliæ Ecclesiis Hieronymus *Mascarenhas*, de aliis alii.

6. De Episcopis Hispania.

VII. Historiam Ecclesiasticam Gentis *Anglorum* inchoaverat Venerabilis *Beda*. Eam hoc nostro seculo tractavit *Nicol. Harpsfeldius*. Scripsit & *Franciscus Godouinus* de Præfibus Angliæ. His interferi poterunt *Edmerus* *Benedictinus* Historiæ rerum sui temporis libris sex, *Guilielmus Malmesburiensis* de Gestis Pontificum Angliæ, *Guilielmus Neubrigensis*, *Rogerus de Hoveden*, aliique Historiæ Anglicæ Autores; qui Regum suorum gestis res etiam Episcoporum admiscunt. De Præfibus *Hiberniæ* scripsit *Jacobus Varus* Eques.

7. De Episcopis Angliæ & Hiberniæ.

VIII. Ecclesiarum *Germanicarum* Historia colligi potest ex *Gaspars Bruschi* Epitome de Episcopatibus & Metropoli Moguntina anno 1549. prolata: idem de Laureaco & Patavio Germanico scripsit, deque Abbatibus Germaniæ. Extat & *Alberti Crantzii Metropolis Saxonie* superiori seculo, & *Marci Adami Historia Ecclesiarum Hamburgensis & Bremensis*, edita an. 1609. & *Vvolteri Henrici Streversdorf* Primas *Magdeburgensis*. Sed hi cautè legendi, utpote Heterodoxi. De *Metropoli Salisburgensi*, ejusque suffraganeis scripsit *Friguleius Hund* à Zultzenmos 1620. *Nicolaus Serarius* de Archiepiscopis *Moguntinis*; de *Trevirensibus* *Christophorus Brouverus*. Post hos *Gabriel Bucellinus* in *Germania sacra* Catalogos instituit Archiepiscoporum, Episcoporum atque Abbatiarum.

8. De Episcopis Germaniæ.

LX. In Rebus Episcoporum Belgii tractandis versati

9. De Belgicis Episcopis.

sunt Ferrolus *Locrius Paulinas*, cujus est *Chronicon Ecclesiasticum Belgicum* an. 1616. *Joannes Buzelinus* in *Gallo-Flandria sacra & prophana*, an. 1620. *Arnoldus Raissius* in *Belgica Christiana*, anno 1632. Huc etiam pertinent pleræquæ *Donationes & alia* ab *Auberto Miræo* Collecta.

10. De *Bohemia*,
Polonia & Sue-
nia Episcopis.

X. De *Bohemia* Episcopis scripsit *Thomas Iordanus*, & de rebus gestis Antistitum *Pragensium & Olomucensium* speciatim *Dubravins*.

Joannes Longini sive *Dlugossius* Canonicus *Cracoviensis* scripsit de Episcopis *Polonia*: *Stephanus Domalevicius Varta*, vitam Archiepiscoporum *Gnesnensium* tractavit. *Historiam* Metropolitane Ecclesie *Upsalensis* in *Suetiâ* habemus à *Joanne Magno Gotho*, ejus Ecclesie Archiepiscopo, ad annum ferè 1560. Ecclesiasticam ejusdem ac vicinarum ad Arctum regionum *Historiam* dederunt *Bazins & Paulinus*. Aliarum Gentium Episcopi ex cujusque gentis *Historicis* excerpti erunt.

11. Res *Orien-*
talis Ecclesia
medii ævi.

XI. Rerum *Syriacarum* per tempora quibus Christiani rerum ibi potiebantur, *Historiam Sacram* cum civili scriptis mandarunt imprimis *Guilielmus Tyrius* Archiepiscopus *Libris* tribus & viginti, & *Jacobus de Vitriaco Aconensis* Episcopus ac *S. R. E. Cardinalis* tribus *Libris*.

C A P U T XIII.

De Historiæ Monasticæ Scriptoribus.

I. *Præcipui*
scriptores Re-
rum Monastica-
rum in genere.

I. **M**ONACHORUM & Regularium Ordinum Originem ac progressum, quidam in genere, quidam speciatim susceptâ cujusque ordinis *Historiâ*, literis mandarunt. Præter *S. Hieronymum*, *Palladium*, *Joannem Cassianum* aliosque, qui priscorum *Monachorum* in *Eremo* degentium *Vitam* atque instituta jam olim conscripserunt; extrat *Antoniana Historia* compendium, id est *Historia Ordinis sancti ANTONII* magni, anno 1534. deinde *Heriberti Rosveydi* de *Viris Patrum*, sive *Historia Eremitica*, 1628. *Jacobi Middendorpii* *Originum Anachoreticarum Sylva* 1614. *Auberti Miræi* de *Originibus Monasticis* 1620. & *Prosperi Stellartii* *Annales Monastici* 1621. Regularium autem jura in univertsum tractarunt apud nos *Ren. Choppinus & Ant.* ab

Altaferia in Libris Monasticon, de quibus diximus. Varias illorum *Regulas* collegerunt Hugo *Menardus* & *Stellartius*.

II. Quæ ad Ordinem S. BENEDICTI pertinent, tractaturus Joannes à *Bosco* in Bibliotheca Benedictina, Arnoldus *Vion* B. ga in *Ligno vite*, ubi describitur historia totius religionis S. Benedicti. Gabriel *Buellinus* in Menologio & Annalibus Benedictinis. Accedit Clementis *Reineri* Apostolatus Benedictinorum in Anglia. Huc etiam referti possunt *Leontis Ostiensis Chronica Casinensia*, & Bibliotheca *Cluniacensis*; itemque Auberti *Miræ* Origines Ordinis Benedictini in Belgio. S. Benedicti *Regulam* speciatim edidit cum notis Jacobus *du Breuil*.

III. S. Roberti Abbatis Chronicon Ordinis CISTERCIENSIS auctum à S. Bernardo, publicatum est à prædicto Auberto *Miræ* anno 1614. Scripsit præterea Annales Cistercienses Henricus *Manriquez* 1649. Menologium verò Cisterciense Chrysostomus *Henriquez*.

IV. CANONICORUM REGULARIUM S. Augustini Chronicon scripsit Joannes *Buschius*; Gabriel vero *Pennotus* Historiam tripertitam Ordinis Canonicorum S. Augustini vulgavit an. 1630. eaque materia Auberti *Miræ* diligentiam non fugit.

V. EREMITARUM S. Augustini Josephus *Pamphilus*. Annales scripsit, nuper, hoc est an. 1681. Habetur & Nicolaï *Cruseni* Monasticon Augustinianum; & Cornelii *Curtii* Elogia, atque Icones Virorum Illustrium ex Ordine Eremitarum B. Augustini.

VI. CARTHUSIANORUM Origines, cum Bibliotheca Carthusiana Theod. Petrei dedit sæpius laudatus *Miræ*; habemus & Petri *Dorlandi* Chronicon Carthusiense, anno 1608. editum, & Arnoldi *Raisi* Origines Carthusianorum Belgii anno 1632.

VII. Chronicon Ordinis PRÆMONSTRATENSIS edidit *Miræ*; Bibliotheca verò Ordinis Præmonstratensis emissa est in lucem per Joannem *le Page* anno 1663.

VIII. Speculum CARMELITARUM anno 1607. editum est: de illorum Origine & laudibus scripsit Joannes *Trithemius*; Annales eorumdem concinnavit Joan. Baptista *de Lezana*.

IX. FRANCISCANORUM plures sunt Ordines. *Seraphica*

2. De Rebus Ordinis Benedictini.

3. Ordinis Cisterciensis.

4. Canonico-regularium S. Augustini.

5. Eremitarum S. Augustini.

6. Carthusianorum.

7. Ordinis Præmonstratensis.

8. Carmelitarum.

9. S. Francisci Minorum & Capucinorum.

Religionis Historiarum libros edidit Petrus *Rodolphus* anno 1586. Scripsit etiam Franciscus *Gonzaga* de Origine ejusdem *Seraphica* religionis anno 1587. At post hos Historiam quoque *Seraphicam* edidit Henricus *Sedulius*, in qua continetur Vita S. Francisci Assisiatis, illustriumque personarum &c. anno 1613. *Annales Minorum* per Lucam *Vuadingum* Lugduni exierunt 4. Voluminibus anno 1625.

Inter Acta Concilii Constantiensis legitur dissertatio, cui titulus Fratrum Ordinis *Minorum* de Observantia *Status* adversus Patrem Bonifacium Provinciæ Franciæ Ministum, cum responsione Bonifacii. *Capucinorum* autem *Annales* duobus voluminibus vulgavit Zacharias *Boverius* an. 1632.

10. *Prædicatorum.*

X. *PRÆDICATORUM* sive Ordinis S. Dominici Chronicon publici juris fecit Antonius *Senensis* an. 1585. Thomæ *Malvenda* *Annales* ejusdem Ordinis prodierunt Neapoli anno 1617.

11. *Aliorum Ordinum.*

XI. Aliorum Ordinum res, Latino sermone mirus celebratas invenio. *Camaldulensium* Historiam Augustinus *Florentinus* anno 1575. Florentiæ; *Archangelus Hastivillius* Parisiis anno 1631. scriptis prodiderunt. *Olivetanam* Secundus *Lancelotus* Petusinus 1623. *Annales Ordinis Servorum* B. Mariæ Arch. *Gianius* 1618. Chronicon Ordinis *Minimorum* Lanovius 1635. *Fontis-Ebraldi* exordium Michael *Cosnier*.

12. *De illorum Privilegiis.*

XII. Minorum aliorumque Mendicantium privilegia scriptis suis collegerunt & defenderunt imprimis Antonius de *Medina*, Alphonsus de *Cassarubios*, Hieronymus à *Sorbo*, Emmanuel *Rodericus*, Rogerius *Chonnoë*; Mendicantium verò & non Mendicantium Joannes Baptista *Confettius*.

13. *De Ordinibus Militaribus.*

XIII. Nec omittendi prorsus Ordines Militares sive Equestres. Aubertus *Mirans* jam sæpius citatus Origines dedit *Equestrium* seu militarium *Ordinum* libris duobus anno 1609. Franciscus *Mennenius* delicias *Equestrium* Ordinum: id est eorum Origines, statuta & insignia conscripsit circa annum 1613. *Ioannitarum* verò, qui & *Rhodii*, & postea *Melitenenses*, Historiam seorsim libris duodecim complexus est Henricus *Pantaleon* anno 1572.

CAPUT XIV.

De Martyrum, aliorumque Sanctorum Historia.

I. **P**ASSIONIBUS Martyrum describendis, Instituti Romæ fuerunt à Sancto Clemente Notarii septem, Regionarii dicti, quodd ex quatuordecim Urbis Regionibus dux unicuique attributæ essent, in quibus quisque Acta Martyrum exactè perquirerent, & litteris consignarent, ut refert Anastasius in ejus vita. Anno deinde 238. Antero Pontifici ea cura causam Martyrii præbuisse dicitur in libro de Romanis Pontificibus, quodd scilicet Gesta Martyrum diligenter à Notariis exquisisset, & in Ecclesiâ recondidisset. Ejus nihilominus Successor Fabianus septem illis Notariis, totidem Subdiaconos præposuit.

1. *Servanda sanctorum martyrum initia.*

II. Ex hoc more initium traxisse videntur *Martyrologia*, quæ propriè Res Martyrum, sed latiorj acceptione aliorum quoque Sanctorum gesta breviter tradunt, aut certè nomina indicant digesta per menses diesque, quibus cujusque obitus ac festa in Ecclesia celebrantur, ideoque à Græcis, hujus generis Libri *Menologia* dicuntur, quasi Mensium rationes: in quibus tamen inserta à schismaticis hominum quorundam ab Ecclesiâ Catholicâ damnatorum nomina. Ad hæc enucleanda conducet non parùm Calendarium utriusque Ecclesiæ, Latinæ & Græcæ, quæ invicem collata dedit Antonius Contius in fronte Chronographiæ Nicéphorianæ.

2. *Hinc Martyrologia & Menologia.*

III. Hic quatuor præcipua Martyrologia memorasse sat erit. Post Hieronymum, Bedam & Florum, *Ursarius* Monachus, ni fallor, S. Germani Parisiensis, jussu Caroli Magni circa annum 800. *Martyrologium* conscripsit: quod cum additionibus ex Martyrologiis Romanæ aliarumque Ecclesiarum, & annotatione Autorum qui de Sanctorum Vita scripsere, Joannes *Molanus* Lovaniensis Theologus cum Tractatu suo de Martyrologiis, & indiculo Sanctorum Belgii, edidit Antwerpæ in 8^o. anno 1583. quæ Editio his de causis potior prioribus habetur. Paulo post secutum est circa annum 870. *Adonis* Viennensis Archiepiscopi Marty-

3. *Præcipua Martyrologia.*

zoologium Sanctorum per Circulum anni, prolixis Martyrum Elogiis insigne; quod Heriberti Rosvveidi Ultrajectini Societatis Jesu Theologi studio emendatum & Notis illustratum est. Martyrologium quoque *Romanum* cum Notis edidit *Baronius Cardinalis*. At Martyrologium Gallicanum duobus voluminibus Andreas *du Saussay*, Tullensis postea Episcopus, conscripsit.

*A. Vita San-
ctorum.*

IV. Historiam verò Sanctorum generaliter attigit ex veteribus *Gregorius Turonensis*, sub titulo *de gloriâ Martyrum & Confessorum*. Medio ævo celebrantur duo ejus instituti Auctores, *Simeon Metaphrastes* Græcus, & *Jacobus de Varagine* (*corruptè de Poragine*) Latinus: illum Bollandus cap. 10. præfationis generalis in *Vitas Sanctorum* Seculo X^o. affigit, non improbabilibus argumentis. Leo autem Allatius in Commentario *de Simeonibus* rejicit ad initium seculi 14ⁱ sive annum 1314. Is ex communi Eruditorum Catholicorum sententiâ, illustri genere natus Patricius & Logotheta fuit, teste Michâele Psello, qui anno 1070. florebat, ejusque Encomium solutâ & strictâ Oratione celebravit. Certum est cum magno labore ac sumptu conquesta Sanctorum Acta, memoriæ posterorum commendasse, atque ad Mensium dies digessisse. Ejus fidem aliqui elevant, quasi non pauca ex incertis monumentis hausert; aut antiquiorum scripta interpolaverit, sive brevius & simplicius tradidit inani Verborum pompâ amplificando, sive ob rerum amplitudinem fusiùs explicata nimium contrahendo: aut denique, quod, ut notat Bellatminus, multa ex proprio ingenio edidit, non ut res Gestæ fuerunt, sed ut geri potuerunt. Illud certe admodum probabile, quod Baronius quoque agnoscat, aliquot Sanctorum Historias à junioribus esse adjectas, quæ fidem reliquis fortè detraxerint. At *Jacobus de Varaginensis*, sic dictus à Varagine Oppido Liguriæ maritimo, Doctrinâ & vitæ integritate insignis, ex Ordine Prædicatorum, atque anno 1299. Genuensi Ecclesiæ datus Archiepiscopus, tum alia scripsit, tum Sanctorum Historiam, quæ vulgò *Legenda aurea*, & *Speculum Sanctorum* appellatur: alii *Legendam ferream* vocant, aut *Vitream*; ut quæ Veris fabulas; mala bonis permixta habeat plurima: unde hodie non pluris fit, quàm *Catalogus Sanctorum Petri de Natalibus* Episcopi Equilini in Venetia, an. 1382. ad exitum perductus.

V. Superiori & nostro hoc seculo majorem lucem acceperunt hæc p̄x historiæ. Imprimis autem Laurentius *Surius* Carthusianus de vita Sanctorum sex volumina exaravit, septem verò conscripsit Aloysius *Lipomannus* Episcopus Veronensis, apud quem extant Vitæ Sanctorum in duodecim anni menses dispositæ, quæ Simeoni Metaphrastæ adscribuntur, in Latinam linguam à Guiljelmo Sirleto postea Cardinali, Petro Francisco Zino Veronensi, & Gentiano Herveto Aurelianensi, eruditis interpretibus, conversæ. Sed licet hi duo, & Simeonis, & aliorum veterum narrationes necessariò suis locis intexuerint, ut potè melioribus autoribus plerumque destituti: eas tamen non sine cautione ut plurimum adhibent. Verùm hæc accuratiùs adhuc tractare ceperunt, hinc Heribertus *Rosveydus*; inde Joannes *Bollandus*, eique adjunctus Godefridus *Henschenius* inter Societatis Jesu Presbyteros clari.

5. Vita San-
ctorum Posterior-
res.

VI. Extra eos qui Religiosorum Ordinum Annales, Menologia, Chronica, Origines, Elogia, Bibliothecas, aliaque Historica ejus generis opera composuerunt; (de quibus superiori Capite dictum est) nonnulli Sanctorum Ordinis sui Res ex professo complexi sunt. Lucas d' *Acheri* imprimis & Joannes *Atabillonius*, Acta Sanctorum *Benedictinorum* paucos ante annos scriptis consignarunt. Extat & sine Autoris nomine Fasciculus *Sanctorum Ordinis Cisterciensis* anno 1623. editus per Chrysostrum Henriquez. Natales autem & vitam *Sanctorum Ordinis Pramonstratensis* dedit Christophorus *Vandersterre*.

6. Collecta Res
Sanctorum qui
excertis Ordini-
bus Religiosis
prodierunt.

VII. Sunt & qui rebus Sanctorum suæ quique nationis describendis incubuere, quò spectant Martyrologia, ut ita dicam popularia, quale Gallicanum Andreæ du *Saussay*, de quo suprà: itemque Imagines & Elogia Sanctorum Galliz *Belgica* operâ Auberti *Mirai* 1606. & Joannis *Molani* Natales Sanctorum *Belgii* 1595. cum Auctario per Arnoldum de *Raiffe* 1626. atque Antonii *Sanderi* Hagiologium *Flandriz* Catalogus Sanctorum Ecclesiæ *Italia* à Philippo Ferrario editus 1613. à quo est etiam Catalogus Generalis *Sanctorum*, qui in Martyrologio Romano non sunt, 1625. Christophori *Brouveri* Sidera Illustrum & *Sanctorum* virorum in *Germania* 1616. Camerarius Presbyter de *Sanctis Scotia* & infidelium conversione scripsit 1627. Joannes Thomeus

7. Sanctorum
Historia per Na-
tiones.

de *Sanctis Illyricanis* 1632. Inveniuntur etiam vitæ & Acta *Sanctorum* Hiberniæ insulæ, cum notis & appendice per Joannem Colganum.

8. De *Dionysio*
Arcopagita &
Parisiensi.

VIII. Hoc loco prætermittenda non videtur Illustris atque ab Illustribus eruditione viris ante hos quadraginta annos agitata apud nos quæstio de Patria & ætate Beati Dionysii Primi Parisiensis Episcopi, hinc à Jacobo *Sirmondo* in dissertatione peculiari, qua *Dionysii Parisiensis & Dionysii Arcopagita* discrimen ostendere voluit, & à Joanne *Launojo* Parisiensi Theologo aliisque Sirmondi sententiæ inhærentibus: inde à Joanne *Samblancato* Tolosæ, Archidiacono Tarbiensi, qui non contemnendis argumentis Hilduini Abbatis & communem ex longa traditione Sententiam tueri non dubitavit, libello cui titulus *Palladium Franciæ* seu Dionysius Arcopagita: quam in rem prodiit etiam anno 1638. Getmani *Millet* vindicata Gallicanæ Ecclesiæ, de suo *Arcopagita* Dionysio, gloria: qui ambo ad contrarias Animadversiones & Dissertationem de duobus Dionysiis responderunt.

C A P U T X V.

De aliis Sacri studii adminiculis.

1. *Materia*
quatuor ad His-
toriam Ecclesia-
sticam pertinen-
tes.

I. **N**ON inutile Sacrorum Canonum ac Theologiæ studiosis futurum videtur, si post varias Ecclesiasticæ Historiæ partes, brevi quasi Anacephaleosi, quotidianarum aliquot materiarum Autores præcipuos indicarem: eorum nempe, qui de ritibus ac divinis officiis scripserunt; qui Christianam Morum disciplinam tractarunt, per quam licita ab illicitis distinguuntur, siue Casus ut vocant Conscientiæ; qui de Conciliis disserterunt; qui denique Hæreticorum Sectas recensuerunt.

2. *Quini de*
Divinis officiis
& ritibus Eccle-
siæ scribere.

II. DE RITIBUS Ecclesiæ, præter Liturgiarum Græcarum Autores, *Gregorius* Papa ejus nominis primus volumina duo reliquit, *Antiphonarium*, & *Sacramentarium* sive Librum Sacramentorum, quem adjectis eruditis commentariis in lucem emisit Hugo *Menardus* Ordinis Benedictini. Secutus est Isidorus Hispalensis in libro *Quæstionum*, & tempore Carolidarum *Alcuinus*, in libro de divinis Officiis; *Amala-*

rius Fortunatus, sive Treverensis, sive Metensis, quorum ille librum de Sacro Baptismo ad Carolum Magnum, hic libros quatuor officiales, hoc est, de Ecclesiasticis seu de *Divinis Officiis*, & librum de Ordine Antiphonarii conscripsit; Vvalafridus *Strabo* de rebus Ecclesiasticis; tum deinde Guilielmus *Durantes* Episcopus Mimatensis, speculator vulgò dictus, in *Rationali Divinorum Officiorum*, quod libris octo constat, & denique Joannes Stephanus *Durantius* Senatus Tolosani Primus Præses, cujus extant eruditi de *Ritibus Ecclesiæ Catholicæ* Libri tres. Horum Operum Autores jam antea suis locis indicavimus, tum libro secundo Gregorium I^m Pontificem, pag. 366. Isidorum pag. 368. Albinum Alcuinum 371. Amalarios pag. 372. Vvalafridum pag. 374. tum hoc libro 5^o. Guilielmum Durante pag. 601. & Joannem Stephanum Durantium p. 633.

III. Inter eos qui de rebus dubiis ad Conscientiam spectantibus scripsere, primas tenet Magister Raymundus *Pennafortius*, idem, qui Gregorii IX. mandato, Decretales ex prioribus quinque compilationibus collectas in ordinem redegit circa annum 1230. Et verò, cum hæc omnis scientia ex Canonibus ferè pendeat, eam ab illis maximè tractari convenit, qui Canonum peritiam habent. Secuti sunt *Astesanus* Astensis, qui hortante Cajetano Cardinali, scripsit anno 1317. *Summam de Casibus Conscientiæ*, libris octo distinctam, quæ vulgò *Astesana* vocatur. Bartholomæus *Pisanus* Ordinis Prædicatorum, à quo est *Summa Casuum Conscientiæ* absoluta anno 1338. quæ vulgò *Pisanella* dicitur, seu *Magistrucella*. S. Antoninus, Florentinus Archiepiscopus ex Dominicano, qui inter alia librum scripsit de *Eruditione Confessorum* circa annum 1445. *Pacificus* Minorita scripsit quoque circa an. 1470. *Summam Casuum Conscientiæ* quæ *Pacifica* vocatur. Angelus *Clavassius* (de Chivass) ex ordine etiam Minorum, auctoritate Juris utriusque in decisionibus suis usus, cujus summa *Angelica* nominatur, sub anno 1470. Baptista *Trovamala*, ejusdem Ordinis & nationis, circa annum 1483. cujus *Summa* vulgò *Rosella* dicitur. Sylvester *Mozolinus*, cognominatus *Prieras* à Prierio vico in Pedemontio, ex S. Dominici familiâ, Magister fuit facti Palatii Apostolici, & circa an. 1520. Leoni X. *Summam* suam inscripsit, quæ *Sylvestrina* de ipsius nomine vocatur.

3. De Casibus
Conscientiæ.

& *Summa Summarum*. Joannes *Cagnatius*, *Tabienſis* dictus ab oppido *Liguriz* in diœceſi *Albingaunentiſi*, ex Ordine *Prædicatorum* cujus *Summa* circa annum 1524. conſcripta, *Tabiena* nominatur. *Bartholomæus Fumus*, *Placentinus* *Prædicatorum* ipſe quoque Ordinis, & hæreticæ pravitate Inquiſitor, ſub annum 1545. Scripſit *Summam* cui *Armille Aurea* titulum fecit. Præ cæteris verò ſuperioris ſæculi hoc argumentum egregiè tractavit *Martinus Navarrus* in *Manuali*, & in *Conſiliis*, de quo nos pag. 624. Celebrantur exeunte ſuperiori & incunte hoc noſtro ſæculo plures ex Societate *Jefu Hiſpani*, *Theologiæ Moraliſ* ſive caſuum doctrinæ Autores : *Franciſcus Toletus* Cardinalis, in ſumma caſuum, *Joannes Azorius*, qui *Compluti* & *Romæ* ſacram diſciplinam publicè docuit, ac tria ingentia volumina *Inſtitutionum Moraliſ* compoſuit. Mitto *Gabrielem Vaſquem*, & *Franciſcum Suarem*, *Scholaſticæ Theologiæ* lumina : ſed in re de qua agitur, nemini, opinor cedunt *Henricus Henriquez* in *Academia Salmanticenſi* *Theologiæ* Profeſſor, *Paulus Laymannus* *Germanus*, qui ambo ex eadem Societate *Caſuum Conſcientiæ* Doctrinam Autoritate maximâ *Sacrorum Canonum* fundarunt : hic etiam quæſtiones *Canonicas* de *Prælatorum Eccleſiaſticorum Electione*, *inſtitutione* & *Poteſtate*, *Defenſionem Papæ* & *Cæſaris* in cauſa *monaſteriorum extinctorum*, & *bonorum Eccleſiaſticorum Vacantium* ſcripſit. Multa edidit huc ſpectantia *Martinus Bonacina* *Mediolanenſis*, *Theologiæ* ac *Juris utriuſque Doctör*, *Comes Palatinus* & utriuſque ſignaturæ *Referendarius Apoſtolicus* : & *Noviſſime Antoninus Diana* *Panormitanus* *Clericus Regularis*, quem *Innocentius* decimus examinandis *Episcopis* præfecit, *Tomis octo*, *reſolutiones Morales* complexus.

4. De Hæreſibus.

IV. Ab exordio *Chriſtianæ Religionis* ſingulis ſæculis ortæ ſunt *Hæreſes* variæ, ſubinde à *Conciliis* ſuorum temporum damnatæ, deſenſâ *SS. Patribus* & *Eccleſiæ Catholicæ Doctöribus* verâ fide, à *Sanctis Ignatio* & *Irenæo* imò ab ipſo *Joanne Evangelifta*, ad *Bellarminum* & cæteros hujus ævi controverſiarum diribitores. Sed *Conciliorum*, quantum ad *Inſtitutum noſtrum* ſufficere viſum eſt, brevem hiſtoriam dedimus à *Capite 1º* ad 20^{um}, quo loco *Collectiones Conciliorum præcipuas*, atque *Autores* indicavimus, qui in eorum

Canones ex professo notas scripserunt. Satis erit hoc loco scriptores præcipuos indicasse, qui Hæreticorum ad sua usque tempora Catalogum contexuerunt. In his numerantur imprimis S. Epiphanius in Panario, contra omnes Hæreses scripto, quæ eo tempore octoginta numerabantur seculo scilicet 4^o.

Eodem extremo seculo *Philastrius* Brixienfis Episcopus Librum *de hæresibus* scripsit; qui extat in Bibliotheca Sanctorum Patrum, in quo tamen Libro quædam inter hæreses numerantur, quæ revera hæreses non sunt. Scripsit & pauld post Beatus *Augustinus* Librum *de Hæresibus*, ad *Quodvult deum*, cui à *Gennadio* additæ sunt quatuor hæreses, Nestoriana, Eutychiana, Prædestiniana, & Timotheana.

Theodorus quinto seculo *Hæreticarum Fabularum* libris quatuor prioribus, singularum hæreseon brevem historiam complexus est: Quintus vero divinatorum Decretorum Epitomen continet. *Vincentius* deinde *Lirinensis* in *Commonitorio* suo priori, & tribus ultimis Capitulis Commonitorii sive Libelli posterioris, adversus profanas omnium hæreseon novitates pro Catholicæ fidei antiquitate & universitate pugnavit. Initio seculi duodecimi *Honorius Augustodunensis* *Hæreseon* ab ortu Ecclesiæ *Catalogum* conscripsit, contexit & seriem Romanorum Pontificum à S. Petro ad Innocentium 2^{um}, qui anno 1130. electus est. Circa annum deinde 1320. *Guido* ex Priore generali duodecimo Carmelitarum, & Inquisitore fidei generali, Majoricensis primùm, tum Elnensis Episcopus ingens volumen *de omnibus Hæresibus* scripsit. Exiit Basileæ anno 1556. Hæreseologia sive vetera Theologorum scripta contra Hæreses. Adde *Alfonsum* à Castro.

C A P U T X V I.

De Auctoribus Geographiæ Ecclesiasticæ.

I. **C**ÆCA est Historia, tum sacra, tum prophana, sine ope Chronologiæ & Geographiæ. Quamobrem utriusque Auctores studiosis cognitos esse oportet, quatenus ad intelligendos sacros veteris & novi testamenti Codices, Canonumque loca & tempora distinguenda conferunt.

II. Palæstinæ vicinarumque Regionum loca in sacris

1. *Geographia & Chronographiæ cognitio necessaria.*

2. *De locis in utroque Testamento memoratis.*

litteris memotata, illustravit initio hujus seculi *Adrianus Adricomius Belga* in Theatro Terræ-Sanctæ. Sed accuratissime omnia rimatus creditur *Nicolaus Sanso* Geographus Regius, cujus sunt Geographiæ sacræ Tabulæ tres, Bibliorum editioni Parisiensi anni..... additæ, adjuncto Alphabetico *Indice*, quo singula Regionum & locorum nomina explicantur. Videndus & *Samuel Bochartus*, duobus voluminibus quorum alteri nomen indidit *Phaleg*, alteri *Chanaan*.

3. De Provinciis
& locis qua ad
res Ecclesiæ Pri-
mitivæ referun-
tur.

III. Ad Ecclesiæ primitivæ Res apprimè cognoscendas, non mediocriter conducit Imperii Romani *Notitia*, quale sub Primis Cæsaribus fuit. Ea disci potest ex *Strabone*, *Plinii* *Naturali Historiâ*, & *Ptolemæi* *Geographiâ*; ex *Sigonio* item, aliisque criticis, qui cuique obvi. Eritque ad hoc non parum utilis *Philippi Ferrarii Topographia* in *Martyrologium Romanum*. Conducet quoque Theatrum Conversionis Gentium totius orbis, auctore *Arnoldo Mermannno*.

4. Qua ad
Constantini &
proxima post
eum tempora spe-
ctant.

IV. Ad noscenda loca, in quibus Res Ecclesiasticæ sub Constantino ejusque Successoribus ad Honorium usque gestæ sunt, aditum dabunt imprimis *Subscriptiones Episcoporum* *Nicænæ*, ac sequentibus Synodis adjectæ. Provinciarum Imperii Romani (intra cujus fines Ecclesia ferè adhuc continebatur) aperiet *Notitia* utriusque Imperii cum notis *Guidi Panziroli*; poteritque his adjici *Philippi Berterii* *Præsidis Tolosani Pithanon* *Diatrabe*.

5. Qua ad sex-
tum & sequentia
secula pertinent.

V. Nomina tum antiqua, tum hodierna *Provinciarum & Metropoleon Seculo VI.* cognitarum, inveniet Lector in Appendice huic opeti subiecta cap. 1^a. Sed plenissimam illorum temporum, quantum ad hæc, cognitionem suppeditabit *Geographia Sacra Caroli Vialat*, dicti à *S. Paulo*, Congregationis *Fulienfis* tunc *Superioris Generalis*, ac postea *Episcopi Abrincensis*, anno 1641. Parisiis edita: cui subiectæ sunt *Notitiæ* aliquot *Græcæ*, partim Ecclesiasticæ, partim Civiles, sequentibus temporibus scriptæ, sive ab *Hierocle*, sive ab aliis, ex Codicibus Manuscriptis Bibliothecæ *Vaticanæ & Regiæ*.

6. Metropoleon
& Episcopatus
sub Constantino-
politano Pa-
triarcha disposi-
tio post an. 900.

VI. Immutata est apud Græcos dispositio *Metropoleon* *Constantinopolitano Patriarchatui* subiectarum ab Imperatoribus *Orientis*, præsertim à *Leone VI.* cognomento *Sopho* circa annum 900. & ab *Andronico Palæologo Seniore* circa annum 1300. Utramque protulit *Joaannes Leundavius* in jure Græco

Græco Romano: posteriorem dilucidavit Georgius Codinus vulgò Curopalates dictus, in libro de officiis Ecclesiæ Constantinopolitanæ.

VII. Notitiam quinque Patriarchatum & Sedium cuique subiectarum, duplicem ex Regiâ & Thuanâ Bibliothecis eruit, atque ad calcem operis sui edidit jam laudatus Carolus Abrincensis Episcopus; quarum prior ante annos fermè quingentos descripta, posterior seculo uno aut altero junior videtur: & illa quidem, quantum ad Patriarchatus Orientis, non sanè multùm differt ab ea, quàm Guilielmus Tyrius Archiepiscopus circa annum 1180. historiz sacræ inseruit. Ejus temporis Notitiam Episcopatum Orbis Christiani Aubertus Miraus, ex quatuor antiquis *Provincialis Romani* Codicibus, in lucem emisit: quem valdè mendosum Petrus Rebuffus ediderat ad calcem Praxis suæ Beneficialis.

7. *Notitia Patriarchatum*
post an. 1100.

VIII. Hodiernum Episcopatum & Religionis per orbem statum suggerent, quâ licet, subiectâ Latinæ appellatione vulgari: hinc sæpe nominatus Aubertus Miraus, tum in *Politia & Geographia Ecclesiastica*, tum in posteriore Editione *Notitia Episcopatum*: inde Philippus Labbeus sapius quoque citatus, in *Apparatu* ad novam Conciliorum Editionem.

8. *De hodiernis Episcopatibus*:

IX. *Abbatiarum* autem orbis Christiani *Catalogum* vetusto Provinciali omnium Ecclesiarum Cathedralium ex Codice Cancellaria Apostolicæ descripto, quod in Bibliotheca Clar. Viri Claudii Puteani Senatoris olim Parisiensis erat, annexum fuisse invenio; eoque usum in explicando jure Pontificio Jacobum Cujacium: sed & ejus editionem à Carolo Labbæo in eadem Curia quondam Patrono susceptam lego: quæ sanè res illustrandis summorum Pontificum Epistolis non mediocriter afferret adjumentum. Verùm, dum hic Catalogus alicunde prodeat, posset *Notitia Cœnobiorum, Capitulorum*, tam Cathedralium, quàm Collegialium, dignitatumque & officiorum quæ in his sunt, ex historia Ecclesiastica, partim Generali, partim speciali Nationum, Provinciarum, Ecclesiarum, Ordinumque & Monasteriorum, quæ seu Latino seu vulgari sermone conscripta habetur, longo labore ac studio colligi. Hujus autores à nobis magna ex parte indicati sunt.

9. *De Abbatiarum aliorumque locorum Catalogis*.

CAPUT XVII.

De Chronologia Ecclesiastica.

1. *Chronologica
Artis hodierni,
Auctores præci-
pui.*

2. *Chronologia
Historica Ale-
xandri varia.*

3. *Eusebii alio-
rumque Chrono-
logica divise-
neris Opera.*

I. **I**NTRICATIOH hæc materia est, quàm ut in trans-
cursu dilucidari possit. Ea nobis strictim delibare suffi-
cier, quorum cognitio ad intelligendam sacram, ante & post
Christum, historiam, necessaria videri potest: qui plura &
accuratiora volet, legat Josephi Justi *Scaligeri* *Isagogicorum*
Chronologiæ Canonum Libros tres, sive *Opus de Emenda-
tione temporum*, cum ejusdem in *Chronologica Eusebii* (qui
hæc post Africanum, inter primos tractavit) animadversio-
nibus, adjuncto Dionysii Petavii *de doctrina temporum* Opere.

II. Sed hæc ad *Artem* ipsam explicandam, ac certis ex
Historiâ & Astronomiâ peritis argumentis firmandam perti-
nent: partem autem ejus disciplinæ Historicam contenden-
di duo sunt modi: unus per *Epitomen*, & universim, ubi Res
Regnorum, Rerumpublicarum, Ecclesiarum, per annorum
seriem summatim recensentur: Alter, quo eadem per singu-
los annos expansos, ac mutuam diversorum Regnorum,
Regum & Epocharum comparationem, indicantur. Atque
hæc posterior *Chronologia Historica* explicatio duplici ratione
institui potest: aut ita ut concurrentia in eundem annum
Gesta uno contextu indicentur; aut ut per *Tabulas*, segmen-
tis & quasi columnis, variarum Gentium Gesta continen-
tibus distinctas, & per certa annorum spatia deductas.

III. Utramque viam *Eusebius* Cæsariensis inierat duobus
Libris, quorum prior *Chronographia* vocabatur, posterior
verò *Chronicus Canon* dicitur, in Latinam linguam versus &
continuatus à B. Hieronymo, quem secutus est Prosper
Aquitanus, ac post hunc alii. Priori insulterunt, apud Græ-
cos veteres Autor *Chronici Alexandrini*, seu Fastorum Sicu-
lorum, & Nicephorus Patriarcha Constantinopolitanus:
inter Latinos Venerabilis *Beda*. Nostris verò temporibus
Gilbertus *Genebrardus*, Petavius ipse in priori Rationarii
sui parte, alique; ex Heterodoxis verò Serhus *Calvisius*,
Jacobus *Vsserius* Armachanus. Posteriorem methodum
commodissimè omnium executus est Christophorus *Helvicius*

è Protestantium quoque numero, in *Theatro Historico & Chronologico*, omnibus mundi ætatibus, per æqualia in singulis paginis, aversis rectisque sibi respondentibus, quinquaginta annorum intervalla, denariis divisa: iisque ab orbe condito ad nostrum hoc seculum perductis. Quod opus sæpius editum & continuatum est. Sed & hic & reliqui hujusmodi Operum Autores, Technica sive quæ ad artem Chronologicam spectant, in fronte Chronologiæ suæ Historiæ pro se quisque attigerunt; & cum Ecclesiasticis prophana miscuerunt.

IV. Verùm, quoniam tempora alii aliter computarunt; & pro nationum ac populorum diversitate, diversa fuit tum annorum ratio, tum signandorum temporum nota; non sanè facile est certam rerum sacrarum, sive Judaicarum, sive Christianarum, cum civilibus, vel prophanarum quoque inter se, quæ scilicet varias apud nationes contigerunt, comparisonem instituere. Quin etiam in assignandis rerum apud unamquamque gentem gestarum temporibus, populares inter se ipsi dissonant. His inter se conciliandis maximè conducunt *Epochæ* variae, quibus insignium eventuum tempora quasi affixa, & rerum memoriam quodam modo sustinent, & inter se collatæ distantiam patefaciunt eorum quæ ubique patrata memorantur. Has etiam *Æras* dixere, cujus nominis origo ex eo à plerisque deducitur, quòd quasdam apud gentes consignatio annorum ad tempus imperantis Augusti diu relata fuit, idque his litteris norabatur, A. ER. A. hoc est *Annus Erat Augusti*.

4. Res apud
varios in sacris
& prophanis ge-
stas ad sua quas-
que tempora re-
vocare difficile.

V. Sacra veteris Testamenti Historia, præcipuis septem Epochis ab orbe condito ad Christum natum, distinguì solet. 1°. est *Diluvii*. 2°. Vocacionis *Abrahami* à Deo & promissionis Christi ex eo nascituri. 3°. *Exitus* Israëlitarum ex Egypto per Mosem. 4°. *Templi Primi* inchoati à Salomone. 5°. *Templi ejusdem destructi* à Nabuchodonosore, & *Captivitatis Babylonica*. 6°. *Templi Secundi* à Zorobabele absoluti. 7°. est *Seleucidarum* sive *Macedonum* post Alexandrum Magnum in Syria regnantium.

5. Epochæ præ-
cipue veteris
Testamenti.

VI. In annis *Æræ* cujusque dinumerandis, aliquid inter Chronographos discriminis est. Horum quidem omnium temporum intervalla è sacris litteris haurienda sunt. Sed

6. Earum serio
dimeriendarum
difficultas.

quamvis primâ fronte opus hoc totum solâ numerorum, qui suis locis referuntur, computatione constare videatur: res tamen est admodum perplexa, & multis difficultatibus involuta. Hinc, ubi spatia indicantur interjacentium inter præcipuas Epochas tempotum, rotundus annorum numerus describitur, sine mensium ac dierum in extremis annis superfluentium aut deficientium mentione: Contrâ verò ubi sigillatim narrantur ipsa rerum Capita quæ diversas Epochas constituunt, denotantur plerumque & Anni & Menses & Mensium dies. Præteteà cum nos anno Juliano utamur, qui à primo Januarii ad ultimum Decembris decurrit; Hebraïcorum autem & Græcorum annorum alia ratio sit; nec illorum menses nostris respondeant, & annorum ipsorum initia non coincident: Operæ non mediocris est hæc cuncta ad verum calculum revocate. Negotium imprimis facessit quòd ne ipsæ quidem Bibliorum Editiones eosdem ubique numeros habent. In designandis certè Patriarcharum ad Abrahamum usque natalibus (ex quibus tota præcorum illorum Temporum petenda est mensura) longè differunt Septuaginta Interpretes, quibus Græci & Latini veteres utuntur, ab Hebraïco textu, & à Latina Editione vulgata; Undè mirum non est, si in sequentibus ad Christum usque temporibus designandis, ingens sit internus & Græcos discrimen: quin nec ipsi inter se Græci, ut nec Judæi, nec Latini in omnibus consentiunt.

7. *De Periodo
Juliana.*

VII. Nec multùm juvat Josephi *Scaligeri* inventum, quod tribus Cyclis inter se conjunctis, Lunari scilicet sive Aureo numero annorum 19. Solari (diei Solis sive Dominicæ indice) annorum 28. & Romanæ Indictionis annorum 15. *Periodum* excogitavit, *Julianam* dictam, quòd ad Methodum anni Juliani ejusque Cyclorum accommodata sit. Usserius tamen in Annalium veteris Testamenti Præfatione ad Lectorem, eam rem à Roberto Lotharingo Herefordensi in Angliâ ante quingentos annos Episcopo, primùm notatam conjicit, sed à Josepho Scaligero Chronologicis usibus aptatam. Multiplicatis itaque in se Cyclorum illorum numeris, Periodum suam confecit annorum 7980. quorum quilibet certum annum demonstrat propriis Cyclis ita signatum, ut nullus alius in tota Periodo eosdem trium Cyclorum numeros habeat. Exempli causa primus annus Periodi habet

Cyclum Solis 1^m. Lunæ 1^m. Indictionem 1^m. Hi verò tres Cycli in nullum alium totius Periodi annum concurrunt. Quamobrem, cum ab orbe condito ad nos usque, nulla Christianorum aut Judæorum Chronologia ad eum annorum Numerum pervenerit, patet ad certò cognoscendam annorum inter se distantiam, nihil dici posse commodius. Si enim retrorsum ab hoc anno * ad initium Æræ Christianæ, aut etiam ab anno vulgaris illius Æræ, horum Cyclorum series in anteriora tempora, servatâ eadem ratione, (per ea quoque secula ascendendo, quibus nòdum cognitus erat eorum Cyclorum usus,) usque ad Caput Periodi progrediaris, deprehendes in primo ejus anno concursum Cycli Lunaris 1. Cycli Solaris 1. & Indictionis 1. Si deinde ab hoc initio ad annum orbis conditi, ad Diluvium, ad Christi Natalem, ad ætatem nostram descendendo, annos numeraveris, faciliè apparebit quantum annus v. g. Millesimus sexcentessimus Periodi Julianæ, distet ab anno ejusdem millesimo ac trecentesimo. Verùm quia ut diximus, qui ex Hebræicis, Græcis, Latinisve Codicibus annos ab orbe condito numerant, in eâ opinionum varietate versantur, ut vix unus inveniatur, qui cum altero in omnibus consentiat: hoc tantùm in Epochis indagandis ex hac Periodo adjumentum capi potest, ut videamus quantum Chronologorum quisque, in hac vel illâ Epochâ assignandâ, ab alio discrepet. Unde dubium nihilominus remanebit cujus verior sit computatio. Scaliger creationem Adami & Mundi Exordium alligat anno 763. Periodi Julianæ, Petavius an. 730. Usserius an. 710. Deme hos Numeros ex cujusque rationibus, habebis annos ab Orbe condito: ex quibus statim apparebit quantum inter se distent in collocandis rerum eventibus.

VIII. Relictâ igitur hanc rem ex professo tractantibus, accuratiore annorum disquisitione, sufficere nobis videtur si numeros annorum quos ex Septuaginta Interpretum editione, non modò Græci, sed & Latini veteres sequuntur, cum numero annorum quem ex Hebræicis voluminibus Judæi, & post Hieronymum Latini posteriores amplexi sunt, brevi schemate inter se collatos complectamur. Hoc verò ad Græcorum & veterum etiam Latinorum intelligenda scripta omninò necessarium est. Cum enim illi, non (ut nunc apud Nos ex Dionysii Exigui instituto, usus

* 1686, qui Aureum numerum si-
ve Cyclum Lunæ
habet 15. Cyclum
Solis 15. Indictio-
nem 9.

8. *Diversarum
Computationum
Causæ præcipuæ,
Et Necessitas
Tabellæ, quæ eas
inter se compa-
ret.*

invaluit) per vulgarem Christi Æram, sed per annos Mundi, Tempora computent; sine fructu ab iis leguntur qui hanc Chronologiam ignorant. Diversitatis causa duplex præsertim est: altera quòd Septuaginta, *Gen. 5.* (ubi Priscorum Patriarcharum ab Adamo ad Noachum, Tempora designantur) pro centum annis quos Hebræica littera habet, ducentos ferè ubique legerint: altera, quòd cap. 10. ejusdem Libri, à Septuaginta Interpretibus interjiciatur cæteris Patriarchis *Cainan* secundus, qui in Hebræo & Latino non legitur, memoratur tamen in Evangelio B. Lucæ. Ejus autem generationi 130. anni assignantur.

Sed & Judicum annos alii aliter numerant, præsertim quantum ad septem Israëlitici Populi servitutes, quibus identidem oppressus ab alienigenis fuit. Harum enim annos Judæi aliiq; temporibus inferunt Judicis, sive Principis cujusque, per quem liberatus fuit populus: plerique extra ea tempora computant. Petavius partim Principatibus adscribit, partim ab illis distinguit. Mitto ab aliis regimen Seniorum, qui post mortem Josuæ Populum rexerunt, confundi cum tempore ipsius Josuæ, ab aliis verò seungi ac separari; & prætereà duodecimum Judicem Ailon, aliàs Eglon, cui vulgò decem anni tribuuntur, nominatum olim non fuisse apud Septuaginta Interpretes, Eusebio teste. Ubi observandum est in his Judicum annis dinumerandis, non modò Eusebio ex Judæorum traditione; sed & B. Augustino, Orosio, Isidoro, Bedæ minorem supputationem placuisse; Nicephoro cæterisque Græcis majorem.

9. Quibus Autoribus in hac Epocharum Tabella usi simus.

IX. Ad hæc dilucidanda, Latereculum subjicimus Epocharum à Mundo condito ad Christum Natum, secundum magis receptas apud Græcos & Priscos Latinos ex Editione Septuaginta Interpretum, itemque secundum Judæos ex Hebræico textu & Rabbiorum computatione, & secundum Recentiores Latinos, aut certè Primarios Chronologiæ Annaliumvè Ecclesiasticorum hoc seculo Scriptores.

10. In computatione Judæica.

X. In Computatione Judæica Usus præcipuè sum Chronologiæ *Davidis Ganz* cui titulus *Tsemach David*, hoc est *Germen Davidis*: qui ab orto Mundi ad annum Christi 1550. Chronologiam suam perduxit: & quamvis priorum Judæorum vestigiis plerumque inhæreat, non tamen ineptis eorum Hypothesibus, aut inordinatæ Computationi omnino

inhæret. Celebrantur apud eos in hoc genere tum Autores alii, tum imprimis Opera duo : alterum *Seder Olam Rabba*, hoc est Ordo, seu Chronicon Mundi majus, quod Historiam texit ab exordio Mundi usque ad Imperatoris Adriani tempus, quo falsum Messiam, Cossibam dictum, profligavit : id est ad annum Mundi 3881. Christi 130. Alterum *Seder Olam Susba*, sive Chronicon Mundi minus, ab orbe condito ad annum Creationis 4881. vel Christi 521. Prioris Autor creditur Rabbi Moses Ben Chilpeta, qui Præceptor fuit R. Judæ Sancti, Autoris Libri Mischnaioth : posterioris incertus autor vixisse videtur circa annum Christi 1124.

XI. In Dinumeratione Græcâ *Nicephorum* ferè secuti sumus : in supputatione Latinâ, trium præcipuorum Chronologorum sententias contulimus, *Tornielli* (à quo vix abeunt *Sallianus*, *Spondanus*, *Brietus*, *Labbeus*) *Petavii*, & *Usserii*, qui accuratissimè Computationem temporum Sacræ Pagine discussisse videntur.

XII. Porro autem non videtur hoc loco prætermittendum, non satis convenire in computando initio ac fine tum septuaginta annorum Captivitatis Babylonice, quibus impletis reducendos in patriam Judæos, vaticinatus est Hieremias cap. 29. vers. 10. tum septuaginta hebdomadum annalium id est annorum lunarium 490. quos Danieli cap. 9. versu 25. à promulgato Edicto de instaurandis Hierosolymis, ad Christi mortem, numerandos Gabriel Angelus pronuntiavit. Plerique eorum initium referunt ad annum 20. Artaxercis Longimani, cujus tamen regnum non ab omnibus eodem modo computatur.

11. In Græcâ & Latinâ Computatione.

12. De Septuaginta annis Hieremia & septuaginta hebdomadis Annualibus Danielis.

TABULA EPOCHARUM VETERIS TESTAMENTI.

<i>EPOCHÆ Sacrae ante Christum.</i>	<i>Secundum Græcos & Septuaginta.</i>	<i>Secundum Judeos.</i>	<i>Secundum Torniellum.</i>	<i>Latinos recentiores. Petavium. Usserium</i>	
DILUVIUM.	2242.	1656.	1656.	1656.	1656.
<i>Vocatio ac fœdus ABRAHAMÆ, & promissio Christi ex ejus semine.</i>	3409.	2018.	2113.	2023.	2084.
MIGRATIO Jacobi in ÆGY- PTUM.	3624.	2238.	2329.	2237.	2298.
EXITUS Israë- litarum ex Ægy- pro per Moſem.	3839.	2448.	2544.	2453.	2513.
JACTA TEMPLI Primi funda- menta per Salo- monem.	4473.	2928.	3023.	2973.	2993.
<i>Deſtructio ejus- dem Templi à Nabuchodonoso- re, & CAPTI- VITAS BABY- LONICA.</i>	4914.	3238.	3447.	3400.	3416.
ÆLIFICATIO TEM- PLI Secundi per Zorobabelem.	4984.	3408.	3537.	3470.	3485.
Regnum GRÆ- CORUM, ſive Macedonum, Seleucidarum in Syria, Ptolemæo- rum in Ægypto Regnantium.	5197.	3448.	3743.	3672.	3693.
CHRISTI Naſcē- tis Æra vulgaris.	5508.	3761.	4051.	3984.	4004.

XIII. Porro Æra Seleucidatum sive Græcorum quâ plurimum usi sunt Judæi, ex quo sub Regum Syro-Macedonum ditione esse ceperunt, plures fortitur appellationes. Albategnius aliquæ Arabes vocant *Terik dhilkarnain*, id est Epocham *Διέπαιος*, sive *Cornigeri*. Is est Alexander Magnus, qui se Ammonis, sive Jovis Cornuti filium existimari volebat: sive alia causa fuit inditorum Macedonicis nummis Cornuum, Verum non ab Alexandri Regno, aut morte initium capit hæc Æra; sed à duodecimo post ejus obitum anno, quo tempore ipsius Duces (atque imprimis Seleucus, qui in Syriâ, Babylonia & Perside imperabat) sumpto Diademate, Regum titulum usurparunt. Hanc Æram Judæi מנין שבת Menin Schetroth appellant, hoc est Æram *Contractuum*, quodd illam ad obfignandos contractus adhiberent.

13. De Annis
Græcorum per
quos notantur
Machabæorum
tempora.

XIV. Quod ad Christi Epocham attinet, ad cujus normam anni apud Latinos hodiè numerantur, diximus eam à Dionysio Exiguo institutam tempore Justiniani Imperatoris. Procedit autem ab anno Augusti 42. desinente, quo Romæ Consules erant Publius Cornelius Lentulus, & Lucius Calpurnius Piso: atque in hoc æræ Christianæ capite omnes conveniunt, quamvis de vero Natali Domini magna inter Chronologos controversia sit. Alii enim uno aut altero, alii etiam pluribus annis prius Natum esse Christum Dominum arbitrantur. Hujus Æræ notatio non tantum ad indicanda posteriora ad nos usque tempora usui est, sed etiam ad priora: ut ab Helvico, Petavio, & Usserio factum; qui per annos ante Christum antiquiora gesta, æquè ac posteriora, per annos à Christo designant.

14. De Æra
Christiana.

XV. Aliæ præterea sunt ante & post Christianam Epochæ celebres, studiosis rerum Ecclesiasticarum non ignorandæ, utpote à SS. Patribus, aliisque veteribus Scriptoris memoratæ, etiam ex Historiâ prophanâ, veluti Olympiadum, Romæ conditæ, Augusti (quæ non unius generis est) Antiochena, Hispanica, Diocletiani, Indictionum, Hegiræ apud Arabes, apud Persas Izdegerdis, & Astronomica Judæorum.

15. Noscenda
& alia Epochæ.

Olympiades Græcorum, restitutis ab Iphitoludis Olympi-
cis, per annos quatuor evolvi ceperunt, quorum initium in
Æstivum Solstitium incidebat: Primum autem hujusmodi

Iudicium confertur in annum ante Æram Christianam 776. tempore Osæ Regis Juda.

Tempus *Rome* à Romulo *Condita* refertur ex Verrio Flacco ad annum quartum desinentis Olympiadis sexræ, id est, 748. ante Æram Christianam.

Inirium *AUGUSTI* variè numeratur. 1°. quidem ab ipsius post Cæsaris mortem primo *Consulatu*, inito Mense Octobri, quæ Epochæ anno primo Juliano proxima, decurrit ab anno primo Olympiadis 184. Urbis conditæ 711. ante Christum 44. quamquam hanc Epocham anno uno quidam anrevertunt.

Altera dinumeratio sumitur ab *Actiacâ Victoriâ* & Monarchia Augusti, quæ adhuc quadrupliciter computatur: vel à Navali ad Actium pugnâ ipso Cæsare Octaviano terribum & M. Valerio Messala Consulibus, & anno Urbis 723. Vel à morte Antonii & Cleopatrz, quæ anno sequenti conrigit: vel ab anno 4°. post pugnam eandem Actiacam, quo ex Munacii Planci sententia Octaviano Cæsari septimùm Consuli, cum Imperio tributum est Augusti nomen; unde *Augustorum* anni procedunt, ab anno scilicet Urbis conditæ 726. Olympiadis 188. anno 2°. ante Christum 18. Denique adjicitur *Alexandrinorum* Æra anno 5°. post Cleopatrz mortem & Ægyptum redactam ab Augusto in Provinciæ formam, anno Ægyptiorum vago & Mobili in annum fixum & stabilem mutaro ad Juliani modum, nisi quod ejus Neomenia in 29. Augusti mensis diem competit.

Augusti temporibus innexa est *Æra Hispanica*, quæ familiaris est Conciliis ejus gentis, atque ab eo, ut antea notavimus, nomen sumpsit. Ea repetitur ab anno 39. ante Christi vulgarem Epocham, ut solidis annis 38. nostram Æram antecedit: unde ab hac supputatione detrahendi sunt anni 38. ut habeantur anni Christi.

In notandis temporibus utuntur Evagrius alique Græci *Ærâ Antiochenâ*, τὸ χρονολογικὸν Ἀντιοχείας ab Indictione Juliana, quam post annos 360. excepit Constantiniana. Ea repetitur à recepta ejus urbis libertate, biennio saltem anterior anno 1. Juliano: exordiumque habet ab anno Urbis 706. & vulgarem Christi Æram annis 48. antecedit.

Diodetiani Æra, vocatur etiam, propter atrocem sub eo persecutionem, *Æra Martyrum*, vel *Gratie*, Ambrosio, Epi-

phanio aliisque cognita, in usu adhuc esse dicitur apud Abissinos: incipit ab anno Christi 284. atque à 29. Augusti decurrit.

Annorum per *Indictiones* computario cepit anno Christi 312. à die 24. Septembris. Ejus frequentissimus est usus apud Græcos, Latinosque Historicos: eaque utuntur adhuc Imperatores Germanici, utuntur & in Rescriptis suis Romani Pontifices: sed ira ut Indictiones suas inchoent à 25. Decembris, vel certè à proximis Kalendis Januarii, ut ad initium anni Juliani propius accedant. Cæsares Græci Indictiones suas inchoabant à 1. Septembris. Instituta est à Constantino. Causa nominis variè traditur. Probabilis admodum est Scaligeri ratio, qui observat Indictionem initio fuisse lustrum pensionum, quæ quinquenniis vertentibus fiebant, & Imperatorum temporibus fieri ceperunt lustro quadriennali Juliano à Bissextis in Bissextum. Postea Indictio dicta est *Syſtema trium lustrorum quinquennialium*, qui sunt anni quindecim; idque semper in orbem recurrens. Cæterum cum dicimus *Indictione primâ, secundâ, tertiâ*; ita intelligendum est ut idem sit ac anno primo, secundo, tertio currentis Indictionis: quomodo dicitur *Cyclus primus, secundus, tertius*, pro anno primo, secundo, tertio *Cycli* sive *Lunaris, sive Solaris*. Græci Indictionem linguâ suâ vocant *ἑννέμησις* quasi dicas distributionem, seu largitionem; ab Editione scilicet ludorum & spectaculorum quinquennialium, decennialium &c. quorum causâ solebant Imperatores, tributa ac residua debitorum, aut tollere aut relaxare.

Hegira nomen est Arabicum, quod exilium, seu religionis causâ persecutionem significat: inditum enim est huic Epochæ hoc vocabulum à fuga Mahometis ex urbe Mechâ, quâ is sibi consuluit, ne à Magistratibus ejus urbis ob novam legem disseminatam regnumque affectatum comprehendetur: à qua fuga collecto exercitu urbem cepit, regnumque sibi constituit. Videri potest Mahometes Imperii sui exordium sub hujus exilii seu fugæ nomine constituisse, imitatione *Æræ Martyrum*, sive *Martyrii*, à Christianis Diocletiani tempore institutæ. Incidit autem fugæ illius tempus in an. Christi 622. die 16. Julii, feria 6. Eam Epocham sequuntur Saraceni, Turcæ, alique Mahometani: Constat annis lunaribus: quemadmodum & *Æra Izdegerdis* ab illustri ejus

nominis Rege Persarum sic dicta, nec nisi decennio posterior Mahometicâ.

Periodus *Judaica* à *Rabbi Hillel Hannasi* artificiosè ad methodum *Lunæ* constructa circa annum Christi 344. à Judæis usurpatur pro Epochâ Mundi conditi, cum reverà multis annis posterior, nec Historica sit, sed Astronomica per annos Jubilæos & Sabbaticos, Neomenias, & festa *Judaica* investigans. Septimus quisque annus Sabbaticus est, inmens ab Autumno; septies septimus est Jubilæus ex *Scaligeri* sententia.

CAPUT XVIII.

Abbreviationes Utriusque Juris, & Allegandi Juris Canonici ratio.

1. *Singulis Disciplinis sua loquendi ac scribendi forma.*

I. NON tantum his generalibus cognitionibus quæ hæcenus à nobis traditæ sunt, instructum esse oportet Juris nostri studiosum, sed & aliis quibusdam quæ propriæ sunt ipsius Juris Pontificii. Ut enim initio libri 3. de finibus *Cicero* inductione probat, habent singulæ scientiæ, singulæque Artes vocabula quædam Technica & loquendi scribendique formas, à communi usu alienas, artificibus tantum & peritis cognitæ; quibus ea quæ sunt artis ac disciplinæ inter se exprimunt: habent & Axiomata quædam universalia, ex quibus rationes suas, velut ex certissimis principiis, deducunt. Hæc quandiu quis ignoraverit, haud sanè magnos faciet in arte ullâ progressus.

2. *Jus Canoniceum proprias habet voces & Notas.*

II. Quemadmodum itaque propriis notis ac vocibus Astronomi Sidera signaque Cælestia, eorumque motus & aspectus; Arithmetici numerorum vim, Medici remedia, & remediorum mixturam ac pondera, Dialectici ratiocinandi modos, Opifices denique omnes operum suorum instrumenta, formasque varias designant: ita Juris-consulti peculiaribus utuntur signis atque vocabulis ad ea significanda, quæ tanquam scientiæ quam profitentur instrumenta, identidem necessariò memoranda recurrunt.

3. *Præcipuæ Abbreviationes Utriusque Juris.*

III. Primum inter hæc locum obtinent *Abbreviationes* sive *Compendiariæ scripturæ*. Extantque *Magnonis* *ABBREVIATURÆ* Juris, Parisiis anno 1586. editæ; undè haben-

Abbreviationes utriusque Juris, & Alleg. &c. 633

tur præfixæ Codici Justiniano, Commentariis Dionysii Gotofredi illustrato, literarum *Nota*, quæ per 12. libros Codicis, vel in Constitutionum Inscriptionibus, vel in temporum denotationibus visuntur, cum ratione eas legendi. Scripsit & Jason Maynus, alique paulò recentiores de modo legendi Abbreviaturas, quarum pleræque communes sunt utrique Juri, quia & Leges Canonibus, & Canones Legibus firmandis adhiberi solent.

Hæ autem vulgares Abbreviationes Juridicæ non unius sunt generis: Aliæ per *Sigla*, hoc est per singulas literas fiunt quæ primæ sunt vocum usu maximè tritarum; veluti cum scribitur S. P. Q. R. pro *Senatus Populusque Romanus*, vel A. R. pro *Appellatione Remotâ*. 2°. per *Notas* loco literarum, veluti §. pro *paragrapho*. 3°. per literas adjuncta certâ notâ distinctas, ut q̄ pro *quæ*. 4°. per *Compendia* literarum, quibus ut plurimum omittuntur vocales, ut qm̄ pro *quoniam*. De Siglis & Notis, à quibus Notarii dicti, videndus Cujacius 12. observat. cap. ult. Harum Abbreviationum, etsi præcipuas alibi collegimus, non inutile fuerit paulò accuratorem Catalogum hic attexere.

NOTARUM UTRIVSQUE JURIS,
sive Abbreviationum usæ frequentiorum Explicatio.

IN GRATIAM TIRONUM.

Alleg.	<i>Allegat, allegatione.</i>
Ap. Bonif.	<i>Apud Bonifaciam. Vide in 6.</i>
ap. Greg.	<i>apud Gregorium. Vide 6.</i>
ap. Justin.	<i>apud Justinianum. Vide Inst.</i>
a. r.	<i>appellatione remotâ.</i>
arg. ar.	<i>argumento.</i>
Auth.	<i>Authentica: id est, Summâ novellæ alicujus, Codici inserta.</i>
C. cau.	<i>causa, sive in 2. parte Decreti Gratiani.</i>
c. can.	<i>canone, id est capitulo decreti ejusdem, aut alicujus Concilii.</i>
cap.	<i>Capite, Capitulo, Decretalium Tituli; Novellæ alicujus; aut libri alterius extra lras utrumque.</i>
Clem.	<i>Clementina, id est, Decretali Clementis V. seu Capitulo Tituli in Clementinis.</i>

Cod.	<i>Codice Iustiniano.</i>
C. Th.	<i>Codice Theodosiano.</i>
col.	<i>Columna, id est, in pagina duabus columnis distincta, parte dextrâ aut sinistrâ, cujus scilicet numerus indicatur.</i>
Coll.	<i>Collatione, hoc est, in eâ parte Novellarum Iustiniani cujus adicitur Numerus. Divisa enim sunt hæc Novella in IX. Sectiones, & quasi Libros, qui Collationes vocantur.</i>
D.	<i>Digestis. Vide ff.</i>
d. dist.	<i>Distinctione, in prima præsertim Decreti parte, & Libris Sententiarum Petri Lombardi.</i>
d.	<i>dicta, dicto, &c.</i>
d. f. n.	<i>dilectus filius noster, vel dilecto, &c.</i>
de conf.	} <i>De Consecratione, qua est Tertia Pars Decreti.</i>
de c'secr.	
de pœn.	
de pœnit.	
dñs. dñicalis.	<i>dominus, dominicalis.</i>
c. c.	<i>codem cap.</i>
ẽ. ẽ. ex.	<i>extrâ, id est, in Decretalibus Gregorii I X.</i>
ẽ.	<i>est.</i>
c. vel cod.	<i>Eodem, titulo, vel libro.</i>
ẽps. ẽpm.	<i>Episcopus. Episcopum.</i>
cad. C. & qu.	<i>Eadem causâ & questione.</i>
et,	<i>etiam.</i>
Extr. Comm.	<i>Extravaganti Communi.</i>
Extr. Jo. 22.	<i>Extravagante Ioannis vigesimi secundi,</i>
f. fi.	<i>finali, finalis, fine.</i>
ff.	<i>Pandectis, seu Digestis Iustiniani.</i>
f. t.	<i>Fraternitas tua, Fraternitati tua &c.</i>
Gl. Glo.	<i>Glossa, seu recepta in lus utrumque Nota,</i>
h.	<i>hic.</i>
h. t.	<i>hoc titulo</i>
hñdi.	<i>hujusmodi.</i>
ĩ. j.	<i>infra.</i>
j. Gl.	<i>juncta Glossa.</i>
in Ant.	<i>in antiquis.</i>
in auth.	} <i>in authentico, Collatione 1. sive in Novellis</i>
coll. 1. &c.	
	<i>Iustiniani, Sectione 1.</i>

in Extr.	} in Extravagantibus Communibus, in communib.
comm. vel	
in com.	
in fine.	
in p. dec.	in parte decisa.
in pr. in f. pr.	in principio legis, aut Tituli; in fine principii.
Inst.	Institutionibus Iustiniani.
in Sum.	in Summa.
in 6. in vj.	in Sexto, in libro Decretalium à Bonifacio VIII. collectarum post quinque Libros Gregorii IX.
l.	lege.
ll.	leges, legib.
li. lib.	libro.
li. 6. lib. vj.	libro Sexto, sive inter Decretales Bonifacii VIII. curâ editas.
.n.	enim.
no.	nota, notat.
Nov.	Novella.
p. pter.	pra. prater.
p. ptinget.	per. pertinet.
p. pproximus.	pro. proximus.
p. pot.	poteff.
pri. pr.	principium, sive initium Tituli, vel legis, ante §. 1.
q.	qui.
q. qris.	qua. quæris.
q. q.	quam. quamquam.
qd. q.	quod.
qm.	quoniam.
qn.	quando.
qnq.	quandoque.
qdm.	quemadmodum.
q. quæst.	quæstione, id est, Seltione Causæ in Decreto.
f. s.	suprà.
f. sc. scil.	scilicet.
se. Ap. le.	Sedis Apostolica legatus.
seq.	sequenti.
seqq.	sequensibus. sequentis.
sm. sdm.	secundum.
suia.	sententia.

ſū.	<i>ſumma, id eſt, principium Diſtinctionis, aut queſtionis; vel epitome Legis, aut Capituli.</i>
ſup.	<i>ſuper.</i>
t. tit.	<i>titulus, titulo.</i>
teſtām.	<i>teſtamentum.</i>
tiū.	<i>ſantum.</i>
tp̄s. tp̄a.	<i>tempus tempora.</i>
ꝯ.	<i>verſiculo, id eſt, membro paragraphi, aut Ca- nonis.</i>
v. g.	<i>verbi gratia.</i>
ult.	<i>ultimo, ulſima, &c.</i>
§.	<i>paragrapho.</i>
ꝯ.	<i>con. contrā.</i>

4. *Harum No-
titia prout
neceſſaria.*

IV. Harum aliarumque huiusmodi formarum noticia pro-
ſus neceſſaria eſt ad legendos, non modò Commentarios qui
Gothico charactere impreſſi ſunt, ſed etiam pleroſque eo-
rum qui ſuperiori ſeculo Romanis aut Italicis litteris ſunt
editi. Ubi obſervandum eſt Notarum illarum quædam non
ſolùm per ſe ac ſeorſim; ſed & conjunctum cum aliis voca-
bulis, aut ſyllabis ſcribi, ut *q̄vis, q̄ſtio, p̄inet, p̄ximus*, ſic
q̄tibus pro *contractibus*.

5. *De Abbre-
viatis Interpre-
tum nominibus.*

V. Laudantur & Interpretes, decurtatis compendii cauſa
nominibus per primam ferè cuiuſque ſyllabam. Scribitur
enim *Ber.* pro *Bernardo*, *Vinc.* pro *Vincencio*, *Tanc.* pro *Tan-
credo*, *Gf.* pro *Gofredo*, *Ho.* vel *Hoſt.* pro *Hoſtienſi*, *Arch.* pro
Archidiacono, *Io. An.* pro *Ioanne Andrea*, *Dy.* pro *Dyno*, &c.
itemque *Abbas* vel *Panormitanus* pro *Nicolao de Tudeſchis*,
qui & *Siculus*; *Archid.* pro *Guidone de Baiſio* ſeu *Baiſio*; *Hen-
ricus* pro *Henrico Boich*; *Cardinalis Antiquus* pro *Joanne*
Monacho; *Cardinalis* abſolutè pro *Zabarella*; *Hoſtienſis* pro
Henrico Seguſio; *Speculator* pro *Guilielmo Durante* &c.
Sed hæc brevi cognita habebit quiſquis de ſeculi cuiuſque
Doctõribus à me ſuperioribus Titulis ſcripta percurrerit.

6. *De Abbre-
viationibus Ti-
tulorum qui ci-
tantur.*

VI. Quod attinet ad Titulorum Juris Abbreviationes,
non alia eſſe videtur earum intelligendarum ratio, quam ſi
omnes Utriuſque Juris Rubricæ perdiſcantur: quod & ad
Librorum ſeriem, totamque Juris artem cognoscendam om-
nind neceſſarium eſt; Nec factu difficile erit, ſi legendo,
ſcribendove paulatim ſuo quæque ordine memoriz man-
dentur,

dentur, velut certo earum numero & quasi penso in dies singulos indicto.

VII. De *Allegationibus*, sive de ratione citandi Juris Canonici Loca, jam diximus lib. 4^o. de Citationibus nempe *Decreti* cap. 10. pag. 533. de Citationibus *Decretalium* cap. 20. pag. 572. *Sexti* allegandi modus habetur cap. 21. pag. 574. *Clementinarum* cap. 22. pag. 575. *Extravagantium* Joannis 22. & *Communium*, cap. 23. pag. 577.

7. De modis
allegandi Loca
Juris Canonici,

C A P U T XIX.

Explicantur quædam Voces Technicæ, & Formula
maximè usitatæ.

I. **I**NTER discendæ Canonum disciplinæ adminicula, non postremum obtinent locum *Voces Technicæ* & loquendi Formæ Doctoribus aded usitatæ, ut nisi quis eas ad manum habuerit, nullum ex illorum lectione fructum percipere possit. Harum magnam quidem partem ex Abbreviatis Allegationibus superiori Capite expositis intelligere licet. Superfunt tamen nonnullæ circa Librorum, Titulorum & Decretalium citationem, earumque Partes & solennes Formulas, quæ aliqua indigent explicatione.

1. Necessaria
vorum Techni-
carum cognitio.

II. Quantum ad ipsa volumina, quid sint *Extravagantes*, & quid sit *Extrâ* adjici solitum locis quæ ex Decretalibus Gregorii IX. citantur, ut hoc ipsum significetur in *Decretalibus* contineri, explicatum habes libri 4ⁱ. capit. 23. num. 1^o. & 2^o. pag. 576. ubi utriusque denominationis ratio asseritur. Idem significat illa citandi formula in *Antiquis*, quia Decretales Gregorii IX. antiquiores sunt Sexto & aliis.

2. Quid sit
Extrâ & in An-
tiquis.

III. Decretalium Partes variè spectantur. Distingui enim possunt, vel in Principium & Paragraphos (ubi longiores sunt) vel in Textum Gregorianum & Partes Decisas. *Paragraphi* autem nomen, uttoque Jure receptum, duplicem habet acceptionem: sumitur enim Paragraphus tam pro Periodo legis alicujus vel Capituli, aut etiam Distinctionis & Questionis in Decreto, (ubi maximè de verbis Gratiani, extra Canones intelligitur,) quàm pro linea in longum protensa, & nunc pro vulgari hac Nota §. quâ designantur & distin-

3. De Paragraphis.

guntur hujusmodi membra, sive Sectiones Legum & Canonum. Origo vocabuli est à verbo Græco *ἀνὰ γὰρ*, quod, cum scribendi significationem habet, idem est ac *Annoto* in margine.

4. *De Partibus
Decisis.*

IV. *Partes* autem *Decise*, quæ in Textu Decretalium indicantur per hæc duo vocabula *& Infrà*, nihil aliud sunt quàm fragmenra longiorum Decretalium, quæ vitandæ prolixitatis causâ Raymundus Pennafortius omittenda censuit, & pro potestate sibi à Gregorio IX. factâ, refecuit. Ponuntur itaque voces hæc duæ *& infrà*, loco illorum fragmentorum sive partium decisarum, ut indicetur aliquid ibi deesse eorum, quæ in Authentico Epistolarum Decretalium scriptæ erant; nec cohærente sequentia cum prioribus: sed inter relata priori loco in Gregorii IX. Collectione, & ea quæ postea referuntur, interjectum quidpiam fuisse, quod prætermissum fuit à Compilatore, quasi non tam ad quæstionis decisionem pertinens, quàm ad narrationem facti, quod decisioni causam præbuit.

5. *Pocis infrà
parius usus.*

V. Sed dictionis *Infrà*, triplex est in Jure Canonico usus. 1^{us}. communis, cum quis aliquid præfenti suo sermoni aut tractationi paulò post adjiciendum significat, quò id de quo agitur, aut clariùs, pleniusvè explicetur, aut validiùs confirmetur: ut, *quemadmodum infrà dicitur*; aut *quod ex infrà dicendis patebit*. 2^{us}. utrique Juri cognitus, cum in Tituli, Decretalis, aut Legis alicujus interpretatione, locum alium adducimus ex posteriori ejusdem voluminis parte: ut si explicandæ legi *alienationes* 13^o. *D. familia Erciscunda*, qui Titulus habetur libro X^o. Digestorum, utar ratione petita ex Libri xxiij. Titulo, *de fundo dotali*, & dicam arg. l. 1^a. *INFRÀ, de fund. dot.* aut si ad explicandam legem 1^{am}. *Cod. ad leg. Jul. Majest.* qui 8^{us}. est Titulus Libri ixⁱ. Lectorem remittam ad legem ult. *Codic. ad legem Jul. Repetundarum* tit. 27^o. ejusdem libri: sic enim scribam *Vide legem ult. INFRÀ, repetundarum*. Eodem modo si Decretalis aliqua tractetur, illustranda ex alia Decretali in ejusdem libri posteriori parte, aliove sequentium librorum positâ, idem obrinebit: veluti si in exponendo capit. 38ⁱ. aut 39^o. tit. *de Elect.* lib. 1^o. Decretal. utj velimus autoritate capituli 17ⁱ. aut 22. ex tit. *de regularibus* lib. 3^o. Decretal. laudabitur *Capit. 17. vel Capit. ex parte 22. INFRÀ de regularibus*. Nec disparem

utroque Jure usum præstat adverbium SUPRA in designandis priorum Titulorum locis: veluti, si ad dilucidandum quid in libri 5. Decretal. tit. de *Sententia Excommunicationis*, afferam locum ex libri 1. tit. de *Consuetudine*, sic: cap. cum *inter*, 5°. SUPRA de *Consuetudine*. Utriusque hujus adverbii adjectio eò pertinere videretur, ut paulò faciliùs Rubricæ laudatæ inveniantur ab iis qui nondum earum seriem memoriâ complexi sunt. 3^{us}. ejusdem vocis *infra* usus ille est quem diximus, ut cum particula conjunctiva &, significet & quasi suppleat locum fragmentotum, quæ in Decretali hac vel illâ desiderantur.

VI. Repleri tamen plerumque possunt hæ lacunæ ex Antiquis Decretalium Collectionibus, quas libri IV. capite 16^o. memoravimus à pagina 550. Earum verò quatuor priores ab Antonio Augustino, quinta ab Innocentio Cironio, additis Notis editæ sunt, ut ibidem à nobis dictum est. Et verò suis quæque Decretalibus, adjectæ sunt in Editione Antuerpiensi, quæ an. 1570. cum Antonii Contii Notis exiit: quamquàm idem Antonius Augustinus Auctorem ejus rei facere videatur Franciscum Pegnam Correctoribus Gratiani adjectum; cum sub finem Libri I. de Emendatione Gratiani, ultimum illum inter Emendatores numerat his verbis: *Franciscus PEGNA, Hispanus; cujus sunt additiones Decretalium sine nomine, quia Templum Diana incendiæ visus est*. Nec tamen in Editione Romana anni 1582. Correctorum curis subsecuta, additæ sunt hæ, ut ita dicam, lacinix; cum Plantinianæ illi Antuerpiensi antè 12. annos insertæ fuissent, sub hac ad Lectorem Monitoriâ Notâ: *En prodeunt, Candide Lector, Decretales Romanorum Pontificum Epistole, quæ vel à Gratiano prætermisse, vel post ejus rapsodiam edita sunt, à quodam Fratre Dominicano Raymundo de Penna, non sine nimia amputatione compilatæ; nunc autem integra, quoad fieri potuit, redditæ: ita tamen ut (ne quis veteris Raymundi editionis, ordinem immutatum cavillaretur) quæ supplenda erant; locis interea mutilis aliquo signo indicatis; ad finem cujusque capituli, in quo quid desiderabatur, rejiciantur: deletis præterea ex margine ineptis quorundam notis, & quibusdam utilibus & necessariis additis per Anton. CONTIUM in Metropoli Biturigum professorem*. Sanè cum ex facto jus oriatur, facilius ex his fragmentis ad veras decisionum rationes indagandas, aditus datur, atque utilia

6. Quando
addita Decreta-
lium Editioni
Partes Decisa.

ex his depromuntur argumenta : laudantur autem ea hoc modo , *Cap. veritatis* , 14^o. *in parte decisa* , *de iurejurando* , &c.

7. *Quid sit
iunctâ Glossâ.*

VII. Cum Canon aut Decretalis citatur additis duabus his vocibus , *iunctâ Glossâ* , sensus est non ex solis verbis textus laudari omninò constare id de quo agitur , sed ex textu inferri & erui à Glossatore in Notâ textui Canonis appositâ .

8. *Quid Lex
Canonizata.*

VIII. *Lex Canonizata* dicitur , quæ Corpori Canonum illata est : & siquidem Decretalibus inserta fuerit à Pontifice aliquo , aut per eum approbata , vim Canonis nanciscitur , valetque in foro Ecclesiastico , veluti *Lex 1. in princ. Dig. de Operis novi nunciat.* à Lucio 3. comprobata , ut paulò antè dictum est. At si à Gratiano descripta sit in Corpore Decretorum , ut multæ Constitutiones ex Codice & Novellis desumptæ , novum ex eo robur non acquirunt , cum Gratianus Monachus , privatus tantùm Doct̃or fuerit : valent tamen etiam in foro Ecclesiastico eæ , quarum iure usi Pontifices inveniuntur. Nam , ut ait Justinianus in constit. de conceptione Digestorum ad Tribonianum §. 6. *Nostra facimus omnia quibus auctoritatem impertimur.* Videndus hac de re Franciscus Floren in Præfatione de Methodo & Auctoritate Collectionis Gratiani &c. pag. 52. Editionis nostræ.

9. *In Rescriptis,
Episcopi , Fratres;
reliqui, Filii
appellantur.*

IX. Vulgaris est formula Pontificum Episcopos alloquentium , ut eos *Fratrum* seu venerabilium Fratrum nomine compellent , scribantque , exempli causâ , *Fraternitati suæ taliter respondemus* ; Presbyteros autem , etiam Cardinales , itemque Principes & reliquos fideles , *Filios* seu *Dilectos* vel *Charissimos Filios* appellent. Unde falsi convincuntur Literæ Pontificiæ , in quibus Episcopus vocatur filius , aut alius ab Episcopo frater salutatur , *capit. 6^o. extrâ de crimine falsi.*

10. *De Clausulâ
Appellationis
retrahendâ.*

X. Formulæ siue clausulæ *Appellatione Remorâ* , quæ Literis Delegatoriis à Summo Pontifice adjici solet , effectus est ut causæ cognitio ac decisiō delegatis committatur cum pleniori potestate : ea tamen non eò pertinet , ut nullo casu ab eorum sententiâ liceat appellare : nec tamen in id tantùm valet ut per illam frivolæ dumtaxat appellationes rejiciantur , sed ut iis tantùm casibus appellatione uti liceat , quibus id nominatim conceditur , *capit. 53. de Appellationibus.*

XI. Hæc breviter delibata sint, ut gustus aliquis hujusmodi formularum habeatur. Ea quippe accuratè persequi non est hujus instituti. Adde suprà dictis Titulos de *Verborum significatione*, tum apud Gregorium, tum in VI. Clementinis & Extravagantibus Joannis XXII.

C A P U T X X.

Indicantur aliquot Axiomata, eorumque Collectanea.

I. **A**XIOMATA sive Principia Juris Canonici generalia magnâ ex parte eruere licet ex Titulis de *Regulis Juris*, qui ultimi sunt Decretalium & Sexti.

II. Hujusmodi Axiomata *Brocardica* vulgò dicuntur, detorto vocabulo ex nomine Burchardi Vormatiensis Episcopi, è cujus Decreto excerpta initio fuisse videntur.

III. Extant in hanc rem *Damasi* Veteris Juris Canonici Doctoris *Brocardica*, seu Regulæ Canonice, numero 135. in utramque partem breviter discussæ & conclusæ, exemplo Brocardicorum ab Azone collectorum: quæ utraque Basilæ anno 1564. edita inveniuntur. His adjici possunt *Principia* & loci Communes seu Regulæ, tam Decisionum quam argumentorum utriusque Juris Ordine Alphabetico digestæ per Doctorem Simonem Vaz *Barbosam* Lusitanum anno 1621. Imprimis verò Cardinalis *Tuschi* ingens Opus *Conclusionum Practicarum*, ubi Juris Regulæ sive Axiomata, & Regularum exceptiones ac limitationes, servato quoque Alphabeti ordine, fusè tractantur.

IV. Pauca quædam horum generalium Axiomatum annotasse hoc loco sufficit.

1^o. Quemadmodum olim Prætores in Edictis suis, ita & Pontifices in Canonibus & Constitutionibus Ecclesiasticis, naturali æquitati ac benignitati potius inhærent, quàm stricti Juris rigori aut subtilitati.

2^o. In iis quæ merè humani juris sunt, quod Canonibus deest, id ex legibus supplendum est, & vice versâ: etenim quemadmodum leges non dedignantur sacros Canones imitari, ita & Sacrorum Statuta Canonum, Principum Constitutionibus adjuvantur, *Cap. 1. extrâ, de Novi Operis Nuntiatione.*

1. *Regula Juris Canonici.*

2. *Cur Axiomata Juris dicuntur Brocardica.*

3. *Brocardicorum & Principiorum Juris Collectores aliqui.*

4. *Regule quædam generales.*

3°. In iis tamen quæ ad æternam salutem pertinent, Decreta Canonica Civilibus Constitutionibus ac Decisionibus potiora sunt: divinis quippe præferenda non sunt humana; sed contrà. Unde nec servanda consuetudo divinæ veritati contraria, *Can. 5°. & seqq. dist. 8°.*

4°. Non ergo quidquid legibus licet, canonibus probatur: sed per eos rejicitur quidquid divinæ legi videtur adversari. Ex his principiis manant præcipua; inter jus utrumque discrimina, de quibus dicitur proximo titulo.

5°. Quamvis in rebus credendis eadem omnibus fidelibus posita sit Fidei & Morum Regula, à qua discedere nemini licet, *Can. 8°. ac duob. seqq. dist. xi.* In iis nihilominus quæ sunt disciplinæ & specialis Consuetudinis, liberæ sunt Ecclesiarum observationes; nec salutis diversa observantium, aut eorum adversus alios charitati atque unioni officiant, *Can. 3°. & seqq. dist. xii.*

6°. Contra statuta Patrum, quæ scilicet in Generalibus Conciliis Universalis Ecclesiæ probavit assensus, condere aliquid vel mutare ne Romanæ quidem sedis autoritas potest *Can. 1°. & 7°. xv°. quæst. i.* quod in rebus quidem fidei perpetuum est: in aliis interpretationem & exceptionem recipit ex legitimis ac necessariis causis.

7°. Principum Catholicorum Officium in eo vel maximè versatur, ut Ecclesiæ fidem & Canonicam Disciplinam tueantur, atque promoveant, *Can. Principes 20. xxii°. quæst. 5°.* idque proficitur Justinianus in præfatione *Novellæ 6°.* Idem *Novellæ 131. Cap. i.* Canonibus Conciliorum vim legum attribuit. Et verò res humanæ aliter tutæ esse non possunt, nisi quæ ad divinam confessionem pertinent, & Regia & Sacerdotalis defendat Autoritas, ut loquitur Leo Papa, *Can. 21. ead. caus. & quæst. i.* ideoque duarum potestatum fines Christus ita distinxit, ut Reges Pontificibus pro æternis, & Pontifices Regibus pro temporalibus rebus indigerent *Can. quoniam 8°. dist. 10.*

8°. Constitutiones futuris dant formam negotiis, non ad præterita trahuntur, nisi aliter nominatim caveatur, *l. 7°. Cod. de Legibus. Capit. 2°. & ult. de Constit.*

9°. Inter plures ejusdem generis Constitutiones, prioribus per posteriores derogatur, *l. ult. ff. de Constit. Principum.*

10°. In definiendis negotiis non solum necessaria est scientia; sed etiam potestas, in *Princ. dist.* 20.

C A P U T X X I.

De Methodo Discendi Docendique Juris Canonici.

I. **N**ON è quovis ligno fieri Mercurium, nec cujusvis esse Corinthum appellere, veteribus Græcorum fertur adagiis. Hæc cum ad uniuscujusque disciplinæ studiosos accommodari possint, quarum nulla est quæ non propriam quandam ad perdiscenda exercendaque artis præcepta indolem desideret: in Canonum præsertim ac legum scientiâ valere fatendum est. Frustra itaque tam necessariam Ecclesiæ Regnoque disciplinam appetierit infelicitè natus, ac genio destitutus: frustra præstanti naturæ confidat ignavus atque alienus à studio, sine cuius, ut ita dicam, aculeis torpet natura; nec quantumcumque præclara, exurgit unquam ad grandia.

II. Illud primum pro certo est habendum, quod in Grammaticâ & Rhetoricâ probavit Quintilianus *lib. 1. inst. Orator. cap. 2.* has disciplinas in schola, quàm domi meliùs tradi ac percipi; id in Jurisprudentiæ studio maximè obtinere. Quod agnosceret quisquismeminerit & eam in publico Fori lumine esse exercendam, & nullam esse artem, quæ voce Magistrâ magis indigeat, aut cuius dogmata, exceptionibus & replicationibus involuta, accuratorem repetitionem, exercitationesque alias desiderent. Hujusmodi autem exercitamenta, ut mutuo plurium conflictu peraguntur, in umbrâ domesticâ frigidiore, longè aliter in scholarum luce per æmulationem incalescunt. His innutriti, quotidiano usu & familiarî labore id faciliè consequuntur, ut sive ad adipiscendos per examina publica gradus Academicos, sive ad causas etiam in foro, ubi opus fuerit, orandas, longè paratiores accedant: nec laborent in exprimendis quæ didicerint; aut, ut intra privatos penates institutis contingere quotidie videmus, pro recto fluidoque sermone, balbutiem reddant.

III. Scio antiquam esse parentum querelam, in scholarum frequentia corrumpi sæpenumero adolescentium mo-

1. *Arts nulla sine apto ingenio ac sine industria acquiri potest.*

2. *Utilius in Scholis quàm domi addisci jurisprudentiam.*

3. *Diluantur argumenta quæ contra Scholâ. sicuti studium jactari solent.*

res ; nec posse Doctorem unum , quantumcumque idoneum , tot auditoribus perdocendis vacare : addunt etiam si maximè posset , non tamen eo silentio audiri , ut cunctis liceat speratum ex ejus sermonibus fructum capere. Priora illa non seculi nostri , sed omnium temporum incommoda , & videri , & petita ex illis argumenta solidioribus jamdiu rationibus refellit eximius ille eloquentiæ Magister , loco paulò ante laudato. Ostendit non minùs domi à pedissequorum , aliorumve familiarium malis plerumque moribus , periculum corruptelæ Adolescentibus imminere. Quin & ab ipsis parentibus non rarò teneram ad prava imbecillitatem , dum exemplis , blandiriisve suis vitia , vel sua instillant , vel aliunde ingesta fovere non erubescunt : quæ per domesticam indulgentiam depravati juvenes in scholas afferunt potiùs , quàm è scholis accipiunt. Suggestit & Patrum locupletiorum justo metui remedium , si probum & fidelem lateri filiorum suorum testem & quasi arbitrum adjunxerint ; cujus assiduus comitatus , ut eleganter ait idem Quintilianus , etiam illos meliores faciat qui timebantur. Publico autem professori addi nihil prohibet domesticum studiorum adiutorem , qui hinc moribus invigilet , inde Doctorum dictata exponat iterum ; ac totius pensæ scholastici rationem , ubi reddiderit , exigat : ne scilicet cognitio ulla necessaria intellectum discipuli fugiat , aut memoriam. Sed quibus hujusmodi deerunt adjumenta (si modò nec genius , nec attentio desit) sufficiet procul dubio seduli doctoris officium. Vox enim è suggestu dicentis , ut ad omnes qui adsunt perfertur , ita per eam , velut per commune aliquod lumen , omnes simul erudiri & quasi illustrari possunt. Auditoris quoque unius interrogatio & responsio , non ipsi magis , quàm cæteris prodest. Disputationum etiam , quæ per vices ita instituuntur , ut quibuscumque volentibus pateant , non intra solos respondentes atque arguentes stabit utilis : ad cunctos auscultantes pertinger. Verùm plerique sunt , quibus horum nihil proficit , fateor. Sed ii scilicet , qui vagandi quàm discendi studiosiores , scholam quàm à se frequentari apud suos meriuntur , nunquam aut rarò admodum adeunt , & vix à limine salutant : vel si quilibet limen subeunt , scamna vexare contenti , ac semper aut nihil , aut aliud agentes , studii , quod nullum adhibuere , non alium refe-

runt fructum, quàm malè per oscitantiam, aut imperitiam exceptas mutilorum commentariorum schedas: vel qui denique id tantùm strenuè agunt, ut nugaci loquacitate, aut stolido strepitu probent assiduitatem suam.

IV. Verùm inter hæc paucorum petulantium murmura, complures (quicumque nimirum non alienis criminationibus; sed vero pretio, propriâque experienciâ studia publica æstimantes, docentium sedulitatem attentione ac labore suo accuratè sequuntur) non alio quàm Antecessorum in scholis ductu atque adjumento, eam sibi peritiam intra præscripta tempora compararunt, & quotannis comparant, ut quotidie in publicis experimentis faciliè appareat (quicquid contrà invidorum temeritas effutiat) eos ex limpidis Legum & Canonum fontibus, non ex fæce ac rivulis hausta, in succum & sanguinem vertisse; nec psittacorum instar, aliena parùm intellecta, sed sua ex proprio jecore responsa depromere.

V. Vindicato à calumniis & falsis hominum opinionibus publico scholarum studio, ad rem propositam veniendum est. Quæ Jurisprudentiam Discantis, quæ Docentis partes sint, non aliunde meliùs meo judicio cognosci potest, quàm ex scholæ nostræ juridicæ Legibus, quas Henrici Magni Regis autoritate Viri Sapientissimi scripserunt. Sequentia sanè illarum Capita, velut ex Tripode pronunciata præcepta, mihi videntur. *Auditores sacrorum Ecclesiæ Canonum in primis Catholicam & avitam religionem sincerè amplectantur. Ad hoc studium nullus accedat, qui non in humanioribus primùm artibus, & disciplinis Philosophicis probè versatus sit, ac linguarum Græcæ & Latine cognitionem habeat. Prolyta à lectione & auditione Institutionum, & Canonici & Civilis Iuris studium exordietur, ac sedulam operam in eo collocet, ut utriusque juris titulos memoriter teneat. Dictata Doctorum fideliter excipiat, Doctorem in suggestu docentem non perturbet: veste deformi, militari chlamyde, aut varii coloris togâ non utatur; sed honestâ & gravi, pro status & ordinis ratione. A die admissionis in hoc totus incumbat, ut ordinarias & extraordinarias Antecessorum lectiones audiat, & fideliter excipiat, disputationibusque publicis intersit.*

VI. Si ergo Iuris Cupidus adolescens ingenio ac literis, ut par est, instructus, nec labori, nec tempori parcere Velit,

4. Nec Auditorum studio omnium profectui admodum obest paucorum in scholis protervia.

5. E statutis scholæ Parisiensis peti possunt vera studii Juridici Regula.

6. Quantum ex his, secundum Edicti Regii leges & tempora observatis, fructus expellâdus.

id intra præstitutum Edicto Regio triennium haud difficile assequetur, ut non modò quam plurima & maximè necessaria principia, totamque disciplinæ nostræ rationem apprimè teneat; sed etiam si quid memoriam effugerit, sive quid in scholis satis percipere non licuerit, cognitis cujusque rei sedibus atque Interpretibus per se ipsum perdiscere queat; & in Vasto Jurisprudentiæ, ut ita dicam, pelago sine cortice natare: in quo sanè maximum hujusce studij fructum versari norunt periti.

7. De anno
studii primo.

VII. Inchoandum quidem à principiis utriusque Juris, quibus Elementa scientiæ in Epitomen radacta continentur (*Institutiones* ferè vocant) jaci enim fundamenta opus est, ut firmum imponi ædificium possit. Noscendus ab initio partium ac Librorum, quibus constat universum Juris-Corpus, itemque Distinctionum, Causarum, Quæstionum, ac Titulorum seu Rubricarum ordo, ordinisque ratio: Autores Canonum ac Decretalium cognoscendi; assuescendum vocibus ac loquendi, scribendi, citandique formulis artis Canonici proprijs; quæ cuncta ex hoc nostro volumine, vel ex breviori Juris Canonici Gallicè scripta historia patebunt. Sed his adjicienda Axiomata generalia, & materiarum principia sive Regulæ cum præcipuis exceptionibus: Aggredienda etiam aliquatenus nonnullorum, quæ primâ fronte sibi invicem adversari videntur, conciliatio. Hæc verò non aliis plenè proficient, quàm qui, uti jam dictum est, sedulâ & sæpius repetitâ meditatione addiscent quotidianas prælectiones; quos de difficultatibus, quæ subinde occurrent, Doctorem suum publicè, privatimvè, consulere non pigebit; ac denique qui Hebdomadarias repetitionum, proponendorumque dubiorum, exercitationes certatim obibunt. Nam qui laboris tædio, nimivè ingenij fiduciâ, vel spe alienæ operæ atque opis in tertium annum, aut etiam, in postremum trimestre, studia differunt sua: hi non perpetuò profuturam scientiæ reperiunt margaritam (ut Innocentius III. loquitur) sed levissimæ & futilis ac mox evanescentis doctrinæ, quasi adulterinorum lapillorum, furtivâ nundinatione, seque suosque decipiunt; sæpe etiam promalè quæsito per cruda, Vel simulata potiùs studia honore, sibi iustissimæ repulsæ dedecus parant. Pauci quippe sunt qui Ciceronis exemplo se triduo Jurisconsultos futuros pro-

ferri possint: nec rudis tunc Cicero erat, cum hæc jaceret sed à Mucio Scævola, præstantissimisque aliis sui sæculi Jurisconsultis jamdiu institutus. Cæterum melius consulti discipuli, qui Antecessores quotidianâ diligentia subsequi, & per eos in Jure proficere volent, hi, si me audient, primo studiorum anno, Institutionum quæ præleguntur, textui, & scriptis quæ ad eas enarrandas publicè tradi mos est; paucorum admodum Interpretum libros adjungent. Hujusmodi fuerint, hinc ad Justiniani *Elementa Theophili* Antecessoris Paraphrasis, Arnoldi *Vinnii* breviores Notæ; & methodi ac memoriæ causa V. Cl. Claudii *Colombeti* Synoptica Institutionum Descriptio: inde ad Institutiones Juris Canonici, per Lancelottum, alterumvè ejus generis scriptorem compositas, Notæ forsitan nostræ, cum Cl. Collegæ Petri Hallæi Canonici Institutionibus. Exteri enim, quæ Gallici Juris morisvè, & apud nos præter jus commune usui sunt, prætermittunt. His tamen aliisvè similibus adjici omnino velim Utriusque *Juris Corpus*, quo quærendis Legibus & Canonibus, quibus ad confirmandas identidem sententias suas Doctores utuntur, insuescant ab ipso initio Tirones. Usui quoque esse poterit *Lexicon* Juridicum Calvinii aut Schardii. Qui plures addiderit Autores, is Laborem augendo, minuet profectum. Sed nec nimis anxie sub initia insudandum dubiis quæstionibus agitandis, nisi si quæ ex ipso contextu, quasi ad manum, occurrent. Hæ quippe disputationes imbutum jam certis juris principiis animum desiderant.

VIII. Non pigebit specialiores aliquot &, ni fallor, perutiles studii rectè & commodè instituendi regulas, discipulis post Polycarpum *Sengeberum*, ejusque verbis hoc loco subicere. 1. Perlegatur textus proximè prælectionibus illustrandus, idque in hunc finem ut videant ubi illis aqua hæreat, notentque diligentius quæ minùs intellexerint: ita enim sciendi desiderium homini aliàs naturale, eò magis excitabunt, & intellectus eò avidius hauriet, rapietque in se desiderata antea, firmiusque memoria retinebit. 2. Definitionem, quæ totius materiæ summam semper exhibebit, (adde & ex ea Divisiones) memoriæ mandare non graventur: tunc enim reliquum vel semel lectum, quasi ad suos locos relatum, facillimè memoriæ hære-

8. *Observanda in studio à Tironibus instituendo.*

bir. 3. Scripta non defunctoriè perlegant, & loca laudata, bonâ fide inquirent; atque ita secundâ vice Institutionum textum simul percurrant. 4. Tandem post lecta scripta, tertiâ vice textum ordine perlegant, exploraturi utrûm jam scriptis adjuri sint, & ecquid fortè dubii adhuc restet, vel obscuri, quod particulari informatione eximendum.

9 *De Secundi
ac Tertiâ anni
studio & Gradibus
Academicis.*

IX. Hæc verò Canonum legumque accurata Lectio, & cum dictatis collatio, Titulos ex Corpore Juris secundo anno ab Antecessoribus accipientium non minimum erit Officium. Nec ultra hujus anni secundi metas prorogandum Primi gradus Academici tempus, quem Baccalaureatum vocant: tum quia ea mens, ea lex est Edicti Regii; tum quia etiamsi id nullâ lege præceperetur, baccalaureatus tamen simul & Licentiatûs gradibus ritè consequendis, vix sufficere unius tertii anni spatium potest. Utrumque facile mereri poterunt, qui, uti jam diximus, in Schola Prælectionibus & Exercitationibus assidue debita operam dederint; nec in iis quæ publicè audierint, domi deinde privatim recolendis cessaverint. Sic quæ prius dura & propè insuperabilia videbantur, ea mediocri, sed continuo magis quàm difficili labore quasi lævigata, nullo negotio comprehenduntur. Quod non eò pertinet, ut his studiosè observatis difficultates omnes tollantur & evanescant: Imò ita comparata sunt studia nostra, ut quò plus quisque diligentia in his adhibet, eò magis difficultatibus plena esse pervideat; adeo ut in nullo hære, cuncta obvia putare, certissimum sit, aut indiligentis, aut hebetis indicium. In eo itaque maximè agnoscitur studentis progressus; si multum dubitet, sed cur dubitet norit, & dubitationum ac scrupulorum suorum causas reddere possit. Eximendis autem his difficultatibus, à Magistris subsidia perenda erunt: sive ab Antecessoribus, Doctoribusque aliis, sive ab Interpretum Commentariis. Nec Verendum ne Professori radium afferat frequens interrogatio Existimare enim oportet amari officium suum Doctori, nihil esse jucundius, quàm si à solerti discipulo difficultates novæ proponantur, quas fortè, ne ipse quidem magister animadvertet. Nullum quippe majus in Auditore sedulitatis est argumentum. Sed nec ipsi auditori mirum aut turpe videri debet, si quando

in respondendo jure hærentem viderit Doctorem suum. Hærebant præsci etiam Scævola, Ulpiani, Papiniani. Hærebant Cujacius, Maranus, Acoſta: ideoque conſulentibus aut interrogantibus Auditoribus, etiam cum facillima proponerent, nunquam ſtatim, ſed poſt alterum tertiumve diem reſpondere ſoliti erant.

X. Interpretibus autem non multis, ſed ſelectis utendum etiam progredienti. Ut enim verè nimiùm obſervat Beëtiſſimus Epo lib. 2^o. de Jure ſacro, num. 86. & ſequentibus, immenſo Interpretum numero, vel potius turbâ, laborat utraque legiſlatio, aliorum alioſ, nullâ plagii religione, diripientium, & priora ſcripta plerumque ſine delectu, sæpe etiam ne mutatis quidem verbis, ac nec correctis falſis allegationibus, exſcribentium: ita ut, qui unum aliquem è poſterioribus viderit, omnes vidiffe, dici poſſit. Proceſſis ergo ſufficient cum Gloſſa, ex prioribus quidem Interpretibus *Hoſtienſis* in ſumma, in qua Tituli cujuſque materiam ad certa Capita, certo ordine redigit; & cum *Boicho*, *Panormitanus*, qui poſitarum ſub ſingulis Titulis Decretalium ſeu Capitulorum ordinem in Commentariis ſuis ſequuntur. Licet enim *Panormitanus*], præ cæteris, in alienis lucubrationibus ad verbum deſcribendis, artifex maximus, ab Epone aliſque, fuiſſe dicatur: tamen hoc ipſo utilior plerique aliis erit *Innocentii IV. Hoſtienſis*, *Joannis Andreæ* aliſque veterum iis etiam quorum opera interciderunt quæ libuit excerptis atque in ſua tranſtulit. Ex poſteriorum autem numero *Ambroſius le Gauſſe*, & *Cironius* in Paratitlis Decretalium, *Antonius Dadinus Altaſerra*, *Fagnanus*, & *Emanuel Gonzales Telles*, in Commentariis, ille ad *Innocentii III.* hi ad omnes ferè *Gregorianæ* Collectionis Decretales. His addi poterunt cum fruſtu qui per partes aut tractatus, ſive ſub aliis Titulis Jus Canonicum expoſuerunt & Illuſtrarunt *Navarrus*, *Covarruvias*, & prædicti *Cujacius*, *Florens*: *Duarenus* quoque, *Choppinus* & ſi qui ejus generis alii. Adjungendi Forum ingreſſis Autores rei Beneficiariæ præcipui, *Rebuffus*, *Molinæus*, & cum *Bengeo Pinſſonius*: atque ex iis qui Conſilia ſive Conſultationes ediderunt *Vvameſius*. Nec omittendi apud nos quæ de Libertatibus Eccleſiæ Gallicanæ, poſt *Petrum Pithocum* ſcripſit *Petrus Puteanus*, nec Collectores *Senarum* conſul-

10. *Pancis In-*
terpretibus ut-
endum.

torum quorum non pauca de rebus Ecclesiasticis lata præjudiciorum loco.

11. *De Officio
Antecessorum in
do. endo.*

XI. Antecessoribus, in quibus doctrina requiritur, plura quoque & Majora eruditionis subsidia necessaria sunt, quæ sibi ex memoratorum superioribus Capitibus Interpretum, aliorumque Autorum operibus adfiscere cuique licebit. Eorum quoque erga Auditores officium ex jam dictis facile colligi potest. Id in rectè ac diligenter implendo quotidianarum prælectionum munere, & in excitandis per cuncta scholasticarum exercitationum genera discipulis, maxime positum esse nemo non videt. Illud in primis observandum, quod in jam dictorum Statutorum nostrorum Appendice arr. 14. cavetur. *Non liceat schola Doctoribus ordinariis docere, nisi ex præscripto Legum schola non frustulatum, aut per Epitomas, spicilegia quadam minuta Canonum fingere, & auditores eo astu vel inescare incautos, vel Ludificare.*

Neque enim jam per Compendia (quæ viâ ad scientiæ culmen numquam pervenitur provectiores docendi sunt auditores) sed ad ipsos fontes deducendi, ipsos Canones, Decretales ipsas cum affinibus cuique legibus, accuratè exponere oportet. Mihique valde probatur quod ait Boëtius Epolib. de Jure sacro cap. 2°. sibi semper summam fuisse religionem Pontificium jus ullum aliunde quam suis ex fontibus interpretari: quam religionem successores in hoc professionis genere suis atque adeo toti posteritati summè commendat. Sic sanè vera à falsis, obsoleta à receptis distinguuntur. Et optandum quidem esset ut nihil intactum relinqueretur, totum Juris Corpus à Capite ad calcem, explicando percurri posset. Verùm quia nec discipulorum impatentia, nec ultra modum festinantium parentum vota, id fieri permittunt, & Maximi Regis providentia, ad privatorum utilitatem aut desideria sese accommodans, studiorum Juridicorum curriculum, quod non nisi septem annis per Pragmaticam Sanctionem & Concordata finiebatur, triennio posse absolvi concessit, licet additâ Juris quoque Gallici discendi necessitate; standum sapientissimi Edicti legibus. Id verò cum fructu studentium & scholæ salvis legibus non incommode ita fieri posse mihi visum est, si nullo prætermisso pensî annui Titulo, materia cujusque certo ordine secundum Didacti-

æ Regulas summatim digestas traderetur , ac deinde Capitulum live Decretalium , quarum maximus usus , maximave difficultas est , accurata interpretatio subjiceretur. Notus est interpretationis hujus modus. Proponitur facti apta hypothesis (quæ in jure Pontificio ex historia , tum Ecclesiastica , tum mediæ ævi profana peti ut plurimum potest) adducuntur dubitandi decidendique veræ rationes : contraria refelluntur conciliatis per certa rerum momenta Antimoniis ; quam in rem solent præsertim loca & tempera distingui , & jus vetus , vel commune cum posteriorum nostrique sæculi constitutionibus , aut moribus Ecclesiarum comparari , quod appareat quibus gradibus ad ea quæ nunc apud quosque obtinent , deventum fuerit. Hac viâ edocti atque his subsidiis muniti , ubi Antecessorum ductu ardua quæque perciperint : in reliquis intelligendis ope librorum quos paulò ante indicavimus , non difficilè sibi ipsi sufficient. Videndi hac de re tota duo in utraque professione decessores mei Franciscus Florens , & Joannes Dartis in Orationibus seu Præfationibus de optimâ docendi discendique Juris Canonici ratione. Adjici poterunt Orationes aut Epistolæ Illustrium Jurisconsultorum qui de methodo Juris Civilis scripserunt , quæ enim methodus in Jure Civili probatur , juri etiam Canonico magna ex parte conveniet. Hi sunt in primis Eguinarius Baro , Franciscus Balduinus , Franciscus Duarenus , Franciscus Othomannus , Matthæus Vesembecius , Claudius Contiuncula , Christophorus Hegendorphinus , Matthæus Gribaldus , Nicolaus Everhardus , Joannes Thomas Freigius , Julius Pacius , & qui alii sub diversis Titulis eam materiam tractarunt : quorum opuscula à Nicolao Reufnero collecta Spiræ prodierunt anno 1598. sub titulo Cynosuræ Juris , addita sequenti anno Appendice à Bernardo Copio.

CAPUT XXII.

De Juris Canonici Fine.

1. *Finis Legisla-
tionis idem qui
Politix sive So-
cietatis cuius-
que.*

a Lib. 4. politi-
cor. cap. 1.

b Dial. 22. de
Legib.

c Laudato à
Marciano JC. in
lege 2. Digest. de
leg.

I. OMNIS Legislatio ad tuendam hominum inter se societatem, instituta est. Quamobrem ut finis cuiusque juris perspiciatur, spectanda est natura cuiusque societatis. Leges quippe omnes ad eundem finem referri oportet, ad quem tendit unaquæque societas. Nec enim Republica legibus, sed Reipublicæ leges accommodantur, ut latè probat Aristoteles^a. Differunt itaque Leges secundum diversos cuiusque Politix fines. Idcirco tot sunt formæ legum quot Rerumpublicarum: & sicut Sagittaris ad scopum, ita Leges ad propositum cuique Reipublicæ finem collineare debent, Autore Platone^b. Est enim *Lex, Regula iustorum & iniustorum*, ut rectè definitur à Chrysippo Celebris inter Stoicos Philosophos^c; quæ, *animalibus ratione præditis atque ad politicam Societatem à natura comparatis, faciendâ præcipit, non faciendâ prohibet*; & sic regulæ instar, humanas actiones, iustitia duce, dirigit in finem cuique politicæ idoneum. Unde cum plura sint, nec tantum diversa, sed etiam invicem opposita publicæ administrationis genera, errant procul dubio qui easdem ubique leges & consuetudines desiderant. Sex præcipuæ ab Aristotele numerantur Rerumpublicarum formæ, quarum tres rectæ sunt, Regia, Optimatum, & bonorum Civium æquabile regimen quod ipse Democratiam vocat; totidem his contrariæ, Tyrannis, Paucorum non virtute ac meritis, sed opibus potentiaque præstantium, & Plebis promiscuæ impotens imperium. Sed nec unus est cuiusque horum statuum modus: plura enim sunt Oligarchiæ, plura Democratiæ genera: nec fieri potest ut eadem omnibus principatibus, aut cuivis sive Paucorum, sive Populi dominatui conveniant: quin & Regionum varia natura, & diversa Populorum indoles, quædam respuunt alibi utilia, quædam requirunt alibi inutilia vel noxia, quemadmodum exemplo Atheniensem & Ægyptiorum probat Theophilus Antecessor Instit. de jure naturali gentium & Civili.

II. Volenti

II. Volenti ergo Juris Canonici, sive Ecclesiastici Finem indagare, videndum est quis sit finis Ecclesiæ ipsius, Jure regendæ. Hic verò Ecclesiæ nomine cœtum fidelium, & universum populum Christianum intelligimus, eo sensu quo Apostoli in Symbolo suo *Sanctam Ecclesiam* dixerunt. Unum est per Christi fidem sociatum corpus, una quasi Respublica per totum terrarum orbem diffusa; cujus Cives æque sunt Principes, Regesque omnes Christiani, omnes Optimates, Populi & Magistratus omnes, unà cum privatis Regi cuique aut cuique Reipublicæ subjectis: cujus denique legibus, in iis quæ ad communem sanctæ hujus Societatis, Ecclesiasticæ nimirum politicæ, Finem pertinent, tenentur cuncti Fideles. Finis autem ille non fluxæ hujus vitæ terminis circumscribitur, aut corporis commodis: spiritualis est ac supernaturalis, & in æterna salute, æternæque in regno cœlorum post hanc vitam, beatitudine versatur: qui quidem ultimus Finis est Ecclesiasticæ politicæ & Sanctorum Communionis: sed Finis propior, per quem ad illum pervenire oportet, est præsentis vitæ ex vera fide, veraque virtute, secundum Dei præcepta, cursus, quâ fieri potest, innoxius. Eò itaque referri debent Ecclesiasticæ Constitutiones, ut per mores homine Christiano dignos, tum in iis quæ aut faciendæ aut vitandæ, tum in iis quæ credendæ sunt, unumquemque fidelium ad finem sacræ hujus Politicæ dirigant: ad eam nempe vitæ rationem quæ peccatis, virtute ac beneficio Dei hominis mortem pro genere humano passi, per ejus ministros remissis, perque Sacramenta purgatis, in animorum puritate & mundo corde posita est; quò nimirum sic transeamus per bona temporalia, ut tandem consequamur æterna. In ea planè sententia cum plerisque Doctorum nostrorum, est Joannes Gerson Parisiensis Ecclesiæ & Academix Cancellarius^d: ubi enim tradidit Leges Ecclesiasticas partim esse spirituales vel divinas, quamvis improprie, partim Civiles & humanas; statuit nihilominus Legum Ecclesiasticarum, ad res etiam externas pertinentium, Finem esse beatitudinem sempiternam. Nec reverà dissentit Boëtius Epo. lib. 1.^o de Jure sacro; ubi de hac re tora plenissimè disserit. Hic quidem^e duplicem constituit Militantis Ecclesiæ inspectionem, quatenus scilicet est Corpus quoddam Politicum suo tempore finien-

2. *Juris Canonici Finis ultimus salus æterna; proximus vita Christianè in terris agenda.*

^d In libello de vitâ spirituali animæ, lect. 2. coroll. 3^a.

^e Lib. 2. de Jure sacro cap. 1. quæst. 23. 24. 25. & 37.

dum, & quatenus est Sponsa Christi, atque omnes fidelium justorum in se complectitur, animas, quæ immortales sunt, & nunquam desiturâ beatitudine fruuntur. Sed quamvis primo respectu neget ei assignandum Finem, nisi qui in terris obtineri possit, vitam nempe ex Christi præceptis sanctè instituendam: fatetur tamen posteriori respectu, cum Militiæ nomine in triumphi titulum mutato, æternum duratura sit, Finem longè sublimiorem habere propositum, ejusque immortalitati convenientem, nimirum æternam felicitatem: & sic verbis magis quàm re à sententia nostra discedit.

3. *Juris Canonici peritia Theologo necessaria.*

f Lib. 8. de locis Theologicis, cap. 6. sub finem.

III. Hinc non immeritò Melchior Canus^f, Theologo quem informat, autor est ut Juris Canonici peritiam sibi comparet. Cum enim Pontificia Decreta à Jure divino, hoc est à libris utriusque Testamenti manaverint, ex quibus fontibus Theologia suos rivulos ducit, ineptè facturum censet Theologum nisi in rebus tractandis operâ Summorum Pontificum utatur; qui Spiritu Sancto suggerente, ex divinis Oraculis dogmata ac leges sive ad fidem sive ad fidelium mores & Ecclesiasticos ritus & cæremonias, collegerunt, tum quòd Canonici sit facultatis dirigere animas per Canonicas leges in salutem æternam; tum denique quòd vel in solo volumine Decretalium permulti casus & articuli contineantur utiles & necessarii, tam in consiliis animatum & penitentiarum foro, quàm in regendis & disponendis Ecclesiis, ac rebus Ecclesiasticis. Optat sanè Theologos, qui Canonum sunt ignari, vel à decernendis conscientiarum casibus, prorsus abstinere, ne risui habeantur, dum de his nonnunquam respondent ut Magistri, quæ nunquam ut discipuli didicerunt; vel certè semper eâ præditos esse modestiâ, ut Juris Canonici peritos consulant.

4. *Alium esse Juris Canonici, alium Civilis finem.*

g In § Sed notandum & seqq. post canonem nos si incomperet 41. l. 1. quæst. 7.

h Can. quoniam 8. dist. 10. can. cum ad verum, alique dist. 96.

I V. Ex dictis colligere licet alium Juris Canonici Finem esse, alium Civilis: quod & probari videtur ex diverso Autorum utriusque, Principum scilicet & Pontificum officio, qua de re Gratianus 8, & Nicolaus I^{us}. in Epist. ad Michaëlem Imperatorem, ex qua plures desumpri sunt Canones^h. Arque hanc distinctionem agnovit Justinianus Imperator in Præfatione Novellæ 6^æ. ubi ait, *maxima esse apud homines dona Dei, & supernâ collata clementiâ, Sacerdotium & Imperium: illud quidem divinis ministrans: hoc autem humanis præsidens ac diligentiam exhibens; & ex uno eodemque*

principio utraque procedentia humanam exorpare vitam. Et verò cum Canones eò tendant, ut fidelium mentes erigant ad spiritualia, & compositis secundum legem divinam Ecclesiæ moribus, animas tandem perducant ad æternam in cœlis gloriam: Leges cunctæ Civiles hujus præsentis tantum vitæ felicitatem respiciunt, atque in eo laborant, ut per consentanea æquitati & naturali rationi instituta; publicæ tranquillitati ac terrenis Civium commodis consulant. Atque hanc inter utrumque jus differentiam indicant Juris Pontificii conditores, cum Leges Principum si-ve Civiles, modò seculares seu leges seculi, modò leges mundanas vocant; Canonibus autem nomen attribunt non modò legum Ecclesiasticarum, sed & Divinarum & spiritualium.

V. In alia sententia est Fortunius Garcias, qui conscripto volumine de ultimo Fine Juris Canonici & Civilis, contendit utriusque Juris eundem omnino esse Finem, proximum quidem, humanam ac politicam felicitatem, ultimum autem sempiternam salutem. Ipsi sunt rationes præcipuæ. 1°. Quòd jus Pontificium non minùs quàm Civile, sit jus humanum & positivum. 2°. Quòd ex iisdem principiis utrumque jus deducatur, naturali nempe ratione, & æterna ac divinâ lege: quod & aliquatenus securus videtur Didacus Covarruvias; non vulgaris notæ Jurisconsultus, cum dixit Juris Canonici & Civilis eadem esse principia & prima præcepta justitiæ, atque ideo eundem utriusque finem: adjicit tamen id non admittendum in Civilibus Principum Gentilium legibus, sed in legibus Christianorum dumtaxat Principum. 3°. Garcias opinionem suam tuetur autoritate præcæmii Decretalium, ubi Gregorius IX. ait legem prodi ut appetitus noxius sub juris regula limetetur, per quam genus humanum ut honestè vivat, alterum non lædat, jus suum cuique tribuat, informatur. 4°. Magnos alios Autores laudat, qui legum finem constituunt publicum seu commune Civium bonum. In iis sunt Aristoteles¹, Cicero^m, Justinianusⁿ, ac denique S. Thomas^o. 5°. Adjicit etiam quod & ex Chrysippo apud Marcianum, confirmat^p, per legem Civilem peccata prohiberi. Quibus adjici potest Reges Christianos in legibus suis, æternam etiam subiecti populi beatitudinem non rarò

5. Fort. Garcias eundem statuit utriusque Juris finem, ejusque rationes.

1 In relect. cap. q. in vis de pact. in 6^a parte 2. in princ. num. 1.

1 Lib. 1. Ethicorum cap. 1. & alibi.

m Lib. 2. de Officiis.

n In princ. Nov. 6^a & in Prefat. Nov. 77.

o Prima & secunda quest. 9. art. 2. & quest. 95. art. 1.

p Lib. 2. dig. de legibus.

spektare. 6°. Citat etiam Isidorum, ex cujus sententia, lex divina eadem est cum naturali 9, à qua non minùs Civilis quàm Canonica legislatio profluxit. 7°. Omne jus Morali Philosophiæ subjeci, ait Garcias; atque idcirco eundem esse juris cujuslibet finem.

6. *Garcia rationes refelluntur ab Epone.*

r Cap. 24. de accusat.
f Can. violatores xxv. quæst. 1.
& can. igitur xxv. quæst. 1.

1. Ut cap. 1. de privil. in Sexto.

u Lib. 1. de legib.

x Primâ secundæ, quæst. 91.

y Cap. 8. ex quo est d. Capitulum 24. de accusat.

VI. Ad hæc fusè respondet Epo. 1°. Jus Pontificium, licet humanum dici possit, quatenus Ecclesiastici Canones ab hominibus constituti sunt; differre tamen à Civili, inspectâ origine, & principiis ex quibus derivatur: quandoquidem Jus Civile ex sola naturali ratione, jus verò Ecclesiasticum ex lege divina 2, seu divinitus revelata inspirante Spiritu Sancto, deducitur 3; ideoque non rarò Jus Canonicum, etiam Divinum appellatur 4: Unde cum non secularis, sed Christianæ politiæ causâ institutum sit, patet diversum ei propositum esse finem. Ad 2^m, rationem Garciz responderetur, leges quidem omnes ab æterna derivari, si lex æterna sumatur pro summa illa ratione, quæ propriè in Deo existens, quadam tamen participatione hominum mentibus indita est à Natura, ut post Platonem Tullius ratiocinatur 5, & clariùs explicat B. Thomas 6. Eamque Æternam legem, Divinam quaque & Naturalem his de causis vocari. Verùm cum legem Divinam propriè dicimus, eam intelligimus quæ ab ipso Deo per Moysen, ac deinde per Christum atque Apostolos revelata est, quam & Doctores nonnulli Divinam Positivam appellant. Hanc verò Naturali adjici necesse fuit ad corrigenda etiam levia peccata, ad motus actusque humanos, non tantùm exterius, sed interiùs quoque cohibendos & componendos; ad certò cognoscendam omnem veritatem & rectitudinem, ac denique ad spem æternæ beatitudinis certò concipiendam, quemadmodum probat idem S. Doctor, antè citatus. Ad ea verò quis non videt pertingere non posse rationis naturalis imbecillitatem? Ex hac porro Divina lege Novi & Veteris Testamenti libris comprehensa, processisse Canonicas Sanctiones, & res ipsa clamat, & apertè testatur Concilium Lateranense 7. 3°. Gregorius IX. in Proœmio Decretalium de legis officio atque præceptis in univèrsam loquitur, cum tria juris præcepta refert ex naturali ratione manantia, quæ juri utrique communia sunt, sed excellentiùs à Jure Canonico quàm à Civili commendantur & perficiuntur. 4°. Cum Aristot-

teles, Cicero, Justinianus, aliive Bonum publicum pro
sue legis constituunt, hi generaliter quoque legem *spiciant*,
deque communi omnibus legum generibus officio agunt:
sed generales illæ definitiones, quamvis omnibus speciebus
aptentur, (quantum ad ea quæ cunctis communia sunt)
non inde tamen sequitur, specierum omnium sub uno ge-
nere comprehensarum, eandem prorsus esse naturam, aut
ex communi definitione plenam haberi singularum specie-
rum notitiam; nisi addatur quod cujusque proprium est, &
quo unaquæque ab aliis differt. Quemadmodum itaque
Baptismus, licet in eo cum Eucharistia conveniat, quod,
quatenus sacramentum est, per signa externa interiorem
gratiam significet atque efficiat; differt nihilominus sine &
effectu speciali: Sic jus Canonicum, etsi cum Civili & quo-
vis alio jure in eo conveniat, quod commune bonum per-
sequatur, differt tamen quod ad aliud boni genus, ex
aliis principiis, alioque fine dirigatur. Bonum enim spiri-
tuale, & internam etiam honestatem perfectamque justi-
tiam, ex principiis divinæ legis, ad æternam salutem secta-
tur: cum jus Civile bonum temporale spectet, externam
scilicet privatorum honestatem, & justitiam specialem ex
naturalis æquitatis principiis, ad publicam securitatem.

57. Jure Civili longè aliter ac Pontificio Peccata prohiben-
tur. Illud Reipublicæ tranquillitatem spectat, eamque tur-
bantes sceleratos homines de medio tollit: at Jus Ecclesia-
sticum peccata prohibet quod animarum saluti adversan-
tur: unde nec mortis supplicio, sed poenitentia salutari pec-
cantium vitia tollere nititur. Quod si Princeps Christianus
in legibus ferendis, de fidelium æterna salute quandoque
cogitat: id non ratione imperii sui, & tanquam Reipubli-
cæ caput; sed ex Christiana Charitate facere videtur, &
tanquam Ecclesiæ filius ac defensor. Nam & nostrum quili-
bet, in communi societate duplicem personam gerit, &
Civis & Christiani; ex quibus diversa munia exequi debet,
alia in Civili politia, alia verò in Ecclesia. 6°. Isidorus,
cum ait, leges divinas naturam constare, non sic accipiendus
est, quasi velit, quæcumque jure Divino in Mosaicæ aut
Evangelicæ lege caventur, à sola natura proficisci, aut nihil
interesse inter legem Divinam & Naturalem. Hæc tantum
mens est Isidori, præcepta Morum quæ in Decalogo con-

tinentur, & ~~per~~, velut seminario, per totum sacramentum ~~hominum~~ corpus sparsa atque diffusa leguntur, manare ferè omnia ab illa æterna lege humano generi divinitus indita, quam rationem Naturalem vocamus; quamvis alioqui plurima in divinis scripturis contineantur humanum caput superantia, & per solam revelationem cognita, ex quibus lex divina propriè dicta consistit: atque hoc juris naturalis à divino discrimen agnovit Gratianus^a, & utrumque hoc jus accuratè distinxit Angelicus Doctor⁷. 7^o. Denique, quamvis Mores per legem quamque informantur, non inde tamen efficitur, eundem esse legum omnium finem: ut enim antea demonstratum est, pro diversâ ratione societatum quæ hac vel illa lege reguntur, diversi sunt legum etiam fines.

^a §. His itaque post canonem iterum dicitur. 6.
— d. Th. 1. 2^a.
quæst. 91.

7. *Ex diverso
jurium Fine di-
verse nascuntur
decisiones, &
Juris utriusque
differentia.*

VII. Ex hac finium inter utrumque jus differentia, oriuntur diversæ multoties quæstionum decisiones, dum aliud commercii usus ex civili quadam æquitate, aliud ex lege divina exactior justitia exigit. Hæc discrimina non pauci veterum & recentiorum collegerunt: in quibus post Bartolum, Joannes Paulus Lancelottus in Tractatu de comparatione Juris Pontificii & Cæsarei, Boëtius *Epo* lib. 10. de *Jure sacro* cap. 20. Henricus *Canisius* in Appendice de differentiis Juris Canonici & Civilis: imprimis verò *Rittershusius*, qui septem libris differentias utriusque juris accuratè est persequutus. Itaque per Juris Pontificii placita emendantur Juris Civilis excessus, ac defectus, sive à perfecta justitia Christiana deerrationes. Hujusmodi sunt quæ traduntur de *Prescriptione*, in qua bona fides initio tantum possessionis requiritur Jure Civili, jure autem Canonico per totum tempus^b, legibus aut Canonibus ad perficiendam Prescriptionem præstitutum: quia lex Civilis litium finem, & per hunc pacem inter Cives respicit; Canonica verò ita ad quietem Ecclesiæ tendit, ut imprimis salutem spectet animarum, quæ obtineri posse non videtur, nisi quod quis alienum esse novit, id domino restituat. Eodem pertinet Innocentii III. Constitutio de rebus spoliato per vim ablatis, eidem restituendis ab eo quoque qui non spoliavit, sed à spoliatore sciens accepit^c. Adde *jurisjurandi* relaxationem sub excommunicationis periculo imperatam^d. *Creditoribus*, qui usuras per juramentum stipulati sunt. Contrà verò

^b Capitulo ult.
de Prescriptione.

^c Cap. sepe con-
tingit, de reitut.
spoliator.

^d Cap. 1. & 6. de
jurejur. cap. 10.
de u. u. z.

uxoribus ^e rerum dotialium alienationi per maritos factæ consentientibus, & *filiis* ^f hæreditati paternæ accepta quantulibet exigua dote renuntiantibus sub iurisjurandi religione, impositam ejus pacti servandi necessitatem. Adde & *Matrimonii* ultra Gradus Civili jure notatos prohibitionem ^g; atque hæredibus ex delictis defunctorum indictam restitutionis aut satisfactionis obligationem; etiamsi nihil ad illos pervenerit, neque lis cum defuncto contestata fuerit ^h. Mitto non pauca usuræ vitæ nomine per canones damnari ⁱ, quæ Jure Civili non prorsus improbantur. Sunt & alii casus quibus dissentiunt Canones à legibus, eam ob causam quod legum decisiones credantur sine peccato servari non posse.

^e Capit. cum con-
tingat, eod. tit.
^f Capit. 1. eod.
tit. in Sexto.

^g Toto tit. de
Consanguinitate
& affinitate.

^h Cap. in lite-
ris ^j. de rapto.
cap. 9. de usur. &
cap. ult. de sepult.
ⁱ Cap. 1. 2. 6.
8. & ult. de usur.

CAPUT XXIII.

De Usu Juris Canonici, & præcipuis ejus Editionibus.

I. **S**UPEREST paucis dicendum de Usu Juris Canonici: quæ inspectio ad duo Capita refertur. Videndum enim ad quæ usui sit, & quæ in ipso ejus Usu observanda. Quod ad primum attinet, certum est non modò in foro Ecclesiastico regnare jus Canonicum, sed in foro quoque Civili & seculari non minorem ejus esse auctoritatem: tum quantum ad quæstiones *Connubiales*, & *Causas Decimarum*, *Votorum Regularium*, *Usuratum*, *Electio- num Collationum*, *Nominationum*, *Juris Patronatus*, totamque materiam *Beneficiariam*; tum etiam quantum ad *Ordinem judiciorum* universum: quibus in causis rebusque Pontificiæ Decisiones Cæsareis ferè anteponuntur. Sed & in foro interiori, sive in tribunali Pœnitentiæ, negari non potest quin præcipuum sit juris hujus momentum; atque ex eo, ut alibi ostendimus, maximè pendeat difficilis *Casuum* quos vocant *Conscientiæ*, doctrina: utpote quæ tam ex Sacris literis, quam ex Conciliorum placitis & SS. Patrum sententiis repetenda sit, non sine aliqua Legum Civilium mixturâ, qualem haud dubiè desiderat Canonica scientia.

II. Jam verò Pontificii Juris Usus partim scholasticus est, partim forensis. Quæ ad Usus Juris Canonici in Scholis

1. *Jus Canonici*
cum usui est in
quovis foro, &
quatenus.

2. *Ratio utendi*
Jure Canonico in
foro.

pertinent, satis ex dictis proximo Capite cognosci possunt. In Foro autem hæc breviter notanda. 1°. Majoris momenti habendas esse Decretales, quàm Decretum Gratiani; non solum ex generali ratione, quâ leges tempore posteriores, prioribus potiores sunt: sed etiam quòd Decretales Pontificiâ autoritate nitantur, quæ Gratiani Operi deest, si ex ipso Autore æstimeretur: quòd præterea Decretum suppositicia multa & obsoleta contineat, etiam post Gregorii XIII. Emendationem. 2°. Non omnia Decretalium Capita ubique servari, quia eorum non paucis posteriori Jure Pontificio, ac præsertim Tridentina Sanctione, derogatum est, aliisque per Ecclesias invaluit usus. Quamvis enim in iis quæ ad fidem Catholicam & Mores Christianos pertinent, universa Ecclesia idem sentire debeat; in iis tamen quæ sunt disciplinæ, leges & Constitutiones Ecclesiasticæ cærenus dumtaxat obligant, quatenus receptæ sunt, ut Glossa quoque fatetur ad Capitulum 1^{um}. de Treuga & pace, & nos jam ante observavimus. 3°. Quædam esse Jure Comuni alibi recepta, quæ in Gallia non vigent, quòd nec Regio Rescripto in acta Curiarum relata fuerint, nec usu apud nos invaluerint. Idque non solum in multis disciplinæ Tridentinæ Capitibus, & recentioribus plerisque Bullis obtinet: sed & in aliquibus Gregorianæ, cæterarumque Collectionum Decretalibus, quas colligi utilius fuerit, quàm facilius. 4°. Cognoscenda imprimis apud Nos quæ propria sunt Ecclesiæ Gallicanæ, tam ob priscas ejus Libertates (ut vocant) ex veterum Canonum jure retentas, atque ad hæc usque tempora servatas: quàm ex Pragmaticæ Sanctionis reliquiis, Concordatis, aliisque juribus, quorum à nobis Specimen editum, & quorum rationes nemo meliùs investigavit quàm Ill^{us}. Tolosan^{us} ac tandem Parisiensis Antistes Petrus de Marca. 5°. Ex his omnibus seligenda præcipuo studio Decreta & Constitutiones quæ ad praxim hodiernam, atque ad dirimendas lites maximè pertinent; & vera cujusque principia, veraque interpretatio tenenda, ut quoties opus fuerit ad manum sint: eas autem tritura fori, studium ac diligentiam adhibentibus, brevi indicabit. Huc referri aliquatenus possunt Generalia Quintiliani monita, de usu (Rhetoricæ) post studia.

3. *Juris Corpore utendum quàm emendatissimo,*

III. Curandum præterea est, ut Juris Corpore utamur quàm

quàm emendatissimo : ne aliqui pro scientia errores hautiamus. Innumeræ quidem ejus Editiones extant : paucas & præcipuas notare sufficiet. Ea in te duo distinguenda sunt tempora , prius quod Romanam Gregorii XIII. Collectionem præcessit , posterius quod ab ea infecutum est.

IV. Priotum vetustissima videtur *Moguntina* anni 1472. quam secutæ sunt tres Venetæ anni 1474. 1479. & 1493. tum Parisienses anni 1508. & 1512. Imptimis vetò Antonii Democharis Reslonei , sive Monchiaceni , Theologi Sorbonici curâ , tres : Parisiensis anni 1550. & 1552. quæ textum exhibet 4. voluminibus in 8. Lugdunensis anni 1555. apud Guilielmum Rovillium , septem voluminibus in 16. & Parisiensis in folio cum Glossis anno 1561. apud Guilielmum Metlin , Guil. Desbois , & Sebast. Nivellium : cujus Jutis Canonici Corporis primum volumen , Collectanea scilicet Decretorum Gratiani , textum quidem habet , ut in superioribus duabus , cui Demochares prædictus brevem Summam , Patatitolorum instat , singulis Distinctionibus & Causarum Quæstionibus præfixit , atque ad marginem numeros indicavit librorum & capitum , ex quibus Decretorum Collecti Canones fuerunt : sed Textui adjectæ sunt Glossæ. Secundum volumen , Decretalium nimirum , additas continet ex integris Decretalibus Annotationes , & Interpretationes , operâ Martini Gilbert , in Facultate Parisiensi Jutis Pontificii Professoris Ordinarii , ac postea in Tolosano Senatu Consilarii Regii. Tertium volumen complectitur Sextum , cum minoribus aliis Collectionibus , operâ Ægidii Pertin suæ integritati restitutum , Jacobi Fontani curâ illustratum , & Joannis Andtæ , Dominici Anchatani , Philippi Franci , Dini aliorumque Commentariis explicationem redditum. Has Democharis Editiones exceperit 4^a. Textualis ex illis excepta , Antuerpiæ anno 1570. emissâ in 8^o. typis Plantiniani , adjunctâ Antonii Contii Jutisconsulti Præfatione de iis , qui ante Gratianum Canones Ecclesiasticos collegerant , aspersisque ejusdem non parùm utilibus Notis. Sed Contii Præfationem non nisi mutilam ediderant Antuctpienses : integram ex Bituricensibus Manuscriptis debemus V. C. Francisci Pinssonii curis , qui postremam Operum Catoli Molinei Editionem hoc monumento augendam ornandamque censuit. Interjectæ illis sunt

4. *Veteres Editiones ante Gregorii XIII. Emendationem.*

Editiones Lugdunenses duæ cum Glossis, altera in folio, altera in 4^o. anno 1559. apud Hugonem à Porta, adjunctis ad Marginem, Caroli Molinei Annotationibus ad forum maximè pertinentibus: quarum licet pleræque non abs re Curiz Romanæ displiceant, non paucæ tamen sunt ad praxim & Usus fori Gallici utiles.

5. Editio Romana Gregorii XIII. & sequentes.

V. Sed Gregorii XIII. Pontificis Maximi jussu Roma, quatuor tomis in folio prodiiit anno 1582. Juris Canonici Corpus per Correctores suprà suo loco memoratos, emendato præsertim Gratiani textu, non jam ad veteres auctoris Codices, sed ad fontes ipsos, & loca Auctorum, ex quibus desumpti ab eo Canones fuerant; sed in tantum emendato, in quantum per annexas operi universo Glossas licere visum est.

6. Editiones præcipuæ hæc Romanæ posteriores.

VI. Attributâ impofterum sic Correctæ editioni lætionis publicæ autoritate, eam secutæ sunt posteriores ubique Editiones, Lugdunenses, Parisienses, diversis voluminum generibus, siue Textuales, siue additis Glossis emissæ. In his maximè probatam fuisse video Parisiensem, quæ anno 1587. sumptibus Societatis Typographicæ sub signo Navis exiit, in folio, & textum post Romanam emendationem, typis elegantibus dedit.

7. De Parisiensi anni 1686. Editione, ejusque commodis.

VII. Verùm omnium, ni fallor, accuratissima Textus Editio erit, quam, ex emendata illa Parisiensi, adjectis Clarissimorum fratrum Petri & Francisci Pithæorum, non minus probitate morum ac solidâ pietate, quàm omni eruditionis genere illustrium Notis, è bibliotheca sua depromptis, sui esse beneficii vult Vir Ill^{mus} D. Claudius le Pelletier, Regni Administer, Summusque Ararii Regii Præfectus dignissimus, & Supremi Galliarum Senatus Præses Insulatus. Cum enim universa Petri Pithæi proavi sui opera, edita atque inedita: (Proh quantam literaturæ omnis suppellectilem; quanto Reipublicæ literariæ bono!) cum, inquam, tot illa eruditissima opera committenda prælo statuisset: amore Jurisprudentiæ ac Jurisconsultorum, auspiciandum duxit ab his in Jus Canonicum Annotationibus. Id nempe addendum erat diuturnis restituendum (quæ per hocce tempus licere visum est) studiorum nostrorum, curis. Hæc verò Notæ ex Antuerpianæ an. 1570. & Parisiensis an. 1587. Editionum marginibus, Cl^{ti}. Eruditissimique Viri Francisci

de Marès Domini de Palis, in Curia patroni, & Facultatis juris Parisiensis Doctoris Honorarii, operâ prolatæ, tum varias continent ex manu exaratis codicibus Lectiones; tum Ecclesiasticorum, aliorumque medii ævi Autorum loca indicant, ad intelligendos aut illustrandos Canones, quibus appositæ fuerant, apprimè utilia. Ea itaque Editio, quæ per Illustrissimum Pelleterium sub Gloriosissimi Franciæ Cancellarii, Michaëlis Tellerii nuncupatione, partim jam prodiiit, partim sub prælo est, hoc ipso anno absolvenda; & ex hisce doctissimis Notis, & aliis ex capitibus, correctior sine dubio, & prioribus cunctis Editionibus utilior erit.

Etenim quæ ego ad novam Corporis Canonici Editionem, à me jamdiu meditatam & ex Regio privilegio mox inchoandam, comparata habebam, huic illustrandæ ornamdæque libentissimè contuli; quam videbam majoribus auspiciis sub tanto nomine exituram esse in lucem. Inventa in eam rem, cogitataque mea exequutus est in ea Editione Antonius Brosius Arvernus Presbyter, quem convictorem adsciveram, & levibus juris principiis imbutum, ad Doctoris gradum juxta leges scholæ provehi curaveram. Is jam Doct. r, dictante primùm Me, Canonibus singulis sua tempora & loca magna ex parte adscripserat: reliqua unde, & qua ratione ex Autorum libris ipsi à me traditis, inquirenda eruendave essent acceperat: nec ego in his ad effectum perducendis subinde hærenti unquam defui. Hæ verò Chronologicæ & Geographicæ observationes, quanti in Pontificia Jurisprudentia momenti sint, tum satis res ipsa docet, tum præclare monuit docta Præfatio ei Editioni præfixa. Ex his certè variarum Ecclesiarum diversus pro diversis seculis usus elicitur, & conciliandis quæ invicem pugnare videntur via idonea & facilis aperitur. Hæc tamen observatio in supposititiis suspensivæ Epistolis, quæ priscorum ante Siricium Romanorum Pontificum nomina præferunt, adhiberi non potuit. Quis enim vera tempora aut loca iis assignare possit quæ nunquam fuisse creduntur? Anni ergo adscribendi fuerunt, quos ex Consulibus cuique epistolæ subjectis, aut ex unoquoque Pontificatu conjicere licuit. Sed præter has temporis, locique Annotationes, ei operi, alia non pauca, monitu ductuque meo, accesserunt.

Id in primis actum est ut Textus Canonum quàm proximè ad Romanam Gregorii XIII. Editionem accederet, nisi quoddam errata quæ in eam irrepsissent, atque ad calcem collecta erant, hinc suis quæque locis emendata sunt. Quod fit ut menda innumera, quibus turpiter scatebant sequentes omnes, præter primam Lugdunensem Editiones, ea ab hac sublata sint. Id Parisiensem sub Navis insigni anno 1587. elegantem quidem illam, sed incuriâ Operarum aut Correctorum multis locis deformatam, cum hac comparanti faciliè apparet. Plurimæ ibi voces corruptæ; nonnullæ phrasæ trajectæ; versus integri, interdum etiam plures, omissi: hic restituta omnia deprehenduntur: sensu etiam, qui locis innumeris fœdè laborabat, ut Oedipode indigeret, redditus veris interpunctionibus, ad liquidum ubique reducto.

Deinde ad omnia meliùs dilucidanda, hinc majusculis initialibus literis distinctæ non modò Periodi, Propriaque nomina: sed voces quoque materiarum, ut ita dicam, Principes: inde Canones æquali inter se distantia dispositi, superscriptis atque ad capitis cujusque initium revocatis Autoribus, qui sæpe longiùs aberant Gratiani verbis immixti: & sacræ Scripturæ autoritatibus, quæ in illis occurrunt, charactere Italico descriptis: quæ omnia non magis ad decorem, quàm ad facilem conferunt intellectum. Adde longiora Canonum Capita in Paragraphos, ad commodiorem legentium usum, additis numeris, divisa; ut eorum sententiæ exactiùs imposterum citari, & longè minori temporis jacturâ investigari atque inveniri possint.

Mitto correctis falsis Canonum titulis, non rarò indicatos veros eorum autores, aut suos vacantibus titulo Canonibus additos: notatos etiam propriis numeris Pontifices, qui cum plures eodem nomine fuerint, & sine ulla distinctione sub communi nomine (Gregorii v. g.) citati essent, incertum relinquebant lectorem ad quem è pluribus referenda essent non pauca Decreta. Idem in Conciliis factum, ubi generali tantùm loci vocabulo designabantur. Sic, exempli causâ, pro *Gregorio* absolutè scripto, distinctè ponitur Gregorius VII. pro Carthaginensi Concilio, Carthaginense 3^{um},

Hoc quoque observatum est ut Rubricæ sive breves Tituli, Distinctionibus & Casuum quæstionibus, ubi deerant, præfigerentur, quò statim à fronte intelligi posset, quæ de re in harum sectionum unaquaque agatur.

Præterea, ut Gratiani verba, quibus plerumque diversorum Canonum conciliatio continetur, à Canonibus ipsis seu Decretis Pontificum, dictisque Patrum primo obtutu secernantur, & sic nullo negotio internoscantur; duæ adhibitæ cautiones: altera adscripto ad marginem cujusque loci, nomine, *Gratianus*: altera adjectis ad latus per totum sententiæ cujusque contextum, virgulis inversis, sive semicirculis.

Jam nomina Anselmi, Polycarpi, Burchardi, Ivonis, Collectorum aliorum, unde sua Gratianus hausit vel haurire potuit, in margine ita collocata, ut cum in aliis editionibus sæpe à Canonibus ex Autorum illorum opere desumptis procul aberrarent, nunc ad sedes suas reducta, Canonibus sive Capitibus quæque suis, per literulas indicatis, proximè respondeant.

Denique non sine summo Brosii labore, sed incredibili studioforum commodo, correcti, vel potius resecti prorsus atque instaurati Indices Canonum: qui servatâ Alphabeti serie sic digesti sunt, ut adjecta sint plura cujusque verba, quibus incipientia ab eodem vocabulo Capita inter se distinguuntur: additis cuique Capiti seu Canoni titulus suus. Adjectus & numerus quo notantur Canones sub suis quique titulis, Distinctionis putà, sive Quæstionis sub qua continetur.

Nec minor cura in Decretalium volumine adhibita est, sive Textus emendationem spectes, sive Capitulorum dispositionem atque ordinem, inscriptiones, Annotationes tum Pithæanas, tum Chronologicas & Geographicas, aliasque. Illud etiam provisum est, ut Decretalis cujusque Hypothesis seu facti species, à decisione distingueretur cruce interjecta, & aliquanto interposito spatio. Partes Decisæ, quamvis in Editione Romana anni 1582. prætermisæ, hic non modò exemplo Contii, adjectæ sunt, tanquam ad pleniorum rerum de quibus agitur, notitiam necessariæ: sed etiam ex antiquis Collectionibus, Authenticisque Epistolis editæ, longè correctiores quàm in prioribus

Editionibus: Cæterùm in fine Capituli, charactere Italico à Textu distinctæ; indicantibus fragmenti cujusque locum Græcis literulis.

Utilitati etiam legentium non parùm consultum est, cum Decretalium, Canonumve aliorum Autores, qui cum multa consequentia & per diversas paginas ambulantes Capitula condiderint, semel tantùm in unoquoque titulo suo nomine, deinde verò non nisi per vocabulum *Idem*, designabantur; hic repetitis per singulorum foliorum initia nominibus indicantur. Sic enim nullo temporis dispendio, invenientur constitutionis cujusque Autores, nec ad primum Caput recurrere necesse erit.

Et hæc quidem cuncta in Decteto Gratiani, satis exactè curavit Brofii diligentia. Eadem in Decretalibus aggressum, progressumque ad Titulum *de majoritate & obedientia*, mors immatura nobis præripuit: sed commodùm oneri succcessit antè memoratus Vir Clarissimus Franciscus Marefius de Palis, qui inter forenses occupationes, & edendis Pithecorum, quos inter Majores numerat, lucubrationibus acriter incumbit, & harum Decretalium pari curâ continuandarum provinciam ultro suscepit.

ADDENDA AD LIBRI I. CAPUT XII.

de Psalterio. §°. §°. pag. 60.

V. **N**umerus Psalmorum apud omnes est C.L. Sed in designandis Psalmorum aliquot numeris, differunt Judæi à Græcis & Latinis, & aliquando unum in duos dividunt, aliquando contrà, duos in unum conjungunt. Et primo quidem Psalmum 1 X. *Confitebor tibi Domine in toto corde meo &c.* in duos secant, & à versu 22°. *Ut quid Domine recessisti longè*, psalmum 10^{um}. inchoant: Unde fit ut psalmus *In Domino confido*, qui apud Septuaginta Interpretes & in nostra Vulgata versione X°. est, apud Hebræos XI^{us}. numeretur, & sic diversa sit Psalmorum sequentium computatio.

Pari ratione Psalmi nobis CXIIIⁱ. Hebræis CXI^{vi}. *In exitu Israël de Aegypto*, posteriorem partem à versu 1 X°. *non nobis Domine non nobis*, pro psalmo CX V°. computant Hebræi: ita ut Psalmus *Dilexi quoniam exaudies Dominus*, qui apud nos est CXIV. sit apud illos CXVI.

Verùm Psalmus *Credidi propter quod locutus sum*, qui nobis CXV. Hebræis pars est superioris qui eis est CXVI. & sic Psalmus *Laudate*

Dominum omnes gentes, quem Latini cum Græcis CXVI. numerant, Hebræis censent CXVII. Inde variat computatio, Hebræis uno numero superantibus usque ad Psalmum *Lauda Jerusalem Dominum*, qui apud nos est CXLVII. à Judæis verò adnectitur Psalmi *Laudate Dominum, quoniam bonus est Psalmus*, quem CXJLVII. numerant, cum apud nos sit CXLVI. quâ ratione concurrunt numeri in Psalmi *Laudate Dominum de calis*, qui utrisque est CX LVIII.

AD LIBRI I. CAPUT XXVI.

De Sacra Scriptura Interpretanda Regulis in fine pag. 119.

Idiotismos & proprietates Linguæ Hebræicæ & Græcæ, quæ sæpius in Scripturis occurrunt, fusius notavit atque explicuit Jacobus Tirinus è Societate Jesu, in Prolegomenis sui ad vetus & novum Testamentum Commentarii.

AD LIBRI II. CAPUT IV.

De primis Generalibus Conciliis, in fine pag. 176.

Horum quatuor Conciliorum Generalium Paraphrases Arabicas edidit Beveregius to. 1. Pandect. canon. à Josepho Ægyptio sumptas, & Asiatico stylo scriptas. Constantinopolitani I. versio accuratior seu fidelior exstat in Regia Bibliotheca, ut me monuit Vir Cl. Capellanus, *le Capelain*.

AD LIBRI III. CAPUT XVIII.

De Conciliis Anglicis & Hibernicis, §. 1°. post verba, instituti sunt Archiepiscopatus, pag. 235.

Concilium *Cassellense* in Momonia Provincia habitum anno 1172. Laudatur in Polycarpo M. S. Biblioth. Colb 4048. fol. r. 114. sub tit. de Pœnit. Sancta *Ibernenfis* Synodus, cui præfuit Leo S. R. Ecclesiæ Episcopus, tempore Karoli R. Francorum cum Theodorico Anglorum & Hibernensium Archiepiscopo, multisque aliis illarum regionum Episcopis. Sed hæc verba intelligendum suadent *Vernense* Concilium: aliud tamen à duobus quorum Canones ad nos pervenerunt, & interjectum inter utrumque.

AD LIBRI II. CAPUT LIX.

De Seculi IX. Scriptoribus Ecclesiasticis.

Non prætermittendus *Agobardus* Chorepiscopus primùm, deinde Archiepiscopus Lugdunensis anno 873. qui adversus laicos rerum Ecclesiasticarum invasores scripsit circa annum 823. sed in iis quæ ad cultum Imaginum spectant, aliquatenus errasse creditur. Antiphonarum quoque restituit, sed paulò scrupulosius: idem in Concilio apud Theodonis Villam habito damnatus propter conjugationem in Ludovicum Pium anno 875. sed triennio post restitutus obiit apud Santonas in

Expeditione Regia circa annum 840. Ejus opera in unum collecta, editaque sunt studio V. Cl. Stephani Baluzii anno 1666. apud quem in præludiis ejus Editionis, itemque apud Theophilum Raynaudum in Sanctorum Lugdunensium Indiculo, atque apud Sammarthanos in Gallia Christiana, ubi de Archiepiscopis Lugdunensibus, alioque plura videre est.

AD LIBRI II. CAPUT LXV.

De Seculi XII. Scripturis, in fine pag. 383.

Stephannus Tornacensis Episcopus, ex Abbate Sanctæ Genovefæ Parisiensis, præter Epistolas, & Conciones, *prolixum Commentarium in Decretum Gratiani scripsit*: qui manuscriptus habetur in locupletissima talium monumentorum Bibliotheca Colbertina, itemque in Bibliotheca S. Victoris. Hic cum anno 1203. obiisse dicatur, atque ita Gratiano coætanus aut suppar fuerit, antiquissimus ejus Interpretum aut certe inter antiquissimos est habendus. Epistolæ auctiores, emendatiores & Notis illustratæ denuo prodierunt Parisiis anno 1679. studio R. P. Claudii du Molinet, Canonici Regularis Congr. Gall. qui & Proœmium in Decretum edidit.

AD LIBRI III. CAPUT XV.

De Codice Canonum Dionysii Exigui. 5°. 6°. pag. 446.

Illarum autem Versionum Latinarum, quibus in eo Codice (Veteri Pithæano Canonum Ecclesiæ Romanæ) Nicæni Canones redduntur, 1°. congruit cum Dionysii Exigui translatione, 2°. cum translatione Gentiani Hetveti, quæ non multum differt ab ea quam in Codice Manuscripto Domini Hardi jamdiu vidi & cum Isidoriana contuli, 3°. &c.

AD LIBRI V. CAPUT IX.

De Seculi XVII. Canonum Interpretibus, pag. 657.

Henricus Vvagnereck Societatis Jesu, utriusque Juris quondam Professor & Cancellarius in Academia Dilingana. Scripsit Commentarium Exegeticum SS. Canonum, sive Expositionem brevem & claram omnium Pontificiarum Decretalium, quæ Dilingæ anno 1872. edita est.

Ibidem prodiit anno 1674. Juris Canonici Methodus nova Etricii Pirhing ejusdem Societatis Professoris Emeriti.

Adjiciendi superioribus Bartholomæus *Cartagena* Hispanus, cujus expositio Titulorum Juris Canonici exiit Lugduni anno 1624. & Joannes Petrus de *Maurizæ* Parisiensis Jurisconsultus, qui anno 1658 Juris Canonici Selecta, & eorum quæ ad usum Fori Gallicani pertinent, Summam Parisiis edidit. Addatur & Erasmus *Ungerepavernus* Germanus, in Lutheranis Academiis Altorfina & Salana, Professor, cujus Commentarius postumus super Decretales Jenæ primum prodiit an. 1665.

Ad Lib. 5. Cap. 17. Pag. 688. Circa *Chronologiam Sacram* videri possunt *Ludovici Capelli Tabula.*

INDEX

INDEX ALPHABETICUS,

INTERPRETUM Juris Canonici.

A

A *Lciatus*, Andreas, pag. 619
Altaferra, seu *Antonius*
Dadinus, 653
Ananienfis, seu *Joannes de Ana-*
nia, 612
Ancharanus, *Petrus de Anchara-*
no, 608
Andreas, seu *Joannes Andrex*,
 604.
Anguiffola, *Joannes*, 604
Antonius Augustinus, 629
Archidiacanus, seu *Guido de*
Bailfo, 602
Axelinus, seu *Honorius van Axel*,
 649.

B

B *Alduinus*, *Franciscus*, pag. 622
Baldus, *Ubaldu*, 607
Barbatia, *Andreas*, 613
Barbosa, *Augustinus*, 646
Bartholomaeus Brixienfis, 695
Benedicti, *Guilielmus*,
Bengeus, *Antonius Bengy*, 654
Bernardus Compostellanus, 599
Bernardus Papienfis, 596
Bernardus Parmenfis, 597
Bleymanus, seu *Antonius Fabri-*
cus, 650
Boich, *Henricus*, 607
Bosquetus, *Franciscus*, 632
Brant, *Sebastianus*, 619
Butrius, seu *Antonius de Butrio*,
 608.

C

C *Abassius*, *Joannes*, pag. 655
Cabotius, *Vincentius*, 644

Calderinus, *Joannes*, 605
Canisius, *Henricus*, 636
Cassadorus, *Guilielmus*, 626
De Cassanis, *Zenzelinus*, 609
Castellioneus, *Vincentius*, 594
Chassaneus, *Alexander*, 651
Choppinus, *Renatus*, 636
Citronius, *Innocentius*, 650
Contius, *Antonius*, 618
Corasius, *Joannes*, 631
Corvinus, *Arnoldus*, 655
A Costa, *Janus*, 645
Covarruvias, *Didacus*, 617
Crespetius, *Petrus*,
Cucchi, *Antonius*, 622
Cujacius, *Jacobus*, 633
Curtius, sive *Rochus de Curte*,
 pag. 618.

D

D *Artis*, *Joannes*, pag. 648
Davezanus, *Joannes*, 650
Decius, *Philippus*, 617
De Deo, *Joannes*, 604
Dinus Mugellanus, 603
Doujatius, *Joannes*, 658
Duarenus, *Franciscus*, 627
Durantes, *Guilielmus*, aliàs *Specu-*
lator, malè *Durandus*, 600
Duranti, *Joannes Stephanus*,
 pag. 632.

E

E *Ngelius*, *Ludovicus*, pag. 657
Epo, *Boëtius*, 635

F

F *Abrotus*, *Carolus Annibal*,
 pag. 647.

Z z z z

<i>Eagnanus</i> , Prosper,	655	<i>Laurentius Cremenſis</i> ,	593
<i>Felinus Sandeus</i> ,	614	<i>Lignanus</i> , ſeu Joannes de Ligna-	606
<i>Florens</i> , Franciſcus,	647	ro,	
<i>Francus</i> , Philippus,	613		
<i>Frerotiſ</i> , Nicolaus,	639		

G

G <i>Aguinus</i> , Robertus, pag.	615	M <i>Ajoretus</i> , Joannes, pag.	657
<i>Gurſias Hiſpanus</i> ,	602	<i>Maranus</i> , Guilielmus,	640
<i>Gaufreus</i> , ſeu Ambroſius le Gau-		<i>De Marca</i> , Petrus,	651
fre,	646	<i>Mellans</i> , Stephanus de Melles,	
<i>A Sancto Geminiano</i> , Dominicus,		pag.	657.
pag. 610.		<i>Minor</i> , Claudius,	641
<i>Germanius</i> , Anaſtaſius,	67	<i>Mirbellus</i> , Czeleſtinus,	656
<i>Gigas</i> , Hieronymus,	66	<i>Mulinus</i> , Carolus,	612
<i>Goffredus de Trano</i> ,	599	<i>Monachus Cardinalis</i> , ſeu Joan-	
<i>Gomeſius</i> , Ludovicus,	619	nes Monachus,	605
<i>Gonzales</i> , Emanuel,	656	<i>de Monte Lauduno</i> , Guilielmus,	
<i>Gregorius Toſolanus</i> , Petrus,	638	pag.	605.
<i>Guijonius</i> , Hugo,	642		
<i>Gwymerius</i> , Colmas,	614		

H

H <i>Allaus</i> , Petrus,	pag. 657
<i>Hoſtienſis</i> , ſive Henticus de	
Seguſio,	599
<i>Hugutio</i> ,	594

I

I <i>Molenſis</i> , ſeu Joannes ab	
Imola,	pag. 611
<i>Innocentius IV.</i>	594
<i>Joannes Simeca</i> , ſive Teutonicus,	
pag.	594.

K

K <i>Ling</i> , Melchior,	
----------------------------------	--

L

L <i>Alanda</i> , ſeu Jacobus de la	
Lande,	pag. 656
<i>Lancelottus</i> , Joannes Paulus,	622
<i>Lappi duo</i> , Tuſtus & Caſtellio-	
neus,	606

N <i>Avarrus</i> , ſeu Martinus ab	
Azpilcueta,	pag. 625

P

P <i>Acius</i> , Julius,	pag. 639
<i>Panormitanus</i> , ſeu Nicolaus	
de Tuſeſchis, Siculus qui &	
Abbas,	610
<i>Papa</i> , ſeu Guido Papæ,	611
<i>Parifus</i> , Petrus Paulus,	618
<i>Paffor</i> , Melchior,	651
<i>Pavinus</i> , ſeu Franciſcus de Pavi-	
nis,	609
<i>Pinſſonius</i> , Franciſcus,	654
<i>Pirhing</i> , Emericus,	
<i>Præpoſitus</i> , ſeu Joannes Antonius	
de ſancto Georgio,	613

Q

Q <i>Uintinus</i> , Joannes, pag.	620
--	-----

R

R <i>Ebuſſus</i> , Petrus,	pag. 619
<i>Rodulphus</i> , Laurentius,	610
<i>Roya</i> , ſeu Franciſcus de Roye,	654

S
Sirenius, Joannes, pag. 657

T

T
Ancredus de Corneto, pag. 594
Tondutus, Petrus Franciscus, 652
à Torre Cremata, Cardinalis, 612
Tuscius, pag. 701. num. 3.

V

V
Allenfis, Joannes, pag. 644
Venatorius, Daniel, 631

Vigelius, Nicolaus, 629
Urbanus ab Ascensione, 655
Vagnereck, Henricus, 718
Vuaneſius, Joannes, 631

Z

Z
Abarella Cardinalis, Francis-
ciscus, pag. 609
Zoesius, Henricus, 643
Zypaus, Franciscus, 644

F I N I S.

ERRATA SIC CORRIGE.

Pagina 2. versu 22. *ediri*, lege *editi*.
 pag. 20. versu 19. *species*, lege *speller*.
 Pag. 20. in margine de, lege *distid*.
 Pag. 21. versu 16. *particulariar*, l. *particularis*.
 Pag. 21. versu 1. *Caroli*, l. *Caroli*.
 Pag. 28. versu 24. *Galiato*, l. *Galeato*.
 Pag. 46. versu 2. *Laurum*, lege *Laurum*.
 Pag. 47. versu 16. *florim*, lege *flora*.
 Pag. 102. & Capite de *varia Peris*, addo & *Nova*.
 Pag. 111. versu 31. *exercuerunt* l. *exercuerunt*.
 Pag. 131. in margine, *Conciliationes*, lege *Conciliatione*.
 Pag. 140. versu 6. *privatorum mores*, l. *publi-*
cor, *privatorum mores*.
 Pag. ead. versu 18. *doctrina*, alia *Morum*, &
corum, l. *doctrina Morum*, alia *corum*, &c.
 Pag. 147. versu 25. *Pontificum iurisdictione*, lege
Pontificum sive Episcoporum iurisdictione.
 Pag. 148. versu 3. *externum aliquod iudicium*.
 Adde, *in quantum ex re capite crimina publi-*
ca Excommunicationis punitur castigantur :
 ut paulo post exponitur §. 21.
 Pag. 188. versu 12. *Sessiones huius Concilii* 40.
 lege 25.
 Pag. ead. versu 29. *eadem Martino*, lege *eadem*
Engenio.
 Pag. 192. versu 51. *perperam sentirent*, lege
perperam, & *contra mentem unanimitatis*
Ecclesie Catholicae consensu receptam, sentirent.
 Pag. 193. versu ult. *habita*, lege *habita*.
 Pag. 201. ad marginem versu 11. 2. lege 3.
 Pag. 204. dele *articulum X*.
 Pag. 211. versu ult. 1031. lege 1071.
 Pag. 241. versu 37. *Regnum*, lege *Regnum*.
 Pag. 264. versu 31. *Reponit*, lege *Regnum*.
 Pag. 282. ad marginem versu 3. *Anselmus*, lege
Algerius.
 Pag. 387. versu 22. dele *qua*.
 Pag. 391. ad Titulum Cap. 1. lege *LXXIII*.
 Pag. 391. versu 24. *Concilium*, lege *Concilium*.
 Pag. 394. ad marginem versu 4. *hac*, lege *hac*.
 Pag. 398. versu 11. *quatuor*, lege *quatuor*.
 Pag. 412. ad marg. versu 9. *alia*, l. *aliis*.
 Pag. 440. versu 12. *Councili*, l. *Councili*.
 Pag. 446. versu 32. *missa*, lege *missa*.
 Pag. 446. versu 3. *missives*, lege *missives*.
 Pag. 457. versu 15. *Valentinum*, l. *Valentinum*.
 Pag. ead. versu vet. *prateria*, lege *prateria*.
 Pag. 468. versu 3. *suat*, lege *suat*.
 Pag. 468. versu 37. *quat*, lege *quat*.
 Pag. 472. ad marginem versu ult. *Burchardi*,
 lege *Burchardi*.
 Pag. 474. versu 32. *injur*, lege *injur*.
 Pag. 479. versu ult. *erum*, lege *horum*.

Pag. 493. versu 22. post vocabulum *de velle*
 adde & & *versu* *sup. dele*, *fra*.
 Pag. 519. versu 22. *Distinctionibus*, l. *Distin-*
ctionibus.
 Pag. 520. versu 2. *Distinctionibus*, l. *Distinction-*
ibus.
 Pag. 449. ad marginem versu 26. *monialis*,
 lege *monialis*.
 Pag. 571. ad marg. versu 21. *Complutariensis*,
 lege *Complutariensis*.
 Pag. 551. versu 11. *Constitutiones*, l. *Constitutiones*.
 Pag. 554. versu 29. *Pontificum*, l. *Pontificum*.
 Pag. 706. versu 6. *Judasimus*, lege *Judasimus*.
 Pag. 173. ad marg. versu 1. *promulgata*, lege
promulgata.
 Pag. ead. versu 10. *vade*, lege *vade*.
 Pag. 176. versu 21. *univerfariar*, lege *univer-*
fariar.
 Pag. 184. versu 17. *Innocentii*, lege *Innocentii*.
 Pag. 188. versu 3. *Collectores*, lege *Collectores*.
 Pag. ead. versu 6. *Pontificum*, lege *Pontificum*.
 Pag. 192. versu 31. *Doctrina*, lege *Doctrina*.
 Pag. 603. versu ult. *Propheta*, lege *Propheta*.
 Pag. 109. versu 13. *Corum*, lege *Corum*.
 Pag. 311. versu 14. *repetitionem*, l. *Repetitionem*.
 Pag. 323. versu 31. *Martini*, lege *Martini*.
 Pag. 617. versu 13. *tenet*, lege *tenet*.
 Pag. 642. versu penult. *procurant*, l. *procurant*.
 Pag. 676. ad marg. versu 3. *quia*, lege *qui*.
 Pag. 681. ad marg. versu 5. *Iudicium*, lege
Iudicium.
 Pag. 687. versu 25. *procurant*, lege *procur-*
ant.
 Pag. ead. versu 26. *horum*, lege *horum*.
 Pag. ead. versu 27. *Araxensis*, l. *Araxensis*.
 Pag. 1. Indiciis, versu penult. *firmabantur*, lege
firmabantur.
 Araxensis pag. 12. versu 12. *Metropo-*
liticam, lege *Metropolitica*.
 Pag. 14. versu 16. *referantur*, l. *referantur*.
 Pag. 18. versu 34. *Celicia*, lege *Celicia*.
 Pag. 20. versu 22. *Aranfium* *in*, lege *Aranfium*
in.
 Pag. 26. versu 2. *quare*, lege *quare*.
 Pag. ead. versu vet. *Lavranse*, l. *Lavranse*.
 Pag. 28. versu 12. *Maguarinense*, lege *Maguarin-*
ense.
 Pag. 10. versu 17. *Martino*, lege *Martino*.
 Pag. ead. versu seq. *Martina*, lege *Martina*.
 Pag. 60. versu 19. *Casariensis*, lege *Casariensis*.
 Pag. 28. ad marginem, versu 1. *de*, lege *de*.
 Pag. ead. versu 10. *tempore*, lege *tempore*.
 In PRÆFATIONE. pag. 4. versu 25. *examinare*,
 lege *examinare*.



PRÆNOTIONUM CANONICARUM APPENDIX.



*Quæ continentur quædam præcipua GEOGRAPHIÆ
atque HISTORIÆ ECCLESIASTICÆ Capita,
ad Sacri Juris studium pernecessaria: nimirum*

- I. **N**OTITIA PROVINCIARUM AC METROPOLEON ECCLESIASTICARUM, quales tempore Gregorii Magni fuerunt: additâ hodiernâ Provinciarum & locorum nomenclaturâ.
- II. Index ALPHABETICUS CONCILIORUM, quibus usi autores nostri: quæ ad sua in libro 1°. loca remittuntur; adjunctâ hodiernâ locorum appellatione.
- III. Index ALPHABETICUS omnium PONTIFICUM ROMANORUM; annotato cujusque numero, sive ordine successionis, & Pontificatus initio, ac tempore, singulis ad sua in libro 2°. loca remissis.
- IV. Index CHRONOLOGICUS PATRIARCHARUM CONSTANTINOPOLITANORUM, cum cujusque initio.
- V. ALEXANDRINORUM PATRIARCHARUM Index.
- VI. Index PATRIARCHARUM ANTIOCHENORUM.
- VII. PATRIARCHARUM HIEROSOLYMITANORUM Index.
- VIII. Index ALPHABETICUS SS. PATRUM ET AUTOREM ECCLESIASTICORUM quibus usi Canonum Collectores.
- IX. ORDINUM ET CONGREGATIONUM REGULARIUM Index CHRONOLOGICUS.

LECTORI.

NE quid huic operi deesset, quod incepto convenire videretur, possetque non improbabiler desiletari; Non ingratum tibi futurum putavi, si ei *Parerga* quædam attrexerem, quorum in studio Juris nostri non mediocris est, nec infrequens usus.

Eorum Primum *SACRARUM PROVINCIARUM*, ac *Metropoleon* tibi nomenclaturam veterem & vulgarem exhibebit. Is ad statum Sexti sæculi accommodandus est visus, quo Justinianus Africam de Vandalis, Italiam de Gothis recepit; & quo jam constitutis quinque Majoribus Patriarchis, varietque divisis Imperii Romani Provinciis, Concilium Quintum Oecumenicum Constantinopoli habitum est: quo seculo Hanni Pannoniæ pleraque; Galliam cum vicina Germania Franci sub Chlotario, ejusque liberis; Hispaniam Visigothi sub Levigildo, ac deinde Recaredo, (qui primus ejus gentis Catholicam Religionem professus est;) Britanniam denique Angli aliique Saxonum populi obtinebant. Hoc seculum illustris Gregorii Pontificatus clausit, cum jam Italia inter Longobardos & Imperatores Græcos, horumve Exarchos seu Vicarios divisa esset. Quæ in his ab eo tempore mutatio, veterum Provinciarum in plures sectionibus, & novarum Metropoleon erectionibus contigerit, instituta hodiernarum & præsertim Auberti Miræi, Notitiarum cum hoc Indice collatione, facile quisque perspicere poterit.

Adjecti sunt Indices accurati septem, partim Alphabeticæ, partim Chronologici, tum *Summarum Pontificum* & aliorum quatuor *Patriarcharum*; tum *Conciliorum* Generalium, aliorumque celebriorum, & sanctorum *Patrum*, quorum frequens apud sacros scriptores mentio.

Horum Indicum postremo, Religiosæ familiæ, sive *Monachorum*, *Mendicantium*, *Clericorum Regularium Ordines*, & Reformatæ *Congregationes*, ab Ecclesiæ ferè incunabulis ad hæc nostra tempora, ita, servatâ seculorum serie, recensentur; ut cujusque Autor, Regula, Locus, Tempusque designetur. Specimen hic tantum dedi, quod meâ, vel aliorum operâ & emendatius prodire, & justum in opus excrecere poterit.

Primum & ultimum hujus Appendicis articulos alteri operi adjunctos, Superillustri quondam Mæcenati meo *Petro Seguerio*, Franciæ Cancellario dignissimo, munus paros, tibi nunc reddo cum fornore; ut Ecclesiasticæ penus instar habeas. Ceterum remperare mihi non possum, quin, implendi officii causâ, hujus seu lucubrationis, seu collectionis frontem Epistolâ rano Viro inscripta ornari cupiam: quò me in Heroem optime de me, deque omni re literaria meritum, perpetuæ observantiæ, gratique in pios manes, animi exret hoc qualecumque monumentum,

ILLUSTRISSIMO DOMINO,
D. PETRO SEGUIER,
FRANCIÆ CANCELLARIO,
J. DOUJAT ANTECESSOR
PP. felicitatem.

QUANDO ita mos inolevit, ILLUSTRISSIMÆ, GLORIOSISSIMÆQUE CANCELLARIÆ, ut quemadmodum recens natis liberis Christiano ritu lustrandis susceptores à parentibus; ita Libris in lucem edendis patroni ab autoribus; jam propè necessarii, querendi videantur: Mihi, majora medianti, non omittenda, sed interim arripienda visi est qualiscumque ex hujus voluminis editione occasio mei, jamdiu tibi debiti, tamque propenso animo delati, obsequii publicè testificandi.

Enimverò quæcumque in ejusmodi nuncupationibus spectari solent, ea hio in te, CANCELLARIÆ DIGNISSIMÆ, adeò cumulatè confluunt omnia: nemo ut faciliè occurrat cui aquè illa conveniant; dignisque maxime omnium videare, à qua hac literatorum officia inciperent, vel si nullo adhuc usque cognita fuissent.

Mitto illas mentis animique virtutes, quæ in cunctis ardua rerum pro imperio trahantibus requiruntur; reperuntur in paucis; in te, VIR MAXIME, omnes eminent: Fidem nempe incancessam; incorruptam Integritatem; singularem in summa potestate, Moderationem; subtilitatem Ingenii ad res quasque percipiendas præcipuam; limatum, vividumque in cognoscendis negotiis Judicium; Laborem indefessum; paratam semper & expectantem adversus veteratorum artes Vigilantiam; beneficam sine jactantia Liberalitatem; Humanitatem denique in omnes promptam sine dispendio Gravitatis. Alia nunc dico quæ ad hanc rem magis adhuc faciunt; Literatorum amorem, ac rerum de quibus agitur excellentem Peritiam, cum non vulgari earundem studio conjunctam.

Bonarum artium & cujusvis eruditionis famam commendatos, quàm non perfunctoriè foveas, locupletissimos testes habemus doctissimos hujus sæculi viros, quibus quidem ad notitiam tuam aditum bona fove præstitit.

Nemo ex hoc numero Tibi non donatus abivit.

Nemo non beneficiis tuis, vel magis quàm propriis meritis, cognitus Tuæque in eos liberalitas, non modò pro certissima commendatione apud omnes semper est habita: sed & ex Judicii tui opinione, ipsi Regia Majestati in plurimis ad primas Ecclesiæ, regniq; dignitates aut munia provehendis, tacita quadam præjudicatio fuit.

Ideo verò eruditus, ac vel doctrinæ cupidus potenti patrocínio completetur, quia & quantū vera eruditio constet, non aliorum relatione, sed propria ipse experienciā cognovisti; & in quoque ipse laudes tuas, atque adeò supremi honoris culmen, magna ex parte, debes eruditioni.

4 EPISTOLA NUNCUPATORIA.

Quis verò, ut ad rem nostram propius accedamus, quis INCOMPARABILIS SEGÜERTI, non dico ex numero Togatorum Prætorum, qui in Gallia, qui extra Galliam, hac nostrâ excellentium virorum non infæcundâ aetate, florent, aut florere: sed ex tota seculorum serie, ex omnium Imperiorum & Reipublicarum præstantissimis quibusque jurisprudentibus, ex Papinianis dico, Ulpianis, Paulis, Tribonianis: ex ipsi, Consultissimis Pontificibus, Alexandris, Innocentiis, Gregoriis; & si qui his centum annis præcorum Legitima Canonice scientie luminum in foro aut scholis amuli: quis, inquam, eorum, iura, tum privata, tum publica, sive in ipsis Romana utriusque jurisprudentie fontibus, sive in Patriorum institutorum, aut popularium externorumque interpretum rivis, sive in ipsis ingentium negotiorum velut fluminibus hausit uberius? Quis horum divitiis venis aut plenius facundum pectus implevit, aut Senatus omnes, omnia, antea, urbana, provincialia tribunalia copiosius ad publicam inundavit utilitatem?

Quid referam omne politioris literatura, omne doctrinæ solidioris genus: imprimis verò rerum ubique gestarum monumenta, atque arcana imperiorum, quæque alia ad comparandam alendamque masculam ac verè regiam eloquentiam valent, cuncta sic illustrissima Amplitudini tuæ nota & familiaria.

Tanquam ungues digitosque tuos?

Unde nihil mirum si te, SUBLIMISSIME CANCELLARIE, vice sacræ in Senatu, inque Supremo Consistorio, vel ex tempore orantem planus semper, ac sermonum tuorum individua comes, admiratio sequitur; sique Gallica nunquam

Majestas meminit sese sic esse locutam.

Jam, quod ad jus Ecclesiasticum attinet, quo sacra rerum divinarum Politia, & dispensatio continetur: Nemo unquam iustitia Sacerdotum ambiguit Imperium inter ac Sacerdotium regendis finibus arbiter aequior sedit: nemo Pontificia, Regiæque jurisdictionis controversiis amicè aut iustissimo temperamento componendis felicius; dum relictâ inter dissidentes irruinâ suam cuique addo religiose tribuis, ut neutri parti faveas, neutri displiceas. Ad hac avitæ Fides ac Religionis non fucatum, sed ardens studium; rerum ac personarum Ecclesiasticarum, citra privatorum injuriam, tutio; Ordinum Regularium, Dei solius causâ, cui se illi totos addicunt, parocinimum perpernum, hanc tibi Ecclesia Secularis ac Regularis Notitiam, non aspernandam Pontificii juris appendicem, velut debitam possessionem, vel me sacente, afferunt gloriosissima Amplitudini Tuæ.

Pacere igitur, pro tua humanitate, ILLUSTRISSIME ET GLORIOSISSIME SEGÜERTI, nominis tui præsidio in lucem bonis artibus exire levius hoc volumen: nosque ac studia nostra, ut hætenus egregie fecisti, ita quam diutissime tuere. Vale.

Lutetiz Parisiorum Kal. Mart. anno 1672.

NOTITIA SIVE INDEX

PROVINCiarUM ET METROPOLEON

ECCLESIASTICARUM,

Proiit Seculo Christi VI. constitutæ erant.

C A P U T I.

UNIVERSUS orbis Christianus, in quinque majorum gentium Patriarchas, sine dispendio Ecclesiasticæ unitatis, divisus fuit. ROMANUM, ALEXANDRINUM arque ANTIOCHENUM, velut ab ipsis Ecclesiæ incunabilis institutos, agnovit Nicæna Synodus *can. 6.* rel. apud Gratianum in *can. mos antiquus, dist. 65.* quod scilicet has tres Ecclesias in maximis trium Orbis tunc cogniti partium urbibus, B. Petrus Apostolorum Princeps erexisset, Romanam & Antiochenam per seipsum, Alexandrinam per S. Marcum discipulum & comitem suum, *can. sacrosancta 2. vers. Prima ergo, dist. 22.* Hierosolymitano, sive Eliæ (ab Ælio Hadriano instauratore sic dictæ) Episcopo eadem Nicæna Synodus *can. 7.* qui refertur in *can. quoniam mos. cad. 65. dist.* ex vetusta traditione & antiquitûs recepto more, Sessionem inter Patriarchas firmavit, salvo tamen jure Metropoleos, nimirum Cæsareæ, quæ post eversa à Vespasiano Hierosolyma, Palæstinæ primatia civitas fuerat constituta. Eadem Sessionis jura obtinuit novo more Constantinopolitanus Episcopus, Concilii 2. Oecumenici, *can. 5.* quem Gratianus exscripsit *can. 5. dist. 22.* Sedendi prærogativæ adjectum est Chalcedonenfis Concilii Decretis, tum CONSTANTINOPOLITANO, tum HIEROSOLYMITANO, jus ordinandorum Episcoporum: illi quidem ejus Synodi, *can. 28.* assignatis tribus Diocæsi-bus Thracicâ, Asianâ, & Ponticâ; quarum administratio Constantinopolitani 1. Concilii *can. 2.* propriis cujusque Episcopis relicta fuerat, sub Heracleensi, Ephesino, & Cæsariensi Cappadociæ, velut Exarchis sive Primatibus. Hierosolymitano, ejusdem Concilii *act. 7.* subiectæ fuerunt Patriarchico jure Palæstinæ tres: quas tamen innova-tiones, tanquam Concilii Nicæni primi Constitutioni adversantes, diu Ecclesia Romana repudiavit, non imò post Theodosii junioris Con-stitutionem l. omni 6. *Cod. de sacros. Eccl.* sed & post Novellam Justiniani 131. quibus jus & honor Patriarchæ, Constantinopolitano dela-tus est: imò post Quinisextam sive Constantinopolitanam in Trullo Synodum, cujus *Canone 36. rel. in can. renovantes, dist. 22.* Constanti-nopolitanæ sedi, quod ibi Roma nova esset, juxta Chalcedonenfe decretum, Secundus locus & patia cum veteri Roma privilegia firma-bantur, servato Alexandrinæ sedi tertio, Antiochenæ quarto, Hie-rosolymitanæ quinto loco: quod adhuc Octavæ quoque Synodi gene-

6 Notitia Provinciarum Ecclesiasticarum, C A P. I.

ralis *can. 21.* innovatum videre est *in 22. dist. can. ult.* His nihilominus restitire Summi Pontifices, uti ex S. Leonis, S. Gregorii, Nicolai 1. ac Leonis 9. epistolis constat. Verumtamen unionis & concordie tuende causâ, Imperatoribus Græcis tandem in hoc gratificati sunt Romani Pontifices, saltem Innocentii 3. temporibus: atque hic hodie Ordo inter Patriarchas servatur, *cap. inter quatuor 8. in parte decisa, c. de majorit. & obed.* quod & in Conc. generali Lateranensi 4. receptum, *Cap. antiqua 23. c. de privil.* Ceteri verò quibus Patriarcharum attributus est titulus, hi minorum gentium Patriarchæ, ac verius Primates, seu Græcâ voce Exarchi sunt habendi; quæ intermedia est inter Patriarchas & Metropolitanos dignitas, & Archiepiscopali titulo aliquando designatur, ut apud Iſidorum in *Can. Cleros 1. vers. ordo Episcoporum, dist. 21.* Etenim Archiepiscopi titulus communis est iis omnibus qui supra unius civitatis Episcopos constituti sunt.

De Metropolitanorum, qui vulgò Archiepiscopi dicuntur, deque Primatum potestate atque Officio agitur apud Gratianum, *Causâ præsertim 111. quæst. 6. & 12. quæst. 3.* Item *Cap. 8. & quatuor seqq. c. De Offic. & potest. Jud. Ordin. & cap. 14. atque ult. c. de Majorit. & Obedient.* Ordo Jurisdictionis colligitur ex tit. *de appellat.* De Conciliis Provincialibus, & Synodis Diœcesanis tractatur, *dist. 18.* Veniamus ad Provinciarum Nomenclaturam secundum Patriarchatum ordinem.

PATRIARCHATUS ROMANUS.



PISCOPORUM, & Metropolitanorum sacra Jurisdictio; Civitatum ac Provinciarum Romanarum limitibus magna ex parte continebatur, politico regimini sese accommodante Ecclesiâ. Verùm alia fuisse videtur Patriarcharum ratio, ut non tam certis sibi assignatis Provinciis præcellerent, quàm semel constitutis sedibus Patriarchalibus, prout quisque regiones & loca, sive per se, sive per Episcopos ab se missos ad fidem Christi converterisset; ita fines suos, tam intra, quàm extra Romanum imperium, prorogarent; atque in iis Provinciis, & urbibus Episcopos sibi subiectos haberent.

Patriarchatus Romanus, cujus Antistes majores Diœceses obtinere dicitur, præest Occidenti universo, qui sex Diœceses seu majores Provinciarum inter se junctarum administrationes complectebatur, Italiam, Africam, Illyricum (olim totum), Galliam, Britanniam, atque Hispaniam.

IN DIOECESI ITALIÆ.

EN ITALIE.

PRIMATUS ROMANUS,

Sub quo Sex Provinciæ Ecclesiasticæ.

I. PROVINCIA ROMANA.

Metropolis ROMA. *Rome.*

Hujus Provinciæ sacre ambitu continebantur Civiles Provinciæ, seu Regiones Suburbicariæ: novem quæ absque Metropolitibus Ecclesiasticis erant: nam alix dux Suburbicariæ sacras habebant Metropoles.

1. Latium & Campania: *Campagne de Rome, & Terre de Labour, avec la Principauté Citerieure.*
2. Tuscia & Umbria: *Toscane & Duché de Spolète.*
3. Valeria: *Sabine, & partie de l'Abrusse ulterieur.*
4. Picenum Suburbicatum: *Marche d'Ancone.*
5. Picenum Annonarium: *Duché d'Urbain.*
6. Samnium. *La pluspart de l'Abrusse.*
7. Apulia, & Calabria: *la Pouille ou Capitanate, & la terre de Bari avec la Terre d'Otrante.*

8 Notitia Provinciarum Ecclesiasticarum, CAP. I.

8. Lucania, & Brutii : *Basilicate, & Calabre.*
9. Corfica Insula : *L'Isle de Corse.*
- II. Provincia SICILIA. *L'Isle de Sicile.*
Metrop. Syracusæ, *Siracuse, vulgò Saragossa.*
- III. Provincia SARDINIA. *L'Isle de Sardaigne.*
M. Calaris, aliàs Caralis. *Caillari.*
- IV. Provincia MEDIOLANENSIS. *Lombardie, pour la plupart.*
M. Mediolanum. *Milan.*

Continebantur sub ea Provinciæ quatuor ciuiles, sine Metropoli-
bus Ecclesiasticis.

1. Liguria. *Lombardie deçà & delà le Po, & Riviere de Genes.*
2. Alpes Cottia. *Partie du Piémont.*
3. Rhetia prima. *Grisons, Tirol, Trente.*
4. Rhetia secunda. *Part. de Suabe, & Duché de Baviere.*
- V. AQUILEIENSIS, sub qua, Venetia, & Istria. *Marche Trevi-
sane, & Frioul, avec l'Isirie.*
M. Aquileia. *Aquilée.*
- VI. RAVENNENSIS.

Sub qua Provinciæ Civiles, sine Metropolitibus sacris, duæ.

1. Flaminia. *Romagne,*
2. Æmilia. *Lombardie, deçà le Po.*
M. Ravenna. *Ravennè.*

IN DIOECESI AFRICÆ. EN BARBARIÆ.

Metrop. Carthago, Justiniana 3. seu Africana dicta. *Carthage, vulgò
Almenara hodie, aliis Cartin.*

Ejus Episcopus per totam Diocesin Africanam Primatus habebat
jura.

Sub eo Provinciæ Civiles sex, quibus pro Metropoli Ecclesiastica
erat sedes Antiquioris per unamquamque Provinciam Episcopi, qui
Primas sive Primæ sedis Episcopus dicebatur.

1. Africa propria, sive Proconsularis, aliàs Zeugitana. *Royaume de
Tunis vers l'Occident.*
2. Byzacium, seu Byzacena. *Royaume de Tunis, vers l'Orient.*
3. Tripolitana, sive Tripolis. *Royaume de Tripoli de Barbarie.*
4. Numidia. *Pais de Constantine, & de Bugie, dépendant d'Alger:*
5. Mauritania,

5. Mauritaniam, Cæsariensis scilicet, Sitifensis per Justinianum, Numidiam, ut puto, reddita. *Royaume d'Alger.*

6. Tingitana. *Royaumes de Fez, & de Maroc.*

Sardiniam Justinianus, post Vandasos, huic Diœcesi adjecerat, l. i. *Cod. de Offic. Pref. Prat. Afr.* quæ tamen ad Italiam, & Præmarum Romanum pertinebat, uti antè à nobis memorata.

IN DIOECESI ILLYRICI OCCIDENTALIS. EN ESCLAVONIE.

Hæc Diœcesis sex Provinciis civilibus constabat, præter Valeriam, quæ militaris erat; atque à Duce regebatur. Verùm & hæc, & Pannonia Secunda sive inferior, maxima ex parte, à Barbaris occupatæ fuerant, diruto Attilæ temporibus, Sirmio: quod non modò Secundæ Pannoniæ, sed & solidi Illyrici caput fuerat, tum in Civili, tum in facta politia; donec sedes Præfecti Prætorio, eâ civitate amisâ, Thessaloniam translata est, si qua Justiniano fides, *Novella XI.* Fuere post hæc in hac Diœcesi Provinciæ Ecclesiasticæ dux.

I. LAUREACENSIS.

Quæ continebantur, opinor, Provinciæ quatuor Civiles.

1. Noricum Ripense. *La plus grande partie de l'Autriche.*

M. Laureacum. *Lorch près de Linz.*

2. Noricum Mediterraneum. *Salzbourg, & Carinthie.*

3. Pannonia I. sive Superior. *Hongrie Chrétienne, vers le Midy, Stirie, & partie de la basse Autriche.*

4. Savia, Pannoniæ veteris ac Liburniæ pars. *Haute Esclavonie, avec partie de la Croatie, & Carniole.*

II. SALONITANA, sub qua, ni fallor, Provincia Civilis una.

1. Dalmatia. *avec partie de la Croatie, & la Bosnie.*

M. Salonæ. *Salona, ruinée, près de Spalatro.*

IN DIOECESI GALLIARUM, QUÆ jam tum ferè tota sub Francis. EN FRANCE.

Civiles in hac Diœcesi Provinciæ septemdecim fuere Honorio imperante; nondum tamen in eum numerum exceverant Provinciæ Eccle-

10 CAP. I. Notitia Provinciarum Ecclesiasticarum,

laestheticæ, quarum status cum Civili sæpius, aliqua ex parte, mutatus: Eum hic describimus, qui sub primis Francorum Regibus fuisse videtur.

Eo tempore quatuor, quantum conjicere licet, intra Galliarum Diocesis extitere Primates, pro numero Provinciarum ab Augusto institutarum, Arelatensis, Lugdunensis, Treverensis, ac Bituricensis.

I. PRIMATUS ARELATENSIS.

Sub quo Provinciæ quatuor Ecclesiasticæ, Civiles totidem: antequam quinque, fuisse videntur, connumeratâ Alpina, cum nondum proprium haberet Metropolitani.

1. PROV. ARELATENSIS, in Viennensi Provinc. Civili, quæ in duas Ecclesiasticas secta est. *Part. de Provence. & Dauphiné, vers l'Occident.*

M. Arelatum, cujus Episcopus plerumque sedis Apostolicæ per Galliam Vicarius. *Arles.*

2. Viennensis, in eadem Civili Prov. cui subiectæ Alpes Graiz, ubi postea Tarantasiæ Metropolitico jus est attributum. *Partie de Dauphiné, & Savoie.*

M. Vienna. *Vienne.*

3. Narbonensis Prima, adhuc majori ex parte sub Visigothis. *Languedoc pour la plupart.*

M. Narbona. *Narbonne.*

4. Narbonensis secunda. *Provence vers le Midy.*

M. Aquæ-Sextiæ, (quæ ad hæc usque tempora inrer Episcopales numerabatur.) his addenda, ex Narbonensis veteris segmentis. *Aix en Provence.*

5. Alpina, sive Alpes Maritimæ. *P. de Dauphiné, & Provence, vers l'Orient.*

M. Ebrodunum, aliàs Ebrédunum. *Embrun.*

II. PRIMATUS LUGDUNENSIS.

Quem agnovere Episcopi Civiliū quinque Provinciarum, Ecclesiasticarum verò quatuor.

1. Lugdunensis prima, quâ includebatur, nī fallor, Maxima Sequanorum, ubi deinde Vesontio Metropolis etiam Ecclesiastica facta. *Lionnois, Bourgogne, Franche-Comté, &c.*

M. Lugdunum. *Lion.*

2. Lugdunensis II. *Normandie,*

M. Rothomagus. *Rouen.*

3. Lugdunensis III. seu Turonica. *Touraine, Anjou, Maine, Bretagne.*

M. Civitas Turonorum. *Tours.*

4. Lugdunensis IV. Senonia. *Senonois, Beausse. p. de France, & de Champagne.*

M. Civitas Senonum. *Sens.*

Ex hac detracta est Metrop. Parisiensis hoc nostro seculo.

III. PRIMATUS TREVERENSIS.

Cujus non adeò indubitata occurrunt argumenta, & cujus reverè non diu autoritas stetit, sive ob concessa Ecclesie Rhemensi privilegia, sive aliis de causis. Continebat quatuor Civiles Provincias, Ecclesiasticas duas. Hæ fuere.

1. Belgica I. adjunctis, nî fallor, Germania I. & Germania 2. in quibus octavo saltem seculo Moguntiacus, & Colonia Agrippina Metropoleon titulo decoratæ sunt. *Treves & Lorrains. Alsace, bas Palatinas: Cologne, & Provinces unies.*

M. Civ. Treverorum. *Treves.*

2. Belgica II. *Champagne vers l'Orient, Picardie, & Pais-Bas Catholiques.*

M. Civ. Rhemorum. *Rheims.*

IV. PRIMATUS BITURICENSIS.

Quæ sedes olim toti Aquitanie præfuit: sed deinde Burdigalensi concessa fuere privilegia sua. Sunt autem Aquitanicæ tres Provincie, tam Ecclesiasticæ, quam Civiles.

1. Aquitania prima. *Berry, Limousin, Anvergne, &c.*

M. Biturica Civ. *Bourges.*

2. Aquitania secunda. *Guyenne, Poitou, &c.*

M. Burdegala. *Bordeaux.*

3. Novempopulana. *Gascogne.*

M. Elusa, cujus sedes Augustam Auscorum postea translata: *Eause en Armagnac.*

IN DIOECESI HISPANIARUM, sub Gothis, & Suevis.

E N E S P A G N E.

Præter Tingitanam, quæ, transfectum Gaditanum in Africano solo posita, nihilominus diu Hispaniæ contributa fuit; & præter Baleares Insulas, quas Noritæ quædam ab Hispania Tarraconensi sejungunt: Provincie Civiles quinque in Hispanica Diœcesi fuerunt: Ecclesiasticæ verò sex extremo seculo sexto, sub duabus Pontificis Romani Vicariis, Hispalensi ac Tarraconensi.

SUB HISPALENSI VICARIATU Provincie numerabantur duæ.

1. Bætica. *Andalousie, & Grenade.*

12. CAP. I. Notitia Provinciarum Ecclesiasticarum,

M. Hispalis. *Seville.*

2. Lusitania. *Portugal pour la pluspart, avec les lisières de Castille & d'Estremadure.*

Emerita, unde tandem sedes Compostellam translata. *Merida.*

SUB VICARIATU TARRACONENSI. Provinciz tres Civiles, Ecclesiasticæ quatuor.

1. Tarracoenfis. *Catalogne, Aragon, Navarre, & partie de Castille.*
M. Tarraco. *Tarragone.*

2. Carthaginensis. *Murcie, Valence, Castille Nouvelle pour la pluspart.*
M. Carthago nova. *Cartagene.*

Deinde Toletum, cui attributus totius Hispaniz Primatus. an. 589.
Toledo.

Gallecia, quæ tempore Theodemiri Suevorum Regis, in duas Provincias Ecclesiasticas divisa est. *Gallice, Asturie, Leon, Biscaye, & part, de Portugal vers le Septentrion.* Sic fuit

3. Prov. Bracatenfis, Cujus Metr. Bracara. *Braga en Portugal.*

4. Lucensis.

Cujus Metr. Lucas Augusti, quæ postea dignitatem Metropolitancam amisit. *Lugo en Galice.*

IN DIOECESI BRITANNIARUM Sub Anglis, aliisque Nationibus.

dans la Grand' B R E T A G N E.

Britanniarum Primatus Episcopo DOROVERNENSI assignatus est, cui paruisse creduntur, intra veteres Imperii Romani fines Provinciz tres Ecclesiasticæ: extra eos Provinciz duæ initio fuerunt.

1. Britannia Australis sive Prima: & Media sive Flavia Cæsariensis.
Royaumes de Kent, Essex, Vest-sax, & Southsax: Est-Angle & Mercie.
M. Londinum. *Londres.*

Postea tempore S. Gregorii Dorovernum, quæ & Cannuaria. *Canterbury.*

2. Anglia Borealis, olim Maxima Cæsariensis. *North-Humbrie.*
M. Eboracum. *York.*

3. Cambria; antea Britannia Secunda. *Pais de Galles.*
M. Carleona, sive Legio secunda, aliàs Isca Silurum. *Caer-leon.*
Postea Meneviam translata. *saint David.* Præterea.

4. Scotia. Cujus prisca Metropolis incerta, *Escoffe.*

5. Hibernia. *Irlande.*

M. Armacha. *Armagh.*

IN TRACTU ILLYRICI ORIENTALIS.

dans l'EMPIRE DU TURC EN EUROPE.

AC PRIMO IN DIOECESI

MACEDONIÆ.

en GRECE, ou MACEDOINE & MOREE.

PRIMATUS THESSALONIGENSIS.

Sub quo Provinciæ Civiles septem, Metropoles novem Ecclesiasticæ.

1. Macedonia 1. *Macedoine vers le Midy.*

M. Thessalonica, cujus Episcopus sedis Apostolicæ Vicarius. *Thessalonique, vulgò Saloniki.*

2. Macedonia 2. *Jamboli, ou Macedoine vers le Septentrion.*

(Quæ in Nov. 11. Primæ Justinianæ Primatui assignatur. Sed omittitur in Nov. 131. cap. 3.)

M. Philippi. *Filippo.*

3. Thessalia. *Thessalie, Comenolitari.*

M. Larissa. *Larissa.*

4. Achaia, sive Græcia, quæ & Proconsularis. *Morée & Livadie, qui sunt proprement la Grece.*

M. Corinthus. *Corinthe, Coranto.* Cui additæ Metropoles.

Patra, Patras, Athenæ in Hellade. Athenes, en Turc Sâtine.

5. Epirus vetus. *Larta, Janina, & Canina.*

M. Nicopolis. *Prevesa.*

6. Epirus nova. *Albanie, Arnautis, en Turc.*

M. Dyrrachum. *Duras.*

7. Creta insula. *L'Isle de Candie, Tur. Kirit-ada.*

M. Gortyna. *Girtina.*

IN EJUSDEM

ILLYRICI DIOECESI DACIÆ.

en SERVIE.

PRIMATUS ACHRIDANUS.

Achridem sive Achridam patriam suam Justinianus, à se instauratam, *Primam Justinianam* appellari jussit, eique sex Provinciæ Civiles assignari, quas & ejus Episcopo, Archiepiscopi, sive Primatis digni-

14 CAP. I. *Notitia Provinciarum Ecclesiasticarum*,

tate decorato, in sacris subijci voluit; huncque Vicarium in iis Romanæ sedis constitui, quod à Vigilio Papa impetratum. *Nov. 11. & Nov. 151. cap. 3.*

M. Prima JUSTINIANA Sive Achris, postea Bulgarorum regia. *Iustandil.*

1. Prov. Dacia Mediterranea, detracta ex veteri Mœsia. *Frontiere de Servie. & de Bulgarie. vers le Midy.*

M. Sardica. *Triadizza, près de Sophie.*

2. Ripensis, sive Secunda, *Frontiere de Servie. & de Bulgarie, le long du Danube.*

Ex Mœsia quoque veteri decerpta, quæ an distincta in sacris à superiore fuerit, minus compertum.

M. Ratiaria, *Aresar, vel Aquæ, vers Zargena.*

3. Prævalis, seu Prævalitana. *Frontiere de Dalmatie & d'Albanie.*

M. Scodra. *Scutari. Turc. Iskodar.*

4. Dardania. *Servie Orientale, vers le Midy.*

M. Scupi. *Uscup.*

5. Mœsia superior cum parte Pannoniæ Secundæ: *Rasie ou Servie Occidentale.*

Quam in Ecclesiæ politica disjunctam à Dacia pronunciare non est in promptu.

M. Viminacium, *Vomcizerna*, aliàs *Bidena*, aut Singidunum. *Zenderim.*

PATRIARCHATUS CONSTANTINOPOLITANUS,

Cui attributæ tres Diœceses, Thracia, Pontus, Asia: His accessit totum Illyricum Orientale, imò & Sicilia tandem cum Calabria, fœventibus Græcis Cæsaribus Patriarchæ Constantinopolitani effixatam ambicionem: Sed de his dictum in Patriarchatu Romano, ad quem reverà spectant.

IN DIOECESI THRACIARUM.

en ROMANIE, ROUMELI en Turc.

M. CONSTANTINOPOLIS. *Constantinople, vulgò Stambol.*

EXARCHATUS HERACLEÆ.

In hac Diœcesi Provinciæ sex numerabantur.

1. Europa strictè sumpta, *Romanie Orientale, vers le Midy.*
M. Heraclea, aliàs Perinthus. *Heraclée, vulgò Iracia.*
2. Thracia propriè dicta, *Romanie Occidentale.*
M. Philippopolis. *Philippopoli, v. Felibe.*
3. Hæmimontus, *Romanie Orientale, vers le Septentrion, Zagavie.*
Hadrianopolis. *Andrinople, T. Edrene.*
4. Rhodope, *Romanie Meridionale.*
M. Traianopolis. *Trajanopoli.*
5. Mœsia Secunda, sive inferior. *Bulgarie Orientale, vers le Midy.*
M. Marcianopolis. *Marcianopoli, v. Preslavu.*
6. Scythia, minor scilicet, cis Istrum. *Sirfe, Bulgarie Orientale vers le Septentrion.*
M. Tomi. *Tomisfar.*

Huc pertinebat Gothia.

Ad hanc quoque Diœcesin referebantur, exiit Imperium Romanum, Russi.

IN DIOECESI PONTICA.

dans la NATOLIE SEPTENTRIONALE.

Exarchatus CÆSARÆ MAGNÆ.

In hac Diœcesi Provinciæ Civiles fuere duodecim ex dispositione Justiniani, conjunctis Paphlagoniâ cum Honotiâ, & Ponto Polemoniaco cum Helenoponto; institutâ præterea tum Cappadociâ tertiâ, & novâ Justiniana, ex confiniis Majoris, Minorisque primæ Armeniæ ac Ponti Polemoniâci coagmentata; additisque Armeniâ magnâ & Lazicâ, quâ Romanis sive Græcis parebant: At, Metropoles Ecclesiasticæ plures fuere, unicuique conjunctarum Provinciarum servatâ suâ Metropoli sacra, & ubique serè servato Ecclesiæ statu, quo in quibusdam Provinciis, jam plures Metropoles constitutæ fuerant.

1. Cappadocia prima. *Partie d'Aladule, & d'Amasie.*
M. Cæsarea magna, antea Mazaca. *Caisarja, Caraiser in tabulis.*
2. Cappadocia secunda. *Frontiere d'Aladule, & de Caramanie.*
M. Tyana. *Tiagna.*
3. Cappadocia tertia. *Frontiere d'Aladule, & de Kiangare.*
M. Justinianopolis, aliàs Mocissus. *Mocisse.*
4. Armenia 1. *Sivas, & Pegian.*
M. Sebastea. *Savstia, ou Sivas.*
5. Armenia 2. *Bazoeb.*
M. Melitene. *Malartia.*
6. Galatia prima. *Kiangare vers le Septentrion, v. Celar.*

16 CAP. I. *Notitia Provinciarum Ecclesiasticarum,*

M. Ancyra. *Ancyri.*

7. Galatia secunda, sive Salutaris. *Kiangare, vers le Midy, & partie de Kioutaie.*

M. Pessinus. *Pessene.*

8. Bithynia. *Boursie, v. Ofman-ili.*

Metrop. Nicomedia. *Comidia. T. Isnighimid.* Huic additæ Nicæa, *Nicée, Isnich, & Chalcedon, quæ etiam Justiniana. 3. Chalcedoine, Scutares.*

9. Honorias, ab Honorio Imperatore dicta. *Bolli,*

M. Claudiopolis. *Boli.*

10. Paphlagonia. *Roni, aliàs Flagania.*

M. Gangra. *Cangria T. Kiengar.*

11. Helenopontus, à Constantino de nomine matris Helenæ appellatus. *Amasie vers l'Occident.*

M. Amasea. *Amasie.*

12. Pontus Polemoniæ. *Amasie vers l'Orient.*

M. Neocæsarea. *Nicfar.*

Ad hanc Diocæsin spectabant Bosporani, & Zechi Scythiæ, ac Lazii Colchidis populi, quorum partem Justinianus subegit; & omnino extra imperium *Alani.*

IN DIOECESI ASIANA.

dans la NATOLIE VERS LE MIDY.

EXARCHATUS EPHESINUS,

Hæc Diocæsis Provincias Civiles undecim, at sacras Metropoles quatuordecim complectabatur,

1. Asia propria, seu Proconsularis. *Sarshan, ou Sarchiam, alijs Quiscon.*

M. Ephesus. *Ephese, Efese, ruinée.*

2. Hellepontus, olim Myſia, & Phrygia minor. *Besangil.*

M. Cyzicus. *Chisico.*

3. Insulæ Cyclades. *Îles de l'Archipel, autour de la petite Asie.*

M. Rhodus. *Rhodes, Rodi,*

Huic adjecta.

Mitylene in Lemno. *Metelin.*

4. Lydia. *Carasia.*

M. Sardis. *Sardia.*

5. Phrygia 1. seu Pacatiana, quibusdam Cappatiana. *Germian, vers le Midy Occidental.*

M. Laodicea ad Mæandrum. *Laodicée, v. Landichia.*

Eique addita Hierapolis Phrygiæ. *Seidischeher. T.*

6. Phrygia 2. Salutaris. *Germian, vers le Nord est, & p. de Kioutaie.*

M. Synnada.

M. Synnada. *Sinada.*

7. Caria : cujus pars Borealis , Carophrygia dicta. *Aidin-eli.*
Metrop. Aphrodisias, è cujus ruinis crevit Stauropolis. *Apodisia.*

Santa Croce.

8. Lycia. *Mentesia.*

M. Myra. *Strumita.*

9. Pisidia. *Versac-eli* , partie de la *Caramanie* largement prise.

M. Antiochia Pisidica. *Antioche de Pisidie.*

10. Lycaonia. *Cogni.*

M. Iconium. *Cogni.*

11. Pamphylia. *Sessalie Orientale* , partie de *Caramanie* largement prise.

M. Sida. *Scandelor* , ou *Satalie* vieille.

12. Pamphylia altera. *Sassalie Occidentale.*

M. Perge : postea Syllaum , tandem Attaliam translata. *Pirgi.*

PATRIARCHATUS ALEXANDRINUS.

IN DIOECESI ÆGYPTI.

en EGYPTÉ, v. EL-CHIBET.

Constabat hic Patriarchatus , intra Imperii limites , Ægyptiacâ
Diocesi, quæ tempore Justiniani divisa erat in novem Provincias.

1. Ægyptus prima. *Errif vers l'Occident.*

M. Alexandria. *Alexandrie d'Egypte* , v. *Scanderia.*

2. Ægyptus II. in occidua Niliaci Delta regione. *Errif vers l'O-*
rient.

M. Cabasa. *Mahatelimi.*

3. Augustamnica , partim intra , partim extra Delta. *Bechrie vers*
l'Orient, & le Septentrion.

M. Pelusium. *Berelles* , près de *Belbais.*

4. Augustamnica II. *Bechrie vers l'Occident, & le Midy.*

M. Leontopolis. *Leonton.*

5. Arcadia , dicta ab Arcadio Imperatore , olim Heptanomis. *Egypte*
autour & au dessus du Caire.

M. Oxyrinchus. *Entre Dealmarash, & Palema.*

6. Thebais I. *Sahid, vers le Septentrion.*

M. Antinoë. *Anthios.*

7. Thebais II. *Sahid, vers le Midy.*

M. Ptolemais Hermii. *Vers El-Fium.*

8. Lybia superior , seu Pentapolis , antea Cyrenaica. *Barca vers*
l'Occident.

18 CAP. I. *Notitia Provinciarum Ecclesiasticarum,*

Prolemais Pentapoleos. *Tolometta.*

9. Libya secunda, Inferior; sive Marmarica. *Barca, vers l'Orient.*
M. Darnis. Prés de *Bonandria.*

Extra Romanum Imperium, Alexandrinum Patriarcham respiciebant
Æthiopes, sub Primate sive Catholico suo, & ex parte Indi atque
Arabes.

P A T R I A R C H A T U S
A N T I O C H E N U S.
I N D I O E C E S I O R I E N T I S.

en LEVANT ou SORIE, ARAB. SCHAM.

Hæc Dioecesis (præter Palestinas) habebat Provincias tredecim, quæ
Antiocheno Patriarchæ parebant.

1. Syria 1. *Sorie, vers le Nord-Ouest.*
M. Antiochia, sive Theopolis. *Antioche, v. Antachia, ruinée.*
2. Syria 11. Salutaris, pars Cæles, ut & superior. *Sorie, au Midy*
de la precedente dans les terres.
M. Apamea. *Hama, ou Hamous.*
3. Theodorias, à Justiniano, ut puro, instituta de nomine Theo-
dori uxoris. *Sorie, vers le Midy de la premiere, le long de la mer.*
M. Laodicea. *Licbe.*
4. Phœnicia propria, Paralia scilicet, sive Maritima. *Phénicie, v.*
Founiki.
M. Tyrus. *Sor.*
Cui adjecta Berytus. *Bairut.*
5. Phœnicia Libani. *Sorie, autour de Damas.*
M. Damascus. *Damas, Arab. Scham.*
6. Euphratenfis, antea Comagene. *Sorie, vers le Nord-Est, le*
long de l'Euphrate.
M. Hierapolis. *Non loin d'Alep.*
7. Arabia, Petraea scilicet. *Barranb.*
M. Bosra. *Busferesh.*
8. Cilicia prima. *Caramanie maritime, vers le milieu.*
M. Tarsus. *Tarse, T. Tersifsch.*
9. Cilicia secunda. *Caramanie Orientale, & Septentrionale.*
M. Anazarbus. *Acsar.*
10. Isauria. *Sauria, partie Occidentale de la Caramanie.*
M. Seleucia Isauria. *Selekia.*
11. Cyprus insula. *L'Isle de Cypre, T. Couprus-ada.*
M. Constantia Cypri, alias Salamina: postea Justiniana secunda.
Constance, ruinée, près de Famagouste.

Trans Euphratem.

12. Osrhoëne , antè à Adiabene. *Diarbecre vers l'Occident.*

M. Edeffa. Orfa. Ar-Rhoais.

13. Mesopotamia. *La plus grande partie du Diarbecre.*

M. Amida. Cara-Hemis.

Huc pertinebant extra Romanum solum Iberia , Armenia major ; cum Catholico sive univèrsali Præfule suo , qui post Patriarcha dictus : Persis item , ubi Catholicus Selenciz Parthorum seu Ctesiphontis ; Bagdas , cæteræque nationes ad Indiam usque.

P A T R I A R C H A T U S H I E R O S O L Y M I T A N U S. I N P A L Æ S T I N A.

dans la T E R R E - S A I N T E.

M. HIEROSOLYMA , aliàs Elia. *Jerusalem, Ar. Kouts-Scheriff.*

Huic Patriarchæ assignata fuit Palæstina triplex , id est in tres Provincias divisa , quæ antè parebat Antiocheno.

1. Palæstina prima. *Judée, Samarie. & partie de Galilée.*

M. Cæsarea Palæstinæ. *Cesarée. v. Caïsar.*

2. Palæstina secunda. *Galilée Orientale. & país au delà du Jourdain ;*

v. Bidani.

M. Scythopolis antè à Nyssa. *Bethsan.*

3. Palæstina tertia , salutaris. *Part. d'Idumée , Arabie Petrée, & Judée Meridionale.*

M. Petra. *Montreal. v. Crach.*

II.

INDEX CONCILIORUM, UNIVERSALIIUM
omnium ; Localium autem omnium quorum
Collectores Canonum meminere , aliorumque
aliquot Celebriorum ad Seculum usque 12.

Adjiciuntur ad pleniorē notitiā, vulgaria singulorum nomina, tempora & loca Prænotionum in quibus de unoquoque agitur.

Inserta sunt præcipua quædam Conciliabula Characterē Italico distincta, tum & alia Opera Canonibus immixta quæ Asterico prænotantur.

Nota 1^a. Concilia Generalia literis majusculis scribuntur.

Nota 2^a. quæ apud aliquam Civitatem sive locum habita dicuntur, ea in ordine Initialis sive primæ cujusque loci literæ quærenda esse.

A

AQUIRENSE, Lege & quære *Ancyranum*.

Africanum generale, d' *Afrigue*, sub Zosimo P.p. aliàs Carthaginense 6. anno Christi 417. v. Prænot. pag. 201.

Africanum seu Carthaginense generale sub Celestino, an. 414. (aliquando citatur pro Milevitano) v. pag. 202.

Agathense in Gallia, d' *Agde*, anno 506. pag. 207.

Agrippinense sive Colonienſe in Germania, d' *Cologne*, fortè annis 887. pag. 232.

Apud Alichium, lege apud *Altheim*.

Apud Alphesum, idem.

Apud Altenem, idem.

Altheimense, in Rhetia, d' *Altheim*, anno 917. pag. 232.

Altissiodorenſe, vide *Antissiodorenſe*.

Alvernix, vide *Claremontanum*. & *Arvernium*.

Apud Alumnias, corruptè pro *apud Alvernias*, vide *Clavomaniannum*, citatur pro Valentino.

Ananethense, lege & quæze *Nannetense*.

Anchiritanum, vide *Ancyranum* sequens.

Ancyranum, quod & Ancyritanum, & Ancyrense, vel Anquirense, in Pontica, d' *Ancire*, an. 314. pag. 198.

Anglicum siue Anglicanum, d' *Angleterre*, à Dunstano Cantuariensi habitum, an. 969. pag. 233.

Anglicum generale, siue Londoniense, præfide Lanfranco, an. 1035. pag. 233.

Anquirense, pro Ancyrensi, seu Ancyrano: citatur aliquando pro Concilio Romano Damasi.

Antiochenum in Sytia, d' *Antioche*, an. 341. pag. 199.

Antissiodorense vel Autissiodorense, in Gallia, d' *Auxerre*, an. 578. pag. 210.

Aphricanum, lege *Africanum*, ut suprâ.

In Apulia, vide *Melphiense*.

Aquisgranense in Gallia Germanique confinio, d' *Aix la Chappelle*, anno 816. pag. 224.

Aquisgranense II. an. 838. pag. eadem.

Aquisgranense III. ann. 862.

Arausicanum I. siue Arausionense, quod & Aurasicum, in Gallia, d' *Orange*, ann. 442. pag. 206.

Arausicanum II. ann. 529. pag. ead.

Arelatense I. in Gallia d' *Arles*, ann. 314. pag. 192.

Arelatense II. quod & Arelatense absolute anno 452. pag. 205.

Arelatense IV. quod a Collectoribus 3^{um} dicitur, ann. 524. pag. 205.

Arelatense V. anno 554. pag. 205.

Arelatense VI. (aliquando perperam VII.) anno 813. pag. 225.

Ariminense Conciliabulum in Italia, d' *Arimini*, an. 359. pag. 196.

Arvernense I. d' *Auvergne*, an. 535. pag. 202.

Arvernense II. sive apud Arverniam anno 549. pag. ead.

Augustodunense in Gallia, *d' Autun*, Sancti Leo legarii an. 670. p. 211.

Augustodunense sive Eduense an. 1077. ab Hugone Legato habitum pag. 218.

Augustodunense aliud sive Eduense, perperam *Ofionense*, anno 1094. pag. eadem.

Aurasicum sive Auricense, lege *Aranficannum*, ut supra.

Aurelianense I. in Gallia, *d' Orleans*. an. 511. pag. 207.

Aurelianense II. an. 533. ibidem.

Aurelianense III. an. 538. ibidem.

Aurelianense IV. anno 541. pag. ead.

Aurelianense V. anno 549. pag. 208.

Autissiodorense V. vide *Antissiodorense*.

B

BASILENSE generale, in Helvetia, *de Basle*, anno 1431. ad 1439. pag. 188.

Bellovacense sive apud *Belvacum* in Gallia, *de Beauvais*, an. 845. pag. 215.

Belvacense sive Bellovacense aliud, anno 1114.

Beneventanum Urbani Papæ, in Italia, *de Benevent*, anno 1091.

Bonifacii Papæ, id est Romanum I. sub Bonifacio, *de Rome sous Boniface III*. anno 606. pag. 217.

Bracarense II. aliis III. in Gallecia, *de Brague en Portugal*, an. 563.

Bracarense II. Martini, aliis III. an. 572. pag. 214.

* Breviarium Alarici sive Codicis Theodosiani Editio Gothica an. 506.

Bylonense, falsum, forte pro Cabilonenſi cujus Candnes non extant, quod habitum anno 1063.

C

CABILONENSE I. in Gallia *de Chalon sur Saone*, anno 650. pag. 210.

Cabilonenſe II. anno 813. pag. 214.

Cabilonenſe aliud anno 985. pag. 227.

Cæſarauguſtanum, in Hiſpania, *de Saragoſſe*, anno 592. pag. 211.

Calchedonenſe, vide *Chalcedonenſe*.

* Canones Apoſtolorum circa annum 181.

Cantuarienſe in Anglia, *de Cantorbery*, an. 820. falſò pro Canonibus Apoſtolorum aliquando laudatum.

* Capitularia Regum Francorum, collecta circa annum 830. &c. p. 505.

Carifiacenſe, ſive apud Carifiacum, male *apud Tanſiacum*, *de Creſſy*, anno 839. pag.

Caroli Imperatoris Concilium, pro Capitularibus Caroli Magni.

Carthaginenſe Cypriani, (quod habetur in Collectionibus Græcorum) in Africa, *de Carthage*, circa an. 254. pag. 201.

Carthaginenſe abſolutè, ſive Africanum generale, circa annum 424. pag. 203. ſumitur etiam pro 2. 3. & aliis Carthaginenſibus:

Carthaginenſe I. anno 348. pag. 201.

Carthaginenſe II. an. 390. pag. eadẽ.

Carthaginenſe III. anno 397. pag. 202.

Carthaginenſe IV. verius 5. anno 398. pag. 202. ead.

Carthaginenſe V. verius IV. eodẽ anno, pag. eadẽ.

Carthaginenſe VI. & VII. anno 416. pag. 202. & 203.

Carthaginenſe VIII. citatur pro Milevirano.

Cæſellanum ſive Caſſilienſe, *de Caſſel en Irlande*, an. 1172.

CHALCEDONENSE ſive Calchedonenſe in Bithynia, œcumenicum 4. *de Calcedoine*, ann. 451. pag. 172.

Claromontanum, alias Arvernicum, ſive Alvernix & Urbanenſe Alvernix, *de Clermont en Auvergne*, an. 1095. pag. 194.

* Codex Theodoſianus, anno 438.

* Codex Juſtiniani, anno 534.

Coloniẽſe vide *Agrippinenſe*.

Compendienſe, ſive apud Compendium, in Gallia, *de Compiẽgne*, an. 757. pag. 223.

Confluentinum, sive apud Confluentiam, in Germania *de Coblenz*, an. 822 pag. 231.

In Basilica Constantiniana, id est apud Lateranum. Vide Romanum sub Nicolao II. *de saint Jean de Latran*, an. 1059. pag. 219. perperam alicubi pro Constantinopolitano.

CONSTANTIENSE Generale XVI. in Germania, *de Constance*, an. 1414. pag. 187.

CONSTANTINOPOLITANUM 1^{um}. generale II. in Thracia, *de Constantinople*, anno 381. pag. 167.

Constantinopolitanum sub Menna Patriarchi anno 536. pag. 200.

CONSTANTINOPOLITANUM II, generale V, anno 553. pag. 176.

CONSTANTINOPOLITANUM III. generale VI. anno 680. & 681. pag. 178.

Constantinopolitanum in Trullo, *Quinisextum*, quod *Sexta* Synodi nomine aliquando appellatur; sed perperam; an. 692. pag. 193.

Constantinopolitanum Conciliabulum, sive Synodus *Pseudo-septima*, an. 754. pag. 197.

Constantinopolitanum Photianum in templo Apostolorum Conciliabulum, Græci *Primum & Secundum* Synodum, Nicolai Papa Latrocinalem vocat an. 861. pag. 197.

CONSTANTINOPOLITANUM IV. Oecumenicum VIII. anno 869. & 870. pag. 180.

Constantinopolitanum Photianum in templo Sophiæ: Græcis Schismaticis, *Pseudo-octava* Synodus, anno 879. pag. 197.

Apud Convicinum, prope Silvanectum, in Gallia, *s. de Genvièux*, anno 863. pag. 236. v. *Silvanectense*.

D

* DIGESTA, sive Pandectæ Justiniani, anno 533. pag. 385.

E

EDUENSE, sive Augustodunense, in Gallia, *d'Autun*, malè alicubi *Eduense*, anno 670. pag. 211.

Eduense sub Gregorio VII. anno 1077. pag. 228.

Eduense, seu Augustodunense aliud, sub Urbano II. anno 1094. p. 228.

Eliberitanum, sive Eliberrinum, vel *Eliberinum* in Hispania, *d'Eliveri*, ou *d'Elvire*, an. 305. p. 211. Emeritense,

Emeritense, in Hispania, de Merida, anno 666. pag. 214.

Epaunense, sive Epaonense in Gallia, d' Eponne, ou de Ponas, malè aliquando Epanense, anno 517. pag. 208.

EPHESINUM I. generale III. in Asia, d' Ephese, anno 431. p. 171.

Ephesinum II. Conciliabulum, sive Synodus Ephesina Latrocinialis, anno 449. pag. 197.

Apud Ephesum, corruptè pro apud Erphesfurt sequenti.

Erphordienſe, sive apud Erphesfurt, in Germania, d' Erford. an. 932. pag. 232.

Eugenii Papæ, sive Romæ sub Eugenio II. de Rome sous Eugene, anno 826. pag. 219.

F

Apud FAVENTIAM, de Fayence, nullum extat: fortè pro Placentino, anni 1095.

FLORENTINUM generale XVIII. in Italia, de Florence, an. 1438, ad 1441. pag. 189.

Forojulienſe, in Italia, de Frioul, an. 791. pag. 210.

Francicum, fortè pro Liptinenſi, de Lessines.

Francofordienſe, sive Francofurtense, in Germania, de Francfort, anno 794. p. 195.

G

GABILONENSE, lege Cabilonense.

Gangrenſe in Pontica, de Gangres, circa annum 324. pag. 198.

Gerundenſe in Hispania, de Gironne, an. 517. pag. 213.

* Gesta Pontificum Romanorum, circa an. 968.

Apud Guarmatiam, vide Vornacienſe.

Guaſtallenſe in Longobardia, sive apud Guardastallum, de Guastalla, an. 1106. pag. 222.

H

HADRIANI Papæ, de Rome sous Hadrien II. anno 868. pag. 219.

Heduenſe, vide Eduenſe, & Augustodunenſe.

Hibernense, sive Hibernicum, *d' Irlande*, fortè anni 1151. pag. 135.

Hilerdense, scribe & quare *Ilerdense*.

Hipponense, male quibusdam Hyponense, *d' Hippone*, in Africa, an. 393. pag. 203. aliquando perpetam citatur pro *Epaunensi*.

Hispalense I. in Hispania, *de Seville*, circa an. 590. pag. 214.

Hispalense II. anno 619. pag. eadem.

* Historia Tripartita, circa 528.

* Historia Miscella circa 880.

Hybernense, imò Hibernense.

I

ILERDENSE in Hispania, *de Lerida*, anno 514. pag. 215.

* Institutiones Justiniani, anno 533. pag. 385.

Joannis Papæ IX. Ravennæ habitum in Italia, ariño 904. vide Ravennate, pag. 221.

L

LAODICENSE, sive Laodicenum, *de Laodice*, in Asia, circa an. 320. pag. 200. citatur aliquando pro Carthaginensi IV.

Lateranense, sive Romanum sub Martino I. *de Rome à Saint Jean de Latran*, vide Martini.

Lateranense, sub Stephano III. an. 769. vide Romanum sub Stephano III. pag. 218.

Lateranense Eugenii II. anno 826. vide Romanum Eugenii II. p. 219.

Lateranense sub Nicolao II. anno 1059. vide Romanum Nicolai II. pag. 219.

Lateranense sub Gregorio VII. quasi generale. anno 1078. vide Romanum V. sub Greg. VII. pag. 220.

LATERANENSE I. generale IX. *premier general de Latran*, anno 1123. pag. 181.

LATERANENSE II. generale IX. an. 1129. pag. 182.

LATERANENSE III. generale XI. an. 1179. & 1180. pag. 183.

LATERANENSE IV. generale XII. an. 1215. pag. 184.

L A T E R A N E N S E V. generale XIX. an. 1511. ad 1513. pag. 190.

Leonis Papæ sine numero, de *Rome sous Leon IV.* an. 853. vide Romanum Leonis I V. pag. 219.

Leonis III. sive Romanum sub Leone III. circa annum 800. p. 219.

Leonis IX. Papæ, *Romain sous Leon 9.* circa an. 1050. pag. ead.

* Liber Diurnus, circa annum 714. pag. 806.

* Liber Pontificalis, sive de Vitis Pontificum, an. 870.

Liptinenſe, in Gallia, de *Leffines*, an. 743. pag. 230.

Londonienſe Lanfranci, sive Londinenſe, in Anglia, de *Londres*. quod & Anglicum anno 1075. pag. 233.

Londonienſe B. Anſelmi, ſeu Vveſtmonaſterienſe, an. 1101. pag. 234.

Londonienſe aliud Anſelmi, anno 1103. pag. ead.

Londonienſe ſub Alberico Oſtienſi Epifcopo Legato, an. 1138. p. 234.

Lugdunenſe II. Provinciale in Gallia, de *Lyon*, an. 567. pag. 210.

Lugdunenſe III. anno 583. pag. 210.

LUGDUNENSE I. generale XIV. anno 1243. pag. 185.

LUGDUNENSE II. generale XV. an. 1274. pag. 186.

M

M A C I E N S E, ſive apud Maciam, citatur pro Iſidoro.

Maguntinenſe, vide *Moguntinum*.

Manetenſe, lege *Nannetenſe*.

* Martini Bracarenſis, collectio eſt Canonum Orientalium, anni 572.

Conc. Martini Papæ, eſt Romanum ſive *Lateranenſe*, ſub Martino I. anni 649. Sæpe etiam citatur pro collectione *Martini Bracarenſis*.

Maticenſe, forte pro Matifcenſi: ſed citatur pro Vvormaciienſi.

Matifcenſe, aliàs Matifconenſe I. in Gallia, de *Maſcon*, anno 581. pag. 20.

Matifconenſe II. ann. 585. pag. ead.

Apud S. Medardum, de *Saint Medard*, vulgò *Saint Mard*, de *Seiſſons*. vide Sueſſionenſe II. d ij

Mediomatricis, vide *Motense*.

Mediolanense in Italia, de *Milan*, Conciliabulum, prius Catholicum; defuit in hæreticum, anno 355. pag. 15.

Meldense in Gallia, de *Meaux*, aliàs apud Meldam, an. 845. pag. 119.

Melfense, vide apud Melfiam, proximè sequenti articulo.

Melphitanum, sive apud Melfiam, in Apulia, de *Melfe*, anno 1090. pag. 122.

Me ech, lege & quære *Emeritense*.

Metense I. seu Mediomatricense in Gallia, de *Mets*, fortè anni 835.

Metense II. seu apud Metiam, an. 838. pag. 127.

Milevitanum II. in Africa, de *Mileve*, an. 416. pag. 104.

Moguntinum, seu Moguntiacense, aliàs Maguntinense, in Germania, de *Mayence*, an. 813. p. 223. citatur aliquando pro Cabilonenfi II.

Moguntinum I. sub Rabano Archiepiscopo, an. 847. pag. 131.

Moguntinum II. sub eodem Rabano, anno 848.

Moguntinum III. sub eodem anno 852.

N

NANNETENSE in Gallia, de *Nantes en Bretagne*, anno 890. pag. 227.

Navatenehsè perperam pro *Nannetensi*.

Neocæsariense in Pontica, de *Neocæsarée*, circa an. 314. p. 198.

NICÆNUM I. Oecumenicum, in Bithynia, de *Nicée*, an. 325. vide pag. 158.

NICÆNUM II. ibidem, Oecumenicum VII. an. 787. pag. 180.

Nona Synodus Oecumenica, vide Concilium *Lateranense* I. generale.

* Novellæ Justiniani, sive Authenticum, circa an. 560.

O

OSTAVA Synodus, vide Concilium *Constantinopolitanum* IV. generale VII.

* Oxoniense, in Anglia, de *Oxford*, an. 1222.

P

PARISIENSE III. quod & absolute Parisiense, in Gallia, *de Paris*.
anno 557. pag. 209.

Parisiense V. an. 615. pag. 209.

Parisiense VI. an. 829. p. 224.

Pictavense in Gallia, *de Poitiers*, an. 1078. pag. 229.

Pictavense aliud anni 1100. ead. pag. 220.

PISANUM in Italia, generale, *de Pise*, an. 1409. pag. 187.

Pistenſe, seu apud Pistas, in Gallia, *de Pistres*, an. 863.

Placentinum sive Placentiæ in Italia, *de Plaisance*, an. 1095. pag. 222.

* Pœnitentiale Theodori Cantuariensis, circa annum 660. pag. 499.

* Pœnitentiale venerabilis Bedæ, sive Egberti, circa an. 710. pag. 501.

* Pœnitentiale Romanum posterius, circa annum 850. pag. 503.

Q

QUINISEXTA Synodus, sive *Trullana*, quæ & pro *Sexta* aliquan-
do citatur: est Concilium Constantinopolitanum in Trullo
Palatii, anni 692.

Quinta Synodus, vide Constantinopolitanum II. Concilium.

R

RAVENNATÆ, sive Synodus Ravennæ in Italia sub Joanne VIII.
anno 877. pag. 221.

Ravennate aliud sub Joanne IX. an. 904. pag. 221.

Ravennate sub Gregorio V. an. 997. pag. 221.

Regia-Ticina Synodus, pro Ticinensi.

Regienſe, seu Reienſe, *de Riez*, an. 439. pag. 206.

Remenſe, seu Rhemenſe in Gallia, *de Rheims*, an. 630. pag. 220.

Remenſe II. an. 813. pag. 223.

Remenſe tempore Leonis IX. an. 1049. pag. 228.

Rhemenſe, vide Remenſe.

Romanum I. sub Silvestro in Italia, *de Rome*, an. 315. pag. 215.

Romanum II. sub eodem, an. 324. ead. pag.

Romanum III. sub Silvestro an. 325. pag. ead.

Romanum II. sub Julio contra Arianos, an. 342.

Romanum Leonis II. an. 445.

Romanum sub Hilario, seu Hilario, an. 467. pag. 216.

Romanum sub Gelasio, an. 494. pag. 217.

Romanum I. sub Symmacho an. 499. pag. 217.

Romanum II. sub eodem an. 500. ead. pag.

Romanum III. sub eodem, an. 501. ead. pag.

Romanum IV. sive Synodus *Palmaris*, sub eod. an. 502. pag. ead.

Romanum V. & VI. ejusdem, an. 503. ibidem.

Romanum III. sub Gregorio I. sive *Lateranense*, an. 601. pag. 217.

Romanum II. sub Gregorio I. an. 595. pag. 217.

Romanum sub Bonifacio III. an. 606. pag. 217.

Romanum sub Joanne IV. an. 641.

Romanum seu *Lateranense* sub Martino I. quod dicitur etiam Martini Papae, an. 649. pag. 217.

Romanum I. sub Gregorio Juniore, in Basilica sancti Petri, anno 721. pag. 218.

Romanum II. sub Gregorio III. an. 732.

Romanum sub Zacharia, an. 743. pag. 218.

Romanum sub Stephano III. an. 769. pag. 218.

Romanum Leonis III. anno 800. pag. 219.

Romanum sub Eugenio II. anno 826. pag. 219.

Romanum sub Leone IV. anno 855. pag. ead.

Romanum sub Nicolao III. an. 863.

Romanum Conciliabulum Leonis VIII. sic falso dicti Antipapae, anno 961. pag. 220.

Romanum sub Leone IX. an. 1050. pag. 219.

Romanum sub Nicolao II. an. 1059. pag. 219.

Romanum I. Alexandri II. anno 1063. ead. pag.

Romanum II. & III. sub eod. 1065 pag. 220.

Romana sub Gregorio VII. an. 1074. & seqq. pag. 220.

Romana sub Urbano II. anno 1089. & 1099. pag. 220.

Rothomagenſe I. ſive Rotomagenſe , in Gallia, *de Rouen*, an. 1050. pag. 218.

Rothomagenſe II. an. 1072. ead. pag.

S

SALICUNSTADIENSE, ſeu Salegunſtanum , in Rhetia, *de Salgunſtat*, an. 1022. pag. 233.

Sardicenſe , quaſi generale , in Dacia, *de Sardique*, an. 347. p. 192.

Sardicenſe Conciliabulum, eod. anno pag. 192. ſub ſinem.

Senonenſe in Gallia, *de Sens*, an. 920. aliud an. 1140. contra Abelardum.

Sexta Synodus eſt CONSTANTINOPOLITANA III.

Septima Synodus eſt NICÆNA II.

Spalenſe , lege *Hiſpalenſe*.

Sueſſionenſe II. in Gallia, *de Soiſſons*, ſeu apud ſanctum Medardum, an. 853. pag. 215.

Silvaneſenſe in Gallia, *de Senlis*, vide apud *Convicinium*, an. 863.

Sirmienſe Conciliabulum, in Pannonia, ex parte Catholicum, *de Sirmium*, ou *Sirmifch*, an. 357. pag. 195.

Synodus Chalcedonenſis, Nicæna, Romana &c. vide *Chalcedonenſe*, *Nicanum*, *Romanum Concilium*.

Synodus generalis ſub Innocentio. Vide *Lateranenſe*.

Synodus in Trullo. Vide *Conſtantiopolitanum*.

Synodus ſub Juſtiniano congregata, eſt VII. ſive Concilium *Nicænum II.* ſub Juſtiniano 2.

Stephani Papæ III. habitum in Bâſilica Conſtantiſiana. Vide *Romanum* ſeu *Lateranenſe* Stephani 3.

T

- T**ARRACONENSE in Hispania, *de Tarragone*, an. 516. p. 213.
 Taurinate, seu Taurinense, in Subalpinis, *de Turin*, circa anno 347.
 pag. 205.
 Apud Tanfiacum, lege apud *Carifiacum*.
 Apud Theodonis-villam, in Gallia, *de Thionville*, an. 821. pag. 224.
 Teleptense, aliàs Telenſe, in Africa, an. 418. pag. 204.
 Ticinense in Longobardia, *de Pavie*, an. 855. pag. 211.
Tyrinum in oriente Conciliabulum, *de Tyr*, an. 335.
 Toletanum, absolute pro non uno priorum Toletanorum citatur,
 Toletanum I. in Hispania, *de Toledo*, an. 400. pag. 211.
 Toletanum II. anno 531. pag. 212.
 Toletanum III. an. 589. in quo Vvisigothi Catholicam fidem amplexi
 sunt. pag. 212.
 Toletanum IV. anno 633. pag. ead.
 Toletanum V. anno 636. eadem pag.
 Toletanum VI. anno 638. ibid.
 Toletanum VII. anno 646. pag. quoque 212.
 Toletanum VIII. anno 653. etiam pag. 212.
 Toletanum IX. anno 655. eadem pag.
 Toletanum X. anno 656. pag. eadem.
 Toletanum XI. anno 675. pag. ead.
 Toletanum XII. anno 681. pag. 213.
 Toletanum XIII. anno 683. pag. 213.
 Toletanum XVI. anno 693. pag. ead.
 Trecentense, seu Tricassantinum, in Gallia, *de Troyes*, an. 878. pag. 225.
 Triburienſe in Germania cis Rhenana, sive Gallica, *de Tribur ou Tricure*,
 anno 895.
 Triburienſe

Triburiense III. anno 1036.

TRIDENTINUM, in Italix & Germanix confinio generale ultimum;
de Trente, ab anno 1545. ad 1563. pag. 190.

Troileianum in Gallia, *de Trouilly*, anno 909. pag. 227.

Tullense I. sive apud Saponarias, *de Toul en Lorraine*, an. 859. p. 226.

Tullense II. apud Tusiaceum, anno 860. pag. ead.

Turonense sive Turonicum I. in Gallia, *de Tours*, an. 461. pag. 206.

Turonense III. aliàs II. an. 813. pag. 223.

Turonense aliud, quod quidam III^m. vocant, sub Alexandro III. an.
1163. pag. 194.

V

VALENTINUM I. in Gallia, sive apud Valentiam, *de Valence en Dauphiné*, anno 374. pag. 205.

Valentinum III. anno 855. pag. 225.

Valentinum Hispanicum, anno 524. pag. 213.

Vasense, seu Vasionense, perperam Varense, in Gallia, *de Vaison*,
anno 519. pag. 206.

Veneticum in Gallia, *de Vannes en Bretagne*, an. 465. pag. 205.

Apud Vermeriam, sive Vermeriense, in Gall. *de Verberie*, an. 753. p. 223.

Viennense in Gallia, *de Vienne en Dauphiné*, anno 891.

VIENNENSE generale XV. in Gallia, *de Vienne* an. 1311. pag. 186.

Urbani Papæ, celebratum Alvernix: vide *Claremontanum*.

Urbani, sive Urbanense, habitum in Apulia, idem cum *Melphitano*.

Urbani II. Placentix, vide *Placentinum*.

Urbanense, perperam citatur pro Arvernensi I. anni 535. pag. 109.

Urbicum, videtur citari pro *Autissiodorensi*.

Vormacienense, sive apud Vvarmariam, vel apud Guarmaciam, in Germania, *de Vormes*, circa annum 868.

III.

INDEX ALPHABETICUS ROMANORUM
PONTIFICUM.Numero sive
ordine.

A

LXXVII.

A DRODATUS, iniiit an. 671. sedit annos 7. mens. 4.
dies 17.

Adrianus, vide Hadrianus.

LVIII.

Agapetus I. iniiit 511. sedit mens. 10. d. 14. aut 18.

CXXX.

Agapetus II. iniiit 946. sedit an. 9. men. 7. d. 19.

LXXX.

Agatho, iniiit 678. sedit an. 3. men. 6. dies 25. Vide Præ-
not. pag. 291.

VII.

Alexander I. iniiit 119. sedit an. 20. men. 5. dies 20. vide
Prænot. pag. 256.

CLIV.

Alexander II. iniiit 1061. sedit an. 11. dies 21. v. Prænot.
pag. 300.

CLXVIII.

Alexander III. iniiit 1159. sedit an. 21. men. 11. dies 25
v. Prænot. pag. 303.

CLXXIX.

Alexander IV. iniiit 1254. sedit an. 6. mens. 5. dies 4.
v. pag. 307.

CCIV.

Alexander V. in. 1409. sedit mens. 10. dies 8.

CCXIV.

Alexander VI. in. 1422. sedit an. 11. dies 8.

CCXXXVII.

Alexander VII. iniiit 1655. f. an. 12. men. 1. dies 15.

V.

Anacletus I. iniiit 101. f. an. 9. men. 3. dies 10. v. pag. 255.

Anacletus II. seu Petrus Leonis. Antipapa, 1130.

XL.

Anastasius I. in. 398. f. an. 4. men. 1. dies 13. v. p. 274.

LI.

Anastasius II. in. 496. f. an. 1. men. 11. d. 23. v. p. 282.

CXXI.

Anastasius III. iniiit an. 910. f. an. 2. mens. 2.

CLXVI.

Anastasius IV. in. 1153. f. an. 1. men. 4. d. 24.

XII.

Anicetus in. 165. f. an. 7. men. 8. dies 24. v. pag. 259.

XX.

Anterus iniiit 235. f. mens. 1. vide pag. 263.

B

LXIII. **B**ENEDICTUS I. iniiit 573. sedit an. 4. mens. 2. dies 15. vide Prænot. pag. 287.

LXXXII. Benedictus II. iniiit 684. men. 8. dies 17. vide pag. 292.

CVI. Benedictus III. 855. an. 2. men. 6. dies 10.

CXVII. Benedictus IV. 905. per aliquot menses.

CXXXII. Benedictus V. 964. an. 1. circiter.

CXXXV. Benedictus VI. 971. an. 1. mens. 3. dies aliquot.

CXXXVI. Benedictus VII. 975. an. 9.

CXLIV. Benedictus VIII. 1013. an. ferè 12.

CXLVI. Benedictus IX. 1034. an. 10. menses aliquot.

Benedictus X. seu Joannes Mincius Antipapa. 1059.

CXCII. Benedictus XI. 1103. menses 8. dies 17.

CXCV. Benedictus XII. 1134. an. 7. men. 4. dies 6.

Benedictus XIII. Antipapa, Petrus de Luna dictus. 1394.

XLIII. Bonifacius I. 418. an. 4. mens. 9. dies 28. v. pag. 277.

LVI. Bonifacius II. 530. an. 2. dies 2. v. pag. 284.

LXVII. Bonifacius III. 606. men. 8. dies 23. v. pag. 290.

LXVIII. Bonifacius IV. 607. an. 6. mens. 8. dies 13.

LXX. Bonifacius V. 617. an. 7. men. 10. dies 1.

Bonifacius VI. 897.

Bonifacius VII. Franco Antipapa. 974.

CXCI. Bonifacius VIII. 1294. an. 8. men. 9. dies 18.

CCI. Bonifacius IX. 1389. an. 14. men. 11.

C

XLIV. **C**ALESTINUS I. iniiit 417. sedit an. 8. mens. 5. dies 3. vide Prænot. pag. 217.

CLXIII. Celestinus II. iniiit 114. sedit menses 5. dies 13. v. p. 302.
e ij

CLXXIII. Cælestinus III. 1191. an. 6. men. 8. dies 28. pag. 304.

CLXXVII. Cælestinus IV. 1241. dies 18.

CXC. Cælestinus V. 1294. mens. 5. dies 8.

XXIX. Caius 283. an. 12. men. 4. d. 5. pag. 266.

XVII. Callistus I. 219. an. 5. men. 1. d. 12. pag. 262.

CLX. Callistus II. 1119. an. 5. men. 10. d. 13. pag. 302.

CCIX. Callistus III. 1455. an. 3. men. 5. d. 29. pag. 311.

Callistus sive Theobaldus . 1124.*Callistus III. seu Joannes Abbas Stranensis Antipapa* . 1122.

CXIX. Christophorus 906. mens. 7.

IV. Clemens I. 91. an. 9. men. 6. dies 6. pag. 252.

CXLVIII. Clemens II. 1046. mens. 9.

CLXXII. Clemens III. 1188. an. 3. men. 2. dies 10. pag. 304.

CLXXXI. Clemens IV. 1265. an. 3. men. 9. dies 2. pag. 307.

CXCIII. Clemens V. 1305. an. 8. men. 10. dies 16. pag. 309.

CXCVI. Clemens VI. 1342. an. 10. mens. 6. d. 29. pag. 310.

CCXIX. Clemens VII. 153. an. 10. men. 10. d. 7.

CCXXXI. Clemens VIII. 1592. an. 13. men. 1. d. 3.

CCXXXVIII. Clemens IX. init 1667.

CCXXXIX. Clemens X. init 1670.

Clemens III. Antipapa . seu Guibertus Ravenna Archiepiscopus . 1080.*Clemens VII. Robertus Gebennensis Episcopus Antipapa* . 1378.*Clemens VIII. Aegidius Antipapa Panischole* . 1424.

III. Clerus init an. 78. an. 12. men. 7. dies 2.

LXXXIV. Cono 686. men. 11. dies 23.

LXXXIX. Constantinus 708. an. 6. men. 1. dies 2.

Constantinus Antipapa . 768.

XXII. Cornelius . 251. an. 4. dies 17. pag. 264.

D

XXXVIII. **D**AMASUS I. iniit 367. fedit an. 17. mens. 1. dies 27. vide Prænot. pag. 273.

CXLIX. Damasus II. iniit 1048. fedit dies 23.

LXIX. Deus-dedit 614. an. 2. men. 11. dies 26. pag. 290.

XXVI. Dionysius, 158. an. 12. mens. 3. dies 14. pag. 265.

Dioscorus Antipapa quintus, 530.

LXXIX. Donnus I. 676. an. 1. mens. 5. dies 10.

CXXXIV. Donnus II. 971. menses 3.

E

XIV. **E**LEUTHERUS iniit 177. fedit an. 15. dies 23. vide Prænot. pag. 260.

VI. Evaristus, in. no. fedit an. 9. men. 3. pag. 256.

LXXVI. Eugenius I. 655. men. 5. aut 6. ad d. 23.

CI. Eugenius II. 824. an. 3. men. 2. dies 23. pag. 296.

CLXV. Eugenius III. 1145. an. 8. mens. 4. dies 13. pag. 303.

CCVII. Eugenius IV. 1431. an. 15. men. 11. dies 20. pag. 310.

Enalcius Antipapa tertius, 418.

XXXII. Eusebius, 309. an. 2. men. 8. dies 21. pag. 268.

XXVIII. Eutychianus, 275 an. 8. men. 6. dies 4. pag. 266.

F

XXI. **F**ABIANUS iniit 236. fedit annos 15. dies 5. vide Prænot. pag. 263.

XXVII. Felix I. iniit 270. fedit an. 4. men. 4. dies 29. pag. 265.

Felix cum Liberio, 356.

XLIX. Felix II. 483. an. 8. men. 11. dies 12. pag. 272.

LV. Felix III. 526. an. 3. men. 3. dies 14. pag. 280.

Felix IV. Amedeus, Dux Sabaudia, Antipapa, 1439. vide pag. 283.

CXIII. Formosus, 890. an. 6. menses 6.

- L. **G**ELASIUS I. iniiit 492. fedit annos 4. menses 8.
dies 19. vide PRÆNOT. pag. 219.
- CLXIX. Gelafius II. 1118. an. 1. dies 4. pag. 301.
- LXV. Gregorius I. 590. an. 13. men. 6. dies 10. pag. 288.
- XC. Gregorius II. 714. an. 16. men. 8. dies 20. pag. 293.
- XCII. Gregorius III. 731. an. 10. men. 9. dies 12. pag. 294.
- CIII. Gregorius IV. 827. an. 15. menf. 14. pag. 296.
- CXXXIX. Gregorius V. 996. an. 2. men. 8. dies 6.
- CXLVII. Gregorius VI. 1044. an. 2. menf. 8.
- CLV. Gregorius VII. 1073. an. 12. menf. 1. dies 3. pag. 300.
- CLXXI. Gregorius VIII. 1187. duos fere menses. p. 304.
- CLXXVI. Gregorius IX. 1227. an. 14. men. 5. dies 3. pag. 305.
- CLXXXII. Gregorius X. 1271. an. 4. men. 4. dies 10. pag. 307.
- CXCIX. Gregorius XI. 1371. an. 7. men. 2. dies 24.
- CCIII. Gregorius XII. 1406. an. 2. menf. 6. dies 14.
- CCXXXVI. Gregorius XIII. 1572. an. 12. men. 10. d. 29.
- CCXXXIX. Gregorius XIV. 1590. men. 10. dies 10.
- CCXXXIV. Gregorius XV. 1621. an. 2. men. 5.

Gregorius Antipapa, 1013.

- XC VII. **H**ADRIANUS I. iniiit 772. fedit an. 23. men. 30.
dies 17. vide PRÆNOT. pag. 294.
- CVIII. Hadrianus II. iniiit 867. fedit an. 4. menf. 10. dies 17.
pag. 297.
- CXI. Hadrianus III. 884. an. 1. men. 3. dies 19.
- CLXVII. Hadrianus IV. 1154. an. 4. men. 8. dies 29.
- CLXXXIV. Hadrianus V. iniiit 1176. fedit dies 29.
- CCXVIII. Hadrianus VI. 1522. an. 1. menf. 8. dies 6.

- XLVII. Hilarus iniiit 461. ſedit an. 5. men. 9. dies 19. v. pag. 180.
LXXI. Honorius I. in. 616. ſ. an. 12. men. 4. dies 17. v. pag. 190.
CLXI. Honorius II. 1124. an. 5. men. 1. dies 17 pag. 301.
CLXXXV. Honorius III. 1216. an. 10. menſes 8. pag. 305.
CLXXXVIII. Honorius IV. 1285. an. 2. & diem unum.

Honorius II. ſeu Cadalous. Antipapa. 1061.

- LIII. Hormiſdas 514. an. 9. dies 10. pag. 281.
X. Hyginus 151. an. 3. dies 18. pag. 258.

I

- XLI. **I**NNOCENTIVS I. iniiit 402. ſedit an. 15. menſes 2.
dies 10. vide Prænot. pag. 276.
CLXII. Innocentius II. 1130. ann. 13. men. 7. dies 10. v. p. 302.
CLXXIV. Innocentius III. 1199. ann. 18. menſ. 6. dies 9. p. 304.
CLXXXVIII. Innocentius IV. 1241. an. 11. men. 5. dies 14. pag. 306.
CLXXXIII. Innocentius V. 1276. menſes 5. dies 5.
CXC VII. Innocentius VI. 1352. an. 9. men. 8. dies 20.
CCII. Innocentius VII. 1404. an. 2. dies 22.
CCXIII. Innocentius VIII. 1484. an. 7. men. 10. dies 27.
CCXXX. Innocentius IX. 1591. menſes 2.
CCXXXVI. Innocentius X. 1644. an. 10. men. 3. dies 22.
CCXL. Innocentius XI. iniiit 1676.
LIV. Joannes I. 523. an. 2. men. 9. dies 14. pag. 285.
LVII. Joannes II. 532. an. 2. men. 8. pag. 284.
LXII. Joannes III. 559. an. 12. menſ. 11. dies 16. pag. 286.
LXXIII. Joannes IV. 640. an. 1. menſ. 9. dies 6.
LXXXIII. Joannes V. 685. an. 1. dies 15.
LXXXVI. Joannes VI. 701. an. 3. men. 2. dies 12.
LXXXVII. Joannes VII. 705. an. 2. men. 7. dies 17.

- CIX. Joannes VIII. iniiit 872. sedit an. 10. diem unum,
 CXVI. Joannes IX. iniiit 901. sedit an. 3. dies 15.
 CXXIII. Joannes X. 913. an. 15.
 CXXVI. Joannes XI. 931. an. 4. men. 10.
 CXXXI. Joannes XII. 555. an. 9. aut 10.
 CXXXIII. Joannes XIII. 965. an. 6. men. 11. dies 5.
 CXXXVII. Joannes XIV. 984. an. 1. & aliquot mens.
 CXXXVIII. Joannes XV. 985. an. 10. men. 4. dies 13,
Joannes XVI. Antipapa
 CXL I. Joannes XVII. 1003. menses 5.
 CXLII. Joannes XVIII. 1003. an. 5. men. 7. dies 28.
 CXLV. Joannes XIX. 1024. an. 2. mens. 8.
Joannes XX. Antipapa . 1043. ideoque emissus.
 CLXXXV. Joannes XXI. 1276. men. 8. dies 8.
 CXCIV. Joannes XXII. 1316. an. 18. men. 3. dies 28. pag. 309.
 CCV. Joannes XXIII. 1410. an. 2. dies 15.
Joannes Diaconus Antipapa . 844.
 XXXVI. Julius I. 326. an. 15. men. 5. dies 17. pag. 270.
 CCXVI. Julius II. 1502. an. 9. men. 3. dies 21.
 CCXXI. Julius III. 1550. an. 5. men. 1. dies 16,

L.

- CXXII. **L** ANDO iniiit 912. sedit aliquot menses.
Laurentius Antipapa quartus . 498.
 XLVI. Leo I. iniiit 440. sedit annos 20. men. 11. v. pag. 278.
 LXXI. Leo II. 683. mens. 10. dies 14. v. pag. 291.
 XCVIII. Leo III. 795. an. 20. men. 5. dies 17. v. pag. 295.
 CV. Leo IV. 847. an. 8. mens. 3. dies 5. v. pag. 296.
 Leo V,

- CXVIII. Leo V. iniiit 906. fedit dies 40.
 CXXIV. Leo VI. 918. menf. 6. dies 15.
 CXXVII. Leo VII. 938. an. 3. men. 6.
Leo VIII. ab Othone intrufus, 962.
 CL. Leo IX. 1049. an. 5. men. 2. dies 7. pag. 299.
 CCXVII. Leo X. 1513. an. 8. dies 20.
 CCXXXII. Leo XI. 1605. dies 27.
 XXXVII. Liberius 352. an. 15. men. 4. dies 2. pag. 271.
 II. Linus 67. an. 11. men. 2. dies 23.
 XXIII. Lucius I. 253. an. 1. men. 4. pag. 264.
 CLXIV. Lucius II. 1144. men. 11. dies 14. pag. 303.
 CLXIX. Lucius III. 1181. an. 4. men. 2. dies 18. idem.

M

- XXX. **M**ARCELLINUS iniiit 296. fedit an. 7. menf. 11. dies 26.
 XXXI. Marcellus I. iniiit 304. fedit an. 4. men. 1. d. 25. p. 267.
 CCXXII. Marcellus II. 155. dies 21.
 XXXV. Marcus 336. an. 8. dies 22. pag. 269.
 CX. Marinus I. 882. an. 1. dies 20.
 CXXIX. Marinus II. 942. an. 3. men. 4. dies 13.
 LXXV. Martinus I. 649. an. 5. men. 4. dies 10. pag. 291.
 CLXXVII. Martinus dictus IV. 1281. an. 4. men. 1. dies 7.
 CCVI. Martinus dictus V. 1417. an. 13. men. 3. dies 12. pag. 310.
Mauricius Burdinus Bracar. Archiep. Antipapa. 1113.
 XXXIII. Melchiades, 311. an. 2. men. 2. dies 7. pag. 268.

N

- CVII. **N**ICOLAUS I. iniiit 858. fedit annos 9. menfes 6. dies 20. vide Prænot. pag. 296.
 CLIII. Nicolaus II. iniiit 1059. fedit an. 2. men. 6. pag. 299.

- CLXXXVI. Nicolaus III. iniiit 1277. sedit an. 2. men. 9. dies 2.
 CLXXXIX. Nicolaus IV. 1287. an. 4. menf. 1. dies 14.
 CCVIII. Nicolaus V. 1447. an. 8. dies 19.
Novatianus Antipapa primus 251.

P

- C. PAsCHALIS I. iniiit 817. se lit annos 7. menses 3.
 dies 16. vide PRænot. pag. 295.
 CLVIII. Paschalis II. 1099. an. 13. men. 5. dies 4.
Paschalis Antipapa . 687.
Paschalis III. seu Guido Cremensis, Antipapa . 1160.
 XCV. Paulus I. 757. an. 10. men. 10.
 CCXI. Paulus II. 1464. an. 6. men. 10. dies 26. v. pag. 311.
 CCXX. Paulus III. 1534. an. 15. dies 13.
 CCXXIII. Paulus IV. 1555. an. 4. men. 2. d. 24.
 CCXXXIII. Paulus V. 1505. an. 15. men. 8. dies 12.
 LXI. Pelagius I. 555. an 3. men. 10. dies 18. pag. 286.
 LXIV. Pelagius II. 577 an. 12. men. 2. dies 27. pag. 287.
 I. S. PETRUS iniiit 43. f. an. 24. men. 5. dies 10. pag. 150.
Petrus Antipapa , 686.
 XI. Pius I. 156. an. 9. men. 5. dies 27. pag. 258.
 CCX. Pius II. 1458. an. 5. menf. 12. dies 27.
 CCXV. Pius III. 1503. dies 26.
 CCXXIV. Pius IV. 1559. an. 5. men. 11. dies 15.
 CCXXV. Pius V. 1566. an. 6. men. 3. dies 24.
 XIX. Pontianus 231. an. 4. dies 6. pag. 262.

R

R OMANUS Galefinius Antipapa , 897.

S

- LXVI. **S**ABINIANUS inuit 604. fedit menf. 5. dies 19.
- LXXXV. Sergius I. 687. an. 13. men. 8. dies 14. pag. 293.
- CIV. Sergius II. 844. an. 3. men. 1. dies 2.
- CXX. Sergius III. 907. an. 13. men. 4.
- CXLIII. Sergius IV. 1009. an. 2. men. 8. dies 13.
Sergius Antipapa, 890.
- LXXII. Severinus 640. annos 2. dies 4.
- LIX. Silverius 536. an. 4.
- XXXIV. Silvester I. 314. an. 21. men. 11. v. pag. 259.
- CXL. Silvester II. 999. an. 4. menf. 2. aut 3. pag. 298.
Silvester III. Antipapa, 1043.
- XLVIII. Simplicius 467. an. 15. men. 5. dies 10. pag. 280.
- XXXIX. Siricius 385. an. 13. men. 1. dies 14. pag. 274.
- LXXXVIII. Sisinus 708. dies 20. pag.
- VII. Sixtus I. 130. an. 9. men. 10. d. 8. pag. 256.
- XXV. Sixtus II. 257. an. 11. dies 13. v. pag. 255.
- XLV. Sixtus III. 432. an. 7. men. 11. pag. 278.
- CCXII. Sixtus IV. 1471. an. 13. dies 5. v. pag. 311.
- CCXXVII. Sixtus V. 1585. an. 5. men. 4. dies 3.
- XIII. Soter 173. an. 3. men. 11. dies 21. v. pag. 559.
- XXIV. Stephanus I. 255. an. 2. men. 3. dies 22. pag. 264.
- XCIII. Stephanus omitri folitus. 752. dies 4.
- XCIV. Stephanus II. 752. an. 5. dies 10. pag. 294.
- XCVI. Stephanus III. 768. an. 3. men. 5. dies 12. Ibidem.
- XCIX. Stephanus IV. 816. an. 1. men. 7. dies 3. Ibidem.
- CXII. Stephanus V. 885. an. 6. & dies aliquot.
f ij

- CXIV. Stephanus VI. iniiit 897. sedit an. 3. aur 4.
 CXXV. Stephanus VII. 929. an. 2. men. 1. dies 15.
 CXXVIII. Stephanus VIII. 939. an. 3. men. 4. dies 5.
 CLII. Stephanus IX. 1057. octo fere menses. pag. 299.
 LII. Symmachus 498. an. 15. men. 7. dies 27. pag. 282.

T

- IX. **T**HEOPHORUS iniiit 140 sedit annos 11. menses 8.
 dies 29. vide Praenot. pag. 157.
 LXXIV. Theodorus I. iniiit 642. sedit an. 7. men. 5. dies 10.
 CXV. Theodorus II. 901. dies 20.
Theodorus Antipapa, 686. & 687.
Theophylactus Antipapa, 757.

V

- CII. **V**ALENTINUS iniiit 827. sedit dies 40.
 XV. Victor I. iniiit 192. sedit an. 9. mens. 1. dies 28. p. 160.
 CLII. Victor II. 1054. an. 2. men. 6. pag.
 CLVI. Victor III. 1086. mens. fere 10.
Victor III. seu Gregorius, Antipapa 1140.
Victor IV. Octavianus, Antipapa 1159.
 LX. Vigilius 540. an. 15. mens. 6. pag. 285.
 LXXVII. Vitalianus 656. an. 13. men. 4. dies 27.
 XVIII. Urbanus I. 224. an. 6. men. 7. dies 4. pag. 262.
 CLVII. Urbanus II. 108. an. 11. men. 4. dies 18.
 CLXX. Urbanus III. 118. an. 1. men. 10. dies 25.
 CLXXX. Urbanus IV. 1261. an. 3. men. 1. dies 4. pag. 307.
 CXCVIII. Urbanus V. 1362. an. 8. men. 1. dies 23. pag. 310.
 CC. Urbanus VI. 1378. an. 11. men. 6. dies 6.

CCXXVIII. Urbanus VII. 1590. dies 13.

CCXXXV. Urbanus VIII. 1623. an. 20. men. 11. dies 22.

Urcisinus, sive Ursinus = Antipapa 367.

X

X Ysrus, vide *Sixtus*.

Z

XCII. ZACHARIAS iniiit 741. sedit annos 10. menses 3.
dies 10. vide *Prænot.* pag. 294.

XVI. Zephyrinus iniiit 201. sedit an. 18. dies 18. pag. 161.

Zinzimus, Antipapa. 824.

XLII. Zosimus 417. an. 1. men. 4. dies 7. pag. 277.

I V.

CATALOGUS SIVE INDEX,
Chronologicus Episcoporum *Byzantii* & Patriar-
charum *CONSTANTINOPOLEOS*, partim ex
Nicephoro, partim ex Jure Græco-Romano,
aliisque scriptoribus.

Seculo I.

1. **A**NDREAS Apostolus Evangelii apud Byzantium præco, ora-
torium extruxit in Aegyropoli. Ordinavit Episcopum Urbis
illius Stachys, cujus meminit Paulus in Epistola ad Romanos.

2. *Stachys* jam dictus, qui in Episcopatu vixit annos 16.

3. *Onesimus*, Philemonis servus, annos 14.

4. *Polycarpus*, annos 17.

Seculo II.

5. *Plutarchus*, annos 15.

6. *Sedecion*, sive Sedecias, annos 9.

7. *Diogenes*, annos 15.

8. *Eleutherius*, annos 7.

9. *Felix*, annos 5.

10. *Polycarpus*, (qui à quibusdam omittitur) annos 17.

11. *Athenodorus*, seu Athenogenes: hic alteram ædem extruxit in loco
dicto Elza, ubi Synaxes habebat, annos 4.

12. *Euxoïus*, annos 15.

13. *Laurentius*, annos duos, menses 6.

14. *Alypius*, annos 13. menses 6.

15. *Pertinax*, vir consularis. Hic aliam ædem extruxit in loco mari-
timo, quem *Sycas* vocant (hodie Pera, sive Galata) eique adi *Irenes*
sive *Pacis* nomen indidit. Sedit annos 19.

Seculo III.

16. *Olympianus*, annos undecim.

17. *Marcus*, annos 13.

18. *Cyriacus*, annos 16.

} Omisssi à Scaligero. Nice-
photi exscriptore.

19. *Castinus*, sive Cestenus, qui sanctæ Euphemie, tunc martyrium passæ, eidem confidit in loco; cui nomen Petrium: sedit annos 7.
20. *Titus*, sive Taratus Citites, annos 35. menses 6.
21. *Domitius*, sive Domitianus, frater Probi Imperatoris, annos 24. aliis 21. menses 6.
22. *Probus*, ejusdem Domitii filius, annos 12.

Seculo IV.

Hi fuere Episcopi Byzantini ante Constantinum, sub quo cepit Metrophanes, quem Græci primum Patriarcham Constantinopolitanum jactant.

1. *Metrophanes*, prædicti Domitii filius, Probi Episcopi frater & Probi Imperatoris fratris filius, cepit circa annum 314. sedit annos 10. atque Alexandrum sibi substituendum curavit.
2. *Alexander*, imperante eodem Constantino Magno, cepit anno, ut volunt, 317. sedit annos 23.
3. *Paulus*, Confessor dictus, quia diem obiit in confessione, intra altare strangulatus: cepit anno 340 sæpius se de sua depulsus à Constantio Imperatore, semel restitutus per Constantem.
4. * *Eusebius*, Arianus intrusus, primum Beryti, dein Nicomediæ, postea Constantinopolis antistes, translatus à Constantio anno 340. ejecto Paulo, se lit annos 2.
5. * *Macedonius* Presbyter ejusdem Ecclesiæ, qui ab oppugnatione Spiritu sancto Pneumatomachi cognomen tulit, electus ab Arianis anno 342. intro ducitur à Constantio anno 351. abdicatur in Concilio Constantinopolitano ab Acacio, anno 359.
6. * *Endoxius* Arianus, prius Germaniciz, deinde Antiochiæ Episcopus, translatus Constantinopolim à Constantio, anno 359.
7. *Eusebius* Orthodoxus, ordinatus ab Eustathio Antiocheno an. 370. sed à Valente Imperatore in exilium actus.
8. * *Demophilus*, Siniarianus, qui prius fuerat Berthæ in Thracia Episcopus, intruditur à Constantio anno 378. sedit annos undecim, menses 5.
9. *Gregorius* Theologus, qui & *Nazianzenus*, sub Theodosio magno, cepit 378. ac post annos 3. ad sua rediit, sæpius turbatus ab Arianis, à quibus adversus eum intrusus *Maximus* Alexandrinus, ex Philosopho Cynico Arianus.
10. *Nectarius*, Magistratum gerens, & adhuc Catechumenus, Arcadio

Imperatore, à centum & quinquaginta sanctis Patribus Concilii Constantinopolitani simul baptizatus ac consecratus Episcopus, anno 381. sedit annos 16. menses 3. aliis 6.

11. *Joannes*, presbyter Antiochenus, cognomento *Chrysostomus*, anno 398. sedit annos 5. menses 6. deinde in exilium actus.

Seculo V.

12. *Arsacius* Presbyter, Nectarii frater, cepit an. 404. sedit annos 2.

13. *Atticus* Presbyter, sub Theodosio Juniore creatus, an. 405. vivente adhuc Chrysostomo exule, sedit annos 10.

14. *Sisinnius* cepit 426. sedit annum 1. menses 10.

15. * *Nestorius* ex Monacho & Presbytero Antiocheno, frater Nectarii, hæresiarcha: cum Christum deum esse negaret, apud Oasim exulare jussus, cepit an. 428. sedit annos 3. menses 2.

16. *Maximianus* Presbyter Constantinopolitanus, cepit an. 431. sedit annos 2. menses 5.

17. *Proclus*. prius Cyzici Episcopus ordinatus, cepit anno 434. sedit annos 12. menses 3.

18. Sanctus *Flavianus*, Presbyter à Dioscoro ejectus in Synodo latrocinali Ephesina, cepit an. 446. sedit annos duos, menses 10.

19. * *Anatolius* Presbyter, Apocrisiarius Dioscori, sub Marciano & Leone Magno, cepit an. 449. sedit annos 8. menses 8.

20. *Gennadius*, anno 458. Is a torandi gratia Hierosolymam profectus, in reditu obiit in Cypto: sedit annos 13. menses 2.

21. * *Phraitas*, sive Flabitas: Presbyter sanctæ Theclæ apud Sycas, sub Zenone, cepit 471. sedit menses 3. dies 7.

22. * *Acacius* Presbyter Orphanotrophus, hæreticus, sub Anastasio, cepit an. 471. sedit annos 17 menses 9. mortuus in anathemate.

23. *Euphemius*, Prochorotrophus, cepit anno 489. ab Anastasio Imperatore expulsus, sedit annos 6. menses 6.

24. *Macedonius*. & scevophylax id est vasorum custos, an. 495. qui similiter ejectus est post annos 16.

Seculo V I.

25. * *Timotheus* Scevophylax, sub Anastasio & Justino, cepit an. 511. annos 6. & menses 7.

26. *Joannes* Cappadox, Presbyter & Syncellus ejusdem Ecclesiæ, sub Justino, cepit anno 517. sedit annum unum, menses 10.

27. *Epiphanius* Presbyter & Syncellus, sub Justino & Justiniano, cepit 520. sedit annos 16. menses 3.

28. * *Anthimus*

18. * *Anthimus* Trapezuntius Episcopus, an. 514. cui à Concilio
Mense contra Severum, dignitas adempta est post mens. 10.
19. *Menas*. Presbyter & Xenodochus, Hospitii peregrinorum Sainp-
sonici Præfectus, cepit an. 536. sedit annos 16. men. 6.
30. *Eutychius* Presbyter & Monachus in Monasterio Amasie, an. 555.
interfuit V^o. Synodo Oecumenicæ, ejectus à Justiniano: sed. an. 12. m. 2.
31. * *Joannes* 3. Presbyter Antiochenus, è numero Scholasticorum live
Advocatorum, intrusus an. 864. sedit annos 12. mens. 7.
- * *Eutychius* iterum, an. 578. sub Justino Junio restitutus, sedit an. 4.
mens. 6.
32. * *Joannes* 4. Diaconus Constantinopolitanus, *Jejunator* dictus, tem-
poribus Tiberii cep. an. 583. sedit annis 13. mens. 5.
33. * *Cyriacus*. Presbyter Ecclesiæ ejusdem, & Oeconomus, an. 596.
sedit sub Mauticio & Phoca annos ferme 11.
34. * *Thomas* Diaconus Ecclesiæ ejusdem, & sacellarius, circa annum Seculo VII.
607. sedit annos 2. menses 7.
35. * *Sergius* Diaconus Ecclesiæ ejusdem, Monothelita, ut & sequen-
tium plerique, anno 605. sub Heraclio Imperatore, sedit annos 30.
circiter.
36. * *Pyrhus*. Presbyter ejusdem Ecclesiæ, Monachus & Monasterio-
rum Magister Chrysopoli, anno 639. ortâ seditione secessit post an.
2. mens. 9. dies 9.
37. * *Paulus* 2. Presbyter ejusdem Ecclesiæ & Oeconomus, anno 642.
sedit annos ferme 10.
- * *Pyrhus* restitutus anno 651. sedit mens. 4. dies 23.
38. * *Petrus*. Curator accipiendis hospitibus in eadem Ecclesia, an. 653.
sedit annos 2. menses 3. sub Constante Heraclii nepote.
39. * *Thomas* 2. Diaconus ejusdem Ecclesiæ & Chartarum custos,
anno 656. sedit annos 2. mens. 7.
40. * *Joannes* 5. Presbyter Scevophylax, an. 658. sedit an. 5. mens. 9.
41. *Constantinus* 1. Diaconus, Scevophylax, & Oeconomus: an. 664.
Orthodoxus, sedit anno 1. mens. 2. diebus 7. sub eo d. Constante;
deinde expulsus est.
42. *Theodorus* Presbyter, ejusdem Ecclesiæ syncellus & custos Vaso-
rum, Monothelita, anno 666. ejectus post annos 12. mens. 3.

43. *Georgius Cyprius* Presbyter, syncellus & Scévophylax, anno 678. sub Constantino Pogonato Constantis filio, sedit annos 3. mens. 3. Catholicus interfuit 6^a. Synodo Oecumenicæ.

* *Theodorus Syncellus*, iterum, restitutus an. 682. sedit an. 1. & mens. 10.

44. *Paulus* 3. Laïcus, à secretis, anno 684. sedit annos 7.

45. * *Callinicus*. Presbyter & custos Vasorum Blachernis, anno 691. autor Synodi Quinisextæ in Trullo: sedit annos 12. oculis orbatus & Romam relegatus à Justiniano Rhinometo.

Seculo VIII.

46. * *Cyrus* Presbyter & Monachus Insulæ Amastridis, anno 703. sedit annos 9. expulsus à Philippico.

47. * *Joannes* 6. Monachus Diaconus. Et Chartarum custos, an. 712. sedit annos 3.

48. *S. Germanus* Episcopus Cyzici, & confessor, an. 715. sedit an. 14. mens. 5. dies 7. ejicitur ab impio Leone Isauro.

49. * *Anastasius*, Presbyter & syncellus, Iconoclasta; anno 730. sedit annos 24. sub eodem Leone & Constantino Copronymo.

50. * *Constantinus* 2. Monachus, & Episcopus Sylæi, anno 754. intrusus à Copronymo: sub quo habita Pseudosynodus 7^a. contra Imagines: sedit annos 12. Pulsus in exilium ab eodem Imperatore. deinde capite truncatus.

51. * *Nicetas*. Presbyter sanctorum Apostolorum, & Monasteriorum. Magister, Eunuchus, anno 766. sedit annos 13. mens. 4.

52. *Paulus Cyprius*, confessor, anno 780. Orthodoxus: sedit annos ferme 4.

53. *Tarasius* à secretis & Laïcus, anno 784. Catholicus & propugnator Sanctorum Imaginum, sedit annos 22.

Seculo IX.

54. *Nicephorus* à secretis, Monachus factus, anno 806. expulsus ab impio Leone Armeno ob defensionem imaginum: sedit annos 9.

55. * *Theodorus Melissenus*, cognomento *Cassiteras*, Iconomachus, intrusus à Leone Armeno anno 814. sedit annos 6.

56. *Antonius* Episcopus Sylæi, qui & *Casimatas*, sub finem ejusdem Leonis & sub Michaelis ejus filio, anno 823. sedit an. 13.

57. * *Joannes* 6. live Janes Synerosiores: Presbyter & syncellus, anno 834. sedit annos 9. Iconomachus sub Theophilo, depositus.

58. *Methodius* Homologeta seu confessor, imaginum cultor, anno 842. sedit annos 5. mens. 4.

59. *Ignatius* Monachus, Michaelis Trauli Imp. filius, Eunuchus, anno 847. sedit annos 11. mens. 5.

Haftenus Nicephorus.

60. *Photius* senator, & ex Secretario factus Monachus, atque exacto Ignatio, Patriarcha, anno 859. sedit annos circiter 8. Imperantibus Michaelis 3°. & Basilio Macedone, à quo abdicare coactus est, in Synodo 4°. œcumenica, jam anno 867. depositus.

Ignatius restitutus, eodem Macedone regnante, anno 867. sedit annos 11.

Photius, mortuo Ignatio restitutus, iterum regnante Leone Philo-
sopho, an. 878. Autor Schismatis præcipuus, sedit annos 8.

61. *Stephanus*. Imperatoris Basilii filius, Leonis Sexti cognomento Philosophi frater, an. 886. sedit an. 3.

62. *Antonius* 1°. *Cauleas*, eodem Leone Imperante, an. 888. sedit annos 2.

63. *Nicolaus*, antea *Myfticus*, (quod nomen erat dignitatis palatinæ) eodem Leone regnante, an. 890. solio dejectus post annum.

64. *Euthymius*, ex Monacho, & syncello, an. 901. sedit an. 10. mens. 6. Seculo X.
pulsus & in exilio mortuus.

Nicolaus Myfticus restitutus anno 911. sedit an. 19.

65. *Stephanus* Metropolitanus Amaseæ, 930. sub Romano Lecapeno sedit an. 2. mens. undecim.

66. *Trypho* Monachus, an. 933. Imperante Romano eodem, Patriarcha ad tempus, donec Theophylactus sequens adolefceret, administravit annis 11.

67. *Theophylactus* Lecapeni filius, an. 944. consecratus, sedit annis 11. dies 25.

68. *Polyeuctus* Eunuchus, an. 956. Imperante Constantino 8. Romani filio, præfuit annos 14. mens. 5.

69. *Basilius Scamandrenus* Monachus anno 970. sub Joanne Zimisce. Sedit an. 4. depositus ob crimen.

70. *Antonius* 3°. Monachus *Stoudites*, an. 975. eodem Zimisce, & post eum Basilio Juniori & Constantino Porphyrogenito fratribus Imperantibus: abdicat anno sequenti, & vacat sedes annis 4.

71. *Nicolaus* 2°. *Chrysoberges*, an. 981. iisdem Augustis, s. an. 12. mens. 3.

52 CAP. IV. Index Chronologicus,

72. *Sisinnius* 2^{us}. Magister, an. 995. iisdem Imperantibus, fedit an. 3.
 73. * *Sergius*, aliàs Eulogius, Abbas Cœnobij Mannelis, an. 998 iisdem Imperantibus : fedit an. 10. stirpe & sectâ conjunctus cum Photio.
 74. *Eustathius* Archipresbyter Ecclesiæ Aulicæ, cujus extant doctissimi in Homerum Commentarii & alia an. 1019. regnantibus iisdem Augustis, fedit an. 6.
 75. *Alexius Studites* sive Ecclesiarches Mansionis Studiatæ, an. 1025. sub Constantino Basilii fratre, & Michaelæ Paphlagonæ & aliis : fedit annis 18.
 76. *Michael Cœrularius* anno 1043. sub Constantino Monomacho fedit an. 15. Latinis admodum infensus. Tandem ab Isaacio Comneno pulsus.
 77. *Constantinus* 3^{us}. *Lychudes*, protovestiarius, an. 1058. sub Isaacio Comneno & Constantino Duca, annos fere 7.
 78. *Joannes* 7^{us}. *Xiphilinus*, an. 1059. sub eodem Constantino Duca, & sequentibus : ejus est Epirome Dionis : fedit an. 13. mens. 6.
 79. *Cosmas* Monachus Hierosolymitanus, anno 1078. sub Nicephoro Boloniare : fedit an. 7. mens. 6.
 80. *Eustratius* sive *Eustathius* 2^{us}. cognomento *Gavidas*, an. 1085. Alexii Comneni tempore, fedit an. 3.
 81. *Nicolaus* 3^{us}. Monachus *Grammaticus* an. 1089. ejusdem Alexii tempore : fedit an. 23. mens. 3. licet aliter numerum augeat series Græco-Romana. Hunc Baronius cum Nicolao Muzalone confundere videtur.

Sæculo XII.

82. *Joannes* 8^{us}. Hieromnemone, cognomento *Chalcedonius*, an. 113. sub eodem Alexio & Calo-Joanne, fedit annos 23. (legendum puto annos 2.)
 83. *Leo Stypiara*, an. 115. sub eodem Joanne Comneno, qui Calo-Joannes, an. 8. mens. 8.
 84. *Michael* Monachus *Oxiter*, cognomento *Circus*, circa an. 1123. sub eod. fedit anno 2. mens. 8.
 85. *Cosmas* 2^{us}. *Atticus* an. 1126. sub eod. Principe, mens. 10. Postea ejectus est, & Ecclesiâ vidua misit mens. 10.
 86. *Nicolaus* 4^{us}. Monachus, *Muzalo* dictus, circa an. 1117. sub eodem Imperatore : cum in Patriarchatu exegisset an. 3. menses 4. ei reuocavit.

} Hi omittuntur à Baronio.

87. *Theodorus*, alius *Theodosius*, Monachus & Abbas Monasterii Sⁿⁱ. Rectificationis, anno 1131. sub eodem Joanne Comneno, annis 3.
88. *Neophytus* inclusus, ex Monasterio Evergetidis, anno 1134.
89. *Constantinus* 4. *Chliareus*, Diaconus & sacelli Præfectus, circa annum 1135. sedit annos circiter 13.
90. *Lucas* Monachus *Chrysoberges*, anno 1148. sedit annos 18.
91. *Michaël* 3. *Anchialius*, Diaconus, & sacelli Præfectus, ac Princeps Philosophorum, anno 1167. sedit an. 8. aut paulò amplius.
92. *Charito* Monachus Monasterii Manganogum, anno 1177. menses undecim.
93. *Theodosius* Monachus, oriundus ex Antiochia, qui diu in colle S. Auxentij Asceticam vitam duxerat, anno 1178. post annos 3. renunciavit aut abdicatus est.
94. *Basilus* 2. *Camaterus*, Chartophylax & Hypertimus, an. 1182. sedit an. 2. mens. 7. postea depositus.
95. *Nicetas Mundanus*, magnus Sacellarius, anno 1185. sedit annos 6. menses totidem, remorsus ab Imperatore.
96. *Leontius* Monachus, Diaconus & Præfectus Monasterii SS. Apostolorum ad collem S. Auxentii, 1191. & post menses 7. abdicatus est.
97. *Dositheus*, Monachus Studita, primùm Hierosolymitanus, deinde Constantinopolitanus Patriarcha creatus ab Isaacio Angelo Imperatore ob falsa vaticinia, anno 1192. ac brevi deturbatus.
98. *Georgius* 2. *Xiphilinus*, magnus Vasorum custos, anno 1193. sedit an. 6. menses 10. vacavitque sedes menses undecim.
99. *Joannes* 9. *Camaterus*, Diaconus & Chartularius, an. 1199. eod. Alexio Imperante, præfuit annos 5. mens. 8. dies 7. usque ad capram à Latinis Constantinopolim: vixitque post urbem expugnatam, annos 2. menses 2. dies 14. obiit apud Dilymorichum: vacavitque sedes annum 1. menses 10.

LATINIS CONSTANTINOPOLI Imperantibus Patriarchæ fuisse.

LATINI.

GRÆCI.

Seculo XIII.

- | | |
|---|--|
| <p>1. <i>Thomas Maurocenus</i> Venetus, primus Latinorum Patriarcha Constantinopolitanus, an. 1204.</p> | <p>100. <i>Michaël</i> 4. <i>Saurianus</i>, magnus Sacellarius, anno 1208. sub Theodoro Lascari, sedit Nicææ</p> |
|---|--|

Balduino Flandro & Henrico
Imperatoribus.

in Asia minori, circiter annos 8.
vacavit sedes menses 10. cum
dimidio.

2. *Matthaus*, anno 1211. sub Hen-
rico, Petro, & Roberto Impe-
ratoribus, sedit annos 19.

101. *Theodorus 3. Irenicus* Chartu-
larius & Princeps Philosopho-
rum, *Cypas* etiam dictus, an-
no 1214.

3. *Nicolaus*, an. 1230. sedit paulo
ultra annos 20.

102. *Maximus* Abbas Monasterii
Vigilantium, an. 1215. mens. 8.

103. *Mamuel Charisopulus*, aliis
Michael, an. 1216. sedit annis 5.
menses 6.

104. *Germanus 2.* Mouachus an-
no 1222.

105. *Metbedius 2.* anno 1240.
mens. 3.

4. *Pantaleon Justinianus*, an. 1251.

Mamuel sive *Michael*. iterum an-
nos 14.

106. *Germanus 3.* anno 1254. brevi
pulsus.

107. *Arsenius Anterianus*, anno
1255. annos 4.

108. *Nicephorus Blemmydes*, prius
Ephesus Episcopus, an. 1260.
brevi mortuus.

Arsenius iterum evehctus, iterum-
que pulsus an. 1261.

*Pulsis Constantinopoli Latinis, alii post Pantaleonis obitum,
titulo Patriarcharum Constantinopolitanorum à Romanis Pon-
tificibus ad hac usque tempora donati, nudum sine re nomen
habuere.*

Apud Græcos Patriarcharum honore potiti sunt

109. Dejecto Arsenio, *Germanus*, aliis *Georgius*, Adrianopolitanus antea
Episcopus, anno 1261. ipse quoque post annum ejectus.

110. *Iosephus*, Monasterii præfectus in Gallelio monte, vitâ admirabilis & Confessionis coronâ decoratus, anno 1262.

Hic definit series Græca.

111. † *Joannes Becus* concors Latinis, 1274.

Iosephus iterum, circa annum 1284. excessit post annum unum mens. 6.

112. *Gregorius* 4. an. 1288. loco motus post annum quoque 1. men. 6.

113. *Athanasius* anno 1290. expulsus cum sedisset annos ferme 4.

114. *Joannes* 11. Monachus, circa anno 1296. abdicatus est post annos 4. aut paulo amplius.

Athanasius rursus vocatus anno 1302. & post annos 6. ac menses totidem rursus depulsus. Seculo X V.

115. *Niphan* Monachus, an. 1309. post annos 4. sede Patriarchali dejectus ob crimen.

116. *Joannes* 12. *Glycys* cognomento, ex *Logotheta* dromi, uxore Monacham proficiente, factus Patriarcha, circa an. 1325. post an. 4. secessit.

117. *Gerasimus* Monachus, anno 1320. intrusus.

118. *Isaias* imperitius, & facinorosus Monachus monis Atho, an. 1322.

119. † *Joannes* 13. anno 1331. Latinorum dogmatum Assertor, ideoque exautoratus.

120. *Isidorus* Monachus, 1347.

121. *Callistus* Monachus Cœnobij Iberorum in monte Atho, circa annum 1350. à Joanne Cantacuzeno Imperatore susceptus in locum illi soli mortui.

122. *Philotheus* Heracles Archiepiscopus, anno 1354. ejecto Callisto.

123. *Macarius* Monachus anno 1375. sedit annos 2. mens. 7. dies 6. postea restitutus est, ut & Philotheus.

124. *Nilus* itidem Monachus, anno 1378. sedit annos 20.

125. *Antonius* 4. Monachus, anno 1398.

126. *Callistus* 2. 1403. sedit annos 13.

127. *Euthymius* 2. 1416.

128. * *Iosephus* 2. ex Metropoli Ephesino, anno 1416. cujus initia Onuphrius refert ad annum 1419. obiit in Concilio Florentino, post subscriptam cum Latinis concordiam.

129. *Gregorius 3. Hieromonachus* anno 1440. sanctimoniâ & Prophetiâ dono clarus, abdicavit prænuntiato Impetii interitui.

Anno Christi 1451. capta est Constantinopolis à Mahomete 2. Turcarum Imperatore, quæ gens adhuc Orientis Imperium obtinet.

Genradus Scholarius, Urbe expugnata. Patriarcha, Græcis à Latinorum unione distractis, schisma renovavit, in quo perseverarunt ejus successores: Horum res nobis parum notæ, nomina ipsa non satis certò cognita: cetèrè non magno usui ad Canonica studia esse possunt. Catalogum urcumque continuavit *Philippus Cyprius* in Chronico Ecclesiæ Græcæ, usque ad *Parthenium*, qui anno 1621. seclum illam tenuit.

Nonnulla hic observationem merentur: & primò quidem in his cæterisque Patriarchis Orientalibus, enumerandis, tantam esse inter auctores discrepantiam, ut non modò plerumque in eorum temporibus, sed etiam in ordine, imò & in nominibus dissentiant; alique alios præmittant, aut adjiciant. Nos ex *Nicephori*, sive *Callisti*, sive Patriarchæ, Chronographia, ab *Antonio Contio Laricè*, à *Josepho Scaligero* Græcè elisa; atque ex Indice græco, quem *Joannes Leunclavius* Juris Græco-Romani Lib. 4.^o inseruit, itemque ex *Onuphrii* Chronico *Baronii* Annalibus, aliisque monumentis excerptam seriem dedimus: & in annis cuique assignandis ea securi sumus, quæ probabiliora visa sunt.

Deinde illud quoque notandum, non usquequaque adhibendam esse Græcorum vanitati fidem. Nam quòd Episcopatus Byzantini autore B. Apostolo *Andrea* gloriantur, parum certis Antiquitatis testimoniis firmatur. Constat porius à B. Petro erectam primùm eam Ecclesiam fuisse, atque institutos per ea loca Episcopos; Andream verò non in Thracia, sed in Achaïa Martyrium subivisse. Nec creditu facile est ab eo Ordinarum fuisse *Stachyn*, quem, ut & *Onesimum* (qui ei successor datur) S. Pauli Comitem fuisse agnoscunt. Falsum quoque omnino quod aiunt, *Metrophanem* Byzantii Episcopum numero 23. Constantinopoleos primum Patriarcham fuisse: cum nonnisi 4. Byzantii Episcopus ponatur à *Ceïreno*, & circa annum 314. cepisse memoretur; nec ultra decennium, quin vix roro quadrennio eam Ecclesiam rexisset: ea verò civitas anno demum 330. a Constantino magno dedicata, *Constantinopolis* & novæ Romæ nomen accepit. Tirulum autem Patriarchæ primus accepit aut *Anatolius* anno 451. in Concilio Chalcedonensi, aut sumum *Nectarius* in Constantinopolitana prima synodo, anno 382. Primis etre seculis *Heracleenû* *Metropolitano* subjectum fuisse, sive Byzantinum, sive Constantinopolitanum Episcopum, ne ipsi quidem Græci ausint inficari.

V.

CATALOGUS PATRIARCHARUM
ALEXANDRINORUM, ex Nicephoro, Onuphrio,
Baronio, &c.

SUB IMPERATORIBUS ETHNICIS.

1. **S**ANCTUS *Marcus* Evangelista, Româ in Ægyptum missus à Seculo 10,
B. Petro, anno Christi 58. (aliis 46.) fidem annuntiavit, & Eccle-
siam Alexandrinam instituit, quam rexit annis 6. pro fide cæsus.
2. *Anianus* Marco successit, anno 64. fedit secundum Nicephorum
an. 12. secundum Onuphrium annos 22.
3. *Abilius*, an. 86. fedit an. ex Nicephoro 12. ex Onuphrio 13. cujus,
aut Baronii Numeros in sequentibus adscribemus.
4. *Cerdo*, anno 99. Episcopus annos 10.
5. *Primus*, aliis *Priamus*, an. 109. fedit annos 12. Seculo 11;
6. *Iustus*, aliis *Iustinus*, cepit anno 121. fedit annos 11.
7. *Eumenes* cepit anno 132. fedit an. 13.
8. *Marcus* 2. cepit an. 145. fedit an. 10.
9. *Celadio*, cepit an. 155. fedit an. 14.
10. *Agrippinus*, sive *Agrippa*, cepit an. 169. fedit an. 12.
11. *Julianus*, cepit an. 181. fedit an. 10.
12. *Demetrius*, cepit an. 191. fedit an. 43. Seculo 111;
13. *Heraclas*, cepit anno 234. fedit an. 14.
14. *Dionysius*, cep. 248. fed. an. 17. expulsus ab Imperatore Valeriano;
15. *Maximus*, cepit anno 265. fedit an. 18.
16. *Theonas*, cepit an. 283. fedit an. 16.
17. *Petrus*, Martyr, cepit an. 299. fedit an. 12.
18. *Achillas*, sive *Achilles*, iniiit anno 312. fedit annis 61. Seculo I V.;

Sub Christianis Principibus.

19. *Alexander*, qui fuit in prima Synodo: iniiit an. 318. fedit an. 7.

38 CAP. V. Index Patriarchatum Alexandrinorum.

20. *S. Athanasius*, cepit anno 326. saepe expulsus & restitutus, sedit omnino annis 46. Damnatus primum in conciliabulo Tyrio, an. 335. ac Treveros in exilium missus anno 336. sed restitutus à Constantino Juniore anno 338. iterum ab Eusebianis abscis damnatus ac depositus in Synodo Antiochena, an. 341. absolutus à Julio I. Pontifice.

21. * *Gregorius Cappadox*, an. 341. vi armata intrusus à Arianiis, in Catholicos saevit annis 6. depositus in Synodo Sardicensi.

S. Athanasius, iterum, anno 347.

22. *Georgius*, idem Cappadox, avaris olim Constantinopolitanis quæstor ac depeculator, eaque de causa profugus, missus primum specie ducis, tum deinde in sedem Episcopalem per vim introductus anno 356. interfectus à gentilibus an. 362.

S. Athanasius, è latebris emergit, an. 362. moritur an. 371.

23. * *Lucius*, anno 362. intrusus, ac brevi pulsus: sed iterum per Athanasii mortem, ejecto ejus legitimo successore Petro, grassatus, an. 372. Pulsus ab Alexandrinis, an. 377.

24. *Petrus Junior*, cepit an. 372. expulsus à Valente Imperatore Ariano, confugit Romam: restituitur auctoritate Damasi an. 377. moritur an. 380.

25. *Timotheus* Petri frater, qui in secunda Synodo fuit: inijt an. 380. sedit an. 5.

26. *Theophilus*, cepit an. 385. sedit annis 27. mens. 1.

Seculo V.

27. *Cyrillus*, Theophili sorore natus, cepit an. 412. sedit an. 32. mens. aliquot.

28. * *Dioscorus*, electus an. 444. in Synodo posteriore Ephesi, Larrocinali dicta, probat Eurycheris hæresin, deinde damnatus in Concilio Constantinopolitano & in Chalcedonensi, Gangris moritur exul anno 451.

29. *Proterius* Orthodoxus, creatus an. 452. occisus in sacro Balneo sive Baptisterio ab Eurychianis an. 457. sedit annos circiter 5.

30. * *Timotheus 2. Alurus*, introductus ab Eurychianis, anno 457. exilio mulctatus à Leone Imperatore anno 460. à Zenone restitutus an. 474. tandem ejecto Basilisco tyranno sibi ipse mortem consciscit, anno 477.

31. *Timotheus 3. Lencus*, sive Albus, *Salustianus* dictus, Catholicus an. 460. pellitur ab Aluro per Zenonem an. 475. sed postea restitutus ab eodem Zenone anno 477. mortuus an. 482.

CAP. V. Index Patriarcharum Alexandrinorum. 59

32. * *Petrus Mongus*, live *Mogus*, intrusus an. 477. sed in Schismate, post mens. 1. abdicare coactus à Zenone, deinde ab eodem restitutus, damnatus à Felice Papa anno 483. mortuus in anathemate anno 490.

Timotheus Solofaciolus, iterum an. 477. sedit an. 6. interpolatis autem vicibus annos 23. ac mens. 6.

33. *Joannes Talaida Tabennesiota* ex Presbytero, Orthodoxus, cepit an. 482. sedit mens....

Petrus Mogus, iterum pulso Acacii artibus Joanne, sedit an. 8.

34. * *Athanasius* 2. cognomento *Herniosus*, hæreticus, cepit an. 490. sedit an. 7.

35. * *Joannes* 2. *Mela*, cepit an. 498. sedit an. 7.

36. * *Joannes* 3. *Machiota*, hæreticus, cepit an. 506. sedit an. 10.

Seculo V I.

37. * *Dioscorus* Junior, hæreticus, cepit 516. sedit an. 13.

38. * *Timotheus* 4. hæreticus, cepit an. 519. sedit an. 15.

39. *Asterius* Orthodoxus, electus contra *Timotheum*, an. 521. omisus à Nicephoro.

40. * *Gaius* aliis *Galanicus*, eodem anno cum *Theodosio* electus, an. 535. pellitur à iudicibus.

41. * *Theodosius*, hæreticus *Acephalus* eligitur in schismate contra *Gaium*, anno 535. secedit Constantini, relegatus à Justiniano an. 536.

42. *Paulus* Monachus, an. 536. sedit an. 15.

43. *Zoilus*, anno 537. sedit annos 15.

44. *Apollinaris*, an. 551. sedit an. 19.

45. *Joannes* 4. an. 570. sedit an. 11.

46. *S. Eulogius*, an. 581. sedit an. 27.

47. *Theodosius Scriba*, aliàs *Theodorus*, an. 608. sedit an. 2.

Seculo V II.

48. *S. Joannes* 5. Cyprius, cognomento *Eleemosynarius*, anno 610. sedit an. 10.

49. *Georgius* 11. Joannis cognatus, an. 628. sedit an. 10.

50. * *Cyrus*, Phasidis Lazorum Episcopus, Monothelita, translatus
h ij

60 CAP. V. Index Patriarcharum Alexandrinorum.

in sedem Alexandrinam ab Heraclio Imperatore, anno 630. sedit annis 10.

Alexandria capitur à Saracenis, anno 634.

* Petrus, Monothelita, creatus anno 640. damnatus à Martino Papa, sedit annos 10.

Hic desinit Nicephorus.

Patriarcharum sequentium series, admodum incompleta.

V I.

INDEX PATRIARCHARUM
ANTIOCHENORUM, ex Nicephoro, Onuphrio,
Baronio, imperantibus Ethnicis.

1. **S** P E T R U S Apostolus, anno Christi 39. ex Baronio Antiochiam
veniens, eam Ecclesiam fundavit, & septem annis rexit. Seculo 1^o,
2. *Evodius*, à Petro discedente relictus Antiochiæ Episcopus anno 45.
sedit annos 25. tumultus adversus Judæos orto, interfectus.
3. *Ignatius Martyr*, Evodii vel collega, vel successor, an. 71. sedit
annos 38. ad bestias damnatus Romæ Martyrium consummavit, an-
no 109.
4. *Heron*, sive *Hera*s, iniit an. 110. sedit an. 10. Seculo 1^o I.
5. *Cornelius*, an. 131. sedit annos 12.
6. *Heros Junior*, iniit an. 143. sedit an. 17.
7. *Theophilus*, iniit 170. sedit an. 13.
8. *Maximianus*, aliis *Maximinus*, vel *Maximus*, cepit an. 182. sedit
annis 9.
9. *S. Serapion*, cepit an. 191. sedit an. 21. Seculo 1^o II.
10. *Asclepiades*, iniit an. 213. sedit ferme an. 7.
11. *Philetus*, iniit an. 219. sedit annis ferè undecim.
12. *Zebinus*, seu *Zebennus*, iniit an. 230. sedit annis 10.
13. *S. Babylon*, iniit an. 241. sedit annis 13. Martyr insignis tempore
Decii.
14. *Fabius*, cepit an. 254. obiit anno sequenti.
15. *Demetrianus*, iniit an. 255. sedit an. 7.
16. * *Paulus Samosatensis*, iniit an. 262. sedit annos 10. postea pulsus.
17. *Domnus*, aliàs *Domnio*, Demetrianj Episcopi filius, cepit an. 272.
sedit annis 5.
18. *Timas*, sive *Timacus*, cepit an. 277. sedit an. 6.

62 CAP. VI. *Index Patriarcharum Antiochenorum.*

19. *S. Cyrillus*, inuit an. 283. fedit an. 16.

20. *Tyrannus*, seu *Tyrannius*, inquit an. 299. fedit annis 13.

Sub Imperatoribus Christianis.

Seculo IV.

21. *Vitalis*, aliàs *Vitalius*, inuit an. 312. fedit annos 2.

22. *Philogonius*, inuit an. 314. fedit annis 5.

23. *Paulinus*, inuit an. 319. fedit an. 5.

24. *Eustathius Sidites*, ex sede Berræensi translatus Antiochiam, inuit an. 324. fuit primus in Synodo Nicæna I. ob insignem Orthodoxiam depositus ab Arianis, in exilium à Constantio pellitur, an. 340. fedit an. 16.

25. * *Eulalius*, hæreticus Arianus, ex Episcopo Cæsareæ in Cappadocia, an. 340. brevi mortuus.

26. * *Euphromus*, Presbyter Cæsariensis, (recusante Eusebio Pamphili Cæsariensi Episcopo) annum fere 1.

27. * *Phacellius*, an *Placidus*, Arianus; quo sedente Encænâ Dominici aurei, & Concilium Antiochenum, an. 341. fedit annis 3.

28. * *Stephanus Libs*, an. 344. fedit an. 3.

29. * *Leontius Phryx*, Spado, etiam Arianus, cepit an. 347. fedit an. 8.

30. * *Eudoxius*, ex Episcopo Germanicæ Syriæ, invalit sedem Antiochenam, an. 356. Constantinopolim translatus, post an. 2.

31. * *Anianus*, ab Arianis in locum Meletii suffectus, eodem ann.

32. *Meletius*, an. 360. fidem Nicænam publicè professus, ideoque à Constantio expulsus.

33. * *Euzoius*, ab Arianis in locum Meletii suffectus, eodem ann.

Meletius redux post Constantii obitum, an. 362. iterum pulsus à Valente, an. 372. mortuus in œcumenica Synodo Constantinopolitana, an. 382.

34. *Paulinus*, Orthodoxus, anno 362. in schismate contra Meletium, (quocum reconciliatus est, anno 378.) & simul contra Euzoium: mortuus anno 369.

35. * *Dorotheus* Arianus, post Euzoium creatus in schismate contra Meletium & Paulinum, an. 376. omisus à Nicephoro, fedit annos 10: ex Onuphrio.

36. *Flavianus*, à Meletianis, spreto iurejurando, electus in schismate contra Paulinum, anno 381. Romæ toleratus magis metu majorum turbarum, quàm probatus; fedit annis 23.

CAP. VI. *Index Patriarcharum Antiochenorum.* 63

37. *Evagrius*, mortuo Paulino, an. 389. ab Eustathianis electus contra Flavianum, paulò post obiit, nec successorem accepit.
38. * *Porphyrius*, sedem invasit, anno 404. sedit annos 4.
39. *Alexander*, anno 408. sedit an. 3. & schisma Orthodoxorum in Saeculo V. Antiochena Ecclesia extinxit.
40. *Theodosius*, sive *Theodorus*, an. 411. sedit an. 16.
41. * *Joannes Grammaticus*, anno 427. ex schola Theodori Mopsuesteni, errores Nestorii & Pelagii diu fovit, idcirco damnatus à Synodo Chalcedonensi: sed tandem Caesestino Pontifici & Cyrillo Alexandrino reconciliatus est, sedit annis 13.
42. *Domnus*, aliàs *Domnio* 2. Joanni Avunculo successit, an. 440. sedit an. circiter 8. exautoratus in Latrociniali Synodo Ephesina; cujus, in hoc, Judicium Leoni Papæ probatum.
43. *Maximus*, cepit an. 449. sedit an. 6. interfuit Concilio Chalcedonensi.
44. *Basilus*, cepit anno 456. sedit an. x.
45. *Acacius*, cepit anno 458. cujus tempore concussus terræ motu penè totus Oriens, atque imprimis urbs Antiochena corruit, sedit anno 1.
46. *Martyrius*, cepit anno 459. vexatus à Petro Fullone, sedi renunciavit an. 471.
47. *Julianus*, prætermisus à Baronio, nominatur à Nicephoro tanquam Episcopus annis 15.
48. * *Petrus* 2. *Cnaphus*, sive *Fullo*, sic dictus ab arte quam primum exercuerat, invadit sedem circa an. 471.
- Martyrius*, ejecto Fullone, restitutus à Leone Juniore Imperatore, anno 474. sed eo mortuo pulsus à Zenone.
- * *Petrus Fullo*, iterum anno eodem 474. à Zenone restitutus, iterumque pulsus ab eodem, an. 477.
- Joannes*, ei substituitur, ejectus post menses 3.
49. *Stephanus* Orthodoxus, an. 477. inter solemnia Synaxeos, artibus Fullenis ab Eurychianis occisus, an. 479.
50. *Stephanus* Junior, cepit an. 479. sedit an. 3.
51. *Calandion*, cepit an. 482. paulò post relegatur Acacii Constantinopolitani operà.

64 CAP. VI. *Index Patriarcharum Antiochenorum.*

* *Petrus Fullo*, adhuc restitutus anno 482. Trisagium corrumpit, & Xenaïam autorem Iconoclastarum promover, damnatus Romæ.

52. * *Palladius*, cepit an. 486. sedit annis 10.

53. *Flavianus* 2. electus an. 496. damnatus ab hæreticis ob fidem Concilii Chalcedonensis, agente Anastasio Imperatore, anno 512. sedit annos ferme 16.

Seculo V I.

54. * *Severus*, ex Sozopoli Pisi liæ, Ethnicus primùm & Magus, tum Monachus Eurychianus, (à quo hæretici Severiani dicti) intrusus ab Anastasio, an. 513. sedit an. 5.

55. *Paulus* 2. cepit an 519. sponte abdicavit, exosus ob vitam flagitiosam, cum sedisset annos circiter 2.

56. *Euphrasius*, electus anno 521. petiit oppressus urbis Antiochiæ ruinâ, an. 525. sedit annos 4.

57. *Ephrem*, sive *Ephraïmus*, ex Comite Orientis, præcedentibus Prophetis electus an. 526. tempore Justiniani, sedit annis 19.

58. *Domnus*, sive *Domnio* 3. cepit an. 546. interfuit Quintæ Synodo Oecumenicæ, an. 553. sedit annis 14.

59. *S. Anastasius Sinaita*, ex Monacho ejus Montis, cepit anno 561. damnatus à Justiniano, quòd promulganti Incorruptibilium errorem obstitere: morte Imperatoris liberatur ab indicto exilio: sed per calumnias hæreticorum pulsus est à Justino Juniore anno 572. sedit annos 11.

60. *Gregorius* Monachus, abdicante Anastasio, electus an. 572. sedit annos 23.

Anastasius, iterum cepit an. 595. clarus inter scriptores Ecclesiasticos, sedit an. 6.

Seculo VII.

61. *Anastasius Junior*, cepit anno 599. Martyrium subiit, interfectus à Judæis, sedit an 10.

Hic desinit Catalogus Nicephori.

62. *Gregorius* 2. cepit an. 610. sedit annis 19.

63. * *Anastasius* 3. Jacobita, à quo Heraclius in Monothelitarum hæresin adductus: cepit an. 629. sedit an. 1.

64. *Macedonius*, cepit an. 640. sedit an. 10. damnatus hæresis nomine à Martino Papa, anno 649.

65. *Macarius*, inter signiferos Monothelitarum, cepit circa annum 650. sedit annis 31. exautoratus à Synodo Oecumenica V I^a. an. 681.

66. *Theophanes*

CAP. VI. *Index Patriarcharum Antiochenorum.* 65

66. *Theophanes* Monachus, & Presbyter Monasterii Baiani in Sicilia, creatus à Synodo VI. an. 681. sedit annis 5.

Alexander 1^{us}, aliàs *Constantinus*, cepit anno 685. sedit an. 16, eo mortuo sedes sine Episcopo fuit annos 40. prohibentibus Comitibus Saracenis, qui Syriam invaserant.

Sub Saracenis.

Stephanus 4. cepit an. 742. sedit annis 2.

Seculo VIII.

Theophylactus, cepit an. 744. (sedit annis 17.) Omphrio 7.

Theodorus 2^{us}, creatus anno 751. sed à Saracenis in exilium pulsus, anno 766. interfuit per Legatum VII^{um}. Synodo Oecumenicæ, an. 785.

Quis post hunc Episcopus Antiochenus fuerit, incertum.

Theodoreus, invenitur anno 787.

Post hac diu vacua fuit sedes : certè ignota Patriarcharum nomina.

Loco Patriarchæ Antiocheni, anno 869. Legatus ejus Patriarchatûs ad Synodum Octavam Oecumenicam memoratur *Thomas Tyri* Metropolitanus.

Seculo IX.

Christophorus à Saracenis exultus, an. 969. post eum *Theodorus* nominatur.

Seculo X.

68. *Macarius*, cepit an. 1012.

Seculo XI.

69. *Eleutherius*, pulsus à Saracenis migravit Hierosolymam.

70. *Petrus*, cepit an. 1050. à Leone 9. confirmatus.

71. *Emilianus*, cepit anno 1079.

72. *Nicephorus*, ei successit.

73. *Joannes*, cepit an. 1090. sedit annos 10.

CAPTA EST A LATINIS ANTIOCHIA, D'UCE
Gothofredo Bullionao, anno 1098. Hinc Patriarchæ.

LATINI, RE

GRÆCI, TITULO TENUS. Seculo XII.

1. *Bernardus. Valentinus*, cepit anno 1100. sedit an. 33. vel paulò ampliùs.

2. *Rodulphus* 1^{us}. Domnofrontius Gallus, cepit an. 1136. sedit an-

66 CAP. VI. Index Patriarcharum Antiochenorum.

nos fermè 6. menses. depofitus à Synodo Antiochena, quod fubjectionem Romano Pontifici negaret.

3. *Aimericus Lemovix.* cepit circa an. 1142. fedit annos 50.

4. *Rodolphus 2^{us}.* cepit an. 1193. fedit annos 26. (ex Onuphrio, cepit an. 1187. fedit 33.)

Seculo XIII.

5. *Raynerius Tudertinus*, Prior S. Friiliani Lucenfis, an. 1219. fedit an. 20.

6. *Helias Robertus* Regienfis, an. 1239. fedit annos circiter 6.

7. *Albertus*, Concilio generali Lugdunenfi interfuit, an. 1245,

8. *Christianus*, Ordinis Prædicatorum, circa annum 1250. qui in expugnatione Civitatis ad Ecclefie altare procumbens, à Saracenis interfectus eft, anno 1268.

Theodorus Balsamon; Chartular. Ecclefie Constantinopolitanæ, creatur an. 1193. Antiochenus Patriarcha ab Ifaacio Angelo Imperatore, delufus fpe fedis Constantinopolitanæ. Latinis infenfiffimus. Autor Commentariorum in Canones Synodorum Græcarum, aliorumque operum.

Post hac Latini, non nifi titulo tenus hunc Patriarchatum obtinuerunt; Græcorum nomina maximam partem incomperta.

VII.

INDEX PATRIARCHARUM
HIEROSOLYMITANORUM, ex Nicephoro,
Onuphrio, Baronio & aliis.

SUB GENTILIBUS.

1. **JACOBUS ALPHAI**, cognomento *Iustus*, qui & frater Domini dictus, & *Minor* (comparatione Jacobi, qui Zebedæi filius Major, & frater Joannis Evangeliste.) Omnium Primus Episcopus Hierosolymitanus à Petro, Jacobo altero, & Joanne constituitur, an. Christi nati 34. proximo post Christi passionem: Martyrium passus à Judæis anno 63. ut annis 29. sedem Episcopalem obtinuerit, licet ei vulgò tribuantur anni tantum 26. Seculo I.
2. *Simcon Cleopha*, frater Domini ipse quoque dictus, confunditur à quibusdam cum Simone Chananæo, & Juda Jacobi, Apostolis: init an. 63. Martyrium consecutus tempore Traiani, auro ætatis 110. Christi 109. Seculo I L
3. *Iustus I.* creatus Episcopus an. 109. sedit annos 4.
4. *Zacharias*, aliis *Zacchæus*, cepit an. 113. Episcopus annum 1.
5. *Tobias*, cepit an. 114. sedit an. 3.
6. *Benjamin*, cepit an. 117. sedit an. 2.
7. *Joannes*, cepit an. 119. sedit an. 2.
8. *Matthæus*, vel *Matthias*, cepit an. 121. sedit an. 2.
9. *Benjamin* alter, an. 2.
10. *Philippus*, cepit an. 123. sedit an. 3.
11. *Seneca*, cepit an. 126. Episcopus an. 2.
12. *Iustus 2.* cepit an. 128. sedit an. 2.
13. *Levi*, cepit an. 129. Episcopus an. 3.
14. *Ephraim*, sive *Ephram*, an. 132. Episcopus an. 3.
15. *Iosephus*, cepit an. 135. Episcopus an. 2.
16. *Judas*, cepit an. 136. sedit an. 2.

68 CAP. VII. Index Patriarcharum Hierosolymit.

Hi ex Circumcisione fuerunt: eorum us & sequentium, minus comperta. ipsi etiam Ensebio, sunt tempora, nec satis certus successione Ordo.

17. *Marcus*, exclusis Judæis, primus ex gentibus Ordinatur anno 148. sedit an. 3.

18. *Cassianus*, cepit an. 146. sedit an. 8.

19. *Publius*, cepit an. 154. sedit an. 5.

20. *Maximus*, cepit an. 159. sedit an. 4.

21. *Julianus*, cepit an. 163. sedit an. 2.

22. *Gaiannus*, alijs *Caius*, vel *Galanicus*, cepit an. 165. sedit an. 5.

23. *Symmachus*, cepit an. 168. sedit an. 2.

24. *Caius*, cepit an. 170. sedit an. 5.

25. *Julianus* alter, cepit an. 173. sedit an. 5. cui à Nicephoro subiecta *Elias*, alijs prætermissus.

26. *Capreo*, cepit an. 178. sedit an. 4.

27. *Maximus*, cepit an. 182. sedit an. 4.

28. *Antoninus*, cepit an. 186. sedit an. 5.

29. *Valens*, cepit an. 191. sedit an. 3.

30. *Dolichianus*, cepit an. 194. sedit annis 2.

31. *Narcissus*, cepit an. 196. cum Theophilo Cafariensi Synodum celebravit an. 198. Deinde calumniis exagitatus, abiit in solitudinem sedit hac vice, annos 4.

Seculo III.

32. *Dius*, sive *Ælius*, cepit an. 199. sedit annis 8.

33. *Germanion*, cepit an. 207. sedit an. 4.

34. *Gordius*, cepit anno 211. sedit an. 5.

Narcissus, iterum cepit anno 216. sedit adhuc annis 10. Martyris coronatus.

35. *Alexander*, cepit anno 237. Martyr : sedit an. 15.

36. *Maxabannes*, cepit an. 242. sedit annis 24.

37. *Hymenæus*, cepit an. 266. sedit annis 20.

38. *Zambdas*, alijs *Labdas*, cepit an. 296. sedit an. 2.

CAP. VII. *Index Patriarcharum Hierosolymit.* 69

39. *Hermón*, cepit anno 198. sedit annis 13.

Haecenus Imperatores alieni à Christiana religione; & Christiani afflicti fuerunt.

Sub Christianis Imperatoribus vixerunt.

40. *Macarius*, cepit anno 312. cum jam Constantinus Imperaret: sed Seculo IV. non solus.

Jam libero per totum Imperium Christiano cultu.

Macarius idem, qui Synodo Nicænae primæ interfuit, an. 325. sedit an. 19.

41. *Maximus*, cepit an. 331. sedit anno 20. Acertinus fuit fidei Nicænae adversus Arianos propugnator.

42. *Cyrillus*, pro pluribus habitus ab Hieronymo & Epiphanio, eo quod sæpius Ecclesiâ pulsus & receptus fuerit, unicus tamen agnoscitur à Rufino & Nicephoro. Author nempe Catecheseon, ut videtur, cepit an. 351. abdicatus an. 359. ab Acacio Cæsariensi Metropolitano, sive ob defensionem consubstantialis, sive quod quæstionem moveret de priuatu Palæstinæ. Cum eo concurrisset jam ab initio dicuntur apud Hieronymum *Eutychius* & *Irenæus*, qui fortè idem cum Nicephori *Arsenio*.

43. * *Heraclius*, in schismate creatus contra *Cyrillum*, circa an. 360.

Cyrillus, iterum restitutus an. 364.

44. *Hilarinus*, itidem Arianus an. 367. sedit an. 14.

Cyrillus, restitutus an. 381. interfuit Synodo Constantinopolitanae Secundæ. Sedit in totum an. 35.

45. *Joannes* 2. cepit an. 386. sedit an. 30.

46. *Paulinus*, cepit an. 416. sedit an. 16.

Seculo V.

47. *Juvenalis*, qui duabus Synodis Ephesinae & Chalcedonensi interfuit, cepit an. 429. sedit an. 28. Patriarchatum Palæstinæ frustra affectavit, pulsusque est ab Eutychianis.

48. *Theodosius*, expulsus Marciano & rursus *Juvenale*, cepit an. 452. sedit an. 6.

49. *Anastasius*, cepit an. 458. sedit an. 19.

50. *Martyrius*, cepit an. 477. sedit an. 8.

51. *Salustius*, cepit an. 485. sedit an. circiter 8.

52. *Elias*, cepit an. 492. sedit an. 21. expulsus ab Anastasio Imperatore.

70 CAP. VII. *Index Patriarcharum Hierosolymit.*

Seculo VI.

53. *Joannes 3.* ex Hæretico Eutychiano Catholicus, retentus in sede à Catholicis contra Anastasium Imperatorem & Severum Hæresiar-
cham, cepit an. 513. sedit an. 11.

54. *Petrus*, cep. circa an. 525. sed. an. 21 tempore Justiniani Imperatoris.

55. *Macarius 2.* cepit anno 546. sed cum sedisset annis 2. amotus est, ob falsam suspensionem hæresis Origenistarum.

56. *Eustathius*, sive *Eustochius* creatus, an. 548. sedit annis 1.

57. *Macarius 2.* iterum, damnato Origene, anno 549. sedit an. 4.

Eustochius. iterum mortuo Macario, an. 553. sedit an. 8.

Seculo VII.

*Sedi Hierosolymitana, qua hactenus nudum nomen sedem que inter Patriar-
chas obtinuerat. addita hoc tempore in Concilio V. Oecumenico,
dicuntur Jura Patriarchatus in tres Palestinas.*

58. *Joannes 4.* cepit an. 561. sedit an. 33.

59. *Amos*, aliàs *Heamus*, cepit an. 594. sedit annis 7.

60. *Isycius*, sive *Hesychius*, Nicephoro *Isaacius*, cepit anno 601.
sedit annis 8.

61. *Zacharias*, cepit an. 609.

62. *Modestus Abbas*, abducto in Persidem *Zacharia*, Ecclesiam strenuè
administrat, an. 616.

Zacharias iterum ex captivitate Persica redux, administrationem
resumit : sedit omnino annis 24.

63. *Sophronius*, cepit anno 633.

Ejus tempore *capta est à Saracenis Hierosolyma* cum universa Palesti-
na & magna Syriæ parte, Duce Haomaro anno 636. à quo postquam
Christianis factorum suorum usum obtinuisset, mæiore captæ urbis
extinctus est.

Ultra hunc *Sophronium* non producitur Nicephori Catalogus,
atque a limodum obscura & pauca Patriarcharum his temporibus no-
mina ad nos pervenerunt.

Imperantibus Saracenis occurrunt pauci qui sequuntur.

N. ad Concilium Oecumenicum VI. misit Georgium Legatum
an. 680.

Seculo VIII.

Theodorus, an. 759.

Helias, an. 787.

CAP. VII. Index Patriarcharum Hierosolymit. 71

Joannes, anno 795.

Thomas, anno 802.

Seculo IX.

Theodosius, ad Concilium Oecumenicum VIII. misit Eliam Legatum,
anno 869.

Joannes, à Saracenis combustus unà cum Ecclesia sancti Sepulcri, anno 969.

Orestes, anno 1006.

Seculo X.

Simeon, 1090. Captis per Francos Hierosolymis, abdicavit; vacavit
sedes menses 9. dies 15.

Regnantibus Francis Patriarchæ Latini.

1. *Daybertus*, Pisanus Archiepiscopus, anno 1100. sedit an. 3. men-
ses 3. dies.... Seculo XII.

2. *Ebremarus*, an. 1103. intrusus, sedit an. 4. deinde depositus.

3. *Gibellinus*, Gallus, ex Archiepiscopo Arelatenſi, an. 1107. sedit an.
4. mens....

4. *Arnulphus Malcorona*, ex Archidiacono Ecclesiæ Hierosolymita-
næ, cepit an. 1112. sedit an. 7.

5. *Guarimundus*, Ambianensis Gallus, cepit an. 1119. sedit an. 10.

6. *Stephanus Carnotensis*, Gallus, Abbas sancti Joannis de Valle,
an. 1129. sedit an. 2.

7. *Gulielmus Mechliniensis* Belga, ex Priore sancti Sepulcri, an. 1131.
sedit an. 15.

8. *Fulcherius* ex Archiepiscopo Tytenſi, an. 1145. an. 11. menses...
dies 27.

9. *Amalaricus Noviodunensis* Gallus, Prior Dominici Sepulcri,
cepit an. 1158. sedit an. 22.

10. *Heracius*, ex Archiepiscopo Cæsariensi, creatus Idibus Octobr.
an. 1180. sedit an. 24.

A MISSIS HIEROSOLYMIS, ET RETENTÆ aliqua parte Palaestina à Francis.

Heracius adhuc.

11. *Albertus*, ex Episcopo Vercellensi, an. 1204. sedit an. 10. contra Seculo XIII.
quem *Laonicus*, sive *Leontius* Græcus.

72 CAP. VII. Index Patriarcharum Hierosolymis.

12. *Rodolphus*, an. 1214. sedit an. 13.

13. *Geroldus*, Episcopus Valentinus, loco Thomæ Capuani Presbyteri Cardinalis sanctæ Sabinae, ab Ecclesia Hierosolymitana electi, sed à Gregorio IX. haudquaquam concessi, creatus circa annum 1217. sedit an. 3.

14. *Robertus*, Episcopus Nannetensis, cepit anno 1230. sedit an. 12.

15. *Guilielmus*, Episcopus Agennensis, cepit anno 1242.

16. *Jacobus* Pantaleon, Trecentis, postea Urbanus IV. (Pontifex Maximus) an. 1243.

Acone sive Ptolemaide residens.

17. *Thomas* Agni de Lentino, ex Ordine Prædicatorum, an. 1263 sedit an. circiter 9.

18. *Thomas* alter, ex Archiepiscopo Consentino, cepit anno 1271. sedit annos 6.

19. *Joannes* Vercellensis Dominicanus, cepit anno 1278. brevi mor-
tuus.

20. *Nicolaus* de Anapis, ejusdem Ordinis, an. 1279. cujus tempore Ptolemais à Saracenis capta, & Latini Syriâ universâ expulsi, an. 1291.

21. *Rodolphus*, cepit an. 1294. sedit annis 1.

22. *Basilisus*, ex Ordine Prædicatorum, cepit an. 1295.

Hi cum sequentibus per Pontifices Romanos creatis, nudum habue-
re Patriarcharum nomen. Sed tamen Romæ hi Titulares Ecclesiarum
Orientalium Patriarchæ, cum charactere & honore, Sessionis etiam
prærogativa gaudent.

Græcorum sub Saracenis rara mentio apud Auctores nostros.

Lazarus, circa annum 1335.

Gerasimus, intrusus, pulso Lazaro, an. 1351.

Lazarus iterum, agente Joanne Cantacuzeno Græcorum Imperatore,
fortè etiam tertio restitutus, operâ Urbani V. Pontificis.

VIII.

INDEX ALPHABETICUS

SS. PATRUM ET AUTORUM ECCLESIASTICORUM,
tum eorum, quibus præsertim usi Collectores
Canonum, tum aliorum Illustriorum, ad Secu-
lum 12.

A

- A** Bæo Floriacensis, anno 990. Seculo X.
Adamantius. Vide *Origenes.*
Ado Viennensis Archiepiscopus, an. 859. Prænot. pag. 375. Seculo IX.
Agobardus Lugdunensis Archiepiscopus, circa an. 723. Seculo VIII.
Albertus Magnus, circa an. 1250. Prænot. pag. 384. Seculo XIII.
Alcuinus, sive *Flaccus Albinus*, Diaconus & Abbas, circa an. 780. Seculo VIII.
 Prænot. pag. 371.
Algerus ex Leodiensi Scholastico Cluniacensis Monachus, an. 1130. Seculo XII.
 Prænot. pag. 382.
Amalaricus Fortunatus Treverensis Archiepiscopus, circa annum 800. Seculo IX. inen-
 te.
Amalaricus, alius Diaconus Metensis, circa an. 816. pag. 372. Seculo IX.
S. Ambrosius Mediolanensis Archiepiscopus, an. 374. pag. 341. Seculo IV.
Ambrosius Aufbertus Abbas, circa an. 667. Seculo VII.
Amphilochius Iconii Episcopus, an. 364. Prænot. pag. 338. Seculo IV.
Anastasius Bibliothecarius, an. 880. pag. 375. Seculo IX.
Anastasius Nicænus, circa an. 690. Seculo VII.
Anastasius Sinaita Patriarcha Antiochenus sive Theopolitanus, an. 561. Seculo VI.
 Prænot. pag. 367.
Ansegisus Abbas, an. 341. Seculo IV.
Anselmus Lucensis Episcopus, an. 1081. Seculo XI.
S. Anselmus Cantuariensis Archiepiscopus, an. 1094. pag. 380. Seculo XI.

- Seculo XII. *Anselmus* Laudunensis, anno 1100. pag. 380.
 Seculo VII. *Antonius* Abbas Ægyptii, alius ab Autore Monachorum an. pag. 372.
 exunte.
 Seculo IV. *Asterius* Episcopus Amasæ in Ponto.
 Seculo IV. *S. Athanasius* Alexandrinus Archiepisc. an. 326. pag. 330.
 Seculo IV. *S. Augustinus* Hipponensis Episcopus an. 395. Prænot. pag. 355.
 Seculo VII. *S. Augustinus* Anglorum Episc. an. 600.
 Ineunte Secul. VI. *Avitus* Alcimius Archiepiscopus Viennensis.
 Secul. V. ineunte: *Aurelius Prudentius*, an. 405.

B

- Seculo IV. **B**ASILIS Cæsarex in Cappadocia Archiepiscopus, anno 367.
 pag. 334.
 Seculo IV. *Basilus* Seleuciensis, anno 382.
 Seculo VII. *Beda* Venerabilis dictus, Presbyter Anglus, an. 714. pag. 369.
 Seculo VI. *S. Benedictus* Abbas, anno 530.
 Seculo IX. *Benedictus* Levita, anno 861.
 Seculo XII. *Berengarius* hæreticus.
 Seculo XII. *S. Bernardus* Abbas Clarevallis, circa annum 1120. pag. 385.
 Seculo XI. *Berno* Augiensis, anno 1014. pag. 379.
 Seculo VIII. *Bonifacius* Moguntinus Archiepisc. circa an. 730. pag. 370.
 Seculo XI. *Brocardus*, imo *Burchardus*, Episcopus Vormatiensis, an. 1020.

C

- Ineunte Secul. VI. **C**ÆSARIUS Arelatenfis Episc. an. 501.
 Seculo V. *Cassianus* Scythæ, circa an. 403. pag. 364.
 Seculo VI. *Cassiodorus*, dictus Senator, an. 528. pag. 365.
Chrysostomus V. *Joannes*.
 Seculo V. *S. Chromatius* Aquileiensis, aliàs Romatianus Episcopus, an. 409.
 pag. 350.
 Seculo I. *S. Clemens* Alexandrinus Presbyter, an. 192. pag. 324.

Constantini Privilegium, sive Donatio.

Seculo I V.

S. Cyprianus Episcopus Carthagenensis & Martyr, an. 248. pag. 322.

Seculo III.

S. Cyrillus Alexandr. Patriarcha, an. 412. pag. 347.

Seculo V.

S. Cyrillus, Hierosolymitanus Episcopus, an. 351. pag. 338.

Seculo I V.

D

DIDYMUS Alexandrinus cæcus.

Seculo I V.

S. Dionysius Areopagita, circa an. 100. pag. 18.

Seculo I. & II.

S. Dionysius Alexandrinus Episcopus, an. 248.

Seculo III.

E

EGBERTUS Eboracensis Archiepisc. an. 749.

Seculo VIII.

Eligius Episcopus Noviomensis, pag. 369.

Seculo IV.

Ennodius Ticinensis Episcopus, an. 503. pag. 365.

Seculo VI.

S. Ephrem Syrus, Diaconus Edessenus, an. 366.

Seculo IV.

S. Epiphanius Salaminæ in Cypro Archiepisc. an. 370. pag. 338.

Seculo IV.

Evagrius, Scholasticus, Syrus, Historicus, an. 527.

Seculo VI.

S. Eucherius Lugdunensis Archiepisc. an. 441.

Seculo V.

Eusebius Emisenus, an. 342. pag. 330.

Seculo IV.

Eusebius Pamphili, Episcopus Cæsareæ in Palæstina, anno 310. Prænot. pag. 319.

Seculo IV.

F

FAUSTUS Regiensis seu Reiensis Episc. an. 455. pag. 364.

Seculo V.

Flodoardus Rhemensis Canonicus, an. 960. pag. 377.

Seculo X.

Freculfus Lexoviensis Episc. an. 847.

Seculo IX.

Fulbertus Carnotensis Episc. an. 1007. pag. 378.

Seculo XI.

S. Fulgentius Ruspenfis in Africa Episc. an. 505. pag. 365.

Seculo VI.

G

GAUDENTIUS, Brixienfis Episcopus.

Seculo V.

Gelasius Cyzicenus, an. 475.

Seculo V.

- Seculo V. *Gennadius* Constantinopolitanus Patriarcha, an. 458.
 Seculo V. *Gennadius* Massiliensis, an. 490.
 Seculo VIII. *Germanus* Patriarcha Constantinopolitanus, an. 719.
 Seculo XII. *Gofridus* Vindocinensis Abbas, an. 1121. pag. 382.
 Seculo XII. *Gratianus* Monachus, Autor Decreti, an. 1151.
 Seculo VI. *S. Gregorius Magnus* Papa, an. 590. Prænot. pag. 366.
 Seculo IV. *S. Gregorius* Nyssenus Episcopus, an. 368. pag. 336.
 Seculo IV. *S. Gregorius* Nazianzenus, Patriarcha Constantinopolitanus, anno 372. pag. 335.
 Seculo IV. *Gregorius* Thaumaturgus, an. 332. Prænot. pag. 328.
 Seculo VIII. *S. Gregorius* Turonensis Episcopus, an. 772. pag. 366.
 Seculo XI. *Guismundus* Episcopus Aversanus, an. 1073. pag. 380.

H

- Seculo IX. **H**ALITGARIUS Cameracensis Episc. an. 823.
 Seculo IX. *Haymo* Episcopus Halberstadiensis, circa an. 840. pag. 373.
 Seculo XI. *Henricus I.* Imperator. an. 1005.
 Seculo IX. *Herardus* Turonensis, an. 859.
 Seculo I. *Hermes*, sive *Hermas*, pag. 313.
 Seculo VI. *Hesychius*, alias *Isichius*, Hierosolymitanus Presbyter vide *Isichius*, pag. 367.
 Seculo IV. *S. Hieronymus* Stridonensis Presbyter, anno 378. pag. 351.
 Seculo IV. *Hilarius* Piclavienensis Episc. an. 355. pag. 340.
 Seculo IX. *Hincmarus* Rhemenensis Archiepisc. an. 841. pag. 375.
 Seculo IV. *Honorius* Imperator, an. 395.
 Seculo XII. *Honorius* Augustodunensis Presbyter & Scholasticus, an. 1122. pag. 381.
 Seculo XI. *Hildebertus* Cenomanensis Episc. an. 1097.
 Seculo XII. *Hugo* à S. Victore, anno 1130. pag. 382.
 Seculo XI. *Humbertus* Cardinalis, anno 1051. pag. 379.

Humbertus Viennensis, Ordinis Prædicatorum an. 1254. pag. 383. Seculo XIII.

Igmarius, lege *Hincmarus*.

I

IDELPHONSUS Episcopus Toletanus, an 658. Præn. pag. 369. Seculo VII.

S. Ignatius Martyr, Episcopus Antiochenus, circa annum 100. Seculo II.

Innocentius 3. Pontifex Maximus, an. 1196. pag. 383. Seculo XII.

Joannes Cassianus Monachus, an. 430. Seculo V.

S. Joannes Chrysostomus, Patriarcha Constantinopolitanus, an. 392. Seculo IV.

* *Joannes* Episcopus Hierosolymitanus. Seculo V.

Joannes Climacus, Abbas Montis Sinaï, an. 565. Seculo VI.

S. Joannes Damascenus, Presbyter & Monachus, an. 744. pag. 371. Seculo VIII.

Joannes Moschus, an. 668. Seculo VII.

Jonas Episcopus Aurelianensis, an. 828. Seculo IX.

Joannes Zonaras, anno 1123. Seculo XII.

S. Irenæus Episcopus Lugdunensis, & Martyr, an. 179. pag. 321. Seculo II.

Isaacus Lingonensis, anno 860. Seculo IX.

Isidorus Pelusiota, Presbyter Ægyptius & Monachus, circa an. 410. Seculo V.

Isidorus Hispalensis Archiepisc. an. 600. pag. 368. Seculo VII.

Isichius vide *Hefychius*.

Julianus Pomerius, Abbas in Gallia & Presbyter Ecclesiæ Arelatensis, anno 496. Seculo V.

Ivo Carnotensis Episcopus, an. 1092. Seculo XI.

S. Justinus Philosophus Christianus, Martyr, circa an. 141. vide Præn. pag. 310. Seculo II.

L

LACTANTIUS Firmianus, anno 315. Seculo IV.

Laufrancus Archiepisc. Cantuariensis, an. 1070. pag. 380. Seculo XI.

S. Leo I. Papa, 4, 1. Præn. pag. 363. Seculo V.

- Seculo XI. *Leo IX.* Pontifex Maximus, an. 1049. pag. 38c.
 Seculo IX. *Leo* sapiens, Imperator, an. 886. pag. 377.
 Seculo VII. *Leontius* Scholasticus Constantinopolitanus, circa an. 600.
 Seculo IX. *Ludovicus I.* Imperator, Pius dictus, 814.
 Seculo IX. *Lupus* Ferrariensis Abbas, an. 842. pag. 374.
 Seculo X. *Luitprandus* Cremonensis Episc. 961. pag. 377.

M

- Seculo XII. **M**ALACHIAS Primas Hiberniæ, an. 1124.
 Seculo VI. *Martinus* Bracarensis Episc. anno 572.
 Seculo XI. *Micrologus* cujus verum nomen minus compertum, circa an. 1085. pag. 380.

N

- Seculo IV. **N**ECTARIUS Episcopus Constantinopolitanus, anno 388.
 Seculo IX. *Nicephorus* Patriarcha Constantinopolitanus, anno 810.
 Seculo V. * *Nilus*, Abbas Græcus, circa an. 440.

O

- Sec. X. exeunte. **O**ECUMENIUS, pag. 378.
 Sec. IX. aut X. *Olympiodorus*, Monachus Græcus, pag. 378.
 Seculo IV. *Optatus* Milevitanus Episcopus in Africa, circa an. 368. pag. 340.
 Seculo III. *Origenes*, anno 211. pag. 325.
 Seculo X. *Otto I.* Imperator, an. 937.

P

- Seculo IV. **P**ACTANUS Episcopus Barcinonensis, circa an. 355.
 Seculo IV. & V. *Palladius* Episcopus Helenopoleos, an. 388.
 Seculo IX. *Paschasius*, Ratbertus, an. 816. pag. 373.
 Seculo V. & VI. *Paschasius* Diaconus Cardinalis, an. 493. pag. 365.
 Seculo IV. *Paulinus* Presbyter Mediolanensis.
 Sec. V. ineunte. *S. Paulinus* Nolanus Episcopus, anno 400. pag. 362.

<i>Paulus</i> Diaconus Aquileiensis, an. 774. pag. 370.	Seculo VIII.
<i>Pelagius</i> ex Diacono Ecclesiæ Romanæ Pontifex Maximus, an. 555.	Seculo VI.
<i>Petrus</i> Blesensis Archidiaconus Bathoniensis in Anglia, an. 1169.	Seculo XII.
<i>Petrus</i> Episcopus Alexandrinus, anno 304. pag. 329.	Seculo IV.
<i>S. Petrus</i> Chrysologus Ravennensis Episcopus, anno 433.	Seculo V.
<i>Petrus</i> Cluniacensis Abbas, qui & Petrus venerabilis, an. 1135.	Seculo XII.
<i>Petrus Comestor</i> sive Manducator, Trecentis Canonici & Decanus, circa annum 1160. pag. 513.	Seculo XII.
<i>Petrus</i> Damiani Cardinalis, an. 1052. pag. 379.	Seculo XI.
<i>Petrus</i> Diaconus Græcus, circa an. 520.	Seculo VI.
<i>Petrus Lombardus</i> , qui & Magister Sententiarum, anno 1153. pag. 513.	Seculo XII.
<i>Photius</i> Patriarcha Constantinopolitanus, anno 892.	Seculo IX.
<i>Primasius</i> Adrumettinus vel Uticensis in Africa Episcopus, anno 540. pag. 365.	Seculo VI.
<i>Proclus</i> Patriarcha Constantinopolitanus, an. 438.	Seculo V.
<i>Prosper</i> Aquitanus, anno 428. Prænot. pag. 363.	Seculo V.
<i>Prudentius</i> , vide <i>Aurelius</i> .	

R

R ABANUS MAURUS Moguntinus Archiepiscopus, an. 847. Prænot. pag. 373.	Seculo IX.
<i>Regino</i> Abbas Prumiensis, an. 945. pag. 376.	Seculo X.
<i>Richardus</i> à S. Victore, circa annum 1160. pag. 382.	Seculo XII.
<i>Ruffinus</i> , anno 373. pag. 350.	Seculo IV. & V.
<i>Rupertus</i> Abbas Tuitiensis, circa an. 1120. pag. 382.	Seculo XII.

S

S ALVIANUS Massiliensis Ecclesiæ Presbyter, an. 440. pag. 364.	Seculo V.
<i>Sedulius</i> Presbyter, an. 340. pag. 362.	Seculo IV.
<i>Severus</i> Sulpicius, Agennensis Episc. in Aquitania, an. 400. pag. 355.	Seculo V.
<i>Sidonius</i> Apollinaris, Arvernorum Episcopus, an. 468. pag. 363.	Seculo V.

- Seculo X. *Simeon* Metaphrastes, qui & Logotheta, an. 940. pag. 378.
 Seculo IX. *Smaragdus* Abbas, an. 843. pag. 373.
 Seculo VII. *Sophronius* Episcopus Hierosolymitanus, an. 636.
 Seculo V. *Sozomenus* & Socrates Historici, circa an. 440.
 Seculo XII. *Stephanus* Eduensis, sive Augustodunensis Episcopus, an. 1111.
 Seculo IX. *Strabus* Fuldensis Monachus, an. 842. pag. 130.

T

- Seculo VIII. **T**ARASIVS Constantinopolitanus, an. 786.
 Seculo III. *Tertullianus* Carthagenensis, an. 200. pag. 311.
 Seculo VII. *Theodulphus* Aurelianensis Episcopus, an. 794. pag. 373.
 Seculo V. *Teodoritus*, sive *Theodoretus*, Episcopus Cyri, an. 423. pag. 348.
 Seculo VII. *Theodorus* Cantuariensis Episcopus, an. 697.
 Seculo IX. *Theodorus* Studites Abbas, circa an. 810. pag. 376.
 Seculo XI. *Theophylactus* Archiepiscopus Bulgarix, an. 1072. pag. 381.
 Seculo IV. *Theophilus* Alexandrinus, an. 385. pag. 346.
 Seculo V. *Theodosiana* Leges, sive Codex Theodosianus, anno 438. pag. 385.
 Seculo IV. *Timotheus* Alexandrinus Patriarcha, an. 381. pag. 338.
 Seculo VI. *Tripartita* Historia, circa an. 550.

V

- Seculo IX. **V**ALAFRIDUS Strabo Abbas Augix, an. 814. pag. 374.
 Seculo VI. *Victor Tununensis*, vel *Tonnonensis*, an. 555. pag. 366.
 Seculo V. *Victor Uticensis*, sive *Vitenfis*, in Africa Episcopus, an. 487.
 Seculo V. *Vincentius* 13. Abbas Lirinensis, an. 434. pag. 364.
 Seculo IX. *Vsfuardus* Monachus, anno 806. pag. 371.
 Seculo XIII. *Vincentius* Bellovacensis, Dominicanus, an. 1255. pag. 384.

Y

- Seculo XI. **Y**VO Carnotensis Episcopus, anno 1092.

I X.

ORDINUM REGULARIUM INDEX
& primo de MONACHORUM cæterorumque
REGULARIUM institutione.

VITÆ communis institutum apud fideles unà cum religione Christiana ortum esse sacræ literæ testantur, Actuum, cap. 2. & 4. Siquidem jam tum *Multitudini credentium erat cor unum, & anima una: nec quisquam eorum quæ possidebat, aliquid suum esse dicebat, sed erans illis omnia communia.* Qui quidem mos Alexandriæ à B. Marco introductus, à Philone Judæo, lib. de vita contemplativa sive de supplicibus, sub Esszorum, à sanctitate deducto nomine, descriptus fuisse putatur, autoribus Eusebio, lib. 2. hist. cap. 15. & 16. Epiphanio hæc. 29. Sozomeno, lib. 1. cap. 12. aliisque. Hieronymus, lib. de Scripturibus Ecclesiast. in Philone ea de re sic loquitur: *Ex quibus apparet talem primam in Christo credentium fuisse Ecclesiam, quales nunc Monachi esse nituntur & cupiunt: ut nihil cuiusquam proprium sit, nullus inter eos dives; nullus pauper, patrimonium egentibus dividuntur, orationi vacatur & Psalmis, doctrina quoque & continentia.* Unde à vero non videtur abhorere quod asserit Cassianus 2. instit. Cœnob. 5. *Ægyptios Monachos à S. Marco esse institutos.* Quinimò paulò adhuc antiquior censefi potest hæc vitæ norma; siquidem apud Isidorum S. Joannes Baptista vitæ Monasticæ fundamenta jecisse dicitur, arque à S. Joanne Chrysostomo, hom. de Joan. Baptista & à S. Hieronymo, epist. 21. ad Eustochium, *Monachorum Princeps* appellatur. Verùm quia & Joannes exemplo potius suo cæteris prævisse, quàm certâ regulâ constitutâ discipulos informasse videtur, neque apparet aut hos, aut Christianos Alexandrinos in ejusmodi vivendi ratione diu perseverasse, alii opinor certiores quærendi sunt ejus rei auctores.

Monachos pepetisse creduntur persecutiones in Christianos ab Imperatoribus Ethnicis mortæ: Deciana imprimis circa annum Christi 259. Per ea enim tempora auctoribus, hinc Dionysio Alexandrino Ægyptii fideles in Thebaidem, inde Gregorio Thaumaturgo Neocæsareæ Episcopo in Ponti solitudines, virandi grassantium adversus fideles Paganorum furoris causâ, secessisse feruntur. In illis *Paulus* fuisse legitur, quem omnes Anachoretarum principem agnoscunt. Paulò post, initio nimirum sequentis sæculi, Monachos instituit in eadem Ægypto *Antonius*, qui quidem Cœnobiticæ vitæ sub communi regula in etemo degendæ autor perhibetur, aut certè, (si quis auctorem ejus Marcum fuisse contendat,) restitutor. Id autem institutum à B. Athanasio Patriarcha Alexandrino, qui cum Antonio vixerat, in Clerum ejus Ecclesiæ est translatum; ac deinde Romam illatum circa annum 340. unde brevi per Occidentis provincias propagatum fuit.

I. Origine vitæ
Monasticæ.

II. Institutum Mo-
nasticæ discipline.

III. Diversa
Monachorum ge-
nera.

Monachorum autem Aegyptiorum tria fuisse genera tradit epist. 22. Hieronymus: Horum primi erant *Canobita*, quos Aegyptii sua lingua *Saufer* vocabant; id est communem inter se vitam agentes; quosque *Synodicos* appellant Arcadius & Honorius in l. *addictos* 6. Cod. de Episc. aud. scilicet intra eamdem domum sub regula degentes. Secundum locum obtinebant *Anachoreta*, qui & *εὐχόμενοι* à Justiniano Nov. 5. cap. 3. & *Eremita*, ac propriè Monachi, seu *μοναχὸν*, i. solitarii dicti, in cellis quisque suis & latebris sive lauris, ut vocabant; per desertum & vastas solitudines, procul ab hominum cultu cœtisque, religiosè, sed plerumque sine certa norma & regula vivebant. Tertium genus fuit eorum qui *Remoioth* dicebantur, & hinc ratiùm aut terni in turribus ferè aut castellis simul habitantes, suo arbitratu, ex iis quæ proprio quisque labore comparabant, in communem collatis, vivebant: à quibus parum quid diversi fuerit quos Cassianus *Sarabaitas* appellatos fuisse memorat. collat. 18. c. 7.

IV. Reliqua
Regularium ac
Cœnobitarum ge-
nera.

Monachis & Cœnobitis, itemque Monialibus accessere Canonici, atque alii Clerici Regulares: Canonici quidem dicti quod inscripti essent Canonii seu matriculæ Ecclesiæ vel Cœnobii; Regulares verò quod ex præscripta Regula communem agerent vitam. Pro liere postea Hospitalarii, Mendicantes, alique: quorum omnium collapsa progressu temporis disciplinâ, ei ad pristinam, aut certè ad meliorem formam redigendæ, orta subinde varia fœdalicia, Religiosorum viro- rum ac puellarum numerum in immensum auxerunt.

V. Regule va-
riæ.

His omnibus diversæ vivendi formæ post sanctum Antonium à Pachomio Abbate, ejus in regendis per Thebaidem Monachis successore, aut adjutore; ac deinde à Sancto Basilio circa an. 373. in Oriente; in Occidente verò à S. Augustino Hipponensi Episcopo circa an. 400. ab Honorato Lirinensi Abbate, ac deinde Episcopo Arelatensi circa an. 420. à S. Benedicto Nursino circa an. 520 à Columbano Abbate Hiberno circa an. 563. atque à B. Francisco Assisinate circa an. 1206. conscriptæ sunt. Hodie innumere diversorum ordinum familiæ, licet habitu, ac regiminis formâ dissimiles, unam ex his quatuor Regulis, sanctorum videlicet Basilii, Augustini, Benedicti, & Francisci profitentur, atque alii strictius, mitius alii observant; nisi quod Carthusianis, alisque nonnullis propriæ constitutiones pro Regula sunt. Innocentius 2. in *Can. perniciosam* xviii. *quæst.* 2. trium Priorum Regularum meminit, cum nondum S. Franciscus suam instituisset. Sed de his qui plura volent, ei consulendi Polyd. Virgilius lib. 7. de inventorib. rer. Chassanæus in Catalogo gloriæ mundi, parte 4. considerat. 33. & seqq. Ren. Chopinius in libris *Monasticon*, Hugo Menardus, Aubertus Miræus, Anton. Dadinus Altaferia & alii.

VI. Vota Re-
gularia.

Cœnobitarum status tribus votis constat, Continentiæ, Paupertatis, & subjectionis, quæ tria omnino ad substantiam vitæ Regularis pertinent: & tum Obedientiæ (quam Abbati omnes in omnibus exhibere tenentur,) tum hodiè *abdicatio Proprietatis, sicut & custodia Castitatis, adeo est annexa Regula Monachali, ut contra eam nec Summus Pontifex possit licentiam indulgere*, teste Innocentio 3. in cap. *cum ad Monaste-*

rium 6. ex de Statu Monachor. Atque iis vinculis obstricti tenentur tamen Clerici fiant *Can. 3. de Monachis*, xvi. q. 1. aut etiam Episcopi: Manent n. adhuc Monachi, eosque oportet ferre habitum Monachalem *cap. 15. in f. 2. de vita & honest. Cler.* Nisi scilicet ab ipso religionis vinculo absolvantur, ex *Glossa d. cap. cum ad Monaster.* quod præsertim Episcopali ordinatione contingit, circa obligationem servandæ paupertatis, aliorumque Monasticorum officiorum, quæ cum Episcopalius pugnant, *Can. un. xviii. q. 2.* Ideoque Beguinæ, quæ nulli promittebant obedientiam, nec propriis renunciabant, nec profitebantur aliquam Regulam approbatam, Religiosæ nequaquam exstebant, quanquam habitum deferrent & adhererent. Religiosis aliquibus, uti decisum est à Clemente 5. in Concilio Viennensi, *Clem. 1. de Religiosis domib.* Idcirco Monachus mundo mortuus, Deo tantum vivere dicitur, *Can. placuis 8. xvi. quest. 1.* Eremitarum seorsum degentium, quod ad propria possidenda pertinet, alia videtur fuisse causa, *§. econtrà post Can. perlatum, xix. q. 3. & cap. un. de excessib. pralator. in f. lib. vi.*

Quoniam libero consensu suscipi debet Regularis vitæ Professio; ne erroris, qui consensui contrarius est, ulla obtendi possit excusatio, rectè constitutum est ut nec ante pubertatem, nec nisi post debitam probationem sive experimentum, vota emittantur. Aetatem Tridentina Synodus sess. 25. in decreto de Regularib. cap. 15. & Constitutio Blesensis art. 28. in utroque sexu anno decimo sexto completo definiunt: Probationis tempus nunc ferè annuum est, nisi ex causa differatur; vixque apud nos valet tacita Professio, ex quo edicti Molinensis art. 55. ad probanda vota Regularia requiri cœpit scriptura.

Sequens Syllabus singulorum Ordinum & sodalitorum Auctorem, Tempus, Locumque institutionis, ac Regulam breviter indicabit.

VII. Requisita.

INDEX CHRONOLOGICUS ORDINUM
& Congregationum Regularium.

ANTONIANI, sive Monachi Ordinis sancti Antonii, ab Antonio Aegyptio Abbate, circa annum Christi 310. in Thebaide Aegypti Provincia, apud Nitriam præsertim montem, instituti in Syria & Aegypto hodieque plurima Monasteria habent.

Moines de saint Antoine hermite.

TABENNITÆ, superstitæ sancto Antonio in eadem Thebaide, Tabennis, qui locus in Nili fluminis insula situs est, instituti à sancto Pachomio Abbate, sub cujus Regula degunt; cum superioribus plerumque confunduntur.

De S. Pacome.

BASILIANI circa an. 361. Matanzæ in Ponto à sancto Basilio, postea Cæsareæ in Cappadocia Episcopo dicti; cujus Regulam sequuntur, per totam Græciam magno numero degunt.

De S. Basile.

CANONICI REGULARES auctorem habent sanctum Augustinum Hippo-regensem in Numidia præfulem circa an. 395.

Chanoines Regulariers de S. Augustin.

EREMITÆ AUGUSTINIANI ab eodem in Eremo Numidiz Tagastensi, vitæ Monasticæ Regulam acceperunt, circa idem tempus.

Hermites de saint Augustin.

De Mont-Carmel.

CARMELITARUM semina videntur sub annum 400. jacta, cum Monachorum Antonianorum propago, S. Basilii Regulam auspiciis Joannis Patriarchæ Hierosolymitani, in Carmelo Palæstinæ monte, amplexi dicuntur.

De S. Honorat de Lerins.

LIRINENSES, in Provinciæ insula Lerina, ab Honorato, qui post Arelatenfis antistes, sub dura regula institui circa annum 420. postea cum Benedictinis coaluerunt.

De S. Benoît.

BENEDICTINI, qui & Monachi Nigri, à sancto Benedicto Nursiæ in Umbria, aliàs in Sabinis, nato, Monachorum per Occidentem parente, originem Regulamque acceperunt, apud montem Cassinum in Latii & Campaniæ confinio, circa annum 529. Eorum Regula à Gregorio magno confirmata legitur an. 595. in Concilio Romano. Hic Ordo jam tempore Constantiensis Concilii Orbi Christiano virorum piorum in sancto-album relatorum quinquaginta & quinque millia, & præterea quadringentos ac sexaginta, Pontifices maximos 35. Cardinales 200. Archiepiscopos 1164. Episcopos 3512. protulisse dicebatur.

De S. Columban.

B. COLUMBANI Abbatis Hiberni, (qui sub annum 565. apud Scotos à se ad fidem conversos Monasterium instituit, cujus Abbati Episcopi ipsi subessent,) Regulam plura olim per Britanniam Insulam Cænobia sequebantur. Is Luxovienſis in Burgundia, & Bobienſis tandem in Italia fundavit.

De Cluni.

CLUNIACENSES à Bernone orti, qui ex Comite Monachus, & Gigniacensis in Occitania Abbas, auspiciis Guilielmi Aquitaniz Ducis Arverniæque Comitis, apud Cluniacum vicum in Matisconensi Burgundiz Diocesi circa annum 910. fundato Monasterio, remissum in Gallia Monachorum Benedictinorum institutum instauravit. Quamquam sunt qui Guerinum Comitem Cabilonensem & Matisconensem, sub annum 820. primum autorem fuisse contendunt Cænobii Cluniacensis, quod postea destructum, atque à Guilielmo Duce instauratum fuerit, eique Berno Abbas præpositus.

De Camaldoli.

CAMALDULENSES à Romualdo Ravennate nobili, Classensi sancti Apollinaris apud Ravennam Abbate, circa annum 997. Camalduli in Tusciæ Diocesi Aretina, sub sancti Benedicti Regula fuere instituti: quem Anachoretarum Ordinem Alexander 2. anno 1073 comprobavit.

De Vallombrosa.

VALLIS-UMBROSÆ Monachi autorem agnoscunt Joannem Gualbertum Florentinum, nobili loco natum, qui cum Monachum apud sanctum Miniatum professus esset, deinde Teuzonis viri docti consilio, Vallem Umbrosam in Tusciâ & Diocesi Florentina, profectus, ibi Monasterium condidit, ac novi Ordinis fundamenta jecit, circa annum 1060.

Chanoines Regularis.

CANONICORUM REGULARIUM diversa genera, diversæque familiarum sunt sub S. Augustini regula militantium. Primum ferè inter eos locum tenent quos sub annum 1056 Arnolfus quidam Hierosolymis instituit: Quod institutum instauratum maximè creditur, cum per Alexandrum 2. in Lateranensi Concilio anni 1065. à Canonicis seu Clericis Collegiatis communem vitam servari constitutum est.

De Grand-mont.

GRANDIMONTENSUM conditor fuit Stephanus Arvernus, vir miræ sanctitatis, qui vitam eremiticam in patria amplexus an. 1076. apud

Mureti montem Lemovicibus proximum, plurimos in B. Benedicti disciplina erudit. Ejus postea discipuli, Grandimontium in eadem Diœcesi migrarunt, circa annum 1130. Hunc Ordinem aliquatenus temporum injuria labefactum Joannes 12. reformavit; & Monasterium, quod antea Priorem tantum habuerat, Abbatiz titulo donavit.

CARTHUSIANI, dicti sunt à Carthusio solitudine in Diœcesi Gratianopolitana, ab Hugone Episcopo B. Brunoni Colonienſi auctori illius instituti, ipsiusque locis concessa; quæ circa annum 1086. habitari cœpta. Hi quoniam à solitaria vitæ cum perpetua Cilicii, silentii, jejunii observatione conjunctæ, instituto non recesserunt, & statutis suis ab Urbano 2. confirmatis, quæ ipsis pro Regula sunt, arctius insisterunt; Reformatione non indigere: Idque habent præcipuum quod Mendicantes alique religiosi ab Ordinibus suis ad hunc, tanquam strictiorem, transire possunt, *cap. 1. de Regularib. in communib.*

SANCTI ANTONII VIENNENSIS Hospitalarii Gasto vir nobilis Provinciæ Viennensis originem dedit. Hic cum Gerino filio, adjunctis octo fodalibus, infirmorum ministerio se addixit, qui præsertim sacro igne, (morbo nimirum per ea tempora frequenti) ardebant; idque circa an. 1095. Hi affixâ tunicæ figurâ literæ T. distinguuntur. Primaria domus est apud Motam, quæ à sancti Antonii reliquiis eò jam tum translatis, sanum S. Antonii vocatur, in Viennensî agro sita.

CISTERCIENSE Monasterium in Diœcesi Cabilonenſi & Burgundiz ducatu erexit sanctus Robertus Abbas Molismensis anno 1098. permissu Hugonis Archiepiscopi Lugdunensis Legati Apostolici, & Valteri Cabilonenſis Episcopi; atque ope Odonis Burgundiz ducis. Hinc ortus Ordo Cisterciensis qui sub Regula S. Benedicti degunt, multis privilegiis à Paschali præsertim 2. Callisto 2. Innocentio 2. donati: Eorum decus B. Bernardus Abbas Claravallensis.

FONTIS-EBRALDI familia à Roberto de Attrussellis Theologo Parisiensî, qui sancto Bernardo familiaris fuit, instituta est circa annum 1117. apud ejus nominis locum in Diœcesi Pictaviensi, non procul a Tutonum & Andegavorum finibus, condito Monasterio: cujus Abbatissâ non solum Monialibus, sed etiam Monachis totius Ordinis præest; exemplo scil. beatæ Virginis, cui tanquam matri, B. Joannes in filium adoptatus, paruit. Jussu Sixti 4. facta est Ordinis Reformatio secundum sancti Benedicti Regulam, & Roberti statuta.

HOSPITALARIÏ, sive JOANNITÆ, circa annum 1131. Hierosolymis in æde sancti Joannis instituti sunt, sub regula sancti Augustini; sacram militiam, cum Hospitalitate, atque infirmorum cura, professi. Post ereptam Christianis Palæstinam Equites Rhodii, nunc amissâ Rhodo, *Melitenſes* vocantur.

SANCTI RUFI Canonico-rum Regularium Congregatio, auctore B. Rufo Archiepiscopo Lugdunensi cœpit sub regula B. Augustini, circa annum 1107. in Galliz Diœcesi Valentinenſi, quâ in urbe nunc Cœnobium ejus primarium existit.

TEMPLARIÏ, licet Militari-bus Ordinibus annumerandi videantur, quod in id præcipua curâ incumberent, ut Christianos loca sacra adeun-

Les Chartreux.

*S. Antoine de
Viennais.*

De Cîteaux.

De Fontevraud.

*Chevaliers de
S. Jean de Jérusalem,
ou de Malte.*

De Saint Ruf.

Les Templiers.

tes à vi atque insidiis, tum latronum, tum infidelium, tutos pro vinis præstarent: quia tamen fideles quoque peregrinos hospitio excipiebant, Hospitalarii eos accenseri nihil vetat. Illi numero novem circa annum 1118, votis se regularibus obstringere ceperunt, Hierosolymis coram Patriarcha, autoribus Hugone de Paganis & Gaufrido de sancto Audomaro, nobilibus viris; distique sunt milites Templi, quod eis Rex Hierosolymitanus in palatio suo, quod secus Templum Domini erat, habitaculum; Canonici verò Templi locum Palatio vicinum ad opus officinarum concessissent. Nono post anno assignata est eis in Trecenti Concilio Regula jussu Honorii 2. atque ab eo tempore immensum numero atque opibus crevere: donec impietatis & multorum flagitiorum rei acti, jussu Clementis 5. omnes ubique deleti sunt, bonaque ipsorum partim Joannitis sive Rhodiis, partim Teutonicis militibus attributa.

De Præmonstré.

PRÆMONSTRATENSES Canonici Regulares initium accepere anno 1120. apud Præmonstratum in Diocesi Laudunensi, a Norberto, Evangelicæ doctrinæ prædicatore celebri, qui postea Magdeburgensis in Germania Archiepiscopus creatus est. Militant sub B. Augustini Regula, & Pastoralia in locis sibi assignatis munia obeunt.

Du Mont de La Vierge.

MONTIS VIRGINIS Monasterium, à quo universæ familiæ nomen, fundavit Guilielmus Vercellensis Eremita in Abellinate, ni fallor, Provincia Beneventanæ Diocesi, sub regula sancti Benedicti, circa an. 1124.

De S. Guillaume.

GUILIELMITÆ, seu Eremitæ sancti Guilielmi, in stabulo Rhodis, quod hodiè Mala vallis, apud Grossetum Senensis in Tuscia ditionis oppidum, ortum habuerunt circa an. 1152. autore Guilielmo, sive ultimo Aquitaniz duce ac Pictonum Comite, sive alio Guilielmo; sub Regula sancti Benedicti, comprobata ab Innoc. 4. an. 1248. Vulgo apud nos à pallii exterioris colore, *Blancs-manteaux* appellabantur. Hunc ordinem plerique ad Augustini regulam referunt, quod nunc in stabulo Rhodis insigne sit Monasterium Augustinianorum.

Les Gilbertins.

GILBERTINA Benedictinorum Congregatio per B. Gilbertum Sempingam Anglum in Dioc. Lincolnensi instituta fuerat an. 1148. atque ab Eugenio 3. approbata.

De sainte Croix.

CRUCIFERORUM seu Crucigerorum plures sunt familiæ. Primam originem ad Cleti Pontificis tempora quidam referunt. Cyriacum alii, qui Helenæ Constantini matri locum indicavit in quo Christi crux recondita fuerat, auctorem prædicant hujus instituti. Illud constat ante annum 1160. per Italiam innotuisse: siquidem eos variis privilegiis ornavit Alexander 3. eorum sæpids hospitalitate usus, cum Friderici Ahenobarbi vim fugeret. At qui in Gallia, Belgio, Germanique eo nomine censentur, circa an. 1216. initium habuere à quinque piis hominibus, qui se Hugoni Cardinali, Apostolico Legato obtulerunt. Innocentius 4. sub Regula sancti Augustini ordinem confirmavit, cujus caput Huic ad Mosam in Diocesi Leodiensi.

Les Beguines.

BEGUINÆ, aut Beghinæ, sive à Begga Pipini primi Brabantiz ducis filia, circa annum 680. sive à Lamberto Begho Leodiensi sacerdote, circa annum 1170. denominatæ atque institutæ, nobiles sunt virgines, religiosum vitæ genus Psalmodiâ, divinarumque officiorum assiduitate,

habitu quoque in Choro, & habitatione communi amplexæ, citra votorum tamen regularium professionem: longè diversæ ab iis quæ cum Begardis in Concilio Viennensi hæresis nomine damnatæ sunt.

HUMILITATIS à quibusdam Nobilibus Mediolanensibus, patris post exitum tandem restitutus ab imperatore Henrico 5. aliàs 6. ceperunt originem circa annum 1196. Eorum sodalitiæ Innocentius 3. circa 1200. confirmavit sub Benedictina Regula; abolevit Pius 5. propter insidias B. Caroli Borromæo paratas anno 1570. Hi ab Humilitatæ, hæreseos nomine per Innocentium 3. damnatis diversi fuerunt.

SANCTISSIMÆ TRINITATIS Ordo ad Redemptionem Captivorum institutus est anno 1197. auctore Joanne de Matha in Provincia nato, qui Theologus Parisiensis fuit, acque à Felice Anachoreta Valesiano, in loco Diocesis Meldensis qui *Corvus Frigidus* dicitur; ubi adhuc Ordinis Caput, licet generalis Minister apud Maturinenses Lutetiæ ut plurimum degat. Confirmatus est hic ordo ab Innocentio 3. an. 1209.

MONTIS DEI Ordo secundum Regulam sancti Augustini, in Diocesi Germaniæ Spirensi, exordium habuit anno 1203. ab Alexandro Magdeburgensi Archiepiscopo, confirmante Innocentio 3.

CARMELITÆ, sive Carmelitani fratres, cum antea sparsim per montem Carmelum agerent, temporibus primùm Alexandri 3. simul convenisse dicuntur: deinde Innocentii 3. autoritate ab Alberto Patriarcha Hierosolymitano circa annum 1205. Regulam ex sancti Basilii aliorumque præceptis compositam accepere; quæ ab Honorio 3. confirmata, ab Innocentio deinde 4. mitigata est. Habitûs formam mutavit Honorius 4. In Gallia sedes figere cœperunt circa annum 1264.

FRANCISCANI qui & *fratres Minores*, & *Minoritæ*, an. 1208. initium habuere à sancto Francisco Assisino, qui eis & vivendi normam strictiori paupertatis professione insignem præscripsit; in Lateranensi 4. Concilio ab Innocentio 3. atque iterum ab Honorio itidem 3. confirmatam. Ejus Ordinis plures sunt familiæ, de quibus suo loco. Numerosissima est Observantium, qui & *Cordigeri* dicuntur, quod funiculo cingantur. Eorum alii Conventuales & majoris; alii minoris, id est arctioris Observantiæ vocantur. Illis immobilia in communi possidere permixtum, his non item.

SORORES MONIALES ORDINIS SANCTI FRANCISCI ab eo institutæ sunt anno 1212. in Ecclesia sancti Damiani, duce sancta Clara virgine Assisite: unde **CLARISSÆ**, & *Damiana* seu *Damianistæ* dicuntur, quæ primæ Ordinis asperitatis strictius in hæserunt: à quibus differunt Urbanistæ quæ mitigationem Regulæ ab Urbano 5. factam sequuntur & prædia possident. Atque hinc est secundus Ordo B. Francisci, Monialium nimirum.

DOMINICANI sive *Predicatores*, qui & ab Ecclesia sancti Jacobi eis Parisiis concessa, *Jacobini* in Gallia dicuntur, eodem ferè tempore quo Franciscani, sub S. Augustini, Regula adjecto imprimis abjiciendarum possessionum statuto, constituti sunt Bononiæ à sancto Dominico Hispano, Oxomenfi Canonico, qui egregiam contra hæreticos Albigenses operam navavit & primus sacri Palatii Magister fuit. Ordo ab

Les Humiliez.

De la Trinité, ou Trinitaires.

Du Mont Dieu.

Les Carmes.

Les Franciscains, ou Cordeliers.

Les Religieuses de Sainte Claire, ou Urbanistes.

Les Dominicains, ou Freres Precheurs.

Innoc. 3. confirmatus est in Lateranensi quarto Concilio anno 1215. ac deinde ab Honorio 3. eique commissum est Officium in hæreticos Inquirendi.

Du Val de Escalliers.

VALLIS-SCHOLARIUM Ordo in Diœcesi Lingonensi inchoatus est 1212. juxta B. Augustini regulam à Guilielmo, qui cum Parisiis literas didicisset, in Burgundia aliquandiu docuit, ac postea cum aliquot discipulis in eam eremum secessit auctoritate Guilielmi Episcopi Lingonensis.

Du Val des Choux.

Ordo VALLIS-CAULIUM in Diœcesi Lingonensi ac Monasterio ejus nominis fundatus à Viardo sub districtiori Cisterciensium instituto, eodem tempore quo superior.

Hermite de Saint Paul.

EREMITÆ SANCTI PAULI Budæ in Hungaria, ex instituto nimirum sancti Pauli primi Anachoretæ, autore B. Eusebio Strigoniensi Archiepiscopo cœpete circa annum 1215.

De la Mercy.

Ordo S. MARIE DE MERCEDE, ad redimendos ex infidelium manibus Captivos Christianos à Jacobo Aragoniæ rege, consilio Raimundi Pennafortii, atque operâ Petri de Nolasco nobilis Occitani, Barchinone circa annum 1218. fertur institutus; atque à Gregorio 9. an. 1235. approbatus, sub B. Augustini Regula.

Les Augustins.

AUGUSTINIANI, sive *Eremita sancti Augustini*, hujus beati Præsulis institutum jam propemodum extinctum Pontifice Innocentio 3. restauratum circa tempus Concilii generalis Lateranensis 4. quod rursus anno 1276. & adhuc tempore Gregorii 12. sub annum 1406. reintegratum est.

*Les Chanoines
Réguliers de Saint
Marc.*

Canonicorum Regularium S. MARCI Congregatio ab Innocentio tertio probata, ab Honorio 3. & à Gregorio 9. anno 1231. confirmata, nomen accepit, tum ab Ecclesia ejus nominis apud Mantuam, tum ex eo quod ejus instituti primus autor dicatur S. Marcus.

*Les Religieux du
Tiers Ordre de S.
François.*

TERTIARI, sive Religiosi Tertii Ordinis, aliàs Ordo *Penitentium* cœpit anno 1221. Complectitur non solum in Claustris degentes Cœnobitas, qui & Tertiar sancti Francisci Regulæ adhærent; sed etiam laicos viros & fœminas, qui domi suæ juxta ejusdem Regulæ præscriptum vivunt.

Les Silvestrins.

SILVESTRINORUM Congregationem B. Silvester Guzolinus Canonicus Auximas, ac deinde Eremita, inchoavit anno 1231. sub Regula sancti Benedicti.

*Augustins de la
Pénitence.*

FRATRES DE POENITENTIA D. N. Iesu Christi, qui & Saccati, mandato Innocentii 4. Sodalitatem Massiliæ inierunt anno 1251. quæ per Galliam Italiamque diffusa, una fuit ex Congregationibus quas Alexander 4. sub unam Ordinis Eremitarum sancti Augustini observantiam redegit.

Les Célestins.

CÆLESTINI ab auctore Petro Æsermino qui in monte Murrhone prope Sulmonem, eremiticam vitam professus, ac postea Pontifex creatus, Cælestinus 5. dictus est, hoc nomen accepit, cum antea Congregatio sancti Damiani vocaretur. Cœpit hoc institutum in Magellana Apuliz eremo, multis ob famam Petri sanctitatis eò confluentibus, extructaque Ecclesia & Monasterio sub nomine sancti Spiritus circa annum 1270. Confirmatum est primum à Gregorio 10. deinde an. 1294.

ab ipso Cælestino, qui post quintum mensem, Pontificatu abdicato, ad pristinam vitæ normam rediit. Sequuntur Regulam sancti Benedicti.

MONTIS OLIVETI Congregatio anno 1113. originem sumpsit à Bernardo Prolomæo nobili Senensi, qui Juris primum Professor, post usum oculorum invocatione B. Virginis receptum, in montem ejus nominis, in Aretina Diœcesi, cum sociis secessit, asperam vivendi rationem professus sub Benedictina Regula, huic Ordini à Joanne 22. præscripta: quæ ab Urbano 5. probata anno 1370.

Du Mont-Olivet.

BRIGIDANORUM sive Sancti Salvatoris Ordo tam fœminarum quam virorum (qui tamen Abbatissæ subjeçti) à Brigida vel Birgitta Daniz Regis filia, Ulphonis Netitæ in Suecia Principis vidua, initium habuit circa annum 1363. apud Vvastenam in Suecia. Pia hæc fœmina revelationibus & peregrinationibus clara, habitum quidem Monachalem non sumpsit: sed Regulam, quæ cum Basilii & Augustini præceptis multa habet communia, Christo, ut ferunt, dictante, suis præscripsit. Ea confirmata est ab Urbano 5. anno 1370.

De sainte Brigide, ou Brigittine.

JESUATI, ita dicti quòd nomen JESU frequentissimè in ore haberent, circa annum 1355. instituti sunt Senis in Tuscia per Joannem Columbinum virum nobilem: Regulam S. Augustini profitentur: probataque est eorum vivendi ratio ab Urbano 5. anno 1367. Cum autem initio sacris non initiarentur: id eis postea concessum.

Les Jesuates.

HIERONYMIANI, sive Monachi Sancti Hieronymi, auctore Petro Fernando Hispano, ejusque socio Petro Romano, B. Augustini Regulam amplexi, instituti sui approbationem à Gregorio XI. circa annum 1374. obtinuerunt. Ordinis Caput est Lupiana, vulgo Fanum B. V. de Guadalupe, in Diœcesi Toletana. Ab Ordinis corpore sejuncta fuit Martini 5. temporibus per Lupum Olmedum, novæ ex scriptis sancti Hieronymi Regulæ concinnatorem, Congregatio *Isidoriana* anno 1425. Sed durante Philippo 2. Rege Catholico cum ordine iterum conjuncta est. Isidorianæ propago est Congregatio *Italica*, cujus hodiè caput est Hospitale seu Monasterium Lodevanense in Longobardia.

Les Hieronymites, ou Religieux de S. Jérôme.

EREMITÆ alii sancti *Hieronymi*, à B. Petro Gambacurta nobili Pisano instituti sub annum 1380. nullis initio voris adstricti, victum sibi manibus quærebant, & sublevandis pauperibus incumbabant. At Pii 5. autoritate solemnia vota amplexi, litteris & concionibus operam dare cœperunt.

Hermites de saint Jérôme en Italie.

FRATRES sive CLERICI VITÆ COMMUNIS, à Gerardo Magno, Daventriensi, qui Parisiensis Doctor, Canonicus Ultrajectinus & Apuligranensis fuit, instituti, à Gregorio XI. approbati anno 1376. sub Regula S. Augustini. Hi celeberrimas in Belgio Germanique Scholas habuere: quæ nunc partim ab Heterodoxis, partim à Societatis JESU aliusve religiosi occupatæ sunt. Paucæ tamen adhuc supersunt ut Colonia, Vefalia, &c.

Freres de la vie Commune.

Congregatio FESULANA fratrum Mendicantium sancti Hieronymi anno 1380. inchoata est à B. Carolo filio Antonii Comitis Montis Granelli Diœcesis Sarfinatis in Romandiola, sociis Rodone à monte Granello, & Gualtero Marfo, in Fesularum ruinis haud procul Florentia:

Congreg. Fesulane de S. Jérôme.

*Congregatio Fri-
sonnaire, ou de La-
tran.*

Comprobata est anno 1405. ab Innocentio 7. aliisque Pontificibus.

FRISONARIA Congregatio Bartholomæum Columnnam nobilem Romanum agnoscit auctorem, qui in Monasterio S. Mariæ ejus cognominis non procul Tusciæ citate Luca, disciplinam sancti Augustini restauravit circa annum 1396. quæ totâ deinde Italiâ recepta est titulo Congregationis *Lateranensis*, à Basilica Romæ Lateranensi, ubi restituti per Eugenium 4. Canonici Regulares, donec Sixtus 4. eorum loco seculares constituit.

*De sainte Justine,
ou du blons-Cassin.*

SANCTA JUSTINÆ Congregatio dicta est ab ejus nominis Monasterio apud Patavium, cui à Gregorio 12. Præpositus Ludovicus Barbus Parricius Venetus, præfectus Congregationis Canonicorum sancti Georgii in Alga, dissolutam ibi disciplinam feliciter instauravit, & collapsum sancti Benedicti Ordinem Italiâ totâ restituit circa annum 1408. Eadem Reformatio *Cassinensis* quoque vocatur, quod apud montem Cassinum maximè vigeat

*De S. Salvator, ou
des Scopitins.*

Congregatio Canonicorum Regularium **SANCTI SALVATORIS SILVA LACUS** prope Senas coaluit operâ Stephani Senensis, ordinis Eremitarum Augustinianorum, qui autoritate Gregorii 11. Pontificis Canonicus Regularis factus est circa annum 1408. Vulgus ordinem *Scopetorum* appellavit ab Ecclesiâ sancti Donati de Scopeto Florentiæ sua, quam cum sancti Salvatoris Basilica Martinus 5. univit.

*Chanoines Regu-
liers du S. Esprit.*

CANONICORUM REGULARIUM Congregatio altera apud Venetos, quæ à sancto Spiritu nomen habet, per Gabrielem Spoletinum instituta est.

Les Observantins.

OBSERVANTINI dicti sunt, ad Conventualium discernen, Franciscani strictius Observantiæ Regulæ sancti Francisci inhaerentes: quorum auctor sanctus Bernardinus Senensis, circa annum 1419.

*Religieux de
S. Bernard.*

SANCTI BERNARDI Congregatio, in Hispania per Martinum Vargam Monachum Cisterciensem, ex Petri in Aragonia Cœnobio, initium habuit an. 1425. quo Martinus cum fodalibus duodecim ad Monasterium Montis Sion haud procul Toletto secessit, & veterem ejus Ordinis disciplinam probante Martino 5. instauravit.

De Bursfeld.

BURSFELDENSIS Ordo sive Congregatio initium habuit in Monasterio sancti Marthæ apud Treveros, cujus Abbas Joannes Rodius, Ordinis Benedictini per Germaniam visitator generalis constitutus à Concilio Constantiensi, Monasterium imprimis suum reformavit circa annum 1429. Ejus Reformationis decreta *Bursfeldia* primum anno 1435. suscepta sunt. Est autem Bursfeldia exiguum Diocesis Moguntinæ Monasterium, cujus exemplum sequura pleraque Germaniæ, & Belgii Monasteria huic Congregationi accesserunt.

*Carmes mitigez,
ou Billetes.
De S. Ambroise.*

Carmelita qui **MITIGATI** dicuntur, Regulæ suæ relaxationem Eugenii 4. declaratione obtinuerunt an. 1432. Parisiis Billieti vocantur.

*Augustins de la
Congregation de
Lombardie.*

SANCTI AMBROSII ad *Nemus* Congregatio sub Regula sancti Augustini anno 1433. Mediolani prodit sub Eugenio itidem 4.

Congregatio LOMBARDIÆ, Cremæ per Gregorium Rocchium Papiensem & Gregorium Cremonensem an. 1444. instituta, eminet inter reformatas Eremitarum sancti Augustini.

MINIMI auctore sancto Francisco de Paula, sic dicto à patria in Calabria, ubi jam tum anno 1435. sub Eugenio 4. ejus Ordinis fundamenta jecit sub nomine Eremitarum sancti Francisci Assisiensis: deinde Regulæ suæ (quæ imprimis quadragesimale jejunium per totum annum sancitur) Confirmationem à Sixto 4. impetravit an. 1473. At Alexander 6. Eremitas Ordinis Minimorum vocari jussit.

Les Minimes.

APOSTOLICI, qui & BARNABITÆ, Clerici sunt Regulares qui instituti sui ab Innocentio 8. anno 1484. confirmati, originem ad sanctum Barnabam referunt.

Les Barnabites, ou Apostoliques.

POENITENTES MULIERES, Parisiis anno 1494. cœpere à meretricibus ad meliorem frugem conversis, in honorem B. Magdalene, Joannis Tisserandi Minoris frequenti adhortatione.

Les Penitentes, ou Repenties.

ANNUNCIATÆ, sive Ordo Monialium *Annunciationis* B. Virginis Biturigibus anno 1498. initium habuere à B. Joanna Ludovici xii. filia post divortium à Ludovico xii. Ecclesie autoritate factum: quod institutum Alexander 6. aliqui Pontifices ratum habuerunt.

Religieuses de l'Annonciation.

THEATINI, à Joanne Petro Caraffa Ep. Theatino, qui postea Paulus 4. Pontifex Maximus, & sociis tribus, instituti anno 1524. sub nomine Clericorum Regularium, vulgaribus votis hoc peculiare institutum adjecerunt, non tantum ne quid possideant, verum etiam ne mendicando vitam sustentent, sed ultro collatis elemosynis alantur.

Les Theatins.

CAPUCINI à Capurio acuminato dicti, Matthæum Bassium Umbrium, Minoritam Observantem, qui apud montem Falconium in Piceno anno 1525. divino monitu, cum habitum unâ cum strictissima Regulæ sancti Francisci observatione suscepisse dicitur, licet postea illam Caputi formam abjecerit. Approbatus est triennio post hic Ordo à Clemente 7.

Les Capucins.

SOMASCHI, de loci nomine, Mediolanum inter & Bergomum, appellantur Clerici Regulares anno 1531. ab Hieronymo Emiliano Senatore Venero instituti ad Orphanos educandos, qui prius Clerici Regulares sancti Majoli de Papia vocabantur, à loco ubi primum fuit ejus Congregationis Collegium. Congregationem Paulus 3. anno 1540. confirmavit, Pius 5. facultatem concessit profrendi tria vota Regularia.

Les Somasques.

RECOLLECTI, Congregationem constituunt Minorum sancti Francisci Strictioris Observantiæ, distinctam à Reformatis aliis eamdem Regulam Observantibus, ut qui eam secundum litteram, ut loquuntur, & juxta Nicolai 3. & Clementis 5. declarationes, certis regiminis Constitutionibus adjectis, servare satagant. Approbationem à Clemente 7. meritiere anno 1532.

Les Recollets.

SANCTI PAULI DECOLLATI Congregatio Clericorum Regularium, à Jacobo Antonio Morigia, & aliis duobus Mediolani, auctore Seraphino Firmano, instituta est, arque à Clemente 7. anno 1533. approbata. Hi publicis sancti Pauli Lectionibus bene vivendi normam edocendos, atque ad Pœnitentiam adhortandos fideles susceperunt: atque à S. Barnabæ apud Mediolanum Basilica, quæ primum ad officia sua peragenda ipsis concessa, *Barnabita* dicti sunt.

Les Barnabites de S. Paul.

*Les Pères de la
Société de Jésus, ou
Jésuites.*

PATRES SOCIETATIS JESU, qui vulgo *Jesuitæ*, ortum debent Ignatio de Loyola nobili Cantabro, ejusque sociis sex, qui cum Patris operam literis darent, anno 1534. votum ineunda inter se religiosæ Societatis apud Montem-Martyrum emisere: cujus summa, ad prædicationem Verbi Dei apud Infideles, Pontificis arbitrio, suscipiendam, eive operam suam in aliis religionis operibus addicendam pertinebat, speciali in id obedientiæ voto cæteris demum addito. Pueris quoque & rudi populo Christianis moribus imbuendis incumbunt: Domus eorum qui postremum votum post diuturnam in Ordine probationem professi sunt, teditibus carent. Institutum Paulus 3. an. 1540. scripto firmavit.

*Les Carmes Descal-
chaux, & les Car-
melites.*

CARMELITÆ DISCALCEATI operâ sanctæ Tereziæ de JESU. Nobilis Virginis Hispanæ, auctore Antonio Heredio apud Durvellum juxta Abulam prodierunt, ubi pascua Ordinis ac disciplinæ asperitas restituit cæpit circa annum 1568.

*Pères de la Doctri-
ne Chrétienne.*

DOCTRINE CHRISTIANÆ sodalitates institui cæpere sub annum 1571. Constitutione Pii 5. ut pueri aliquæ divinæ legis ignari, sacrâ doctrinâ erudirentur. Hinc nata Congregatio Clericorum cui à Doctrina Christiana nomen; & quam Paulus 5. an. 1616. certis legibus cum Somascha unitam voluit.

*Freres de la Cha-
rité, ou du Jean de
Dieu.*

Congregatio fratrum JOANNIS A DEO, à B. Joanne homine Lusitano an. 1538. initium Gitanæ habuerat: sed non nisi anno 1572. confirmata est. Ea in curandis pauperibus infirmis versatur, diciturque apud Italos *Ordo fate ben fratelli*: in Gallia nomen habet à *Charitate*. Paulus 5. Congregationem Italicam, nosocomia Galliarum, Germaniarum, & Poloniæ complectentem, substantialibus tribus votis addito quarto de curandis infirmis, in cæterum verè Regulatam erexit.

Pères de l'Oratoire.

Congregatio ORATORII anno 1575. à Philippo Netio Presbytero Florentino Romæ in Ecclesia parochiali B. Mariæ Vallicellæ, annuente Gregorio 13. instituta est ex Presbyteris & Clericis secularibus. Constitutiones ejus confirmavit anno 1612. Paulus 5. idem anno sequenti, petente Maria Medicæ Regina, cum Henrico Gondio Episcopo Patisiensi, Congregationem piorum Sacerdotum, per GALLIAM sub nomine *Oratorii JESU CHRISTI Domini nostri*, probavit: ut scilicet perfectionis Sacerdotalis studio speciatim incumbere, ejusque instituti munia jussu Ordinariorum suscipere. Eorum autem institutor primusque generalis Pæpofitus fuit Petrus Berulla Parisinus, postea Cardinalis.

*Les Feuillans, &
les Feuillantines.*

FULIENSIS, seu Congregatio B. Mariæ Fulienfis, anno 1577. cæpere auctore Joanne Barretia Abbate Monasterii ejus nominis in Diocesi olim Tolosana, nunc Rivenfis, Ordinis Cisterciensis; qui ad veterem sancti Benedicti, & sancti Bernardi disciplinam Monachos reduxit, per Carnis, imò & initio vini quoque abstinentiam, aliæque ejusmodi instituta. Sixtus 5. anno 1586. eam comprobavit, Clemens 8. & Paulus 5. Abbatibus Cisterciensis subjectioni exemerunt.

*Religieux des Saints
Enfants en Occident.*

SANCTI BASILII Ordo in Italia, Sicilia, Hispaniaque restauratus est à Gregorio 13. an. 1579. ejus Monasteriis sub Abbate in unam Congregationem redactis.

CLERICI MINORES, sive Congregatio Presbyterorum, & Clericorum Regularium Minorum, autore Augustino Adorno Genuensis Presbytero, ejusque sociis, sub tribus religiosæ vitæ substantialibus votis ab eodem Sixto 5. confirmata est anno 1388.

Les Clercs Mineurs.

FRATRES REFORMATI DISCALCEATI Ordinis SANCTI AUGUSTINI à Clemente 8. sub annum 1595. constitutâ Congregatione, probati sunt.

Les Augustins Descalx.

DISCALCEATE Ordinis SS. TRINITATIS de Redemptione Captivorum, primitivam ejus Ordinis Regulam professi, Congregationem quoque constituerunt, quæ à Clemente 8. est confirmata.

Les Trinitaires Descalx.

PRÆDicatorum seu Dominicanorum REFORMATORUM Congregatio, à Joanne Michaëlis, in Gallix Provincia Aquisinchoata, sejuncta est à cæteris ejusdem Ordinis Cœnobiis auctoritate Pauli 5. anno 1608. eique præfectus à Generali Dominicanorum Præposito idem Michaëlis.

Les Jacobins Reformez.

Ordo Monialium VISITATIONIS B. Mariæ, sic dictus à munere infirmos & egenos visitandi, quo ob reverentiam mysterii B. virginis Elisabetham visitantis, initio fungebantur pæ quædam femina, cum Joanna Franciscæ Premiora earum anresignana; autorem habet S. Franciscum Salesium Episcopum Genevensem, qui Anesiaci suam ipsis vitam Normam præscripsit, sub annum 1610. Hodie Cœnobiis suis clausæ, infirmas ac debiles puellas tenentur admittere, ideoque ab aliorum Ordinum profitentia regula arcenrur.

Religieuses de la Visitation.

URSULINÆ, sive Ordo virginum & viduarum sub B. Ursulæ Patrocinio, & sancti Augustini regula, Parisiis prodire circa 1611. curante nobili viduâ Mariæ l'Huillier domina de sainte Beuve, quo anno à Paulo 5. comprobatur est earum institutum, utpote ad puellas literis, ac bonis moribus erudiendas comparatum: quemadmodum & Congregatio Sanctæ Mariæ paucis antè annis à nobili viduâ de Lestonaco Burdigalæ introducta.

Les Ursulines, ou Religieuses de sainte Ursule.

B. Mariæ DE CALVARIÆ & sanctæ Scholasticæ Congregatio Monialium Ordinis Benedictini primæ Regulæ, ab Antonia Aurelianensi, Ludovici Ducis Longovillani filia, quæ cum clam suis in Folienarum Cœnobium Tolosæ nuper institutum concessisset, posteaque Fontis-Ebraldi Monasterio à Paulo 5. præposita fuisset, hujus Congregationis Monasterium apud Pictavos erexit, ubi & diem tandem suum obiit anno 1618.

Religieuses des Calvaires.

Operæ pretium nunc videtur horum Ordinum, & Congregationum syllabam adjicere per classes Regularum sub quibus quæque Domino militant. De his qui plura vult, is Prosperum Stellarium, & Aubertum Miræum, inter cæteros consulere poterit: Singulorum habitum externum sive religiosum schema, cum cujusque militiæ insignibus, suppeditabit Odoardi Fialetti Italicum ea de re opusculum, Parisiis an. 1558. editum, & Gallicè vetsum. De variis Monachorum Regulis accuratè scripsit Hugo Menardus Ordinis Benedictini, à sancti Mauri Congregatione.

ORDINES ET CONGREGATIONES Hominum Religiosorum,

MILITANTIUM.

I. SUB REGULA SANCTI BASILII.

PRÆTER Græcos Monachos, qui *Calabrieri* vocantur, **BASILIANI** Sancti Salvatoris Mellanenſis, in Sicilia, Calabria, Hispania; translati in Occidentem circa an. Christi 1057. Græco sermone ac ritu Divina celebrantes.

Basiliani alii ritus Latini, per Germaniam.

CARMELITÆ, sive Fratres B. Mariæ de Monte Carmelo. Tum Viri, triplicis generis.

Calceati, sive *Majores*, qui instituti dicuntur anno 1205.

Mitigati, anno 1432.

Discalceati, seu *Nudipedes* } Ex reformatione B. Theresiæ an. 1562.

tum *Feminarum*

Carmelitana

Addi potest *Sanctæ Brigitiæ* Ordo *Feminarum* & *Virorum*, cujus Regula ex *Basilii* & *Augustini* Statutis mixta videtur, in Suecia, anno 1365.

II. SUB REGULA SANCTI AUGUSTINI.

Partim Canonici Regulares, partim Monachi sive Eremitæ.

CANONICI ET CLERICI REGULARES.

Lateranensis Congregatio, in Italia instituta, anno 1063, Cui adjunctæ aliz postea Sodalitates.

Sancti Antonii Viennensis Ordo, in Gallia, anno 1095.

Sancti Rufi Ordo item in Gallia, anno 1107.

Sancti Victoris Congr. etiam in Gallia, anno 1113.

Pramonstratensis Ordo itidem in Gallia, anno 1120.

Sancti Sepulchri Ordo in Italia, anno 1163.

Sancti Spiritus Ordo in Gallia & Italia, anno 1198.

Vallis Scholarium Ordo in Gallia, anno 1212.

Windesheimensis Congr. in Germania, anno 1387.

Sancti Georgii de Alga Congr. apud Venetos, anno 1404.

Theatinorum Ordo in Italia, anno 1524.

Somaschi, in Italia, anno 1531.

Barnabitarum Ordo qui & *Clerici Sancti Pauli decollati*, in Italia, anno 1533.

Clericorum Minorum Congr. in Italia, anno 1588.

Sanctæ Genovefæ Congr. in Gallia, anno 1622.

MONACHI.

Augustiniani, sive *Eremita Sancti Augustini*, quorum Ordo institutus est circa annum 1215. Eique adjungitur postea plures Familiae.

Prædicatorum Ordo qui & *Dominicani* & *Jacobini*, in Italia, anno 1215.

Cruciferorum Ordo in Belgio, anno 1216.

Sancta Maria de Mercede Ordo in Hispania, anno 1218.

Jesuatorum Ordo in Italia, anno 1374.

Joannis de Deo, sive *Charitatis*, in Hispania, anno 1518.

Augustinianorum Discalceatorum Congr. in Hispania, anno 1585.

Prædicatorum Reformatorum Congr. in Gallia, circa annum 1600.

His adjici potest.

SS. Trinitatis Ordo sive *Cervi frigidi*, aut *Maturinensium*, in Gallia, anno 1197.

Tum Calceati, tum Discalceati circa annum 1600.

CANONICÆ REGULARES ET MONIALES.

Augustinianorum Ordo, in Italia, anno.....

Begghine, in Belgio circa annum 1170.

Sancta Catharina Senensis, seu *Dominicanarum* Ordo, anno 1609.

Sancta Maria Magdalena, sive *Panthenium*, in Gallia, anno 1494.

Annunciationis B. Mariae, in Gallia, anno 1498.

Sancta Ursula, in Gallia, anno 1611.

Visitationis B. Mariae, circa annum 1620.

III. SUB REGULA SANCTI BENEDICTI.

MONACHI.

Cluniacensis Ordo, in Gallia, circa annum 910.

Camaldulensis Ordo, in Italia, anno 997.

Vallis-Umbrae Ordo, in Italia, anno 1060.

Grandimontensis Ordo, in Gallia, anno 1076.

Cisterciensis Ordo, in Gallia, anno 1098.

Fontis-Ebraldi Ordo, in Gallia, circa annum 1117.

Montis Virginis Ordo, in Italia, anno 1124.

Silvestringrum Congr. in Italia, anno 1231.

Celestinorum Ordo, in Italia, anno 1273.

Montis-Olivet Congr. in Italia, circa annum 1310.

Sancta Justina de Padua, & *Cassinensis* Congr. in Italia, anno 1408.

Sancti Bernardi Congr. in Hispania, anno 1425.

Bursfeldensis Congr. in Germania, anno 1430.

B. Maria Fulviensis Congr. in Gallia, anno 1573.

Addantur & *Carthusiani*, mixtis Benedicti & Augustini Instituti utentes, in Gallia anno 1086.

MONIALES.

Benedictina.

Fontis-Ebraldi, anno 1117.

Sancti Bernardi.

Fulientina, in Gallia, circa annum 1600.

B. Maria de Calvario, & Sancta Scholastica, in Gallia, anno 1618.

IV. SUB REGULA SANCTI FRANCISCI

MONACHI.

Fratrum Minorum Ordo, qui & *Minorita*, & *Cordigeri*, & per antonomasiam Franciscani, in Italia, anno 1208. Qui primus est Ordo Sancti Francisci.

Iidem Conventuales dicuntur, & *Observantia* ex Pontificum dispensatione aliquantum remissa, de la grande Observance.

Tertiariorum Ordo, sive *Terti Ordinis*, alias *Penitentium S. Francisci*, in Italia, anno 1221.

Observantium Ordo, *Minorum Reformatorum*, sive *Strictioris Observantis*, in Italia, anno 1419.

Capucinorum Ordo, in Italia, anno 1525.

Recollectorum Congr. in Italia, anno 1532.

Adjiciantur & *Minimi*, in Italia, anno 1435.

MONIALES.

Sancta Clara, sive *Clarissa Strictiores*, in Italia, anno 1221. qui secundus est Ordo B. Francisci.

Urbanista, sive Instituti ab Urbano V. Pontif. mitigati.

Capucina.



FINIS.





